





2 vols 9/1

2m
Hefen

1150 2

SIRMOND, JACQUES, S.J., 1559-1651.


24

HINC MARI

PROFESSOR

OF THE

UNIVERSITY



HINC MARI

ARCHIEPISCOPI

REMENSIS

OPERA:

THE
HISTORY
OF
THE
HINDOOS
BY
J. H. H. H.
ARCHBISHOP
OF
CANBERRIA
1812

HINC MARI ARCHIEPISCOPI REMENSIS

OPERA

DVOS IN TOMOS DIGESTA:

Curæ & studio IACOBI SIRMONTI Societatis IESV presbyteri.

TOMVS PRIOR.



LVTETIÆ PARISIORVM,

Sumptibus { SEBASTIANI CRAMOISY, Architypo- }
graphi Regis & Reginae regentis, } via Iaco-
ET } baea, sub
GABRIELIS CRAMOISY. } Ciconiis.

M. DC. XLV.

CVM PRIVILEGIO REGIS CHRISTIANISSIMI.

BR

65

H4

1645

v. 1

TRUSTEES NA

Room

OCLC 2541957
3/29/89

Rabani Archiepiscopi Moguntini.

REVERENTISSIMO ET DESIDERANTIS-
SIMO FRATRI, ET MERITO RECTÆ FI-
DEI AC SANÆ PROFESSIONIS AB OM-
NIBVS CATHOLICIS RITE VENERANDO
HINCMARO PONTIFICI,
RABANVS SERVORVM DEI SERVVS
IN DOMINO ÆTERNAM OPTAT SALVTEM.

Lupus Abbas Ferrariensis epistola XLII.
ad Hincmarum Episcopum
Remensem.

*Non sum nescius, cum tantis diuinæ gratiæ
muneribus abundetis, ultro vos cogitare apud
Principem iuuandi bonos facultatem diuinitus
accepisse, ut quod in se non habent, in vobis pos-
sideant, & remunerandæ vestræ industriæ mate-
riam præbeant. Nobilitatem vestræ generositatis
ornat eruditio salutaris, altitudinem officij com-
mendat religio professionis. Hæc vestræ celsitudi-
ni non arrogantia vitio, sed amicitia studio scri-
psi: ut quoniam in vobis & nobilitas & sapientia
conuenerunt, quantum hæc societas valeat etiam
nolentibus emineat, qui ipsa quoque lumina Ec-
clesiæ obscurare contendunt.*



LECTORI.

HINC MARI Remensis Opera, Lector, duobus his Tomis complexi sumus. non sanè omnia. hoc enim spondere sibi aut sperare quis audeat? Sed ea prorsus, quæ vel iam edita, vel in occulto adhuc latentia inuestigare & assequi licuit. Dum plura, cùm Deus volet, se offerant, non ingrati hanc tibi aliisq̃ue, quos tanti viri lucubrationes delectant, tot eius librorum accessionem futuram confido. Erunt etiam qui nobilem illam aduersus Prædestinatianos dissertationem, quæ nunc primùm exoritur, opportunam hoc tempore ad eosdem refellendos aptissimamque arbitrentur. Quamquam in operibus Hincmari nullum est, quod vtilitate sua careat, & in quo præstans auctoris iudicium cum scientiæ copia non eluceat. In his porrò digerendis concinnandisque, quia seriem temporum, quam spectabamus, vt vbique teneremus res passa non est, Synopsim tibi chronicam subsidio comparauimus, quæ ab Hincmari vsque ordinatione ad vitæ finem deducta, de singulis ferè admonet, quas ad res, quæve ad tempora referri præcipuè debeant. Fruere, Lector, & vale.

SYNOPSIS CHRONICA AD INTELLIGENTIAM

utriusque Tomi accommodata.

ANNO
CHRISTI.

844.

HINC MARVS decennio post depositionem Ebonis Remorum Archiepiscopus ordinatur in Synodo Beluacensi, CAROLO caluo rege, Sergio Pontifice. *Tom. II. epist. XIX. pag. 272.*

847. Sergio Papa VI. Kalendas Februar. defuncto, Leo IV. in eius locum eligitur.

848. Synodus Moguntina Rabani Archiep. in qua Gothescalcus monachus de prædestinatione Dei

prauè sentiens damnatus est, & ad Hincmarum Metropolitanum suum transmissus. *Tom. I. pag. 20. Tom. II. pag. 262.*

Synodus apud Carisiacum palatium, in qua Gothescalcus iterum damnatus, presbyteri gradu est deiectus, atque in ergastulum retrusus in Altouillari monasterio, & Capitula quatuor Gothescalci capitulis opposita sunt constituta. *Tom. I. pag. 20. & cap. XVI. ac deinceps.*

† iiij

851. Ebo Remorum quondam Episcopus moritur XIII. Kalend. Aprilis. *Tom. II. pag. 313.*
852. Hincmari Capitula parochiæ Remensis presbyteris Kalend. Nouembris data. *Tom. I. p. 710. 716*
853. Concilium Sueffionense quinque prouinciarum, in quo actum est de Wlfado, aliisque clericis ab Ebone post depositionem ordinatis, & de legitima Hincmari successoris eius electione. *Tom. II. pag. 282. & 306.*
- Æneæ Parisiensis Episcopi ordinatio, cuius occasione à Prudentio Tricassino scripta est epistola, de qua Hincmarus in præfatione sua sub finem, & cap. v. De prædest. *Tom. I. p. 26*
855. Synodus Valentina trium prouinciarum, cuius primi canones Carisiacensibus Hincmari capitulis reprehendendo aduersantur. *In epistola ad Carolum regem initio Tomi I.*
- Leo IV. Papam moritur mense Augusto, ei que succedit Benedictus III.
856. Iudith Caroli regis filia, Edilulfo Anglorum regi desponsata, Kalendis Octobr. ab Hincmaro coronatur apud Vermeriam. *Tom. I. pag. 750.*
- Hincmarus de prædestinatione Dei & de libero arbitrio contra reprehensores suos, maximèque contra Gothescalcum & Ratramnum, tres libros scribit ad Carolum regem. Cuius operis sola restat, de qua dictum est, præfationis epistola initio Tomi I.
857. Hincmari Capitula anno Episcopatus duodecimo superioribus capitulis adiecta. *Tom. I. p. 730.*
- Hincmari Collectio ex sacris scripturis & orthodoxorum dictis, Quod vna & non trina dicenda sit Deitas, contra Gothescalcum. *Tom. I. pag. 415.*
- Benedicto Papæ defuncto substituitur Nicolaus. 858.
- Ludouico Germaniæ regi, cum Caroli fratris regnum inuaderet, admonitionem scribunt Episcopi duarum prouinciarum. *Tom. II. pag. 126.*
- Proficiscente cum exercitu Carolo, ut Ludouici fratris impetum retunderet, Hincmarus de coercendis militum rapinis litteras ad eum mittit, & ad clericos palatii. *Epist. v. VI. VII. Tom. II. pag. 142. &c.* 859.
- Synodus Lingonensis, in qua Synodi Valentini decreta confirmata sunt à Remigio Lugdunensi, & aliis Episcopis.
- Concilium Tullense duodecim prouinciarum apud Saponarias, in quo relecta sunt Capitula Lingonensia, Regique mox oblata, & Hincmaro à rege data ad respondendum. *Tom. I. pag. 2. 3.*
- Hincmarus alterum de prædestinatione insigne volumen edit contra Gothescalcum & ceteros Prædestinarios. *Tom. I. p. 1. &c.*
- Synodus Aquisgranensis duplex 860. in causa Teutbergæ vxoris Lotarii regis, in qua publicè illam pœnitentiæ addixerunt. Quo comperto Hincmarus librum scripsit, cui titulus, De diuortio Lotarii & Teutbergæ reginæ. *Tom. I. pag. 561.*
- De Ingeltrude Bosonis Comitis vxore, quæ viro relicto profugerat, consultus à Gunthario

- Hincmarus quid sentiret ad eius quæsitâ respondet. *Tom. II. epist. XXVIII. pag. 669.*
- Concilium Tullense II. prouinciarum quatuordecim apud Tusiâcum, cuius mandato Hincmarus ad Rodulfum & Frotarium Episcopos scripsit de nuptiis Stephani & filiae Regimundi. *Tom. II. pag. 647.*
862. Synodus III. Aquisgranensis, mense Aprili exeunte, in qua permissum est Lotario, ut aliud coniugium iniret. Balduinus Comes Caroli regis filiam furatur in uxorem. *Tom. II. pag. 244.*
863. Concilium Metense, in quo Waldradæ cum Lotario nuptiæ approbatæ sunt, in Concilio Romano mox damnatum, eiusque auctores Guntharius & Teutgaudus depositi. *Tom. II. pag. 261. 262.*
- Rothadum Sueffionensem Episcopum, Hincmaro instigante in Concilio Siluanectensi nuper depositum, Nicolaus Papa Romam ad instaurandum iudicium mitti iubet. *Tom. II. pag. 246. & 260.*
- Carolus rex, Nicolao Papa deprecante, filiam suam Iudith Balduino legaliter coniugio sociari permittit. *Tom. II. pag. 246.*
865. Concilium Romanum, in quo Rothadus in pristinum honorem restitutus est, & Hincmari rescissum iudicium. *Tom. II. pag. 399. 401.*
866. Concilium Sueffionense III. Nicolai Papæ iussu, pro causa Wlfadi sociorumque eius, ad eos gradibus suis restituendos conuocatum xv. Kalend. Sept.
- Ad huius Synodi Episcopos quatuor sunt Hincmari epist. XVIII. XIX. XX. & XXI. *Tom. II. pag. 265. &c. eodémque etiam pertinent XXII. p. 282. XXIII. p. 285. XXIV. p. 290. & XXV. p. 298.*
- Hirmintrudis regina Sueffione in Basilica S. Medardi ab Hincmaro, & aliis Episcopis, Carolo rege postulante coronatur. *Tom. I. pag. 752.*
- Rodulfo Episcopo mortuo Bituricensis Ecclesia Wlfado à Carolo rege committitur. *Tom. II. pag. 285.*
- Nicolaus Papa obiectiones Græcorum in Galliam mittit ut refellantur. *Tom. II. pag. 809.*
- Concilium Tricassinum sex prouinciarum, ab Episcopis qui Sueffionensi adfuerat celebratum VIII. Kalend. Nouembris. Cuius acta per Actardum Episcopum ad Nicolaum missa, sed Hadriano eius successori redita, totam Ebonis, ordinatorumque ab eo clericorum causam accuratè complexa sunt. *Tom. II. pag. 406. & 824.*
- Nicolao Papæ Idibus Decembris 868. mortuo succedit Hadrianus II.
- Carolus rex Hincmarum Laudunensem ad sæculare iudicium vocat, eumque proscribit. *Tom. II. epist. XXIX. pag. 316. 317.*
- Concilium apud Vermeriam VIII. 869. Kalend. Maias, in quo primum accusatus Hincmarus Laudunensis sedem Apostolicam appellauit. *Tom. II. p. 351. 604. 605.*
- Hincmarus Laudunensis duplicè pro defensione sua veterum decretalium Collectionem contexit. Monstruosum primò librum, cui subscripsit ipse, & à

- suis subscribi iussit. *Tom. II. p. 526. 599.* deinde alterum versiculis prænotatum, qui Hincmaro apud Gundulfi villam per Wenilonem Archiepiscopum redditus est, exstatque *Tomo II. pag. 355. & deinceps.* Vtriusque mentio est in epistola *xx xv. pag. 599. & 600.*
- Lotario rege *vi. Idus Augustas* in Italia defuncto, Carolus rex illius regnum obtinet, Metisque ab Hincmaro coronatur *v. Id. Septemb. Tom. I. pag. 741. & c.*
870. Concilium apud Attiniacum decem prouinciarum mense Maio, in quo Hincmarus Laudunensis iterum accusatus, tres iudices elegit, professionemque suam Regi & Metropolitano suo dedit, post fugam lapsus ad sedem proclamauit Apostolicam. Actum etiam in eodem de rebellionem Karlomanni regis filij. *Tom. II. p. 350. 604. 644.* Eodemque anno, sed ante Concilium scripta epistola *xxx. pag. 334. & epist. xxxi. pag. 359.*
- Hincmari volumen *lv. capitum* Hincmaro nepoti apud Attiniacum oblatum. in quo duabus eius Collectionibus, aliisque scriptis omnibus respondet. *Tom. II. epist. xxxiii. p. 377. & pag. 600.* Ad hæc etiam tempora pertinet epistolæ *xxxiv. xxxv. xxxvi. & quæ his interposita est prolixa Hincmari nepotis epistola. pag. 608. & seqq. itemque epistola xli. & xlii. pag. 689. & c.*
871. Karlomanni complices ab Hincmaro, nisi intra *v. Idus Martias* se correxerint, excommu-
- nicati. *Tom. II. pag. 353.*
- Synodus Duziacensis mense Augusto, in qua Hincmarus Laudunensis ab officio remotus est. acta Romam per Actardum missa.
- Actardus Namnetensis Episcopus ad Turonensem Ecclesiam translatus. *Tom. II. pag. 741.*
- Hadriano Papæ mortuo succedit Ioannes VIII. *xix. Kalendas Ianuarias.*
- Concilium Siluanectense, in quo 873. Karlomannus Caroli regis filius clericus Diaconus gradu deiectus, laicæque communioni est redditus.
- Hincmari de Hunoldi presbyteri purgatione epist. *To. II. p. 819.*
- Hincmari Capitula in Synodo 874. Remis edita mense Iulio. *Tom. I. pag. 732.*
- Carolo rege Romam profecto 875. Ludouicus frater regnum eius iterum inuadit. *Tom. II. pag. 157. & 834.*
- Ludouico Imp. mortuo Carolus Romæ Imperator à Ioanne Papa exeunte anno coronatur.
- Hildeboldus Sueffionensis Episcopus morti proximus breuiculum confessionis suæ ad Hincmarum mittit, ab eoque absoluitur. *Tom. II. pag. 686.*
- Ioannes vices suas in Gallia & Germania delegat Ansegiso Senonensi *iv. Nonas Ianuar. Tom. II. epist. xliv. pag. 719.*
- Concilium Pontigonense mense Iunio, in quo lecta est Ioannis Papæ epistola de primatu Ansegisi, & iuramentum ab Hincmaro exactum, de quo *Tom. II. pag. 834.*
- Frotarius Burdigalensis propter

- paganorum deuastationem transfertur ad Ecclesiam Bituricensem v. Kalend. Nouemb. Hincmarus de villa Nouilliaco scribit. *Tom. II. pag. 832.*
877. Capitula ab Hincmaro data Gunthario & Odelhardo Archidiaconibus presbyteris. *To. I. p. 738.*
- Carolus Imperator ad Ioannem Papam scribit de iudiciis & appellationibus Episcoporum & presbyterorum. *Tom. II. p. 768.*
- LUDOVICVS Balbus Carolo patri mortuo succedit, & ab Hincmaro apud Compendium coronatur vi. Idus Decembr. *Tom. I. pag. 747.*
- Hincmarus petenti Ludouico regi Epistolam mittit de recta regni administratione. *Tom. II. pag. 179.*
- Hoc etiam tempore scripta epistola XLVI. Quid exequi debeat Episcopus. *Tom. II. pag. 762.* & epistola L. de visione Bernoldi. *pag. 811.*
878. Concilium Tricassinum Ioannis VIII. in quo reclamauit Hincmarus Laudunensis aduersus Remensem, & alios.
879. Ludouicus rex Compendij mortuus die Parasceues iv. Idus Aprilis. Succedunt filij Ludouicus & Carlomannus, quos Ansegisus apud Ferrarias coronauit.
- Hincmarus ex Synodo Remensi
- x. Kalendas Maias binas epistolas scribit de Godbaldi presbyteri depositione, & de Fulcheri & Hardoifæ ob incestas nuptias excommunicatione. *Tom. II. pag. 821.*
- Ludouicus & Carlomannus regnum inter se apud Ambianos diuidunt, ita ut Ludouicus Franciam & Neustriam obtineret, Carlomannus Aquitaniam & Burgundiam. 880.
- Carolus crassus Romæ die Natalis Christi Imperator ab Ioanne Papa coronatur.
- Synodus apud S. Macram iv. Nonas Aprilis. Scribunt huius Synodi Episcopi Ludouico Regi pro libera electione in Ecclesia Beluacensi. *Tom. II. epist. XII. pag. 188.* Scribit & Hincmarus priuatam ad eundem regem epistolam XIII. De Odacro inuasore eiusdem Ecclesiæ. Quod etiam referenda est epistola LII. Odacri excommunicationem continens. *pag. 811.*
- Ludouicus rex mense Augusto 882. moritur apud S. Dionysium. Hincmarus pro institutione Carlomanni regis epistolam xiv. scribit ad proceres regni. *Tom. II. pag. 201.* & xv. ad Episcopos regni. *pag. 216.*
- Decessit Hincmarus x. Kalendas Ianuarias.



INDEX EORVM QUÆ IN PRIORE
hoc Tomo continentur.

*Hincmari epistola ad Carolum regem, quam priori trium librorum contra Prædestin-
tianos Operi præfixerat.* 21j.
Prefatio subsequenti Operis posterioris. c.

*Hincmari posterior de prædestinatione Dei & libero arbitrio dis-
sertatio contra Gothescalcum & ceteros Prædestinianos.*
pag. i.

*Eiusdem contra Gothescalcum eundem Collectio ex sanctis scri-
pturis & orthodoxorum dictis, de una & non trina Dei-
tate, sancta videlicet & inseparabilis Trinitatis unitate.*
415.

Index Capitum Operis sequenti. 557.

Hincmari, De diuortio Lotarij regis, & regina Tetberga. 561.

*Eiusdem Capitula parochiæ Remensis presbyteris data anno
DCCCLII.* 701.

*Quibus de rebus magistri & decani per singulas Ecclesias
inquirere, & Episcopo renuntiare debeant.* 716.

Capitula anno XII. Episcopatus superaddita. 730.

Capitula in Synodo data presbyteris anno DCCCLXXIV. 732.

*Capitula Archidiaconibus presbyteris data anno DCCC-
LXXVII.* 738.

Coronationes regis per Hincmarum factæ.

Caroli calui, in regno Lotarij regis. 741.

Ludouici Balbi, quando Carolo patri successit. 747.

Iudith Caroli filia, cum regi Anglorum desponsata est. 750.

Hirmintrudis regina, uxoris Caroli regis. 752.

*Hincmari expositio in Ferculum Salomonis versibus ab eo con-
scriptum.* 756.

HINC MARI
DE PRÆDESTINATIONE
CONTRA GOTHESCALCVM.

Flodoardus lib. III. Historiæ Remensis cap. XV.
De libris ab Hincmaro compositis.

*Composuit volumen ingens plures continens libros de Prædestina-
tione Dei & libero arbitrio, contra quosdam reprehensores suos
Episcopos, maximèque contra Gothescalcum atque Ratramnum
monachum Corbeiensem, ad Carolum Regem.*

Idem ibidem cap. XVI.

*Item aliud edidit volumen insigne ad eundem Regem, contra præ-
fatum Gothescalcum, & ceteros Prædestinatianos.*

LECTORI

De priore Hincmari opere contra Prædestinianos.

DVPLEX fuit Hincmari aduersus Prædestinianos lucubratio. Vna tres libros continens, pro defensione Carisiacensium eius Capitulorum contra Gothescalcum, quæ Lugdunenses scriptis suis impugnant. Altera non libris distincta, sed capitibus octo & triginta, cum Lugdunenses iterum aduersus Hincmarum insurgerent. Atque hæc posterior illa est Dissertatio, quam in hoc volumine integram repræsentamus ex Codice sancti Remigi Remensis, vel Hincmari potius, à quo librum Monasterio illi datum docet inscriptio. Prioris autem operis sola, quod sciam, apud Flodoardum restat Epistola seu Præfatio ad Carolum regem, quam ad iacturæ solatium hoc loco exhiberi visum est operæ pretium.

HINCMARI EPISTOLA AD CAROLVM REGEM
priori eius contra Prædestinianos Operi præfixa.

DOMINO GLORIOSO REGI CAROLO

Hincmarus nomine non merito Remorum Episcopus ac plebis Dei famulus, unà cum Collegis domnis & fratribus meis venerandis Episcopis, oratoribus scilicet salutis atque prosperitatis vestræ deuotis.

DEo gratias agimus, qui cor vestrum ad amorem suum accendit, & ad cognitionem veritatis & orthodoxæ fidei scientiam & diligentiam igniuit: prudentiam quoque & intelligentiam vobis in litteris diuinitus inspiratis donauit, & in earum meditatione atque exercitatione, quantum vobis pro rei publicæ negotiis licet, studium vestræ deuotionis quotidiano augmento ad vtilitatem sanctæ suæ Ecclesiæ prouehit. Ceterum capitula synodalia venerabilium confacerdotum nostrorum, trium scilicet prouinciarum, sicut ibidem continetur, & inferius scriptum inuenietur, vobis delata, quæ nostræ humilitati iuxta scripturam præcipientem, *Interroga sacerdotes legem meam*, quia & fidei legem esse legimus, præcedentium regum more, ob studium cognoscendæ veritatis, legenda & ventilanda dedistis, reuoluimus. In quibus nos, licet nomina nostra sint tacita, designatione tamen effectus velut non catholicos reprehensos, & sine fraternitatis respectu despectos reperimus. Capitula quoque, quæ ob notam vobis & infra innotescendam necessitatem, ex catholicorum patrum sensibus & verbis excerpimus, velut inutilia, immo noxia, repulsa & abominata inuenimus. Quæ capitula, sicut à nobis excerpta sunt, suis scriptis inserere noluerunt, ne ab illis legerentur, in quorum manus illorum capitula deuenirent: sed quæ

HINC MARI EPISTOLA

Hier. l. 10.

dam de his, quæ in capitulis à nobis excerptis habentur, alio sensu & aliis verbis tetigerunt, ut abominanda illa monstrarent: quædam autem suppresserunt, & taliter inde memoriam habuerunt, quasi nos contra sanctorum patrum sensa in Africana & Arausica synodo senserimus. De quodam autem capitulo, id est, quod omnes homines vult Deus saluos fieri licet non omnes saluentur, funditus tacuerunt, sicut postmodum signantiùs demonstrabimus; cum Dominus dicat, *Ecce constitui te super gentes & regna, ut euellas & destruas, & disperdas, & dissipes, & ædifices, & plantes.* Priùs enim, si de conscientia rectæ intelligentiæ fuere confisi, ponentes ea quæ destruere nitebantur, sicut illa cum integritate sua acceperant, in quibus euellenda & dissipanda erant legentibus demonstrare, & tunc illis per auctoritatem destructis atque dispersis, sua rationabiliter & ordinabiliter plantare debuerant, ac in sublime ædificantes extollere. De quodam etiam Capitulo, quasi ludificatio aliqua in sacris mysteriis esse possit, ita scripserunt, ut legentes hoc à nobis dictum fuisse intelligere possint, de quo nihil à nobis est memoratum: & quare nihil à nobis inde sit dictum, & in cuius scriptis à nobis, postea quàm illa Capitula scripsimus, sit inuentum, suo loco dicemus. Inseruerunt etiam in eisdem suis scriptis de quibusdam sexdecim Capitulis, quasi nobis debeant imputari: de quibus nihil audiuius, vel vidimus, antequam venerabilis Ebo Gratianopolitanus Episcopus vobis ea, quasi à bonæ memoriæ fratre vestro Lothario transmissa, apud Vermeriam palatium detulit. Quorum Capitulorum auctorem nec ibi annotatum inuenimus, nec cum multum quæsierimus, inuenire valuimus. Vnde putauimus quia alicuius inuidia ad cuiusquam opinionem infamandam fuerint compilata, sicut sæpe legimus. Ut de multis pauca commemoremus, veluti Epistola capitulorum extitit, quam venerabilis Ibas Episcopus suam esse in synodo denegauit: & sicut quidam æmuli de verbis beati Augustini adhuc in sua vita fecerunt, quæ ille argutè & catholicè repulit, quantum ad illius notitiam exinde peruenit. Post eius etiam obitum, quidam inuidi capitulatim de ipsius scriptis, ex his etiam vnde nunc agitur, colligere curauerunt, ut illius doctrinam orthodoxam atque vrilimam ob personæ illius inuidiam vilifacere prævalerent, & lectores deuotos ab illius dilectione ac lectione & necessaria credulitate auerteret. Quæ videlicet æmulorum mendacia, ex delegatione sanctæ sedis Romanæ per Cælestinum Papam, sanctus Prosper catholico & prudenti stylo falsa esse & imprudenter obiecta ostendit, & memorati ac memorandi viri doctrinam orthodoxam esse lucidissimè demonstrauit. Vnde & fieri potest, ut ista Capitula, quæ vobis ex nomine confratrum nostrorum ab aliis quàm ab illis delata vel transmissa sunt, taliter in suggillatione nostra conscripta non fuerint, sed instigante diabolo, inter cetera mala quæ nunc in hoc mundo crebescunt, ad immittendam inter Domini sacer-

AD CAROLVM REGEM.

dotes discordiam sint confecta. qui caritatem vehementer in nobis & timet & inuidet, cum videt illam à nobis seruari hominibus terrenis in terra, quam ille seruare nolens Angelicus spiritus amisit in cœlo. Quomodo enim fieri posset, vt sic fratres nostri nos succensoriè cum adnihilationis despectu iudicarent, qui regulam Dominicam, qualiter confratrem quisque admonere debeat, continuè præ oculis & in vsu quotidie habeant? Scriptum enim esse cognoscunt: *Prusquam interrogas, ne vituperes quemquam, & cum interrogaueris, corripe iuste.* Sanctus enim Augustinus hæreticorum & reprehensorum suorum scripta, si in eis quiddam bene dictum inuenit, benignissimè acceptauit, & plura ad rectos sensus interpretari elaborauit, nulla autem de recto sensu ad prauum inclinare tentauit. Et quomodo fratres nostri talia agerent, antequam nos secundum Euangelicam regulam vel viua voce, vel scriptis suis inde interrogarent, vt vel volentes discere docerent, vel prauum sentientes, & ad tramitem veritatis & fidei redire contemnentes, fraternè & sapius commonerent, & auctoritatis diuinæ & sanctorum patrum scripta nobis proponerent, & vt in vnum conueniremus nos cum mansuetudine & lenitate inuitarent, scientes quia Episcopus ideo ad synodum confacerdotum debet venire, vt aut discat aut doceat? Litteras namque quorundam eorum quidam nostrum benignas & fraternas suscepimus, nostrasque illis remisimus, & nihil tale de eorum parte perspeximus, audiuiamus, intelleximus, sensimus, vel percipere præualuimus. Si autem talia scripserunt, si fortè illi scripserunt, vt suam sapientiam de nostra insipientia demonstrarent, & plus de iactantia laudis appetitum quærent, quàm bona nostra & bene à nobis dicta, si forent, per caritatem sua facerent: si etiam secus à nobis dicta inuenerunt, plus illa publicare, quàm nos fraternè corrigere maluerunt: miramur de tantis & talibus viris, Archiepiscopis & Episcoporum primoribus. maximè autem de Ebone, qui religiosus est, vt audiuiamus. quippe sicut ab ipsis pænè cunabulis sub religione & habitu regulari nutritus in Remensis Ecclesiæ monasterio, vbi requiescit sanctus Remigius. In quo loco religioso suam exegit ætatem, quousque à domino Ebone auunculo suo, tunc Remorum Archiepiscopo, ibidem diaconus consecratus, & Abbas monachorum ad regularem ordinem tenendum & gubernandum constitutione Episcopali est ordinatus. Quemque ita humilitatis tenore nutritum, & humilitatis locum appetere & tenere velle didicimus, vt illi & omnibus scriptum est, *Si spiritus potestatem habentis ascenderit super te, locum tuum ne dimiseris.* Spiritus enim potestatem habentis spiritus est superbiæ, locus autem noster est humilitas, quam à se verè locus munitus & turris fortitudinis nos discere iubet, *Discite à me,* inquit, *quia mitis sum & humilis corde.* quàmque pro loco tuto contra elationis ac iactantiæ spiritum, præfatum religiosum virum obnixè tenere velle audiuiamus,

Eccli. 11. 7.

Eccl. 10. 4.

Matt. 23. 12.

HINC MARI EPISTOLA

& pro certo credimus, & idcirco discredimus ista Capitula ab eo confecta: quia prætermiſſis aliorum confacerdotum nominibus, ſolius Ebonis nomen cum Archiepiſcopis eſt ibidem iactanter, vt quibuſdam videtur, expreſſum. & quòd quàm maximè in hoc ipſe collaborauerit. quaſi è regione ſit ſenſum, vt etiam cum Archiepiſcopis maior ceteris & doctior in ſententia fuerit. Hoc enim de ſancto Auguſtino, qui in Conciliis Africanis ſcientia & labore ac vigilantia maior extitit, nequaquam inuenimus. Nam & ipſe ſanctus Auguſtinus non ſolùm ſe ceteris Coepiſcopis priuatam gloriam quærens non prætulit, nec præferri permiſit: verùm ſe aliis ſuppoſuit, cum ipſe plus aliis laborauerit, ſicut in epiſtolis ad ſanctum Innocentium Papam ſcriptis, & ad alios Apoſtolice ſedis Præſules, qui legere voluerit inuenire valebit. Nec de vlllo Epiſcoporum in vllis Conciliis taliter legimus: niſi fortè Apoſtolice litteræ propter euidentem cauſam aliquem Coepiſcoporum ad hoc negotium cum Archiepiſcopo ſuo ex nomine designari decreuerint, ſicut de Auguſtodunenſi Epiſcopo in epiſtolis beati Gregorij legimus. quanto magis iſte religioſus & vir cautus in huiuſmodi ſe efferre noluiſſet, aut præferri deſpectis ac prætermiſſis ceteris Coepiſcopis permiſiſſet? Huc accedit, quia fratres noſtri & confacerdotes ſurda aure non debuiffent tranſire Salomonis dictum commonitorium, ſi ex nobis aut auditu aut ſcripto quiddam ſiniſtri ſecretò accepiſſent, vt præproperè illud in publicum, quacumque mobilitate noſtra moti, vnde non ſumus conſcij, ad contentiones & iurgia propalarent. Ait enim:

Prou. 25. 8. *Quæ viderunt oculi tui ne proſeras in iurgio cito, ne poſtea emendare non poſſis, cum dehoneſtaueris amicum tuum.* Scimus tamen quia ſunt nonnulli, qui dum plus ſapere quàm oportet ſapere ſtudent, à proximorum pace reſiliunt, dum eos velut hebetes ſtultosque contemnunt.

Marc. 9. 49. Vnde per ſe veritas admonet dicens, *Habete in vobis ſal, & pacem habete inter vos.* vt quiſquis habere ſal ſapientie ſtudet, curet neceſſe eſt, quatinus à pace concordie nunquam recedat. Vnde terribiliter Paulus admonet dicens, *Pacem ſequimini cum omnibus, & ſanctimoniam, ſine qua nemo videbit Deum.* Præcipuè autem nos eam ſeruare & perſequi, id eſt perfectè ſequi debemus, qui Deo quotidie ſacrificare debemus, & veritate conteſtante ſpecialiter quaſi præcipimur, vt ſi offeramus munus noſtrum ad altare, & ibi recordati fuerimus, quia frater noſter

Mat. 23. 23. *habet aliquid aduerſum nos, relinquamus ibi munus noſtrum ante altare, & eamus priùs recõciliari fratri noſtro, & tunc venientes offeramus munus noſtrum.* Ecce ductor & doctor noſter à diſcordantibus non vult accipere ſacrificium, holocauſtum ſuſcipere recuſat. Hic ergo perpendendum eſt, quantum ſit malum diſcordie, propter quod & illud non admittitur, per quod culpa laxatur. Non enim nos aduerſus fratres noſtros habemus, ſi talia contra nos ante collationem ſcripſerunt. Sed credendum eſt ſi illa ſcripſiſſent, ad nos, contra quos


AD CAROLVM REGEM.

illa scripserant, transmisissent. Nunc autem illis quomodo rescribere possumus, cum vtrum illa scripserint ignoremus? Veruntamen ne sine responso nostro vestra dominatio maneat, vobis de cuius manu illa accepimus, corde, ore, & stylo, non formidantes carpen-
tium nos derogationem, respondere curamus. Primò scilicet mit-
tentes ea quæ ab eisdem fratribus nostris in synodo conscripta
fuisse leguntur, licet hinc antè alia fuisse conscripta reperiantur.
Sed quia hæc in suggillationem nostram & contra excerpta à no-
bis capitula confecta noscuntur, ea primùm iudicauimus ponere,
quæ maioris nominis, licet non auctoritatis, quia partim non veri-
tatis, propter tamen synodalem prætitulationem dignum duximus
magnipendere. Deinde illa, quæ à pluribus & per aliorum manus
de pluribus ex his causis accepimus, propter quam necessitatem ex
catholicorum patrum, vt diximus, sensibus & verbis capitula illa
quatuor excerpere procurauimus, ea conditione, vt de singulorum
scriptis ex singulis sententiis, quæ in à nobis excerptis capitulis con-
tinentur, quædam prout necesse viderimus ponamus. Post hæc, ca-
pitula à nobis excerpta de patrum sensibus & verbis, vt illa excer-
psimus, ponere procurabimus. Et si diuinis & authenticis scripturis,
& catholicæ atque Apostolicæ Ecclesiæ, sanctæque Romanæ sedis fi-
dei, & orthodoxorum patrum sensibus, qui eidem sanctæ matri Ec-
clesiæ præfederunt, & qui ab eadem Apostolica sede Romana no-
bis in canone recipiendi dati sunt, sensum nostrum in eisdem ca-
pitulis expressum concordari demonstrare potuerimus, agere vera-
citer, humiliter, ac deuotè studebimus: quia aliorum ad stipulan-
dum nostræ catholicæ intelligentiæ sensum sententias recipere nec
proferre volumus: cum constet illud esse verum atque catholicum,
quod ipsa mater omnium Ecclesiarum, & vniuersalis Ecclesia duxerit
ad probandum. Et si qui fuerunt appellati doctores, ad probandam
fidei sinceritatem illorum sententias non recipimus, neque profe-
rimus, nisi quorum sententias ipsa catholica mater Ecclesia decre-
uit esse probabiles. Si autem & aliqui emerferunt, qui doctrinalem
cathedram tenuerunt, postquam ab eadem sancta sede canon sacra-
rum scripturarum, atque doctorum catholicorum, fidelibus cunctis
est datus, qui aliter senserunt, quàm ipsi intellexerunt atque docue-
runt, quos ipsa mater catholica suo orthodoxo sinu recepit, ample-
ctitur, atque fouet, nec debemus, nec necesse habemus, ad auctori-
tatem sententias illorum proferre, aut recipere volumus, quoniam in
istis & per istos satis ad salutem habemus. Et si qui aliter, quàm isti
maturiore & saniori documento tenendum docuerunt, dogmati-
zant aut dogmatizare præsumpserunt, totum ducimus fidei & salu-
ti aduersum, quicquid ab eorum salubri doctrina constat esse diuer-
sum. Eorum etiam sententias, qui diuina dignatione, postquam ip-
se canon à beato Gelasio conscriptus est, sensu & doctrina catholi-

HINCM. EPIST. AD CAROLVM REGEM.

ea & sanctitate conuersationis in Ecclesia floruerunt, & ab ipsorum orthodoxorum patrum, qui in eodem canone adnotati sunt, fidei quia catholica doctrina nihil dissonum, nihil diuersum scripserunt vel docuerunt, reuerentia pari amplectimur. Veluti venerabilis Bedæ presbyteri, à discipulis sancti Papæ Gregorij catholica fide imbuti, & à sancto Theodoro Archiepiscopo, vtriusque linguæ Græcæ videlicet & Latinæ perito, & à sancta Romana Ecclesia ad Anglos post discipulos beati Gregorij ad eruditionem transmissio, non mediocriter instructi, ac venerandæ memoriæ Paulini Patriarchæ Aquileiensis parochiæ, atque Alcuini viri religiosi & docti. Quorum fidem & doctrinam Apostolica sedes Romana non solum benignissimè acceptauit, verum & multis laudibus extulit, sicut in scriptis ipsius sanctæ sedis inuenimus, quæ Ecclesiæ nostræ ab eadem Ecclesiarum matre acceperunt tempore diuæ memoriæ Caroli imperatoris, quando synodus pro cognita infidelitate Felicis est habita, & ad Romanam Ecclesiam velut ad apicem Ecclesiarum transmissa. Sed & eorum scripta qui legit, quàm sint laudanda & recipienda intelligit. Denique si talium, vt diximus, sententiis concordari capitula quæ excerptimus demonstrare non potuerimus, parati sumus doctioribus & catholicis aurem accommodare, sensum subdere, & sine contentione nos doctrinæ illorum subiicere. Et quia libellum de scrinio bonæ memoriæ fratris vestri Lotharij sine nomine auctoris suscepimus, in quo singillatim per loca singula capitula à nobis excerpta sunt posita, & assensu illius, quicumque ille fuerit, reprehensa sunt & damnata, cum de catholicorum patrum dictis nostra capitula si poterimus confirmare curabimus, ipsius etiam reprehensiones ponemus, & eas, quantum Dominus dederit, confutare studebimus. Tunc demum ponemus de capitulo confratrum nostrorum quinto, vnde notam nobis quasi tacitè & è latere impeerunt, quod in Gothescalci scriptis inuenimus postquam capitula quatuor sæpe memorata excerptimus, & quid inde sentiamus Domino inspirante dicemus. Et sic tandem subiiciemus illa decem & sex capitula, pro quibus de Scotorum pultibus confratres nostri, sine culpa nostra, in hac duntaxat causa nos pascere decreuerunt, & quid de eisdem capitulis sentiamus, ex catholicorum patrum sensibus ostendemus.





HINC MARI

ARCHIEPISCOPI REMENSIS

PRÆFATIO SVBSEQUENTIS OPERIS.



OMNES in quorum manus hoc laboris nostri opusculum venerit, supplici deuotione per caritatis viscera postulamus, vt quoniam de ipsis schedulis notariorum ante emendationem, instante domino nostro rege Karolo, sub celeritate illud transcribi fecimus, & idcirco in locis plurimis eradi & emendari quædam necessitas compulit, si naçta occasione aliquis æmulus recta hinc eraserit, & fortè praua superinduxerit, aut scriptorum imperitia secùs transcripserit, alienum nobis errorem non imputent. Sed collecta hîc à nobis testimonia catholicorum inspicientes, quorum doctrinam sensu, ore, & manu, quantum dat Dominus sequimur, aut superfeminata ab inimico zizania in medio tritici euellant & colligant, aut si tantùm adhibere dignati fuerint studium, per quemcumque illis placuerit paucis literulis hæc innotescendo, de Ecclesiæ Remensis Archiuo vnde dubitauerint releuare procurent. Et cuius dignationi hæc quæ sequuntur transcribere complacuerit, hanc etiam postulationem conscribi quæsumus faciat. Quæ ideo dicimus & precamur, quoniam & olim Nestorium Constantinopolitanum, & Macarium Antiochenum Episcopum, de scripturis authenticis ac sanctorum dictis quædam interrassisse atque corrupisse prodentibus gestis comperimus. Et sicut ipsorum qui interfuerunt Concilio relatione didicimus, quando diuæ memoriæ domnus Karolus Felicem, infelicem Orgellitanæ ciuitatis Episcopum, Synodali decreto hæreticum comprobatum atque damnatum comperit, etiam reuictum inuenit quia, corrupto muneribus iuniore Bibliothecario Aquensis palatij, librum beati Hilarij rasit, & vbi scriptum erat quia in Dei filio carnis humilitas adoratur, immisit *carnis humilitas adoptatur*. Sed & sicut mox lector inueniet, sermonem Flori de prædestinatione nuperius editum non incerto indicio credimus deprauatum.

In capite indiculorum sequentis operis sermonem Flori, quem mutante Heriboldo, quondam Autissiodorensium venerabili Episcopo, in Synodali conuentu apud Bonoilum transcripsimus, & post reuersionem de tumultu Brionensi, quodam offerente clerico, ex scrinio Ebonis, sicut ipse dixerat, venerabilis Gratianopolitani Episcopi

HINC MARI

accepimus, integrum hîc ponere dignum duximus, quia & constructione & sensus veritate cautè incedit, exceptis duobus locis, in quibus eum ita dixisse non credimus, sicut in eo scripto inuenimus quem de scrinio venerabilis Ebonis accepimus, cùm in aliis sic catholicè dixerit, sicut patebit legentibus. maximè quia in eodem scripto, quem per manus præfati Heriboldi, sicut ad se à prædicto Floro transmissum accepimus, aliter inuenerimus, quàm in isto quem postea accepimus reperiamus. Qua de re immutatum ab aliquo suspicamur. Quæ loca, antequam sermonem illum scribere adoriamur, » specialiter designare curabimus. Vbi enim dicit, Sed quos præsciuit » & præuidit malos atque impios futuros proprio vitio, ipse eos præ- » destinauit ad æternam damnationem iusto iudicio, in illa rotula scriptum habetur quam de Heriboldo accepimus: Sed quia eos præ- » sciuit & præuidit malos atque impios futuros proprio vitio, præ- » destinauit ad æternam damnationem, quia ipsi punirentur iusto iudicio. Et in eo loco vbi scriptum est, Non enim ille aliquem præ- » destinauit vt malus esset, sed verè omnem malum prædestinauit vt » impunitus non esset: inuenimus in rotula, quam à prædicto Heriboldo accepimus, Sed verè prædestinauit pœnam, vt omnis malus impunitus non esset. Quod in sequentibus ipse demonstrat dicens, » Pœnam eorum & præscisse, quia Deus est, & prædestinasse, quia iustus est. Cetera catholici lectoris iudicio derelinquimus. Sed idcirco hunc sermonem ex integro ponere necessarium duximus, quia ex eo confictor in proximo subsequenti Capitulorum duo Capitula de præscientia & prædestinatione, confuso & præpostero ordine, ac sensu falsissimo, in secundo Capitulo studuit compilare, sicut qui hunc & illa legerit apertè intelliget.

Sermo Flori de Prædestinatione, sicut est de Ebonis scrinio sumptus.

OMNIPOTENS Deus, quia verissimè verus & solus Deus est, omninò in sua æterna & incommutabili scientia præsciuit omnia antequam fierent, sicut scriptura testatur, dicens, *Deus æterne, qui es absconditorum cognitor, qui nosti* Dan. 13. 42. *omnia antequam fiant.* Præsciuit ergo sine dubio & bona quæ boni erant facturi, & mala quæ mali erant gesturi: sed in bonis ipse fecit sua gratia vt boni essent, in malis verò non ipse fecit vt essent mali, quod absit, sed tantùm præsciuit eos proprio vitio tales futuros. Neque enim præscientia Dei imposuit eis necessitatem vt aliud esse non possent, sed tantùm quod illi futuri erant ex propria voluntate, ille vt Deus præuidit ex sua omnipotenti maiestate. Vnde scriptura incontaminabilem iustitiâ eius nobis insinuans, ait de illo, *Nemini mandauit impiè agere, & nemini dedit spatium peccandi.* Quòd ergo impiè agunt impij & iniqui, & spatium temporis vitæ huius, quod eis Deus dedit ad bene agendum, ipsi è contrario conuertunt ad malum exercendum, non Dei sed ipsorum est culpa, & ideo rectè damnantur ipsius iustitia. Præsciuit autem idem omnipotens Deus etiam æternam illorum damnationem, sed ex merito ipsorum, quos in propria malitia perseueraturos præuidit, non ex sua, quod absit, iniquitate, qui nihil iniuste constituit, & qui reddet vnicuique secundùm opera sua, id est & bene agentibus bona æterna, & malè agentibus mala perpetua. Ergo bonos præsci-

P R Æ F A T I O.

uit omninò, & per gratiam suam bonos futuros, & per eandem gratiam æterna præmia accepturos, id est, & in præsentis sæculo bene victuros, & in futuro feliciter remunerandos, vtrumque tamen ex dono misericordiæ Dei. Vnde Apostolus vasa misericordiæ eius appellat, dicens, *Vt ostenderet diuitias gratiæ* Rom. 9. 23. *sue in vasa misericordiæ, quæ preparauit in gloriam.* E contra autem, malos & præsciuit per propriam malitiam malos futuros, & præsciuit per suam iustitiam æterna ultione damnandos. Sicut præsciebat de Iuda proditore, quod eum esset traditurus, sicut Euangelium dicit, cum esset unus ex duodecim: præsciebat etiam æternam eius damnationem cum diceret, *Va autem homini illi per quem filius hominis tradetur.* Bonum erat ei si natus non fuisset homo ille. Sic & de impiis Iudæis præsciebat sine dubio eorum impietatem futuram, de qua prædixit in Psalmo, *Dederunt in escam meam fel, & in siti mea potauerunt me aceto:* præsciebat & subsequentem ipsorum damnationem, de qua in eodem Psalmo subiunxit, *Delectantur de libro viuentium, & cum iustis non scribantur.* Sed in istis & in omnibus iniquis illud prius ex propria est prauitate, istud sequens ex diuina æquitate. Hoc modo & de prædestinatione Dei omninò sentiendum est, quia in bonis prædestinauit & ipsam eorum bonitatem futuram ex dono gratiæ suæ, & pro eadem bonitate æternam ipsorum remunerationem, vt ipsius dono fierent boni, ipsius dono essent remunerati. Vnde ait Apostolus, *Qui prædestinauit nos in adoptionem filiorum per Iesum Christum in ipsum.* & alio loco, *Quos præsciuit & prædestinauit conformes fieri imaginis filij sui.* Prædestinauit itaque electos suos, vt & nunc assumerentur in adoptionem filiorum Dei per gratiam baptismi, & in futuro efficiantur conformes imaginis filij Dei, per eandem Dei gratiam secundum imaginem eius renouati & glorificati. Prædestinauit omninò vt & hîc essent boni, non ex se sed ex illo, & illic beati non per se sed per illum. In vtroque ergo bona sua in eis & de eis futura præsciuit & prædestinauit: in malis verò & impiis non prædestinauit omnipotens Deus malitiam & impietatem, id est, vt mali & impij essent & aliud esse non possent. Sed quos præsciuit & præuidit malos atque impios futuros proprio vitio, ipse eos prædestinauit ad æternam damnationem iusto iudicio: non quia aliud esse non potuerunt, sed quia aliud esse noluerunt. Ipsi igitur sibi met ipsis extiterunt causa perditionis. Deus autem iudex iustus & ordinator iustus ipsius damnationis. Non enim prædestinauit iniusta, sed iusta. Prædestinauit tamen & coronas iustis, & pœnas iniustis, quia vtrumque est iustum. Quam iustitiam eius commendans nobis Apostolus ait, *Numquid iniquus Deus, qui infert iram? absit.* Et quia modò omnibus prærogat patientiam, vt conuertantur ad pœnitentiam: & qui pereunt suo contemptu & duritia pereunt, quia tantam bonitatem Dei contempserunt, iterum alio loco dicit, *An diuitias bonitatis & patientiæ, & longanimitatis eius contemnis,* Rom. 2. 4. *ignorans quoniam benignitas Dei ad pœnitentiam te adducit? Secundum duritiam autem tuam, & cor impœnitens thesaurizas tibi iram in die iræ, & reuelationis iusti iudicij Dei, qui reddet unicuique secundum opera sua.* Hinc etiam alia scriptura testatur dicens, *Deus mortem non fecit, ne clatur in perditione viuorum.* Impij autem manibus & verbis accersierunt illam, & astimantes amicum defluerunt, & sponsiones posuerunt ad illam, quoniam digni sunt qui sint ex parte illius. Non ergo omnipotens Deus vlli hominum causa mortis vel perditionis existit, sed ipsam mortem & perditionem manibus & verbis ipsi impij sibi accersunt, dum nequiter operando, & nequius aliis persuadendo, & sibi & illis damnationem adducunt: dum viam iniquitatis & perditionis amantes, à recto itinere deflectuntur, & ad perpetuam damnationem, tanquam datis inter se dextris, pari consensu nequitæ, quasi ex voto & sponsione festinant, fœderati mortis, & vitæ æternæ inimici, ipsi secundum duritiam suam, & cor impœnitens, thesaurizant sibi iram in die iræ. In qua die iusti iudicij Dei quia vnusquisque secundum opera sua recipit, nemo ex Dei præiudicio, sed ex merito propriæ iniquitatis condemnatur. Non enim ille aliquem prædestinauit vt malus esset, sed verè omnem malum prædestinauit vt impunitus non esset: quia & vnaquæque lex iusta crimen non habet, ne sit in-

Ephes. 1. 5.
Rom. 8. 29.

Rom. 9. 3.

Rom. 2. 4.

Sap. 1. 13.

iusta, & tamen criminofum punit vt verè fit iusta. Qui ergo dicit quòd hi qui pereunt, prædestinati sunt ad perditionem, & ideo aliter euenire non potest: similiter quoque & de iustis, tanquam & ipsi ideo saluentur, quia prædestinati ad salutem aliud esse non potuerunt. Qui ergo hæc tam confuse & insulse dicit, & illis tollit meritum damnationis, & istis meritum salutis. ac per hoc quid aliud agit, nisi vt & pereuntibus secundum illum sit imposita necessitas perditionis, & his qui saluantur sit imposita necessitas salutis? atque ideo nec illi iuste damnantur, quia iusti esse non potuerunt, nec isti iuste remunerentur, quia aliud quam iusti esse nequiverunt. vt in vtraque parte & perditio & salus non sit ex iudicio propriæ actionis, sed ex præiudicio diuinæ præordinationis. Et vbi erit illud, *qui reddet unicuique secundum opera sua?* & iterum, *Numquid iniquus Deus qui infert iram?* absit. Apertè namque causa perditionis illorum qui pereunt in Deum refertur, si ipse eos ita ad interitum prædestinauit, vt aliud esse non possent. quod sentire vel dicere horribilis blasphemia est. Sed Ecclesiæ catholicæ fides, cuius filij & sectatores esse debemus, ita nobis firmissimè tenendum insinuat, vt superius iuxta scripturæ sanctæ auctoritatem breuiter designauimus. Videlicet, omnipotentem Deum in malis ipsorum malitiam præscisse, quia ex ipsis est, non prædestinasse, quia ex illo non est: pœnam verò eorum & præscisse quia Deus est, & prædestinasse quia iustus est, vt & in illis sit meritum suæ damnationis, & in illo potestas & iudicium iuste damnantis. Non enim prædestinat Deus nisi quæ ipse facturus est: præscit verò multa quæ ipse facturus non est, sicut omnia mala, quæ mala vtrique mali faciunt, non ille. Ipsos quoque malos non ideo perire quia boni esse non potuerunt, sed quia boni esse noluerunt, & suo vitio vasa iræ apta in interitum perseuerauerunt, & in massa damnationis vel originali vel actuali merito permanserunt. In bonis autem omnipotēs Deus, sicut supra satis ostensum est, vtrumque præsciuit & prædestinauit, vt & in præsentī vita per suam gratiam existerent boni, & in futura etiam beati. Vtriusque enim boni eorum, id est & præsentis & futuri, ipse est auctor & ipse largitor, & idcirco sine dubio vtriusque præcognitor & prædestinator: quia & ipsi ex seipsis non solum aliud esse potuerunt, sed etiam aliud fuerunt antequam per eum qui iustificat impium ex impiis iusti efficerentur. Siue autem in illis qui saluantur, siue in illis qui pereunt, voluntas propria remuneratur, voluntas propria damnatur. Sed in illis, quia per gratiam Domini saluatoris est sanata, vt ex mala & praua fieret bona & recta, est proculdubio dignissimè coronata: in istis autem, quia non adquiescit per saluatorem recipere sanitatem, iustissimè per eundem iudicem sentiet perpetuam damnationem. Et hoc est breuiter totum, quod de libero arbitrio iuxta veritatem fidei catholicæ est tenendum. Quòd scilicet omnem hominem liberi arbitrij condiderit Deus. Sed quia per vnum hominem peccatum intrauit in mundum, & per peccatum mors, & ita in omnes homines pertransiit, in quo omnes peccauerunt, ita istud liberum arbitrium in vniuerso humano genere illius præuaricationis merito vitiatum & corruptum, ita obæcatum est & infirmatum, vt sufficiat homini ad malè agendum, id est ad ruinam iniquitatis, & ad hoc solum possit esse liberum: ad bene verò agendum, id est ad exercitium virtutis & fructum boni operis, nullo modo assurgat & conualescat, nisi per fidem vnius mediatoris Dei & hominum hominis Christi Iesu, & donum Spiritus sancti, instauretur, inluminetur, atque sanetur: sicut ipse saluator in Euangelio promittit dicens, *Si vos filius liberauerit, tunc verè liberi eritis.* & Apostolus ait, *Vbi spiritus Domini, ibi libertas.* vt per hanc gratiam Christi & spiritus Christi, humanum liberum arbitrium liberatum, inluminatum, atque sanatum, dicat gratulans illud Psalmistæ, *Dominus inluminatio mea, & salus mea, quem timebo?* Qui igitur hanc gratiam libertatis accipere desiderat, vt ad bene & piè viuendum veraciter liber fiat, non de suis viribus præsumat, sed illi se fideliter sanandum corroborandumque committat, de quo idem Psalmista dicit, *Apud Dominum gressus hominis dirigentur, & viam eius volet.* Illum oret atque illi supplicet dicens, *Gressus meos dirige secundum eloquium tuum, & non do-*

Rom. 2. 4.
Rom. 3. 5.

Ioan. 8. 36.

2. Cor. 3. 17.

Psal. 26. 1.

Psal. 36. 23.

Psal. 118.

133.
Psal. 5. 9.

P R Æ F A T I O.

minetur mei omnis iniustitia, & iterum, Domine, deduc me in via tua, & ingrediar in veritate tua. & cetera similia. Hæc vobis breuiter rescripsi ad ea quæ iussistis: nunc fideliter deprecor & exhortor, vt in simplicitate & sinceritate veræ fidei fundati, claudatis aures vestras aduersus linguam nequam illius vanissimi & miserrimi hominis, qui cum sit paratus ad contentionem, & contumax aduersus veritatem, maluit se infelix diabolico inflatus spiritu à Christi Ecclesia & sacerdotibus separare, quàm sua profana & inaniloquia deferere.

Explicit Hincmari Archiepiscopi Remensis, ad omnes penè tunc temporis Episcopos tam Gallix, quàm aliarum prouinciarum, suppresso nomine contra Gothescalcum, tunc temporis ab ipso Hincmaro in Altouillari monasterio retrusum, qui in Orbacensi monasterio prius monachus fuerat.

Hæc Capitula in Synodo Tullensis territorij primò relecta, & à quibusdam fratribus refutata, sequenti autem opere Catholicorum doctrina sunt plenius confutata. Capitulorum autem quarti & quinti ab aliorum peruersitate diuersitas, in subsequenti opusculo consequenter est vigesimo secundo & trigesimo quinto capitulis explanata.

I. **D**E V M præscire & præscisse æternaliter, & bona quæ boni erant facturi, & mala quæ mali sunt gesturi, quia vocem scripturæ dicentis habemus, *Deus æternæ, qui absconditorum es cognitor, qui nosti omnia antequam fiant, fideliter* Dan. 13. 42
tenemus, & placet tenere, bonos præscisse omninò per gratiam suam bonos futuros, & per eandem gratiam æterna præmia accepturos: malos verò præscisse per propriam malitiam malos futuros, & per suam iustitiam æterna ultione damnandos, vt secundum Psalmistam, *Quia potestas Dei est, & Domini misericordia, reddat unicuique secundum opera sua.* & sicut Apostolica doctrina se habet, *His quidem qui secundum patientiam boni operis, gloriam & honorem, & incorruptionem querentibus vitam æternam: his autem qui ex contentione, & qui non adquiescunt veritati, credunt autem iniquitati, ira & indignatio, tribulatio & angustia in omnem animam hominis operantis malum.* In eodem sensu idem alibi, *In reuelatione, inquit, Domini nostri de calo, cum Angelis virtutis eius, in igne flammæ dantis vindictam his qui non nouerunt Deum, & qui non obediunt Euangelio Dei nostri, qui pœnas dabunt in interitu æternas, cum venerit glorificari in sanctis suis, & admirabilis fieri in omnibus qui crediderunt.* Nec prorsus vlli malo præscientiam Dei imposuisse necessitatem, vt aliud esse non posset, sed quod ille futurus erat ex propria voluntate, ille sicuti Deus qui nouit omnia antequam fiant, præsciuit ex sua omnipotenti & incommutabili maiestate. Nec ex præiudicio eius aliquem, sed ex merito propriæ iniquitatis credimus condemnari, nec ipsos malos ideo perire quia boni esse non potuerunt, sed quia boni esse noluerunt, suoque vitio in massa damnationis, vel merito originali, vel etiam actuali permanserunt. Psal. 61. 13.
Rom. 1. 7.
2. Thess. 1. 7

II. Sed & de prædestinatione Dei placuit & fideliter placet. Iuxta auctoritatem Apostolicam, quæ dicit, *An non habet potestatem figulus luti ex eadem* Rom. 9. 21
massa facere aliud vas in honorem, aliud verò in contumeliam? vbi & statim subiungit, Quod si volens Deus ostendere iram & notam facere potentiam suam, sustinuit in Ibid. 21. 23.
multa patientia vasa iræ aptata siue præparata in interitum, vt ostenderet, diuitias gratiæ suæ, in vasa misericordiæ quæ præparauit in gloriam, fidenter fatemur prædestinationem electorum ad vitam, & prædestinationem impiorum ad mortem. In electione tamen saluandorum misericordiam Dei præcedere meritum bonum: in damnatione autem periturorum meritum malum præcedere iustum Dei iudicium. Prædestinatione autem Deum tantum statuisse, quæ vel ipse gratuita misericordia, vel iusto iudicio factururus erat, secundum scripturam dicentem,

H I N C M A R I

Qui fecit quæ futura sunt. In malis verò ipsorum malitiam præscisse, quia ex ipsis est, non prædestinasse, quia ex illo non est: poenam sanè malum meritum exsequentem, vti Deum qui omnia prospicit, præsciuisse & prædestinasse, quia iustus est. apud quem est, vti sanctus Augustinus ait, de omnibus omninò rebus tam fixa sententia, quàm certa præscientia. Ad hoc siquidem facit Sapien-
 Prou. 19. 29 tis dictum, *Parata sunt derisoribus iudicia, & mallei percutientes stultorum corporibus.* De hac immobilitate præscientiæ & prædestinationis Dei, per quam apud eum futura iam facta sunt, etiam apud Ecclesiastem bene intelligitur dictum, *Cog-
 Eccl. 3. 14. noui quòd omnia opera quæ fecit Deus perseverent in perpetuum. non possumus his ad-
 dere nec auferre quæ fecit Deus vt timeatur.* Verum aliquos ad malum præde-
 stinatos esse diuina potestate, videlicet vt quasi aliud esse non possint, non so-
 lum non credimus, sed etiam si sunt qui tantum mali credere velint, cum omni
 detestatione, sicut Arausica Synodus, illis anathema dicimus.

III. Item de redemptione sanguinis Christi, propter nimium errorem qui de hac causa exortus est, ita vt quidam, sicut eorum scripta indicant, etiam pro illis impiis, qui à mundi exordio vsque ad passionem Domini, in sua impie-
 Ofce 13. 14. tate mortui æterna damnatione puniti sunt, effusum eum diffiniant, contra il-
 lud propheticum, *Ero mors tua, à mors, ero morsus tuus inferne,* illud nobis sim-
 pliciter & fideliter tenendum ac docendum placet, iuxta Euangelicam & Apo-
 stolicam veritatem, quòd pro illis hoc datum pretium teneamus, de quibus ip-
 se Dominus noster dicit, *Sicut Moyses exaltauit serpentem in deserto, ita exaltari
 Ioan. 3. 14. oportet filium hominis, vt omnis qui credit in ipso non pereat, sed habeat vitam eter-
 nam. Sic enim Deus dilexit mundum vt filium suum vnigenitum daret, vt omnis qui
 Hebr. 9. 18. credit in eum non pereat, sed habeat vitam æternam.* & Apostolus, *Christus,* inquit,
semel oblatus est ad multorum exhaurienda peccata. Porro Capitula numero XIX.
 syllogismis ineptissimè & mendacissimè à quodam Scoto conclusa, vbi non ar-
 gumentum fidei, sed potius commentum perfidiæ, paret nulla omninò philo-
 sophiæ arte vt arroganter à quibusdam iactatur constructum, sed inani fallacia
 & deceptione imperitissimè confusum, à pio auditu fidelium penitus explodi-
 mus: & vt talia & similia caueantur per omnia, auctoritate Spiritus sancti inter-
 dicimus: nouarum etiam rerum introductores, ne districtius feriantur, casti-
 gandos esse censemus.

IV. Item firmissimè tenendum credimus, quòd omnis multitudo fidelium ex aqua & Spiritu sancto regenerata, ac per hoc veraciter Ecclesiæ incorporata, & iuxta doctrinam Apostolicam in morte Christi baptizata, in eius sanguine sit à peccatis suis abluta, quia nec in eis potuit esse vera regeneratio, nisi fieret & vera redemptio, cum in Ecclesiæ sacramentis nihil sit cassum, nihil ludi-
 ficatorium, sed prorsus totum verum, & ipsa sui veritate ac sinceritate subni-
 xum. Ex ipsa tamen multitudine fidelium & redemptorum, alios saluari æter-
 na salute, quia per gratiam Dei in redemptione sua fideliter permanent, ipsius
 Domini sui vocem in corde ferentes, *Qui perseverauerit vsque in finem, hic sal-
 Matt 10. 22 & 24 13. uus erit,* alios qui noluerunt permanere in salute fidei, quam in initio acce-
 perunt, redemptionisque gratiam potius irritam facere praua doctrina vel vita,
 quàm seruare elegerunt, ad plenitudinem salutis, & ad perceptionem æternæ
 beatitudinis nullo modo peruenire. In utroque siquidem doctrinam pij docto-
 ris habemus, *Quicumque baptizati sumus in Christo Iesu, in morte ipsius baptizati
 Rom. 6. 3. sumus. & Omnes qui in Christo baptizati estis, Christum induistis. & iterum, Acce-
 Gal 3. 27. damus cum vero corde in plenitudine fidei aspersi corda à conscientia mala, & abluti
 Hebr. 10. 22. corpus aqua munda, teneamus spei nostre confessionem indeclinabilem. & iterum, Irrita
 Ibid. 28. tam quis faciens legem Moysi, sine ulla miseratione duobus aut tribus testibus moritur,
 quanto magis putatis deteriora mereri supplicia qui filium Dei conculcauerit, & sangui-
 nem testamenti pollutum duxerit, in quo sanctificatus est, & spiritui gratiæ contumeliam
 fecerit?*

V. Item, de gratia per quam saluantur credentes, & sine qua rationalis creatura nunquam beatè vixit, & de libero arbitrio per peccatum in primo ho-

P R Æ F A T I O.

mine infirmato, sed per gratiam Domini Iesu fidelibus eius redintegrato & sanato, id ipsum constantissime & fide plena fatemur, quod sanctissimi Patres auctoritate sacrarum scripturarum nobis tenendum reliquerunt, quod Africana, quod Arausica Synodus professa est, quod beatissimi Pontifices Apostolicæ sedis catholica fide tenuerunt: sed & de natura & gratia in aliam partem nullo modo declinare præsumentes. Ineptas autem quæstiunculas & aniles penè fabellas, Scotorumque pulres puritati fidei nauseam inferentes, quæ periculosissimis & grauissimis temporibus ad cumulum laborum nostrorum vsque ad scissionem caritatis miserabiliter & lacrymabiliter succreuerunt, ne mentes Christianæ inde corrumpantur, & excidant à simplicitate & castitate fidei, quæ est in Christo Iesu, penitus respuimus, & ut fraterna caritas cauendo à talibus auditum, castiget domini Christi amore monemus. Recorderur fraternitas malis mundi grauissimis se vrgeri, messe nimia iniquorum, & paleis leuium hominum se durissime suffocari. hæc vincere ferueat, & corrigere labore, & superfluis cœtum piè dolentium & gementium non oneret: sed potius certa & vera fide, quod à sanctis Patribus de his & similibus sufficienter prosequutum est, amplectatur.

Sanctorum Patrum de gratia & libero arbitrio sententia.

Eccl. Lugd.
p. 1238.

1. **I**N præuaricatione Adæ omnes homines naturalem possibilitatem & innocentiam perdidisse, & neminem de profundo illius ruinæ per liberum arbitrium posse consurgere, nisi eum gratia Dei miserantis, erexerit.

2. Quod nemo nisi per Christum libero bene utatur arbitrio.

3. Quod omnia studia & omnia opera ac merita sanctorum ad Dei gloriam laudemque referenda sint, quia nemo aliunde ei placeat, nisi ex eo quod ipse donauerit.

4. Quod ita Deus in cordibus hominum atque in ipso libero operetur arbitrio, ut sancta cogitatio, pium consilium, omnisque motus bonæ voluntatis ex Deo sit, quia per illum aliquid boni possumus, sine quo nihil possumus.

5. Omnium studiorum, omniumque virtutum, quibus ab initio fidei ad Deum tenditur, Deum profiteamur auctorem, & non dubitemus ab ipsius gratia omnia hominis merita præueniri, per quem fit ut aliquid boni & velle incipiamus & facere. Quo utique auxilio & misericordia Dei non aufertur liberum arbitrium, sed libetatur, ut de tenebroso lucidum, de prauo rectum, de languido sanum, de imprudente sit prouidum. Tanta enim est erga omnes homines bonitas Dei, ut nostra velit esse merita, quæ sunt ipsius dona, & pro his quæ largitus est, æterna præmia sit donaturus. Agit quippe in nobis, ut quod vult & velimus & agamus.

6. Fatemur gratiam Dei & adiutorium etiam ad singulos actus dari, eamque non dari secundum merita nostra, ut vera sit gratia, id est, gratis data per eius misericordiam, qui dixit, *Miserebor cui misertus ero, & misericordiam præstabo cui misericors fuero.*

Rom. 9. 15.
Exod. 33. 19

7. Fatemur esse liberum arbitrium, etiam si diuino indiget adiutorio.

8. Arbitrium voluntatis in primo homine infirmatum, nisi per gratiam baptismi, non potest reparari.

9. Arbitrium voluntatis tunc est verè liberum, cum vitiis peccatisque non seruit. Tale datum est à Deo utique homini primo, quod amissum, nisi à quo potuit dari, non potuit reddi. vnde veritas dicit, *Si vos filius liberauerit, verè liberi eritis.*

Ioan. 8. 36.

V I. Et quia indiscussi & inexaminati, scientiæque litterarum penè ignari, minusque Apostolicæ præceptioni appropinquant, peccatis nostris agentibus, per ciuitates Episcopi ordinantur, qua occasione maximè vigor Ecclesiasticus deperit: placuit ut si quando alicuius ciuitatis Episcopus vocatione Domini de-

H I N C M A R I

cefferit, à gloriosissimis principibus supplicando postuletur, vt canonicam electionem clero & populo ipsius ciuitatis permittere dignentur, atque ita aut in clero, aut in populo, aut diœcesi certè ipsa, si opus sit in vicinia ipsius, probata & officio digna persona quæatur, quæ inuenta consensu totius cleri & populi ad honorem ciuitati præficiatur. Sed & si à seruitio piorum principum nostrorum aliquis clericorum venerit, vt alicui ciuitati præponatur Episcopus, timore casto sollicitè examinetur, primùm cuius vitæ sit, deinde cuius scientiæ. & vigore Ecclesiastico sub oculis omnipotentis Dei agat Metropolitanus in hac parte, ceteris Episcopis sicut Dei ministris adiutorium ferentibus, ne maculatæ vitæ, & pompa sæculi turgidus, & Simoniaca hæresi pollutus, humilibus & mundis membris Christi Ecclesiæque superponatur Episcopus, nec præsumat inlitteratum, & cupiditate inlicita cæcatum, redditurus facti sui Deo rationem, populo præficere. Si verò necessarium isdem Metropolitanus viderit, ne tantum malum cogatur agere, vt indebito honorem bonis tantum debitum tradat, instruat populum, informet Ecclesiam, potius adire clementiam Regum, & ipse cum Coepiscopis suis quibus valuerit modis adeat, vt Ecclesiam Dei gloriosi reges digno honorent ministro. Si autem turpiter cupiditate quacumque Metropolitanus victus, aut aliquo munere deceptus, tantum opus negligenter & ægrè fuerit executus, iudicium omnia cernentis Dei se incurrere non dubitet, sed & sententia Ecclesiastica nouerit se culpandum.

Vt hi qui ordinandi sunt, secundum ordinem Ecclesiasticum, & institutionem sanctorum Patrum ordinentur, videlicet iudicio Metropolitanorum, & eorum Episcoporum qui circum circa sunt, prouehantur ad Ecclesiasticam potestatem, ex excerptis Martini. Non liceat electionem facere eorum qui ad sacerdotium pro uocantur, sed iudicium sit Episcoporum, vt ipsi eum qui ordinandus est probent, si in sermone & in fide, & in Episcopali vita edoctus est.

Item quo iudicio ferien di sint, qui in ordinandis Episcopis sanctorum Patrum statuta neglexerint, ex decretis Papæ Leonis. Si qui Episcopi talem consecrauerint sacerdotem qualem esse non liceat, etiam si aliquo modo damnum proprii honoris euaserint, ordinationis tamen ius alterius non habebunt, nec vnquam ei sacramento intererunt, quod neglecto Dei iudicio immeritò præstiterunt.

Hæc autem quatuor Capitula quæ sequuntur, apud Carissacum contra Prædestinianos constituta, & post lectionem præcedentium in præfata Synodo relecta, in subsequenti etiam Opere scripturarum atque orthodoxorum sunt testimoniis confirmata.

I. **D**EVS omnipotens hominem sine peccato rectum cum libero arbitrio condidit, & in paradiso posuit, quem in sanctitate iustitiæ permanere voluit. Homo libero arbitrio malè vtens peccauit & cecidit, & factus est massa perditionis totius humani generis. Deus autem bonus & iustus elegit ex eadem massa perditionis, secundum præscientiam suam, quos per gratiam prædestinauit ad vitam, & vitam illis prædestinauit æternam. Ceteros autem, quos iustitiæ iudicio in massa perditionis reliquit, perituros præsciuit, sed non vt perirent prædestinauit, pœnam autem illis, quia iustus est, prædestinauit æternam. Ac per hoc vnâ Dei prædestinationem tantummodò dicimus, quæ aut ad donum pertinet gratiæ, aut ad retributionem iustitiæ.

II. Libertatem arbitrij in primo homine perdidimus, quam per Christum dominum nostrum recepimus: & habemus liberum arbitrium ad bonum præuentum & adiutum gratia, & habemus liberum arbitrium ad malum desertum gratia. Liberum autem habemus arbitrium, quia gratia liberatum, & gratia de corrupto sanatum.

III. Deus omnipotens omnes homines sine exceptione vult saluos fieri,

P R Æ F A T I O.

licet non omnes saluentur. Quod autem quidam saluantur, saluantis est donum: quod autem quidam pereunt, pereuntium est meritum.

I V. Christus Iesus Dominus noster, sicut nullus homo est, fuit, vel erit, cuius natura in illo adsumpta non fuerit, ita nullus est, fuit, vel erit homo, pro quo passus non fuerit, licet non omnes passionis eius mysterio redimantur. Quia verò omnes passionis eius mysterio non redimuntur, non respicit ad magnitudinem & pretij copiositatem, sed ad infidelium, & ad non credentium ea fide quæ per dilectionem operatur, respicit partem. quia poculum humanæ salutis, quod confectum est infirmitate nostra & virtute diuina, habet quidem in se ut omnibus profit, sed si non bibitur, non medetur.

Sequitur Epistola Prudentij Treccassinæ ciuitatis Episcopi, quæ in processu operis sequentis sæpè commemoratur, & à catholicorum fide atque doctrina discordare monstratur.

PA T R I venerabili, & ceteris patribus fratribusque sincerissimè diligendis, atque Coepiscopis reuerendis, Prudentius æternam in Domino salutem. Quantum ad meritum peccatorum meorum spectat, iustissimo Dei iudicio, quantum verò ad indebitas atque indeficientes eius misericordias pertinere dinoscitur, misericordissimo ipsius munere, infirmitatibus penè omnibus notis depressus, sancto desiderabilique vestro conuentui adesse prohibeor. Quod autem possum, præsentibus litteris, atque legato nostræ Ecclesiæ presbytero Arnolfo, mei consensus præsentiam eotenus exhibeo, ut is qui ordinandus est, si Apostolicæ sedis omnibus institutis, & beatorum patrum Innocentij, Zosimi, Bonifacij, Sixti, Leonis, Gelasij, Cælestini, Gregorij, Hilarij, Ambrosij, Augustini, Isidori, Primasij, Fulgentij, Hieronymi, Cassiodori, Bedæ, aliorumque adæquè catholicorum atque orthodoxorum virorum scriptis & dictis, ac specialiter super quatuor Capitulis, quibus omnis Ecclesia catholica aduersus Pelagium eiusque hæreseos sequaces pugnauit ac vicit, atque ad posterorum memoriam litteris auctoritate & veritate plenissimis mandauit, confitendo subscribere, & subscribendo confiteri voluerit, eius me ordinationi consentaneum esse profitear: sin aliàs, prorsus neque assentior, neque fidelibus Christi assentiendum suadeo. Capitulum verò quatuor præmissorum seriem, quamuis vestram prudentiam multo viuaciùs quàm meam extremitatem compertam esse non dubitem, necessariò tamen breuiter adnectendam iudicaui, ut faciliùs quid sentiam, cui veritati consentiam, vestra beatitas recognoscat. Videlicet, ut liberum arbitrium, in Adam merito inobedientiæ amissum, ita nobis per Dominum nostrum Iesum Christum redditum atque liberatum confiteatur, interim in spe, postmodum autem in re, sicut dicit Apostolus, *Spe enim salui facti sumus*, ut tamen semper ad omne opus bonum Dei omnipotentis gratia indigeamus, siue cogitandum, siue inchoandum, operandum, ac perseueranter consummandum, & sine ipsa nihil boni nos posse vllatenus aut cogitare, aut velle, aut operari sciamus. Secundo, ut Dei omnipotentis altissimo secretòque consilio credat atque fateatur quosdam Dei gratuita misericordia ante omnia sæcula prædestinatos ad vitam, quosdam imperscrutabili iustitia prædestinatos ad pœnam: ut id videlicet, siue in saluandis, siue in damnandis prædestinauerit, quod se præscierat esse iudicando facturum, dicente Propheta, *Qui fecit quæ futura sunt*. Tertiò, ut credat & confiteatur cum omnibus catholicis, sanguinem Domini nostri Iesu Christi pro omnibus hominibus ex toto mundo in eum credentibus fustum: non autem pro illis qui nunquam in eum crediderunt, nec hodièque credunt, nunquam nec credituri sunt, dicente ipso Domino, *Venit enim filius hominis non ministrari, sed ministrare, & dare animam suam in redemptionem pro multis*. Quartò ut credat atque confiteatur, Deum omnipotentem omnes quoscumque vult saluare, & neminem posse saluari vllatenus, nisi

Rom. 8.24,

Matt. 21.28

HINC MARI

quem ipse saluauerit, omnes autem saluari quoscumque ipse saluare voluerit: ac per hoc quicumque non saluantur, penitus non esse voluntatis illius ut saluentur, dicente Propheta, *Omnia quaecumque voluit Dominus fecit in caelo & in terra, in mari & in omnibus abyssis.* Et licet quaedam sint alia, quibus in Pelagio damnatis vniuersaliter Ecclesia consenserit, fategerit, atque subscripserit, haec tamen specialius aduersus eum eiusque complices, per Apostolicam sedem, instantia beatissimi Aurelij Carthagenensis Episcopi, atque Augustini, cum aliis trecentis quatuordecim Episcopis, ab eius prauissimis sensibus eruta, vindicata, & multis tam epistolis quam libris toto orbe vulgatis, omnis hodieque gaudet, confiteretur, praedicat, & tenet, atque tenebit Ecclesia. His per omnia consentaneam, praedicabilem paternitatem, fraternitatemque vestram gratia superna inuictam atque praeualidam, & suo munere gaudentem perpetim conseruare dignetur.

CETERVM multiplices ac tortuosas & venenatas sententias Gothescalci, cuius debita cum execratione in sequenti Opere sapius facimus mentionem, sed & complicitum eius agones pestiferos hic praepone non necessarium duximus, quia licet pestilens eorum doctrina ex aliquantis se in diuersa scindat itinera, de praedestinatione tamen reproborum ad interitum, & quod Deus non omnes homines vult saluos fieri, sed eos tantummodò qui saluantur, & quia non pro omnibus passus sit, vnde opusculum subsequens catholicorum doctrinam sufficienter ostendit, conspirare noscuntur, & contra eos iam singillatim in aliis libellis ante hos actis, prout Dominus dedit, laborem impendimus, sicut ei cui libuerit vel licuerit patere valebit.

INDEX CAPITVM.

- | | |
|---|--|
| <p>CAP. I. QVANDO, & ubi, & unde de hac Praedestinataria heresis, primum exorta fuerit, & per quos ac qualiter reuicta atque compressa extiterit. Pag. 3.</p> <p>II. Per quos & qualiter haec eadem heresis, vt de trunco amaritudinis spuria vitulammina, in tempore isto repullulauerit. 20</p> <p>III. De Fulgentio, de cuius libris ad suam confirmandam sententiam exempla Praedestinariani ponunt. 22</p> <p>IV. De Apostolica sede sequenda, cuius doctrina inniti & auctoritatem sequi debemus. 24</p> <p>V. De consuetudine Gothescalci & complicitum eius, & de libris eorum de quibus quaedam hic excerpta ponuntur. 25</p> <p>VI. Exordium Capitulum de quibus agitur, vnde compositor eorum illa compilare studuerit. 26</p> <p>VII. De exemplo Apostolico, quod Capitulum</p> | <p>tulorum compilator ad suam confirmandam ponit sententiam. 29</p> <p>VIII. Vnde Praedestinariani auctoritatem potiusque opinionem huiusmodi expositionis Apostolici capituli, non sibi profuturam quia ex mendacio, sumpserint. 31.</p> <p>IX. Quod etiam Isidorum ad suam confirmandam sententiam in testimonium deducunt, & quaedam de libris B. Augustini proferunt, vnde ipse vir insignis eos reuincit, & Fulgentius ipse auctoritatem quam ex illo adsumunt manifestè dissoluit. 33</p> <p>X. De testimoniis scripturarum, quibus Gothescalcus & sui complices, alieno sensu à fide catholica & orthodoxorum doctrina, irreuerentissime abutuntur. 42</p> <p>XI. De perscrutandis Capituli subsequen-
tis reliquiis. 45</p> <p>XII. Diffinitio sancti Augustini quid sit</p> |
|---|--|

INDEX CAPITVM.

- sanctorum predestinatio, à qua Capitulum istorum compilator omnimodis discordare cognoscitur, & per ambages fidem diuinæ predestinationis extenuando peruerit, & verba veritatis, quantum potest, ad mendacia inflectit. Vnde eum Catholicorum doctrina aperta veritate & si non eum pertinaciæ inherentem ad trāmitem veritatis reflectit, verum de mendacio contrarium veritati reuincit. 47
- XIII. De eo quod Fulgentius in libro suo ad Monimum scripsit, predestinationem Dei non tantum in bono, sed etiam in malo dici. 59
- XIV. Hinc sequitur exhortatio ad scholam dyscolam Gothescalci. 62
- XV. De quorum verbis atque scripturarum sententiis, quatuor Capitula à nobis olim contra reexortos Prædestinianos excerpta, quæ istorum Capitulum compositor reprehendit, collecta fuerint & excerpta: & quæ inde veteres Prædestiniani dixerint, quæve moderni ex his delirantes dicant heretici. 62
- XVI. Abhinc excerpti à nobis primi Capituli textus ponitur, & vnde sumptus fuerit membratim designando monstratur. 66
- XVII. De eo quod Gothescalcus exemplum libri B. Augustini, quem sui complices eiusdem esse auctoris denegant, ad suam confirmandam sententiam posuit. & de aliis sanctorum sententiis ad statum Capituli à nobis excerpti propositis. 95
- XVIII. De certo numero Prædestinatorum. 105
- XIX. Qualiter una Dei predestinatio gemina fideliter possit dici, vnde Gothescalcus cum sua synagoga peccantium prauè sentiendo atque interpretando anxie ac perniciosè laborat. 106
- XX. Qualiter intelligi debeat quod B. Gregorius plurali numero predestinationes posuit. 115
- XXI. Qualiter de secundo Capitulo, à nobis contra Prædestinianos excerpto de gratia & libero arbitrio, veteres Prædestiniani senserunt, & de quorum verbis sumpsimus illa quæ exinde posuimus, & de preposteratione illius, quæ à quibusdam inordinatè facta esse dinoscitur. 118
- XXII. De eo qui ad reprehensionem istorum Capitulum tacito suo nomine libellum composuit, & de sententiis synodalibus, quas compilator Capitulum nobis à regia sublimitate datorum collegit, volens ostendere ab illis nos discordasse. 132
- XXIII. Sequitur redargutio ipsius compilatoris ex B. Augustini & ceterorum doctorum verbis. 146
- XXIV. Reddenda ratio incipit de Capitulo tertio à nobis excerpto, quod compilator Capitulum nobis à regia sublimitate datorum acerrimè reprehendit, cum his quæ Prædestiniani exinde ad suam dicunt confirmandam sententiam, & qualiter Catholici eorum prauè dictis ex scripturarum sententiis contradicant. 149
- XXV. Sequuntur orthodoxorum verba, quibus cognosci valeat qualiter exinde sanctæ Ecclesiæ catholici sensere doctores. 165
- XXVI. Recapitulatio redditæ rationis post sanctorum nomina designata de Capitulo tertio. 204
- XXVII. Ratio reddenda quarti Capituli incipit, quod nos contra Prædestinianos excerpsemus, quodque Capitulum quæ nobis sollicitudo regia dedit compositor errore nimio denotauit, denocans in mediū, ad exaggerandam reprehensionis nostre notam, Antichristum & impios in sua impietate defunctos, & ante aduentum Christi igne damnatos æterno. 210
- XXVIII. Qualiter de impiis in sua impietate defunctis senserunt Catholici, pro his etiam passum fuisse Dominum, licet non eius passionis mysterio ad salutem perpetuam sint redempti. 219
- XXIX. Ratio redditur de duobus quæ necessitate compulsi in hoc quarto Capitulo verbis B. Prosperi inseruimus. 224
- XXX. Quod exceptis his duabus quasi syllabicis sententiis, nihil in hoc Capitulo posuimus, nisi quod ex B. Prosperi verbis excepimus. 230
- XXXI. De decem & nouem Capitulis, quæ compilator Capitulum nobis à regia dominatione datorum in suggillationem nostram commemorat, & de aliis, siue quæ nos passim scripta inuenimus, siue quæ à quibusdam lenibus querendo adinuenta audiuimus. 231
- XXXII. De clausula Capituli compilatoris, & de tribus quæ huic Capitulo subnectere procurauimus. quorum vnum est, quia turbæ quæ Dominicum aduentum præcesserunt, & quæ subsequuntur, una eademque fide conclamant dicentes Osanna, quoniam per gratiam Dei saluari credimus, quemadmodum & illi. 233

INDEX CAPITVM.

XXXIII. Abhinc sequitur, qualiter docent sanctarum scripturarum auctoritate catholici viri generaliter Christum fuisse passum pro omnibus. 247

XXXIV. Nunc quod supra memorauimus tertium sequitur, quomodo orthodoxi & antiqui magistri ex scripturis authenticis demonstrant, discretè nos debere intelligere, quia licet Christus fuerit passus pro omnibus, non tamen omnes ad aeternam salutem mundi pretio, id est passionis eius mysterio sunt redempti. à quo pretio extranei sunt, qui aut delectati captiuitate redimi noluerunt, aut post redemptionem ad eandem sunt captiuitatis seruitutem reuersi. 284

XXXV. Sequitur ratio reddita de quinto Capitulo, quod quasi super dolorem vulnerum nostrorum adiciens in suggillationem nostram reprehensor noster acerrimus conspuere voluit. 304

XXXVI. Apologia denotationis nostra subsequitur, quia filius Ephrem contra nos intendens arcum misit sagittas, sed suum fortè sentiet arcum prauum, cuique conuersus ipsius gladius non prestabit auxilium in die belli. 317

XXXVII. Et quoniam nuper remota heresis olim, ut ostendimus, in veteribus hereticis est reuicta, quid de huiusmodi prauè sentientibus Ecclesiastica decernat auctoritas, per duodecim Capitula praemissis subnectere procurauimus. 329

XXXVIII. Sequitur tandem totius rei digesta ex quatuor Capitulis, quoniam quintus de baptismo in hoc quarto de redemptione Christi continetur, Epilogus succinctè compositus, ut non debeat fastidiri legentibus à contradictorum vera fidei responsione laciniosa remotus, volens sanare quem demonstrat trigesimo octauo Capitulo, ac si triginta & octo annis iacentem languidum, malè sentientium

scilicet chorum, duodequadraginta numero, qui legis Decalogo per quatuor sancti Euangelij libros impletur, minus habentem, & à dilectione Dei ac proximi, quam legis pariter & Euangelij scriptura commendat, vacuum incedentem. In quo licet plures sint choro, si adquiescere veritati consenserint, quasi unus recuperabunt in unitate fidei sanitatem. quia prae unitatem catholicæ fidei nullus cuiuslibet patet salutis locus. à cuius unitate quisque discrepat, salutem quæ ab uno est consequi nequaquam valet.

EPILOGI CAP. I. 353

II. Quid sit inter gratiam & predestinationem, & inter præscientiam & predestinationem. 356

III. Quid sit sanctorum predestinatio, & quod à Deo electi ad vitam predestinati sint, & vita illis sit predestinata aeterna. Reprobi autem non à Deo predestinati, sed præsciti atque relictī ad pœnam sint, pœna autem ex retributione iustitiæ illis sit predestinata aeterna. 361

IV. Qualiter catholica Ecclesia de gratia & libero arbitrio teneat. 374

V. Quod Deus omnes homines vult saluos fieri, licet non omnes saluentur: quod autem quidam saluantur, saluantis sit donum, & quod quidam pereunt, sit pereuntium meritum. 379

VI. Quod Christus pro omnibus hominibus passus sit, licet non omnes passionis eius mysterio ad salutem redimantur æternam: & quia non omnes passionis eius mysterio redimuntur, non ad sacramenti virtutem, sed ad infidelium respicit partem, cum sanguis domini nostri Iesu Christi pretium sit totius mundi. à quo pretio extranei sunt, qui aut delectati captiuitate redimi noluerunt, aut post redemptionem ad eandem sunt seruitutem perseverantī infidelitate vel iniquitate reuersi. 391



HINC



HINC MARI

ARCHIEPISCOPI

REMENSIS

DE PRÆDESTINATIONE DEI
ET LIBERO ARBITRIO,

POSTERIOR DISSERTATIO

Aduersus GOTHESCALCVM & ceteros Prædestinatio-
narios.



EPISTOLA AD REGEM.

DOMINO KAROLO REGI GLORIOSO

*HINC MARVS nomine non merito Remorum Episcopus, ac
plebis Dei famulus, unâ cum collegis dominis & fratribus meis
venerandis Episcopis, oratoribus scilicet salutis atque prosperi-
tati vestra deuotis.*



UPER elapso mense Iunio, per Indictionem septimam,
anno Incarnationis Dominicæ DCCCLIX. dedistis
nobis quædam capitula, sicut nostræ dixistis humili-
tati, à Remigio reuerentissimo Lugdunensium Archi-
episcopo vestræ porrecta sublimitati, iubentes vt tem-
pore congruo de his vobis redderemus responsum, si vnanimis vno
ore eorundem capitulorum sensui concordaremus: an quia vobis à
vana patrum fide in quibusdam dissentire videbantur, noster sen-
sus, quem à catholico tramite non deuiare credebatis, ab eis in aliquo
dissideret. sequentes & præcepti dominici iussione, & Christianam
prædecessorum vestrorum consuetudinem. Est enim & diuinis legibus
cautum, & prisco anteriorum Principum more suetum, vt quotiescum-
que in catholica fide vel diuina religione quiddam noui emerferit,
à principali sententia Episcoporum consultui referatur, & quod eo-
rum iudicio, scripturarum sanctarum auctoritate, & orthodoxorum

magistrorum doctrina, atque secundum auctoritatem canonicam, & decreta Pontificum Romanorum, Christi Dei nostri Vicarij & sanctæ Ecclesiæ Præsules credendum, sequendum, & tenendum, atque prædicandum decreuerint, id ab omnibus corde credatur adiutitiam, ore confiteatur ad salutem, sequatur ad vocationem, teneatur ad coronam, prædicetur ad lucrum. Quæ siquidem capitula in conuentu Episcoporum habito in territorio Tullensi, in villa quæ dicitur Saponarias, ante biduum quam vobis porrecta fuerint, sunt recitata, proferente & deponente ea Synodo domino Remigio Lugdunensium Archiepiscopo: quæ sicut dixit, & in epigrammate eorumdem capitulorum continetur, in hoc ipso anno, in Kalendis nihilominus ibidem descriptis, & in suburbio Lingonicæ vrbs, ad instructionem dominici populi ipse & sibi comprouinciales Episcopi ediderunt. Et in crastina alia quædam capitula, de quibus post locuturi sumus, relecta fuere: super quibus, sicut quibusdam ex fratribus visum est, quorundam sensus est motus. Nam vt verè & nos fateamur, nostræ conscientiæ super pridem capitulis, quæ vt diximus Remigius Archiepiscopus Synodo præsentauerat, recitatis, catholicorum ad memoriam reducentes Doctorum traditiones, non modicè se concusserunt. Vnde nostrorum quidam fidei Christianæ zelo succensi aliquâ Synodo voluere suggerere: sed motus nostri ab eodem venerabili Archiepiscopo Remigio Lugdunensium sunt modestè compositi: eo venerabiliter perorante, vt si quorumcumque nostrorum sensus ab eisdem prolatis capitulis in aliquo dissentiendo se commoueret, ad proximè futuram Synodum catholicorum libros Doctorum quique deferre curemus, & sicut melius secundum catholicam & Apostolicam doctrinam in commune inuenerimus, de cetero omnes vnanimiter teneamus. In cuius deuotione, cœpiscoporumque ipsius diœceseos, quorum etiam & ante ordinationem mentem catholicam atque doctrinam, sicut & vos non latet, cognouimus, quantum sensui pusillitatis nostræ fidem accommodare audent, percepimus quia non ex ipsis, vt non dicamus per ipsos, Synodo capitula ipsa fuere prolata. Quapropter quamuis blando sibilo eos quidam charazare voluerunt de eo quod sanctus Cælestinus Episcopus Gallicanos redarguit, dicens, Quid illic, inquit, spei est, vbi magistris tacentibus hi loquuntur, qui si ita est eorum discipuli non fuerunt? Timeo ne conhibere sit hoc tacere: timeo ne magis ipsi loquantur, qui permittunt illis taliter loqui. In talibus causis non caret suspitione taciturnitas, quia occurreret veritas si falsitas displiceret. Merito namque causa nos respicit, si silentio faueamus errori.] Nos tamen plures, qui eorum & fidem, & doctrinam, & prudentiam nouimus, minùs in eis ista noscentibus sententiam pro dissensione baptismi de beato Cypriano, à sancto Augustino conlaudatam sæpenumero, in libro secundo de baptismo positam

Epist. viii.

Cōtra Do-
natistas. c. 4

proposuimus. Quomodo enim, inquit, potuit ista res tantis alterationum nebulis inuoluta ad plenarij Concilij luculentam inlustrationem confirmationemque perducī, nisi primò diutius per orbis terrarum regiones multis hinc atque hinc disputationibus & conlationibus Episcoporum pertractata constaret? Hoc autem facit sanitas pacis, vt cum diutius aliqua obscuriora quærentur, & propter inueniendi difficultatem diuersas pariunt in fraterna disceptatione sententias, donec ad verum liquidum perueniatur, vinculum permaneat vnitatis, ne in parte præcisa remaneat insanabile vulnus erroris. Et ideo plerumque doctioribus minus aliquid reuelatur, vt eorum patiens & humilis caritas, in qua fructus maior est, comprobetur, vel quomodo teneant vnitatem cum in rebus obscurioribus diuersa sentiunt, vel quomodo accipiant veritatem cum contra id quod sentiebant declaratum esse cognoscunt.] Sciebant namque iidem venerabiles catholici & docti viri, quia in multis regionibus ac prouinciis hæc pestifera erat recommenta doctrina. Et ideo silentium in suis prouinciis imponere tam facile sicut fortè poterant noluerunt errori, donec ad plurimorum notitiam peruenta plurimorum iudicio quæstio sopiretur: quia vt dicit sanctus Cælestinus in epistola ad Nestorium directâ, omnes debent nosse quod agitur quoties omnium causa tractatur.] videlicet vt cum omnium in vnus propositione fuerit diffinita consultatio, cunctorum valeat ad omnes emanare solutio. Hæc eadem namque capitula, sicut facile reminisci potestis, ante triennium nobis in villa Rotomagensis Episcopij, quæ Nielsa dicitur, quando in excubiis contra Nortmannorum infestationem degebamus, sub titulo quasi in Valentina Synodo conscripta fuerint, anno Incarnationis Dominicæ DCCCLV. sub Hlothario imperatore dedistis, vt ad illa quæ nobis viderentur catholicè ex orthodoxorum magisterio responderemus: cum aliis quorumcumque scriptis quæ hinc ad vestram notitiam peruenire. quorum quædam scripta recepimus, sed ea publicare nolimus, solliciti seruare vnitatem spiritus in vinculo pacis: donec cum eis qui vobis illa transmiserant familiari conloqueremur sermone, & eos si aliquo modo valeremus ab hac prauâ intentione ad catholicæ fidei vnitatem cooperante Domino reuocaremus. Sed quia partim occupationibus præpediti, partim autem in fraternis suasionibus minus quàm necesse fuerat obauditi, eos quos monere disposuimus à sua intentione reuocare nequiuimus. inde quia, sicut dicit Apostolus, *Quorundam hominum peccata manifesta sunt præcedentia ad iudicium, quosdam autem & subsequuntur. similiter & facta bona manifesta sunt, & quæ aliter se habent, abscondi non possunt*, adeò quorundam excreuit dissensio, vt hæc dissonantia ad vestram perueniret notitiam, & Synodali decreto, pro zelo fidei & vnanimitatis amore, antequam hæc nobis perscrutanda committeretis, quatuor capitula Episco-

Epist. v.
in fine.

1. Tim. 5.
24.

pali diffinitione vobis de catholicorum patrum dictis colligi, & singulorum exigeretis manibus roborari. Postea verò & quorundam ex his qui eisdem capitulis subscripserant, & aliorum etiam in tantum est accumulata vecordia, vt necesse foret & iussionis vestrae instantia, & executionis nostrae obedientia, hinc eorum quos praemissimus scriptis & propositionibus litterali officio respondere. Inter quae & his capitulis, quae nobis nuper dedistis, pro nostri ingenioli capacitate, sub dubietate tamen respondimus: quia non credidimus vt fratres & Coepiscopi nostri contra regulas Ecclesiasticas aduersum nos talia debuissent conscribere. praesertim cum non ignorarent dominicis institutionibus & legibus sancto Spiritu promulgatis praefixum esse, qualiter si in saepefatis capitulis fidei obloqueremur, nos compellare, & tunc Synodali iudicio nos nostrasque sententias à sua debuissent communione explodere. Nunc verò, quia certi sumus, cuius compositioni debemus de saepe nominatis quaestionibus respondere, seruatis relationum absolutionibus contra eos quibus à vestra dominatione pro imposito nobis ministerio iussi sumus reddere rationem, contra haec tantum capitula, quantum ex nobis est cum omnibus pacem habentes, ex sanctarum scripturarum auctoritate, & catholicorum patrum sententiis, simpliciter respondere curabimus. vt cui fortè omnia illa legere non licuerit, vel non libuerit, hinc compendiosas pro tempore capitulorum responsiones inueniat. quas furatis horulis à diuersis occupationum distensionibus, qui cogitationum ferias non habemus, sicut de sententiis sanctorum patrum accepimus, ne torpore vel inobedientia à vestra denotaremur Christiana deuotione, committere schedulis tumultuario sermone studuimus. quoniam in praefatis relationibus prouocati multiplicibus multiplicium inlationibus, multipliciter multiplicibusque conlationibus, non sine sicut scimus & confitemur lectoris tædio, sensu sed tamen catholico, in tribus libris lacinioso sermone respondere satagemus. Sed in hoc maximè benigno lectori nos satisfacere autumamus, quia singulorum singulas semper ponentes sententias, singulariter ad obiecta & resistentia fidei respondere studuimus. Et vel in hoc solo deuotum quemque lectorem nobis conciliari confidimus, quia cum ex sua mente nostrum laborem perpenderit, nos apud se excusatos habebit. Quis verò sit istorum capitulorum compositor, cui quasi à nouo cogimur respondere, ipse se prodet cum necessariò vrgebatur ad lucem veritatis venire: quia operator tenebroforum operum, inter quae ab Apostolo & haereses describuntur, odit lucem, & non venit ad lucem, vt non arguantur opera eius. omnis verò qui bona agit, inter quae bona ab Apostolo & fides connumeratur, venit ad lucem, vt manifestentur opera eius, quia in Deo sunt facta. Sed & ille quicumque est, si ad lucem venerit, & veritati ex corde consenserit, esse filius lucis poterit.

DE PRÆDESTINATIONE.

Si autem & pertinaciter contradixerit veritati, ipse infidelitate sua & contentione suæ vecordia, hæretici sibi nomen imponet. quia non statim est hæreticum quod ignoranter à fide sentitur diuersum, si non fiat pertinaci contentione hæreticum.

CAPVT PRIMVM.

Quando, & vbi, & vnde hac Prædestinatio haresis primùm exorta fuerit, & per quos ac qualiter remicta atque compressa extiterit.

NUNC iam dicendum censuimus quando, & vbi, & qua occasione hæc haresis orta primùm extiterit. Ante cccc. circiter triginta & eo ampliùs annos hæc haresis est exorta tempore Theodosij & Valentiniani Imperatorum, sub præfulatu sancti Cælestini, per idem tempus quando & Nestoriana haresis apud Græcos in Constantinopoli ciuitate auctore Nestorio ebulliuit, sancti Augustini temporalis vitæ termino imminente, sicut Prosper in Chronica sua demonstrat, dicens, Theodosio XI. & Valentiniano Consulibus. & ad locum, Nestorius Constantinopolitanus Episcopus nouum Ecclesiis molitur errorem inducere. & item, Theodosio XIII. & Valentiniano III. Augustinus Episcopus per omnia excellentissimus moritur v. Kal. Septembris, libris Iuliani inter impetus obsidentium Wandalorum in ipso dierum suorum fine respondens, & gloriosè in defensione gratiæ Christianæ perseuerans.] Et Beda in Chronica sua, Theodosius, inquit, minor, Arcadij filius, annos xxvi. regnauit. Valentinianus iunior, Constantij filius, Rauennæ Imperator creatur. & post paululum, Sed beatus Augustinus Hipponensis Episcopus, & omnium doctor eximius Ecclesiarum, ne ciuitatis suæ ruinam videret, tertio obsidionis eius mense migravit ad Dominum v. Kal. Septembris, cum vixisset annos LXXVI. in clericatu autem annos fermè XL. compleisset.] Qui beatus Augustinus in ipso dierum suorum fine Librum de hæresibus, inter responsiones prædictorum librorum Iuliani, quorum Prosper fecerat mentionem, ad Quodvultdeum Diaconum scripsit, sicut ipse in epistola ad prædictum Diaconum ita commemorat, Cum mihi, inquiens, hæc scribendi offerretur occasio per Fusalensem presbyterum, quem commendo caritati tuæ, relege epistolam tuam, in qua petis vt de hæresibus, quæ oriri potuerunt ex quo Domini in carne nuntiari cæpit aduentus, aliquid scriberem. Hoc autem feci, vt viderem vtrum iam deberem ipsum opus aggredi, & inde tibi aliquid mittere, vbi considerares tanto esse difficilius quanto vis esse breuius. Sed ne hoc quidem potui, talibus curis superuenientibus impeditus, à quibus omninò dissimulare non

Tomo vi.
in princ.

possem. Nam me & ab eo quod habebam in manibus auerterunt: hoc autem est, ubi respondeo libris Iuliani, quos octo edidit post illos quatuor quibus antè respondi. Hos enim cùm Romæ accepisset frater Alypius, nondum omnes descripserat, cùm oblatam occasionem noluit præterire, per quam mihi quinque transmisit, promittens alios tres citò se esse missurum, & multum instans ne respondere differrem. Cuius instantia coactus sum remissiùs semper agere quod agebam, ut operi utrique non deessem, vni diebus alteri noctibus, quantum mihi ab aliis occupationibus hinc atque hinc venire non desistentibus parceretur. Agebam verò rem plurimum necessariam. nam retractabam opuscula mea, & si quid in eis me offenderet, vel alios offendere posset, partim reprehendendo, partim defendendo, quod legi posset & deberet operabar. Et duo volumina iam absolueram, retractatis omnibus libris meis, quorum numerum nesciebam, eosque CCXXX & duos esse cognoui. Restabant epistolæ, & tractatus populares quos Græci Homilias vocant.] Isti autem libri Iuliani, sicut manifestum est, non sunt illi, quos in libris Retractionum commemorat.

Sed & de hæresibus LXXXVIII. isdem doctor mirificus Augustinus conscripsit, quibus nouissimam hæresim Pelagianam subiunxit. Inde Gennadius Massiliensis sacerdos valdè doctus, qui & de viris inlustribus scripsit, ab eo loco incipiens ubi sanctus Hieronymus memoriæ scriptorum inlustrium finem imposuit, & ad sua usque tempora scriptores famosos cum debita laude commemorauit, hanc Prædestinarianam nonagesimam hæresim sectæ Pelagianæ supposuit, dicens. Sunt, inquit, qui dicunt quòd Deus non omnes homines ad hoc creet, ut omnes saluentur, sed ut multitudine hominum ornetur mundus.] & reliqua quæ prosequitur, quæ in processu monstrabimus. Deinde nonagesimam primam Nestorianam ponit, sicque Eutychianam, & post hanc Timotheanam. Sed & Hyginus, catalogum describens hæreseon, octogesimam & nonam hæresim Nestorianam ponit, & nonagesimam istam Prædestinarianam, cum libello ab eisdem Prædestinarianis composito, ita dicens, Nonagesima hæresis, inquit, quam in præfatione nostra diximus de nomine Augustini Episcopi esse mentitam, Prædestinarianorum nomen accepit.] Beatus etiam Augustinus in præfatione Retractionum de opusculis suis dicit, Illud enim quod scriptum est, *ex multiloquio non effugies peccatum*, terret me plurimum. non quia multa scripsi, vel quia multa etiam quæ dictata non sunt, tamen à me dicta conscripta sunt. absit enim ut multiloquio deputetur, quando necessaria dicuntur, quantalibet sermonum multitudine dicantur. Sed istam sententiam scripturæ sanctæ propterea timeo, quia de tam multis disputationibus meis sine dubio multa colligi possunt, quæ si non falsa, at certè videantur, siue etiam conuin-

Tomo 1.
in princ.

Prov. 10.
19.

DE PRÆDESTINATIONE.

cantur non necessaria.] & paulò superiùs, Neque enim quisquam nisi impudens, ideo quia mea errata reprehendo me reprehendere audebit. Sed si dicit non ea debuisse à me dici quæ postea mihi etiam displicerent, verum dicit & mecum facit. Eorum quippe reprehensor est, quorum & ego sum. Neque enim ea reprehendere deberem, si dicere debuisssem.]

Nam & in Africanis & in Gallicis regionibus hæc primum hæresis cepit exordium. adhuc in vita beati Augustini. Vnde & ipse ad Valentinum & cum illo monachos librum scripsit de correptione & gratia, sicut Prosper in epistola sua ad eundem Augustinum directa demonstrat, dicens, Multi, inquit, seruorum Christi, qui in Massiliensi vrbe consistunt, in sanctitatis tuæ scriptis, quæ aduersus Pelagianos hæreticos condidisti, contrarium putant Patrum opinioni, & Ecclesiastico sensui, quicquid in eis de vocatione electorum secundum Dei propositum disputasti. Et cum aliquandiu tarditatem suam culpæ maluerint, quàm non intellecta reprehendere, quidamque eorum lucidiorem super hoc atque apertio-
 beatitudinis tuæ expositionem voluerint postulare, euenit ex dispositione misericordiæ Dei, vt cum quidam intra Africam similia mouissent, librum de correptione & gratia plenum diuinæ auctoritatis emitteres. quò in notitiam nostram insperata opportunitate delato, putauimus omnes querelas resistentium sopiendas, quia vniuersis quæstionibus, de quibus consulenda erat sanctitas tua, tam plenè illic absolutèque responsum est, quasi hoc specialiter studueris, vt quæ apud nos erant turbata componeres.] Quem librum isdem beatus Augustinus in serie librorum Retractationum vltimum posuit. qui in eorundem præfatione dicit, Quapropter quicumque ista lecturi sunt, non me imitentur errantem, sed in melius proficientem. Inueniet enim fortasse quomodo scribendo profecerim, quisquis opuscula mea ordine quo scripta sunt legerit. Quod vt possit, hoc opere quantum potero curabo vt eundem ordinem nouerit.] De quo libro & Prosper in præfata epistola præcedentibus subnexuit, dicens, Recensito autem hoc beatitudinis tuæ libro, sicut qui sanctam atque Apostolicam doctrinæ tuæ auctoritatem antea sequebantur, intelligentiores multo instructioresque sunt facti, ita qui persuasionis suæ impediabantur obscuro, aduersiores quàm fuerant recesserunt. Quorum tam abrupta dissensio primùm propter ipsos metuenda est, ne tam clavis tamque egregiis in omnium virtutum studio viris spiritus Pelagianæ impietatis inludat. ne simplices quique, apud quos horum magna est de probitatis contemplatione reuerentia, hoc tutissimum sibi æstiment, quòd audiant eos quorum auctoritatem sine iudicio sequuntur asserere.] Et circa finem ipsius epistolæ, Necessarium & vtile est, inquit, etiam quæ scripta sunt scribere, ne leue existimetur quod non frequenter

Tomo vii.
ante librũ
de Prædest.
sãtorum.

Tomo ii.
in print.

Tom. vii.
post epist.
Prosperi.

arguitur.] Hinc & Hilarius Arelatensis Episcopus ad eundem sanctum Augustinum misit epistolam, in qua dicit, Hæc sunt itaque quæ Massiliæ vel etiam aliquibus locis in Gallia ventilantur, & reliqua. & item circa finem suæ epistolæ dicit, Libros, cum editi fuerint, quos de vniuerso opere moliris, quæso habere mereamur: maxime ut per eorum auctoritatem, si qua in tuis displicent, à dignitate tui nominis iam non trepidi sequestremur.]

Vnde & sanctus Augustinus duos libros, alterum de Prædestinatione Sanctorum, alterum de Bono perseuerantiæ, ad præfatos Episcopos Prosperum scilicet & Hilarium scripsit. In quibus libris, sicut sibi visum fuerat, nomen prædestinationis, quo antea in aliis suis libris indifferenter usus fuerat, propriè posuit, sicut & in libro de correptione & gratia diffinitiuè correxit. In quibus etiam & horum nouorum hæreticorum facit crebrius mentionem, uti qui legit agnoscit, & nos breuiter lectoris præsentamus obtutibus. Ait enim in libro de bono perseuerantiæ, Porro si hæc ita Deum nouerant dare, ut non ignorarent eum daturum se esse præscisse, & quibus daturus esset non potuisse nescire, proculdubio nouerant prædestinationem, quam per Apostolos prædicatam contra novos hæreticos operosius diligentiusque defendimus. & item, Quid autem coëgit loca scripturarum, in quibus prædestinatio commendata est, copiosius & enucleatius isto nostro labore defendi, nisi quod Pelagiani dicunt gratiam Dei secundum merita nostra dari? & reliqua.] & iterum, De hac enim re, quam nunc aduersus novos hæreticos non commemorare tantum, sed planè tueri & defensare compellimur. & item, Quæ nunc contra novos hæreticos cura diligentiore defenditur. & item, Ac per hoc prædestinationis huius fidem, quæ contra novos hæreticos noua sollicitudine nunc defenditur, nunquam Ecclesia Christi non habuit.] Sunt & qui dicant, quia nomen prædestinationis non aliter, nisi sicut in aliis suis libris posuerat, beatus Augustinus retractare voluerit. Vnde sciant quia post omnes libros suos, quos in libris retractationum commemorat, istos duos libros conscripsit, quos loco retractationis composuit. In quibus nihilominus de eisdem retractationum libris memoriam facit, sicut facile lector agnoscit. Ait enim in libro de prædestinatione Sanctorum, De hoc primo duorum illorum libro in secundo retractationum primum locutus sum.] & item in libro de bono perseuerantiæ, Denique in primo Retractationum libro, quod opus meum nondum legistis, cum ad eosdem libros retractandos venissem, & reliqua.] Et in libro Hypomnesticon ab æmulis se calumniatum fuisse demonstrat, dicens, Credere nos quippe vel prædicare fugillatis, quia cum lege Dei & Prophetis, cum Euangelio Christi eiusque Apostolis, prædestinationem dicimus, eo quod Deus quosdam hominum sic prædestinet ad vitam regni cælorum, ut si nolint

nolint orare & ieiunare, aut in omni opere diuino vigiles esse, eos omninò perire non posse.] & paulo post, Non miramur vos de nobis, id est homines de hominibus, falsa posse confingere, cum videamus vos sic à diabolo esse fascinosos, vt scripturas sanctas & veridicas ad voluntatis vestræ intellectum mutare nitamini.] & reliqua quæ disertè prosequitur.

De quo videlicet Hypomnesticon libro, quidam contendunt quòd eum sanctus Augustinus non composuerit, quoniam illorum erroribus manifestissimè contradicit: dicentes quia sanctus Episcopus, qui omnium librorum illius nomina in indice conscripta Vitæ ipsius subiunxerit, illum non adnotauerit. Vnde sciendum est, quia plures illius libros habemus, qui in eodem indiculo non habentur: sicut est de Disciplina Christiana, excepto etiam illo qui titulatur de Doctrina Christiana. Sed & de prædestinatione gratiæ, & de hæresibus ad Quodvultdeum diaconum, & de vnitæ Trinitatis, & librum de Pœnitentia, quem commemorat in epistola ad Consentium monachum, & librum qui titulatur de Verbis Domini, & alios quos commemorare superfluum ducimus: cum idem ipse sanctus Augustinus in fine Retractationum dicat, Hæc opera nongenta & tria in libris CCXXXII. me dictasse recolui, quando hæc retractaui, vtrum aliquos adhuc essem dictaturus ignorans. Itaque ipsam eorum retractationem in libris duobus edidi vrgentibus fratribus, antequàm epistolas atque sermones ad populum, alios dictatos, alios à me dictos, retractare cœpisssem.] & isdem sanctus Episcopus, qui indicem librorum illius siue epistolarum conscripsit, in fine ipsius indiculi subiungat dicens, Fiunt, inquit, simul quos memoratus sanctus Augustinus Spiritu diuino actus in sancta Ecclesia catholica ad instructionem animarum fecit libros, tractatus, epistolas, M. xxx. excepto qui numerari non possunt, quia nec numerum designauit ipsorum.] Ipse sanctus Episcopus, qui illa descripsit, numerari non posse tractatus & epistolas illius dixit, & quidam omnium librorum siue epistolarum eius numerum diligentissimè in fine ipsius scripturæ eundem sanctum Episcopum subiunxisse testantur: cum possint & ipsi videre in eodem indiculo si conscripti sunt libri isti de Prædestinatione sanctorum, ac Bono perseverantiæ, quos sancti Augustini esse nemo denegare aut volet aut valet. De quibus etiam contendere quosdam audiuius, qui eosdem beati Augustini libros intelligenter non legerant, quòd de illis scriptum sit in indiculo, Responsio obiectis Hilarij liber 1. cum sine aliqua contentione falsum esse valeat demonstrari ab his qui eosdem libros noscuntur habere, quia & ille Hilarius, cui est in vno libro responsum, monachus fuit Syracusanus, iste autem Hilarius extitit Arelatensis Episcopus, cui simul cum Prospero istos quos nunc memoramus libros rescripsit. Si quis tamen eosdem libros non habet, videat in collectione ve-

Epist. 146.
sub finem.

Inter opera
Fulgentij.

Hormisdæ
epist. 67.

nerabilis Bedæ presbyteri de opusculis sancti Augustini super Apostolum, & ibi discere poterit quod antea ignorauit. Sancti nihilominus Episcopi Africæ prouinciæ ita eorumdem librorum in Synodica sua epistola faciunt mentionem dicentes, Dei gratia plurimum amplectendis sanctis fratribus, Ioanni presbytero & Archimandritæ, & Venerio diacono, & fidelibus viris quorum in vestra epistola subscriptio continetur, Datianus, Fortunatus, Boethus, Victor, Scholasticus, Orontius, Vindicianus, Victor, Ianuarius, Victorianus, Pontius, Quodvultdeus, famuli Christi in Domino salutem.] & in eadem ad locum, Libros sancti Augustini, quos ad Prosperum & Hilarium scripsit, memoratis fratribus legendos ingerite. quorum mentionem beatæ memoriæ Hormisdæ, sedis Apostolicæ gloriosus Antistes in epistola, quam consulenti se sancto fratri confacerdotique nostro Possessori scripsit, cum magno præconio catholicæ laudis inseruit. cuius hæc verba sunt, De arbitrio tamen libero & gratia Dei quid Romana, hoc est catholica sequatur & seruet Ecclesia, licet in variis libris beati Augustini, & maxime ad Hilarium & Prosperum abundè possit agnosci, tamen & in scriniis Ecclesiasticis expressa capitula continentur.] Et in eadem epistola præfati sancti Episcopi ipsa beati Augustini verba de supradicto Hypomnesticon libro ex responsione tertiæ quæstionis ad reuincendos ponunt hæreticos. Et ipse beatus Augustinus in libro ad Dulcitium de octo quæstionibus, quas ei scripto soluit reuertens à Carthagine, commemorans libros suos in quibus de eisdem quæstionibus scripserat, ita ad finem ipsius operis de eodem Hypomnesticon libro commemorat dicens, Addere etiam hoc quammaximè huic operi oportet, vt vestra calumnia, quam nobis obicere soletis, per inluminationem gratiæ Saluatoris reuincatur, immo confutetur, & nostræ fidei integritas comprobetur. Credere nos quippe vel prædicare sugillatis, quia cum lege Dei & Prophetis, cum Euangelio Christi eiusque Apostolis prædestinationem dicimus.] & reliqua quæ ibi Lector ex integro cum sextæ quæstionis solutione de Hypomnesticon libro inueniet. Similiter & de libro qui sub nomine sancti Hieronymi intulatur de Induratione cordis Pharaonis, quia eorum sensui contradicit, magnopere fatagunt non esse ipsius. Sed nihil eis proficit si eum reiciunt, quoniam isdem sanctus Hieronymus, & ceteri Doctores catholici, eodem sensu eos malè sentire conuincunt, quo & idem liber illorum exurit zizania.

Epist. viii.

De reprehensione nihilominus sua, vnde præmisimus, contra obtretractatores suos isdem in fine libri de Bono perseverantiæ dicit. Qui verò me errare existimant, etiam atque etiam diligenter quæ sunt dicta considerent, ne fortassis ipsi errent.] Beatus siquidem Cælestinus hoc in epistola decretali ad Veneriū & ceteros Gallicanos Episcopos etiam post obitum illius demonstrat dicens, Vitentur huiusmodi qui labo-

rāt per terras aliud quàm ille noster iussit agricola seminare. Nec tamē mirari possumus, si hæc erga viuentes hi nunc tentare audent, qui nituntur etiam quiescentiū fratrum memoriam dissipare. Augustinum sanctæ recordationis virum pro vita sua atque meritis in nostra communione semper habuimus, nec vnquam hunc sinistrae suspicionis saltem rumor asperfit. quem tantæ scientiæ olim fuisse meminimus, vt inter magistros optimos etiam à meis semper decessoribus haberetur. Bene ergo de eo omnes in commune senserunt, vtpote qui vbique cunctis & amoris fuerit & honori. Vnde resistatur talibus quos malè crescere videmus. Nefas est hæc pati religiosas animas, quarum afflictatione, quia membra nostra sunt, nos quoque conuenit macerari. quamuis maneat hos beatitudo promissa, quicumque probantur persecutionem propter iustitiam sustinere. quibus quid promittat Dominus in futurum sequens sermo declarat. Non est agentium causa solorum, quando vniuersalis Ecclesia quacumque nouitate pulsatur. Intelligamus hæc ipsa vobis quæ nobis non placent displicere. quod ita demum probare poterimus, si imposito improbis silentio de tali re in posterum querela cessabit.] Sanctus quoque Prosper hinc in epistola ad Rufinum ita dicit, Has, inquit, Sub initio
epist. versutias, quibus se filij tenebrarum in similitudinem filiorum lucis transfigurare voluerunt, cum & Orientalium Episcoporum iudicia, & Apostolicæ Sedis auctoritas, & Africanorum Conciliorum vigilantia deprehenderit, beatissimus quoque Augustinus, præcipua vtique in hoc tempore portio Domini sacerdotum, copiosè & pulchrè in multis voluminum disputationibus destruxit. vtpote inter multa Dei dona, quibus illum abundantissimè spiritus veritatis impleuit, habens etiam hanc scientiæ & sapientiæ ex Dei caritate virtutem, vt non solum istam adhuc in suis detractionibus palpitantem, sed etiam multas prius hæreses inuicto verbi gladio debellaret. Cui inter tot certaminum palmas, inter tot triumphorum coronas, ad inluminationem Ecclesiæ, & ad gloriam Christi qua ipse inlustratus est perfulgenti, quidam nostrorum, quod de ipsis multum dolendum est, occultis sed non incognitis susurrationibus obloquuntur. & prout sibi obnoxias aliquorum aures opportunasque repperint, scripta eius quibus error Pelagianorum impugnatur infamant, dicentes eum liberum arbitrium penitus submouere, & sub gratiæ nomine necessitatem prædicare fatalem. adicientes etiam duas illum humani generis massas & duas credi velle naturas, vt scilicet tantæ pietatis viro Paganorum & Manichæorum adscribatur impietas. Quæ si vera sunt, cur ipsi tam negligentes ne dicam impij sunt, vt tam abruptam perniciem ab Ecclesiâ non repellant, tam insanis prædicationibus non resistent, nec saltem aliquibus scriptis eum à quo talis emanat doctrina conueniant? Magna enim gloria sua humano generi consuluerint, si Augustinum ab errore reuocauerint. Nisi fortè

modesti homines, nouique censores, magnorum prius meritorum seni honorabiliter ac misericorditer parcunt, & securi quia libros eius nemo vsquam recipiat conquiescunt. Atqui nouerint, immo nouerunt, non solum Romanam, Africanamque Ecclesiam, & per omnes mundi partes vniuersos promissionis filios, cum doctrina huius viri sicut in tota fide ita in gratiae confessione congruere: sed etiam in his ipsis locis, in quibus aduersus eum querimonia concitatur, esse propitio Deo plurimos, qui ad perceptionem Euangelicae Apostolicaeque doctrinae saluberrimis eius disputationibus imbuuntur, & quotidie in membris corporis Christi in quantum ea ipse multiplicat dilatantur.] Et item idem Prosper in libro quem edidit contra Cassiani quondam Abbatis librum, qui praenotatur de Protectione Dei, de reprehensoribus librorum sancti Augustini, scilicet de Correptione & Gratia, de Praedestinatione Sanctorum, ac Bono perseverantiae, quos circa finem ediderat, ita post laudem beati Augustini à Caestino prolata dicit, Contra istam clarissimae laudationis tubam, contra istam sacratissimi testimonij dignitatem, audet quisquam malignae interpretationis murmur emittere, & perspicuae syncerissimaeque sententiae nubem obliquae ambiguitatis obtendere? ut scilicet, quia in epistola Papae librorum, pro quibus actum est, non expressus est titulus, hinc eos appareat non probatos, & istam in sanctum Augustinum laudationem pro anteriorum scriptorum meritis fuisse conlatam.] & post aliquanta, Apostolica enim sedes quod à praecognitis sibi non discrepat cum praecognitis probat, & quod iudicio iungit laude non diuidit. Qui ergo hos proximè editos libros refutant, anterioribus adquiescant, & iis quae pro gratia Christiana prius sunt scripta consentiant. Sed non faciunt. Sciunt enim omnia Pelagianis esse contraria, & nihil sibi posse competere ad consequentium resolutionem, si confiteantur in praecedentibus consistere veritatem. Igitur huiusmodi hominum prauitati non tam disputationum studio, quam auctoritatum priuilegio resistendum est: ut de prostrati dudum dogmatis corpore nullum membrum sinatur assurgere. quia notum est, ita se falsitatis istius habere versutias, ut si ei liceat, praetenta correctionis imagine, aliquid sibi fauentium radicis suae germen excipere, totam se possit in exigua sui parte reparare. Vbi enim non aliud habet summa quam portio, non est deuotionis dedisse prope totum, sed fraudis restituisse vel minimum. Quod ne hypocritarum obtineatur insidiis, confidimus Domini protectione praestandum, ut quod operatus est in Innocentio, Zosimo, Bonifacio, Caestino, operetur & in Xysto, & in custodia Dominici gregis haec sit pars gloriae huic reservata pastori, ut sicut illi lupos abegere manifestos, ita hic depellat occultos. illo auribus suis doctissimi senis insonante sermone, quo conlaborantem secum hortatus est dicens, Sunt enim quidam qui iu-

Sub finem
libri.

stiffimè damnatas impietates adhuc liberius defendendas putant, & sunt qui occultius penetrant domos, & quod in aperto clamare iam metuunt, in secreto seminare non quiescunt. Sunt autem qui omninò siluerunt magno timore compressi, sed adhuc corde retinentes quod ore iam proferre non audent. Qui tamen esse fratribus possunt ex priore ipsius dogmatis defensione notissimi. Proinde alij seuerius sunt coërcendi, alij vigilantius vestigandi, alij tractandi quidem lenius, sed non segnius sunt docendi, vt si non timentur ne perdant, non tamen negligantur ne pereant. Sufficiens vt arbitrator demonstratum est, reprehensores sancti Augustini & vana obicere, & recta impugnare, & praua defendere, peremptorūque armis intestinum bellum mouentes, dictis diuinis atque humanis constitutionibus rebellare. Quorum tamen, dum adhuc non sunt à fraterna societate diuisi, toleranda magis est intentio quàm desperanda correctio: vt donec Dominus per Ecclesiæ principes, & legitimos iudiciorum suorum ministros, hæc quæ per paucorum superbiam & quorundam imperitiam sunt turbata componat, nobis Deo adiuuante sit studium, quæta modestaque patientia odiis dilectionem reddere, & ineptorum vitare conflictus: veritatem non deserere, nec cum falsitate certare, semperque à Deo petere, vt in omnibus cogitationibus, in omnibus voluntatibus, in omnibus sermonibus aque actionibus nostris, ipse teneat primatum qui se dixit esse principium. quoniam ex ipso, & per ipsum, & in ipso sunt omnia, ipsi gloria in sæcula Amen.] Et item Prosper Camillo & Theodoro Ianuensium presbyteris scribens, In libris, inquit, beatæ In principio. memoriæ Augustini Episcopi, quorum titulus est de Prædestinatione Sanctorum, quædam sanctitatem vestram vel insolita aut minùs clara mouerunt, quæ ad humilitatem meam de contextu disputationis excerpta misistis, vt quo intellectu quoue iudicio ea acciperem nosceretis, & reliqua.] Et item in libro qui titulatur de Ingratis contra Pelagianos, aliòsque hæreticos, quorum ibidem nomina designantur.

*Contra Augustinum narratur serpere quidam
 Scriptor, quem dudum liuor adussit edax.
 Inter multa suis quæ tradidit Hæresiarches,
 Quod cognoscis ait naturam, quæ bona facta est,
 Nullis cum vitiis in quoquam omnino creari,
 Nec cuiquam primi culpam nocuisse parentis.
 Et quoniam tales nascentur nunc quoque, qualis
 Ille fuit nostri generis pater ante reatum,
 Posse hominem sine peccato decurrere vitam,
 Si velit, vt potuit nullo delinquere primus
 Libertate sua. nempe hæc damnata fateris
 Conciliis, mundique manu. Connectit & illud*

*Idem auctor, quod lex ita sanctos miserit olim
 Calorum in regnum, sicut nunc gratia mittit.
 Hoc quoque iudicio sancto scis esse peremptum.
 Obiectum est aliud ipsum dixisse magistrum,
 Quod meritis hominum tribuatur gratia Christi,
 Quantum quisque Dei donis se fecerit aptum.
 Sed nimis aduersum hoc fidei nimiumque repugnans
 Esse videns, dixit se non ita credere, & illos
 Damnari dignos, quorum mens ista teneret.*

Verum & in Præfatione obiectionum atque responsionum contra Gallos prauè sentientes hoc idem demonstrat dicens, Doctrinam, inquit, quam sanctæ memoriæ Augustinus Episcopus, contra Pelagianos inimicos gratiæ Christi & liberi arbitrij decomptores, per multos annos Apostolicè asseruit, litterisque mandauit, quibusdam visum est aut non intelligendo, aut intelligi eam nolendo reprehendere, & hoc quasi compendium cognitionis his qui iudicio eorum ducebantur afferre, vt quæ in libris prædicti viri damnabilia se reperisse iactabant, breuium capitulorum indiculis publicarent, talique commento & detestationem eius quem impeterent obtinerent, & ab his quæ infamassent curam exterriti lectoris auerterent. Ne ergo hanc persuasionem temerè quis recipiat, & talem putet sensum scriptis catholici inesse Doctoris, qualem cum qui frustra calumniantur ostendant, singulis capitulis, quæ damnationis titulo prænotarunt, breui & absoluta professione respondeo: in nullo recedens à tramite earum diffinitionum, quæ in sancti viri disputationibus continentur. vt facile vel tenuis diligentia aduertat inspector, quàm iniustis opprobriis catholici prædicatoris memoria carpatur, & in quod peccatum cadant qui aliena instigatione commoti scriptorem celeberrimi nominis promptius habeant culpare quàm nosse.]

Hæc autem, quæ prolata sunt à sancto Cælestino & beato Prospero in redargutione & compressione ex verbis beati Augustini huius nouæ hæreseos, acta sunt post obitum ipsius doctissimi & catholici viri, secundo anno postquam ipse obiit. & congregata, sicut Prosper in Chronica sua demonstrat, apud Ephesum plus ducentorum Synodo sacerdotum, Nestorius cum hæresi nominis sui, & cum multis Pelagianis, qui cognatum errori suo iuuabant dogma, damnatur. Sed & sanctus Liberatus, Archidiaconus Ecclesiæ Carthaginis regionis sextæ, in Breuiario causæ Nestorianorum & Euty-
 Cap. iv. chianorum collecto ita ad locum dicit, Cyrillus verò per Posidonium diaconum suum retulit de Nestorio Papæ Cælestino, & quid Constantinopoli ageretur ei per epistolam suam allegauit.] & post
 Cap. v. aliquanta, Imperator sacram & beato Augustino Hipponeregienfi Episcopo per Ebagnium Magistrum scripsit, vt ipsi Concilio

præstaret sui præsentiam. qui Ebagnius veniens Carthaginem magnam, audiuit à Capreolo ipsius vrbis Antistite beatum Augustinum ex hoc mundo migrasse ad Dominum, acceptisque ab eo ad Imperatorem litteris loquentibus de obitu beati Augustini, Constantinopolim vnde venerat rediit. Porro Capreolus Archiepiscopus propter impetus Wandalorum, Africanas regiones obsidentium, vniuersale Concilium congregare non valens, Vessulam diaconum suum misit Ephesum ad Concilium legatum. Cælestinus verò Papa Romanus scripsit Nestorio increpationis epistolam, & sequentia.] Sed & memorata epistola Capreoli, quæ à nobis & à multis habetur, hæc ita se habere testatur, sicut legentibus narratio ipsa confirmat. Contra quam hæresim venerandæ memoriæ Augustinus, sicut contra alias solitus erat, morte præuentus speciali labore nequiu-
uit confingere. Fortè etiam quia pro certo ad suam non peruenit notitiam. quam si euidenter agnouisset, credi potest de ipsius feruoris zelo erga fidei synceritatem, quia non omitteret quin contra illam scribere procuraret: sicut & contra istam, quæ apud Gallos excitata per Prosperum & Hilarium sibi innotuit, & antea in Africanis regionibus commotam non ignorauit, cuique nomen quod postea accepit non indidit, quia in suo tempore compressa pleniter non obmutuit. Sed post obitum illius, auctoritate Apostolicæ Sedis, per beatum Cælestinum, instantia sancti Prosperi, ex delegatione ipsius sanctæ vniuersalis Ecclesiæ, verbis præfati venerabilis Augustini Synodali censura est redarguta, conuicta, atque sopita, veluti superscriptus beatus Cælestinus in memorata epistola Epist. viii. demonstrat dicens, Dilectissimis fratribus Venerio, Marino, Leontio, Ausonio, Archadio, Filtanio, & ceteris Galliarum Episcopis Cælestinus.] & ad locum, Filij nostri præsentés Prosper & Hilarius, quorum circa Deum nostrum sollicitudo laudanda est, tantum nescio quibus presbyteris illic licere, qui dissensionem Ecclesiarum studeant, sunt apud nos persecuti, vt indisciplinatas quæstiones vocantes in medium, pertinaciter eos dicant prædicare aduersantia veritati. Sed vestræ dilectioni hoc iustius imputamus quando illi supra vos habent copiam disputandi.] & item, Habetote fratres charissimi pro catholicæ plebis pace tractatum. sciant se, si tamen censentur presbyterij dignitate, vobis esse subiectos. sciant omnes qui malè docent, quòd sibi discere magis competat quàm docere. Nam quid in Ecclesiis vos agitis, si illi summam teneant prædicandi?]

Ad cuius iussionem prædicti Galliarum Episcopi Synodum habuerunt, & huiusmodi prauè sentientes, aut resipiscentes pietate Ecclesiastica regulariter receperunt, aut in sua vecordia & prauis sensibus persistentes Episcopali atque catholica & Apostolica auctoritate à consortio fidelium segregauerunt, sicut epistola amicalis

Fausti ad Lucidum presbyterum, & libellus eiusdem presbyteri Lucidi in Synodo porrectus Episcopis apertè demonstrat. quæ utraque, & epistolam scilicet & correctionis libellum, ad demonstrandum rei euidens documentum, quia non quærimus de mendacio adstruere veritatem, hîc inferere necessarium duximus.

Tom. I.
Concil.
Gallie
P. 148.

Epistola Fausti ad Lucidum presbyterum. Domino deuinctissimo, & mihi speciali affectu venerando & suscipiendo fratri, Lucido presbytero Faustus. Grandis caritas est parum cauti fratris errorem per Dei gratiam & adiutorium magis velle curare, quàm sicut summi Antistites meditantur ab unitate suspendere. Quid possum de hoc sensu sicut vis cum unanimitate tua per litteras loqui, cum te presens multa & blanda & humili conlocutione nunquam potuerim ad viam veritatis attrahere? Loquentes ergo de Dei gratia & obedientia hominis, id omnimodo statuere debemus, ut neque pro ni in sinistram, neque importuni in dexteram, regia magis gradiamur via. Illud autem venerationem tuam dixisse miratus sum, quòd nullus unquam sub religiosa professione contra catholicam fidem vel scripserit vel prædicauerit, cum plurimi multiplices & profanos errores suos etiam scriptorum monumentis crediderint inferendos, qui tamen Christiano nomine gloriabantur. Breuiter ergo dicam, quantum cum absente loqui possum, quid sentire cum catholica Ecclesia debeas. Id est ut cum gratia Domini operationem baptizati famuli semper adiungas, & eum qui prædestinationem excluso labore hominis asserit cum Pelagij dogmate detesteris. Anathema ergo illi, qui inter reliquas Pelagij impietates hominem sine peccato nasci, & per solum laborem posse saluari, damnanda præsumptione contenderit, & qui eum sine gratia Dei liberari posse crediderit. Item anathema illi, qui hominem cum fidei confessione solenniter baptizatum & asserentem catholicam fidem, & postmodum per diuersa mundi huius oblectamenta & tentamenta prolapsus, in Adam & originale peccatum periisse asseruerit. Item anathema illi, qui per Dei præscientiam hominem deprimi in mortem dixerit. Item anathema illi, qui dixerit illum qui periit non accepisse ut saluus esse posset. Item anathema illi, qui dixerit quòd vas in contumeliam non possit adsurgere, ut sit vas in honorem. Item anathema illi, qui dixerit quòd Christus non pro omnibus mortuus sit, nec omnes homines saluos esse velit. Cum autem ad nos in Christi nomine veneris, aut cum à sanctis sacerdotibus euocatus fueris, tunc opportuna si Dominus iusserit locis suis testimonia proferemus, quibus & quæ catholica sunt manifestentur, & quæ catholicis contraria destruantur. Nos autem per inlumenationem Christi veraciter & confidenter asserimus, & eum qui periit per culpam, saluum esse potuisse per gratiam, si gratiæ ipsi famuli laboris obedientiam non negasset, & eum qui per gratiam ad bonæ consummationis metas seruitio obsequente peruenit, cadere per desidiam & perire potuisse per culpam. Nos ergo per medium Christo duce gradientes, post gratiam sine qua nihil sumus laborem officiosæ seruitutis asserimus: sed omni modo arrogantiam & præsumptionem laboris excludimus. ut totis viribus desudantes ne gratia in nobis euacuetur, quicquid de manu Domini suscepimus

meus, donum pronuntiemus esse non pretium. scientes laboris ipsius fructum officij rem esse, non meriti, cum Euangelista dicentes, Serui inutili sumus, quod debuimus facere fecimus. Hæc quæ strictim pro epistola breuitate memorata sunt aut recipere se, aut respuere, unanimitas tua recurrente sermone respondeat. Ceterum qui hanc veritatis mensuram gratia præcedente & conatu adsurgente non sequitur, dignus erit qui sacris liminibus arceatur. Ego tamen indiuiduam mihi bonitatem tuam toto sincera benignitatis amplexu in via retinens, intra matris Ecclesiæ gremium permanere repudiato hoc errore desidero. qui scitò respuatur, ignorantia fuisse videbitur: blasphemia verò reputabitur, si pertinaciter defendatur. Grauem namque in auctorem retorquemus inuidiam, si dicamus quòd ei possibilitatem capeßendæ salutis noluerit dare qui periit: cum minimè negare possimus, quòd mandati præuicacitorem in iudicij sui examinatione damnabit. Qui enim non est obnoxius de suscepto, nescio quomodo reus possit esse de perduto. ac sic peccantes in Deum, cuius in primis incautiùs asseruimus gratiam, in postremis eius videbimur impugnare iustitiam. Huius autem epistolæ exemplar mecum retinco, in conuentu sanctorum Antistitum, si ita necesse fuerit, proferendum. Quam si suscipiendam putauerit fraternitas tua, aut subscriptam manu propria mox remittat, aut sequentibus scriptis omnino se improbasse respondeat. Quòd si eam subscriptam, ut dixi, remittere nolueris, apertè adhuc se in errore persistere ipso silentio comprobabis. ac proinde iam necessitatem mihi facies ad personam tuam publicis conuentibus exponendam. Et ideo secundam hæc quæ à me sunt directæ rescribe, ut ea remotis circuitibus aut agnoscas, aut respuas. Item alia manu. Faustus exemplar epistolæ meæ relegi & subscripsi.

Item exemplar libelli Lucidi presbyteri. Dominis beatissimis & in Christo reuerentissimis patribus, Eufonio, Viuentio, Veriano, Paulo, Eutropio, Marcello, Claudio, Leontio, Mamerto, Auxanio, Megetio, Leontio, Croco, Vrsicino, Fonteio, Patienti, Fausto, Graco, Claudio, Basilio, Prætextato, Pragmatio, Viuentio, Ioanni Episcopo, Theoplasto, Iuliano, Oplioni, Leocadio, Amicali, & Licinio presbyteris Lucidus. Correptio vestra salus publica, & sententia vestra medicina est. unde & ego summum remedium duco, ut præteritos errores accusando excussem, & salutifera professione me diluam. Proinde iuxta prædicandi recentia statuta Concilij, damno vobiscum sensum illum, qui dicit laborem humana obedientiæ diuinæ gratiæ non esse iungendum. qui dicit post primi hominis lapsum ex toto arbitrium voluntatis extinctum. qui dicit quòd Christus dominus & saluator noster mortem non pro omnium salute suscepit. qui dicit quòd præscientia Dei hominem violenter compellat ad mortem, vel quòd Dei pereant voluntate qui pereunt. qui dicit quòd post acceptum legitimè baptismum in Adam moriatur quicumque deliquerit. qui dicit alios deputatos ad mortem, alios ad vitam prædestinatos. qui dicit ab Adam usque ad Christum nullos ex Gentibus per primam Dei gratiam, id est per legem naturæ in aduentum Christi fuisse saluatos, eo quòd liberum arbitrium ex omnibus in primo parente perdiderint. qui dicit Patriarchas ac Prophetas vel summos quosque Sanctorum, etiam ante redemptionis

tempora, in paradisi habitatione deguisse. qui dicit ignes & inferna non esse. Hæc omnia quasi impia & sacrilegiis repleta condemno. Ita autem assero gratiam Dei, ut adnissum hominis & conatum gratia semper adiungam: & libertatem voluntatis humana non extinctam, sed attenuatam & infirmatam esse pronuntiem. & periclitari eum qui saluus est, & eum qui periit potuisse saluari. Christum etiam Deum ac saluatorem nostrum, quantum pertinet ad diuitias bonitatis suæ, pretium mortis pro omnibus hominibus obtulisse. & quia nullum perire velit qui est saluator omnium hominum maxime fidelium, diues in omnibus qui inuocant illum. Et quia in tantis rebus conscientia satisfaciendum est, memini me antè dixisse quod Christus pro his tantum quos credituros præsciuit aduenisset, sententias Dominicas sequens, quibus ait, Sicut filius hominis venit non ministrari, sed ministrare, & animam suam redemptionem dare pro multis. & illud, Hic est calix sanguinis mei noui testamenti, qui pro multis effundetur in remissionem peccatorum. vel illud Apostoli, Sicut semel statutum est hominibus mori, ita & Christus semel oblatus est ad multorum exhaurienda peccata. Nunc verò sacrorum testimoniorum auctoritate, quæ abundè per spatia diuinarum scripturarum inueniuntur, & seniorum doctrina ratione patefacta, libens fateor Christum etiam pro perditis aduenisse, qui eodem nolente perierunt. Neque enim fas est circa eos solum qui videntur esse saluati, immensæ diuitias bonitatis ac beneficia diuina concludi. Nam si Christum his tantum remedia attulisse dicimus qui redempti sunt, videbimur absolvere non redemptos, quos pro redemptione contempta constat esse puniendos. Assero etiam per rationem & ordinem sæculorum alios lege gratia, alios lege Moyse, alios lege naturæ, quam Deus in omnium cordibus scripsit, in spe aduentus Christi fuisse saluatos: nullos tamen ex initio mundi ab originali nexu nisi intercessionem sacri sanguinis absolutos. Profiteor etiam æternos ignes & infernales flammæ factis capitalibus preparatas, quia perseverantes in finem humanas culpas merito sequitur diuina sententia, quam iuste incurrunt qui hæc non toto corde crediderint. Orate pro me domini sancti & Apostolici patres. Lucidus presbyter hanc epistolam manu propria subscripsi, & quæ in ea astruuntur assero, & quæ sunt damnata damno.]

Matth. 20.

28.

Matth. 26.

28.

Hebr. 9.

27.

Sub finem
libri.

Hæc autem ideo his scriptis interponere dignum duximus, ut manifestum fiat, quia quædam isti moderni Prædestinatiani dicunt, quæ & veteres hæretici antè dixerunt. in quibus catholica & Apostolica auctoritate & isti, longè post exorturi atque futuri, deuicti & prædamnati fuerunt, sicut Prosper in præfato libro contra Cassiani Abbatis librum edito ad locum dicit, Venerabilis, inquit, memoria Pontifex Cælestinus, cui ad catholicæ Ecclesiæ præsidium multa Dominus gratia suæ dona largitus est, sciens damnatis non examen iudicii, sed solum sententiæ remedium esse præstandum, Cælestium quasi non discussi negotij audientiam postulantes totius Italiae finibus iussit extrudi. Adeo & prædecessorum suorum statuta & decreta Synodalia inuiolabiliter seruanda censebāt, ut quod

semel meruerat abscidi nequaquam admitteret retractari. Nec verò segniori cura ab hoc eodem morbo Britannias liberauit : quando quosdam inimicos gratiæ, solùm suæ originis occupantes, etiam ab illo secreto exclusit Oceani, & ordinato Scottis Episcopo, dum Romanam Insulam studet seruare catholicam, fecit etiam barbaram Christianam. Per hunc virum etiam Orientales Ecclesiæ gemina peste purgatæ sunt : quando Cyrillo Alexandrinæ urbis Antistiti, gloriosissimo fidei catholicæ defensori, ad debellandam Nestorianam impietatem Apostolico auxiliatus est gladio, quo etiam Pelagiani, dum cognatis confœderantur erroribus, iterum prosternerentur. Per hunc virum intra Gallias istis ipsis, qui sanctæ memoriæ Augustini scripta reprehendunt, maleloquentiæ est adempta libertas. quando consulentium actione suscepta, & librorum qui errantibus displicebant pietate laudata, quid oporteret de eorum auctoritate sentiri sancto manifestauit eloquio, euidenter pronuntians, quantum sibi præsumptionis istius nouitas displiceret, qua auderent quidam aduersus antiquos magistros insolenter insurgere, & indisciplinata calumnia prædicationi veritatis obstrepere, Augustinum, inquit, sanctæ recordationis virum, pro vita sua atque pro meritis, in nostra semper communione habuimus.] & sequentia, sicut ex epistola eiusdem Papæ supra posuimus. Quia nihilominus ex delegatione Apostolicæ Sedis hæc incomposita in Gallicis regionibus composuerit, sicut & in præfata epistola Cælestinus monstrauit, isdem Prosper in præfatione Vincentianarum obiectionum ostendit dicens, Quidam, inquit, Christianæ ac fraternæ caritatis obliti, in tantum existimationem nostram quoquomodo student lædere, vt suam se euertere nocendi cupiditate non videant. Contextunt enim, & quilibet possunt sententiis comprehendunt, ineptissimarum quarundam blasphemiarum prodigiosa mendacia, eaque ostendenda & ingerenda multis publicè priuatimque circumferunt, asserentes talia in nostro esse sensu, qualia diabolico continentur indiculo. Quæ falsò in nos ad suscitandam inuidiam iactitari, facile & sufficienter subscriptione vnus probaremus anathematis, nisi malignitas eorum, qui se grauari putant si de nobis bene sentiatur, ipsam subscriptionis nostræ breuitatem suspectam esset habitura. Vnde ne huius querelæ inueniretur occasio, necessarium conueniensque credidimus, vt siue ad calumniantium animos mitigandos, siue ad eos quorum auribus tale aliquid insonuit instruendos, quantum adiuuante Domino fieri potuerit, plenè lucidéque pandamus quid de peruersis diffinitionibus iudicemus. Propositis igitur singillatim xvi. capitulis, sub vnoquoque eorum sensus nostri & fidei, quam contra Pelagianos ex Apostolicæ Sedis auctoritate defendimus, verba ponemus : vt qui paululum se ad legenda hæc dignati fuerint occupare, euidenter agnoscant, impiarum profanarumque opinionum nullum

cordibus nostris inhæsisse vestigium: & blasphemias, quas perspererint nostra professione damnari, in earumdem repertoribus censeant debere puniri.] Hæc commota & compressa atque composita illis ita fuere temporibus.

CAPVT II.

Per quos & qualiter hac eadem hæresis, ut de trunco amaritudinis spuria vitulamina, in tempore isto repullulauerit.

IN hoc autem tempore quidam Gothescalcus, ex Metropolis Ecclesiæ Remorum Monasterio, quod Orbacis dicitur, habitu monachus, mente ferinus, quietis impatiens, & inter suos mobilitate noxia singularis, de omnibus quæ peruersè tunc temporis sensa cognouerat, quatuor sibi elegit capitula, omnium penè peruersitatum illarum fœtidas & cænulentas feces in se continentia, quibus simplicium & deuotorum sensus peruertere, & magistri sibi nomen vsurpando, post se discipulos trahere, illisque qui ad sua vota auribus prurientes magistros sibi coaceruare decertant valeret indebitè, quoniam legitime non poterat, vita religiosa & catholica doctrina præesse. Isque quos potuit sibi complices fecit duntaxat innotesci desiderantes, qui quoniam rectis non poterant dyscolis noti fierent. Quique à Monasterio irregulariter exiens, peragratis regionibus plurimis, in Moguntina ciuitate habitæ Synodo & Rabano Archiepiscopo libellum sui erroris porrigens, damnatus cum litteris Synodalibus ad Remorum Metropolim est remissus. quarum litterarû exemplar hîc inserere rationabile duximus, quod ita se habet.

Reuerentissimo fratri & consacerdoti Hincmaro Archiepiscopo Rabanus seruus Christi & seruorum eius in Domino salutem. Notum sit dilectioni vestræ quòd quidam gyrouagus monachus nomine Gothescalc, qui se asserit sacerdotem in vestra parochia ordinatum, de Italia venit ad nos Moguntiam, nouas superstitiones & noxiam doctrinam de prædestinatione Dei introducens, & populos in errorem mittens. dicens quòd prædestinatio Dei sicut in bono sit ita & in malo, & tales sint in hoc mundo quidam, qui propter prædestinationem Dei quæ eos cogat in mortem ire, non possint ab errore & peccato se corrigere, quasi Deus eos fecisset ab initio incorrigibiles esse, & pœnæ obnoxios in interitum ire. Hanc ergo opinionem nuper in Synodo apud Moguntiam habita ab eo audientes, & incorrigibilem eum reperientes, annuente atque iubente piissimo rege nostro Hludouico, decreuimus eum cum perniciofa sua doctrina damnatum mittere ad vos. quatenus eum recludatis in vestra parochia vnde primum inordinatè recessit, & non sinatis eum ampliùs errorem docere, & seducere populum Christianum, quia iam multos seductos, ut audiui, habet, & minùs deuotos erga suam salutem, qui dicunt, Quid mihi proderit laborare in seruitio Dei? quia si prædestinatus sum ad mortem, nunquam

DE PRÆDESTINATIONE.

21

illam euadam: si autem malè egero, & prædestinatus sum ad vitam, sine ulla dubitatione ad æternam requiem vado. Hæc ergo paucis vobis scripsimus, intimantes qualem eius doctrinam reperimus: vos etiam valebitis de ore eius quid sentit plenius audire, & quid inde agendum sit iuste decernere. Dominus omnipotens sanctitatem vestram bene valentem, & pro nobis orantem, in æternum conseruare dignetur. Indèquæ à Synodali conuentu in Carisfacio palatio iterum auditus ab Episcopis, & ceteris quamplurimis viris Ecclesiasticis atque religiosis, qui eidem Synodo interfuerunt, videlicet Wenilone Sennensium Archiepiscopo, Hincmaro Remorum Episcopo, Folcino Morinensium Episcopo, Teuderico Camaracensium Episcopo, Hrothado Sueffonica ciuitatis Episcopo, Ragenario Ambianensium Episcopo, Immone Nouiomagensium Episcopo, Erpino Siluaneensium Episcopo, Lupo Catalaunensium Episcopo, Yrminfrido Beluacensium Episcopo, Pardulo Laudunensium Episcopo, Teutboldo prouinciæ Lugdunensium & Lingonica ciuitatis Episcopo, Gernobrio Turonensium prouinciæ Episcopo, Rigboldo Remorum Chorepiscopo, Witao Camaracensium Chorepiscopo, & aliis, qui nunc Dei gratia Episcopi ordinati, tunc autem iam dictæ Synodo cum Episcopis suis secundum Ecclesiasticum morem fuerunt. Wenilo scilicet, tunc cum Ragenario patre suo, nunc autem Rotomagensium Archiepiscopus, Aneas notarius sacri palatii, & modò Parisiorum Episcopus, Isaac diaconus Parduli, & nunc Lingonica ciuitatis Episcopus. Sed & venerabiles Abbates Synodo ipsi interfuere, Ratbertus Corbeia, Baüo Orbacis, & Halduinus Altiuillaris Monasterij, aliique domini sacerdotes ac diaconi. Wlfadus quoque Remorum Metropolis æconomus, & Rodoaldus Archidiaconus, cum aliis sequentibus cleri ordinibus. In quorum præsentia idem Gothescalcus, sicut & in Moguntina ciuitate, inuentus hæreticus atque incorrigibilis, honore presbyterali, quem per Rigboldum Remorum Chorepiscopum, cum esset Sueffonica parochiæ monachus, infcio ciuitatis suæ Episcopo, vsurpauerat potius quàm acceperat, abiectus, & pro sua inreuocabili contumacia, secundum leges, & Agathenses canones, ac regulam sancti Benedicti, vt improbus virgis cæsus, sicut decreuerant Germaniæ prouinciarum Episcopi, ne aliis noceret qui sibi prodesse nolebat, ergastulo est retrusus. Sed ne ille solus periret, sibi consentientes cœperunt vndecumque exurgere, & prauam ab illo remotam doctrinam & verbo & scripto disseminare. Quo adulterino semine hæc quibus nobis iubetis respondere pullularunt capitula. Quapropter primò sciendum est, quoniam quædam prisco tempore aliter dixerunt hæretici de præfatis quatuor capitulis quæ primùm Gothescalcus sibi assumpsit, & de quinto quod postea superaddendo præsumpsit, & quædam aliter Gothescalcus, nouorum Prædestinarianorum primicerius, & scholæ dyscolæ caput dicit. Verùm quia sicut scriptum est, *Quasi stuppa col-*

Ecc1.21.
10.

lecta Synagoga peccantium, & consummatio illorum flamma ignis, & illa vetus congregatio, & ista noua complexio, sunt errore pares, quamquam diuersa fatentes. Et idcirco capitulatim de vnaquaque sententia ponendum duximus quæ illi dixerunt, & quæ isti dicunt, qui catholicorum & Apostolicæ Sedis doctrinæ contradicunt, quique capitula à nobis ex orthodoxorum verbis excerpta discerpunt: & sic catholicæ atque Apostolicæ Ecclesiæ magistrorum ponentes sententias, qualiter illi senserunt, & vtrum nostro collegio, an illorum diuisioni, diffinitiones eorundem orthodoxorum faciant, Domino inspirante & cooperante, demonstrare curabimus, cum sectæ pestiferæ catholicorum sensibus respondere, & de capitulis à nobis excerptis rationem reddere cœperimus.

CAPVT III.

De Fulgentio, ex cuius libris ad suam confirmandam sententiam exempla Prædestinatiani ponunt.

In Synodo
LXX. Episc.

Tomovii.
antelibrū
de Prædest.
Sanctorū.

VNDE præmonemus quemque Lectorem, ne prauorum hæreat sensibus, cum in illorum scriptis testimonia inuenerit posita de libris Fulgentij, quod reprobi prædestinati sunt non ad malum, sed ad interitum. quæ in libro ad Monimum, quasi in defensione beati Augustini, sapius replicat. Vnde non est necesse catholicis ab illo hanc beati Augustini excusationem suscipere, quia satis superque idem beatus Augustinus se hinc excusauit, atque retractando defendit. & Legatus Romanæ Ecclesiæ fidelisque eius interpres beatus Prosper, de cuius libris recipiendis in catalogo orthodoxorum memoriam faciens sanctus Gelasius inter alios ita dicit, *Item opuscula beati Prosperi viri religiosissimi, pro illo nobis satissimè satisfacit: & quoniam non dicendum neque credendum nobis sit, Deum prædestinasse ad interitum reprobos, sed pœnam reprobis prædestinasse, nos credere & docere euidentissimè instruit. Non tamen venerandum Fulgentium pro hoc dicto in cunctis reicimus. neque illū in hoc dicto, videlicet vt reprobi à Deo prædestinati ad interitum credi vel dici debeant, sicut Augustinum, in his duntaxat quæ inde dixerat in præfatis libris, videlicet de correptione & gratia, de Prædestinatione sanctorum, & Bono perseverantiæ, & Hypomnesticon sex questionum contra Pelagianos & Cælestianos, & in libro de Prædestinatione gratiæ, quos hinc contra æmulos suos scripserat, & sicut sanctum Prosperum, immo sanctam matrem & Sedem Apostolicam sequimur. Sed sic de venerando Fulgentio dicimus, sicut in Hilarij Arelatensis epistola ad sanctum Augustinum pro hoc negotio, vnde nunc agitur, de eiusdem opuscula calumniantibus dicitur, Sed planè, inquiens, illud tacere non debeo, quod se dicant*

tuam sanctitatem, hoc excepto, in factis & dictis omnibus admirari.] Scimus namque sanctum Cyprianum aliter de hæreticorum baptismo sensisse, quàm sanctus Stephanus Romanæ Ecclesiæ Pontifex senserit, & nunc sancta Ecclesia teneat, ramen inter catholicos computari Doctores. Sanctus Augustinus quædam aliter sanctum Hilarium sensisse quàm idem sentiri velit, in libro vi. de Trinitate capitulo decimo monstrat, & sanctus Leo ad Chalcedonense Concilium confirmandum, eiusdem beati Hilarij testimonia inter catholicorum Doctorum exempla etiam prima connumerat, & beatus Gelasius eum, sicut & sanctum Augustinum, ac Prosperum, & Cyprianum, atque Leonem, siue Hieronymum receptissimum in catalogo scriptorum Ecclesiasticorum atque inlustrium computat. Sed & de eo ut notum est à notissimo dicitur, Hilarius Episcopus Romanorum Lucifer, Ecclesiarum lucerna & pretiosa lampas, pulchro aureoque ore loquitur vniuersa.] Quædam aliter sanctus Augustinus sensit quàm beatus Hieronymus: & item sanctus Hieronymus quædam aliter sensit quàm beatus Augustinus, & ambo inter catholicos Doctores perseverant. Quædam autem aliter beatus Gregorius, de se præcedentium doctrinæ floribus quammaximè fauus repletus & dulcedine propensiore profusus sensit, quàm sanctus Hieronymus, & quædam aliter exposuit quàm sanctus Augustinus exposuerit vel correxerit, & ambos ut orthodoxos amplectitur & ut Doctores Ecclesia veneratur: quoniam ut beatus Augustinus in libro de baptismo dicit, Ideo plerumque doctioribus minùs aliquid reuelatur, ut eorum patiens & humilis caritas, in qua fructus maior est, comprobetur, vel quomodo teneant vnitatem cum in rebus obscurioribus diuersa sentiunt, vel quomodo accipiant veritatem cum contra id quod sentiebant declaratum esse cognoscunt.] Scientes scripturam diuinam esse pretiosam margaritam, quæ ex omni parte forari potest. & ideo diuerso stylo, sed non diuersa fide, exponunt plura pluraliter, ut pluribus non modò salubriter, verùm & innotescant delectabiliter. Est etiam quia in catalogo Apostolicæ Sedis, ubi à beato Gelasio Doctores catholici descripti & designati sunt, eundem virum venerabilem Fulgentium probabilem non reperi-mus. Sed nec quoniam in reprobandorum descriptione designatum inuenimus, improbabilem per omnia iudicamus. Imperante siquidem Anastasio, cuius tempore beatus Gelasius seriem orthodoxorum atque inlustrium virorum edidit, sicut ipsius epistolis ad eundem directis manifestatur, principatus est in Africa Wandalarum rex Trasemundus, sicut in Chronicis aliis, & etiam in Chronica venerabilis Bedæ presbyteri reperi-mus. Cuius tempore Fulgentius in Africa claruit: quique contra quasdam propositiones eiusdem Trasemundi rescripsit, & contra eius perfidiam tres libros composuit. primum videlicet de mysterio Mediatoris, secundum de

Contra
Donat.
lib. 2. c. 5.

immensitate diuinitatis Filij Dei, tertium de sacramento Domini-
cæ passionis. Non tamen illum sanctus Gelasius inter scriptores Ec-
clesiasticos numerauit, sicut beatum Prosperum, qui temporibus
beati Gelasij Papæ superuixit. Sed & ab Adam vsque ad Iustini Au-
gusti tempora, & obitum Ioannis Papæ, quarti post beatum Ge-
lasium, & finem Consulatus Symmachi & Boëtij, qua tempestate
Wandalis præfuit Hildericus successor Trasemundi, qui post necem
sanctorum & innumeras clades indignam vitam digna morte fini-
uit, isdem beatus Prosper Chronicam mira veritate composuit. in
qua diuersarum regionum viros sanctitate & sapientia præclaros, &
etiam exortos hæreticos, cum fama cuique congrua designauit, &
non eundem venerabilem Fulgentium nominauit. Venerabilis si-
quidem Beda presbyter in Chronica sua, cum plures alios inlustres
viros descripserit, sæpè fatum Fulgentium nequaquam commemo-
rauit. Verum nec à quinta Synodo, quæ temporibus Vigilij vnde-
cimi Papæ post Gelasium, sub Iustiniano Constantinopoli contra
Theodorum & alios hæreticos est aggregata, ad confirmandam fi-
dem catholicam inter alios orthodoxos Doctores inuenitur descri-
ptus. Quin nec à vi. Synodo vniuersali, Constantinopoli celebrata
temporibus Agathonis tricesimi primi Papæ à B. Gelasio, sub Con-
stantino principe, inter catholicorum Doctorum testimonia suo-
rum librorum mentio habita reperitur. præsertim cum plures, qui
post eundem Fulgentium in Ecclesia claruerunt, ad confirmandam
fidem catholicam in testimonium deuocati reperiuntur. Vnde si a-
liter de prædestinatione Dei dixit, quàm sanctus Augustinus in præ-
fatis libris ad sibi obiecta rescriptis correxit, & aliter etiam quàm
beatus Prosper ex delegatione Sedis Apostolicæ iussu sancti Cæle-
stini diffiniuit, aliterque quàm ipsa sancta Sedes Apostolica dicta
suscepit ac dici voluit, ipse viderit. Sed & nos quid inde dixerit,
quia cunctis legentibus est manifestum, ignorare non possumus.

CAPVT IV.

*De Apostolica Sede sequenda, cuius doctrina inniti
& auctoritatem sequi debemus.*

SEQVIMVR autem quæ catholica & Apostolica nos docet san-
cta Romana Ecclesia, quæ nos in fide genuit, catholico lacte
aluit, vberibus cælo plenis ad solidum cibum nutriuit, disciplina
orthodoxa ad perfectum virum perduxit, & ad alios instruendum
sua probatione instituit, atque in doctrinali cathedra fautore & ad-
iuuante Domino sublimando constituit. sicut sanctus Innocentius
ad Decentium Episcopum Eugubinum scribit dicens, Quis enim
nesciat, aut non aduertat id quod à principe Apostolorum Petro
Romanæ

DE PRÆDESTINATIONE.

25

Romanæ Ecclesiæ traditum est, ac nunc vsque custoditur, ab omnibus debere seruari, nec superduci aut introduci aliquid, quod aut auctoritatem non habeat, aut aliunde accipere videatur exemplum. præsertim cum sit manifestum, in omnem Italiam, Gallias, Hispanias, Africam, atque Siciliam, insulasque interiacentes, nullum instituisse Ecclesias, nisi eos, quos venerabilis Apostolus Petrus aut eius successores constituerint sacerdotes. aut legant si in his prouinciis alius Apostolorum inuenitur aut legitur docuisse. Qui si non legunt, quia nusquam inueniunt, oportet eos hoc sequi quod Ecclesia Romana custodit, a qua eos principium accepisse non dubium est: ne dum peregrinis assertionibus student, caput institutionum videantur amittere.]

CAPVT V.

De consuetudine Gothescalci & complicitum eius, & de libris eorum de quibus quedam hic excerpta ponuntur.

PRÆMONEMVS etiam Gothescalci & complicitum eius fore consuetudinem, vt catholicorum testimonia, prælatis Doctorum atque librorum nominibus, excerpta detruncant, & ad suos sensus, sicut & scripturarum sententias, inflectere curent, quatinus auditorum sibi sensus, si minùs cauti fuerint, conciliare præualeant. Vnde quisque illorum scripta relegens memoretur quod dicitur, *Frigidus, ô pueri fugite hinc, latet anguis in herba, & carpe botrum, caue spinam.* Qua de re secundum Apostolum omnia probantes & quæ bona sunt retinentes, quæ ipsi dixerint quæque auctorum exemplis confirmare voluerint conferentes, ea quæ illi detruncata vel compilata ad suam confirmandam sententiam proferunt, in libris auctorum, de quibus testimonium donant, videant si meraca veritate sunt excerpta quæ proferunt. vt ne his incautè credentes quæ prolata sunt, per vias quæ bonæ quidem videntur esse, sed earum finis ad interitum ducit, in infidelitatis voraginem demergantur: sed faciant sicut præceptum est, *State super vias, & interrogate quæ sit via bona, & ambulate in ea.* His ita præmissis, ponamus quæ Gothescalcus, signifer & præuius atque huius prauæ doctrinæ modernus resuscitator, de primo capitulo, vnde versatur quæstio, in libro suæ virosæ conscriptionis Archiepiscopo Rabano porrecto scribat dicens, Tandem, inquit, legi librum venerande Pontifex tuum, in quo positum reperi, quod impij quoque siue reprobi non sint diuinitus ad damnationem prædestinati.] & post aliquanta, Præsciuit inquam illos pessimum habituros ortum, peiorem obitum. prædestinauit autem eos ad luendum perenne tormentum & sempiternum interitum.] & iterum post aliquanta, Quia re vera sicut electos omnes prædestinauit ad vitam per gratuitum solius gratiæ suæ beneficium,

1. Thess. 5.
21.

Hier. 6.
16.

» quemadmodum veteris & noui testamenti paginae manifestissimum
 » praebeant sollerter ac sobriè considerantibus indicium, sic omninò
 » & reprobos quosque ad aeternae mortis praedestinavit supplicium,
 » per iustissimum videlicet incommutabilis iustitiae suae iudicium.]

Inde & in chartula suae professionis ad eundem Rabanum Episcopum ita dicit, Ego Gothescalcus credo & confiteor, profiteor & testificor ex Deo patre, per Deum filium, in Deo Spiritu sancto, & adfirmo atque approbo coram Deo & Sanctis eius, quòd gemina est praedestinatio, siue electorum ad requiem, siue reproborum ad mortem: quia sicut Deus incommutabilis ante mundi constitutionem omnes electos suos incommutabiliter per gratuitam gratiam suam praedestinavit ad vitam aeternam, similiter omninò omnes reprobos, qui in die iudicii damnabuntur propter ipsorum mala merita, idem ipse incommutabilis Deus per iustum iudicium suum incommutabiliter praedestinavit ad mortem meritò sempiternam.] Et dominus Prudentius in epistola, quam nobis veneratio vestra deferente eam vobis venerabili Aenea Parisiorum Episcopo tradidit, cuius in praefatis libris memoriam fecimus, quamque Weniloni suo Archiepiscopo, & ceteris Coepiscopis, ad ordinationem eiusdem Aeneae Prudentius ipse direxit, ut si secus ordinandus sentiret, in ipsius ordinatione ipse nullatenus consentire deberet, ita dicit, Secundò, ut Dei omnipotentis altissimo secretòque consilio credat atque fateatur, quosdam Dei gratuita misericordia ante omnia saecula praedestinos ad vitam, quosdam imperscrutabili iustitia praedestinos ad poenam: ut id videlicet, siue in saluandis siue in damnandis praedestinaverit, quod se praescierat iudicando esse facturum, dicente Propheta, *Qui fecit quae futura sunt.* Ratramnus nihilominus Monasterij Corbeiae monachus libellos duos, quos nobis examinandos dedistis, ea intentione elaboratos porrexit, ut ostendat quatinus sicut electi à Deo praedestinantur ad vitam, ita & reprobi à Deo praedestinentur ad mortem. Indèque praetermissis aliis, quorum nomina hinc non necessarium recitari putauimus, quoniam in vnam concurrunt sententiam, & in praefatis tribus libris iam ut potuimus ex catholicorum auctoritate respondimus, ad capitula veniamus, quae secundò, ut legitur in lege veteri, petrinis cultellis circumcidenda à vestra iussione suscepimus, quorumque noxia atque superflua acumine catholicorum amputare curabimus.

Iosue.
4.

C A P V T V I.

Exordium capitulorum de quibus agitur, unde compositor eorum illa compilare studuerit.

AIVNT enim, praemissis commendationum suarum fabulis, in secundo capitulo, *Deum praescire & praescisse aeternaliter & bona*

quæ boni erant facturi, & mala quæ mali sunt gesturi, quia vocem scripturæ dicentis habemus, Deus æterne, qui absconditorum es cognitor, qui nosti omnia antequam fiant, fideliter tenemus & placet tenere, bonos præscisse omnino per gratiam suam bonos futuros, & per eandem gratiam æterna præmia accepturos: malos præscisse per propriam malitiam malos futuros, & per suam iustitiam æterna ultione damnandos. ut secundum Psalmistam, Quia potestas Dei est & Domini misericordia, reddat unicuique secundum opera sua, & sicut Apostolica doctrina se habet, His quidem qui secundum patientiam boni operis gloriam & honorem & incorruptionem quærunt, vitam æternam: his autem qui sunt ex contentione, & qui non adquiescunt veritati, credunt autem iniquitati, ira & indignatio. tribulatio & angustia in omnem animam hominis operantis malum. In eodem sensu idem alibi, In reuelatione, inquit, Domini nostri de cælo cum Angelis virtutis eius in flamma ignis dantis vindictam his qui non nouerunt Deum, & qui non obediunt Euangelio Dei nostri, qui pœnas dabunt in interitu æternas cum venerit glorificari in sanctis suis, & admirabilis fieri in omnibus qui crediderunt. Nec prorsus ulli malo præscientiam Dei imposuisse necessitatem, ut aliud esse non posset: sed quod ille futurus erat ex propria voluntate, ille sicut Deus, qui nouit omnia antequam fiant, præsciit ex sua omnipotentia & incommutabili maiestate. nec ex præiudicio eius aliquem, sed ex merito propriæ iniquitatis credimus condemnari: nec ipsos malos ideo perire quia boni esse non potuerunt, sed quia boni esse noluerunt, suoque vitio in massa damnationis, vel merito originali, vel etiam actuali permanserunt.] Hoc capitulum, sicut conferentes ex scripto Flori Ecclesiæ Lugdunensis ministri, quod olim in Bonoilo à venerandæ memoriæ Heriboldo Episcopo Autisiodorense accepimus, excerptum ex maxima parte inuenimus. quapropter utcumque à ratione non inuenitur penitus alienum. De præscientia enim Dei catholicæ fidei aduersa non loquitur. Sed prætermisit infusus excerptor, quod ibidem inuenerat dare exemplum de electis dono gratiæ ad vitam æternam, volens quædam per suam sapientiam addere. Et ideo quæcumque inuenit ex retributione iustitiæ reddenda impiis coaceruare exempla curauit. Dicens enim bonos præscisse omnino per gratiam suam bonos futuros, & per eandem gratiam æterna præmia accepturos, tacuit æqualia merita, & doni gratiæ prætermisit exempla. Sicque subsecutus adiunxit, malos præscisse per propriam malitiam malos futuros, & per suam iustitiam æterna ultione damnandos. Vnde quæ alieno labore exempla collecta inuenit, inordinato ordine posuit. Deinde postquam inordinatè posuit quod ordinatè alterius ore accepit, nec ipsos malos ideo perire quia boni esse non potuerunt, sed quia boni esse noluerunt, suoque vitio in massa damnationis vel merito originali vel etiam actuali permanserunt, sine vlla interpositione in tertio capitulo subdidit, Sed & de prædestinatione Dei

Dan. 13.
42.Psal. 61.
12.
Rom. 2.
7.2. Theff. 1.
7.

Rom. 9.
21.

placuit, & fideliter placet iuxta auctoritatem Apostolicam quæ dicit, *An non habet potestatem figulus luti ex eadem massa facere aliud vas in honorem, aliud verò in contumeliam, ubi & statim subiungit, Quod si volens Deus ostendere iram, & notam facere potentiam suam, sustinuit in multa patientia vasa iræ aptata siue præparata in interitum, ut ostenderet diuitias gratiæ suæ in vasa misericordiæ quæ præparauit in gloriam, fidenter fatemur prædestinationem electorum ad vitam & prædestinationem impiorum ad mortem.*] Dat, sicut longè ante nos dictum est, sine mente sonum. Paululùm præmisit, quia suo vitio mali in massa damnationis vel merito originali vel etiam actuali permaneant, & statim subiunxit, quia placuit & fideliter placet fidenterque fatetur, prædestinationem electorum ad vitam & prædestinationem impiorum ad mortem. & quomodo hoc possit vtrumque fieri videre non possumus, scilicet ut & in massa damnationis relictæ permaneant, & item iidem prædestinati à Deo ipsius prædestinatione ad mortem vadant. Si enim ita constantem posuisset sententiam, sicut Florus eam in sermone suo posuit, vnde hanc iste compilauit, bene eam quisque intelligeret, quia rectè constaret. Ait enim, ut audiuius & apparet, isdem vir doctus penè in principio scripti sui, Præsciuit ergo si ne dubio Deus, & bona quæ boni erant facturi, & mala quæ mali erant gesturi: sed in bonis ipse fecit sua gratia ut boni essent, in malis verò non ipse fecit ut essent mali, quod absit, sed tantum præsciuit eos proprio vitio tales futuros. Neque enim præscientia Dei imposuit eis necessitatem ut aliud esse non possent: sed tantum quod illi futuri erant ex propria voluntate, ille ut Deus præuidit ex sua omnipotenti maiestate.] & post plurima, Nemo ex Dei præiudicio, sed ex merito propriæ iniquitatis condemnatur.] & iterum supra ante multa quam ad hæc perueniret, In malis verò & impiis non prædestinauit omnipotens Deus malitiam & impietatem, id est ut mali & impij essent, & aliud esse non possent, sed quos præsciuit & præuidit malos atque impios futuros proprio vitio, prædestinauit æternam damnationem qua ipsi punirentur iusto iudicio, non quia aliud esse non potuerunt, sed quia aliud esse noluerunt.] Quam sententiam sic haberi in rotula ab Heriboldo accepta relegimus: sed in illa, quam ex scrinio Ebonis Episcopi Gratianopolitani per quendam accepimus, aliter constare inuenimus. quam falsatam nequaquam discredimus, cum in his duobus capitulis, ipsius religiosi & docti viri à compilatore eorum scriptum commixtum atque confusum & detruncatum reperiamus. In Heriboldi namque rotula sicut præmisimus scriptum relegimus: & in rotula, quam sicut dictum est, ex scrinio Ebonis accepimus, Ipse eos prædestinauit ad æternam damnationem iusto iudicio, scriptum inuenimus, quod iste in fine capituli posuit, suoque vitio in massa damnationis vel merito originali vel etiam actuali permanferunt.]

Melius ille posuit, immo ille bene quia iste malè. Videlicet inquit Florus, omnipotentem Deum in malis ipsorum malitiam præscisse quia ex ipsis est, non prædestinasse quia ex illo non est: pœnam verò illorum & præscisse quia Deus est, & prædestinasse quia iustus est. Quam sententiæ particulam iste compilator de consequentia præcedentis ad istud reseruauit capitulum. Cui coniunctum est in Flori scripto, vt & illis sit meritum suæ damnationis, & in illo potestas & iudicium iustè damnantis. Non enim prædestinat Deus nisi quæ ipse erat factururus: præscit verò multa quæ ipse factururus non est, sicut omnia mala, quæ vtique mali faciunt, non ille. ipsosque malos non ideo perire quia boni esse non potuerunt, sed quia boni esse noluerunt, & suo vitio vasa iræ aptata in interitum perseuerauerunt. Quod furatus iste compilator de medio, sciens se daturum istud Apostolicum exemplum, ne mox redargueretur à cunctis legentibus, in capitulo altero coniunxit, suo vitio in massa damnationis vel originali vel actuali merito permanserunt. Quæ perspicientes, subuenit nobis quod dixit Macarius Antiochenus Episcopus redargutus in sexta Synodo coram Imperatore Constantino, quare detruncauerit testimonia catholicorum, quæ conlata ex libello illius libris authenticis furatus ea fuerat comprobatus, Ad hoc enim inquit egi, vt intentionem meam potuissem statuere. Sic & iste ad hoc illius viri docti composita scripta scienter malè deposuit, vt suam prauam intelligentiam, quia ex veritate non poterat, mendacio confirmaret. festinans falsa ostentare, vt posset vera subripere, aut inscius, aut oblitus, quia pictores mendam cum alis sine pedibus, quoniam diu constare non potest, sunt soliti pingere, quæ à prauè sentientibus & incautis & inconsideratis laqueos protendentibus inconstabilis & araneorum cassibus similis solet protendi. Sed sicut scriptum est, *Frustra iacitur rete ante oculos pennatorum.*

Adione
VIII.

Prou 1.
17.

CAPVT VII.

De exemplo Apostolico, quod capitulorum compilator ad suam confirmandam ponit sententiam.

EXEMPLUM denique ponit compilator capitulorum beati Pauli Apostoli, quia sicut sunt electi prædestinati ad vitam, ita & impij à Deo sint prædestinati ad mortem, dicens, *An non habet potestatem figulus luti ex eadem massa facere aliud vas in honorem, aliud verò in contumeliam?* Vnde videndum est, si vasa iræ aptata vel præparata sunt à Deo, scilicet eius prædestinatione, in interitum. Ergo iniquus Deus, qui infert iram puniens eos quos tales prædestinauit. Sed nunquid iniquitas est apud Deum? absit. Si autem Dei prædestinatione vasa iræ non sunt aptata vel præparata in interitum, quid

Rom. 9.
21.

adiuuat illum istud exemplum ad suam confirmandam sententiam, qua dicit quia impij sunt à Deo prædestinati ad mortem? Hoc etiam exemplum & Prædestinatiani, sicut Hyginus in suprà memorato illorum libello dicit, ad suam confirmandam sententiam protulerunt. quod beatus Augustinus in epistola ad Sixtum presbyterum alio sensu exponit dicens, Sed si vasa sunt iræ, quæ perfecta sunt ad perditionem quæ illis debita redditur, sibi hoc imputent, qui ex ea massa facti sunt, quam propter vnius peccatum, in quo omnes peccauerunt, meritò Deus iustèque damnauit. Si autem vasa sunt misericordiæ, quibus ex eadem massa factis supplicium debitum reddere noluit, non se inflent, sed ipsum glorificent, qui eis misericordiam non debitam præstitit.] & aliquanto superius, *Ergo cui vult miseretur, & quem vult obdurat.* Talibus itaque dicamus cum Apostolo, non enim melius illo inuenire possumus quid dicamus, *O homo tu quis es qui respondeas Deo?* Quærimus namque meritum obdurationis, & inuenimus. merito namque peccati vniuersa massa damnata est, nec obdurat Deus impertiendo malitiam, sed non impertiendo misericordiam. quibus enim non impertitur, nec digni sunt, nec merentur: at potius vt non impertiatur hoc digni sunt, hoc merentur. Quærimus autem meritum misericordiæ, nec inuenimus, quia nullum est, ne gratia euacuetur si non gratis donatur, sed meritis redditur.] Sed & sanctus Gregorius in libro *Moralium xxxiv.* non inconuenienti comparatione de refuga spiritu dicit, *Qui factus est vt nullum timeret.* Sic quidem factus est per naturam, vt conditorem suum castè timere debuisset, timore videlicet sobrio, securo, non timore quem foras caritas mittit, sed timore qui in sæculum sæculi permanet: sed sua peruersitate talis factus est vt nullum timeret. Relicto eo qui verè illi sufficere poterat, se sibi sufficere posse iudicauit, & tanto magis infra se cecidit, quanto magis se contra gloriam sui conditoris erexit.] Sic & vasa quæ in massa humani generis, bono scilicet vase Adam, in quo fuimus omnes boni à Deo bono facti, si ipse in eo statu permaneret in quo factus fuerat rectus, pereunte illo suggestione diabolica & vitio proprio, in quo periimus omnes, facti sumus vasa iræ, præparata vel aptata siue perfecta in perditionem. De qua si nullus eriperetur, inreprehensibile esset Dei iudicium: quia autem multi eripiuntur, ineffabilis gratiæ Dei est donum. Et item beatus Gregorius in libro *xxix. Moralium* dicit, Diabolus quippe vel homo ab statu conditionis propriæ elata mente corruerunt, vt vel ille diceret, *Ascendam super altitudinem nubium, similis ero altissimo*, vel iste audiens crederet, *Aperientur oculi vestri, & eritis sicut dij.* Idcirco ergo vterque cecidit, quia esse Deo similis, non per iustitiam, sed per potentiam concupiuit. Sed homo per gratiam liberatus, qui Dei similitudinem peruersè appetendo ceciderat, in reatu criminis sui longè Deo imparem se esse cognoscens clamat,

Epist. 105.

Rom. 9.
18.Rom. 9.
10.

Cap. xvii.

Iob. 41.
24.

Cap. vi.

Esa. 14.

14.

Gen. 3.5.

Domine quis similis tibi? Diabolus verò, in lapsu sui criminis iuste dimissus, in mensura ruinæ suæ minimè permansit: sed quanto diutius ab omnipotentis Dei gratia defuit, tanto magis reatum criminis cumulauit. Nam qui ideo cecidit, quia peruerso ordine Deo similis esse voluit, eousque perductus est, vt Antichristus veniens videri Deo similis dedignetur, atque eum, quem habere non potuit superbus æqualem, damnatus putet inferiorem.] Sic & de vasis iræ in perditionem propria iniquitate perfectis, *qui se*, sicut Paulus dicit, *gratia Dei emundauerit ab his*, quibus inquinatus existit, *erit vas in honorem*: qui autem in iniquitate permanere delegerit, vel iam adeo ad iniquitatem excreuerit, vt iudice Deo ex iustitiæ retributione ab iniquitate redire non possit, sicut legitur de Pharaone obdurato quia gratia non emollito, & de his qui sunt in reprobum sensum traditi quia gratia non liberati, erit vas in contumeliam, & perfectum in perditionem. de qua qui non eripitur, sicut est inreprehensibile Dei iudicium, ita & inexcusabiliter atque inrefragabiliter tormentum patietur æternum. Sic enim aptata ad interitum vasa sunt iræ, sicut & Apostolus isdem dicit *natura filios iræ*. non qua primus homo est conditus, sed qua post peccatum ipsius ex maledicto semine quisque est generatus. vnde soli saluantur qui Saluatoris gratia salui fiunt, & Psalmus dicit, *Factus sum tanquam vas perditum*. quod exponit Hieronymus, homo perditus per peccatum.

Psal. 14.
10.2. Tim. 2.
21.Ephes. 2.
3.Psal. 30.
13.

CAPVT VIII.

Vnde Prædestinatiani auctoritatem, potiùsque opinionem huiusmodi expositionis Apostolici capituli, non sibi profuturam quia ex mendacio sumpserint.

CETERVM non latet nos vnde compiler capitulorum hunc sententiæ Apostolicæ sensum cum fiducia ad suum suorumque complicitum errorem adstruendum adsumpserit: nimirum de verbis Fulgentij, qui sicut suprà posuimus, ad Monimum de prædestinatis ad interitum, quasi sub defensione sancti Augustini, scripserat exponendo verba illius quæ dixerat in libro de Perfectione iustitiæ hominis. Legente me, inquis, librum de Perfectione iustitiæ hominis, testimonium Prophetæ in ordinem relegens, auditu cauto pedetentim paululùm retractaui, & cetera, vsque dum à beato Augustino ibidem dicitur, sed in eo genere hominum quod prædestinatum est ad interitum. Hic dicta sancti Augustini determinans, & ad me intentionem tuarum dirigens litterarum, dicis sentire me iam, cur iterum hæc inculces, scilicet quod sapiùs reluctanti mihi prædestinationem non tantum in bono dici, sed etiam in malo.] Postea autem adsumit testimonium sancti Augustini ex libro

Lib. 1. ad
Mon. c. 3.

Fulgentius
ibid. c. 26.

Rom. 9.
22.

1. Theff. 5.
3.

Cap. 29.

Cap. 30.

secundo de Baptismo paruulorum ad Marcellinum, vt suam valeat confirmare sententiam quia sunt damnandi prædestinati ad poenam. In quo libro tractans hoc Apostolicum testimonium ita dicit, Quia causam iniquitatis suæ ex propria homo habuit voluntate, propterea beatus Paulus *sustinuisse* asserit *Deum in multa patientia vasa iræ aptata in interitum.* & post paululum, In hoc itaque ista vasa Deus aptauit in quod prædestinauit, hoc est in interitum: illum vtique interitum, quem Paulus malis repente superuenturum demonstrat dicens, *Cum enim dixerint pax & securitas, tunc repentinus eis superueniet interitus.*] Post quæ subiunxit in eodem libro de beato Augustino dicens, Et vt manifestiore, inquit, dictorum eius indicio nostra fulciatur assertio, aliquid nobis ponendum est de libro quem scripsit de Prædestinatione sanctorum, quo manifestius ostendit sine prædestinatione præscientiam Dei esse posse, prædestinationem verò sine præscientia esse non posse.] & post pauca, Non autem ignoras, etiam præterito tempore illi luculentissimo sancti Augustini operi, quod scripsit de Prædestinatione sanctorum, à quibusdam Gallis obiectum quòd beatus Augustinus in assertione prædestinationis diuinæ peccatores non ad solum prædestinatos diceret iudicium, sed etiam ad peccatum. cuius dicta, quia ipse celeri præuentus est obitu, Prosper vir eruditus & sanctus recta defendit fide & copioso sermone. Ex quibus Gallorum capitulis vt non multa nunc ponamus, ne libellum istum quem prolixum facere disputandi necessitas cogit prolixiorē voluntas facere videatur, duarum responsionum loca duximus inferenda. Decima quarta quippe Gallorum obiectio sic habetur. Quòd qui Euangelicæ prædicationi non credunt ex Dei prædestinatione non credant, & quòd Deus ita diffinierit, vt quicumque non credunt ex ipsius constitutione non credant. Huic itaque prauitati, quæ beati Augustini dictis non ex veritate sed ex liuore obieiebatur, tali Prosper sermone respondit, Infidelitas non credentium Euangelio nequaquam ex Dei prædestinatione generatur. bonorum enim Deus auctor est, non malorum. Prædestinatio igitur Dei semper in bono est, aut ad retributionem iustitiæ, aut ad donationem pertinens gratiæ. Vniuersæ enim viæ Domini misericordia & veritas. Proinde infidelitas non credentium non ad constitutionem Dei sed ad præscientiam referenda est, quæ non ideo necessitatem non credendi intulit, quia falli de ea quæ futura erat infidelitate non potuit. Decima quinta etiam obiectio his verbis inserta est. Quòd idem sit præscientia quod prædestinatio. Cui Prosper sic respondit. Qui præscientiam Dei in nullo ab ipsius prædestinatione discernit, quodtribuendum est Deo de bonis, hoc ei etiam de malis conatur adscribere. Sed cum bona ad largitorem cooperatoremque eorum Deum, mala autem ad voluntariam rationalis creaturæ nequitiam referenda sint, dubium non est sine vlla tem-

temporali differentia, Deum & præscisse simul & prædestinasse quæ ipso erant auctore facienda, vel quæ malis meritis iusto erant iudicio retribuenda. Præscisse autem tantummodò, non etiam prædestinasse, quæ non ex ipso erant causam operationis habitura. Nos itaque, carissime, hæc interim pauca de libris sancti Augustini, & de responsionibus Prosperi, ob hoc malimus huic libello inferere, vt cuncti nouerint quid debeant de prædestinatione sanctorum impiorumque sentire.] Hæc sumpta sunt de libro Fulgentij.

CAPVT IX.

Quòd etiam Isidorum ad suam confirmandam sententiam in testimonium deducunt, & quadam de libris beati Augustini proferunt, unde ipse vir insignis eos reuincit, & Fulgentius ipse auctoritatem quam ex illo adsumunt manifestè dissoluit.

AD DVCVNT etiam in testimonium Isidorum Hispalensem Episcopum, virum doctum & legentibus in multis proficuum. qui in libro Sententiarum geminam dicit esse prædestinationem, siue electorum ad requiem, siue reproborum ad mortem. Qui hanc sententiam in secundo libro cap. vi. quasi ex verbis sancti Gregorij de libro Moraliū xxix. vel xxv. siue de sancti Augustini dictis, vt videtur legentibus, vel vndecumque sumpserit, compilauit: sed non ita, sicut in lectione eiusdem libri quilibet euidentissimè poterit cognoscere, secundum beati Gregorij sensum excerptit. Vnde potest opinari, vt iste Isidorus, in aliis doctus, in hac sententia de reliquiis Gallorum in Hispaniis per successiones remanserit. De quibus Prosper in epistola sua ad beatum Augustinum mandauit ad locum dicens, Postremò quemadmodum per hanc prædicationem propositi Dei, quo fideles fiunt qui præordinati sunt ad vitam æternam, nemo eorum qui cohortandi sunt impediatur, nec occasionem negligentiae habeant si se prædestinatos esse desperent. Illud etiam qualiter diluatur quæsumus patienter insipientiam nostram ferendo demonstres, quòd retractatis de hac re priorum opinionibus, penè omnium par inuenitur & vna sententia, qua propositum & prædestinationem Dei secundum præscientiam receperunt, vt ob hoc Deus alios vasa honoris alios contumeliæ fecerit, quia finem vniuscuiusque præuiderit, & sub ipso gratiæ adiutorio in qua futurus esset voluntatem & actionem præscierit. Quibus omnibus enodatis, & multis insuper quæ altiore intuitu ad causam hanc pertinentia magis potes videre discussis, credimus & speramus, non solum tenuitatem nostram disputationum tuarum præsidio roborandam: sed etiam ipsos, quos meritis atque honoribus claros caligo istius opinionis obscurat, defæcatissimum lumen gratiæ recepturos.

Tom. vii.
ante librum
de Prædest.
Sanctorum.

Nam vnum eorum, præcipuæ auctoritatis & spiritualium studiorum virum, sanctum Hilarium Arelatensem Episcopum, sciat beatitudo tua admiratorem sectatoremque in aliis omnibus tuæ esse doctrinæ, & de hoc quod in querelam trahit, iampridem apud sanctitatem tuam sensum suum per litteras velle conferre. Sed quia vtrum hoc facturum, aut quo fine sit facturum, incertum est, & omnium nostrum fatigatio, prouidente hoc præsentis sæculo Dei gratia, in tuæ caritatis & scientiæ vigore respirat, adde eruditionem humilibus, adde increpationem superbis. Necessarium & utile est etiam quæ scripta sunt scribere, ne leue existimetur quod non frequenter arguitur. Sanum enim putant esse quod non dolet, nec vulnus superduetum cute sentiunt: sed intelligant peruenturum ad sectionem quod habuerit perseverantem tumorem.] Ad quæ sanctus Augustinus eisdem viris Prospero & Hilario, vt præmissum est, libros de Prædestinatione sanctorum, & de Bono perseverantiæ rescripsit. Verum qui contemplatur verba Isidori, quibus subsequitur in præfata sententia de gemina prædestinatione dicens, Vtraque diuino aguntur iudicio, vt semper electos superna & interiora sequi faciat, semperque reprobos vt infima & exteriora delectentur deferendo permittat, sic vt ignoret homo terminum lucis & tenebrarum, vel vtriusque rei quis finis sit.] & reliqua quæ sequuntur, & relegit locum verborum beati Gregorij in præfato libro Moraliū, vbi dicit, *Indica mihi si nosti omnia, in qua via habitat lux, & tenebrarum quis locus sit, vt deducat vnumquodque ad terminos suos, & intelligat semitas domus eius*, aperte conspicit noluisse intelligi beatum Gregorium, reprobos à Deo prædestinatos ad mortem, sicut electi ab eo sunt prædestinati ad vitam. Ait enim inter cetera quæ plenius in suis locis lector inueniet, *Et intelligas*, inquit, *semitas domus eius*. id est consideres atque discernas, vel cui bona actio perseverans æternam mansionem præstet in regno, vel quem vsque ad terminum suum actio praua constringens in æternum damnet supplicium.] & item ad locum, *Væ miseri nobis*, qui de electione nostra nullam adhuc Dei vocem cognouimus, & iam in otio quasi de securitate torpemus. Debet profectò debet in spe esse securitas, sed etiam timor in conuersatione, vt & illa certantes foueat, & iste torpentes pungat. Vnde rectè per Prophetam dicitur, *Qui timent Dominum sperent in Domino*. ac si aperte diceret, De spe in cassum præsumit, qui timere Deum in suis operibus renuit.] & item, *Væ etiam laudabili vitæ hominum*, si remota pietate iudicetur: quia districtè discussa, inde ante oculos iudicis vnde se placere suspicatur obruitur. Vnde rectè Domino per Prophetam dicitur, *Ne intres in iudicium cum seruo tuo, quia non iustificabitur in conspectu tuo omnis viuens*.] & paulo post, Hinc rursus per Salomonem dicitur, *Quis hominum intelligere poterit viam suam?* Et nimirum bona malæ quis faciens conscientia attestante cognoscit.

Iob 78.
18.

Lib xxix.
cap 9.
Iob. 38.
20.

Psal. 117
11.

Psal. 142.
2.

Prov. 20.
24.

sed idcirco dicitur quòd via sua ab hominibus nesciatur, quia etiam si recta se quisque opera agere intelligat, sub districto tamen examine quò tendat ignorat.] & in eodem libro exponens sententiam, *Numquid nosti ordinem cali, & pones rationem eius in terra?* alio sensu modos supernorum iudiciorum in electis & reprobis demonstrat, quàm Isidorus in prædicta sententia colligat, de quibus suo loco dicemus. Nam quisquis omnes beati Gregorij libros sollicita consideratione perlustrare sategerit, ita geminam prædestinationem, ut sicut electi ad vitam ita reprobi à Deo prædestinentur ad mortem, nequaquam illum dixisse vel intellexisse reperiet. Sed velut sanctus Augustinus in libro de prædestinatione sanctorum, & Prosper contra Gallos dicunt, prædestinationem Dei, quæ semper in bono est, quia aut ad donum pertinet gratiæ, aut ad retributionem iustitiæ, in diuinis operibus, quæ semper bona sunt, inter quæ computantur, cum per indebitam gratiam saluantur electi, & per debitam iustitiam reprobi puniuntur, manifestè confirmat, uti in subsequen-
 ribus demonstrabimus. Proferunt nihilominus ad suam confir-
 mandam sententiam moderni Prædestinatiani, quia sanctus Beda presbyter, qui ut in suis opusculis apertè demonstrat, aliter intellexit & tenuit ex verbis sancti Augustini quodam loco in Hexameron libro, & venerabilis Alcuinus in adbreuiatione commenti Evangelistæ Ioannis, quod sanctus Augustinus copiosissimè ad populum per sermones dissevit, sicut ibidem dictum inuenerant, prædestinatos ad interitum posuerunt. Nam si aliter quàm in prædicti viri tractatibus inuenerunt, in suis excerptionibus posuissent, non alienorum verborum exceptores, sed de alienis suorum potiùs compilatores quàm compositores existerent. Vnde non nostra, sed quæ nobiscum etiam ipsi legunt accipiant. Dixit Dominus ad Iudæos, *Ego non accuso vos. est qui accusat vos Moyses in quem speratis.* Sic quoque B. Augustinus, qui indifferenter usus est nomine prædestinationis, dicens interdum prædestinatos ad interitum in libris quos ante istos scripserat, in quibus propriè prædestinationem exposuit, eos responso redarguat, quo refragatoribus suæ posterioris sententiæ in libro de Bono perseuerantiæ ex libris de libero Arbitrio respondere curauit, Frustra itaque mihi, inquit, de illius libri mei vetustate præscribitur. Nemo, ut opinor, esset tam iniustus atque inuidus, qui me proficere prohiberet.] & item in eodem libro, Quamuis, inquit, neminem velim sic amplecti omnia mea ut me sequatur, nisi in his in quibus me non errasse perspexerit. Nam propterea nunc facio libros in quibus opuscula mea retractanda suscepi, ut nec meipsum in omnibus me secutum fuisse demonstrarem. sed proficienter me existimo Deo miserante scripsisse, non tamen à perfectione cœpisse: quandoquidem arrogantius loquor quàm verius, si vel nunc dico me ad perfectionem sine vllò errore scribendi iam

Cap. XVIII.
Iob 38.

33.

Ioan. 5.
45.

Cap. 12.

Cap. 21.

in ista ætate venisse. Sed interest quantum & in quibus rebus erratur, & quàm facillè quisque corrigat, vel quanta pertinacia suum defendere conetur errorem. Bonæ quippe spei est homo, si cum sic proficientem dies vltimus vitæ huius inuenerit, vt adiciantur ei quæ proficienti defuerunt, & perficiendus quàm puniendus potius iudicetur. Quocirca si hominibus, qui propterea me dilexerunt, quia peruenit ad eos antequàm me diligerent aliqua mei laboris utilitas, nolo existere ingratus, quanto magis Deo, quem non diligeremus nisi prius dilexisset nos, & fecisset dilectores suos, quoniam *caritas ex ipso est*, sicut dixerunt quos fecit magnos, non solum amatores, verum etiam prædicatores suos?] Sed & si de Fulgentio ad suam confirmandam sententiam exempla dare voluerint, obiciemus eis, in præfato libro ad Monimum libros de Prædestinatione sanctorum, & responsiones Prosperi laudibus extulisse, & quia Prosper vir eruditus recta fide & copioso sermone reprehensoribus beati Augustini obstiterit. Quapropter de præfato Apostoli testimonio audiant quid beatus Augustinus in laudato ab eis libro Augustini de Prædestinatione sanctorum dicit, Cur autem, inquit, non omnes doceat, aperuit Apostolus quantum aperiendum iudicauit, quia *volens ostendere iram, & demonstrare potentiam suam, attulit in multa patientia vasa iræ quæ perfecta sunt in perditionem, & vt notas faceret diuitias gloriæ suæ in vasa misericordiæ quæ preparauit in gloriam.* Hinc est quod verbum crucis pereuntibus stultitia est, his autem qui salui fiunt virtus Dei est.] & post aliquanta, Fides igitur & inchoata & perfecta donum Dei est: & hoc donum quibusdam dari, quibusdam non dari, omnino non dubitet qui non vult manifestissimis sacris litteris repugnare. Cur autem non omnibus detur, fidelem mouere non debet, qui credit in vno omnes isse in condemnationem sine dubitatione iustissimam: ita vt nulla Dei esset iusta reprehensio, etiamsi nullus inde liberaretur. Vnde constat magnam esse gratiam, quod plurimi liberantur, & quid sibi deberetur in eis qui non liberantur agnoscunt. vt qui gloriatur non in suis meritis, quæ paria videt esse damnatis, sed in Domino gloriatur. Cur autem istum potius quàm illum liberet, inscrutabilia sunt iudicia eius, & inuestigabiles viæ eius. Melius enim & hinc audimus aut dicimus, *O homo tu quis es qui respondeas Deo?* quàm dicere audeamus, quasi nouerimus quod occultum esse voluit, qui tamen aliquid iniustum velle non potuit.] Et item in epistola ad Sixtum presbyterum, In vasis quæ perfecta sunt ad perditionem, quæ damnatæ debita est massæ, agnoscant vasa ex eadem massa in honorem facta, quid eis misericordia diuina largita sit.] & post paululum, Denique ad vtrumque concludit, *Ergo cuius vult misereatur, & quem vult obdurat.* Hoc facit apud quem non est iniquitas. Misereatur itaque gratuito dono, obdurat autè iustissimo merito.] & aliquanto superius, Quærimus enim meritum

1. Ioan. 4.
7.

Cap. viii.

Rom. 9.
22.

Cap. ix.

Rom. 9.
20.

Epist. 105.

Rom. 9.
18.

obdurationis & inuenimus. merito namque peccati vniuersa massa damnata est. Nec obdurat Deus impertiendo malitiam, sed non impertiendo misericordiam. quibus enim non impertitur, nec digni sunt nec merentur, ac potius vt non impertiatur hoc digni sunt, hoc merentur. Quærimus autem meritum misericordiæ, nec inuenimus, quia nullum est, ne gratia euacuetur, si non gratis donatur sed meritis redditur.] Et item idem sanctus Augustinus in libro de Prædestinatione gratiæ, Occurrit enim cur pereant ex his aliqui, cum omnipotens omnes homines saluos fieri velit, & in agnitionem veritatis venire. Deinde cur rursus induret alios misertus aliorum, aut quomodo omnes homines velit saluos fieri, cum ipse nonnullos ne saluentur induret.] & post aliquanta, Si ergo, vt apparuit, de præuaricatoris semine omnes nascimur debitores, quoniam in ipso omnes, sicut ait Apostolus, *peccauerunt*, & ipso iam in principio vnde descendimus massa damnata est, nullus de duritia sua, nullus de pœna conqueri audeat, quæ etiam non existentibus peccatis propriis, sola nascendi conditione debetur. Quod verò Deus aliis gratuita vocatione conuersis misericordiam largitur indebitam, non ad dispensatoris iniustitiam, sed ad donantis misericordissimam liberalitatem veritatis ratione referendum est] & paulo post, Itaque ex superiore huius parte sententiæ qua dicit, *Cui vult miseretur*, puto quòd nullus nisi indignus misericordia audeat disputare. Quod verò sequitur, *quem vult indurat*, ibi paululum humanæ mentis intentio verbi nouitate confunditur. Sed non ita intelligendum est, quasi Deus in homine ipsam quæ non esset duritiam cordis operetur. Quid est enim aliud duritia quàm Dei obuiare mandatis?] & post pauca, Ergo quicquid post illam præuaricationem natus supplicij homo patitur, iustè reddi meritòque fateatur. Indurare enim dicitur Deus eum quem mollire noluerit, sic etiam excæcare dicendus est eum quem inluminare noluerit, sic etiam repellere eum quem vocare noluerit. *Quos enim prædestinavit illos & vocauit, & quos vocauit illos & iustificauit.*] & post aliquanta, Hæc quidem, quantum ad fidei regulam, Domino inluminante piè dicta sint. Sed iam video quid etiam hinc calumniosa prauitas possit opponere. Sequitur enim, vt si eos quos prædestinavit illos & vocauit, & si eos quos vocauit illos & iustificauit, qui nec prædestinati nec vocati, ac per hoc nec iustificati sunt, ab omni culpa debeant esse innocentes, iniustèque ab eis pro vitæ prauitate transactæ in illa agnitionis die sint poscenda supplicia. Dicat istis Apostolus Paulus, *Nunquid iniquitas apud Deum?* statim ipse respondeat, *absit.* cumque hoc fuerit in hominis mente sana pietate fundatum, quòd nulla sit iniquitas apud Deum, ita intelligat, *Cui vult miseretur & quem vult indurat*, quasi diceretur, cui vult miseretur, cui non vult non miseretur. itémque hoc ipsum ita rursus intelligat, quasi diceretur, cui vult donat, & à

Tom. vii.
in Append.
Cap. ii.

Cap. iii.

Rom. 3.
12.

Cap. iv.

Rom. 8.
29.
Cap. vi.

Rom. 9.
14.

- quo vult debitum poscit. quod qui dicere perseuerat iniustum, ab Apostolo audiat, *O homo tu quis es, qui respondeas Deo?* Congruè siquidem huiusmodi impietatem Apostolica retundit auctoritas, tantum de exaggeratione nominum pondus incutiens, cum dicit, *O homo tu quis es, qui respondeas Deo?* *ô homo Deo, lutum figulo?* Subiungit enim idem Apostolus, *Nunquid dicit figmentum ei qui se finxit, quare sic me fecisti? aut non habet potestatem figulus luti ex eadem massa facere aliud quidem vas in honorem, aliud in contumeliam?* & post sequentia,
- Cap. xiii. Dominus noster Iesus Christus filius Dei, Verbum patris æquale & coæternum patri, semetipsum exinaniuit formam serui accipiens, & cum peccatum ipse non esset, factus assumpta carne peccatum, ut peccato carnis homine sanato peccatum damnaret in carne, venit quærere quod perierat, sanare quod ægrotabat, erigere quod iacebat, potestatem habens dimittere peccata, quod non debebat donare, quod ei debebatur ignoscere, deletisque omnibus veteris culpæ maculis quam fecerat reparat naturam. de his quibus pœnam seueritas iustè decreuerat, secundum ineffabilem dispositionis occultæ misericordiam elegit vasa quæ faceret in honorem, & alios à ventura ira dono gratuitæ vocationis absoluit, alios derelinquens ad æqualitatis iudicium reseruauit. nulli tamen agnoscendæ veritatis abstulit facultatem: & ita plenitudo diuinæ præscientiæ, in alios manante iustitia, in alios gratia profluente completa est, ut pereuntibus quos præscierat Deus esse perituros, & saluatis quos in illa secreta sua electione præscierat esse saluandos, toto orbe diffusa multiplicaretur Ecclesia. Gratulare ergo, quicumque inluminatus es, & gratiam quam non merebaris agnosce. geme quicumque induratus es, & iustitiam confitere. Dic quicumque ab originali contagio lauacro gratiæ te gloriaris ablutum, Misericors & miserator Dominus, patiens & multæ misericordiæ, non secundum peccata nostra fecit nobis, neque secundum iniquitates nostras retribuit nobis. Dic quicumque damnaris, *Iustus es Domine in omnibus quæ fecisti nobis, & omnia iudicia tua vera*, quia in veritatē & iudicio superinduxisti omnia hæc propter peccata nostra.] & item in eodem, *Ego autem indurabo cor Pharaonis*. quid est indurabo nisi non molliam? Apparet enim in alios manante iustitia, in alios gratia profluente, scripturæ illius sententiam fuisse completam, qua dicit Deus Pharaoni, *In hoc ipsum excitavi te, ut ostendam in te virtutem meam. & ut adnuntietur nomen meum in vniuersa terra*. Vtente enim Deo bene etiam malis, induratione Pharaonis, flagellis Ægypti, & tot ac tantis in illa gente miraculis pariter acervatimque perfectis, quid aliud gestum est, quam ut Dei virtus, apud se magna in se plena, ad humani generis notitiam perueniret, non Deo sed ipsis relegentibus & credentibus profutura?] & post pauca, Hoc etiam diuinæ potestatis in hominum electione iudicium paulo antè commemorans beatus Apostolus ro-

bustissimis monstraui exemplis, cum de Rebeckæ partu adhuc intra vterum constituto totum ad Dei gratiam referens loqueretur. Sic enim ait, *Sed & Rebecca ex uno concubitu habens Isaac patris nostri*, Rom. 9. 10. cum nondum nati fuissent neque aliquid egissent boni aut mali, ut secundum electionem propositum Dei maneret, non ex operibus sed ex vocante dictum est, quia maior seruiet minori, sicut scriptum est, *Iacob dilexi, Esau autem odio habui*. statimque subiecit, Quid dicemus? Numquid iniquitas apud Deum? negansque respondit, *absit.*] & post aliquanta, quæ plenius lector in suis locis inueniet, Prædestinatus est ergo Iacob vas in honorem, sed non ex operibus, quia non ex operibus, sed ex vocante dictum est, maior seruiet minori. Et ne fortè vasa in honorem prædestinata aliquid suis viribus tribuendo negarent gloriam Creatori, alio ea loco Apostolus *vasa misericordiae* nominat, ut totum quicquid Rom. 9. 23. essent secundum misericordiam se esse cognoscerent.] & post pauca, Ecce in illis iustè punitur iniquitas, in istis gratis nulla iustitia munera- Cap. x. tur.] & item, Hanc itaque distributionem, qua diximus à Deo homines nullis existentibus meritis vocari, & vocatos, ut boni aliquid operentur, Dei adminiculis indigere, sumpto de veteribus litteris Apostolus monstrat exemplo. Postquam illam de duobus geminis electionem, omni repulsa laude meritorum, ad Dei gratiam iudiciūque retulerat, videns quid impia posset blasphemare garrulitas, dixit, *Numquid iniquitas apud Deum?* & sequitur, *absit.* & quasi diceretur ei, unde probas? parum putauit auctoritatem suæ valere doctrinæ, nisi sententiam suam etiam legis doceret exemplo. Sic enim intelli- Exod. 33. 19. gi voluit quod Moyse dixerat, *Miserebor cui miserebor, & misericordiam præstabo cui misericors fuero.* ut primam à Deo misericordiam vocatione credamus hominibus prærogari, quæ sola ad rectè viuendum non sufficit, si deserat qui vocauit. Ideoque additum, *& misericordiam præstabo cui misericors fuero.* ut à Deo accipi manifestum sit etiam ipsa misericordiae opera, quæ cum videmur impendere Dei misericordiam promeremur.] & paulo post, Si quem verò mouet, quòd Cap. x. non omnes, etiam de his qui iam vocati sunt, ad secundam gratiam, id est ad rectè viuendi donum peruenire mereantur, sicut Dominus in Euangelio dicit, *Multi vocati, pauci verò electi*, hinc intelligat qua- Matt. 22. 14. le sit, quod contra Dei gratiam defensare molitur qui de libero sibi blanditur arbitrio. Quicumque enim, diuinæ vocationis munere derelicto, ad impiam rursus defluxere perfidiam, ipsis Dei gratia deferente ad implendum quod voluerint sufficit arbitrium.] & item post aliquanta, Hanc ergo Pharaon misericordiam non accepit, & Cap. xiv. ideo ei ad pereundum liberum suffecit arbitrium. quem quidem nullus ita ignarus diuinarum scripturarum erit qui audeat dicere illa omnia iniustè esse perpessum. An fortè, si piè de Deo sicut expedit sentiamus, etiam Pharaoni datam misericordiam reperimus? Patientia enim Dei valere ei debuit ad salutem: qua differens iustum meri-

Cap. xv.

Rom. 9.

18.

Ioan. 19.

5.

Cap. xvi.

Cap. xii.

tumque supplicium, miraculorum verbera crebra densabat. numquid non potuit, sicut flagellis cedens expulit populum, ita miraculis credens Deum tantæ virtutis agnoscere? Si dicitur, iam Pharaonem non potuisse mutari, quia eum præscierat Deus non esse mutandum: respondetur, Dei præscientiam non cogere hominem ut talis sit qualem præsciuit Deus, sed præscire talem futurum qualis futurus est, quamuis eum non sic fecerit Deus. quoniam si cogeret esse, hoc utique cogeret quod non est. porro si hoc præscierat futurum esse quod non est, præscientia non est. quod de Deo quàm impiè dicatur, aduertit quisque qui peccatis suis inde blanditur, quòd Deuseum peccatorem futurum esse præscierit. Potest existere nihilominus fortasse qui dicat minùs idoneam ad salutem viam, si nulla intrinsecus vocatione pulsatus tamen quispiam flagelletur. Vnde Nabuchodonosor pœnitentiam meruit fructuosam? Nonne post innumeras impietates flagellatus pœnituit, & regnum quod perdiderat rursus accepit? Pharaonem autem ipsis est flagellis durior effectus, & periit. Hic mihi rationem reddat qui diuinum consilium nimis altum sapienti corde diiudicat, cur medicamentum vnius medici confectum alij ad interitum, alij valuerit ad salutem, nisi quia Christi bonus odor aliis est odor vitæ in vitam, aliis est odor mortis in mortem. Quantum ad naturam, ambo homines erant: quantum ad dignitatem, ambo reges: quantum ad causam, ambo captiuum Dei populum possidentes: quantum ad pœnam, ambo flagellis clementer admoniti. Quid ergo fines eorum fecit esse diuersos, nisi quòd vnus manum Dei sentiens in recordatione propriæ iniquitatis ingemuit, alter libero contra Dei misericordissimam veritatem pugnavit arbitrio? Hic quicumque respondet, illi ut mutaretur adfuisse diuinum, huic ut induraretur defuisse præsidium, & hoc contendit iniustum, propter quod rerum ipsarum fines in Dei voluntate constituens dixit Apostolus, *Cui vult miseretur, & quem vult indurat*, dicente etiam Domino, *Sine me nihil potestis facere*, intelligat ista omnia vel adiuuante Domino perfici, vel deserente permitti, ut nouerit tamen nolente eo nihil prorsus admitti.] & post pauca, Nunc autem, cum damnatis pœna iusta datur, saluatis autem gratia donatur indebita, quis vsque adeo humanæ conditionis oblitus diuini sensus arcana discutiat, ut cum ipsam pœnam meritò fuerit consecutus, queratur cur alius gratiam quæ ei non debebatur acceperit? & item S. Augustinus in libro de Bono perseuerantiæ, Non enim est iniquitas apud Deum, sed inscrutabilia sunt iudicia eius, & inuestigabiles viæ eius, vniuersæ autem viæ Domini misericordia & veritas. Inuestigabilis ergo est misericordia, qua cuius vult miseretur, nullis eius præcedentibus meritis: & inuestigabilis veritas, qua quem vult obdurat, eius quidem præcedentibus meritis, sed cum eo cuius miseretur plerumque communibus, sicut duorum geminorum, quorum vnus assumitur, alius relinqui-

inquitur, dispar est exitus, merita communia. In quibus tamen sic alter magna Dei bonitate liberatur, ut alter nulla eius iniquitate damnetur. Numquid enim iniquitas est apud Deum? absit: sed inuestigabiles sunt viæ eius. Itaque misericordiam eius in his qui liberantur, & veritatem in his qui puniuntur sine dubitatione credamus, nequē inscrutabilia scrutari aut inuestigabilia vestigare conemur. Ex ore quippe infantium & lactentium suam perficit laudem, ut quod in his videmus, quorum liberationem bona eorum merita nulla præcedunt, & in his quorum damnationem vtrisque communia originalia sola præcedunt, hoc & in maioribus fieri nequaquam omnino cunctemur. id est, non putantes vel secundum sua merita gratiam cuiquam dari, vel nisi suis meritis quemque puniri, siue pares qui liberantur atque puniuntur, siue dispares habeant causas malas. ut qui videtur stare videat ne cadat, & qui gloriatur non in seipso sed in Domino gloriatur.] Item Augustinus in libro iv. contra Pelagium, Attulit in multa patientia vasa iræ quæ perfecta sunt in perditionem, ut notas faceret diuitias gloriæ suæ in vasa misericordiæ quæ præparauit in gloriam. Ira quippe non redditur nisi debita, ne sit iniquitas apud Deum: misericordia verò etiam cum præbetur indebita, non est iniquitas apud Deum. Et hinc intelligunt vasa misericordiæ quàm gratuita illis misericordia præbeatur, quòd iræ vasis, cum quibus eis est perditionis causa & massa communis, ira debita & iusta rependitur.] & item Augustinus in epistola ad Optatum, Epist. lviij. Dixerat tanquam figulum luti, ex eadem massa facere, aliud vas in honorem, aliud in contumeliam. meritò autem videretur iniustum, quòd fiunt vasa iræ ad perditionem, si non esset ipsa vniuersa ex Adam massa damnata. Quòd ergo fiunt inde nascendo vasa iræ, pertinet ad debitam pœnam: quòd autem fiunt renascendo vasa misericordiæ, pertinet ad indebitam gratiam. Ostendit ergo Deus iram suam, non vtique perturbationem animi, sicut est quæ ira hominis nuncupatur: sed iustam fixamque vindictam, quòd de stirpe inobedienciæ ducitur propago peccati atque supplicij, & *homo natus* Iob 14. 13. *ex muliere*, sicut in libro Iob scriptum est, *brevis est vita, & plenus iracundia*. eius enim rei vas est qua plenus est. vnde iræ vasa dicuntur. Ostendit & potentiam suam, qua bene vtitur etiam malis, multa illis naturalia & temporalia bona largiens, eorumque malitiam ad exercendos & comparatione admonendos bonos accommodans, ut in eis discant agere gratias Deo, quòd ab eis non suis meritis, quæ in eadem massa paria fuerunt, sed illius miseratione discreti sunt.] De qualibus Gregorius in *xxi. Ezechielis* homilia dicit, Paulus cum adhuc rudis esset in fidei vocatione, quia iam Domini verba perceperat, & cælesti gratia plenus erat, vas electionis appellatur cum dicitur, *Vas electionis mihi est*. Hinc pastores atque doctores Propheta Aa. 9. 13. admonet dicens, *Mundamini qui fertis vasa Domini*. Ipsi etenim qua Esa. 52. 11.

Ad Bonifacium contra duas Epist. lib. 4. cap. 5.

Epist. lviij.

Iob 14. 13.

Paulo ante medium.

Aa. 9. 13.

Esa. 52. 11.

fi mensæ Domini vasa portant, qui vitam fidelium erudiendo tolerant, ut quandoque hanc Domino ad holocaustum & sacrificium perducant.] Quas sequens sententias FLORVS, ex cuius scripto iste quicumque sit compilator falsidicus hæc capitula commasticans ex-

Rom. 9. 20. » puit, ibidem scripsit dicens, Vnde Apostolus, inquit, vasa miseri-

» cordiæ eius appellat, ut ostenderet diuitias gratiæ suæ quæ præpa-

» rauit in gloriam. E contrario autem malos præsciuit per propriam

» malitiam malos futuros, & præsciuit per suam iustitiam æterna vl-

» tione damnandos. Sicut præsciebat de Iuda proditore quod eum

1. Ioan. 6. 72. » esset traditurus, sicut Euangelium dicit, cum esset vnus ex duodecim.

Matt. 26. 74. » præsciebat etiam æternam eius damnationem cum diceret, Væ au-

» tem homini illi per quem filius hominis tradetur. bonum erat ei si natus non

» fuisset homo ille. Et item malos non ideo perire quia boni esse non

» potuerunt, sed quia mali esse voluerunt, & suo vitio vasa iræ aptata

» in interitum perseuerauerunt, & in massa perditionis vel origina-

» li vel actuali merito permanferunt.]

CAPVT X.

*De testimoniis scripturarum, quibus Gothescalcus & sui complices
alieno sensu à fide catholica & orthodoxorum doctrina
inreuerentissimè abutuntur.*

SCIENDVM est etiam, quod sub hoc sensu, quo iste compilator vsus est Apostoli testimonio, etiam aliis testimoniis in asserendo suum errorem Gothescalcus cum suis scholasticis vtitur. ut vniuersa propter semetipsum operatus est Dominus, impium quoque ad diem malum. & de Ecclesiastico, qui transgreditur à iustitia ad peccatum, parauit eum Deus ad romphæam. De quibus ita Catholici sentiunt. quia impium ad diem malum operatus est Dominus, & transgredientem à iustitia ad peccatum parauit ad romphæam, quia quem impium & transgredientem futurum præsciuit, non prædestinauit ut ad diem sibi malum, & ad romphæam id est debitam ultionis vindictam perueniret, sed permisit, factumque proprio vitio impium, & arbitrio suo transgressorem, iusto iudicio condemnauit. Qui non ideo est impius factus, neque est idcirco transgressus, quoniam impius futurus & transgressor est à Deo præscitus: sed ideo est impius & transgressor à Deo præscitus, quia impius & transgressor vitio suo erat futurus. Propterea quicumque legerit hoc Apostoli testimonium in huius tertio compilatoris capitulo positum, sanius secundum catholicorum Patrum doctrinam intelligere debet quod dictum est ab Apostolo, Vasa iræ perfecta vel aptata ad interitum, peccato primæ præuaricationis: & quod dicit, facit Deus vas in honorem, scilicet gratia & prædestinatione. Facit autem vas in contumeliam, non operando, sed iustissimè deserendo, sicut plena sunt orthodoxorum volumina tali expositione. Sci-

Prou. 16. 4. »

Eccli. 26. 27. »

Rom. 9. 22. »

licet quia cor Pharaonis iusto iudicio indurauit, quod per gratiam non emolliuit: in reprobum sensum ex retributione iustitiæ, quia est peccatum & pœna peccati. in aliud sæpè peccatum peccatores tradidit, quia gratiâ non liberauit: iustitia excæcauit, quia gratia non inluminauit: vas in contumeliam fecit, quia iustè in massa perditionis atque damnationis reliquit, & non per gratiam prædestinando vas honorabile fecit. Sic & inclusit quoniam non aperuit, destruxit quia non ædificauit, despexit quem non respexit. & eum qui transgreditur à iustitia ad iniquitatem, ex retributione iustitiæ Deus parauit ad romphæam. & permisit gentes ingredi vias suas, & hominem dimisit in manu consilij sui. balteum regum iustè deferendo dissoluit, fune renes eorum permittendo præcingit. ex retributione iustitiæ in tentationem inducit, quoniam iustè induci permittit. Et in Iob, *Prinauit Deus sapientia*, cui iustè non dedit. & de Iob 39. 17. his de quibus scriptum est, quia non potuerunt audire quoniam voluit Deus eos occidere, scilicet quod merebantur. vt reddat iustitia quod non indulget gratia. Vnde & Prosper, ex verbis sancti Augustini, in responsione obiectionis xv. Vincentianarum, ostendit quia sicut Deus nemini correctionis adimit viam, ita nec quemquam boni possibilitate dispoliat. quia qui se à Deo auertit, ipse & velle quod bonum est & posse sibi sustulit. Non est ergo consequens, vt Deus quibus pœnitentiam non dederit resipiscentiam abstulerit, & quos non leuauerit, alliserit: cum aliud sit infonem in crimen egisse, quod alienum est à Deo, aliud criminoso veniam non dedisse, quod de peccatoris est merito. Istæ sunt duæ sortes, & duo funiculi dimensi, vnus ad occidendum, & vnus ad viuificandum, commemorati de scripturis in libello domni Prudentij, ad confirmandam sententiam quia sunt reprobi à Deo prædestinati ad mortem, sicut electi ad vitam. Sed melius, quia verius, Prosper, vt diximus, ex verbis sancti Augustini, qualiter catholicè intelligere debeamus huiusmodi scripturæ sacræ locutiones aperuit. Videlicet quia aut ad donum pertinet gratiæ, aut ad retributionem iustitiæ, quicquid Deus misericorditer iustèque facit, qui fecit quæ futura sunt. quia vt S. Augustinus dicit in libro de Bono perseuerantiæ, nihil est nisi quod aut ipse fecit, aut fieri ipse permittit. & in libro de Gratia & libero Arbitrio ad Valentinum & cum eo Monachos, Fixum enim debet esse & im- Cap. xxi. mobile in corde vestro, quia non est iniquitas apud Deum. ac per hoc quando legitis in litteris veritatis, à Deo seduci homines, aut ob- rundi vel obdurari corda eorum, nolite dubitare præcessisse mala merita eorum, vt iustè ista paterentur, ne incurratis in illud prouer- bium Salomonis, *Inspientia viri violat vias eius, Deum autem causatur in corde suo.* Prou. 19. 3. & in eodem post aliquanta, Quando ergo auditis dicen- Cap. 23. tem Dominum, *Ego Dominus seduxi Prophetam illum*, & quod ait A- Ezech. 14. 9. postolus, *cuius vult miseretur, & quem vult obdurat*, in eo quem seduci Rom. 9. 18.

permittit vel obdurari, mala eius merita, in eo verò cuius miseretur, gratiam Dei non reddentis mala pro malis, sed bona pro malis, fideliter & indubitanter agnoscite. Nec ideo auferatis à Pharaone liberum arbitrium, quia multis locis dicit Deus, Ego induraui Pharaonem, vel induraui aut indurabo cor Pharaonis. Non enim propterea ipse Pharaon non induraui cor suum. nam & hoc de illo legitur, quando ablata est ab Ægyptiis cynomyia dicente scriptura,

Exod. 8. *Et adgrauauit Pharaon cor suum & in isto tempore, & noluit dimittere populum.* ac per hoc & Deus induraui per iustum iudiciū, & ipse Pharaon per liberum arbitrium.] Huius etiam locutionis modum & Beda in secundo libro commenti Lucae Euangelistae demonstrat, exponens sententiam dicti Dominici, animam saluam facere an perdere, hoc est hominem curare an non. idem est quod prae miserat bene facere an malè. non quòd Deus summè bonus auctor mali nobis aut perditionis esse possit: sed quòd eius non saluare scripturae consuetudine perdere dicatur: sicut dicitur indurasse cor Pharaonis, non quòd molle obdurauerit, sed quòd meritis praecedentibus obduratum misericorditer emollire noluerit. Et cum rogamus, *Ne nos inducas in tentationem*, protinus addendo, *Sed libera nos à malo*, manifestè docemur, eius inducere in tentationem non esse aliud quàm non liberare à malo: eius perdere animam esse à perditione saluam non facere.] Et sanctus Gregorius in libro xxix. Moralium, Semetipsum, inquit, Dominus hoc gelu gignere perhibet, non quo prauorum mentes ipse ad culpam format, sed quo à culpa non liberat. sicut scriptum est, *Ego obdurabo cor Pharaonis*, quod quia misericorditer mollire noluit, profectò districtè se obdurare nuntiavit.] Hinc sanctus Augustinus in Psalmo xxxv. *Dedit illos Deus in concupiscentia cordis illorum, facere quae non conueniunt.* Si Deus hoc facit vt faciant quae non conueniunt, quid ipsi fecerunt? Ergo fuit concupiscentia, quam vincere noluerunt, cui traderentur iudicio Dei, si aut digni haberentur qui traderentur.] & in Psalmo xxviii. Alij dicebant bonus est, alij non. vt alios in caritatē suam traiceret, alios in malitia eorum relinqueret.] & in Psalmo vi. *Dedit illos Deus in reprobum sensum.* Nam ea est cæcitas mentis. in eam quisquis datus fuerit ab interiore Dei luce secluditur. sed nondum penitus cum in hac vita est. Sunt enim tenebrae exteriores, quae magis ad diem iudicij pertinere intelliguntur, vt penitus extra Deum sit quisquis dum tempus est corrigi noluerit.] & in Psalmo v. Cum punit Deus peccatores, non malum suum eis infert, sed malis eorum eos dimittit.] & in Psalmo vii. Esse ad lucem pertinet, non esse ad tenebras. Qui ergo deserit eum à quo factus est, & inclinatur in id vnde factus est, id est in nihilum, in hoc peccato tenebratur, & tamen non penitus perit, sed in infimis ordinatur.] His catholicorum documentis agnoscat capitulorum compilator, nihil se adiuuari posse à Fulgentio in expositione secundum suum sensum hu-

iis Apostolici testimonij. Quapropter ad perscrutanda capituli reliqua transeamus.

CAPVT XI.

De perscrutandis capituli subsequentiis reliquiis.

DENIQUE ait noster, quia veritatis secundum suam intelligentiam infestissimus persecutor, In electione tamen saluandorum misericordiam Dei præcedere meritum bonum: in damnatione autem periturorum malum meritum præcedere iustum Dei iudicium.] Noluit hæc iste compilerator sic ponere, sicut illa FLORVS in suo scripto bene studuit ponere, & in quocumque illa verbis conuertit, in tanto à recto sensu peruertit. Dixit namque ille, Siue autem in illis qui saluantur, siue in illis qui pereunt, voluntas propria remuneratur, voluntas propria damnatur. Sed in illis, quia per gratiam Domini saluatoris est sanata, vt ex mala & praua fieret bona & recta, est proculdubio dignissime coronata. In istis autem, quia non adquiescit per Saluatorem recipere sanitatem, iustissime per eundem iudicem sentiet perpetuam damnationem.] & supra, Ergo bonos præsciuit omnino & per gratiam suam bonos futuros, & per eandem gratiam æterna præmia accepturos: id est & in præsentī sæculo bene victuros & in futuro feliciter remunerandos. vtrumque tamen ex dono misericordiae Dei. Vnde Apostolus vasa misericordiae eius appellat dicens, *Vt Rom. 9. 23. ostenderet diuitias gratiae suae in vasa misericordiae, quae præparauit in gloriam.* Econtrario autem malos & præsciuit per propriam malitiam malos futuros, & præsciuit per suam iustitiam æterna ultione damnandos.] Immutauit compilerator incompositè verba composita, & rectum sensum transtulit in peruersum. Si enim dixisset, in saluatione electorum misericordiam Dei præcedere bonum meritum, vtrumque constare intelligeretur sententia. Nunc autem, quia dicere maluit, in electione saluandorum misericordiam Dei præcedere bonum meritum, à consequentia recti sensus recessit. Nam de saluandorum electione scriptum est, *Elegit Deus nos in ipso*, id est in Christo, *ante mundi constitutionem, prædestinans nos in adoptionem filiorum.* Vnde Augustinus in libro de Prædestinatione sanctorum dicit, Si quæraturs vnde quisque sit dignus, non desunt qui dicant voluntate humana: nos dicimus gratia vel prædestinatione diuina.] & prædestinatio, quæ sine præscientia esse non potest, ipsa est electio, sicut docet Apostolus, *Quos Rom. 9. præsciuit & prædestinauit conformes fieri imaginis filij sui.* & iterum. *Quos 29. præsciuit hos & prædestinauit, vocauit, iustificauit, glorificauit.* quibus singulis hanc opponens sententiam sanctus Augustinus subiungit, & non alios. & electio gratiae ipsa est misericordia. Dicat ergo, quæ misericordia est alia quæ præcedit bonum meritum in electione saluandorum, si in electione saluandorum præcedit misericordia. Igitur mise-

Ephes. 1. 4.

Cap. x.

Rom. 9.

29.

Cap. xviii.

Cap. x.
Exod. 33.
19.

Matt. 5.7.

Matt. 21.14

2. Cor. 3.5.

Philip. 2. 13.

1. Cor. 12.8.

De Prædest.
sanctorum
cap. xviii.

ricordiam præcedit misericordia, & erunt duæ misericordiæ quibus eliguntur saluandi: cum non in electione saluandorum, sed in saluatione electorum duobus modis sit intelligenda Dei misericordia, videlicet eius gratuita gratia. Vnde si vult inter primam & secundam misericordiam, gratuitam scilicet gratiam, cognoscere differentiam, legat sancti Augustini librum de gratiæ Prædestinatione, in quo ad locum dicit, *Misereor cui miserebor, & misericordiam præstabo cui misericors fuero.* vt primam à Deo misericordiam vocatione credamus hominibus prærogari. quæ sola ad rectè viuendum non sufficit, si deferat qui vocauit. Ideoque additum, *& misericordiam præstabo cui misericors fuero.* vt à Deo accipi manifestum sit etiam ipsa misericordiæ opera, quæ cum videmur impendere Dei misericordiam promeremur. Sic enim in Euangelio Dominus dicit, *Beati misericordes, quoniam misericordiam consequentur.* Quod nisi sic intellexisset Apostolus, nunquam probationis gratia disputationi suæ hoc testimonium curasset inferre. Si quem verò mouet quod non omnes, etiam de his qui iam vocati sunt, ad secundam gratiam, id est ad rectè viuendi donum peruenire mereantur, sicut Dominus in Euangelio dicit, *Multi sunt vocati, pauci vero electi,* hinc intelligat quale sit, quod contra Dei gratiam defendere molitur qui delibero sibi blanditur arbitrio. Quicumque enim, diuinæ vocationis munere derelicto, ad impiam rursus defluxere perfidiam, ipsis & ei gratiam deferentibus ad implendum quod voluerant sufficit arbitrium.] & reliqua, quæ latius & disertissime ibidem prosequitur gratiæ celestis orator. Hinc & Prosper in libro sententiarum epigrammatum, quas ex sancti Augustini dictis breuiter adnotauit, cap. cxxx. Sicut duo sunt, inquit, officia medicinæ, vnum quo sanatur infirmitas, aliud quo custoditur sanitas: ita duo dona sunt gratiæ, vnum quod aufert carnis cupiditatem, aliud quod facit animi perseverare virtutem.] His doctorum sententiis discat & intelligat se non bene dixisse, in electione saluandorum misericordiam Dei præcedere meritum bonum: quoniam prima est quam altera non præcedit gratia in electione & vocatione saluandorum, quæ omne præcedit bonum meritum. quin & cogitare & velle bonum, & fidem totius operis boni initium, quæ per dilectionem operatur, sine qua impossibile est placere Deo, vt scriptura testatur dicens, *Non quasi sufficientes simus cogitare aliquid à nobis, quasi ex nobis: sed sufficientia nostra ex Deo est. qui dedit nobis & velle & perficere pro bona voluntate. & alteri datur fides in eodem spiritu.* Vnde Augustinus in libro de Bono perseverantiæ dicit, *Elegit Deus in Christo ante mundi constitutionem membra eius. & quomodo eligeret eos qui nondum erant nisi prædestinando?] & post aliquanta, Elegit ergo nos Deus in Christo ante mundi constitutionem, prædestinans nos in adoptionem filiorum: non quia per nos sancti & immaculati futuri eramus, sed elegit prædestinauitque vt essemus.]* alioquin gratia iam

non est gratia, si non fuerit gratis data. Secunda autem est misericordia siue gratia rectè viuendi, ad quam præsciti & prædestinati electi atque vocati gratiæ dono peruenire merentur. qua gratia iustificati in futuro glorificabuntur, accipientes gratiam pro gratia, id est gratiam beatæ retributionis pro gratia bonæ operationis, sicut sanctus Augustinus in libro de Bono perseuerantiæ scripsit.

Cap. xiv.

CAPVT XII.

Diffinitio sancti Augustini, quid sit sanctorum prædestinatio, à qua capitulorum istorum compilator omnimodis discordare cognoscitur, & per ambages fidem diuinæ prædestinationis extenuando peruertit, & verba veritatis ad mendacia quantum potest inflectit. unde eum catholicorum doctrina aperta veritate, & si non eum pertinaciæ inherenter ad tramitem veritatis reflectit, verum de mendacio contrarium veritati reuincit.

HÆC est inquam prædestinatio sanctorum, nihil aliud. præscientia scilicet & præparatio beneficiorum Dei, quibus certissime liberantur quicumque liberantur.] & item in eodem, Post casum autem hominis, non nisi ad gratiam suam Deus voluit pertinere ut homo accedat ad eum, neque nisi ad gratiam suam voluit pertinere, ut homo non recedat ab eo. Hanc gratiam posuit in illo in quo sortem consecuti sumus, prædestinati secundum propositum eius qui vniuersa operatur, ac per hoc sicut operatur ut accedamus, sic operatur ne discedamus.] & in libro, sicut supra diximus, de prædestinatione sanctorum. Si discutiatur, inquit, & quæratur unde quisque sit dignus, non defunt qui dicant voluntate humana: nos autem dicimus gratia vel prædestinatione diuina. Inter gratiam porro & prædestinationem hoc tantum interest, quod prædestinatio est gratiæ præparatio, gratia verò iam ipsa donatio. Quod itaque ait Apostolus, *Non ex operibus, ne forte quis extollatur, ipsius enim sumus signum, creati in Christo Iesu in operibus bonis*, gratia est. Quod autem sequitur, *quæ præparauit Deus ut in illis ambulemus*, prædestinatio est, quæ sine præscientia esse non potest.]

Cap. vii.

Cap. x.

Ephes. 2. 9.

Sed iste commutator, immutans verba & sensus FLORI qui secutus fuerat sensum Augustini, sicut dicitur, *Cattus in obscuris cepit pro sorice picam*. Putamus quod quando dixit in electione saluandorum misericordiam Dei præcedere meritum bonum, in damnatione autem periturorum malum meritum præcedere iustum Dei iudicium, hoc dicere voluerit, quod sanctus Augustinus rectissime & apertissime in libro de Bono perseuerantiæ dicit, Ex ore, inquam, infantium & lactentium Deus suam perfecit laudem, ut in his quorum liberationem id est electionem videmus, bona eorum merita nulla

Cap. x.

Psal. 78. 8.

præcedant, & in his quorum damnationem videmus, non cunctemur nisi suis meritis quemque puniri, siue pares qui liberantur & qui puniuntur, siue dispares habeant causas malas.] Nam ideo dicuntur electi, quia de massa perditionis sunt gratia electi, nullum habentes meritum antequam eligantur, quorum electio ipsa est Dei misericordia, sicut in Arausica Synodo, cui beatus Cæsarius ex delegatione Sedis Apostolicæ præsedet, & capitula ab Apostolica Sede directæ, subscribenda & tenenda omnibus protulit, cap. xiv. dicitur, Nullus miser de quantacumque miseria liberatur, nisi qui Dei misericordia præuenitur, sicut dicit Psalmista, *Cito anticipet nos misericordia tua Domine.* & illud, *Deus meus, misericordia eius præueniet me.*] & cap. xviii. Debetur merces bonis operibus si fiant, sed gratia quæ non debetur præcedit ut fiant.] Hæc est gratuita electio, quæ præcedit opera bona, hæc est misericordia, qua miseri liberantur, cum de massa perditionis eliguntur, id est gratis leguntur. Quam misericordiam, id est antefæcularem electionem, Dei scilicet æternam prædestinationem, alia misericordia non præcedit. Qua videlicet misericordia miseri eliguntur; ut boni de malis fiant. quibus per eandem misericordiam electis datur fides, parantur opera bona, in quibus præuenti, adiuti, ambulantes, & ut perseverent subsecuti, ad vitam, id est ad gratiam perueniant sempiternam.

Quod verò subiunxit, in damnatione autem periturorum malum meritum præcedere iustum Dei iudicium, si vult ipsam prædestinationem reproborum appellari iudicium Dei, quod videlicet iudicium Dei, id est prædestinationem, præcedat malum meritum reproborum, pro quo secundum præscientiam prædestinauit reprobos ad interitum, quia malum meritum illorum præsciens Deus ad interitum illos prædestinauit, quàm malè dicat intelligat. Neminem enim Deus damnat antequam peccet, quia neminem deserit antequam deseratur, sicut catholici dicunt doctores. & sanctus Augustinus in libro de Prædestinatione sanctorum, & de Bono perseverantiæ, latissimè & frequentissimè atque catholicissimè hinc repugnat eis, scripturæ sacræ exemplis, & veracissimis ratiocinationibus, quorum verba talem imperitiam resonabant, & insipientia talem stultitiam demonstrabat. Si autem intelligi vult, iusto Dei iudicio, quod præcedit periturorum malum meritum, pœnam eis ex retributione iustitiæ prædestinatam, ipse suam sententiam, qua prædestinatos ad interitum dicit, cum conatur adstruere, videtur pro certo destruere. quia utrumque, & prædestinati & relictæ, id est & gratia præparati, & retributione iustitiæ in massa perditionis cui est pœna prædestinata relictæ, esse non possunt. quoniam catholici magistri nostri sentiendo confirmant, quia Deus hominem creavit, quem consistere ad æternitatem voluit, & non ut periret prædestinauit: periturum autem illum præsciuit, qui factus est massa perditionis totius humani generis, ex qua massa perditionis præ-

præsciuit & prædestinavit ante omnia sæcula quosdam ad vitam, & vitam illis prædestinavit æternam, ut dicit Apostolus, *Gratia autem Dei vita æterna*, quæ in Euangelio appellatur regnum paratum, id est prædestinatum, electis scilicet prædestinatis ab origine mundi. Rom. 8. 23.

Deinde subiungit atque dicit, Prædestinatione autem Deum tantum statuisse quæ ipse vel gratuita misericordia vel iusto iudicio facturum erat, secundum scripturam dicentem, *qui fecit quæ futura sunt*: in malis verò ipsorum malitiam præscisse, quia ex ipsis est, non prædestinasse, quia ex illo non est. pœnam sanè malum meritum eorum exequentem, ut Deum qui omnia prospicit præsciuisse, & prædestinasse quia iustus est. Ordinabilius FLORVS in suo scripto, unde hic commisculans ista decerpfit, legitur posuisse. Videlicet inquiens om-
 nipotentem Deum in malis ipsorum malitiam præscisse, quia ex ipsis
 est, non prædestinasse, quia ex illo non est. pœnam verò illorum &
 præscisse quia Deus est, & prædestinasse quia iustus est. ut & in illis
 sit meritum suæ damnationis, & in illo potestas & iudicium iu-
 ste damnantis. Non enim prædestinat Deus nisi quæ ipse facturum
 est: præscit verò multa quæ ipse facturum non est, sicut om-
 nia mala, quæ utique mali faciunt, non ille. Unde & Prosper
 in responsione xv. contra Gallos dicit, Qui præscientiam Dei in
 nullo ab ipsius prædestinatione discernit, quodtribuendum est
 Deo de bonis, hoc etiam de malis conatur adscribere. Sed cum bo-
 na ad largitorem cooperatoremque eorum Deum, mala autem ad
 voluntariam rationalis creaturæ nequitiam referenda sint, dubium
 non est, sine vlla temporali differentia, Deum & præscisse simul &
 prædestinasse quæ ipso erant auctore facienda, vel quæ malis me-
 ritis iusto erant iudicio retribuenda: præscisse autem tantummo-
 dò, non etiam prædestinasse, quæ non ex ipso erant causam o-
 perationis habitura. Potest itaque sine prædestinatione esse præ-
 scientia, prædestinatio autem sine præscientia esse non potest.]
 Tamen qualitercumque iste confusor ista posuerit, videtur no-
 bis quia intelligere possumus quæ dicit, Prædestinatione autem
 Deum tantum statuisse quæ ipse vel gratuita misericordia vel iu-
 sto iudicio facturum erat, secundum scripturam dicentem, *qui fe-
 cit quæ futura sunt*: in malis verò ipsorum malitiam præscisse, quia ex
 ipsis est, non prædestinasse, quia ex illo non est. Pœnam sanè ma-
 lum meritum eorum exequentem, ut Deum qui omnia prospicit
 præsciuisse, & prædestinasse quia iustus est. Beatus namque Augusti-
 nus dicit, & Prosper ex verbis illius clarissimè manifestat, quoniam
 prædestinatio Dei est, quæ aut ad donum pertinet gratiæ qua libe-
 rantur electi, aut ad retributionem iustitiæ qua puniuntur iniusti. Et
 bene posuit, non intelligens quod de alterius dictis assumpsit, præ-
 destinatione Deum statuisse quæ ipse vel gratuita misericordia vel iu-
 sto iudicio facturum erat: quoniam misericordia statuit liberare electos,

iudicio pœnam prædestinauit iniustis. Et hoc totum est Dei prædestinatio, quæ aut ad donum pertinet gratiæ, aut ad retributionem iustitiæ. Nunc dicat quomodo Deus perituros ad interitum prædestinauit, quoniam in secundo capitulo dixit, quia in massa damnationis vel merito originali vel etiam actuali permanserunt: & in tertio fidenter est fassus, prædestinationem electorum ad vitam, & prædestinationem impiorum ad mortem, & postea subsecutus est dicens, Misericordia saluantur electi, iudicio iniustis est pœna prædestinata. Talem enim sensum exprimit sua contextio. Quomodo ergo nunc iterum iniusti possunt intelligi ad pœnam à Deo prædestinati? Quoniam si à Deo ad interitum prædestinantur, Dei prædestinatione sine dubio pereunt, sicut ad salutem prædestinati Dei prædestinatione saluantur. Et si reprobi Dei prædestinatione pereunt, dicant quis auctor est eorum perditionis. Vnde Prosper actione xvi. contra Vincentianos dicit, Non perseueraturi, videlicet perituri, non ex Dei opere, inquit, sed ex sua voluntate deficiunt, casuri tamen & recessuri ab eo qui falli non potest præsciuntur.] Ecce in his duobus capitulis incompressus iste compositor dixit reprobos in massa perditionis relictos, & ad interitum iterum prædestinatos: & post hæc eosdem prius relictos, & post ad interitum prædestinatos, in malis suis præscitos non prædestinatos, pœnam autem eis prædestinatam. Monstruosa confectio, vt de monte Lyciæ per transformationem confingitur, *Prima leo, postrema draco, media ipsa chimera.* Quid quærit latibula? veritas angulos non habet. quid tergiuersando ad omnia se componit? Quæ catholici dicunt dicit, vel potius ad illa se affectando componit, & quæ hæretici dicunt pro viribus asserit. Sicut de chamæleonte refertur, qui in omnes quos viderit mox se colores conuertit, & de Æsopi barba fabulosè refertur, quia quicquid de ea dominus serui dolosi dixerit, dictum suum in illa inuenire valebit. sic & iste suam sententiam temperat, vt & catholicis & dyscolis se accomodans, cum vtrisque se partibus præstet, nulli conueniat. Cæterum postquam dixit, Pœnam fanè malum meritum eorum exequentem, vt Deum qui omnia prospicit præsciuisse, & prædestinasse quia iustus est, adiunxit, apud quem est, vt S. Augustinus ait, de omnibus omnino rebus tam fixa sententia quàm certa præscientia. Hoc namque verum est quod S. Augustinus in libro suo conuenientissimè posuit, & iste compositor incompressus hinc inconuenientissimè usurpauit. Nihil enim Deus præscit, quod non sit omnino futurum: nec futurum quid esse potest, quod non Deus præscierit. Non tamen quicumque pereunt, ideo pereunt quia perituri à Deo præsciuntur, sed quia perituri sunt, à Deo ante sæcula præsciuntur. Sicut Prosper in xiii. responsione contra Vincentianos dicit, quòd etsi ex æterna præscientia præcognitum habet quid vniuscuiusque meritis retributurus sit, nemini tamen per hoc quòd falli non

potest, aut necessitatem aut voluntatem intulit delinquendi. Si ergo à iustitia & pietate quis deficit, suo in præceptis fertur arbitrio, sua concupiscentia trahitur, sua persuasione decipitur. Nihil ibi Pater, nihil Filius, nihil agit Spiritus sanctus. nec tali negotio quicquam diuinæ voluntatis interuenit, cuius opere multos scimus ne laberentur retentos, nullos autem ut laberentur impulsos. Et item in xv. Si ergo in sanctitate uiuitur, si in virtute proficitur, si in bonis studiis permanetur, manifestum munus est Dei, sine quo nullius boni operis fructus acquiritur. Si autem ab his receditur, & ad vitia ac peccata transiitur, nihil ibi Deus malæ tentationis immittit, & recessurum non deserit antequam deseratur, & facit plerumque ne deserat, aut etiam si discessit ut redeat. Cur autem illum retineat, illum non retineat, nec possibile est comprehendere, nec licitum vestigare, cum scire sufficiat, & ab illo esse quod statuitur, & non ab illo esse quod ruitur. Et item Prosper in libro Sententiarum cap. CCCLXXIX. Neminem Deus ad peccandum cogit, præuidet tamen eos qui propria voluntate peccabunt. Cur ergo non vindicet iustus quæ fieri non cogit præscius?]

Vnde verum est quod exceptor iste de FLORI scripto, licet inordinato ordine, hic interposuit dicens, In malis verò ipso-
rum malitiam præscisse, quia ex ipsis est, non prædestinasse, quia ex illo non est. pœnam sanè malum meritum eorum ex-
quentem, uti Deum qui omnia prospicit præsciuisse, & præde-
stinasse quia iustus est. De sententia autem Augustini, quam suppo-
suit dicens, De omnibus omnino rebus tam fixa est sententia, quam certa præscientia, sanctus Prosper in præfato libro cap. CLVII. di-
cit, ostendens quia non sub eo sensu illam Augustinus dixit, quo hic capituli compositor interposuit, ex illa probare cupiens, sic re-
probos prædestinatos ad interitum, sicut electi sunt prædestinati ad vitam. Ait enim Prosper, Ira Dei non perturbatio eius est, sed iu-
diciū quo inrogatur pœna peccato. cogitatio verò ipsius & reco-
gitatio mutandarum rerum est incommutabilis ratio. Neque enim sicut hominem ita Deum cuiusquam facti sui pœnitet, cuius de om-
nibus omnino rebus tam fixa sententia, quam certa est præscientia.] Quam vltimam sententiæ huius partem idem Prosper in eodem li-
bro cap. CCXCI. exponit dicens, *Magna opera Domini, exquisita in omnes* Psal. 110. 3.
voluntates eius. Præuidet bonos futuros & creat, præuidet malos futuros & creat, seipsum ad fruendum præbens bonis, multa munerum suo-
rum largiens etiam malis, misericorditer ignoscens, iustè vlciscens. Item, misericorditer vlciscens, iustè ignoscens, nihil metuens de cui-
usquam malitia, nihil indigens de cuiusquam iustitia, nihil sibi consu-
lens de operibus bonorum, & bonis consulens etiam de pœnis ma-
lorum.] Et iterum cap. CXL. Nullum Deus vel Angelorum vel ho-
minum crearet, quem malum futurum esse præscisset, nisi pari-
ter nosset quibus eos bonorum vñibus commendaret, atque ita

ordinem sæculorum quasi pulcherrimum carmen etiam ex quibusdam antithetis honestaret.] Hæc agit præscius & prædestinans omnium bonorum Deus, præscius non prædestinans omnium malorum Deus. apud quem de omnibus omnino rebus tam fixa est sententia, quam certa præscientia: quia nec aliud, nec aliter futurum est, nisi quod & sicut præscit, & quod & sicut futurum est Deus antè præsciuit. Non tamen mala fieri præscientia sua coëgit, sed quæ futura erant, vt Deus antè præsciuit, de quo scriptum est, *Deus æterne, qui absconditorum es cognitor, qui nosti omnia antequam fiant.*

Dan. 13. 42.

Prou. 19. 29

Lib. II. in Prou.

Et quod in capitulo cõpilator subiunxit, Ad hoc siquidem facit sapientis dictũ, *Parata sunt derisoribus iudicia, & mallei percutientes stultorum corporibus*, in hoc sensu potest cõuenienter intelligi positũ, quo posuit, Pœnam sanè malum meritum eorũ exequentem, vti Deum qui omnia prospicit, præsciuisse, & prædestinasse quia iustus est. Sed ad quid illud posuerit non ignoramus. tamen vt possit qualicumque modo constare, interpretari volumus. De hoc siquidem testimonio venerabilis Beda presbyter patrum sequens sententias dicit. *Parata sunt derisoribus iudicia, & mallei percutientes stultorum corporibus.* Et si reprobi, inquit, sicut prædictum est, vel iussuionis vel comminationis diuinæ iudicium derident, parata tamen eos expectant iudicia damnationis, quæ vt mallei ferrum candens, ira eos in fornace gehennæ sine fine verberent.] Hinc & sanctus Gregorius in libro xv. Moralium dicit, Quia omnipotentis, inquit, iustitia futurorum præscia ab ipsa mundi origine ignem creauit, qui in pœna reproborum esse semel inciperet, sed ardorem suum etiam sine lignis nunquam finiret.] Et S. Hieronymus in libro x. Commenti Esaiæ Propheta, Ab heri quippe & præterito tempore præparata est à rege domino Thofeth, id est lata & spatiosa gehenna, quæ eos, id est impios, æternis vrat ardoribus.] Quod mox subsequutus est de hac immobilitate præscientiæ & prædestinationis Dei, per quam apud eum futura iam facta sunt, etiam apud Ecclesiastem bene intelligitur dictum, *Cognoui quod omnia opera quæ fecit Deus perseverent in perpetuum. non possumus his addere nec auferre quæ fecit Deus ut timeantur.*

Videndum est in doctorũ tractatibus, qualiter hoc exemplũ suæ ad stipuletur sententiæ, qua conatur asserere sicut electos ad vitam, ita & reprobos à Deo prædestinatos ad pœnã. Ait namque Hieronymus in expositione libri Ecclesiastes, *Cognoui, inquit, quia omnia quæ fecit Deus ipsa exunt in æternum. super illa non potest addi, & ab illis non potest auferri. & fecit Deus ut timeant à facie eius.* Nihil est, inquit, in mundo quod nouum sit. Solis cursus, & Lunæ vices, & terræ arborũque ficitas vel vitor, cum ipso mundo nata sunt atque concreata. Et idcirco Deus certa ratione cuncta moderatus est, & iussit humanis vsibus elementa seruire, vt homines hæc videntes intelligant esse providentiam, & timeant à facie Dei, dum ex rerum æqualitate, cursu, ordine, at-

Eccle. 3. 14.

Cap. xxxi.

DE PRÆDESTINATIONE.

que constantia intelligunt creatorem. *Inuisibilia enim ipsius à creatura* Rom. 1.20.
mundi per ea quæ facta sunt intellecta conspiciuntur. sempiterna quoque eius
virtus & diuinitas Quod si voluerimus priore sensu finito quasi à ca-
 pite legere, *Et Deus fecit ut timeant à facie eius*, hic est sensus, Deus
 fecit hæc omnia ut timeant homines ab eo quod semel Deus dispo-
 suit in alia declinare. Pulchrè autem temperauit dicens, *ut timeant à*
facie eius. vultus quippe Domini super facientes mala. Et Alcuinus
 in explanatione eiusdem libri, ad Oniam sacerdotem, & Candidum
 presbyterum, & Natanaelem diaconum discipulos suos, *Didici quod* Eccl. 3. 14.
omnia opera quæ fecit Deus perseverent in perpetuum. non possumus eis ad-
dere quicquam, nec auferre quæ fecit Deus ut timeatur. Nihil est in mun-
 do, inquit, quod nouum sit Solis cursus, & Lunæ vices, & terræ
 arborumque siccitas vel viror, cum ipso mundo nata sunt atque
 creata. Et idcirco Deus certa ratione cuncta moderatus est, & iussit
 humanis vsibus elementa seruire, ut homines videntes hæc intelli-
 gant esse prouidentiam Dei, & timeant à facie Dei, dum ex rerum
 æqualitate, cursu, ordine, atque constantia, intelligunt creatorem.]
 Et quoniam hoc de Ecclesiaste testimonium qualiter suæ adstipula-
 tioni conueniat, videlicet quia nequaquam conueniat, doctorum sen-
 tentiis demonstrauius, ex hoc quod præmisit, De hac inquit
 immobilitate præscientiæ & prædestinationis Dei, per quam apud
 eum futura iam facta sunt, Prosper illi ex libro II. de Vocatione Cap. 33.
 gentium respondeat, Non est, inquit, in Deo accidens, motus, auc-
 noua voluntas, aut temporale consilium, nec cogitatio eius cum re-
 rum mutabilium inæqualitate variatur, sed cuncta pariter tempora
 & temporalia sempiterno ac stabili comprehendit intuitu, & omni-
 bus omnia iam retribuit qui quæ sunt futura iam fecit. Hinc est il-
 lud beati Pauli Apostoli scribentis ad Ephesios, *Benedictus Deus &* Ephes. 1. 3.
pater Domini nostri Iesu Christi, qui benedixit nos in omni benedictione spirita-
li in caelestibus in Christo. sicut elegit nos in ipso ante mundi constitutionem, ut
essemus sancti & immaculati in conspectu eius in caritate. qui prædestinauit
nos in adoptionem filiorum per Iesum Christum in ipso, secundum propositum
voluntatis suæ, in laudem gloriæ gratiæ suæ, & cetera, (sicut ibidem lector
quisque deuotus vel curiosus plenius & latius poterit inuenire,) quæ
sub eiusdem sensus prædicatione connectit, docens donum atque
opus gratiæ in æterno Dei semper mansisse consilio, omnesque ad-
optionis filios, non solum in eo tempore quo iam existentes vocati
sunt, sed etiam priusquam mundus constitueretur, electos. In qua
electione quisque hominum in Christo præcognitus non est nulla
eidem ratione sociabitur. Omnes enim qui ad regnum Dei de cu-
iussibet temporis vocatione venturi sunt, in ista quæ sæcula cun-
ctæ præcessit adoptione signati sunt. Et sicut nullus infidelium
in hac sorte numeratus, ita nullus piorum ab hac benedictio-
ne discretus est. De plenitudine quippe membrorum corporis

Christi præscientia Dei, quæ falli non potest, nihil perdit & nullo detrimento minui potest. summa præcognita atque in Christo ante sæcula æterna præelecta. sicut ad Timotheum scribens Apostolus dicit, *Conlabora Euangelio secundum virtutem Dei, qui nos liberavit & vocauit vocatione sua sancta, non secundum opera nostra, sed secundum suum propositum, & gratiam quæ data est nobis ante tempora æterna.* & sanctus

2. Tim. i. 8.

Cap. xviii.

Ephes. i. 4.

Augustinus in libro de Prædestinatione sanctorum, Hæc est immobilis veritas prædestinationis & gratiæ, velut Apostolus ait, *Sicut elegit nos in ipso ante mundi constitutionem.* Elegit ergo nos Deus in Christo ante mundi constitutionem, prædestinans nos in adoptionem filiorum. non quia per nos sancti & immaculati futuri eramus, sed elegit prædestinauitque vt essemus. Fecit autem hoc secundum placitum voluntatis suæ, vt nemo de sua sed de illius erga se voluntate gloriatur. Fecit hoc secundum diuitias gloriæ suæ, secundum bonam voluntatem suam, quam proposuit in dilecto filio suo in quo sortem consecuti sumus, prædestinati secundum propositum, non nostrum, sed eius qui vniuersa operatur, vsque adeo vt ipse in nobis operetur & velle. operatur autem secundum consilium voluntatis suæ, vt simus in laudem gloriæ eius.] & item, Ex hoc proposito eius est illa electorum propria vocatio, quibus omnia cooperantur in bonum, qui secundum propositum vocati sunt. & sine pœnitentia sunt dona & vocatio Dei.] & item, Elegit ergo eos de mundo cum hæc ageret carnem, sed iam electos in seipso ante mundi constitutionem.]

Cap. xvi.

Talis est fides orthodoxorum, de prædestinatione sanctorum. Studeat & dicat capitulorum istorum compilator, quia relictos reprobos, impios & iniustos, ac perituros, ante mundi constitutionem prædestinauit Deus ad interitum, & perditionem, & pœnam. Nos dicere non audemus, quia non dixit Apostolus, nec per eum loquens Dominus Iesus Christus. Nec emendatiore stylo & vngue censorio corrigens sua scripta beatus Augustinus iussit eisdem scriptis nos taliter prædicare. Dicit idem beatus Augustinus in eodem libro, *Electi sunt itaque, quin prædestinati, ante mundi constitutionem ea prædestinatione in qua Deus sua futura facta præsciuit: electi autem de mundo ea vocatione qua Deus id quod prædestinauit impleuit.* Quos enim prædestinauit illos & vocauit, illa scilicet vocatione secundum propositum. non ergo alios, sed quos prædestinauit ipsos & vocauit, nec alios: sed quos ita vocauit ipsos & iustificauit, nec alios. sed quos prædestinauit, vocauit, iustificauit, ipsos & glorificauit. illo vtique fine qui non habet finem.] & item, Elegit Deus, inquit, in Christo ante mundi constitutionem membra eius. & quomodo eligeret eos qui nondum erant nisi prædestinando? Elegit ergo prædestinans nos. numquid eligeret impios & immundos? Nam si quæstio proponatur, vtrum hos eligat, an potius sanctos & immaculatos, quid horum respondeat quis requirat? ac non statim ferat

Cap. eod.

Cap. 18.

DE PRÆDESTINATIONE.

55

pro sanctis immaculatisque sententiam?] & item in libro de Prædestinatione sanctorum. Est etiam, inquit, præclarissimum lumen prædestinationis & gratiæ ipse saluator, ipse mediator Dei & hominum homo Christus Iesus. & item, Ipsa est igitur prædestinatio sanctorum, quæ in sancto sanctorum maximè claruit, quam negare quis potest rectè intelligentium eloquia veritatis? Nam & ipsum Dominum gloriæ, in quantum homo factus est Dei filius, prædestinatum esse didicimus. Clamat doctor gentium in capite epistolarum suarum. *Paulus seruus Christi Iesu vocatus Apostolus*, & cetera usque dum dicit, *qui prædestinatus est filius Dei in virtute*. & item in eodem libro, Sicut ergo prædestinatus est ille vnus vt caput nostrum esset, ita multi prædestinati sumus vt membra eius essemus.] & item, Vocat enim Deus prædestinatos multos filios suos, vt eos faciat membra prædestinati vnici filij sui.] Et in fine libri de Bono perseuerantiæ, Nullum est autem, inquit, inlustrius prædestinationis exemplum, quàm ipse Iesus, vnde & in primo libro iam disputaui, & in huius fine commendare delegi. nullum est inquam inlustrius prædestinationis exemplum quàm ipse mediator. Quisque fidelis vult eam bene intelligere, attendat ipsum, atque in eo inueniat & seipsum. Fidelis inquam, qui in eo veram naturam credit & confitetur humanam, id est nostram, quamuis singulariter suscipiente Deo verbo, in vnicum Dei filium sublimatam, ita vt qui suscepit & quod suscepit vna esset in Trinitate persona.] Ecce caput, ecce lumen prædestinatorum, ecce prædestinationis exemplum. Quocirca qui reprobos ad interitum prædestinatos dicunt, dicant à quo sunt prædestinati, proferant prædestinationis illorum exemplum, ostendant caput talium prædestinatorum, demonstrent, quia lumen non possunt, tenebras eorum.

Contra quos videlicet, qui reprobos ad interitum prædestinatos dicunt, S. Prosper in responsione xii. contra Vincentianos dicit, Hi autem de quibus dicitur, *ex nobis exierunt, sed non erant ex nobis: si enim fuissent ex nobis, mansissent utique nobiscum*, voluntate exierunt, voluntate ceciderunt, & quia præsciti sunt casuri, non sunt prædestinati: essent autem prædestinati, si essent reuersuri, & in sanctitate ac veritate mansuri. ac per hoc prædestinatio Dei multis est causa standi, nemini est causa labendi.] & sanctus Augustinus in libro de Bono perseuerantiæ, Ex duobus, inquit, piis cur huic donetur, perseuerantia vsque in finem, illi non donetur, inscrutabilia sunt iudicia Dei. illud tamen fidelibus debet esse certissimum, hunc esse ex prædestinatis, illum non esse. Nam si fuissent ex nobis, ait vnus prædestinatorum, qui de pectore Domini biberat hoc secretum, mansissent utique nobiscum. Quid est, quæso, non erant ex nobis. nam si fuissent mansissent utique nobiscum? Nonne vtrique à Deo creati, vtrique ex Adam nati, vtrique de terra facti erant, & ab eo qui dixit *omnem flatum e-* go feci, vnus eiusdemque naturæ animas acceperunt? nonne postre-

Cap. xv.

Ibidem.

Rom. i. x.

Cap. xvi.

Cap. xxiv.

i. Ioan. 2.

19.

Cap. viii.

i. Ioan. 2.

19.

Esa. 57. 18.

mō vtrique vocati fuerant, & vocantem secuti? vtrique ex impiis iustificati, & per lauacrum regenerationis vtrique renouati?] Secundum hæc omnia ex nobis erant. & post paululum, Non erant prædestinati secundum propositum eius qui vniuersa operatur.] Attende quid beatus Augustinus dicit, hunc esse ex prædestinatis, illum non esse. cur non dixit hunc esse ex prædestinatis ad vitam, illum ex prædestinatis ad interitum? Et Prosper in recapitulatione x. obiectionis Gallorum dicit, Prædestinatus itaque viuit ex fide sibi donata, non prædestinatus perit infidelitate voluntaria, non coacta.] & in libro sententiarum cap. xxviii. Si omnes simul consideremus, quorum alij misericordia salui fiunt, alij veritate damnantur, vniuersæ viæ Domini, id est misericordia & veritas, suo fine disiunctæ sunt.]

» Tandem concludit compiler capitulorum dicens, Verum ali-

» quos ad malum prædestinatos esse diuina potestate, videlicet vt quasi

» aliud esse non possint, non solum non credimus, sed etiam si sunt qui

» tantum mali credere voluerint, cum omni detestatione, sicut Arausi-

» ca Synodus, illis anathema dicimus. Faciat sicut promisit. Legat totam illam Synodum, & videat si inuenire potuerit vt prædestinatos ad interitum aliquo modo eadem sacra Synodus dixerit, & si hoc ibi inuenerit, dicat sicut illa Synodus dixit. Si autem hoc ibi non inuenerit, quod dixit dicat, vt non aliud quam verum dicat, quia professus est sicut illa Synodus dixit se dicere. Si enim aliter dixerit, aut aliud fidei contrarium superaddiderit, manifestum est eum anathema contraria sentientibus non dicere sicut illa dixit, quæ in nullo à fide catholica discordauit.

Matt. 6. 34.

Et quia in scripturis dicitur malum, non solum peccatum, sed & peccantis supplicium, videat in Catholicorum sententiis, vtrum homo, sicut nec ad peccati malum, ita etiam nec ad pro peccato supplicium prædestinatus intelligi debeat, sed potius ex retributione iustitiæ voluntariè peccanti à iusto iudice debitum sit prædestinatum supplicium. Malum siquidem in scripturis afflictio nominatur, sicut scriptum est, *Sufficit diei malitia sua*, quam pro afflictione positam doctores exponunt: sicut & dies mala vocatur, non quod mala sit, sed quod mala faciētibus sit mala. Ita & ignis æternus malus torquendis est peccatoribus, Angelis scilicet & hominibus malis. non in natura bona operum diuinorum, qua creati sunt Angeli, & homines, & idem gehennæ ignis: sed operatione malorum. cuius operationis initium est infidelitas, scilicet desertio veritatis, sicut initium salutis fides esse dinoscitur donata gratia largitoris. Idem enim ignis, qui stantibus Angelis & hominibus nocere non potuit, cadentium transgressionem ex retributione iustitiæ punit, sicuti & flamma fornacis Babylonicæ innocentium vincula arsit, & nec capillum quidem eorum adussit, diffusa autem circa fornacem incendit quos reperit ministros regis qui eam incendebant. Et ignis tremendi iudicii,

qui

qui iudicem venturum præbit, inflammabit in circuitu inimicos eius, & erit sanctis obuiam illi euntibus peruius. Sed & Sol iste visibilis mundum inluminat, & infirmis oculis nocet, non ex se, sed ex passionibus oculorū: qui non sibi ipsi diuersus diuersa agit, cum ceram liquat & lutum stringit. Et panis vitam fortium roborat, paruulorum necat, & lenis sibilus equos mitigat, catulos instigat, & venenum mors est homini, & vita serpenti. Sic vna Dei in Ægypto signorum operatio mollicbat cor credulorum, & incredulos indurabat. quia iuxta duritiam suam, & impœnitens cor, thesaurizabant sibi iram in die iræ ex his mirabilibus, quæ cum videbant fieri non credebant. Et prædicatorum sermo aliis est odor vitæ in vitam, aliis odor mortis in mortem. Sic & spiritibus refugis, & hominibus reprobis, operatione sua malus fit ignis æternus, creatione diuina bonus.

Ad quod etiam malum, videlicet mortem sine morte, non est homo à Deo prædestinatus, sicut nec ad animæ mortem vel corporis. Adam quippe, vt notum est, peccando animæ mortem cum omni stirpe sua incurrit, de qua scriptum est, *Deus mortem non fecit.* Et ideo mortem à iudice iusto vindicante recepit, hoc est in separatione animæ & corporis, & nisi Dei gratia ante separationem liberata fuerit, in æterna cruciatione animæ ipsius & corporis, illa scilicet, qua discedente anima caro sola moritur, & anima pœnis torquetur, vsque dum rediens in carnem, in eadem & cum eadem in qua peccauit, æternaliter puniatur: vt cum qua communicauit morti peccati, quod Dei bonitas interdixit homini, cum ipsa communicet morti supplicij, quod præparauit diuina iustitia peccatori. De hac morte saluator noster dicit, *Eum timete, qui potest & animam & corpus perdere in gehennam,* & de qua scriptum est, *Mors & vita à Domino Deo est,* vt Augustinus exponit, vita scilicet à donante, mors à vindicante. Et vt Prosper dicit in libro Sententiarum cap. ccxcv. Iustum iudicium Dei est, vt peccato suo quisque pereat, cum peccatum Deus non faciat, sicut mortem non fecit, & tamen quem morte dignum censet occidit. Vnde legitur, *Deus mortem non fecit,* & legitur, *Mors & vita à Deo est.* Quæ duo inter se contraria profectò non videt, quisquis ab operibus diuinis iudicia diuina discernit. quia aliud est creando non instituisse mortalem, aliud iudicando plectere peccatorem.] & iterum cap. ccxcvi. Deus quidem mundum fecit, & corpora prorsus omnia: sed vt corpus corruptibile adgrauet animam, & caro concupiscat aduersus spiritum, non est præcedens natura hominis instituti, sed pœna damnati.] & item contra Gallos, Prædestinatio Dei est, quæ in electis & reprobis aut ad donum pertinet gratiæ, aut ad retributionem iustitiæ.] & Paulus confirmat, *Stipendia enim peccati mors, gratia autem Dei vita æterna,* qua bonus & misericors Deus æternaliter in homine coro-

Sap. i. 23.

Matth. 10. 28.

Cap. ccxcv.

Cap. ccxcvi.

Cap. xiv. 7.

Rom. 6. 23.

nat quod temporaliter bene gestum est. quia homo, qui praeueniente, comitante, & subsequente se Dei gratia, ex voluntate & recta intentione à peccatis, quantum humana fragilitas patitur, se custodivit, aut ante mortem à peccatis vel incredulitate se retraxit, & in fide recta & bonis operibus vsque ad finem corporalis vitae perseverauit, semper Deo viuere vellet, si semper in corpore sine mortis intercessione viuere potuisset. Econtrà verò, stipendio peccati, morte videlicet sempiterna, Deus aeternus & iustus ideo quod malè temporaliter ab hominè gestum est aeternaliter vindicat, quia homo, qui in incredulitate & in peccatis volens vsque ad finem corporalis vitae perseverauit, semper peccare vellet, si semper viuere secundum suum libitum potuisset. Vnde Prosper in libro Sententiarum cap. CCLXXVI. Naturale nobis est velle viuere, malè autem viuere iam non est naturæ, sed peruersæ voluntatis, quam iustè pœna consequitur.]

Cap. XII.
Rom. 5. 12.

Quia verò sicut nec ad peccati, ita nec ad mortis malum, homo sit à Deo prædestinatus, Augustinus in libro quarto de Trinitate demonstrat dicens, *Per vnum quippe hominem peccatum intrauit in mundum, & per peccatum mors, & ita in omnes homines pertransiuit, in quo omnes peccauerunt.* Huius viæ mediator diabolus fuit, persuasor peccati & præcipitator in mortem. Nam & ipse ad operandam duplicem mortem nostram, simplam attulit suam. Per impietatem namque mortuus in spiritu, carne utique mortuus non est. Nobis autem & impietatem persuasit, & propter hanc ut in mortem carnis venire mereremur effecit. Vnum ergo appetuimus iniqua suasionem, alterum nos secutum est iusta damnatione. Propterea quippe scriptum est, *Deus mortem non fecit*, quia causa mortis ipse non fuit. Sed tamen per eius retributionem iustissima mors inrogata est peccatori, sicut supplicium iudex inrogat reo, causa tamen supplicij non est iustitia iudicis, sed meritum criminis. Quò ergo nos mediator mortis transmisit, & ipse non venit, id est ad mortem carnis, ibi nobis Dominus Deus noster medicinam emendationis inseruit, quam ille non meruit, occulta & nimis arcana ordinatione diuinæ altæque iustitiæ. Ut ergo sicut per vnum hominem mors, ita per vnum hominem fieret resurrectio mortuorum, quia magis vitabant homines quòd euitare non poterant, mortem carnis, quàm mortem spiritus, id est, magis pœnam quàm meritum pœnæ, (nam non peccare aut non curatur, aut parum curatur: non mori autem, quamuis non obtineatur, vehementer satagitur.) vitæ mediator ostendens quàm non sit mors timenda, quæ per humanam conditionem iam euadi non potest, sed potius impietas, quæ per fidem caueri potest,] & reliqua, quæ ibi prosequitur. & Prosper in libro Sententiarum cap. CCLI. Homo factus erat immortalis, Deus esse voluit. non perdidit quod homo erat, sed perdidit quod immortalis

Sap. 1. 13.

erat, & de inobedientia superbiæ contracta est poena naturæ.] Ecce ostendunt isti doctores catholici, quia homo nec ad peccati, neque ad supplicij malum sit à Deo prædestinatus, sed ex retributione iustitiæ, sicut & mors corporis, ita & interitio retributa sit illi debita ultionis iustæque punitionis.

CAPVT XIII.

De eo quod Fulgentius in libro suo ad Monimum scripsit, prædestinationem Dei, non tantum in bono, sed etiam in malo dici.

NUNC videamus de hoc quod dixit Fulgentius in superscripto libro ad Monimum, prædestinationem Dei non tantum in bono dici, sed etiam in malo. Ad quod respondeat illi idem B. Augustinus ex libro de prædestinatione sanctorum, quem sicut est laudandus, cum Fulgentius isdem laudauerat. ait enim, Quocirca prædestinatio Dei, quæ in bono est, gratiæ est ut dixi præparatio, gratia verò est ipsius prædestinationis effectus.] & ipse Fulgentius à seipso proposita medicina sanari procuret. ait enim idem, ut præmisimus, in præfato libro, Huic itaque prauitati, inquit, quæ B. Augustini dictis non ex veritate sed ex liuore obieciatur, tali Prosper sermone respondit, Infidelitas non credentium. Euangelio nequaquam ex Dei prædestinatione generatur. bonorum enim Deus auctor est, non malorum. Prædestinatio igitur Dei semper in bono est, aut ad retributionem iustitiæ, aut ad donationem pertinens gratiæ. vniuersæ enim viæ enim Domini misericordia & veritas.]

Cap. xi

Lib. 1. ad
Mon. c. 30.

Adhuc etiam, ut cum venia domni Fulgentij dicamus, aliud quod nos ex verbis illius mouet demonstrare volumus. Dixit enim in præscripto libro, sicut ostendimus, Non autem ignoras, inquit, etiam præterito tempore illi luculentissimo sancti Augustini operi, quod scripsit de prædestinatione sanctorum, à quibusdam Gallis obiectum, quod B. Augustinus in assertionem prædestinationis diuinæ, peccatores non ad solum prædestinatos diceret iudicium, sed etiam ad peccatum. Cuius dicta, quia celeri præuentus est obitu, Prosper vir eruditus & sanctus recta defendit fide, & copioso sermone. Ex quibus Gallorum capitulis, ut non multa nunc ponamus, ne libellum istum, quem prolixum facere disputando necessitas cogit, prolixior voluntas facere videatur, duarum responsionum loca duximus inferenda.] & prætermittens illas responsiones apertius sibi contradicentes, quamuis & istæ ipsæ illi apertè resistent, quas Prosper objectionibus de eisdem libris collectis respondit, ad alias se conuertit dicens, Quarta decima quippe Gallorum obiectio sic habetur, Quod qui Euangelicæ prædicationi non credunt, ex Dei prædestinatione non credant : & quod Deus ita diffiniuerit, ut qui-

Cap. codē.

cumque non credunt, ex ipsius constitutione non credant. Huic itaque prauitati, quæ beati Augustini dictis, non ex veritate, sed ex liuore obieiebatur, tali Prosper sermone respondit, Infidelitas non credentium Euangelio nequaquam ex Dei prædestinatione generatur. bonorum enim Deus auctor est, non malorum. Prædestinatio igitur Dei semper in bono est, aut ad retributionem iustitiæ, aut ad donum pertinens gratiæ. vniuersæ enim viæ Domini misericordia & veritas. Proinde infidelitas non credentium, non ad constitutionem Dei, sed ad præscientiam referenda est. quæ non ideo necessitatem non credendi intulit, quia falli de ea quæ futura erat infidelitate non potuit. Decima quinta etiam obiectio his verbis inserta est, Quod idem sit præscientia quod prædestinatio. cui Prosper sic respondit, Qui præscientiam Dei in nullo ab ipsius prædestinatione discernit, quod tribuendum est Deo de bonis, hoc ei etiam de malis conatur adscribere. Sed cum bona ad largitorem cooperatorumque eorum Deum, mala autem ad voluntariâ rationalis creaturæ nequitiam referenda sint, dubium non est, sine vlla temporali differentia, Deum & præscisse simul & prædestinasse quæ ipso erant auctore facienda, vel quæ malis meritis iusto erant iudicio retribuenda: præscisse autem tantummodò, non etiam prædestinasse, quæ non ex ipso erant causam operationis habitura.] Post hæc autem finem libro imposuit.

In Præfatione.

Obiectio-
ne ix.

Sed cur apertiores responsiones Prosperi, ad quas se reclamauit, dimiserit & istas posuerit, ipse viderit. Nos autem reclamantibus per Fulgentium, ipsas obiectiones & responsiones commemoratas à Fulgentio, de præfatis B. Augustini libris proponere dignum duximus. vt si nos fortè noluerint, consilium Fulgentij, sicut ipsi dicunt eorum fautoris, quod in reliquum proferemus, obaudiant. Ait enim B. Prosper ad Camillum & Theodotum presbyteros Ianuensium ciuitatis, In libris, inquit, beatæ memoriæ Augustini, quorum titulus est de Prædestinatione sanctorum, quædam sanctitatem vestram, vel insolita, aut minus clara, mouerunt.] Et sic per septem obiectiones & responsiones progrediens ad octauam peruenit, quæ dicitur, Sequitur deinceps quod in libro inuenitur secundo, An quisquam dicere audebit Deum non præscisse quibus esset daturus vt crederent, aut quos daturus esset filio suo, vt ex eis non perderet quemquam? Quæ vtique si præsciuit, beneficia sua quibus nos dignatur liberare præsciuit. Hæc est prædestinatio sanctorum, nihil aliud, præscientia scilicet & præparatio beneficiorum Dei, quibus certissimè liberantur quicumque liberantur? cæteri autem vbi nisi in massa perditionis iusto diuino iudicio relinquuntur? vbi Tyrj relictæ sunt & Sidonij, qui etiam credere potuerunt si mira illa Christi signa vidissent? sed quoniam vt crederent non eis erat datum, etiam vnde crederent est negatum.] Ad hæc S. Prosper respondit, quem

Fulgentius de fide & copioso sermone laudauit, Qui istis resistunt, hoc sentire apertissimè probantur, quòd fides non sit donum Dei, & quòd gratia non præueniat liberum arbitrium, sed sequatur, & quòd gratia Dei secundum merita nostra detur.] & post paululum, Verè qui ita sentiunt fidem non acceperunt, aut quam acceperant perdiderunt.] & item post pauca, Agnoscamus itaque sapienter, piè-que fateamur, præscisse incommutabiliter Deum quibus esset daturus vt crederent, aut quos daturus esset filio suo, vt ex eis non perderet quemquam. & si hæc præsciuit, beneficia sua illum quibus nos dignatur liberare, præscisse: & hanc esse prædestinationem sanctorum. prædestinationem scilicet & præparationem beneficiorum Dei, qua certissimè liberantur quicumque liberantur. Ceteros autem, quos à generali perditione humani generis gratia non exemit, iusto nouerimus iudicio non exemptos, & quid nobis remissum sit in eis discamus, de quorum queri damnatione non possumus. Non est enim iniquitas apud Deum, nec quisquam sub iudicio eius innocens perit.] & reliqua, quæ breuitatis causa hîc ponere superfedimus, quæque qui studiosè vel curiosè voluerit, in suis locis legere præualebit.

Nunc autem audiant, qui dictis innituntur Fulgentij, ipsius consilium. Ait enim in præfato libro, quasi eorum Synagogulam adloquens in Monimo, Nos itaque carissime hæc interim pauca de libris sancti Augustini, & de responsionibus Prosperi, ob hoc maluimus huic libello inferere, vt cuncti nouerint quid debeant de prædestinatione sanctorum impiorumque sentire.] Quid sit autem quod cuncti inde sentire debeant secundum eius consilium, idem in capite sequentis libri ad eundem Monimum loquitur dicens, Satis, vt arbitror, Monime carissime, quæstionem de diuersitate prædestinationis, iustorum scilicet & iniquorum, hoc est, quos gratuita misericordia Dei præueniens iustificando conuertit glorificatura conuersos, & eorum, quos iusta Dei seueritas in peccatis derelinquit punitura damnandos, superior sermo, in quantum Dominus pusillitatem nostram dignatus est adiuuare, & pertractatam continet & solutam: ita vt plerique, licet in ea soleant non leuiter permoueri, facile possint, & diuinorum librorum testimoniis instrui, & sancti Augustini libris, & Prosperi eruditissimi viri responsionibus informari, quibus agnoscant prædestinationem Dei nihil aliud esse, nisi præparationem operum eius, quæ in æterna sua dispositione, aut misericorditer se facturum præsciuit, aut iustè. Et quia in peccatis nec misericordia inuenitur nec iustitia, ideoque omnem iniquorum malam voluntatem qua peccant, à Deo præscitam, non tamen esse à Deo prædestinatam, cum ipsam voluntatem malam non aliter essent habituri, nisi in eo quo fuissent à Domino recessuri, nec Deum prædestinasse discessionem hominis à se, cum causa ipsa discessionis

Lib. 1. sub
finem.

Lib. 2. c. 1.

sola voluntaria esset auersio peccatoris. quæ, quia Deum futura non latuit, in æterna præscientia eius præparatam sibi pœnam iustæ retributionis inuenit.]

CAPVT XIV.

Hinc sequitur exhortatio ad scholam dyscolam Gothescalci.

NUNC ex Gothescalci schola, quicquid antea dixerit, Fulgentij audite consilium, & credite dictis Augustini ac Prosperi, quæ ipsdem Fulgentius paulo antè proposuit, Prædestinatio inquit Dei semper in bono est, aut ad retributionem iustitiæ, aut ad donationem pertinens gratiæ, & prædestinationem ac præparationem gratiæ Dei, qua certissimè liberatur quicumque liberantur. ceteros autem, quos à generali perditione humani generis gratia non exemit, iusto nouerimus iudicio non exemptos. & confitemini electos, id est, de generali massa perditionis ab eo lego, quo dicitur *Qui legitis flores*, gratia electos, & prædestinatos, id est, gratia præparatos ad vitam. ceteros autem in massa perditionis iudicio iusto relictos: quibus ex retributione iustitiæ à iusto iudice est pœna prædestinata, sicut electis à piissimo largitore dono gratiæ vita est æterna donata. Nam & Apostolus hoc vtrumque testatur dicens, *Stipendium enim peccati mors, gratia autem Dei vita æterna.*

Rom. 8.
23.

CAPVT XV.

De quorum verbis atque scripturarum sententiis quatuor capitula, à nobis olim contra reexortos Prædestinianos excerpta, quæ istorum capitulorum compositor reprehendit, collecta fuerint & excerpta. & quæ inde veteres Prædestiniani dixerint, quæve moderni ex his delirantes dicant heretici.

ET quia de duobus capitulis, nescimus à quo ex Flori scripto de præscientia & prædestinatione Dei excerptis, singillatim præmissis sententiis, ex orthodoxorum verbis & sensibus, pro mediocritate ingenioli nostri respondimus, vt congruentius ostendere valeamus, de quorum verbis capitula à nobis excerpta, & à præfatorum capitulorum compositor reprehensa collegimus, necessarium duximus, alligare in quatuor fasciculis ad comburendum zizania, quæ in Dominici tritici medio prisci seminarunt Prædestiniani, varia quidem voce, sed cognata parique impietate, de Dei præscientia & prædestinatione suum dogma perniciosissimum componentes. quos Augustinus & Prosper suis scriptis sufficientissimè reuicerunt, & contra quos B. Cælestinus decreuit. Quorum vnum est, quia secundum præscien-

tiam Deus homines damnet pro meritis suæ vitæ, quæ non habuerunt morte præuerti, sed habituri essent si viuerent. Aliud est, quod ab eis qui non sunt prædestinati ad vitam, non auferat percepta baptismi gratia originale peccatum, & licet pie iustèque vixerint, nihil eis profit, sed tamdiu reseruentur, donec ruant & pereant. & quod liberum arbitrium in homine nihil sit, sed siue ad bonum siue ad malum prædestinatio Dei in hominibus operetur: quoniam Deus tale in hominibus plasmet arbitrium quale est dæmonum, quod proprio motu nihil aliud possit velle nisi malum. Tertium est, quod idem sit præscientia quod prædestinatio. In quarto autem, prædestinationem electorum ad vitam non denegant, & reproborum prædestinationem ad interitum confitentur: quos sicut dicunt à Deo prædestinatos ad interitum, ita etiam ad peccatum. De quibus moderni Prædestinatiani vnum non tangunt, aliud transiliunt, tertium declinant, quartum colore mutant, sed odoris atque saporis intelligentia redolent. Dicunt enim, prædestinauit Deus reprobos ad interitum, non ad peccatum, cum non nisi per peccatum perueniri valeat ad interitum.

Quæ quatuor hæretica, beatus Augustinus & Prosper, & cum illis posterior tempore sed prior loco sanctus Gregorius, paria iudicantes æqualiter, & ipsi pariter condemnantes dissoluunt. Ait enim beatus Augustinus in libro de Prædestinatione sanctorum, Dicit non potest quàm moleste feram, quod viderunt Pelagiani esse falsissimum & absurdissimum, hoc non vidisse istos, qui nobiscum errorem illorum hæreticorum catholica auctoritate condemnant. Scripsit librum de mortalitate Cyprianus, multis ac penè omnibus qui Ecclesiasticas litteras amant laudabiliter notum: in quo propterea dicit, non solum non esse fidelibus inutilem mortem, verum etiam vtilem reperiri, quoniam peccandi periculis hominem subtrahit, & in non peccandi securitatem constituit. Sed quid prodest, si etiam futura quæ commissa non sunt peccata puniuntur? Ait tamen ille copiosissimè atque optimè, peccandi pericula nec deesse in ista vita, nec superesse post istam. vbi & illud testimonium ponit de libro Sapientiæ, *Raptus est ne malitia mutaret intellectum eius.* Quod à me quoque positum fratres istos ita respuisse dixistis, tanquam non de libro catholico adhibitum. quasi excepta huius libri adtestatione, res ipsa non clara sit, quam volumus hinc doceri. Quis enim audeat negare Christianus, iustum si morte præoccupatus fuerit in refrigerio futurum? quilibet hoc dixerit, quis homo sanæ fidei resistendum putabit? Item si dixerit iustum, si à sua iustitia recesserit, in qua diu vixit, & in ea fuerit impietate defunctus, in qua non dico vnum annum, sed vnum diem vixerit, in pœnas iniquis debitas hinc iturum, nihil sibi sua præterita profutura iustitia, huic perspicuæ veritati quis fidelium contradicit? Porro si quærat à nobis, vtrum si tunc esset mortuus,

Cap. xiii.

Cap. xiv.

Sap. 4.12.

Sap. 4. 17.

quando erat iustus, pœnas esset inuenturus an requiem, numquid requiem respondere dubitabimus? Hæc est tota causa cur dictum est à quocumque sit dictum, *Raptus est ne malitia mutaret intellectum eius.* Dictum est enim secundum pericula vitæ huius, non secundum præscientiam Dei, qui hoc præsciuit quod futurum erat, non quod futurum non erat. id est, quod ei mortem immaturam fuerat largiturus, ut tentationum subtraheretur incerto, non quod peccaturus esset qui mansurus in tentatione non esset.] & post aliquanta, Si enim iudicarentur homines pro meritis suæ vitæ, quæ non habuerunt morte præuerti, sed habituri essent si viuerent: nihil prodest ei, qui raptus est ne malitia mutaret intellectum eius, nihil prodest eis qui lapsi moriuntur, si antè morerentur, quod nullus dicere Christianus audebit. Quocirca non debent fratres nostri adstruere, quod non dico crediturum, sed somniaturum neminem putaremus, secundum ea scilicet iudicari quemque mortuorum, quæ gesturus fuerat si tempore prolixiore vixisset.] Et sanctus Gregorius in libro Moraliū

Cap. 2.
Eccli. 11. 5.

XXVII. Bene, inquit, per Salomonem dicitur, *Sicut ignoras quæ sit via spiritus, & quæ ratione compingantur ossa in ventre pregnantis, sic nescis opera Dei qui fabricator est omnium.* Ut enim vnum è multis loquar, duo ad hanc lucem paruuli veniunt, sed vni datur ut ad redemptionem per baptismum redeat, alter antè subtrahitur quàm hunc regenerans vnda perfundat: & sæpè fidelium filius sine fide rapitur, & sæpè infidelium concessio fidei sacramento renouatur. Sed fortasse aliquis dicat, quod hunc Deus acturum prauè etiam post baptismum nouerat, & idcirco eum ad baptismatis gratiam non perducatur. Quod si ita est, peccata quorundam proculdubio priusquam sint perpetrata puniuntur. Et quis ita recta sciens dixerit, quia omnipotens Deus, qui alios à perpetratis facinoribus liberat, hæc in aliis etiam non perpetrata condemnat? Occulta itaque sunt eius iudicia, & quantæ obscuritate nequeunt conspici, tanta debent humilitate venerari.]

Cap. 11.

De alio Prosper contra Gallos demonstrat, quia in baptismo Christi cuncta remittuntur peccata: sed qui post baptismum à Christo recedit, & alienus à gratia finit hanc vitam, non propter illa quæ ei in baptismo remissa sunt, sed propter illa quæ postea admisit crimina condemnatur. In quæ prolapsus, & sine pœnitentia deficiens, non ex eo necessitatem pereundi habuit quia prædestinatus non fuit, sed ideo non fuit prædestinatus, quia talis futurus ex voluntaria præuaricatione fuit à Deo præscitus. Liberum arbitrium in homine esse dicit: sed ante inluminationem fidei in tenebris & in vmbra mortis manere, priusquam à dominatione diaboli per Dei gratiam liberetur. In quo voluntas in bonis sit intelligenda de gratia, in malis autem voluntas intelligenda sit sine gratia.] De tertio idem Prosper dicit, quia non est dubium, si-

Cap. vi.

Cap. xv.

ne vlla temporali differentia, Deum & præscisse simul & prædestinasse,

nasse, quæ ipso erant auctore facienda, vel quæ malis meritis iusto erant iudicio retribuenda: præscisse autem tantummodò, non etiam prædestinasse, quæ non ex ipso erant causam operationis habitura. Potest itaque sine prædestinatione esse præscientia, prædestinatio autem sine præscientia esse non potest.] De quarto nihilominus idem beatus Prosper, de verbis sancti Augustini ex libro qui titulatur de Bono perseverantiæ, in responsione VIII. contra Ianuenses dissolvit & repulit, Agnoscamus inquit sapienter, piæque fateamur, præscisse incommutabiliter Deum quibus esset daturus ut crederent, aut quos daturus esset filio suo, ut ex eis non perderet quemquam. Et si hæc præsciuit, beneficia sua illum quibus nos dignatur liberare præscisse, & hanc esse prædestinationem sanctorum, prædestinationem scilicet & præparationem gratiæ Dei, qua certissimè liberantur quicumque liberantur. ceteros autem quos à generali perditione humani generis gratia non exemit, iusto nouerimus iudicio non exemptos.] & in absolutione obiectionis tertiæ Gallorum ita dicit ad locū, Quòd ergo huiusmodi in hæc prolapsi mala sine correctione pœnitentiæ defecerunt, non ex eo necessitatem pereundi habuerunt, quia prædestinati non sunt: sed ideo prædestinati non sunt, quia tales futuri ex voluntaria præuaricatione præsciti sunt.] & post pauca, Non enim relictī sunt à Deo ut relinquerent Deum, sed reliquerunt & relictī sunt, & ex bono in malum propria voluntate mutati sunt. atque ob hoc licet fuerint renati, fuerint iustificati, ab eo tamen qui illos tales præsciuit, non sunt prædestinati.]

Alia duo etiam adinuenerunt prisci Prædestinatiani, ut obnixius suam possent confirmare sententiam, quòd Deus reprobos & ad peccatum prædestinauerit, & ad interitum. scilicet quia non vult omnes homines saluos fieri, sed certum numerum prædestinatorum, etiamsi omnes saluari velint: & quòd non pro totius mundi redemptione saluator sit crucifixus. quia certum est, si omnes homi- 1.Tim. 2.4.
nes, secundum Apostolum, vult saluos fieri, & pro omnibus mortuus 1.Petr. 3.18.
est, ut Petrus dicit, neminem vult perire, & nullum credendus est ad perditionem prædestinasse. Contra quæ quatuor Capitula, novorum Prædestinarianorum infestatione, ex catholicorum Patrum dictis & sensibus quatuor iterum Capitula excerpere sumus compulsi. quæque, sicut in Capitulis à vestra dominatione nobis ante triennium datis, & in Valentina Synodo habitis, scriptum reperimus, reprehensoris condemnatione, iudicio sancti Spiritus, sicut illi non Deo dicere placuit, sunt explosa. Vnde necesse est nobis ostendere, de quorum dictis studuimus illa excerpere, ut euidentius clareat si credendi sunt illi Spiritu sancto locuti fuisse, quorum verba lector quisque in Capitulis à nobis excerptis inueniet. Quod cum fuerit comprobatum, nemo ambiget, explosorem istorum capitulorum de illorum fuisse numero, de quibus scriptum est, quia

Ezech. 13.
2. 11.

prophetabant de corde suo dicentes, Hæc dicit Dominus, cum Dominus non sit locutus. & quia sicut item Dominus dicit per Prophetam de pariete ædificato seu lito absque temperamento, Ite,

Hier. 1. 10.

dicite parieti illi quia casurus est. cuius ædificatoribus væ pronuntiatur ab ipso. & alibi ad Prophetam iterum Dominus dicit, *Ecce constitui te super gentes & regna, ut euellas & destruas, & disperdas & dissipēs, & ædifices, & plantes.* Impulso pariete ædificato super arenam, & euerfo, quia non habuit Christum Dei virtutem, & Dei sapientiam fundamentum, & disperso, quoniam non habuit ædificatores Apostolos, & Apostolicos viros, conuenit ædificare nos, super fundamentum verum, de lapidibus viuis, sententiis scilicet catholicis, munitionem simplicibus & fidelibus contra hæreticorum fumosos

Matt. 13. 13.

impetus: & impleto à veritate dicto veridico, *omnis plantatio quam non plantauit pater meus celestis eradicabitur*, oportet nos plantare fidelia germina, proferentia fructus, id est intellectus fideles, ad quod fumus gratia Dei plantati in domo Domini, in atriis domus Dei nostri.

CAPVT XVI.

Abhinc excerpti à nobis primi Capituli textus ponitur, & unde sumptus fuerit membratim designando monstratur.

HIC enim est textus primi Capituli, *Deus omnipotens hominem sine peccato rectum cum libero arbitrio condidit, & in paradiso posuit, quem in sanctitate iustitiæ permanere voluit. Homo libero arbitrio male utens peccauit, & cecidit, & factus est massa perditionis totius humani generis. Deus autem bonus & iustus elegit ex eadem massa perditionis secundum præscientiam suam quos per gratiam prædestinauit ad vitam, & vitam illis prædestinauit æternam. ceteros autem, quos iustitiæ iudicio in massa perditionis reliquit, perituros præsciuit, sed non ut perirent prædestinauit: pœnam autem illis quia iustus est prædestinauit æternam. Ac per hoc unam Dei prædestinationem tantummodò dicimus. quæ aut ad donum pertinet gratiæ, aut ad retributionem iustitiæ.* Ecce Capitulum, quod de prædestinatione electorum Dei gratuita gratia, & relictione reproborum iustissimæ ipsius retributionis iustitiæ, contra Gothescalcum & erroneam eius scholam, necessitate compulsi, & interrogatione principalis deuotionis exacti, secundum sanctarum scripturarum tramitem, ex verbis beati Augustini ac Prosperi, ceterorumque catholicorum doctorum sensibus excerpere procurauimus. Quod quia cum aliis tribus à nobis excerptis, quasi à Patrum catholicorum doctrina & fide discordans, ab infestissimo explosore abominatur, membratim necesse est nobis per verba singula demonstrare, qualiter non modò cum sensu atque doctrina, verum & cum verbis orthodoxorum Patrum vsquequaque concordat.

Scriptum enim in principio Capituli, *Deus omnipotens*, sicut scriptum est in Heptatycho dixisse Dominum ad Moysen, *Ego Dominus Deus*, hoc est nomen meum memoriale sempiternum in generationes & progenies. & Hilarius in Psalmo cxxix. *Humanæ*, inquit, infirmitatis religiosa confessio est, de Deo hoc solum nosse, quod Deus est. & Ambrosius in epistola ad Galatas, Deus enim naturæ nomen est & potestatis. & in cantico Exodi, *Omnipotens nomen eius*. Vnde ex Symbolo Apostolico, Nicano, & Constantinopolitano, secundum Propheticas, Euangelicas, & Apostolicas voces, Deum omnipotentem credimus, confitemur, & prædicamus, Patrem, & Filium, & Spiritum sanctum, ex quo, per quem, & in quo sunt omnia. ipsi gloria in sæcula sæculorum.

Subsecuti sumus, *Hominem sine peccato rectum cum libero arbitrio* Gen. 1. 27. condidit. & in Genesi scriptum est, *Et creauit Deus hominem ad imaginem suam, ad imaginem Dei creauit illum*. Constat enim, & nemo fidelium dubitat, neque diffitetur, quia quem ad imaginem suam Deus sanctus & rectus, qui sine peccato est, condidit, rectum & sine peccato illum creauit. & in libro Ecclesiastico, *Deus creauit hominem, & secundum imaginem suam fecit illum*. & iterum, *Conuertit illum in ipsam, & secundum se vestiuit illum virtute*. & iterum, *Deus ab initio constituit hominem, & reliquit illum in manu consilij sui*. & in Ecclesiaste, *Solummodo hoc inueni, quod fecerit Deus hominem rectum, & ipse se infinitis miscuerit questionibus*. Vnde Alcuinus in explanatione eiusdem capituli dicit bonos nos à Deo creatos, sed quia libero sumus derelicti arbitrio, vitio nostro ad peiora labi, dum maiora quærimus, & ultra vires nostras varia cogitamus.] Et beatus Augustinus in libro de Correctione & gratia ad locum ita dicit, Primo itaque homini, qui in eo bono quo factus fuerat rectus, acceperat posse non peccare, posse non mori, posse ipsum bonum non deferere.] & aliquanto superius in eodem libro, Quapropter saluberrimè confitemur quod rectissime credimus, Deum dominumque rerum omnium, qui creauit omnia bona valdè, & mala ex bonis exortura esse præsciuit, & sciuit magis ad suam omnipotentissimam bonitatem pertinere, etiam de malis benefacere, quàm mala esse non sinere, sic ordinasse Angelorum & hominum vitam, vt in ea prius ostenderet quid posset eorum liberum arbitrium, deinde quid posset suæ gratiæ beneficium iustitiæque iudicium. & post pauca, Sic & hominem fecit cum libero arbitrio.] & item in libro de Natura & gratia, Cum autem de libera voluntate rectè faciendi loquimur, de illa scilicet in qua homo factus est loquimur.]

Deinde subiunximus, *Et in paradiso posuit*. quod & lectio Genesis docet, *Plantauit*, inquit, *Deus paradysum voluptatis à principio, in quo posuit hominem quem formauerat*. Prosecuti sumus, quem in sanctitate iustitiæ permanere voluit. Vnde & beatus Gregorius in Homilia Euan-

Non longè
à principio

gelij, *Erant appropinquantes ad Iesum publicani & peccatores*, ad locum dicit, Angelorum quippe & hominum naturam ad cognoscendum se Dominus condidit. quam dum consistere ad æternitatem voluit, eam proculdubio ad suam similitudinem creauit.] In qua æternitate homo permansisset, si in sanctitate iustitiæ perstitisset, sicut sanctus Augustinus in præfato libro de Correptione & gratia, In quo statu, inquit, recto ac sine vitio, si per ipsum liberum arbitrium homo manere voluisset, profectò sine vllò mortis & infelicitatis experimento, acciperet illam merito huiusmodi permansionis beatitudinis plenitudinem, qua & sancti Angeli sunt beati. id est, vt cadere non posset vltèrius, & hoc certissimè sciret. Nam quomodo ipse posset etiam in Paradiso beatus esse, (immo ibi non esset, vbi esse miserum non deceret,) si eum sui casus præscientia & timor tanti mali miserum faceret?] Et item beatus Gregorius in libro VIII. Moraliū Iob. Ad hoc namque homo conditus fuerat, vt stanti mente in arcem se contemplationis erigeret, & nulla hunc corruptio à conditoris sui amore declinaret.] Item in eodem, Ad contemplandum quippe creatorem homo conditus fuerat, vt eius semper speciem quæreret, atque in solemnitate illius amoris habitaret: sed extra se per inobedientiam missus, mentis suæ locum perdidit, quia tenebrosis itineribus sparsus, ab inhabitatione veri luminis elongauit.]

Cap. x. Item in libro XVII. Ad vitam namque homo conditus in libertate propriæ voluntatis, sponte sua factus est debitor mortis.]

Cap. x. Item in XIX. Contemplatus quippe interna gaudia visionis Dei, & socialem frequentiam Angelorum persistentium, reduxit oculos ad ima. vidit quo iaceret, qui ad hoc conditus fuerat, vt in cælestibus stare potuisset.]

Cap. x. Item in libro XX. Humanum igitur genus recto Dei iudicio in voluptatibus suis sibi dimissum, atque per easdem voluptates spontaneis tribulationibus traditum, absinthio est ebrium.] & in Homilia XVII. Quid autem animas hominum nisi cibum Domini dixerim, quæ ad hoc sunt conditæ, vt in eius corpore traiciantur, id est, vt in æternæ Ecclesiæ augmentum tendant.] Et beatus Ambrosius in Psalmo CXVIII. Vnde Apostolus, in eos quidem qui ceciderunt seueritatem, in te autem bonitatem. Si enim non cecidissent, vtique vterentur & ipsi Dei bonitate.] Et sanctus Augustinus in libro XIII. de Trinitate, Quadam iustitia Dei, inquit, in potestatem diaboli traditum est genus humanum peccato primi hominis, in omnes vtriusque sexus commixtione nascentes originaliter transcunte, & parentum primorum debito vniuersos posteros obligante. Hæc traditio prius in Genesi significata est. vbi cum serpenti dictum esset *terram manducabis*, homini dictum *terra es, & in terram ibis*. In eo quod dictum est, *in terram ibis*, mors corporis prænuntiata est, quia nec ipsam fuerat experturus, si permansisset vt fuerat rectus.]

Cap. x. & paulò inferius, *Eramus natura filij iræ sicut & ceteri*. Quocirca om-

Gen. 3. 14.
19.

Ephes. 1. 3.

nes homines ab origine sub principe sunt potestatis aëris, qui operatur in filiis diffidentiae. Et quod dixi ab origine, hoc est, quod dicit Apostolus natura, & se fuisse sicut & ceteros, natura scilicet ut est deprauata peccato, non ut recta creata est ab initio.] Et Hieronymus in Michea propheta in secundo libro, Deus enim creauit hominem ne interiret, & mortem non fecit.] Et beatus Gregorius in libro quarto Moraliū, Quia enim si parentem primum nulla peccati putredo corrumperet, nequaquam ex se filios gehennæ generaret, sed qui nunc per redemptionem saluandi sunt, soli ab illo electi nascerentur.] Et sanctus Ambrosius cum tractaret, *Intellectum* Cap. 28.
da mihi & viuam, ait, Si petisset Adam sicut petiuit Dauid, nequaquam illos inextricabiles erroris laqueos incidisset, quibus omnis eius hæreditas strangulatur. Ideoque mortuus est, & quod grauius est morte peccati, quia antè vsurpauit scire, quàm intellectum quo viuificaretur acciperet. Esa. 118.
144.

Deinde subiunximus, *Homo libero arbitrio malè utens peccauit & cecidit, & factus est massa perditionis totius humani generis.* Vnde Apostolus, *Per vnum*, inquit, *hominem in hunc mundum peccatum intrauit,* Rom. 5. 12.
16.
& per peccatum mors, & ita in omnes homines pertransiit, in quo omnes peccauerunt. & item, *Iudicium ex vno in condemnationem.* & sicut per *vnus delictum in omnes homines in condemnationem.* Hinc sanctus Ambrosius in expositione Lucæ, Fuit Adam, & in illo fuimus omnes: periit Adam, & in illo omnes perierunt.] Et beatus Augustinus, Quia verò, inquit, per liberum arbitrium homo Deum deseruit, iustum iudicium Dei expertus est, ut cum tota sua stirpe, quæ in illo adhuc posita tota cum illo peccauerat, damnaretur.]

Subiunximus denique. *Deus autem bonus & iustus elegit ex eadem massa perditionis, secundum præscientiam suam, quos per gratiam prædestinauit ad vitam, & vitam illis, prædestinauit æternam.* Hinc Apostolorum princeps, Petrus Apostolus Iesu Christi, *electis aduenis secundum præscientiam Dei patris.* Et Paulus Apostolus, *Nam quos præsciuit & prædestinauit conformes fieri imaginis filij sui.* 1. Petr. 1. 1.
Rom. 8. 29
Et Augustinus in libro de Prædestinatione sanctorum, & Prosper ex eiusdem verbis, contra obiectiones querulæ imperitiæ seu fallacis inuidiæ æmulorum beati Augustini. Prædestinatio est, inquit, gratiæ præparatio. quæ sine præscientia esse non potest, potest autem esse sine prædestinatione præscientia. Quæ enim ex Dei munere habemus, & quæ præscita dicuntur, non possunt non esse prædestinata, & quæ prædestinata appellantur, non possunt non esse præscita. Et Dominus in Euangelio, *Venite benedicti patris mei, percipite regnum quod vobis paratum, id est,* Matth. 25.
34.
prædestinatum, est ab origine mundi. & item Paulus, *Gratia autem Dei* Rom. 6. 23.
vita æterna. Hinc Augustinus in præfato libro de Prædestinatione sanctorum, Gratia verò est iam ipsa vitæ donatio. & item, Quocirca prædestinatio Dei quæ in bono est, gratiæ est ut dixi præpara-

tio, gratia verò ipsius prædestinationis effectus.

Deinde coniunximus, *Ceteros autem, quos iustitia iudicio in massa perditionis reliquit, perituros præsciuit, sed non ut perirent prædestinauit, pœnam autem illis quia iustus est prædestinauit æternam.* Et Prosper, actione III. contra Vincentianos, Omnium quidem hominum creator est Deus, sed nemo ab eo ideo creatus est ut periret.] Et beatus Augustinus in libro de Bonò vel Dono perseuerantiæ, ad locum ita dicit, *Cap. 14.* An quisquam dicere audebit, Deum non præscisse quibus esset daturus ut crederent, aut quos daturus esset filio suo, ut ex eis non perderet quemquam? Quæ utique si præsciuit, profectò beneficia sua quibus nos dignatur liberare præsciuit. Hæc est Prædestinatio sanctorum, nihil aliud. præscientia scilicet & præparatio beneficiorum Dei, quibus certissimè liberantur quicumque liberantur. Ceteri autem ubi nisi in massa perditionis iusto diuino iudicio relinquuntur?] Vnde & sanctus Prosper in absolutione obiectionis VIII. contra Ianuenses, Agnoscamus itaque sapienter, pièque fateamur præscisse incommutabiliter Deum quibus esset daturus ut crederent, aut quos daturus esset filio suo, ut ex eis non perderet quemquam. Et si hæc præsciuit, beneficia sua illum quibus nos dignatur liberare præscisse. & hanc esse prædestinationem sanctorum. prædestinationem scilicet & præparationem gratiæ Dei, qua certissimè liberantur quicumque liberantur. ceteros autem, quos à generali perditione humani generis gratia non exemit, iusto nouerimus iudicio non exemptos, & quid nobis remissum sit in eis discamus, de quorum queri damnatione non possumus.] Et Gregorius in libro xxv. Moralium, Cunctis liquet quòd in illa extrema requisitione examen publicum facturus est omnipotens Deus, ut alios ad tormenta deferat, alios ad participationem regni cælestis admittat. Sed & hoc nunc secreto iudicio quotidie agitur, quod tunc in publico demonstrabitur. Nam iustè ac misericorditer singulorum corda vel examinans vel disponens, alios in exteriora respuit, alios ad ea quæ sunt intrinsecùs trahit, hos accendit interna appetere, illos pro voluptatibus suis deserit exteriora cogitare.] Et Augustinus in supradicto libro de Correctione & gratia, Quotquot ex hac stirpe, quin primi hominis, gratia Dei liberantur, à damnatione utique liberantur, qua iam tenentur obstricti, vnde etiamsi nullus liberaretur, iustum Dei iudicium nemo iustè reprehenderet. Quòd ergo pauci in comparatione per-euntium, in suo verò numero liberantur multi, gratis fit, gratiæ sunt agendæ quia fit. ne quis velut de suis meritis extollatur, sed omne os obstruatur, & qui gloriatur in Domino gloriatur.]

Et in libro de Gratia Christi, & libero arbitrio, atque originali peccato, quem Hypomnesticon appellauit, ad locum in explanatione quæstionis sextæ de prædestinatione ita dicit, Prædestinatio quippe à præuidendo, & præueniendo, vel præordinando futurum

aliquid dicitur. Et ideo Deus, cui præscientia non accidens, sed essentia fuit semper & est, quicquid antequam sit præscit prædestinat, & propterea prædestinat, quia quale futurum sit præscit. Id-
 eo & Apostolus, *Nam quos præsciuit, inquit, & prædestinauit.* sed non Rom. 8. 19.
 omne quod præscit prædestinat. mala enim tantum præscit, bona verò & præscit & prædestinat. Quod ergo bonum est præscientia prædestinat, id est priusquam sit in re præordinat. Hoc cum ipso auctore esse cœperit, vocat, ordinat, & disponit. Vnde & sequitur, *Nam quos prædestinauit hos & vocauit, & quos vocauit illos & iustificauit: quos autem iustificauit illos & glorificauit.* Iam igitur apertius disseramus quod loquimur, quomodo erga humanum genus præscientia & prædestinatione sua Deus, in quo iniquitas non est, vtatur. Massæ itaque humani generis, quæ in Adam & Eua præuaricatione damnabilis mortalisque facta est, non conditione diuina generaliter, sed ex debito, pœna cruciatûsque gehennæ debetur: venia verò non merito, sed Dei iusti iudicis misericordiæ largitate confertur. Quia verò iustus & misericors Deus, præsciûsque futurorum, ex hac damnabili massa, non personarum acceptione, sed iudicio æquitatis suæ inreprehensibili, immo incomprehensibili quos præscit, misericordia gratuita præparat, id est, prædestinat ad æternam vitam: ceteros autem pœna, vt prædixi, debita punit. quos ideo punit, quia quid essent futuri præsciuit, non tamen puniendos ipse fecit vel prædestinauit, sed tantum, vt dixi, in damnabili massa præsciuit. Quod si à me quæris scire, cur duo ista differenter Deus facit, si personarum acceptor non est, quia generaliter aut punire debet iustitia, aut misericordia liberare, contende cum Paulo, immo si audes argue Paulum, qui dixit Christo in se loquente, *O homo tu* Rom. 9. 10.
quis es, qui respondeas Deo? & cetera quæ lector ibi sufficientissimè poterit inuenire. Nobis autem interim sufficit demonstrare, qualiter ex verbis & sensibus catholicorum à nobis Capitula sint excerpta. Et post plurima, item beatus Augustinus in eodem libro dicit, Lib. vi. sub medium.
Oportet igitur vt ad ea quæ superius disputare cœpimus reuertamur. Diximus namque, de damnabili humani generis massa Deum præscisse, misericordia non meritis, quos electione gratiæ prædestinauit ad vitam: ceteros autem, qui iudicio iustitiæ eius ab hac gratia efficiuntur expertes, præscisse tantum vitio proprio perituros, non vt perirent prædestinasse. Sed vt dixi, quos in opera impietatis & mortis præsciuit, non præordinauit, nec impulit, in quibus Deum ad iracundiam prouocantes, salutis fidem aut prædicatam sibi accipere nolunt, aut Deo iudice non possunt, vel accepta malè vtuntur, & ob hoc traduntur in reprobum sensum, vt faciant ea quæ non conuenit, his pœnam prædestinatam esse ritè fatemur.] Et sanctus Prosper in prima responsione primæ obiectionis Gallorum ad locum, Prædestinationis autem fides multa sanctarum auctoritate scriptu-

rarum munita est, cui nullo modo fas est ea quæ ab hominibus male aguntur adscribi: sed ex primi patris præuaricatione venerunt, de cuius pœna nemo liberatur, nisi per gratiam Domini nostri Iesu Christi præparatam & prædestinatam in æterno consilio Dei ante constitutionem mundi.

Cap. XII.

Et Augustinus in libro quarto de Trinitate, Per vnum quippe hominem peccatum intrauit in mundum, & per peccatum mors, & ita in omnes pertransiit, in quo omnes peccauerunt. Huius viæ mediator diabolus fuit, persuasor peccati, & præcipitator in mortem. Nam & ipse ad operandam duplam mortem nostram, simplam attulit suam. Per impietatem namque mortuus in spiritu, carne vtrique mortuus non est: nobis autem & impietatem persuasit, & per hanc ut in mortem carnis venire mereremur effecit. Vnum ergo appetiuius iniqua suasionem, alterum nos secutum est iusta damnatione.

S. 13.

Propterea quippe scriptum est, *Deus mortem non fecit*, quia causa mortis ipse non fuit: sed tamen per eius retributionem iustissima mors irrogata est peccatori, sicut supplicium iudex irrogat reo, causa tamen supplicij non est iustitia iudicis, sed meritum criminis. Quò ergo nos mediator mortis transmisit, & ipse non venit, id est ad mortem carnis, ibi nobis Dominus Deus noster medicinam emendationis inseruit, quam ille non meruit, occulta & nimis arcana ordinatione diuinæ altæque iustitiæ. Ut ergo sicut per vnum hominem mors, ita & per vnum hominem fieret resurrectio mortuorum, quia magis vitabant homines quod euitare non poterant, mortem carnis quàm mortem spiritus, id est, magis pœnam quàm meritum pœnæ, (nam non peccare, aut non curatur, aut parum curatur, non mori autem, quamuis non obtineatur, vehementer satagitur,) vitæ mediator, ostendens quàm non sit mors timenda, quæ per humanam conditionem iam euadi non potest, sed potiùs impietas, quæ per fidem caueri potest.] Item Augustinus in libro XIII. de Trinitate, Pater propter nos filio non parcat, ipse pro nobis eum tradidit ad mortem. Sed video quòd & antea pater dilexit nos, non solum antequam pro nobis filius moreretur, sed antequam conderet mundum, ipso teste Apostolo qui dicit, *Sicut elegit nos in ipso ante constitutionem mundi.*

Cap. XI.

Ephes. I. 4.

Non longè
à principio

Et S. Cyprianus in libro de lapsis, quia pœna sit constituta reprobis ita dicit, In Euangelio, inquit, Dominus in verbis doctor & summator in factis, docens quid fieret, & faciens quodcumque docuisset, quicquid nunc geritur & geretur, nonne antè præmonuit? nonne & negantibus æterna supplicia, & salutaria cōfidentibus præmia antè constituit? & in libro de mortalitate ita dicit, Nemo futurorum metum cogitat, diem Domini & iram Dei, & incredulis ventura supplicia, & statuta perfidis æterna tormenta nemo considerat.] Item in libro de zelo & liuore. Qui odit, inquit, fratrem suum in tene-

De unitate
Ecclesiæ
sub finem.Post me-
dium.

bris

bris ambulat, & nescit quo eat. abit enim nescius in gehennam, ignarus & cæcus præcipitatur in pœnam. recedens scilicet à Christi lumine monentis & dicentis, *Ego sum lux mundi. qui me secutus fuerit, non ambulabit in tenebris, sed habebit lumen vitæ.* Item in libro ad Demetrianum, Merito ergo incurfantibus plagis non desunt Dei flagella, nec verbera. quæ cum nihil istic promoueant, nec ad Deum singulos tanto cladium terrore conuertant, manet postmodum carcer æternus, & iugis flamma, & pœna perpetua. Nec audietur illic rogantium gemitus, quia nec hîc Dei indulgentis terror auditus est.] & item. Rectum te, inquit, Deus fecit: & cum cetera animalia prona & ad terram situ vergente depressa sint, tibi sublimis status, & ad cælum atque ad Deum tuum vultus erectus est. Illuc intuere, illuc oculos tuos erige: in supernis Dominum quære, ut carere inferis possis. sublimitatem serua qua natus es, perseuera talis qualis à Domino factus es.] & item. Credite, inquit, illi qui incredulis æterna supplicia de gehennæ ardoribus inrogabit.] Item in epistola ad Romanos, Deus enim, inquiens, ut est indulgens, ita est & præceptorum suorum exactor. & quidem diligens, sicut ad conuiuium vocat, sic habitum nuptialem non habentem manibus & pedibus ligatum extra sanctorum cœtum foras iactat. Parauit cælum, sed parauit & Tartarum: parauit refrigeria, sed parauit etiâ æterna supplicia. parauit inaccessibilem lucem, sed parauit etiam perpetuæ noctis vastam æternamque caliginem.] & sanctus Hilarius in expositione CXVIII. Psalmi. An cum ex omni otioso verbo rationem simus præstituri, diem iudicii concupisceremus, in quo nobis est ille indefessus ignis ob-eundus, in quo subeunda sunt graua illa expianda à peccatis animæ supplicia? Quia nemo Dei prædestinatione perit, & neminem Deus deserit antequam deseratur, in libro de lapsis, Quam vim, inquit, potest obtendere qua crimen purget, cum vim magis ipse fecerit ut periret? & ita de libro Paralipomenon proponit, *Dominus vobiscum est quamdiu estis vos cum ipso: si autem dereliqueritis eum, relinquet vos.* Præscientiam quoque non prædestinationem Dei ad pœnam docens, de libro Machabæorum ita exemplum proponit dicens, Quintus, inquit, præter quod carnificinam regis, & duros variosque cruciatus fidei vigore calcabat, ad præscientiam quoque & notitiam futurorum, spiritu diuinitatis animatus, prophetauit regi indignationem Dei & ultionem velociter secuturam. *Potestatem*, inquit, *inter homines habes.* & reliqua quæ prosequitur. & post paululum, Nec tanti inquit esse lucrari breuia vitæ momenta, ut offenso Deo incurrere æterna supplicia.] Quo exemplo ostenditur, quia non homo prædestinatur à Deo ad pœnam, sed ipse per propriam iniquitatem pœnam incurrit. & alibi exponens Apostolum, *thesaurizas tibi iram*, & reliqua. Iustum iudicium Dei esse dixit, quia serum est, quia diu multumque differtur, ut homini ad vitam longa Dei patientia consulatur. Et

Ioan. 8. 12.

Cleri Rom.
ad Cypr.
epist. 11.v. Concupi-
uit anima
mea.Cyprian.
de exhort.
martyrij
cap. 8.

2. Par. 15. 2.

Cap. 15.

2. Mac. 7.
16.De bono
patientia.
Rom. 2. 5.

tunc repræsentatur pœna impio & peccatori, quando iam non potest pœnitentia prodesse peccanti.

Pfal. 118. 76

Exod. 33. 19

Exod. 9. 16

Rom. 9. 17.
18.

Pfal. 118.
121.

Matt. 5. 14

Et sanctus Ambrosius, cum exponeret de Psalmo CXVIII. *Fiat misericordia tua ut consoletur me*, commendans gratiam Dei, Moyse enim, inquit, dicit Deus, *misererbor cuius misertus ero, & misericordiam prestabo cui misericordiam prestitero*. Igitur non est volentis neque currentis, sed miserentis Dei. Ergo non debemus velle vel currere? Atqui negligentes Deus deserere cōsuevit. Non ergo hoc dicit, sed quid dicat consideremus. Non volentis neque currentis hominis perseverantia est. Non est enim in hominis potestate, sed miserentis Dei est, ut possis complere quæ cœperis. Denique iterum dicit, *quia in hoc ipsum te suscitaui, ut ostendam in te virtutem meam*. Colligitur ergo, adhortationem diuinæ misericordiæ deputandam. unde sequitur, *Ergo cui vult miseretur, & quem vult indurat*. hunc miseratus hortatur, illum non reuocat execratus. Item quia non hominem Deus prædestinauit ad ignem, & diaboli fieri consortem, sed sua iniquitate confors, immo portio diaboli efficitur, tractans versum *Feci iudicium & iustitiam*, ait, *Qui volunt diuites fieri incidunt in tentationem & laqueum diaboli*. & item, *Mortificate ergo membra vestra quæ sunt super terram, fornicationem, immunditiam, libidinem, concupiscentiam malam, & avaritiam quæ est idololatria*. In his enim diaboli voluntatem facimus, & exequimur potestatem, qui per carnis istius desideria incentiuum suæ fraudis operatur. Quemcumque ergo in vitiorum suorum possessione repererit, tanquam obnoxium suo iuri vindicat. Adulterium quis facit, luxuriam exercet, aliena diripit, portio diaboli est. pudicus autem & continens, & misericors, Christi portio est. Christi ergo seruum sibi non potest vindicare, nisi fortè lapsus in vitia deprehenderit. Ne tum quidem vindicat, sed tanquam suum sibi tradi postulat. & paulo post, *Ponit thronum suum diabolus super sidera, quando electum decipit, quando iustum circumuenit, cuius opera lucent sicut stellæ in cælo*. Nonne & Iudas proditor inter ceteros audiebat, *Vos estis lux mundi?* nonne diabolus lumen eius extinxit? Quin etiam, quos non potuerit circumuenire, calumniatur inuidens regni cælestis gloriam: ut quos inlecebris suis à Christo non potuit separare, eos calumniis suis debiti honoris fructu fraudare conetur.]

Et sanctus Ioannes Constantinopolitanus Episcopus, cuius exemplis Sedes Apostolica cum aliorum mundi luminum, & beatus Augustinus contra Iulianum sæpenumero, & in aliis opusculis suis, velut malleo fortissimo ad conquassanda capita hæreticorum, & verticem capilli perambulantium in delictis suis, auctoritatiuè vtuntur. in libro de Reparatione lapsi ita dicit ad locum, Propterea enim, inquiens, creauit nos Deus, & esse fecit qui non eramus, ut æterna in nos conferat bona, & præstet regna cælorum. Non enim nos ad

hoc fecit ut gehennæ nos tradat ignique perpetuo. Regnum cælorum propter nos, gehenna propter diabolum facta est. Et hoc ita esse ex Euangelis doceam. Ipse etenim Dominus dicit his qui à dextris sunt, *Venite benedicti patris mei, percipite regnum quod paratum est vobis à constitutione mundi.* illis autem qui à sinistris sunt dicit, *Discedite à me maledicti in ignem æternum, qui paratus est, non dixit vobis, sed diabolo & angelis eius.* Si ergo propter diabolum gehenna ignis, propter hominem regnum cælorum à constitutione sæculi præparatum est. tantum est ne nosmetipsos ab ingressu bonorum persistendo in malis pertinaciter excludamus. Donec enim sumus in hac vita, quantacumque nobis acciderint peccata, possibile est absolui omnia per pœnitentiam. Cum autem abducti fuerimus de hoc sæculo, ibi iam etiam pœnitebit nos: valde enim pœnitebit, sed nulla erit utilitas pœnitentiæ. Et licet sit stridor dentium, licet ululatus & fletus,] & reliqua quæ prosequitur. Quod exemplum catholicissimi viri, sicut & cuiuslibet aliorum quos posuimus ac ponemus, sufficere poterat ad rectam intelligentiam & auctoritatem, si in contradicentibus maiores partes potuisset habere recti consensus, quam prava contentio. Quem magnum virum in Synodo, & etiam in suis scriptis, Gothescalcus reprobis reprehendit. Sed Augustinus, probus ad suas confirmandas sententias, sapissimè adprehendit. quem & nos sequentes amplectimur, qui gratia Dei diuinam scientiam & fidem catholicam comprehendit.

Et ne quilibet pertinaces, fides fidibus contentionum augentes, quibus ad sui perniciem amplius constringantur, iactitent quia diximus reprobis pœnam prædestinatam, & ex huius testimonio demonstramus, non hominibus, sed diabolo ignem præparatum æternum, attentius audiant quæ hic vir sanctus prosequitur, Tantum est, inquiens, ne nosmetipsos ab ingressu bonorum persistendo in malis pertinaciter excludamus. desinentes scilicet esse quod facti sumus, incipiamus esse vitio nostro quod fieri prohibemur, dicente diuino sermone, *Homo cum in honore esset non intellexit: comparatus est iumentis insipientibus, & similis factus est illis.*] Vnde sanctus Ambrosius cum tractaret versum Psalmi CXVIII. *Manus tuæ fecerunt me, & plasmauerunt me,* ita dicit, Scriptura enim, inquiens, cum hominem dicit, qui est ad imaginem & similitudinem Dei: peccantem autem, non hominem, sed aut serpentem, aut equum adhinnientem feminis, aut vulpeculam, aut iumentum vocare consuevit. *Nolite fieri sicut equus & mulus quibus non est intellectus. In freno & came maxillas eorum constringe, qui ad te non appropinquant.* & dicite huic vulpi de Herode ait. *Generatio viperarum* vocatur ab Ioanne plebs hominum. Magnum ergo opus Dei es homo, magnum est quod dedit tibi Deus. Vide ne quod tibi Deus tribuit amittas. amittas magnum illud munus quod es ad imaginem Dei, & hoc in te puniatur magis. Deus enim non

Matt. 25.
34. 41.

Psal. 48. 13.

Psal. 118. 73.

Psal. 31. 9.

10.

Luc. 13. 32.

Luc. 3. 7.

punit similitudinem suam, sed eum punit, qui ad similitudinem Dei factus, hoc quod accepit seruare non potuit. Punit ergo illud quod ad similitudinem Dei esse desistit, hoc est peccatum tuum. Nam suam Deus non damnat imaginem, nec in illud incendium mittit æternum: sed magis vindicat imaginem de eo, qui imagini illi fecit iniuriam, ut per malitiam quod eras esse desineres, & fieres mulus ex homine. Vindicatur ergo imago, non condemnatur: vindicatur quasi expulsa, non condemnatur quasi rea. Postquam enim peccasti, aliud esse cœpisti, illud quod eras desisti. Quomodo igitur punitur in te quod in te non inuenitur? Nam si inueniatur in te imago Dei & similitudo, nō supplicio incipis dignus esse, sed præmio. Ita imago illa, quæ ad imaginem & similitudinem Dei factus es, non condemnatur sed coronatur. Condemnaris autem in eo quod ipse mutatus es, ut fieres ex homine serpens, mulus, equus, vulpecula. His nos enim nominibus iam scriptura condemnauit. qui exuti cælestis imaginis ornamento, etiam nomen hominis amittimus, qui gratiam hominis non tenemus. Et sanctus Augustinus in sermone de Symbolo ad Neophytos, Mementote ita credere omnipotentem Deum, ut nulla omnino natura sit quam ipse non condidit: & ideo peccatum punit quod ipse non fecit, quia eo fœdatur natura quam fecit.]

Rom. 11. 2.
Ephes. 4. 23
1. Cor. 11.
31. 32.

Hinc sollertissimè perpendendum est, quàm consona isti sancti Doctores, vno repleti spiritu, sint diuersis oribus variis locuti gentibus. Vnde & Apostolica doctrina ad imaginem Dei, ad quam creati sumus, & reformari, & renouari spiritu mentis nostræ, & nosmetipsos salubriter admonet diiudicare, ut non iudicemur, nec cum hoc mundo damnemur. & sanctus Gregorius in libro xiv. Moralium Iob, quia non homines à Deo sint prædestinati ad pœnam, sed diabolo cum corpore suo ex retributione iustitiæ sit pœna à Deo prædestinata, ita dicit, Et omnes inquit qui de eius, id est Antichristi, peruersa persuasionem in prauis actionibus nati sunt, inlustratione aduentus Domini æterno interitu cum eodem suo capite ferientur.] Item, Hæc sunt tabernacula iniqui. videlicet indicans, quia is qui nunc ignorando extollitur, tunc ad propria tabernacula perueniet, quando eum sua iniquitas ad supplicia demerget.] Item in libro xv. Manus itaque illius ei dolorem reddunt, quia damnationem iustam ex iniqua recipiet operatione. Bene autem non dabunt sed reddent dicitur: quia peruersæ eius actiones æternum ei supplicium quasi quoddam debitum soluent.] Item, *denorabit eum ignis qui non succenditur.* Miro valdè modo paucis verbis expressus est ignis gehennæ. Ignis namque corporeus, ut esse ignis valeat, corporeis indiget fomentis. qui cum necesse est ut seruetur, per congesta ligna protul dubio nutritur, nec valet nisi succensus esse, & nisi refotus subsistere. At contrà gehennæ ignis, cum sit incorporeus, & in se missos reprobos corporaliter exurat, nec ex studio humano succenditur, nec lignis

Cap. 11.

Cap. 5.

Cap. 17.

nutritur: sed creatus semel durat inextinguibilis, & succensione non indiget, & ardore non caret. Bene ergo de hoc iniquo dicit, *Deuorabit eum ignis qui non succenditur.* quia omnipotentis iustitia, futurorum præscia, ab ipsa mundi origine gehennæ ignem creauit, qui in pœna reproborum esse semel inciperet, sed ardorem suum etiam sine lignis nunquam finiret.] Et sanctus Hieronymus in libro x. explanationis Esaïæ prophetæ, Ab heri quippe & à præterito tempore præparata est à rege Domino Thofeth, id est lata & spatiosa gehenna, quæ eos, id est reprobos, æternis vrat ardoribus. Item idem in libro iii. super prophetam Amos, Pœnitentiam autem Dei in scripturis sic debemus accipere, quomodo somnum & iram: non quo Deum pœniteat, & mutet sententiam, qui loquitur per Prophetam, *Ego Deus & non mutor*, & cui nos dicimus, *Tu autem idem ipse es, & anni tui non deficient.* sed quo nobis ad meliora conuersis, & ipsum pœniteat sententiæ suæ: vt nec iusto reddat præmia quæ promisit, si declinauerit ad iniquitatem, nec peccatori pœnas quas comminatus est, si conuersus fuerit ad salutem.] & item, Vos autem, filij Israel, quasi in cribro agitados atque concussos mundabo & eligam. vt qui lapillus fuerit, & per pœnitentiam roboratus, de cribro meo non excidat: qui autem instar pulueris ceciderit in terram, percutiatur gladio & moriatur. *peccatores populi mei.* non quia antè peccauerint, sed quia vsque ad mortem perseuerauerint in peccatis.] Item vbi dicitur, *Ecce ego mundabo*, cum exponit testimonium Hieremiæ, *Adsumam & loquar super gentem*, & reliqua. Non ergo Deus, inquit, mutatur, qui semper est immutabilis: sed nos cum nostram conuersationem mutamus, sæuit, irascitur, comminatur, & dicit se inlaturum esse supplicia: si agamus pœnitentiam, ipsum quoque suæ pœnitebit sententiæ.] Et sanctus Augustinus in Psalmo vii. Nec putemus illam tranquillitatem & ineffabile lumen Dei de se proferre, vnde peccata puniantur: sed ipsa peccata sic ordinare, vt quæ fuerunt delectamenta homini peccanti, sint instrumenta Domino punienti.] & in Psalmo xxviii. Cum venerit Dominus ferens in manu retributionis damnationes impiis, regnum iustis, societatem cum diabolo iniquis, societatem cum Christo fidelibus.] & in Psalmo xl. Nam & Zabulus Christum extinguere concupiuit, & Iudas Christum occidere voluit: occiso autem Christo & resurgente nos viuificati sumus. Diabolo tamen & Iudæ merces malæ voluntatis redditur, non nostræ salutis. Noueritis ex animo quemquam pendendum, ad retributionem vel præmij vel pœnæ.

Capitulum quoque ita subiungendo conclusimus, *Ac per hoc vnam Dei prædestinationem dicimus, quæ aut ad donum pertinet gratiæ, aut ad retributionem iustitiæ.* & beatus Augustinus in libro de Bono vel Malo perseuerantiæ, Quia vobis, inquit, datum est nosse mysterium regni cælorum, illis autem non est datum, quorum alterum ad mi-

Psal. 100. 1.

Cap. 11. 12.

Hypomn.
lib. vi.

Psal. 63. 7. 8.

misericordiam, alterum ad iudicium pertinet illius, cui dicit anima no-
 stra, *Misericordiam & iudicium cantabo tibi Domine.*] & longè supe-
 rius, In eo ergo quòd aliis gratiam dat, aliis non dat, cur nolunt
 cantare Domino misericordiam & iudicium? Cur autem illis potius
 quàm illis detur, quis cognouit sensum Domini? quis inscrutabilia
 scrutari valeat? quis inuestigabilia vestigare? Conficitur itaque, gratiā
 Dei non secundum merita accipientum dari, sed secundum placitum
 voluntatis eius, in laudem & gloriam ipsius gratiæ, ut qui gloriatur nul-
 lomodo in seipso sed in Domino gloriatur, qui hominibus dat quibus
 vult quoniam misericors est. quod & si nō det, iustus est: & non dat qui-
 bus non vult, ut notas faciat diuitias gloriæ suæ in vasa misericordiæ.
 Dando enim quibusdam quod non merentur, profectò gratuitam, &
 per hoc veram, suam gratiam esse voluit. Non omnibus dando, quid
 omnes merentur ostendit, bonus in beneficio certorum, iustus in
 supplicio certorum. & bonus in omnibus, quoniam bonum est cum
 debitum redditur: & iustus in omnibus, quoniam iustum est cum in-
 debitum sine cuiusquam fraude donatur.] & in libro contra Pela-
 gium & Cælestium, de gratia Christi, & libero arbitrio, & originali
 peccato ad locum, *O homo tu quis es qui respondeas Deo? Numquid dicit fi-
 gmentum ei qui se fecit, cur me sic fecisti? An non habet potestatem figulus lu-
 ti ex eadem massa facere, aliud quidem vas in honorem, aliud verò in contume-
 liam?* Ego autem hoc dico quod dixi, quia quicquid Deus agit, mi-
 sericorditer, iustè, sanctèque facit, quia solus ipse præsciendo scit
 quod homo nesciendo nescit. Quis enim cognouit sensum Domi-
 ni, qui instruat eum? aut quis consiliarius eius fuit? aut quis prior
 dedit illi & retribuetur ei? aut quis dicit ei, quid me fecisti sic?
 Non potest tantum dici iustus Deus, aut solum misericors, sed ius-
 tus & misericors. Sic legimus, sic credimus. Propterea quando illi
 cum Dauid misericordiam & iudicium cantamus, metuentes non
 interrogamus quæ sit voluntas eius, de iudicio & misericordia con-
 quirentes.] & post paululum. Quia si scrutari voluerimus secretum
 Dei, quod iustitiæ ipsius solius notum est, comprehendere non va-
 lemus, & impletur in nobis quod scriptum est, *Defecerunt scrutan-
 tes scrutationem.* Quare? quia accessit, inquit, *homo ad cor altum, &
 exaltabitur Deus.* Sed fortè, cum sitis reprehensibiles, iudiciorum Dei
 esse vos comprehensibiles iactatis. melius scilicet Deo placentes,
 quàm Paulus Apostolus, qui esse incomprehensibilia per sanctum
 Spiritum prædicauit.] & post aliquanta, Ecce in omnibus quæ ex
 auctoritate diuina protulimus, habes misericordiam & iudicium.]

Et sanctus Prosper in responsione obiectionis Gallorum xiv. ita
 dicit, Prædestinatio igitur Dei semper in bono est, quæ ad retribu-
 tionem iustitiæ, aut ad donationem pertinet gratiæ. vniuersæ enim
 viæ Domini misericordia & veritas.] & sanctus Hieronymus in ex-
 positione Oseæ prophetæ, Argentum suum & aurum quicquid ha-

bere poterant naturaliter sermonis ac sensus, verterunt in idola quæ de suo corde finxerunt, & verterunt non ut interirent, sed quia verterunt ideo interierunt. Neque enim hac ratione fecerunt, ut perirent, sed quia fecerunt idcirco perierunt. Et nos verbis beati Hieronymi concordantes dicimus, non ideo perierunt, quia à Deo prædestinati sunt ut perirent, sed ideo à Deo non sunt prædestinati ut salui fierent, quia præsciti sunt ab ipso proprio suo vitio perituri, quibus ex retributione iustitiæ pœnam prædestinavit æternam.] Et Prosper in absolutione obiectionis tertiæ Gallorum, Quod ergo huiusmodi, inquit, in hæc prolapsi mala, sine correptione pœnitentiæ defecerunt, non ex eo necessitatem pereundi habuerunt, quia prædestinati non sunt: sed ideo prædestinati non sunt, quia tales futuri ex voluntaria prævaricatione præsciti sunt.] & item, Non enim relictæ sunt à Deo ut relinquerent Deum, sed reliquerunt & relictæ sunt, & ex bono in malum propria voluntate mutati sunt, atque ab eo qui illos tales præsciuit, non sunt prædestinati.] & item in absolutione obiectionis XII. Vires itaque obedientiæ non ideo cuiquam subtrahit, quia eum non prædestinavit: sed ideo non prædestinavit, quia recessurum ab ipsa obedientia esse prævidit.] & in absolutione obiectionis XIII. contra Vincentianos, Quod etsi ex æterna scientia præcognitum habet, scilicet Deus, quid uniuscuiusque meritis retributurus sit, nemini tamen per hoc quod falli non potest, aut necessitatem aut voluntatem intulit delinquendi.] Item Hieronymus in Amos prophetam, Qui veniunt in diem malum, parantes sibi vitio suo diem malum: non quod dies ullus sit malus, sed quod unusquisque paret sibi malum, iuxta illud quod in Ecclesiaste legimus, *Ne dixeris dies priores meliores erant mihi quàm isti, quoniam non in sapientia interrogas super hoc.* Stultum est enim referre ad tempora, cum in nostra sit potestate, vel bonum diem nobis facere, vel malum.] item in Nahum prophetam in capite capituli, *ubi est habitaculum leonum.* Hieremias quoque de peccatoribus loquitur, *Percussit eos leo de silva.* & post paululum, *Omnes qui egredientur ex eis, id est ciuitatibus, capientur.* In quo animaduerte quod nemo capiatur, nisi qui de ciuitatibus Dei fuerit egressus. Denique Iudas de ouili Christi fuit, & raptus à leone suspendio suffocatus est. Sed & ille Propheta, cui præceperat Dominus ne comederet panes è regione illa, ubi erant vituli aurei & mentita religio, quia comedit à leone percussus est. Quod totum ad retributionem diuinæ iustitiæ pertinet.

Eccle. 7. 21.

Nahum 2.

11.

Hier. 5. 5.

3. Reg. 13.

24.

Cap. 3.

Iob. 11. 19.

Vnde & sanctus Gregorius in libro decimo Moraliū Iob, quia non ut ad gloriam electi, ita sint reprobi à Deo ad pœnam prædestinati, sed in massa perditionis vel in iniquitatibus suis ex retributione iustitiæ iusto iudicio relictæ, *Si subuerterit, inquit, omnia, quis contradicet ei?* Sæpè namque in elationem eor attollitur, cum lætis

- successibus in virtute roboratur : sed dum latentes motus audaciæ in cogitatione conditor conspicit, se sibi hominem ostendendo derelinquit. vt eius mens derelicta quid sit inueniat, quæ malè ipsa secunda gaudebat.] Item in libro vndecimo, Sciendum est, quia aliud est quod omnipotens Deus misericorditer tribuit, aliud quod iratus habere finit. Nam quod peruersè prædones faciunt, hoc dispensator æquissimus non nisi iustè permittit.] Item, *Si destruxerit, nemo est qui ædificet : si incluserit hominem, nemo est qui aperiat.* Omnipotens Deus humanum cor destruit, cum relinquit : ædificat, dum replet. Neque enim humanam mentem debellando destruit, sed recedendo : quia ad perditionem suam sufficit sibi dimissa.] Item, Si incluserit hominem, nullus est qui aperiat. quia sicut nemo obsistit largitati vocantis, ita nullus obuiat iustitiæ relinquentis. Includere itaque Dei est, clausis non aperire. vnde ad Moysen dicitur de Pharaone, *Ego obdurabo cor eius.* Obdurare quippe per iustitiam dicitur, quando cor reprobum per gratiam non emollit. Includit itaque hominem, quem in suorum operum tenebris relinquit.] Item, Nouit decipientem, quia in manu suorum operum dimissum hunc vt ad peiora proruat deferit, sicut scriptum est, *Qui nocet, noceat adhuc : & qui in sordibus est, sordescat adhuc.* Nouit quoque & eum qui decipitur. quia sæpè committunt homines mala quæ sciunt, & idcirco permittuntur decipi, vt cadant etiam in mala quæ nesciunt. quod tamen deceptis aliquando ad purgationem, aliquando verò ad vltionis initium fieri solet.] Ecce quomodo prædestinatio Dei, aut ad donum pertinet gratiæ, aut ad retributionem iustitiæ. Item idem in eodem, *Balteum regum dissoluit.* Cum de ipsa continentia elatione mens tangitur, plerumque omnipotens Deus eius superbiam deferens hanc in immunditiam operis cadere permittit. Regum itaque balteum dissoluit, quando in his qui bene regere sua membra videbantur, propter elationis culpam castitatis cingulum destruit.] Item, *& optimates supplantat.* Quia cum mentem regentium iusto iudicio deferit, hæc in æternum retributionis præmium non requirit.] Item in libro xiii. Neque ita hoc dicitur, ac si omnipotens & misericors Deus longè cor hominis à disciplina faciat : sed quod sponte delapsum ibi remanere vbi cecidit iudicando permittit. sicut in oratione quoque dicimus, *Et ne nos inducas in tentationem,* id est induci minimè permittas.] Item in libro xv. *Tradidit illos Deus in reprobum sensum, vt faciant quæ non conueniunt.* Quia enim glorificare noluerunt quem cognouerunt, reprobo sensui traditi ad hoc relictæ sunt, vt nescirent iam pensare mala quæ faciebant.] Item in libro xx. Humanum igitur genus, recto Dei iudicio in voluptatibus suis sibi dimissum, atque per easdem voluptates spontaneis tribulationibus traditum, absinthio est ebrium.] Et sanctus Augustinus in propositionibus epistolæ ad Romanos, Quod autem dicit *tradidit*, intelligitur dimisit in

in desideria cordis illorum. Et Cassiodorus in Psalmo LXXXII. Sequitur, *reuerentur & pereant*. Ipse sensus est, quem superius dixit, quia Psal. 82. 12 ibi reuerendo non proficiunt, sed pereunt qui ad æternum supplicium destinantur, scilicet in malis obstinatione sua, non prædestinatione diuina, sicut mox subiunxit, *& cognoscant quia nomen tibi Domine, tu solus altissimus in omni terra.* Psal. 82. 19. Cognoscant ad genus respicit utrumque peccantium, siue qui obstinatione sua perituri sunt, siue qui habita satisfactione liberantur. Omnes enim cognoscent omnipotentiam Domini, quia ipse solus est altissimus, cum ipsi cognouerint, & conuersis parcere, & obduratos æterna ultione damnare.] Et in Psalmo LXXXVIII. *Dissoluisti eum ab emundatione, & sedem eius in terra conlifixi.* Psal. 88. 45 Frequenter emundat diuinitas quos flagellat, ut purgatum recipiat quem peccatis sordidum respuebat. quos verò ab emundatione dissoluit, id est remouit, hos iam & damnare decreuit. Quapropter illos hîc significat Iudæos, qui obstinatione mentis Christum spernere maluerunt. Sedes quoque eorum in terra conlisa est, quando respuentes regem Dominum saluatorem, nequaquam de gente sua principem ulterius habere meruerunt. Sedes enim pro regno posita est. & item in eodem, Ipsa est commutatio Christi, quæ obstinatos deseruit, & fideles dono suæ pietatis adsciuit.] Et in Psalmo CVIII. Siue magis vna generatio illa dicenda est, quando in peccatis nascimur. & ideo petit ut ad secundam, id est regenerationem, non perueniant. Qui tamen in prædestinatione repulsi sunt, ut in prima peccatorum suorum face dispereant, nec secundæ natiuitatis beneficio laqueum mortis euadant. Sed hæc & his similia de illis dicuntur, qui in Domini iudicatione damnandi sunt.

Et quia vna est prædestinatio, sanctus Augustinus in sæpè memorato libro Hypomnesticon contra Pelagium & Cælestium, de gratia Christi, & libero arbitrio, ac originali peccato, ut commemorauimus ita dicit, Prædestinatio quippe à præuidendo & præueniendo, vel præordinando futurum aliquid dicitur. & ideo Deus, cui præscientia non accidens est, sed essentia fuit semper & est, quicquid antequam sit præscit, prædestinat, & propterea prædestinat, quia quale futurum sit præscit. Ideo & Apostolus, *Nam quos præsciuit,* Lib. vi. in principio. Rom. 8. 29. Cap. 14. *inquit, & prædestinauit.*] & in libro de Bono perseuerantiæ, Hæc est prædestinatio sanctorum nihil aliud, præscientia scilicet & præparatio beneficiorum Dei, quibus certissimè liberantur quicumque liberantur.] & in libro de Prædestinatione sanctorum, Ipsa est, inquit, prædestinatio sanctorum, quæ in Sancto sanctorum maximè claruit, quam negare quis potest rectè intelligentium eloquia veritatis? Nam & ipsum Dominum gloriæ, in quantum homo factus est Dei filius, prædestinatum esse didicimus.] & item in eodem libro, Inter gratiam porro & prædestinationem hoc tantum interest, quòd Cap. 10.

prædestinatio est gratiæ præparatio, gratia verò iam ipsa donatio.] & post paululum, Prædestinatio est quæ sine præscientia non potest esse: potest autem esse sine prædestinatione præscientia. Prædestinatione quippe Deus ea præscit quæ fuerat ipse factururus, vnde dictum est, *fecit quæ futura sunt*: præscire autem potens est etiam quæ ipse non facit, sicut quæcumque peccata. quia etsi sunt quædam, quæ ita peccata sunt, vt pœnæ sint etiam peccatorum, (vnde dictum est, *Tradidit illos Deus in reprobam mentem, vt faciant quæ non conueniunt*,) non ibi peccatum Dei est, sed iudicium. Quocirca prædestinatio Dei quæ in bono est, gratiæ est vt dixi præparatio: gratia verò ipsius prædestinationis effectus.] & item in eodẽ libro, Cur ergo non omnes docet vt veniant ad Christum, nisi quia omnes quos docet misericordia docet, quos autem non docet, iudicio non docet? quoniam cuius vult miseretur, & quem vult obdurat. sed miseretur bona tribuens, obdurat digna retribuens.] Et item sanctus Augustinus in libro de Prædestinatione gratiæ, Ergo quicquid post illam præuaricationem natus supplicij homo patitur, iustè reddi meritoque fateatur. Indurare enim dicitur Deus eum, quem mollire noluerit. Sic etiam excæcare dicendus est eum quem inluminare noluerit. sic etiam repellere eum, quem vocare noluerit. *Quos enim prædestinauit, illos & vocauit: & quos vocauit, illos & iustificauit.* Ipse enim dedit vt simus, ipse vt boni esse possimus. Præsciuit nos eius diuinitas, sapientia condidit, iustitia damnauit, gratia liberauit. Mundus enim, quamuis pro tempore ex quo factus est cœperit, in illa diuinæ præscientiæ luce faciendus nullum potuit habere principium. & quanticumque vel ex Adam vsque in hodiernum homines nati sunt, vel post ætatem nostram generationis sunt propagine nascituri, apud Deum & iam nati sunt, & decurso totius vitæ tempore transierunt, in illo nihilominus diuini obtutus lumine permanentes. Deus enim, qui nec loco clauditur, nec tempore præuenitur, omnium rerum tam præteritarum memoria, quàm imminentium scientia plenus est. nec reminiscens voluitur in præteritum, nec sperans tenditur in futurum. Et quæcumque omnino sunt, quæ temporum motibus agitantur, ab eo principio in quo erat Verbum, & Verbum erat apud Deum, & Deus erat Verbum, vsque in finem omnium sæculorum, (de quo fine cùm diceret beatus Moyse, *Domine, inquit, qui regnas in sæculum & in sæculum, & adhuc*,) nec sperantur futura, nec præterita transierunt, sed in præsentia diuinitatis præsentis semper luce cernuntur.] & item post aliquanta, De his quibus pœnam seueritas iustè decreuerat, secundum ineffabilem dispositionis occultæ misericordiam, elegit vasa quæ faceret in honorem, & alios à ventura ira dono gratitiæ vocationis absoluit, alios derelinquens ad æqualitatis iudicium reseruauit: nulli tamen agnoscendæ veritatis abstulit facultatem. Et ita plenitudo diuinæ præscientiæ in alios manan-

Rom. i. 28.

Cap. 8.

Cap. 4.

Cap. 5.

Cap. 13.

te iustitia, in alios gratia profluente completa est, vt pereuntibus quos præscierat Deus esse perituros, & saluatis quos in illa secreta sua electione præscierat esse saluandos, toto orbe diffusa multiplicaretur Ecclesia.] & post paululum, Si piè de Deo sicut expedit sentimus, etiam Pharaoni datam misericordiam reperimus. Patientia enim Dei valere ei debuit ad salutem: quia differens iustum meritumque supplicium miraculorum verbera crebra densabat. Numquid non potuit, sicut flagellis cedens expulit populum, ita miraculis credens Deum tantæ virtutis agnoscere? Sed dicitur iam Pharaonem non potuisse mutari, quia eum præscierat Deus non esse mutandum. respondetur Dei præscientiam non cogere hominem vt talis sit qualem præsciuit Deus: sed præscire talem futurum qualis futurus est, quamuis eum non sic fecerit Deus. Quoniam si cogeret esse, hoc vtique cogeret quod non est. Porro si hoc præscierat futurum esse quod non est, præscientia non est. quod de Deo quàm impiè dicatur, aduertit quisque, qui peccatis inde blanditur, quòd Deus eum peccatorem futurum esse præscierit.

Ecce de quorum verbis Capitulum istud excerptimus. Accedant reprehensores & oppugnatores nostri, immo impugnatores sed non expugnatores rectæ fidei, & adferant vngues acutissimos cum subtilissimis acubus, & in morem feminarum acupingentium extendant, & diuersis coloribus prauorum sensuum suorum diuariare atque decolorare Capitulum istud attemptent: & vbicumque vel in solo verbo, quanto magis in sensu, orthodoxæ fidei ac catholicorum patrum doctrinæ aduersum vel diuersum inuenerint, minutatim transpungant. Quòd si inuenire nequiuertint, malitiæ suæ mucrone perfoscos, & victoria veritatis confusos, atque redargutione ipsius beati Augustini atque Prosperi, quorum se dictis victores iactabant, vercundiæ rubore perfusos intelligentes, nos carpere desinant, & sano intellectui manus donent.

Quod si & adhuc agere detractant, veniat sanctus Gregorius, & percutiat eos, non claua Herculeæ, sed auctoritate Ecclesiastica, beato Petro Apostolorum primo à viuorum & mortuorum iudice tradita, vt conuertatur dolor eorum in caput ipsorum, & arcus eorum confringatur, & in verticem ipsorum iniquitas eorum descendat. nos autem confiteamur Domino in eius iustitia. Ait enim in Homilia Euangelij xvii. *In quamcumque domum, inquit, intraueritis, primum dicite, Pax huic domui, & si ibi fuerit filius pacis, requiescet super illam pax vestra: sin autem, ad vos reuertetur.* Pax quæ ab ore prædicatoris affertur, aut requiescit in domo, si in ea filius pacis fuerit, aut ad eundem prædicatorem reuertitur. quia aut erit quisque prædestinatus ad vitam, & cæleste verbum sequetur quod audit: aut si nullus audire voluerit, ipse prædicator sine fructu non erit, quia ad eum pax reuertetur. quoniam ei à Domino pro labore sui operis merces recom-

pensatur. } Attendant & appendant reprehensores istius Capituli, qui volunt sic à Deo prædestinatos credi & dici ad interitum, quomodo creduntur & dicuntur à fidelibus prædestinati sed ad vitam electi, & reprobi non prædestinati sed relictæ ad interitum, quare non dixit sanctus Gregorius, Et erit quisque prædestinatus ad interitum, & non sequetur verbum quod audierit, sicut dixit, aut erit quisque prædestinatus ad vitam, & sequetur verbum cælestæ quod audit. Ad prædestinatum enim ad vitam dixit, sequetur verbum: ad non prædestinatos autem, sed in massa perditionis relictos veniens, si nullus audire voluerit dixit.

Quod si hinc veritatem non possunt percipere, audiant quid in XIII. Homilia Ezechielis prophetæ dicit. Redemptor igitur noster, inquit, quia verba quæ dixit etiam per doctorum studium scribi largitus est, in manu calamus tenuit. Qui calamus mensuræ dicitur, quia ipsa Doctorum studia sub quadam occulti iudicii dispensatione retinentur, ut & aliis legentibus prosint, & aliis legentibus prodesse non possint. Vnde & sancti Apostoli, cum magistræ veritatem sibi apertius loquentem requirerent cur turbis in parabolis loqueretur, audierunt, *Quia vobis datum est nosse mysterium regni cælorum, illis autem non.* Vel certè calamus mensuræ est, quia in ipso sacro eius eloquio, quod nobis conscriptum est, occultas esse dispensationes eius agnoscimus. Nam per incomprehensibile eius iudicium, alter intra mensuram electorum metitur, & alter foras relinquitur, ut nullo modo ad electorum numerum pertinere mereatur. Habet ergo funiculum, habet in manu mensuræ calamus. Qui enim funiculo locum metitur, alibi funiculum trahit, aliunde retrahit, & huc ducit quem aliunde subducit. Sic nimirum sic redemptor noster in collectione hominum facit, dum alios à suis iniquitatibus abstrahit, & alios in sua iniquitate derelinquit. In his enim quos colligere dignatus est, occultæ mensuræ funiculum traxit, & ab his quos relinquendos esse iudicavit, quid aliud nisi funiculum retraxit? ut & boni intra mensuram cælestis fabricæ teneantur, & mali extra fabricam, in quibus bona quæ æstimantur non sunt, quasi sine mensura remaneant. Hunc funiculum & mensuræ calamus in manu sua redemptor noster tenuit, cum Paulum Apostolum per apparentem virum Macedonem admonere dignatus est: ita ut isdem Macedo vir diceret, *Transiens adiuvā nos*, & tamen volentibus Apostolis ad prædicandum ire in Asiam non permisit spiritus Iesu. Quid est quod sancti Apostoli vocantur ire, ubi fortassè ire non cogitabant, & illuc ubi desiderabant pergere, ire perhibentur, nisi quia occulti iudicii funiculus & mensuræ calamus tenetur in manu, ut & alij verba vitæ audiant, & alij nullatenus audire mereantur? Funiculus ergo mensuræ est, qui aliunde tractus est, aliunde retractus. Sancto quoque Evangelio teste didicimus, quod venit qui diceret, *Magister sequar te quocumque ieris.* cui responsum est,

Vulpes foveas habent, & volucres celi nidos, filius autem hominis non habet Matt. 8. 21.
ubi caput suum reclinet. Venit alter qui diceret, Magister, sine me pri-
imum ire & sepelire patrem meum. cui dicitur, Sine mortuos, sepeliant mor-
tuos suos: tu autem me sequere, & adnuntia regnum Dei. Quid est quod il-
le promittit se ire & deferitur, iste domum vult redire, & tamen ut
sequi debeat iubetur? ille non suscipitur, iste nec ad horæ momen-
tum ab obsequio relaxatur? Interno ergo occulto iudicio funiculus &
mensuræ calamus ducitur, in quo & iste trahitur, & ille relinquitur,
ut cælestis fabrica non sine pio & iusto examine construatur.]

Et item sanctus Gregorius in libro *Moralium* xxv. *Potum meum* Cap. 7.
cum fletu temperabam. Potus quippe ab exterioribus interiùs trahitur, Psal. 101. 10.
fletus autem ab interioribus exteriùs emanat. Potum ergo Do-
minum cum fletu temperare est, alios ab exterioribus intror-
sus trahere, alios ab interioribus in exteriora reprobare. *Conteret* Iob 34. 24.
enim multos & innumerabiles, & stare faciet alios pro eis.] & post pau-
ca, Quod autem dixit conteret multos, & illico adiunxit innumera- Cap. 8.
biles, vel multitudinem exprimere studuit reproborum, quæ humanæ
rationis numerû transit: vel certè indicare voluit quod omnes qui per-
eunt intra electorum numerû non habentur, ut eo sint innumerabiles,
quo extra numerum currunt.] & paulo post. Sed quia in Ecclesia Cap. codē.
crescente multitudine etiam reprobi colliguntur, aptè subditur, (di-
xerat siquidem paulo superiùs per Hieremiam prophetam esse præ-
dictum, *Ædificabitur ciuitas Domino à turre Annanehel vsque ad portam* Hier. 31. 38.
anguli, & exhibit ultra normam mensuræ.) Exhibit ultra normam mensu-
ræ, quia vsque ad eos quoque extenditur, qui normam iustitiæ trans-
eunt intra mensuræ cælestis numerum non sunt. Vnde per E-
saïam quoque eidem Ecclesiæ dicitur, Ad dexteram enim & ad læuam Esa. 54. 3.
dilataberis, & semen tuum gentes hereditabit. Intrante quippe multitu-
dine gentium ad dexteram extenditur, dum quosdam iustificandos
suscipit. ad læuam quoque dilatatur, dum ad se quosdam etiam in
iniquitate permansuros admittit. Propter hanc multitudinem, quæ
extra electorum numerum iacet, in Euangelio Dominus dicit, *Mul-* Matt. 20. 16
ti vocati, pauci autem electi. Sed quia hoc quod electis aliis alij con-
teruntur, de merito patientis est, non de iniquitate punientis. Non
enim iniquus Deus qui infert iram.] & paulò post, *Ligatis manibus* Cap. 9.
& pedibus mittite in tenebras exteriores. Tunc enim coactus in tenebras
exteriores mittitur, quia nunc in interioribus voluntariè excæcatur.]
Et item sanctus Gregorius in libro xxxiii. *Moralium* Iob, Non Cap. 10.
quasi crudelis suscitabo eum, quin Leviathan. & velut si mox à no-
bis rationis causa quæreretur, quomodo eum non quasi crudelis sus-
citas, quem scimus quia tantos inuadere & deuorare permittas? sta-
tim subdidit dicens, *Quis enim resistere potest vultui meo, & quis antè* Matt. 22. 13.
dedit mihi ut reddam ei? Quibus duobus versibus, & virtutem suæ
potentiæ, & omnè pondus rationis expleuit. Nam propter poten-

tiam dixit, quis enim resistere potest vultui meo? & propter rationem subdidit, quis antè dedit mihi ut reddam ei? Ac si diceret, Non enim quasi crudelis fuscito, quia de eius fortitudine & electos meos potenter eripio, & rursus reprobos non iniuste, sed rationabiliter damno. id est, & eos quos benignè eligo, eripere mirabiliter possum, & eos quos respuo non iniuste derelinquo.] & paulò post, Miro modo æquus omnibus conditor, & quosdam prælegit, & quosdam in suis reprobis moribus iuste derelinquit. Nec tunc electis suis pietatem sine iustitia exhibet, quia hîc eos duris afflictionibus premit: nec rursus reprobis iustitiam sine misericordia exercet, quia hîc æquanimiter tolerat quos quandoque in perpetuum damnat. Si ergo & electi præuenientem se gratiam sequuntur, & reprobi iuxta quod merentur accipiunt, & de misericordia inveniunt electi quod laudant, & de iustitia non habent reprobi quod accusent. Bene itaque dicitur, *Quis antè dedit mihi ut reddam ei?* ac si apertè diceretur, Ad parcendum reprobis nulla ratione compellor, quia eis debitor ex sua actione non teneor.

Iob 41, 1.

Cap. 14.

Dicant, dicant istius reprehenses Capituli, quare beatus Augustinus in libro de Bono vel Dono perseverantiæ, quem loco retractionis cum libro de Prædestinatione sanctorum contra huius objectionis calumnias scripsit, dixerit, Hæc est Prædestinatio sanctorum, nihil aliud. præscientia scilicet & præparatio beneficiorum Dei, quibus certissime liberantur quicumque liberantur: ceteri autem ubi nisi in massa perditionis iusto diuino iudicio relinquuntur? De qua, sicut ex eius verbis præmisimus, si nullus liberaretur, in reprehensibile esset diuinum eius iudicium. Quare non diffiniuit prædestinationem reprobis ad interitum, sicut Prædestinationem sanctorum ad liberationem per diuinæ gratiæ beneficium? Dixit enim, Prædestinatio præscientia est, & præparatio beneficiorum Dei, quibus certissime liberantur quicumque liberantur: ceteri autem ubi nisi in massa perditionis iusto diuino iudicio relinquuntur? Dicant illi arguti viri qui sunt illi ceteri, & si audent, cum Augustino in hoc loco contententes, dicant ad interitum, sicut tu Augustine antè dixeras, prædestinati. nos autem cum sancti Augustini verbis correctioribus dicimus, Sancti beneficio gratiæ Dei sunt ad vitam prædestinati. qui & sancti non inuenti, sed gratia sunt effecti. ceteri autem, id est reprobi, in massa perditionis ex retributione iustitiæ sunt relictæ.

Esa. 32, 2.

Lib. vi.
Hypomnesticon.

Legant etiam quæ posuimus ex libro Hypomnesticon eiusdem beati Augustini contra Pelagium & Cælestium, de Gratia Christi, & Libero arbitrio, atque originali peccato, & non errent palpantes cæci in meridie, quia hæc est, ut Propheta dicit, *directa via, ita ut stulti non errent per eam.* Massæ itaque humani generis, quæ in Adam & Eva præuaricatione damnabilis mortalisque facta est, non conditione diuina generaliter, sed ex debito pœna cruciatúsque gehennæ debe-

tur. Venia verò non merito confertur, sed Dei iusti iudicis misericordiæ largitate. Quia verò iustus & misericors Deus præsciûsque futurorum, ex hac damnabili massa, non personarum acceptione, sed iudicio æquitatis suæ inreprehensibili, immo incomprehensibili, quos misericordia gratuita præscit & præparat, id est prædestinat ad vitam: ceteros autem pœna, vt prædixi, debita punit. quos ideo punit, quia quod essent futuri præsciuit: non tamen puniendos ipse fecit vel prædestinauit, sed tantum, vt dixi, in damnabili massa præsciuit.] Quid manifestius, quid certius dicere potuit? Et beatus Gregorius, vt præscripsimus, Sic nimirum, sic redemptor noster in collectione hominum facit, dum alios à suis iniquitatibus abstrahit, & alios in sua iniquitate derelinquit.] Quid clarius, quid apertius dicere valuit? Et item in Homilia quarta Euangelij dicit, Prius soli Iudææ voluit, postmodum cunctis gentibus Dominus prædicari: vt dum illa conuerti vocata renueret, prædicatores sancti ad vocationem gentium per ordinem venirent, & quod Iudææ fiebat in testimonium, hoc gentibus gratiæ esset incrementum. Erant etiam tunc, qui de Iudæa vocandi essent, & de gentibus vocandi non essent. Nam & in Apostolorum Actibus, prædicante Petro, legimus & prius Hebræorum tria millia, & postea quinque millia credidisse: & cum prædicare Apostoli gentibus in Asia voluissent, per Spiritum prohibiti esse memorantur. & tamen ipse Spiritus, qui prius prædicationem prohibuit, hunc Asianorum cordibus postmodum infudit. Idcirco ergo prius prohibuit quod postmodum fecit, quia tunc in illa erant, qui saluandi non erant. tunc in illa erant qui necdum ad vitam reparari mererentur, nec tamen grauius de contempta prædicatione iudicari. Subtili ergo occultoque iudicio à quorundam auribus prædictio sancta subtrahitur, quia saluari per gratiam non merentur. Vnde Psalmista dicit, *Venite & videte opera Domini: quàm terribilis in consiliis super filios hominum.* Vidit namque quòd alius misericorditer vocatur, alius iustitia exigente repellitur. & quia alia parcendo, alia Dominus irascendo disponit, expauit quod penetrare non potuit. & quem non solum inuestigabilem in quibusdam suis sententiis, sed etiam inflexibilem vidit, terribilem in consiliis esse memorauit.

Act. 2. 41.

Act. 4. 4.

Act. 16. 6.

Psalm. 63. 5.

Matt. 22. 8.

Et item alibi in Euangelio legitur de his qui vocati ad cœnam venire noluerunt, quia *qui inuitati erant non fuerunt digni.* quoniam quidam verbo prædicationis vocantur, sed digni non sunt vt obaudientes veniant. quidam autem veniunt, sed digni non sunt vt in vocatione permaneant. quidam autem nec etiam digni sunt vt vocentur, sicut in præfata Euangelij Homilia hic Doctor egregius dixit. Sed & in xxxv. Euangelij Homilia de vocatis & venire nolentibus dicit, quia sicut illi peccatores fuerunt, qui vocati venire noluerunt: ita hi quoque peccatores sunt, qui inuitantur & veniunt. Sed peccatores superbi respuuntur, vt peccatores humiles eligantur.

De his etiam qui vocati veniunt, sed in vocatione non permanent, item scriptum est, quia ad tempus credunt, & in tempore tentationis recedunt. Quod Dominus in Euangelio de audientibus & non fructificantibus verbum manifestè demonstrat, loquens de semine quod cecidit secus viam, & super terram, & inter spinas. Nemo tamen eorum euadet iudicium ultionis, quia nec esse poterit excusabilis. De his quippe, qui verbum prædicationis audire non fuerunt digni, Rom. 2. 12. Paulus dicit, *Quicumque enim sine lege peccauerunt, sine lege peribunt. In-*
 Rom. 1. 20. *uisibilia enim Dei à creatura mundi per ea quæ facta sunt intellecta conspi-*
 ciuntur, sempiterna quoque eius virtus & diuinitas: ita ut sint inexcusabi-
 les. De his autem qui audierunt, & non obaudierunt, iterum scri-
 ptum est, Prou. 1. 24. 25. *Vocaui & renuistis, despexistis omne consilium meum. Ego quo-*
 que in interitu vestro ridebo. Sed & de his, qui audientes verbum cre-
 diderunt, & in fide recta ac bonis operibus non permanferunt, in
 Luc. 9. 62. Euangelio dicitur, *Nemo mittens manum suam in aratrum, & respiciens*
 retro, aptus est regno Dei. Et de audientibus, credentibus, ac perseue-
 rantibus dicit, Luc. 8. 8. *quia semen cecidit in terram bonam, & attulit fructum. &*
 Matt. 7. 24. *Qui audit verba mea & seruat ea, similis est viro qui edificauit domum*
 Ioan. 14. 21. *suam supra petram. & item, Qui habet verba mea & seruat ea, ille est qui*
 diligit me: qui autem diligit me, diligetur à patre meo, & ego diligam eum
 Matt. 24. 13. *& manifestabo ei meipsum. & qui perseuerauerit vsque in finem, hic saluus*
 erit. Et item idem beatus Gregorius de electis & reprobis breuiter
 in Homilia octaua dicit, Nascituro Domino mundus describitur,
 quia ille apparebat in carne, qui electos suos adscriberet in æterni-
 tate. Quo contrà de reprobis per Prophetam dicitur, Psal. 68. 29. *Deleantur de*
libro viventium, & cum iustis non scribantur.]

Sed si adhuc de beato Augustino quod nondum posuimus vo-
 lunt audire, accipiant quid in præfato libro de Bono vel Dono per-
 seuerantiæ, loquens de Tyriis & Sidoniis, in massa perditionis reli-
 ctis dixerit. Ex quo, inquit, apparet habere quosdam in ipso in-
 genio diuinum naturaliter munus intelligentiæ, quo moueantur ad
 fidem, si congrua suis mentibus vel audiant verba, vel signa con-
 spiciant: & tamen, si Dei altiore iudicio à perditionis massa non sunt
 gratiæ prædestinatione discreti, nec ipsa eis adhibentur vel dicta
 diuina vel facta, per quæ possint credere.] & post paululum, Sed nec
 illis profuit quod poterant credere, quia prædestinati non erant ab
 eo, cuius inscrutabilia sunt iudicia & inuestigabiles viæ: nec istis ob-
 fuisset quod non poterant credere, (quin de quibus dictum est per
 Ioan. 12. 40. Prophetam, *Excacauit oculos eorum, & indurauit cor illorum,*) si ita
 prædestinati essent, ut eos cæcos Deus inluminaret, & induratis cor
 lapideum vellet auferre.] Vnde post paululum sequitur quod præmi-
 simus, quorum alterum ad misericordiam, alterum ad iudicium per-
 tinet illius, cui dicit anima nostra, Psal. 100. 1. *Misericordiam & iudicium cantabo*
tibi Domine.

De hoc etiam quod in hoc Capitulo circa finem posuimus, *Pœnam autem illis*, videlicet in massa perditionis relictis, *quia iustus est, prædestinavit æternam*, audiant quid in sæpè commemorato de Bono vel Dono perseverantiæ libro dicat beatus Augustinus, Quoniam Cap. 12. quod scriptum est, inquit, *per unum hominem peccatum intrauit in mun-* Rom. 5. 12. *dum, & per peccatum mors, & ita in omnes homines pertransiit*, aliter rectè intelligi non potest: nec à morte perpetua, quæ iustissimè est retributa peccato, liberat quemquam pusillorum atque magnorum, nisi ille qui propter remittenda & originalia & propria nostra peccata mortuus est, sine ullo suo originali proprioque peccato. Sed quare illos potius quàm illos? Iterum atque iterum dicimus, nec nos piget, O homo tu quis es qui respondeas Deo? Inscrutabilia sunt iudicia eius, & inuestigabiles viæ eius. Et hoc adiciamus, *Altiora te ne quæsieris, & fortiora te ne scrutatus fueris.*] Sed si ista & illa non sufficiunt, quæ de libro sæpè commemorato contra Pelagium & Cælestium posuimus, adhuc ex eodem quæ ipse vir sagacissimus ibidem prosecutus est, quæ necdum posuimus apponemus. Verum autem inquiring esse quod diximus, licèt plenè sit disputatum, id est, perituris pœnam esse prædestinatam, audi Petrum Apostolum, cum futuros esse pseudoprophetas & magistros mendaces, & apostatas in Ecclesia dicit, sicut fuerunt in populo veteri, Quibus iudicium iam olim non cessat, & perditio eorum non dormitat. Item Iudas Apostolus, *Subintroierunt*, ait, *quidam* Iudæ 4. *homines, qui olim præscripti sunt in hoc iudicium impij, gratiam Domini nostri Iesu Christi transferentes in luxuriam, & solum Deum auctorem & dominum Iesum Christum negantes.* Et Dominus in Euangelio peccatoribus, *Ite in ignem æternum, quem paravit pater meus diabolo & angelis eius.* Matt. 25. 41. 34. prædestinatis autem, *Venite benedicti patris mei, percipite regnum paratum vobis ab origine mundi*, id est prædestinatum. Tenenda est igitur inconcussa huius disputationis regula, qua diuinis testimoniis claudit, peccatores in malis propriis, antequam essent in mundo, præscitos esse tantum non prædestinatos, pœnam autem eis esse prædestinatam secundum quod præsciti sunt. Et Prosper in absolutione obiectionis decimæ contra Vincentianos, Hoc, inquit, prædestinavit, quin Deus, iudicium suum, quo unicuique retributurus est prout gessit siue bonum, siue malum.]

Dicant obrectatores nostri, quid discors, vel obuium, siue deuium inuenerint istis sanctorum Augustini, Gregorij, atque Prosperi dictis in Capitulo à nobis excerpto. Et si non possunt dicere, manifestum est maluisse eos maledicere, quàm verum dicere. Accipiant etiam concors & consonum præcedentibus dictis beati Augustini exemplum, de sæpè nominato libro qui titulatur de Bono vel Dono perseverantiæ. Quo exemplo quidam abutentes ad suos sensus conantur inflectere, sed non possunt: quia & manifestissima ve-

Cap. x.
Rom. 9. 16.

ritas in hoc eodem exemplo, & in præcedentibus ac subsequenter eiusdem libri, fortissimè molitionibus eorum renititur. Nam loquens contra obloquentes veritatis sinceritati, sicut in lectione eiusdem libri qui voluerit facile cognoscere poterit, ita ad locum dicit, Proinde inquit sicut Apostolus ait, *Non volentis, neque currentis, sed misereantis est Dei.* qui & paruulis quibus vult etiam non volentibus, neque currentibus subuenit, quos mundi ante constitutionem elegit in Christo, daturus eis gratiam gratis, hoc est nullis eorum vel fidei vel operum meritis præcedentibus. & maioribus etiam his, quos præiudicauit, si apud eos facta essent, suis miraculis credituros. quibus non vult subuenire, non subuenit. de quibus in sua prædestinatione occultè quidem, sed iustè aliud iudicauit.] Hoc enim exemplo suam confirmare obrectatores nostri conantur sententiam, inflectentes hoc quod dixit, de quibus in sua prædestinatione occultè quidem sed iustè aliud iudicauit. quasi intelligi voluerit sanctus Augustinus, aliud iudicauit, ad interitum prædestinauit. quod quàm absurdum sit manifestissimis patet indiciis. Ait enim, quibus non vult subuenire, non subuenit. Videlicet quia quibus subuenit, prædestinatione, id est, gratiæ præparatione subuenit. De his autem quibus non subuenit, aliud in sua prædestinatione occultè quidem sed iustè iudicauit. & quid iudicauerit in subsequentibus apertissimè dicit, Non enim est inquit iniquitas apud Deum: sed inscrutabilia sunt iudicia eius, & inuestigabiles viæ eius. vniuersæ autem viæ Domini misericordia & veritas. Inuestigabilis ergo est misericordia, quia cuius vult miseretur, nullis eius præcedentibus meritis: & inuestigabilis veritas, quia quem vult obdurat, eius quidem præcedentibus meritis, sed cum eo cuius miseretur plerumque communibus, sicut duorum geminorum, quorum vnus adsumitur, & vnus relinquitur.] Ecce quid est illud aliud, quod in sua prædestinatione Dominus iudicauit.

Hinc denique sequuntur verba ipsius beati Augustini in libro de Bono perseuerantiæ, Dispar est exitus, merita communia. in quibus tamen sic alter magna Dei bonitate liberatur, vt alter nulla eius iniquitate damnetur. Numquid enim iniquitas est apud Deum? absit. sed inuestigabiles sunt viæ eius. Itaque misericordiam eius in his qui liberantur, & veritatem in his qui puniuntur, sine dubitatione credamus, neque inscrutabilia scrutari, aut inuestigabilia vestigare conemur. Ex ore quippe infantium & lactentium suam perficit laudem, vt quod in his videmus, quorum liberationem bona eorum merita nulla præcedunt, & in his quorum damnationem vtrisque communia originalia sola præcedunt, hoc & in maioribus fieri nequaquam omnino cunctemur. id est, non putantes vel secundum sua merita gratiam cuiquam dari, vel nisi suis meritis quemque puniri, siue pares qui liberantur atque puniuntur, siue dispares habeat causas ma-

DE PRÆDESTINATIONE.

91

las. ut qui videtur stare videat ne cadat, & qui gloriatur non in se ipso, sed in Domino gloriatur.] & post aliquanta in eodem libro subsequitur dicens, Ista igitur sua dona quibuscumque Deus donat, Cap. 17. proculdubio se donaturum esse præsciuit, & in sua præscientia præparauit. Quos ergo prædestinauit, ipsos & vocauit vocatione illa, quam me sæpè commemorare non piget, de qua dictum est, *sine præ-* Rom. 11. 29 *nitentia sunt dona & vocatio Dei.* Namque in sua, quæ falli mutarique non potest, præscientia opera sua futura disponere, id omnino non aliud quicquam est quàm prædestinare.] & post aliquanta, Cum hæc & alia multa quæ piget repetere dixerimus, atque ostenderimus & initium fidei, & usque in finem perseuerantiam, Dei dona esse, nec vlla futura sua dona, & quæ danda essent, & quibus danda essent, Deum non præscire non potuisse, ac per hoc prædestinatos ab illo esse quos liberat & coronat.] & aliquanto superius, An forè nec ipsa dicunt, quin Dei dona, prædestinata? Ergo nec dantur à Deo, aut ea se daturum esse nesciuit. quòd si & dantur, & ea se daturum esse præsciuit, profectò prædestinauit.] Et sanctus Hieronymus in sententia Ecclesiaste, *Non est omne recens sub Sole dicendum,* Eccle. 1. 10. quòd ex præscientia & prædestinatione Dei iam facta sunt, quæ futura sunt. Qui enim electi sunt in Christo ante constitutionem mundi, in prioribus sæculis iam fuerunt.] Et sanctus Augustinus in libro de Correptione & Gratia, De illo dicit & propheta Esaias, *Qui fecit* Cap. ix.
Esa. 1. 20. *quæ futura sunt.* Quicumque ergo in Dei prouidentissima dispositione præsciti, prædestinati, vocati, iustificati, glorificati sunt, non dico etiam nondum renati, sed etiam nondum nati, iam filij Dei sunt, & omninò perire non possunt.] Et Prosper in absolutione obiectionis Gallorum xv. Dubium non est, inquit, sine vlla temporali differentia Deum & præscisse simul & prædestinasse quæ ipso erant auctore facienda, vel quæ malis meritis iusto erant iudicio retribuenda: præscisse autem tantummodò, non etiam prædestinasse, quæ non ex ipso erant causam operationis habitura. Potest itaque sine prædestinatione esse præscientia, prædestinatio autem sine præscientia esse non potest.] & item in Recapitulatione quinta decima, Quæ enim ex Dei munere habemus, & quæ præscita dicuntur, non possunt non esse prædestinata, & quæ prædestinata appellantur, non possunt non esse præscita.] & in absolutione obiectionis xv. contra Vincentianos, Nullam animam nequiter turpiterque victuram Deus ad hoc ut taliter viueret præparauit, sed talem futuram non ignorauit, & de tali iustè se iudicaturum esse præsciuit. Atque ita ad prædestinationem eius nihil aliud referri potest, nisi quod aut ad debitam iustitiæ retributionem, aut ad indebitam pertinet gratiæ largitatem. Videant & non inuideant reprehensores nostri, & damnatores Capituli ex his sententiis à nobis excerpti, quàm concorditer consonet sensus à nobis in hoc eodem Capitulo ex verbis bea-

ti Augustini & Prosperi, & aliorum Doctorum excerptus, his sententiis ab eodem sancto viro Augustino contra se calumniantes propositis, & aliis per eos sancto Spiritu promulgante prolatis.

Epist. 105. Addam etiam quædam, quasi ex supererogatione, de epistola beati Augustini ad Xystum presbyterum, de qua nihil excipiendum foret, si aliorum testimoniorum pluralitas id agere non exposceret. Quod, inquit, personarum acceptorem Deum se credere existimant, quin auctores & disseminatores peruersi dogmatis, si credant quod sine ullis præcedentibus meritis cuius vult Deus miseretur, & quos dignatur vocat, & quem vult religiosum facit, parum adtendunt quod debita reddatur pœna damnato, indebita gratia liberato. Agamus ergo gratias saluatori, dum nobis non redditum cernimus quod in damnatione similium etiam nobis debitum fuisse cognoscimus. Si enim utrique liberarentur, lateret quid peccato per iustitiam debeatur: si nemo, quid gratia largiretur. Misericordia & veritas occurrerunt sibi, ut nec misericordia impediatur veritatem qua plectitur dignus, nec veritas misericordiam qua liberatur indignus. Ergo cui vult miseretur, & quem vult obdurat. Quærimus enim meritum obdurationis & inuenimus. merito namque peccati vniuersa massa damnata est, nec obdurat Deus impertiendo malitiam, sed non impertiendo misericordiam. Quibus enim non impertitur, nec digni sunt, nec merentur, ac potius ut non impertiatur hoc digni sunt, hoc merentur. Quærimus autem meritum misericordiæ, nec inuenimus, quia nullum est, ne gratia euacuetur si non gratis donatur, sed meritis redditur. Quod est ergo meritum hominis ante gratiam, quo merito percipiat gratiam, cum omne bonum meritum nostrum non in nobis faciat nisi gratia: & cum Deus coronat merita nostra, nihil aliud coronet quam munera sua? *Stipendium*, inquit, *peccati mors*, *gratia autem Dei vita aterna in Christo Iesu Domino nostro*. Sed si vasa sunt iræ, quæ perfecta sunt ad perditionem quæ illis debita redditur, sibi hoc imputent, quia ex ea massa facta sunt, quam propter vnius peccatum in quo omnes peccauerunt, merito Deus iustèque damnauit. Si autem vasa sunt misericordiæ, quibus ex eadē massa factis supplicium debitum reddere noluit, non se inflent, sed ipsum glorificent qui eis misericordiam non debitam præstitit. Non itaque gratuita misericordiæ Dei pertinacissima aduersentur infania. Sinant filium hominis in qualibet ætate quærere & saluum facere quod perierat. nec de inferutabilibus iudiciis eius audeant iudicare, cur in vna eadēque causa super alium veniat misericordia eius, super alium autem maneat ira eius. Qui enim sunt isti qui respondeant Deo, quando quidem ille Rebeckæ habenti geminos ex vno concubitu Isaac patris nostri, cum illi nondum nati nihil egissent boni vel mali, ut secundum electionem propositum eius maneret, electionem scilicet gratiæ non debiti, electionem qua eligendos facit ipse, non inue-

nit, non ex operibus sed ex vocante dicit minori seruiturum esse maiorem. Ergo cuius vult miseretur, & quem vult obdurat. Hoc facit apud quem non est iniquitas. miseretur itaque gratuito dono, obdurat autem iustissimo merito. Agnoscant igitur vasa ex eadem massa in honorem facta quid eis misericordia diuina largita sit.]

Hinc etiam sanctus Augustinus in libro v. contra Iulianum ita dicit, Denique & hic cum dixisset, *Omnia cooperantur in bonum his qui secundum propositum vocati sunt*, continuo subdidit, quoniam quos ante præsciuit & prædestinavit conformes fieri imaginis filij eius, ut sit primogenitus in multis fratribus. quos autem prædestinavit illos & vocavit, & quos vocavit ipsos & iustificavit, quos autem iustificavit ipsos & glorificavit. Hi sunt secundum propositum vocati. ipsi ergo electi, & hoc ante mundi constitutionem, ab eo qui vocat ea quæ non sunt, tanquam sint, sed electi per electionem gratiæ. Vnde dicit idem Doctor & de Israel, *reliquiæ per electionem gratiæ saluæ factæ sunt*. Et ne fortè ante constitutionem mundi ex operibus præcognitis putarentur electi, secutus est & adiunxit, *Si autem gratia, iam non ex operibus, alioquin gratia iam non est gratia*. Ex isto numero electorum & prædestinatorum, etiam qui pessimam duxerint vitam, per Dei benignitatem adducuntur ad poenitentiam, per cuius patientiam non sunt huic vitæ in ipsa scelerum perpetratione subtracti, ut ostendatur & ipsis, & aliis coheredibus eorum, de quàm profundo malo possit Dei gratia liberare. Ex his nemo perit quacumque ætate moriatur. absit enim, ut prædestinatus ad vitam sine sacramento mediatoris finire permittatur hanc vitam. Propter hos Dominus ait, *Hæc est autem voluntas eius qui misit me patris, ut omne quod dedit mihi non perdam ex eo*. Ceteri autem mortales, qui ex isto numero non sunt, & ex ea quidem massa, ex qua & isti, sed vasa iræ facti sunt, ad utilitatem nascuntur istorum. Non enim quenquam eorum Deus temerè ac fortuito creat, aut quid de illis boni operetur ignorat. cum & hoc ipsum bonum operetur, quod in eis humanam creat naturam, & ex eis ordinem sæculi præsentis exornat. Istorum neminem adducit ad poenitentiam salubrem & spiritalem, qua homo in Christo reconciliatur Deo, siue illis ampliorem patientiam, siue non imparem præbeat. Quamuis ergo omnes ex eadem massa perditionis & damnationis secundum duritiam cordis sui, & cor impœnitens, quantum ad ipsos pertinet, thesaurisant sibi iram in die iræ, quo redditur unicuique secundum opera sua, Deus tamen alios inde per misericordem bonitatem adducit ad poenitentiam, alios secundum iustum iudicium non adducit.] & cetera quæ in eodem loco prosequitur. De quo capitulo contra xiii. obiectionem Gallorum sanctus Prosper catholicè & sufficienter satis differuit. Item sanctus Augustinus contra Iulianum in libro iii. Quis autem Christianus ignoret, quod ille qui primum hominem fecit ex pulvere omnes fabricetur ex semine? sed ex semi-

Cap. 3.

Rom. ii.
5. 6.

Ioan. 6. 39.

Cap. 17.

Cap. 18.

Cap. 1.

Cap. 4.

Cap. 5.

Cap. 8.

ne iam vitiato atque damnato. qui partim per veritatem remanent in supplicio, partim per misericordiam liberantur à malo.] Item in libro III. Bonus est Deus, iustus est Deus. potest aliquos sine bonis meritis liberare, quia bonus est: non potest quemquam sine malis meritis damnare, quia iustus est.] & in libro quinto, Itaque isto malo, quin libidinis, cum bene vtuntur coniugati fideles, à cuius reatu soluti sunt munere saluatoris, profectò quicumque inde nascuntur, eiusdem munere creatoris, non sicut nobis obicis in regnum diaboli præparantur, sed ab illo potius eruendi, & in regnum vnigeniti transferendi.] Item in eodem libro, Nam prorsus ea non perpeti cum hîc viuitur, nullo modo, nulla ratione quisquam potest: nec tamen siue maximis, siue minimis vrgeatur, fas est vt dicat ei qui se finxit, quamuis omnipotenti, iusto, & bono, *Quare me sic fecisti?* & de iugo graui, quod est super filios primi Adam, nemo liberat nisi secundus Adam.] & post paululum, Licet ipsi hoc nesciant, donec si ex illo sunt prædestinatorum numero, accipiant spiritum qui ex Deo est, vt sciant quæ à Deo donata sunt eis.] & item in eodem libro, Si hoc profundius esse perspicias, quàm vt abs te valeat inueniri, vtrumque vtrique nostrum profundum sit, cur & in maioribus & in minoribus Deus velit alteri & nolit alteri subuenire: dum tamen certum & immobile teneamus, non esse iniquitatem apud Deum, qua quemquam sine malis meritis damnet, & esse bonitatem apud Deum, qua multos sine bonis meritis liberet, demonstrans in eis quos damnat quid omnibus debeatur, vt hinc discant quos liberat, quæ sibi pœna debita relaxetur, & quæ indebita gratia condonetur.] & item in libro V. Aut certè, quia parum erat vitam quam nascendo sortitus est, ideo addidit & misericordiam. ne remaneret naturaliter filius iræ sicut ceteri, atque inter vasa iræ, non inter vasa misericordiæ fieret.] & in libro VI. Quos quidem ab isto tanto malo potest gratia Dei per sanguinem mediatoris eruere. sed vnde potuerunt in tantum malum ruere, si diuino iudicio nulla origini debetur pœna vitiata?] Item in eodem libro, In eis ergo, vt sæpè diximus, iræ vasis notas facit, secundum Apostolum, diuitias gloriæ suæ in vasa misericordiæ, ne glorientur tanquam de meritis vitæ suæ, cum cognoscant hoc sibi iustissimè reddi potuisse, quod videt reddi paribus confortibus mortis suæ.] & item in eodẽ libro, Certè hîc, vbi fati nulla est immobilitas, nulla fortunæ temeritas, nulla personæ dignitas, quid restat nisi misericordiæ veritatísque profunditas? vt sciamus & ex hoc incomprehensibile comprehendamus, iuxta duos homines, vnum per quem peccatum intrauit in mundum, alterum qui tollit peccatum mundi, omnes filios concupiscentiæ carnalis, vndecumque nascantur, ad iugum graue filiorum Adam merito pertinere, & ex his omnes filios gratiæ spiritualis, vndecumque nascantur, ad iugum suaue filiorum Dei sine merito peruenire?] & item in eodem libro, Cur

putamus ab eius operibus abhorrere, quòd ab origine vitiata damnabiles illo creante nascuntur, qui creator est omnium, & per mediatorem regenerati à damnatione liberantur debita, sed gratuita miseratione non debita. quos elegit ante constitutionem mundi per electionem gratiæ, non ex operibus, vel præteritis, vel præsentibus, vel futuris? alioquin gratia iam non est gratia.] Hæc omnia exempla intueatur lector, si adstipulentur Capitulo à nobis excerpto, in quo scriptum est, *Homo libero arbitrio malè utens peccavit & cecidit, & factus est massa perditionis totius humani generis. Deus autem bonus & iustus elegit ex eadem massa perditionis secundum præscientiam suam, quos per gratiam prædestinavit ad vitam, & vitam illis prædestinavit æternam. ceteros autem, quos iustitiæ iudicio in massa perditionis reliquit, perituros præscivit, sed non ut perirent prædestinavit: pœnam autem illis, quia iustus est, prædestinavit æternam.*

CAPUT XVII.

De eo quòd Gothescalcus exemplum libri beati Augustini, quem sui complices eiusdem esse auctoris denegant, ad suam confirmandam sententiam posuit, & de aliis sanctorum sententiis ad statum Capituli à nobis excerpti propositis.

DENIQUE Gothescalcus de libro Hypomnesticon Augustini inter cetera ad confirmandam sententiam suam, quia sint reprobi à Deo prædestinati ad pœnam, hoc ponit exemplum dicens de Iuda, Si talis, inquit beatus Augustinus, factus esset, inculpabilis esset, & Dei opificio reputaretur, non Iudæ. Iniuste etiam in eo prælata damnatio esset. Item Petrus, *Quibus iudicium* ^{2. Pet. 2. 3.} ^{Iudæ 4.} *iam olim non cessat, & perditio eorum non dormitat.* Et Iudas, *Subintroyerunt quidam homines, qui olim præscripti sunt in hoc iudicium impij.* Cuius cæcitas non tantum admiranda quantum demonstranda videtur. quia derelictis manifestissimis talibus tantisque exemplis, quæ ex eodem libro posuimus, hæc tantum tria exempla decurtavit, & ad sensum suum impudenter inflexit. Nam loquens in eodem libro beatus Augustinus de prædestinatione electorum, & relictione reproborum, ita dicit, Diximus namque de damnabili humani generis massa Deum præscisse, misericordia non meritis, quos & electione gratiæ prædestinavit ad vitam. ceteros verò, qui iudicio iustitiæ eius ab hac gratia efficiuntur expertes, præscisse tantum vitio proprio perituros, non ut perirent prædestinasse.] & post paululum, His pœnam prædestinatam esse ritè fatemur. Quod ut probare valeamus, solum reor ad exemplum sufficere Iudam. Hunc enim Deus cum præscisset in vitiis propriæ voluntatis pessimum fore, id est electione discipulatus sui bene à Christo conferenda malè vsurum,

Hypomnesticon lib. vi. sub medium.

& auaritia ardentem pretio Iudæis Dominum traditurum, pœnam ei prædestinavit ex merito.] Quod cum exemplis scripturarum satissimè confirmaret, ad hunc locum peruenit, quem Gothescalcus truncatum vsurpare non timuit. Vbi ergo, inquit beatus Augustinus, commemoratio operum eius malorum à sancto fit Spiritu in psalmis, priusquam esset præscitus est non factus, quod talis aduersus filium Dei futurus esset. Si enim talis factus esset, inculpabilis esset, & Dei opificio reputaretur, non Iudæ. Iniuste etiam in eum prælata damnatio esset. Sed absit hoc à summè bono iudice auctore omnium bonorum Deo, damnatore verò cunctorum malorum, qui malum Iudæ, ut prædixi, præsciuit non fecit, & tamen in quibus præsciuit, iudicio iusto tradens eum in reprobum sensum, ut impleret permisit, & ideo permisit, quia per Spiritum sanctum eum periturum antè prædixit.] & post paululum, Talis ergo periturorum omnium causa est, licet culpa sit à culpa dissimilis. Verum autem esse quod diximus, licet plenè sit disputatum, id est, perituris pœnam esse prædestinatam, audi Petrum Apostolum, cum futuros esse pseudoprophetas, & magistros mendaces, & apostatas in Ecclesia dicit, sicut fuerunt in populo veteri, *quibus iudicium*, inquit, *iam olim non cessat, & perditio eorum non dormitat.* Item Iudas Apostolus, *Subintroierunt*, ait, *quidam homines, qui olim præscripti sunt in hoc iudicium impij, gratiam Domini nostri Iesu Christi transferentes in luxuriam, & solum Deum auctorem & Dominum Iesum Christum negantes.* Et Dominus in Evangelio peccatoribus, *Ite in ignem æternum, quem parauit pater meus diabolo & angelis eius.* prædestinatis autem, *Venite benedicti patris mei, percipite regnum paratum vobis ab origine mundi, id est prædestinatum.*

2. Pet. 2. 3.

Iudæ 4.

Matt. 25.
41. 34.

Hinc quoque nihil contra eundem Gothescalcum loqui censuimus, cum satis apertissimè sanctus Augustinus pro se contra eum loquatur. Cuius sensui & verbis de regno sanctis prædestinato, & de pœnis reprobis præparatis, sanctus Ioannes Constantinopolitanus, vno spiritu, vno animo, vnoque ore concordat in libro de Reparatione lapsi, sicut supra posuimus. qui ex Evangelica veritate demonstrat regni cælorum gloriam propter homines, gehennam quoque factam propter diabolum. Sed & de Iudæ in eodem libro idem sanctus Ioannes ita dicit, Propterea denique inquit & Iudæ inimicus hinc rapuit, ne fortè, quia sciebat quod esset reditus ad salutem, lapsum suum pœnitentia reformaret. Ego enim, etiamsi mirum videtur esse quod dico, ne illud quidem Iudæ peccatum dixerim vires excedere pœnitentiæ potuisse.] Vnde & sanctus Ambrosius, cum exponeret versum Psalmi CXVIII. *Posuerunt peccatores laqueum mihi,* ait, Ac ne mediocrem hunc laqueum putes, hic laqueus Iudæ Apostolum strangulauit. cui miser cum esset inlaqueatus, ut proderet Dominum, vbi aduertit quantum sceleris esset admissum, laqueo pro-

Psalm. 118.
110.

se ipse suspendit. Sed & ipse laqueus diaboli fuit, ut non ageret pœnitentiam, sed laqueo se suffocaret. Deus enim etiam in ipsos pius est proditores, ut ad pœnitentiam prouocentur, atque à flagitioso proposito reflectantur, & resipiscant à diaboli laqueis, à quo capti tenentur ad ipsius voluntatem. Iam non ærumna est incidisse, sed crimen. qui non solum se dederunt capiendos, sed etiam ad voluntatem diaboli tenentur adstricti, cum possint dicere, *Disrumpamus vincula eorum*. Dedit enim tibi scriptura diuina, ut non solum caueas diaboli laqueum, sed etiam per pœnitentiam eius vincula disrumpas.]

Quantum namque Deus pœnitentiam omnis peccatoris acceptet & diligat, qui non vult mortem peccatoris, sed ut conuertatur & viuat, & in Euangelicis, & in Apostolicis, & in Prophetis scripturis ipse demonstrat. Videns enim ciuitatem peccatricem fleuit super illam dicens, *quia si cognouisses & tu. subauditur, pœnitentiæ lacrymis fleres. quia gaudium est super vno peccatore pœnitentiam agente, quæ multoties prædicatur, ut Pœnitentiam agite, adpropinquauit enim regnum celorum*. Et in Euangelio Marci, *Venit Iesus in Galileam prædicans Euangelium regni Dei, & dicens, quoniam impletum est tempus, & adpropinquauit regnum Dei, pœnitementi & credite Euangelio*. Et Ioannes Baptista, *Facite fructus dignos pœnitentiæ*. Et Petrus, *Pœnitementi & conuertimini ut deleantur vestra peccata*. Et item Scriptura, *Misereris omnium Domine, & nihil odisti eorum quæ fecisti, dissimulans peccata hominum propter pœnitentiam*. Quam qui agere fugit, non Dei prædestinatione perit, sed ipse in perditionem se ipsum dimergit. Domino attestante in Euangelio Lucæ, *Cum ei nuntiatum esset à quibusdam de Galilæis, quorum sanguinem Pilatus miscuit cum sacrificiis eorum*. quibus respondens dixit, *Putatis quod hi Galilæi præ omnibus Galilæis peccatores fuerunt, quia talia passi sunt? Non, dico vobis. sed nisi pœnitentiam habueritis, omnes similiter peribitis. Sicut & illi xviii. supra quos cecidit turris in Siloa, & occidit eos, putatis quia & ipsi debitores fuerunt præter omnes homines habitantes in Hierusalem? Non, dico vobis. sed si non pœnitentiam egeritis, omnes similiter peribitis*. Vnde Beda, Et isti Hierosolymitæ, quemadmodum & illi Galilæi, non soli fuerunt peccatores: sed in terrorem sunt reliquorum puniti. qui ruina turris oppressi prænuntiant omnes qui pœnitere noluerunt perituros. Quales plangit Paulus dicens, *Vt lugeam multos ex his qui antè peccauerunt, & non egerunt pœnitentiam*. & de qualibus Dominus dicit, *Vocaui, dicens pœnitentiam agite, & renuistis. extendi manum meam, & non fuit qui aspiceret. Despexistis omne consilium meum, & increpationes meas neglexistis*. Propterea prædestinatum tales puniet iudicium de quo ibidem subsequitur, *Ego quoque in interitu vestro ridebo, & subsannabo, cum vobis quod timebatis aduenerit: cum irruerit repentina calamitas, & iudicium vel damnatio quasi tempestas ingruerit. cum venerit super vos tribulatio*

Luc. 19. 42

Matt. 3. 1.

Marc. 1. 14.

Luc. 3. 8.

Sap. 11. 25.
24.Luc. 13. 1. 2.
3. 4.2. Cor. 12.
11.

Prou. 1. 24.

Prou. 1. 26.
27.

Rom. 2. 4.
&c.

& angustia. Quales alloquitur Paulus, *An diuitias bonitatis Dei & patientiae contemnis? ignoras quoniam bonitas eius ad poenitentiam te adducit? tu autem secundum duritiam tuam & cor impoenitens, thesaurizas tibi iram in die ira & reuelationis iusti iudicii Dei, qui reddet unicuique secundum opera sua. his quidem qui secundum patientiam boni operis, gloriam & honorem, & incorruptionem quaerunt, vitam aeternam: his vero qui sunt ex contentione, & qui non adquiescunt veritati, credunt autem iniquitati, ira & indignatio, & angustia super omnem animam hominis operantis malum.* De quibus

Psal. 16. 11.

Psalmista, *Statuerunt oculos suos declinare in terram, & ecce qui elongant se à te, Domine, peribunt. & perdidisti omnes qui fornicantur abs te.*

Psal. 71. 27.

Quos inuitat Dominus dicens, *Audi populus meus & contestabor te Israel, si audieris me. Non erit in te Deus recens, neque adorabis Deum alienum. Ego enim sum Dominus Deus tuus. & de quibus iterum conqueritur dicens,*

Psal. 80. 9.

Et non audiuit populus meus vocem meam, & Israel non intendit mihi. Ideo dimisi eos secundum desideria cordis eorum. ibunt in adinventionibus suis. Si populus meus audisset me, Israel si in viis meis ambulasset. pro nihilo forsitan inimicos eorum humiliassem, & super tribulantes eos misissem manum meam. Inimici Domini mentiti sunt ei, & erit tempus eorum in saecula. Quos adhuc in singulari persona Euangelium Lucae hortatur dicens,

Luc. 12. 58.

Cum autem vadis cum aduersario tuo ad principem in via, da operam liberari ab illo, ne forte tradat te apud iudicem, & iudex tradat te exactori, & exactor mittat in carcerem. Aduersarius noster, inquit Beda, in via est sermo Dei contrarius nostris carnalibus desideriis in praesenti vita: à quo ipse liberatur qui praecipis eius humiliter subditur. Alioquin aduersarius iudici, & iudex tradet exactori. quia ex sermone Domini contempto reus peccator tenebitur in examine iudicis. quem iudex exactori tradet, quia hunc maligno spiritui ad ultionem trahere permittet, ut compulsam animam ipse ad poenam de corpore exigat, quae ei ad culpam sponte consensit. Exactor mittit in carcerem, quia per malignum spiritum in inferno retruditur, quousque dies iudicii veniat, ex quo iam in inferni ignibus simul & ipse crucietur. Dico tibi, Non exies inde donec etiam nouissimum minutum reddas, id est, donec etiam minima peccata persoluas. quae quia semper soluere poenas patiundo, sed nunquam persolvere veniam consequendo poteris, neque enim ibi veniae locus erit, nunquam exies inde, ubi perpetuas operum poenas lues, scilicet praedestinato iudicio ex retributione iustitiae.

Et quia plus sensu pertinacibus quam viuacibus, & potius curiosis quam studiosis cogimur respondere, dicamus illis quod sanctus Augustinus in libro de Praedestinatione sanctorum suis respondit derogatoribus. Multa, inquit, diximus, & fortasse iam dudum potuimus persuadere quae volumus, & adhuc tam bonis ingeniis sic loquimur quasi obtusis, quibus & quod nimium est, non est satis. Sed dent veniam. noua enim quaestio ad hoc nos compulit. Vnde

& exploſor, immo quicumque fuerint de ſchola Gotheſcalci moderni Prædeſtinatiani, quia audierunt quæ beatus Auguſtinus & ſanctus Proſper ſcripſerant contra Gallos, accipiant quæ idem beatus Auguſtinus ſcripſerat contra Africanos Prædeſtinatianos in libro de Correptione & Gratia, de quo ſanctus Proſper ad beatum Auguſtinum dicit, in epiſtola pro huiusmodi negotio ad illum directâ, Euenit, inquit, ex diſpoſitione miſericordiæ Dei, vt cùm quidam intra Africam ſimilia mouiſſent, videlicet ſicut ipſe præſcripſit, his qui in Maſſilienſi vrbe conſiſtunt, librum de Correptione & Gratia plenum diuinæ auctoritatis emitteres. De quo, ſicut & de aliis libris quos commemorauimus, conuenientius eſt ad reuincendos errores exempla ponere, per quos voluit ipſe eoſdem errores reuincere, quàm de illis, quos in libris iſtis ſtudiuit ſicut eſt certum corrigere. Nos in præſcripto Capitulo, ſicut ſuprà taxatum eſt, diximus, *Deus bonus & iuſtus elegit ex eadem maſſa perditionis ſecundum præſcientiam ſuam quos per gratiam prædeſtinauit ad vitam, & vitam illis prædeſtinauit æternam: ceteros autem, quos iuſto iudicio in maſſa perditionis reliquit, perituros præſciuit, ſed non vt perirent prædeſtinauit, pœnam autem illis quia iuſtus eſt prædeſtinauit æternam.* & beatus Auguſtinus in memorato libro de Cor-
reptione & Gratia, Qui verò, inquit, perfeueraturi non ſunt, ac ſic à fide Chriſtiana & conuerſatione lapſuri ſunt, vt tales eos vitæ huius finis inueniat, proculdubio nec illo tempore quo bene pièque viuunt in prædeſtinatorum numero computandi ſunt. Non enim ſunt à maſſa illa perditionis præſcientia Dei & prædeſtinatione diſcreti.] & item, Nec nos moueat, quòd filiis ſuis quibuſdam
Deus non dat iſtam perfeuerantiam. Abſit enim vt ita eſſet, ſi de illis prædeſtinatis eſſent, & ſecundum propoſitum vocatis, qui verè ſunt filij promiſſionis. Nam iſti cùm piè viuunt dicuntur filij Dei: ſed quoniam victuri ſunt impiè, & in eadem impietate morituri, non eos dicit filios Dei præſcientia Dei.] Atten-
de quare non dixit hîc, ſicut dicunt Prædeſtinatiani, ad interitum prædeſtinatio Dei: ſed dixit de electis loquens prædeſtinationem, de reprobis autem præſcientiam. & poſt pauca, Qui verè filij ſunt, præſciti & prædeſtinati ſunt conformes imaginis filij eius, & ſecundum propoſitum vocati ſunt vt electi eſſent. Non enim perit filius promiſſionis, ſed filius perditionis. Fuerunt ergo iſti ex multitudine vocatorum, ex electorum autem paucitate non fuerunt. Non igitur filiis ſuis prædeſtinatis Deus perfeuerantiam non dedit. Haberent enim eam, ſi in eo filiorum numero eſſent. Ipſi ſunt prædeſtinati, illi prædeſtinati & ſecundum propoſitum vocati, quorum nullus perit.] & item, Et iam in illa prædeſtinatione filij ſunt eius.] & poſt aliquanta, Quos antè præſciuit & prædeſtinauit conformes imaginis filij eius: quos autem prædeſtinauit, illos & vocauit: quos autem vocauit, illos & iuſtificauit: quos autem iuſtificauit, ipſos & glorificauit. illa

omnia iam facta sunt, præsciuit, prædestinavit, vocavit, iustificavit. quoniam & omnes iam præsciti ac prædestinati sunt, & multi iam vocati atque iustificati. Quod autem posuit in fine, *illos & glorificavit*, siquidem illa gloria est hîc intelligenda, de qua idem dicit, *Cum Christus apparuerit vita vestra, tunc & vos apparebitis cum ipso in gloria*, nondum factum est. Quamvis & illa duo, id est, *vocavit & iustificavit*, non in omnibus facta sint, de quibus dicta sunt: adhuc enim usque in finem sæculi multi vocandi & iustificandi sunt. & tamen verba præteriti temporis posuit de rebus etiam futuris, tanquam iam fecerit Deus, quæ iam ut fierent ex æternitate disposuit. Ideo de illo dicit & Propheta Esaias, *Qui fecit quæ futura sunt*. Quicumque ergo in Dei providentissima dispositione præsciti, prædestinati, iustificati, & glorificati sunt, non dico etiam nondum renati, sed etiam nondum nati, iam filij Dei sunt, & omnino perire non possunt.] & post aliquanta, Si enim secundum propositum vocatus est iste, proculdubio illi etiam quod corripitur Deus cooperatur in bonum. Vtrum autem ista sit vocatio, quoniam qui corripit nescit, faciat ipse cum caritate quod scit esse faciendum. Scit enim tali corripiendo facturum Deum aut misericordiam aut iudicium. misericordiam quidem, si à massa perditionis ille qui corripitur gratiæ largitate discretus est, & non est inter vasa iræ, quæ perfecta sunt in perditionem, sed inter vasa misericordiæ, quæ præparavit in gloriam.]

Vnde & idem beatus Augustinus in libro de Prædestinatione gratiæ dicit, Ab illo ergo, qui æternus & præscius, qui & iustus & pius est, qui & exerit debitam severitatem, & exhibet indebitam pietatem, & habet in creandis atque eligendis hominibus, sicut in luto figulus, potestatem, facta sunt alia quidem vasa in honorem, alia vero in contumeliam. Antequam faceret præsciuit nos, & in ipsa nos præscientia cum nondum fecisset elegit. Sed à quo hoc fieri potuit, nisi ab eo qui vocat ea quæ non sunt, tanquam ea quæ sunt? Apostolus enim dicit, *Qui elegit nos ante mundi constitutionem*. Intra mundum facti sumus, & ante mundum electi sumus. atque ita vno eodemque, nec transeunte, nec futuro, sed continuo tempore, vel si quo alio modo dici potest, sed tamen potest, apud Deum est, & præscire, & facere, & eligere, & præscientia sua incommutabiliter permanente eligere faciendos, quos facturum fuerat eligendos.] & item idem in eodem libro, Hanc itaque diuinam electionem, non meritis reddi, sed sola voluntatis munificentia donari hominibus, Moyses cum iam tunc quamvis carnalem populum doceret ostendit. Sic enim in Deuteronomio dicit ad populum, *Ecce domini Dei tui celum, & celum cali, terra & omnia quæ sunt in ea. Verumtamen patres vestros elegit Dominus diligere eos, qui elegit semen eorum post ipsos, vos præ omnibus gentibus.* & adiecit, *Circumcidimini ergo à durtia cordis vestri, & cervicem vestram ne induretis amplius.* Sed hanc in

Coloss. 3. 4.

Cap. 10.

Cap. 3.

Ephes. 1. 4.

Cap. 16.

Deut. 10.
14.Deut. 10.
16.

eis mansisse duritiam cordis, sicut suprà iam dixi, beatus Stephanus cum Iudæos increpat ostendit. In Actibus enim Apostolorum ipse sic dicit, *Dura ceruice & incircumcisi corde & auribus, vos semper Spiritui sancto resististis.* Vnde dura ceruix in eo populo, qui ex mundo electus est?] & post aliquanta, Cum illo scilicet Apostolo quando de talibus quæritur admiremur, & manente sententia quòd non sit iniquitas apud Deum, si quid illud modum nostri sensus excesserit, & intellectus nostri non dignatur angustias, in illa iustitiæ, misericordiæ, præscientiæque diuinæ plenitudine permanere inconcussa æquitate fateamur.] & item aliquanto superius, Elegit vasa quæ faceret in honorem, & illos à ventura ira dono gratitiæ vocationis absoluit, alios derelinquens ad æqualitatis iudicium reseruauit. nulli tamen agnoscendæ veritatis abstulit facultatem. Et ita plenitudo diuinæ præscientiæ in alios manente iustitia, in alios gratia profluente completa est.] Item beatus Augustinus in libro de Correctione & Gratia, Ipse igitur eos facit perseuerare in bono, qui facit bonos: qui autem cadunt & pereunt, in prædestinatorum numero non fuerunt.]

Act. 7. 51.

Cap. 13.

Cap. 12.

Audiat cum schola sua Gothescalcus princeps narratorum, & huius iniquæ fabulationis resuscitator, quid dicat sanctus Augustinus. In prædestinatorum numero non fuerunt. Si vellet & debuisset, conuenienter dicere potuisset, Qui autem cadunt & pereunt, ad interitum prædestinati fuerunt, & ideo ceciderunt & perierunt. Et item sanctus Augustinus in præfato libro ad locum, Hæc de his loquor qui prædestinati sunt ad regnum Dei, quorum ita certus est numerus, vt nec addatur eis quisquam, nec minuatur ex eis: non de his qui, cum adnuntiasset & locutus esset, multiplicati sunt super numerum.] & item in eodem libro, Hi verò qui non pertinent ad hunc prædestinatorum numerum, quos Dei gratia, siue nondum habentes vllum liberum suæ voluntatis arbitrium, siue cum arbitrio voluntatis, ideo verò libero quia per ipsam gratiam liberato, perducit ad regnum, hi ergo, qui non pertinent ad istum certissimum & electissimum numerum, pro meritis iustissime iudicantur.] & item, Si is qui corripitur ad prædestinatorum numerum pertinet, sit ei correptio salubre medicamentum: si autem non pertinet, sit ei correptio pœnale tormentum.] & item, Nobis quidem tunc, id est, quando euangelizamus, incipit esse quisque filius pacis cum obdierit huic Euangelio, & ex fide iustificatus pacem ad Deum habere cœperit: secundum prædestinationem autem Dei, iam filius pacis erat. Neque enim dictum est, super quem requieuerit pax vestra, fiet filius pacis: sed *ubi fuerit, inquit, filius pacis, requiescet super illam domum pax vestra.*] & item, Proinde quantum ad nos pertinet, qui prædestinatos à non prædestinatis discernere non valemus.] Et hîc attendendum, quare non dixit sanctus Augustinus, qui prædestinatos

Cap. 17.

Ibid.

Ibid.

Cap. 15.

Luc. 10. 6.

ad vitam à prædestinatis ad interitum discernere non valemus. Et quod iam posuimus ex libro de Bonò perseuerantiæ, Deus donat perseuerantiam vsque in finem. Hæc Deus facturum se esse præsciuit. ipsa est prædestinatio sanctorum, quos elegit in Christo ante constitutionem mundi, vt essent sancti & immaculati in conspectu eius in caritate, prædestinans eos in adoptionem filiorum per Iesum Christum.] & item, Illud tamen fidelibus debet esse certissimum, hunc esse ex prædestinatis, illum non esse.]

Et Cassiodorus in Psalmum XIV. Reuera, inquit, ipsi restituta est hereditas, cui ante conditionem rerum fuerat in prædestinatione conlata.] & item, Hereditas Christi est prædestinata multitudo sanctorum.] Et in Psalmo XLIX. Memento quòd per has allusiones prædestinatorum numerum significat, non de sola Synagoga Iudæorum, sed de cunctis gentibus esse completum.] Et in Psalmo LXXVII. *Paraſti in dulcedine tua pauperi Deus.* Paraſti, significat prædestinatos, qui ab origine mundi ipso miserante præparati sunt.] Et in Psalmo LXXXVIII. *Exaltetur dextera tua.* Clarificetur numerus prædestinatorum, qui est ad dexteram collocandus.] Et in Psalm. XC. Non enim possunt à latere Domini vel à dextris eius cadere, qui iam in beatorum numero prædestinati esse noscuntur. Sed hoc de præsumptoribus bene dicitur, qui illud se consequi credunt quod minimè promerentur.] Et in Psalmo XCI. Dum plantatio dicitur prædestinatio Domini significatur. quia nisi quis in ea plantatus fuerit, clementum felicissimum non habebit.] Et in Psalmo XCV. Domus enim ista, id est vniuersalis Ecclesia, qua Christus inhabitat, viuis lapidibus semper exstruitur, quia quotidie de confitentibus ædificationis sumit augmentum, nec ædificari desinit, donec vsque ad finem sæculi prædestinatorum numerus impleatur.] Et in Psalmo CIII. *Et cedri Libani quas plantaſti.* id est quæ tua prædestinatione sunt in religionis amœnissimo paradiso constitutæ.] & item in eodem, Omnis iustus cùm Dei Ecclesiam cupit augeri, peccatores optat sine dubitatione conuerſi. maximè cùm nouerit desiderabilem aduentum Domini vsque ad prædestinatorum numerum posse suspendi.] Et in Psalmo CXVIII. Non incongruè Ecclesiam catholicam, quæ adhuc in isto mundo geritur, quatuor cardines mundi indicare noscuntur, quando adhuc imperfecta est, donec prædestinatorum numerum competenter adquirat.] Et in Psalmo CXLIII. Reputas eum, vtique in ouibus tuis in numero prædestinatorum.] His sententiis sanctorum doctorum animaduerti potest, quia non prædestinatione Dei quisquam perit, nec Iudas periit, nec etiam ipse Antichristus maximus periet: sed infidelitate & perseueranti iniquitate pereunt quicumque pereunt. quia Deus neminem deserit antequam deferatur. Præsciuit tamen Deus ante omnia sæcula, sicut & Iudam, omnes perituros quicumque pereunt, vel perituri sunt, iuxta quod scriptum est, *Sciebat enim*

Iesus qui essent non credentes, & quis traditurus esset eum.

Et quoniam sanctus Augustinus plura locutus est de certo prædestinatorum numero, ne quisquam malè sicut diabolus scripturas interpretans, dicat quia certus est numerus prædestinatorum, & qui pereunt in prædestinatorum numero non fuerunt: & qui prædestinati ad vitam sunt, quicquid faciant, quamlibet negligentès viuant, perire non possunt, hoc enim & veteres Prædestinatiani dixerunt, audiant eundem B. Augustinum contra suos obrectatores in Hypomnesticon libro dicentem, Credere nos quippe vel prædicare fugilatis, quia cum lege Dei & Prophetis, cum Euangelio Christi eiusque Apostolis, prædestinationem dicimus, eo quod Deus quosdam hominum sic prædestinet ad vitam regni cælorum, ut si nolint orare & ieiunare, aut in omni opere diuino vigiles esse, eos omnino perire non posse, nec prorsus debere suū esse sollicitos, quos Deus quia voluit semel iam eligendos prædestinauit ad vitam: quosdam verò sic prædestinet in pœnam gehennæ, ut etiamsi credere velint, si ieiuniis & orationibus, omnique voluntati diuinæ se subiecerint, in eis Deum non delectari, vitam illis æternam in toto dari non posse, sic electione prædestinatos esse ut pereant: Deum nos taliter operantem personarum esse dicere acceptorem. Non miramur vos de nobis, id est, homines de hominibus falsa posse confingere: cum videamus vos sic à diabolo esse fascinosos, ut scripturas sanctas & veridicas ad voluntatis vestræ intellectum mutare nitamini, fidem Christi Apostolorum prædicatione fundatam euertere, falsum dogma vestrum antepone veritati. Hinc est utique, ut non possitis agnoscere veritatem. Immo hinc est, ut corrupti & abominabiles facti sitis in voluntatibus vestris.]

Lib. 1. in
principio.

Et item ad locum, Velut nobis calumniam obicitis, quod operari bona, & oportere esse in Dei proposito sollicitos prohibeamus. Quin potius qui se dono gratiæ ad Dei misericordiam sentiunt pertinere, hortamur oportere incumbere orationibus, obsecrationibus, ieiuniis, vigiliis, omnique operi voluntatis diuinæ. Prædestinatis enim dicitur Apostolis, cum tamen generale sit quod illis dicitur à Christo, prædestinato secundum carnem ex semine David, prædestinante autem secundum potentiam Dei Patris cum Patre & Spiritu sancto, *Vigilate & orate, ut non intretis in tentationem.* Item, *Vigilate in omni tempore orantes, ut digni habeamini fugere ista omnia quæ futura sunt, & stare ante filium hominis.* Item, *Contendite intrare per angustam portam.* Item, *Vos amici mei estis, si feceritis quæ præcipio vobis.* & multa alia, quæ longum est enarrare. Sed ut superius memoravi, qui eis dixit, sine me nihil potestis facere, per ipsum quæ iubentur facere possunt. Huiusmodi in Christo esse electos Dei ait Apostolus, *In quo prædestinati secundum propositum eius qui omnia operatur.* Intellige dictum qui omnia operatur, & crede esse opus Dei opera eorum

Sub finem
libri 6.

Matt. 26.

41.

Luc. 21. 36.

Luc 13. 24.

Ioan. 15. 24.

Ephes. 1. 11.

qui ambulant secundum propositum Dei. Qui verò absque prædestinationis gratia sunt, id est, alieni à proposito Dei, & perdurant in operibus malis, si sic etiam ex hac vita migrauerint, non eos dicimus, ut vos putatis, ita à Deo hominum opifice ordinatos ut perirent, tanquam ipse illis mores malæ vitæ creauerit, ipse ad omne opus mortis inuitos præcipitauerit. Absit hoc à diuino proposito. Non enim volens iniquitatem est Deus, nec mandauit cuiquam impiè agere, nec alicui dedit laxamentum peccandi. Fecit enim ut essent omnia, & sanabiles nationes orbis terrarum. Inuidia autem diaboli mors introiuit in orbem terrarum. Imitantur ergo illum qui sunt ex parte illius. Nec dicimus, ut fingitis, & si credere velint, vel bonis operibus Dei vacare, Deum illis hoc nolle præstare, cum eiusmodi velle Dei sit donum. Si ergo ex Deo est quod volunt, vult Deus perfectum fieri quod donauit. Si autem ex Deo non est, sed est de iactantia propriæ voluntatis, qua se meritis Deum æstimant promereri, manifestè quod volunt capere non possunt, quia *non* *volentis*, inquit Apostolus, *neque currentis, sed misereantis est Dei*. Et quia non potest homo à se facere quicquam, nisi datum illi fuerit desuper, non hoc agit Deus summè bonus malitia, sed iustitia: nec personarum acceptione, sed causarum secretarum discretionem.]

Rom. 9. 16.

Cap. 22.

Et item idem in libro de Bono perseverantiæ, Vos, inquit, etiam ipsam obediendi perseverantiam à patre luminum, à quo descendit omne datum optimum, & omne donum perfectum, sperare debetis, & cotidianis orationibus poscere, atque hoc faciendo confidere, non vos esse à prædestinatione populi eius alienos, quia etiam hoc ut faciatis ipse largitur. Absit autem à vobis, ideo desperare de vobis, quoniam spem vestram in ipso habere iubemini, non in vobis. Maledictus enim omnis qui spem habet in homine. & bonum est confidere in Domino, quam confidere in homine, quia beati omnes qui confidunt in eum. Hanc spem tenentes, seruite Domino in timore, & exultate ei cum tremore. quoniam de vita æterna, quam filiis promissionis promisit non mendax Deus ante tempora æterna, nemo potest esse securus, nisi cum consummata fuerit ista vita, quæ tentatio est super terram. Sed faciat nos sperare in se usque in huius vitæ finem, cui cotidie dicimus, ne nos inferas in tentationem.] & item post aliquanta, Attendant ergo quomodo fallantur qui putant esse à nobis, non dari nobis, ut petamus, quæramus, pulsemus. & hoc esse dicunt quod gratia præceditur merito nostro, ut sequatur illa cum accipimus petentes, & inuenimus quærentes, aperiturque pulsantibus. Nec volunt intelligere, etiam hoc diuini esse muneris, ut oremus, hoc est, petamus, quæramus, atque pulsemus. Accepimus enim spiritum adoptionis filiorum, in quo clamamus Abba pater. Quod vidit & beatus Ambrosius. Ait enim, Et orare Deum gratia spiritalis est, sicut scriptum est,

Cap. 23.

est,

est, *Nemo dicit Dominus Iesus nisi in Spiritu sancto.* Hæc igitur, quæ poscit à Domino, & semper ex quo esse cœpit poposcit Ecclesia, ita Deus vocatis suis daturum se esse præsciuit, ut in ipsa prædestinatione iam dederit. Quod Apostolus sine ambiguitate declarat. Scribens quippe ad Timotheum, *Conlabora, inquit, Euangelio secundum virtutem Dei saluos nos facientis, & vocantis vocatione sua sancta, non secundum opera nostra, sed secundum suum propositum & gratiam quæ data est nobis in Christo Iesu ante tempora æterna, manifestata autem sunt nunc per aduentum saluatoris nostri Iesu Christi.* Et item hinc idem in libro de Correctione & Gratia.

2. Tim. 1. 8.

CAPVT XVIII.

De certo numero Prædestinatorum.

CERTVM verò esse numerum electorum, neque augendum, neque minuendum, quamuis & Ioan. Baptista significet, ubi dicit, *Facite ergo dignum fructum pœnitentiæ, & nolite dicere apud vosmetipsos, patrem habemus Abraham.* Potens est enim Deus de lapidibus istis suscitare filios Abrahamæ. ut ostendat sic esse istos amputandos si non fecerint fructum, ut non desit numerus qui promissus est Abrahamæ. Tamen apertius in Apocalypsi dicitur, *Tene quod habes, ne alius accipiat coronam tuam.* Si enim alius non est accepturus nisi iste perdiderit, certus est numerus electorum. Quod autem etiam perseueraturis sanctis sic ista dicuntur, quasi eos perseueraturos habeatur incertum, non aliter hæc audire debent quibus expedit non altum sapere sed timere. Quis enim ex multitudine fidelium, quamdiu in hac mortalitate viuitur, in numero prædestinatorum se esse præsumat? Quia id occultari opus est in hoc loco, ubi sic cauenda est elatio, ut etiam per Satanæ angelum, ne extolleretur, colaphizaretur tantus Apostolus. Hinc Apostolis dicebatur, *Si manseritis in me,* dicente illo, qui eos utique sciebat esse mansuros, & per Prophetam, *Si volueritis & obaudieritis me,* cum sciret ipse in quibus operaretur & velle. & similia multa dicuntur.] Hæc sententia sæpius reuoluenda & firmiter retinenda est, contra eos qui dicunt, quicquid facit prædestinatus ad vitam, ad regnum perueniet sempiternum: & quicquid etiam faciet prædestinatus ad interitum, in mortem ibit æternam. Quod dixerunt & æmuli sancti Augustini, sicut Prosper in obiectionibus calumniatorum, quas orthodoxè dissoluit, manifestè demonstrat, & nos pro nostra mediocritate commemorauimus. Vnde etiam in epistolis, quas ad beatum Augustinum direxerant, iidem Prosper & Hilarius Arelatensis conquesti fuerant, ad quæ hæc beatus Augustinus rescripserat. Et item ad locum in eodem libro dicit, Numerus ergo sanctorum per Dei gratiam Dei regno prædestinatus, donata sibi usque in finem

De Correctione & Gratia. Matt. 3. 8.

Apoc. 3.

ibid.

perseuerantia, illuc integer perducetur, & illic integerrimus iam sine fine beatissimus seruabitur, adhærente sibi misericordia saluatoris sui, siue cum conuertuntur, siue cum præliantur, siue cum coronantur. Nam & tunc esse illis Dei misericordiam necessariam sancta scriptura testatur, ubi sanctus de Domino Deo suo dicit animæ suæ, *Qui coronat te in miseratione & misericordia.*] Sed & tunc pro bonorum operum meritis, iusto iudicio etiam misericordia tribuetur. Quod vidit beatus Gregorius, primæ & sanctæ Sedis Romanæ ornatus præcipuus, dicens in libro primo Dialogorum, Quæ perennis, inquit, regni prædestinatio ita est ab omnipotente Deo disposita, ut ad hoc electi ex labore perueniant: quatenus postulando mereantur accipere, quod eis omnipotens Deus ante sæcula disposuit donare.] Vnde & sicut in gestis Romanorum Pontificum legitur, arcanis sacramentorum cælestium augmentare curauit, Vt dies nostros in sua pace disponat, atque ab æterna damnatione nos eripi, & electorum suorum iubeat grege numerari, per Christum Dominum nostrum prædestinatorum & electorum caput, Deus & pater eiusdem Domini nostri Iesu Christi, ad quem sacri canones preces ad altare dicendas à sacerdotibus fundi iubent, per eundem filium suum Dominum nostrum, cui cum eo in vnitæte Spiritus sancti est gloria, virtus, & imperium per omnia sæcula sæculorum. Amen.

CAPVT XIX.

Qualiter vna Dei prædestinatio gemina fideliter possit dici, unde Gothescalcus cum sua synagoga peccantium, prauè sentiendo atque interpretando, anxie ac perniciosè laborat.

LABORAT nihilominus Gothescalci complexio, ut sic geminam prædestinationem ostendat, quatenus sicut electi à Deo prædestinantur ad vitam, ita reprobi à Deo prædestinentur ad mortem. Cui nunc hoc modo sensibus & verbis catholicorū Patrum respondere censuimus. B. Gregorius in libro xx. Moralium, Dicitur inquit Deus zelans, dicitur iratus, dicitur pœnitens, dicitur misericors, dicitur præscius, dum nec zelus, nec ira, nec pœnitentia, nec propriè misericordia, nec præscientia esse possit in Deo. Hæc namque omnia ab humanis in illum qualitatibus tracta sunt. In illo enim nec præterita, nec futura reperiri queunt, sed cuncta mutabilia immutabiliter durant, & quæ in seipsis simul existere non possunt, illi simul omnia adsistunt. Nam dum circa nos quædam prospera & aduersa variantur, in eo quod nos mutamur, quasi eius circa nos mutatum animum suspicamur. Ipse verò in se incommutabilis permanens aliter atque aliter in cogitatione sentitur hominum pro qualitate meritorum.] Qua de re, quantum ad proprietatem nominum, & diui-

nam spectat essentiam, sicut beati Gregorij verbis ostendimus, præscientiam in Deo, cui non est aliud esse & aliud scire, sed hoc est sapere quod esse, cuique nihil præterit acciditque futurum, sed semper esse in illo est, apud quem non est transmutatio, nec vicissitudinis obumbratio, cui veraciter dictum est, *Tu autem semper idem ipse* Psal. 101. 28
es. illum præscire, cui iterum dictum est, *Tu autem Domine qui nosti omnia antequam fiant,* & de quo scriptum est, *qui fecit quæ futura sunt,* Dan. 13. 42
dicere non valemus. Verumtamen scriptura sacra, quæ excellentiā suam aliter nobis demonstrare non potest, nisi condescendendo nobis talibus verbis congruat, quibus nos ad suam intelligentiam trahere & subleuare præualeat, nobis propria usurpauit, ut sibi propria nos doceret. quatinus per impropria quantum licet mortalibus propria cognoscamus. Sicut item S. Gregorius in libro xxix. Mortalium dicit, Dominus Cap. I.
Deus noster Iesus Christus, in eo quod virtus & sapientia Dei est, de patre ante tempora natus est, vel potius, quia nec coepit nasci nec desinit, dicamus verius semper natus. Non autem possumus dicere semper nascitur, ne imperfectus videatur. at verò ut æternus designari valeat & perfectus, & semper dicamus & natus, quatenus & natus ad perfectionem pertineat, & semper ad æternitatem. ut quocumque modo illa essentia sine tempore temporali valeat designari sermone. Quamuis hoc ipso quod perfectum dicimus, multum ab illius veritatis expressione deuiamus, quia quod factum non est, non potest dici perfectum. Et tamen infirmitatis nostræ verbis Dominus condescendens ait, *Estote perfecti sicut & pater vester celestis perfectus est.* Marc. 5. 5.
Hoc enim de radice traximus quod in ramis portamus, ut talibus at taliter doceri indigeamus. quoniam corpus quod corrumpitur adgrauat animam, & deprimit terrena inhabitatio sensum multa cogitantem, & quandiu sumus in hoc corpore, peregrinamur à Domino, & ingemiscimus grauati, superindui cupientes habitationem quæ de cælo est. Cum autem corruptiuum hoc induerit incorruptionem, & mortale hoc induerit immortalitatem, quod nunc verbis sibi impropriis diuina essentia, quasi in figura & ænigmate, ex parte nos docet, qui docet hominem scientiam, & à cuius facie est scientia & intellectus, quando venerit quod perfectum est, & euacuabitur quod ex parte est, & reuelata facie gloriam Domini speculabimur in ciuitate lucida atque perspicua, quæ est similis auro mundo, vitro mundo, & cuius lucerna est agnus, omnesque eius filij erimus docti à Domino, in propriis propria doceri non indigebimus.

Verum tamen, saluo fidei intellectu, rectissime dicitur præscientia & prædestinatio Dei, quæ non ei ex tempore accidens sed essentia est, cui semper esse est, & id scire quod esse est. Et sicut idem Deus sempiternus, idem semper æternus & bonus est, ita præscientia & prædestinatio eius coæterna & bona, non accidens sed essentia fuit illi semper & est. Vnde Augustinus in sententia Euangelij

Ioan. 5. 30.

Ioannis, *Sicut audio iudico*. Audit videlicet, per vnitatem substantiæ & proprietatem scientiæ. à quo est genitus, ab eo illi est intelligentia, ab illo utique est scientia. ab eo igitur audientia, quæ nihil est aliud quàm scientia. Et sicut idem Deus vnus, & non ex accidenti sed essentialiter bonus & iustus est, ita & prædestinatio eius, quæ sine præscientia esse non potest, vna & bona & iusta est, quæ aut ad donum pertinet gratiæ, aut ad retributionem iustitiæ, sicut sanctus Augustinus in libro de Bono perseverantiæ dicit. Sine pœnitentia sunt dona & vocatio Dei. Namque in sua, quæ falli mutarique non potest, præscientia opera sua futura disponere, id omnino nec aliud quicquam est prædestinare. Et in libro de Prædestinatione sanctorum, Prædestinatione quippe Deus ea præsciuit quæ fuerat ipse factururus. vnde dictum est, *fecit quæ futura sunt*. Quia ut ipse in tertio libro de Trinitate dicit, In illa summa essentia nec oritur nec moritur aliquid, nec incipit esse nec desinit.] & in libro Hypomnesticon, Deus cui præscientia non accidens est, sed essentia fuit semper & est, quicquid antequam sit sic præscit, prædestinat, & propterea prædestinat, quia quale futurum sit præscit: sed non omne quod præscit prædestinat. mala enim tantum præscit, bona verò præscit & prædestinat. Quod ergo bonum est præscientia prædestinat, id est, priusquam sit in re præordinat, hoc cum ipso auctore esse cœperit, vocat, ordinat, & disponit.]

Lib. vi. sub
initium.

Quia præscientia & prædestinatione Deus bonus & iustus quæcumque fecit in tempore, & ipsa etiam tempora, qui fecit quæ futura sunt, præsciuit & prædestinavit sine tempore, quia ante omnia tempora, hominem cum libero arbitrio se facturum. Præsciuit autem, non prædestinavit, eundem hominem per idem liberum arbitrium casurum, & massam perditionis totius humani generis futurum. Præsciuit etiam & prædestinavit sine tempore, quia ante omnia tempora, ex eadem massa quosdam per gratiam se ad eandem æternam vitam reparaturum, ad quam primum hominem consistere voluit, quem se ad imaginem & similitudinem suam ante omnia tempora præsciuit & prædestinavit facturum. & eadem gratia præsciuit & prædestinavit ante tempora sæcularia, præscitis & prædestinatis suis eandem æternam vitam se donaturum. Præsciuit autem, non prædestinavit, quosdam in eadem massa mortis permanfuros, & ad secundam mortem quæ æterna est perventuros. prædestinavit verò eisdem, perseverante iniquitate ad æternam mortem perventuris, pœnam se meritò redditurum. Quoniam sicut præsciuit & non prædestinavit ante omnia tempora hominem peccaturum, & per peccatum mortem incursum: ita isdem, qui non est auctor mortis, sed damnator vitæ & mortis, non est mors morientium, sed vita viventium, qui dixit, *Non est Deus mortuorum, sed viventium*, præsciuit non prædestinavit hominem ad mortem, quem ad æternitatem con-

Matt. 22. 32.

sistere voluit. in quo omnes consisterent si ipse persisteret, sicut in eo omnes peccauerunt, quando ipse peccauit, sicut scriptum est, *In quo omnes peccauerunt.* Non prædestinauit hominem ad pœnam, Rom. 5. 12. quem condidit cum honore ad gloriam. non inquam prædestinauit, sed præsciuit hominem ad pœnam, ad quam per pœnis digna opera peruenitur. quia & infidelitas pœnale opus est, sicut & opus salutis est fides, dicente Domino, *Hæc est autem opus eius, vt credatis in eum quem misit ille.* vt quicumque ad pœnam vadit, originali vel actuali peccato in infidelitate permanens, aut non credendo, aut malis operibus, sicut Apostolus dicit, Deum negando, non prædestinatione Dei, ad illam peruenit. alioquin opificio illius reputaretur, vt deputatur eius opificio quod prædestinati ad vitam perueniunt sempiternam. Sicut nec primus homo Dei prædestinatione peccauit, vel prædestinatione mortem incurrit, quia Deus non prædestinat nisi ea quæ ipso auctore sunt facienda. Sic etiam & de præscientia Dei sentiendum est: quia sicut non præscientia Dei, sed proprio vitio primus homo peccauit & cecidit, ita etiam nemo propaginis illius præscientia Dei in peccati massa cogitur permanere, vel ad pœnam peruenire. quia non ideo primus homo peccauit, quia Deus illum peccaturum præsciuit: sed quia peccaturuserat homo primus, Deus præsciuit. Similiter non reprobi permanent reprobi quia Deus hoc præsciuit: sed quia illi permansuri erant reprobi, Deus præsciuit, sed non prædestinauit. quia quod futurum est non præscire Deus non potest, sicut & quod Deus præscit non potest non esse futurum. veluti non aliud nec aliter est, nisi sicut Deus præscit: nec aliter vel aliud Deus præscit, nisi sicut & quod est pro certo futurum. Præscientia igitur Dei in malis sine prædestinatione eius, in bonis autem cum præscientia & prædestinatio Dei est: & prædestinatio Dei semper in bono est, quæ sicut dictum est, aut ad donationem pertinet gratiæ, aut ad retributionem iustitiæ. & præsciti ac prædestinati donatione gratiæ ad vitam perueniunt, & vita illis donatur æterna: præsciti autem tantum & non prædestinati, ad pœnam perueniunt, & ex retributione iustitiæ pœna illis præscita & prædestinata redditur sempiterna. Quocirca vna est Dei prædestinatio quæ semper in bono est: & est à Deo prædestinatio electorum ad vitam, non autem est à Deo prædestinatio reprobtorum ad mortem.

Verum, vt venerabilis Beda presbyter in Commento Euangelij Lucæ dicit, Nulla falsa doctrina est, quæ non aliqua vera intermiscet. Et sanctus Cyrillus ad Eulogium presbyterum, Non omnia, inquit, quæcumque dicunt hæretici, fugere & refutare decet. Multa enim confitentur, sicut & nos confitemur. velut Arriani quando dicunt Patrem quia creator est omnium & dominus, numquid propter hoc fugere consequens est huiusmodi confessiones? Sic & in Ne-

Sub initium
epistolæ.

itorio, licet duas naturas dicat, diuersitatem significans carnis & Verbi, altera enim Verbi natura, altera carnis est, sed tamen nequaquam unitatem confitetur nobiscum. Nos autem hæc vnientes in vnum, vnum Christum, vnum filium eundem, vnum Deum confitemur.] & item vbi supra memorabilis Beda presbyter, In hæreticis & malis catholicis non sacramenta communia, in quibus nobiscum sunt, & aduersum nos non sunt, sed diuisionem paci veritatique contrariam, quæ aduersum nos sunt, & Dominum non sequuntur nobiscum, detestari & prohibere debemus.]

Quoniam Gothescalcus & sui complices geminam prædestinationem dicunt, non per totum neque in toto hoc refutare debemus, sed sensum catholicæ fidei contrarium in hoc dicto, quo prædestinationem Dei geminam adstruunt, fidei catholicæ filij abominari & anathematizare debemus. Dicunt enim, vt præmissimus, quia sicut electi à Deo prædestinantur ad vitam, ita reprobi à Deo prædestinantur ad mortem. Qui tam vitandi sunt Ecclesiæ, vt si fieri potest, sicut de leprosis hæreticos significantibus legitur, longius remoti magno clamore Christum interpellent, & cum aliis turbis non compri-
Luc. 17. 12. mant, de quibus legitur, *qui steterunt à longè.* Qui verò in sinu catholicæ matris Ecclesiæ positus, ita Dei prædestinationem voluerit dicere geminam, vt in effectu operum Dei, qui fecit quæ futura sunt, hoc recto sensu intelligat: scilicet vt ad electos donum gratiæ pertinere, & secundum superiorem sensum ad reprobos retributionem iustitiæ fateatur, vt dono gratiæ electi sint prædestinati ad vitam, & illis vita sit prædestinata æterna, reprobi autem non à Deo prædestinentur ad pœnam, sed retributione iustitiæ illis pœna prædestinetur æterna, non discordat à vero, si hanc Dei prædestinationem sic dicit geminam, sicut catholici Doctores caritatem geminam dicunt, quæ vna est, & in præceptis duobus, dilectione videlicet Dei & proximi, gemina dicitur. sed non alia est caritas quæ diligit proximum, quam illa quæ diligit Deum. quamuis sit aliud Deus, aliud proximus, tamen vna caritate diligendus est Deus & proximus. Et sicut vnus est Spiritus & duo data, ita vna est Dei prædestinatio, quæ aut ad donum pertinet gratiæ, aut ad retributionem iustitiæ.
Sub mediū. Quia sicut beatus Gregorius in Homilia xvii. Ezechielis prophetae dicit, Non alia cogitatione Deus iustos adiuuat, atque alia iniustos damnat: sed vna eademque vi naturæ singularis, sibi semper indissimilis, dissimilia disponit. Cur autem hoc de potentia creatoris admiremur, qui virtutis eius vestigia & in creatura conspiciamus? Natura quippe luti & ceræ diuersa est, Solis verò radius non est diuersus: & tamen cum diuersus non sit, diuersa sunt quæ in luto operatur & cera: quia vno eodemque sui ignis calore lutum durat, & ceram liquat. Sed fortassè hoc in natura luti vel ceræ est, non in ipsa Solis substantia, quæ in naturis diuersis diuersa videtur

operari. Omnipotens autem Deus in semetipso habet sine immutatione mutabilia disponere, sine diuersitate suū diuersa agere, sine cogitationum vicissitudine dissimilia formare. Longè ergo dissimiliter operatur dissimilia nunquam sibi dissimilis Deus, qui & vbique est, & vbique totus est.]

Et sicut Paulus dicit, *Christi bonus odor sumus Deo in omni loco, & in his qui salui fiunt, & in his qui pereunt, vno eodemque bono odore quidam salui fiunt, quidam autem pereunt. Qui salui fiunt, gratiæ dono saluantur & coronantur: qui pereunt, sua iniquitate pereunt, & ex retributione iustitiæ puniuntur. Et vt beatus Gregorius in Tractatu Ezechielis prophetæ, sed & in Moralibus Iob dicit, Panis vitam fortium roborat, paruulorum necat, & lenis sibilus equos mitigat, catulos instigat.*] Et beatus Augustinus in septimo Psalmo exponit dicens, Sed quia non sagittas tantum, sed etiam vasa mortis dixit in arcu Dominum parasse, quæri potest quæ sint vasa mortis, an fortè hæretici. Nam & ipsi ex eodem arcu, id est, ex eisdem scripturis, in animas pro caritate inflammandas, sed veneno mortis perimendas insiliunt. quod non contingit nisi pro meritis. Propterea diuinæ prouidentiae etiam ipsa dispositio tribuenda est: non quia ipsa peccatores facit, sed quia ipsa ordinat cum peccauerint. Malo enim voto per peccatum legentes, malè coguntur intelligere, vt ipsa sit pœna peccati. Quorum tamen morte filij catholicæ Ecclesiæ, tanquam quibusdam spinis, à somno excitantur, vt ad intelligentiam diuinarum proficiant scripturarum. *Oportet enim & hæreses esse, vt probati, inquit, manifesti fiant inter vos, hoc est, inter homines, cum manifesti sint Deo. An fortè easdem sagittas & vasa mortis disposuit ad perniciem infidelium, & ardentibus operatus est ad exercitationem fidelium? Non enim falsum est quod Apostolus dicit, Aliis sumus odor vitæ in vitam, aliis odor mortis in mortem.* Et ad hæc quis idoneus? Non ergo mirum si iidem Apostoli, & vasa mortis eis à quibus persecutionem passi sunt, & igneæ sagittæ sunt ad inflammandam corda credentium. Post hanc dispensationem iustum veniet iudicium, de quo ita dicit, vt intelligamus vnicuique homini supplicium fieri, & ei iniquitatem in pœnam conuerti. Nec putemus illam tranquillitatem & ineffabile lumen Dei de se proferre vnde peccata puniantur: sed ipsa peccata sic ordinare, vt quæ fuerunt delectamenta homini peccanti, sint instrumenta Domino punienti.] Et in Psalmo XLIV. [qui sequebantur bonum odorem.] Diligebat amicum sponsi sui ipsa sponsa, quæ dicit in Cantico canticorum, *Post odorem vnguentorum tuorum curremus.* Illi autem alij, quanto magis eum videbant, quin Paulum, in gloria prædicationis Evangelij, & in vita inculpabili, tanto magis inuidia torquebantur & occidebantur bono odore.] Et item sanctus Augustinus in libro de Prædestinatione gratiæ, Potest existere nihilominus fortassè, qui

2. Cor. 2. 15.

Sub finem.

1. Cor. 11. 19.

2. Cor. 2. 16

Versus
finem.
Cant. 1. 3.

Cap. xv.

dicat minus idoneam ad salutem viam, si nulla intrinsecus vocatio-
ne pulsatus tantum quispiam flagelletur. Vnde Nabuchodonosor
pœnitentiam meruit fructuosam? nonne post innumeras impieta-
tes flagellatus pœnituit, & regnum quod perdiderat rursus accepit?
Pharao autem ipsis flagellis durior est effectus, & periit. Hic mihi
rationem reddat, qui diuinum consilium nimium alta sapienti cor-
de diiudicat, cur medicamentum vnus medici confectum alij ad in-
2. Cor. 2. 15. teritum, alij valuerit ad salutem, nisi quia *Christi bonus odor aliis est odor
vitæ in vitam, aliis odor mortis in mortem.* Quantum ad naturam ambo
homines erant, quantum ad dignitatem ambo reges, quantum ad
causam ambo captiuum Dei populum possidentes, quantum ad pœ-
nam ambo flagellis clementer admoniti. Quid ergo fines eorum fe-
cit esse diuersos, nisi quod vnus manum Dei sentiens, in recordatio-
nem propriæ iniquitatis ingemuit, alter libero contra Dei misericor-
dissimam veritatem pugnavit arbitrio? Hic quicumque respondet,
illi vt mutaretur adfuisse diuinum, huic vt induraretur defuisse præ-
sidium, & hoc contendit iniustum, propter quod rerum ipsarum fi-
nes in Dei voluntate constituens dixit Apostolus, *Cui vult miseretur,*
Rom. 9. 18. *& quem vult indurat,* dicente autem Domino, *Sine me nihil potestis*
Ioan. 15. 5. *facere,* intelligat ista omnia vel adiuuante Deo perfici, vel deferente
permitti.]

Et Prosper in libro Epigrammatum cap. xxviii. De duplici ope-
re Dei, Si omnes homines simul consideremus, quorum alij mise-
ricordia salui fiunt, alij veritate damnantur, vniuersæ viæ Domini,
id est misericordia & veritas, suo fine distinctæ sunt. Si autem so-
los sanctos intueamur, non discernentur hæ viæ. Indiudiva est enim
ibi & à misericordia veritas, & à veritate misericordia: quia beatitu-
do sanctorum, & de munere est gratiæ, & de retributione iustitiæ.

Omnibus in rebus geminum est opus omnipotentis,

Totum aut iustitia est quod gerit, aut pietas.

Quæ simul in terras descendunt lucis ab arce,

Ne cuiquam parti desit vtrumque bonum.

Et quoniam cuncti auxilio misereantis egemus,

Præcedit semper gratia iustitiam,

Damnantem elatos, saluantem iustificatos,

Quos Deus & donis auxerit, & meritis.

Et item idem in eodem libro cap. xvi. de Iustitia & Gratia, Duæ
retributiones iustitiæ, cum aut bona pro bonis, aut mala reddun-
tur pro malis. tertia est retributio gratiæ, cum per regenerationem
remittuntur mala & retribuuntur bona. Atque ita manifestatur quod
vniuersæ viæ Domini misericordia & veritas. Illam autem impio-
rum retributionem, qua pro bonis mala restituunt, Deus nescit, qui
nisi retribuere bona pro malis, non esset cui retribuere bona pro
bonis.

Iustitia

Iustitiæ merces gemina est, cum vel bona rectis,

Vel prauis dignè cum mala restituit.

Saluatricem autem cunctorum gratia Christi,

Non pensans meritum, diluit omne malum.

Credientesque omnes renouans baptismate sacro,

Dat bona quæ propter det meliora bonis.

Et item sanctus Augustinus in libro de Bono perseuerantiæ, At Cap. vi.
enim voluntate sua quisque deferit Deum, ut meritò deferatur à
Deo, quis hoc negauerit? Sed ideo petimus ne inferamur in tenta-
tionem, ut hoc non fiat. nihil enim fit, nisi quod aut ipse facit, aut
fieri ipse permittit.] Hinc sanctus Hilarius in Commento Matthæi Canone
XXVI.
dicit, Secundum diluuij tempus, in ipso vitæ nostræ cursu omnia
agentibus ac facientibus magnus ille dies aderit. Quin etiam in assu-
mendis fidelibus futurum esse discrimen ostendit, cum duobus in
agro positis adsumitur vnus, & alius relinquitur, & duabus molen-
tibus improbetur altera, & altera eligatur, & ex duobus qui in le-
cto erunt, adhæreat vnus & alius deferatur. Infidelium enim & fi-
delium discrimen in relinquendis aliis & aliis adsumendis docet.
Dei enim ira ingrauescente, sancti, ut Propheta ait, in promptuariis
recondentur, perfidi verò ad cælestis ignis materiem relinquentur.
Duos igitur in agro, id est, duos populos fidelium & infidelium in
sæculo, tanquam in vitæ huius opere, dies Domini deprehendet.
separabuntur tamen, relicto alio & alio assumpto. De molentibus
quoque par ratio est. Mola opus legis est. Sed quia pars Iudæorum,
ut per Apostolos credidit, ita per Eliam est creditura, & iustifican-
da per fidem est: ideo vna per eandem fidem boni operis adpre-
hendetur, alia verò in infructuoso legis opere relinquetur, molens
in cassum, non factura cælestis tibi panem. Duo autem sunt in le-
cto, eandem passionis dominicæ requiem prædicantes, circa quam
& hæreticorum & catholicorum eadem atque vna confessio est. Sed
quia vnitatem patris & filij, & communem eorum theoteiam, quam
deitatem nuncupamus, catholicorum veritas prædicauit, & eandem
rursum plurimis contumeliis hæreticorum falsitas impugnauit, id-
circo ex duobus in lecto alius relinquetur, & alius assumetur: quia
fidem confessionis vtriusque in vno assumendo, & alio relinquendo,
diuini arbitrij iudicium comprobabit.]

Vnde præmissis exemplis apertissime demonstratur, quia hæc Dei
prædestinatio ita recto sensu potest gemina dici, non quo ea ipsa
prædestinatione sic prædestinentur reprobi ad interitum, sicut præ-
destinantur electi ad vitam: sed quia electis dat gratia quod non me-
retur malitia, relictis autem reddit æquitas quod meretur iniquitas.
Sed & caritatem, quæ vna est, quia Deus caritas est, quæ ut & om-
ne datum optimum, & omne donum perfectum descendens à patre
luminum est, non solum geminam dicit beatus Gregorius, verum

& de eadem scribens, Sicut ex vna, inquit, radice multi arboris rami prodeunt, ita & ex vna caritate multæ virtutes generantur. Et de sancto Spiritu, qui vnus est, & duo sunt eiusdem sancti Spiritus data, cum laus sapientiæ describitur in libro qui nomine Sapientiæ titulatur, postquam dictum est *Spiritus Domini repleuit orbem terrarum*, adiunctum est, *Est enim in illa, quin sapietia, Spiritus intellectus, spiritus vnicus, multiplex, subtilis, mobilis, humanus, stabilis.* qui tamen vnus esse non dubitatur. & dicitur vnicus quia indiuisus, multiplex verò, quoniam in virtutum effectibus multiformis. Et in prophetia Esaia, quam Dominus in Euangelio in seipso monstrauit esse completam, dicitur *Spiritus sapientiæ & intellectus, spiritus consilij & fortitudinis, scientiæ & pietatis, & spiritus timoris Domini.* quæ ipsius sancti Spiritus dona per impositionem manus episcopalis & consignationem sacri chrismatis in confirmatione fidelium cælitus largiendo sancta celebrat & frequentat Ecclesia. Vnde beatus Ambrosius in tertio libro de Sacramentis dicit, Sequitur spiritale signaculum, quod audistis hodie legi, quia post fontem superest vt perfectio fiat. quoniam ad inuocationem sacerdotis Spiritus sanctus infunditur, spiritus sapientiæ & intellectus, spiritus consilij atque virtutis, spiritus cognitionis atque pietatis, spiritus sancti timoris. Septem quasi virtutes sunt, & omnes quidem virtutes ad Spiritum pertinet: sed istæ quasi cardinales, quasi principales istæ sunt septem virtutes, quas accipis quando signaris. Nam, vt ait Apostolus sanctus, quia *multiformis est sapientia Domini nostri, & multiformis sapientia Dei:* ita multiformis est Spiritus sanctus, qui habeat diuersas variâsque virtutes. vnde Deus virtutum dicitur, quod aptari potest patri, & filio, & Spiritui sancto.] Et sanctus Gregorius in libro Moralium xxxv. Ioannes septem Ecclesiis in Apocalypsi scripsit, per quas vniuersalem Ecclesiam intelligi voluit, Quæ nimirum vniuersalis Ecclesia vt plena septiformis gratiæ spiritu signaretur, Eliseus super mortuum puerum septies oscitasse describitur. Super extinctum quippe populum Dominus veniens quasi septies oscitat, quia ei dona spiritus septiformis gratiæ misericorditer adspirat. Et hæretici, atque hi qui æquè extra Ecclesiam positi sunt, reatus sui absolutionem non accipiunt, nisi gratiæ septiformis spiritu vniuersali paci, à qua excisi fuerant, adgregentur.] Sed & beatus Paulus dicit, *Alij datur sermo sapientiæ, alij sermo scientiæ, & cetera vsque dum dicit, Hæc autem omnia operatur vnus atque idem spiritus, diuidens singulis prout vult.* Nam sicut fides opus est Dei iuxta Euangelicam veritatem quæ dicit, *Hoc est autem opus Dei, vt credatis in eum quem misit ille,* ita & reliquæ virtutes ac donorum charismata diuina sunt opera. quæ tunc ex Dei prædestinatione effectibus operum ostenduntur, cum largitate bonitatis diuitiarum eius, qui diues est in omnibus, pro sua misericordia & voluntate hominibus ad credentium vtilitatem distribuuntur, sicut dicit Apostolus, *unicuique da-*

Sap. 1. 7.

Sap. 7. 22.

Esa. 11. 2.

Luc. 4. 21.

Cap. 1.

Ephes. 3. 10.

Cap. vii.

Apoc. 1. 4.

1. Cor. 12.

8. 11.

Ioan. 6. 29.

1. Cor. 12. 7.

DE PRÆDESTINATIONE.

115

tur manifestatio spiritus ad utilitatem. Hi enim omnes operis diuini effectus ad donum gratiæ pertinere nescuntur.

CAPVT XX.

Qualiter intelligi debeat quòd beatus Gregorius plurali numero prædestinationes posuit.

BEATVS etiam Gregorius effectus prædestinationis Dei in libro Cap. xviii. *Moralium* xxviii. plurali numero, dispositionum scilicet & prædestinationum, nominauit dicens, Ordinem, inquit, cæli nosse est, supernarum dispositionum occultas prædestinationes videre: rationem verò eius in terram ponere est, ante humana corda talium secretorum causas aperire.] & paulò pòst multos effectus diuini operis computat, qui omnes aut ad donum pertinent gratiæ, aut ad retributionem iustitiæ. Dicit enim, Quis intelligat quæ esse ratio secretorum potest, quòd sæpe vir iustus à iudicio, non solùm non vindicatus, sed etiam punitus redeat?] quod ad donum pertinet gratiæ, sicut scriptum est, *sanctus sanctificetur adhuc.* Veluti sancti Dei in Apoc. 22. 11 conciliis & in synagogis flagellati, & ante reges & præfides ducti & condemnati fuerunt. Nam vt nos dono gratiæ saluaret, propter nos homines & propter nostram salutem, & Iesus stetit ante præfidem, qui alapis & contumeliis affectus exiit à iudicio iniuste iudicatus, & veniet in maiestate sua & patris ac sanctorum Angelorum viuos & mortuos iuste iudicaturus. Sequitur in verbis sancti Gregorij, Et iniquus eius aduersarius non solùm non punitus, sed etiam victor abscedat?] quod est ex retributione iustitiæ, vt qui nocet noceat adhuc, quatenus iustus iustificetur adhuc. Item sequitur, Quis intelligat cur viuit alius insidians mortibus proximorum?] quod est ex retributione iustitiæ, vt qui in sordibus est sordescat adhuc. Item, Et moritur alius, qui profuturus esset vitæ multorum?] quod ad donum pertinet gratiæ, sicut scriptum est, *Raptus est ne malitia mutaret intellectum eius.* Vnde Augustinus in libro de Prædestinatione sanctorum, Dictum est hoc secundùm pericula vitæ huius, non secundùm præscientiam Dei, vt tentationum subtraheretur incerto, non quòd peccaturus esset, qui mansurus in tentatione non esset. Item, Alius culmen potestatis assequitur, qui non nisi lædere studet.] quod est ex iustitiæ retributione, sicut scriptum est, *Trans-* Psal. 72. 7. *ierunt in affectum cordis.* Item, Alius tantummodò læsos defendere concupiscit, & tamen ipse oppressus iacet.] quod ad donum pertinet gratiæ. quia sæpe quidam in subiectione cautius se custodiunt, & in prælatione delinquant, vt in Dauid operibus discimus, quem Dominus misericorditer temperat, ne forte qui in planis titubat in præcipitio pedem ponat, sicut idem sanctus Gregorius in Regula

Apoc. 22. 11 pastorali demonstrat. Et sicut scriptum est, *Sanctus sanctificetur ad-*
huc, vt Tobias & ceteri in captiuitate electi. Item [alius vacare appe-
 tit, & innumeris negotiis implicatur: alius negotiis implicari desi-
 derat, & coactus vacat.] Quæ sæpè ad donum pertinent gratiæ,
 sæpè ad retributionem iustitiæ, sicut idem sanctus Gregorius & in
 libris Moralibus, & in Regula pastorali demonstrat. Item, [alius malè
 inchoans vsque ad vitæ suæ terminum ad peiora progreditur.]
 quod pertinet ad retributionem iustitiæ, sicut apertissima exinde
 exempla multoties in scripturis inuenimus. Et Paulus dicit in epi-
 stola ad Romanos, de his qui cùm Deum cognouissent, non fi-
 cuit Deum glorificauerunt. *Propterea tradidit eos Deus in reprobum sen-*
sum, vt de Pharaone legitur. [alius bene incipiens, per longitudi-
 nem temporum proficit ad augmentum meritorum.] quod ad do-
 num gratiæ non dubium est pertinere, sicut scriptum est, *Ascensus*
in corde suo disposuit in conualle lacrymarum, qui, vt Paulus dicit, *renoua-*
tur de die in diem. Et item Psalmus, *Adhuc multiplicabuntur in senecta*
vberi. quoniam illi in senecta vberi multiplicantur, quorum vita
 cùm differtur, semper ad melius fortitudo producit, eisque per
 augmentum temporum crescunt etiam lucra meritorum. Item è con-
 tra, [alius malè viuens diu reseruatur vt corrigatur.] quod ad do-
 num pertinet gratiæ, sicut Paulus dicit, *Fidelis sermo, Christus Iesus*
venit in hunc mundum peccatores saluos facere, quorum primus ego sum. sed
ideo misericordiam consecutus sum, qui prius fui blasphemus, & persecutor,
& contumeliosus, vt in me primo ostenderet Christus Iesus omnem patientiam,
ad informationem eorum qui credituri sunt illi in vitam aternam. [alius ve-
 rò bene quidem videtur viuere: sed in hac vita eousque durat, quo
 ad peruersa prorumpat.] quod occulto fit, sed non iniusto, Dei in
 quo non est iniquitas iudicio. De qualibus scriptum est, *Ad tempus*
credunt, & in tempore tentationis recedunt. sicut Balaam post prophe-
 tiam & lacrymas, & Iudas de Apostolatu post signa miraculorum,
 quia cupiditatis ignem extinguere noluit, ad perpetua tormenta
 peruenit. quod pertinet ad retributionem iustitiæ. Item [alius in errore
 infidelitatis natus, in errore deficit.] quod pertinet ad retributionem iu-
 stitiæ: quia quod in radice putruit, in ramo exaruit. de quibus scriptum
 est, *errauerunt ab utero*. vt Esau adhuc in vulua est reprobatus. [alius in
 catholica fidei rectitudine genitus, in catholica fidei rectitudine con-
 summatur.] quod ad donum pertinet gratiæ, sicut Hieremias & Ioan-
 nes de ventre vocati, & in utero sanctificati, & Isaac antequam con-
 ciperetur designatus, & Iacob vocatione electus. E contra verò, [alius
 catholica matris ventre editus iuxta, vitæ terminum erroris voragine
 deuoratur.] quod pertinet ad retributionem iustitiæ, quia cùm Deum
 cognouisset, vt Paulus dicit, *non sicut Deum honorificauit.* & de diabolo,
 talium videlicet capite, scriptum est *quia in veritate non stetit*. in qua
 sine dubio fuit, sed non in ea permansit, quoniam tumens de dono

Rom. 1. 21.
 Ioan. 8. 44.

gratiæ Dei, de sublimi excellentia ex retributione iustitiæ cecidit ad miseriam infima. [alius autem vitam suam in catholica pietate consummat, qui ortus in perfidia cum lacte matris hauserat virus erroris.] quod ad donum pertinet gratiæ, sicut scriptum est, *Gratia sal-* Ephes. 2. 8.
ui facti estis, & hoc non ex vobis, donum enim Dei est. [alius celsitudinem bene viuendi appetere & vult & valet.] quod ad donum pertinet gratiæ, sicut Paulus dicit, *Datum nobis esse à Deo & velle &* Philip. 2. 13
perficere pro bona voluntate. [alius nec vult nec valet, alius vult & non valet, alius valet & non vult.] quæ pertinent ad retributionem iustitiæ, quoniam hoc, remoto etiam additamento iniquitatis nostræ, promeruit generalis massa perditionis: de qua, vt Augustinus dicit, si nullus liberaretur, vt incomprehensibilis ita & irreprehensibilis esset Dei iustitia.

Ad cognoscendos quippe istos iudiciorum secretorum sinus nullus ascendit: quia scit in suo secreto consilio artifex & peritus cementarius, quò funem perpendiculi trahere, vel quò retrahere debeat: quem lapidem in maceria Hierusalem, quæ ædificatur vt ciuitas, ab intus foras trahere, quem à foris intus retrahere, & vbi in opere suæ constructionis ponere, quem à compositione debeat ipsius suæ ciuitatis relinquere. quod fit vnius eiusdemque prædestinationis aut dono gratiæ, aut retributione iustitiæ. Vnde sanctus Gregorius in Ezechielis prophetæ homilia XIII. dicit, Vis illa diuinitatis, quæ in diuersitatis motum & mutabilitatem non ducitur, ea ipsa luce iustitiæ afflictos ac pœnitentes viuificat, qua superbientes ac rigidos percutit.] & homilia XVII. Omnipotens Deus, quia sibi metipso Sub mediũ
dissimilis non est, ea virtute videt qua audit, ea virtute creat qua iudicat creata. eius verò & videre simul omnia administrare est, & administrare conspiciere: nec alia cogitatione iustos adiuuat, atque alia iniustos damnat. sed vna eademque vi naturæ singularis sibi semperque indissimilis dissimilia disponit.] De quo terribili in consiliis super filios hominum exclamat Paulus, *O altitudo, inquit, sapientiæ &* Rom. 11. 33.
scientiæ Dei! quàm incomprehensibilia sunt iudicia eius, & inuestigabiles viæ eius! Qui si mutat tempus, non mutat consilium, quoniam consilium eius in æternum manet, cogitationes cordis eius in sæculum sæculi. Hæc est prædestinatio Dei, qui prædestinat ea quæ ab ipso sunt, vel quæ erat ipse factururus, prædestinans, id est, gratia præparans electos, probos & iustos ad regnum, ad vitam æternam, id est, ad gratiam quæ est prædestinationis effectus: puniens relictos, reprobos, iniustos, quod est iustæ retributionis effectus. Sicque, vt beatus Prosper istis ipsis verbis confitetur, & alij catholici Doctores concordi sensu fatentur, & sacra scriptura, atque catholica credit & docet Ecclesia, prædestinatio Dei semper in bono est, aut ad retributionem iustitiæ, aut ad donationem pertinens gratiæ. Ideo has multiplices varietates atque effectus diuinæ prædestinationis à

beato Gregorio computatos, qualiter aut ad donum gratiæ, aut ad retributionem iustitiæ pertineant, ostendere procurauimus: quia quidam, sicut in præfatis libellis ostendimus, prædestinationes ex verbis sancti Gregorij plurali numero posuerunt, ut hinc prædestinationem geminam perdocerent, qua sancti ad vitam, & sicut illi dicunt, reprobi prædestinantur ad mortem. Nunc ad reddendam rationem secundi Capituli transeamus.

CAPVT XXI.

Qualiter de secundo Capitulo, à nobis contra Prædestinatianos excerpto de gratia & libero arbitrio, veteres Prædestinatiani senserunt, & de quorum verbis sumpsimus illa quæ exinde posuimus, & de præposteratione illius, quæ à quibusdam inordinatè facta esse dinoscitur.

SECVNDVM Capitulum in Synodo apud Carisiacum habita nos de gratia & libero arbitrio ex sanctorum Patrum dictis excerptimus. de quo prisci dixerunt Prædestinatiani, quòd liberum arbitrium in homine nihil sit, sed siue ad bonum siue ad malum, prædestinatio Dei in hominibus operetur. quoniam Deus tale in hominibus plasmet arbitrium, quale est dæmonum, quod proprio motu nihil aliud possit velle nisi malum. Inde & Gothescalcus modernus Prædestinatianus in libello ad Rabanum Archiepiscopum

» Moguntinum dicit ad locum, De quo videlicet libero arbitrio quid
 » Ecclesiæ Christi tenendum sit atque credendum, cum à ceteris catholicis patribus euidenter sit Deo gratias disputatum, tum præcipue contra Pelagianos & Cælestianos à beato Augustino plenius &
 » vberius diuersis in opusculis, & maximè in Hypomnesticon esse
 » cognoscitur inculcatum. Vnde te potius eiusdem catholicissimi doctoris fructuosissimis assertionibus incomparabiliter inde quoque
 » malueram niti, quàm erroneis opinionibus Massiliensis Gennadij,
 » qui plerisque præsumpsit in locis, tam fidei catholicæ, quàm beatorum etiam Patrum inuictissimis auctoritatibus, infelicis Cassiani
 » perniciosum nimis dogma sequens reniti. Contra quæ nos in præfata Synodo scripsimus, *Libertatem arbitrij in primo homine perdidimus, quam per Christum Dominum nostrum recepimus. & habemus liberum arbitrium ad bonum præuentum & adiutum gratia, & habemus liberum arbitrium ad malum desertum gratia. Liberum autem habemus arbitrium, quia gratia liberatum, & gratia de corrupto sanatum.*] Cui Capitulo, cum aliis tribus de quibus ratio agitur, in conuentu Episcoporum domnus subscripsit Prudentius. Postea autem in epistola ad Wenilonem suum Archiepiscopum de ordinando Ænea Parisiorum Episcopo
 » directa, quatuor ponens Capitula, ita de hoc primo dicit, Liberum

arbitrium in Adam merito inobedientiæ amissum, ita nobis per Do-
 minum nostrum Iesum Christum redditum atque liberatum con-
 fiteatur, interim in spe, postmodum autem in re, sicut dicit Apo-
 stolus, *Spe enim salui facti sumus*, ut tamen semper ad omne opus ^{Rom. 8.}
 bonum Dei omnipotentis gratia indigeamus, siue cogitandum, siue
 inchoandum, operandum, ac perseveranter consummandum, & sine
 ipsa nihil boni nos posse vllatenus aut cogitare, aut velle, aut ope-
 rari sciamus.] Vnde miramur, cum in præfata Synodo Capitulis su-
 perius memoratis subscripserit, & canonicas sanctiones, atque de-
 creta Apostolicæ sedis Pontificum, sufficienter cognita de Synoda-
 li subscriptione atque professione habeat, tam inconsultè, & incon-
 sultè, sine probabili conlatione, contra regularum instituta, huiusmo-
 di scriptum pro ordinationis consensu Coepiscopi sui ad Archi-
 episcopum & Coepiscopos suos transmiserit. vel quia in Capitulis
 sæpè memoratis secundum obtinet locum de gratia & libero arbi-
 trio, cur in hac sua epistola illud Capitulum in capite posuit. Con-
 venientiùs quippe antepositur illud Capitulum, in quo de præde-
 stinatione Dei loquitur, quæ ante omnia sæcula extat & tempora,
 illi Capitulo in quo dicitur de libero arbitrio, quod homo in sæ-
 culo & in tempore non penitus vel in totum perdidit, sed infirma-
 vit. Denique in volumine nobis à vestra dominatione ad respon-
 dendum commisso inuenimus in sexto capitulo quæ sequuntur. Item
 de gratia per quam saluantur credentes, & sine qua rationalis crea-
 tura nunquam beatè vixit, & de libero arbitrio, per peccatum in
 primo homine infirmato, sed per gratiam Domini Iesu fidelibus
 eius redintegrato & sanato, id ipsum constantissimè & fide plena
 fatemur, quod sanctissimi Patres auctoritate sacrarum scripturarum
 nobis tenendum reliquerunt, quod Africana, quod Arausica Sy-
 nodus professæ est, quod beatissimi Pontifices Apostolicæ sedis ca-
 tholica fide tenuerunt, sed & de natura & gratia in aliam partem
 nullo modo declinare præsumentes.

De hoc etiam compilatore istorum Capitulorum miramur, cur
 post omnia capitula de quibus rediuiua quæstio ventilatur, nouissi-
 mè posuerit de gratia & libero arbitrio, cum tertio & quarto con-
 venientiùs præponi valeat, sicut potest quilibet sanum sapiens ex
 consequentia rationis discernere. Sed non est mirum, quoniam ca-
 ptiosus quisque, dum vult improvidis & incautis laqueos ostendere,
 confusione multiplici eandem studet decipulam paleis vel quibus-
 cumque valet permiscendo quisquiliis occultare, sicut & in præscri-
 pto capitulo de Flori verbis atque sententiis studuit agere. Quapro-
 pter necesse est nobis integritatem Capituli à nobis excerpti iterum
 ponere, & verba catholicorum de quibus illud excerptimus demon-
 strare. Hic enim eiusdem est textus secundi Capituli, *Libertatem arbitrij
 in primo homine perdidimus, quam per Christum Dominum nostrum recepimus,*

& habemus liberum arbitrium ad bonum præuentum & adiutum gratia : & habemus liberum arbitrium ad malum desertum gratia. Liberum autem habemus arbitrium, quia gratia liberatum, & gratia de corrupto sanatum. Vnde Augustinus, in libro de Bono perseverantiae, quia libertas arbitrij in primo homine fuerat ita dicit, Fuerat inquit in homine antequam caderet : quæ tamen libertas voluntatis in illius primæ conditionis præstantia quantum valuerit, apparuit in Angelis.] Quam in illo scilicet primo homine amisimus, sicut idem doctor in libro de Correptione & Gratia dicit, Nunc verò inquit, postquam facta est illa magna peccati merito amissa libertas, etiam maioribus donis adiuuanda remansit infirmitas.] & aliquanto superius, Hæc autem tanto maior est, ut parum sit homini per illam reparare perditam libertatem.] Subsecuti sumus, quam per Christum Dominum nostrum recepimus. Illam arbitrij libertatem, quam per Christum recepimus, illam, inquam, & non aliam, in homine primo perdidimus : qui siue ad peccandum, siue ad non peccandum, arbitrium liberum habuit, & non per aliud offensam contraxit, nisi per quod ne delinqueret suadenti resistere potuit. Qui ergo per posse bonum vincere potuit velle malum, per malum velle perdidit bonum posse. Vnde post casum primi parentis arbitrium hominis, priusquam à dominatione diaboli per Dei gratiam liberetur, in illo profundo iacet, in quod se sua libertate dimerfit : sicque in malis omnibus arbitrij iustitiæ liberi, serui autem peccati, voluntas intelligenda est sine gratia. Accedente autem gratia, idem arbitrium liberum, quod sua libertate erat prauum, spiritu Dei agente fit rectum. Sicque in bonis omnibus est libera voluntas intelligenda de gratia, quam arbitrij libertatem per Christum recepimus, qui cum Patre dedit nobis pignus spiritus, & ubi est spiritus Domini, ibi libertas, & ut scriptum est, *Si vos filius liberauerit, tunc verè liberi eritis.* qua libertate Christus nos liberauit. Hinc sanctus Augustinus in libro de Correptione & Gratia dicit, Vnde autem non gloriatur omnis caro (id est omnis homo) coram ipso, nisi de meritis suis? quæ quidem potuit habere, sed perdidit, & per quod habere potuit, per hoc perdidit, hoc est, per liberum arbitrium, propter quod non restat liberandis nisi gratia liberantis.] & item in libro Hypomnesticon, Vitiato libero arbitrio, totus homo est vitiatus, per quod absque adiutorio gratiæ, ut Deo placeat, nec valet incipere, nec perficere sufficit.] & aliquanto superius, Ideo liberum arbitrium dictum est, quod in sua positum sit potestate, habens agendi quod velit potestatem, quod est vitalis & rationalis animæ motus. Sed huiusmodi, ut antè iam dixi, fuit in homine protoplasto, cum ante peccatum maneret inlæsus. Non enim per aliud contraxit offensam, nisi per id quo potuit ne delinqueret resistere suadenti. Per velle ergo malum, rectè perdidit posse bonum, qui per posse bonum

Cap. vii.

Cap. xii.

Cap. xi.

Ioan. 8. 36.

Cap. xii.

Lib. xix. sub
initium.

num potuit vincere velle malum. Quem iuste Deus iam delicto captivum voluntati depravatae dimisit, ut hæc eidem esset poena in non faciendo quod vellet, quæ semper si Deo fuisset obediens sufficere potuisset ad omne opus bonum quod voluisset.] & item, Credit enim catholica Ecclesia, quod salus hominis ex Deo sit Christus, cuius vulnere liberum nostrum curatur & reformatur arbitrium vulneratum.] & item in eodem, Cum autem acceperit spiritum Domini, erit in eo libertas, ad Domini capeffenda præcepta, quia ubi spiritus Domini, ibi libertas.]

Deinde subiunximus. *Et habemus liberum arbitrium ad bonum præuentum & adiutum gratia, & habemus liberum arbitrium ad malum desertum gratia.* Et Augustinus in libro de Prædestinatione sanctorum,

Est ergo inquiring in malorum potestate peccare: ut autem peccando hoc vel hoc illa malitia faciant, non est in eorum potestate, sed Dei diuidentis tenebras & ordinantis eas.] Et item Augustinus in

libro Hypomnesticon, Est igitur liberum arbitrium, quod quisquis esse negauerit catholicus non est: & quisquis sic esse dixerit, quod sine Deo bonum opus, id est quod ad eius sanctum propositum pertinet, nec incipere nec perficere possit, catholicus est.] &

item, Vitiato libero arbitrio totus homo est vitiatus. per quod absque adiutorio gratiæ Dei, ut Deo placeat, nec valet incipere, nec perficere sufficit. Præuenitur autem medicina, id est Christi gratia, ut

sanetur & reparetur in eodem vitiata, atque præparetur voluntas, qua semper indigens in adiutorium, inluminante gratia saluatoris, possit tam Deum cognoscere, quam secundum eius vivere voluntatem.] & item, Non ergo homo voluntate sua, adhuc in vitio li-

beri arbitrij claudicante, præuenit Deum ut cognoscat & quærat eum, gratiam tanquam meritis accepturus: sed præcedit etiam, ut diximus, misericordissima gratia sua Deus homines ignorantes, &

necdum se quærentes voluntate liberi arbitrij, ut eos se scire & quæ- rere faciat, sicut dicit Ioannes Apostolus in epistola sua, *Scimus quo-*

niam filius Dei venit, & dedit nobis sensum, ut cognoscamus verum Deum, & simus in vero filio eius: hic est verus & vita æterna.] Audiat etiam quisque lector, siue beniuolus siue maliuolus, quid de libero arbitrio præuenito & adiuto gratia, & de eodem libero arbitrio deser-

to gratia, sentiat idem doctor catholicus. Esse fatemur, inquiring, liberum arbitrium omnibus hominibus; habens quidem iudicium rationis, non per quod sit idoneum quæ ad Deum pertinent sine Deo aut inchoare vel certè peragere: sed tantum in operibus vitæ præsentis, tam bonis quàm etiam malis. Bonis dico, quæ de bonis naturæ oriuntur, id est, velle laborare in agro, velle manducare &

bibere, velle habere amicum, (& cetera quæ ibi prosequitur,) quæ omnia non sine gubernaculo diuino subsistunt: immo ex ipso, & per ipsum sunt, vel esse cæperunt. Malis verò dico, ut est velle ido-

Libro iiii.
post mediū

Ibid. sub
initium.

Paulo post
superiora

1. Ioan. 5. 20

Libro iiii.
sub initium.

lum colere, velle homicidium perpetrare, & reliqua quæ prosequitur in eodem Hypomnesticon libro.

Quod autem in conclusione subiunximus dicentes, *Liberum autem habemus arbitrium, quia gratia liberatum, & gratia de corrupto sanatum.* sanctus Augustinus in libro de Correptione & Gratia prosequitur dicens, Hi verò qui non pertinent ad hunc prædestinatorum numerum, quos Dei gratia, siue nondum habentes vllum liberum suæ voluntatis arbitrium, siue cum arbitrio voluntatis, ideo verò libero, quia per ipsam gratiam liberato, perducit ad regnum, hi ergo, qui non pertinent ad istum certissimum & fidelissimum numerum, pro meritis iustissime iudicantur. Aut enim iacent sub peccato quod originaliter generatione traxerunt, & cum illo hereditario debito hinc exeunt, quod non est regeneratione dimissum, aut per liberum arbitrium alia insuper addiderunt. arbitrium, inquam, liberum, sed non liberatum, liberum iustitiæ, peccati autem seruum, quo voluntur per diuersas noxiasque cupiditates, alij magis, alij minus, sed omnes mali, & pro ipsa diuersitate diuersis suppliciis iudicandi.] De sensu autem & contextu totius Capituli, idē B. Augustinus in libro de Perfectione iustitiæ hominis ita dicit, Verum est autem quod ait, quin obrectator suus, quod Deus tam bonus quàm iustus, talem hominem fecerit, qui peccati malo carere sufficeret, sed si voluisset. Quis enim eum nescit sanum & inculpabilem factum, & libero arbitrio atque ad iustè viuendum potestate libera constitutum? Sed nunc de illo agitur, quem semiuuuium latrones in via reliquerunt: qui grauibz faucibus confossusque vulneribus, non ita potest ad iustitiæ culmen ascendere, sicut potuit inde descendere, qui etiam si iam in stabulo est, adhuc curatur. Non igitur Deus impossibilia iubet, sed iubendo admonet, & facere quod possis, & petere quod non possis.]

Epist. XLVI.

Ioan. 3. 17.

Rom. 3. 6.

Et in epistola ad Valentinum, Primò enim Dominus Iesus, sicut scriptum est in Euangelio Ioannis Apostoli, *non venit ut iudicaret mundum, sed ut saluetur mundus per ipsum.* Postea verò, sicut scribit Apostolus Paulus, *iudicabit Deus hunc mundum, & venturus est, sicut tota Ecclesia in symbolo confitetur, iudicare viuos & mortuos.* Si ergo non est Dei gratia, quomodo saluat mundum? & si non est liberum arbitrium, quomodo iudicat mundum? Proinde librum vel epistolam meam, quam secum ad vos supradicti attulerunt, secundum hanc fidem intelligite, ut neque negetis Dei gratiam, neque liberum arbitrium sic defendatis, ut à Dei gratia separetis, tanquam sine illa vel cogitare aliquid, vel agere secundum Deum vlla ratione possimus, quod omnino non possumus.] & post aliquanta, Credite diuinis eloquiis, quia & liberum est hominis arbitrium, & gratia Dei, sine cuius adiutorio liberum arbitrium nec conuerti potest ad Deum, nec proficere in Deum, & quod pie creditis, ut etiam sapienter intelligatis orate. Et ad hoc ipsum enim, id est, ut sapien-

ter intelligamus, est utique liberum arbitrium. Nisi enim libero arbitrio intelligeremus atque saperemus, non nobis præciperetur dicente scriptura, *Intelligite ergo qui insipientes estis in populo, & stulti aliquando sapite.* Eo ipso quippe, quo præceptum atque imperatum est, ut intelligamus atque sapiamus, obedientiam nostram requirit, quæ nulla potest esse sine libero arbitrio. Sed si posset hoc ipsum sine adiutorio Dei gratiæ fieri, per liberum arbitrium ut intelligeremus atque saperemus, non diceretur Deo, *Da mihi intellectum ut discam mandata tua,* nec in Euangelio scriptum esset, *Tunc aperuit illis sensum ut intelligerent scripturas,* nec Iacobus Apostolus diceret, *Si quis autem vestrum indiget sapientia, postulet à Deo qui dat omnibus affluentes, & non impropere, & dabitur ei.*] & iterum in altera epistola ad eundem Valentinum, Quantum potuimus, egimus cum istis & vestris & nostris fratribus, ut in fide sana catholica perseverarent, quæ neque liberum arbitrium negat, siue in vitam malam, siue in bonam, neque tantum ei tribuit, ut sine Dei gratia valeat aliquid, siue ut ex malo conuertatur in bonum, siue ut in bonum perseveranter proficiat, siue ut ad bonum sempiternum perveniat, ubi iam non timeat ne deficiat.] & post pauca, In his verbis sanctæ scripturæ considerate, fratres, quia si non esset liberum arbitrium, non diceretur, *Rectos cursus fac pedibus tuis, & vias tuas dirige, ne declines ad dexteram, neque ad sinistram.* Et tamen sine Dei gratia si posset hoc fieri, non postea diceretur, *Ipse autem rectos faciet cursus tuos, & itinera tua in pace producet.*] & post aliquanta, Ideo vobis dixi ne declinetis in dexteram, neque in sinistram, hoc est nec sic defendatis liberum arbitrium, ut ei bona opera sine Dei gratia tribuatis: nec sic defendatis gratiam, ut quasi de illa securi mala opera diligatis, quod ipsa gratia Dei auertat à vobis.]

Et item ad eundem Valentinum in libro de Gratia & libero arbitrio, Itaque ut hoc verbum, quod non ab omnibus capitur, ab aliquibus capiatur, & Dei donum est liberum arbitrium.] & item, *Rogamus ne in vacuum gratiam Dei suscipiatis.* Ut quid enim eos rogat, si gratiam sic susceperunt ut propriam perderent voluntatem? Tamen ne ipsa voluntas sine gratia Dei putetur boni aliquid posse, continuo cum dixisset, *Gratia eius in me vacua non fuit, sed plus omnibus illis laboravi,* subiunxit atque ait, *Non autem ego, sed gratia Dei mecum.* id est non solus, sed gratia Dei mecum. ac per hoc nec gratia Dei sola, nec ipse solus, sed gratia Dei cum illo.] & item, His talibus testimoniis diuinis probatur gratia Dei non secundum merita nostra dari, quandoquidem non solum nullis bonis, verum etiam multis meritis malis præcedentibus videmus datam, & cotidie dari videmus: sed planè cum data fuerit, incipiunt esse etiam merita nostra bona, per illam tamen. Nam si se ipsa subtraxerit, cadit homo, non erectus sed præcipitatus libero arbitrio.] & item in eodem

- Cap. xiv. libro, Hæc dixi, vt Apostolicis verbis liberum arbitrium vestrum à malo deterrerem, & exhortarer ad bonum. Nec tamen ideo debetis in homine, hoc est, in vobis ipsis, sed in Domino gloriari.] & item,
- Psal. 94. 8. Liberum quidem hominis arbitrium pulsatur vbi dicitur, *Hodie si vocem eius audieritis nolite obdurare corda vestra.* sed nisi posset Deus etiam duritiam cordis auferre, non diceret per Prophetam, *Auferam ab eis cor lapideum, & dabo eis cor carneum.*] & item, Semper est autem in nobis voluntas libera, sed non semper est bona. Aut enim à iustitia libera est, quando seruit peccato, & tunc est mala: aut à peccato libera est, quando seruit iustitiæ, & tunc est bona. Gratia verò Dei semper est bona, & per hanc fit, vt sit homo voluntatis bonæ, qui prius fuit voluntatis malæ. Tunc enim vtile est velle cum possumus, & tunc vtile est posse cum volumus. Nam quid prodest, si quod non possumus volumus, aut quod possumus nolumus?] & item, Vt ergo velimus sine nobis operatur, cum autem volumus, & sic volumus vt faciamus, nobiscum cooperatur: tamen sine illo vel operante vt velimus, vel cooperante cum volumus, ad bonæ pietatis opera nihil valeamus.]
- Cap. xv. Et item in libro Hypomnesticon ita dicit, Et gratia inquirens & liberum arbitrium peragit sine dubio iter fidei. Liberum arbitrium, dum Dei Christianus facit præcepta, sed non, vt supra dixi, sine gratia dirigente vel gubernante. Propter quod dicit in Psalmis, *Dirige in conspectu tuo viam meam, & à Domino gressus hominis diriguntur.* Itaque nec gratia sine libero arbitrio facit hominem habere beatam vitam, nec liberum arbitrium sine gratia. Tamen paruulos sine vsu liberi arbitrij facit gratia habere beatam vitam: eos autem qui iam rationis capaces sunt, præuenit atque docet, vt bonum velint & possint.] & item, Nemo sit segnis & remissus ad seruendum Deo, nec sic de gratia confidat, tanquam de libero arbitrio eius, quod per mortem filij sui reparauit, & sibi præparauit, opera non requirat.] & item, Opera liberi arbitrij bona, quæ vt fiant præparantur per gratiæ præuentum, nullis liberi arbitrij meritis, & ipsa faciente, gubernante, & perficiente, vt abundant in libero arbitrio, non damnamus, quia ex his vel huiusmodi homines Dei iustificati sunt, iustificantur, iustificabuntur in Christo. Damnamus verò auctoritate diuina opera liberi arbitrij, quæ gratiæ præponuntur, & ex his tanquam meritis in Christo iustificari extolluntur. Quis enim prior dedit ei, & retribuet illi? & item, Ausculta & intellige, si tamen aures habeas audiendi, & cor non sit induratum intelligendi. Propter liberum arbitrium. quo bona & mala operantur homines, dictum est vnicuique reddi secundum opera sua. Habet enim homo malum meritum, cum vitio suo iam baptizatus declinat à bono, & facit malum, id est, cum relinquit Deum & diligit sæculum, sicut fecisse
2. Tim. 4. 9 Demam & Hermogenem testatur Apostolus: vel cum etiam in ro-
2. Tim. 1. 15

to spem habens in variis simulacris, Deum verum agnoscere non vult, quem cognoscendi in hoc sæculo habet potestatem. si velit summus Deus, tam per indebitam gratiam qua iustificat impium saluare, quàm etiam cum se auertit iudicio iusto traditum in reprobum sensum futuro gehennæ supplicio reseruare, vt reddat ei secundum opera sua. Habet nihilominus & bonum meritum, cum in omnibus gratiæ Dei bona in se operanti non resistit, sed cooperator existit.] & item, Sed ais mihi, quia oculis hæretico dolore turbatis intendere lumen veritatis non potes, & nullum est prorsus meritum propriæ voluntatis. Si discernas inter voluntatem & gratiam est. Audi ergo breuiter, Propriæ voluntatis tunc est meritum bonum, quando gratiæ donum præcedit vniuscuiusque voluntatem, & operatur vt meritum faciat homo per propriam voluntatem.]

Et Gregorius in libro *Moralium* xvi. Si quis saluari, inquit, sic munditia manuum suarum creditur, vt suis viribus innocens fiat, proculdubio erratur: quia si superna gratia nocentem non præuenit, nunquam profectò inueniet quem remuneret innocentem. Vnde veridici Moysis voce dicitur, *Nullusque apud te per se innocens est.* Supernam ergo pietas prius agit aliquid in nobis sine nobis, vt subsequente quoque nostro libero arbitrio bonum quod iam appetimus agat nobiscum: quod tamen per impensam gratiam in extremo iudicio ita remuneret in nobis, ac si solis processisset ex nobis. Quia enim diuina nos bonitas vt innocentes faciat præuenit, Paulus ait, *Gratia Dei sum id quod sum.* & quia eandem gratiam nostrum liberum arbitrium sequitur, adiungit, *& gratia eius in me vacua non fuit, sed abundantius illis omnibus laboraui.* Qui dum se de se nihil esse conspiceret, ait, *non autem ego,* & tamen quia se esse aliquid cum gratia inuenit, adiunxit *sed gratia Dei mecum.* Munditia itaque manuum suarum innocens saluabitur, quia qui hinc præuenitur dono vt innocens fiat, cum ad iudicium ducitur ex merito remuneratur.] & in libro xxxiii. Nemo quippe, vt diuina illum gratia subsequatur, prius aliquid contulit Deo. Nam si nos Deum bene operando præuenimus, vbi est quod Propheta ait, *Misericordia eius præueniet me?* Si quid nos bonæ operationis dedimus, vt eius gratiam mereremur, vbi est quod Paulus Apostolus dicit, *Gratia salui facti estis per fidem,* & hoc non ex vobis, sed Dei donum est, non ex operibus? Si nostra dilectio Deum præuenit, vbi est quod Ioannes Apostolus dicit, *Non quia nos dilexerimus Deum, sed quoniam ipse prior dilexit nos?* vbi est quod per Osce Dominus dicit, *Diligam eos spontaneè?* Si sine eius munere nostra virtute Deum sequimur, vbi est quod per Euangelium veritas protestatur dicens, *Sine me nihil potestis facere?* Vbi est quod ait, *Nemo potest venire ad me nisi pater qui misit me traxerit eum?* vbi quod iterum dicit, *Non vos me elegistis, sed ego elegi vos?* Si saltem dona bono-

Cap. x.

Exod. 34.

1. Cor. 15.
10.

Psal. 58. 11.

Ephes. 2. 8.

1. Ioan. 4.
10.

Osce 14. 5.

Ioan. 15. 5.

Ioan. 6. 44.

Ioan. 15. 18.

rum operum virtute nostra bene cogitando præuenimus, ubi est quod rursum per Paulum tam salubriter dicitur, vt omnis de se humanae mentis fiducia ab ipsa cordis radice succidatur, cum ait, *2. Cor. 3. 5.* *Non quia sufficientes simus cogitare aliquid à nobis quasi ex nobis, sed sufficientia nostra ex Deo est.* Nemo ergo Deum meritis præuenit, vt tenere eum quasi debitorem possit.] & paulò post, Idcirco enim nequaquam caelestis patriæ præmia æterna percipiunt, quin reprobi, quia ea nunc, dum promereri poterant, ex libero arbitrio contempserunt. Quod videlicet liberum arbitrium in bono formatur electis, cum eorum mens à terrenis desideriis gratia adspirante suspenditur. Bonum quippe quod agimus & Dei est, & nostrum: Dei per præuenientem gratiam, nostrum per obsequentem liberam voluntatem. Si enim Dei non est, vnde ei gratias in æternum agimus? Rursum si nostrum non est, vnde nobis retribuere præmia speramus? Quia ergo non immerito gratias agimus, scimus quòd eius munere præuenimur: & rursum quia non immerito retributionem quærimus, scimus quòd subsequente libero arbitrio bona elegimus quæ ageremus.] Et in homilia Euangelij xxxvii. *Non vos me elegistis, sed ego elegi vos, & posui vos vt eatis & fructum afferatis.* posui, ad gratiam plantaui, vt eatis volendo, fructum afferatis operando. Eatis enim volendo dixit, quia velle aliquid facere iam mente ire est. Qualem verò fructum afferre debeant subditur, *& fructus vester maneat.* Ibi ergo, id est post mortem, illa retributio inchoat, ubi ista terminatur.] Et in homilia ix. Ezechielis prophetae, *Et ingressus est in me spiritus, postquam locutus est mihi, & statuit me supra pedes meos.* Ecce diuina vox iacenti Prophetae iussit vt surgeret: sed surgere omnino non posset, nisi in hunc omnipotentis Dei spiritus intrasset: quia ex omnipotentis Dei gratia ad bona opera conari quidem possumus, sed hæc implere non possumus si ipse non adiuuat qui iubet. Sic Paulus cum discipulos admoneret dicens, *Cum metu & tremore vestram ipsorum salutem operamini,* illicò quis in eis hæc ipsa bona operaretur adiunxit dicens, *Deus est enim qui operatur in vobis & velle & perficere pro bona voluntate.* Hinc est quod ipsa veritas discipulis dicit, *Sine me nihil potestis facere.* Sed in his considerandum est, quia si bona nostra sic omnipotentis Dei dona sunt, vt in eis aliquid nostrum non sit, cur nos quasi pro meritis æternam retributionem quærimus? si autem ita nostra sunt, vt dona Dei omnipotentis non sint, cur ex eis omnipotenti Deo gratias agimus? Sed sciendum est, quia mala nostra solummodò nostra sunt, bona autem nostra & omnipotentis Dei sunt & nostra: quia ipse adspirando nos præuenit vt velimus, qui adiuuando subsequitur ne inaniter velimus, sed possumus implere quæ volumus. Præueniente ergo gratia, & bona voluntate subsequente, hoc quod omnipotentis Dei donum est, fit meritum nostrum. Quod bene Paulus breui sententia expli-

Ioan. 15. 16.

*In principi-
pio.
Ezech. 2. 2.*

*Philipp. 2.
12. 13.*

Ioan. 15. 5.

cat dicens, *Plus illis omnibus laboravi.* Qui ne videretur suæ virtuti tribuisse quod fecerat, adiunxit, *Non autem ego, sed gratia Dei mecum.* Quia enim cælesti dono præuentus est, quasi alienum se à bono suo opere agnouit dicens, *Non autem ego.* Sed quia præueniens gratia liberum in eo arbitrium fecerat in bono, quo libero arbitrio eandem gratiam est subsecutus in opere, adiunxit, *sed gratia Dei mecum.* ac si diceret, In bono opere laboravi, non ego, sed & ego. In eo enim quòd solo Domini dono præuentus sum, non ego: in eo autem quòd donum voluntate subsecutus, & ego. His igitur breuiter contra Pelagium & Cælestium dictis, ad exponendi ordinem redeamus.]

1. Cor. 15.
10.

Et Prosper in epistola ad Rufinum de gratia & de libero arbitrio, Quis ambigat, inquit, tunc liberum arbitrium cohortationi vocantis obedire, cum in illo gratia Dei affectum credendi obediendique generauerit?] & item, Qui credunt, Dei aguntur spiritu, qui non credunt, libero auertuntur arbitrio.] & item, Et omne quod non est ex fide, peccatum est. vt scilicet intelligas iustitiam infidelium non esse iustitiam, quia sordet natura sine gratia. Amissa quippe naturali innocentia, homo exul ac perditus, ambulans sine via, profundiores intrabat errores: sed quæsitus, & inuentus, & reportatus est, & in via quæ veritas & vita est introductus, ac dilectione in Deum, qui illum non diligentem prior dilexit, agnitus est.] & item, Gratia igitur Dei, quoscumque iustificat, non ex bonis meliores, sed ex malis bonos facit, postea per profectum ex bonis factura meliores, non adempto libero arbitrio, sed liberato. quod donec sine Deo solum fuit, mortuum fuit iustitiæ, vixitque peccato: vbi autem id illuminauit misericordia Christi, erutum est à regno diaboli, & factum est regnum Dei. In quo vt permanere possit, ne ea quidem facultate sufficit sibi, nisi inde accipiat perseuerantiam, vnde accipit industriam.]

Et item sanctus Augustinus in libro Hypomnesticon, Si adtendas ad peccatum primorum hominum, quo massa humani generis damnari meruit, quia secundum testimonium Pauli Apostoli, *ex uno omnes in condemnationem*, poteris agnoscere iudicia Dei esse iustissima. Inde est enim malum meritum in omnibus, tam paruulis quàm maioribus, præcedens iudicia Dei, vt iusto eius iudicio puniantur.] & item, Audi tamen adhuc calcatiùs, vt ad propositum superioris disputationis reuertamur, quia homo vulneratus libero arbitrio per Adæ peccatum, sine gratia Dei per se solum sanare se non potest, nec sponte ad paradysum reuerti sanctorum numero sociandus, nec eum gratiam meritis ullis accipere, sed totum sua misericordia Deum peragere.] & de vulnerato ac *femiuiuo relicto* secundum parabolam Euangelicam ibidem loquens isdem S. Augustinus subiungit, Rectè dictus est femiuius. habebat enim vitalem mo-

Lib. III.

Rom. 5. 16.

Luc. 10. 30.

tum, id est liberum arbitrium vulneratum, quod ei solum ad æternam vitam quam perdiderat redire non sufficiebat.] & item, Cum autem acceperit spiritum Domini, erit in eo libertas ad capefenda Domini præcepta, quia ubi spiritus Domini, ibi libertas.] & post aliquanta, Quia cum Dei misericordia se præueniente agit & ipse satis per liberum arbitrium, ut mundetur: sola autem voluntate sua si præsumat, mundari non potest.] & item, Quibus enim dicitur in Psalmis, nisi liberum arbitrium habentibus, *Venite filij, audite me, timorem Domini docebo vos?* Quomodo autem unicuique secundum sua opera redderetur in die iudicii, nisi liberum esset arbitrium? & ideo non est personarum acceptio apud Deum. In omni itaque opere sancto prior est voluntas Dei, posterior liberi arbitrij, id est operatur Deus, cooperatur homo.] & plura alia, quæ si quis plenius scire voluerit, eundem librum ex ordine relegat, in quo multa mirifica & miranda aut cognoscere aut recognoscere valebit.

Post epist.
viii.

Et sanctus Cælestinus in Decretalibus ex verbis Innocentij Papæ, Liberum enim, inquit, arbitrium primus homo perpeffus, dum suis inconsultius vitur bonis, cadens in præuaricationis profunda dimerfus est, & nihil quemadmodum exinde surgere posset inuenit, suæque in æternum libertate deceptus, huic ruinæ subiacuisset oppressus, nisi cum post Christi pro sua gratia releuasset aduentus, qui per nouæ regenerationis purificationem præteritum omne vitium sui baptismatis lauacro purgauit.] Item, Aduerte tandem, ô prauarum mentium peruersa doctrina, quod primum hominem ita libertas ipsa decepit, ut dum indulgentius frænis eius vitur, in præuaricationem præsumptione incideret. Nec ex hac potuit erui, nisi ei prouidentia regenerationis statum pristinae libertatis Christi Domini reformasset aduentus.] & post aliquanta, Quotquot enim spiritu Dei aguntur, hi filij sunt Dei, ut nec nostrum deesse sentiamus arbitrium, & in bonis quibusque voluntatis humanæ singulis motibus magis illius valere non dubitemus auxilium.] & post aliquanta, Quod utique auxilio & munere Dei non aufertur liberum arbitrium, sed liberatur, ut de tenebroso lucidum, de prauo rectum, de languido sanum, de imprudente sit prouidum.] Et item sanctus Prosper in epistola ad Rufinum, Et ut magis probaretur, inquit, liberum arbitrium nihil posse sine gratia, cui dictum fuerat, *Confirma fratres tuos, & roga ne intretis in tentationem*, quique responderat, utique ex libero arbitrio, *Domine tecum paratus sum, & in carcerem & in mortem ire*, eidem prædicitur quod priusquam gallus cantet, ter Dominum negaturus sit. quod quid est aliud quam quod in fide defecturus sit?] & item, Nimium verò ineptè, nimiumque inconsideratè ab aduersantibus dicitur, quod per hanc Dei gratiam libero nihil relinquatur arbitrio.] & post pauca, Proinde homo, qui libero arbitrio

fuit

fuit malus, in ipso libero arbitrio factus est bonus: sed per se malus, per Deum bonus, qui cum ita in illum initialem honorem alio initio reformauit, ut ei non solum culpam malæ voluntatis & actionis remitteret, sed etiam bene velle, bene agere, atque in his permanere donaret.] & item, Ex vna massa, quæ est caro primi hominis, vnam scimus omnium hominum creatam creatæque naturam, & eandem per ipsius primi hominis liberum arbitrium, in quo omnes peccauerunt, esse prostratam, nec vlllo modo ab æternæ mortis debito liberam, nisi eam ad imaginem Dei secundæ creationis Christi gratia reformauerit, liberumque eius arbitrium agendo, spirando, auxiliando, & vsque in finem præcundo seruauerit.] & item in eadem epistola, Nunc autem idem arbitrium conuersum est, non euersum, & donatum ei aliter velle, aliter sapere, aliter agere, & incolumitatem suam non in se, sed in medico collocare: quia necdum tam perfecta vitur sanitate, ut ea quæ ei nocuerant, nequeant iam nocere, aut in salubribus possit iam viribus suis temperare.] Et in absolutione sexta contra Gallos, Liberum arbitrium nihil esse vel non esse perperam dicitur: sed ante inlumptionem fidei in tenebris, id est in vmbra mortis, agere non rectè negatur, quoniam priusquam à dominatione diaboli per Dei gratiam liberetur, in illo profundo iacet, in quod se sua libertate dimerfit.] & paulò post, Ut quod in illo inchoatum est per gratiam Christi, etiam per industriam liberi augeatur arbitrij, nunquam remoto adiutorio Dei, sine quo nec proficere, nec permanere in bono quisquam potest.] Et Cassiodorus in Psalmo CXVII. Est quidem in mala parte execrabilis libertas arbitrij, ut præuicator creatorem deferat, & ad vitia se nefanda conuertat. In bona verò parte arbitrium liberum Adam peccante perdidimus. ad quod nisi per Christi gratiam redire non possumus, dicente Apostolo, *Deus est enim qui operatur in vobis & velle & perficere pro bona voluntate.* Vnde assidua oratione precandum est, ne nos voluntas peruersa rapiat, sed inspiratio diuina possideat, quoniam quicquid ex nobismetipsis sapimus, mortifera contra nos audacia concitamus. Iure ergo vetuit in homine confidendum, qui per se nec alteri nec sibi præualet dare remedium.] Ecce quomodo libertatem arbitrij in Adam perdidimus, & quomodo eam per Christum recepimus: & quia habemus liberum arbitrium ad bonum præuentum & adiutum gratia. Vnde addidit Prosper, Cùm in bonis voluntas sit intelligenda de gratia. &, habemus liberum arbitrium ad malum desertum gratia. Ex quo mox idem auctor subiungit, In malis autem voluntas intelligenda est sine gratia. Et sanctus Augustinus in libro de Correptione & Gratia, Liberum arbitrium ad malum sufficit, ad bonum autem parum est, nisi adiuuetur ab omnipotente bono. Audiat & lector, quia sicut in Capituli conclusione posuimus, habemus liberum arbitrium, gratia siquidem

Resp. vi. ad
Gallos.

Post Epist.
VIII.

liberatum. Vnde Prosper in Recapitulatione absolutionis decimæ, Arbitrium enim hominis gratia Dei non abolet, sed adolet, & ab errore in viam reuocat ac reducit, vt quod sua libertate erat prauum, spiritu Dei agente sit rectum. Et sanctus Cælestinus, sicut supra diximus, auxilio & munere Dei non aufertur liberum arbitrium, sed liberatur. Quod qualiter & per quem perdidimus, & à quo quod perdideramus recepimus, ex absolutione XIII. Prosperi lector accipiat, Qui enim, inquiens, quod (videlicet liberum arbitrium) acceperat perdidit, non inde id recipit vnde perdidit, sed ab illo recipit quod habeat, à quo quod amisit acceperat. Et in absolutione quinta contra Vincentianos, Non igitur cuiusquam peccati auctor Deus, sed naturæ creator est: quæ cum potestatem habuerit non delinquendi, sponte deliquit, & deceptoris suo propria voluntate se subdidit. nec naturali sed captiuo motu versatur in vitio, donec moriatur peccato & viuat Deo. quod sine gratia Dei facere non potest, quia libertatem, quam libertate perdidit, nisi Christo liberante non recipit.]

Ecce habet lector, quia libertatem quam libertate perdidimus, nisi Christo liberante nequaquam recipimus: quàmque Christi gratia liberatam ad bonum habemus, & sine Christi gratia captiuo motu versamur in vitio. Et sanctus Cælestinus, vt suprâ scripsimus, Primum hominem ita libertas ipsa decepit, vt dum indulgentius frænibus eius vititur, in præuaricationem præsumptionis incideret: nec ex hac potuit erui, nisi ei prouidentia regenerationis statum pristinae libertatis Christi Domini reformasset aduentus. Vnde videat qui Capitula illa composuit, quæ nobis dedistis vt de eis vobis respondeamus, si Capitulum, à nostra mediocritate ex his & aliorum etiam doctorum verbis excerptum, à catholica fide discordet. quoniam in sexto Capitulo, quasi nos ab ea discordaremus, scribere voluit dicens,

„ Item de gratia per quam saluantur credentes, & sine qua rationalis creatura nunquam beatè vixit, & de libero arbitrio, per peccatum in primo homine infirmato, sed per gratiam Domini Iesu fidelibus eius redintegrato & sanato, id ipsum constantissimè & fide plena fatemur, quod sanctissimi Patres auctoritate sacrarum scripturarum nobis tenendum reliquerunt, quod Africana, quod A-
 „ rausica Synodus professæ est, quod beatissimi Pontifices Apostolicæ sedis catholica fide tenuerunt. Sed & de natura & gratia in aliam
 „ partem nullomodò declinare præsumentes. Verùm & nos, sicut supra ostendimus, quod sanctissimi Patres auctoritate sacrarum scripturarum nobis tenendum reliquerunt, & quod beatissimi Pontifices Apostolicæ sedis catholica fide tenuerunt, de gratia & libero arbitrio tenuimus & tenemus, scripsimus & stilo catholico scribimus. Sed & de natura & gratia in aliam partem nullomodò declinare præsumentes, quod compositor Capitulorum cum eclipsi po-

fuit, nos suppletes adicimus, firmissimè credimus & tenemus, videlicet quod illi crediderunt & tenuerunt. Sicut etiam sanctus Augustinus in libro de Natura & Gratia scripsit, & sicut in libro de Bono perseverantiæ dicit, Numquid ergo hominum naturæ duæ sunt? absit. Si duæ naturæ essent, gratia vlla non esset. nulli enim daretur gratuita liberatio, si naturæ debita redderentur. Hominibus autem videtur, omnes qui boni apparent fideles perseverantiam usque in finem accipere debuisse. Deus autem melius esse iudicavit misceri quosdam non perseveraturos certo numero sanctorum suorum, ut quibus non expedit in huius vitæ tentatione securitas, non possint esse securi. Multos enim à perniciofa elatione reprimit quod ait Apostolus, *Quapropter qui videtur stare videat ne cadat*. Voluntate autem sua cadit qui cadit, & voluntate Dei stat qui stat. Potens est enim Deus statuere illum. Non ergo ipse seipsum, sed Deus. Verum tamen bonum est non altum sapere sed timere. In cogitatione sua vel cadit quisque, vel stat. Sicut autem Apostolus ait, quod in libro superiore memoravi, *Non sumus idonei cogitare aliquid quasi ex nobismetipsis, sed* ^{1. Cor. 3. 3.} *sufficiencia nostra ex Deo est*. Quem secutus & beatus Ambrosius audet & dicit, Non enim in potestate nostra cor nostrum & cogitationes nostræ: quod omnis qui humiliter & veraciter pius est, esse verissimum sentit.] Quapropter hæc quæ scripsimus Capitulorum compilator relegat, & videat si in eis, uti in præfato sexto Capitulo scripserat, poterit inuenire ineptas quæstiunculas, & aniles penè fabellas, Scottorumque pultes puritati fidei nausiam inferentes, quæ periculosissimis & grauiissimis temporibus, ad cumulum laborum nostrorum, usque ad scissionem caritatis, miserabiliter & lacrymabiliter succreuerunt, ne mentes Christianæ inde corrumpantur, & excidant à simplicitate & castitate fidei quæ est in Christo Iesu. Videat nihilominus, si de duobus præscriptis Capitulis, & de aliis etiam duobus in processu scribendis, quæ ex catholicorum verbis excerpimus, Christianæ mentes corrumpantur, & excidant à simplicitate & castitate fidei quæ est in Christo Iesu: an de illis, quæ ipse cum modernis Prædestinarianis & priscorum Prædestinatianorum anathematizatis excerpserit adinventionibus, ad compressam & funditus extinctam hæresin resuscitandam, quæ ad cumulum laborum nostrorum, periculosissimis & grauiissimis temporibus, usque ad vnanimis scissionem fraternitatis miserabiliter & lacrymabiliter remouetur:

CAPVT XXII.

De eo qui ad reprehensionem istorum Capitulorum tacito suo nomine libellum composuit, & de sententiis Synodalibus, quas compiler Capitulorum nobis à regia sublimitate datorum collegit, volens ostendere ab illis nos discordasse.

DENIQUE subiunxit & compositor capitulorum, à vestra sublimitate nostræ humilitati datorum, sententias sanctorum Patrum capitulatim conscriptas, euidenti significatione proclamans, vt quia Capitula à nobis excerpta discordant à fide illa, fidelis quisque teneret fideliter, quæ quasi de abditis Patrum scriptis isdem pietatis studio releuarat, & quasi promulgando decreuerat. Quas etiam sententias quidam lingua rusticus, sensu infusus, & secundum scire suum intelligentia prauus, libello inferuit, quem tacito suo nomine incompositum satis composuit. In quo quatuor à nobis excerpta Capitula, quantum ex ipso fuit, discerpere & hæretica demonstrare curauit, vt de pusillo crescens maior fieret de minore, & de nostris blasphemiiis, quia de suis non poterat laudibus, emeret modo quocumque fauores. sicut de quodam fertur adolescente rumores captante inutiles, cum templum magnæ Dianæ apud Ephesum incendisset, comprehensus & interrogatus cur talia præsumpsisset, dicitur respondisse, quia bonis, inquit, non potui innotescere, saltem vel malis innotescerem. Nam & isdem, qui præfatum contra nos scripsit libellum, quantum datur intelligi, si artem sciret, quæ votum suum ad effectum quod desiderauerat perducere valuisset, vt innotescere posset voluntariè hæreticus esset. Sed quia contractus scientia, & distractus iactantia, nec quantum voluit docere praua præualuit, & arrogantia inflatus, atque iactantia velut quibusdam calcaribus stimulatus, & quasi quodam pressorio oppressus, intra silentij metas sine aliquo sono se cohibere non potuit. Cui in suprâ memoratis libellis, quantum omnis gratiæ largitor dare dignatus est, cum aliis reces reexortis Prædestinatianis respondimus. Sed & quoniam istorum Capitulorum, quæ inter manus habemus, compositor Africanæ & Arausicæ Synodorum fecit memoriam, & conscriptas sententias suis subiunxit Capitulis, ne refugere videamur prætermiis responsionum illius obiectionibus, & à quocumque dicatur nos illi non voluisse, sed respondere non potuisse, nullique subripiatur suspicio, quasi Capitulum à nobis excerptum ab his patrum sententiis discordet, conferamus sicut reuera ad lineam rectæ fidei, capitula à nobis excerpta istis Patrum sententiis, & videat lector si his poterit conuenire. Ponentes primùm de Synodis, quarum memoriam fecit, demùm de sententiis patrum, quas suo subiunxit Capitulo, sensus earum-

dem sententiarum ex Capitulis à nobis excerptis comparare curemus. Sanctus Cælestinus ad Venerium & ad alios Gallicanos Episcopos scribens in Decretali sua epistola ita dicit ad locum, *Quid rectores Romanæ Ecclesiæ de hæresi, quæ eorum temporibus exorta fuerat, iudicarint, & contra nocentissimos liberi arbitrij defensores, quid de gratia Dei sentiendum esse censuerint, ita ut etiam Africanorum Conciliorum quasdam sententias iungeremus, quas utique suas facientes Apostolici Antistites comprobarunt. Ut ergo plenius qui in aliquo dubitant instruantur, constitutiones sanctorum Patrum compendio manifestamus indiculo. quo, si quis non nimium est contentiosus, agnoscat omnium disputationum connexionem ex hac subditarum auctoritatum breuitate pendere, nullamque sibi contradictionis superesse rationem, si cum catholicis credat & dicat.*

CAP. I. Quod Adam omnes homines læserit, nec quenquam nisi Christi gratia posse saluari.] Et nos hæc eadem diximus in primo Capitulo ponentes, *Homo libero arbitrio malè utens peccauit & cecidit, & factus est massa perditionis totius humani generis.* Profecutus est sanctus Cælestinus dicens. II. Quod nemo sit bonus suis viribus, nisi participatione eius qui solus est bonus.] Nos quoque illius doctrinam sequentes diximus, *Deus bonus & iustus elegit ex eadem massa perditionis quos per gratiam prædestinauit ad vitam, & vitam illis prædestinauit æternam.* Deinde addidit sanctus Cælestinus. III. Quod nisi gratia Dei continua iuuemur, insidias diaboli superare non possumus, & quod per Christum libero bene utamur arbitrio, & quod omnia sanctorum merita dona sint Dei, & quod omnis sancta cogitatio & motus piæ voluntatis ex Deo sit, & quod gratia Dei non solum peccata dimittit, sed etiam adiuuat ne committantur.] Et nos illius sequentes magisterium scripsimus, quia *libertatem arbitrij in primo homine perdidimus, quam per Christum Dominum nostrum recepimus.* Non autem ipsum liberum arbitrium funditus in homine primo perdidimus, sed libertatem arbitrij ipsius, quam per Christum recepimus. *& habemus liberum arbitrium ad bonum præuentum & adiutum gratia.* scilicet ut eo bene utamur ad omnia studia, & ad omnia opera ac sancta merita, & ad omnem sanctam cogitationem & piæ voluntatis motum, ut velimus & possimus quod bonum est, & petamus, & mereamur, & impetremus non solum præteritorum peccatorum indulgentiam, sed etiam futurorum ne illa committamus cautelam. Subsequitur sanctus Cælestinus. IV. Quod præter statuta sedis Apostolicæ omnes orationes Ecclesiæ Christi gratiam resonant, qua genus humanum ab æterna damnatione reparatur: & quod gratiam Dei etiam baptizandorum testetur instituta purgatio, cum exorcismis & exsufflationibus spiritus ab eis abigantur imundi.] Et illius nos magisterio docti diximus, *Deus bonus & iustus elegit ex massa perditionis quos per gratiam prædestinauit, id est, gratia præ-*

Ibidem in
hinc.

parauit ad vitam. & quicquid in sanctis orationibus, & myſteriis fit Eccleſiaſticis, Dei eſt prædeſtinatio: quoniam Dei eſt gratiæ præparatio, per quæ ſacramentorum munia prædeſtinati ad vitam illis perueniunt prædeſtinatam æternam. De illo etiam arbitrio ſenſum poſuimus ſancti Cæleſtini in ſecundo à nobis excerpto Capitulo dicentes, *Liberum autem habemus arbitrium, quia gratia liberatum, & gratia de corrupto ſanatum.* Nam & ipſe dicit, utique auxilio & munere Dei non aufertur liberum arbitrium, ſed liberatur, ut de tenebroſo lucidum, de prauo rectum, de languido ſanum, de imprudente ſit prouidum. Tanta enim eſt erga omnes homines bonitas Dei, ut noſtra velit eſſe merita quæ ſunt ipſius dona.] Ecce quomodo à ſenſu Synodi Africanæ non diſſentimus, neque Synodo illius ſanctæ contraria ſcripſimus, nec etiam glorioſæ Romanæ Eccleſiæ contraimus.

Nunc ſi à ſancta Arauſica Synodo, cui ſanctus Caſarius ex delegatione ſedis Apoſtolicæ præſedit, diſcrepemus in aliquo videamus. Primum Capitulum eiſdem Synodi eſt, Si quis per offenſam præuaricationis Adæ non totum, id eſt ſecundum corpus & animam, in deterius dicit hominem commutatum, ſed animæ libertate inlæſa durante, corpus tantummodo corruptioni credit obnoxium. II. Si quis ſoli Adæ præuaricationem ſuam, non & eius propagini, aſſerit nocuiſſe, aut certè morte tantum corporis quæ pœna peccati eſt, non autem & peccatum quod mors eſt animæ, per vnum hominem in omne genus humanum tranſiſſe teſtatur. III. Si quis inuocatione humana gratiam Dei dicit poſſe conferri, non autem ipſam gratiam facere ut inuocetur à nobis. IV. Si quis, ut à peccato purgemur, voluntatem noſtram Deum expectare contendit, non autem ut etiam purgari velimus, per ſancti Spiritus inſuſionem & operationem in nos fieri conſitetur. V. Si quis ſicut augmentum, ita etiam initium fidei, ipſumque credulitatis affectum, quo in eum credimus qui iuſtificat impium, & ad regenerationem ſacri baptiſmatis peruenimus, non per gratiæ donum, id eſt per inſpirationem ſancti Spiritus corrigentem voluntatem noſtram ab infidelitate ad fidem, & cetera quæ ibi proſequitur. VI. Si quis ſine gratia Dei credentibus, volentibus, miſericordiam dicit conferri diuinitus, non autem ut credamus, velimus, & reliqua. VII. Si quis per naturæ vigorem bonum aliquid, quod ad ſalutem pertinet vitæ æternæ, cogitare ut expediat, aut eligere, ſiue ſalutari, id eſt Euangelicæ prædicationi conſentire poſſe confirmat abſque inluminatione & inſpiratione Spiritus ſancti. VIII. Si quis alios miſericordia, alios verò per liberum arbitrium, quod in omnibus, qui de præuaricatione primi hominis nati ſunt, conſtat eſſe viriatum, ad gratiam baptiſmi poſſe venire contendit. IX. *De adiutorio Dei.* Diuini eſt muneris, cum & rectè cogitamus, & pedes noſtros à falſitate & iniuſtitia continemus. X. *De ad-*

utorio Dei. Adiutorium Dei etiam renatis ac sanatis semper est implo-
 randum. Hæc omnia capitula, si quis benigno animo & deuoto studio
 voluerit intendere, inueniet in his duobus nostris Capitulis nos profe-
 cutos esse, quibus diximus, *Quia homo libero arbitrio malè utens pecca-*
uit & cecidit, & factus est massa perditionis totius humani generis. Deus au-
tem bonus & iustus elegit ex eadem massa quos per gratiam prædestinavit ad
vitam. & habemus liberum arbitrium ad bonum præuentum & adiutum
gratia. Vnde, si non arrogantia denotari, & lectori tædium ingerere
 timeremus, ne quilibet diceret quasi singulariter nobis hoc datum
 arrogaremus, vt alij hæc legentes non possent percipere, nisi nos sin-
 gula singulis sententiis singillatim demonstraremus, singulis capitulis
 horum duorum Capitulorum sententias componentes, qualiter con-
 uenirent ostendere studeremus. Nunc de xi. capitulo & sequentibus
 aliis, quæ maximè de libro sententiarum Prosperi, quas de dictis san-
 cti Augustini breuiter adnotauit, sicut & aliquanta quæ præmisi-
 mus, assumpta sunt, pressius rationem reddere studeamus. Est enim
 xi. capitulum, *De obligatione votorum.* Quòd nemo quicquam Domi-
 no rectè vouerit, nisi ab ipso acceperit. Et nos diximus, *Habemus li-*
berum arbitrium ad bonum præuentum & adiutum gratia. xii. *Quales nos*
diligit Deus. Tales nos amat Deus, quales futuri sumus ipsius dono,
 non quales sumus nostro merito. Videlicet sicut scripsimus, *quos per*
gratiam prædestinavit ad vitam. xiii. Arbitrium voluntatis, inquit Sy-
 nodus, in primo homine infirmatum, nisi per gratiam baptismi
 non potest reparari: quod amissum, nisi à quo potuit dari, non po-
 test reddi. Et nos diximus, *Libertatem arbitrij in primo homine perdid-*
imus, quam per Christum Dominum nostrum recepimus. xiv. Nullus miser
 de quacumque miseria liberatur, nisi qui Dei misericordia præue-
 nitur. Et nos diximus, *Et habemus liberum arbitrium ad bonum præuen-*
tum & adiutum gratia. xv. Ab eo quod formauit Deus mutatus A-
 dam, sed in peius per iniquitatem suam, ab eo quod operata est ini-
 quitas mutatur fidelis, sed in melius per gratiam Dei. Et nos dixi-
 mus, *Homo libero arbitrio malè utens peccauit & cecidit, & factus est mas-*
sa perditionis totius humani generis. Deus autem bonus elegit quos per gra-
tiam prædestinavit, id est gratia præparauit ad vitam. xvi. Nemo ex
 eo quod videtur habere gloriatur tanquam non acceperit, & reli-
 qua. Et nos diximus, *Habemus liberum arbitrium ad bonum præuentum*
& adiutum gratia. xvii. Fortitudinem gentilium mundana cupi-
 ditas, fortitudinem Christianorum Dei caritas facit, & reliqua. Et
 quia caritas gratia est, præuenit voluntatem nostram, & facit ac cu-
 stodit fortitudinem nostram, quæ diffusa est in cordibus nostris per
 Spiritum sanctum, vt & Psalmista demonstrat dicens, *Diligam te*
Domine fortitudo mea, & fortitudinem meam à te custodiam. De qua non
 tacuimus, quando diximus, *Præuenit liberum arbitrium nostrum gra-*
tia Domini nostri scribentes. Habemus liberum arbitrium ad bonum præ-

uentum & adiutum gratia. xviii. Debetur merces bonis operibus si fiant: sed gratia quæ non debetur præcedit ut fiant. Et istud absolutissime nos dixisse potest intelligi, quia *habemus liberum arbitrium ad bonum præuentum & adiutum gratia.* xix. Natura humana, etiam si in illa integritate in qua est condita permaneret, nullomodo se ipsa creatore suo non adiuuante seruaret. Vnde cum sine gratia salutem non posset custodire quam accepit, quomodo sine Dei gratia poterit reparare quod perdidit? Et ideo posuimus quia *homo libero arbitrio malè utens peccauit & cecidit, & libertatem arbitrij, quam in primo homine perdidimus, per Christum Dominum nostrum recepimus, & habemus liberum arbitrium præuentum & adiutum gratia.* xx. Nihil boni hominem posse sine Deo. Multa Deus facit in homine bona, quæ non facit homo: nulla verò facit homo bona, quæ non præstet Deus ut faciat homo. Et ideo diximus, *Habemus liberum arbitrium ad bonum præuentum & adiutum gratia.* quia sine illa nihil possumus facere, cum qua possumus agere quæ ipse dignatur largiri qui dixit *Sine me nihil potestis facere.* xxi. *De natura & gratia.* Sicut eis, qui volentes in lege iustificari & à gratia exciderunt, verissime dicit Apostolus, *Si ex lege iustitia est, ergo Christus gratis mortuus est. Et si per naturam iustitia est, ergo Christus gratis mortuus est.* Non ergo apud nos Christus gratis mortuus est, quia diximus quod credimus, sicut scriptum est, *Credidi propter quod locutus sum, & nos credimus propter quod & loquimur.* *Homo libero arbitrio malè utens peccauit & cecidit, & factus est massa perditionis totius humani generis. Deus autem bonus elegit quos per gratiam prædestinavit ad vitam.* xxii. *De his quæ homini propria sunt.* Nemo habet de suo nisi mendacium & peccatum. Et ideo diximus, *Habemus liberum arbitrium ad malum desertum gratia.* xxiii. *De voluntate Dei & hominis.* Suam voluntatem homines faciunt, non Dei, quando id agunt quod Deo displicet. Quod autem ita faciunt quod volunt, ut diuinæ seruiant voluntati, quamuis volentes agant quod agunt, illius tamen voluntas est, à quo & præparatur & iubetur quod volunt: quia sicut diximus, *Habemus liberum arbitrium ad bonum præuentum & adiutum gratia. & habemus liberum arbitrium ad malum desertum gratia.* xxiv. *De palmitibus vitis.* Ita sunt in palmitibus vites ut viti nihil conferant, sed inde accipiant unde viuant, & reliqua. Quia sicut dicit Apostolus, *Gratia Dei sum id quod sum.* & ex massa perditionis, veluti scripsimus, *Deus elegit quos per gratiam ad vitam prædestinavit.* xxv. Dilectio qua diligimus Deum, prorsus donum Dei est, & reliqua. Et nos diximus, *Habemus liberum arbitrium ad bonum præuentum & adiutum gratia.* Et quod in eodem subsequitur Capitulo, hoc etiam secundum fidem catholicam credimus, quod accepta per baptismum gratia, omnes baptizati, Christo auxiliante & cooperante, quæ ad salutem animæ pertinent possint & debeant fideliter laborare, & si voluerint adimplere, quia sicut diximus,

Habe-

Habemus liberum arbitrium ad bonum præuentum & adiutum gratia, & quod subsequitur, Aliquos verò ad malum diuina potestate prædestinatos esse, non solum non credimus: sed etiam si sunt, qui tantum malum credere velint, cum omni detestatione illis anathema dicimus. Vnde & supra in ratione reddita de primo Capitulo iam scripsimus. & nos etiam cum sancta Synodo, & Prædestinarianis, qui sicut electos ad vitam ita & reprobos à Deo ad interitum dicunt prædestinatos, cum illis qui ad malum aliquos diuina potestate prædestinatos fatentur, nisi se correxerint, & ad vnitatem catholicæ fidei, atque sanctæ matris Ecclesiæ sinum per debitam satisfactionem redierint, cum præfata Synodo dicere anathema debemus. Hinc quoque quilibet, columbino oculo intendens quæ proposuerunt sancti Patres nostri, & quæ subsecuti sumus, & non accipitrinis vnguibus carpere fraternam & innoxiam simplicitatem quærens, videat quæ licet breuioribus verbis, propter minus capacium minusque studiosorum inertiam, contexuimus à reuerenda & veneranda atque catholica prolixitate tantorum doctorum, nec in aliquo deuiamus: cum constet quia quicumque nos venenato dente rodere sine causa maluerit, se maliuolum & non nos non catholicos comprobabit.

NUNC DE SENTENTIIS memoratis, quas Capitulorum compositor adnotauerat, videamus. I. In præuaricatione Adæ omnes homines naturalem possibilitatem & innocentiam perdidisse, & neminem de profundo illius ruinæ per liberum arbitrium posse con-
furgere, nisi eum gratia Dei miserantis erexerit. Nec nos negauimus, in præuaricatione Adæ omnes homines naturalem possibilitatem & innocentiam perdidisse dicentes, *Libertatem arbitrij in primo homine perdidimus*. Sic & sanctus Augustinus dixit in libro de Correptione & Gratia, Nunc verò, inquit, posteaquam est illa magna peccati merito amissa libertas, etiam maioribus donis adiuuanda remansit infirmitas.] & item, Parum sit homini per illius reparare perditam libertatem.] Quid appellauerit perditam libertatem ipse nobis exponat. Ait enim in libro Hypomnesticon, Peccato ergo liberum arbitrium hominis possibilitatis bonum perdidit, non nomen & rationem.] & item, Quid etiam aliud ostendimus in oue illa perditæ ex centum ouibus, nisi liberum arbitrium possibilitatis bono vitio primi hominis perduto, à iustorum errasse consortio?] & item, Per velle ergo malum rectè perdidit posse bonum, qui per posse bonum potuit vincere velle malum.] & item, Sed eum velle & nolle prædocuit, cui ad vtrumque posse liberum donarat arbitrium, quo malè vtens incautiùs dum sponte serpenti præbet suadenti consensum Domini præterire præceptum, amisso possibilitatis bono, solum velle potitus est vulneratus.] Et sanctus Cælestinus dicit ex verbis S. Innocentij quæ ad Carthaginense Concilium scripserat, Liberum, in-

Cap. xii.

Libro xii.
non longè
à princip.
Post mediū

quiens, arbitrium ille perpeffus, id est primus homo, dum suis in-
 consultius vtitur bonis, cadens in prauaricationis profunda dimer-
 sus est, & nihil quemadmodum exinde surgere posset inuenit, sua-
 que in æternum libertate deceptus. Et ideo scripsimus, *Libertatem*
 » *arbitrij in primo homine perdidimus.* II. subiunxit, Quod nemo ni-
 » si per Christum libero bene vtatur arbitrio. Et nos ita diximus
 ponentes, *Quam libertatem per Christum Dominum nostrum recepimus.*
& habemus liberum arbitrium ad bonum præuentum & adiutum gratia.
Liberum autem habemus arbitrium, quia gratia liberatum, & gratia de cor-
rupto sanatum. Et sanctus Cælestinus de verbis Innocentij præmisit,
 Sua in æternum libertate homo primus deceptus huic ruinæ subiacuif-
 fet oppressus, nisi cum post Christi pro sua gratia releuasset aduen-
 tus.] Et sanctus Prosper in epistola ad Rufinum, Amissa quippe na-
 turali innocentia, homo exul ac perditus ambulans, sine via, pro-
 fundiores intrabat errores. Sed quæsitus, & inuentus, & reportatus
 est, & in via quæ veritas & vita est introductus, ac dilectione in
 Deum, qui illum non diligentem prior dilexit, agnitus est.] & post
 aliquanta, Non adempto libero arbitrio, sed liberato: quod donec
 sine Deo solum fuit, mortuum fuit iustitiæ, vixitque peccato. Vbi
 autem id inluminauit misericordia Christi, erutum est à regno dia-
 boli, & factum est regnum Dei. In quo vt permanere possit, ne ea
 quidem facultate sufficit sibi, nisi inde accipiat perseuerantiam, vn-
 de accepit industriam.] & item, Nisi Christi gratia reformauerit li-
 berum eius arbitrium agendo, spirando, auxiliando, & vsque in fi-
 nem præeundo seruauerit.] Et contra Gallos, Quoniam priusquam
 à dominatione diaboli per Dei gratiam liberetur, in illo profundo
 iacet, quin arbitrium hominis, in quod se sua libertate dimerfit.] Et
 sanctus Augustinus, Propter quod non restat liberandis nisi gratia
 liberantis.] Et hinc diximus, *Liberum autem habemus arbitrium, quia*
 » *gratia liberatum, & gratia de corrupto sanatum.* III. deinde supposuit,
 » Quod omnia studia, & omnia opera ac merita sanctorum ad Dei
 » gloriam laudemque referenda sint: quia nemo aliunde ei placeat,
 » nisi ex eo quod ipse donauerit. IV. Quod ita Deus in cordibus ho-
 » minum, atque in ipso libero operetur arbitrio, vt sancta cogitatio,
 » pium consilium, omnisque motus bonæ voluntatis ex Deo sit: quia
 » per illum aliquid boni possumus, sine quo nihil possumus. Quæ nos
 » etiam non negamus, immo etiam confitemur dicentes, *& habemus*
liberum arbitrium ad bonum præuentum & adiutum gratia. Ad bonum e-
 nim absolutè posuimus, vt ad omne bonum quicquid bonum est
 intelligamus. Si bonum est studium, si bonum est sanctum opus, si
 bonum est sanctum meritum, si bonum est quod sanctè cogitamus,
 si bonum est pium consilium, si bonum est moueri ad quodcum-
 que bonum, & ad quamcumque bonam voluntatem, ad hæc om-
 nia liberum nostrum arbitrium præuentum & adiutum gratia Dei,

& credimus, & dicimus, & scripto firmavimus. Et hæc omnia ex Deo esse credentes diximus, quando *ad bonum præventum & adiutum Dei gratia liberum arbitrium nostrum* conscripsimus. Deum quoque in ipso libero nostro arbitrio operari sanctam cogitationem, pium consilium, omnesque motus bonæ voluntatis, professi sumus dicentes, *Habemus liberum arbitrium præventum*, scilicet antequam bona cogitemus, *& adiutum gratia*, ut bene cogitemus, bene operemur, in bonis perseveremus. Nec in istis duobus Capitulis à catholico sensu & Catholicorum verbis in aliquo Deo gratias deviamus. v. supposuit. Omnium studiorum, omniumque virtutum, quibus ab initio fidei ad Deum tenditur, Deum profiteamur auctorem, & non dubitamus ab ipsius gratia omnia hominis merita præveniri, per quem fit ut aliquid boni & velle incipiamus, & facere. Quo utique auxilio & misericordia Dei non aufertur liberum arbitrium, sed liberatur, ut de tenebroso lucidum, de pravo rectum, de languido sanum, de imprudente sit prouidum. Tanta est enim erga omnes homines bonitas Dei, ut nostra velit esse merita quæ sunt ipsius dona, & pro his quæ largitus est æterna præmia sit donaturus. Agit quippe in nobis ut quod vult, & velimus & agamus. Hic aliquantulum, responsione non omissa, sed intermissa, liceat nobis alloqui Capitulorum istorum compositorem. Vide, corrigendo te, frater, velis nolis frater noster, quando dixeris vel verè vel fictè Domino Pater noster, quia scriptum est, *Dicite his qui se alienant, fratres nostri vos estis*, ne à te incorrecto audiat sanctus Cælestinus, in illo manens cui nuda & aperta sunt omnia, & cui cogitatio hominis confitetur, unde & omnia nostra videt, & audit, te hoc suo testimonio fuisse abusum, & dicat tibi, Ex ore tuo te iudico serue nequam. Quando legisti & scripsisti, & credenda ac tenenda atque prædicanda hæc in manus regias peruenire fecisti, quod dixi, & Spiritu sancto repletus veraciter dixi, Tanta est erga omnes homines bonitas Dei, ut nostra velit esse merita quæ sunt ipsius dona. Quocirca constat esse certissimum, quia Deus, secundum Apostolos Paulum & Petrum, *vult omnes homines saluos fieri, & neminem vult perire*. quare dixisti illum in superscripto Capitulo quosdam prædestinasse ad interitum? Ratissimum est enim, quia sicut ego dixi, & tu abusus scripsisti, tanta est erga omnes homines bonitas Dei, ut nostra velit esse merita quæ sunt ipsius dona. Unde est pro certo falsissimum quod dixisti, Deum quosdam ad interitum prædestinasse, quoniam qui omnes homines vult saluos fieri & neminem perire, neminem credendus est ad perditionem prædestinasse. sicut suprà Apostolicam tenentes doctrinam commilitones ac comministri nostri docuisse noscuntur. Et si cum tali sententia ad illius iudicium veneris, scias pro certo, quia non claua Herculeæ, sed quæ amplius pensat Apostolica ferula, talem in capite ictum accipies, ut

Esa. 66. 5.

1. Tim. 2. 4.
2. Pet. 3. 9.

vix aut nunquam ulterius iam refurgas. De hoc Capitulo satis in supradictis respondimus. Et ne dicat nos complex quilibet compositoris Capituli pleniter non ad omnia respondisse, quia duo tantum ex libero arbitrio de verbis sancti Cælestini in Capitulo à nobis excerpto posuimus, quando diximus, *Habemus liberum arbitrium, quia gratia liberatum, & gratia de corrupto sanatum*, de aliis quæ sanctus Cælestinus posuit, superaddamus. Dixit enim, De tenebroso lucidum. quando tenebrosus fuit, corruptum sine dubio fuit: quando lumen recepit, sanitatem accepit. De prauo rectum. quando prauum fuit, corruptum sine dubio fuit: quando recreatum gratia Dei fuit, proculdubio sanitatem recepit. De languido sanum. quando fuit languidum, fuit sine dubitatione corruptum: quando sanitatem recepit, sanatum ac per hoc sanum sine dubio fuit. Et quia aliud sit sanum aliud sit sanatum, sicut & aliud sanabile & aliud sanum, & aliud reparabile aliud reparatum, Prosper in libro secundo de Vocatione gentium demonstrat dicens, Non itaque omnis reparabilis reparatus, neque omnis sanabilis sanus est: quia reparabilis & sanabilis de natura est, reparatum autem & sanatum esse de gratia est. Quapropter colligendum atque sciendum est, sanum quidem fuisse arbitrium liberum in primo homine eidem primo homini datum, quo libertatem & possibilitatem bonum velle & posse habuit, & quo per malum velle perdidit bonum posse, qui per posse bonum potuit vincere velle malum. Post hoc autem non fuit in homine arbitrium liberum sanum, sed sanabile: illi tamen cui nihil est impossibile. Est autem in eis sanum, ab eo & per eum sanatum cuius est gratia, de peccati seruo gratia liberatum, & gratia libertate donatum, & libertati gratia redditum: sicque in electis suis gratia Dei de corrupto sanatum, atque incolumitatis sanitate muneratum, modò in spe, in futura vita re sanum, sine ullius corruptionis interpolatione & attaminatione datum atque donandum. Et ideo diximus, *Habemus liberum arbitrium gratia de corrupto sanatum*. Subsequitur sanctus Cælestinus, De imprudente sit prouidum. Nec hoc exinde exceptum est quod diximus de corrupto sanatum, sicut sancti Innocentij verbis, ut breuitatis studio quæ Augustinus & Prosper & sanctus Gregorius atque Ambrosius inde dicunt prætermittamus, S. Cælestinus dicit, In præuaricationis profunda dimersus huic ruinæ subiacuisset oppressus, nisi eum post Christi pro sua gratia releuasset aduentus. In præuaricationis quippe profunda libero arbitrio dimersus liberum corrumpit arbitrium, & ruina iacens oppressus utile sibi prouidere quid posset, nisi eum Christi gratia releuaret, sanaret, atque inluminaret, & de imprudente prouidum faceret? Nec hinc à catholico sensu & catholicorum verbis, gratias gratiæ sempiternæ, vel in aliquo deuiauius. VI. subiunxit. Fatemur gratiam Dei & adiutorium etiam ad singulos actus

dari, eamque non dari secundum merita nostra, ut vera sit gratia, id est gratis data per eius misericordiam qui dixit, Miserebor cui miserus ero, & misericordiam præstabo cui misericors fuero. Hæc duo Capitula, septimum & octauum, in vnum copulans de Synodo Palæstina contra Pelagium dicta assumpsit. Fortè lethargica passione oppressus, aut Silenico cantharo debriatus, memoria mortua ignorauit, quia in tertio & quarto Capitulo beati Cælestini illa iam scripserit, à quibus nos non discordasse monstrauius. VII. Fatemur esse liberum arbitrium, etiamsi diuino indigeat adiutorio. Et hoc capitulum, in Synodo Palæstina decimum, interponere procurauit. de quo nos facti sumus, quia *habemus liberum arbitrium ad bonum præuentum & adiutum gratia, & habemus liberum arbitrium, quia gratia liberatum, & gratia de corrupto sanatum.* Ad hæc autem, & ad illa quæ subiungit, gratis respondemus, quia iam inde respondimus: sed adhuc respondere non detrectamus, quia scriptum est, quod supererogaue-
ris ego cum rediero reddam tibi. Sanctus enim Cælestinus nobis ex his respondendi necessitatem abstulit, sed libertatem si vellemus nullatenus interdicat. Ut ergo inquiens plenius qui in aliquo dubitant instruantur, constitutiones sanctorum Patrum compendioso monstramus indiculo: quo si quis non nimium est contentiosus agnoscat, omnium disputationum connexionem ex hac subditarum auctoritatum breuitate pendere, nullamque sibi contradictionis superesse rationem, si cum catholicis credat & dicat, videlicet quæ illius dictis supra condiximus. Sed quoniam fortè istorum Capitulorum compositor nimis contentiosus est, & nec cum catholicis credit & dicit quod crediderunt & dixerunt catholici, & esse mauult Aristodemus Apostoli Ioannis contradictor contrarius, quàm Apostoli Ioannis & Apostolici Cælestini discipulus, accipiat tunicam nostram, Patrum scilicet labore contextam, id est vestem fidelem, qua ipse gratia Dei possit resuscitari ad fidem, ut vel sic indignationem animi eius contra nos, qui fideles sumus, auferre possimus. Vnde adhuc illi de duobus sequentibus Capitulis respondebimus. VIII. Arbitrium voluntatis in primo homine infirmatum, nisi per gratiam baptismi, non potest reparari. Et hoc ex tertio decimo Capitulo Arausicæ Synodi adsumpsit. de quo nos diximus, quia *libertatem arbitrij*, id est possibilitatem liberæ voluntatis arbitrij, *per Christum Dominum nostrum recepimus.* & *habemus liberum arbitrium quia gratia liberatum*, sicut scriptum est, *Tunc verè liberi eritis, cum vos filius liberauerit*, quodque tunc fit, cum eodem spiritu sumus renati, quo idem Christus redemptor & saluator noster ex immaculata Virginis carne pro nobis est natus. IX. Arbitrium voluntatis tunc est verè liberum, cum vitiis peccatisque non seruit. Tale datum est à Deo utique homini primo, quod amissum nisi à quo potuit dari non potuit reddi. Vnde veritas dicit, *Si vos filius liberauerit, verè liberi eritis.*

Ioan. 8. 34

Sicut in præcedentibus duo Capitula ex Synodo Palæstina coniunctim posuit, & superflue interseruit, quasi non sufficeret quod Apostolica sedes ad sufficientiam edidit: ita nunc Capitulum tertiumdecimum Arausicæ Synodi in duo diuisit, & aliter quàm ipsa protulerit isdem secando composuit. Hoc siquidem Capitulum Arausica Synodus de libro sententiarum Prosperi, capitulo CL. partim adsumpsit, & dixit, Arbitrium voluntatis in primo homine infirmatum, nisi per gratiam baptismi non potest reparari. quod amissum, nisi à quo potuit dari, non potest reddi. Vnde veritas ipsa dicit, *Si vos filius liberauerit, tunc verè liberi eritis.* Iste autem, sicut præmisimus, octauum Capitulum erexit de medietate istius Synodalis Capituli scribens, Arbitrium voluntatis in primo homine infirmatum, nisi per gratiam baptismi, non potest reparari. & nonum de sententia Prosperi, qua ex verbis sancti Augustini dicit, Arbitrium voluntatis tunc est verè liberum cum vitiis non seruit. Tale datum est à Deo homini primo. quod amissum, nisi à quo potuit dari, non potest reddi. Vnde veritas dicit, *Si vos filius liberauerit, tunc verè liberi eritis.* Ceterum sancta Synodus & catholicè & sufficientissimè texens & ordinans tenendum Capitulum nobis suis posteris commendauit. A cuius consensu, verum nec à sententia Prosperi, nostra conscriptio, sicut suprà ostendimus, in aliquo deuiavit. Sed & si quacumque necessitate Capitulorum istorum compositor sensum istius Capituli eliquasset, non ab re esset quod egerat. Nunc autem, manente verbis & sensu in sua incolumitate Capitulo, minùs necessariò illud diuisit ac compilauit. Bene siquidem sanctus nouerat Cæsarius, qui ex delegatione Apostolicæ sedis huic Synodo præsedet Arausicæ, quid sanctus Augustinus de libero arbitrio homini primo dato in libro de Correptione & Gratia dixerat, quémque in libris de Prædestinatione sanctorum, & de Bono perseuerantiæ, ad prædecessorem suum Hilarium scriptis commemorat, quem etiam librum compar & socius illius sanctus Prosper se habuisse non tacet in epistola ad Augustinum dicens, Librum de Correptione & Gratia plenum diuinæ auctoritatis emitteres. quo in notitiam nostram insperata opportunitate delato, & reliqua. Et credendum est, quia sanctus Prosper Hilario eundem librum, quem se habere dixit, coniuncto & familiari suo non negauerit. Vnde & beatus Cæsarius, quæ hinc sanctus Augustinus dixerat, succedens in ordine suo sancto Hilario non ignorauit. Ait enim sanctus Augustinus in præfato libro, Fit quippe in nobis per hanc Dei gratiam in bono recipiendo, & perseueranter tenendo, non solùm posse quod volumus, verum etiam vel le quod possumus. Quod non fuit in homine primo. vnum enim horum in illo fuit, alterum non fuit. Namque vt reciperet bonum gratia non egebat, quia nondum perdiderat: vt autem in eo permaneret, egebat adiutorio gratiæ, sine quo id omninò non posset. Et

For. n. 8. 36.

Cap. xi. sub
finem.

acceperat posse si vellet, quod ut nollet de libero descendit arbitrio: quod tunc ita liberum erat, ut bene velle posset & malè. Quid erit autem liberius libero arbitrio, quando non poterit seruire peccato? quæ futura erat & homini, sicut facta est & Angelis sanctis, merces meriti. Nunc autem, per peccatum perduto bono merito, in his qui liberantur factum est donum gratiæ, quæ merces meriti futura erat.] & post pauca, Numquid dicturi sumus, non potuit peccare qui tale habebat liberum arbitrium? aut non potuit in ori cui dictum est, si peccaueris morte morieris? aut non potuit bonum deferere, cum hoc peccando deseruerit, & ideo mortuus sit?] & item, Sed deseruit & desertus est. Tale quippe erat adiutorium quod desereret cum vellet, & in quo permaneret si vellet, non quo fieret ut vellet. Hæc est prima gratia, quæ data est primo Adam: sed hæc potentior est in secundo Adam. Prima est, qua fit ut habeat homo iustitiam si velit: secunda ergo plus potest, qua etiam fit ut velit, & tantum velit tantoque ardore diligat, ut carnis voluntatem contraria concupiscentem voluntate spiritus vincat.] Et item S. Augustinus in eodem libro de Correptione & Gratia, Quid ergo Adam non habuit Dei gratiam? Immo verò habuit magnam, sed disparem. Ille in bonis erat quæ bonitate sui conditoris acceperat. Neque enim ea bona, & ille suis meritis comparauerat, in quibus prorsus nullum patiebatur malum. Sancti verò in hac vita, ad quos pertinet liberationis hæc gratia, in malis sunt, ex quibus clamant ad Dominum, *Libera nos à malo*. Ille in illis bonis Christi morte non eguit: istos à reatu & hereditario & proprio illius agni sanguis absoluit. Ille non opus habebat eo adiutorio. quod implorant isti cum dicunt, *Video aliam legem in membris meis repugnantem legi mentis meæ, & captiuantem me in lege peccati quæ est in membris meis. Infelix ego homo, quis me liberabit de corpore mortis huius? gratia Dei per Iesum Christum Dominum nostrum*. Quoniam in eis caro concupiscit aduersus spiritum, & spiritus aduersus carnem, atque in tali certamine laborantes ac periclitantes dari sibi pugnandi vincendique virtutem per Christi gratiam poscunt. Ille verò, nulla tali rixa à seipso aduersus seipsum tentatus atque turbatus, in illo beatitudinis loco sua secum pace fruebatur. Proinde etsi non interim lætiore, nunc verò tamen potentiore gratia indigent isti. Et quæ potentior, quàm Dei vnigenitus filius, æqualis patri & coæternus, pro eis homo factus, & si sine suo vlllo vel originali vel proprio peccato, ab hominibus peccatoribus crucifixus? Qui quamuis tertia die resurrexit nunquam moriturus vltèrius, pertulit tamen pro mortalibus mortem qui mortuis præstitit vitam, ut redempti eius sanguine, tanto ac tali pignore accepto dicerent, *Si Deus pro nobis quis contra nos? qui proprio filio non pepercit, sed pro nobis omnibus tradidit illum, quomodo non cum illo omnia nobis donauit?* Per hunc mediatorem Deus ostendit eos quos eius

Cap. xi. ante superiorem.

Cap. xi. initio.

Matth. 6.

Rom. 7. 23.

Rom. 8.

31. 32.

Paulò inferius.

In fine
capitis.

sanguine redemit, facere se ex malis deinceps in aeternum bonos, quem sic suscepit, ut nunquam esset malus, nec ex malo factus semper esset bonus. Istam gratiam non habuit homo primus, qua nunquam vellet esse malus: sed sanè habuit, in qua si permanere vellet, nunquam malus esset. Et item beatus Augustinus, Prima libertas voluntatis erat, posse non peccare: nouissima erit multò maior, non posse peccare: quæ futura erat & homini, sicut facta est & Angelis sanctis, merces meriti.]

CAPUT XXIII.

Sequitur redargutio ipsius compilatoris, ex beati Augustini & ceterorum Doctorum verbis.

His sancti Augustini verbis manifestissimè claret, rationabiliùs sanctam Synodum composuisse Capitulum, quàm istum diuississe. quia quod Synodus dixit, Arbitrium voluntatis in primo homine infirmatum, nisi per gratiam baptismi non potest reparari, quod amissum nisi à quo potuit dari, non potest reddi, totum continet quicquid ad sciendum atque credendum nobis exinde est necessarium. Manifestatur enim in eo, quòd arbitrium voluntatis sanum primo homini fuerat datum, & in illo infirmatum, & quod amissum non potest reparari nisi per gratiam baptismi, quo renascuntur fideles eodem spiritu, quo & conditor & reparator noster est natus, idèmq; voluntatis arbitrium ab ipso fidelibus redditur, quo primo homini fuerat datum. Plena verò sanitas, atque perfecta libertas, nunc fidelibus redditur in spe, in futuro, cum nouissimè inimica destructa fuerit mors, in re, sicut scriptum est, *spe salui facti sumus*. Nam quandiu hîc mortaliter viuimus, cum morte conflagimus, ubi corpus quod corrumpitur adgrauat animam, & deprimit terrena inhabitatio sensum multa cogitantem. ubi caro concupiscit aduersus spiritum, spiritus aduersus carnem, ut non quæcumque volumus illa faciamus. ubi interdum habemus deferentes, ideòque gratia iustè deserti, liberum arbitrium iustitiæ liberum peccati seruum, sicut demonstrat Apostolus dicens, *Cùm enim serui essetis peccati, liberi fuistis iustitiæ. Quem ergo fructum habuistis tunc in his, in quibus nunc erubescitis.* Nam finis illorum mors est. Interdum autem habemus, gratia præuienti & adiuti, liberum arbitrium, peccati liberum, iustitiæ seruum. sicut iterum idem demonstrat Apostolus dicens, *Nunc verò liberati à peccato, serui autem facti Deo, habetis fructum vestrum in sanctificationem, finem verò uitam aeternam.* Cùm autem mortale hoc induerit immortalitatem, & corruptiuum hoc induerit incorruptionem, & venerit quod perfectum est, & euacuabitur quod ex parte est, habebimus tunc perfectè arbitrium liberæ voluntatis, scilicet nolle

Rom. 6. 21.

Rom. 6. 22.

nolle peccare, non posse peccare, non posse mori, non posse bonum deferere. Et in his omnibus adhærente nobis misericordia Saluatoris nostri, ut beatus Augustinus dicit, in sæpe memorato libro de Correptione & Gratia, de prædestinatis. quia siue cum conuertuntur, siue cum præliantur, siue cum coronantur. nam & tunc illis Dei misericordiam necessariam sancta scriptura testatur, ubi sanctus de Domino Deo dicit animæ suæ, *Qui coronat te in miseratione & misericordia.* Hoc liberum arbitrium homo primus habuisset, si in eo libero arbitrio quod habuit sicut potuerat usus fuisset, sicut præmissimus de verbis sancti Augustini, *Quid erat, inquit, liberius libero arbitrio, quando non potuerit seruire peccato, quæ futura erat & homini, sicut facta est & Angelis sanctis, merces meriti?* Sed cuiusque placet, benigno animo conferat Capitulum sanctæ Arausicæ Synodi cum Capitulo à nobis ad sensum excerpto, quia librum præ manibus tunc non habuimus, quando hoc Capitulum de sensibus orthodoxorum dictare coacti sumus, & videat si in aliquo illud dictantes à catholica fide & expositione Synodi discordauimus. Synodus dicit, Arbitrium voluntatis in primo homine infirmatum nisi per gratiam baptismi non potest reparari, quod amissum nisi à quo potuit dari non potest reddi. unde veritas ipsa dicit, *Si vos filius liberauerit, tunc verè liberi eritis.* Et nos diximus, Libertatem arbitrij in primo homine perdidimus, quam per Christum Dominum nostrum recepimus. Et habemus liberum arbitrium ad bonum præuentum & adiutum gratia: & habemus liberum arbitrium ad malum desertum gratia. liberum autem habemus arbitrium, quia gratia liberatum & gratia de corrupto sanatum.

His ita redditis contra reprehensorem huius à nobis excerpti Capituli, quasi ex latere breuiter memorari delegimus, quia peruenit ad nos, quoniam isti nebulones, qui in totum adhuc sicut prauè sentiunt proferre in publicum non præsumunt, librum aduersum nos occultè conscribunt, quem ad nostram notitiam peruenire, & ad lectionem nostram aduersus quos scribunt detractant perducere. In quo, sicut nobis retulit qui eundem nobis transcriptum perferre fatagens, in turbine tumultuoso, qui nuper huic regno accidit, cum aliis suis perdidit, æmuli nostri dicunt nos dicere, scribere, & prædicare, quia liberum arbitrium funditus in homine primo peccante sit perditum. Vnde breuiter adnotare decreuimus, quid de libero arbitrio sentiamus: ut qui fortè fatuitatem illorum attigerit, quæ sale catholicæ sapientiæ condita mens nostra sentiat hinc sine difficultate reperiatur. Primus namque homo cum libero arbitrio ita immortalis est conditus, ut posset non peccare si vellet, & posset peccare si vellet: non moreretur si non peccaret, moreretur autem si peccaret: non peccaret verò si non vellet. & si arbitrio libero ita persisteret, ut peccare non vellet, acciperet illam meriti magni perman-

sionem, vt peccare non posset nec vellet, sicut acceperunt in munere Angeli sancti, quæ merces meriti erat futura & homini. Hæc est primi hominis arbitrij liberi magna & prima libertas, qua libertate voluntate peccauit, & mortem sibi à Deo prædictam, ne illam peccando incurreret, voluntate peccando incurrit: & per malum velle perdidit bonum posse, qui per posse bonum potuit vincere velle malum. Et sicut homo ita vt diximus immortalis conditus fuit, quia Deus esse voluit, perdidit quod immortalis, & remansit quod homo fuit: ita post casum habuit arbitrium liberum, iustitiæ liberum peccati seruum, per se sufficiens sibi ad malum, languidum autem atque inualidum ad omne bonum, antequàm per Christi aduentum spiritu Dei agente sit rectum, & fidei gratia inluminatum, quod sua libertate erat prauum ac tenebrosum. Quod non inde recepit vnde perdidit: sed ab illo recepit quod habeat, à quo quod amisit acceperat. Quoniam post casum primi hominis noluit Deus nisi ad suam gratiam pertinere, vt homo accedat ad eum, & homo non recedat ab eo, sicut scriptum est, *Fiat manus tua super virum dextera tuæ, & super filium hominis quem confirmasti tibi, & non discedimus à te.* Iste est secundus Adam, per quem accedimus ad Deum, & in quo non discedimus à Deo. In primo namque Adam discessimus à Deo, in quo perdita est libertate arbitrij maxima illa libertas, & non remansit nisi sola infirmitas. Quapropter non restat liberandis nisi gratia liberantis. quam arbitrij libertatem recepimus, vt non solum bene velimus & bene possimus: verum vt à bono discedere non velimus, & in bono perseuerare possimus, non abolente sed adolente gratia arbitrium liberum gratia liberatum, gratia de corrupto sanatum. Hæc est secunda gratia, & arbitrij liberi gratia Dei recuperata libertas. Cum autem in electis penitus nouissima inimica destructa fuerit mors, & mortale hoc induerit immortalitatem, & corruptium hoc induerit incorruptionem. profuturam scilicet ad honorem vitæ, non ad diuturnitatem supplicij: quia & peccatores induent incorruptionem ad diuturnitatem supplicij, non ad honorem vitæ. quos ignis qui non extinguetur cum susceperit, non extinguet & perimet, sed pœnæ suæ semper integros conseruabit. tunc eiusdem conditoris & reparatoris, atque coronatoris nostri gratia, qui coronat nos in misericordia & miserationibus, si cum electis resurgentes immutari meruerimus, omnes quidem resurgemus, sed non omnes immutabimur, accipiemus perfectam & illam maximam libertatem, vt nec peccare, neque ab æternitate desistere possimus, neque velimus: quam acceperunt in munere Angeli sancti. quæ erat arbitrij liberi merces meriti, sine interpositione mortis, si non peccasset, & homini. Hanc arbitrij libertatem primus homo non habuit, quia ne ad hanc vt poterat perueniret, libertate arbitrij quam acceperat inconsultius vtens, in iter læuum deflexit, de-

Psal. 79. 18.

DE PRÆDESTINATIONE.

149

sertus Dei gratia, quem prior ipse deseruit. Sed quia non in æternum proiciet, aut obliuiscetur misereri Deus, dabitur hæc gratia homini in futuro, cum fuerit sicut Angeli sancti in cælo, nunc in spe saluus factus in sæculo, tunc in re saluandus in sæcula sæculorum. Amen.

CAPVT XXIV.

Reddenda ratio incipit de Capitulo tertio à nobis excerpto, quod compiler Capitulorum nobis à regia sublimitate datorum acerrime reprehendit, cum his quæ Prædestinatiani exinde ad suam dicunt confirmandam sententiam, & qualiter catholici eorum præuè dictis ex scripturarum sententiis contradicant.

EXPLICITIS prout Dominus dedit duobus Capitulis, & redita ratione contra cribratores sed non consumptores eorum, nunc tertium adeamus Capitulum cum omni fiducia, non de nobis præsumentes, sed de illo confidentes qui dixit, *Ego dabo vobis os & sapientiam, cui non poterunt resistere & contradicere omnes aduersarij vestri.* Luc. 21. 15. credentes certissimè & nihil hæsitantes in fide, quia qui cœpit ipse perficiet: ipsi gloria, virtus, & imperium in sæcula sempiterna. De hoc Capitulo, sicut sanctus Prosper demonstrat, ex obiectione Gallorum & Vincentianorum, & ex responsionibus, quibus ex delegatione sedis Apostolicæ eorum ipsorumque similium commenta dissoluit, veteres Prædestinatiani dixerunt. Ait enim obiectio octaua Gallorum, Quod non omnes homines velit Deus saluos fieri, sed certum numerum prædestinatorum. Et item obiectio secunda Vincentianorum, Quia Deus nolit omnes saluare, etiamsi omnes saluari velint. Et Gothescalcus modernus Prædestinatianus in libro ad Rabanum Archiepiscopum Moguntinum, Omnes, inquit, quos vult Deus saluos fieri, sine dubitatione saluantur: nec possunt saluari, nisi quos Deus vult saluos fieri. Nec est quisquam quem Deus saluari velit & non saluetur. quia Deus noster omnia quæcumque voluit fecit. Ipsi omnes itaque salui fiunt quos omnes vult saluos fieri. Et domnus Prudentius in epistola ad Archiepiscopum suum Wenilonem, de ordinando Aëna Parisiorum Episcopo, quarto Capitulo ita dicit, Vt credat atque confiteatur, Deum omnipotentem omnes quoscunque vult saluare, & neminem posse saluari vllatenus, nisi quem ipse saluauerit. Omnes autem saluari quoscunque ipse saluare voluerit: ac per hoc quicumque non saluantur, penitus non esse voluntatis illius vt saluentur, dicente Propheta, *Omnia quæcumque voluit Dominus fecit in cælo & in terra, in mari & in omnibus abyssis.* Psalm. 134. 6. Quos mendacij redarguit, & præuè sanctam tradere scripturam Leo in Epist. xii. ante mediū tomo ad Flavianum breuiter demonstrat dicens, Opus fuit secreti,

inquit, dispensatione consilij, vt incommutabilis Deus, cuius voluntas non potest sua benignitate priuari, primam erga nos pietatis suæ dispositionem sacramento occultiore compleret, & homo diabolicæ iniquitatis versutia actus in culpam, contra Dei propositum non periret. Ingreditur ergo hæc mundi infima filius Dei.] Hinc compositor istorum Capitulorum, quæ nobis vt eis respondeamus dedistis, expressius nihil dixit: vt putamus, quia percepit se posuisse de verbis sancti Cælestini, quæ in Capitulo quarto scripserat, vbi dicit, Tanta enim est erga omnes homines bonitas Dei, vt nostra velit esse merita quæ sunt ipsius dona. Nos autem, & contra priscos, & contra modernos Prædestinatianos, de verbis Prosperi, & ipsius aliorumque catholicorum Doctorum sensibus, Capitulum istud excerptimus dicentes, *Deus omnipotens omnes homines sine exceptione vult saluos fieri, licet non omnes saluentur. Quod autem quidam saluantur, saluantis est donum, quod autem quidam pereunt, pereuntium est meritum.*

Primò satisfaciamus lectoribus, quoniam ideo Apostoli & Prosperi verbis *sine exceptione* interposuimus, quia Gothescalcus nouorum Prædestinatianorum primicerius in præfato suo libello ad Rabanum scripserat, Omnes & omnes debere intelligi, id est omnes qui saluantur, de quibus dicit Apostolus, *qui vult omnes homines saluos fieri*, & omnes qui non saluantur, quos non vult Deus saluari. sicque hac interpretatione peruersa & Apostolica verba & Prosperi apud auditores suos peruertebat sententias. Vnde necesse est nobis, ex orthodoxorum scriptis ostendere, si catholicæ fidei Capitulum istud à nobis excerptum valeat conuenire. Consulentes ante omnia, sicut & prima est in toto orbe omnium Ecclesiarum mater, sanctam catholicam & Apostolicam Romanam Ecclesiam: quoniam priuilegium quod Hierusalem, honorabilis secundum sacros Nicænos canones, quæ olim dicta est ciuitas iustitiæ, & mater ciuitatum, propter infidelitatem & negationem filij Dei perdidit, dicens eum filium Ioseph & filium fabri, & ad eum, Tu homo cum sis facis te ipsum Deum, & dæmonium habes, & de eo, Non habemus regem nisi Cæsarem, & secundum legem debet mori, quia filium Dei se fecit, hæc confessione beati Petri promeruit dicentis, *Tu es Christus filius Dei viui*, & contestatione Pauli obtinuit affirmantis, quia *Christus Iesus factus est obediens patri usque ad mortem, mortem autem crucis. propter quod & Deus illum exaltauit, & donauit illi nomen, quod est super omne nomen, vt in nomine Iesu omne genu flectatur caelestium terrestrium & infernorum, & omnis lingua confiteatur, quia Dominus Iesus Christus in gloria est Dei patris.* Propterea sicut quondam de Hierusalem dictum est per Prophetam, *Gloriosa dicta sunt de te ciuitas Dei mater. Sion dicet homo, & homo natus est in ea, & ipse fundauit eam altissimus*: ita à Prophetarum Domino ista glorificata est magni Petri principis Apostolorum præsentia, cui

Matth. 16.
16.

Philipp. 2.
8. &c.

Psal. 86. 3.

à vero Dei filio & verè hominis filio, ex duabus & in duabus naturis atque substantiis seu operationibus, diuina scilicet & humana, in vnitæ personæ, non in vnitæ substantiæ, subsistente vno Iesu Christo, toto in suis, quæ æqualiter & indiuisè habet cum patre & Spiritu sancto, cum quibus vna illi est coæterna & indiuisa substantia, toto in nostris, in quibus nostri est generis, id est anima rationali, & sine vlllo peccati contagio carne humana, de Virginis matris carne immaculata Spiritu sancto fœcundata, quæ ab initio in nobis creator condidit, & quæ reparanda suscepit, tunc carne adhuc passibili & mortali, nunc autem deuicta morte clarificata passionis victoria, atque in Dei patris gloria permanente, & sæculum iudicaturum, ac sine fine regnante, dictum est, *Tu es Petrus & super hanc petram edificabo Ecclesiam meam.* Et sicut illa quondam Hierusalem ciuitas sancti munita est Angelorum custodia, vsque dum propter incredulitatem & duritiam cordis sui audiuit ab eis, *Transeamus ab his sedibus*, & à Salvatore suo, si voluisset, *Ecce relinquetur vobis domus vestra deserta*: ita & ista inlustrata permanet, & protecta orationibus gentium magistri dicentis, *Testis est enim mihi Deus, cui seruo in spiritu meo in Euangelio filij eius, quòd sine intermissione memoriam vestri facio in orationibus meis.* Quæ non ab homine, neque per hominem, sed per Dominum Iesum Christum, sicut Petrus & Paulus Apostolatum, ita & hæc sancta sedes omnium ciuitatum meruit principatum. veluti sanctus Anacletus, tertius à beato Petro Romanæ sedis Episcopus, & ab ipso Apostolorum principe presbyter ordinatus, in epistola sua dicit, *Aliæ, inquit, primæ ciuitates, quas vobis conscriptas in quodam tomo mittimus, à sanctis Apostolis, & à beato Clemente, siue à nobis, primates prædicatores acceperunt: hæc verò sancta Romana & Apostolica Ecclesia, non ab Apostolis, sed ab ipso Domino saluatore nostro primatum obtinuit, sicut ipse beato Petro Apostolo dixit, Tu es Petrus, & super hanc petram edificabo Ecclesiam meam, & portæ inferi non preualebunt aduersus eam, & Tibi dabo clauēs regni cælorum, & quacumque ligaueris super terram, erunt ligata & in cælo, & quacumque solueris super terram, erunt soluta & in cælo.* Adhibita est etiam societas in eadem Romana vrbe beatissimi Apostoli Pauli, vasis electionis, qui vno die vnóque tempore gloriosa morte cum Petro sub principe Nerone agonizans coronatus est, & ambo sanctam Romanam Ecclesiam consecrauerunt, aliisque vrbibus in vniuerso mundo eam sua præsentia atque venerando triumpho prætulerunt.] Et sanctus Innocentius ad Decentium Eugubinum scribit Episcopum dicens, *Quis enim nesciat, aut non aduertat, id quod à Principe Apostolorum Petro Romanæ Ecclesiæ traditum est, ac nunc vsque custoditur, ab omnibus debere seruari, nec superduci aut introduci aliquid, quod aut auctoritatem non habeat, aut aliunde accipere videatur exemplum?* Præsertim cum sit manife-

Matth. 16.
18.

Rom. 1. 9.

Epist. III.
sub initium.

Matth. 16.
18. 19.

Epist. XXIX.
in princip.

Post epist.
VIII. Cæle-
stini.

Ezech. 33. 11

Luc. 15. 7.

stum, in omnem Italiam, Gallias, Hispanias, Africam, atque Sici-
liam, Insulasque interiacentes, nullum instituisse Ecclesias, nisi eos
quos venerabilis Petrus, aut eius successores, constituerint sacerdo-
tes. Aut legant si in his prouinciis alius Apostolorum aut legitur
aut inuenitur docuisse. Qui si non legunt, quia nusquam inueniunt,
oportet eos hoc sequi quod Ecclesia Romana custodit, à qua eos
principium accepisse non dubium est, ne dum peregrinis assertioni-
bus student, caput institutionum videantur amittere.] Cum hæc ita
se habeant, & sanctus Cælestinus Papa, cuius tempore primùm hæc
exorta est hæresis, dicat in Decretali epistola sua ad Venerium & ce-
teros Gallicanos Episcopos cap. xi. quid inde credere, tenere, & præ-
dicare catholicè debeamus, Obsecrationum inquires sacerdotalium
sacramenta respiciamus, quæ ab Apostolis tradita, in toto mundo
atque in omni catholica Ecclesia vniformiter celebrantur, vt legem
credendi lex statuatur supplicandi.] Quæ sit autem lex supplicandi, &
ipse in eodem Capitulo explicat, & Ecclesia quasi specialiter in die
crucifixionis Domini nostri Iesu Christi, ostendens pro quibus sit
crucifixus, quosque vult saluos fieri, supplicando, & congemiscen-
do demonstrat, orans pro omnibus hominibus, & singillatim at-
que distinctè pro omnibus ordinibus, pro omnibus gradibus, pro om-
nibus dignitatibus, pro schismaticis & hæreticis, pro Iudæis atque
Paganis, vt nemo credatur exceptus, agens apud diuinam clemen-
tiam totius humani generis causam. Vnde & ad locum dicit, Deus
qui saluas omnes, & neminem vis perire, licet quidam iniquitate &
obduratione propria pereant. Veritas est enim quæ dixit, *Vino ego*
dicat Dominus Deus, Nolo mortem impij, sed vt reuertatur impius à via
sua & viuat. Conuertimini à vis vestris pessimis, & quare moriemini do-
mus Israel. Numquid volens cupio mortem iniqui? dicit Dominus Deus. Do-
minus iurat, ne quis criminum mole desperet, quia non vult mor-
tem impij, sed vt reuertatur à via sua & viuat, & Prædestinatiani per-
iurant, quia qui non saluantur penitus non esse voluntatis Domini
vt saluentur. Et item Dominus in Euangelio dicit, Dico vobis, gau-
dium est coram Angelis Dei in calo super vno peccatore pœnitentiam agente.
Et si super vno pœnitente gaudent Angeli, non multo magis, si om-
nes pœnitentiam egerint & crediderint, Angeli sancti gaudebunt,
qui in illo vident vnde gaudeant? de illius scilicet gaudio, à quo
sempiternum gaudium acceperunt. Legem ergo credendi, vt san-
ctus Cælestinus iubet, lex nobis statuatur supplicandi: vt quoniam ab
omni Ecclesia catholica Deo supplicatur pro omnibus, credamus
Deum omnes homines velle saluos fieri, licet non omnes saluen-
tur, & quod quidam saluantur, saluantis sit donum, quod autem
quidam pereunt, sit pereuntium meritum.

Piis, deuotis, atque catholicis hoc potest & hoc debet sufficere,
quod omnium Ecclesiarum mater sancta catholica atque Apostoli-

ca docet Romana Ecclesia. Ipsa enim ut mater nos Christo genuit, nos religione nutriuit, nos doctrina instruxit: nos sicut in sancto Petro à Christo firma petra accepit, doctores instituit, & catholico lacte nutritos, & ad virum perfectum perductos, ad docendum alios informauit, per Paulum dicens, quia *Christus Iesus venit in hunc mundum peccatores saluos facere*. Dicant Prædestinatiani, quem non esse peccatorem possint excipere, illo excepto qui sine peccato & alieno & proprio venit quærere & saluare quod perierat. Dicant qui non periiit, cum idem dicat Apostolus, *ex vno omnes esse in condemnationem*. 1. Tim. 1. 15.
 Si omnes periuius, omnes quærere venit: si omnes quærere venit, omnes saluari voluit. Et item scriptum est, *Inuidia diaboli mors introiuit in orbem terrarum*. & Ioannes Apostolus, *In hoc apparuit*, inquit, *filius Dei, ut dissoluat opera diaboli*. Vnde Beda, Omnes peccatores ex diabolo nati sunt in quantum peccatores. Ideo enim venit Christus homo ut solueret peccata hominum. Quocirca si ideo venit, peccatores saluos facere venit: & quia omnes secundum Apostolum peccatores erant, sicut dixit *per peccatum mors, & ita in omnes homines pertransiuit in quo omnes peccauerunt*, qui venit quærere quod perierat, omnes quærere venit, omnes saluos fieri voluit, dicente iterum Paulo per quem ipse locutus est Christus, *Qui vult omnes homines saluos fieri*. & Petro, *Qui neminem vult perire, sed omnes ad pœnitentiam conuertere*. Rom. 5. 16.
Sap. 2. 24.
1. Ioan. 3. 8.
Rom. 5. 12.
1. Tim. 2. 4.
2. Pet. 3. 9.

Cur ergo non omnes saluantur, ipsa veritas per Ioannem Euangelistam respondeat. *Hoc est autem*, inquit, *iudicium, quia lux venit in mundum, & dilexerunt homines tenebras magis quàm lucem. erant enim eorum mala opera*. Vnde sanctus Augustinus dicit, *Quomodo quidam bonum opus fecerunt, ut venirent ad lucem, id est ad Christum, & quomodo quidam dilexerunt tenebras?* Si omnes peccatores inuenit, & omnes à peccato sanat, & serpens ille, in quo figurata est mors Domini, eos sanat qui morsi fuerant, & propter morsus serpentis erectus est serpens, id est mors Domini propter mortales homines quos inuenit iniustos, quo modo intelligitur, *Hoc est iudicium, quoniam lux venit in mundum, & dilexerunt homines magis tenebras quàm lucem. erant enim mala opera eorum?* Quid est hoc? Quorum enim erant mala opera? Nonne venisti ut iustifices impios? Sed *dilexerunt*, inquit, *magis tenebras quàm lucem*. Ibi posuit vim. Multi enim dilexerunt peccata sua. quia qui confitetur peccata sua, & accusat peccata sua, iam cum Deo facit. Accusat Deus peccata tua, si & tu accusas, coniungeris Deo. Quasi duæ res sunt, homo & peccator: quod audis homo, Deus fecit: quod audis peccator, ipse homo fecit. Dele quod fecisti, ut Deus saluet quod fecit. Oportet ut oderis in te opus tuum, & ames in te opus Dei. Cum autem cœperit tibi displicere quod fecisti, inde incipiunt bona opera tua, quia accusas mala opera tua. Initium bonorum operum confessio est operum malorum. Facis ve-

Ioan. 3. 19.
Tract. xii. in Ioan.

ritatem, & venis ad lucem. Quid est facis veritatem? non te palpas, non tibi blandiris, non te adulas, non dicis iustus sum cum sis iniquus, & incipis facere veritatem. Venis autem ad lucem, ut manifestentur opera tua, quia in Deo facta sunt: quia & hoc ipsum quod tibi displicuit peccatum tuum, non tibi displiceret, nisi Deus tibi luceret, & eius veritas tibi ostenderetur.]

At si quis de Prædestinarianis hæc legerit, fortè sub suo sensu dicet quod dixerunt quidam in illo tempore, Qui aperuit oculos cæcinati, numquid non poterat facere ut iste non moreretur? & Prædestinarianus, Sicut isti inluxit Deus, quem saluum fieri voluit, sic & isti inluxisset ut saluaretur, si illum saluum fieri voluisset. Omnipotens est enim Deus, ut & in symbolo catholica confitetur Ecclesia, qui omnia quæcumque voluit fecit. Respondeat Euangelista

Marc. 6. 5. Marcus, *Et non poterat ibi virtutem ullam facere, nisi paucos infirmos impositis manibus curauit. Et mirabatur propter incredulitatem illorum.* Hinc

Cap. iv. Beda in Euangelio Lucæ, Amabat itaque ciues, sed ipsi se caritate patria suo liuore priuabant.] Et Dominus dicenti sibi, *Si quid po-*

Marc. 9. 22. *tes, adiuua nos misertus nostri,* respondit, *Si potes credere, omnia possibilia credenti.* Et sanctus Gregorius Homilia xxxi. Hanc videlicet incuruatam mulierem cum vidisset Iesus vocauit ad se, & reliqua. Vocat, inquit sanctus Gregorius, sed non erigit: quandoquidem per eius gratiam inluminamur, sed exigentibus nostris meritis adiuuari non possumus.] Ab omnipotente videlicet, de quo & Paulus dicit,

2. Tim. 2. 12. *Si negamus, & ille negabit nos: si non credimus, ille fidelis permanet. negare se ipsum non potest.* Quæ impotentia, ut Augustinus demonstrat, maximè ad omnipotentiam pertinet. Fidelis enim permanet, negare se ipsum non potest. Vnde idem doctor eximius in Sermone de symbolo ad Neophytos ita dicit, Omnipotens ex nihilo primitus cuncta fecit, cum quibus fecit pariter vnde fecit. Materies itaque cæli & terræ, sicut hæc in principio sunt creata, simul cum ipsis est creata. Nec fuit vnde fierent quæ Deus in principio fecit, & tamen facta sunt quæ omnipotens fecit, quæ facta composuit, impleuit, ornauit. Si enim quæ in principio fecit ex nihilo utique fecit, etiam ex his quæ fecit quicquid voluerit facere potens est, quia omnipotens est. Nec ideo credant iniqui, Deum non esse omnipotentem, quia multa contra eius faciunt voluntatem, quia & cum faciunt quod non vult, hoc eis faciet quod ipse vult. Nullo modo igitur omnipotentis vel mutant vel superant voluntatem: siue homo iuste damnetur, siue misericorditer liberetur, voluntas omnipotentis impletur. Quod ergo non vult omnipotens hoc solum non potest. Vtitur ergo malis, non secundum eorum prauam, sed secundum suam rectam voluntatem. Nam sicut mali natura sua bona, hoc est bono eius opere, malè vtuntur: sic ipse bonus etiam eorum malis operibus bene vtitur, ne omnipotentis voluntas aliqua ex parte vincatur

catur

atur. Si enim non haberet quod bonus de malis iuste ac bene faceret, nullo modo eos vel nasci vel viuere fineret. quos malos ipse non fecit, quia homines fecit: quia non peccata, quæ sunt contra naturam, sed naturas ipsas creauit. Malos tamen eos futuros præscius ignorare non potuit. Sed sicut nouerat quæ ipsi essent mala facturi, sic etiam nouerat quæ bona de illis esset factururus.] & post paululum, Sed quoniam dixi hoc solum omnipotentem non posse quod non vult, ne quis me temerè dixisse arbitretur aliquid omnipotentem non posse, hoc & beatus Apostolus dixit, *Si non credimus, ille fidelis permanet, negare seipsum non potest.* Non enim potest iustitia velle facere quod iniustum est, aut sapientia velle quod stultum est, aut veritas velle quod falsum est. Vnde admonemur, Deum omnipotentem non hoc solum quod ait Apostolus, *negare seipsum non potest*, sed multa non posse. Ecce & ego dico, & eius veritate dicere audeo quod negare non audeo. Deus omnipotens non potest mori, non potest mutari, non potest falli, non potest miser fieri, non potest vinci. Hæc atque huiusmodi absit vt possit omnipotens. Ac per hoc non solum ostendit veritas omnipotentem esse quod ista non possit, sed etiam cogit veritas omnipotentem non esse qui hæc possit. Volens est enim Deus quicquid est. Æternus ergo, & immutabilis, & verax, & beatus, & insuperabilis volens est. Si ergo potest esse quod non vult, omnipotens non est. Est autem omnipotens, ergo quicquid vult potest. De quo & Psalmus dicit, *In celo & in terra omnia quaecumque voluit fecit.*] & item in libro de Natura & Gratia, Absit à nobis vt Deum posse peccare dicamus. Non enim vt stulti putant, ideo non erit omnipotens, quia nec mori potest, & negare seipsum non potest.] Similiter & iustus permanens, de quo Ioannes Apostolus dicit, *fidelis & iustus est*, iniustus esse non potest, vt saluet ad se conuerti vel reuerti nolentes: quoniam vt Gregorius dicit, Peccatores diu vt conuertantur expectat, quos non conuersos durius damnat. qui per Prophetam dicit, *Deus adpropians ego sum, & non Deus de longè.* & iterum per eundem Prophetam, *Peccata, inquit, separant inter me & vos.*

Psalm. 113. 3.

Cap. XLIX.

1. Ioan. 1. 9.

Hier. 23. 23.

Vnde Ioannes Constantinopolitanus in libro de Reparatione lapsi, Si ergo peccata sunt quæ nos separant à Deo, auferamus è medio istud obstaculum, & nihil est quod nos prohibeat coniungi Deo.] & idem in eodem libro, Cum impassibilem esse naturam diuinam diffinitio veritatis ostendit, intelligere debemus, quia etiam si punit Deus, etiam si pœnas infert, non hoc cum ira passibili, sed cum ineffabili clementia facit, medentis non perimentis affectu. Et ideo valde libenter recipit pœnitentem. pœnitentiæ medicamentum si præueniens curet animam, non facit eum ad vindictam iracundiæ peruenire pro his quæ commisit in Deum. Non enim, vt diximus, propter semetipsum vindicat Deus in peccatorem, quasi vliscens iniu-

riam suam. Nihil enim tale recipit in se natura diuina, sed ad vtilitatem nostram facit omnia: pro vtilitate nostra & correptiones inducit & pœnas, non vt se vindicet, sed vt nos emendet. Quod si persistit quis in duritia, sicut & ille qui auertit à luce oculos suos, damnum quidem luci intulit nullum, semetipsum verò tenebris condemnauit. Ita & qui per cor impœnitens contemnere se putat virtutem Dei, semetipsum alienum efficit à salute.] Et in Euangelio Marci scriptum est, *Qui autem blasphemauerit in Spiritum sanctum, non habet remissionem in æternum, sed reus erit æterni delicti.* Vnde & Beda, Qui ergo manifestè intelligens opera Dei, cum de virtute negare non possit, eadem stimulatus inuidia calumniatur & Christum Deique Verbum, & opera Spiritus sancti dicit esse Beelzebub, isti non dimittentur, neque in hoc sæculo, neque in futuro. non quod negemus & ei, si pœnitentiam agere voluerit, posse dimitti ab eo qui vult omnes homines saluos fieri, & in agnitionem veritatis venire: sed quod ipsi iudici & largitori veniæ credentes, qui & se pœnitentiam semper accepturum, & hanc blasphemiam nunquam dicit esse remittendam, credamus hunc blasphemum exigentibus meritis, sicut nunquam ad remissionem, ita nec ad ipsos dignos pœnitentiæ fructus esse peruenturum. Iuxta hoc quod Ioannes Euangelista de quibusdam blasphemix suæ merito excæcatis veracissimè scripsit, *Propterea non poterant credere, quia iterum dixit Esaias, Excæcauit oculos eorum, & indurauit cor eorum, vt non videant oculis, & intelligant corde, & conuertantur & sanem eos.*] Quod de hæreticis est valdè timendum, qui sanctæ scripturæ sententias, & apertissima catholicorum dicta detruncantes, ad suos sensus violenter inflectendo, ex eis contra conscientiam suam praua dogmata quæ disseminant conantur asserere. Vnde item Beda in Euangelio Lucæ, Sola, inquit, blasphemia in Spiritum sanctum, qua quisque in similitudinem diaboli & angelorum eius, contra conscientiam suam maiestatem deitatis oppugnare non trepidat, non habet remissionem in æternum, sed reus erit æterni delicti, sicut Euangelista Marcus euidenter exponit, qui posito hoc Domini testimonio, subiunxit atque ait, *quoniam dicebant, spiritum immundum habet.*] Hanc Prophetæ sententiam, qua dicitur, *Excæca cor populi huius,* & reliqua, exponit beatus Gelasius in tomo de anathemate Acacij, sicut qui legerit inuenire valebit. Et item Beda in Euangelio Lucæ, quia inexcusabiliter pereunt, quos vult Deus saluos fieri, Quid autem & à vobis ipsis non iudicatis quod iustum est? ostendens eos, vt pote rationalem creaturam, etsi litteras nesciant, naturali tamen ingenio posse dinoscere, vel eum qui opera in se quæ nemo alius fecisset, supra hominem intelligendum, & ideo Deum esse credendum: vel post tot sæculi huius iniustitias, iustum creatoris iudicium esse venturum. Nemo igitur, ex eo quod supra dictum est, seruum nescientem Domini voluntatem vapulare

Marc. 3. 29.

In Lucam
cap. XII.

Ioan. 12. 39.

Esa. 6. 10.

In Lucam
cap. XII.

Marc. 3. 30.

Esa. 6. 10.

In Lucam
cap. XII.

paucis, inter peccandum de remedio nesciendi præsumat: quia ut alia taceam, ex eo ipso quod homo est, nec mala quæ caueat, nec bona potest ignorare quæ appetat.] Hinc & Paulus in epistola ad Romanos, *Quia, inquit, quod notum est Dei, manifestum est illis.* Vnde Rom. i. 19. Ambrosius, Notitia Dei manifestata est ex mundi fabrica. Ut enim Deus, qui natura inuisibilis est, etiam à visibilibus possit sciri, opus factum ab eo est quod opificem visibilitate sua manifestaret, ut per certum incertum posset sciri, & ille esse Deus omnium crederetur, qui hoc opus fecit quod omnibus possibile est. Deus enim illis manifestauit. Manifestauit se Deus dum opus fecit per quod posset agnosci. *Inuisibilia enim eius à creatura mundi per ea quæ facta sunt intellecta conspiciuntur,* & sequentia, quæ ibidem mirabilis Paulus, & expositor eius Ambrosius prosequuntur. Sicut & Leo in tomo ad Flavianum de Eutyche loquens demonstrat. Sed si de hoc, inquit, Christianæ fidei fonte purissimo syncerum intellectum audire non poterat, quia splendorem perspicuæ veritatis obcæcatione sibi propria tenebrarat, & reliqua.

Rom. i. 20.Epist. x.
cap. 2.Cap. 24.
Rom. i. 28.Cap. 9.Sap. 11. 24.Cap. 18.Cap. x

Hoc autem quod de specie est dictum in genere debet intelligi, veluti & sanctus Gregorius in libro xvi. *Moralium* dicit, *Tradidit illos Deus in reprobum sensum, ut faciant quæ non conueniunt.* Quia enim glorificare noluerunt quem cognouerunt, reprobo sensui traditi ad hoc relictæ sunt, ut nescirent iam pensare mala quæ faciebant.] & item in libro viii. Nunc enim peccator quisque Deum non meruit & viuit, blasphematur & proficit: quia scilicet misericors creator, quem expectando vult corrigere, aspiciendo non vult punire, sicut scriptum est, *Dissimulans peccata hominum propter penitentiam.*] & in libro xvi. Sic itaque anima eius quodcumque voluit hoc fecit, ut inde quoque voluntatē suam impleat, unde voluntati illius repugnari videbatur.] Quia ut Augustinus in libro de Bono perseverantiæ dicit, Nihil fit, nisi quod aut ipse facit, aut fieri ipse permittit. Vnde S. Gregorius in libro ii. *Moralium* dicit, Quia Deus sine mutabilitate simul cuncta respicit, sine distentione comprehendit: videlicet & bona quæ adiuuat, & mala quæ iudicat, & quæ adiuta remunerat, & quæ iudicans damnat. In his quæ diuerso disponit ordine diuersus non est.] Et Hieronymus in epistola ad Philemonem, contra hoc quod dicunt Gothescalcus atque Prudentius, Qui non saluantur, non est penitus voluntas Dei ut salui fiant, ita dicit, Si enim Deus voluntariè & non ex necessitate bonus est, debuit hominem faciens ad suam imaginem & similitudinem facere, hoc est, ut ipse voluntariè & non ex necessitate bonus est. Qui autem asserunt ita eum debuisse fieri, ut malum recipere non posset, hoc dicunt, Talis debuit fieri, qui necessitate bonus esset & non voluntate. Quod si talis fuisset effectus, qui bonum non voluntate sed necessitate perficeret, non esset Deo similis, qui ideo bonus est quia vult, non quia cogitur.] Et S. Pro-

sper in libro Sententiarum cap. CLXVIII. Nemo inuitus bene facit, etiamsi bonum est quod facit : quia nihil prodest spiritus timoris, vbi non est spiritus caritatis.]

Et S. Ioannes Chrysostomus in libro ad Demetrium de cordis compunctione, Possumus, inquit, etiam ex his hæreticis occasiones dare, si dicamus quia Apostoli & omnes sancti, non ex proposito suo & labore mirabiles facti sunt, sed ex Dei gratia sola. Dicent enim, & quid prohibet omnes fieri tales? Gratia enim Dei si nihil requirit à nobis, sed ipsa est quæ facit vnumquemque perfectum, cur non & omnibus ex æquo infunditur, & fiunt omnes repente perfecti? Non enim est personarum acceptor Deus. Sed quoniam non sola gratia Dei hoc agit, sequitur enim vt & nos quod in proposito & viribus nostris est expleamus, idcirco venit quidem in vnumquemque gratia Dei: sed apud eos qui dignè explent ea quæ in ipsis sunt permanet, ab his verò qui minùs dignè agent citò discedit, ad eos autem qui necdum initium faciunt conuerti ad Deum, omninò nec venit. rectas enim mentes diligit, & sine fūco propositum. Quod etiam in Paulo perspicimus, licet alio adhuc itinere videretur incedere, tamen, quia proposito recto & zelo Dei hæc agebat, dicit de eo Dominus, quia *vas electionis mihi est, vt portet nomen meum coram gentibus & regibus & omni populo Israel.*] Et in Homilia secunda de Psalmo L. Misericordia Dei inestimabilis est, sine fine est, quæ comprehendere non potest, superans omnem sensum, vincens omnem cogitationem. Sed quia talis est misericordia Domini, tamen non vt homines misericordiam consecuti remissiores fierent, quærit quiddam à nobis Deus. Miseretur quidem, sed non passim miseretur. Prouocat nos & dicit, Da tu & aliquid, vt puta, mille scelera perpetrasti, habes onera delictorum, volo adleuiare pondus tuum, da & tu manum tuam: non quia tu ego egeo, sed quia volo & te aliquid conferre ad tuam salutem. Quomodo ergo latro saluatus est, & tanta soluit peccata? Scito eum misericordia prouocatum, & fide sua tanquam adminiculo vsum in eo quod dicit, *Memento mei Domine in regnum tuum.* Quid contulit Deus saluti ipsius? remissionem videlicet peccatorum. Quid verò intulit latro? indicium salutis suæ, confessionis fidem. qualem? grandem & excelsam nimis, cælum tangentem. Quomodo? ego dicam. Iudæi viderunt mortuos suscitatos, & post virtutes adnumeratas, Latro, inquit, nihil horum videns, sed considerabat sputis repletum, crucifixum, aceto potatum & felle. Et cum hæc omnia videret, non est scandalizatus, sed regem cælorum confessus est. Vides quoniam non sine causa misericordiam consecutus est, quia & ipse fidem intulit ad salutem suam? Necnon & Publicanus aliena iniuste auferens quomodo saluatus est? Transiens namque Christus dicit ad eum, *Veni sequere me, qui statim exurgens secutus est eum.* Et sicut latro confessionem intulit, sic publi-

Act. 9. 15.

Luc. 23. 42.

Matth. 9. 9.

canus obedientiam suam, & meruit in Apostolatus ordine collocari. Sicut enim, cum quidam graui ægitudine vexatur, & multis modis indiget medicaminibus, & attenuatus est sumptibus, si introierit medicus, & dixerit ad eum qui ægrotat, plures species ad confectionem medicaminis necessariæ erunt, respondeat verò ægrotans, non habeo vnde tantas species emam, paupertate detineor, dicat ad eum medicus, illam & illam da mihi speciem tantum, cætera de meo præstabo. Ideoque rogat David, vt multum ab iniquitate sua lauetur. Quid ergo pro hoc munus intulit? Dixit, miserere mei, &, vsquequaque laua me ab iniustitia mea, & à delicto meo munda me, quoniam iniquitatem meam ego cognosco. Vicissitudo est, Deus dat, & qui salutificet reus. Dedit Dominus misericordiam suam, dedit & qui peccauerat confessionem peccatorum suorum. Parum quidem, sed quod habuit. Quid dabis, ô David, vt saluari possis, vti misceatur medicamentum? *Quoniam*, inquit, *iniquitatem meam ego cognosco.* Psal. 50. 4.

Et item ad Demetrium de cordis compunctione, Et ideo, inquit, perditionis nostræ causa nulla alia quàm negligentia nostra est atque desidia. Et in Homilia de militia spiritali. Scito autem quia te non vincet natura corporis, neque strangulabit inuitum, neque te obnoxium faciet ex libero nisi voluntaria declinatio.] & item in Homilia de patre & duobus filiis, Describitur autem in istis, & euidenter ostenditur libertas quam animæ rationali inseruit creator Deus. Vide enim, pater iste quomodo nec illum discedere volentem retineat, nec liberi arbitrij auferat potestatem. Neque alium manere cupientem cogat abscedere, ne fortè sequentium malorum, quæ postea his suo vitio accedent, ipse potius auctor esse videatur, si in illis libertatem propriæ voluntatis abscederit. Itaque & petenti dat, quia ex nobis, non ex Deo, inopiæ & offensionis nostræ causa proficiscitur. *Accipiens autem partem suam iunior peregrè*, inquit, *abiit longè.* Quod Luc. 15. 13. autem ait longè, non locorum intercapedinem, sed declinationem mentis expressit. Qui enim obliuionem Dei ceperit, hic verè peregrinari à Deo dicitur: sicut è contra, conuersatio sæcularis non solum peregrinum, sed alienum Deo hominem facit. Et vt breuiter dicam, sicut peregrinantes à sæculo præsentamur ad Dominum, sic & permanentes in rebus terrenis à cælestibus exulamur. Denique & Cain exiit à facie Domini, & longè efficitur: non quia & locus aliquis foris esset in conspectu Dei, sed quo sua mente diuisus exiisset à Domini respectu, per homicidium separatus à Deo.] & item in libro de Eruditione disciplinæ, Quoniam quidem minus est peccatum ei qui peccat priusquam agnoscat disciplinam Domini. Nulla autem venia est peccanti post agnitionem Domini, nisi pœnitens reuertatur: quia Deus mortem non fecit, & non vult mortem morientis, quantum vt reuertatur & viuat. ne sit spiritus vadens & non

reuertens, quorum damnatio iusta est.] & in Homilia secunda Psalmi L. Peristi, sed poteris saluari: fornicatus es, sed poteris continere: mœchatus es, sed poteris liberari: ad spectacula proruebas, sed poteris reuocare pedem: cum malis hominibus versabaris, poteris recedere & cum bonis esse. In vtraque parte habes liberum arbitrium.

Et in Homilia de prodicione Iudæ, Quid igitur qui meretricum mores valuit commutare, discipulum non potuit retinere? Valdè, inquam, & incunctanter valuit retinere: sed necessitate nolebat bonum efficere, nec vi trahere ad se curabat. Tunc abiit, inquit, non inuitatus à principibus sacerdotum, nulla necessitate constrictus, spontè processit, & propria malignitate consilium genuit sceleratæ mentis nullo particeps conuocato. & post paululum, Ea enim quæ vel iniuriosa demonstrantur, ipsam Domini misericordiam clementiamque declarant, qui proditorem suum latronem sceleratum tantis beneficiis ampliauit, & vsque ad ipsum prodicionis tempus solitis admonitionibus tolerauit. Nam admonebat, suadebat, & omni studio eum sanare curabat. Sed si ille sermonem respuit, si tantum magistri verba contempsit, Christus causatio est, & meretrix testis est, quæ de sua fuit liberatione sollicita. Non igitur videndo meretricem de tua liberatione desperes: sed & Iudam cogitando non debes esse securus. Vtrumque enim periculosum est, & confidentia, & desperatio. Nam confidentia stantem euertit, & iterum desperatio post lapsum non admittit exsurgere. Et ideo Paulus exhortatur dicens, *Qui se putat stare, videat ne cadat*. Habes exemplum vtriusque personæ. Discipulus cum se stare putaret cecidit: meretrix cum se cecidisse arbitraretur exsurrexit.] & iterum in eadem, Sed nec aperte eum omnibus publicabat, ne impudentiorem faceret: nec penitus silentio præteribat, ne celare arbitratus audacter ad prodicionem properaret. Et ideo frequenti admonitione clamat, *Vnus ex vobis tradet me*. nec tamen eum magister piissimus publicabat. & de gehenna fuit sapissimè locutus, & de regno cælorum tractauit assiduè. Vtriusque meritum frequenter edocuit, & quid peccatoribus constitutum est, & quid non peccantibus præparatur ostendit. Sed hæc omnia crudelis ille contempsit, & Deus illum non traxit inuitum. Et quoniam bona atque mala in nostra Deus posuit potestate, electionis liberum donauit arbitrium, & inuitos non retinet, & volentes amplectitur. Nam non spontè bonus malitiam non amittit. Et ideo Iudas, nimix cupiditatis præcipitatus ardore, cæca quadam improuisione deceptus, suam vendidit animam, & suæ salutis mercator extitit, & ait, *Quid vultis mihi dare, & ego vobis eum trado?* Et ut virtutem Christi etiam in hac parte cognoscas, cum ad capiendum eum aduenissent, vocem eius minimè tolerare potuerunt, sed omnes territi ceciderunt. Et quoniam nihilominus in sua impudentia

1. Cor. 10.
11.

Matth. 26.
21.

Matth. 26.
15.

perdurabant, ipse se ultro commisit, ipse se tradidit. Et hæc diximus, ut Christum nullus accuset, cur Iudæ cogitationem non mutavit aduersam. Sed si quis hoc dixerit, audiet, Iudas quemadmodum corrigi potuit? spontè, an inuitus? Si inuitus, nulla correctio est, nam mentis malitia necessitate non tollitur. si spontè, omnia quæ meliorare animam poterant audisse cognoscitur. & si remedium respuit, non medici vitium est, sed languentis. Et ut scias eius crimen esse quod prodidit, non magistri, sapius Deus de prodicione prædixit, & totius eum philosophiæ præcepto & sermone docuit, & rebus ostendit. Dederat ei dæmonum potestatem, gehennæ tormenta monstravit, cælorum regna promisit, secreta mentis eius & prædicebat & non publicabat, pedes eius cum aliis lauit, mensæ fecit participem, nihil penitus prætermisit, sed in malitia spontè duravit, & omnibus admonitionibus spretis proditor malignus emerfit. Et ut eum posse mutare, sed corrigi noluisse cognoscas, postquam eum tradidit, iactavit triginta denarios, & ait, peccaui tradens sanguinem innocentis. Quid est? quando ab eo mirabilia gerebantur, non dixisti peccaui tradens sanguinem iustum, sed quid vultis mihi dare & ego vobis tradam eum? & post factum scelus, post commissum delictum, post completam prodicionem, post perfectum peccatum cognouisti peccatum. Ex hoc dilectissimi fratres edocemur, quod negligentibus & desidiosis facile admonitio prodesse non poterit: studiosis autem, etiam admonitione cessante, multum commoditatis accedit. Nam & iste quando magister admonebat non flectebatur, & quando nullus admonuit, excitata conscientia scelus cognouit admissum, & proiecit triginta denarios.] & item in libro Quod nemo læditur nisi à semetipso, post enumeratos Pauli labores, Nonne permansit, inquit, semper idem Paulus, & idem vocatus Apostolus? E contra autem, Iudas vnus fuit & ipse de duodecim, & vocatus Apostolus fuit. Sed neque quod vnus ex duodecim fuit, neque quod vocatus Apostolus dictus est, prodesse ei quicquam potuit non habenti animum virtutibus deditum. Sed Paulus quidem cum penuria & plagis cucurrit cursum qui ducit ad cælum: ille verò, cum & prior vocatus esset in Apostolatam, & simili cum ceteris gratia donatus, cælestemque edoctus esset philosophiam, & sacræ Christi mensæ venerandique sacramenti particeps extitisset, habuisset etiam donum Spiritus sancti, ita ut mortuos suscitaret, & leprosos curaret, ac dæmonia effugaret, cumque de contemptu rerum sæcularium fuisset edoctus, adhærens lateribus Christi, atque indigentium sibi esset commissa dispensatio, quo scilicet avaritiæ per hoc latens in eo vitium sanaretur, erat enim fur: tamen nec sic quidem proficere in melius potuit, cum erga eum tot tantisque prouisionibus vteretur. Sciebat enim Christus quod avarus esset Iudas, & pro amore pecuniæ periturus: & non solum non arguit eum pro hoc vitio, sed &

Lib. vi. non
longè à
principio.

Psal. 108. 1.

Matth. 26.
15.

latentibus medicamentis curare voluit, ipsi committens dispensationem pecuniæ, ut habens in manibus quod desiderabat, perniciofa passio expleta cupiditate cessaret, ne decideret in illam mortis foueam, sed minoribus malis maiora reprimeret. Sic in omnibus qui semetipsum non læserit, ab aliis non potest lædi: & rursus qui semetipsum corrigere & emendare noluerit, & quod in ipso est atque in potestate eius explere, nullus ei extrinsecus prouderit.] Vnde & sanctus Augustinus in libro Hypomnesticon ad locum dicit, Quod ut probare valeamus, solum reor ad exemplum sufficere Iudam. Hunc enim Deus cum præscisset in vitiis propriæ voluntatis pessimum fore, id est electione discipulus sui bene à Christo conferenda malè vsurum, & auaritia ardentem pretio Iudæis Dominum traditurum, pœnam ei prædestinauit ex merito, dicente per David Spiritu sancto, *Deus laudem meam ne tacueris, quia os peccatoris & os dolosi super me apertum est*, id est Iudæ, vel Iudæorum, in Christum. Iudæ, cum dicit, *Quid vultis mihi dare, & ego vobis eum tradam?* & post pecuniæ sponfionem dans signum traditionis, Quemcumque, inquit, osculatus fuero ipse est, tenete eum. Ideo super me, ait, apertum est. Cum enim signum dedit, ore doloso aperuit quem tenerent. Iudæi quoque, cum eum volentes dolo perdere, ut Evangelium pandit, clamauerunt dicentes, *Crucifige, crucifige.*

Hinc & præfatus Ioannes in memorato libro dicit, Sicut & Iudas, inquit, ille non solum nullo intrinsecus impellente dilapsus est, sed è contrario pluribus adiutus remediis stare non potuit. Vis ut hæc non solum per singula gesta, sed etiam per populos doceam? Quanta erga Iudæorum populum cura extitit diuinæ prouidentia? Nonne omnes, ut ita dicam, creaturæ emendationis eorum ministerium præparatæ sunt? Nonne præ ceteris omnibus hominibus noua quædam & magnifica eis vitæ instituta sunt tradita? & post omnia eis diuina munera attributa dicit, Et tamen post omnia hæc tam euidentia diuinæ virtutis insignia, & post vniuersam gloriam quæ eis supra cunctos mortales data est, infideles extiterunt & ingrati. Caput namque vituli adorauerunt, & deos quæsierunt sibi alios fieri, cum tantæ talisque Dei virtutes aliæ adhuc in oculis haberentur, aliæ verò recentem & nuper gestam seruarent in corde memoriam. At verò Niniuitarum populus, alienigena & barbarus, nullis prius diuinæ prouidentia beneficiis adfuetus, non legibus, non mirabilibus, non præceptis ullis aut operibus inluminatus, hominem vidit habitu naufragum, vultu peregrinum, nec vnquam sibi prius cognitum, primo statim ingressu dicentem, Adhuc triduo & Niniue subuertetur. Ex istis solis sermonibus conuersi sunt ad timorem Dei, abiectisque continuo prioris vitæ malis, ad virtutem se & iustitiam per pœnitentiam contulerunt. Vides quoniam qui intus est & vigilat, suique meminit, non solum ab hominibus non potest lædi, sed immi-

imminentem cælitus iram repellit: qui verò semetipsum prodit & lædit, etiamsi mille intrinsecus diuinis beneficiis fulciatur, non ei sufficiet ad salutem: quia neque Iudæis tanta mirabilia, quæ in eos collata sunt profuerunt, neque alienigenis quòd nihil horum adepti fuerant obfuit: sed quoniam animo propositoque recto, cum & seipsum dederunt Deo, parua occasione sumpta plurimum profecerunt. Quapropter, vt sanctus Gregorius in Homilia Euangelij XIII. dicit, Deus despicitur & expectat, contemni se videt & reuocat, iniuriam de contemptu suo suscipit, & tamen quandoque reuertentibus etiam præmia promittit. Qui etiam, vt Augustinus in libro de Prædestinatione sanctorum dicit, & ipsi quia voluerunt crediderunt. Et item Gregorius, Nemo hanc eius longanimitatem negligat: quia tanto districtiorem iustitiam in iudicio exerit, quanto longiorem patientiam ante iudicium prærogauit. Hinc etenim Paulus dicit, *Ignoras quoniam* Rom. 2. 4.
benignitas Dei ad penitentiam te adducit. secundum duritiam autem tuam, & cor impenitens thesaurizas tibi iram in die iræ & reuelationis iusti iudicij Dei. Et illi, vt Augustinus in præfato libro dicit, quia noluerunt non crediderunt. & si fortè crediderunt, de illorum numero extiterunt, de quibus item dicit Apostolus, *Qui se confitentur nosse Deum,* Tit. 1. 6.
factis autem negant. Denique ponamus orthodoxorum atque in Ecclesia probatissimorum virorum testimonia, & videat lector deuotus, si reddant nobis atque Capitulo testimonium hinc ex illorum sensibus & dictis excerpto, quòd simus catholicæ Ecclesiæ filij, & gratia Dei fideles verbi ipsius dispensatores.

CAPVT XXV.

Sequuntur orthodoxorum verba, quibus cognosci valeat qualiter exinde sancta Ecclesia catholici sensere Doctores.

DIONYSIVS quoque vt beatus Gregorius dicit Arcopagita, antiquus & venerabilis pater, sicut legitur per Paulum Apostolum gratia Dei fide inluminatus & baptizatus, qui cum beato Petro & Iacobo fratre Domini, aliisque quamplurimis sanctissimis Christi discipulis, Hierosolymis apud sepulcrum vitæ principis, velut ipse in libro de Diuinis nominibus narrat, in Synodo agens fuit, & disputationes eorum de incarnatione Dei filij & audiuit, & coram eis regulariter protulit, in epistola ad Demophilum, quia omnes homines vult Deus saluos fieri ita dicit, Vtique est enim, quin Christus Iesus Dei filius, in parentis, & super scientiam benignitatis, qua existentia esse facit, & qua ipsa omnia ad esse perduxit, & omnes homines vult semper fieri similes sibi ipsi, & communiales suorum, secundum singulorum quorumcumque conuenientiam. Quid autem quia & refugientibus cupidè iungitur, & contendit, & non

dedignatur dedignari à concupitis, & se reicientibus, & sine causa accusantes tolerat, & ipse excusat: quin magis promittit mederi, & in his ipsi abstinere. tamen adpropinquantibus præoccurrit & obuiat, & totus totos complectens osculatur, & non accusat de prioribus, sed diligit præsentia, & diem festum agit, & prouocat amicos, videlicet benignos Angelos, vt sit omnium delectantium habitatio.] & paulò post, Non oportebat, inquam, benignum in salute perditorum, & in vita mortificatorum delectari, & sine dilatione in humeris tolli vix ab errore conuertentem, & benignos Angelos ad epulationem excitare, qui benignus est super ingratos, & oriri facit Solem suum super malos & bonos, & ipsam animam suam ponit pro refugientibus.] & item ad locum, Expauit cælum in istud, & horruì ego, quia Demophilus opinatur benignum in omnes homines Deum non esse & humanum, neque se indigere miserentis aut saluantis, cum sacerdotes ordinatione digni benignitati offerunt ignorantias populi, bene intelligentes, quia & ipsi subiacent infirmitati.] & paulò post, Increpat autem & discipulos, quia impietatis immisericorditer dignum putant iudicare persequentes eum Samaritas. Istud autem decies millies lectum est non temeraria epistola nostra dictum, *Non habemus namque Pontificem, qui non possit compati infirmitatibus nostris.* Sed & innocens est & misericors, & non erumpet neque clamabit, & ipse mitis & propitiatio est peccatorum nostrorum. Quapropter non recipiemus tuos zelantes impetus, etiam si decies millies reaccipies Fineem & Heliam, ipsa audientes quæ non placebant Iesu, à discipulis qui tunc erant mansueti & benigni spiritus participes, Christus in montibus benignus sit, errantem inquirat, & refugientem aduocet, & vix inuentum in humeris tollat. Non deprecor, non malè istud de nobis ipsis consiliemur, neque in nos ipsos impellamus gladium. Quicumque enim iniquè agere, aut quicumque è contrario bene agere inchoant, illos Angelos, quorum voluntatem faciunt, sibi aut malitia aut benignitate consociant. Et illi quidem benignorum Angelorum discipuli & comites, & hîc & illic cum omni sacra datione & libertate omnium malorum ad semper existens sæculum beatissimas delegantes terminationes, cum Deo semper quod est bonorum omnium maximum: isti autem decident à diuina simul & perpetua pace, & hîc & post mortem simul cum domesticis suis erunt dæmonibus. Non ergo oportet nos multa festinatione cum Deo benigno fieri, & esse cum Domino semper, & segregare de malis in iustificantibus, nos secundum dignitatem ex nobis ipsis sustinentes?] Et in libro de Ecclesiastico principatu cap. secundo, Hierarchas quidem vnus quisque, Dei adsimilatione omnes homines volens saluare, & ad agnitionem veritatis venire, prædicat omnibus vera Euangelia. *Quanti, inquit enim, acceperunt eum, dedit eis potestatem filios Dei fieri credentibus in nomine eius.* Si quis

Luc. 9. 55.

Hebr. 4. 15.

Ioan. 1. 12.

ergo discedit à vero lumine, aut de intellectualibus spontaneo arbitrio malitiæ cupiditate concludens naturaliter insperfas sibi adinluminari virtutes per seipsum se destruet.

CYPRIANVS quoque, Doctor mirificus & Martyr magnificus, in libro de Oratione Dominica, Nam cùm discipuli ab eo non iam terreni appellentur, sed sal terræ, & Apostolus primum hominem vocet de terræ limo, secundum verò de cælo. & nos, qui esse debemus patri Deo similes, qui Solem suum oriri facit super bonos & malos, & pluit super iustos & iniustos, sic Christo monente oramus & petimus, vt precem pro omnium salute faciamus: vt quomodo in cælo, id est in nobis, per fidem nostram voluntas Dei facta est, vt essemus è cælo: ita & in terra, hoc est in illis credentibus, fiat voluntas Dei, vt qui adhuc sunt prima natiuitate terreni, incipiant esse cælestes, ex aqua & spiritu nati.] & item, Petrus hora sexta in tectum superius ascendens, signo pariter & voce Dei monente instructus est, vt omnes ad gratiam salutis admitteret, cùm de mundandis gentilibus antè dubitaret.] Et in epistola ad Antonianum, Vtique, inquit, ad pœnitentiam Dominus non hortaretur, nisi quia pœnitentibus indulgentiam pollicetur. Nam cùm scriptum sit, *Dominus mortem non fecit, nec letatur in perditione viuorum*, vtique qui neminem vult perire, cupit peccatores pœnitentiam agere, & per pœnitentiam denuo ad vitam redire.] Item in epistola aduersus Iudæos ita dicit, Surrexit inquit Dominus tertio die, aperuit testamentum nouum, atque ita dixit, Venite exteræ gentes heredes mei, Israel enim non obaudiuit. Quapropter ite discipuli in vltimam vsque terram, & prædicate per orbem his verbis, Venite vndique patriæ gentium, ite in æternam hereditatem, Israel enim noluit. Nec dubitet quis. nulla hîc exceptio est, nec ingenuitas, nec dignitas, nec conditionis, nec positionis, nec formæ, nec ætatis. Licet dignitate magnifici, licet nobiles, licet senes, licet iuuenes, pauperes, diuites, boni, malique, domini atque serui, indifferenter æqualiter introite in hereditatem. Et si debilis captus es, & corpore deformis, etsi macula turpis, & capite defectus, etsi oculis viduatus, vniuersis libere licet discumbere in conuiuio, & epulari nuptias sponfi. Neminem pudeat, nec ætatis, nec humilitatis, nec valetudinis, nec conditionis. Consuevit enim Dominus huiusmodi homines sustinere: nam & cæcis oculos restituit, & claudos ambulare fecit, & mutis sermonem reddidit, & maculosos mundauit, & mortuos suscitauit. Nec timete qui peccatis, priores ad vitam venite: nec qui homicidium fecerit paueat quia fecerat, nec furatus aliena desperet quia inuolauerat, nec publicanus timeat quia concusserat. omnibus enim remissio peccatorum statuta est.] & post pauca, Dominus eos placidè alloquebatur his verbis, *Venite ad me, omnes qui sub onere laboratis, & ego vos reficiam. Est enim iugum meum placidum, & onus leuissi-*

Matt. 15. 13.
1. Cor. 15.
47.

Act. 9. 10.

Sap. 1. 13.

Matt. 11. 28

mum. Et responderunt, non audiemus. sed gentes exaudierunt & crediderunt verbo salutari.] & post pauca, Viuit quem interfecisti, impia Hierusalem, & tamen non totam spem denegauit Dominus. Dedit enim veniam pœnitentiæ, si quoquo modo possis pœnitere. Quis tam bonus? quis tam pius? quis tam misericors? Accipe, inquit, salutem, licet me occideris: heres esto cum virgine. licet non merearis, ignosco si pœnites.

In Beth.
Psal. 118. 10.

BEATVS HILARIVS doct̃or catholicus, qui propter excellentem doctrinam Romanorum lucifer appellatur, exponens versum Psalmi CXVIII. quo dicitur, *In toto corde meo exquisiui te, ne repellas me à mandatis tuis.* ita dicit. Competere bonitati Dei non videtur, vt à mandatis suis quemquam repellat: sed sermonum adiectio & virtus verborum, quæ ex perfectæ cælestisque doctrinæ ratione disposita est, nihil dubium, nihil contrarium in se habet. Qui ergo secundum Prophetam mauult peccatorum pœnitentiam quàm mortem, numquid existimandus est à mandatis suis quemquam repellere? Procul sit istud existimare. Sed neque hoc nunc propheta sensit, maximè qui in toto corde Deum perquisierit. Sed absolutio difficultatum in his ipsis requirenda est, ex quibus videtur existere. Propheta enim quid senserit in promptu est noscere. Legimus scriptum in Hieremia, *Maledictus qui facit opera Dei negligenter.* Legimus & in Euangeliiis scriptum, *Omni enim habenti dabitur, & abundabit: & qui non habet, etiam quod habet auferetur ab eo.* Ergo habens abundabit. Propheta non est obnoxius maledictionis conditioni, quia non negligenter opera Dei egit, eum toto corde perquirens. Deinde confidenter petit ne à mandatis Dei repellatur, quia eum toto corde perquirat. Secundum Euangelia enim habenti dabitur, & ei qui non habet etiam id quod habet auferetur. Deus igitur non auferit nisi non habenti, secundum quod neque repellit nisi negligentem. Adeo autem bonitate plenus est, vt habentem abundantia muneretur: adeo verò non vult quemquam non habere, vt non habenti ipsum quod habet adimat. Neminem igitur nisi obnitentem repellit, neminem nisi negligentem reicit. Hanc enim Propheta protulit causam, cur se non repellat à mandatis Dei precaretur, quia non ex parte, neque per desidiam Dominum, sed toto corde quæsisset. per quod intelligimus eum à mandatis repellat, qui per multam incuriam fuerit indignus admitti: & extra inhihēntis inuidiam est quod de culpa proficiscitur non merentis.] Et item idem in eodem Psalmo. *Misericordia tua Domine plena est terra.* Terra, inquit, misericordia Dei plena est, quæ contaminata, quæ corrupta, quæ inreligiosa, quæ infida, quæ perdita est. Et si quis fortè audebit impio ore Prophetam mendacij arguere, tanquam non in omnem terrā Dei misericordiam putet esse diffusam, Deum in Euangeliiis recolat dixisse, *Estote boni sicut pater vester, qui Solem suum oriri facit super bonos & malos, & pluit super iustos & iniustos.*

In Beth.
Psal. 118. 64

Matth. 5. 45

Patiens enim & misericors Deus, dum mauult pœnitentiam peccatorum quàm mortem, dona sua tam iustis quàm iniustis largitur, vnicuique per patientiam longæ æquanimittatis pœnitendi tempus impertiens.] & item idem. *In æternum Domine permanet verbum tuum in celo.* In his enim tanquam in cælo verbū Dei permanet, in quibus hoc verbum non offenditur ira, ebrietate, odio, infidelitate, lasciuia. Nam & si aliquando manet in nobis, tamen has cohabitationis suæ cōtume-lias non fert, vt semper inesse permaneat. Si verò hæc commemorata vitia semper in nobis erunt, nec introire quidem polluta corporum domicilia dignabitur. Adest autem vnicuique proximum, vt dictum est. Stat enim ad ostium verbum Dei, & pulsat ostium animæ nostræ, & dicit, *Ecce stans ad ostium pulso. Si quis aperiet mihi ostium, ingrediar ad eum.* Vult ergo semper introire, sed à nobis ne introeat excluditur. Claudimus enim per hæc corporis vitia animæ nostræ aditum. Quæ si cœperit emundatis omnibus patere, introibit modo Solis, qui clausis fenestræ valuis introire prohibetur, patentibus verò totus immittitur. Ipse quidem semper vt inluminet promptus est, sed lumen sibi domus ipsa obseratis aditibus excludit. Est enim verbum Dei Soli iustitiæ, adstans vnicuique vt introeat, nec moratur lucem suam repertis aditibus.] Et item ipse in eodem Psalmo, *Declinate à me maligni.* Nostrium est, inquit, & malos amare & bonos, & bonos ad bonitatem docere, secundum eum qui vniuersos ad se potius inuitat dicens, *Venite ad me omnes qui laboratis & onerati estis, & ego vos reficiam.*] & item, *Spreuisti omnes discedentes à iustificationibus tuis.* Et hîc, inquit, seruata ea ratio est, vt non dictum sit, spreuisti omnes peccatores, sed spreuisti omnes discedentes. Si enim peccatores Deus sperneret, omnes vtique sperneret, quia sine peccato nemo sit: sed spernit discedentes à se, quos apostatas vocant. Neque interest an in iustificationibus Dei quis aliquando fuerit. Sprenendus enim à Deo est quisquis discesserit, quia manentis meritum conseruat consummatio permanendi. Differt verò à peccatore discessio, quia peccatori venia per pœnitentiam reseruatur: discessio verò cum ipsa pœnitentia discessione se damnat, quæ hinc oritur, cum voluntas eorum qui discessuri sunt est iniqua.] Et item in eodem Psalmo, *Concupiui salutare tuum Domine, & lex tua meditatio mea est.* Totum se iste in aduentum Iesu id est saluatoris extendit, vt per saluatorem suum æternūque pastorem in cælo Angelis in æterna gaudia perhibeat se receptum. Filius enim hominis venit saluare quod perierat, missus ad oues perditas domus Israel dominus Iesus Christus, qui est benedictus in sæcula Amen.] Item idem in tractatu 11. Psalmi, dicit de populo Israel, Moysem maledixit, Deum abominatus est, filios suos dæmonum hostiis vouit, Prophetas occidit, ipsum quoque Deum ac Dominum suum suæ causa natum hominem, proditum Prætori in crucem sustulit, ac sic toto vitæ suæ die iniqui-

In Lamed.
Psal. 118. 89

Apoc. 3. 20

In Samech.
Psal. 118. 119

Matth. 23.
Psal. 118.
118.

In Tau.
Psal. 118.
174.

Ioan. 3. 19.

tate glorians cum potens esset, potens tamen in malitia perman-
sit.] Item in eodem. Hunc propensæ malitiæ affectum Dominus in
Euangelio condemnat dicens, *Hoc est autem iudicium quia lux venit in hunc
mundum, & dilexerunt homines magis tenebras quam lucem.* Populus itaque,
cui ad redemptionem peccatorum Verbum caro factum est, & Deus
homo natus est, ut per fidei iustificationem maledicto legis liber es-
set, dum in transgressione legis mauult seruire maledicto, ipsum il-
lum Deum suum tradidit poenæ, sanguinem eius, ut Prætor esset in-
nocens, in se ipse suscipiens, & hæc agens demutat naturæ consuetu-
dinem. Malitiam enim diligit super benignitatem, & ex bonis amo-
rem conuertit in pessima. Diligere quoque iniustitiam superquam

Amos 9. 11.

loqui iustitiam maluit.] Item in eodem, *Eleuabo David tabernaculum
quod cecidit.* Sanctum illud scilicet, & venerabile nati ex Virgine

Ioan. 15. 1.

Dei corpus & templum, in quo qui crediderit, tanquam consors
dominicæ carnis habitabit. Omnis autem infidelis à cognatione
hac non crediti corporis, id est Dei tabernaculo, reuelletur & emi-
grabitur, spiritalis huius tabernaculi indignus habitaculo. quod si-
gnificare Dominus intelligitur cum dicit, *Ego sum vitis vera, vos estis
propagines. Pater meus agricola est. omnis propago in me non manens, neque
ferens fructum, eradicabitur. & omnem propaginem in me manentem emunda-
bit pater meus, ut fructum ampliosem ferat.* Si qui igitur per fidem cor-
porati Dei manere in natura assumpti à Deo corporis merebuntur,
hi emundantur in fructus æternos ex se afferendos, quia necesse est
ut naturam veræ vitis propago intra vitem manens teneat. At verò
qui incredulus natus in corpore Dei fuerit, vel si & credens maneat,
fructibus tamen fidei suæ careat, eradicabitur, aut ob infidelitatem,
aut ob inutilitatem fructuum negatorum. Natus enim ex Virgine Dei
filius, non tum primum Dei filius cum filius hominis, sed in filio Dei
etiam filius hominis, ut & filius hominis esset filius Dei, naturam in se
vniuersæ carnis assumpsit, per quam effectus vera vitis genus in se vni-
uersæ propaginis tenet. Si qua ergo propago infidelis aut infructuo-
sa est, eradicandam ipsa se præbet, per naturam quidem manens,
sed per infidelitatem aut inutilitatem reuellitur. Ex hoc ergo taberna-
culo, tanquam ex vera vite, hic impius Doeck & euellitur & emigra-
tur, manens per naturam & in tabernaculo & in vite, sed per infi-
delitatem dignus auelli. auulsus autem de tabernaculo eradicabi-
tur & de viuentium terra. Qui enim non manebit in Christo, re-
gni Christi incola non erit. Non erit autem, non quòd sibi non pa-
tuerit incolatus. vniuersis enim patet ut consortes sint corporis Dei
atque regni, quia Verbum caro factum est, & habitauit in nobis. na-
turam scilicet in se totius humani generis assumens. Sed vnusquis-
que pro merito, & euellendum se de tabernaculo, & eradicandum
de terra viuentium præbet, non prohibitus vnquam inesse, quia
per naturæ assumptionem incola sit receptus, sed eradicabitur ob

infidelitatis crimen naturæ consortio indignus existens. Eradicatur ergo de viuentium terra, quæ in beata regione sanctis Domino congregantibus præparatur. cuius ipse in Euangelio meminit dicens, *Beati mansueti, quoniam ipsi hereditabunt terram.* Et hic idem Propheta, *Placebo Domino in terra viuentium.*] & item, Non enim confessio peccatorum nisi huius sæculi tempore est, dum voluntati suæ vnusquisque permisus est, & per vitæ licentiam habet confessionis arbitrium. Decedentes namque de vita, simul & de iure decedimus voluntatis. Tunc enim ex merito præteritæ voluntatis lex iam constituta, aut quietis aut pœnæ excedentium ex corpore suscipit voluntatem. Cuius temporis non iam liberam sed necessariam voluntatem ostendit Propheta, cum dicit, *Non enim mihi in diebus illis voluntas,* Cessant enim voluntates liberæ, etiam voluntatis si qua erit cessabit effectus. Transire namque ad Abraham volens diues chaos medio non finitur: cum tamen per libertatem voluntatis in Abraham finibus esse potuisset. Interclusa est ergo libertas voluntatis, quia confessio nulla sit mortui, secundum id quod scriptum est, *In inferno autem quis confitebitur tibi?*] Item in Psalmo LII. *Populus hic labiis me honorat, cor autem eorum longe est à me,* quia nolunt credere quod negare non possunt.] Item in Psalmo LVII. *Alienati sunt peccatores ab utero.* Sic Esau alienatus ab utero est, cum maior minori seruiturus etiam antequàm existeret nuntiatur, Deo futuræ non nescio voluntatis, cum & sermonis falsitas & vitæ error à ventre est, ipso potius hoc sciente, quàm aliquo ad necessitatem genito naturamque peccati. Ac ne vitium referri posset ad originem, præduratæ in his ad obediendum voluntatis crimen expròbrat dicens, *Furor illis secundum similitudinem serpentis, sicut aspidis surdæ & obturantis aures suas, quæ non exaudiet vocem incantantium,* medicamentis medicata à sapiente. Non excusatur quædam necessitas naturalis in crimine. Nam serpens innocens esse potuisset, cui aures per se vt surdæ sint obstruuntur, vocemque incantantis non audit, cum medicata medicamina à sapiente non percipit. Neque hîc Marforum cantus & confopita viperarum sibila memorat, quia hæc eadem maiore cum energia per fidem nominis Dei virtutemque torpescunt. Sed illam contumacem atque insolentem antiqui serpentis inobedientiam docet aduersum Sanctorum cantus & medicata à sapiente medicamina obsurdescentis. cum ei quotidie, ne fallat, ne subrepat, ne mordeat, etiam sub diuini nominis denuntiatione mandetur, & tamen obstrueto defæuit auditu, ex quo non obediens Euangelio nati viperarum sunt,] In Psalmo LXVIII. Hæc itaque doctrinæ mensa, vel hic vitalis cibi sermo, & laqueus, & captio, & retributio, & scandalum est, cum à nobis Deus Iacob esse qui ab his sit crucifixus ostenditur. Hæc est enim retributio tantæ impietatis, vt quod nobis est Dei virtus, his scandalum sit. Nam cum inlaqueati captique sint scriptis, intelligentiæ tamen carent sensu. & ideo

Matth. 5. 4.

Psal. 114. 9.

Psal. 6. 6.

Esa. 29. 13.

Psal. 57. 4.

Math. 23.
29.

obscurati sunt oculis ne videant, id est ne lumen intelligentiæ contue-
rentur, quia secundum Euangelium, *omni habenti dabitur, qui autem non
habet, etiam quod habet auferetur ab eo.* Indigni videlicet qui intelligentiæ
sensem ac lumen acciperent, & ideo Euangelicæ libertatis scientiam
non adepti, perpetuo adhuc legis onere deprimuntur, ut ferant quod
sustinere non possunt.] Item in Psalmo cxxi. Ille Israel, à domino
Pharaone vindicatus, in mari ablatus, in deserto Angelorum cibo
pascus, in lege eruditus, in prophetis obiurgatus, in natiuitate à
Domino per consortium corporis susceptus, in cruce si crederet sal-
uatus, in resurrectione si confiteretur glorificatus, nihil horum
suum credidit, nihil horum manere suum voluit.] Item in Psalmo
cxxviii. Secundum principem aëris huius spiritus, qui nunc opera-
tur in filiis inobedientiæ. Operantur ergo hæ spirituales nequitie in
his qui inobedientes Dei legi sunt, quos voluntatis suæ tanquam
operarios eligunt, in res suas alienæ intercessionis ministerio vsuri.]
& post pauca. Iudas quoque in passione Domini ministerium Dia-
boli fuit, & per eum effectum voluntatis propriæ est executus, Eu-
angelista testante.] Item in eodem, Iustus Dominus, patiens scilicet
in ultionem, dissimulator ad poenitentiam tempus. non inter exor-
dium humanæ iniquitatis promptus ad poenam, sed desinendi à cri-
minibus feram licet voluntatem peccatorum expectans: tunc ceruices
concidet, cum sine aliquo desinendi modo fabricantur, cum in lon-
gum peccata tenduntur, cum iam omne patientis misericordiæ tem-
pus exclusum est.] Item in Psalmo cxxxii. Ergo quia munera &
benedictiones Dei, quibus primum omnia cum creata & facta sunt
benedixit, postea verò ex peccato Adæ in anathemate constiterunt,
gratum Deo est ea rursus in sanctificationis sedem redire atque
descendere. Benedictus enim homo fuit, sed post benedictionem
peccauit, & statim impius fuit: sed qui mauult peccatoris poeni-
tentiam quam mortem, vult benedictionis suæ rorem ab Hermon
in Sion descendere, id est ex impietatis sede in sanctificationis locum
transire. Rore enim omnia virescunt, aluntur, augentur: ita princi-
pali illa Dei benedictione homo gignitur, spirat, & crescit. Est ergo
bonum atque iocundum, ut à gentili errore, id est à profana Her-
mon veneratione descendens, ad Sion, id est, ad æternæ beatitudi-
nis domum transeat, & cum qui salute omnium lætatur oblectet.]
In Psalmo cxxxiv. Voluisset enim populum suum, quem in
patribus eorum Abraham, Isaac, & Iacob elegerat, non iudicari, ob
quem post diuersas plagas Ægyptum adflixerat, ob quem in colum-
na ignis & nubis adstiterat, ob quem mare diuiserat, aquam è petra
eiecerat, manna è cælo miserat, legem posuerat, veniam tantis sacri-
legis indulserat, tot inreligiosorum regna deiecerat, prophetas mi-
serat, vnigenitum suum nasci hominem voluerat. Sed tot tantisque
beneficiis populus ingratus, & colonus vineæ primus electus, in ip-
sum

sum dominum vineæ parricidales manus intulit, Deum quantum in se est crucifixum in homine mortificans. Sed electi sunt serui, quibus vinea fructum eius reddentibus traderetur. quibus Dominus iudicato populo suo pietatis suæ damnum consolaretur.] In Psalmo CXXXVII. *Quoniam magnificasti super omnia nomen sanctum tuum.* Non tantum vnigeniti Dei nomen est cognitum, super omnia magnificatum est, & in omnes se mansuetudo sanctitatis extendit. non barbarus, non Scythæ, non seruus, non liber, non mulier, non vir, non ætas vlla discernitur. Super omnia enim magnificatum Dei nomen est.] Et item idem in libro primo de Fide, Esse autem filios Dei non necessitatem esse sed potestatem, quia proposito vniuersis Dei munere, non natura gignentium adferatur, sed voluntas præmium consequatur. Ac ne id ipsum, quod vnicuique esse Dei filium à Deo filio sit potestas, in aliquo infirmitatem fidei trepidæ impediret, quia per sui difficultatem ægerrimè speretur quod & magis optatur & minus creditur, Verbum Deus caro factum est, vt per Deum Verbum carnem factum caro proficeret in Deum Verbum. Ac ne Verbum caro factum, aut aliquid aliud esset quàm Deus Verbum, aut non nostri corporis caro esset, habitauit in nobis. vt dum habitat non aliud quàm Deus maneret: dum autem habitat in nobis, non aliud quàm nostræ carnis Deus caro factus esset, per dignationem assumptæ carnis non inops suorum, quia tanquam vnigenitus à patre plenus gratiæ & veritatis, & in suis perfectus sit, & verus in nostris.] Item in secundo libro, Humani enim generis causa Dei filius natus ex Virgine est & Spiritu sancto, ipso sibi in hac operatione famulante, & sua Dei videlicet inumbrante virtute, corporis sibi initia consequit, & exordia carnis instituit, vt homo factus ex Virgine naturam in se carnis acciperet, perque huius admixtionis societatem sanctificatum in eo vniuersi generis humani corpus existeret: vt quemadmodum omnes in se per id quod corporeum se esse voluit conderentur, ita rursus in omnes ipse per id quod eius est inuisibile referretur.] & post pauca, Non ille eguit homo effici, per quem homo factus est, sed nos eguimus vt Deus caro fieret, & habitaret in nobis, id est, assumptione carnis vnius membra vniuersæ carnis incoheret.] & item, Angelus pastoribus nuntiat natum Christum Dominum salutem vniuersorum.] & item, Cum Samaritana Domino erat sermo: venerat enim redemptio vniuersorum.] & item, Munus autem quod in Christo est omne omnibus patet vnum, & quod vbique non deest, in tantum datur in quantum quis volet sumere, in tantum residet, in quantum quis volet promereri.] Item in tertio libro, Curam ergo humani generis habens Dei filius, primum vt sibi crederetur homo factus est, vt testis diuinarum rerum nobis esset ex nostris, perque infirmitatem carnis Deum patrem nobis infirmis & carnalibus prædicaret. voluntatem in eo Dei patris efficiens vt dicit, *Non veni*

Psal. 137. 23

Lib. i. de
Trin. in
princip.Lib. ii. de
Trin. post
medium,Libro xii.
in princip.

Ioan. 6. 38.

voluntatem meam facere, sed voluntatem eius qui misit me.]

SANCTVS quoque ATHANASIVS Alexandrinus in epistola ad Epictetum Episcopum sic dicit, Verè homine factò Salvatore, totius hominis facta est salus. nec corporis solùm, sed totius humani animæ & corporis verè salus facta est in ipso Verbo. Humanum verè naturaliter ex Maria, secundùm diuinas scripturas, & verum erat corpus Saluatoris. Verum autem erat, quia simile erat nostro. soror etenim fuit nostra Maria, quoniam omnes ex Adam sumus.]

SANCTVS AMBROSIVS, cuius sententiæ fidei & Ecclesiæ atque omnium virtutum firmissimæ sunt columnæ, qui S. Augustinum per Dei gratiam fide inluminauit, baptisinate consecrauit, atque doctrina pietatis instruxit, ita in libro de Paradiso dicit, Discant igitur non superfluum, non iniustum, etiam præuaricatori præscriptum esse mandatum. Nam & ipse Dominus Iesus elegit Iudam, quem proditorē sciebat. quem si per imprudentiam electum putant, diuinæ derogant potestati. Sed hoc æstimare non possunt, cùm scriptura dicat, quia *sciebat Iesus quis eum proditurus erat.* Accipiant etiam ipsi, qua ratione Dei filius, vel præuaricaturò mandauerat, vel elegerit proditorem. Venerat Dominus Iesus omnes saluos facere peccatores, etiam circa impios ostendere suam debuit voluntatem. Et ideo nec proditorem debuit præterire, vt aduerterent omnes, quòd in electione etiam proditoris sui seruandorum omnium insigne prætendit. nec in eo læsus est, vel Adam quia mandatum accepit, vel Iudas quia electus est. Non enim necessitatem Deus, vel illi præuaricationis, vel huic proditionis imposuit: quia vterque, si quod acceperat custodisset, à peccato potuisset abstinere. Denique nec Iudæos omnes credituros sciebat, & tamen ait, *Non veni nisi ad oues perditas domus Israel.* Ergo non in mādante culpa, sed in præuaricante peccatum. Et quod in Deo fuit, ostendit omnibus quòd omnes voluit liberare. Nec tamen dico, quia præuaricationem nesciebat futuram, immo quia sciebat assero: sed non ideo pereuntis proditoris inuidiam in se debuit deriuare, vt adscriberetur de eo quòd vterque sit lapsus. nunc autē vterque redarguitur atque conuincitur, quia & ille mandatum ne laberetur accepit, & hic etiam in Apostolatus munus adscitus est, vt vel beneficio Dei reuocaretur à proditionis affectu, simul vnde mali reuincuntur prodesset omnibus.] Et in Psalmo CXVIII. exponens versum, *Bonitatem fecisti cum seruo tuo Domine secundum verbum tuum,* ita dicit, Quàm bonus Israel Deus rectis corde! Ergo bonus omnibus, quia omnes recto vult esse corde. Qui autem cor declinauerit, ipse à se gratiam diuinæ bonitatis auertit. Semper Deus bonus est, ideóque Paulus ait, *Vide ergo bonitatem & seueritatem Dei.* Bonitas enim in omnes est, seueritas in paucos. Denique subdidit idem Apostolus, *In eos quidem qui ceciderunt seueritatem, in te autem bonitatem.* Si enim non cecidissent, vtique vterentur & ipsi Dei bonitate. Nam & tibi ideo bonus est, quia permanes. Quòd si

Ioan. 13. 11.

Matt. 15. 24

Psal. 118.
69.

Rom. 11. 22

non permanferis in bonitate, & tu excideris. Non ergo Deus propter-
 ea bonus effe defifter, quia tu lapsus es, & indiges feueritate, fi quidem
 vt feueritas Dei in bonitatem recurrat, vnusquisque castigatus pedem
 referat à peccatis, & ad virtutū tramitem bonamque conuerfationem
 recurrat. Denique docet de illis qui ceciderunt Apostolus, quia fi
 non permanferint in incredulitate inferentur. Potens est enim Deus
 iterum inferere illos, vt quemadmodum deferta virgulta, ita & ho-
 mines velut caudicibus quibusdam virtutis inferti, bonorum fructus
 poffint referre meritorum.] Item vbi exponit, *Adpropinquauerunt per-* Pfal. 118.
150.
sequentes me iniquitati, Penetrat ergo, inquit, animam, & quasi can-
 dor æternæ lucis inlustrat. Sed quamuis diffusè per omnes, & in om-
 nes, & supra omnes potestate fit, quia omnibus ortus ex Virgine est,
 & bonis & malis, sicut & Solem suum oriri iubet super bonos & ma-
 los, illum tamen fouet qui adpropinquat sibi. Sicut enim à se ful-
 gorem Solis excludit qui fenestras domus suæ clausit, locumque
 tenebrosū in quo diuerfetur elegerit: ita qui se auerterit à Sole iu-
 stitiæ, non potest splendorem eius aspicere, quia in tenebris am-
 bulat, & in omnium luce ipse sibi causa est cæcitat. Aperi igitur
 fenestras tuas, vt tota domus tua veri fulgore Solis inluceat. A-
 peri oculos tuos, vt videas orientem tibi Solem iustitiæ. Pulsat ia-
 nuam tuam Dei Verbum, *Si quis mihi aperuerit*, inquit, *intrabo*. Si quis Apoc. 3. 20.
 ergo non aperuerit, numquid non ingredientis & non magis non
 aperientis est culpa? Nihil quidem Deo est obseratum, nihil clau-
 sum æterno lumini. Sed portas malitiæ dedignatur aperire, concla-
 uia non vult penetrare nequitiae. An verò, cum animæ nostræ vigor
 putrem corporis refugiat portionem, quòd eius gratiam corrupti ar-
 tus sentire non possint, Deus corruptæ animæ membra quædam de-
 dignatur habitare? Animæ tamen vigor per corpus omne diffunditur:
 siue manus, siue pes, siue digitus, particeps sensus est. Dei potest
 alicubi deesse sapientia? alicubi deesse maiestas? Sanè fugientes non
 retinet, non cogit inuitos, sed neque fastidit adpropinquantes. Et il-
 lius quidem virtus, illius Verbum Deus omnibus propè est. In ipso
 enim constant omnia, & ipse est caput corporis Ecclesiæ, in quo
 omnis inhabitat plenitudo. Sed plerosque ab eo peccata fecernunt,
 de quibus dictum est, *Ecce qui elongant se à te peribunt*. Vnde Psalmi- Pfal. 72. 27.
 sta ait, *Mihi autem adharere Deo bonum est*. & Apostolus ait, *Non lon-* Act. 17. 27.
gè esse Deum ab vnoquoque nostrum. In ipso, inquit, *viuimus, moue-*
mur, & sumus. Vitalem etenim gratiam omnibus subministrans, om-
 nibus præsto est bonitatis suæ munere: sed propior est illis qui
 contrito sunt corde.] Item vbi exponit *Misericordia tuæ multæ Domi-* Pfal. 118.
156.
ne. Et si longè, inquit, à peccatoribus salus, tamen nemo desperet,
 quia multæ sunt misericordiæ Domini. Qui suo peccato pereunt,
 misericordia Domini liberantur. *Miserebor*, inquit, *cui misertus ero*. Exod. 33. 19
 Palàm apparuit non quærentibus, vocauit fugientes, congregauit

ignores.] Et item ubi exponit, *longè est à peccatoribus salus*. Quorum serum, inquit, est iudicium, eorum salus longè est. Sed ipsi sunt sui auctores periculi, qui Domino non ad propinquarunt. Ideo facti sunt longè, quia voluntate sua à salutis se gratia separauerunt. Non refugit eos salus, sed ipsi salutem, qui se elongauerunt. Venit ad Iudæos, sed ipsi salutem non receperunt. Quomodo non receperunt? audi. Iesus salus est, Iesus filius hominis nuncupatus est. Venit filius hominis quærere & saluum facere quod perierat. Sed Iudæi dimitti sibi latronem postularunt, Iesum repudiauerunt.]

Psal. 118. 135. Et item, *Ne repellas me à mandatis tuis*. Si Deus repellit vnumquemque quem repellendum putat, videamus ne excusationem ei tribuat, qui cum sequi Deum velit repulsus sit. & primum quemadmodum bonum Deus repellit sequentem, nisi ipse mereatur repelli, sicut ipse Dominus ait, *Vulpes foveas habent*, & ideo quasi vulpem repellit.]

Matth. 8. 20. Item ubi exponit, *Revela oculos meos*. Bene, inquit, admonuit lectio Evangelij quæ decursa est, in qua sanatus est leprosus ille qui dixit, *Si vis, potes me mundare*, in voluntate Domini constituens potestatis effectum. Cui respondit similiter, *Volo, mundare*. Præmissa pietas voluntatis, secuta potestatis auctoritas est. Omnibus dicit Iesus, volo, qui non vult esse peccatum. Velle Christi commune in omnes est: mundari fidei est credentis in Christum. *Et tetigit eum*. Tangit eos, quorum fide tangitur. Denique dicit, *Tetigit me aliquis, sentio virtutem exisse de me*.] & item, *Aufer à me opprobrium & contemptum*. Aduersum me, inquit, detractabant. Ego eorum redemptor adueneram, ego veneram, ut omnium peccata mundarem, ut recuperarem amissos, restituerem paradiso sancti Iacob hereditatem, & illi aduersum me detractabant.]

Psal. 118. 89. Item, *In æternum Domine permanet verbum tuum*. Dilata, inquit, cor tuum, occurre Soli lucis æternæ, qui inluminat omnem hominem. Et illud quidem verum lumen omnibus lucet: sed si quis fenestras suas clauferit, æterno lumine se ipse fraudauit. Excluditur ergo & Christus, si tu mentis tuæ ianuam claudas. Etsi possit intrare, non vult tamen importunus intruere, non vult inuitos cogere. Ortus ex Virgine processit ex aluo, vniuersa totius orbis irradians, ut luceret omnibus hominibus. Capiunt qui desiderant fulgoris perpetui claritatem, quam nox nulla interpolat.] Et item cum exponeret, *Anima mea in manibus tuis semper*, ait, Et ideo filius hominis non habebat ubi caput suum reclinaret, quia cum diues esset pauper factus est: nec gloriam istius sæculi requirebat, quia venerat non ut in portione, sed ut in vniuersum humano generi subueniret, dicens *Mihi irascimini, qui totum hominem saluum feci in Sabbato?* Hoc est totum, non ut facultatum conlatione ditaret, non ut honorum insignibus, non ut gloriæ sæcularis cumlaret augmento, hæc enim non habent beatitudinis & gratiæ plenitudinem, sed totum, hoc est longitudinem vitæ complecteretur æternæ.] Item in

eodem Psalmo, *Ponit thronum suum*, quin diabolus, *super sidera*. quando electum decipit, quando iustum circumuenit, cuius opera lucent sicut stellæ in cælo. Nonne & Iudas proditor inter cæteros audiebat, *Vos estis lux mundi?* nonne Diabolus lumen eius extinxit? Matt. 5. 14.

quando etiam quos non potuerit circumuenire calumniatur, inuidens regni cælestis gloriam: ut quos inlecebris suis à Christo non potuit separare, eos calumniis suis debiti honoris fructu fraudare conetur, Ecce manus Domini parata est, quæ te fugientem ab aduersariis tueatur ac protegat. Pharaon te in patribus tenebat. superbus, immitis. fugisti ab eo, suscepit te manus Domini, & de periculis liberauit. Non dimisisset Pharaon, nisi tu ad Dominum refugisses. Dicebat Pharaon, *Dominum nescio, Israel non demitto*. Vides quàm superbus. Meritò ergo susceptus in bono est qui malum fugit. Non patitur ergo Deus in malo nos esse, suscipit in bono. Nec patitur suos calumniis subiacere. Quare ergo non omnes saluentur, ita in eodem Psalmo exponit. Dicit Sapientia, *Querunt me mali & non inuenient*. non quia Dominus nolebat inueniri ab hominibus, qui se etiam non quærentibus offerebat, sed quia his operibus quærebatur, ut indigni essent qui quærent inuenire, Ceterùm Simon qui eum nesciebat inuenit, inuenit Andreas, Philippus ad Nathanael eum inuenisse se dixit.] Et item in libro de Ioseph, Ceterùm quòd ad moralem pertinet locum, quia omnes vult saluos fieri Dominus Deus noster, dedit etiam per Ioseph his qui sunt in seruitute solatium.] Item in libro primo de Pœnitentia. *Non in æternum proiciet Deus, aut obliuiscetur misereri Deus*. clamat Propheta, & sunt qui diuinæ miserationis quædam inducant obliuia. Sed aiunt ideo se ista asserere, ne mutabilem Deum facere videantur, si his quibus fuerit iratus ignoscant. Quid ergo? repudiabimus diuina oracula, & istorum opiniones sequemur? Sed non Deus alienis assertionibus, sed suis æstimandus est vocibus.] & post aliquanta. Et tu quidem Domine omnes cupis sanare, sed non omnes curari volunt.] & item post aliquanta, Ipse te doceat, qui etiam non custodientibus mandata sua veniam non negauit, sicut habes in Psalmi corpore, *Si iustitias meas profanauerint*, & reliqua. Omnibus igitur promittit misericordiam.] Item in secundo libro, Et ideo reuertimini ad Ecclesiam, si qui vos separastis impiè. Omnibus enim conuersis pollicetur veniam, quia scriptum est, *Omnis quicumque innouauerit nomen Domini saluus erit*.] Et Rom 10. 13 item, Sed si isti non conuertuntur, vel vos reuertimini, qui lapsu vario Cap. 5. de innocentiæ fideique præcelso fastigio decidistis. Bonum Dominum habemus, qui velit donare omnibus.] & post aliquanta, Ipse Dominus Hierusalem fleuit, ut quia ipsa flere nolebat, Domini lacrymis ad veniam pertineret. Ipse nos flere vult, ut euadere possimus, sicut habes scriptum in Euangelio, *Filiæ Hierusalem nolite me flere, sed vos ipsas flete*.] Et item idem in Sermone ex sententia Apostoli, *Credidit* Luc. 23. 28.
Gal. 2. 6.

Abraham Deo, & reputatum est ei ad iustitiam. Denique ait Apostolus, *Ecce ego Paulus dico vobis, quoniam si circumcidamini Christus vobis nihil proderit.* non quia non possit, sed quia indignos beneficiis suis iudicet qui vias eius deferant.] Et item in Sermonem Euangelij, quod *præteriens Iesus vidit à generatione cæcum.* Oblata erat, inquit, à Scribis & Phariseis Domino Iesu adulterij rea, & hac oblata fraude, ut si eam absolueret, legem solvere videretur: sin verò damnaret, propositum sui mutaret aduentus, quia peccata omnium remissurus aduenit.] & item in eodem, Vide lector diuina mysteria & clementiam Christi. cum accusatur mulier, caput Christus inclinat: eleuat autem, ubi defecit accusator. ita nullum damnari vult, absoluit omnes.]

Nunc quia tempus & ordo ponendi est sanctum Ioannem Constantinopolitanum Episcopum, qui propter dulcedinem salubris ac saporis elocutionis à Græcis Chrysostomos, id est os aureum, dignissime est appellatus, verbis sancti Augustini, quibus eum in testimonium suum contra Iulianum inuitauit, uti dignum censuimus. Ingredere, inquit, sancte Ioannes, ingredere & confide cum fratribus tuis, à quibus nulla ratio nulla tentatio te separauit, opus est & tua sententia. Qui ait in Commento epistolæ ad Hebræos, Ad propitiandum enim, inquit, peccatis nostris. quare non dixit mundi, sed dixit populi? Nam omnium peccata sustinuit: sed quia interim de ipsis vertebatur sermo. Nam & Angelus dicebat Ioseph, *Vocabis nomen eius Iesum. ipse enim saluabit populum suum.* Hoc quippe primum oportuit fieri, & propter hoc venit, ut istos saluaret, & tunc per istos illos, tametsi è contrà contigit. Hæc etiam Apostoli ab ipso initio dicebant, *Vobis suscitans filium suum misit benedicentem vos.* & iterum, *Vobis sermo salutis missus est: sed quia repellitis illud, & indignos vos iudicatis æternæ vitæ, ecce conuertimur ad gentes.* Generositatem hinc ostendit Iudæicam, dicens ad propitiandum peccatis populi. Iterum sic dixit, *Quis enim? ipse est qui peccata omnium dimittit.* manifestauit in paralytico dicens, *Dimittuntur tibi peccata.* & in baptisate. Dixit enim ad discipulos suos, *Euntes docete omnes gentes, baptizantes eos in nomine patris, & filij, & Spiritus sancti.*] & item, Nam & beatitudines quæ à Christo dicuntur, non monachis tantum dictæ sunt, alioquin vniuersus mundus peribit, & accusabimus crudelitatem Dei. Si verò beatitudines solis monachis datæ sunt, sæcularem autem hominem impossibile est eas implere, ipse nuptias iussit, ipse ergo omnes perdidit. Si enim non possunt cum nuptiis ea quæ monachorum sunt implere, perierunt & corrupti sunt, & in angustum conclusa quæ virtutis sunt, & quomodo honorabiles sunt quæ nobis tantum impediunt? Quid ergo impossibile est? & valde possibile, etiam habentes uxores virtutem aggredi si voluerimus. Quomodo? si habentes tanquam non habentes simus. qui non gaudemus in his quæ possidemus. si mundo vtamur tanquam non vtentes. Si autem aliqui impediti sunt ex nuptiis,

ſciant quoniam non nuptiæ illis impedimentum fuerunt, ſed voluntas quæ malè vritur nuptiis, Nam neque vinum facit ebrietatem, ſed voluntas & exceſſus moderationis. Vtere cum moderatione nuptiis, & primus eris in regno, & omnibus frueris bonis.] & item, *Reproba*, inquit, & *maledictioni proxima*. O quantam habet conſolationem hic ſermo! Maledictioni, inquit, proxima, non maledictio. qui autem necdum in maledictionem incidit, ſed proximus eſt, & longè fieri poterit. Et non hoc ſolo conſolatus eſt, ſed etiam in eo quod ſequitur. Non enim dixit, reproba & maledictioni proxima, quæ comburetur. Sed quid? cuius conſummatio in aduſtionem. Si uſque ad finem permaneat, inquit. Proinde ſi abſcidamus & aduramus ſpinas, poterimus mille bonis perfrui, & fieri probabiles, & benedictionis participes.] & item, Quid autem difficilius, dic mihi, quàm contum in fronte portare, & impositum puerum multa millia ſchemata facientem ibidem baiulare, & delectare ſpectantes? Quid autem difficilius, quàm cum gladiis pilarum more ludere? quid difficilius, quàm ſuper funem extenſum ambulare veluti ſuper æquale ſolum. & ruruſum ambulanti veſtiri, ſpoliari, tanquam in lecto ſedeat? Nónne mirabilis nobis iſta res eſſe videtur, & terribilis, ut etiam videre nolimus, ſed timeamus & tremamus ad ipſum aſpectum? Quid autem grauius, dic mihi, quàm profundum pelagi ſcrutari, & decem millia alias artes quis dicere poſſit? Si omnium iſtarum facilior eſt virtus, ſi voluerimus & in cælum aſcendere. Velle enim opus eſt hîc tantum, & omnia ſequuntur. Non potes enim dicere non poſſum, neque accuſare potes conditorem. Si enim impoſſibiles nos fecit, deinde imperat, accuſatio eius eſt. Quomodo ergo, inquit, multi non poſſunt? Quomodo ergo multi nolunt, dic. Si enim voluerint, omnes poterunt. Propter hoc & Paulus dicit, *Volo omnes homines eſſe ſicut & meipſum*. quoniam ſciebat quia omnes poterant eſſe ſicut ipſe. Nequaquam enim hoc diceret, ſi impoſſibile eſſet. Vis fieri? principium tantum adprehende. Dic autem mihi, in artibus cunctis, cum voluerimus in eis perfecti fieri, non ſufficit nobis velle, an etiam adgredimur ipſas res? Veluti quod dico, Vult aliquis fieri gubernator. non dicit volo, & hoc ei ſufficit, ſed etiam rem ipſam adgreditur. Vult fieri negotiator. non dicit volo tantum, ſed etiam rem adgreditur. & ſic omnibus non ſufficit velle tantum, ſed etiam opus oportet addere. In cælum autem volens aſcendere dicit tantum volo. Quomodo ergo dicebas, inquit, quia velle ſufficit? Sed velle cum opera adprehendens, etiam rem cum labore. habemus quippe cooperatorem & adiutorem Deum. tantum rem adſumamus, tantum veluti ad opus accedamus ad rem, tantum curam geramus, tantum in mente ponamus, & cuncta ſequuntur. Si verò dormierimus, & ſtertentes ſperemus intrare in cælum, quando poterimus hereditatem cælorum adprehendere? Deſi-

Heb. 6. 8.

1. Cor. 7. 7.

deremus ergo hæc, obsecro, desideremus. Quid omnia ad præsentem vitam negotiamur, quæ crastina derelinquemus? Adsumamus igitur virtutem quæ nobis in perpetuum sufficiet, in quo erimus semper & æternis bonis fruemur.] & item, Postquam enim dixit superius illa magna valdeque miseranda, dicit nunc & decora ex eius sollicitudine quam de hominibus gerit. Et quamuis illud vniuersale sit quod omnia continet, verumtamen hoc multo amplius est vniuersale, vt quantum in ipso est omnes credant. Nam etiam Ioannes dicit *vita erat*. Sed & prouidentiam eius manifestans iterum dicit, quoniam lumen est. *Per ipsum*, inquit, *mundationem faciens peccatorum nostrorum*, sedet in dextera maiestatis in excelsis. Duo quædam in hoc loco significat maiora, quod de nobis curam gerit, vel quod peccata nostra mundauerit, & quoniam per seipsum hoc opus impleuerit. Et in multis locis inuenies eum in hoc maxime gloriari, non solum quoniam conuersi sumus ad Deum, sed etiam in eo quod per filium fuerit istud effectum.] & item, Nullam autem imbecillitatem aliquid arbitror eo quod dixit patrem indignaturum pro his quæ fuerit indigna perpeffus. Hoc magis multæ patris circa filium dilectionis & honoris ostenditur. qui enim indignatur pro eo, quomodo extraneus ab illo esse conicitur? Quod etiam in alio dicitur Psalmo, *Qui habitat in celis irridebit eos, & Dominus subsannabit eos. Tunc loquetur ad eos in ira sua, & in furore suo conturbabit eos.*] Et iterum ipse dixit, Eos autem qui me sibi regnare noluerunt, adducite in conspectu meo & interimite. Quia verè eius sunt hæc verba, audi quid dicat & in alio loco, *Quotiens volui congregare filios tuos & nolui? Ecce relinquetur vobis domus vestra deserta.* & iterum, *Auferetur à vobis regnum Dei, & dabitur genti facienti fructus eius.*] Et item, In hoc cernimur similes Deo, si cunctos amabimus, diligamus etiam inimicos nostros: non autem si signa vel miracula fecerimus. Nam & Deum ipsum admiramur quidem miracula facientem, sed amplius admiramur miserantem & longanimiter sustinentem. Si igitur & in ipso Deo illud amplius admirandum, quanto magis in homine?] Et item, Si enim patres vestri, inquit, quia non sperauerunt sicut oportebat sperare, hæc passi sunt, multo amplius vos. Ad illos enim iste sermo factus est. Hodie namque, inquit, semper est donec constet mundus. propterea consolamini vos ipsos per singulos dies vsquequo vocatur hodie. hoc est, ædificate inuicem, corrigite vos ipsos, ne contingant vobis similia, ne obduretur quisquam ex vobis decipiente peccato. Attendis quia infidelitas peccatum facit? Sicut enim infidelitas malignam vitam procreat, sic etiam anima quando in profundum malorum venerit contemnit, contemnens autem neque credere patitur vt se timore liberet. Dixit namque, inquit, *Non videbit Dominus, neque intelliget.*] Et item, Quidam enim audientes amaricauerunt, sed non omnes qui
exie-

Psal. 2. 4.

Luc. 13. 34.

Psal. 91. 7.

exierunt ex Ægypto per Moysem. Quibus autem iratus est quadraginta annis? nonne peccatoribus, quorum membra ceciderunt in eremo? Quibus autem iuravit quia non intrent in requiem eius, nisi infidelibus? & videmus quia non poterant intrare per infidelitatem.] & paulò post, Quorum obduratorum mentionem facit, nonne Iudæorum? Quod autem dicit, tale est, Audierunt & illi, inquit, sicut & nos audiuius: sed nihil profuit illis. Non ergo putetis quia ex auditu tantum prædicationis iuuamini, quia & illi audierunt, sed nihil utilitatis habuere, quoniam non crediderunt. Caleph autem & Iesus, quia non consenserunt infidelibus, effugerunt pœnam quæ illis inflata est. Et inspicere quàm mirabiliter. Non dixit non consenserunt, sed non contemperati sunt, hoc est sine seditione dissenserunt, illis omnibus vnâ atque eandem sententiam habentibus.] Et item, *In die qua adprehendi manum eorum ut educerem eos de terra Ægypti, & ipsi non manserunt in testamento meo, & ego neglexi eos dicit Dominus.* Intuere à nobis primum incipere mala. Ipsi, inquit, primi non manserunt. Ex nobis est negligentia.] & item, Prudentia autem carnis inimica est in Deum, legi autem Dei non subicitur, neque potest. Quid ergo, inquit, non hoc est crimen? Et valdè quidem crimen est. malus enim vsquequo est malus non subicitur quidem, mutari autem & fieri bonus potest. Abiciamus igitur intelligentias carnales. Quæ sunt autem carnalia? quæcumque corpus florere faciunt, & luxuriari, vitiant autem animam.] Ponunt autem quidam exemplum Apostoli dicentis de Esau, *Non enim inuenit pœnitentiæ locum, quamuis eam cum lacrymis inquisisset;* volentes ostendere quia non Deus omnes saluos vult fieri, etiamsi velint saluari. Vnde iste doctor in hoc eodem libro dicit, Quid hîc dicimus? num pœnitentiam Paulus excludit? nequaquam. Quomodo ergo dicit, quod non inuenerit pœnitentiæ locum? Si enim culpauit semetipsum, si gemitibus magnis ingemuit, cur pœnitentiæ locum inuenire non meruit? Quoniam non erat pœnitentia illa. Sicut & tristitia Caïn non ex patientia descendebat, quod occisio fratris aperuit: sic etiam hîc non erant illa verba pœnitentiæ. Nam & hîc fratris occisione depalatur, quandoquidem, quantum ad eum attinuit, etiam ipse fratri suo Iacob intulit mortem. Nam sic dixit, *Appropinquant, inquit, dies passionis patris mei, & interficiam fratrem meum.* Non ergo valuerunt solæ lacrymæ pœnitentiam illi tribuere: & non dixit simpliciter quia per pœnitentiam quæsiuit, sed cum lacrymis inquisiuit pœnitentiæ locum & non inuenit. Quid ergo dicimus, nisi quia non pœnituit vt conuenit? Hoc est enim pœnitentia, vt congruenter geratur. Alioquin si pœnitentiam damnat Apostolus, quomodo iterum velut segnes admonet & hortatur? quomodo claudos effectos & remissos atque solutos, quod est ruinæ principium, vt erigantur inuitat? Mihi quidem videtur, quia significat aliquos inter illos adulte-

ros, quos tamen publicè nolebat arguere, sed fingit ignorantiam, postea verò si perstiterint, tunc iam conuenit increpare, ne si antè volueris arguere, impudendos & proteruos efficias. sicut etiam Moyses fecit circa Zambrium & Calbitidem. *Pœnitentiæ*, inquit, *locum non inuenit*. Potest & aliter intelligi, quia peccatum pœnitentia maius admisit. Sunt enim peccata pœnitentiam superantia: veluti si diceret, Non cadamus in insanabilem ruinam. Dum enim claudicat quisque, facilè potest rectus vel sanus effici: si verò penitus subuertatur, quid vltèrius? Proinde necdum lapsis hæc loquitur, vt eos timore deprimeret. veluti si diceret, quia qui cecidit nullam consolationem mereri iam poterit. Et hîc quidem istos ne caderent aliter admonerat: in alio verò loco vbi iam eis qui ceciderant loquitur, ne in desperationem deciderent, contraria dicit, *Filioli mei*, inquit, *quos iterum parturio donec reformetur Christus in vobis*. quibus alibi dicebat, *Qui in lege iustificamini à gratia excidistis*. Ecce ipse testatur quia ceciderant. Qui ergo stat & audit, quoniam qui ceciderit veniam non valet impetrare, validiùs stabit & cautiùs. Si verò & circa eum qui cecidit simili volueris vehementia, ad id redigitur vt nunquam possit adsurgere. Quali enim spe conuersionem vel quales fructus suscipit? Non solùm, inquit, lacrymas fudit, sed etiam exquisiuit. Et videtur quidem excludere pœnitentiam: sed cautiore eos & muneratioris reddit, ne ferantur pro omnibus ad ruinam. Quanticumque igitur non credunt esse gehennam, hæc in mentem reuocent: & quotquot existimant impunita remanere peccata, hæc considerantes adtendant, cur Esau veniam non potuit adipisci, quia videlicet non pœnituit vt debuit. Vis videre integram pœnitentiam? Aduerte Petrum, qualiter pœnituerit postquam negauerat Christum. Narrans namque nobis Euangelista eius historiam, *Et exiens*, inquit, *plorauit amarè*. Idcirco illi remissum est tam grande peccatum, quia sicut debuit pœnitentiam gessit. Etiam Iudas pœnituit, sed malè. laqueo namque se suspendit. Pœnituit etiam, sicut iam dixi, & Esau. magis autem iste neque pœnituit. Lacrymæ quippe illæ non erant pœnitentiæ, sed animi violenti & indignationis infernæ. quod ex eius operibus aperitur. Pœnituit & beatus Dauid, *Lauabo per singulas noctes lectum meum, & in lacrymis stratum meum rigabo*. & peccatum, quod ante multum tempus admiserat, post tantos annos, tantâsque generationes lugebat, veluti de recenti tempore perpetratum. Pœnitentem quippe non conuenit indignari, nec exasperare: quin potiùs continere, sicuti condemnatum & fiduciam non gerentem, & veluti quippe qui misericordia saluari desiderat.] Et item, Hæc quippe est causa omnium bonorum, si in nobis spiritalis gratia perseuerat. Hæc quippe nos ad omnia recto itinere reducit, sicut etiam quando ab ea excedimus perimus, & deserti efficimur omni bono. Non itaque eam repellamus. In nobis quippe est etiam vt permanear

Gal. 4. 19.

Gal. 5. 4.

Matth. 26.
75.

Psal. 6. 6. 7.

in nobis, vel ut discedat à nobis. Illud enim fit quando cælestia meditamur, hoc autem quando ad sæcularia declinamus.] Item in Homilia prima Psalmi L. Propterea scribo, ut & vulnus & medicamenta vniuersi cognoscant. non timeo confusionem, quia meam salutem desidero. Sic & Paulus facit. concessa sibi peccata publicat dicens, *Gratias ago qui me confortauit Christo, quia fidelem me existimauit, qui prius fui blasphemus & persecutor & contumeliosus, & nunc fidelem me fecit.* Propterea, inquit, memetipsum publico, ut si quis est blasphemus & iniurius, & multis obnoxius malis, non desperet salutem. Tantum est ut recedat à malis & faciat bona, & habeat spem salutis, quia nolo mortem peccatoris, dicit Dominus, tantum ut conuertatur & viuatur.] Item in Homilia de Cananæa, *Transiens*, inquit, *Iesus vidit Matthæum sedentem in teloneo, & dixit ei sequere me.* O virtus sermonis! quasi quidam introiit hamus, & captiuum militem fecit, & ex luto aurum est operatus. Venit vncinus, & statim exsurgens secutus est eum. In profundo malignitatis erat, & vsque ad verticem virtutis conscendit, ut nobis neminem desperare debere salutem doceret, quia naturalis malignitas non est. Liberi quippe arbitrij nos creauit Deus, ut voluntate nostra cum adiutorio Dei quod volumus faciamus. Si publicanus es, potes fieri Euangelista. Si blasphemus es, potes fieri Apostolus. Si latro es, potes paradisi colonus effici. Si magus es, poteris adorare. Non est vlla malitia, quæ poenitentia non soluatur. Et ideo tanquam principia malignitatum elegit Christus, ut nemo vsque in finem semetipsum despiciat. Noli mihi dicere periui, quia iam medicum habes satis fortiolem te, & potentiolem quàm infirmitas tua est. Medicum habes voluntatem tuam, si volueris emendantem, & potentem, & cupientem.] Item in Homilia de Turture, Oritur Sol & occidit Sol, & ad locum suum reuertitur. Ortus est enim nobis Sol iustitiæ Christus, de sancta Maria secundum carnem genitus. oriens quippe nomen illi. Occidit verò, quando post crucem ad inferna descendit. Oritur Sol, & occidit Sol, & ad locum suum reuertitur, ipso dicente, *Cum exaltatus fuero, vniuersos traham ad me.* De hoc Sole iustitiæ & Esaias pronuntiat dicens, *In diebus illis orietur Sol iustitiæ, & sanitas erit in pennis eius.* Veniente enim Sole iustitiæ Christo, ad tactum fimbriæ vestimenti eius fons profluij sanguinis exsiccat. Nigra sum & speciosa filia Hierusalem. Si qua hinc peccatis anima denigrata, ne timeat, tantummodò poenitentiam agat & dicat, Nigra sum ego, & decora. Et si in nouissimo spiritu est, & ut ita dicam, si in extremo halitu positus, ne formidet, tantum cum fletu poeniteat, & compuncto confiteatur corde. Ad vespertinum enim demorabitur fletus, & ad matutinum lætitiæ. Imitare namque Ezechiam regem, & sequentia.] Et in libro de Reparatione lapsi, Intuere denique vel in principiis Hieremiæ quæ referuntur de Deo, vel apud reliquos Prophetas. quomodo etiam cum despiceret-

1. Tim. 1.12.

Matth. 9.9.

Ioan. 12.32.

Malac. 4.2.

tur & contemneretur à populo, tamen rursus reuertebatur ad eos, & amore eorum constrictus, sectabatur eos etiam auersos à se. Et hoc est, quod ipse Dominus in Euangeliiis indicat cum dicit, *Hierusalem, Hierusalem, quæ occidis Prophetas & lapidas missos ad te. quotiens volui congregare filios tuos, sicut gallina congregat pullos suos sub alis suis, & noluisti?* Sed & Paulus dicit ad Corinthios scribens, quoniam *Deus erat in Christo mundum reconcilians sibi*, non reputans eis delicta ipsorum, & posuit in nobis verbum reconciliationis. Pro Christo enim legatione fungimur, sicut Deo deprecante per nos, rogamus pro Christo reconciliamini Deo. Hæc etiam ad nos dici putemus. Non solum enim infidelitas, sed & vitæ contaminatio, execrabiles istas inimicitias facit inter Deum & hominem. Sic enim Apostolus dicit, quia *sapientia carnis inimica est Deo*. Age ergo, destruamus hunc inimicitiarum parietem, & viam nobis reconciliationis faciamus ad Deum, ut iterum efficiamur ei amabiles & concupiscibiles.] & post aliquanta, Nos autem, qui certi sumus de fine, & manifestè nouimus, quia si nolumus, neque naufragia animæ, neque damna poterimus incurrere, quomodo non arripimus denuo priora exercitia, & negotia quæ negligenter amissimus reparamus, sed iacemus resupini & desides, & manus otiosas plicamus ad pectus, & vtinam otiosas, & non operantes in perniciem nostræ, quod est vtique euidentis insanix?] & item, Nam si propterea nos fecisset Deus ut puniret, bene desperares & dubitares de salute tua. Si verò propter bonitatem suam tantummodò nos fecit, ut æternis eius bonis & muneribus fruamur, atque quæ agit ab initio sæculi vsque ad præsens tempus, propterea agit, & propterea monet, ut nos misericordia sua saluet, quæ vltra nobis desperandi, quæ ambigendi causa supererit?] Et post paululum, ostendens quàm amabiliter conuersionem suscipiat peccatoris dicit, *Quis dabit cor eorum ita esse in eis, ut timeant me & custodiant mandata mea omnibus diebus vitæ suæ, ut bene eis fiat & filiis eorum vsque in sæculum?* Sed & Moyses, docere populum volens quid Deus requiratur ab omnibus, ita dicit, *Et nunc Israel quid Dominus Deus tuus poscit à te, nisi ut timeas Dominum Deum tuum, & incedas in omnibus viis eius, ut diligas eum ex toto corde tuo & ex tota anima tua?* Deus verò, qui cupit diligi à nobis, & omnia facit pro hoc, & nec vnigenito suo parcat pro salute nostra & caritate, & qui optat, ut ita dicam, ut quocumque pacto & quandocumque reconciliemur ei, quomodo penitentes nos & conuersos ad se non libenter suscipiet & amabit ut filios?] & cetera, quæ plenius & latius in præfatis suis dictis lector quilibet poterit inuenire. Sed & in Commento Euangelij Matthæi dicit, *Hierusalem, Hierusalem, quæ occidis Prophetas, & lapidas eos qui ad te mittuntur*. Omnia futura antè prospiciens Dominus præuidit etiam ruinam ciuitatis illius, & plagam quæ à Romanis ventura fuerat super populum illum. Ideo extollens lamentum lugebat eum di-

Matth. 23.
37.

2. Cor. 5. 19.

Rom. 8. 7.

Deut. 10. 12.

Matth. 23.
37.

cens, *Hierusalem, Hierusalem*. Recordabatur quidem sanguinem sanctorum suorum qui effusus erat ab illis, & qui adhuc postmodum fuerat effundendus. Sed non tantum dolebat de iniuria sanctorum suorum, sciens qualem illis gloriam præparauerat pro morte carnali: sed de illorum interitu flebat, & in illo peiora. Sicut enim beneficientes non Deo præstamus, sed nobis, Deus autem gaudet non de suo lucro, sed de nostra salute: sic peccantes non Deo nocemus sed nobis, Deus autem tristatur non de sua iniuria, sed de nostra perditione. Sicut rex benignus, audiens criminosas personas, lege quidem ipse mortis sententiam dictat aduersus eos: tamen misericordia instigante lacrymas fundit super ipsos, & vult eos adiuuare, & non potest, contradicente sibi iustitia. Quoniam misericordia tunc est vera misericordia, si sic facta fuerit ut iustitia per eam non condemnatur. Si autem contempta iustitia misericordia obseruetur, ipsa misericordia non est misericordia, sed fatuitas. Nam & iustitia non est vera iustitia, nisi habuerit in se misericordiam. Iustitia sine misericordia non est iustitia, sed crudelitas: sic & misericordia sine iustitia non est misericordia, sed fatuitas. Sic & Dominus ipse quidem mortis sententiam dictabat super Iudæos dicens, *Ecce ego mitto ad vos Prophetas, & ex ipsis occidetis, ut veniat super vos omnis sanguis iustus*, & ipse eos miserabili lamentatione plangebatur dicens, *Hierusalem, Hierusalem*. Nam Deus inuitus compellitur cum magno dolore peccatores condemnare. Non enim sic dolet, quia ipse ab eis offenditur, sed quia quasi violenter cogitur perdere aliquem qui omnes cupit saluare. Nam quemadmodum in vobis contra naturam est benefacere? Sed dicet aliquis, Cum in potestate habeat Deus perdere & saluare, quis eum inuitum compellit condemnare si non vult? Tu qui non desideras misericordiam Dei. Nam sicut qui desideranti misericordiam denegat crudelis est, sic qui non desideranti misericordiam præstat iniustus est. Sed dicis, Quis est homo qui non desiderat misericordiam Dei? Tu qui permanes in peccatis. Desiderare est autem misericordiam Dei, conuerti ad Deum. Ille enim desiderat misericordiam Dei, qui timet iram eius. Non desiderat misericordiam Dei sed contemnit, qui non conuertitur ad Deum qui fecit eum. *Hierusalem, Hierusalem*. Quæ usque nunc luctata es contra misericordiam meam tuis peccatis, nunc autem iam superasti. Volo enim in te misereri, sed vires misericordiæ faciendæ non habeo, nec possum te amplius sufferre. Incessabilibus enim iniquitatibus tuis misericordia mea quasi iam lassata proposito suo defecit. *Quæ occidis prophetas, & lapidas eos qui ad te mittuntur*. Misi ad te Esaiam & ferraisti eum: misi ad te Hieremiam, & lapidasti eum: misi Ezechiel, & tractum per lapidem excerebrasti eum. Quomodo speris qui nullum ad te medicum venire permittis? quomodo cures infirmitatem tuam qui omnem medicinam conculcas? Sanctis meis

Matth. 23.
34.

non peperci, vt tibi parcerem peccatrici. Illorum vitam neglexi ne tuam mortem viderem. Omnes medici spiritales in te defecerunt, & tu curata non es. insanabilis passio tua vicit artem diuinam. Si de morte tua gauisus fuisset, nunquam ad te misisset prophetas. Si te perdere voluisset, nunquam ad te ipse venisset. Ego tibi quid faciam, si tu ipsa viuere non vis? Quotiens volui congregare filios tuos, sicut gallina pullos suos, & noluisti? Cum te in Ægypto quasi sanguinarius accipiter sequebatur Pharaon, misi super te Moysem & Aaron, quasi duas mollissimas pennas misericordiæ. Liberatos vos de vnguibus eius rapui in desertum, & noluistis, facientes vobis vitulum in Choreb, vt seruiretis potius idolo mortuo, quam Deo viuenti. Quotiens volui congregare filios tuos, sicut gallina pullos suos, & noluisti? Percurrere si vis in iudicium, quotiens peccauerunt, & tradidit illos Deus, & iterum liberauit.]

ET SANCTVS THEOPHILVS Alexandrinus Episcopus, Cuius rei testis est ille qui loquitur, *Omnes declinauerunt, simul inutiles facti sunt.* & Prophetæ Christi auxilium deprecantes, *Domine, inclina cælos & descende.* non vt mutaret loca, sed propter salutem nostram carnem humanæ fragilitatis adsumeret.

ET SANCTVS HIERONYMVS, Hebraicæ, Græcæ, & Latinæ linguæ peritissimus, qui vt dicitur nucem iuxta nucleum frangens, medullas & ipsa viscera scripturæ sanctæ inuestigando, Domino inspirante penetrare promeruit, in expositione Ezechielis prophetæ ita dicit, *Numquid voluntatis meæ est mors impij, dicit Dominus Deus, & non vt conuertatur à viis suis & viuat?* Ergo Domini voluntatis est omnes saluos fieri, & ad notitiam veritatis venire. Vbicumque autem Dei videtur seuera & truculenta sententia, non homines sed peccata condemnat.] Et item suprâ, Ad eos sermo fit qui volunt agere pœnitentiam, & iustitia peccata delere, vt cum fiducia conuertantur, & pleno animo agant pœnitentiam. Hic autem ad eos loquitur, qui magnitudine peccatorum, immo impietatum suarum, desperant salutem.] & post pauca, Quibus respondet Deus, non velle se mortem impij, sed vt reuertatur & viuat. Atque vt sciamus qui sint impij ad quos loquitur, sequens sermo demonstrat, *Quare moriemini domus Israel?* Vita autem & mors in hoc loco non hæc significatur, qua omnes communi cum bestiis lege naturæ vel viuimus, vel morte dissoluimur: sed illa de qua scriptum est, *Placebo Domino in regione viuentium.* & anima qua peccauerit ipsa morietur. & à speciali commonitione, qua Israel domui loquebatur, ad generalem transit disputationem, quod & iustum præteritæ non saluent iustitiæ, si nouis sceleribus fuerit occupatus, & peccatorem vel impium antiqua peccata non perdant, si operibus iustitiæ veteres emendarit errores, Deumque non præterita in vtroque iudicare, sed præsentia. Si dixero, inquit, iusto vita viues, & ei præmia iusti-

Psal. 13. 3.

Psal. 143. 5.

Ezech. 18.

23.

Ezech. 27.

31.

Psal. 114. 9.

Ezech. 18.

10.

tiæ pollicitus fuero, confisusque ille peccauerit, omnes iustitiæ eius
 pristinae obliuioni tradentur, in præsentī iniquitate morietur. Nec
 mea est mutata sententia, cum non possim in eodem homine pec-
 catori reddere quod iusto promiseram. Econtrariò, si peccatori &
 impio fuero comminatus, & dixero adhuc tres dies & Niniue sub-
 uertetur, & ille egerit pœnitentiam, bonisque operibus emendarit
 errorem, in mandatis vitæ ambulet, nec faciat quicquam iniustum,
 nonne habebit vitam, cui est Christus viuere, & nequaquam
 mori? Comminatio peccatoris iustum punire non debeat.] Et
 in Osee Propheta, *Cum sanare vellem Israel. Ego qui malo pœ-*
nitentiam peccatoris quàm mortem, & postea loquor in Euange-
lio non indigent sani medico, sed hi qui malè habent, vulnera populi
 mei sanare conatus sum. Et cum hæc omni arte tractarem, vt mi-
 serabilis populus curaretur, subito extitit Hieroboam de tribu
 Ephraim, qui vitulos aureos faceret, & malitia Samariæ reuelata est.
 Et est sensus, Cum vellem vetera populi mei peccata delere propter
 antiquam idololatriam, Ephraim & Samaria noua idola repperunt.
 Sed & hoc dici potest, quòd Domino Salvatore, post effusionem san-
 guinis sui, & Ecclesiam tam de Iudæis quàm de Gentibus congre-
 gatam, volente populi peccata sanare, & eos ad pœnitentiam redu-
 cere, subito Ephraim, qui vbertatem falsorum dogmatum repromit-
 tunt, & populus Samariæ, qui se dicit Dei præcepta seruare, surrexe-
 runt & operati sunt idolum falsorum dogmatum, & per illos ingres-
 sus est fur & latro diabolus in Ecclesiam, siue ipsa doctrina hæretico-
 rum ingressa est quasi fur & latrunculus. De quibus & Saluator di-
 cit in Euangelio, *Omnes qui venerunt fures fuerunt & latrones.*] Item,
Non sunt reuersi ad Dominum Deum suum, & non quæsierunt in omnibus
his. Quòd si reuersi fuissent ad Dominum, audissent vtique per Hie-
 remiam loquentem Dominum, *Reuertimini ad me, & ego reuertar ad vos.*
 Et cum tanta fecerint, non quæsierunt eum quem suo vitio perdide-
 runt. Item, *Circumdedit me in mendacio Ephraim.* Quòd & Ephraim & do-
 mus Israel & Iuda circumdederint Deum in mendacio & impietate,
 & tantæ clementiæ sit Deus, vt non eis abscindat spem salutis, sed
 ignoscat illis, & paratus sit vocare populum sanctum & populum Dei,
 qui nunc impietate peruersus est. Iuxta tropologiam quoque, velle
 Dominum & hæreticos saluari, & Ecclesiasticos peccatores, & om-
 nes suo vocabulo nuncupari.] Et item, *Sanabo contritiones eorum.* Hoc
 tam ad hæreticos & Iudæos, quàm ad Gentes & ad omne dogma
 peruersum referri potest, vt cum egerint pœnitentiam veniam con-
 sequantur.] Item in prophetia Amos, *Super tribus sceleribus Gaza.*
 Hoc est ergo quod dicit, Expectaui multo tempore vt agerent pœ-
 nitentiam, & ideo nolui punire peccantes, vt aliquando conuersi re-
 ciperent sanitatem.] & item, *Non faciet Dominus Deus verbum, nisi re-*
uelauerit. Et nota quòd clemens & benignus Deus semper futura præ-

Osee. 7. 1.

Luc. 5. 31.

Ioan. 14. 8.

Osee 7. 10.

Osee 11. 12.

Osee 14. 5.

Amos 1. 6.

Amos 3. 7.

nuntiat, ne cogatur inferre supplicia. Qui autem prædicit, non vult punire peccantes.] & item, *Iuravit Dominus in superbiam Iacob*, Vt qui egerit pœnitentiam, *ascendat cum fluuiis ascendente*: qui autem perseverauerit in delictis, *descendat sicut fluuius Ægypti*, & ingressus mare absorbeat. Ac per hoc ostendit superbiam Iacob, contra quam iurat Deus, æternis suppliciis deuorandam.] Et item, *Si conuersa fuerit gens illa à malis suis*, & ego agam pœnitentiam de his quæ cogitaueram facere ei. Non ergo Deus mutatur, qui semper est immutabilis: sed nos cum nostram conuersationem mutamus, sæuit, irascitur, comminatur, & dicit se inlaturum esse supplicia. Si agamus pœnitentiam, ipsum quoque suæ pœnitebit sententiæ.] Et item in prophetia Ionæ, *Misericors enim & miserator Dominus, patiens & multa miserationis*. tamen eos qui custodiunt vanitates non relinquit, non detestatur, sed expectat vt redeant. Illi verò tantam misericordiam, & vltro se offerentem, sponte propria derelinquunt.] Et item, *Afflictus est Ionas*. Pulchrè autem dolens, quod interpretatur Ionas, affligitur dolore, & tristis est anima eius ad mortem: quia ne periret populus Iudæorum, quantum in se fuit, multa Christus perpessus est.] Et item, Confidenter respondit & dixit, *Bene irascor ego*, vel *contristor usque ad mortem*. Non enim sic volui saluare alios vt perirent alij, non sic alienos lucrifacere, vt meos perderem. Et reuera vsque ad præsentem diem Christus plangit Hierusalem, & plangit vsque ad mortem, non suam sed Iudæorum, vt moriantur negantes, & resurgant Dei filium confitentes.] Et in Michæa propheta, *Ante faciem eorum diuiserunt*. Quia Angeli, siue pater, & filius, & Spiritus sanctus, diuiserunt quod videbatur obstare, & fecerunt viam volentibus ingredi.] Et item, *Indicabo tibi, ô homo, quid sit bonum*. Quia dubitas, ô popule Israel, immo vniuersum hominum genus, (neque enim loquor ad populum Iudæorum, sed generaliter ad omnem hominem,) quomodo pro peccatis tuis possis placare Deum, si nec habes victimas, quibus tua compensetur impietas, ego respondebo tibi, quid quærat Deus.] Et item idem in Commento Epistolæ ad Ephesios, Nos homines pleraque volumus facere consilio, sed nequaquam sequitur effectus. illi autem, scilicet Deo, nullus resistere potest, quin omnia quæ voluerit faciat. Vult autem ea quæ sunt plena rationis atque consilij. vult saluari omnes, & in agnitionem veritatis venire. Sed quia nullus absque propria voluntate saluatur, liberi enim arbitrij sumus, vult nos bonum velle, vt cum voluerimus, velit in nobis & ipse suum implere consilium.] Et item, *Nolite contristare Spiritum sanctum Dei*. Mœror sancti Spiritus sic intelligendus, quomodo ira Dei, & somnus, & ceteræ in humanam similitudinem passionibus. Non quo contristetur Spiritus, & vllam perturbationem diuinitas sentiat: sed quo ex verbis nostris Dei discamus affectus, quod mœreat quotienscumque peccamus, & desineat peccatores.

catores. Nam & Saluator in corpore constitutus fleuit Hierusalem, & omne hominum genus in Propheta deplorat dicens, *Hæc mihi* Mich. 7.2. *anima quia periit reuerens à terra, & qui corrigat inter homines non est. omnes in sanguine indicantur.* Et item in Homilia vndecima Euangelij secundum Lucam, *Hæc fuit descriptio prima à Praside Syria Cyri-* Luc. 2.2. *no.* O Euangelista, videris significare, quia in totius orbis professione describi oportuerit & Christum, vt cum omnibus scriptus sanctificaret omnes, & cum orbe relatus in censum, communionem suâ præberet orbi, vt post hanc descriptionem, describeret quoque ex orbe secum in libro viuentium, & quicumque credidissent in eo, postea cum sanctis illius scriberentur in cælis.] Et in duodecima, Quamobrem Angelus descendit de cælo, & ait, *Adnuntio vobis gau-* Luc. 2.10. *dium magnum,* & reliqua. Puto & de vniuersis hominibus generaliter debere credi. Vnicuique duo adstant Angeli, alter iustitiæ, alter iniquitatis. Si bona fuerint in corde nostro, quin nobis loquatur Angelus Domini. sin verò mala fuerint in corde nostro versata, loquitur nobis Angelus diaboli. Sic & in singulis prouinciis.] Item in tertia decima, Cum fecissent omnia, quin Angeli, quæ in suis viribus erant, vt sanarentur homines, & nolissent illi recipere sanitatem, cernunt eum qui sanare potuit glorificantes. Item in decima quinta, Videns Simeon paruulum à se gestari, qui ad vinctos venerat resoluendos, seque ipsum nodis corporis liberandum, sciens neminem posse de claustro corporis quempiam emittere cum spe futuræ vitæ, nisi eum quem brachiis continebat. Vnde & ad eum loquitur, *Nunc dimittis seruum tuum in pace.* Hoc autem non solum Luc. 2.23. de Simeone, sed de omni humano genere sentiendum est. Si quis è carcere vinctorum domo dimittitur, vt ad Christum vadat, sumat Iesum in manibus, & circumdet eum brachiis suis, totum habeat in sinu suo, & tunc exultans poterit ire quò desiderat.] Et item in vigesima prima, Dicendum est baptismo Iesu cælum fuisse reueratum, & ad dispensationem remissionis peccatorum, non illius qui peccatum non fecit, neque inuentus est dolus in ore eius, sed ad totius mundi, apertos esse cælos, & Spiritum sanctum descendisse. Et postquam Dominus ascendit, & in excelsum captiuam duxit captiuitatem, tribuit ita nobis spiritum qui à se venerat. quem quidem & dedit resurrectionis tempore dicens, *Accipite Spiritum sanctum.*] Hæc de sancto Hieronymo testimonia data sufficiant. quia si omnia quæ colligi possunt, & de omnibus illius libris quos habemus testimonia posuerimus, non solum sufficientiam, sed sufficientiæ modum excedent.

ET SANCTVS CYRILLVS ad Nestorium. Itaque is qui ante sæcula Epist. II. omnia est natus ex patre, etiam ex muliere carnaliter dicitur procreatus. non quia diuina ipsius natura de Virgine sumpsit exordium, nec quòd propter seipsam opus habuit secundò nasci post illam natiui-

tatem quam habebat ex patre. Est enim ineptum & stultum hoc dicere, quòd is qui ante omnia sæcula est consempiternus patri, secundæ regenerationis eguerit ut esse inciperet. Sed quia propter nos, & propter nostram salutem naturam sibi copulauit humanam, & processit ex muliere, idcirco dicitur natus esse carnaliter.

Cap. 33. **SANCTVS AVGVSTINVS**, vir sagacissimus atque eruditissimus, qui contra hæreticos hæc verba Apostoli, quibus dicit omnes homines Deum velle saluari, multoties & multipliciter exposuit, & in libro Enchiridion hinc plura locutus est. Sed & in libris contra Iulianum, & de Correptione & Gratia, & de Prædestinatione sanctorum, ac Bono perseuerantiæ, hanc sententiam sæpe reuoluit. Vnde
Philip. 2. 13. & expressius atque calcius in libro de Spiritu & littera ita dicit, Rursus metuendum est, ne infideles atque impij non immeritò se veluti iustè excusare videantur, ideo non credidisse, quòd dare illis Deus istam noluit voluntatem. Nam illud quod dictum est, *Deus est enim qui operatur in vobis & velle & operari pro bona voluntate*, gratia iam est, quam fides impetrat ut possint esse hominis opera bona, quæ operatur fides per dilectionem, quæ diffunditur in cordibus nostris per Spiritum sanctum qui datus est nobis. Sed credimus ut impetremus hanc gratiam, & utique voluntate credimus. De hac quæretur vnde sit nobis. Si natura, quare non omnibus, cum sit idem Deus omnium creator: si dono Dei, etiam hoc quare non omnibus, cum omnes homines velit saluos fieri, & in agnitionem veritatis venire. Priùs igitur illud dicamus, & videamus vtrum huic satisfaciat quæstioni, quòd liberum arbitrium, naturaliter attributum à creatore animæ rationali, illa media vis est, quæ vel intendi ad finem, vel inclinari ad infidelitatem potest. Et ideo nec istam voluntatem, qua credit Deo, dici potest homo habere quam non acceperit: quandoquidem vocante Deo surgit de libero arbitrio, quod naturaliter cum crearetur accepit. Vult autem Deus omnes homines saluos fieri, & in agnitionem veritatis venire. non sic tamen, ut eis adimat liberum arbitrium, quo vel bene vel malè vtentes iustissimè iudicentur. Quod cum sit, infideles quidem contra Dei voluntatem faciunt cum eius Euangelio non credunt. nec ideo tamen eam vincunt, verum seipsos fraudant magno & summo bono, malisque pœnalibus implicant, experturi in suppliciis potestatem eius, cuius in donis misericordiam contempserunt. Ita voluntas Dei semper inuicta est. Vinceretur autem, si non inueniret quid de contemptoribus faceret, aut vllò modo possent euadere quod de talibus ille constituit. Qui enim dicit, verbi gratia, volo ut hi omnes serui mei operentur in vinea, & post laborem requiescentes epulentur, ita ut quisquis eorum hoc noluerit, in pistrino semper molat: videtur quidem quicumque contempserit, contra voluntatem domini sui facere, sed tunc eam vincet, si & pistrinum contemnens effugerit, quod nullo modo fieri potest sub Dei

potestate. Vnde scriptum est, *Semel locutus est Deus*, hoc est incom- Psal. 61. 12.
mutabiliter. quanquam & de vnico verbo possit intelligi. Deinde sub-
iungens quid incommutabiliter sit locutus, *Duo hæc*, inquit, *audi-
ui*, quoniam potestas Dei est, & tibi Domine misericordia, qui reddis uni-
cuique secundum opera sua. Ille igitur reus erit ad damnationem sub po-
testate eius, qui contempserit ad credendum misericordiam eius.
Quisquis autem crediderit ei, qui se à peccatis omnibus absoluendum,
& ab omnibus vitiis sanandum, & calore ac lumine eius accenden-
dum inluminandumque non contempserit, habebit ex eius gratia
opera bona, ex quibus etiam secundum corpus à mortis corruptio-
ne redimatur, coronetur, bonisque satietur, non temporalibus, sed
æternis, supra quàm petimus & intelligimus. Hæc disputatio, si quæ- Cap. 34.
stioni illi soluendæ sufficit, sufficiat. Si autem responderetur, cau-
endum esse ne quisquam Deo tribuendum putet peccatum quod admit-
titur per liberum arbitrium, si in eo quod dicitur, *Quid habes quod non
accepisti*, propterea etiam voluntas qua credimus dono Dei tribuitur,
quia de libero existit arbitrio, quod cum crearemur accepimus: atten-
dat & videat non ideo tantum istam voluntatē diuino muneri tribuen-
dam, quia ex libero arbitrio est, quod nobis naturaliter concreatum
est, verum etiam quod visorum suasionibus agit Deus vt velimus,
& vt credamus, siue extrinsecus per euangelicas exhortationes, vbi
& mandata legis aliquid agunt, si ad hoc admonent hominem in-
firmitatis suæ, vt ad gratiam iustificantem credendo confugiat: siue
intrinsicus, vbi nemo habet in potestate quid ei veniat in men-
tem, sed consentire vel dissentire propriæ voluntatis est. His er-
go modis quando Deus agit cum anima rationali vt ei credat, ne-
que enim credere potest quod libet libero arbitrio, si nulla sit
suasio vel vocatio cui credat, profectò & ipsum velle credere Deus
operatur in hominē, & in omnibus misericordia eius præuenit nos.
Consentire autem vocationi Dei, vel ab ea dissentire, sicut diximus,
propriæ voluntatis est. Quæ res non solum non infirmat quod dictum
est, *Quid enim habes quod non accepisti*, verum etiam confirmat. Acci-
pere quippe & habere anima non potest dona, de quibus hoc audit,
nisi consentiendo: ac per hoc quid habeat & quid accipiat Dei est:
accipere autem & habere, utique accipientis & habentis est. Iam si ad
illam profunditatem scrutandam quisquam nos coartet, cur illi ita sua-
deatur vt persuadeatur, illi autem non ita, duo sola occurrunt in-
terim quæ respondere mihi placeat, *O altitudo diuitiarum!* & *Numquid
iniquitas apud Deum?* Cui responsio ista displicet, quærat doctiores,
sed caueat ne inueniat præsumptores.] Et in libro v. contra Iulia- Cap. 3.
num, An oblitus es quod idem ipse doctor ait, *Ne fortè det illis Deus* 2. Tim. 2. 25
pœnitentiam ad cognoscendam veritatem, & resipiscant à diaboli laqueis?
Sed iudicia eius sicut multa abyssus. Nos certè, si eos in quos nobis
potestas est ante oculos nostros perpetrare scelera permittamus, rei

Cap. 16.

cum ipsis erimus. Quam verò innumerabilia ille permittit fieri ante oculos suos, quæ vtrique si noluiſſet, nulla ratione permetteret? & tamē iuſtus & bonus eſt, & quòd præbendo patientiam dat locum pœnitentiæ nolens aliquem perire.] Et in libro de Catechizandis rudibus, in quo qualitercumque hanc ſententiam contra hæreticos expoſuerit, quomodo imbuendis ad fidem tradenda ſit, & imbutis tenenda ſit, euidenter oſtendit dicens, Verè, frater, illa magna & vera beatitudo eſt, quæ in futuro ſæculo ſanctis promittitur. Omnia verò viſibilia tranſeunt, & omnis huius ſæculi pompa, & deliciæ, & curioſitas interibunt, & ſecum ad interitum trahunt amatores ſuos. A quo interitu, hoc eſt pœnis ſempiternis, Deus miſericors volens homines liberare, ſi ſibi ipſi non ſint inimici, & non reſiſtant miſericordiæ Creatoris ſui, miſit vnigenitum filium ſuum, hoc eſt, Verbum ſuum æquale ſibi, per quod condidit omnia, & manens quidem in diuinitate ſua, & non recedens à patre, nec in aliquo mutatus, aſſumendo tamen hominem, & in carne mortali hominibus apparendo, venit ad homines, vt quemadmodum per vnum hominem, qui primus factus eſt, id eſt Adam, mors intrauit in genus humanum, quia conſenſit mulieri ſuæ ſeductæ à diabolo, vt præceptum Dei tranſgredereſſentur: ſic per vnum hominem, qui etiam Deus eſt Dei filius, Ieſum Chriſtum, deleſſis omnibus peccatis præteritis, credentes in eum omnes in æternam vitam ingrederentur.] & in libro de Bono perſeuerantiæ. Atque vtinam tardi corde & infirmi, qui non poſſunt ſcripturas vel earum expoſitiones intelligere, ſic audirent vel non audirent in hac quæſtione diſputationes noſtras, vt magis intuerentur orationes ſuas, quas ſemper habuit & habebit Eccleſia ab exordiis ſuis, donec finiatur hoc ſæculum. De hac enim re, quam nunc aduerſus novos hæreticos, non commemorare tantum, ſed planè tueri & deſenſare compellimur, nunquam tacuit in precibus ſuis, etſi aliquando in ſermonibus exerendam, nullo vrgente aduerſario, non putauit. Quando enim non oratum eſt in Eccleſia pro infidelibus, atque inimicis eius vt crederent? quando fidelis quiſquam amicum, proximum, coniugem habuit infidelem, & non ei petiuit à Domino mentem obedientem in Chriſtiana fide? Quis autem ſibi vnquam non orauit, vt in Domino permaneret? aut quis ſacerdotem ſuper infideles Dominum inuocantem, ſi quando dixit, Da illis, Domine, in te ſperare vſque in finem, non ſolum voce auſus eſt, ſed ſaltem cogitatione reprehendere, ac non potiùs ſuper eius talem benedictionem, & ore credente, & corde conſistente, reſpondit Amen?] Ecce quomodo ſanctus Auguſtinus conſentit & confirmat quod ſanctus dixerat Cæleſtinus, Legem credendi lex ſtatuat ſupplicandi. Cur autem non omnes ſaluentur cum omnes Deus ſaluos fieri velit, ipſe in libro de Prædeſtinatione ſanctorum dicit, Multi audiunt verbum veritatis, ſed alij credunt, alij contradicunt. Volunt ergo iſti credere, nolunt

Cap. 23.

Cap. 24.

Cap. 6.

autem illi. quis hoc ignoret? quis hoc neget? Sed cum in aliis præparetur, in aliis non præparetur voluntas à Domino, discernendum est utique, quid veniat de misericordia eius, quid de iudicio. Quod quærebat Israel, ait Apostolus, hoc non est consecutus, electio autem consecuta est, ceteri verò excæcati sunt, sicut scriptum est, *Dedit illis* Esa. 6.
Deus spiritum compunctionis. oculos ut non videant, & aures ut non audiant Rom. II. 8.
usque in hodiernum diem. Et David dicit, *Fiat mensa eorum in laqueum, &* Psal. 68. 23.
in retributionem, & in scandalum illis. obscorentur oculi eorum ne videant, &
dorsum eorum semper incurua. Ecce misericordia & iudiciū, misericordia in electione quæ consecuta est iustitiam Dei, iudicium verò in ceteros qui excæcati sunt: & tamen illi quia voluerunt crediderunt, illi quia noluerunt non crediderunt. Misericordia igitur & iudicium in ipsis voluntatibus facta est.] & item, Est ergo in malorum potestate peccare. ut autem peccando hoc vel hoc illa mala faciant, non est in eorum potestate, sed Dei diuidentis tenebras, & ordinantis eas, ut hinc etiam quòd faciunt contra Dei voluntatem, non impleatur nisi voluntas Dei.] Et in libro de Bono perseverantiæ, Petimus ne inferamur in tentationem. & si exaudimur, utique non fit, quia Deus non permittit ut fiat. nihil enim fit, nisi quod aut ipse facit, aut fieri ipse permittit.] Et in libro de Prædestinatione gratiæ, Quæstionis Cap. 2.
eius, quantum donante Domino possumus, occulta rimemur, quam B. Apostolus Paulus diuersis locis, non parum etiam discrepantibus verbis, studiosis proponit scrutatoribus, eisque per ipsam loquitur veritatem. Sententiam siquidem, in Dei gratiæ præcedentis latissima & robustissima disputatione confectam, ita concludens ait, *Ergo cui vult miseretur, & quem vult obdurat:* cum in alia epistola de diuina beneuolentia ipse sic dicat, *Qui vult omnes homines saluos fieri, & in* 1. Tim. 2. 4.
agnitionem veritatis venire. Occurrit enim, cur pereant ex his aliqui, cum omnipotens omnes saluos fieri velit, & in agnitionem veritatis venire: deinde quare rursus indurat alios, misertus aliorum, aut quo modo velit omnes saluos fieri homines, cum ipse nonnullos ne saluentur induret. Hoc quantum ad humanam iustitiam videtur iniustum. Sed quis ita desipiat, vel potius quis ita blasphemet, ut dicat de iustitia Dei lege humanæ iustitiæ disputandum? Quæ profectò si iustitiæ Dei aduersatur, iniusta est. Ab illo enim qui summè iustus est, omne quod qualitercumque iustum est, manare manifestum est. Quis ergo erit, qui incommutabiliter manentem, & omnia quæ sunt condentem, regentem, atque seruantem, Dei sapientiam humanæ sapientiæ pendat arbitrio, de qua idem Apostolus dicit, quia *sapientia carnis inimica est Deo, & alibi, sapientia huius mundi* Rom. 8. 7.
stultitia est apud Deum? Non est ergo de illa maiestate diuinæ sapientiæ humanæ vanitatis arbitrio disputandum.] & paulò post, *Quem* 1. Cor. 3. 19.
ergo mouet hæc in diuinæ gloriæ dispensatione diuersitas, & iniustum putat negari alteri quod alter acceperit, intelligat quemadmo-

- Psalm. 24. dum diuinitus dixerit Psalmista, *Vniuersa via Domini misericordia & veritas*, atque cognoscat tali Deum res humanas agitare iudicio, vt debitas pœnas aut iustè reddat, aut misericorditer donet.] & paulo
- Rom. 5. 12. infra. *Per unum hominem*, inquit, *peccatum intrauit in mundum*, & *per peccatum mors*, & *ita in omnes homines pertransiit*, in quo omnes peccauerunt. Mors intrare non potuit nisi intrante peccato: & quoniam mors non naturæ conditio, sed pœna peccati est, sequatur necesse est pœna peccatum.] & post pauca, Quoniam in ipso omnes, quin primo homine, sicut ait Apostolus, peccauerunt, & ipsa iam in principio vnde descendimus massa damnata est, nullus de duritia sua, nullus de pœna conqueri audeat, quæ etiam non existentibus peccatis propriis, sola nascendi conditione debetur. Quod verò Deus aliis gratuita vocatione conuersis misericordiam largitur indebitam, non ad dispensatoris iniustitiam, sed ad donantis misericordissimam largitatem veritatis ratione referendum est.] & item post pauca, Itaque ex
- Cap. 43. Rom. 9. 18. superiore huius parte sententiæ, qua dicit *cui vult miseretur*, puto quòd nullus nisi indignus misericordia audeat disputare. Quod verò sequitur, *quem vult indurat*, ibi paululum humanæ mentis intentio verbi nouitate confunditur. Sed non ita intelligendum est, quasi Deus in homine ipsam quæ non esset duritiam cordis operetur. Quid est enim aliud duritia, quàm Dei obuiare mandatis? Vnde illud beatus Stephanus dicebat ad populum, *Dura cervice*, & *non circumciso corde & auribus*, *vos semper Spiritui sancto resististis*. Quam qui à Deo fieri putat, propterea quòd dictum est *quem vult indurat*, ipsum præuaricationis intueatur exordium, & Deo donante mandatum, per quod transgressionis culpam in corde fuerit operatus adtendat. quamuis ne ab ipso quidem, si negaret adsensum, potuit tentatore compelli. Ergo quicquid post illam præuaricationem natus supplicij homo patitur, iustè reddi, meritòque fateatur. Indurare enim dicitur Deus eum, quem mollire noluerit, sic etiam excacare dicendus est eum, quem inluminare noluerit, sic etiam repellere eum, quem vocare noluerit.] & post aliquanta, Qui autem piè quærens aliquid desiderat inuenire, illum locum eiusdem scripturæ relegat, vbi primò Moyse in rubo ignis apparuit, atque ita cor eius ardore diuinæ caritatis igniuit, vt in conspectu regum, sicut David dicit, testimonia eius sine confusione loqueretur: & ibi inueniet, totum hoc quod indurasse Deus Pharaonis cor præmittit, non ad operationem Dei, sed ad præscientiam pertinere. Loquens enim Dominus de rubo, sic dicit, *Ego autem scio quòd non dimittet vos Pharaoh rex Egypti, nisi per manum magnam*. Sed extendens manum meam, percutiam Egyptios in omnibus mirabilibus quæ faciã, & postea dimittet vos. Hæc prima vox Dei est, qua futuram voluntatē Pharaonis sicut præuiderat indicabat. Postea iam inter ipsos miraculorum imbres dixisse legitur, *Ego autem indurabo cor Pharaonis, ne dimittat populum*. Vbi
- Exod. 3.
- Exod. 4. 21.

DE PRÆDESTINATIONE.

191

iam apertè intelligitur primam iterasse sententiam. Quid est enim indurabo, nisi non molliam? Apparet enim in alios manante iustitia, in alios gratia profluente, scripturæ illius sententiam fuisse completam, qua dixit Deus Pharaoni, *In hoc ipsum excitavi te, ut ostendam in te virtutem meam, & ut adnuntietur nomen meum in uniuersa terra.* Vtenim Deo bene etiam malis, induratione Pharaonis, flagellis Ægypti, & tot ac tantis in illa gente miraculis pariter aceruatimque perfectis, quid aliud gestum est, quàm ut Dei virtus apud se magna, in se plena, ad humani generis notitiam perueniret, non Deo sed ipsis relegendibus & credentibus profutura? Pharaonem non esse mutandum, & illam omnem gentem, quæ post tot verbera vix sibi erutum Dei populum armis etiam insectari conabatur & bello, alta illa Deus prouidentia suæ luce præsciuit. Sed periturorum interitum prædestinatis à se vasis misericordiae salutis esse voluit argumentum, & aliorum perditione ad salutem vsus est aliorum.] Et post plurima, Dominus noster Iesus Christus filius Dei, Verbum patris, æquale & coæternum patri, semetipsum exinaniuit formam serui accipiens, & cum peccatum ipse non esset, factus assumpta carne peccatum, ut peccato carnis homine sanato, peccatum damnaret in carne: venit quærere quod perierat, sanare quod ægrotabat, erigere quod iacebat, potestatem habens dimittere peccata, quod non debebat donare, quod ei debebatur ignoscere, deletisque omnibus veteris culpæ maculis, quam fecerat reparare naturam. De his quibus pœnam seueritas iusta decreuerat, secundum ineffabilem dispositionis occultæ misericordiam, elegit vasa quæ faceret in honorem: & alios à ventura ira dono gratuita vocationis absoluit, alios derelinquens ad æqualitatis iudicium reseruauit, nulli tamen agnoscendæ veritatis abstulit facultatem. & ita plenitudo diuinæ præscientiæ, in alios manante iustitia, in alios gratia profluente completa est, ut pereuntibus quos præscierat Deus esse perituros, & seruatis quos in illa secreta sua electione præscierat esse saluandos, toto orbe diffusa multiplicaretur Ecclesia.] Item ipse in Psalmo xxxii. Dominus dicit in Euangelio, *Non ego iudico quemquam: sermo quem locutus sum eis, ipse indicabit eos in nouissimo die.* Nec se excuset qui audire non vult, quasi non sit quod ab illo exigatur. Idipsum enim exigitur, quia noluit accipere cum daretur. Aliud est enim non posse accipere, aliud nolle. Illic excusatio necessitatis, hîc reatus est voluntatis.] Et in Psalmo xxxv. *Dixit iniustus ut delinquat in semetipso: non est timor Dei ante oculos eius.* Non vnum hominem, sed genus hominum iniquorum dicit, qui sibi aduersantur, non intelligendo ut bene uiuant, non quia non possunt, sed quia nolunt.]

Exod. 9. 16.

Cap. 13.

Conc. 11. in principio. Ioan. 8. 15.

In principio. Psal. 35. 2.

PROSPER quoque, vir eruditissimus atque religiosissimus, hinc in libro primo de Vocatione gentium ita dicit, Credimus & piissimè confitemur, quod nunquam uniuersitati hominum diuinæ pro-

Cap. 2.

uidentiae cura defuerit: quæ licet exceptum sibi populum speciali-
 bus ad pietatem direxit institutis, nulli tamen nationi hominum bo-
 nitatis suæ dona subtraxit, ut propheticas voces & præcepta legalia
 conuincerentur in elementorum obsequiis ac testimoniis accepisse.
 Vnde & inexcusabiles facti sunt, quia Deos sibi Dei dona fece-
 runt, & quæ creata erant ad utendum, venerati sunt ad colendum.
 In quam impietatem etiam illa gens, quam sibi ab omnibus genti-
 bus Dominus segregauit, tota transisset, nisi misericordiae suæ pro-
 positum sustentandis electorum lapsibus prætendisset. Nam plenæ
 sunt paginae veteris testamenti de Israeliticæ defectionis relatu: ut
 aperte appareat diuinæ semper fuisse gratiæ, quod non omnis ille
 populus discessit à Domino. Ita humana natura in primi hominis
 præuaricatione vitiata, etiam inter beneficia, inter præcepta & au-
 xilia Dei, semper in exteriorum est procliuior voluntatem, cui com-
 mitti non est aliud quam dimitti.] & post aliquanta, Quid enim
 mirum, si quidam ad vitæ sacramenta non veniunt, cum plerique
 qui videbantur venisse discedant? de quibus dicitur, *Ex nobis exie-
 runt, sed non erant ex nobis.*] & post pauca, Tales non inuocant no-
 men Domini, quia non habent spiritum adoptionis filiorum, in
 quo clamamus Abba pater. Nemo autem potest dicere Dominum
 Iesum, nisi in Spiritu sancto: & quicumque spiritu Dei aguntur, hi
 filij sunt Dei, qui ad Deum per Deum perueniunt, & saluari volen-
 tes omnino saluantur: quia ipsum desiderium salutis ex Dei inspira-
 tione concipiunt, & per inlumptionem vocantis, in agnitionem
 veniunt veritatis.] Et item post aliquanta, Cum hæc legerint vel
 audierint qui amant calumniosa certamina, dicent nos per huius-
 modi disputationes Apostolo contradicere, definienti quod Deus
 omnipotens omnes homines velit saluos fieri, & in agnitionem ve-
 ritatis venire. Quam particulam verborum Apostoli ita nos inte-
 grè plenèque suscipimus, ut nihil ei de præcedentibus siue subie-
 ctis quæ ad ipsam pertinent subtrahamus: quia ut cetera diuinorum
 eloquiorum testimonia sequestremus, hic locus sufficit ad euacuan-
 dum quod calumniosè obiciunt, & ad defendendum quod impiè
 diffitentur. Scribens itaque ad Timotheum magister Gentium Pau-
 lus Apostolus ait, *Obsecro igitur primò omnium, fieri obsecrationes, postu-
 lationes, gratiarum actiones, pro omnibus hominibus, pro regibus, & pro om-
 nibus qui in sublimitate sunt, ut quietam & tranquillam vitam agamus in
 omni pietate & castitate.* Hoc enim bonum est, & acceptum coram
 Salvatore nostro Deo, qui omnes homines vult saluos fieri, & in
 agnitionem veritatis venire. Vnus enim Deus, & vnus mediator Dei
 & hominum, homo Christus Iesus, qui dedit semetipsum redem-
 ptionem pro omnibus. De hac ergo doctrinæ Apostolicæ regula,
 qua Ecclesia vniuersalis imbuitur, ne in diuersum intellectum no-
 stro euagemur arbitrio, quid ipsa vniuersalis Ecclesia sentiat requi-
 ramus:

ramus : quia nihil esse dubium poterit in præcepto , si obedientia concordat in studio. Præcepit itaque Apostolus , immo per Apostolum Dominus , qui loquebatur in Apostolo , fieri obsecrationes , postulationes , gratiarum actiones , pro omnibus hominibus , & pro regibus , ac pro his qui in sublimitate sunt. Quam legem supplicationis ita omnium sacerdotum & omnium fidelium deuotio concorditer tenet , vt nulla pars mundi sit , in qua huiusmodi orationes non celebrentur à populis Christianis. Supplicat ergo vbique Ecclesia Deo , non solum pro sanctis , & in Christo iam regeneratis , sed etiam pro omnibus infidelibus , & inimicis crucis Christi , pro omnibus idolorum cultoribus , pro omnibus qui Christum in membris suis persequuntur , pro Iudæis quorum cæcitati lumen Euangelij non refulget , pro hæreticis & schismaticis , qui ab vnitæ fidei & caritatis alieni sunt. Quid autem pro istis petit , nisi vt relictis erroribus suis conuertantur ad Deum , accipiant fidem , accipiant veritatem , & de ignorantia tenebris liberati , in agnitionem veniant veritatis ? Quod quia ipsi præstare sibi nequeunt , malæ consuetudinis pondere oppressi , & diaboli vinculis alligati , neque deceptiones suas euincere valent , quibus tam pertinaciter inhæserunt , vt quantum amanda est veritas , tantum diligant falsitatem , misericors Dominus & iustus pro omnibus sibi vult hominibus supplicari : vt cum videamus de tam profundis malis innumeros erui , non ambigamus Deum præstitisse quod vt præstaret oratus est , & gratias agentes pro his qui salui facti sunt , speremus etiam eos , qui necdum sunt inluminati , eodem diuinæ gratiæ opere eximendos de potestate tenebrarum , & in regnum Dei priusquam de hac exeant vita transferendos. Quod si aliquos , sicut videmus accidere , saluantis gratia præterierit , & pro eis oratio Ecclesiæ recepta non fuerit , ad occulta diuinæ iustitiæ iudicia referendum est , & agnoscendum secreti huius profunditatem nobis in hac vita patere non posse. Ex parte enim scimus , & ex parte prophetamus , & videmus nunc per speculum in ænigmate : nec sapientiores aut scientiores beatissimo Apostolo sumus , qui cum de gratiæ potentia disputaret , magnorum mysteriorum ingressus arcum , his quæ impossibilia erant enarrare succubuit.] & post pauca ; Præmissa enim docentis assertio locum dabat multimodæ quæstio-

Cap. 5.

Sta omnium gentium adeptione saluandi sunt. Aut quomodo om-
 nis Israel sublata obcæcatione saluandus sit, cuius innumerabilis
 multitudo in sua infidelitate deficiens ad tempora saluantis promif-
 sa non peruenit. Vel quomodo ipsarum gentium, quarum prius non
 est facta vocatio, dicatur nunc ingredi plenitudo, cum tanta promi-
 scuæ ætatis & cõditionis hominum millia, in omnibus nationibus quæ
 sunt sub cælo, sine Christi iustificatione moriantur. Sed horum myste-
 riorum iudiciorumque causas pius & doctus magister maluit ad altitu-
 dinem diuitiarum sapientiæ Dei scientiæque suspendere, quàm iu-
 stissimæ veritatis & misericordissimæ bonitatis subtractum ab huma-
 na conditione secretum temeraria inquisitione discutere. nihil omit-
 tens de his quæ non oportet ignorari, nihil contrectans de his quæ
 non licet sciri. Multa enim sunt in dispensatione operum diuino-
 rum, quorum causis latentibus soli monstrantur effectus, vt cum
 pateat quod geritur, non pateat cur geratur, negotio in medium
 deducto, & in occultum ratione subducta, vt in eadem re & de in-
 scrutabilibus præsumptio comprimatur, & de manifestis falsitas re-
 futetur.] & post plurima, Si verò quæritur, cur saluator omnium
 hominum non omnibus dederit hunc sensum, vt cognoscerent ve-
 rum Deum, & essent, id est permanerent, in vero filio eius: quamuis
 credamus nullis hominibus opem gratiæ in totum fuisse subtractam,
 de quo plenius in consequentibus differemus: tamen ita fortè hoc
 velatum sit, sicut illud absconditum est, cur omnibus gentibus præ-
 termiſsis, vnum sibi populum quem ad veritatis cognitionem erudi-
 ret exceperit. De quo iudicio Dei si non est conquerendum, multo
 minus de hoc quod cum electione omnium gentium geritur mur-
 murandum est. Quæ enim Deus occulta esse voluit, non sunt scru-
 tanda: quæ autem manifesta fecit, non sunt negligenda.] & in Li-
 bro II. Quamuis enim ad omnium hominum vocationem Euange-
 lium dirigeretur, omnesque Dominus vellet saluos fieri, & in agni-
 tionem veritatis venire: non tamen sibi dispensationum suarum abs-
 tulerat potestatem, vt aliter quàm occulto iustoque iudicio statue-
 rat consilij sui ordo decurreret. Vnde locum non habent contuma-
 cium murmura querelarum, quia quod Deus fieri voluit, constat
 non aliter fieri debuisse quàm voluit.] & post pauca, Sed ne in præ-
 teritis quidem sæculis hæc eadem gratia, quæ post Domini nostri Je-
 su Christi resurrectionem vbique diffusa est, & de qua scriptum
 est, *Inluxerunt cornuscationes tuæ orbi terræ, defuit mundo.*] & paulo
 post, Non ita se tamen æterna creatoris bonitas ab illis hominibus
 auertit, vt eos ad cognoscendum se atque metuendum nullis signi-
 ficationibus admoneret.] & paulo post, Igitur sicut dicit Propheta,
Misericordia Domini plena est terra. quæ nullis vnquam sæculis, nul-
 lis generationibus defuit, eamque prouidentiam, qua vniuersitatem
 rerum administrat & continet, regendis alendisque naturis semper

Cap. 7.

Cap. I.

Psal. 76. 19.

Psal. 32. 5.

impedit, dispositum habens ex incommutabilis æternitate consilij, quibus quidque temporibus distribueret, & multiformis gratiæ suæ inscrutabiles inuestigabilesque mensuras per quæ dona ac sacramenta variaret.] & item post aliquanta. Manifestauerunt enim diuinorum Cap. 3. eloquiorum multæ auctoritates, & continua omnium sæculorum experimenta docuerunt, iustam Dei misericordiam, misericordemque iustitiam, nec alendis vnquam corporibus hominum, nec docendis iuuandisque eorum mentibus defuisse. Semper etenim pluit super bonos & malos, semper solem suum oriri fecit super iustos & iniustos.] & plurima diuinæ misericordiæ dona commemorans prolixè prosequitur. Et post aliquanta, Cùm tamen illud, quod de Cap. 7. bonitate Dei piissimè creditur, qua omnes homines velit saluos fieri & in agnitionem veritatis venire, non oporteat nisi perpetuum æternumque sentiri, secundum eas mensuras quibus Deus dona generalia specialibus nouit cumulare muneribus, vt & qui exortes gratiæ fuerint, de sua nequitia redarguantur, & qui in eius lumine enituerint, non in suo merito sed in Domino glorientur.] & post aliquanta, Siue igitur nouissima contemplemur secula, seu media, Cap. 8. rationabiliter & piè creditur omnes homines saluos fieri Deum velle semperque voluisse. Et hoc non aliunde monstratur, quàm de his beneficiis, quæ prouidentia Dei vniuersis generationibus communiter atque indifferenter impendit. Fuerunt enim ac sunt eiusmodi dona ista generalia, vt ipsorum testimonio ad quærendum verum Deum possent homines adiuuari. quibus donis auctorem suum per omnia sæcula protestantibus, specialis gratiæ largitas superfusa est. Quæ licet copiosius nunc quàm antè præstetur, causas tamen distributionum suarum Dominus apud scientiam suam tenuit, & intra secretum potentissimæ voluntatis occuluit. Quæ si omnibus vniformiter affluerent, non laterent, & quàm nulla est ambiguitas de benignitate generali, tam de speciali misericordia nihil quod stupendum esset existeret, ac proinde illa esset gratia, ista non esset. Deo autem placuit, & hanc multis tribuere, & illam à nemine submouere, vt ex vtraque appareat, non negatum vniuersitati quod conlatum est portioni: sed in aliis præualuisse gratiam, in aliis resiliuisse naturam. Hanc quippe abundantio rem gratiam ita credimus atque expetimus potentem, vt nullomodo arbitremur esse violentam, quo quicquid in saluandis hominibus agitur, ex sola Dei voluntate peragatur, cùm etiam ipsis paruulis per alienæ voluntatis subueniatur obsequium.] & item, Igitur sicut qui crediderunt iuuantur vt in fide maneant, sic qui Cap. 9. nondum crediderunt iuuantur vt credant. Et quemadmodum illi in sua habent potestate vt exeant: ita & isti habent in sua potestate ne veniant. fitque manifestum, quòd diuersis atque innumeris modis omnes homines vult Deus saluos fieri, & in agnitionem veritatis venire: sed qui veniunt Dei auxilio diriguntur, qui non veniunt sua

Sententia
VIII.

Cap. 10.

Obiect. II.
Matth. 7. 11

pertinacia reluctantur.] Et contra Gallos, Item qui dicit quòd non omnes homines velit Deus saluos fieri, sed certum numerum prædestinatorum, durius loquitur quàm loquendum est de altitudine inscrutabilis gratiæ Dei, qui & omnes homines vult saluos fieri, & in agnitionem veritatis venire, & voluntatis suæ propositum in eis implet, quos præscitos prædestinauit, prædestinatos vocauit, vocatos iustificauit, iustificatos glorificauit.] & post pauca, Quod autem promisit Deus, potens est & facere: vt & qui saluantur ideo salui sint, quia illos voluit Deus saluos fieri, & qui pereunt ideo pereant, quia perire meruerunt.] Vnde & in libro II. de vocatione gentium. Nulatenus murmurandum est, quoniam iustus & bonus arbiter, nec voluntatis iniquæ est, nec discretionis incertæ, vt sub immensa misericordia eius atque iustitia putemus quòd quisquam pereat qui perire non debeat.] & de Vincentianorum obiectione, quia Deus nolit omnes saluare, etiamsi omnes saluari velint, Cùm veritas dicat, *Si vos cùm sitis mali nōstis bona data dare filiis vestris, quanto magis pater vester celestis dabit bona petentibus se?* quomodo fieri potest, vt Deus, qui etiam illos saluat, de quibus dici non potest quòd saluari velint, nolit aliquos saluare etiam qui saluari velint, nisi aliqua causæ existant, de quibus, quamuis sunt nobis incognoscibiles, ille tamen bene iudicat, de quo aliter dici non potest eum quicquam facere debuisse quàm fecerit? Remota ergo hac discretionē, quam diuina scientia intra secretum iustitiæ suæ continet, sincerissimè credendum atque profitendum, Deum velle vt omnes homines salui fiant. Siquidem Apostolus, cuius ista sententia est, sollicitissimè præcipit, quod in omnibus Ecclesiis piissimè custoditur, vt Deo pro omnibus hominibus supplicetur. Ex quibus quòd multi pereunt, pereuntium est meritum, quod multi saluantur, saluantis est donum. Vt enim reus damnetur, inculpabilis Dei iustitia est: vt autem reus iustificetur, ineffabilis Dei gratia est.]

Post Epistolam 8.

ET SANCTVS CÆLESTINVS sententiam promulgatam vt legem credendi lex nobis statuatur supplicandi, videlicet quia pro omnibus à catholica supplicatur Ecclesia, Deum saluos fieri omnes homines velle credamus, sic in conclusione confirmat dicens, Tanta enim est erga omnes homines bonitas Dei, vt nostra velit esse merita quæ sunt ipsius dona, & pro his quæ largitus est æterna præmia sit donaturus.]

SANCTVS quoque LEO, vir religiosissimus atque doctissimus & facundia honestissimæ eloquentiæ valde profusus, quia recens ante ordinationis eius tempora hæresis ista emerfit, quanta & qualia contra eam intentet, est solertissimè attendendum. Ait enim in epistola ad Leonem Augustum, Sicut enim negari non potest, Euangelista dicente, quòd *Verbum caro factum est, & habitauit in nobis*: ita negari non potest, beato Paulo Apostolo prædicante, quòd *Deus erat*

Ioan. 1. 14.

1. Cor. 5. 19.

in Christo mundum reconcilians sibi. Quæ autem reconciliatio esse posset, qua humano generi propitiaretur Deus, nisi omnium causa mediator Dei & hominum carnem suscipere?] & item. Vt autem repararet omnium vitam, recepit omnium causam, & vim veteris chirographi, quod solus inter omnes non debuit, pro omnibus soluendo vacauit: vt sicut per vnus reatum omnes facti fuerant peccatores, ita per vnus innocentiam omnes fierent innocentes, inde in omnes manante iustitia, vbi est humana suscepta natura.] Et in epistola ad Flavianum Constantinopolitanum Episcopum, Isdem verò sempiterni genitoris vnigenitus sempiternus, natus est de Spiritu sancto & Maria Virgine. Quæ natiuitas temporalis illius natiuitati diuinæ & sempiternæ nihil minuit, nihil contulit: sed totum se reparando homini qui erat deceptus impendit, vt & mortem vinceret, & diabolus, qui mortis habebat imperium, sua virtute destrueret. Non enim superare nos possemus peccati & mortis auctorem, nisi naturam nostram ille suscepisset & suam faceret, quam nec peccatum contaminare, nec mors potuit detinere.] Et item in eadem, Salua igitur proprietate vtriusque naturæ atque substantiæ, & in vnam coeunte personam, suscepta est à maiestate humilitas, à virtute infirmitas, ab æternitate mortalitas: & ad resoluendum conditionis nostræ debitum, natura inuiolabilis naturæ est vnita passibili, vt quod nostris remediis congruebat, vnus atque idem mediator Dei & hominum homo Christus Iesus, & mori posset ex vno, & mori non posset ex altero.] & item in eodem, Nam quia gloriabatur Diabolus, hominem sua fraude deceptum diuinis caruisse muneribus, & immortalitatis dote nudatum, duram mortis subisse sententiam, seque in malis suis quoddam de præuaricatoris consortio inuenisse solatium, Deum quoque, iustitiæ exigente ratione, erga hominem, quem tanto honore condiderat, propriam mutasse sententiam, opus fuit secreti dispensatione consilij, vt incommutabilis Deus, cuius voluntas non potest sua benignitate priuari, primam erga nos pietatis suæ dispositionem in sacramento occultiore compleret, & homo diabolicæ iniquitatis versutia actus in culpam, contra Dei propositum non periret.] Item idem Homilia de Epiphania, Ad omnium hominum spectat salutem, quod infantia mediatoris Dei & hominum iam vniuerso declarabatur mundo, cum adhuc exiguo detineretur oppidulo.] Item in Sermonem de eadem, Prouidentia misericordiæ Dei, dispositum habens pereunti mundo in nouissimis temporibus subuenire, saluationem omnium gentium præfiniuit in Christo. vt quia & cunctas nationes à veri Dei cultu impiorum error dudum auerterat, & ipse peculiaris Dei populus Israel ab institutis legalibus pene totus exciderat, conclusis omnibus sub peccato, omnium miseretur.] & item, Adorent in tribus Magis omnes populi vniuersitatis auctorem, & non in Iudæa tantum Deus, sed in toto orbe sit

Epist. x.
cap. 2.

Cap. 3.

Cap. eod.

Homil. i.
cap. 1.Serm. 111.
cap. 1.

Eod. cap. 3.

notus, vt vbique sicut in Israel sit magnum nomen eius: quoniam hanc electi generis dignitatem, sicut infidelitas in suis posteris conuincit esse degenerem, ita fides omnibus facit esse communem.]

Serm. v. c. 2. Item, Quod illi tres viri, vniuersarum gentium personam gerentes, adorato Domino sunt adepti, hoc in populis suis per fidem, quæ iustificat impios, totus mundus assequitur.]

SANCTVS FELIX Papa in Epistola Decretali per diuersas Pro- uincias, ad locum. Sed quia idem inquires Dominus atque saluator clementissimus est, & neminem vult perire, vsque ad exitus sui diem in pœnitentia, si resipiscant, iacere conueniat.

Cap. vi. ET SANCTVS GREGORIUS in libro viii. Moraliū, Ad hoc namque homo conditus fuerat, vt stanti mente in arcem se contemplationis erigeret, & nulla hunc corruptio à conditoris sui amo-

Cap. ix. re declinaret.] & item, Nunc enim peccator quisque Deum non metuit & viuunt, blasphemant & proficunt: quia scilicet misericors Crea- tor, quem expectando vult corrigere, aspiciendo non vult punire,

Sap. ii. 24. sicut scriptum est, *Dissimulas peccata hominum propter pœnitentiam.*] &

Cap. x. item, Ad contemplandum quippe Creatorem homo conditus fue- rat, vt eius semper speciem quæreret, atque in solemnitate illius a- moris habitaret. Sed extra se per inobedientiam missus, mentis suæ locum perdidit, quia tenebrosis itineribus sparsus, ab inhabitatione

Cap. xi. veri luminis elongauit.] & item, Cur quasi contrarium tibi homi- nem despicias, qui certus scio quia perire vel ipsum quem despiciere

Cap. iij. crederis non vis? Et in libro decimo septimo, *Dedit ei Deus locum pœnitentiæ, & ille abutitur eo in superbia.* Quisquis delinquit & viuunt, idcirco hunc diuina dispensatio in iniquitate tolerat, vt ab iniqui- tate compescat. Sed qui diutius toleratur, nec tamen ab iniquitate compescitur, munus quidem supernæ patientiæ percipit, sed reatus sui vinculis ex ipso se munere artiùs adstringit.] Et in Regula Pa-

Ezech. 22. 18. storali cap. xxxvii. *Versa est mihi domus Israel in scoriam. Omnes isti*

as, & stagnum, & ferrum, & plumbum in medio fornacis. Ac si a- pertè dicat, Purgare eos per ignem tribulationis volui, & argen- tum illos vel aurum fieri quæsiui: sed in fornace mihi in as, stagnum, ferrum, & plumbum versi sunt, quia non ad virtutem, sed ad vitia etiam in tribulatione proruperunt.] Item in libro decimo septimo,

Quòd qui pereunt, sicut & primus homo, non Dei voluntate, sed sua iniquitate pereunt. Ad vitam, inquires, conditus homo in li- bertate propriæ voluntatis, sponte sua factus est debitor mortis.]

Cap. xx. Et item in octauo, Tunc sibi contrarium Deus hominem posuit, cùm homo peccando Deum dereliquit. Iustus verò conditor hunc sibi contrarium posuit, quia inimicum eum ex elatione deputa- uit.] & item, Sunt plerique, qui etiam post perceptum redemptionis auxilium, ad desperationis tenebras deuoluuntur, & tanto nequius pereunt, quanto & oblata remedia misericordiæ contemnunt.] &

item, Nimirum Deus mirabiliter cuncta dispensat, & iuste facit quod malignus spiritus iniuste facere appetit, & hoc fieri non nisi iuste permittit.] Et in libro decimo octauo, *Qua in re quærendum* Cap. x. est [cur dicatur quod hanc partem atque hæreditatem suam prauī ab omnipotente percipiunt. Sed si rectè consideratur, liquet quia etsi à seipsis habuerunt iniuste agere, supernæ tamen æquitati suppetit iniuste acta iuste iudicare, vt diuina sententia ordinet in pœna, quos inordinata sua actio traxit ad culpam.] & item, Nam bona faciens & ordinans Deus, mala verò non faciens, sed ab iniquis facta, ne inordinate eueniant, ipse disponens, considerat vniuersorum finem, & patienter tolerat omnia, atque intuetur electorum terminum quo ex malo mutantur ad bonum. Intuetur etiam reproborum finem, quo de malo opere dignum se trahantur ad supplicium.] Et item in libro decimo sexto, *Anima eius quodcumque voluit hoc fecit.* Cap. xviii. Sic itaque eius anima quodcumque voluit hoc fecit, vt inde quoque voluntatem suam impleat, vnde voluntati illius repugnari videbatur.] Item idem in libro vigesimo quinto, Aliquando Cap. xxi. facere Dei est, id quod fieri prohibet irascendo permittere.] Item in eodem, Nemo discutiat, cur stante Iudaico populo dudum in infidelitate gentilitas iacuit, & cur ad fidem gentilitate surgente Iudaicum populum in infidelitatis culpa prostrauit. Nemo discutiat, cur alius trahatur ex dono, alius repellatur ex merito. Si enim gentilitatem miraris assumptam, ipso concedente pacem quis est qui condemnet? Si Iudæam obstupescis perditam, ex quo absconderit vultum suum, quis est qui contempletur eum? Itaque consilium summæ & occultæ virtutis satisfactio sit apertæ rationis.] Item in libro xxvi. *Si audierint & obseruauerint, complebunt dies suos in bono, & annos suos in gloria: si autem non audierint, transibunt per gladium, & consumentur stultitia.* Cap. xxvi.
Iob 36.11. Per bonum recta actio, per gloriam verò superna retributio designatur. Qui verò obedire præceptis cælestibus student, dies suos in bono complent, annos in gloria: quia & cursum præsentis temporis in recto opere, & consummationem suam perficiunt felici retributione. Si verò non audierint, transibunt per gladium, & consumentur stultitia: quia & vindicta eos in tribulatione perculit, & finis in fatuitate concludit. Sunt enim nonnulli, quos à perditis moribus nec tormenta compescunt. de quibus per Prophetam dicitur, *Percussisti eos, nec doluerunt: flagellasti eos, & renuerunt accipere disciplinam.* & de quibus sub Babylonis specie dicitur, *Curauimus Babylonem, & non est sanata.* & de quibus rursum dicitur, *Interfeci & perdidi populum meum, & tamen à viis suis non sunt reuersi.* Hier. 5.3.
Hier. 51.9.
Hier. 15.7. Hi nonnunquam deteriores existunt ex verbere, quia pulsati doloribus, aut contumaci pertinacia duriores existunt, aut quod peius est in blasphemiarum etiam exasperatione profiliunt.] Item in libro vigesimo septimo, *Sicut ignoras quæ sit via spiritus, & qua* Eccle. 11.5.

- ratione compinguntur ossa in ventre pręgnantis, sic nescis opera Dei qui fabricator est omnium. Vt enim vnum ę multis loquar, duo ad hanc lucem paruuli veniunt, sed vni datur vt ad redemptionem per baptisma redeat, alter antę subtrahitur quęm hunc regenerans vnda perfundat. & sępe fidelium filius sine fide rapitur, & sępe infidelium concessio fidei sacramento renouatur. Sed fortasse aliquis dicat, quod hunc Deus acturum prauę etiam post baptisma nouerat, & idcirco eum ad baptismatis gratiam non perducatur. Quod si ita est, peccata quorundam proculdubiõ, priusquam sint perpetrata, puniuntur. Et quis ita recta sciens dixerit, quia omnipotens Deus, qui alios ę perpetratis facinoribus liberat, hęc in aliis etiam non perpetrata condemnat? Occulta itaque sunt eius iudicia, & quanta obscuritate nequeunt conspici, tanta debent humilitate venerari.] In libro
- XXVIII. Cum diuini operis mysterium sic misericordia peragat, vt tamen & ira comitetur, quatenus occultus arbiter alios respiciens redimat, alios deferens perdat.] Item in eodem, *Auferetur ab impiis lux sua.* quia dum veritati credere renuunt, cognitionem legis in perpetuum amittunt: & dum de accepta lege superbiunt, nimirum de scientię suę gloria cęcantur. Scriptum quippe est, *Obscurentur oculi eorum ne videant.* rursumque scriptum est, *Excaca cor populi huius & aures eius adgraua.* & rursum scriptum est, *In iudicium ego in hunc mundum veni, vt qui non vident videant, & qui vident cęci fiant,* & quia semetipsos de legis operibus contra conditorem legis extulerunt, aptę
- subditur, *& brachium excelsum conteretur.*] In libro xxxi. Iusti viri securitas rectę leoni comparatur, qui contra se cum quoslibet insurgere conspicit, ad mentis suę confidentiam redit, & scit quia cunctos aduersantes superat, quia illum solum diligit, quem inuitus nullo modo amittit.] In libro xxxii. Superbos enim atque impios iusto iudicio Dominus in puluere abscondit, quia eorum corda ipsis, quę despecto amore creatoris eligunt, terrenis opprimi negotiis permisit.] Item in libro xxxiii. Vbique nobis occurrit superna medicina, quia & dedit homini pręcepta ne peccet. & tamen peccanti dedit remedia ne desperet. Vnde cauendum summopere est, ne quis delectatione peccati Leuiathan istius ore rapiatur, & tamen si raptus fuerit non desperet, quia si peccatum perfectę lugeat, adhuc foramen in maxilla eius inuenit per quod euadat. Iam dentibus teritur: sed adhuc, si euadendi via quęritur, in maxilla eius foramen inuenitur. Habet etiam captus quod exeat, qui pręuidere noluerit ne caperetur.]
- & post paululum, *Misericordia enim & ira ab illo.* Diuina itaque clementia maxillam Vehemoth istius perforans, vbique humano generi & misericorditer & potenter occurrit: quia nec libero admonitionem pręcauendi tacuit, nec capto remedium fugiendi subtrahit.]
- Item in libro xxxiii. Ad parcendum reprobis nulla ratione compellor, quia eis debitor ex sua actione non teneor. Idcirco enim tunc

nequa-

nequaquam cælestis patriæ præmia æterna percipiunt, quia ea nunc dum promereri poterant ex libero arbitrio contempserunt.] & item, Leuiathan iste beatitudinem quidem meam perdidit, sed dominium non euasit. quia & ipsæ mihi potestates inferuiunt, quæ mihi prauis actionibus aduersantur.] Item in eodem, Dum ergo eis Dominus vicem malorum operum redderet, dedit illis scutum cordis laborem suum: quia recto iudicio inde illos contra se superbè obstinatos exhibuit, vnde ipse pro nobis in infirmitate laborauit. Repulerunt quippe à se verba prædicantium, quia dedignati sunt in Domino infirma passionum.] Item in libro XXXIV. *Non fugauit eum vir sagittarius.* Vnde bene peccatis præcedentibus irascens Dominus, de his quos in manu antiqui hostis deserit, per Prophetam dicit, *Immittam vobis serpentes regulos, quibus non est incantatio.* ac si diceret, iusto iudicio talibus vos immundis spiritibus tradam, qui à vobis excuti exhortatione prædicantium, quasi incantantium sermone, non valeant.] & post paululum, Sed quid mirum si humanas vires despicit, qui ipsa etiam superni in se iudicij æterna tormenta contemnit?] Item in eodem libro, Omnipotens Deus quia pius est, miserrorum cruciatu non pascitur: quia autem iustus est, ab iniquorum ultione in perpetuum non sedatur. Sed iniqui omnes æterno supplicio, & quidem sua iniquitate puniuntur, & tamen ad aliquid concremantur, scilicet vt & iusti omnes, & in Domino videant gaudia quæ percipiunt, & iniusti respiciant supplicia quæ euaserunt. vt tanto in æternum magis diuinæ gratiæ debitores se esse cognoscant, quanto in æternum mala punire conspiciunt, quæ eius adiutorio vitare potuerunt.] Et in Homilia Euangelij prima, Dominus & Redemptor noster, paratos nos inuenire desiderans, senescentem mundum quæ mala sequantur denuntiat.] Et item in eadem, In potestate & maiestate visuri sunt, quem in humilitate positum audire noluerunt, vt virtutem eius tanto tunc districtius sentiant, quanto nunc ceruicem cordis ad eius patientiam inclinant.]

ET VENERABILIS presbyter BEDA in tractatu Actuum Apostolorum, Ipse Petrus sic intellexit omnes homines æqualiter ad Christi Euangelium prouocari, nullumque secundum naturam esse pollutum.] Et item, *Incrassatum est enim cor populi huius, & auribus grauitè audierunt.* Ne putemus crassitudinem cordis, & grauitatem aurium, naturæ esse non voluntatis, subiungit culpam arbitrij, & dicit, *Et oculos suos compresserunt, ne fortè videant oculis.* id est, ipsi meritis præcedentibus causa fuerunt, vt Deus eis oculos clauderet. Vel ad superiora iungendum est, dicente Domino ad Prophetam, Vade ad populum istum, & peccata quibus cæcitatem meruerunt illis impropèra, si fortè vel sic, audire & ad me conuerti dignentur.] Et item idem in expositione Euangelij Euangelistæ Marci, Qui ergo manifestè intelligens opera Dei, cum de virtute negare non possit, ca-

dem stimulatus inuidia calumpniatur & Christum, Deique Verbum, & opera Spiritus sancti dicit esse Beelzebub, isti non dimittetur neque in hoc sæculo, neque in futuro. Non quòd negemus & ei, si pœnitentiam agere voluerit, posse dimitti ab eo qui vult omnes homines saluos fieri, & in agnitionem veritatis venire: sed quòd ipsi iudici & largitori veniæ credentes, qui & se pœnitentiam semper accepturum, & hanc blasphemiam nunquam dicit esse remittendam, credamus hunc blasphemum, exigentibus meritis, sicut nunquam ad remissionem, ita nec ad ipsos dignos pœnitentiæ fructus esse peruenturum. Iuxta hoc quod Ioannes Euangelista de quibusdam blasphemiam suæ merito excæcatis veracissimè scripsit, *propterea non potuerunt credere, quia iterum dixit Esaias, excæcavit oculos eorum, & indurauit cor eorum, ut non videant oculis, & intelligant corde, & conuertantur & sanem eos.*] & item, Hi autem sunt, qui circa viam vbi seminatur verbum, & cùm audierint confestim venit Satan, & aufert verbum quod seminatum est in corda eorum, & cetera. In hac Domini oppositione omnis eorum, qui audire quidem verba salutis potuerunt, sed ad salutem peruenire nequeunt, distantia comprehenditur. Sunt namque, qui verbum quod audiunt, nulla fide, nullo intellectu, nulla saltem tentandæ vtilitatis occasione percipere dignantur. quorum indisciplinatis ac duris cordibus mandatum verbum confestim immundi spiritus, quasi viæ tritæ volucres semen eripiunt.] & item, *Et non poterat ibi virtutem ullam facere, nisi paucos infirmos impositis manibus curauit. & mirabatur propter incredulitatem illorum.* Non quo etiam illis incredulis non potuerit virtutes multas facere, sed quo ne multas faciens ciues incredulos condemnaret.] & item, *Sedere autem ad dexteram meam, vel ad sinistram, non est meum dare vobis, sed quibus paratum est.* Sic intelligendum est, regnum cælorum non est dantis, sed accipientis. Non est enim personarum acceptio apud Deum: sed quicumque talem se præbuerit, ut regno cælorum dignus sit, hic accipiet quod non personæ sed vitæ paratum est. Si itaque tales estis qui consequamini regnum cælorum, quod pater meus triumphantibus & victoribus præparauit, vos quoque accipietis illud.] & item, *Et tu si non vis audire in iudicio à Christo, Discede à me maledicte in ignem æternum, quia esuriui & non dedisti mihi manducare, arbor esse sterilis in hac vita caueto: quin potiùs pauperi Christo & esurienti fructum pietatis quo indiget offer.*] & item, *Scriptum est quia domus mea domus orationis vocabitur cunctis gentibus.* Omnibus, inquit, gentibus, non vni genti Iudææ, nec in vno Hierosolymæ vrbis loco, sed in toto orbe terrarum.] Item in Commento Euangelij Lucæ, Nam sicut in quibus venandi ars est, vbi feras, pisces, & volucres plus abundare didicerint, ibi sua maximè retia tendunt: ita & Dominus semper docuit in Synagoga, & in templo, quò omnes Iudæi conueniebant, volens omnes saluos fieri, & ad agnitionem veritatis

Ioan. 12.
39-40.

In Marcum
lib. 1. c. 4.

Ibid lib. 2.
cap. 6.

Ibid lib. 3.
cap. 10.
Marc. 10.
40.

Marc. 11.
17.
Ibid. c. 11.

venire.] Et item, *Tulistis clauem scientiæ.* hoc est, humilitatem fidei Christi, qua ad diuinitatis eius agnitionem peruenire poteratis, spernentes abicere maluistis.] & item, Nam si petenti datur, & ^{Ibid. lib. cap. ii.} quærens inuenit, & pulsanti aperietur, ergo cui non datur, & qui non inuenit, & cui non aperitur, apparet quòd non bene petierit, quæserit, pulsauerit.] & item, Verum ille qui vult omnes homines saluos fieri, & ad agnitionem veritatis venire, nunc ad eos, nunc eis audientibus ad discipulos suos verba faciendo, consuetæ pietatis dona benignus impendere non cessat.] & item, *Venit enim* ^{Lib. v. c. 19.} *filius hominis quærere & saluare quod perierat.* Hoc est quod alibi dicit, *Non veni vocare iustos, sed peccatores.* Pius sanè magister, qui murmurantibus turbis sua mysteria non dedignatur exponere, adeo scilicet peccatorum pœnitentiam non esse respuendam, vt ipse Dei filius ob hanc maximè quærendam sit destinatus ad terras. Qui vt pietatis suæ nobis dispensationem inculcet, sapissimè se filium hominis appellat, commendans sollicitè nobis quod factus est benignè pro nobis.] & item, Impietatem Iudæorum, vel omnium reproborum ad Christum conuerti nolentium, significat in die iudicij puniendam.] & item, Quia visitationis suæ tempus minimè cognouit, illis in extremo vitæ inimicis traditur, cum quibus in æterno iudicio damnationis suæ societate conligatur.] & item, Semper ambigere dic tur Deus, vt libera voluntas homini reseruetur.]

ET CASSIODORVS in Psalmo LV. Ipsum est enim *quacumque die*, quia Dominus clementi patientia quodlibet tempus nostræ conuersionis expectat. Et ideo culpabiles sustinet, expectat errantes dicens, *Nolo mortem peccatoris, sed vt conuertatur & viuat.* Solum est enim, vt in hac vita peccatum omne fateamur, vbi & humana fragilitate delinquimus.] Et in Psalmo LXXIII. Additum est *in retributionem*, quia subtracta illa mensa & gentibus tradita, malorum retributio fuit. quippe quando in ea epulari nolentes ab ea meritò videntur excludi.] Et in Psalmo LXXIII. In præsentī psalmo ciuitatis subuersio deploratur, vt durissimus animus Iudæorum, vel ipsius ciuitatis suæ calamitatibus terreretur. Totum fecit medicus bonus, si sanitatem recipere voluisset ægrotus.] Et in Psalmo LXXV. Amiserunt ergo & istud, qui maiestati eius nequaquam credere voluerunt.] Et in Psalmo LXXVI. Et benedixit sicut oues, non tamen oues, quia non credendo facti sunt hœdi.] Et in Psalmo LXXVII. Genus prauum, quia veritatem recipere noluerunt.] & item in eodem, Malitiam hominis in sua indignatione, & ira, & tribulatione dereliquit, vt propriis peruersitatibus affligantur, qui diuinis iussionibus obedire contemnunt.] Et in Psalmo xciv. Nam cum quadraginta diebus ad mysticum numerum Dominus ieiunauerit, cum alios quadraginta dies cum Apostolis post resurrectionem fecerit vt totus mundus crederet, Iudæi obstinati reperti sunt. Qui quadraginta annorum

beneficiis adquiescere noluerunt. Quibus ideo paratur maior ruina, quia in eis grandescit diuturna superbia.] & item, Qui ergo ingressus est in requiem eius, etiam ipse requieuit ab operibus suis, sicut à suis Deus. Significat enim beatitudinis illius tempus, quando iusti post agonem sæculi istius æterna requie perfruuntur: quod impiis utique non dabitur, qui sua indignitate duruerunt.] Et in Psalmo xcvi. Hic verò dictum est *patriæ gentium*, ut nullus indigena, nullus hospes, nullus peregrinus redderetur exceptus.] Et in Psalmo cxiii. Nullum genus hominum ei credens probatur exceptum, quod sit ab eius muneribus alienum.] & in Commento Epistolæ ad Romanos plura his concinentia dicit, quæ studio breuitatis omittimus.

CAPVT XXVI.

*Recapitulatio reddita rationis post sanctorum nomina
designata de Capitulo tertio.*

ECCE quid ex hoc Capitulo senserunt diuino repleti Spiritu sancti Dei homines. Ceterum capitula à nobis ex sanctorum Patrum dictis excerpta, quæ reprehendit, dominus Prudentius venerabilis Episcopus nobiscum constituit atque firmavit. Quæ postea in hac epistola, de qua loquimur, ita confudit atque præposteravit, ut verbis aliis, & sensu contrario, & ordine immutato, illa quantum ex ipso fuit disperderet. Nec plus inuenit quo illa discerperet. verba mutauit, sensum contrarium intulit, ordinem adeo perturbauit, ut de secundo primum, & de tertio quartum redderet. Si adhuc quartum modum inuenire potuisset, quo illa dissiparet, manifestum est quia voluntariè faceret. Tamen quicquid ille gesserit, ordo ponendi legitimus iste manebit, ut primò ponatur ab eo qui capitulatim illa cupit describere, De præscientia & prædestinatione electorum, ac præscientia & relictione reproborum, quæ ante omnia tempora extitit. Deinde de arbitrio libero, quod homo in tempore accepit, & diaboli suasionem suo vitio infirmauit: atque de Dei gratia, sine qua in primo homine perdiri non reparantur electi, & qua non liberantur in generali perditionis massa relictæ. Et tunc, quoniam hominis arbitrium liberum, licet merito primæ culpæ libertatem, id est boni possibilitatē perdidit, non tamen nomen & rationem amisit, Deus, qui hominem ad imaginem & similitudinem suam condidit, quemque ad æternitatem consistere voluit, à latronibus vulneratum ac semiuivum relictum, verus scilicet medicus, gratia sanare venit plagis mortalibus faucium, & pastor bonus gratis quærere & saluare perditam venit ouem. Sicque ponendum est quod dicit Ioannes Apostolus, *Quod*
1. Ioan. 1. 14 *nos vidimus & testificamur, quoniam pater misit filium suum saluatorem mundi.*
1. Tim. 2. 4. *qui secundum Paulum, vult omnes homines saluos fieri, & in agnitio-*

nem veritatis venire, & iuxta Petrum, neminem vult perire, sed omnes ad 2. Pet. 3. 9.
pœnitentiam conuerti. & tunc demum, quod iterum Ioannes dicit, Et 1. Ioan. 3. 16
in hoc cognoscimus caritatem Dei, quoniam ille pro nobis animam suam po-
suit, qui vt Petrus dicit, semel pro peccatis nostris mortuus est, iustus pro in- 1. Pet. 3. 18.
iustis. Fidelis enim sermo, quoniam vt Paulus dicit, Christus venit in 1. Tim. 1. 15.
hunc mundum peccatores saluos facere, vt omnis qui credit in ipsum non per-
eat, Euangelio conclamante, sed habeat vitam æternam. Vnde & idem Ioan. 3. 15.
Dominus omnium, diues in omnes qui inuocant illum, discipulis suis
iussit, Prædicate, inquit, Euangelium omni creatura. Qui crediderit & Marc. 16. 14
baptizatus fuerit, saluus erit, qui verò non crediderit condemnabitur. Creden-
tes autem baptizati, & per Dei gratiam salui facti, crediderunt quia
voluerunt: non credentes, non baptizati, neque salui facti sunt, quia
credere noluerunt, & ideo perierunt. Qui non credit, inquit, iam iu- Ioan. 3. 18.
dicatus est, id est Dei præscientia iam damnatus est. quare? quia non
credidit in nomine vnigeniti filij Dei. Hoc est autem iudicium, quia lux venit
in mundum, & dilexerunt homines tenebras magis quàm lucem. Quæ sint
tenebræ ipse consequenter exponit dicens, Erant enim eorum mala ope-
ra. vt & fides, quæ per dilectionem operatur, lux est, sicut item scri- Matth. 5. 16
ptum est, Luceat lux vestra coram hominibus, vt videant opera vestra bona.
quæ sine fide non possunt esse bona, quia nec Deo sunt placita. Sine
fide enim impossibile est placere Deo. Bona nempe agens venit ad lu-
cem, vt manifestentur opera eius, quæ in Deo sunt facta, qui lux
venit in mundum dicens, Ego sum lux mundi, qui sequitur me non am- Ioan. 8. 12.
bulabit in tenebris. quas odit qui nihil odit eorum quæ fecit, & per-
seueranter eas dilexerunt qui perierunt, & quod diligit iustus Domi-
nus qui iustitias dilexit, diligentes iniquitatem & odientes animam
suam oderunt, & ideo perierunt. Iuxta quod item miserator mise-
ricors miseriam perituræ ciuitatis deslens dicit Hierusalem, Quotiens Luc. 13. 34.
volui congregare filios tuos, quemadmodum gallina congregat pullos suos sub alis
 suis, & noluisti? Ac si apertè diceret, quod volui noluisti, & idcirco
peristi, sicut qui omnibus vigilate dicit, & ad omnes per Salomo-
nem dicit, Vocauì & renuistis: extendi manum meam, & non fuit qui aspi- Prou. 1. 24.
ceret. Despexistis omne consilium meum, & increpationes meas neglexistis. Ego
quoque in interitu vestro ridebo, & subsannabo cum vobis quod timebatis adue-
nerit. Cum inruerit repentina calamitas, & interitus quasi tempestas ingru-
erit, quando venerit super vos tribulatio & angustia. Tunc inuocabunt me &
non exaudiam. mane consurgent, & non inuenient me. quoniam ibi iam à
Deo mereri non potest quod petit, qui hîc noluit audire quod
iussit.

Nam si, vt dicunt isti moderni Prædestinatiani, non est quisquam
 quem Deus saluari velit & non saluetur, & quicumque non saluantur,
 penitus non esse voluntatis illius vt saluentur, & his qui saluantur
 imposita est necessitas salutis, & his qui pereunt imposita est necessitas
 perditionis, atque ideo nec illi iuste damnantur qui saluari non potue-

runt; nec isti iuste remunerantur, quia aliud quam saluandi esse nequiverunt. ut in utraque parte & perditio & salus non sit ex iudicio propriæ actionis, sed ex præiudicio diuinæ præordinationis, quoniam utrisque aufertur penitus arbitrium voluntatis, cum scriptum de Deo sit, *quia tu reddes unicuique secundum opera sua.* & iterum, *Numquid iniquus Deus qui infert iram? absit.* Et venerabilis Beda presbyter in Homilia Euangelij exponens sententiam ipsius ait, *Et cum venerit, quin Spiritus sanctus, ille arguet mundum de peccato, & de iustitia, & de iudicio.* Claret namque, quod ipse filius Dei Dominus noster Iesus Christus, cum esset in mundo, arguebat mundum, id est sectatores mundi, de peccato suæ incredulitatis, arguebat de iustitia, quia videlicet iustitiam fidelium nollent imitari, arguebat de iudicio, videlicet quare diabolum, qui iam iudicatus & damnatus erat, sequerentur. Sed non sine causa Spiritum, cum venerit, hoc idem dicit acturum: quia profecto per huius inspirationem corroborandus erat animus discipulorum, ne mundum, qui contra se fremebat, arguere timerent. Exponens sententiam suam Dominus adiunxit, *De peccato quidem, quia non crediderunt in me.* Peccatum incredulitatis quasi speciale posuit, quia sicut fides origo virtutum, ita solidamentum est vitiorum in incredulitate persistere, Domino terribiliter attestante qui dicit, *Qui autem non credit, iam iudicatus est, quia non credidit in nomine unigeniti filij Dei.* At contra, iustus ex fide vivit.] & paulo post, Iustitia ceterorum fidelium, qui Dominum in carne non viderunt, hæc est, quod eum quem corporali intuitu nunquam viderunt, Deum & hominem verum corde credunt ac diligunt. De qua profecto iustitia fidei arguuntur infideles, cur ipsi videlicet, cum similiter verbum vitæ audirent, noluerint credere ad iustitiam. Neque enim nequitia malorum ex sua solum fortitudine, verum etiam ex comparatione rectorum, quam sit damnanda monstratur.] Sed & sanctus Augustinus in libro de Agone Christiano de hac Euangelij sententia dicit, *Qui non credit iam iudicatus est.* Præscientia utique Dei, qui novit quid immineat non credentibus.] Hinc etiam apparet mentiri Prædestinatianorum scholam dyscolam, quæ ex hac Euangelij sententia adfirmare luctatur à Deo prædestinatos ad interitum. Et item venerabilis Beda presbyter in Commento Euangelij Lucæ, beati Augustini & aliorum Patrum orthodoxorum sequens sententias ait, *Dico autem vobis, quia omni habenti dabitur, ab eo autem qui non habet, & quod habet auferetur ab eo.* Hæc ad superiora sententia respicit, docens & illum posse amittere munus Dei, qui habens non habet, id est non utitur, & in eo augeri qui habens habet, hoc est bene utitur. Et paulo superius, Recte amittit conlatam gratiam, quam prædicando aliis communicare neglexit, ut ei augeatur qui inde laboravit, iuxta quod Angelo Ephesi Ecclesiæ dicitur, *Et movebo candelabrum suum de loco suo, nisi penitentiam egerit, & cum regium*

Psal. 61. 13.

Rom. 3. 5.

Ioan. 16. 8.

Cap. 27.

Cap. 8.
Matth. 13.
11.

Apoc. 2. 5.

chrisma, quod superbiendo Saul amisit, Dauid obediendo promeruit, *Spiritus*, inquit, *Domini discessit à Saul, & directus est in Dauid à die illa & deinceps.*

Proferunt quoque Prædestinatiani ad suam confirmandam sententiam, quoniam qui non saluantur non est penitus voluntas Domini ut saluentur, Psalmorum testimonia, *Deus noster in cælo, omnia quaecumque voluit fecit, & omnia quaecumque voluit Dominus fecit in cælo & in terra, in mari & in omnibus abyssis.* Sed longè sensu alio illa exponunt doctores catholici. Nos autem, antequam sanctorum hinc expositiones ponamus, illos interrogare volumus, vtrum voluntate Dei Angeli de cælo, & homines in paradiso ceciderint. Si dixerint quia voluntate Domini ceciderunt, plebs vniuersa lapidabit eos: consequens enim est ut dicant Deum casus illorum auctorem. & omnes sciunt sanctum Gregorium veraciter in Homilia xxxiv. dicere, Angelorum quippe & hominum naturam ad cognoscendum se Dominus condidit, quam dum consistere ad æternitatem voluit, eam proculdubio ad suam similitudinem creauit.] Si autem veritate conuicti verum dixerint, non Dei voluntate, sed proprio illos vitio cecidisse, manifestum est quia non cum eis, sed contra eos prolata ab ipsis faciunt testimonia. Quoniam sicut duo primi homines, non Dei voluntate, sed suo vitio ceciderunt, qui, ut credimus beato Augustino & ceteris sanctis dicentibus, Dei gratia per pœnitentiam ad salutem in Christi sanguine redierunt: ita de omnibus in primi hominis peccato perditis, & in eiusdem perditione generatis, quicumque saluantur, gratia Dei, qui vult omnes homines saluos fieri, saluantur, quicumque pereunt, non Dei voluntate, sed debitæ perditionis merito pereunt. Nam sicut conditor naturam hominum, id est primum hominem, quia & Eua Adam est, ad æternitatem consistere voluit quia æternaliter bonus est. quem ab æternitate contra suam voluntatem cadentem iustè damnauit, quoniam iustus est. quémque ad salutem gratia reparauit, quia misericors est. Ita redemptor iustus in omnibus viis suis, & sanctus in omnibus operibus suis, omnes ex generali massa perditionis genitos vult saluos fieri quia bonus est: sed quosdam in eadem massa perditionis iudicio deserit quoniam iustus est, quosdam à perditione cunctis debita dono gratiæ liberat quia misericors est. Et ne velint nobis inludere, dicentes æmuli rectæ fidei, quoniam quosdam in massa perditionis deserit, ideo Deus iustus est, aliter enim iustus esse non posset, legant Psalmum, ubi inter cetera decantatur, *Qui percussit reges magnos, & occidit reges fortes, & dedit terram eorum hereditatem populo suo. quia in humilitate nostra memor fuit nostri, & redemit nos ab inimicis nostris. per singula, quoniam in æternum misericordia eius.* Iustus in omnibus, bonus in omnibus, & cum punit impios, & cum liberat peccatores, & cum coronat gratia iustos.

Psal. 113. 11.

Psal. 134. 8.

Non longè
à princip.

Psal. 135. 17

In Enarrat.
sub finem.
Psal. 113. 11.

Ceterum de primo quod ponunt testimonio ait sanctus Augustinus in Psalmo CXII. *Deus autem noster in celo sursum.* In celo, inquit, sursum, quod transgreditur omnia corpora caelestia & terrestria, in caelis & in terra *omnia quaecumque voluit fecit.* Nec indiget operibus suis tanquam in eis collocetur ut maneat, sed in sua aeternitate persistit, in qua manens omnia quaecumque voluit fecit in celo & in terra. Ergo in quibus est ipse tanquam indigentia continet, non ab eis tanquam indigens continetur. Siue sic intelligitur, In celo & in terra omnia quaecumque voluit fecit, vel in superioribus, vel in inferioribus populi sui voluntariam gratiam suam constituit, ne quis de operum meritis gloriatur.] Et sanctus Hieronymus, *Deus autem noster in celo, omnia quaecumque voluit fecit.* Deus in celo sursum, dicunt sancti ad illos infideles qui idola adorant, Vos vestros Deos de manu tangitis, & oculis carnalibus cernitis: sed noster Deus in celo est sursum, in celo & in terra omnia quaecumque voluit fecit. In his qui caelestem vitam agunt, & adhuc terrena carne cluduntur, implebit voluntates suas.] De altero vero testimonio ex Psalmo CXL. item sanctus Hieronymus dicit, *Omnia quaecumque voluit fecit in celo & in terra, in mari & in omnibus abyssis.* Pro voluntate bonitatis placuit Deo in excelsas animas, in aridas mentes, in saeculi fluctibus, in profunditate malitiae facere mirabilia.] Et S. Augustinus ita per loca exponens dicit, *Omnia quaecumque voluit Dominus fecit in celo & in terra, in mari & in omnibus abyssis.* Quis autem comprehendat haec? Si comprehendere omnia non possumus, tamen credere omnia inconcussae & tenere debemus, quia quicquid creaturae in caelis & in terra & in omnibus abyssis est, a Domino factum est. Non omnia quae fecit coactus est facere, sed causa omnium quae fecit voluntas eius est, necessitas coegit te facere domum, vestem, & cetera.] Et paulo post, Inuenimus aliquid quod libera voluntate facimus, cum ipsum Deum amando laudamus. Non enim ex necessitate, sed quia placet. Vnde iustis & sanctis Dei placuit Deus, etiam flagellans eos.] & item, Deus autem in celo & in terra omnia quaecumque voluit fecit. Ipse tibi det gratiam, ut in te ipso facias quod vis. Nisi enim ipso adiuuante nec in te facies quod vis, quia caro concupiscit aduersus spiritum, & spiritus aduersus carnem, ut non quaecumque vultis illa faciatis.] & post pauca, Quia non solum in domo sua, nec solum in agro suo, sed in carne sua & in spiritu suo, non impleuit quod volebat, clamauit ad Deum qui omnia quaecumque voluit fecit in celo & in terra, & dixit, *Infelix homo, quis me liberabit de corpore mortis huius?* Et ille bonus, ille suavis, tanquam responderet ei continuo subiecit, *Gratia Dei per Iesum Christum Dominum nostrum.* Hanc ergo suauitatem amate, hanc suauitatem laudate. Intelligite Deum, qui omnia quaecumque voluit fecit in celo & in terra, ipse & in vobis faciet quod vultis, ipso adiuuante voluntatem vestram.

Rom. 7. 24.

vestram implebitis, sed nondum potestis, confitemini cum potueritis, gratias agite, iacentes clamate, erecti superbire nolite.

Ad quod si veterem pestem euomuerint moderni Prædestinatiani, dicentes quos non vult Deus saluos fieri, quoniam quæcumque voluit fecit in cælo & in terra, non facit eos volentes, non facit confitentes, & non erigit iacentes, quia ad mortem eos prædestinauit æternam: & ideo postquam ceciderint sic à Deo dispensantur, vt nec possint nec velint per pœnitentiam liberari. respondeat eis Prosper quod ex delegatione sedis Apostolicæ respondit actione xv. Vincentianis, Non veraciter inquires nec sapienter hoc dicitur. Qui enim à fide & sanctitate exciderunt, sicut voluntate prolapsi sunt, ita voluntate non resurgunt, & dominatum concupiscentiarum quibus succubuerunt sponte patiuntur. Si qui autem captiuitatem suam gemunt, & iudicantes semetipsos ad misericordiam Dei mutato corde confugiunt, non sine spiritu diuinæ visitationis hoc faciunt. Hæc enim est immutatio dexteræ excelsi, qui innumeris lapsis dat pœnitentiam vt resipiscant à diaboli laqueis, à quo captiuati tenentur ad ipsius voluntatem. Nemini autem Deus correctionis adimit viam, nec quemquam boni possibilitate dispoliat, quia qui se à Deo auertit, ipse & velle quod bonum est, & posse sibi sustulit. Non est ergo consequens, sicut putant qui talia obiiciunt, vt Deus quibus pœnitentiam non dederit, resipiscentiam abstulerit, & quos non leuauerit alliserit, cum aliud sit infontem in crimen egisse, quod alienum est à Deo, aliud criminoso veniam non dedisse, quod de peccatoris est merito.]

Præsumunt nihilominus Prædestinatiani sibi beati Iob libri sententiam, vt verisimile suum possint ostentare mendacium, qua dicitur, *Anima eius quodcumque voluit hoc fecit.* Quam exponens in Moralibus Iob. 21. 13. beatus Gregorius dicit, Sic itaque eius anima quodcumque voluit Lib. xvi. hoc fecit, vt inde quoque voluntatem suam impleat, vnde voluntati illius repugnari videbatur.] & item, Aliquando facere Dei est, id quod fieri prohibet irascendo permittere.] Et S. Augustinus in libro de Bono perseuerantiæ dicit, Nihil fit, nisi quod aut Deus facit, aut fieri ipse permittit.] Legant adhuc contentiosi cum istis, si non sufficiunt, testimonium, quod posuimus ex libro de Spiritu & littera sancti Augustini. Ob quorum etiam controuersiam simplicibus exponenda est Euangelij Lucæ sententia qua dicitur, *Contendite intrare per angustam portam, quia multi, dico vobis, querent intrare & non poterunt.*] Hinc Beda, Quærent, inquit, intrare salutis amore prouocati, & non poterunt itineris asperitate deterriti. Quærent hoc ambitione præmiorum, à quo mox laborum timore refugiunt, Non quia iugum Domini asperum & onus est graue, sed quia nolunt discere ab eo quoniam mitis est & humilis corde, vt inueniant requiem animabus suis, eoque fit angusta porta qua in-

tratur ad vitam.] & post paululum, Nam foris stantes ostium pulsare est, à Beatorum forte secretos misericordiam quam neglexerant à Deo frustra flagitare. Et respondens dicet vobis, Nescio vos vnde sitis: quia tunc velut incognitos Deus deserit, quos modò suos per vitæ meritum non agnoscit.] Et Gregorius, Hinc etenim Paulus dicit, *Ignoras quoniam benignitas Dei ad pœnitentiam te adducit? secundum duritiam autem tuam & cor impœnitens, thesaurizas tibi iram in die iræ & reuelationis iusti iudicij Dei.* Hinc Psalmista ait, *Deus index iustus, fortis & longanimis* Dicturus quippe longanimum, præmisit iustum, ut quem vides peccata delinquentium diu patienter ferre, scias hunc quandoque etiam districtè iudicare. Hinc per quendam sapientem dicitur, *Altissimus enim est patiens redditor.* Patiens enim redditor dicitur, quia peccata hominum patitur & reddit. Nam quos diu ut conuertantur tolerat, non conuersos durius damnat.] Vult enim placari precibus, qui scit quia portari non possit iratus. cum adhuc moram facit venire, legationem pacis sustinet. Venisset iam namque si vellet, & cunctos suos aduersarios trucidasset. Sed & quam terribilis veniet indicat, & tamen ad veniendum tardat: quia non vult inuenire quos puniat, qui venit quærere & saluum facere quod perierat, qui vult omnes homines saluos fieri, & neminem vult perire, qui omnes ad salutem dignatus est inuitare, *Venite, inquit, ad me omnes qui laboratis & onerati estis, & ego reficiam vos.*] Hinc Beda in Euangelio Lucæ, Moralis Dominus omnes inuitat, nec volentes repudiat, nec inuitos alligat, nec adeuntes reicit, nec rogantibus deest, qui prope est omnibus inuocantibus se in veritate, scrutans corda & renes Deus, cui cum patre, in vnitæte Spiritus sancti debetur omnis honor & adoratio per omnia sæcula sæculorum. Amen.

CAPVT XXVII.

Ratio reddenda quarti Capituli incipit, quod nos contra Prædestinatos excerpimus, quòdque Capitulorum quæ nobis dedistis Compositor errore nimio denotauit, deuocans in medium, ad exaggerandam reprehensionis nostræ notam, Antichristum & impios in sua impietate defunctos, & ante aduentum Christi igne damnatos aeterno.

RATIONEM reddendam quarti Capituli adeuntes, gratiam Christi Domini nostri deposcimus, ut sano fidei intellectu, sanctarumque scripturarum auctoritatibus, & orthodoxorum testimoniis, ab obrectatorum nostrorum venundationibus, qui de nostra infamatione sibi quærunt emere laudis famam, redimat nos qui redemit Israel ex omnibus iniquitatibus suis, & sit nobis semper in om-

nibus & vbiq̃ue in Deum protectorem, & in locum munitum, vt saluos faciat nos ab hæreticæ prauitatis muscipulis captiosis. De huius Capituli sensu veteres Prædestinatiani dixerunt, sicut Yginus scribit, & sanctus Prosper demonstrat obiectione ix. Gallorum, quod non pro totius mundi redemptione Saluator sit crucifixus. Et item prima Vincentianorum obiectione, Quia Dominus noster Iesus Christus non pro omnium hominum salute & redemptione sit passus. Et Gotescalcus nouorum Prædestinarianorum signifer, in libello ad Rabanum Archiepiscopum Moguntinum, ita dicit ad locum, Illos omnes impios & peccatores, quos proprio fusso sanguine filius Dei redimere venit, hos omnipotentis Dei bonitas ad vitam prædestinatos in retractabiliter saluari tantummodò velit: & rursum, illos omnes impios & peccatores, pro quibus idem filius Dei nec corpus adsumpsit, nec orationem ne dico sanguinem fudit, neque pro eis vlllo modo crucifixus fuit, quippe quos pessimos futuros esse præsciuit, quosque iustissimè in æterna præcipitandos tormenta præfiniuit, ipsos omnino perpetim saluari penitus nolit.] Scripsit & alia sub hoc sensu multipliciter replicando, quæ hîc superfluum duximus ponere, cum hinc quisque sensum illius sufficienter possit cognoscere. Scripsit & domnus Prudentius in sæpe memorata epistola ad Wenilonem Archiepiscopum suum, pro ordinando Ænea Parisiorum Episcopo, Capitulo iii. dicens, Vt credat & confiteatur cum omnibus catholicis, sanguinem Domini nostri Iesu Christi pro omnibus hominibus ex toto mundo in eum credentibus fusum: non autem pro illis qui nunquam in eum crediderunt, nec hodieque credunt, nunquam nec credituri sunt, dicente ipso Domino, *Venit enim filius hominis non ministrari, sed ministrare, & dare animam suam redemptionem pro multis.* Et compositor istorum Capitulorum, quibus nos respondere iussistis, quarto Capitulo dicit, Item de redemptione sanguinis Christi, propter nimium errorem qui de hac causa exortus est, ita vt quidam, sicut eorum scripta indicant, etiam pro illis impiis, qui à mundi exordio vsque ad passionem Domini in sua impietate mortui æterna damnatione puniti sunt, effusum eum diffiniant, contra illud Propheticum, *Ero mors tua ô mors, ero morsus tuus inferne.*]

Matth.
10.28.

Osee 13.
14

Miramur cur istorum compositor Capitulorum omisit quod quidam, ad confutandos nos, quia non rectè dixerimus Christum pro omnibus passum, licet non omnes passionis eius mysterio sint redempti, impiis & peccatoribus, ab initio mundi pro suis sceleribus in infernum demersis & æternaliter cruciandis, diabolus cum suis refugis Angelis & Antichristum solent apponere. Quos cum aliis stultitia perditis in libro de Consolatione Philosophiæ Boëtius complangit dicens, *Eheu quàm miseros tramite deuos abducit ignorantia!* Et sanctus Gregorius in Regula Pastoralis de talibus dicit, quia quod al-

Parte 1.
cap. 11.

bugo in oculo, hoc arrogantia agit in mente: quæ cum candorem sibi iustitiæ seu sapientiæ tribuit, à luce se supernæ cognitionis excludit, & eo claritatem veri luminis nequaquam penetrat, quo se apud se per arrogantiam exaltat, sicut de quibusdā dicitur, *Dicentes enim se esse sapientes, stulti facti sunt.* Scripsit enim quidam delirus, quem supra memorauimus, contra nos dicens, De secunda, inquit, diffinitione, qua in illis capitulis diffinitum est, quod nullus homo est fuit vel erit, pro quo Christus passus non fuerit, quid aliud respondere possumus, nisi ut primum ipsos qui hoc diffinierunt sedulo interrogemus, & admoneamus, ut vigilanter & fideliter pensare studeant, ne forte minus considerando quod dicendum erat, contra fidem & conscientiam suam talia dixerint & scripserint. Nam ut taceamus de his qui nunc sunt, vel adhuc usque ad finem sæculi futuri sunt, in quibus utique Antichristus erit, certè de illa innumerable multitudinem impiorum, qui fuerunt ab initio mundi usque ad aduentum Domini, & in sua impietate mortui & æternis penis sunt condemnati, nec ipsos qui hoc dixerunt credere putamus, quod pro his in sua impietate mortuis, & æterno iam iudicio condemnatis, Dominus passus esse credendus sit. Si enim pro his passus esse creditur, cur etiam pro Diabolo & Angelis eius similiter passus esse non creditur? Cui conuenienter ex Evangelio verbis Dominicis respondere valemus, Erras nesciens scripturas, neque virtutem Dei. Paulus Apostolus dicit, *Nusquam enim Angelos adprehendit, quin Deus, sed semen Abraham adprehendit.* Vnde Ioannes Chrysostomus. Quia non quemquam Angelorum adprehendit, id est non cuiuslibet Angeli naturam suscepit, sed semen Abraham adprehendit. Non enim Angelis tanta dignitas donata est, ut in una persona Dei filius eorum naturæ coniungeretur: sed hunc honorem & hanc dignitatem humanæ naturæ Deus Dei filius concessit, ut Deus & homo una esset persona. Quare dixit adprehendit? quia nos quasi recedentes ab eo & longè fugientes insecutus adprehendit, & in unam personam nostræ fragilitatis naturam sibi contemperavit. Hoc ergo redimere debuit quod adsumpsit. ut beatus Gregorius in libro ix. Moralium dicit, Angelorum, inquit, spiritus idcirco inremissibiliter peccauerunt, quia tanto robustius stare poterant, quanto eos carnis admixtio non tenebat. Homo verò idcirco post culpam veniam meruit, quia per carnale corpus aliquid quo semetipso minor esset accepit. Vnde & apud respectum iudicis argumentum pietatis est hæc eadem infirmitas carnis.]

Cap. 23.

Est & alia causa qua perierunt inreparabiliter refugi spiritus, & homo gratia meruit reparari. scilicet, quia Diabolus propria periit iniquitate, homo verò etiam diabolica persuasione, sicut Alcuinus in libro responsionum Geneseos ad Sigulfum demonstrat. Vnde & sanctus Ambrosius in psalmo cxviii. dicit, Fortasse dicas, qua ratio-

ne non dictum sit, misericordia Domini plenum est cælum, quia sunt etiam spiritales nequitiae in caelestibus. Sed non illae ad commune eius indulgentiae donum remissionemque pertinent peccatorum, quibus ignis seruatur æternus.] Et sanctus Theophilus Alexandrinus Episcopus in secunda Synodali epistola dicit, Verum quid ista memoramus, cum in tantam eruperit Origenes vecordiam, immo dementiam, ut aliud Saluatori crimen impingat, dicens eum & pro daemonibus ac spiritalibus nequitias apud superos adfigendum cruci, nec intelligit in quam profundum impietatis corruat baratrum? Si enim Christus pro hominibus passus homo factus est, ut scripturarum testantur eloquia, consequens erit, ut dicat Origenes, & pro daemonibus passurus daemon futurus est. Hoc enim necessitate cogitur ut inferat, ne ab eo quod cepit discrepare videatur imitator. Et illi enim Christo similiter loquebantur, *Demonium habes, & in Beelzebub principe demoniorum eicis demonia.* Sed absit, ut pro daemonibus Christus passus sit, ne & ipse daemon fiat. & qui hoc credunt, rursum crucifigunt & ostentui habent filium Dei, qui nequaquam ut semen Abraham adprehendit, ita adsumet & daemonum, ut pro illis quoque crucifigatur. Nec daemones pro se, Deum in passione cernentes, cum Propheta clamabunt, *Hic peccata nostra portauit, & pro nobis dolet.* neque cum Efaia dicent, *Linore eius sanati sumus.* nec pro daemonibus, sicut pro hominum genere, *quasi ovis Christus ducetur ad victimam.* nec pro eorum salute dicetur, *proprio filio non pepercit.* quia nec daemones clamabunt, *Traditus est pro peccatis nostris, & resurrexit pro iustificatione nostra.* Paulus quidem perspicue scribit, *Tradidi enim vobis in primis quod accepi, quia Christus mortuus est pro peccatis nostris secundum scripturas.* illas in testimonium vocans, & volens earum auctoritate firmare quod dubium est. Origenes autem, absque ullo diuinæ vocis testimonio, vim facere nititur veritati, & extincta lucerna inuenire eam. Fautor daemonum, & non hominum, crebris calumniis laceffit filium Dei, & denuo crucifigit, non intelligens in quam profundam & horribilem impietatis voraginem detrahatur. Consequens enim est, ut qui priora susceperit, suscipiat & quæ sequentur, ut qui pro daemonibus Christum dixerit crucifigi, ad ipsos quoque dicendum esse suscipiat, *Accipite & edite, hoc est corpus meum, & accipite & bibite, hic est sanguis meus.* Si enim & pro daemonibus crucifigetur, ut nouorum dogmatum adsertor affirmat, quod erit privilegium, aut quæ ratio, ut soli homines corpori eius sanguinique communicent, & non daemones quoque, pro quibus in passione sanguinem fuderit? Sed nec daemones audient, *Accipite & edite, & accipite & bibite,* nec Dominus sua præcepta dissoluet, qui discipulis ait, *Nolite dare sanctum canibus, nec mittatis margaritas vestras ante porcos, ne forte conculcent eas pedibus suis, & conuersi disrumpant vos.* Nam & Apostolus scribens, *Nolo vos participes demonum fieri. non potestis*

Matth. 12.
18.Matth. 12.
24.

Esa 53.

1. Cor. 15.

Marc. 16.
26.

Matth. 5. 6.

1. Cor. 10. 4

calicem Domini bibere & calicem demoniorum, non potestis mensæ Domini participari & mensæ demoniorum, impossibile esse demonstrat, dæmones de calice Domini bibere, & de mensa eius participari. **Abac. 1. 16.** Cibis diaboli negatores Dei sunt, Abacuc loquente, *Esca eius electæ.* cibus autem impiorum omnium execrabilis ipse diabolus, **Psal. 71. 14.** phetæ vaticinio concrepante, *Dedisti eum escam populis Æthiopibus.* Ex quibus omnibus adprobatur, Christum pro dæmonibus non posse crucifigi, ne dæmones corporis & sanguinis eius participes fiant. **Heb. 7. 27.** Cum ergo & Apostolus de Salvatore significet, *Hoc enim fecit semel seipsum offerens,* & Origenes tam audaciter illius sententiæ contradicat, tempus est illud inferre, *Terra, terra, terra, audi verbum Domini, scribe virum istum abdicatum.* Quis enim infernus hæc mala suscipere potest? qui Tartarus de rebus istiusmodi cogitare? quæ gigantum insania tam rebellis extitit, & turrem impietatis extruxit? quæ libido lasciuens, & dæmonum amore deperiens, sic vniuerso dogmati transeunti diuaricauerit crura mentis suæ? Quis in tantum de Sodomitica vinea bibit, vt inebriatus vino furoris eius toto corde conciderit? Quis Babyloniorum ita fluminum gurgitibus inrigatus viuos Israel fontes reliquit? quis egrediens de Hierusalem, & Hieroboam filij Nabath imitator existens, tot errorum fabricatus altaria est, & ararum profana tura succendit? Cur Datan & Abiron, qui minora peccarunt, non venient ante tribunal Christi, vt suum cum comparatione condemnent, qui extra Ecclesiam Saluatoris variarum doctrinarum turibula diabolico igne compleuit? Neque enim Dominus, qui loquitur per Prophetam, *Ego visiones multiplicavi, & in manibus Prophetarum adsimilatus sum,* adulterinas cum docuit proferre doctrinas, nec qui à principio ipsi viderunt, & ministri fuerunt verbi Dei. Nec prophetarum chorus, qui olim vocabantur Videntes, hæc cum instituit: sed ipse suæ mentis arbitrio furori dæmonum seruiens, & blando cogitationum errore deceptus, gregem, & vt ita dicam, examen dogmatum peruersorum per totum orbem immisit mentibus indoctorum. Iste est, qui Assyriis Babyloniisque fluminibus aperuit os suum. qui nauem Ecclesiæ, bonarum mercium plenam salutis doctrinæ, fluctibus operire conatus est, dum imperitorum laude sustollitur, & scripturarum sensum aliter quàm se habet veritas edisserens, gloriatur in confusione. Quis enim tam innumerales & garrulos & verbositatis atque imperitiæ plenos conscripsit libros, & infatigabili studio dies noctesque coniunxit, vt errorum monimenta dimittens mereretur audire, *Multis itineribus tuis deceptus es.* Vsus est enim duce pessimo aura populari, & plurimis falsæ scientiæ voluminibus exaratis, ac rebeli contra Deum mente pugnans, vnguento cælestium doctrinarum saniem quandam & putorem sui foetoris immiscuit, vt rursus ad suam animam diceretur, Immunda & famosa & nimia iniquitatibus. Neque enim prophetam audire

voluit commonentem, *Quare diligitis vanitatem, & queritis mendacium?* Qui pro dæmonibus Christum adfigit cruci, ut non solum Dei & hominum, sed dæmonum quoque mediator fiat. Verum absit tam immane nefas de Salvatore credere, ut templum corporis sui, quod pro nobis suscitare dignatus est, amissurus, aliud sibi templum dæmonicæ conditionis adfigat, ut illorum quoque recepta similitudine pro ipsis patibulum subeat. Obsecro, fratres dilectissimi, ut ignoscatis dolori meo doctrinis impiis resistenti. Dum enim impudentiam sectatorum eius repercutere nitimur, compagem lorice ipsius, & venenati pectoris fraudulentias in medium protulimus, ut illud quoque compleretur in eo, *Reuelabo ignominiam tuam, & ostendam eam amatoribus tuis.*

Psal. 4.3.

Ezech. 16.
37.

De Antichristo autem sanctus Gregorius in libro *Moralium xxxi.* dicit, Quia ergo per vndenarium numerum transgressio exprimitur, huius bestię cornu vndecimo ipse auctor transgressionis iudicatur, quod videlicet paruulum oritur, quia purus homo generatur, sed immaniter crescit, qui vsque ad coniunctam sibi vim Angelicę fortitudinis proficit.] & item, Principium viarum Dei Vehemoth dicitur: quia nimirum cum cuncta creans ageret, hunc primum condidit, quem reliquis Angelis eminentiorem fecit.] & item, Quid autem cauda Vehemoth istius, nisi illa antiqui hostis extremitas dicitur, cum vas proprium illum perditum hominem ingreditur, qui specialiter Antichristus nuncupatur?] & item, Tunc Antichristus mundi gloriã temporaliter obtinens, mensuras hominum & honoris culmine & signorũ potestate transcendit. Spiritus quippe in illo est, qui in sublimibus conditus, potentiã naturę suę non perdidit vel deiectus.] & item in Edicto ciuibus Romanis proposito, Peruenit, inquit, ad me quosdam presbyteros peruersi spiritus homines, praua inter vos aliqua, & sanctę fidei aduersa seminasse, ita ut die Sabbati aliquid operari prohiberent. Quos quid aliud nisi Antichristi prædicatores dixerim, qui veniens diem Sabbatum atque Dominicum ab omni faciet opere custodiri? Quia enim mori se & resurgere simulabit, haberi in veneratione vult diem Dominicum: & quia Iudaizare populum compellet, ut exteriorem ritum legis reuocet, & sibi Iudæorum perfidiam subdat, coli vult Sabbatum.] Et Beda in *Chronica sua*, Et vidi, inquit, de mari bestiam ascendentem, & dedit illi draco virtutem suam & potestatem magnam. id est, vidi hominem sæuissimi ingenij, de tumultuosa impiorum stirpe progenitum. Cui mox nato, & per magicas artes à pessimis imbuto magistris, adiungens se diabolus, totam virtutis suę potentiã, per quam magica ceteris omnibus maiora patraret, indiuiduus comes attulit. Et data est potestas, inquit, illi facere menses *XLII.* id est, tres annos & dimidium. Percusso autem illo perditionis filio, siue ab ipso Domino, siue à Michaelē Archangelo, ut quidam docent, & æterna ultione damnato, non continuo

Cap. 11.

Cap. 18.

Cap. 12.

Cap. eodē.

Libro xi.
epist. 3.

dies iudicii secuturus esse credendus est. Alioqui scire possent homines illius æui tempus iudicii, si post tres semis annos inchoatæ persecutionis Antichristi confestim sequeretur.] Et sanctus Hieronymus, exponens sententiam Danielis, Beati, inquit, qui interfecto Antichristo supra M. CC. XX. dies, id est tres semis annos dies XLV. præstolantur, quibus est Dominus atque saluator in sua maiestate venturus.] Et item Gregorius in XXXII. Moraliū libro. Quod per Daniele subiungitur, *sine manu conteretur*, hoc per Paulum exprimitur, *quem Dominus Iesus interficiet spiritu oris sui, & destruet in illustratione aduentus sui*. Sine manu scilicet conteretur, quia non Angelorum bello, non sanctorum certamine, sed per aduentum iudicis solo oris spiritu æterna morte ferietur.] & item, Sed quia quale sit iniquorum caput audiuius, nunc huic capiti quæ membra adhæreant agnoscamus. Quisquis namque in superbia extollitur, quisquis auaritiæ desideriis cruciatur, quisquis luxuriæ voluptatibus soluitur, quisquis iniustæ ac immoderatæ iræ flagris ignitur, quid aliud quàm Antichristi testis est? Et in epistola Ioannis Apostoli scriptum est, *Et sicut audistis quia Antichristus veniet, & nunc Antichristi multi sunt.*]

Hinc venerabilis presbyter Beda dicit, Antichristos dicit hæreticos. Sed & illos, qui fidem catholicam quam confitentur peruersis actibus destruunt. Vnde constat quia Antichristus contrarius Christo vocatur. Omnes illi maximo Antichristo in fine sæculi venturo quasi suo capiti testimonium reddunt. sicut & Paulus dicit, quia *mysterium iam operatur iniquitatis*. de cuius præconibus iterum scriptum est, *Ex nobis exierunt, sed non erant ex nobis*. Non enim exeunt foras nisi Antichristi. Vnde & de Iuda, præcipuo Antichristo totius temporis usquequo ille maximus veniat Antichristus, scriptum est, quia *misit Diabolus in cor Iudæ ut traderet eum*, & post buccellam, *introiuit in eum Satan*, & *exiuit*. continuo. qui appellatus est filius perditionis, sicut & maximus Antichristus.] & item, Iudas Antichristus tradidit eum qui veraciter dicitur Christus, & colitur Deus, qui est super omnia benedictus in sæcula. Ille autem in tempore suo aduersabitur & extolletur super omne quod dicitur Deus, aut quod colitur, ita ut in templo Dei sedeat, ostentans seipsum quasi ipse sit Deus.] De isto autem, id est Iuda, post multa in libro Hypomnesticon S. Augustinus dicit, Talis est periturorum omnium causa, licet culpa sit à culpa dissimilis.] Et de illo eiusque corpore S. Gregorius in libro XXXIII. Moraliū dicit, *Et videntibus cunctis precipitabitur*. Cunctis enim videntibus precipitabitur, quia æterno tunc iudice terribiliter appa-
rente, adstantibus legionibus Angelorum, adistente tunc ministerio cælestium potestatum, atque electis omnibus ad hoc spectaculum deductis, ista belua crudelis & fortis in medium captiua deducetur, & cum suo corpore, id est cum reprobis omnibus, æternis gehennæ incendiis mancipabitur, cum dicetur, *Discedite à me maledicti in ignem æter-*

Cap. 12.

Dan. 8. 15.

2. Theff. 1.
8.Ibid. in fin.
& cap. 13.1. Ioan. 12.
18.

2. Theff. 2. 7

1. Ioan. 2. 19

Luc. 22. 3.

Cap. 19.

Matth. 25.
45.

æternum, qui paratus est diabolo & angelis eius.] Vnde quia homo erit reprobis & caput reproborum, eorum scilicet & aliorum omnium, qui ab initio mundi usque ad aduentum Domini, quos istorum compositor Capitulorum, in suggillationem nostram, æternis pœnis traditos in testimonium deduxit, sed & eorum qui post aduentum Domini usque ad finem mundi in infidelitate & perseveranti iniquitate ad eius pertinebunt consortium, cum in proximo de eisdem reprobis quid catholici doctores sentiant scribemus, quisque calumniator noster se ante se ponat, & utrum nos per Antichristum falsa scripsisse possit reuincere videat, & si defensores atque adiutores catholicos magistros contra illum inuenire non potuerimus, cum tripudio de nobis triumphet. Hominem quippe, ut præmisimus, & sanctus Paulus & sanctus Gregorius & ceteri quique doctores illum futurum dicunt & nos credimus, & quilibet reprehensor noster denegare non volet. Et si homo erit, licet diabolo comite plenus, in quantum homo quanquam reprobis morietur. quem Dominus Iesus, sicut scriptum est, interficiet spiritu oris sui, & destruet in illustratione aduentus sui: quando sicut fulgur, quod exit ab oriente & parit in occidente, erit aduentus ipsius Dei & hominis filij. & quia morietur resurget, sicut item scriptum est, *Ad te omnis caro veniet, & videbit omnis caro*, quod non sine anima in resurrectione fiet, *salutare Dei*. Ad cuius aduentum, secundum fidem catholicam, omnes homines resurgere habent cum corporibus suis. Si omnes, & ille homo de quo agitur, qui ut scriptum est in suo nomine veniet Antichristus. & si aliquid aliis reprobis, ipsius scilicet membris, passio Christi contulit, nec capiti denegauit, sicut catholicorum sententiis ostendimus. Primò tamen contra compositorem Capitulorum, de quibus agitur, de parte istius Capituli quod Deus dederit respondebimus, & tunc ex ordine ad respondendum his quæ sequuntur ipso fauente progrediemur.

Non ita scripsimus, sicut compilator iste composuit, & quare Capitula à nobis excerpta ponere sicut sunt scripta noluerit, ipse viderit. Credimus tamen quia iam vidit à pictoribus nigrum colorem albo substratum, ut quod erat lucidum ex tenebrosi comparatione clariùs videretur: & ideo noluit veritatem, à nobis de veridicis auctoribus sumptam, tenebris mendacij sui componere, ne minùs incautos fallere præualeret, & faciliùs mendax fidelibus innotesceret. Scripsimus namque de Prosperi verbis, & ipsius ac aliorum orthodoxorum sensibus, cap. IV. *CHRISTVS IESVS Dominus noster sicut nullus homo est, fuit, vel erit, cuius natura in illo adsumpta non fuerit, ita nullus est, fuit, vel erit homo, pro quo passus non fuerit, licet non omnes passionis eius mysterio redimantur. Quia verò omnes passionis eius mysterio non redimuntur, non respicit ad magnitudinem & pretij copiositatem, sed ad infidelium & ad non credentium ea fide quæ per dilectionem operatur, respicit partem, quia*

poculum humana salutis, quod confectum est de infirmitate nostra & virtute diuina, habet quidem in se ut omnibus prosit, sed si non bibitur non medetur.

Os. 13. 14. Paret quia sicut dixit non scripsimus contra illud propheticum, *Ero mors tua ô mors, ero morsus tuus inferne*, dicentes, quia verò omnes passionis eius mysterio non redimuntur, non respicit ad magnitudinem & pretij copiositatem, sed ad infidelium & ad non credentium ea fide quæ per dilectionem operatur, respicit partem. Neque enim sanctum Gregorium in Homilia xxii. quando hæc scripsimus, dixisse nesciuimus, Per hanc electi, qui quamuis in tranquillitatis sinu, tamen apud inferni claustra tenebantur, ad paradisi amœna reducti sunt. Quod ante passionem dixit, in resurrectione sua Christus impleuit, *Si exaltatus fuero à terra, omnia traham ad me*. Omnia etenim traxit, qui de electis suis apud inferos nullum reliquit. Omnia abstulit, utique electa. Neque etenim infideles quosque, & pro suis criminibus æternis suppliciis deditos, ad veniam Dominus resurgendo reparauit: sed illos ex inferni claustro rapuit, quos suos in fide & actibus recognouit.] Et hinc diximus, *quia qui non redimuntur, non ad pretij copiositatem, sed ad infidelium respicit partem*] Subsequitur sanctus Gregorius, Vnde rectè etiam per Osee dicit, *Ero mors tua, ô mors.*] Ac si apertè dicat, quia in electis meis te funditùs perimo, *ero morsus tuus inferne*, quia sublatis eis te ex parte transfigo. & hinc diximus, *Nullus homo est pro quo Christus passus non fuerit, licet non omnes passionis eius mysterio redimantur*. Sed & quando hæc scripsimus, non ignorauimus sanctum Augustinum, in Catalogo hæreseon ad Quodvult-deum diaconum scripto, lxxx. loco hæresim descripsisse de qua dicit, Est hæresis, quæ dicit descendente ad inferos Christo credidisse incredulos, & omnes exinde liberatos.] Et venerabilem presbyterum Bedam in expositione primæ epistolæ Petri scripsisse legimus, Quidam hunc locum ita interpretatus est, quòd consolationem illam, de qua dicit Apostolis Dominus, *Multi Prophetæ & iusti cupierunt videre quæ vos videtis, & non viderunt, & audire quæ auditis & non audierunt*, de qua & Psalmista, *Defecerunt, inquit, oculi mei in eloquium tuum, dicentes quando consolaberis me?* Sancti quiescentes in inferno desiderauerint, quòd hæc, descendente in inferna Domino, etiam his qui in carcere erant, & increduli quondam fuerant in diebus Noë, consolatio vel exhortatio prædicata fuerit. Hæc illè dixerit. Sed catholica fides habet, quia descendens ad inferna Dominus, non incredulos inde, sed fideles solummodo suos educens, ad cælestia regna secum perduxerit: neque exutis corpore animabus, & inferorum carcere scelerum inclusis, sed in hac vita vel per seipsum, vel per suorum exempla siue verba fidelium, quotidie vias vitæ demonstret.] Quapropter diximus, *Pro omnibus Christus passus fuit, licet non omnes passionis eius mysterio redimantur, & quia non omnes redimuntur, non ad pretij magnitudinem, sed ad non credentium respicit partem*. Et quoniam in

Non longè à principio.

Ioan. 12. 32.

Hæc. 79.

Cap. 111.

Marth 13. 17.

Psalm. 118. 82.

processu reddendæ rationis de isto Capitulo ex catholicorum dictis ostendere procurabimus, quod catholicè scripsimus, quia *Christus pro omnibus passus fuit, licet non omnes passionis eius mysterio redimantur.* scilicet & pro his, qui ante aduentum illius extiterunt, sed & pro his quos passio illius in carne inuenit.

CAPUT XXVIII.

Qualiter de impiis in sua impietate defunctis senserunt Catholici, pro his etiam passum fuisse Dominum, licet non eius passionis mysterio ad salutem perpetuam sint redempti.

VERVM & pro his, qui post passionem & resurrectionem ipsius, & exorti, & exorturi sunt usque in finem sæculi, ut demonstramus non timere nos calumnias istius obrectatoris nostri, quid de reprobis, quos in suo quarto Capitulo ad reuincendos nos in medium deuocauit, senserunt & scripserunt catholici, utrum quiddam eis passio & resurrectio Christi contulerit, etsi nihil illis, eorum exigentibus culpis, ad salutem profuerit, ostendamus. quoniam certum est, si aliquid eis passio Domini contulit, pro eis etiam Dominus passus fuit, cuius passio quoniam ad salutem illis non profuit, ad infidelium, sicut sanctus Prosper dicit, & nos ex verbis illius scripsimus, respicit partem, non ad sacramenti virtutem. Dicat autem Paulus, & exponat Ambrosius, quid passio Christi cunctis generaliter fidelibus & infidelibus contulit, quæ solis ad salutem fidelibus profuit. Sicut enim, inquit Paulus, *In Adam omnes moriuntur, ita & in Christo omnes uiuificabuntur.* Hinc sanctus Ambrosius in Commento ipsius epistolæ, Hoc dicit, quia sicut Adam peccans mortem inuenit, & tenuit, ut omnes ex eius origine dissoluantur, ita & Christus non peccans, & per hoc vincens mortem, (quia qui non peccat vincit mortem, quia mors ex peccato,) omnibus qui sunt ex eius corpore adquisiuit vitam, id est resurrectionem. Quamuis ergo generalem omnibus tribuerit resurrectionem, ut sicut in Adam omnes siue iusti siue iniusti moriuntur, ita & in Christo omnes tam credentes quam diffidentes resurgant, licet quidam ad pœnam: increduli tamen uiuificari videntur, quia corpora sua recipient, iam non morituri, sed passuri pœnam in eis sine fine, quod credere noluerunt. Et beatus Ioannes Chrysostomus in libro de Reparatione lapsi, Scriptura, inquit, dicit quia & peccatores induent incorruptionem, scilicet non ad honorem vitæ, sed ad diuturnitatem supplicij profuturam. Et sanctus Hilarius in expositione Psalmi cxviii. Exprobrat enim superbis atque maledictis, cur nihil in sacramento sanguinis sui atque mortis utilitatis suæ esse existimauerint, cum ille nostræ causa & natus, & passus, & mortuus

1. Cor. 15.
22.

Verf. 22.

Yerf. 8.

Rom. 5. 8.

Lib. vii. de
Trinitate
sub mediū.

2. Cor. 5. 14

Pfal. 100. 11.

fit.] Et item idem sanctus Hilarius concordans sancto Ambrosio in Psalmo LV. dicit, *Sicut expectauerunt, inquit, animam meam, pro nihilo saluos facies illos, in ira populos deduces.* Nouus hic Prophetæ sermo est, ut eos qui expectant animam suam ad nihilum Deus saluet. Et cum aliud sit ad nihilum, aliud saluari, nunc salus quæ in eos fiet in nihilum sit. Est ergo quod saluetur in nihilum, est planè, quicquid resurrectione concessa demutatione non dignum est. Nam cum omnis caro redempta in Christo sit ut resurgat, & omnem adstiteri ante tribunal eius necesse sit, non tamen omnibus gloria & honor est promiscuus resurgendi. Quibus ergo tantum resurrectio, non etiam demutatio est tributa, hi saluantur in nihilum. In ira enim deducuntur hi populi, quibus ad pœnæ sensum salus resurrectionis est constituta. A qua ira eripiendos nos Apostolus pollicetur dicens, *Quoniam si cum adhuc peccatores essemus, Christus pro nobis mortuus est, multo magis iustificati in sanguine eius saluabimur per eum ab ira.* Pro peccatoribus igitur ad salutem resurrectionis est mortuus, sed sanctificatos in sanguine suo saluabit ab ira.] Et item sanctus Ambrosius in epistola ad Corinthios, Quid est autem reos esse, nisi pœnas dare mortis Domini? Occisus est enim pro his qui beneficium eius in irritum ducunt.] Et item sanctus Hilarius in libro III. de Fide, Dei filius crucifigitur, sed in cruce hominis mortem Deus vincit. Christus Dei filius moritur, sed omnis caro viuificatur.] Et sanctus Augustinus in libro XX. de Ciuitate Dei capitulo VI. ad locum, Nec fecit hîc vllam differentiam bonorum & malorum. Omnibus enim bonum est audire vocem eius, & viuere, ad vitam pietatis ex impietatis morte transeundo. De qua morte ait Apostolus Paulus, *Ergo omnes mortui sunt, & pro omnibus mortuus est, ut qui viuunt iam non sibi uiuant, sed ei qui pro ipsis mortuus est, & resurrexit.* Omnes itaque mortui sunt in peccatis, nemine prorsus excepto, siue originalibus, siue etiam voluntate additis, vel ignorando, vel sciendo nec faciendo quod iustum est, & pro omnibus mortuis viuus mortuus est vnus, id est, nullum habens omninò peccatum: ut qui per remissionem peccatorum viuunt, iam non sibi viuunt, sed ei qui pro omnibus mortuus est propter peccata nostra, & resurrexit propter iustificationem nostram. ut credentes in eum qui iustificat impium, ex impietate iustificati, tanquam ex morte viuificati, ad primam resurrectionem quæ nunc est pertinere possimus. Ad hanc enim primam pertinent qui beati erunt in æternum: ad secundam verò, de qua mox locutus est, & beatos pertinere docebit & miseros. Ista est misericordia, illa iudicij. Propter quod in Psalmo scriptum est, *Misericordiam & iudicium cantabo tibi Domine.*]

De istis omnibus, qui aut ad misericordiam, aut ad iudicium pertinebunt, quicumque calumniatorum nostrorum voluerit, excipiat si potuerit, de quo suprâ scripsimus, Antichristum. Propterea & nos

ex verbis Prosperi scripsimus, quia *Christus pro omnibus passus est*, licet non omnes passionis eius mysterio redimantur: quia verò omnes passionis eius mysterio non redimuntur, non ad pretij magnitudinem, sed ad non credentium respicit partem. Vnde & sanctus Gregorius in Homilia viii. Ezechielis dicit, Notandum quia postquam mala parentum defunctorum dixerat, mittens Prophetam ad filios dicit, *si forte vel ipsi audiant, & forte quiescant*. Quid est dicere *vel ipsi*, nisi quia eorum patres qui in culpa defuncti sunt, audire noluerunt?] Et Prosper contra Gallos actione ix. dicit, Redemptor mundi dedit pro mundo sanguinem suum, & mundus redimi noluit, quia lucem tenebræ non receperunt, & tenebræ receperunt, quibus dicit Apostolus, *Fuistis aliquando tenebræ, nunc autem lux in Domino*.] Et hoc est, quod compilerator iste in Capitulo, licet non recto sensu, subiungens continuauit. Illud nobis simpliciter & fideliter tenendum ac docendum placet iuxta Euangelicam & Apostolicam veritatem, quod pro illis datum pretium teneamus, de quibus ipse Dominus noster dicit, *Sicut Moyses exaltauit serpentem in deserto, ita exaltari oportet filium hominis, ut omnis qui credit in ipsum, non pereat, sed habeat vitam æternam*. Sic enim Deus dilexit mundum, ut filium suum vnigenitum daret, ut omnis qui credit in eum non pereat, sed habeat vitam æternam. Quod licet expositione non indigeat, quoniam Dominus omnia quæ voluit ab omnibus obseruari tam manifestissimè dixit, ut ab omnibus possint intelligi, & nemo sit sanum sapiens, qui apertissimè non intelligat, quia pro omnibus filius hominis in cruce exaltatus, & vnigenitus Dei filius pro mundo sit datus, ut in eo omnibus parata sit salus, sed omnis qui credit in eum non pereat. tamen & sanctus Papa Leo, in epistola ad Leonem Augustum, breuiter & luculenter horum sensum testimoniorum ex sancto Euangelio exponit dicens, Effusio, inquit, iusti pro iniustis sanguinis Christi tam fuit diues ad pretium, ut si vniuersitas captiuorum in redemptorem suum crederet, nullum diaboli vincula retinerent.] Quæ sit autem vniuersitas captiuorum, Apostolus demonstrat dicens, *ex vno isse omnes in condemnationem, in quo omnes peccauerunt*. Quæ enim maior potest esse captiuitas, quàm de Dei filiis diaboli filios, & de Paradisi incolis fieri æternæ perditioni obnoxios?]

Testimonium autem Apostolicum, quod subiunxit Capitulorum compositor ad suam confirmandam sententiam, quod Christus non sit pro omnibus passus, licet non omnes passionis eius mysterio redimantur, nihil eum iuuat, nisi ut scriptum est, *sicut spina in manu temulenti, sic in ore stulti parabola*. primum enim ipsum adsolet vulnerare. Si veraciter veram intelligentiam proponere lectoribus voluisset, conuenientiùs has duas sententias de Epistola Pauli ad Hebræos, secundum suum ordinem poneret, sicut testimonia Euangelica eo ordine, quo ab Euangelista sunt posita, ponere studuit. Ait enim A-

Heb. 1.9.

Heb. 9.28.

postolus ad Hebræos, *Gratia Dei pro omnibus gustavit mortem.* & post
 plura, *Semel*, inquit, *oblatus est ad multorum exhaurienda peccata.* Vnde
 videamus qualiter sanctus Ioannes Chrysostomus, cuius testimoniis
 Apostolica Sedes, & etiam sanctus Augustinus, in libris suis multo-
 ties vtuntur, ad reuincendos hæreticos has duas sententias exposue-
 rit. Ait enim de prima, Et ille quidem propter Dei gratiam, quæ
 nobis data est, hæc passus est. *qui proprio*, inquit, *filio non pepercit, sed*
pro nobis omnibus tradidit illum. Cuius rei gratia? non enim debeban-
 tur hæc nobis, sed gratia hoc fecit.] & post aliquanta, Et ipse qui-
 dem pro omnibus mortuus est. quid autem si non omnes credunt?
 ille quod suum erat impleuit.] Et item de alio testimonio, *Semel*,
 inquit, *oblatus est ad multorum auferenda peccata.* Quare multorum, &
 non omnium? quia non omnes crediderunt. Pro omnibus quidem
 mortuus, hoc est, quantum in ipso est, eius momenti est illa mors,
 cuius momenti est omnium perditio. Non autem omnium peccata
 abstulit, propter quod noluerunt.] Et sanctus Augustinus in Psalmo
 XLIII. Nam & crux ipsa & pro ipsis persequentibus facta est. Inde
 sunt postea sancti, qui in eum crediderunt quem ipsi occiderunt.]
 Et item idem in libro VI. contra Iulianum, Vnus, inquit, pro om-
 nibus mortuus est. ergo omnes mortui sunt. ostendens fieri non po-
 tuisse, vt moreretur nisi pro mortuis. Ex hoc enim probauit omnes
 mortuos esse, quia pro omnibus mortuus est vnus. Impingo, in-
 culco, infercio recusanti. Accipe, salubre est, nolo moriaris. Vnus
 pro omnibus mortuus est, ergo omnes mortui sunt. Vide quia con-
 sequens esse voluit, vt intelligantur omnes mortui, si pro omnibus
 mortuus est. Quia ergo non in corpore, restat vt in peccato esse
 mortuos omnes, si pro omnibus Christus mortuus est, nemo neget,
 nemo dubitet, qui se non negat, aut dubitat esse Christianum.] Et
 sanctus Dionysius in libro de Ecclesiastico principatu, cap. III. Pro
 omnibus enim thearchica beatitudo, etsi benignitate diuina proce-
 dit ad participantium eius diuinorum communionem: sed non for-
 ris secundum substantiam immobilis stationis & stabilitatis sit. Et
 sanctus Cyprianus in libro de Oratione Dominica, Quid docuit,
 inquit, vnitatem? sic orare vnum pro omnibus voluit, quomodo in
 vno omnes ipse portauit.] Et sanctus Hieronymus in Libro XIV.
 Esaiæ prophetæ, Christus cum iniquis reputatus sit, vt iniquos redi-
 meret à peccato, & omnibus omnia fieret, vt omnes saluos faceret.]
 Et item Augustinus in libro de Correptione & Gratia, Quis magis
 dilexit infirmos, quam ille qui pro omnibus est factus infirmus, &
 pro omnibus ex ipsa est infirmitate crucifixus?] Et item Ambrosius
 in Psalmo CXVIII. Et hic quidem Sol quotidie super omnes oritur.
 mysticus autem Sol ille iustitiæ omnibus ortus est, omnibus venit:
 omnibus passus est, & omnibus resurrexit. Ideo autem passus est,
 vt tolleretur peccatum mundi. Si quis autem non credit in Christo,

Cap. XVI.
in fine.

generali beneficio ipse se fraudauit. Sed quod Solis est, prærogati-
 uam suam seruat: quod imprudentis est, communis à se gratiam lu-
 cis excludit.] Et sanctus Basilius Cappadocus, in Sermone de Psal-
 mo quinquagesimo nono, Moyses quidem sanguine agni Israeli-
 ticos postes obsignauerat: tu verò dedisti nobis signum, ipsum san-
 guinem veri agni immaculati, qui oblatus est victima pro totius
 mundi salute.] Et item sanctus Leo, in epistola ad Iuuenalem Epi-
 scopum Hierosolymitanum, Veram igitur Christi generationem Epist. 72.
 crux vera confirmat.] & post pauca, Vt autem repararet omnium
 vitam, recepit omnium causam, & vim veteris chirographi, quod
 solus inter omnes non debuit, pro omnibus soluendo vacauit: vt
 sicut per vnus reatum omnes facti fuerant peccatores, ita per vnus
 innocentiam omnes fierent innocentes. inde in omnes manante iu-
 stitia, vbi est humana suscepta natura.] Et sanctus Gregorius in li-
 bro Moraliū decimo quarto, *Stulti quoque despiciebant me.* Ac si aper- Cap. 12.
 tē diceretur, Ipsi me etiam despexerunt, pro quibus sanandis stulti-
 tiam prædicationis adsumpsi, id est, vt per carnem Verbi sanaren-
 tur: & ab ipsis despectus sum, pro quibus stultus æstimari veritus
 non sum.] & in libro tricesimo quinto, Consolantem quippe in Cap. 9.
 passione Dominus minimè inuenit, qui ex despectu mortis etiam ip-
 sos hostes pertulit, pro quibus ad mortem venit.] Et sanctus Cyril-
 lus ad Nestorium, Nam vt mortem, inquit, ineffabili potentia pro-
 culcaret, & sua carne primogenitus ex mortuis fieret, & primitiæ
 dormientium viam faceret humanæ naturæ ad incorruptionis recur-
 sum, gratia Dei, sicut suprà dictum est, pro omnibus gustauit mor-
 tem, & tertia die resurgens expoliauit infernum.] Et venerabilis
 presbyter Beda, in exposito Euangelij Marci, Solus orat pro omni-
 bus, sicut & solus patitur pro vniuersis: & quomodo pro nobis ma-
 ledictum crucis factus est, & flagellatus, & crucifixus, sic pro om-
 nium salute quasi noxius crucifigitur.] & in Epistola prima Petri, Cap. 1. sub
finem.
 Sicut ergo incorruptibile est pretium Dominicæ passionis, qua re-
 dempti sumus, ita etiam incorruptibile est sacramentum fontis sacri,
 quo renascimur: quæ ita sibi inuicem connectuntur, vt vnum no-
 bis sine altero salutem conferre nequeat. quia nimirum Dominus
 ita nos tempore incarnationis suæ, sacro sanguine simul omnes re-
 demit, vt nos quoque nostro tempore viritim per regenerationem
 baptismi ad consortium eiusdem regenerationis peruenire debea-
 mus.] Et sanctus Prosper contra Gallos, recapitulatione nona, Qui
 dicit, quod non pro totius mundi redemptione Saluator sit cruci-
 fixus, non ad sacramenti virtutem, sed ad infidelium respicit par-
 tem, cum sanguis Domini nostri Iesu Christi pretium totius sit mun-
 di: à quo pretio extranei sunt, qui aut delectati captiuitate redimi
 noluerunt, aut post redemptionem ad eandem sunt seruitutem re-
 uersi.] & contra Vincentianos, actione prima, Cum itaque propter

vnā omnium naturam, & vnā omnium causā à Domino nostro in veritate susceptam, rectè omnes dicantur redempti, & tamen non omnes à captiuitate sint eruti, redemptionis proprietas haud dubiè penes illos est, de quibus princeps mundi missus est foras, & iam non vasa diaboli, sed membra sunt Christi. Cuius mors non ita impensa est humano generi, vt ad redemptionem eius etiam qui regenerandi non erant pertinerent: sed ita, vt quod per vnicū exemplum gestum est pro vniuersis, per singulare sacramentum celebraretur in singulis. Poculum quippe immortalitatis, quod confectum est de infirmitate nostra & virtute diuina, habet quidem in se vt omnibus profit, sed si non bibitur non medetur.] Ex his verbis sancti Prosperi, & supradictorum catholicorum sensibus, hoc vnde ratio agitur Capitulum quartum excerpsumus: sicut quilibet lector, cui hæc conferre placuerit, facile inuenire valebit. Quæ numero pauca, virtute præualida, ad demonstrandam vnius Evangelici & duorum ex Apostolo testimoniorum explanationem interim posuisse sufficiat, donec plura nec minus fortia orthodoxorum huic Capitulo testimonia subiungamus.

CAPVT XXIX.

Ratio redditur de duobus, quæ necessitate compulsi in hoc quarto Capitulo verbis beati Prosperi inseruimus.

DVO autem sunt, quæ coacti necessitate expressius diximus, de quibus reddere rationem volumus. Quorum vnum est, *Sicut nullus homo est, fuit, vel erit, cuius natura in illo adsumpta non fuerit, ita nullus est, fuit vel erit homo, pro quo passus Christus non fuerit, licet non omnes passionis eius mysterio redimantur.* cū sufficientissimè dici potuerit, quod Prosper dixit contra Gallos in actione ix. Nullus, inquit, omnino est ex omnibus hominibus, cuius natura in Christo Domino nostro suscepta non fuerit.] & item ad locum, Cū itaque rectissimè dicatur Saluator pro totius mundi redemptione crucifixus, propter veram humanæ naturæ susceptionem, & propter communem in primo homine omnium perditionem.] Et contra Vincentianos, Cū itaque propter vnā omnium naturam, & vnā omnium causam, à Domino nostro in veritate susceptam, rectè omnes dicantur redempti, & tamen non omnes à captiuitate sint eruti.] Et quæ necessitas fuerit demonstramus. Gotescalcus, vt præmisimus, in libello ad Rabanum Archiepiscopum scripsit, Rursus illos omnes impios & peccatores, pro quibus idem filius Dei nec corpus assumpsit, nec orationem, ne dico sanguinem, fudit, neque pro eis vllō modo crucifixus fuit. Et post hoc scriptum Capitulum, quidam rusticus de illius schola libellum contra hæc Capitula scripsit,

Resp. i.

psit, cui ista inferuit. Nam si diligenter consideretur, nescimus si etiam de quolibet homine dici possit, ut omnium hominum naturam nascendo adsumpserit. quæ à quibusdam de Gothescalci schola dyscola dici audiuius. Ideo licet non discordantes à verbis Prosperi, & sensu catholico orthodoxorum, expressius ista conscripsimus. Vnde & de quorum doctrina illud adsumpsimus, rationem deuotis quibusque humiliter reddimus. Sanctus siquidem Athanasius in epistola ad Epictetum, dicere non dubitauit, In ipso Verbo humanum verè naturaliter ex Maria, secundum diuinas scripturas, & verè erat corpus Saluatoris. Verum autem erat, quia simile erat nostro. Soror etenim fuit nostra Maria, quoniam omnes ex Adam sumus, & hoc nunquam aliquis dubitauit.] Et sanctus Augustinus, exponens Psalmum vigesimum nonum, *Exaltabo te Domine, quoniam suscepisti me.* Omnis, inquit, homo in Christo vnus homo est, & vnitas Christianorum vnus homo.] & in psalmo xxxiiii. Maria ex Adam: Adam mortuus est propter peccatum, & caro Domini ex Maria, mortua est propter delenda peccata.] & in Psalmo xxxv. Nascimur de Adam ut moriamur, surgimus per Christum, ut semper viuamus. Quando portamus imaginem terreni hominis, homines sumus, quando portamus imaginem cælestis hominis, filij hominis sumus, quia Christus filius hominis dictus est. Etenim Adam homo erat, sed filius hominis non erat. Ideo illi pertinent ad Adam, qui desiderant carnalia bona. hortamur illos, ut filij sint hominum, & misericordiam desiderent quæ in cælo est.] & in Psalmo xxxvii. Suscepit carnem nostram, vel potius à nobis, id est, à genere humano.] Et sanctus Leo in Epistola ad Leonem Augustum, Quæ autem reconciliatio esse posset, quæ humano generi propitiaretur Deus, nisi omnium causa mediator Dei & hominum carnem susciperet? & item, Ut autem repararet omnium vitam, recepit omnium causam. Et sanctus Hilarius in libro secundo de Fide, Humani generis causa Dei filius natus ex Virgine est & Spiritu sancto, ipso sibi in hac operatione famulante, & sua Dei videlicet inumbrante virtute, corporis sibi initia conseruit, & exordia carnis instituit, ut homo factus ex Virgine naturam carnis in se acciperet, perque huius admixtionis societatem sanctificatum in eo vniuersi generis humani corpus existeret.] Et sanctus Ambrosius in libro de Paradiso, *Salua tamen, inquit, erit per filiorum generationem, inter quos generauit & Christum.* Nec illud otiosè, quod non de eadem terra, de qua plasmatus est Adam, sed de ipsius Adæ costa facta sit mulier: ut sciremus vnā in viro & muliere corporis esse naturam, vnum fontem generis humani.] Et in hymno Ecclesiastica consuetudine frequentato dicit ad Christum, *Tu patris sempiternus es filius. Tu ad liberandum suscepturus hominem, non horruisti Virginis uterum. Tu deuicto mortis aculeo, aperuisti credentibus regna cælorum.*] Et quomodo intelligi debeat.

Paulo post medium.

Præfat. in Enarrat. 2.

Cone. 11.

In Enarratione.

Epist. 97. cap. 2.

Post medium libri.

Cap. 10.

1. Tim. 2.

quod sanctus dixit Ambrosius, Tu ad liberandum suscepturus hominem: quia ut à maioribus nostris audiimus, tempore baptismatis sancti Augustini hunc hymnum beatus Ambrosius fecit, & idem Augustinus cum eo confecit, in capite libri de Bono coniugij exponit dicens, Quoniam, inquit, vnusquisque homo humani generis pars est, & sociale quoddam est humana natura, magnūque habet & naturale bonum, vim quoque amicitiae, ob hoc ex vno Deus voluit omnes homines condere, ut sua societate, non sola similitudine generis, sed etiam cognationis vinculo tenerentur.] Exponitur etiam in hoc hymno, quia omnium naturam pro omnibus liberandis Christus adsumpsit, sed credentibus regna caelorum aperuit. Et sanctus Augustinus in libro de Prædestinatione sanctorum, Cur diuersa est gratia, vbi natura communis est.] & plura alia, quæ in libellis commemoratis contra eosdem collegimus.

Hæc de prima quasi non necessaria, sed non inrationabili expressione sint dicta. Alterum autem est quod expressius superaddidimus, vbi in quarto Capitulo scripsimus, *quia verò omnes passionis eius mysterio non redimuntur, non respicit ad magnitudinem & pretij copiositatem, sed ad infidelium & ad non credentium ea fide quæ per dilectionem operatur, respicit partem.* Superaddidimus autem verbis Prosperi ad non credentium, ea fide quæ per dilectionem operatur. quod ideo superaddidimus, quia Gotescalcus in saepesato suo libello ad Rabanum Archiepiscopum scripsit, Proinde quod fidelissimè credo, fidentissimè loquor, & certissimè pariter ac fructuosissimè confiteor, atque veracissimè profiteor, quod Deus noster omnipotens, omnium creaturarum conditor & factor, electorum tantummodò cunctorum gratuitus esse reparator dignatus est & refector: nullius autem reproborum perpetualiter esse voluit Saluator, nullius redemptor, & nullius coronator. *Item ad quendam complicem suum, Absit procul à me, ut vel illud solummodò velim somniare, nedum semel furrare, ut nullum eorum perpetualiter secum periturum antiquus rapere valeat anguis, pro quibus redimendis tam pretiosus Deo patri Domini Dei nostri filij sui fusus est sanguis. Amen.* Hæc legentes intelleximus diaboli viri sensum, volentis euacuare copiositatem Christi sanguinis, pretium scilicet nostræ redemptionis. Vnde & ad eundem complicem suum scripsit, Baptismi enim sacramento eos emit, non autem pro eis crucem subiit, nec mortem pertulit, neque sanguinem fudit. Vnde quod ipse mendosè atque perniciosè ad copiosam redemptionem Christi sanguinis voluit retorquere, veraciter & fideliter ad modicitatem ac dubietatem, immo & infidelitatem infidelium & non credentium, sacrarum scripturarum & Catholicorum auctoritate suffulti, reiecimus culpam. Et ideo interposuimus, *ad infidelium & non credentium, eâ fide quæ per dilectionem operatur, respicit partem.* Scilicet quia hæc sola fides est, qua saluantur cre-

centes. Ceterum & dæmones credunt, & contremiscunt, & nec infidelis est sine fide, sicut sanctus Gregorius in libro quarto Dialogorum dicit, Audenter inquit dico, quia sine fide neque infidelis viuit.] & post pauca, Habent etiam infideles fidem, sed vtinam in Deum, quam si vtique haberent, infideles non essent.

Et venerabilis presbyter Beda in Epistola Iacobi, Ita & fides, si non habuerit opera, mortua est in semetipsa, si non operibus caritatis quibus reuiuiscat animetur. Neque huic sententiæ contrarium est quod Dominus ait, *Qui crediderit & baptizatus fuerit, saluus erit.* Subintelligendum namque ibi est, quod tantummodò verè credat, qui exercet operando quod credit.] Hinc & sanctus Gregorius in Homilia Euangelij vigesima nona dicit, *Euntes in vniuersum mundum prædicate Euangelium omni creaturæ. Qui crediderit & baptizatus fuerit, saluus erit: qui verò non crediderit condemnabitur.* Fortassè, inquit, vnusquisque apud semetipsum dicat, Ego iam credidi, saluus ero. Verum dicit, si fidem operibus teneat.] & reliqua, quæ ibi notissima multis prosequitur. Par quoque est & testimonium, quod iste contradictor noster in suggillationem nostram composuit dicens, *Sic enim dilexit Deus mundum, vt filium suum vnigenitum daret, vt omnis qui credit in ipsum non pereat, sed habeat vitam æternam.* Vera etenim fides est, vt Gregorius in Homilia præfata dicit, quæ in hoc quod verbis dicit moribus non contradicit.] Hinc est enim, quod de quibusdam falsis fidelibus Paulus dicit, *Qui confitentur se nosse Deum, factis autem negant.* Et de proposito Euangelico testimonio à contradictore nostro, *Sicut Moyses exaltauit serpentem in deserto, ita exaltari oportet filium hominis, vt omnis qui credit in ipsum non pereat, sed habeat vitam æternam.* Venerabilis presbyter Beda in Homilia xxxvi. dicit, Quia sicut illi, qui exaltatum pro signo serpentem æneum aspiciebant, sanabantur ad tempus à temporaria morte, & plaga quam serpentium morsus intulerant, ita & qui mysterium Dominicæ passionis credendo, confitendo, sinceriter imitando aspiciunt, saluantur in perpetuum ab omni morte, quam peccando in anima pariter & carne contraxerant. Vnde rectè subiungitur, *vt omnis qui credit in ipsum non pereat, sed habeat vitam æternam.* Cuius quidem verbi patet sensus, quia qui credit in Christum, non solum perditionem euadit pœnarum, sed & vitam percipit æternam, sicut Gregorius in præfata Homilia dicit, Tunc etenim veraciter fideles sumus, si quod verbis promittimus, operibus implemus. Hinc Ioannes ait, *Qui dicit se nosse Deum, & mandata eius non custodit, mendax est.*] Et Prosper in libro Sententiarum cap. cccxxiv. Qui ergo gaudes baptismi perceptione, viue in noui hominis sanctitate: & tenens fidem quæ per dilectionem operatur, habe bonum quod nondum habes, vt prosit tibi quod habes.] Et item Beda in Epistola Iacobi, *Tu credis quoniam vnus est Deus. bene facis, & dæmones credunt & contremiscunt.* Ne putes quia magnum aliquid fa-

cis credendo vnum Deum esse, hoc enim & dæmones faciunt. non solum Deum patrem, sed & filium Dei credunt. Vnde dicit Lucas, *Exiebant etiam dæmonia à multis, clamantia & dicentia quia tu es filius Dei. & increpans non sinebat ea loqui, quia sciebant ipsum esse Christum.*] & post aliquanta, Credere verò in Deum soli nouerunt qui diligunt Deum, qui non solum nomine Christiani sunt, sed & factis & vita: quia sine dilectione fides inanis est, cum dilectione fides Christiani, sine dilectione fides dæmonis.] & sequentia quæ ibi prosequitur.

Et qualiter fideles atque infideles de baptismo sentiant, idem venerabilis presbyter Beda in homilia Euangelij, *Erat homo ex Pharisæis Nicodemus nomine, latius & catholicè prosequitur, & sic ad locum dicit, Sola hæc Ecclesia mater quæ generat nouit. Ceterum oculis insipientium videtur talis exire de fonte qualis intrauit, totumque ludus esse quod agitur.*] Beatus quoque Petrus Apostolus dicit, *Et vos nunc similis formæ saluos facit baptisma, non carnis depositio sordium, sed conscientia bona interrogatio in Deum.* Ex qua sententia idem Beda dicit, Vbi est enim conscientia bona, nisi ubi est & fides non ficta? Docet namque Apostolus Paulus, quia *finis præcepti est caritas de corde puro, & conscientia bona, & fide non ficta.*] Et item in epistola Ioannis, *Omnis spiritus qui confitetur Iesum Christum in carne venisse ex Deo est.* Confessionem hoc loco non solum catholicæ fidei, sed & operationis bonæ, quæ fit per caritatem requirit. Alioqui nonnulli hæretici confitentur, multi schismatici, multi falsi catholici, Iesum Christum in carne venisse, sed confessionem suam factis negant, non habendo caritatem. Caritas quippe Dei filium adduxit in carnem, & ideo quisquis non habet caritatem, negat illum in carne venisse. Talisque spiritum ex Deo non habere conuincitur.] & item, *Hæc est victoria quæ vincit mundum, fides nostra.* Illa nimirum fides, quæ per dilectionem operatur.] Et item Beda, Hoc quoque tempore, si qui nuper ad fidem veniens baptismum acceperit, & proponens toto corde Dei seruare præcepta, mox de hac luce migrauerit, iustificatus utique per fidem sine operibus migravit, quia tempus operandi, vnde fidem probaret, ipso in quem credidit Deo disponente non habuit. At qui perceptis sacramentis longo superuiuant tempore, nec bonis insistere curant operibus, his inculcandum est quod beatus Iacobus, proposito exemplo fidei simul & operum Abraham, mox subdidit dicens, *Videtur quoniam ex operibus iustificatur homo, & non ex fide tantum?* Quod ait ex operibus, significat ex operibus fidei. quia perfecta opera sine fide nullus habere potest: fidem verò sine operibus multi, si illis operum tempus non adsit. de qualibus dictum est, *Raptus est ne malitia mutaret intellectum illius, aut fictio deciperet animam illius.*] Sed & in talibus ipsa fides opus est, sicut scriptum est in Euangelio, *Hoc est autem opus Dei, ut credatis in eum quem misit ille.* quod opus operatur qui in eum credit, quia

Homilia 1.
de Sanctis.

1. Pet. 3. 21.

In Epist. 1.
Petri cap. 3.
1. Tim. 1. 5.
Beda in Epist. 1. Ioan.
cap. 4.
1. Ioan. 4. 2.

1. Ioan. 5. 4.

In Epistola
Iacobi c. 2

Iac. 2. 24.

Sap. 4. 11.

Ioan. 6. 29.

etiam ipsa credulitas vera fides est, quæ per dilectionem operatur, credendo in illum qui iustificat impium, & cuius omnia opera sunt in fide, sine qua quisque ad baptismatis sacramentum accedit, baptismatis sacramento renouari non valet, quia Spiritus sanctus, quò in filios adoptamur disciplinæ, effugit fictum, & aufert se à cogitationibus quæ sunt sine intellectu. Vnde sanctus Ambrosius in epistola ad Galatas dicit, Quia sine spiritu non erat plenum nomen filiorum.] & item idem in libro de Sacramentis, In baptismo spiritus mentem renouat, aqua proficit ad lauacrum, sanguis spectat ad pretium. sacri fontis vnda nos abluit, sanguis Domini nos redimit, Spiritus nos per adoptionem filios Dei facit.] De qua in Homilia Euangelij xxx. sic sanctus dicit Gregorius, Ipse namque Spiritus sanctus amor est. Vnde & Ioannes dicit, *Deus caritas est.* Qui ergo mente integra Deum desiderat, profectò iam habet quem amat. Neque enim quisquam posset Deum diligere, si eum quem diligit non haberet.

In principi

1. Ioan. 4. 8.

Ecce quomodo etiam in baptismo tam in paruis quàm in magnis agit fides quæ per dilectionem operatur, sicut sanctus Augustinus in libro quarto contra Iulianum dicit, Sed fortè dicis, ergo infantes qui non credunt, vel sicut tu posuisti qui non habent eam fidem quæ per dilectionem operatur, non renascuntur in Christo, neque per fidem sanguinis Christi in baptismo renouantur in Christo, atque incorporantur Christo. Responde nobis si placet, fide an infidelitate à parentibus ad Ecclesiam deportantur? dilectione salutis, an odio perditionis patronis à parentibus offeruntur, à patronis sacerdotibus itidem offeruntur, à sacerdotibus exsufflantur & exorcizantur, vt à potestate diaboli eruantur? in morte Christi baptizantur, vt mortis eius similitudini complantati peccato utique moriantur? Velis nolis hæc omnia geri fide quæ per dilectionem operatur, artatus artissimè respondebis, nisi impudenti fronte mentiri præsumendo decreueris.] & item idem in sexto libro, Nam quomodo reportat bonum vt intret in regnum Dei, si hoc reportat quisque quod gessit, nisi quia pertinet ad paruulum, etiam quod per alterum gessit, id est credidit? Sicut itaque quod credit pertinet ad eum vt reportet bonum, hoc est percipiat Dei regnum, sic ad eum pertinet, etiamsi non credidit, vt reportet condemnationis iudicium, quia Euangelica est & ipsa sententia dicendo, *Qui non crediderit condemnabitur.*] & post pauca, Alienum quippe opus est cum credit per alterum, sicut alienum opus fuit cum peccauit in altero. Nec nos dubitamus, quia baptismo delictum omne mundetur, sed renascendo quisque mundatur. Quod ergo non adimit nisi regeneratio, non cessat trahere generatio.] Venerabilis quoque presbyter Beda in expositione Euangelij Marci, Intuendum sanè quantum propria cuiusque fides apud Deum valebit, vbi tantum valuit aliena, vt totus homo re-

Cap 4.

Marc. 16.
16.

pentè, hoc est interiùs exteriùsque iam saluatus exurgeret, aliorumque merito alij laxarentur errata. Vnde & plura in saepe commemoratis libellis contra obrectatores nostros exempla posuimus, quæ hîc congerere nunc superfluum ducimus. Præsertim cum illa quicumque dignatus fuerit legere, collecta quasi in fasciculis sub celeritate & sine aliqua difficultate valebit cognoscere.

CAPVT XXX.

Quòd exceptis his duabus quasi syllabicis sententiis, nihil in hoc Capitulo posuimus, nisi quod ex beati Prosperi verbis excepimus.

Respon-
sione ix.

Ibidem.

Resp. i.

Sententia
ix.

Resp. i.

MODO autem his duabus exceptis superadditionibus, de quibus rationem reddidimus, videamus si transuerso vngue, ut dicitur, à sensibus beati Prosperi in descriptione quarti Capituli deuiauimus. Prosper actione viii. contra Gallos dicit, Nullus omninò est ex omnibus hominibus, cuius natura in Christo Domino nostro suscepta non fuerit.] & item Prosper contra Gallos, Cum itaque rectissimè dicatur Saluator pro totius mundi redemptione crucifixus, propter veram humanæ naturæ susceptionem, & propter communem in primo homine omnium perditionem.] Et contra Vincentianos, Et tamen non omnes homines à captiuitate sunt eruti.] Et nos scripsimus, *Ita nullus est homo pro quo passus non fuerit, licet non omnes passionis eius mysterio redimantur.* Et Prosper in recapitulatione ix. contra Gallos, Qui dicit quòd non pro totius mundi redemptione Saluator sit crucifixus, non ad sacramenti virtutem, sed ad infidelium respicit partem, cum sanguis Domini nostri Iesu Christi pretium totius sit mundi.] Et nos scripsimus, *Quia verò omnes passionis eius mysterio non redimuntur, non respicit ad magnitudinem & pretij copiositatem, sed ad infidelium respicit partem.* Prosper actione prima contra Vincentianos dicit, Poculum quippe immortalitatis, quod confectum est de infirmitate nostra & virtute diuina, habet quidem in se ut omnibus profit, sed si non bibitur non medetur.] & nos scripsimus, *Quia poculum humanæ salutis quod confectum est de infirmitate nostra & virtute diuina, habet quidem in se ut omnibus profit, sed si non bibitur non medetur.* In quibus verbis si aliquam syllabam non autem sensum immutauimus, non per studium, neque per arrogantiam accidit, sed quia librum eiusdem beati Prosperi præ manibus non habuimus, & spatium ut adferri valuisset, instantia Christianæ deuotionis vestræ cogente, sicut ipsi meliùs scitis, venerabilis princeps noster Karole rex gloriose, obtinere nequiuimus, compellentes nos coartatione dignissima, dantes exemplum ex libro Hieronymi de optimo genere interpretandi, quia non tantum quærebatis alienæ compositionis verba, quàm sinceræ & episcopalis conscientie catholica documenta.

Post præmissa de quibus rationem reddidimus, subnexuit ex ordine Capitulorum compositor, Porro, inquit, Capitula numero decem & nouem, syllogismis ineptissimè & mendacissimè à quodam Scotto conclusa, ubi non argumentum fidei, sed potius commentum perfidiæ paret, nulla omninò philosophica arte, ut arroganter à quibusdam iactatur, constructum, sed inani fallacia & deceptione imperitissimè confusum, à pio auditu fidelium penitus explodimus. & ut talia & similia caueantur, per omnia auctoritate Spiritus sancti interdiciamus. De hoc Capitulo quædam dempta inuenimus ex eo quod nobis ante triennium, sicut supra memorauimus, in Niefsa villa Rotomagensis Episcopij commisit. Ibidem enim scriptum habetur, Porro Capitula quatuor, quæ Concilio fratrum nostrorum minùs prospectè suscepta sunt, propter inutilitatem, vel etiam noxietatem, & errorem contrarium veritati, sed & alia Capitula numero decem & nouem, syllogismis ineptissimè & mendacissimè conclusa, & reliqua sicut & hîc compositor iste modò disposuit. Vnde miramur, si iste in compilandis illis fuit Capitulis, hoc quod tunc in eis tam studiosè inseruit, quare de isto eradere maluit. & si in illis Capitulis compositor iste non fuit, quomodo tam consonanter, ut in nullo alio, excepto isto loco, & de sequenti Capitulo, de quo vnum elinxit Apostolicum, sicut suo loco monstrabimus, deuiauerit vel immutauerit, neque transuerso capillo à concordi sententia exorbitauerit. Si enim nos iustè & rationabiliter reprehendere se posse & debere confidit, memor quia Paulus Petro in faciem restitit, Gal. 2. 11. adportans scriptorum suorum plenitudinem, his quæ perperè dixeramus auctoritatiuè resisteret. Si autem & de errore, conscientia se remordente, corrigere voluit, & ideo de medio ista abrasit, & præcedentes suos errores, & subsequentes nostras indebitas reprehensiones, penitus absumere debuit.

CAPVT XXXI.

De decem & nouem Capitulis, quæ compilerator Capitulorum nobis à regia dominatione datorum, in suggillatione nostra commemorat, & de aliis, siue quæ nos passim scripta inuenimus, siue quæ à quibusdam leuibus querendo adinuenta audiuiamus.

DE decem siquidem & nouem Capitulis, quæ commemorat, nunc ad alia occupationibus deuocati scribere supersedimus. Et quia audiuiamus, quoniam ipsi qui illa reprehenderant contra ea scribunt, expectamus donec videamus, si aliquis fuerit qui ipsa nitatur defendere, vel quid contra illa scribens nitatur adserere. Alia nihilominus Capitula LXXVII. quodam offerente suscepimus, quorum superscriptio talis est, Recapitulatio totius operis, & Capitulum

primum habetur huiusmodi. Dicis quadruuio regularum quatuor
 » totius Philosophiæ omnem quæstionem solui. Respondemus nec
 » illud quadruuium, nec vllas mundanæ sapientiæ sententias, ad om-
 » nem quæstionem soluendam sufficere absque gratia Dei & fide, quæ
 » per dilectionem operatur, ac veraci studio & sanctarum scientia
 » scripturarum. Nouissimum verò. Dicis anathematizare te eos qui
 » geminam prædestinationem dicunt, aut prædestinationes pluraliter
 » efferunt. Respondemus tibi potius conuenire, qui veritatem iudicio-
 » rum Dei tantisper impugnas, fidem dictorum veracium negas, sensa
 » patrum per omnia reuerendorum fidelissima deprauas, & ea insuper
 » nouus falsitatum inuentor enuntias, quæ nullus antehac dixisse vel
 » scripsisse vllatenus reperitur.] Quorum auctores, vel potius sibi com-
 » pugnatores, & in quibusdam veritatis impugnatores, iactitantur à
 » multis Prudentius Episcopus, & Ioannes Scottigena. Sed nos nec
 » credere nec confirmare volumus, quod documentis certioribus de-
 » monstrare non possumus. Interim tamen illorum contentionibus
 » nos immiscere noluimus, vsque dum liquidiùs cognoscamus ad quem
 » finem contentionem suam quicumque sint illi perduxerint, recor-
 » dantes Sapientis prouerbij, *Sicut qui apprehendit auribus canem, sic &*
 » *qui immiscetur rixæ alterius.* Sunt & alia, quæ vocum nouitatibus de-
 » lectantes, vnde sibi inanes comparent rumusculos, contra fidei ca-
 » tholicæ veritatem dicunt. Videlicet quòd trina sit Deitas, quòd Sa-
 » cramenta altaris non verum corpus & verus sanguis sit Domini,
 » sed tantum memoria veri corporis & sanguinis eius, quòd Angeli
 » natura sint corporales, quòd anima hominis non sit in corpore,
 » quòd non aliæ pœnæ sint infernales, nisi tormentalis memoria con-
 » scientiæ peccatorum. Et fortè qui non satagunt vt post finitum v-
 » niuersale iudicium Dominum videant, qualiter videri debeat mor-
 » daci contentione disquirunt. Et plura alia, contra quæ orthodoxos
 » Ecclesiæ catholicæ rectores necesse erit sollerti studio vigilare.

PROV. 26.
17.

Sed & in præfata Synodo, Capitulis quæ nobis dedistis, in quater-
 » nunculis vnus confacerdotis nostri septem subiunctas inuenimus,
 » non veritate, sed nomine regulas: quia non fidei, sicut ibidem scri-
 » ptum reperimus, regulæ, sed ad infidelitatem simplicibus protensa
 » sunt retiacula. quæ verborum & sensuum consonantia eiusdem au-
 » ctoris, cuius & Capitula nostræ humilitati à vestra data sublimitate,
 » fore creduntur. Quarum initium est, Primo loco ponendum, & ve-
 » hementius, prout nunc pusillitatis nostræ memoriæ occurrit, credi-
 » mus commendandum septem quasdam esse regulas fidei, ex diuinarum
 » scripturarum auctoritate venientes, & à sanctis atque orthodoxis
 » patribus diligentissimè commendatas. de præscientia scilicet & præ-
 » destinatione diuina: quas & catholicus fidelissimè tenere debeat, &
 » quicumque his contraria sapit, non catholicè sentire comprobetur.]
 » Et sic per septem illas, non veras regulas, sed fictas reculas, sicut so-
 » lent

lent fortiori facere, ad ora vasculi mella, & in inferioribus partibus venena supponere, orthodoxorum verba detruncata præponens, ad hanc summam intellectus sui deducit sententiam, vt sicut electi ad vitam, ita & reprobi à Deo prædestinentur ad mortem: & secundum præscientiam suam Deus damnauerit, quos in iniquitate & impietate perseueraturos præseuerit, eosdemque perituros prædestinauerit. Quæ imitari volens Isidorus, de Ticonio & aliis sapientibus septem in sacris scripturis regulas excerpentem, satis insulse & non verisimilè naufragauit, quærendo quid diceret qui loqui nesciens tacere non potuit. De quibus superfluum duximus scribere, quia primam, & secundam, ac tertiam, siue quartam, aranearum telas, quasi specialius sanctus Augustinus in libro de Correptione & Gratia, & in libro de Bono perseuerantia, & sanctus Prosper contra Ianuenses, nullius momenti esse demonstrant. quintam verò naniarum & septimam regulam beatus Augustinus, contra veteres Prædestinianos, in libro de Prædestinatione sanctorum, & sanctus Gregorius in libro vigesimo quinto Moraliū Iob, in totum & per totum adnihilant. Sextam, vt dicitur, sicut fumum pultium, beatus Augustinus inter cetera, in libris de Gratia & Libero arbitrio, & de Bono perseuerantiæ, de Prædestinatione gratiæ, & ad Sixtum presbyterum, exsufflat & facit penitus non parere. Et nostra mediocritas in tribus istum præcedentibus libellis, & in isto, commemoratis ex sanctorum Patrum auctoritatibus, hæc figmenta falsissima esse monstrauit. Et quæ vera sunt de præscientia & prædestinatione Dei, & illic & istic ex patrum catholicorum sensibus sufficienter collegimus. adeo vt qui veritatem desiderat, ei collectio tanta sufficiat: quibus verò non ista congesta sufficiunt, certum est quia nec plura proderunt, & plus falsis quam veris se committere gestiunt.

CAPVT XXII.

De clausula Capituli compilatoris, & de tribus quæ huic Capitulo subnectere procurauimus. quorum vnum est quia turba quæ Dominicum aduentum præcesserunt, & quæ subsequuntur, una eademque fide conclamant Osanna, quoniam per gratiam Dei saluari credimus quemadmodum & illi.

TANDEM in hac clausula adinuentor istorum capitulorum præsens conclusit Capitulum dicens, Nouarum etiam rerum introductores, ne districtius feriantur, castigandos esse censemus. Et nos ita etiam concensemus. Veteres Prædestinianos, nouarum scilicet rerum introductores, sanctus Augustinus in libris de Correptione & Gratia, de Prædestinatione sanctorum, ac Bono perseueran-

ria, Hypomnesticon nihilominus libro, & libro de Prædestinatione gratiæ, sufficientissimè & fidelissimè atque paternè castigare curauit. Deinde sanctus Cælestinus auctoritate Apostolica, instantia sancti Prosperi, & sententia Synodali, redarguit atque compressit. Et nunc itidem harum nouarum vocum reintroductores, eadem auctoritate sanctarum scripturarum, & catholicorum atque antiquorum Patrum prolatis sententiis, necesse est castigare, redarguere atque comprimere. Vnde tria huic Capitulo subnectemus. Quorum vnum est, quia turbæ, quæ Dominicum aduentum præcesserunt, & quæ subsequuntur, vna eademque fide conclamant dicentes, *Osanna*, id est, vt in tractatu Ezechielis sanctus exponit Gregorius, *salua nos in excelsis*. quoniam vt Petrus dicit, *per gratiam Dei saluari credimus, quem admodum & illi*. Deinde qualiter docent sanctarum scripturarum auctoritate catholici viri, generaliter Christum fuisse passum pro omnibus. Indèque quomodo orthodoxi & antiqui magistri ex scripturis authenticis demonstrant, discretè nos debere intelligere, quia licet Christus fuerit passus pro omnibus, non tamen omnes ad æternam salutem mundi pretio, id est passionis eius mysterio, sint redempti. A quo pretio extranei sunt, qui aut delectati captiuitate redimi noluerunt, aut post redemptionem ad eandem sunt seruitutem reuersi. Sicut & hic reprehensor noster, non integro intellectu, de his qui redimi noluerunt in Capitulo isto posuit, *Sic enim dilexit Deus mundum, vt filium suum unigenitum daret, vt omnis qui credit in eum non pereat, sed habeat vitam æternam*. Quia profectò, vt venerabilis presbyter Beda exponit, idem Dominus & redemptor noster, filius Dei ante sæcula existens, filius hominis factus est in fine sæculorum: vt qui per diuinitatis suæ potentiam nos creauerat ad perfruendam vitæ beatitudinem, perennis ipse per fragilitatem humanitatis nostræ nos restaret ad recipiendam quam perdidimus vitam.]

Concione
III. sub
initium.

Beatus quoque Augustinus in Psalmo tricesimo sexto dicit, Dominus enim ipse in corpore suo, quod est Ecclesia, iunior fuit primis temporibus, & ecce iam senuit. Nostis, & agnoscitis, & intelligitis, quia in hoc positi estis, & ita credidistis, quia caput nostrum Christus est, corpus capitis illius nos sumus. Numquid soli nos, & non etiam illi qui fuerunt ante nos, omnes qui ab initio sæculi fuerunt iusti, caput Christum habent? Illum enim venturum esse crediderunt, quem venisse iam credimus, & in eius fide & ipsi sanati sunt, in cuius & nos. vt esset ipse totius caput ciuitatis Hierusalem, omnibus connumeratis fidelibus ab initio vsque ad finem, adiunctis etiam legionibus & exercitibus Angelorum, vt fiat illa vna ciuitas sub vno rege, & vna quædam prouincia sub vno Imperatore, felix & in perpétua pace ac salute, laudans Deum sine fine, beata sine fine.] Et venerabilis presbyter Beda in Exposito Euangelij secundum Lucam, Vides non solum noui, sed & veteris testamenti iustos,

Cap. 2.

spe futuræ vitæ desiderium habuisse absolui à corpore.] & paulo post, Quibus absque dubio verbis aperit, quàm maximum se præsentium calamitatum acturum speret in fine solatium. quem tantisper aduenire desiderat. *Quia viderunt oculi mei salutare tuum, quod parasti ante faciem omnium populorum.* Illum ipsum, inquit, quod omnibus postmodum gentibus, populis & linguis, mente ac fide conspiciendum parare, spe ac dilectione quærendum præuidisti, ipse diu desideratum nunc & carnis & cordis oculis tuum salutare contem-
 plor. Lumen quidem vtrique populo salutare Dei, id est Christus, à Deo patre paratur: qui tamen gloria magis Israel, cui diu speratus & ex quo pronuntiatus aduenit. Gentium verò dicitur esse reuelatio, quarum mentis oculos, profunda iam cæcitate demersos, neque vlla spe aduentu Dominico erectos, ipse visitare, pariter reuelare atque inlustrare dignatus est.] & item, *Dico vobis, quod multi prophetae & reges voluerunt videre, & non viderunt: & audire quæ auditis, & non audierunt.* Abraham exultauit vt videret diem Christi, & vidit & gauisus est. Esaias quoque & Micha, & multi alij prophetae viderunt gloriam Domini, quapropter Videntes sunt appellati.] Et in Homilia eiusdem Euangelistæ, Cunctis, inquit, credentibus, siue illis qui incarnationis eius tempora nascendo præcesserunt, siue his qui cum in carne viderunt, siue nobis qui post eius ascensionem credimus, communis est hilarissima eius promissio, qua dicit, *Beati mundo corde, quoniam ipsi Deum videbunt.*]

Luc. 2. 37.

Luc. 10. 24.

Matth. 13. 8.

Et sanctus Gregorius in Homilia XVIII. Ad erudiendam ergo Dominus plebem suam, quasi ad excolendam vineam suam, nullo tempore destitit operarios mittere: quia & prius per Patres, & postmodum per legis doctores & prophetas, ad extremum verò per Apostolos, dum plebis suæ mores excoluit, quasi per operarios in vineæ cultura laborauit. Operator ergo manè hora tertia, sexta, & nona, antiquus ille & Hebraicus populus designatur, qui in electis suis ab ipso mundi exordio, dum recta fide Deum studuit colere, quasi non destitit in vineæ cultura laborare: quamuis in quolibet modulo vel mensura, quisquis cum fide recta bonæ actionis extitit, huius vineæ operarius fuit.] & item, *Quanti Patres ante legem, quanti sub lege fuerunt? & tamen hi qui in Domini aduentu vocati sunt, ad cælorum regnum sine aliqua tarditate peruenerunt.* Eundem ergo denarium acceperunt qui laborauerunt ad vndecimam, quem expectauerunt toto desiderio & qui laborauerunt ad primam: quia æqualem vitæ æternæ retributionem sortiti sunt, cum his qui à mundi initio vocati fuerant, hi qui in mundi fine ad Dominum venerunt.] & item, *Sed quia antiqui Patres vsque ad aduentum Domini, quamlibet iuste vixerint, ducti ad regnum non sunt, nisi ille descenderet, qui paradisi claustra hominibus interpositione suæ mortis aperiret, eorum hoc ipsum murmurasse est, quod & rectè pro percipiendo re-*

Aliquanto post superiora.

Paulo post;

gno vixerunt, & tamen diu à percipiendo regno dilati sunt. Quos enim post peractam iustitiam inferni loca quamuis tranquilla suscepunt, eis profectò, & laborasse fuit in vinea, & murmurasse. Quasi ergo post murmurationem denarium accipiunt, qui post longa inferni tempora ad gaudia regni peruenerunt. Nos autem qui ad vndecimam venimus, post laborem non murmuramus, & denarium accipimus: quia post mediatoris aduentum in hoc mundo venientes, ad regnum ducimur mox cum de corpore eximus, & illud sine mora percipimus, quod antiqui patres cum magna percipere dilatione meruerunt.]

Act. 13. 44.

Et sanctus Petrus in actis Apostolorum, *Sed per gratiam Domini Iesu credimus saluari, quemadmodum & illi.* Hinc Beda, Si ergo & illi, id est patres, portare iugum legis veteris non valentes, per gratiam Domini saluos se fieri crediderunt, manifestum est quòd hæc gratia est, quæ antiquos iustos viuere fecit, quia iustus ex fide viuit, & ideo sacramenta esse potuerunt pro temporum diuersitate diuersa, ad vnitatem tamen eiusdem fidei concordissimè recurrentia.] & in epistola Petri prima, *Per eos qui euangeli-*

Cap. 1.

1. Petr. 1. 12.

zauerunt in vos Spiritu sancto misso de cælo. Suprà dixerat prophetas Spiritu Christi prænuntiasse passiones eius, & posteriores glorias, & nunc dicit eadem Apostolos eis nuntiare Spiritu sancto misso de cælo. Vnde patet quia isdem Spiritus Christi erat in prophetis prius, qui postmodum in Apostolis. Ideoque eandem fidem passionis Christi & posterioris gloriæ vtrique populis prædicabant, illi adhuc venturam, isti iam venisse. Ac per hoc vnam esse Ecclesiam, cuius pars carnalem Domini aduentum præcesserit, pars sit altera secuta.] Et

Cap. 2.

1. Petr. 2. 7.

Vobis honor credentibus, non credentibus autem, lapis quem reprobauerunt ædificantes. Vt sicut reprobauerunt cum ædificarent actus suos, nolentes eum in fundamento cordis sui ponere, ita & isti reproben-
tur ab eo in aduentu eius, nolente illo tunc eos, qui se reprobaue-
runt in ædificationem accipere domus suæ, quæ est in cælis. Et hæc distinctio honoris credentium, non credentium autem reprobatio, huc vsque pertingit.] & item, *In quo eis qui in carne conclusi e-*

Cap. 3.

1. Petr. 3. 19.

rant spiritu veniens prædicauit, qui increduli fuerant aliquando. Qui nostris temporibus in carne veniens iter vitæ mundo prædicauit, ipse etiam ante diluuium eis qui tunc increduli erant, & carnaliter vixerant, spiritu veniens prædicauit. Ipse enim per Spiritum sanctum erat in Noë, ceterisque qui tunc fuere sanctis, & per eorum bonam conuersationem prauis illius æui hominibus, vt ad meliora conuerterent, prædicauit. Conclusos namque in carcere dicit carnalibus desideriis vehementer adgrauatos. Vnde de illis Scriptura ait, *quia omnis caro corruperat viam suam.* Quod autem dicit, *In quo,* significat in eo quod præmiserat, *vt nos offerret Deo,* quia & tunc, si qui ad prædicationem Domini, quam per vitam fidelium prætendebat, credere voluissent, & ipsos

offerre Deo patri gaudebat.] Ecce de populis qui incarnationem Domini præcesserunt, inexcusabiles sunt qui non crediderunt, quia sine prædicatione salutis non fuerunt, sine sacramentis salutis quibus saluarentur non extiterunt, quibus saluati sunt Abel Christum in agno offerens, Enoch sola fidei inuocatione credens. Noë & in fabricatione arcæ prædicauit, & hostias obtulit. arca Ecclesiæ typum gessit, aqua diluuij figura baptismatis fuit. Vnde & in eadem epistola scriptum est, *Qui increduli fuerunt aliquando, quando expectabat Dei patientia in diebus Noë, cum fabricaretur arca.* Nam & ipsa Dei patientia prædicatio eius erat, cum Noë centum annos arcæ operibus insistens, quid mundo futurum esset cotidiana operis executione monstrabat. Vnde Paulus ait, *An ignoras quoniam patientia Dei ad penitentiam te adducit? In qua pauci, id est, octo animæ saluæ factæ per aquam. Quod & vos nunc similis formæ saluos facit baptisma.* Formam baptismi ad similitudinem dicit arcæ & aquis diluuij, quod pereunte orbe toto, pauci, id est octo animæ saluæ factæ sunt per aquam: quia ad comparisonem pereuntium multo breuior est numerus electorum.] Quod ergo aqua diluuij non saluauit extra arcam positos sed occidit, sine dubio præfigurabat omnem hæreticum, licet habentem baptismatis sacramentum, non aliis sed ipsis aquis ad inferna mergendum, quibus arca subleuatur ad cælum. Abraham in filio Christum immolauit. Melchisedech in figura panis vitæ æternæ, & calicis salutis perpetuæ, panem & vinum obtulit. Moyses agnum paschalem sacrificauit. etenim pascha nostrum immolatus est Christus. Aaron cum vituli sanguine semel in Sancta in anno intrauit. Vnde Paulus, *Christus*, inquit, *ad-sistens Pontifex futurorum bonorum, per amplius & perfectius tabernaculum non manu factum, per proprium sanguinem intrauit semel in Sancta, æterna redemptione inuenta.*

1. Petr. 3. 20.

Beda ibid.
cap. 3.

Rom. 2. 4.

Hebr. 9. 11.

Libro 1. in
proemio.

Vnde & Ambrosius in libro de Spiritu sancto, exponens sententiam libri Iudicum de Gedeon, quia Christus vitulo sit præsignatus dicit, Et ipse septennem alium vitulum immolauit Deo. Quo facto manifestissimè reuelauit, post aduentum Domini omnia gentilitatis abolenda esse sacrificia, solumque sacrificium Deo Dominicæ passionis pro religione populi deferendum. Etenim vitulus ille erat in typo Christi, in quo septem spiritalium plenitudo virtutum, sicut Esaias dicit, habitabat. Hunc vitulum & Abraham obtulit, quando diem Domini vidit, & gauisus est. Hic est qui nunc in hœdi typo, nunc in ouis, nunc in vituli offerebatur. Hœdi, quod sacrificium pro delictis sit: ouis, quod voluntaria hostia: vituli, quod immaculata sit victima.] Et patres nostri omnes baptizati sunt in nube, & in mari, & omnes eandem spiritalem escam manducauerunt, & omnes eundem potum spiritalem biberunt. Vnde Augustinus in expositione Euangelij secundum Ioannem, *Patres* inquit, *vestri manducauerunt manna & mortui sunt.* Manducauerunt Moyses & Aaron, & ceteri san-

Tractatu
xxvi.
Ioan. 6. 49.

et qui fuerunt in populo manna, & non sunt mortui, quia spiritaliter visibilem cibum intellexerunt, spiritaliter esurierunt. Alij verò manducauerunt & permanserunt in infidelitate. sicut Iudæi audierunt loquentem Christum, sed non spiritaliter verba eius intellexerunt. Ideo dixit eis, *Patres vestri manducauerunt manna in deserto & mortui sunt.* Qua morte, nisi infidelitatis? Nam communi morte mortui sunt & sancti qui fuerunt inter eos. Ideo signauit Dominus in his verbis mortem spiritalem, non carnalem, *Patres vestri manducauerunt manna & mortui sunt.* non quia malum erat manna, sed quia malè manducauerunt. *Hic est panis qui de cælo descendit.* Hunc panem significauit manna, hunc panem signant altaris Dei sacramenta.] Et ecce de populo, qui Domini præcessit aduentum. Dicamus de illo qui sequitur illius aduentum. Item in epistola Petri prima, *Scientes quod non corruptibilibus auro vel argento redempti estis de vana vestra conuersatione paternæ traditionis, sed pretioso sanguine quasi agni incontaminati & immaculati Iesu Christi.* Vnde Beda, Quanto maius est pretium quo redempti estis à corruptione vitæ carnalis, tanto amplius timere debetis, ne fortè ad corruptelam vitiorum reuertendo, animos vestri redemptoris offendatis, *renati non ex semine corruptibili, sed incorruptibili, per verbum Dei viui & permanentis in æternum.* Tale est in Evangelio Ioannis, *his qui credunt in nomine eius, qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Sicut ergo incorruptibile est pretium Dominicæ passionis, quo redempti sumus, ita etiam incorruptibile est sacramentum fontis sacri, quo renascimur. Quæ ita sibi inuicem connectuntur, vt vnum nobis sine altero salutem conferre nequeat: quia nimirum Dominus ita nos tempore incarnationis suæ sacro sanguine simul omnes redemit, vt nos quoque nostro tempore viritim per regenerationem baptismi ad consortium eiusdem regenerationis peruenire debeamus. Vt hinc colligatur, quia sicut ex semine corruptibili caro quæ corrumpatur nascitur, sic per aquam verbo Dei consecratam vita nobis quæ finem nesciat tribuitur.] & item, Vt bene discendo perueniatis ad refectionem panis viui qui de cælo descendit. hoc est per sacramenta Dominicæ incarnationis, quibus renati estis & quibus nutriti, perueniatis ad cōtemplationem diuinæ maiestatis.] Sed quoniam quidam sunt, & post aduentum Domini ante nos fuerunt, atque futuri sunt, qui quod audiunt non recipiunt, item ibi scriptum est, *His qui offendunt verbo, nec credunt in quod & positi sunt.* Offendunt verbo, qui eo ipso quòd verbum Dei audire eos contigit, offendunt animo, dum nolunt credere quod audiunt. Quorum stultitiam exaggerando subiecit, *nec credunt in quod & positi sunt.* quia in hoc positi, id est, in hoc per naturam facti sunt homines, vt credant Deo, & eius voluntati obtemperent, Salomone attestante cū ait, *Deum time, & mandata eius obserua. hoc est enim omnis homo.* id est, in hoc naturaliter factus est omnis homo,

Ioan. 6. 50.

1. Pet. 1. 18.

Cap. 2. in
Petri ep. 1.

Ioan. 1. 13.

Cap. 2.

Ibidem.

Eccl. 12. 13.

ut Deum timens eius mandatis obsecundet.] Quidam autem donum quod accipiunt non conseruant. Vnde in eadem Epistola admonet eos Apostolus dicens, *Carissimi, obsecro tanquam aduenas & peregrinos, abstinere vos à carnalibus desideriis, quæ militant aduersus animam.* Hucusque beatus Petrus generaliter Ecclesiam instituit, explicans vel beneficia quibus nos diuina pietas ad salutem vocare, vel dona quibus aliquando Iudæos, nunc autem nos honorare dignata est. Hinc diuersas fidelium personas sollerter hortatur, ne se tanta Spiritus gratia carnaliter viuendo reddant indignos. ne qui regali ac sacerdotali vocabulo sunt insigniti, vitiorum malis subacti, à condonata vel promissa sibi nobilitatis gloria degenerent.] & item, *Vos in libertatem vocati estis, fratres: tantum ne libertatem in occasionem carnis detis.* Liberi enim rectè vocamur, qui per baptismum à peccatorum sumus nexibus absoluti, qui à dæmonica seruitute redempti, qui filij Dei effecti: non tamen dono libertatis potiorē peccandi facultatem, vel licentiam accepimus: quin immo si peccauerimus, mox libertate perdita, serui efficiamur peccati. Et quisque se ad hoc libertatem accepisse à Domino putat, ut licentiùs peccet, talis suam libertatem in velamen malitiæ mutat.]

1. Petr. 2. 11.

Beda ibid.

Gal. 5. 13.

Beda ibid.

Et item in eadem epistola scriptum est, *Quia in hoc vocati estis, ut benedictionem hereditate possideatis.* Et tamen de ad benedictionem vocatis, de redemptis, de iustificatis cotidie pereunt. Vnde & Paulus ad Corinthios dicit, *Et peribit qui infirmus est in tua conscientia frater, pro quo Christus mortuus est.* Hinc sanctus Ambrosius, Peribit infirmus, si edat contra vnus Dei fidem de sacrificatis, *in tua conscientia.* id est, tua peritia illum occidis, quando à te fieri videt quod ille aliter intelligit: & tu eris occasio mortis fratris, quem Christus ut redimeret crucifigi se permisit.] Sed & sicut Patres quidam manducauerunt manna, & à spiritali morte salui facti sunt, quidam autem manducauerunt & mortui sunt: ita & sicut Paulus dicit ad Corinthios, post passionem Domini factum est, & fit quotidie, futurumque est. quoniam quidam accedunt ad mensam Domini indignè, quidam autem deuotè: & quidam sibi iudicium manducant & bibunt, quidam autem suam in salutem percipiunt. Et de priore populo venerabilis presbyter Beda in Homilia octaua dicit, *Quia idem salutiferæ curationis auxilium circumcisio in lege contra originalis peccati vulnus agebat, quod nunc baptismus agere reuelatæ gratiæ tempore consuevit, excepto quod regni cælestis ianuam necdum intrare poterant, donec adueniens benedictionem daret qui legem dedit, ut videri posset Deus deorum in Sion. Tantum in sinu Abrahamæ post mortem beata requie consolati supernæ pacis ingressum spe felices expectabant.]* Vtraque ergo purificatio, & circumcisionis videlicet in lege, & in Euangelio baptismatis, tollendæ præuaricationis primæ gratia posita est. & ne cui sæculi labentis ætati super-

1. Petr. 3. 9.

1. Cor. 8. 11.

Non longè à principio

Post alia:

ni respectus munera deessent, illi quoque, qui à mundi exordio usque ad tempora datæ circumcisionis, vel post datam circumcissionem, de aliis nationibus Deo placuerunt, vel hostiarum oblationibus, vel certè sola fidei virtute, suos suorumque animos Creatori commendantes, à primi reatus vinculis absoluerè curabant. *Sine fide enim impossibile est placere Deo.* & sicut aliàs scriptum est, *Iustus autem ex fide vivit.*] Et item in Homilia decima tertia de sequenti populo post passionem Domini usque ad finem sæculi, *Qui dilexit nos,* inquit, *& lauit nos à peccatis nostris in sanguine suo.* Non solum autem lauit nos à peccatis nostris in sanguine suo, quando sanguinem suum dedit in cruce pro nobis, vel quando quisquam nostrum in mysterium sacrosanctæ passionis illius baptismi aquis ablutus est: verum etiam quotidie tollit peccata mundi, lauatque nos à peccatis nostris quotidianis in sanguine suo, cum eiusdem beatæ passionis ad altare memoria replicatur, cum panis & vini creatura in sacramentum carnis & sanguinis eius ineffabili Spiritus sanctificatione transfertur. sicque corpus & sanguis illius, non infidelium manibus ad perniciem suam funditur & occiditur, sed fidelium ore suam sumitur in salutem. Cuius rectè figuram agnus in lege paschalis ostendit. Qui semel populum de Ægyptia seruitute liberans, in memoria eiusdem liberationis, per omnes annos immolatione sua populum eundem sanctificare solebat, donec veniret ipse cui talis hostia testimonium dabat, oblatumque Patri pro nobis in hostiam odoremque suauitatis, mysterium suæ passionis, ablato agno, in creaturam panis vini que transferret, sacerdos factus in æternum secundum ordinem Melchisedech, cuius sanguis veteribus electis regni ianuas patefecit.]

Sub initiū.

Et Leo in Homilia tertia de Natale Domini, Adicienda erat veritas redemptionis mortalibus institutis, & corruptam ab initio originem nouis renasci oportebat exordiis. Offerenda erat pro reconciliandis hostia, quæ & nostri generis focia, & nostræ contaminationis esset aliena: vt hoc propositum Dei, quo peccatum mundi Iesu Christi placuit natiuitate & passione delere, ad omnium generationum sæcula pertineret: nec turbarent nos, sed potius confirmarent mysteria, quæ temporum ratione variata, cum fides qua viuimus nulla fuerit ætate diuersa. Cessent igitur illorum querelæ, qui impio murmure diuinis dispensationibus obloquentes, de Dominicæ natiuitatis tarditate causantur, tanquam præteritis temporibus non sit impensum quod in vltima mundi ætate est gestum. Verbi enim incarnatio hoc contulit facienda quod facta, & sacramentum salutis humanæ in nulla vnquam antiquitate cessauit. Quod prædicauerunt Apostoli, hoc adnuntiauerant & propheta: nec serò est impletum, quod semper est creditum. Sapientia verò & benignitas Dei, ac salutiferi operis mora, capaciores nos suæ vocationis effecit, vt quod multis signis, multis vocibus, multisque mysteriis per tot fuerat

fuerat sæcula nuntiatum, in diebus Euangelij non esset ambiguum. Et natiuitas Saluatoris, quæ omnia miracula omnemque humanæ intelligentiæ erat excessura mensuram, tanto constantiorem in nobis gigneret fidem, quanto prædicatio eius & antiquior præcessisset & crebrior. Non itaque nouo consilio Deus rebus humanis, nec fera miseratione consuluit: sed à constitutione mundi vnā eandemque omnibus causam salutis instituit. Gratia enim, qua semper vniuersitas iustificata sanctorum, aucta est Christo nascente, non cœpta. Et hoc magnæ pietatis sacramentum, quo totus iam mundus impletus est, tam potens etiam in suis significationibus fuit, vt non minùs eo adepti sint qui illud credidere promissum, quàm hi qui susceperunt donatum.] Et sanctus Augustinus in libro de Natura & Gratia, Ea quippe fides iustos sanauit antiquos, quæ sanat & nos, id est mediatoris Dei & hominum hominis Christi Iesu, fides sanguinis eius, fides crucis eius, fides mortis & resurrectionis eius. *Habentes ergo eundem spiritum fidei, & nos credimus propter quod & loquimur.* Et venerabilis presbyter Beda in expositione Euangelij Lucæ, *Vt conuertat corda patrum in filios, & incredibiles ad prudentiam iustorum, parare Domino plebem perfectam.* Corda patrum in filios conuertere, est spiritalem sanctorum antiquorum scientiam populis prædicando infundere. Prudentia verò iustorum est, non de legis operibus iustitiam præsumere, sed ex fide salutem quærere: vt quamuis in lege positi legis iussa perficiant, gratia se tamen Dei per Christum saluandos intelligant. *Iustus enim ex fide viuit.* Et Petrus de iugo legis ait, *Quod neque patres nostri neque nos portare potuimus, sed per gratiam Domini Iesu credimus saluari, quemadmodum & illi.* Et in Tractatu Actuum Apostolorum, ex verbis sancti Leonis Papæ, *Et non est in alio aliquo salus.* Si in nullo alio, sed in Christo tantum mundi salus est, ergo & Patres testamenti veteris eiusdem Redemptoris incarnatione & passione saluati sunt, qua nos saluari credimus & speramus. Et si enim sacramenta pro temporum ratione discrepent, fides tamen vna eademque concordat: quia quam nos per Apostolos factam, eandem illi dispensationem Christi per prophetas didicerant esse venturam. Neque enim est redemptio captiuitatis humanæ, nisi in sanguine eius, qui dedit semetipsum redemptionem pro omnibus.] Et item venerabilis presbyter Beda in Epistola prima Petri, Suprà dixerat Prophetas spiritu Christi prænuntiasse passiones eius & posteriores glorias: & nunc dicit eadem Apostolos eis nuntiare Spiritu sancto misso de cælo. Vnde patet quia idem spiritus Christi erat in Prophetis prius, qui postmodum in Apostolis. Ideoque eandem fidem passionis Christi & posterioris gloriæ vtrique populis prædicabant: illi adhuc venturam, isti iam venisse. ac per hoc vnā esse Ecclesiam, cuius pars carnalem Domini aduentum præcesserit, pars sit altera secuta.] Sicut & S. Gregorius in Homilia Ezechielis decima quin.

Cap. XIII.

In caput 1.

Act. 15. 16.

Cap. 14. in Acta.

In cap. 10.

Post mediu

ta dicit, Et quidem ab Abel sanguine passio iam cœpit Ecclesiæ, & una est Ecclesia electorum præcedentium atque sequentium.] Et in Homilia decima septima, *Et qui præibant, & qui sequebantur, clamabant Osanna.* Præcessit quippe Iudaicus populus, secutus est gentilis. Et quia omnes electi, siue qui in Iudæa esse potuerunt, siue qui nunc in Ecclesia existunt, in mediatorem Dei & hominum crediderunt & credunt, qui præeunt & qui sequuntur Osanna clamant. Osanna autem Latina lingua salua nos dicitur. Ab ipso enim salutem & priores quæsierunt, & præsentem quærunt, & benedictum qui venit in nomine Domini confitentur: quoniam una spes, una fides est præcedentium atque sequentium populorum. Nam sicut illi expectata passione ac resurrectione sanati sunt, ita nos præterita passione illius ac permanenti in sæcula resurrectione saluamur.

Non longè
à principio

De his autem qui non saluantur, idem auctor dicit in Homilia IX. Notandum verò, quòd postquam mala parentum defunctorum dixerat, mittens Prophetam ad filios dicit, *Si fortè vel ipsi audiant, & si fortè quiescant.* Quid est dicere vel ipsi, nisi quia eorum patres, qui in culpa defuncti sunt, audire noluerunt? & paulo post, Et nos adhuc parentes nostros ad iniquitatem sequimur, ab eorum elatione quam vidimus non mutamur. & illi quidem inter gaudia, nos verò, quod est grauius, inter flagella peccamus. Sed ecce omnipotens Deus iniquitates iudicans iam priores nostros abstulit, iam ad iudicium vocauit: nos adhuc ad pœnitentiam expectat, nos ad reuertendum sustinet. & qui in illis iam iudicium exercuit, nobis suæ patientiæ longanimitatem prærogat, ne cum nostris nos prioribus perdat, dicens *Si fortè vel ipsi audiant, & si fortè quiescant, quia domus exasperans est.*] Ergo & præcedentes & subsequentes quotquot saluantur, per redemptionem illius saluantur, & qui non credentes vt redimantur de subsequenti populo infidelitate pereunt, vel qui prauis moribus & iniquis operibus post redemptionem pereunt, sua infidelitate & iniquitate pereunt. Sic & de populo veteri infidelitate & iniquitate quicumque sunt perdit perierunt, sicut sacræ Testamenti veteris paginæ, à Cain reprobo vsque ad Annam & Caipham, euidenter demonstrant: & quicumque saluati sunt credentes in venturum, sicut & nos in eum qui iam venit credimus, per redemptionem quæ est in sanguine ipsius saluati sunt, sicut & nos eadem redemptione saluamur, & omnes saluandi sine dubio saluabuntur. Vnde & venerabilis presbyter Beda in Homilia XXIV. Euangelij dicit, *Turbæ autem quæ præcedebant, & quæ sequebantur, clamabant dicentes Osanna filio David.* Una eademque confessionis & laudationis voce Dominum qui præcedunt & qui sequuntur exaltant: quia una nimirum fides est eorum, qui ante incarnationem Dominicam & qui postea fuere probati, quamuis sacramenta habuerint pro temporum ratione disparia, Petro attestante qui ait, *Sed per gratiam Do-*

In Domi-
nica Pal-
marum.
Matth. 21.
9.

Act. 15. 11.

mini Iesu credimus saluari quemadmodum & illi.] Et sanctus Hieronymus in Commento Epistolæ Pauli ad Galatas, Hæres iste paruulus, qui nihil differt à seruo cùm sit Dominus omnium, sed sub tutoribus & actoribus est vsque ad præfinitum tempus à patre, totum humanum genus vsque ad aduentum Christi, & vt amplius dicam, vsque ad mundi consummationem significat. Quomodo enim omnes in protoplasto Adam necdum nati moriuntur, ita omnes, etiam qui ante aduentum Christi nati sunt, in secundo Adam viuificantur. Atque ita fit, vt nos legi seruiuerimus in patribus, & illi gratia saluentur in filiis. Iste intellectus Ecclesiæ catholicæ conuenit, quæ & veteris & noui testamenti vnâ adserit prouidentiam, nec distinguit in tempore quos conditio sociauit.

Sic & sanctus Augustinus ad Marcellinum in libro secundo de Baptismo, de redemptione primorum hominum, quæ est in sanguine Christi, ita dicit, Mirandum non est, & mortem corporis non fuisse venturam homini, nisi præcessisset peccatum, cuius etiam talis pœna consequeretur, & post remissionem peccatorum eam fidelibus euenire, vt in eius timore vincendo exerceatur fortitudo iustitiæ. Cap. xxxiv. Caro enim quæ primò facta est, non erat caro peccati, in qua noluit homo inter delicias paradisi seruare iustitiam. Vnde statuit Deus, vt post eius peccatum propagata caro peccati, ad recipiendam iustitiam laboribus & molestiis niteretur. Propter hoc etiam de paradiso dimissus Adam, contra Eden habitauit, id est, contra sedem deliciarum: vt significaret quòd in laboribus, qui sunt deliciis contrarij, erudienda esset caro peccati, quæ in deliciis obedientiam non seruauit antequàm esset caro peccati. Sicut ergo illi primi homines postea iustè viuendo, vnde meritò creduntur per Domini sanguinem ab extremo supplicio liberati, non tamen in illa vita meruerunt ad paradysum reuocari: sic & caro peccati, etiamsi remissis peccatis homo in ea iustè vixerit, non continuò meretur eam mortem non perpeti, quam traxit de propagine peccati. Tale aliquid nobis insinuatum est de patriarcha Dauid in libro Regnorum. Ad quem Propheta cùm missus esset, eique propter peccatum quod admiserat euentura mala ex iracundia Dei comminaretur, confessione peccati veniam meruit, respondente Propheta quòd ei flagitium facinusque remissum sit, & tamen consecuta sunt quæ Deus fuerat comminatus, vt sic humiliaretur à filio. Quare & hîc non dicitur, si Deus propter peccatum illud fuerat comminatus, cur dimisso peccato quod erat comminatus impleuit, nisi quia rectissimè sic dictum fuerit? Respondebitur remissionem illam peccati factam, ne homo à recipienda vita impediretur æterna. Subsecutum verò illius comminationis effectum, vt pietas hominis in illa humilitate exerceretur atque probaretur. Sic & mortem corporis, & propter peccatum Deus homini inflixit, & post peccatorum remissionem propter exercendam iustitiam non ademit.] H h ij

Lib. vi.
epist. 31.

Cap. x.

Libro II.
cap. 35.

I. Cor. 8. 11.

Et hinc sanctus Gregorius in epistola ad Eulogium Alexandrinum, & ad Anastasium Antiochenum Episcopos, Adæ, inquit, animam mortuam in peccato dicimus, non à substantia viuendi, sed à qualitate viuendi. Quia enim aliud est substantia atque aliud qualitas, non est anima ita mortua ut non esset, sed ita mortua ut beata non esset. qui tamen Adam postmodum per penitentiam ad vitam rediit.] Et sanctus Ambrosius in libro de Paradiso, Verum si consideres, quia Deo vniuersitatis est cura, inuenies plus placere Domino debuisse id in quo esset causa vniuersitatis, quam condemnandum fuisse illud, in quo esset causa peccati. Et ideo quia ex viro solo non poterat humani esse generis propagatio, pronuntiauit Dominus non esse bonum solum hominem. Maluit enim Deus plures esse, quos saluos facere posset, & quibus donaret peccatum, quam vnum solum Adam qui liber esset culpa. Denique quia idem vtriusque auctor est operis, venit in hunc mundum ut saluos faceret peccatores. Postremo nec Cain parricidij reum, priusquam generaret filios, passus est interire. Ergo propter generationem successionis humanæ debuit mulier adici viro. Denique hoc ipsa verba declarant dicentis Dei, non esse bonum solum hominem esse. Nam & si mulier prior peccator erat, tamen redemptionem sibi paritura non debuit ab usu diuinæ operationis excludi. Quamuis enim Adam non est seductus, mulier autem seducta & in præuaricatione erit, salua tamen, inquit, erit per filiorum generationem, inter quos generauit & Christum.] Et sanctus Augustinus in præfato libro ad Marcellinum, Talis populus, ut prædixi, eruditus in regno cælorum per duo testamenta, vetus & nouum, non declinans in dexteram superba præsumptione iustitiæ, neque in sinistram securâ dilectione peccati, in terram repromissionis intrat: vbi iam peccata vltius nec nobis donanda optemus, nec in nobis punienda timeamus, ab illo Redemptore liberati, qui non venundatus sub peccato redemit Israel ab omnibus iniquitatibus eius, siue propria cuiusquam vita commissis, siue originaliter tractis.] Vnde constat, sicut sanctus Ambrosius tractans sententiam Apostoli *Et peribit qui infirmus est in tua scientia frater, pro quo Christus mortuus est* exponit, id est, tua peritia illum occidit, & tu eris occasio mortis fratris, quem Christus ut redimeret crucifigi se permisit.] Potest perire qui iam donum redemptionis suscepit, videlicet quia dono abusus perit: cur non dicatur etiam Christus pro eis passus qui redimi noluerunt, qui si credidissent, utique redimerentur, sicut & illi redempti sunt qui crediderunt? Quod & Prosper contra Vincentianos obiectione prima demonstrat dicens, Contra vulnus originalis peccati, quo in Adam omnium hominum corrupta & mortificata natura est, & vnde omnium concupiscentiarum morbus inoleuit, verum & potens ac singulare remedium est mors filij Dei domini Iesu Christi, qui liber à mor-

ris debito, & solus absque peccato, pro peccatoribus & debitoribus mortis est mortuus. Quod ergo ad magnitudinem & potentiam pretij, & quod ad vnam pertinet causam generis humani, sanguis Christi redemptio est totius mundi. sed qui hoc sæculum sine fide Christi, & sine regenerationis sacramento pertranseunt, à redemptione alieni sunt.]

Et quia vna eademque fide saluatæ sunt turbæ quæ præcesserunt & quæ subsequuntur, constat licet sint sacramenta disparia, quia simili infidelitate & iniquitate pereuntium turbæ quæ præcesserunt & quæ subsequuntur intereunt. Sed & Apostolus demonstrat, quia vno eodemque bono odore alij saluantur, alij pereunt, dicens, Christi bonus odor sumus Deo, in his qui saluantur, & in his qui pereunt. Et Ambrosius, exponens sermonem Apostoli de cœna Dominica, in Epist. ad Corinthios prima, ita dicit de his qui ex ea salutem accipiunt. Medicina enim spiritalis est, quæ cum reuerentia degustata purificat sibi deuorum. Memoria enim redemptionis nostræ est, vt Redemptoris memores maiora ab eo cōsequi mereamur.] Item de his qui ex ea vitio suo iudicium sibi accipiunt. Futurum est, inquit, vt quemadmodum accedit vnusquisque reddat causas in die Domini Iesu Christi: quia sine disciplina traditionis & conuersationis qui accedunt, rei sunt corporis & sanguinis Domini. Quid est autem reos esse, nisi pœnas dare mortis Domini? Occisus est enim etiam pro his qui beneficium eius in irritum ducunt.] Ecce pro his passus dicitur, qui non eius passione saluantur. Quod in Euangelio secundum Lucam aper-
tissime demonstratur, cum dicitur, *Et accepto pane, gratias egit & fre-* Luc. 22. 19.
git, & dedit eis dicens, Hoc est corpus meum, quod pro vobis datur, hoc fa-
cite in meam commemorationem. Similiter calicem postquam cœnauit dicens,
Hic est calix nouum testamentum in sanguine meo, qui pro vobis fundetur.
Et ibi erat Iudas inter Apostolos, licet quidam de præcipuis docto-
ribus catholicis aliter dicat. Sed Ioannes Chrysostomus in Homilia
de prodicione Iudæ, & sanctus Augustinus in expositione Psalmi
decimi, & Leo in Homilia tertia de Passione Domini, eundem pro-
ditorem ibi fuisse demonstrant. Et post præmissa Euangelij verba
mox ibidem subsequitur, *Verumtamen ecce manus tradentis me mecum est* Ioan. 13. 27.
in mensa. De quo scriptum est, *Et nemo periit, nisi filius perditionis.* quem
& præsciebat se traditurum, sicut scriptum est, *Ipse enim sciebat quis*
esset eum traditurus. propterea dixit *non estis mundi omnes.* Et hinc veraci-
ter scriptum est, *Hoc est corpus meum, quod pro vobis datur. & Hic est*
calix nouum testamentum in sanguine meo, qui pro vobis fundetur. Hinc
quisque contradiCTOR respondeat, vtrum pro illis solis, qui de manu
illius illa sacra acceperant, vel qui ibi aderant, an & pro aliis, nobis
scilicet, qui in eum credituri eramus. Scimus quia facile respondebit,
& pro omnibus in eum credentibus, quia ibi scriptum est, *Hoc fa-* Luc. 22. 19.
cite in meam commemorationem. Ergo quia turbæ, quæ præcedebant &

quæ sequebantur, clamabant dicentes *Osanna filio David*, sicut pro subsequentibus, ita & pro præcedentibus, ut Petrus dicit, *per gratiam Dei credimus saluari, quemadmodum & illi.*

Ad alterum modò cum respondere non pigeat, quando dixit,
 Act. 15. 10. *Hoc est corpus meum quod pro vobis datur, & Hic est calix qui pro vobis fundetur*, quia Iudam non excepit, utrum illum excipere audebit? Scimus quia Dominum mentitum fuisse, licet multa præsumat, dicere non audebit. Et si Dominus à redemptione illum non excepit, sed ipse licet illam indignus suscepit, se alienum effecit, quid peccant Doctores catholici dicentes, Pro omnibus Christus passus est, licet non omnes passionis eius mysterio redimantur, qui omnium suscepit naturam, & omnes vult saluos fieri, & neminem vult perire, ut Paulus & Petrus dicunt, licet non omnes saluentur? Et nos quid contrarium fidei catholice diximus, quando illorum & sensum & verba ponentes scripsimus, *Pro omnibus Christus passus est, licet non omnes passionis eius mysterio redimantur: quia verò omnes passionis eius mysterio non redimuntur, non respicit ad magnitudinem pretij, sed ad infidelium partem. quia poculum humane salutis, quod confectum est de infirmitate nostra & virtute diuina, habet quidem in se ut omnibus prosit, sed si non bibitur, non medetur? Quod spiritualiter biberunt & sancti in veteri Testamento ac saluati sunt, testante Apostolo, Bibebant de spiritali: sicut & nunc bibunt deuoti in Testamento nouo & salui fiunt. Biberunt increduli in Testamento veteri, licet impari fidei deuotione cum sanctis, & damnati sunt, sicut & manducauerunt manna & mortui sunt. Quomodo manducauit & bibit Iudas, & non solum temporaliter, sed & æternaliter mortuus est. & sicut Apostolus de quibusdam inreuerenter manducantibus & bibentibus dicit, Ideo multi in vobis inualidi, & agroti, & dormiunt multi. Quia verò de manna ex verbis sancti Augustini supra ostendimus, de potu spiritali, vnde Apostolus dixit, Et omnes eundem potum spiritalem biberunt, verbis sancti Ambrosij ex libro v. de Sacramentis dicamus, Cum sitiret populus Iudæorum, & murmuraret quòd aquam inuenire non posset, iussit Deus Moyse ut tangeret petram de virga. Tetigit petram, & petra vndam maximam fudit, sicut Apostolus ait, Bibebant autem de consequenti petra, petra autem erat Christus. Non immobilis petra, quæ populum sequebatur: & tu bibe, ut te Christus sequatur.] Et sanctus Augustinus in exposito Euangelij Ioannis, Paulo antè dixit, Nisi manducaueritis carnem filij hominis, & biberitis eius sanguinem, non habebitis vitam in vobis, & modò dicit, Caro non prodest quicquam, id est, si carnaliter vultis intelligere. Quocirca in veteri Testamento spiritales spiritualiter intelligentes spiritalem potum biberunt, & à peccatis ac pœnis saluati sunt, donec venit ille verus agnus qui tollit peccata mundi, in cuius figura, per immolationem agni Paschæ veteris, de Ægyptia seruitute redempti sunt. Cuius sanguine, sicut verbis sanctorum Au-*

I. Cor. 10. 4

I. Cor. 11.

30.

I. Cor. 10. 4

Cap. 1.

Ioan. 6. 54.

Ibid. 63.

gustini atque Ambrosij suprà ostendimus, & primi homines redempti sunt, & omnibus incarnationis ac passionis eius mysterium credentibus cælestis regni ianuam patefecit. Credere autem nolentibus, & carnaliter intelligentibus atque uiuentibus, & in infidelitate atque iniquitate perseuerantibus, & spiritalis ille cibus ac potus, & veri agni sanguis, in iudicium damnationis est: sicut & post passionem illius, non credentibus, vel in iudicium, vt Apostolus dicit, ad hoc sacrum mysterium suscipiendum conuenientibus, existere noscitur. Et sicut sanctus Gregorius de Sanctorum persecutoribus, quod & æquè in reprobâ vita finientibus debet intelligi, in Homilia xxxviii. dicit, Quia nec ad memoriam nostram vel in mortuorum numero veniunt.] Ita & illi spiritalis viri in Testamento veteri de reprobis illius temporis sensisse creduntur. quanto magis nos hoc sentire iste contradictor noster credere debuerat, qui Domini Apostolorumque eius, ac catholicorum magistrorum doctrina manifestissimè reuelata, cognoscimus quæ illis in figura velato mysterio, vt dicit Apostolus, contigerunt.

Non longè
à principio

CAPVT XXXIII.

Ab hinc sequitur qualiter docent sanctarum scripturarum auctoritate catholici viri generaliter Christum fuisse passum pro omnibus.

CLARET ex his suprà positis testimoniis, quia redemptio captiuitatis humanæ, Christus Iesus, omnibus ante incarnationem & passionem illius ventura erat, & quicumque credere voluerunt, ac fidei congruis operibus viuere studuerunt, per passionis eius mysterium redempti atque saluati sunt: qui autem credere noluerunt, neque fide dignis operibus viuere studuerunt, ipsi se, sicut in passione sua & post passionem suam fecerunt, faciunt, & facturi sunt, à redemptione proposita alienos fecerunt. Et sicut nunc ipsius passio illis non prodest, sed in iudicium erit, qui in infidelitate vel prauis operibus de isto sæculo exeunt: sic & nec illis profuit, immo in iudicium illius passio extitit, extat, atque extabit, qui per illam redimi poterant si voluissent, sicut redempti sunt qui in illum venturum crediderunt, & eius passione saluari meruerunt. Sic & sanctus Augustinus, vt præmisimus, de his qui manna comederant dicit, Manducauerunt Moyse & Aaron, & ceteri sancti qui fuerunt in populo, manna & non sunt mortui, quia spiritaliter visibilem cibum intellexerunt, spiritaliter esurierunt. alij manducauerunt & permanserunt in infidelitate, ac mortui sunt, non solum morte corporali, verum etiam morte spiritali. Sic & de baptismo quo baptizati sunt constat debere intelligi, & ex testimonio beati Petri ex

arca & diluvio suprà ostendimus. Nunc quia manifestum est, nobis mendaciter fuisse calumniatos, quia dixerimus quod non diximus, pro illis impiis Dominum passum fuisse, qui à mundi exordio usque ad passionem Domini in sua impietate mortui, æterna damnatione puniti sunt, quasi illi redempti sint sanguinis ipsius effusione. Sed sic diximus omnibus paratam esse salutem, qui ante incarnationem illius fuerunt, sicut & his qui post passionem illius nati sunt, & nascituri sunt. tantum ut credant ea fide quæ per dilectionem operatur, sicut crediderunt illi qui salvi facti sunt, & qui nunc saluantur, quique saluandi sunt. Et sicut saluati sunt ab originali peccato à mundi exordio usque ad tempora datæ circumcisionis, vel post datam circumcisionem, de aliis nationibus qui Deo placuerunt, vel hostiarum oblationibus, vel certè sola fidei virtute, suas suorumque animas Creatori commendantes. Sicut etiam ab originalis peccati vulnere, post tempora datæ circumcisionis, hi qui circumcidendi erant secundum legem, circumcisione purificati, & per fidem mediatoris tunc venturi, nunc iam à fidelibus suscepti, saluati sunt. Et quia istorum Capitulorum coniector testimonium Apostolicum posuit, quo sicut nobis videtur demonstrare voluit, quia non pro omnibus Christus passus sit, licet non omnes, sicut nos scripsimus, passionis eius mysterio redimantur, redempti ac redimendi sint, scribens *Christus*, inquit, *semel oblatus est ad multorum exhaustiunda peccata*. & domnus Prudentius ex Euangelio, & aliis scripturis sanctis, ad hanc confirmandam adsertionem plura ponit exempla, dicitque

» in supra memorata epistola capite tertio, Ut credat & confiteatur,
 » scilicet ordinandus, cum omnibus catholicis, sanguinem Domini nostri Iesu Christi pro omnibus hominibus ex toto mundo in eum
 » credentibus fusum: non autem pro illis qui nunquam in eum crediderunt, nec hodièque credunt, nunquam nec credituri sunt, dicente ipso Domino, *Venit enim filius hominis non ministrari, sed ministrare, & dare animam suam redemptionem pro multis*. Sed & Gotescalcus in hanc venit sententiam. relinquentes interim has nãias, potiusque blasphemias, quid Patres catholici senserint de mysterio Dominicæ passionis, utrum pro omnibus passus sit, licet passionis eius mysterio omnes non redimantur, an tantummodò pro his solis, qui effusione ipsius sanguinis redimuntur atque saluantur, designatis singulorum nominibus, ac positis singillatim singulorum sententiis, demonstrare curemus.

Matth.
20.28.

SANCTVS DIONYSIVS Arcopagites in libro de cælesti Hierarchia capite decimo quinto, De sensuali enim igne est dicere, in omnes & per omnes immixtè venit, & præcellit omnibus, & omnibus lucens cum sit, simul est & sicut occultus. ignotus ipse à se non in porro iacenti materie ostendens propriam operationem. innumerabilis & inuisibilis neque tenibilis. & omnes in quibus fit ad suam

suam operationem mutans, tradalis suū ipsius omnibus sibi adproximantibus.] Item in libro de Ecclesiastico principatu cap. III. Pro omnibus enim thearchica beatitudo, & si benignitate diuina procedit ad participantium eius diuinorum communionem, sed non foris secundum substantiam immobilis stationis & stabilitatis fit.

SANCTVS CYPRIANVS in libro de Oratione Dominica ita dicit: Hoc iam per Esaiam prophetam fuerat antè prædictum, cum plenus Spiritu sancto de Dei dignatione ac pietate loqueretur, *Verbum consummans & breuians in iustitia, quoniam sermonem breuiatum faciet Deus in toto orbe terræ*, Nam cum Dei sermo Dominus noster Iesus Christus omnibus venerit, & colligens doctos pariter & indoctos, omni sexui atque ætati præcepta salutis ediderit, præceptorum suorum fecit grande compendium, vt in disciplina cælesti discantium memoria non laboraret, sed quod esset simplicis fidei necessarium velociter disceret.] & item in eodem libro, Qui docuit vnitatem, sic orare vnum pro omnibus voluit, quomodo in vno omnes ipse portauit.]

versus finē.

Esa. 10. 18.

Rom. 9. 28.

Non longè

à principio.

SANCTVS HILARIVS in libro II. de Fide dicit, Humani generis causa Dei filius natus ex Virgine est & Spiritu sancto, ipso sibi in hac operatione famulante, & sua videlicet Dei obumbrante virtute, corporis sibi initia conseruit, & exordia carnis instituit, vt homo factus ex Virgine naturam in se carnis acciperet, perque huius admixtionis societate sanctificatum in eo vniuersi generis humani corpus existeret: vt quemadmodum omnes in se per id quod corporeum se esse voluit conderentur, ita rursus in omnes ipse per id quod eius est inuisibile referretur.] Et in Psalmo CXVIII. *Aufer, inquit, à me opprobrium & contemtum*. Peccata opprobrio sunt digna, & idcirco peccatores exurgēt in opprobrium æternum. Quod autem peccata omnia opprobrio sint digna, in Euangelis discamus, tum cum Dominus exprobrare illis ciuitatibus cœpit, in quibus plures virtutes eius effectæ essent, nec pœnituisent Corrozain & Bethsaïda. Quod ab illis cœptū, necesse est vt in omnes eiusdem criminis pares fiat, & tunc humano generi exprobrat non pœnitenti, neque in viam Euangelicam pergenti, id quod Psalmo continetur, *Quæ utilitas in sanguine meo, dum descendo in corruptionem?* Exprobrat enim superbis atque maledictis, cur nihil in sacramento sanguinis sui atque mortis vtilitatis esse existimarint, cum ille nostræ causa & natus, & passus, & mortuus sit.] Item idem in Psalmo LIX. Idcirco tituli inscriptio pro his qui immutabuntur adscribitur gloriæ mortis eius qui pro omnibus mortuus est.] Et post aliquanta, Ita iram misericordia consecuta est, dum damno terrenorum præsentium ingens æternorum retributio repensatur. Et hæc quidem non magis ad Israel, quàm ad vniuersitatem humani generis aptata sunt, quia ex vno in omnes sententia mortis & vitæ labor exiit, cum dictum est, *Maledicta terra in operibus tuis*. Nunc autem per vnum in

Post mediū

versus finē.

Sect. 4.

Psalm. 118. 12

Psalm. 29. 10.

In Exposit.
Tituli.Enarrat. in
principio.

Gen. 3. 17.

omnes vitæ iustificationis gratia abundauit, vt quorum terra maledicta est, horum nunc cōformia Deo corpora sint, & quæ commota metu, & ignoratione turbata, & labore cōtristata est, & ipso illo lætificantis vini compuncta potu, nunc susceptæ significationis secura virtute, futuræ iræ defugiat potestatem.] Item in Psal. LXI. Posteaquam Dei spiritum, Dei virtutē, Dei sapiētiam, Dei filium, & vnigenitum Deum, ad remissionem peccati, condemnationēque peccati legis hominem natum esse cognouerit, qui humanarum passionū sorte perfunctus, ad condemnanda in se cælestium nequitiarum impia tentamenta sit mortuus, vt æternitatē omnibus, qui per habitantē in carne nostra peccati legē moriebamur, inueheret, tum hoc sacramēto pietatis accepto, post ignorationis noctem in sciētiae lumine collocatus, ita dicit, *Nonne Deo subdita erit anima mea?*] Item in Psal. LXIV. Habemus etiam & cibum paratū. & quis hic cibus est? Ille scilicet, in quo ad Dei consortium præparamur, per communionem sancti corporis, in cōmunionem deinceps sancti corporis collocandi. Id enim præsens Psalmus significat dicens, Psal. 64. 10. *Parasti cibum illorum, quoniam ita est præparatio tua.* quia cibo illo quamuis in præsens saluemur, tamen in posterum præparamur.] Item in LXVII. Et primū quidem non alienum à Dei misericordia & bonitate videri potest, vt vitam omnibus in se ipso restitueret ex mortuis.] Item in Psal. LXVIII. Hæc sanctorum expectatio fuit, vt omnis caro redimeretur in Christo, vt in eo æternæ resurrectionis primitiæ existerent.] Sub mediū. & item in eodem, Hoc enim in multitudine misericordiæ beneplacitum est tempus, cū in se vniuersorum hominum vitam Deus miserans, vt miserator Deus vitam esset largiturus ex mortuis.] Item in eodem, *Cū ergo accepisset Iesus acetum dixit, Consummatum est.* Venerat ad oues perditas domus Israel, & expectans consolantem commorientēque non habuit. non quòd consolatione eguit volens pati atque mori, sed qui secum super totius populi impietate mœreret, & qui seipsum ipsa mœrentis secum salute consolaretur, vt omnibus tanto scelere perfunctis, solatium in his saltem qui salui fierent acciperet, secundū illud, *Et in seruis suis consolabitur.*] Item in Psalmo CXXIX. *Quia apud te propitiatio est.* Est enim vnigenitus Dei filius Deus Verbum redemptio nostra, pax nostra, in cuius sanguine reconciliati Deo sumus. Hic est qui venit tollere peccata mundi, qui cruci chirographum legis affigens, edictum damnationis veteris deleuit.] & post aliquanta, *Quia misericors est, quia copiosa apud eum redemptio est, quia redimet ab iniquitatibus suis vniuersos.*] Item in Psalmo CXXXV. Redemit nos per sanguinem suum, per passionem suam, per resurrectionem suam. hæc magna vitæ nostræ pretia sunt. 1. Cor. 6. 20 *Magno, enim ait Apostolus, redempti estis, & redempti ab inimicis, à diabolo, ab Angelis eius, à filio perditionis, à principibus aëris, à mundi potestatibus, ab inimica morte. & redemit escam dando omni carni. Qui dat escam omni carni, id est quæ redem-*

pta est, dat escam incorruptam & æternam panis viui, panis cælestis. Et in his singulis, quod redempti sumus, quod omnis redemptorum caro escam accipit, ea causa est, quoniam in sæculum misericordia eius. Quod cælum, quod terra, quod cætera sunt, & ipsum illud quod sumus qui non fuimus, quod erimus quod non sumus, causam aliam non habet, nisi misericordiæ Dei, qui ad consortium bonorum suorum nasci nos voluit ille qui bonus est Dominus noster Iesus Christus.]

ET SANCTVS ATHANASIVS ad Epictetum, Propterea quia natura Deus manens Verbum est impassibile, & ipse quidem incorporealis erat in corpore passibili, corpus autem habebat in se Verbum impassibile, destruens infirmitates ipsius corporis. Faciebat autem hoc & fiebat, ita vt nostra ipse suscipiens & offerens in sacrificium destrueret, & suis nos iam operiens, faceret Apostolum dicere, *Oportet corruptibile hoc induere incorruptionem, & mortale hoc induere immortalitatem.* Absit autem, vt figuratè ista facta sint, sicut quidam iterum arbitrantur: sed verè homine facto Salvatore, totius hominis facta est salus.] Et item, Si propter quod est & dicitur in scripturis ex Maria esse & humanum corpus Saluatoris, putant pro Trinitate quaternitatem dici, quod facta adiectione propter corpus, multum errant facturam coæquantem factori, & suspicantur posse deitatem aliquid adiectionis accipere, & ignorarunt, quia non propter adiectionem Deitatis Verbum caro factum est, sed vt caro resurgat: neque vt melioraretur Verbum processit ex Maria, sed vt humanum genus liberaret.]

GREGORIUS NAZIANZENSIS in libro Apologiæ dicit, Propterea namque Deus corpori anima mediante commixtus est, vt coniungeret separata, atque in concordiam & pacem discordantia reuocaret, in vnum se & per se reuocans omnia. Ab vno patre generis nostri prius proditam animam suscepit, propter inobedientem animæ carnem, propter malam obedientiam, pro qua & simul condemnata est, vt sicut in carne & anima fuerat condemnatio, ita & in carne & anima fieret salus. Christus ergo pro Adam, pro eo qui factus est sub peccato, ille qui erat sine peccato introducit, pro veterere nouus, vt huius passione voluntaria ille qui inuitus passus fuerat curaretur. quo scilicet & pro singulis nobis hoc quod supra nos est redderetur.] Item in Sermonem de Natale Domini, Hæc est ista sollemnitas, hæc est dici huius magna & gloriosa festiuitas. Aduentum Domini factum ad homines celebramus, vt nos ad Deum proficiscamur, immo vt reuertamur ad Deum. Sic enim rectiùs dicitur, vt veterere homine deposito, nouo induamur, & sicut in Adam omnes mortui sumus, ita in Christo cruci adfigamur, & consepeliamur ei in morte, vt cum ipso etiam resurgamus ad vitam. Necesse est enim nos perpeti vtilem hanc & necessariam vicissitudinem, vt sicut ex bo-

nis ad tristitia deuoluti sumus, ita ex tristibus ad meliora reparemur. Vbi enim abundauit peccatum, superabundauit gratia, ut quos gustus ligni vetitus condemnauit, Christi crux gratia largiore iustificet. Et item in eodē, Sed quid aiunt nobis in hoc loco calumniosi isti, qui nobis velut feuerissimi quidam discussores diuinitatis procedūt, accusantes ea quæ omni veneratione digna sunt & honore? tenebrosi etiam in luce, imperiti erga sapientiam, pro quibus Christus gratis mortuus est, creaturæ ingratae aduersus creatorem suum, figmenta diaboli, exprobrantes Deo beneficia sua. Propterea minor est, quia propter te humilis est?] Item in Sermonē de Epiphania, Nam quoniam inimicus noster artem suam sophisticam vinci non posse præsumpserat, sicut ipse nos spe deceperat Deitatis promissæ dicens, *Eritis sicut Dī*, ita nunc ipse carnis obiectione decipitur, & velut hamo esca adoperto, natura Adam carneum cupit vorare, Deum intrinsecus inuenit adopertum: & ita nouus hic Adam veterem reparat, & condemnatio prioris absoluitur, dum caro pro carne restituitur, & pro morte mors redditur, immo dum per mortem ipse auctor mortis punitur.] Et item in eodem, Nec confundit te Iesu misericordia, qui infirmitates nostras accepit, & ægrotudines nostras portauit, qui non venit vocare iustos sed peccatores in pœnitentiam, qui magis misericordiam vult quàm sacrificium, qui septuagies septies pœnitenti vult peccata laxari.] Item in Sermonē intercessionis pro quodam ad Imperatorem, Ipsum tibi adhibeo Christum, qui semetipsum exinanuit, ut nobis hominibus loqueretur: ipsius impassibilis tibi adhibeo passiones, offero tibi ad intercessionem crucem eius & clauos, quibus sacrosanctæ confixæ sunt manus, sanguinem quem pro totius mundi salute profudit, sepulturam, resurrectionem, atque ascensionem eius ad cælos. Adhibeo tibi istud altare, ad quod communiter omnes accedimus, in quo typum salutis nostræ hoc ipsomet ore, quo nunc te deprecor, celebramus. Mecum adhibeo ad mitigandum te etiam sacrosancta illa mysteria, per quæ virtutibus cælestibus sociamur.

ET SANCTVS BASILIVS Cappadocus in Sermonē de Psalmo LIX. Finis autem dicitur, quod in fine sæculi in consummatione eius aptatur. propter quod & pro his qui immutabuntur scribi dicitur Psalmus, quod est, ut omnia simul dicam, de vniuerso genere humano intelligendum. In omnes etenim debet Psalmi intelligentia peruenire.] & post aliquanta, Deus ergo, inquit, abiecasti nos. quos? qui longe nos fecimus ab eo. Interuentu ergo peccatorum, & mediis inter nos & Deum intercedentibus iniquitatibus, abiecisse nos dicitur Deus. Ait enim & alius Propheta, *Quia inter vos & Deum peccata separant.* & post pauca, Moyſes quidem Israëliticos postes sanguine agni obsignauerat: tu verò dedisti nobis signum, ipsum sanguinem veri agni immaculati, qui oblatuſ est victima pro totius mundi salute.

Psalm. 107. 12.

Esa. 59. 2.

DE PRÆDESTINATIONE.

253

BEATVS quoque AMBROSIVS in Psalmo CXVIII. vbi dicit, *Misericordia Domini plena est terra.* Quomodo inquit plena est terra misericordia Domini, nisi per passionem Domini nostri Iesu Christi, quam futuram præuidens, quasi promissam Propheta concelebrat? Plena est ergo terra misericordia Domini, quia omnibus data est remissio peccatorum. Super omnes Sol oriri iubetur. & hic quidem Sol quotidie super omnes oritur: mysticus autem Sol ille iustitiæ omnibus ortus est, omnibus venit, omnibus passus est, & omnibus resurrexit. Ideo autem passus est, vt tolleretur peccatum mundi. Si quis autem non credit in Christum, generali beneficio ipse se fraudauit. Sed quod Solis est, prærogatiuam suam seruat: quod imprudentis est, communis à se gratiam lucis excludit. Super omnes pluuia est.] Item vbi dicit, *Principium verborum tuorum veritas.* Credo vnum Deum esse, non plures Deos. Cùm autem cœperis legere, Dominum Iesum Dei filium in carne venisse propter totius mundi redemptionem, distingue sapienter vnum Deum patrem esse, ex quo omnia & nos in illo, & vnum Dominum Iesum, per quem omnia & nos per ipsum.] Item vbi exponit *Iniquitatem odio habui.* Qui quotidie aduocatus pro nobis est apud patrem, vt pro quibus in diebus carnis suæ misericordi est compassus affectu, pro his operetur remissionem quotidie peccatorum. Quæ est enim spes alia generi humano, nisi vt omnium viuentium delicta donentur?] Item vbi exponit *Misericordiæ tuæ multæ Domine.* Et si longè est, inquit, à peccatoribus salus, tamen nemo desperet, quia multæ sunt misericordiæ Domini, quia qui suo peccato pereunt, misericordia Domini liberantur. *Miserebor,* inquit, *cuius misertus ero.* Palàm apparuit non quærentibus, vocauit refugientes, congregauit ignaros, pro omnibus se obtulit passioni. Non ergo multum misericors? Misericordia enim hominis in proximum suum, misericordia Domini in omnem carnem, vt omnis caro ad Deum ascenderet illa Domini miseratione donata. Denique qui Susannam absoluit tacentem, se obtulit morti: in illa causa vt nemo desperaret, in hac vt redimendæ vniuersitatis sacrificium non negaret.] Et item, Quis est autem qui se longè facit à Domino, nisi qui non requirit iustitias eius? Qui verò iustitias exquirat, prope est, adhæret Deo. Et ideo iustitias Dei quærentibus dicit Apostolus, *Vos qui eratis longè, facti estis propè in sanguine Christi.* Sanguis Christi iustitia est. Denique ipse ait ad Ioannem, *Sine nos implere omnem iustitiam.*] Item vbi exponit *Retribue seruo tuo,* Responde, inquit & Christus, Ecce bona est proxima mea. Quoniam cognouerat Ecclesia mysterium, & pro totius mundi redemptione crucifixum Dominum Iesum prædicabat, meretur audire, Ecce bona es, quia Dominus Iesus mundum venit saluare, non perdere. Ideoque immemor est iniuriæ, memor gratiæ.] Item vbi exponit *Aufer à me opprobrium & contemptum.* Aduersum me, in-

Psal. 118. 74

Psal. 118. 163.

Psal. 118. 16

Exod. 33. 19

Ephes. 2. 13.

Matt. 5. 15.
Psal. 118. 174

Psal. 118. 2

quit, detractabant. Ego eorum redemptor adueneram, ego veneram
 ut omnium peccata mundarem. ut recuperarem amissos, restitue-
 rem Paradiso sancti Iacob hereditatem, & illi aduersum me detracta-
 bant.] Item ubi exponit, *Miserere mei secundum eloquium tuum*, Iustitia,
 inquit, quæ est crucis, nisi quod ascendens illud patibulum Dominus
 noster Iesus Christus peccatorum nostrorum chirographum crucifi-
 xit, & totius orbis peccatum suo cruore mundauit?] & item, Mala Eux
 successio totum hominem deuorauit, præclara Christi hereditas to-
 tum hominem liberauit. Non ad vnum quidem, non ad paucos, sed
 ad omnes testamentum suum scripsit Iesus. Omnes scripti heredes fu-
 mus, non pro portione, sed pro vniuersitate. Communis est enim
 omnium hereditas vniuersorum, & soliditas singulorum. Nouum Te-
 stamentum singuli adeunt, & omnes possident, nec minuitur heredi-
 quicquid à coheredibus vindicatur. Manet emolumentum integrum,
 & eo magis singulis crescit, quo pluribus fuerit acquisitum. Here-
 ditas Christi est resurrectio. Hanc quisquam damnum suum duxerit,
 quæ in vno communis gratiæ nomen inuenit? Christus enim resur-
 gens omnibus resurrexit, quoniam per hominem resurrectio mor-
 tuorum. Omnium igitur potest singulorum esse dispendium, quod
 est totius corporis & humani generis reformatio?] Item cum tracta-
 ret de littera Hebræa xv. ait, Verum quia passio Saluatoris omnes
 redemit, non absurdum est intelligere ita hos mouisse capita sua,
 sicut prophetabat princeps ille Synagogæ, expedit vnum hominem
 mori pro populo. Item cum tractaret, *Adolescentulus sum ego &
 contemptus*, ait, Rex ille durus indignatur, & irascitur diabolus, eo
 quod canerent iuenculæ, quia duritiæ filius paucos decepit, Chri-
 stus totum mundum redemit.] Item cum tractaret, *Tribulatio &
 angustia inuenerunt me*. Noli iterum peccare, ait post baptismum. Om-
 nibus in commune simul mortuus est Christus, & singulis semel
 moritur, non frequenter.] Item, Calix Domini remissio peccato-
 rum est, quo sanguis effundetur qui totius redemit peccata mundi.]
 Item in tractatu Epistolæ ad Romanos, In hoc enim Christus & vi-
 xit, & mortuus est, & resurrexit, ut & viuorum dominetur, & mor-
 tuorum. Per Christum Dominum facta est creatura, quæ pro pec-
 cato alienata est, ab auctore facta captiua. Quam Deus pater, ne
 opus eius periret, misso filio de cælis ad terras, docuit quid fa-
 ciendo manus piratarum effugeret. Propter quod & occidi se
 passus est ab inimicis, ut descendens ad inferos, quia innocens
 erat occisus, reum faceret peccatum, ut quos tenebat apud infe-
 ros amitteret. Quoniam ergo viuus ostendit viam salutis, ac se ob-
 tulit pro eis, mortuos verò liberauit de inferno, tam viuorum quàm
 mortuorum dominatur. Ex perditis enim iterum reformauit sibi illos
 in seruos.] & item, Qui enim in hoc seruit Christo, placet Deo, quo-
 niam Christus nos redemit. Ideo, ait, qui in hoc seruit Christo, qua-

Psal. 118. 58.

Psal. 118.
114.Psal. 118.
134.

Cap. xiv.

Cap. codic.

re? quia ipse misit Christum ut redimeret genus humanum.] Item in Epistola ad Corinthios. *Verbum enim crucis pereuntibus quidem stultitia est.* Manifestum est, quia quibus crux Christi stultitia est, in perditione sunt. infernæ enim morti non sunt erepti. *His autem qui salui fiunt virtus Dei est.* Non est obscurum, quia his qui credunt Dei virtus est. Credunt enim, non infirmitatem esse crucem Christi, sed virtutem: intelligentes mortem victam in cruce, cuius signum qui habent salui sunt, quia ab illa teneri non possunt.] *Non estis vestri, empti enim estis pretio.* Manifestum est, quia qui emptus est, non est sui arbitrij, sed eius à quo emptus est, ut non suam, sed illius faciat voluntatem. & quia carò empti sumus, propensius Deo servire debemus, ne offensus à qua nos redemit morti nos reddat. Quàm enim carissimo pretio nos emit, ut sanguinem suum daret pro nobis?] Et item, *Omnis autem qui in agone contendit, ab omnibus se abstinet.* ab his omnibus, quæ vitanda eadem tradit disciplina, cum sciant vnum coronandum. quanto magis obseruandum nobis est, quia omnibus promissa est?] & item, *Non potestis mensæ Domini communicare & mensæ demoniorum.* Idcirco enim Christus crucifixus est, quia dissoluit opera diaboli? Qui ergo facit opera diaboli, Christo repugnat.] & item, *Reus erit corporis & sanguinis Domini.* Quid est autem reos esse, nisi pœnas dare mortis Domini? Occisus est enim etiam pro his qui beneficium eius in irritum ducunt.] Et iterum, *Caritas enim Christi urget nos, hoc iudicantes, quòd si unus pro omnibus mortuus est.* quoniam Christus diligens genus humanum, ut eos redimeret morti se dedit.] & item, *Ergo omnes mortui sunt, & pro omnibus mortuus est.* Quia omnes necesse est mori causa Adæ, pro omnibus mortuus est Christus, ut eos à secunda morte liberaret. Ideoque qui viuunt in corpore, scientes Christum mortuum esse pro se, sint ei subditi profitentes hunc Dominum. Quibus enim prodest mors eius, testimonium perhibet resurrectionis.] Et item in Epistola ad Ephesios, *Veritatem autem facientes, in caritate augeamus in ipsum omnia qui est caput Christus.* Hanc dicit esse veritatem, ut amorem Christi respicientes, quo dilexit nos, & tradidit se pro nobis, omnes subiiciamur ei, scientes quia omnium auctor est vitæ, ut quasi capiti membra subdantur: ut si alij, errore vel maliuolentia, non fatentur omnium caput haberi Christum, quia ab ipso facta sunt voluntate patris: nos tamen qui catholicæ fidei adhæremus, hoc omni deuotione & cura agere debemus, ut huic fidei nos damnum, sed lucrum adferamus, persistentes in hac adseueratione, ut comprimantur prauæ mentis colloquia aduersus veritatem armata.] Item in Epistola ad Timotheum, *Qui dedit semetipsum redemptionem pro omnibus.* Quoniam homo iam reconciliatus Deo obnoxius erat morti infernæ, ne ad eum cui reconciliatus fuerat posset ascendere, Saluator ut arbitrium suum ad effectum perduceret, mori se passus est contra ius, ut descendens ad

Epist. i. c. i.
1. Cor. i. 18.Cap. vi.
1. Cor. 6. 19.

Cap. ix.

Cap. x.

Cap. xi.
1. Cor. ii.
27.In Epist. i.
ad Cor. c. 5.

Ibid.

Cap. i.

In Epist. i.
cap. ii.
1. Tim. i. 6.

inferos, mortem de impietate quam in eo gesserat damnaret, auferens ei quos tenebat: vt de cetero quisque signum eius haberet, ab ea teneri non posset. Cuius rei testimonium tempore quo resurrexit ostendit. Destructio enim mortis resurrectio mortuorum est.]

In procemio libri 1. Iud. 6. 19. Item idem sanctus Ambrosius in libro de Spiritu sancto, exponens sententiam libri Iudicum de Gedeon, Cum audisset Gedeon, quod deficientibus licet populorum milibus in vno viro Dominus plebem suam ab hostibus liberaret, obtulit hœdum caprarum, cuius carnem, secundum præcepta Angeli, & azyma supra petram posuit, & ea iure perfudit. Quæ simul vt virgæ cacumine quam gerebat Angelus Dei contigit, de petra ignis erupit, atque ita sacrificium quod offerebatur absumptum est. Quo indicio declaratum videtur quod petra illa typum habuerit corporis Christi, quia scriptum est,

1. Cor. 10. 4. *Bibebant de consequenti eos petra, petra autem erat Christus.* Quod vtique non ad diuinitatem eius, sed ad carnem relatum est, quæ sitientia corda populorum perenni riuo sui sanguinis inundauit. Iam tunc igitur in mysterio declaratum est, quia Dominus Iesus in carne sua totius mundi peccata crucifixus aboleret. nec solum delicta factorum, sed etiam cupiditates animorum. Caro enim hœdi ad culpam facti refertur, ius ad inlecebras cupiditatum, sicut scriptum est, *Quia Num. 11.* *concupiuit populus cupiditatem pessimam, & dixerunt, Quis nos cibabit carne?* Quod igitur extendit Angelus virgam, & tetigit petram de qua ignis exiuit, ostendit quod caro Domini spiritu repleta diuino, peccata omnia humanæ conditionis exureret. Vnde & Dominus ait,

Ibidem. *Ignem veni mittere in terram.*] Et item, Sicut ipse dixisti Domine sequentibus te, serpentes & scorpiones possim calcare vestigio. Redemisti mundum, redime vnus animam peccatoris. Hæc est specialis tuæ prærogatiua pietatis, qua totum mundum in singulis redemisti.]

Et in libro Apologiæ Dauid, Non liquet quod etiam sanctum Dauid, fide nobilem, præstantissimum mansuetudine, manu fortem probare voluerit, quemadmodum vitium regeret, lapsum emendaret, vt nos doceret quemadmodum possimus admissum operire peccatum. Nisi fortè vilis causa alicui videtur, vt propter nostram correctionem tantus erraret propheta, cum propter omnium redemptionem infirmitates nostras Christus suscepit, qui peccatum pro nobis factus est, cum peccatum non cognouerit. Nec verisimile creditur, quod Dauid propter posteritatis profectum vnus lapsus opprobrium inciderit, cum ipse Dominus pro nobis sit factus opprobrium, sicut ipse ait, *Ego autem sum vermis & non homo, opprobrium hominum & abiectio plebis. & alibi, opprobria exprobrantium ceciderunt super me.*] Et item, In figura æreus serpens tanquam confixus est cruci, quia verus crucifigendus generi adnuntiabatur humano, qui serpentis diaboli venena vatuaret, in figura maledictus, in veritate autem qui totius mundi maledicta deleret. & item, Conuenienter

ter etiam illud adiecit quia non pepercit. Non enim pepercit sibi Christus, vt omnibus subueniret.] Et item in libro de Ioseph, Eme igitur tibi Christum, non eo quod pauci habent, sed eo quod omnes habent. Omnes habent per naturam, pauci offerunt per timorem. Suum est quod à te Christus reposcit. Ipse vitam omnibus dedit, ipse pro omnibus mortem suam obtulit. Solue pro auctore quod soluturus es lege.] Et in libro de Patriarchis, Ex germine filii mi ascendisti, eo quod tanquam frutex terræ in aluo Virginis germinauit, & vt flos boni odoris, ad redemptionem mundi totius maternis visceribus in splendore nouæ lucis emissus ascenderit.] & item, *Lauabit in vino*, inquit, *stolam suam*. Bona stola est caro Christi, quæ omnium peccata operuit, omnium delicta suscepit, omnium errores textit. Bona stola, quæ vniuersos induit veste iocunditatis.] & item, Primogenitus tauri decus eius, habens cornua vnicornui, in quibus gentes ventilabit. Et bene taurus, quasi hostia pro delictis, & totius mundi victima, vt pacificaret omnia.] Et item in libro primo de Pœnitentia, *Etenim pascha nostrum immolatus est Christus*. hoc est, passio Domini omnibus profuit, & peccatoribus donauit redemptionem, quos flagitij pœnituit admissi.] & item in libro II. Etenim quotiescumque sanguinem Domini sumimus, mortem Domini adnuntiamus. Sicut ergo semel pro omnibus immolatus est, ita quotiescumque peccata donantur, corporis eius sacramentum sumimus, vt per sanguinem eius fiat peccatorum remissio.] Qui lapsu alieno gaudet, diaboli gaudet victoria, & ideo dolere magis debemus, cum audimus perisse hominem, pro quo Christus mortuus est.] Et in libro primo de excessu fratris, Propterea enim pro omnibus secundum carnem Christus mortuus est, vt nos non solis nobis viuere disceremus.] & item in libro II. *Venit enim*, vt legimus, *Christus saluum facere quod perierat*. Sed vt non solum viuorum, sed etiam mortuorum dominetur. lapsus sum in Adam, de paradiso eiectus sum in Adam, mortuus sum in Adam, quem reuocat, nisi me in Adam inuenerit? vt sicut in illo culpæ obnoxium, morti debitum, ita in Christo iustificatum.] & item, Vnius morte mundus redemptus est. Potuit enim Christus noster non mori si voluisset. Sed neque refugiendam mortem quasi ignauem putauit, neque melius nos quam moriendo seruasset. Itaque mors eius vita est omnium: sicut per hominem mors, ita & per hominem resurrectio mortuorum. Ergo resurrexit homo, quoniam homo mortuus est: resuscitatus homo, sed resuscitans Deus. Tunc secundum carnem homo, nunc per omnia Deus. Nunc enim secundum carnem iam non nouimus Christum, sed carnis gratiam tenemus, vt ipsum primitias quiescentium, ipsum primogenitum ex mortuis nouerimus. Primitiæ utique eiusdem sunt generis atque naturæ, cuius & reliqui fructus, quorum prolixiore prouentu primitiua Deo munera deferuntur. Sacrum munus pro omnibus, & qua-

Cap. 7. in
fine.

Cap. 4.

Cap. 4.
Gen. 49. 11.

Cap. 11.

Cap. xv.

Cap. 11.

In princip.
libri.Matt. 18. 11.
Item in
principio.

si reparatae quaedam libamina naturae. Primitiae ergo quiescentium
 Christus, sed utrum suorum quiescentium, qui quasi mortis exor-
 tes dulci quodam sopore teneantur, an omnium mortuorum? Sed
 sicut in Adam omnes moriuntur, ita in Christo omnes viuifican-
 tur. Itaque sicut primitiae mortis in Adam, ita etiam primitiae
 resurrectionis in Christo. Omnes resurgunt, sed nemo desperet, ne-
 que iustus doleat commune consortium resurgendi, cum prae-
 cipuum fructum virtutis expectet. Omnes quidem resurgunt, sed
 unusquisque, ut ait Apostolus, in suo ordine. Communis est di-
 uinae fructus clementiae, sed distinctus ordo meritorum. Dies om-
 nibus lucet, sol omnes populos fouet, & pluuia possessiones. Omnes
 resurgimus, sed in utroque vel viuendi vel reuiuiscendi gratia dispar,
 diuersa conditio. In momento enim oculi, in nouissima tuba, & mor-
 tui resurgent incorrupti, & nos immutabimur. Quin etiam in ipsa
 morte quiescunt alij, viuunt alij. Bona quies, sed vita melior. Denique
 Paulus ad vitam excitat quiescentem dicens, *Surge qui dormis, & ex-
 surge à mortuis, & inluminabit tibi Christus.* Ergo hic excitatur ut vi-
 uat, ut similis Pauli sit, ut possit dicere, *Quia nos qui viuimus non pra-
 ueniamus eos qui dormierunt.* Non enim communem hunc viuendi
 loquitur usum, spirandique commercium, sed meritum resurgendi.
 Nam cum dixisset, *Et mortui qui in Christo sunt resurgent primi,* subiecit,
*Deinde & nos qui viuimus simul cum illis rapiemur in nubibus obuiam Christo
 in aëra.* Vtique mortuus est Paulus, & passione venerabili vitam corporis
 cum immortalis gloria commutauit. Non fefellit ergo, qui se viuentem
 scripsit in nubibus obuiam Christo esse rapiendum, & reliqua.] Item
 in eodem, Aduertimus quam graue sit sacrilegium resurrectionem non
 credere. Si enim non resurgimus, ergo Christus gratis mortuus est,
 ergo Christus non resurrexit. Si enim nobis non resurrexit, utique
 non resurrexit qui sibi cur resurgeret non habebat. Resurrexit in
 eo mundus, resurrexit in eo caelum, resurrexit in eo terra. erit enim
 caelum nouum, & terra noua. Sibi autem ubi erat necessaria resur-
 rectio, quem mortis vincula non tenebant? Nam & si secundum
 hominem mortuus, in ipsis tamen erat liber infernis. Vis scire quam
 liber? *Factus sum sicut homo sine adiutorio inter mortuos liber.*] Et post ali-
 quanta, Sed non solum singulorum, verum etiam vniuersitatis ista
 mysteria sunt. Aduerte enim iuxta typum legis ordinem gratiae. Cum
 tuba prima cecinerit, Orientales congregat, quasi praecipuos & ele-
 ctos. Cum secunda, supparis meriti qui secundum Libanum siti de-
 reliquerunt ludibria nationum. Cum tertia, eos qui tanquam in mari
 exagitati istius freto mundi, saeculi huius fluctibus vacillauerunt. Cum
 quarta, illos qui dura mentium nequaquam satis potuerint eloquij
 spiritalis mollire praeepto. Ideo secundum Boream vocati sunt. Bo-
 reas enim secundum Salomonem durus est ventus. Itaque licet in
 momento resuscitentur omnes, omnes tamen meritorum ordine

Ephes. 5. 14.

1. Thess. 4.
14.Post ali-
quanta.

Psal. 87. 5.

Sub finem.

fufcitantur. Et ideo primi refurgunt, qui maturi deuotionis occurfu, & quodam antelucanæ fidei exortu prodeuntes, Solis æterni radios receperunt. Quod vel de Patriarchis iuxta veteris feriem testamenti, vel de Apostolis iuxta Euangelium iure memorauerim. Secundi autem, qui ritum gentium relinquentes, ab errore sacrilego transfierunt in Ecclesiæ disciplinam. Et ideo illi primi ex patribus, isti secundi ex gentibus. Ab illis enim lux fidei cœpit, in istis vsque ad mundi occasum suscepta durabit. Terrij fufcitantur, qui ab Austro & ab Aquilone sunt. His quatuor terra distinguitur, his quatuor annus includitur, his quatuor mundus impletur, his quatuor Ecclesia congregatur. Omnes enim, qui sacrosanctæ Ecclesiæ copulati diuini nominis appellatione censentur, prærogatiuam resurrectionis & delectationis æternæ gratiam consequentur, quoniam venient ab Oriente & Occidente, & ab Aquilone & Austro, & recumbent in regno Dei. Non enim exigua mundum suum Christus luce complectitur, quandoquidem à summo cælo egressio eius, & occurfus eius vsque ad summum eius, nec est qui se abscondat à calore eius. Omnes enim benignus inlustrat, nec refutare leuem, sed emendare vult: nec excludere durum Ecclesia, sed mollire desiderat. Et ideo eos in Canticis Canticorum Ecclesia, in Euangelio Christus inuitat dicens, *Venite ad me omnes qui laboratis & onerati estis, & ego vos reficiam. Tollite iugum meum super vos, & discite à me quia mitis sum & humilis corde.* Et item in sermone Apostoli, *Christus nos redemit de maledicto legis.* *San-* Matt. xi. 28.
guine, inquit, pretioso redempti estis, non agni vtique, sed eius Gal. 3. 13.
qui mansuetudine & humilitate tanquam agnus aduenit, & totum
mundum vna sui corporis hostia liberauit, sicut ipse ait, Sicut
agnus ductus sum ad immolandum. Vnde & Ioannes ait, Ecce agnus Ioan. i. 29
Dei, ecce qui tollit peccata mundi. Et in libro de Incarnatione Domini, Didicistis igitur, quia sacrificium Deo nostro obtulit. Nam quæ Cap. vi.
erat causa Incarnationis, nisi vt caro quæ peccauerat per se redimeretur? Quod peccauerat igitur hoc redemptum est. Non est ergo immolata diuinitas Verbi, quia non peccauerat diuinitas Verbi. Et item, Illud ergo pro nobis suscepit, quod in nobis amplius periclitabatur. Quid autem prodest mihi, si totum me non redemit? Sed totum me redemit, qui ait, *Mihi indignamini quia totum hominem san-* Cap. 7.
num feci in Sabbato? Totum redemit, quia in virum perfectum fidelis Ioan. 7. 29.
non ex parte sed totus resurgit. Sunt hinc & quamplura testimonia in libris istius doctoris, in libro scilicet de Abraham & de fuga sæculi, de Isaac & anima, de Iacob & vita beata, de bono mortis, & aliis eius operibus, quæ hîc, ne lectori crescerent, quoniam illa in suis locis præualet inuenire, distulimus causa compendij ponere.

SANCTVS verò IOANNES Chrysostomus in Tractatu Epistolæ ad Hebræos ita dicit, Deinde ostendit, inquiens, quoniam gloria

& honor crux est, sicut ipse eam semper vocat dicens, *ut glorificetur filius hominis*. Si ille ea quæ pro seruis passus est gloriam vocat, multo amplius tu quæ pro Domino pateris. Vides crucis fructus quantus sit. Timeo ergo hanc rem. Triste quidem tibi videtur, sed decem millia generat bona. Ostendit etiam ex hoc tentationis utilitatem ita dicens, qualiter gratia Dei pro omnibus gustauerit mortem. Qualiter, inquit? gratia Dei. Et ille quidem propter Dei gratiam quæ nobis data est hæc passus est. *Qui proprio, inquit, filio non pepercit, sed pro nobis omnibus tradidit illum*. Cuius rei gratia? non enim debebantur hæc nobis, sed gratia hoc fecit. Et iterum dixit, *Multo magis gratia Dei, & donum vnus hominis Iesu Christi in multos abundauit*. qualiter gratia Dei pro omnibus gustauerit mortem. non pro fidelibus tantum, sed pro mundo vniuerso. Et ipse quidem pro omnibus mortuus est. Quid autem si non omnes credunt? ille quod suum erat impleuit. Et propriè dixit, *pro omnibus gustauit mortem*. Non dixit ut moriatur. Reuera enim sicuti qui gustat, sic breue interual- lum in illa faciens confestim surrexit.] & item, *Quem constituit heredem omnium*. hîc carnem significat. Sicut ergo in secundo Psalmo dicitur, *Pete à me, inquit, dabo tibi gentes hereditatem tuam*. non iam portio Domini tantum Iacob, & pars eius Israel, sed omnes protinus nationes, hoc est, filium dominum constituit vniuersorum. Sed etiam & in Actibus Petrus loquitur, dicens, *Et dominum eum & Christum fecit Deus*.] & item, Quoniam itaque talem habemus Pontificem, imitemur eum, eius vestigia consequamur. Non est aliud sacrificium. vnum nos purgauit, post istud ignis & gehenna.] & item, Mediator igitur factus est noster & patris, & persuasit illi. Et quid igitur, quomodo mediator factus est? Sermones detulit & attulit nobis à patre per transuectores. Addit etiam mortem. In offensione quippe eramus, mori nos oportebat, mortuus est pro nobis, & fecit nos dignos testamenti. Hoc modo firmum factum est testamentum. An non dignos iam factos? In ipso quidem initio ut pote pater in filios testatus est. Sed quia indigni facti sumus, non iam testamentum nobis opus erat, sed pœna. Quid igitur gloriaris, inquit, in lege? In tantum peccatum quippe nos constituit, ut saluari non possemus aliquando, nisi Dominus pro nobis moreretur. Nequaquam valeret lex, siquidem est infirma. Et non tantum ex communi consuetudine hoc confirmat, sed etiam ex his quæ in veteri Testamento contingebant maximè eos introduxit. Nullus fuit qui non mortuus est illic. Quomodo illic firmum est testamentum? Per eundem ipsum modum inquit. Quomodo enim illic sanguis, sicut etiam hîc sanguis. Si autem non erat hîc Christi sanguis, non mireris, Typus enim erat. *Vnde dixit neque primum sine sanguine dedicatum est*. Quid est dedicatum est? firmum factum est, roboratum est. Quod autem dixit *unde*, tale est quale si diceret,

Rom. 8, 32.

Rom. 5, 15.

Psalm. 2 8.

Act. 2, 36.

Hebr. 9, 18.

Propterea oportebat testamenti solennitatem compleri etiam per mortem. Nunc autem, inquit, semel in consummatione sæculorum ad destructionem peccati per sacrificium suum manifestatus est. Et quemadmodum statutum est hominibus semel mori, post hoc autem iudicium. Deinde dicit, Et semel mortuus, quia qua morte redemptio facta est, institutum est, inquit, mori hominibus. Hac ergo semel mortuus est pro omnibus. Quid ergo iam non morimur morte illa? Morimur quidem, sed non manemus in illa, quod & iam neque mori est. Mortis enim tyrannus & mors reuera illa est, quod nunquam permittitur mortuos ad vitam reuerti. Quando vero post mortem viuendum erit, & vita meliori, non est mors illa, sed dormitio. Quoniam ergo omnes retentura erat mors, propterea mortuus est vt nos liberaret. Sic & Christus, inquit, semel oblatus est. A quo oblatus est? manifestum quod à semetipso. Hic neque sacerdotem eum dicit solum, sed & victimam & sacrificium per se oblatum. Semel, inquit, oblatus est ad multorum auferenda peccata. Quare multorum, & non omnium? quia non omnes crediderunt. Pro omnibus quidem mortuus, hoc est, quantum in ipso est, eius momenti est illa mors, cuius momenti est omnium perditio. nō autem omnium peccata abstulit, propter quod noluerunt. Quid autem est peccata abstulit? Sicut enim in oblatione rursum offerimus peccata, & dicimus, siue volentes siue nolentes peccauimus indulge, & tunc remissionem petimus: sic autem & hic manifestum est. Et vbi hoc fecit Christus? Audi eum dicentem, *Et pro illis sanctifica memetipsum.* Ioan. 17. 19. Ecce obtulit peccata, sumpsit ea ab hominibus, & obtulit ea rursum patri, non vt aliquid decernat aduersus eos, sed vt ea dimittat. In secundo sine peccato videbitur, inquit, expectantibus se in salutem. Quid est sine peccato? veluti non peccat. Non enim debitor mortis mortuus est, neque propter peccatum. Sed quomodo videbitur? puniens inquit. Sed non hoc dixit, sed quod festiuum & gratum est, sine peccato videbitur expectantibus se in salutem. vt iam de cetero non opus habeant sacrificio vt saluentur, sed in operibus ipsis hoc faciant. Et item, *Ne cui*, inquit, *vestrum desit gratia Dei.* Quid dicit gratiam Dei? bona futura, Euangelicam fidem, optimam conuersationem. Omnia quippe Dei sunt gratiæ. Nec mihi dicas, quia vnus est qui peribit. Etenim Christus propter vnum mortuus est. Tu ergo negligis propter quem Christus dignatus est mori? Item idem in Homilia prima de Psalmo quinquagesimo, Quando iterum dicit, *Foderunt manus meas & pedes, dinumerauerunt* Psal. 21. 17. *omnia ossa mea*, non vtique passiones adnuntiat suas, sed crucem Domini, sacrificium orbis terræ, salutem generi humano prædixit. Item in Homilia de prodicione Iudæ, Dederunt pretium sanguinis qui pretium non habebat. Quid accepisti Iuda? triginta denarios. Christus gratis aduenit sanguinem suum pro communi salute fu-

furus, & tu de sanguine crudelia peccata componis? & item in eadem, Occisus propositus Christus est, & cur occisus est videamus. ut caelestia pacificet, ut in terra reconciliet vniuersa, ut amicum te constituat Angelorum, ut Deo societ habenti omnium potestatem.] Item in Homilia de Cruce, Ideo non sub tecto passus est, non in templo Iudaico, ne Iudæi subtraherent sacrificium, & sibi met vindicarent, nec putares pro illa tantum plebe oblatum: ideo foras ciuitatem, ideo foras muros, ut scias sacrificium esse commune, quod totius terræ oblatio, quod communis deploratio, non partis, sicut Iudæis consuetudinis fuit. Iudæis etenim ideo iussit Deus omnem terram dimittere, & in vno loco sacrificium atque oblationem celebrare, quia tunc omnis terra immunda fuit, fumo & nidore & aliena contaminatione polluta, quæ ex sacrificiis gentium celebrabantur. Nobis autem, quoniam Christus adueniens omnem terram emundauit, omnis locus orationis vacat. Ideo Paulus cum omni confidentia exhortatur dicens, *Volo ergo orare viros in omni loco leuantes sanctas manus.* Ecce totus mundus emundatus est, elementa purgata sunt, ut vbiq; nobis Deum liceat prædicare, & omnis terra sanctior illo loco est, qui illo in tempore prædicabatur Sancta sanctorum. Nam ibi pecus inrationabile oblatum, hinc spiritale immolatum est: & tanto maius est sacrificium, quanto & sanctitas de sacramento profertur.] & item idem in eadem, Et illi quidem dicebant, *Si filius Dei es, libera te,* iste autem omnia sustinebat ut illos liberaret qui crucifixerunt.] Item in Homilia tertia de Cruce, Si quid igitur sustinuit Christus, non propter semetipsum, neque propter patrem suum, sed ut saluaret per crucem genus humanum.] Et item in eadem, Videns autem humanum genus à diaboli superari malitia, voluit creaturam suam adsumere, & quasi vnum hominem indui, & adfigere illum cruci, ut sic per lignum crucis vniuerso generi humano salus oriretur.] Et item in Homilia de Pentecoste, Propterea, inquit Christus, homo factus sum, propterea carnem indui, ut orbem vniuersum saluarem.] Et item in Homilia de Natiuitate Domini, In terra nascitur homo perfectus, homo totus, ut saluaret totum orbem.] Et in Homilia de Natiuitate Christi & Ioanne Baptista, Sed memoratus est Christum ipsum solum futurum verum sacerdotem, cui pater dixerat, *Tu es sacerdos in æternum secundum ordinem Melchisedech,* qui hostiam placabilem pro peccatis omnium solus Deo offert.] & item in eadem, Veniebat enim solus sacerdos, qui agno solo proprio immaculato sacrificium Deo pro peccatis omnium offerret. Et ideo demonstraui eum Ioannes Iudæis, *Ecce agnus Dei, ecce qui tollit peccata mundi.*] Item in Homilia de Patre & duobus Filiis, Addidit & vitulum saginatum iugulandum conuiuij exhibitioni, sine dubio Dominum nostrum Iesum Christum, quem dedit pater in victimam pro salute nostra. quem vitulum nominat propter ho-

1.Tim.2.8.

Matth.27.
40.

Psal.109.4.

Ioan.1.29.

stiam corporis immaculati, saginatum autem verè dixit, quia pinguis & opimus est, in tantum vt pro totius mundi salute sufficiens sit ad odorem suauitatis & nidorem immolationis ad Deum mittere, & pro omnibus exorare.] Et in libro ad Stelechium de cordis compunctione, Hic est affectus serui fidelis, vt beneficia domini sui, quæ communiter omnibus data sunt, quasi soli sibi reputet, & quasi ipse sit omnium debitor, & pro omnibus ipse solus habeatur obnoxius. Hoc fecit & Paulus, qui mortem Domini & Saluatoris nostri, quæ pro vniuerso expensa est mundo, sibi soli præstitam dicit. Quasi enim de se solo loquens ita scribit, Quod enim nunc viuo in carne, in fide viuo filij Dei, qui tradidit seipsum pro me. Hæc autem dicebat, non coangustare volens amplissima & per orbem terræ diffusa Christi munera: sed quasi, vt diximus, qui pro omnibus se solum iudicaret obnoxium. Et reuera quid interest si & aliis præstitit, cum quæ tibi præstita sunt, ita integra sint & ita perfecta, quasi nulli alij ex his aliquid fuerit præstitum. Ideo denique & illa boni pastoris parabola non dicit quia venit multas oues requirere, sed vnā. Vna namque est, quia sic omnibus quasi vni diuinā beneficia conferuntur.

ET HIERONYMVS in Esaia libro XII. *Et non est absque me Saluator.* Ostendit in patre filium cuncta saluare, de quo idem Propheta testatur, Et mittet eis Dominus saluatorem qui saluos eos faciet. Et item in libro XIII. *Audite me & comedetis bona.* Et non solum bona, sed salutem omnibus nuntiauit, quam ipse præbuit qui dicit Sion, id est Ecclesiæ, *regnabit Deus tuus.*] Et item in libro XIII. Christus cum iniquis reputatus est, vt iniquos redimeret à peccato, & omnibus omnia fieret, vt omnes saluos faceret.] & item idem in eadem prophetia, Quia sciebat illis non credentibus credituros esse populos nationum, transit ad gentes, & dicit misisse filium suum testem vel testimonium cunctarum nationum, qui præcepta illius atque mandata populis nuntiaret, qui de se ipso loquitur, oportet prædicari Euangelium istud in omni orbe, in testimonium cunctis gentibus, de quo Apostolus Paulus scribit Timotheo, *Vnus mediator Dei & hominum homo Christus Iesus, qui dedit se redemptionem pro omnibus.* Et item in eadem prophetia, Hæc locutus est, Non semper irascor, nec iurgatus indignabor, quia ad hoc percutio vt emendem, ideo occido vt viuificem. Misereor enim creaturæ meæ, & quos ipse condidi in æternum perire non patiar. Cum ergo à me egrediatur spiritus, & flatu atque inspiratione mea cuncta vegetentur & viuant, non est iustum perire eos in æternum qui meo flatu ac spiritu sustentantur.] Item in prophetia Osee in libro III. In tantum dilexi eos, & tam clemens pastor fui, vt morbidam ouem humeris meis ipse portarem. Ipsi verò ignorauerunt cum mea illos passione curarem, & qui amator sum omnium hominum traherem eos in vinculis caritatis. Item in eadem

Esa. 43. 11.

1. Tim. 2. 5.

Prou. 18. 21 prophetia. *De manu mortis liberabo eos.* Manum mortis appellat opera quibus interficit, iuxta illud quod scriptum est, *In manu lingue mors & vita.* Liberat autem omnes Dominus, & redemit in passione crucis & effusione sanguinis sui. quando anima eius descendit ad infernum, & caro eius non vidit corruptionem, & ad ipsam mortem atque infernum locutus est, *Ero mors tua o mors.* Idcirco enim mortuus sum, ut cum mea morte moriaris. *Ero morsus tuus inferne,* qui omnes tuis faucibus deuorabas.] Et item, *De manu mortis liberabo eos.* ut quod tunc figurabatur in parte, nunc sentiatur in toto, & cum omni humano genere Israel liberandus sit & redimendus.] Item ipse in prophetia Ionæ. *Adfligitur Ionas.* Pulchrè autem dolens, quod interpretatur Ionas, adfligitur dolore, & tristis est anima eius usque ad mortem, quia ne periret quantum in se fuit multa Christus perpeffus est.] Item idem in Epistola Pauli ad Galatas, Igitur & pater tradidit filium, & filius ipse se tradidit, & Iudas & sacerdotes cum principibus tradiderunt, & ad extremum traditum sibi tradidit ipse Pilatus. Sed pater tradidit ut saluaret perditum mundum, Iesus ipse se tradidit, ut patris suamque faceret voluntatem.] Item, Nec hoc ex meo sensu dictum putetis. Scriptura testis est, quia Christus gratia Dei salus, ut in quibusdam exemplaribus legitur, absque Deo pro omnibus mortuus est. Si autem pro omnibus, & pro Moyse, & pro vniuersis prophetis, à quibus nullus potuit delere chirographum vetus, quod aduersum nos scriptum erat, & adfigere illud cruci. Omnes peccauerunt & indigent gloria Dei.] Et in Epistola ad Ephesios, *In quo habemus redemptionem per sanguinem ipsius remissionem peccatorum.* Ille redimitur qui captus est, & in hostium veniens potestatem liber esse desinit. Ita & nos quidam dicunt in hoc mundo esse captiuos, ut & sub principibus & potestatibus iugo seruitutis teneri, nec antè vinctas catenis explicare manus, & oculos sursum ad tollere, nisi Redemptor aduenerit. Sed quis iste, aiunt, tantus & talis, qui possit pretio suo totum orbem redimere? Iesus Christus filius Dei proprium sanguinem dedit, & nos de seruitute eripiens libertate donauit. Et reuera, si historiis gentilium credimus, quod Codrus, & Curtius, & Decij Mures, pestilentias urbium, & famas, & bella suis mortibus represserint, quanto magis hoc in Dei filio possibile iudicandum est, quod cruore suo non urbem vnam sed totum purget orbem?] In Homilia xiv. Euangelij secundum Lucam, Tale fuit & par turturum. Non erant illæ volucres ut istæ quæ per aërem volant, sed diuinum quiddam, & humana contemplatione augustius, sub specie columbæ & turturis apparebat: ut non talibus victimis, qualibus omnes homines, ille qui pro toto mundo nascebatur, & pati habebat, coram Domino mundaretur, sed ut dispensatio eius noua omnia, ita nouas quoque habebat hostias secundum voluntatem omnipotentis Dei.

Cap. xvi.

Et SANCTVS AVGVSTINVS in libro de Correptione & Gratia,
Absit

Abfit vt ista garrientes securos nos in hac negligentia esse debere credamus. Verum est enim quia nemo periit nisi filius perditionis. Sed ait Deus per Ezechielem prophetam, *Ille quidem in suo peccato morietur, sanguinem verò eius de manu speculatoris requiram.* Proinde quantum ad nos pertinet, qui prædestinatos à non prædestinatis discernere non valemus, & ob hoc omnes saluos fieri velle debemus, omnibus ne pereant, vel ne alios perdant, adhibenda est à nobis medicinaliter seuerior correptio. Dei est autem illis eam facere vtilem, quos ille præsciuit & prædestinauit conformes imaginis filij sui. Dicit enim Apostolus, *Peccantes coram omnibus corripe, vt ceteri timorem habeant.* quod de his peccatis accipiendum est quæ non latent, ne contra Domini sententiam putetur locutus. Ille enim dicit, *Si peccauerit in te frater tuus, corripe eum inter te & ipsum.* Verumtamen & ipse seueritatē correptionis eousque perducit vt dicat, *si nec Ecclesiam audierit, sit tibi sicut ethnicus & publicanus.* Et quis magis dilexit infirmos, quàm ille qui pro omnibus est factus infirmus, & pro omnibus ex ipsa est infirmitate crucifixus? Quæ cum ita sint, nec gratia prohibet correptionem, nec correptio negat gratiam. & ideo sic est præcipienda iustitia, vt à Deo gratia qua id quod præcipitur fiat fideli oratione poscatur. & hoc vtrumque ita faciendum est, vt neque iusta correptio negligatur, omnia verò hæc cum caritate fiant, quoniam nec caritas facit peccatum, & cooperit multitudinem peccatorum.] Et item sanctus Augustinus in xx. libro de Ciuitate Dei, titulo vi. ex sermone Apostoli, *Pro omnibus mortuus est,* Omnibus, inquit, bonum est audire vocem filij Dei & viuere. Ad vitam pietatis ex impietatis morte transeundum. De qua morte ait Apostolus, *Ergo omnes mortui sunt, & pro omnibus mortuus est, vt & qui viuunt iam non sibi viuunt, sed ei qui pro ipsis mortuus est, & resurrexit.* Omnes itaque mortui sunt in peccatis, nemine prorsus excepto, siue originalibus, siue etiam voluntate additis, vel ignorando, vel sciendo, nec faciendo quod iustum est. & pro omnibus mortuis viuus mortuus est vnus, id est, nullum habens omnino peccatum: vt qui per remissionem peccatorum viuunt, iam non sibi viuunt, sed ei qui pro omnibus mortuus est propter peccata nostra, & resurrexit propter iustificationem nostram.] Et item in libro quarto de Trinitate, Christus occisus est innocens, vt diabolum iure æquissimo superaret, & à captiuitate propter peccatum iusta suo iusto sanguine iniuste fuso mortis chirographum & iustificandos redimeret peccatores. Hinc etiam diabolus adhuc suos inludit, quibus se per sua sacra veluti purgandis, & potius applicandis atque mergendis, falsus mediator opponit, quod superbis facillimè persuadet, inridere atque contemnere mortem Christi, à qua ipse quantum est alienior, tanto ab eis creditur sanctior atque diuinior. Qui tamen apud eum paucissimi remanserunt, agnoscentibus gentibus, & pia humilitate bibentibus pretium suum, eiusque fiducia de-

Ezech. 33. 6

1. Tim. 5. 20

Matth. 18. 15.

Cap. vi. 2. Cor. 5. 14.

2. Cor. 5. 15.

Cap. xiii.

serentibus hostem suum, & concurrentibus ad redemptorem suum.] Et in Sermonem cxx. Euangelij Ioannis, Omnes quippe facit suas oves, pro quibus est omnibus passus: quia ut ipse pro omnibus pateretur ouis est factus.] Et item sanctus Augustinus in Psalmo quadragésimo tertio, Nam & crux ipsa & pro ipsis persequentibus facta est: inde sunt postea sanati, qui in eum crediderunt quem ipsi occiderunt.] Et in Psalmo quadragésimo quinto, *Compuncti*, inquit, *corde dixerunt, Quid faciemus?* Tanquam magna desperatione. Ille tantus est quem nos occidimus, nos ubi erimus? Et Petrus, *Agite penitentiam, & baptizetur unusquisque vestrum in nomine Iesu Christi, & dimittuntur vobis peccata vestra.* Nihil enim hoc peccato grauius cogitare potuerunt. Quod grauius peccatum ægri, quam medici interfectio? Quid grauius potest æger facere, quam si medicum suum occidat? Cum hoc dimittitur, quid non dimittitur? Ab illo ergo cui dictum est, *Refugium & virtus*, acciperunt magnam securitatem, *Baptizetur unusquisque vestrum in nomine Domini Iesu Christi.* In illius nomine quem occidistis baptizamini, & dimittuntur vobis peccata vestra. Medicum vel postea cognouistis. iam securi bibite sanguinem quem fudistis.] & item in Psalmo XLVI. *Omnes gentes plaudite manibus.* quoniam rex omnis terræ Deus. Non illi sufficit vnam gentem habere sub se. ideo tantum pretium ex latere dedit, ut emeret orbem terrarum.] Item in Psalmo XLIX. Qui terram vocauit, & totam terram vocauit. qui terram vocauit, tantam vocauit quantam fabricauit. Quid mihi exsurgunt pseudochristi & pseudoprophetae? Quid est quod me verbis captiosis inlaqueare moliuntur dicentes, Ecce hic est Christus, ecce illic? Non audio ostendentes partes. Deus Deorum totum mihi ostendit, qui vocauit terram à Solis ortu vsque ad occasum, totum redemit, partes autem calumniantes condemnauit.]

Item sanctus Augustinus in libro de Correptione & Gratia, Vnigenitus Dei filius, æqualis patri & coæternus, pro hominibus homo factus, & sine suo vlllo vel originali vel proprio peccato, ab hominibus peccatoribus crucifixus. qui quamuis die tertio resurrexit nunquam moriturus vltius, pertulit tamen pro mortalibus mortem, qui mortuus præstitit vitam, ut redempti eius sanguine, tanto ac tali pignore accepto dicerent, *Si Deus pro nobis quis contra nos? Qui proprio filio non percipit, sed pro nobis omnibus tradidit eum.*] Et in libro sexto contra Iulianum, Tu dicis etiam pro peccatoribus mortuum Christum, ego dico non nisi pro peccatoribus mortuum, ita ut respondere cogaris, si nullo peccato paruuli obstricti sunt, non esse pro paruulis mortuum. Dicit enim Apostolus ad Corinthios, *Quoniam si unus pro omnibus mortuus est, ergo omnes mortui sunt, & pro omnibus mortuus est.* Nullo modo hic negare permitteris, non nisi pro his qui mortui sunt mortuum fuisse Iesum. Quos igitur hoc loco intelligis mortuos? numquid eos qui de corpore exierunt? quis ita desipiat ut hoc sapiat? Eo mo-

Submediū.

Non longè
à principio
Act. 2. 37.
Act. 2. 38.Psal. 46. 20.
In princip.

Sub initiū.

Cap. xi.

Rom. 8. 31.

Cap. i.

2. Cor. 5. 14.

do itaque intelligimus mortuos, pro quibus omnibus vnus mortuus est Christus, quomodo alibi dicit, *Et vos cum essetis mortui in delictis, & Coloss. 2. 13* *præputio carnis vestræ, viuificauit cum illo.* Ac per hoc vnus, inquit, pro omnibus mortuus est, ergo omnes mortui sunt, ostendens fieri non potuisse vt moreretur nisi pro mortuis. Ex hoc enim probauit omnes mortuos esse, quia pro omnibus mortuis mortuus est vnus. Impingo, inculco, infercio recusanti. Accipe, salubre est, nolo moriaris, vnus pro omnibus mortuus est, ergo omnes mortui sunt. Vide quia consequens esse voluit, vt intelligantur omnes mortui, si pro omnibus mortuus est. Quia ergo non in corpore, restat vt in peccato esse mortuos omnes, si pro omnibus Christus mortuus est, nemo neget, nemo dubitet, qui se non negat aut dubitat esse Christianum.] Et item in eodem libro, Vnus pro omnibus mortuus est, ergo om- Cap. II. nes mortui sunt. Quo corde, quo ore, qua fronte paruulos mortuos negatis, pro quibus Christum mortuum non negatis? Si non est pro eis mortuus Christus, vt quid baptizantur? Quicumque enim baptizati sumus in Christo Iesu, in morte ipsius baptizati sumus. Si autem etiam pro eis mortuus est qui vnus pro omnibus mortuus est, ergo omnes mortui sunt, & isti cum omnibus, & quia in peccato mortui sunt, moriuntur & peccato, vt uiuant Deo quando renascuntur ex Deo. Quòd si explicare non possum, quomodo viuus generet mortuum, mortuus enim peccato parens & viuens Deo, generat tamen in peccato mortuum, nisi & ipse peccato regeneratione moriatur & uiuat Deo, numquid ideo falsum est, quia explicari verbis non potest, vel difficillimè potest? Tu nega, si audes, natum mortuum, pro quo Christum non negas mortuum. *Vnus*, enim, *pro om-* 2. Cor. 5. 14.
Post alia. *nibus mortuus est, ergo omnes mortui sunt.* Verba sunt Apostolica, sed arma sunt nostra. Quibus tamen si repugnare nolis, intelligis quod sine dubitatione credendum est, etiam si non intelligas. Audiebamus à Cap. III. maioribus nostris, qui se id nosse ac vidisse dicebant, Fundanium Carthagini rhetorem, cum ipse accidenti vitio luscus esset, luscum filium procreasse. Quo exemplo euertitur illa tua sententia, qua dicis naturalia per accidens non conuerti. Accidens quippe fuit in patre quod factum est in filio naturale. Illam verò alteram, qua dicitis parentes in filios ea quæ non habent ipsi non posse transfundere, alius Fundanij filius, quod maximè vsitatum est, cum duobus oculis de lusco natus euertit, & innumerabiles qui nascuntur oculati de parentibus cæcis. Transmittendo quippe in eos quos gignunt quod ipsi non habent, vos potiùs quàm suos filios sibi similes esse demonstrant, qui tam fuistis in vestris definitionibus cæci.] & item in eodem libro, Quæ sint enim ex parentibus, vel vtrum sint Cap. IIII. etiam alia contagia peccatorum, liberum nobis est quærere, siue sit facile, siue difficile, siue impossibile reperire. per vnum tamen hominem in hunc mundum intrasse peccatum, & per peccatum mor-

tem, & ita in omnes homines pertransisse, in quo omnes peccauerunt, aliter nobis fas esse non existimemus accipere, nisi ut omnes mortuos esse credamus in primi hominis peccato, pro quibus mortuus est Christus, & omnes mori peccato quicumque baptizantur in Christo.] & item in eodem, Nam si vos sententiam rectam in vestrum tortum sensum torquere nolletis, audiretis Apostolum hoc breuiter explicantem, qui vnum dixit fuisse, in quo omnes peccauerunt. In illo vno mortui sunt omnes, ut moreretur alius vnus pro omnibus. Vnus enim pro omnibus mortuus est, ergo omnes mortui sunt, pro quibus Christus mortuus est. Audisne Iuliane? Hæc Apostoli verba, non mea sunt. Quid à me quæris quo sit factum modo, cum videas factum esse quocumque modo? si Apostolo credis aliquomodo, qui de Christo & de his pro quibus mortuus est Christus, mentiri potuit nullomodo.] & item, Merito ergo intelliguntur mortui qui non habent vitam, pro quibus Christus est mortuus. Vnus enim pro omnibus mortuus est, ergo omnes mortui sunt. Ideo autem mortuus est, sicut legitur ad Hebræos, *ut per mortem euacuaret eum qui potestatem habebat mortis*, id est diabolus.] Et item, Propter hoc, inquam, vinculum mortis mortui reperiuntur infantes. non ista morte notissima, quæ à corpore animam separat, sed ea morte qua tenebantur omnes, pro quibus mortuus est Christus. Scimus enim, ait Apostolus, quod à nobis sapissimè repetendum est, quoniam *Vnus pro omnibus mortuus est, ergo omnes mortui sunt, & pro omnibus mortuus est Christus, ut qui viuunt iam non sibi viuunt, sed ei qui pro omnibus mortuus est & resurrexit.* Illi ergo viuunt, pro quibus ut viuant mortuus est qui vivebat. Quod apertius ita dicitur, Illi sunt à mortis vinculis liberi, pro quibus mortuus est inter mortuos liber: vel sic multo apertius, illi sunt liberati à peccato, pro quibus mortuus est qui nunquam fuerat in peccato. & cum semel sit mortuus, tamen pro vnoquoque tunc moritur, quando in eius morte quantalibet ætatis fuerit baptizatur. id est, tunc ei proderit mors eius qui fuit sine peccato, quando in eius morte baptizatur, si mortuus fuerit etiam ipse peccato, qui mortuus fuerat in peccato.] & item, A morte quippe iustissimæ damnationis per vnum mediatorem Dei & hominum liberatur genus humanum, non à morte corporis tantum, sed à morte qua mortui sunt, pro quibus vnus mortuus est, ergo omnes mortui sunt.] Et in libro primo, Postremo sanctus Ioannes dicit, quem tu honorabiliter commemorasti, quem tu sicut sanctum eruditumque laudasti, quem tu testimonium & gloriam de consortio veritatis suscepisse dixisti, etiam ipse dicit, Adam sic peccasse illud graue peccatum, ut omne genus humanum in commune damnaret.] & post pauca, Dicit Iudæum negantem virtute vnus Christi mundum posse saluari.] Item in libro III. Quis autem Christianus ignoret, quod ille qui primum ho-

Cap. IV.

Paulo pōst.

Cap. codē.

Cap. V.

2. Cor. 5. 14.

Cap. II.

Cap. XII.

minem fecit ex puluere, omnes fabricetur ex femine? Sed ex femine iam vitiato atque damnato, qui partim per veritatem remaneat in supplicio, partim per misericordiam liberetur à malo. Non igitur, ut putas atque concludis, vllis laqueis tuis peccati naturalis suffocatur adsertio. Deprauatam quippe primi transgressoris voluntate naturam, non tua defensio verbis inanibus purgat per nouitium dogma vestrum, sed gratia Dei per Iesum Christum Dominum nostrum.] Et item in libro vi. *Vnus enim pro omnibus mortuus est, ergo omnes mortui sunt*, *Cap. xiii.* & *pro omnibus mortuus est.* Nec aliqui poterunt viuere pro quibus non est mortuus, quia pro mortuis viuus est mortuus. Hæc negans, his repugnans, ista conuellere moliens, catholicæ fidei munimenta ipsosque neruos disrumpere Christianæ religionis, veræ pietatis, audes insuper dicere quod contra impios bella susceperis, cum aduersum matrem, quæ te spiritaliter peperit, armis impietatis induaris.] Et in libro iv. de Doctrina Christiana, Sanctus quoque Ambrosius, *Cap. xxi.* cum agat rem magnam de Spiritu sancto, ut eum patri & filio demonstret æqualem, summisso tamen dicendi genere vitur, quoniam res suscepta, non ornamenta verborum, aut ad flectendos animos commotiones affectuum, sed rerum documenta desiderat. Ergo inter cetera in principio huius operis, ait, Commotus oraculo Gedeon, cum audisset quod deficientibus licet populorum milibus, in vno viro Dominus plebem suam ab hostibus liberaret, obtulit hædum caprarum, cuius carnem, secundum Angeli præcepta, & azyma supra petram posuit, & ea iure perfudit: quæ simul ut virgæ cacumine, quam gerebat Angelus Dei, contigit, de petra ignis erupit, atque ita sacrificium quod offerebatur absumptum est. Quo indicio declaratum videtur, quod petra illa typum habuerit corporis Christi, quia scriptum est, *Bibebant de consequente eos petra, petra autem erat Christus.* *I. Cor. 7. 16* Quod utique non ad diuinitatem eius, sed ad carnem relatum est, quæ sitientium corda populorum perenni riuo sui sanguinis inundauit. Iam tunc igitur in mysterio declaratum est, quia Dominus Iesus in carne sua totius mundi peccata crucifixus aboleret. nec solum delicta factorum, sed etiam cupiditates animorum. Caro enim hædi ad culpam facti refertur, ius ad inlecebras cupiditatum, sicut scriptum est, *Quia concupiuit populus cupiditatem pessimam, & dixerunt, Quis nos cibabit carne?* *Psal. 105. 14* Quod igitur extendit Angelus virgam, & tetigit petram, de qua ignis exiit, ostendit quod caro Domini, spiritu repleta diuino, peccata omnia humanæ conditionis exureret. Vnde & Dominus ait, *Ignem veni mittere in terram, & cetera.* *Num. 11. 18.*

SANCTVS nihilominus PROSPER in libro primo de Vocatione gentium dicit, *Et tu, inquit, puer propheta altissimi vocaberis, præibis enim ante faciem Domini parare vias eius, ad dandam scientiam salutis populo eius in remissionem peccatorum ipsorum. propter viscera misericordiæ Domini, in quibus visitauit nos oriens ex alto, lucere his qui in tenebris* *Luc. 12. 49.* *Cap. vi.* *Luc. 1. 76.*

& in umbra mortis sedent, ad dirigēdos pedes nostros in viam pacis. Hæc autem viscera misericordiæ Dominus, non ad vnius tantum populi redemptionem, sed ad omnium nationum impēdit salutem. Dicit Euangelista, quia Iesus moriturus erat pro gente, non tantum pro gente, sed etiā vt filios Dei dispersos congregaret in vnum. Hoc enim ait illa vox Domini, quæ per quandam pietatis tubam toto terrarum orbe sonantem omnes homines inuitat & conuenit. Nam cum dixisset, *Confiteor tibi pater, domine celi & terræ, quia abscondisti hæc à sapientibus & prudentibus & reuelasti ea paruulis. Ita pater, quoniam sic beneplacitum est ante te, addidit, Omnia mihi tradita sunt à patre meo, & nemo nouit filium, nisi pater, neque patrem quis nouit, nisi filius & cui voluerit filius reuelare.* ac deinde adiecit, *Venite ad me omnes qui laboratis & onerati estis, & ego vos reficiam. Tollite iugum meum super vos, & discite à me quia mitis sum & humilis corde, & inuenietis requiem animabus vestris. Iugum enim meum suauē est, & onus meum leue.* Ioannes verò Baptista in Euangelio Ioannis prophetico spiritu protestatur dicens, *Qui de cælo venit super omnes est, & quod vidit & audiuit hoc testatur, & testimonium eius nemo accipit, qui accipit testimonium eius signauit quoniam Deus verax est.* Igitur quantum attinet ad humani generis cæcitatem, longa ignorantia & superbia nocte contractam, venit in mundum Creator mundi, & mundus eum non cognouit. lux lucet in tenebris & tenebræ eam non comprehenderunt. Qui super omnes est quod vidit & audiuit testatur, & testimonium eius nemo accipit. Sed quia non frustra Deus Dei filius venit in mundū, & dedit semetipsum pro omnibus, & post mortuus est, non tantum pro gente, sed etiam vt filios Dei dispersos cōgregaret in vnum, & vniuersis dicit, Venite ad me omnes qui laboratis & onerati estis, & seruato sibi incognoscibilis arbitrio electionis, dat sui patris notitiam quibus eam voluerit reuelare, omnes filij lucis, filij promissionis, filij Abrahæ, filij Dei, genus electum, regale sacerdotium, viri Israelitæ præcogniti & præordinati ad regnum Dei, qui eos vocauit non solum ex Iudæis, sed etiam ex gentibus, testimonium eius qui de cælo venit accipiunt, signantes quia Deus verax est, id est, expressè significantes in sui saluatione, quoniam Deus verax est, implens & perficiens quod promisit Abrahæ omnium gentium patri, qui pollicente Deo quod hæres futurus esset mundi, non hæsitauit diffidentia, sed confortatus est fide, dans gloriam Deo, & plenissimè sciens, quoniam quod promisit potens est & facere. Quis autem tam alienus est à fide Abrahæ, tam degener ab vniuersarum gentium patre, qui promissionem aut non impleri, aut ab alio præter eum qui promisit dicat impleri? Ille quidem erit mendax, Deus autem verax, & omnis qui accipit testimonium eius hoc signat, hoc indicat, quod per lucem inluminantem factus est videns, factus est obediens, factus intelligens, sicut Ioannes Euangelista testatur dicens, *Scimus quia mundus totus in maligno positus est, & scimus quia fi-*

lius Dei venit, & dedit nobis sensum ut cognoscamus verum Deum, & simus in vero filio eius. Si verò quæritur, cur Saluator omnium hominum non omnibus dederit vnum sensum, ut cognoscerent verum Deum, & essent, id est, permanerent in vero filio, quamuis credamus nullis hominibus opem gratiæ in totum fuisse subtractam, tamen ita fortè hoc velatum sit, sicut illud absconditum est, cur omnibus gentibus prætermisissis, vnum sibi populum quem ad veritatis cognitionem erudiret exceperit. De quo iudicio Dei sicut non est conquirendum, multò minùs de hoc quod cum electione omnium gentium geritur murmurandum est. Quæ enim Deus occulta esse voluit, non sunt scrutanda: quæ autem manifesta fecit, non sunt neganda.] & item, Cùm vtique contra hostem non expedit sine protectore configere: cum illo enim habet certamen, à quo aliquando superatus est. Non ergo fidat viribus suis, quæ etiam cùm essent integræ non steterunt, sed per illum quærat vindictam, qui solus non est victus & omnibus vicit: & si quærit, non dubitet quærendi affectum ab illo se accepisse quem quærit, nec quia spiritu Dei agitur, ideo se putet liberum arbitrium non habere, quod ne tunc quidem perdidit quando diaboli voluntati se dedit, à quo iudicium voluntatis deprauatum est, non ablatum.] & item in secundo libro, Nulla igitur ratio dubitandi est, Iesum Christum Dominum nostrum pro impiis & peccatoribus mortuum, à quorum numero si aliquis liber inuentus est, non est pro omnibus mortuus Christus. Sed prorsus pro omnibus mortuus est. Nemo igitur omnium hominum, ante reconciliationem quæ per Christi sanguinem facta est, non aut peccator aut impius, dicente Apostolo, *Si enim Christus, cùm adhuc infirmi essemus, iuxta tempus pro impiis mortuus est, vix enim pro iusto quis moritur. nam pro bono forsitan quis audeat mori, ut & qui viuunt iam non sibi viuunt, sed ei qui pro ipsis mortuus est. Commendat autem suam caritatem Deus in nobis, quoniam si cùm adhuc peccatores essemus Christus pro nobis mortuus est, multo magis iustificati in sanguine ipsius salui erimus ab ira per ipsum. Si enim cùm inimici essemus, reconciliati sumus Deo per mortem filij eius, multo magis salui erimus in vita ipsius. Idem autem Apostolus in secunda ad Corinthios ait, Caritas enim Christi* Cap. vii.

urget nos, iudicantes hoc, quoniam si vnus pro omnibus mortuus est, ergo omnes mortui sunt, & pro omnibus mortuus est, & resurrexit. De seipso verò quid pronuntiet audiamus, Fidelis, inquit, sermo, & omni acceptione dignus, quia Christus Iesus venit in hunc mundum peccatores saluos facere, quorum primus ego sum. Sed ideo misericordiam consecutus sum, ut in me primo ostenderet Christus Iesus omnem patientiam, ad informationem eorum qui credituri sunt illi in vitam æternam. Siue ergo circumcisio, siue præputium, peccato vniuersaliter concludebatur, vnusque omnes reatus obstrinxerat, & inter magis minùsque impios nemo erat qui posset absque Christi redemptione saluari. Quæ redemptio vniuer- Rom. 5. 6.

2. Cor. 5. 14.

1. Tim. 2. 15.

fo sese intulit mundo, & omnibus hominibus indifferenter innotuit.] Et contra Gallos obiectione ix. Nullus omnino est ex omnibus hominibus, cuius natura in Christo Domino suscepta non fuerit, quamuis ille natus sit in similitudinem carnis peccati, omnis autem homo nascatur in carne peccati. Deus ergo Dei filius mortalitatis humanæ particeps factus absque peccato, hoc peccatoribus & mortalibus contulit, ut qui natiuitatis eius consortes fuissent, vinculum peccati & mortis euaderent. Sicut itaque non sufficit hominum renouationi natum esse hominem Iesum Christum, nisi in ipso eodem de quo ipse ortus est spiritu renascantur, sic non sufficit hominum redemptioni crucifixum esse Dominum Iesum Christum, nisi commoriantur & consepeliantur in baptismo. Alioqui nato saluatore in carne substantiæ nostræ, & crucifixo pro omnibus nobis, non fuerat necessarium ut renasceremur, & similitudini mortis eius cōplantaremur. Sed cum sine hoc sacramento nemo hominum consequatur vitam æternam, non est saluatus cruce Christi, qui non est crucifixus in Christo: non est autem crucifixus in Christo, qui non est membrum corporis Christi: nec est membrum corporis Christi, qui non per aquam & Spiritum sanctum induit Christum, qui ideo in infirmitate nostra communionem subiit mortis, ut nos in virtute eius haberemus consortium resurrectionis. Cum itaque rectissime dicatur Saluator pro totius mundi redemptione crucifixus, propter veram humanæ naturæ susceptionem, & propter communem in primo homine omnium perditionem, potest tamen dici pro his tantum crucifixus, quibus mors ipsius profuit. Dixit enim Euangelista, quia *Iesus moriturus erat pro gente, non tantum pro gente, sed etiam ut filios Dei dispersos congregaret in unum.* In sua enim venit, & sui cum non receperunt. quotquot autem receperunt eum, dedit eis potestatem filios Dei fieri, qui non ex sanguinibus, neque ex voluntate carnis, neque ex voluntate viri, sed ex Deo nati sunt. Diuersa ergo ab istis fors eorum est, qui inter illos censentur, de quibus dicitur, Lux lucet in tenebris, & tenebræ eam non cōprehenderunt, ut possit secūdum hoc dici, Redemptor mundi dedit pro mundo sanguinem suum, & mundus redimi noluit, quia lucem tenebræ non receperunt, & tenebræ receperunt quibus dicit Apostolus, Fuiſtis aliquando tenebræ, nunc autem lux in Domino. Ipse verò Dominus Iesus, qui dixit se venisse quærere & saluare quod perierat, Non veni, inquit, nisi ad oues quæ perierant domus Israel. Sed quæ sine istæ oues domus Israel, Apostolus Paulus exponat dicens, Non omnes qui ex Israel, hi sunt Israelitæ: neque quia sunt semen Abraham omnes filij, sed in Isaac vocabitur tibi semen, id est, non qui filij carnis hi filij Dei, sed qui filij promissionis æstimantur in semine. In istis ergo sunt illi, de quibus dictum supra memorauimus, quia *Iesus moriturus erat pro gente, non tantum pro gente, sed etiam ut filios Dei dispersos congregaret in unum.* quia non solum ex Iudæis, sed etiam ex gentibus

gentibus, per eum qui vocat quæ non sunt tanquam quæ sunt, & qui dispersos Israel congregat, filij Dei, filij promissionis, in vnam Ecclesiam congregantur, vt impleatur quod promissum est Abraham, cui dictum est quod in semine eius benedicendæ essent omnes tribus terræ.] Et in obiectione prima contra Vincentianos, Contra vulnus originalis peccati, quo in Adam omnium hominum corrupta & mortificata natura est, & vnde omnium concupiscen-
 tiarum morbus inoleuit, verum & potens ac singulare remedium mors filij Dei domini nostri Iesu Christi, qui liber à mortis debito, & solus absque peccato, pro peccatoribus & debitoribus mortis est mortuus. Quod ergo ad magnitudinem & potentiam pretij, & quod ad vnam pertinet causam generis humani, sanguis Christi redemptio est totius mundi. Sed qui hoc sæculum sine fide Christi, & sine regenerationis sacramento pertranseunt, à redemptione alieni sunt. Cum itaque, propter vnam omnium naturam à Domino nostro in veritate susceptam, rectè omnes dicantur redempti, tamen non omnes à captiuitate sint eruti, redemptionis proprietas haud dubiè penes illos est, de quibus princeps mundi missus est foras, & iam non vasa diaboli, sed membra sunt Christi. Cuius mors non ita impena est humano generi, vt ad redemptionem eius etiam qui regenerandi non erant pertinerent: sed ita vt quod per vnum exemplum gestum est pro vniuersis, per singulare sacramentum celebraretur in singulis. Poculum quippe immortalitatis, quod confectum est de infirmitate nostra & virtute diuina, habet quidem in se vt omnibus profit, sed si non bibitur, non medetur.]

ET SANCTVS CYRILLVS in epistola Synodica ad Nestorium dicit, Confitemur etiam inquit, quod idem ipse, qui ex Deo patre natus est, filius vnigenitus Deus, licet iuxta naturam suam expers passionis extiterit, pro nobis tamen secundum scripturas carnem perpeffus sit, & erat in crucifixo corpore propriæ carnis impassibiliter ad se referens passionem. Gratia verò Dei pro omnibus gustauit mortem, tradens & proprium corpus, quamuis naturaliter ipse vita sit & resurrectio mortuorum. Nam vt mortem ineffabili potentia proculcaret, & sua carne primogenitus ex mortuis fieret, & primitiæ dormientium viam faceret humanæ naturæ ad incorruptionis recursum, gratia Dei, sicut suprà dictum est, pro omnibus gustauit mortem, & tertia die resurgens exspoliavit infernum.] Item in epistola ad presbyteros & diaconos patres monachorum, & ad eos qui solitariam vitam adepti in Dei fide consistunt, ad locum, Sufficit verò, vt arbitror, ad fidem etiam sanctissimus Paulus, qui testatur dicens, *Quid ergo dicimus? Si Deus pro nobis quis contra nos? qui proprio filio non pepercit, sed pro nobis omnibus tradidit eum, quomodo non etiam cum ipso omnia nobis donauit?* Proinde dic mihi, quomodo intelligatur Dei proprius filius qui ex sancta Virgine? Sicut enim proprium

Concil.
Ephes.
Part. 1. c. 26.
sub mediū.

Ibid. cap. 2.
versus finē.

Rom. 8. 32.

hominis, nec non & vniuscuiusque aliorum animalium, quod ex eo secundum naturam generatur, ita proprium Dei quod ex substantia eius est intelligitur atque dicitur. Quomodo ergo proprius Dei filius nominatus est Christus? Qui ergo traditus est à Deo & patre causa omnium salutis & vitæ, traditus est propter peccata nostra. & reliqua.] Et item in eadem, Sic etiam posuit pro nobis animam suam. quia enim erat mors eius mundo salutaris, sustinuit crucem.] & item, Et vnus omnium compensatione dignus mortuus pro omnibus, vt redimeret proprio sanguine quicquid sub cælo est, & offerret Deo & patri eos qui in omni terra consistunt.] & item, Vnus ergo omnium dignior suam pro omnibus animam posuit.] & item, Sicut enim vicit in Adam, quin mors, ita cecidit & in Christo. ascendenti quoque propter nos & pro nobis ad patrem & Deum qui in cælis est, vt eis qui in terra sunt adibile demonstraret cælum.

Epist. xcvi
Cap. ii.

Ioan. i. 14.

2^a Cor. 15.
19.

Rom. 5. 21.

Post alia.

Ioan. 12. 32.

MAGNVS autem LEO, tantæ scilicet sedis Romanæ non impar, in epistola ad Leonem Augustum dicit, Sicut enim negari non potest Euangelista dicente quod *Verbum caro factum est, & habitauit in nobis*, ita negari non potest, beato Paulo Apostolo prædicante, quod *Deus erat in Christo mundum reconcilians sibi*. Quæ autem reconciliatio esse potest, qua humano generi propitiaretur Deus, nisi omnium causa mediator Dei & hominum carnem susciperet? Qua verò ratione veritatem mediatoris impleteret, nisi qui in forma Dei æqualis patri, in forma serui particeps esset & nostrî, & mortis vinculum vnus præuaricatione contractum, vnus morte qui solus morti nihil debuit solueretur? Effusio enim iusti pro iniustis sanguinis Christi tam fuit diues ad pretium, vt si vniuersitas captiuorum in redemptorem suum crederet, nullum diaboli vincula tenerent: quoniam sicut ait Apostolus, *ubi autem abundauit peccatum, superabundauit & gratia*. & cum sub peccati præiudicio nati potestatem acceperint ad iustitiam renascendi, validius factum est donum libertatis quàm debitum seruitutis.] & item, Quod vnquam sacrificium sacratius fuit, quàm quod verus & æternus Pontifex altari crucis per immolationem suæ carnis imposuit? Quamuis enim multorum sanctorum in conspectu Domini pretiosa mors fuerit, nullius tamen infantis occisio redemptio fuit mundi. Acceperunt iusti non dederunt coronas, & de fortitudine fidelium exempla sunt patientiæ, non dona iustitiæ. Singulares quippe in singulis mortes fuerunt, nec alterius quisquam debitum suo sine persoluit, cum inter filios hominum vnus solus Dominus noster Iesus Christus qui verè erat agnus immaculatus extiterit, in quo omnes crucifixi, omnes mortui, omnes sepulti, omnes sint etiam suscitati. de quibus ipse dicebat, *Cum exaltatus fuero à terra, omnia traham ad me*. Fides etenim vera, iustificans impios & creans iustos, ad humanitatis suæ

tracta participem, in illo acquirit salutem, in quo solo se homo inuenit innocentem, liberum habens per gratiam Dei de eius potentia gloriari, qui contra hostem humani generis in carnis nostræ humilitate congressus, his vindictam suam tribuit, in quorum corpore triumphauit.] Et item in eadem, At si in tanta luce veritatis tenebras suas hæretica obduratio non relinquit, ostendant vnde sibi spem vitæ polliceantur æternæ, ad quam nisi per mediatorem Dei & hominum hominem Christum Iesum non potest perueniri. Sicut enim ait beatus Petrus Apostolus, *Non est aliud nomen datum hominibus sub celo, in quo oporteat nos saluos fieri. nec est redemptio captiuitatis humanæ, nisi in sanguine eius qui dedit semetipsum redemptionem pro omnibus, & qui, sicut prædicat beatus Apostolus Paulus, cum in forma Dei esset, non rapinam arbitratus est esse se aequalem Deo, sed semetipsum exinaniuit, formam serui accipiens, in similitudinem hominum factus, & habitu inuentus ut homo. Humiliauit semetipsum factus obediens usque ad mortem, mortem autem crucis. propter quod & Deus illum exaltauit, & donauit illi nomen quod est super omne nomen, ut in nomine Iesu omne genu flectatur, celestium, terrestrium, & infernorum, & omnis lingua confiteatur quia Dominus Iesus Christus in gloria est Dei patris.]* Et in epistola ad Iuuenalem Episcopum Hierosolymitanum, Veram igitur Christi generationem crux vera confirmat, quoniam ipse in nostra carne nascitur, qui in nostra carne crucifigitur. Quæ nullo interueniente peccato, nisi fuisset nostri generis, non potuisset esse mortalis: ut autem repararet omnium vitam, recepit omnium causam, & vim veteris chirographi, quod solus inter omnes non debuit, pro omnibus soluendo vacuauit. ut sicut per vnius reatum omnes facti fuerant peccatores, ita per vnius innocentiam omnes fierent innocentes, inde in omnes manante iustitia, vbi est humana suscepta natura.] Et in epistola ad Flavianum, Ab ipso autem principio generis humani, omnibus hominibus Christus est denunciatus in carne venturus: in qua, sicut dictum est, *& erunt duo in carne vna*, utique duo sunt, Deus & homo, Christus & Ecclesia, quæ de sponsi carne prodiit, quando ex latere crucifixi manante sanguine & aqua, sacramentum regenerationis & redemptionis accepit.] Et item in Homilia de Natale Domini, Saluator noster, dilectissimi, hodie natus est, gaudeamus. Neque enim locum fas est esse tristitiæ, vbi natalis est vitæ. quæ consumpto mortalitatis timore ingerit nobis de promissa æternitate lætitiā. Nemo ab eius alacritatis participatione secernitur, vna cunctis lætitiæ communis est ratio: quia Dominus noster peccati mortisque destructor, sicut nullum à reatu liberum reperit, ita liberandis omnibus venit.] & item in alia Homilia, Nam superbia hostis antiqui non immerito sibi in omnes homines ius tyrannicum vindicabat, nec indebito dominatu premebat, quos neglecto mandato Dei, spontaneos in obse-

Post ali-
quanta.

Act. 4. 12.

Philip. 2. 6.

Ep. LXXII.
cap. 3.

Epist. 2.

Hom. 1. de
NatiuitateHom. 4.
de eadem

- quium suæ voluntatis inlexerat. Non itaque iustè amitteret originale humani generis seruitutem, nisi de eo quod subegerat vince-
 retur. Cum igitur misericors omnipotensque Saluator, ita susce-
 ptionis humanæ moderaretur exordia, ut virtutem inseparabilis à
 suo homine deitatis per velamen nostræ infirmitatis absconderet,
 inlusa est securi hostis astutia, qui natiuitatem pueri in salutem hu-
 mani generis procreati, non aliter sibi quàm omnium nascentium
 putauit obnoxiam.] & post pauca, Redit in honorem suum ab an-
 tiquis contagiis purgata natura, mors morte destruitur, natiuitas
 natiuitate reparatur, quoniam simul & redemptio aufert seruitu-
 tem, & regeneratio mutat originem, & fides iustificat peccatorem.]
 & paulo post, Tibi enim quondam abiecto, extruso paradisi sedi-
 bus, tibi per exilia longa morienti, tibi in cinerem & puluerem dis-
 soluto, cui iam non erat spes vlla viuendi, per incarnationem Ver-
 bi potestas data est, ut de longinquo ad tuum reuertaris auctorem,
 recognoscas parentem, liber efficiaris ex seruo, de extraneo proue-
 haris in filium. ut qui ex corruptibili carne natus es, ex Dei spiritu
 renascaris, & obtineas per gratiam quod non habes per naturam.]
 Et item in Homilia quarta, Exultent ergo in laudem Dei corda cre-
 dentium, & mirabilia eius confiteantur filij hominum: quoniam in
 hoc præcipuè Dei opere humilitas nostra cognoscit quantam suus
 conditor æstimarit: qui cum origini humanæ multum dederit, quod
 nos ad imaginem suam fecit, reparationi nostræ longè ampliùs tri-
 buit, cum seruili formæ ipse se Dominus coaptauit. Quamuis enim
 ex vna eadèque pietate sit quicquid creaturæ Creator impendit,
 minùs tamen mirum est hominem ad diuina proficere, quàm Deum
 ad humana descendere. Hoc autem nisi facere dignaretur om-
 nipotens, nulla quemquam species iustitiæ, nulla forma sapientiæ
 à captiuitate diaboli, & à profundo æternæ mortis erueret.] Et in
 Homilia de Epiphania, Iudæi qui extra regnum Christi esse volue-
 runt, adhuc quodammodo sub Herodis sunt principatu, & domi-
 nante sibi Saluatoris inimico alienigenæ seruiunt potestati. Vnde
 quod illi tres viri, vniuersalem gentium personam gerentes, adorato
 Domino, hoc in populis suis per fidem quæ iustificat impios totus
 mundus adsequitur, & hereditatem Dei ante sæcula præparatam
 accipiunt adoptiui, & perdunt qui videbantur esse legitimi.] & item
 in eadem, Inter hæc autem permanet super omnes benignitas Dei,
 & nulli misericordiam suam denegat, cum indiscretè vniuersis bo-
 na multa largitur. eousque quos meritos subderet pœnis, mauult
 inuitare beneficiis. Dilatio enim vindictæ dat locum pœnitentiæ,
 nec dici potest nulla ibi esse vltio, vbi nulla conuersio est: quia
 mens dura & ingrata iam sibi ipsa supplicium est, & in conscien-
 tia sua patitur quicquid Dei bonitate differtur. Non ita delinquen-
 tes peccata delectent, ut illos in suis actibus vitæ huius finis inue-

niat, quoniam in inferno nulla correctio est, nec datur remedium satisfactionis ubi iam non superest actio voluntatis.] Item in Homilia de passione Domini, Habent ergo diuinam hæc opera virtutem. Hom. i. c. 5
 Sed quod Dominus maiestatis suæ potentiam comprimit, & vim in se persecutoris admittit, ex illa est voluntate qua dilexit nos, & tradidit semetipsum pro nobis, cooperante in hoc ipsum patre, qui filio proprio non pepercit, sed pro nobis tradidit illum. Vna est enim patris & filij voluntas vt est vna diuinitas, de cuius dispositionis effectu nihil vobis Iudæi gratiæ, nihil tibi Iuda debemus. Saluationi quidem nostræ vobis non hoc volentibus impietas vestra seruiuit, & per vos factum est quicquid manus Dei & consilium decreuerunt fieri. Mors igitur Christi nos liberat, vos accusat. Merito soli non habetis quod omnibus perire voluistis, & tamen tanta est nostri bonitas redemptoris, vt etiam vos possitis consequi veniam, si Christum Dei filium confitendo illam parricidalem malitiam relinquatis. Non enim frustra Dominus in cruce orauit, *Pater dimitte illis, quia nesciunt quid faciunt.* Luc. 23. 34. Quod remedium nec te Iuda transiret, si ad eam pœnitentiam confugisses. quæ te reuocaret ad Christum, non quæ instigaret ad laqueum. Dicendo autem *peccavi tradens sanguinem iustum*, in impietatis tuæ perfidia perstitisti, qui Iesum non Deum Dei filium, sed nostræ tantummodò conditionis hominem, etiam inter extrema mortis tuæ pericula credidisti, cuius flexisses misericordiam, si eius omnipotentiam non negasses.] Et in tertia Homilia de passione Domini, *Quicquid Domino inlusionis & contumeliæ, quicquid vexationis & pœnæ furor intulit impiorum, non de necessitate toleratum, sed de voluntate susceptum est.* Cap. 12. *Venit enim filius hominis querere & saluare quod perierat.* Matt. 18. 11. & sic ad omnium redemptionem utebatur malitia persecutorum, vt in mortis eius resurrectionisque sacramento interfectores sui possent salui esse si crederent. Vnde sceleratior omnibus Iuda & infelicior extitisti, quem non pœnitentia reuocauit ad Dominum, sed desperatio traxit ad laqueum. Expectasses consumptionem criminis tui, & donec sanguis Christi pro omnibus funderetur infirmis, lethi suspendium distulisses. Cùmque conscientiam tuam tot Domini miracula, tot dona, totque illa saltem te à præcipitio tuo sacramenta reuocassent, quæ in Paschali cœna iam de perfidia tua signo diuinæ scientiæ detectus acceperas, cur de eius bonitate diffidis, qui te à corporis & sanguinis sui comunione non repulit? qui tibi ad comprehendendum se cum turbis & armatorum cohorte venienti pacis osculum non negauit? Sed homo inconuertibilis, spiritus vadens & non reuertens, cordis tui secutus es rabiem, & stante diabolo à dextris tuis iniquitatem, quam in sanctorum omnium armaueras caput, in tuum verticem retorristi: vt quia facinus tuum omnem mensuram ultionis

excefferat, te haberet impietas tua iudicem, te pateretur tua pœna carnificem. Cùm igitur Deus esset in Christo mundum reconcilians sibi, & creaturam ad conditoris sui imaginem reformandam creator ipse gestaret, peractis miraculis operum diuinorum, quæ propheticus olim spiritus gerenda prædixerat, *tunc aperientur oculi cecorum, & aures surdorum audient, tunc saliet claudus ut ceruus, & clara erit lingua mutorum*, sciens Iesus adesse iam tempus gloriosæ passionis implendæ, *Tristis est anima mea*, inquit, *usque ad mortem*, & iterum, *Pater, si fieri potest, transeat à me calix iste*. Quibus verbis, quandam formidinem profitentibus, nostræ infirmitatis affectus participando curabat, & pœnalis experientiæ metum subeundo pellebat. In nobis ergo Dominus nostro pauore trepidabat, & susceptione se nostræ infirmitatis induerat, ut nostram inconstantiam suæ virtutis soliditate vestiret.] Item in Homilia de passione Domini, Peractis itaque omnibus, quæ diuinitas fieri carnis velamine temperata permisit, Iesus filius Dei cruci quam etiam ipse gestarat adfixus est, duobus latronibus vno ad dexteram ipsius, alio ad sinistram similiter crucifixis, ut etiam in ipsa patibuli specie monstraretur illa quæ in iudicio ipsius omnium hominum est facienda discretio, cùm & saluandorum figuram fides credentis latronis exprimeret, & damnandorum formam blasphemantis impietas præmonstraret. Passio igitur Christi salutis nostræ continet sacramentum, & de instrumento quod iniquitas Iudæorum parauit ad pœnam, potentia redemptoris gradum fecit ad gloriam: quam Dominus Iesus ita ad omnium hominum suscepit salutem, ut inter clauos quibus ligno tenebatur adfixus, pro interfectoris suis paternæ clementiæ supplicaret & diceret, *Pater ignosce illis, quia nesciunt quid faciunt*. Principes autem sacerdotum, quibus indulgentiam Saluator petebat, supplicium crucis inrisionum aculeis asperabant, & in quem manibus amplius sæuire non poterant, linguarum tela iaciebant dicentes, *Alios saluos fecit, seipsum saluum facere non potest. Si rex Israel est, descendat de cruce, & credimus ei.*] Item in v. Homilia de passione Domini, In omnibus autem, quæ illi popularis ac sacerdotalis insania contumeliosè ac procaciter inferebat, nostræ diluebantur maculæ, nostræ expiabantur offensæ. quia natura, quæ in nobis rea semper fuerat atque captiua, in illo innocens patiebatur & libera: ut ad auferendum peccatum mundi ille hostiam se agnus offerret, quem & omnibus corporalis substantia iungeret, & ab omnibus spiritualis origo discerneret.] Item in sexta Homilia, Iudæorum enim cæcitas nihil obtinuit, nisi ut sua impietate se perderet: Christi verò patientia hoc egit, ut omnes sua passione saluaret.] & item in eadem, Seditiosis igitur clamoribus Iudæorum cedente Pilato, in loco cui nomen Golgotha crucifigitur Christus: per lignum erigitur lapsus in ligno, & gustu fellis & aceti diluitur esca peccati. Merito priusquam traderetur dixerat

Esa. 35.

Matt. 26. 38.

Ibid. 39.

Hom. iv.
cap. i.

Luc. 23. 34.

Mat. 27.

Cap. 3.

Cap. 1.

Cap. 4.

Dominus, *Cum exaltatus fuero à terra, omnia traham ad me.* id est, totam causam humani generis agam, & olim perditam in integrum reuocabo naturam, in me omnis infirmitas abolebitur, in me omnis plaga sanabitur. Exaltatum autem Iesum traxisse ad se omnia, non solum nostræ substantiæ passione, sed etiam totius mundi commotione monstratum est. Pendente enim in patibulo Creatore, vniuersa creatura congemuit, & crucis clauos omnia simul elementa senserunt. Nihil ab illo supplicio liberum fuit: hoc in communionem suam & terram traxit & cælum. hoc petras rupit, monimenta patefecit, inferna referauit, & densarum horrore tenebrarum radios Solis abscondit. Debebat hoc testimonium suo mundus auctori, ut in occasu conditoris sui vellent vniuersa finiri. Sed patientia Dei seruat rebus atque temporibus ordinem suum, nosque in illum potius inuitat affectum, ut eorum salutem petamus, quorum crimen horremus. Tanto igitur pretio, tantoque sacramento, eruti de potestate tenebrarum, & ab antiquæ captiuitatis vinculis absoluti.] & in octaua Homilia, Sæuienti diabolo per ministeria Iudæorum formam serui nihil peccati habentis obiecit, ut per eum ageretur omnium causa, in quo solo erat omnium natura sine culpa. Inruerunt ergo in lumen verum filij tenebrarum, & vtentes faculis atque laternis, non euaserunt infidelitatis suæ noctem, quia non intellexerunt lucis auctorem. Præoccupant paratum teneri, & trahunt volentem trahi. qui si vellet obniti, nihil quidem in iniuriam eius impiæ manus posset, sed mundi redemptio tardaretur, & nullum saluaret inlatus, qui pro omnium erat salute moriturus.] & item, *Pascha ergo nostrum*, sicut ait Apostolus, *immolatus est Christus.* qui se nouum & verum reconciliationis sacrificium offerens patri, non in templo cuius iam erat finita reuerentia, nec intra septa ciuitatis ob meritum sui sceleris diruendæ, sed foris extra castra crucifixus est. ut veterum victimarum cessante mysterio, noua hostia nouo imponeretur altari, & crux Christi non templi esset ara, sed mundi.] Et item in eadem, Traxisti, Domine, omnia ad te, ut quod in vno Iudææ templo obumbratis significationibus ageretur, pleno apertoque sacramento vniuersarum vbique nationum deuotio celebraret. Nunc enim, carnalium significationum varietate cessante, omnes differentias hostiarum vna corporis & sanguinis tui implet oblatio. quoniam tu es verus agnus qui tollis peccatum mundi, & ita perficis in te vniuersa mysteria, ut sicut vnum est pro omni victima sacrificium: ita vnum de omni gente sit regnum. Confiteamur igitur, dilectissimi, quod magister gentium Paulus gloriosa voce confessus est dicens, *Fidelis sermo & omni acceptione dignus, quia Christus Iesus venit in hunc mundum peccatores saluos facere.* Hinc ergo mirabilior est erga nos misericordia Dei, quod non pro iustis, neque pro sanctis, sed pro iniquis & impiis Christus est mortuus. & cum mortis aculeum recipere

Ioan. 12. 32.

Cap. 1.

Cap. 5.
1. Cor. 5. 7.

Cap. 7.

1. Tim. 4. 9.

non posset natura deitatis, suscepit tamen nascendo ex nobis quod
 Cap. 1. possit offerre pro nobis.] In nona Homilia, Lugeat carnalis Iudæus,
 sed gaudeat spiritalis Christianus, & festiuitas quæ illis conuersa est
 in noctem, nobis coruscet in lucem, quoniam crux Christi eadem
 est & credentium gloria, & non credentium pœna.] & item in ea-
 Cap. eodẽ. dem, Si autem in exitu Israel de Ægypto agni sanguis fuit restitu-
 tio libertatis, & sacratissima est facta festiuitas, quæ per hostiam pe-
 cudis iram auerterat vastatoris, quanta populis Christianis conci-
 pienda sunt gaudia, pro quibus omnipotens pater filio suo vnige-
 nito non pepercit, sed pro nobis omnibus tradidit eum, vt in occi-
 sione Christi Pascha esset verum, & in singulari sacrificio, quo non
 ex dominatione Pharaonis vnus populus, sed ex diaboli captiuitate
 totus mundus eruitur?] Item in Homilia Quadragesimæ, Pruden-
 tiam diaboli stultam fecit sapientia Dei, vt superbus hostis homi-
 nem videns quem aliquando superauerat, non metueret eum perse-
 qui quem pro omnibus oportebat occidi.] Item in Homilia de pas-
 sione Domini, Ad hanc indulgentiam traditor Iudas peruenire non
 potuit: quoniam perditionis filius, cui diabolus stabat à dextris, prius
 in desperationem transiit, quàm sacramentum generalis redemptio-
 nis Christus impletet. Nam mortuo pro omnibus impiis Domino,
 potuisset fortè etiam hic consequi remedium, si non festinasset ad
 laqueum.] Item in alia, Euacuatum est generale illud venditionis
 nostræ chirographum, & pactum captiuitatis in ius transiit Redem-
 ptoris.] Item in Homilia Sabbati sancti, Ex eo, inquit, initium no-
 bis factum est resurrectionis in Christo, ex quo in eo qui pro om-
 nibus est mortuus, totius spei nostræ forma præcessit.

Sub initũ. BEATVS quoque GREGORIUS in Homilia decima sexta dicit,
 Non est ergo indignum redemptori nostro quòd tentari voluit
 qui venerat occidi. Iustum quippe erat, vt sic tentationes nostras
 suis tentationibus vinceret, sicut mortem nostram sua venerat mor-
 te superare.] & in Homilia vigesima septima, Mori etiam pro ini-
 micis Dominus venerat, & tamen positurum se animam pro amicis
 dicebat, vt profectò nobis ostenderet, quia cùm diligendo lucrum
 Non longè à principio. facere de inimicis possumus, etiam ipsi amici sunt qui persequun-
 tur.] Et in libro decimo quarto Moralium, *Stulti quoque despiciebant*
 Cap. 12. *me.* ac si aperte diceretur, Ipsi etiam me despexerunt, pro quibus
 Iob 19. 18. sanandis stultitiam prædicationis adsumpsi, id est, vt per carnem
 Verbi sanarentur, & ab ipsis despectus sum, pro quibus stultus æ-
 stimari veritus non sum.] Item in libro vigesimo primo, Ad hoc
 Cap. 5. itaque Dominus apparuit in carne, vt humanam vitam admonen-
 do excitaret, exempla præbendo accenderet, moriendo redimeret,
 Cap. 13. resurgendo repararet.] Item in vigesimo secundo, Vnigenito enim
 filio pro homine interpellare est, apud coæternum patrem seipsum
 hominem demonstrare, eique pro humana natura rogasse est, ean-
 dem

dem naturam in diuinitatis suæ celsitudine suscepisse.] Item in vigesimo quarto, Per hoc pro nobis patri loquitur, per quod semet-
 ipsum nobis similem ostendit. Loqui quippe eius, vel interpellare, Cap. 27
 est ipsum se pro omnibus hominem demonstrare.] Item in libro
 trigesimo, Idcirco namque inter nos homo factus est, vt non so-
 lum nos sanguine fuso redimeret, sed etiam ostenso exemplo com- Cap. 15
 mutaret. In conuersatione igitur nostra, & veniendo alia inuenit,
 & viuendo alia docuit. Studebant enim omnes superba Adam stir-
 pe progeniti prospera vitæ præsentis appetere, aduersa deuitare, op-
 probria fugere, gloriam sequi. Venit inter eos incarnatus Dominus
 aduersa appetens, prospera spernens, opprobria amplectens, glo-
 riam fugiens. Nam cum Iudæi illum regem sibi constituere voluis-
 sent, fieri rex refugit: cum verò eum interficere molirentur, spon-
 te ad crucis patibulum venit. Fugit ergo quod omnes appetunt, ap-
 petiit quod omnes fugiunt: fecit quod omnes mirarentur, vt &
 mortuus ipse resurgeret, & morte sua alios de morte suscitaret.]
 Item in libro trigesimo primo, Qui enim sunt alij prærupti filices, Cap. 19
 nisi illi fortissimi Angelorum chori, qui quamuis non integri, sed
 tamen in proprio statu fixi, cadente cum suis Angelis diabolo re-
 manserunt? Prærupti enim sunt, quia pars eorum cecidit, pars re-
 mansit. Qui integri quidem stant per qualratem meriti, sed per
 numeri quantitatem prærupti. Hanc præruptionem restituere me-
 diator venit, vt redempto humano genere, illo Angelica damna
 sarciret, & mensuram cælestis patriæ locupletius fortasse cumulare.
 Propter hanc præruptionem de patre dicitur, proposuit in eo in dis-
 pensationem plenitudinis temporum instaurare omnia in Christo
 quæ in cælis & quæ in terra sunt in ipso. In ipso quippe restau-
 rantur ea quæ in terra sunt, dum peccatores ad iustitiam conuer-
 tuntur: in ipso restaurantur ea quæ in cælis sunt, dum illuc humi-
 liati homines redeunt, vnde apostatæ Angeli superbiendo cecide-
 runt.] In libro trigesimo quarto, Expediebat quippe, vt peccato- Cap. 8
 rum mortem iustè morientium solueret mors iusti iniustè morien-
 tis.] Item in libro trigesimo quinto, *Sustinui qui simul mecum contri-*
staretur, & non fuit. consolantem me quasiui, & non inueni. Consolan- Cap. 9
 tem quippe in passione minimè inuenit, qui ex despectu mortis et-
 iam ipsos hostes pertulit, pro quibus ad mortem venit.] Et in Ho- Non longa
à principio
 milia trigesima sexta, Ad abstergendum namque mentis vestræ fa-
 stidium, in cœna Dei ille vobis singularis agnus occisus est. Sed quid a-
 gimus, qui hoc quod subiungitur adhuc fieri à multis videmus? *Et*
cæperunt simul omnes excusare. Offert Deus quod rogari debuit. non
 rogatus dare vult, quod vix sperari poterat quia largiri dignaretur
 postulatus. Contemptoribus verò paratas delicias refectionis æternæ
 denuntiat, & tamen simul omnes excusant.] Et post aliquanta,
 Ait enim, *Dico autem vobis quod nemo virorum illorum qui vocati sunt* Luc. 14

gustabit cenam meam. Ecce vocat per se, vocat per Angelos, vocat per prophetas, vocat per Apostolos, vocat etiam per nos. vocat plerumque per miracula, vocat plerumque per flagella, vocat aliquando per mundi huius prospera, vocat aliquando per aduersa. nemo contemnat, ne dum vocatus excusat, cum voluerit introire non valeat. Audite quid Sapientia per Salomonem dicat, *Tunc inuocabunt me, & non exaudiam: mane consurgent, & non inuenient me.* Hinc est quod fatuæ virgines tardè venientes clamant, *Domine, Domine, aperi nobis.* Sed iam tunc aditum quærentibus dicitur, *Amen dico vobis, nescio vos.* Hinc item idem in Homilia duodecima, Ibi iam à Deo non potest mereri quod petit, qui hinc noluit audire quod iussit. qui tempus congruæ pœnitentiæ perdidit, frustra ante regni ianuam cum precibus venit. Hinc est enim quod per Salomonem Dominus dicit, *Vocaui & renuistis. extendi manum meam, & non fuit qui aspiceret. despexistis omne consilium meum, & increpationes meas neglexistis. Ego quoque in interitu vestro ridebo, & subsannabo cum vobis quod timebatis aduenerit. Cum intruerit repentina calamitas, & interitus quasi tempestas ingruerit. quando venerit super vos tribulatio & angustia. Tunc inuocabunt me & non exaudiam: mane consurgent, & non inuenient me.* Et aliquanto superius, *Tunc regni ianua lugentibus clauditur, quæ modò quotidie pœnitentibus aperitur.*

ET venerabilis presbyter BEDA in expositione Actuum Apostolorum, Demulcet autem Apostolus animos Iudæorum, quo ad credendum faciat promptiores, dicendo quod totius mundi saluator eos primùm visitaturus & benedicturus elegerit, Vobis, inquit, primùm Deus suscitans filium suum.] & item, Multumque decebat illum, quin Cornelium, exaudiri, qui instantiam deprecandi tribus horis continuans à sexta pertrahebat ad nonam, quo tempore Dominus ipse quem rogabat pro totius mundi salute extensis in cruce manibus orabat.] Et item in expositione Euangelij Euangelistæ Marci ad locum, Altiore autem sensu, Facilius enim est Christum pati pro dilectoribus sæculi, quàm dilectores sæculi ad Christum posse conuerti.] & item, Passurus pro omni mundo, & vniuersas nationes suo sanguine redempturus, moratur in Bethania in domo obediætiæ.] & item, Amphoram aquæ baiulans occurrit, vt ostendatur huius paschæ mysterium pro ablutione perfecta mundi totius esse celebrandū, Aqua quippe lauacrum gratiæ, lagena fragilitatem designat eorum. per quoseadem erat gratia mundo administranda.] & item, Consultè siue aquæ baiuli, seu domini domus, sunt prætermisavocabula, vt omnibus verum pascha celebrare volentibus, hoc est Christi sacramentis imbui, cumque suæ mentis hospitio suscipere quærentibus, facultas danda signetur. Et iterum, Solus orat pro omnibus, sicut & solus patitur pro vniuersis. & quomodo pro nobis maledictum crucis factus est & flagellatus, & crucifixus: sic pro omnium salute quasi noxius

crucifigitur. Et in Commento Lucae, Pharisei autem & legis periti consilium Dei spreverunt in semetipsos, non baptizati ab eo. Quod dicit in semetipsos, vel contra semetipsos, significat quia qui gratiam Dei respuit contra semetipsum facit. vel ad semetipsos missum Dei consilium stulti & ingrati vituperantes noluisse recipere. Consilium ergo Dei est, quo per passionem & mortem Domini Iesu mundum saluare decrevit. Item, Et bene saginatus vitulus dicitur, quia caro eius adeo spiritali est opima virtute, ut pro totius mundi salute sufficiat in odorem, suavitatis, nidorem videlicet immolationis ad Deum mittere, & pro omnibus exorare.] & item, Qui enim appellatus est in terra rex Iudæorum, in cælis est dominus Angelorum. Verum quia Christus in carne totius mundi propitiatio & hominum videlicet & Angelorum inluxit, pulchre sibi inuicem in eius laude dispensationis cælestia simul & terrena concinunt.] Et item ex verbis Ambrosij, Iuda osculo filium hominis tradis? Filium, inquit, hominis tradis, quia caro non diuinitas comprehenditur. Illud tamen plus confutat ingratum, quod eum tradiderit, qui cum esset Dei filius, propter nos tamen filius hominis esse voluit, & quasi dicat, propter te suscepi, ingrate, quod tradis. Interrogatiue sanè pronuntiandum puto, quasi amantis affectu corripiat proditorem, Iuda osculo filium hominis tradis? hoc est, amoris pignore vulnus infligis, & caritatis officio sanguinem fundis, & pacis instrumento mortem interrogas, seruus dominum, discipulus proditoris magistrum, electus auctorem?] Et item ex verbis Hieronymi, Et quomodo pro nobis maledictum crucis factus est, & flagellatus & crucifixus, sic pro omnium salute quasi noxius inter noxios crucifigitur, ut ubi abundauit peccatum, superabundet & gratia.

ET CASSIODORUS in Psalmo xx. Ille solus est qui desiderio desiderauit mori, quando se pro omnium salute offerebat occidi, ut pretiosus sanguis eius mundum redimeret, ne diabolus eum adhuc iniqua præsumptione vastaret.] Et item in eodem, Nam nescientes vera dixerunt. oportuit vnum pro omnibus mori.] & item in Psalmo xxi. Audiamus ergo vocem membrorum ex ore capitis, & intelligamus ex nostra persona meritò fuisse locutum, qui se hostiam obtulit pro salute cunctorum.] & item in eodem, Quapropter iam non pertimescimus dicere Deum carne passum, Deum mortuum pro salute cunctorum.] & item in eodem, Nam qui pati venerat pro salute cunctorum, quem eorum non diceret fratrem?] Et in Psalmo xxx. De passione sua multa dicturus, ut eam frequenti memoria piissimus commoneret, quam pro omnium salute suscepit.] Et in Psalmo xlii. Hæc omnia carni conueniunt, cui piissimum Verbum unitum est pro salute cunctorum.] Et in Psalmo lxiii. *A timore inimici eripe animam meam.* Non postulat ut minimè pro omnium salute moriatur, unde Petrum arguit dicentem, *Propitius tibi esto, Domine, non erit tibi hoc.* sed ut à timore populi persequentis anima

crepta sanctæ dispensationis suæ compleat passionem.] & in Psal. LXX. Nam cum dixero Verbum patris fecisse cælum & terrā, & omnia quæ in eis sunt, perfecta Dominum deuotione laudauī. Sed cum adiunxero incarnatum esse pro salute cunctorum, adieci cumulum laudibus plenis.] & in Psalmo LXXIII. Reuera intelligens factus est Asaph, qui talia petit vnde totus mundus potuisset absolui.] & in Psalmo LXXIV. Vt liberaretur à crimine, inuocare neglexit omnium redemptorem.] & in Psalmo LXXXIV. Ad ægrotos medicus, ad pestilentia plenos auctor salutis aduenit. quod non solum ad vnā gentem, sed ad beneficium totius orbis aptandum est.] & in Psalmo CXV. Dignum est enim vt publicè debeat laudari, qui pati pro omnium salutē dignatus est.]

CAPVT XXXIV.

Nunc quod supra commemorauimus tertium sequitur, quomodo orthodoxi & antiqui magistri ex scripturis authenticis demonstrant, discretè nos debere intelligere, quia licet fuerit Christus passus pro omnibus, non tamen omnes ad aternam salutem mundi pretio, id est passionis eius mysterio sint redempti. A quo pretio extranei sunt, qui aut delectati captiuitate redimi noluerunt, aut post redemptionem ad eandem sunt captiuitatis seruitutem reuersi.

ECCE quomodo sancti doctores senserunt atque scripserunt; quod Christus Iesus Dominus noster, redemptio scilicet totius mundi, pro omnibus sit passus, licet non omnes passionis eius mysterio sint redempti. Nam si Christum his tantum remedia attulisse dicimus qui redempti sunt, videbimur absoluerē non redemptos, quos pro redemptione contempta constat esse puniendos, sicut sanctus Augustinus in sermone de Symbolo ad neophytos ex Euangelio dicit, *Veniet hora, quando omnes qui sunt in monumentis audient vocem eius, & procedent qui bene fecerunt in resurrectionem vitæ, qui mala egerunt in resurrectionem iudicij. & illi videbunt in forma hominis in quem crediderunt, & illi quem contempserunt: formam verò Dei, qua æqualis est patri, impij non videbunt. Tolletur enim impius, ne videat claritatem Domini, & beati mundicordes, quoniam ipsi Deum videbunt. Et Dominus dicit, Prædicate Euangelium omni creaturæ, id est omni homini, Qui crediderit & baptizatus fuerit saluus erit, qui verò non crediderit condemnabitur, & Qui non credit iam iudicatus est, quia non credidit in nomine vnigeniti filij Dei. Hoc est autem iudicium, quia lux venit in mundum, & dilexerunt homines magis tenebras quàm lucem. erant enim eorum mala opera. & Cum venerit ille spiritus*

Ioan. 5. 28.
Marc. 16. 15.
Ioan. 3. 18.
Ioan. 16. 8.

veritatis, ille arguet mundum, id est habitatores & amatores mundi, de peccato, quia non credunt in me. Lux enim in tenebris lucet, & tenebræ eam non comprehenderunt: non quia non potuerunt, sed quia noluerunt. Nam & tenebræ receperunt, quibus dicitur, *Fuistis aliquando tenebræ, nunc autem lux in Domino.* quotquot autem receperunt eum, dedit eis potestatem filios Dei fieri, his qui credunt in nomine eius. Ephes. 5. 8.

Vnde si, ut Prædestinatiani dicunt, non est passus Dominus nisi pro his tantum qui passionis eius mysterio sunt redempti, & qui non saluantur non est voluntatis Dei, cuius voluntati nemo potest resistere, penitus ut saluentur, iniustus est Deus qui infert iram, contra quod dicit Apostolus. Absit. quoniam ut catholici fatentur magistri, est gratia Dei saluos faciendi, & est liberum arbitrium voluntariè Deo sacrificandi. & nemo inuitus bene facit, etiam si bonum est quod facit, quia nihil prodest spiritus timoris ubi non est spiritus caritatis. Quapropter catholica Ecclesia cantat Domino misericordiam & iudicium, qui non venit ut iudicaret mundum, sed ut saluaretur mundus per ipsum. Veniet autem, sicut in symbolo confitetur, ad iudicandos viuos & mortuos. Si ergo, ut Augustinus dicit, non est Dei gratia, quomodo saluat mundum? & si non est liberum arbitrium, quomodo iudicat mundum? Passus est igitur Dominus pro omnibus, licet non omnes passionis eius mysterio sint redempti, ut omnis qui credit in ipsum non pereat, sed habeat vitam æternam, ad quam inuitat omnes dicens, *Venite ad me omnes, & inuenietis requiem animabus vestris,* & vult omnes homines saluos fieri, qui neminem vult perire, licet non omnes saluentur. Quod autem quidam saluantur, saluantis est donum: quod verò quidam pereunt, pereuntium est meritum, quia periuit Adam & in ipso omnes periimus. De qua massa perditionis quidam gratia eliguntur ad vitam, quidam in ea iudicio deferuntur, & non à Deo prædestinantur ad mortem, qui non vult mortem peccatoris, sed ut conuertatur & viuat. Ipse est enim resurrectio & vita. Ioan. 11. 25. & qui credit in eum etiam si mortuus fuerit viuet, & qui viuit & credit in eum non morietur in æternum, vita viuens ex panẽ viuo, qui de cælo descendit, & dat vitam mundo, quem dedit in cruce pro omnibus redimendis, sicut ipse dicit, *Et panis quem ego dedero caro mea* Ioan. 6. 51. *est pro mundi vita.* Ad cuius esum omnes psalmista inuitat dicens, *Accedite ad eum, & inluminamini, & vultus vestri non erubescunt, & gustate* Psalm. 33. 6. *& videte quàm suavis est Dominus. beatus vir qui sperat in eo.* & de quo iterum idem dicit, *Qui se elongant à te peribunt:* quoniam ut ipse Dominus dicit, *Qui non crediderit, videlicet in promissam & paratam* Psalm. 72. 27. *omnibus salutem, condemnabitur,* & Paulus, immo per eum ipse Christus, ea tantum fide quæ per dilectionem operatur credentes saluari dicit, eius coapostolo adfirmante non prodesse fidem, si opera quicquæ non habeat. Marc. 16. 16

Noti enim sunt per vniuersum mundum atque manifesti quorum exempla posuimus, quos singillatim ex nomine designauimus, quorumque doctrinæ innitimur, à quorum doctrina & sensu quicumque discordat inter catholicos numerari non valet. Qui siue Hebræa, siue Græca, siue Latina linguis in catholicæ veritatis prædicatione fulserunt. De quorum scriptis sanum sapientibus piè quærentibus pax & multiplex profertur instructio, quæ sicut alias hæreses destruxit, ita etiam hunc qui nunc repullulat abscidit errorem. Quorum lectionem, vel potius lectionis veram intelligentiam, multum imprudenter & nimis imperitè isti moderni Prædestinatiani declinare nesciunt, ut etiam de eorum complici peruersæ conspirationis consensu singulari numero dictum sit à Propheta, *Noluit intelligere ut bene ageret, iniquitatem meditatus est in cubili suo*. Quid autem iniquius, ut Leo scribit, quàm impiè sapere, & sapientioribus doctioribusque non credere? Sed in hanc insipientiam cadunt, qui cum ad cognoscendam veritatem aliquo impediuntur obscuro, non ad propheticas voces, non ad Apostolicas litteras, nec ad euangelicas auctoritates, sed ad semetipsos recurrunt, & ideo magistri erroris existunt, quia veritatis discipuli non fuerunt. Præmissa enim voce dominica quæ dicit, *Prædicabitur hoc euangelium in toto mundo*, secundum prænuntiationem propheticam quæ illi dicit, *Vox tonitruui tui in rota*, id est prædicatione Euangelij in toto mundo, qui illis dicit, *Prædicare Euangelium omni creaturæ*, quorum sonus in omnem terram exiuit, & in fines orbis terræ verba eorum, hodièque procedunt, isti sunt quos descripsimus patres catholici, quibus Dominus per prophetam dixit, & usque hodiè eorum doctrina recta fide & operibus bonis Ecclesiam gubernantibus dicit, *Ponite corda vestra in virtute eius*. ciuitatis scilicet Hierusalem, quæ est Ecclesia, & *distribuite domos eius, ut enarretis in progenie altera, quoniam hic est Deus noster*, id est, ut non habeatis formam pietatis virtutem eius abnegantes, sed in virtute eius ponite corda vestra, quæ est caritas de corde puro & conscientia bona & fide non ficta. & ista dispensatione prædicationis vestræ distribuite domos ciuitatis meæ, magni scilicet regis, concordantes in angulo Euangelij vera caritate coniuncto, ut enarretis in progenie altera, quoniam ego sum Deus vobiscum permanens omnibus diebus usque ad consummationem sæculi, qui dabo vobis gubernantibus Ecclesiam meam, aduersus quam portæ inferi non præualebunt, os & sapientiam cui non poterunt resistere & contradicere omnes aduersarij vestri.

Isti inquam orthodoxi doctores in Asia, Europa, & Libya, quæ & Africa dicitur, atque in quatuor mundi partibus, Oriente, Occidente, Aquilone, & Austro, inluminati ab eo qui est verè lux mundi, & inluminat omnem hominem venientem in hunc mundum, quicumque inluminatur, siue naturali ingenio, seu sapientiæ doctrina, edocti etiam à perfecto ter quaterno Apostolorum numero, perfe-

etique in fide Trinitatis & doctrina atque Euangelica vita, per XI. regiones orbis terræ sedentis in tenebris & umbra mortis, id est Italiam, Galliam, Africam, Hispaniam, Illyricum, Thraciam, Asiam, Orientem, Pontum, Ægyptum, Britanniam. quæ ut numero denarium quippe excedentes, ad duodenarium non peruenerant, ita & merito imperfectæ erant antequam Euangelica fide & doctrina perficerentur, hæc quæ ex eorum scriptis collegimus, inter alia rectæ fidei prædicamenta, per CXIII. Prouinciarum mysticum æquè numerum docuerunt. quoniam quicumque in præfatis tribus orbis dimensionibus, Europæ videlicet, Asiæ, & Africæ, & in quatuor mundi partibus, in XI. quoque regionibus, & in his CXIII. prouinciis, in nomine patris & filij & Spiritus sancti renatus ex aqua & Spiritu sancto, legis decalogum gratia euangelicæ prædicationis vita obseruans & moribus, cum Dei dilectione & proximi, in vnitatem Ecclesiæ catholicæ perseuerauerit, ad æternam vitam, quæ centenario numero qui de læua transfertur in dexteram designatur, auctore & fautore Christo perueniet, cuius auctoritate patres isti per dispositionem Apostolicam, quæ illis diuisit terræ, id est Ecclesiæ, agrum in funibus distributionis, domos sibi distributas ad regendum susceperunt, suisque successoribus fide & doctrina, qua cælitus imbuti fuerunt, regendas translati ad regna cælestia reliquerunt. Vnde & Basilus in sermone de Psalmo LIX. dicit. Nunc ergo, inquit, hanc præcipuam & velut priuatam quandam hereditatem in diuisionem vocabo, & communem cum ceteris omnibus faciam. Cum autem diuisum fuerit testamentum in omnes, & cuncta eius utilitas vniuersis cœperit esse communis, Deo pro nobis omnibus melius aliquid prouidente, tunc etiam conuallis tabernaculorum dimetietur, hoc est vniuersus orbis terrarum, qui vallis tabernaculorum pro habitaculis corporum dictus est, hic velut quadam sorte diuisus atque dimensus, per singula loca Ecclesiarum Dei parochiis & incolatibus distinguetur. Tunc etiam ea quæ diuisa sunt in vnitatem fidei congregabit ille, qui pacificat per sanguinem suum, siue quæ in terra sunt, siue quæ in cælis, & qui medium parietem sepis soluens facit vtraque vnum.]

De quibus dimensionibus sortiti sunt isti catholici doctores huiusmodi regendas parochias, id est in vrbe Roma, orbis scilicet capite, indeque per totum mundum, Innocentius, Cælestinus, Leo, atque Gregorius, non solum de hoc capitulo, quo Euangelica & Apostolica auctoritate docetur, quia Christus Iesus venit in hunc mundum peccatores saluos facere, qui pro impiis mortuus est iustus pro iniustis. & quod si vnus pro omnibus mortuus est, ergo omnes mortui sunt, & pro omnibus mortuus est: verum & de præscientia & prædestinatione Dei, atque de gratia & libero arbitrio, nec non & quod Deus omnes homines vult saluos fieri, & nemi-

nem vult perire sicut præscripsimus docuerunt. In Italia nihilominus Prouincia Liguriæ, ceterisque Italicæ regionis xvii. Prouinciis, sanctus Ambrosius. In xvii. æquæ Galliarum Prouinciis sanctus Hilarius & Prosper ita vt scripsimus docuerunt. In vi. Prouinciis Africæ Cyprianus Carthagenensis Archiepiscopus, & sanctus Augustinus Hipponeregienſis Episcopus sic catholicè docuerunt. Idemque beatus Augustinus antidoti confectionem, ad hanc & alias multas infirmitates mirificè facientem, hoc morbo in Galliis laborantibus circa finem dierum suorum transmisit. Hispaniæ quoque vii. Prouinciæ hac doctrina catholica per sanctum Hilarium & Prosperum inlustratæ fuerunt. In Prouinciis xviii. Illyrici, Pauli prædicatione fundatis, & sex Prouinciis Thraciæ, in qua est Constantinopolis, quam Gregorius Nazianzenus, vir in fide & doctrina opinatissimus, per xii. annos episcopaliter rexit, hæreticorum capita conquassauit, cõsque nouacula linguæ catholicæ à Prouinciis eisdem erasit. Verum & Dionysius Areopagites, antiquus & venerabilis pater, sicut scripsimus, Apostolicè docuit, & Ioannes Chrysostomus ita vt eius declarant testimonia prædicauit. In xii. Prouinciis Asiæ, sicut ipse Ioannes Chrysostomus suis scriptis demonstrat, exul factione hæreticorum & quorundam etiam liuore, ita perdocuit. In Syria Ciliciæ, in qua est Antiochia, Prouinciis videlicet x. numero, isdem Ioannes Chrysostomus, antequam ab Antiochia, vt Liberatus Carthagenis Archidiaconus scribit, adsumptus Constantinopoli ordinaretur Episcopus, ita dogmatizasse probatur. Beatus quoque Hieronymus in Syria Palæstina, in qua est Hierusalem ciuitas & Bethleem oppidum, sicut posita à nobis eius testimonia declarant, ita sensisse & docuisse probatur. In Ponti viii. Prouinciis, quarum vna est Cappadocia, Basilus Cappadocus, magnus & orthodoxus orator, ita catholicè docuit. In Ægypto, in qua est Alexandria, Athanasius, Theophilus, & Cyrillus, sicut scripsimus, vi. Prouincias docuerunt. In Britannia v. Prouinciarum Beda presbyter, vt ostendimus, sanctarum scripturarum auctoritate, & sanctorum Patrum doctrina, hæc catholica monimenta suis posteris dereliquit.

Sicque talium virorum prædicatione, à Christo inluminata, & ab Apostolis fundata, catholica toto orbe diffusa Ecclesia consistente, isti moderni Prædestinatiani, qui quantum rescire possumus, diuersi ordinis & habitus, diuersæque professionis, nec ad decimum numerum peruenerunt, in tribus tantum Prouinciis, contra tantorum doctrinam sicut legitur mures egressi de cauernis suis, & velut pustulæ humore noxio coalescente de loco in loco scatent in corpore, atque velut putres & corruptæ cicatrices Ecclesiæ membra fœdare temptantes, se catholicos esse dicunt, suisque capitulis, vel potius pediculis, Ecclesiarum Præsules, nimio errore & sine discussione vel examinatione ordinatos, atque non appropinquantes Aposto-

licæ

stolicæ formæ, denotare seu infamare præsumunt. Sed non est hoc nouum, sicut nec noua hæresis quam extollunt. Vt enim beatus Augustinus, & in tractatibus Psalmorum, & in Opusculis de Pastoribus, & ouibus, & etiam in aliis suis libris dicit, Donatistæ apud se tantum in Africa catholicam remansisse gloriabantur Ecclesiam, falsò inter cetera scripturæ donantes exemplum quo dicitur, *Deus ab Africo* Abac. 3. 3.
veniet, & sanctus de monte condenso & umbroso. Quorum falsitatem idem beatus Augustinus apertissimè denudauit, & reprobauit, atque reuicit. Nam si plures quàm diximus numero moderni existant Prædestinatiani, necdum cognoscere possumus: quia etsi eorum corda in insaniam peruersi sensus ebulliunt, praua tamen quæ sentiunt apertius eloqui non præsumunt. Ita vt apertè videamus impleri quod scriptum est, *Congregans sicut in vtre aquas maris.* Aqua enim maris Psalm. 31. 7.
sicut in vtre congregata est, quando amara hæreticorum scientia quod prauè sentit in pectore comprimit, & apertè dicere non præsumit. Et rectè nouiter garrientes, vt diximus, quantum cognoscere possumus, in nouenario numero remanent, & ad decimum non perueniunt: sicuti & nouem leprosi, qui vno ad gratias referendas reuerso, ingrati Domino remanserunt. quia & isti ab vnitate Ecclesiæ in fide catholica permanente, paucitatem suæ vilitatis segregantes, si saluari volunt, ad vnitatem catholicæ fidei necesse est vt redire procurent. Nouem itaque indigent vno, vt quadam vnitatis forma coagulentur, & decem sint: vnum autem non eis indiget vt custodiat vnitatem. Vnum si addatur ad nouem, quædam effigies vnitatis impletur, quo fit tanta complexio, vt ultra non progrediat, & hac per infinitatem numeri regula custodiatur. à qua qui sui prauitate sensus reprobi effecti à consortio vnitatis exclusi sunt, in nouenario numero, nisi reuersi fuerint, tanquam imperfecti remanentes, inter ignotos in die magni iudicij damnabuntur, quibus dicit Dominus, *Nescio vos.*

Sed si isti, qui vt errorem suum adstruant, quorundam doctorum ex his quos nominatim signauimus testimonia proferunt, sententiam libri Apologiæ beati Gregorij Nazianzeni sollicitè legerent, & sibi studiosè aptare curarent, sollertiùs & salubriùs in lectione & doctrina, atque auditu doctrinæ eorundem patrum proficerent, eorundemque testimonia audientibus ponderando proponerent. Nos quoque, si illam deuotè mentibus nostris recondimus, & vigilanter attendimus, calciatiusque in scripturis & doctorum tractatibus legimus, dente simplici ruminare, ac palato cordis progustare, sincera etiam fide, & sobrio intellectu, ac mundo corde sumere, ori quoque nostro ostium & seras adhibere, verbisque nostris stateram apponere, & modum eis imponere procurabimus, vt auditoribus in tempore tritici mensuram, sicut scriptum est, tribuere valeamus. Ait enim Dominus ad chorum prædicantium per Prophetam, *Au-* Ezech. 41. 27.
O o

diens nuntiabis eis ex me. ex me videlicet, non ex te. Ac si aperte omnes nos moneat, vt scripturæ & catholicorum dictis nostros sensus accommodemus. & quæ inde Domino inspirante libamus, ac si de puro prælo inlibata audientibus propinemus, & non dicta catholica ad nostros prauos sensus inflectere præsumamus. Ait enim præfatus magnificus doctor Gregorius in libro quo diximus, id est in Apologia, Triplici namque modo in Ecclesia dicentium periculum pendet, ex sensu, ex verbo, ex auditu. vt perfacile eueniat, in vno saltem aliquo, si non in omnibus labi. Aut enim minùs inluminatus est sensus, aut ad explanandum defuit sermo sufficiens, aut bene prolata crassior non recipit auditus, & ex vno quolibet horum casu fit in omnibus periculum veritatis. Et quidem in aliis quibusque studiis & doctrinis facile vel profertur vel recipitur: in his verò nostris scholis ipsa auditorum expectatio dicturo periculum generat. Tanquam enim de Deo audituri, & de summa omnium spe ac salute suscepturi verbum, quanto callidiores erga fidem fuerint, tanto attentiores & scrupulosiores erga audiendum fient. ita vt sicubi aliquid secus dicentis sermo sonuerit, non titubationem linguæ putent, sed prodicionem fidei pietatisque condemnent. & iudicant omnia non docentis ratione, sed propriis sensibus. Non enim quos in Ecclesia audiunt, sed quos de domo secum deferunt conseruantes dogmata, non quæ rationabiliter didicerunt, sed quæ ex consuetudine non probabili tenuerunt. Et hoc dico adhuc non valdè malorum hominum vitium, qui licet regulam non teneant veritatis, tamen religiosè hæc pati videntur, & habere zelum Dei, sed non secundum scientiam. & ideo fortassis videbantur non debere vehementiùs condemnari. vtpote nec multum vapulaturi tanquam ignorantes Domini voluntatem, & idcirco non facientes eam. Atqui fortassis etiam corrigi aliquando poterunt & emendari. Sed religiosa mens quàm citò offenditur, tam promptè & facile curatur. Si quis fortè ei sermo aptè & competenter adhibitus cor pulsauerit, continuò sicut ignifer lapis pulsatus simili, ex ea quæ sibi naturaliter inest lucis scintilla lampadas confestim veritatis accendit. De illis verò quid dicamus, qui dum iactantiæ gloriam quærunt, & præesse populis delectantur, iniquitatem in excelsum loquuntur: qui velut Iamnes quidam & Mambres, non tam Mosi quàm veritati resistunt, & aduersum sanam doctrinam commouent arma verborum? Tertium quoque genus est ex imperitia contradicentium. quam vtique imperitiam consequenter insolentia comitatur, & omni verbo, nisi quod ipsi protulerint, hostiliter & insolenter occurrunt. A quibus, secundum Domini dictum, porcorum more veritatis margaritæ pedibus conculcantur. Alij quoque sunt, qui nullam quidem ex proprio sensu opinionem deferunt, neque aliquam formam de fide Dei obtinent, vel bonam vel malam: sed

omnibus se tradunt magistris, atque omnem suscipiunt sermonem. velut quod melius est & rectius ex omnibus electuri, ignorantes quia non bonos de veritate iudices elegerunt, semetipsos videlicet, iudicare se putant posse de se quæ se fatentur ignorare. tum deinde ex verisimilibus frequenter in hoc, modò in illud versi atque mutati, & omni verbo nunc adquiescentes, paulo pòst iterum reluctantes, simul & magistros & studia permutant, & velut pulvis vento agitatus facilè transferuntur. Ad vltimum verò stultitiæ suæ proferunt fructum. Nam velut fatigati audiendo diuersos, & victi tædio simul omnia respuunt, & veluti vacui & inanes in omnibus quæ crediderunt facti, continuò etiam contemnere & inridere nos incipiunt, velut nihil rationabile in fide nostra habentes, & patiuntur quod accidere solet his qui oculos dolent, & Solis lumen accusant, vel qui aures, & voces hominum minùs esse sonoras queruntur. Propterea ergo multo vtilius est animæ, simpliciter & puræ veritatis elementa suscipere, & velut ceris ea nondum charaxatis inscribere, quàm super illa quæ antè malè scripta sunt perducere, id est, super malam doctrinam & peruersa dogmata verbum fidei ac veritatis ingerere, & cum primis postrema confundere.] & paulo pòst, Animam verò illam melius excolam, quæ nullo adhuc maligni cultoris aratro temerata est, nec præuentione pessimi seminis occupata. Alioquin duplicabitur nobis labor, dum necesse est priùs conceptas malitiæ formas detrudere: tum deinde bonitatis imaginem virtutum ceris varianter reformare, vt quàm multæ ac diuersæ fuerant in anima species deprauationis, tam multæ sint & restitutionis.

Ceterum quod dicit dominus Prudentius in libello suo, quem ad quosdam fratres, antequam suprà memoratam epistolam Weniloni Archiepiscopo suo direxisset, composuit. Cùm enim, inquiens, quemadmodum sancti Euangelistæ, verissimi videlicet dictorum ipsius factorumque stipulatores atque scriptores testantur, inter cœnandum mysteria suæ quam voluntate subiit mortis prorsus indebitæ nostræque redemptionis ediceret, pro quibus pateretur intimaui. Dicit enim Matthæus, *Et accipiens calicem gratias egit & dedit illis dicens, Bibite ex hoc omnes. Hic est sanguis meus noui testamenti, qui pro multis effundetur in remissionem peccatorum.* Marcus autem, *Et accepto calice gratias agens dedit eis, & biberunt ex illo omnes. & ait illis, Hic est sanguis meus noui testamenti, qui pro multis effundetur.* Lucas vero, *Et accepto pane gratias egit & fregit, & dedit eis dicens, Hoc est corpus meum quod pro vobis tradetur, hoc facite in meam commemorationem. Similiter & calicem postquam cœnauit dicens, Hic est calix nouum testamentum in sanguine meo qui pro vobis effundetur.* Si sic tantummodò nobis intelligendum tradit quod dicit Euangelista Lucas, vt non aliter illud intelligamus, nisi quod pro vobis tradetur, & pro vobis fundetur, id est, pro illis qui ibi aderant, in hoc quod Mat.

thæus & Marcus dixerunt, nobis spes aliqua esse potest. possumus enim esse de illis multis. Sed in hoc quod Lucas dixit, spes nobis salutis nulla erit, nec fides aliqua remanebit, quia Lucas non nisi tantum pro vobis dixit. & si veritas sicut verum dicit, verum dixerit, quia hoc corpus pro vobis tradetur, & hic calix pro vobis fundetur, quoniam Iudas ibi interfuit, & sacramenta cum aliis discipulis illa percepit, restat nobis intelligendum, quia etiam pro eis, sicut catholici doctores supra nobis ostenderunt, Dominus passus fuerit, qui passionis eius mysterio ad æternam non redimuntur salutem.

Quia verò & Iudas cœnæ Domini interfuerat, sicut & Evangelica veritas monstrat, pro quo dicit Dominus fusurum sanguinem suum, qui redemptus non est ad salutem, & sanctus Ioannes Chrysostomus in Homilia de proditiōe Iudæ testatur, Vides, inquit, quòd immunda sunt eorum azyma, quòd illicita festiuitas, quòd non pascha Iudaicum, sed exemptum & euacuatum est paschæ spiritualis aduentu, quod Christus tradidit. Nam cum manducarent, inquit, & biberent, accepit panem & fregit & dixit, Hoc est corpus meum quod pro vobis tradetur. Agnoscunt quod loquor, qui sunt diuinis consecrati mysteriis. Et iterum, Accepit calicem & dixit, Hic est sanguis meus qui pro multis effundetur in remissionem peccatorum. Et præsens Iudas erat ista Christo dicente. Iste est sanguis. Dic Iuda, quem triginta denariis vendidisti. Iste est sanguis, de quo cum Pharisæis pactum fecisti. O Christi misericordia! ô Iudæ dementia! Ille enim triginta denariis paciscebatur vt venderet, & Christus ei sanguinem quem vendidit offerebat, vt haberet remissionem peccatorum, si tamen impius existere nolisset. Nam adfuit Iudas, qui illius sacrificij communicationem meruit, & pedes eius quando aliorum discipulorum lauit, vt excusationem suæ malitiæ non haberet. sed ille detestandas mentis insidias cogitabat.] Et sanctus Leo in Homilia III. de Passione Domini, Cur, inquit, Iuda, de eius bonitate diffidis, quæ te à corporis & sanguinis sui communione non repulit? Beatus nihilominus Augustinus in expositione Psalmi x. ita dicit, loquens contra hæreticos, Christus quid vobis fecit, qui traditorem suum tanta patientia pertulit, vt ei primam Eucharistiam confectam manibus suis, & ore suo commendatam, sicut cæteris Apostolis traderet? quid vobis fecit Christus, qui eundem traditorem suum, quem diabolum nominauit, qui ante traditionem Domini nec loculis dominicis fidem potuit exhibere, cum ceteris discipulis ad prædicandum regnum cælorum misit? vt monstraret dona Dei peruenire ad eos qui cum fide accipiunt, etiamsi talis sit per quem accipiunt, qualis fuit Iudas.] Et in Psalmo xxxiv. Ille videbat traditorem suum, & elegit illum magis ad opus necessarium, illius malo magnum bonum operatus est. & tamen inter duodecim electus est, ne ipse duodenarius tam exiguus numerus esset sine malo. Hoc ad exem-

plum nostræ patientiæ. Quoniam necesse erat vt inter malos viuere-
mus, necesse erat vt malos siue scientes siue nescientes toleremus,
exemplum patientiæ præbuit, ne deficias cum cœperis inter malos
viuere. Et quia illa schola Christi in duodecim non defecit, quan-
to magis nos firmi esse debemus, cum implentur in Ecclesia magna
quæ de malorum admixtione prædicta sunt?] Et in Psalmo XLVII. Post mediū
Sermonis.
Omnes quippe sacramentum Baptismi Christi accipientes Christiani
vocantur, sed non omnes digne illo sacramento viuunt. Sunt enim
quidam, de quibus dicit Apostolus, *habentes formam pietatis, virtutem* 2. Tim. 3. 5.
autem eius abnegantes.] & paulo post, Sunt ergo filiæ malæ, & inter
illas est lilium in medio spinarum. Itaque illi sacramenta habent, &
mores bonos non habent, & Dei dicuntur & non Dei, & eius dicuntur
& alieni, eius propter ipsius sacramentum, alieni propter vitium.]

Hanc catholicè discretam intelligentiam, quòd Christus Iesus Do-
minus noster pro omnibus passus sit, licet non omnes passionis eius
mysterio sint redempti, demonstrat etiam beatus Ambrosius in se-
cunda epistola ad Corinthios dicens, *Quòd si vnus pro omnibus mortuus* Cap. v.
est, ergo omnes mortui sunt. Quoniam Christus diligens genus humanum,
vt eos redimeret morti se dedit, & quia omnes necesse est mori cau-
sa Adæ, pro omnibus mortuus est Christus, vt eos à secunda mor-
te liberaret.] Et in prima epistola, Rei sunt corporis & sanguinis
Domini. Occisus est enim pro his qui beneficium eius in inritum
ducunt.] Et in epistola ad Romanos, *Per vnum hominem peccatum in* Cap. v.
Rom. 5. 12.
hunc mundum intravit, & per peccatum mors: & ita in omnes homines per-
transiit, in quo omnes peccauerunt. Quia Adam vnus, id est Eua, quia
& mulier Adam est, peccauit in omnibus. ita vnus Christus fi-
lius Dei peccatum vicit in omnibus. & quia propositum gra-
tiæ Dei erga genus humanum ostendit, vt ipsa primordia pec-
cati manifestaret, ab Adam cœpit qui primùm peccauit, vt pro-
uidentia vnius Dei, per vnum reformasse doceret, quod per v-
num lapsus fuerat & tractum in mortem.] & item, Adam autem
ideo forma futuri est, quia iam tum in mysterio decreuit Deus per
vnum Christum emendare, quod per vnum Adam peccatum erat,
sicut dicit in Apocalypsi Ioannes Apostolus, *Agnus qui occisus est à* Apoc. 13. 8.
constitutione mundi.] Hæc de generali ad omnes proposito Dei, quia
pro omnibus passus est. Sed quia proprio eorum vitio non omnes
passionis eius saluentur mysterio, item in eadem dicit epistola, *Sicut* Cap. codē.
Rom. 5. 16.
per vnius delictum in omnes homines in condemnationem, sic & per vnius ius-
titiam in omnes homines in iustificationem vitæ, hoc est, sicut vnius deli-
cto omnes in condemnatione erant similiter peccantes, ita & iusti-
tia vnius omnes iustificantur credentes: sicut quilibet condemna-
tionem hanc generalem esse putant, simili modo & iustificationem
generalem accipiunt. sed non est verum, quia non omnes credunt.] Cap. xv.
1. Cor. 15. 3.
Et in epistola prima ad Corinthios. *Tradidi enim vobis in primis, quoniam*

- Deut. 28. *Christus mortuus est pro peccatis nostris, & Moyses de cruce eius, Tunc videbitis vitam vestram pendentem ante oculos vestros, & non credetis.*] Et de generali beneficio, quia pro omnibus passus est, & resurrexit. quia resurrexit, inquit, tertia die. In Christo enim omnes resurrexissent, sicut in Adam mortuos esse, nemo fidelium denegat.] & item,
1. Cor. 15. 21. *Per hominem mors, & per hominem resurrectio mortuorum.* Vt quia peccato hominis mors inuenta est, Christi iustitia resurrectionem meruerit mortuorum.] Et item, quia non omnes saluantur passionis Christi mysterio, qui sunt qui salui fiunt in eadem epistola dicit,
- Epist. 2 c. 6.
2. Cor. 6. 2. *Tempore accepto exaudiui te.* Sic enim decreuit Deus adfluere misericordiam suam, vt in nomine Christi poscentibus auxilium largiretur.] Et item, de passionis eius beneficio generaliter cunctis proposito. Christus enim, inquit, post crucem descendit ad inferos deuicta morte. & quia peccatum nesciebat, teneri à morte non potuit. quia mors peccatum inaniuit & infernum, vt mors iusti peccatoribus proficeret, vt de cetero mors eos qui signum crucis habent tenere non possit.] Item de his qui crucis saluantur mysterio, in Epistola ad Romanos, *Si enim complantati sumus similitudini mortis eius, simul & resurrectionis erimus.* Tunc nos feliciter dicit posse resurgere, si similitudini mortis eius fuerimus complantati. id est, si in baptismo omnia vitia deponentes, in nouam vitam translati de cetero non peccemus. per quod simul & resurrectionis illius similes erimus, quia similitudo mortis similem præstabit resurrectionem. Nec enim erit similitudo, vt nihil distet qui similis erit in corporis gloria, non in diuinitatis natura.] Et item generalis beneficii discretionem demonstrat in Epistola prima ad Corinthios, *Sicut enim in Adam omnes moriuntur, ita & in Christo omnes viuificabuntur.* Omnibus qui sunt ex eius corpore adquisiuit vitam, id est resurrectionem. Quamuis ergo generalem tribuerit resurrectionem. vt sicut in Adam omnes, siue iusti, siue iniusti, moriuntur, ita & in Christo omnes, tam credentes quam diffidentes, resurgant. licet ad pœnam increduli, tamen viuificari videntur, quia corpora sua recipient, iam non morituri, sed passuri pœnam in eis sine fine quod credere noluerunt.] Item, quod generaliter omnibus per crucem salus proposita operatur singulis, in eadem Epistola, *Verbum enim crucis pereuntibus quidem stultitia est.* Manifestum est, quia quibus crux Christi stultitia est, in perditione sunt. inferni enim morti non sunt crepti. his autem qui salui fiunt, virtus Dei est. Non est obscurum, quia his qui credunt virtus Dei est. credunt enim non infirmitatem esse crucem Christi, sed virtutem. intelligentes mortem victam esse in cruce: cuius signum qui habent salui sunt, quia ab illa teneri non possunt.] Quia generaliter omnibus sit salus proposita, item in eadem dicit Epistola, *Omnis qui in agone contendit, ab omnibus se abstinere.* Ab his omnibus quæ vitanda eadem tradit disciplina, cum sciant vnum
- Cap. xv.
1. Cor. 15.
22.
- Cap. i.
1. Cor. 1. 18.
- Cap. ix.
1. Cor. 9. 25.

coronandum. quanto magis obseruandum nobis est, quia omnibus promissa est salus?

Qualiter verò se quisque hoc generali defraudet beneficio, in eadem Epistola ipse demonstrat dicens, *spiritalis diiudicat omnia*. Cum enim constet omnes inimicos fidei falsa tenere pro veris, accusatio illorum in irritum iam deducta est, veri iudicio condemnata. quia *qui non credit*, inquit Dominus, *iam iudicatus est*.] Sed & credens atque redemptus, si in eo quod credidit & redemptus est non permanferit, & ipse beneficio generali se priuat. Item idem in eadem Epistola dicit, *empti enim estis pretio*. & quia caro pretio empti sumus, propensius Domino nostro seruire debemus, ne offensus à qua nos redemit morti nos reddat. Et quia nec tales peribunt, si in incredulitate vel in iniquitate non perseuerauerint, in eadem demonstrat dicens, *Non potui vobis loqui quasi spiritalibus*. Spiritus enim sanctus tunc permanet in eo cui se infuderit, si manet in proposito regenerationis, si quo minus, abscedit: ita tamen vt si reformauerit se homo, redeat ad illum. Semper enim paratus ad bonum est, diligens pœnitentiam. Quod de Spiritu sancto hic catholicus doctor dicit, hoc de patre & filio cum eodem Spiritu sancto est sentiendum, quorum vna est voluntas & operatio.

Hanc catholicè discretam intelligentiam de redemptione humani generis per Domini passionem, tenuit sanctus Hieronymus, dicens in expositione Epistolæ ad Ephesios, Hoc in Dei filio possibile iudicandum est, quòd cruore suo non urbem vnā sed totum purgat orbem. Et in commentario Matthæi, *Filius hominis non venit ministrari, sed ministrare, & dare animam suam redemptionem pro multis*. Non dixit pro omnibus, sed pro multis, id est, pro his qui credere voluerint. Sic & Beda in Homilia Euangelij xiii. In Spiritu sancto baptizans, quin Christus, ad tollenda peccata, non solum Israel, sed & totius mundi, si ei credere voluerit, idoneus est. Hanc sanctus Hilarius tenuit & docuit, dicens in expositione Psalmi cxviii. Tunc humano generi exprobrat non pœnitenti, neque in viam Euangelicam pergenti, id quod in Psalmo continetur, *Quæ utilitas in sanguine meo, dum descendo in corruptionem?* Exprobrat enim superbis atque maledictis, cur nihil in sacramento sanguinis sui atque mortis utilitatis suæ esse existimauerint, cum ille nostræ causa & natus, & passus, & mortuus sit. Sic sensit & docuit sanctus Ioannes Chrysostomus, dicens in Epistola ad Hebræos, qualiter gratia Dei pro omnibus gustauerit mortem, non pro fidelibus tantum, sed pro mundo vniuerso. Et de eo dictum est, *ad multorum exhaurienda peccata*. Et ipse quidem pro omnibus mortuus est. Quid autem si non omnes credunt, & ille quod suum est impleuit? Sic sensit & docuit S. Augustinus, dicens in libro de Correptione & Gratia, Quis magis dilexit infirmos, quàm ille qui pro omnibus est factus infirmus, & pro omnibus ex ipsa

Epist. I. c. 2.
I. Cor. 2. 15.

Ioan. 3. 18.

Cap. vi.

I. Cor. 6. 10

Cap. iiii.
I. Cor. 3. 1.

Matt. 20. 28

In Gimel.
Psal. 29. 10.

Hebr. 9. 18

infirmitate crucifixus. Et in libro VI. contra Iulianum, Illi sunt li-
 berati à peccato, pro quibus mortuus est qui nunquam fuerat in pec-
 cato, & semel mortuus, tamen pro vnoquoque tunc moritur, quan-
 do in eius morte quantalibet ætatis fuerit baptizatur. id est, Tunc
 ei proderit mors eius qui fuit in peccato, quando in eius morte
 baptizatus, mortuus fuerit etiam ipse peccato, qui mortuus fuerat in
 peccato. Hanc tenuit & prædicauit sanctus Theophilus Pontifex
 Alexandrinus, dicens in capite Paschalis epistolæ tertiæ, Nunc quo-
 que Dei viua sapientia nos ad sanctum prouocat Pascha celebra-
 dum, omnes cupiēs eius esse participes.] & in prima synodica, Idcirco,
 inquit, omnibus errore seductis viuens sermo Dei in auxilium no-
 strum venit ad terras, quæ ignorabant cultum Dei, & veritatis solli-
 citudinem sustinebant. Cuius rei testis ille qui loquitur, Omnes de-
 liquerunt, simul inutiles facti sunt.] Et item in secunda, Præbentes
 nos dignos communione corporis & sanguinis Christi. Sic enim
 merebimur accipere regna cælorum in Christo Iesu Domino no-
 stro. Et sanctus Leo in epistola ad Leonem Augustum. Effusio enim
 iusti pro iniustis sanguinis Christi tam fuit diues ad pretium, vt si
 vniuersitas captiuorum in redemptorem suum crederet, nullum
 diaboli vincula retinerent.] Et Ambrosius in Psalmo cxviii. Quod
 mortuus est Christus, mortuus est semel. Omnibus in commune se-
 mel mortuus est, & singulis semel moritur, non frequenter.] Sic san-
 ctus Gregorius tenuit & prædicauit in libro Moralium decimo
 quarto dicens, *Stulti quoque despiciebant me.* ac si apertè diceretur,
 Ipsi me etiam despexerunt, pro quibus sanandis stultitiam prædi-
 cationis assumpsi, id est, vt per carnem Verbi sanarentur: & ab ip-
 sis despectus sum, pro quibus stultus æstimari veritus non sum.] Et
 item in Homilia secunda Ezechielis prophetæ, Persecutores suos
 diligunt prædicatores sancti: sed ipse auctor omnium ac redemptor
 in passione positus, pro persecutoribus intercedit dicens, *Pater ig-
 nosce illis, quia nesciunt quid faciunt.* Membra sua ponunt in passione
 pro fratribus: sed pro electorum vita vsque ad mortem se tradidit
 auctor vitæ.] Et in Homilia Euangelij vigesima, Illum Ioannes
 Baptista prædicare veniebat. qui quosdam ex Iudæa, & multos ex
 gentibus prædicare veniebat.] & in vigesimo libro Moralium, Redem-
 ptor corpus passioni obtulit quod pro electis adsumpserat.] & item,
 Interpellat pro nobis Dominus, non voce, sed miseratione, quia
 quod damnari in electis noluit, suscipiendo liberauit.] Et Prosper
 ex delegatione Apostolicæ sedis hanc catholicam intelligentiam
 exposuit, dicens contra Gallos in recapitulatione nona, Qui dicit
 quod non pro totius mundi redemptione Saluator sit crucifixus,
 non ad sacramenti virtutem, sed ad infidelium respicit partem,
 cum sanguis Domini nostri Iesu Christi pretium totius sit mundi.]
 Hanc ipsa sancta sedes Apostolica in arcanis cælestium mysterio-
 rum

rum ex Apostolorum traditione retinet dicens, *Hæc hostia qua-
sumus, Domine, mundet nostra delicta, quæ in ara crucis immola-
ta totius mundi tulit offensam.*] & item, *Annue nobis, Domine, vt
animæ famuli tui Leonis hæc profit oblatio, quam immolando to-
tius mundi tribuisti relaxari delicta.* & *Respice omnipotens & mi-
sericors Deus, super hanc familiam tuam, pro qua Dominus noster
Iesus Christus non dubitauit manibus tradi nocentium, & crucis
subire tormentum. Vnde legem credendi, vt beatus Cælestinus scri-
bit, lex statuatur supplicandi.*

Hanc orthodoxæ intelligentiæ discretionem hauserunt catholici
patres nostri de fontibus Saluatoris, qui dicit, *Simile est regnum ca-* Matt. 12. 25.
*lorum homini qui fecit nuptias filio suo, & misit seruos suos vocare inuita-
tos ad nuptias, & nolebant venire.* & post alia, *Dico vobis quod nemo* Luc. 14. 24.
virorum illorum qui vocati sunt gustabit cænam meam. Venerunt autem
multi de viis vocati & sepibus, & impletæ sunt nuptiæ discumben-
tium. Et quidam eorum qui venerunt, non habuit vestem nuptia-
lem, & ligatis manibus & pedibus missus est in tenebras exteriores.
ibi erit fletus & stridor dentium. Hæ nuptiæ ab ipsis mundi rudi-
mentis paratæ sunt, hæc ad has nuptias ab exortu humani generis
vocatio extitit, sicut sanctus Hieronymus in Commentario Episto-
læ ad Galatas dicit, *Hæres iste paruulus, qui nihil differt à seruo
cùm sit dominus omnium, sed sub tutoribus est vsque ad præfini-
tum tempus à patre, totum humanum genus ab exortu vsque ad
aduentum Christi, & vt ampliùs dicam, vsque ad mundi consum-
mationem significat. Quomodo enim omnes in protoplasto Adam
necdum nati moriuntur: ita omnes & hi qui ante aduentum Chri-
sti nati sunt, in secundo Adam viuificantur. atque ita fit, vt & nos* Cap. viii.
legi seruierimus in patribus, & illi gratia saluantur in filiis. Et quo-
niam, vt beatus Augustinus in libro de Bono perseuerantiæ dicit,
numquid hominum naturæ duæ sunt? Absit. Si duæ naturæ essent,
gratia vlla non esset. vnde constat quia natura vna, sed dispar est
gratia. Et cùm vnum in generali massa perditionis sit meritum,
magna diuersitas est, ab initio vsque ad consummationem sæculi,
in hominibus morum & actionum. Per similitudinem de vno ho-
mine, & de vnius vineæ diuersitate, duarum lectionum distinctio-
ne, Saluator demonstrat dicens, *Simile est regnum cælorum homini pa-* Matt. 20. 1.
trifamilias, qui exiit primo manè conducere operarios in vineam suam. Cum Matt. 20. 8.
*serò autem factum esset, dicit dominus vineæ procuratori suo, voca operarios
& redde illis mercedem.* Vnde sanctus Gregorius, Ad erudiendam Homilia
xxx. in prin-
cipio.
inquit, Dominus plebem suam, quasi ad excolendam vineam suam,
nullo tempore destitit operarios mittere. quia & priùs per Patres,
& postmodum per legis Doctores & Prophetas, ad extremum verò
per Apostolos, dum plebis suæ mores excoluit, quasi per operarios
in vineæ cultura laborauit. Quamuis in quolibet modulo vel men-

fura, quisquis cum fide recta bonæ actionis extitit, huius vineæ operarius fuit.] & item, *Vineam pastinavit homo, & circumdedit sepem, & fodit lacum, & edificavit turrem, & misit ad agricolas in tempore seruum, ut ab agricolis acciperet de fructu vineæ.* & reliqua. Vnde Beda, Bene tempus fructuum posuit, non prouentum. Nullus enim fructus extitit populi contumacis, nullus huius vineæ prouentus, tametsi crebro ac sollicitè quæreretur, inuentus est. Et sic de primo, secundo, & tertio præmissis seruis, usque ad aduentum filij, de quo dicitur, *Fortè verebuntur filium meum.* Quod ambigere Deus dicitur, non de ignorantia venit, sed ut libera voluntas homini refferetur. Et venit filius, qui venit quærere & saluum facere quod perierat, dicens *Venite ad me omnes qui laboratis & onerati estis, & ego reficiam vos.* qui non venit ut iudicet mundum, sed ut saluetur mundus per ipsum. Et adprehendentes coloni filium occiderunt. Quid ergo faciet dominus vineæ agricolis illis? responsum est, *Malos malè perdet.* quoniam qui non credit iam iudicatus est, id est, iam damnatus est. quia non credidit in nomine vnigeniti filij Dei. hoc est autem iudicium, scilicet damnatio, quia lux venit in mundum, & dilexerunt homines tenebras magis quàm lucem. erant enim eorum mala opera. Iudicatis autem, id est, damnatis illis colonis pessimis, vineam suam locauit aliis agricolis, qui reddant ei fructum temporibus suis. quia sicut ille apud Matthæum exposuit, *Ideo dico vobis, auferetur à vobis regnum Dei, & dabitur genti facienti fructus eius.* Sic quippe Deus dilexit mundum, ut filium suum vnigenitum daret, ut omnis qui credit in ipsum non pereat, sed habeat vitam æternam. Et beatus Petrus, *Non tardat, inquit, Dominus promissionem suam, sed expectat propter vos, nolens aliquem perire, sed omnes ad pœnitentiam reuerti.* Et sanctus Paulus, *Qui proprio filio suo non pepercit, sed pro nobis omnibus tradidit illum. Et si vnus pro omnibus mortuus est, ergo omnes mortui sunt. & pro omnibus mortuus est, qui dedit semetipsum pro omnibus, & gratia Dei pro omnibus gustauit mortem. quia, ut Esaias dicit, omnes velut oues errauimus. Vnusquisque viam suam declinauit, & Dominus posuit in eo iniquitatem omnium nostrum.*

Quia verò non omnes passionis eius mysterio sunt redempti, licet ipse fuerit passus pro omnibus, manifestat iterum per Esaiam dicens, *In scientia sua iustificauit ipse seruos suos multos.* Et item, *Ipse peccata multorum tulit.* & item, *Iste asperget gentes multas.* Et in Evangelio, *Filius hominis non venit ministrari, sed ministrare, & dare animam suam redemptionem pro multis.* Et item Apostolus, *Per vnus obedientiam iusti constituuntur multi.* & item, *Vt sit ipse primogenitus in multis fratribus.* & item, *Qui multos filios in gloriam adduxerat.* & item, *Christus dilexit Ecclesiam, & seipsum tradidit pro ea.* Sed & Matthæus, & Marcus, & Lucas, ideo non pro omnibus, sed pro multis & pro vobis trade-

tur corpus meum, & effundetur sanguis meus, dicunt protestatum fuisse Dominum Salvatorem, quia licet pro omnibus passus fuerit, non omnes passionis eius mysterio sunt redempti: & quia non omnes sunt redempti, pro quibus est passus, ad infidelium respicit partem, non ad pretij potestatem, cum sanguis Domini nostri Iesu Christi pretium sit totius mundi. Manifestum est etiam, quia iuxta Apostolum, *Quicumque baptizati sumus in Christo Iesu, in morte ipsius baptizati sumus.* & ut idem dicit Apostolus, *Empti sumus pretio magno.* Rom. 6. 3. 1. Cor. 6. 20. & beatus Petrus dicit, *Non corruptilibus auro & argento redempti estis de vana vestra conuersatione paternæ traditionis, sed pretioso sanguine quasi agni incontaminati & immaculati Iesu Christi.* 1. Pet. 1. 18. Et tamen licet Gothescalcus pertinacissime deneger quod nemo Christi redemptus sanguine possit perire, pereunt quidam aut ad infidelitatem reuersi, aut in iniquitate defuncti, sicut idem beatus Petrus demonstrat dicens, *Fuerunt verò & pseudoprophetae in populo, sicut & in vobis erunt magistri mendaces, qui inducent sectas perditionis, & eum qui emit eos Dominum negantes, superducentes sibi celerem perditionem.* 2. Pet. 2. 1. Vnde Beda, De hoc tempore, inquit, & Paulus dicit, *empti estis pretio magno, glorificate & portate Dominum in corpore vestro.* Merito autem sibi celerem perditionem superducunt, qui redemptorem suum negantes, hunc rectè confitendo glorificare, & benefaciendo suo in corpore ferre detractant, quod omnes faciunt hæretici. Et S. Paulus in epistola ad Corinthios, *Itaque quicumque ederit panem hunc, aut biberit calicem Domini indigne, reus erit corporis & sanguinis Domini.* 1. Cor. 11. 17. Vnde Ambrosius, *Quid est autem reos esse, nisi pœnas dare mortis Domini? Occisus est enim & pro his qui beneficium eius in inritum ducunt.* Et item, *Peribit in tua scientia frater, pro quo Christus mortuus est.* 1. Cor. 8. 11. Hinc sanctus Ambrosius, *Et tu eris occasio mortis fratris, quem Christus ut redimeret, crucifigi se permisit.* Et Dominus dicit, *Non omnis qui dicit mihi Domine, Domine, intrabit in regnum celorum: sed qui facit voluntatem patris mei qui in calis est, ipse intrabit in regnum celorum.* & *Multi dicent mihi in illa die, Domine, Domine, nonne in nomine tuo prophetauimus, & in nomine tuo virtutes multas fecimus? & tunc confitebor illis, quia non noui vos, discedite à me maledicti.* Matt. 7. 21. Et Paulus, *Qui confitentur se nosse Deum, factis autem negant.* Tit. 1. 6. quod & quamplurimis aliis testimoniis potest probari. Vnde si de redimendis quidam, ad infidelitatem vel perseuerantem iniquitatem reuersi, vitio proprio pereant, pro quibus non negatur quod Christus fuerit passus, cur pro eis etiam non credatur atque dicatur passus fuisse, qui sua delectati captiuitate, aut fidem noluerunt vel nolunt recipere, aut iniquitatem noluerunt vel nolunt deferere. præsertim cum apertissime Dominus dicat discipulis, *Prædicate Euangelium omni creaturæ.* Marc. 16. 15. *qui crediderit & baptizatus fuerit, saluus erit: qui verò non crediderit condemnabitur.* & item, *Et nisi abundauerit iustitia vestra plusquam* Matt. 5. 20.

Scribarum & Phariseorum, non intrabitis in regnum celorum.

Et quod dicit Gotescalcus, quia hoc est euacuare crucem Christi, si dicatur quia pro omnibus sit passus Christus, & non sint omnes redempti pro quibus voluit pati, non est mirum si taliter exponit euacuari crucem Christi, qui euacuare præsumpsit sacramentum baptismi, sententiam Apostoli Petri exponens, *eum qui emit eos Dominum negantes.* Baptismi, inquit, sacramento eos emit, non tamen pro eis crucem subiit, neque mortem pertulit, neque sanguinem fudit.

1. Pet. 2. 1. Qualiter verò intelligenda sit sententia Apostoli, qua dicit *non euacuetur crux Christi*, quoniam notissima est catholicorum expositio, breuitatis studio verba Augustini tantum ex libro de Natura & Gratia ponimus. Euacuatur, inquit, crux Christi, si aliquo modo præter illius sacramentum, ad iustitiam vitamque æternam perueniri possedatur.] succinctissimè contingentes, quia sicut non euacuatur fides Christi, si omnes non crediderint, & non euacuatur baptismatis sacramentum omnibus prædicandum, si omnes credentes baptizati non fuerint. Non enim, inquit Prosper ex Apostolo, excidit verbum Dei, neque euacuata est mundi redemptio: quia & si non cognouit mundus Deum in vasis iræ, cognouit tamen mundus Deum in vasis misericordiæ.] Ita non euacuatur passio redemptoris, si non omnes, quibus poculum humanæ salutis confectum diuina virtute & infirmitate nostra oblatum est, sumere detrectauerint, vel peruersè prauis moribus & iniqua conuersatione viuendo, in iudicium & condemnationem, & si non vt Iudas peccatoribus Iudæis, verum sanguinem iustum Christi Dei nostri suis peccatoribus tradiderint membris. Medicina enim spiritalis est, vt dicit Ambrosius, quæ cum reuerentia degustata purificat sibi deuotum. memoria quippe redemptionis nostræ est. Vnde deuotè & cum timore accedendum ad communionem eius docet Apostolus, vt sciat mens reuerentiam se debere ei, ad cuius corpus sumendum accedit. Hoc enim apud se debet iudicare, quia Dominus est, cuius in mysterio sanguinem potat, qui testis est beneficij Dei, quem nos si cum disciplina accipimus, non erimus indigni corporis & sanguinis Domini. Gratia enim videbitur redemptori. *1. Cor. 11. 27* *Quicumque verò ederit panem hunc, aut biberit calicem Domini indignè, reus erit corporis & sanguinis Domini.* quia qui sine disciplina traditionis & conuersationis accedunt, rei sunt corporis & sanguinis, id est, pœnas dabunt mortis Domini. quoniam quidem, vt sanctus Gregorius in Homilia decima septima prophetæ Ezechielis dicit, vna est spes, vna fides est præcedentium atque sequentium populorum. Sicut illi expectata passione ac resurrectione filij Dei saluati sunt, ita nos præterita passione illius, ac permanente in sæcula resurrectione saluamur. Et sanctus Hieronymus in epistola ad Galatas, *Christus gratia Dei*, siue vt in quibusdam exemplaribus *1. Cor. 5. 15.* legitur, *absque Deo pro omnibus mortuus est.* Si autem pro omnibus, &

pro Moyse, & pro vniuersis prophetis, è quibus nullus potuit dele-
re chirographum vetus quod aduersum nos scriptum erat, & ad-
figere illud cruci. Omnes enim peccauerunt, & indigent gloria
Dei. Et de his qui saluati non sunt sanctus Gregorius in Ho-
milia nona Ezechielis dicit, Notandum quia postquam mala pa-
rentum defunctorum dixerat, mittens Prophetam ad filios di-
cit, *si fortè vel ipsi audiant, & fortè quiescant.* Quid est dicere, *vel ipsi*,
nisi quia eorum patres, qui in culpa defuncti sunt, audire noluerunt?]
Et Ambrosius in epistola ad Romanos, *Numquid sic offenderunt vt* Cap. xi.
caderent? absit. Hoc dicit quod suprà memorauimus, quia non sic diffi-
derunt, vt nunquam possent credere, id est, non ita propter incredu-
litatem suam cæcati sunt, vt curari non possent, sicut diabolum legi-
mus cecidisse.] Hæc diximus, ne etiam nunc errorem eius, qui nos er-
rasse non verè dixit, de impiis ante passionem Christi punitis indis-
cussum præteriremus. Non enim scripsimus, CHRISTVS IESVS
Dominus noster, sicut nullus homo est, fuit, vel erit, cuius natura in
illo adsumpta non fuerit, ita nullus est, fuit, vel erit homo, quem
non Christus passus ad æternam salutem redemerit. Sed scripsimus,
CHRISTVS IESVS Dominus noster sicut nullus homo est, fuit, vel
erit, cuius natura in illo adsumpta non fuerit, ita nullus est, fuit, vel
erit homo, pro quo Christus passus non fuerit, licet non omnes
passionis eius mysterio redimantur.

Quare autem non omnes redimantur, cùm fuerit passus Christus
pro omnibus, Capitulum à nobis excerptum non tacuit, sicut qui
illud legere voluerit, inuenire valebit. Sed & à tempore Dominicæ
passionis, vt iterum inculcemus, constat esse certissimum, quia sicut
veraciter veritas dicit, *Nisi quis renatus fuerit ex aqua & Spiritu sancto,* Ioan. 6. 54.
non intrabit in regnum celorum, ita veraciter eadem veritas dicit, *Nisi*
manducaueritis carnem filij hominis, & biberitis eius sanguinem, non habebitis
vitam in vobis, ita & veraciter ipsa veritas dicit, *Qui crediderit & ba-* Marc. 16. 16
ptizatus fuerit, saluus erit. quia secundum Apostolum, *quicumque bap-* Gal. 3. 27.
tizati sumus in Christo Iesu, in morte ipsius baptizati sumus, & quicumque in
Christo baptizati estis Christum induistis. Ita nihilominus vera est illa sen-
tentia, quam veraciter eadem depromit veritas, *Qui manducat,* inquit, Ioan. 6. 57.
carne meam & bibit sanguinem meum, in me manet & ego in eo. & si Chri-
stus veraciter pro baptizatis & sacramentorum cælestium participan-
tibus, vt ex scripturis & catholicorum verbis ostendimus, passus cre-
ditur, qui aut ad infidelitatem, aut ad iniquam vitam perseueranter
relapsi pereunt, cur credi non debeat pro his etiam passus, qui quo-
niam non credunt ex liberi arbitrij descendit obduratione, non ex
Dei operatione, qui omnes homines vult saluos fieri, & ad agnitio-
nem veritatis venire? Deus enim noster, Deus saluos faciendi est. per-
eunt autem quicumque pereunt infidelitate voluntaria, non coacta,
propria iniquitate, non Domini voluntate, qui omnes ad salutem

Matt. 11. 28. inuitat dicens, *Venite ad me omnes qui laboratis & onerati estis, & ego reficiam vos.* Sed est in humilibus quod scriptum est in Euangelio,
 Ioan. 9. 39. *Qui non vident videant, & in præsumptoribus, & qui vident cæci fiant,* non quòd videant, sed quia videre se putant, vel potiùs videre se simulant.

Vnde tutius nobis omnibus est audire consilium, quod beatus Hieronymus in XIX. Homilia Euangelij Lucæ, idem Euangelium exponendo dicit, Tu, inquires, si quando scripturas legeris, quære in eis sensum cum dolore quodam atque tormento, non quo scripturas errasse aut perperam quid habere arbitreris, sed quòd illæ intrinsecus habeant veritatem sermonum atque rationum, & tu nequeas inuenire quod verum est. Hoc est, *dolentes quarebamus te.*] Sic quæsiuit & sanctus Prosper, sanctæ Apostolicæ sedis legatus, vt catholicæ matris alumnus, in his sententiis de redemptione Christi sanguinis veritatem, & inuenit veritatis intelligentiam, atque intelligentiæ discretionem. Vnde & contra Gallos dixit in obiectione VIII. Cùm itaque rectissimè dicatur saluator pro totius mundi redemptione crucifixus, propter veram humanæ naturæ susceptionem, & propter communem in primo homine omnium perditionem, potest tamen dici pro his tantum crucifixus, quibus mors ipsius profuit, dicente Euangelista, *Quia Iesus moriturus erat pro gente, non tantum pro gente, sed etiam vt filios Dei congregaret in vnum. In sua enim venit, & sui eum non receperunt. quotquot autem receperunt eum, dedit eis potestatem filios Dei fieri, qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Diuersa ergo ab istis fors eorum est, qui inter illos censentur, de quibus dicitur, *lux lucet in tenebris, & tenebra eam non comprehenderunt.* vt possit secundum hoc dici, Redemptor mundi dedit pro mundo sanguinem suum, & mundus redimi noluit, quia lucem tenebræ non receperunt: & tenebræ receperunt, quibus dicit Ephes. 5. 8. Apostolus, *Fuistis aliquando tenebræ, nunc autem lux in Domino.*] & contra Vincentianos, Cùm itaque propter vnā omnium naturam, & vnā omnium causam, à Domino nostro in veritate susceptam, rectè omnes dicantur redempti, & tamen non omnes à captiuitate sint eruti, redemptionis proprietas haud dubiè penes illos est, de quibus princeps mundi missus est foras, & iam non vasa diaboli, sed membra sunt Christi. Cuius mors non ita impensa est humano generi, vt ad redemptionem eius etiam qui regenerandi non erant pertinerent: sed ita vt quod per vnum exemplum gestum est pro vniuersis, per singulare sacramentum celebraretur in singulis. Poculum quippe immortalitatis, quod confectum est de infirmitate nostra, & virtute diuina, habet quidem in se vt omnibus profit, sed si non bibitur, non medetur.] Et item contra Gallos in recapitulatione nona, Item qui dicit quòd non pro totius mundi redemptione Saluator sit crucifixus, non ad sacramenti virtutem, sed ad infi-

delium respicit partem. cum sanguis Domini nostri Iesu Christi pretium sit totius mundi, à quo pretio extranei sunt, qui aut deletati captiuitate redimi noluerunt, aut post redemptionem ad eandem sunt seruitutem reuerfi. Non autem excidit verbum Dei, neque euacuata est mundi redemptio: quia etsi non cognouit mundus in vasis iræ, cognouit tamen mundus Deum in vasis misericordiæ, quæ Deus nullis eorum bonis meritis præcedentibus eruit de potestate tenebrarum, & transtulit in regnum filij dilectionis suæ.] Hanc intelligentiam qui fideliter tenere voluerit, nec à recto sensu deuiabit, nec à catholicis doctoribus discordabit, neque sanctas scripturas sibi diuersas vel aduersas esse putabit, neque contentionibus deseruire studebit.

De cuius sancti viri scilicet Prosperi verbis, vt simpliciter & veraciter omnibus legentibus fateamur, instantia deuotionis domni & christianissimi Karoli principis coacti, qui librum illius præ manibus non habuimus, quantum ad memoriam nobis venit, & breuitas temporis & subitanea compulsio permisit, hoc Capitulum humilitas nostræ intelligentiæ delibauit. Sed qui benignè ac simplici intentione aduertere voluerit, à sensu illius nihil, à verbis verò ipsius penè nihil nos discordasse videbit. Relegat & Capitulum quod excerptimus, & verba sancti Prosperi quæ in proximo proposuimus, & videat si est verum quod dicimus. Et ne graue cuiquam legenti sit longè superius Capitulum quod excerptimus quærere, hic illud dignum censuimus ponere. Istud est autem Capitulum à nobis excerptum, *Christus Iesus Dominus noster, sicut nullus homo est, fuit, vel erit, cuius natura in illo adsumpta non fuerit: ita nullus est, fuit, vel erit homo, pro quo passus non fuerit, licet non omnes passionis eius mysterio redimantur. Quia verò non omnes passionis eius mysterio redimuntur, non respicit ad magnitudinem & pretij copiositatem, sed ad infidelium & ad non credentium ea fide quæ per dilectionem operatur respicit partem. quia poculum humanæ salutis, quod confectum est infirmitate nostra & virtute diuina, habet quidem in se vt omnibus prosit, sed si non bibitur non medetur. Eucharistia enim est Redemptoris ac Saluatoris mundi proposita omnibus, sed fidelibus dans salutem, quæ est in eodem Domino nostro Iesu Christo, qui secundum Apostolum est Saluator omnium hominum, maximè autem fidelium. quia non est aliud nomen datum sub cælo hominibus, in quo oporteat nos saluos fieri. Cui cum Deo patre in vnitæte Spiritus sancti est honor & gloria, potestas & imperium, ante omnia, & per omnia, & in omnia sæcula sæculorum, Amen.*

CAPVT XXXV.

Sequitur ratio reddita de quinto Capitulo, quod quasi super dolorem vulnerum nostrorum adiiciens, in suggillationem nostram reprehensor noster acerrimus conspuere voluit.

ITEM in quinto Capitulo dicit hic noster acerrimus reprehensor, » Firmissime tenendum credimus, quod omnis multitudo fidelium » ex aqua & Spiritu sancto regenerata, ac per hoc veraciter Ecclesiae » incorporata, & iuxta doctrinam Apostolicam in morte Christi bapti- » zata, in eius sanguine sit à peccatis abluta. Et sequentia eodem ordine » prosequens, sicut & in illo continetur Capitulo, quod olim nobis dedistis, excepto quia, ut præmisimus, hoc vnum Apostolicum sub-
Hebr. 10.
26.trahit testimonium, quod in illo habetur, *Voluntarie*, inquit, *peccan-
tibus nobis post acceptam notitiam veritatis, iam non relinquitur pro peccatis
hostia.* Quod cur egerit magnopere non curamus, cum hoc Capitu-
lum, licet indebitè nobis illud impingat, nos mordere non præua-
let, quia nihil exinde scripsimus, nihilque contra fidem sensimus
vel sentimus. De quo etiam in prioribus libellis derogatoribus no-
stris respondere curauimus. In quibus quicumque illorum figmen-
ta legerint, & apologiam nostram relegerint, scient nos hinc im-
merito reprehensos, & magis compilatione liuoris, quam ratione
veritatis, de nobis eos quicumque fuerint eiusmodi araneorum te-
las friuolo labore texuisse. Vnde sciat quicumque lector deuotus,
à nobis, aut ex nobis, vel suspicionis indicium nullo modo pro-
cessisse, cur talia contra nos vel de nobis scribi debuerint. Sed à
Gothescalci pitacio, quod ad quendam monachum composuerat,
hinc scriptum reperimus. quod ideo supponemus, ut quæ ille dixe-
rit, & qualiter nos catholicè sentiamus, omnibus qui legere volue-
rint demonstramus. Et licet his quibus sufficientia possunt sufficere,
sufficientia curassemus in operis huius Capitulo quarto colligere:
propter improbitatem tamen nos importunè perurgentium, adhuc
aliqua velut ad hoc specialius pertinentia studemus superadicere.

Hinc veteres Prædestinatiani dixerunt, quod ab eis qui non sunt
prædestinati ad vitam, non auferat percepta baptismi gratia ori-
ginale peccatum: & quod non prædestinati ad vitam, etiam si fue-
rint in Christo per baptismum regenerati, & piè iustèque vixerint,
nihil eis profit, sed tandiu reseruentur donec ruant & pereant. nec
antè eos ex hac vita quàm hoc eis contingat auferri. Et quod Deus
quibusdam filiis suis, quos regenerauit in Christo, quibus fidem,
spem, dilectionem dedit, ob hoc non det perseuerantiam, quia non
sunt à massa perditionis præscientia Dei & prædestinatione discre-
ti. Gothescalcus autem post præposita testimonia quæ proferuntur

ex scripturis Dominum passum fuisse pro omnibus ita dicit, Qui «
 verò, inquit, propter hæc testimonia, vel alia his similia, genera- «
 liter pro omnium tam scilicet electorum quàm reproborum salute «
 & redemptione Dominum passum esse dicit, ipsi Deo patri contradi- «
 cit, & reliqua, vsque dum ad ista peruenit, vt diceret, Verumtamen «
 quia electi & reprobi propter peccatum originale, & omne insuper «
 actuale, tamdiu detenti sunt, detinentur, detinebuntur sub diabolo «
 captiui, donec redimerentur atque redimantur diuinitus per gra- «
 tiam baptismi, quandocumque quicumque fuimus in Trinitatis no- «
 mine baptizati, tunc sine dubio vel electi vel reprobi communi- «
 ter extitimus redempti, id est, de dominio dæmonicæ ditionis eru- «
 ti & liberati. & quotiescumque quicumque baptizantur, & dein- «
 cept in diem iudicij baptizabuntur, tunc à diabolica prorsus capti- «
 uitate redimuntur, atque redimentur, id est, eruuntur & liberantur, «
 eruentur & liberabuntur. Hinc est illud Apostoli Petri, de magistris «
 mendacibus, & sectas perditionis introducentibus, celeremque sibi «
 perditionem superducentibus, *Eum*, inquit, *qui emit eos Dominum* «^{1. Pet. 2.}
negantes. Baptismi enim sacramento eos emit, non tamen pro eis «
 crucem subiit, nec mortem pertulit, neque sanguinem fudit. Quod «
 autem baptismi perceptio redemptio nuncupetur, doctor gentium «
 manifestè fatetur, *Nolite contristare*, inquit, *Spiritum sanctum Dei in* «^{Ephes. 4.}
quo signati estis in die redemptionis. Et in eadem superius ad Ephesios «^{30.}
 epistola, *In quo & credentes signati estis Spiritu promissionis sancto*. Hinc «^{Ephes. 1.}
 etiam sanctus Hieronymus asserit, redemptionem inquit veterum «^{13.}
 peccatorum in aquis baptismi reperit. sed huiusmodi redemptio, «
 quæ communis est & electis & reprobis, non redemit nisi à pec- «
 catis præteritis.

Hæc ita à Gothescalco sunt dicta. Contra hæc dicit sanctus Au- ^{Epist. cvr.}
 gustinus in epistola ad Bonifacium, Ita sibi exhibeat, inquit, Do-
 minus Christus in illa die gloriosam Ecclesiam, non habentem ma-
 culam aut rugam, aut aliquid eiusmodi, quam modò mundat laua-
 cro aquæ in verbo. quia neque aliquid remanet in baptismo, quod
 non dimittatur, præteritorum omnium peccatorum, si tamen ipse
 baptismus non frustra foris habeatur, sed aut intus detur, aut si iam
 foris datur, non foris cum illo remaneatur. & quicquid ab eis, qui
 post acceptum baptismum hîc viuunt, humana infirmitate contrahi-
 tur quarumcumque culparum, propter ipsum lauacrum dimittitur.] ^{Cap. 33.}
 Et in libro primo de Nuptiis & Concupiscentia, Sic enim, inquit,
 accipiendum est quod ait idem Apostolus, *Christus dilexit Ecclesiam*, ^{Ephes. 5. 25}
& semetipsum tradidit pro ea, vt eam sanctificaret, mundans eam lauacro a-
quæ in verbo, vt exhiberet sibi ipse gloriosam Ecclesiam, non habentem macu-
lam, aut rugam, aut aliquid huiusmodi. Sic, inquam, hoc accipiendum est,
 vt eodem lauacro regenerationis, & verbo sanctificationis, omnia
 prorsus mala hominum regeneratorum mudentur atque sanentur,

non solum peccata, quæ omnia nunc remittuntur in baptismo, sed etiam quæ posterius humana ignorantia vel infirmitate contrahuntur. non ut baptisma quoties peccatur toties repetatur, sed quia ipso quod semel datur fit ut non solum antea, verum etiam postea quorumlibet peccatorum venia fidelibus impetretur. Quid enim prodesset, vel ante baptismum pœnitentia nisi baptismus sequeretur, vel postea nisi præcederet? In ipsa quoque oratione Dominica, quæ cotidiana est nostra mundatio, quo fructu, quo effectu diceretur, *dimitte nobis debita nostra*, nisi ab eis qui baptizati sunt diceretur? Itémque eleemosynarum largitas & beneficietia quantalibet cui tandem ad dimittenda sua peccata prodesset, si baptizatus non esset? Postremò regni cælorum ipsa felicitas, ubi non habebit Ecclesia maculam aut rugam, aut aliquid eiusmodi, ubi nihil reprehensionis, nihil simulationis erit, ubi non solum reatus, sed nec concupiscentia erit vlla peccati, quorum erit nisi baptizatorum? Ac per hoc non solum omnia peccata, sed omnia prorsus hominum mala Christiani lauacri sanctitate tolluntur, quo mundat Ecclesiam suam Christus, ut exhibeat eam sibi, non in isto sæculo, sed in futuro, non habentem maculam, aut rugam, aut aliquid eiusmodi. Nam qui modò eam talem esse dicunt, & tamen in illa sunt, quoniam & ipsi fatentur se habere peccata, si verum dicunt, profectò quoniam mundi non sunt à peccatis, habet in eis Ecclesia maculam. Si autem falsum dicunt, quia corde duplici loquuntur, habet in eis Ecclesia rugam. Si autem se dicunt habere ista, non ipsam, non ergo se esse membra eius, nec se ad corpus eius pertinere fateantur, ut etiam sua confessione damnentur.] Et Beda in epistola Ioannis prima, *Et sanguis Iesu Christi filij eius mundat nos ab omni peccato*. Sacramentum namque Dominicæ passionis, & præterita nobis omnia in baptismo pariter peccata laxavit, & quicquid quotidiana fragilitate post baptisma commisimus, eiusdem nostri Redemptoris gratia dimittit. Maximè cum inter opera lucis quæ facimus, humiliter cotidie nostros illi confitemur errores, cum sanguinis illius sacramenta percipimus, cum dimittentes debitoribus nostris nostra nobis debita dimitti precamur, cum memores passionis illius libenter aduersa quoque toleramus.]

Cap. I.

Deinde Gothescalcus prosequitur in præfatis suis blasphemis,
 » At illa quæ propria & specialis est solorum omnium electorum,
 » quam eis tantummodò crucifixus impertiuit, pius redemptor ipso-
 » rum, sicut à præteritis, ita nimirum & à præsentibus natos & na-
 » scituros viuos & mortuos, videlicet omnes pariter electos redemit,
 » eruit, abluítque peccatis, ipsi prorsus ipsi sunt mundus, pro quo
 » passus est Dominus, ut ipse dixit, *Panis quem ego dedero caro mea est pro*
 » *mundi vita.*] Et item alibi idem Gothescalcus scribit, Absit procul à
 » me: ut vel illud solummodò velim somniare, nedum semel susurra-
 » re, ut vllum eorum perpetualiter secum periturum antiquus rapere

Ioan. 6.
51.

valeat anguis, pro quibus redimendis tam pretiosus Deo patri domini Dei nostri filij sui fusus est sanguis. Amen. & item loquens ad Deum, Claret itaque satis apertè, quoniam nullus tibi perit, quif- quis redemptus est per sanguinem crucis tuæ.] & sic multa ponens scripturarum & doctorum exempla, quæ mendacio manifesto ad sensus suos inflectendo sententiam suam nititur roborare, hæc hæresis à Prædestinatianis inter alia fuit inuenta. Vnde ad Faustum, (cuius opuscula inter apocrypha Apostolica sedes deputare curauit, quoniam cum aliis malefanæ doctrinæ zizaniis, etiam de vltima pœnitentia prauè disseminauit, sicut scripta eius demonstrant, quæ S. Cælestinus ad Episcopos Gallicanos scribens redarguit, vti in eius decretali scriptū inuenitur Epistola,) quidam Paulinus ita scribit dicens, Scire, ignarus exopto, vt quæ est immortalis quomodo pro mortalibus vitiis anima torqueatur, vel vtrum anima & spiritus idem sint, aut quomodo segregentur agnoscam. Nam prædictus vir Marinus ita me sub sacramenti etiam interpositione conterruit, quòd qui corporalibus vitiis occubuerit, nullam possit veniam promereri, sed in hisdem seruetur ipsa resurrectione suppliciiis, nec possit expiari infernalibus tormentis quod corporalibus diu vitiis concreta contraxerat. Tamen ita miserimus credo, quòd si semel susceptum signum diuini nominis, & infixum fronte character Domini nostri nunquam mali sibi conscius vel subdolus falsator infringet, susceptis leuiter pro expiando errore tormentis, purum aërium sensum, & simplicis animæ ignem diu consumpta producat. Nam si vniuersa hæc quæ interminatur dominus meus Marinus excipiemus peccatores, quid maius impij mereantur ignoro.] & aliquanto superius, Mea hæc sententia est, quòd si omnia hæc Christianus excipiet, nihil suscipere valeat Arrianus.

Demonstrat & sanctus Augustinus hanc esse Prædestinatianorum adinventionem, resistens eis, cum alio errore, scilicet quia secundum præscientiam quique damnarentur, etiam antequam nascerentur, & secundum quod præsciti erant futuri, licet antea tollerentur ex sæculo quàm manifestarentur iniusti, secundum præscientiam tamen erant damnandi, in libro de Prædestinatione sanctorum. Quis enim, inquit, audeat negare Christianus, iustum si morte præoccupatus fuerit in refrigerio futurum? Quilibet hoc dixerit, quis homo sanæ fidei resistendum putabit? Item si dixerit, iustum si à iustitia sua recesserit, in qua diu vixit, & in ea fuerit impietate defunctus, in qua non dico vnum annum, sed vnum diem vixerit, in pœnas iniquis debitas hinc iturum, nihil sibi suam præteritam profuturam iustitiam, huic perspicuæ veritati quis fidelium contradicit? Porro si quærat à nobis, vtrum si tunc esset mortuus quando erat iustus, pœnas esset inuenturus an requiem, numquid requiem respondere dubitabimus? Hæc est tota causa, cur dictum est

Sap. 4. 11. à quocumque sit dictum, *Raptus est ne malitia mutaret intellectum eius.* Dictum est enim secundum pericula vitæ huius, non secundum præscientiam Dei, qui hoc præsciuit quod futurum erat, non quod futurum non erat. id est, quod ei mortem immaturam fuerat largiturus, ut tentationum subtraheretur incerto, non quod peccaturus esset qui mansurus in tentatione non esset.] Contra quæ Prædestinarianorum dicta nefaria, hæc & alia plura præfatus sagacissimus doctor dixit, & nos non multa colligere studuimus: quia & ipsi his Gothescalci resistunt peruersitatibus, qui cum eo consistunt aduersus doctrinam catholicam in aliis, sicut supra ostendimus, quibusdam diuersitatibus. Nos autem catholicæ & Apostolicæ Ecclesiæ documenta sequentes, eidem Gothescalco, ipsiusque prauæ doctrinæ obfistimus, cum fremitu cunctis malè sentientibus pertimescendo, beati Leonis Apostolicæ sedis Episcopi insonante corde & ore ac stylo clamantes, Quamuis & illa quæ ad humilitatem, & illa quæ ad gloriam pertinent Christi, in vnam concurrant eandemque personam, totumque quod in illo & virtutis diuinæ est & infirmitatis humanæ, ad nostræ reparationis tendat effectum, propriè tamen in morte crucifixi, & in resurrectione mortui, potentia baptismatis nouam creaturam condit ex vetere, ut in renascentibus & mors Christi operetur & vita, dicente beato Apostolo Paulo, *An ignoratis, quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in morte: ut quomodo surrexit Christus à mortuis per gloriam patris, ita & nos in nouitate vitæ ambulemus. Si enim complantati facti sumus similitudini mortis eius, simul & resurrectionis erimus.* & cetera, quæ latius magister gentium ad commendandum sacramentum baptismatis disputauit. ut appareret ex huius doctrinæ spiritu, regenerandis filiis hominum, & in Dei filios adoptandis, illum diem & illud tempus electum, in quo per similitudinem formamque mysterij, ea quæ geruntur in membris, his quæ in ipso sunt capite gesta congruere. dum in baptismatis regula & mors interuenit interfectione peccati, & sepulturam triduanam imitatur trina demersio, & ab aquis eleuatio resurgentis instar est de sepulcro.] Et item idem, Baptismi autem sui in se condidit sacramentum. quia in omnibus primatum tenens, se docuit esse principium, & tunc regenerationis potentiam sanxit, quando de latere ipsius profluxerunt sanguis redemptionis & aqua baptismatis. quod demonstrat ipse Dominus, dicens in Euangelio secundum Lucam, *Baptisma autem habeo baptizari.*] Hinc Beda, Sanguinis, inquit, proprii tinctione prius habeo perfundi, & sic corda credentium spiritus igne, quo terrena omnia simul & animam suam despiciere, immo odire queant, inflammare. Non enim erat spiritus datus, quia Iesus nondum fuerat glorificatus. hoc est victoria passionis, de qua alibi, *Potestis, inquit, bibere calicem quem ego bibo, aut baptismum quem*

Epist. iv. ad
Episcopos
Siciliæ c. 3.

Rom. 6. 3.

Luc. 12. 50.

Marc. 10. 38

ego baptizor baptizari?] Et item Leo in epistola ad Constantinopolitanos, *Sacramentum*, inquit, *hoc magnum est, ego autem dico in Christo* Epist. xxiii
& in Ecclesia. Ab ipso ergo principio generis humani, omnibus hominibus Christus est denuntiatus in carne venturus: in qua, sicut dictum est, erunt duo in carne vna. utique duo sunt Deus & homo, Christus & Ecclesia. quæ de sponsi carne prodiit, quando ex latere crucifixi manante sanguine & aqua sacramentum redemptionis & regenerationis accepit. Ipsa est enim noua conditio creaturæ, quæ in baptismo, non indumento veræ carnis, sed contagio damnatæ vetustatis exuitur, ut efficiatur homo corpus Christi, quia & Christus corpus est hominis.]

Hinc S. Siricius ad Himerium cap. iii. Adiectum est etiam, quosdam Christianos ad apostasiam quod dici nefas est transeuntes, & idolorum cultu ac sacrificiorum contaminatione profanatos. quos à Christi corpore & sanguine, quo dudum redempti fuerant renascendo, iubemus abscidi. Et Athanasius in Symbolo, dicens se credere in Christum, præmissis aliis, assumptum in cælis, sedere in dextera patris, inde venturum iudicare viuos & mortuos expectamus, in huius morte & sanguine remissionem peccatorum consecuturi.] Et sanctus Gregorius in libro Moralium xxxiii. *Absorbebit fluuium & non mirabitur, & habet fiduciam quod influat Iordanis in os eius*. Qui autem signantur appellatione Iordanis, nisi qui iam imbuti sunt sacramento baptismatis? Quia enim redemptor noster in hoc flumine baptizari dignatus est, eius nomine debent baptizati omnes exprimi, in quo ipsum contigit sacramentum baptismatis inchoari. Quia verò & post mediatoris aduentum, quosdam qui rectè viuere negligunt etiam fideles rapit, quosdam qui baptismatis sacramento signati sunt deglutire se posse confidit. Alios namque sub Christianitatis nomine positos deuorat, quia in ipso eos fidei errore supplantat. Alios à rectitudine fidei nequaquam deuiat, sed ad vsum prauæ operationis inclinat.] Et post paululum, Valdè terribile est, quia multos aperto ore etiam post cognitionem redemptoris suscipit, post lauacri vndam polluit, post sacramenta cælestia ad inferni profunda rapit.] Et sanctus Ambrosius in libro secundo de Sacramentis, Cap. ii.
Vide vbi baptizaris, vnde sit baptisma, nisi de cruce Christi, de morte Christi. Ibi est omne mysterium, quia pro te passus est, in ipso redimeris, in ipso saluaris.] Item in eodem, Clamat ergo Apostolus, Cap. vii.
sicut audistis in lectione præsentis, quoniam quicumque baptizatur, in morte Iesu baptizatur. Quid est in morte? ut quo modo Christus mortuus est, sic & tu mortem degustes. quomodo Christus mortuus est peccato, & Deo viuit, ita & tu superioribus inlecebris peccatorum mortuus sis per baptismatis sacramentum, & resurgas per gratiam Christi. Mors ergo est, sed non in mortis corporalis veritate, sed in similitudine. Cum enim mergeris, mortis suscipis & sepulturæ simili-

tudinem; crucis illius accipis sacramentum, quòd in cruce Christus pependit & clavis confixum est corpus. Tu ergo cum crucifigeris, Christo adhæres, clavis Domini nostri Iesu Christi adhæres, ne te diabolus possit abstrahere.] Item in libro quinto, Tunc vnus de militibus lancea latus eius aperuit, & de latere eius aqua fluxit & sanguis, quare aqua? quare sanguis? aqua autem vt munderet, sanguis vt redimeret.]

Et sanctus Ioannes Chrysostomus in Homilia ad Neophytos, Vis & aliam huius sanguinis scrutari virtutem? Volo vnde primum currenit incipias, & de quo fonte manauit. De ipsa primum cruce processit, latus illi Dominicum initium fuit. Mortuo enim ait Iesu, & adhuc in cruce pendente, adproximat miles, latus lancea percussit, & exinde aqua fluxit & sanguis. Vnum baptismatis symbolum, aliud sacramenti. Non ait, exiit sanguis & aqua, sed exiit aqua primum & sanguis: quia prius baptisate diluimur, & postea mysterio dedicamur, latus miles aperuit, & templi sancti parietem patefecit. Et ego thesaurum præclarum inueni, & fulgentes diuitias me gratulor reperire. Sic & de illo agno factum est, Iudæi ouem occiderunt, & ego fructum de sacramento cognoui, de latere sanguis & aqua exiuit. Nolo tam facile auditor transeas tanta secreta mysterij. Præstat enim mihi mystica atque secretalis oratio. Dixi baptismatis symbolum & mysteriorum aquam illam & sanguinem demonstrari. Ex his enim sancta fundata est Ecclesia, per lauacri regenerationem & renouationem Spiritus sancti. Per baptisma, inquit, & mysteria quæ ex latere videntur esse prolata. Ex latere igitur suo Christus ædificauit Ecclesiam, sicut de latere Adam eius coniux Eua prolata est. Nam hac de causa Paulus quoque testatur dicens, *de corpore & de ossibus eius sumus.* latus videlicet illud significans. Nam sicut de illo latere Deus fecit feminam procreari, sic & de suo latere Christus aquam nobis & sanguinem dedit, vnde repararetur Ecclesia. Et sicut in sopore quiescentis Adæ Deus lateris membra patefecit, sic modò post mortem aquam nobis donauit & sanguinem. & sopor ille nunc mors est, vt discas mortem nulla soporis separatione discerni. Videte quemadmodum sponsam sibi Christus coniunxit, videte quo vos cibo satietatis enutrit. Ipse nobis cibi substantia est atque nutrimentum. Nam sicut mulier, affectionis natura cogente, genitum alere sui lactis fœcunditate festinat, sic & Christus quos ipse regenerat suo sanguine semper nutrit.] Et in Homilia prima de Psalmo l. Apud diuites erubescit fieri nutrix quæ facta est mater. Christus autem non ita nutritor est noster. ideo & pro cibo propria carne pascit, & pro potu suo nos sanguine propinauit.] Et item in Homilia de principiis Marci. Grandis misericordia, qui peccata non fecerat baptizatur quasi peccator. in baptismo Domini omnia peccata dimittuntur. Sed quasi præludium est baptisma Saluatoris. cæterum vera remissio

peccatorum in Christi sanguine est, in Trinitatis mysterio.] Et in Sermone de verbis Apostoli, *An ignoratis, inquit, fratres, quoniam quicumque in Christo baptizati sumus, in morte eius baptizati sumus? Consepulti ergo illi sumus per baptismum in morte.* Quid est in morte illius baptizati sumus? ut & ipsi moriamur sicut & ille. Crux enim est baptismus. Quod ergo crux Christo & sepulcrum, hoc nobis baptismus factum est. tametsi non in eisdem ipsis. Ipse namque carne & mortuus est & sepultus, nos autem peccato in utroque. Quapropter non dixit, complantati morti, sed similitudini mortis. Mors namque & hoc & illud, sed non eisdem ipsis subiacet: sed hæc quidem carnis Christi, nostra autem peccati. quemadmodum ergo illa vera, & hæc.]

Et magnus Leo Papa in tomo catholicæ fidei ad Flavianum, Si ergo Christianam suscepit fidem, & à prædicatione Euangelij sui non auertit auditum, videat quæ natura transfixa clavis pependerit in ligno crucis, & aperto per militis lanceam latere crucifixi, intelligat unde sanguis & aqua fluxerit, ut Ecclesia Dei & lauacro rigaretur & poculo. Audiat beatum Petrum Apostolum prædicantem, quod sanctificatio spiritus per asperisionem fiat sanguinis Christi: nec transitoriè legat eiusdem Apostoli verba dicentis, *Scientes quod non corruptibilibus argento & auro redempti estis de vana vestra conuersatione paternæ traditionis, sed pretioso sanguine quasi agni incontaminati & immaculati Iesu Christi.* Beati quoque Ioannis Apostoli testimonio non resistat dicentis, *Et sanguis Iesu filij Dei emundat nos ab omni peccato.* & iterum, *Hæc est victoria quæ vincit mundum, fides nostra. Quis est qui vincit mundum, nisi qui credit quoniam Iesus est filius Dei? Hic est qui venit per aquam & sanguinem Iesus Christus. non in aqua solum, sed in aqua & sanguine. & spiritus est qui testificatur quoniam Christus est veritas. quia tres sunt qui testimonium dant, spiritus, aqua, & sanguis, & tres unum sunt.* Spiritus utique sanctificationis, & sanguis redemptionis, & aqua baptismatis. quæ tria unum sunt, & indiuidua manent, nihilque eorum à sui connexionem seiungitur. quia catholica Ecclesia hæc fide viuit, ac proficit, ut in Christo Iesu nec sine vera diuinitate humanitas, nec sine vera credatur humanitate diuinitas.] Et in epistola ad Turibium Asturiensem Episcopum dicit, Neminem posse à conditione veteris hominis liberari, nisi per sacramentum baptismatis Christi, in quo nulla discretio renascentium, dicente Apostolo, *Quicumque enim in Christo Iesu baptizati estis, Christum induistis. Non est Iudæus, neque Græcus: non est seruus, neque liber: non est masculus, neque femina. Omnes enim unum vos estis in Christo Iesu.*

Et sanctus Augustinus in libro sexto contra Iulianum, Si obliuiscatur homo se deliquisse, nec eius conscientia stimuletur, ubi erit reatus ille, quem transeunte peccato manere concedis donec remittatur? Non est certè in corpore, quia non est eorum accidentium, quæ accidunt corpori. Non est in animo, quia eius memo-

Rom 6.3.

Epist. x. c. 5.

1. Pet. 1. 18.

1. Ioan. 1. 7.

1. Ioan. 5. 4.

Cap. x.

Gal. 3. 27.

Cap. viii.

riam deleuit obliuio. Et tamen est. Vbi est igitur? cum iam bene uiuat homo nihil tale committens, nec dici possit eorum peccatorum eius reatum manere quæ meminit, eorum verò quæ oblitus est non manere. manet quippe eorum, donec remittantur. Vbi ergo manet, nisi in occultis legibus Dei, quæ conscriptæ sunt quodammodo in mentibus Angelorum, ut nulla sit iniquitas impunita, nisi quam sanguis mediatoris expiauerit? Cuius signo crucis consecratur vnda baptismatis, ut ea diluatur reatus tanquam in chirographo scriptus in notitia spiritualium potestatum, per quas pœna exigitur peccatorum. Huic chirographo nascuntur obnoxij omnes in carne de carne carnaliter nati, eius ab hoc debito sanguine liberandi, qui in carne quidem & de carne, non tamen carnaliter, sed spiritaliter natus est. Natus est enim de Spiritu sancto & Virgine Maria. de Spiritu scilicet sancto, ne esset in illo caro peccati: ex Virgine autem Maria, ut esset in illo similitudo carnis peccati. Ideo illi chirographo non venit obnoxius, & ab illo soluit obnoxios.] &

Rom. 6. 3. item in eodem libro, *Quicumque baptizati sumus in Christo Iesu, in morte eius baptizati sumus.* Dicendo enim *quicumque*, non utique paruulos fecit exceptos. Quid est autem in morte Christi baptizari,

Rom. 6. 10. nisi peccato mori? Vnde etiam de ipso idem alio loco dicit, *Quod enim mortuus est peccato, mortuus est semel.* Quod utique dictum est, propter similitudinem carnis peccati, propter quod & magnum mysterium est crucis eius, ubi & vetus homo noster simul crucifixus est, ut euacuetur corpus peccati. Si ergo in Christo paruuli baptizantur, in morte eius baptizantur. mortis eius similitudini complantati peccato utique moriantur. *Quod enim mortuus est peccato, mortuus est semel. quod autem uiuit, uiuit Deo.* Et quid est complantari similitudini mortis eius, nisi quod sequitur, *Sic & vos existimate vos mortuos esse peccato, viuere autem Deo in Christo Iesu?* Numquid dicturi sumus peccato mortuum fuisse Deum, quod nullum habuit vnquam? absit. Et tamen quod mortuus est, peccato mortuus est semel. Mors enim eius peccatum nostrum significauit, quo utique ipsa mors accidit, cui morti mortuus est. id est, ut mortalis non esset ulterius, peccato dicitur mortuus. Quod ergo ipse significauit in similitudine carnis peccati, hoc per eius gratiam nos agimus in carne peccati, ut quomodo ille moriendo similitudini peccati, peccato mortuus prædicatur: ita quicumque in illo fuerit baptizatus moriatur, id est, peccato. Sed in Christo similitudo, nos veraciter eidem rei cuius illa fuerit similitudo moriamur, & quomodo illius vera carne vera mors fuit, sic fiat in veri peccati vera remissio.] Item in eodem libro capite tertio, Consepulti ergo illi sumus per baptismum in mortem, non sine paruulis. quoniam quicumque baptizati sumus in Christo Iesu, in morte illius baptizati sumus. ut quemadmodum surrexit Christus à mortuis per gloriam patris, ita & nos in nouitate

tate vitæ ambulemus. Si enim complantati sumus similitudini mortis eius, sic & resurrectionis erimus. Hic sunt & paruuli complantati similitudini mortis eius. hoc enim ad omnes pertinet, quicumque baptizati sumus in Christo Iesu. hoc scientes quia vetus homo noster simul crucifixus est. Quorum vetus homo, nisi quicumque baptizati sumus in Christo?] Item in libro tertio, Quod natus es, pertinet ad Dei Cap. xxi. conditionem, & parentum fecunditatem: contra quod autem dimicās quia renatus es, pertinet ad præuaricationem quam diaboli astutia seminavit. Vnde te Christi gratia liberauit, vt prius hoc malo bene vtereris in coniuge, nunc illi aduerseris in te. non iam reus ex illo sicut eras natus, sed ab eodem reatu non erutus nisi quia renatus, vt possis redemptus regnare cum Christo, si tamen ista hæresis non te faciat perire cum diabolo, sed quod potius cupimus confitearis malum, contra quod bellum geris. vt eo non ita separato, quasi alia nunc sit, sed te omni ex parte sanato, in perpetua pace læteris.] & item in eodem, Nec cogeris res impiissimas atque absurdissimas dicere, aut baptizandos non esse paruulos, quod quidem postea estis fortassè dicturi: aut tam magnum sacramentum sic in eis esse ludibrium, vt in Salvatore baptizentur, sed non saluentur: à liberatore redimantur, sed non liberentur: ab hoc lauacro regenerationis lauentur, sed non abluantur: exorcizentur, & exsufflentur, sed à potestate tenebrarum non eruantur: sit eorum pretium sanguis qui in remissionem fusus est peccatorum, sed nullius peccati remissione purgentur.] & item, Ceterum rogo te, quomodo potest Cap. iiii. intelligi ista redemptio, nisi à malo redimente illo qui redemit Israel ab omnibus iniquitatibus eius? Vbi enim redemptio sonat, intelligitur & pretium. & quid est hoc, nisi pretiosus sanguis agni immaculati Christi Iesu? De hoc autem pretio, quare sit fusus, quid interrogamus alium? Redemptor ipse respondeat, dicat ipse mercator, *Hic est sanguis meus, qui pro multis effundetur, in remissionem peccatorum.* Matt. 26.28 Pergite adhuc pergite, & sicut dicitis, in sacramento Saluatoris baptizantur sed non saluantur, redimuntur sed non liberantur, lauantur sed non abluuntur, exorcizantur & exsufflantur, sed à potestate diaboli non eruantur: sic etiam dicite, funditur pro eis sanguis in remissionem peccatorum, sed nullius peccati remissione mundantur. Mira sunt quæ dicitis, noua sunt quæ dicitis: mira stupemus, noua cauemus, falsa conuincimus.]

Et item Beda in epistola Ioannis prima, *Qui venit per aquam & sanguinem.* Aquam videlicet lauacri, & sanguinem suæ passionis. non in aqua solum, sed in aqua & sanguine. non solum baptizari propter nostram ablutionem dignatus est, vt nobis baptismi sacramentum consecraret ac traderet: verum & sanguinem suum dedit pro nobis, cum sua nos passione redemit, cuius sacramenti semper refectioe nutriremur ad salutem.] & item, *Tres sunt qui testimonium per-* 1. Ioan. 5.7.

hibent veritati, & tres, inquit, vnum sunt. Individua namque hæc manent, nihil eorum à sui connexionem seiungitur, quia nec sine vera diuinitate humanitas, nec sine vera credenda est humanitate diuinitas. Sed & in nobis hæc vnum sunt, non natura, sed eiusdem operatione mysterij. Nam sicut beatus Ambrosius ait, Spiritus mentem renouat, aqua proficit ad lauacrum, sanguis spectat ad pretium. Spiritus enim nos per adoptionem filios Dei fecit, sacri fontis vnda nos abluit, sanguis Domini nos redemit. Alterum igitur inuisibile, alterum visibile testimonium sacramento consequitur spiritali.] Et in consecratione aquæ baptismatis catholica dicit Ecclesia, Benedico te & per Iesum Christum filium eius vnicum Dominum nostrum, qui te vnà cum sanguine de latere suo produxit, & discipulis suis iussit vt credentes baptizarentur in te, dicens *Ite, docete omnes gentes, baptizantes eos in nomine Patris, & Filij, & Spiritus sancti.*] & item, Descendat in hanc plenitudinem fontis virtus Spiritus tui, totamque huius aquæ substantiam regenerandi fecundet effectu.] & post pauca, Vt omnis homo hoc sacramentum regenerationis ingressus in veræ innocentie nouam infantiam renascatur, per Dominum nostrum Iesum Christum.] Et hinc individua sacramenta sanguinis redemptionis, & spiritus sanctificationis, & aquæ baptismatis, cunctis catholicis baptizatis credit, proficitur, & prædicat catholica sancta mater Ecclesia. Legem ergo, vt sanctus Cælestinus dicit, credendi lex statuatur supplicandi. Et item Beda in tractatu Actuum Apostolorum, Nam postquam consepulti fuerimus cum Christo per baptismum in mortem, quasi rubri maris calle transito, necessarium in hac solitudine Domini habemus ducatum, qui nos ad cælestia regna perducatur.] & item, *Et sicut agnus coram tondente se sine voce, non solum sanguine suo redemit, sed & lanis operuit.*] Hinc idem in Homilia Euangelij duodecima, Quomodo autem peccata mundi tollat, quo ordine iustificet impios, Apostolus Petrus ostendit, qui ait, *Non corruptilibus argento vel auro redempti estis de vana vestra conuersatione paternæ traditionis, sed pretioso sanguine quasi agni incontaminati & immaculati Iesu Christi.* Et in Apocalypsi Ioannes Apostolus, *Qui dilexit nos, inquit, & lauit nos à peccatis nostris in sanguine suo.* Non solum autem lauit nos à peccatis nostris in sanguine suo, quando sanguinem suum dedit in cruce pro nobis, vel quando quisque nostrum in mysterium sacrosanctæ passionis illius baptismi aquis ablutus est, verum etiam quotidie tollit peccata mundi, lauatque nos à peccatis nostris in sanguine suo, cum eiusdem beatæ passionis ad altare memoria replicatur, cum panis & vini creatura in sacramentum carnis & sanguinis eius ineffabili Spiritus sanctificatione transfertur, sicque corpus & sanguis illius non infidelium manibus ad perniciem suam funditur & occiditur, sed fidelium ore suam sumitur in salutem.] Et item ipse in tractatu Actuum

Matt. 28. 19

Cap. i.

Cap. viii.

1. Pet. i. 18.

Apoc. i. 5.

Apostolorum, Præcipue congruit nos baptizari in nomine Domini Iesu Christi. quia sicut Apostolus ait, *Quicumque baptizati sumus in Christo Iesu, in morte ipsius baptizati sumus.* Cap. x.
Rom. 6. 3.

Quia verò in baptismo Christi sanguine redempti, infidelitate vel perseveranti iniquitate perire possunt, contra Gothescalcum sanctus Ambrosius in epistola ad Vercellenses ita dicit, Paulus ad Ephesios, inquit, *Fornicatio autem, & omnis immunditia, & avaritia nec nominetur in vobis, sicut decet sanctos. & infra, Hoc enim scitote, quoniam omnis impudicus, aut immundus, aut avarus, quod est idololatria, non habet hereditatem in regno Christi & Dei.* De baptizatis utique dictum liquet. ipsi enim accipiunt hereditatem qui baptizantur in morte Christi, & consuepiuntur cum ipso, ut cum ipso resurgant. ideo heredes Dei, coheredes Christi sunt. heredes Dei, quia transcribitur in eos Dei gratia, coheredes Christi, quia renouantur in vitam ipsius. heredes quoque Christi, quia datur illis per mortem ipsius tanquam testatoris hereditas. Isti igitur magis sibi debent adtendere, qui habent quod possint amittere, quàm qui non habent.] Et item in eadem, *Quid igitur sibi isti volunt, qui tentant eos peruertere, quos adquisiuit Apostolus, quos redemit Christus sanguine suo? Quod asserunt baptizatos intendere non debere virtutum disciplinis, & reliqua.]* Item idem in epistola ad Corinthios, *Et quia carò empti sumus, propensius Domino nostro seruire debemus, ne offensus à qua nos redemit morti nos reddat. Quàm enim carissimo pretio nos emit, ut sanguinem suum daret pro nobis? Et item in eadem, Et peribit qui infirmus est in tua scientia, frater, pro quo Christus mortuus est. id est, tua peritia illum occidit, quando à te fieri videt quod ille aliter intelligit, & tu eris occasio mortis fratris, quem Christus ut redimeret crucifigi se permisit.]* Et sanctus Prosper contra Gallos, *Sacramentum enim baptismatis, quo omnia prorsus peccata delentur, etiam in his verum est qui non sunt in veritate mansuri.]* Et item, *Sanguis Domini nostri Iesu Christi pretium est totius mundi, à quo pretio extranei sunt, qui aut delectati captiuitate redimi noluerunt, aut post redemptionem ad eandem sunt seruitutem reuersi.]* Et Beda in epistola Iudæ, *Qui angelis peccantibus non pepercit, nec hominibus parceret superbientibus: sed hos quoque, cum suum principatum non seruauerunt, illum videlicet quo per gratiam adoptionis filij Dei effecti sunt, sed dereliquerunt suum domicilium, id est, Ecclesiæ unitatem in qua Deo renati sunt, vel certè sedes regni cælestis, quas accepturi erant si fidem seruarent, & ante iudicium grauiter, & grauius in iudicio vniuersali damnabit.]* Et Petrus in epistola II. *Quapropter, fratres, magis satagite ut per bona opera certam vestram vocationem & electionem faciatis.* Vnde Beda, *Multi sunt vocati, pauci autem electi.* Certa est autem vocatio cunctorum qui ad fidem veniunt. Qui verò fidei sacramentis quæ perceperunt bona quoque opera per-

seueranter adiungunt, isti suam cum vocatione etiam electionem certam intuentibus faciunt. Sicut è contra, qui post vocationem ad crimina reuertuntur, cum in his ex hac vita migrauerint, certum iam omnibus quia reprobi sunt reddunt.] Et item in eadem, *Fuerunt verò & pseudopropheta in populo, sicut & in vobis erunt magistri mendaces, qui introducent sectas perditionis, & eum qui emit eos Dominum negantes, superducent sibi celerem perditionem.* Hinc Beda, De hoc emptore & Paulus ait, *Empti estis pretio magno: glorificate & portate Deum in corpore vestro.* Merito autem sibi celerem perditionem superducunt, qui redemptorem suum negantes, hunc rectè confitendo glorificare & benefaciendo suo in corpore ferre detrectant, quod omnes faciunt hæretici.] Et item in prima epistola Petrus, *Quod & vos nunc similis formæ saluos facit baptisma.* Vnde Beda, Quod ergo aqua diluuij non saluauit extra arcam positos, sed occidit, sine dubio præfigurabat omnem hæreticum, licet habentem baptismatis sacramentum, non aliis sed ipsis aquis ad inferna mergendum, quibus arca subleuatur ad cælum.]

2. Pet. 2.1.

Cap. II.
1. Cor. 6.20

1. Pet. 3.21.

Cap. III.

Epist. 97.
cap. 4.Matt. 26. 42
Matt. 24. 42

Marc. 13. 37

Hinc plurimum & quàm plurima possemus exempla ponere, sed superfluum duximus, quia & ipsi, vt diximus, qui conglobati contra vnanimitatem doctrinæ Ecclesiasticæ, huic peruersitati resistunt, & plura plurimorum aggregant & accumulunt testimonia. Et sanctus Leo Leoni Augusto, secundum promissionem suam, non tam multorum, quàm nominatissimorum auctorum, nec tam multiplicia testimonia, quàm valida eorumdem auctorum adgregata ad suam, quinimmo orthodoxam, adfirmendam sententiam misit. Neque enim numerus testimoniorum, sed auctoritas valet. Ex quibus ostenditur, Gothescalcum per modicum fermentum totam Ecclesiæ massam quantum ex ipso est corrupisse. Vnde piis ista sufficiant, quæ impiis sicut & plura ad salutis satisfactionem sufficere non valebunt. Nam huiusmodi, sicut Gothescalcus & sui complices proferunt, nugatoriis adinventionibus aurem non accommodabit, quisquis verba Dominica deuota mentis aure perceperit, quibus orare iubet dicens, *Sic autem orabit, & post aliquanta, Ne nos inducas in tentationem. Quia cum deserentes Deum iustè deserimur à Deo, in tentationem induci, id est, à tentatione patimur superari.* Contra quod iterum Dominus iubet, *Vigilate & orate, vt non intretis in tentationem.* & , *orate vt ne fiat fuga vestra hyeme vel sabbato, id est, vt dum vacat operetur quisque bona quæ valet, ne tunc quilibet incipiat velle bona agere, quando non licebit bona modo quolibet operari.* Idcirco enim nobis Dominus horam exitus nostri voluit esse incertam, vt semper possit esse suspecta, semperque in aduentu iudicis simus parati, ante cuius faciem iudicij non poterimus abscondi. Qui non vult inuenire quos damnet. Et ideo omnes misericordissimè admonet dicens, *Quod vobis dico omnibus dico, vigilate.* Et vos, inquit, parati estote,

quia nescitis qua hora Dominus vester venturus sit, & si in prima vel secunda siue tertia vigilia venerit, similes estote seruis expectantibus dominum suum, quando reuertatur à nuptiis, vt cum venerit & pulsauerit, confestim aperiant ei. *Nescitis enim qua hora Dominus vester venturus sit.* Sed hoc certum est, quoniam qui perseuerauerit vsque in finem, (in fide scilicet recta & operibus bonis, quæ est iuxta Apostolum, *fides quæ per dilectionem operatur, & caritas de corde puro, vt nullius sit hæresis participatione polluta, & conscientia bona, vt non sit malorum confusione permixta, & fide non ficta, vt non sit consensu iuncta cum perfidis vel iniquis,*) hic saluus erit gratia Domini nostri Iesu Christi, quem bonorum operum & spiritualium studiorum auctorem esse non dubium est. qui quorum incitat mentes, adiuuat actiones, & perseuerantiam dat perseuerantibus, atque coronandos coronat in misericordia & miserationibus, cui cum patre in vnitæ Spiritus sancti est honor & gloria, in sæcula sæculorum. Amen.

Luc. 12. 37.

Gal. 5. 6.

1. Tim. 1. 5.

CAPVT XXXVI.

Apologia denotationis nostræ subsequitur, quia filius Ephrem contra nos intendens arcum, misit sagittas: sed suum fortè sentiet arcum prauum. cuique conuersus ipsius gladius non præstabit auxilium in die belli.

POST sex ista Capitula, de quibus responsum reddidimus, septimum nobis subiunctum dedistis in præfata villa Nielfa, quia indiscussi & inexaminati, scientiæque litterarum penè ignari, minisque Apostolicæ præceptioni adpropinquantes, peccatis nostris agentibus, per ciuitates Episcopi ordinantur, qua occasione maxime vigor Ecclesiasticus deperit. Sed in volumine, quod nuper nobis dedistis, Capitulorum istorum compositor quædam alia intermiscuit, adeo vt istud quod in illis fuerat septimum, inter ista decimum habeatur. Quod sicut intelligere potuimus, & illic & istie ideo Capitulum istud est positum, vt facilius possit legentibus persuaderi, non esse mirum si praua docemus, qui peruersè & inconsideratè, atque indebitè ad ordinem docendi accessimus. quia sicut dicit Leo, qui habuerit malum initium, difficilè bonum habebit processum, & si in fide suspecti fuerimus, quæ fundamentum est bonorum omnium, bona opera sine fundamento recto non stabunt, immo nec bona erunt. Quocirca sicut sanctus docet Gregorius, Restat vt quorum vita despicitur, & prædicatio contemnatur, & cum pastor per abrupta graditur, ad præcipitium grex sequatur. Vnde necesse est nobis, cunctis scire volentibus demonstrare, quomodo vel qualiter, quantum ad humanos spectat obrutus, ad Ecclesiasticum

ordinē accefferimus. Et primò de Metropolitano Remorum Episcopo, deinde de ipsius diœceseos suffraganeis. & quia non nos specialiter, sed generaliter omnes Capitulum istud tangit Episcopos, eo solo excepto qui illud dictauerat, ne de nostra infamatione tantummodò videamur solliciti, ponamus ex ordine integritatem ipsius Capituli, & videant quicumque illud legerint, si tam monstruosam criminatorem generaliter cunctis Episcopis, ciuitatibus, plebibus, Archiepiscopis, Principibus inlatam & impactam audierint. Textus enim huius Capituli iste est, Et quia indiscussi & inexaminati, scientiæque litterarum penè ignari, minúsque Apostolicæ præceptioni adpropinquantes, peccatis nostris agentibus, per ciuitates Episcopi ordinantur, qua occasione maximè vigor Ecclesiasticus deperit, placuit: vt si quando alicuius ciuitatis Episcopus vocatione Domini decesserit, à gloriosissimis Principibus supplicando postuletur, vt canonicam electionem clero & populo ipsius ciuitatis permittere dignentur, atque ita aut in clero, aut in populo, aut diœcesi si certè ipsa, vel si opus sit in vicinia ipsius, probata & officio digna persona quærat, quæ inuenta consensu totius cleri & populi ad honorem Dei ciuitati præficiatur. Sed & si à seruitio piorum Principum nostrorum aliquis clericorum venerit, vt alicui ciuitati præponatur Episcopus, timore casto sollicitè examinetur, primùm cuius vitæ sit, deinde cuius scientiæ, & vigore Ecclesiastico sub oculis omnipotentis Dei agat Metropolitanus, in hac parte ceteris Episcopis sicut Dei ministris adiutorium ferentibus, ne maculatæ vitæ, & pompa sæculi turgidus, & Simoniaca hæresi pollutus, humilibus & mundis membris Christi Ecclesiæque supponatur Episcopus. Nec præsumat inlitteratum, & cupiditate illicita cæcatum, redditurus facti sui Deo rationem populo præficere. Si verò necessarium isdem Metropolitanus viderit, ne tantum malum cogatur agere, vt indebito honorem bonis tantum debitum tradat, instruat populum, informet Ecclesiam, potius adire clementiam regum, & ipse cum Coepiscopis suis quibus valuerit modis adeat, vt Ecclesiam Dei gloriosi reges digno honorent ministro. Si autem turpiter cupiditate quacumque Metropolitanus victus, aut aliquo munere deceptus, tantum opus negligenter & ægrè fuerit executus, iudicium omnium cernentis Dei se incurrere non dubitet: sed & sententia Ecclesiastica nouerit se culpandum.]

Hæc est censura Capitulorum compilatoris, quasi non suffecerit quod hinc decernant Canones. Vnde dicamus cum Boëtio, *Hec quàm præcipiti mersa profundo mens hebet!* videlicet istius Capituli compilatoris, vt nec quod dicit, nec etiam seipsam cognoscere valeat. Scriptum est enim, *Medice cura te ipsum.* & *Ex verbis tuis te iudico.* Videat qualiter isdem ad ordinem sacrum peruenerit, & sic in semetipso gloriam tantum habebit, & non in altero. Veritas enim

dicit, *Qui non intrat per ostium in ouile ouium, sed ascendit aliunde, hic fur est & latro. Ego sum ostium, per me si quis introierit saluabitur.* Constat igitur, quoniam qui per eum in ouile ouium non intrat, id est ad regimen non est prouectus Ecclesiæ, non est pastor ouium, sed fur & latro, qui non saluabitur, sed damnabitur. Qualiter autem sit per ostium, videlicet per Christum, intrandum in ouile ouium, id est Ecclesiasticum regimen suscipiendum, idem Christus ostium ouium via, & veritas, & vita demonstrat dicens de suo spiritu, *Spiritus qui à patre procedit, ille vobis docebit omnia, & suggeret vobis omnia quaecumque dixerò vobis. Non enim vos estis qui loquimini, sed Spiritus patris vestri qui loquitur in vobis.* Qui per quos idem Spiritus loquutus est, vt sanctus Leo dicit, adhuc nobiscum in suis constitutionibus viuunt, quia non est Deus mortuorum, sed viuentium. Ergo qui contra sacros canones, Spiritu Dei per organa sua conditos, & totius mundi reuerentia consecratos, ad Ecclesiæ regimen prouehitur, non intrat per ostium in ouile, sed ascendit aliunde, ac per hoc fur est & latro. de qualibus dicit Psalmista Domino, *Deiecisti eos dum alleuarentur.* Cum alleuatur enim deicitur, qui honoribus proficit & moribus deficit. De quibus Dominus per Prophetam queritur dicens, *Ipsi regnauerunt, & non ex me: principes extiterunt, & non cognoui.* A se namque & non ex arbitrio summi rectoris regnant, qui sua cupiditate accensi culmen regiminis rapiunt potius quam adsequuntur. quos tamen internus iudex & prouehit & non cognoscit, quia quos permittendo tolerat, profecto per iudicium reprobationis ignorat, & in talium prouectione non est, vt Leo dicit, populis consulere sed nocere, nec præstare regimen sed augere discrimen. Reuertatur igitur hic derogator noster ad suam conscientiam, qui contra sacras regulas ab Ecclesia in qua fuit confusus & ordinatus discedens, ad alias Prouincias conuolauit, & canonica excommunicatione deuinctus, quia verbum Domini non est alligatum, irregulariter vsurpauit regimen, & sibi ac ordinatoribus suis, necnon & subditis adauxit discrimen, sicut Leo Papa demonstrat.

Sed & notandum quia quædam de præficiendo ciuitati Episcopo decreta omiserit, aut obliuione captus, aut conscientia stimulatus. Cautum siquidem inter alia sacri canones decreuerunt, vt de alia Ecclesia petitus vel sumptus is qui fuerit ordinandus Episcopus, non sine placito vel litteris eius Episcopi cuius fuerat clericus ordinetur, concessa specialiter Carthaginensi Ecclesiæ nota necessitate licentia. Relegat denique sancta fraternitas concilia & decreta à Romanis Pontificibus celebrata & promulgata, reuoluat in Græcis regionibus decreta concilia, perscrutetur in Italicis, Gallicis, Germanicis, Belgicis Prouinciis actas synodos, & videat si de sub isto cælo huiusmodi Capitulum comprouincialis quanto magis generalis synodi obtutibus vnquam Apostolicæ sedis Pontifex dederit vel miserit, aut

Ioan. 10.
1.19.

Ioan. 14. 26.

Matt. 10. 20

Psalm. 72. 18.

Osec. 3. 4.

quilibet Imperatorum sua sanctione Synodo congregata direxerit, vel si quælibet synodus ediderit, aut si quisquam Episcoporum synodo præsentare vnquam vel vsquam præsumpserit. Nos pro certo, in veritate sciat sancta fraternitas, pro nostra speciali iniuria ista non dicimus, quia à fratribus nostris, Remigio scilicet venerabili Archiepiscopo, & honorabilibus confacerdotibus nostris Prouinciæ Lugdunensis, illud conscriptum nequaquam fuisse certissimè scimus & credimus, qui omnes illi penè nos omnes ab ipsis annis iuuenilibus cognouerunt, & scientiolam nostram ac conuersationem sicut familiares familiariter didicerunt, & ex quibus Ecclesiis atque ordinibus, & qualiter ad summum sacerdotium sumus gratia diuina adsumpti, sicut de domesticis ignorare non potuerunt: qualiterque in regimine & vita & conuersatione & scientia atque doctrina degamus, illis occultare nec volumus nec valemus. In quibus sicut in spiritalibus viris maximam de nobis habemus fiduciam, quorum & vitam religiosam, & doctrinam catholicam, & ordinationem canonicam non ignoramus.

» Ait enim Capituli istius compositor, Quia indiscussi & inexaminiati, scientiæque litterarum penè ignari, minúsque Apostolicæ præceptioni adpropinquantes, peccatis nostris agentibus, per ciuitates Episcopi ordinantur. qua occasione maximè vigor Ecclesiasticus deperiit. In fronte istius Capituli docet eius compositor, non esse Episcopos, quos Episcopos appellauit dicens, Quia indiscussi & inexaminati ordinantur Episcopi. Nam & in Capitulo primo Conc. iv. Carthaginensis Concilij scriptum est, Qui Episcopus ordinandus est antea examinetur, & reliqua. Vnde manifestum est, eum qui contra canones ordinatus esse videtur, non debere censerì Episcopum, sicut inter alios Innocentius, Cælestinus, & Leo demonstrant. Quod enim dicit quia indiscussi, ergo dubium an sint fide Catholici, vel circa fidem sint reprobi. quod dicit inexaminati, igitur vita & conuersatione non probi: quod dicit scientiæ litterarum penè ignari, sicut sanctus dicit Hieronymus, Ignoratio scripturarum ignoratio Dei est. & Apostolus, *qui ignorat ignorabitur*. Quomodo ergo mediatores vel interuentoress pro suis ac populi peccatis apud
 1. Cor. 14. 38. Deum habebuntur qui ignorantur? qui licèt dicant, *Domine, in nomine tuo prophetauimus*, & *manducauimus coram te*, & *bibimus*, & *in plateis nostris docuisti*, audient, *Discedite à me, nescio qui sitis*. Adhuc etiam addamus, Quomodo dicere poterunt, in nomine tuo prophetauimus & in plateis nostris, scilicet in latitudine nobis commissi populi, per nos docuisti, qui scientiæ lumine ignari duces sunt cæci, præcones muti? Quod subsequitur, minúsque Apostolicæ præceptioni adpropinquantes, hoc est apertè dicere, Ideoque boni meriti alieni, & ordinatione indigni. Quod dicit, per ciuitates Episcopi ordinantur, qua occasione maximè vigor Ecclesiasticus deperiit, non per ciuitates Episcopi ordinantur, sed peruasores ciuitatum, &

& alieni ministerij inuasores, & fures ac latrones, non dicam mercenarij exordinantur, per quos vigor Ecclesiasticus deperit, qui ad hoc debuerant præferri vt vigor Ecclesiasticus in aliquo delapsus, per ipsos potuisset restitui, & in statu manens valenter constitui. Et si sanctus Gregorius in Homilia Euangelij decima septima, se vnum faciens de his quorum præcipuè peccato dixerat agi quòd populus illius temporis interiret, de generali peccato conquestus est, non tamen sic specialia crimina, & de merito, & de inscientia, & de ordinatione inlicita, generalitatem sacerdotum redarguit: & si quosdam tacitis nominibus de hæresi Simoniaca corripuit dicens, Vobis enim sacerdotibus lugens loquor, quia nonnullos vestrum cum præmiis facere ordinationes agnouimus. Cùm esset Pontifex primæ sedis in toto terrarum orbe, non omnes generali inuectione, interponens nonnullos, sicut iste ferula magistrali sine vlla exceptione percussit. In istius autem compositoris Capitulo videat lector, quæ plebs dominica non sit conculcata, quæ ciuitas non sit dehonorata, quis Episcopus non sit, non dicam morsus, sed annulatus, quis Princeps non reprehensus, quis Archiepiscopus non confutatus. Ait enim, Indiscussi & inexaminati, scientiæque litterarum penè ignari, minúsque Apostolicæ præceptioni appropinquantes, per ciuitates ordinantur Episcopi. Placuit vt si quando alicuius ciuitatis Episcopus vocatione Domini decesserit, à gloriosissimis Principibus supplicando postuletur, & reliqua quæ profecutur. ac si dicat, quia hætenus talia Principes non concesserunt. Deinde de Archiepiscopis dicit, Si aut turpiter cupiditate quacumque Metropolitani victus, aut aliquo munere deceptus, tantum opus negligenter & agrè fuerit executus, iudicium omnia cernentis Dei se incurere non dubitet. sed & sententia Ecclesiastica nouerit se culpandum.

Ecce quales esse Principes denotauit, ecce quales Archiepiscopos cupiditate scilicet victos & munere deceptos descripsit, ecce quales Episcopos per ciuitates ordinatos adseruit. Legimus in canonibus, & sancto Gregorio docente didicimus, quia sacri canones Simoniacam hæresim damnant, & eos sacerdotio priuari præcipiunt, qui de largiendis ordinibus pretium quærunt, quorum cathedras Redemptor noster euertit, & sacerdotium destruit, & qui pro manus impositione munus donat vel accipit, ipse se anathema efficit. Scimus enim, quod in spiritualibus deuitare debemus, munus esse à manu, munus à lingua, munus ab obsequio. Vnde Dominus per Prophetam dicit, *Qui excutit manus suas ab omni munere, iste in excelsis habitabit.* Propterea considerandum, secundum admonitionem sancti Gregorij, qualis in regimine erit qui ad hoc promouetur vt hæreticus fiat. Si tales sunt Principes, si tales Archiepiscopi, si tales per ciuitates sunt ordinati Episcopi, væ illis terris, quas tales non so-

Esa. 33. 15.

lùm infructuosæ, verùm & noxiæ ficulneæ non modò occupant, cet-
 tè sed opprimunt. Væ peccatricibus ciuitatibus, quibus pestes hu-
 iusmodi insident, væ miseris plebibus, quæ erroneæ & sine pastore
 non solùm dentibus, verùm & gutturibus luporum hiantibus sine
 vllo patent obstaculo, sine vllo verbi Dei lumine sedentes in tene-
 bris, sine pane verbi Dei & sine refectione spiritali, inedia tabescen-
 tes morti propinquant, & quod est lugubrius sempiternæ. petentes
 panem paruuli, & non est qui frangat eis, quo abundant etiam mer-
 cenarij in domo istius tanti patris qui nos miseros descripsit Episco-
 pos: ita vt de sola plebe illis commissâ possimus, si tamen possu-
 mus dicere, *Beatum dixerunt populum cui hæc sunt*, scilicet quæ ille lar-
 gitur: beatus populus cuius rector sine comparatione iste est solus.
 Qui sicut de Iob nuntiis dicitur remansit ille solus, vt nuntiaret
 Ecclesiæ, quales non rectores sed subuersores sustineat. Sed audiat
 Dominum sibi respondentem quod dixit Helix alio affectu quàm
 iste hæc dixerit conquerenti, remansi ego solus. *Reliqui*, Dominus
 inquit, *mibi septem millia virorum, qui non curuauerunt genu ante Baal.*
 Quocirca & Dominus, gratias suæ misericordiæ sempiternæ, plures
 & aliter & alios per ciuitates habet ordinatos Episcopos, & aliter
 ordinantes Archiepiscopos, talesque Principes, qui sua concessione
 à diuinis regulis per contemptum deuiare non fatagunt. Istorum
 compositor Capitulorum, primi Adam filius, sciens se peruersa scri-
 pturum, in præfatione eorundem Capitulorum nomina Episcopo-
 rum connumerauit, volens se inter ligna paradisi ne peccator ag-
 nosceretur abscondere, & quasi opertus operimento pretiosorum
 lapidum, & condensis frondibus palliatus, vt gloriosior ceteris ap-
 pareret in isto Capitulo se monstrauit, sicut & in illis Capitulis,
 quæ nomine Valentini Synodi prænotauit, in quibus se ex nomi-
 ne quàm maximè conlaborasse descripsit.

Psalm. 143. 35.

3. Reg. 18.
19.

Si autem generalem calumniam, ne nos inde perciperemus, no-
 bis specialiter inrogare decreuit, non pro illius redargutione, sed
 pro eorum qui fortè nostros aditus ad ordines sacros ignorant fa-
 tisfactione, quomodo se rei veritas habeat cunctis legentibus ac sci-
 re volentibus innotescere procuramus. De Metropolitano siquidem
 metropolis Remorum Ecclesiæ iam quæstio fuerat, sicut in gestis
 synodalibus qui voluerit plenius inuenire valebit, Residentibus in
 Synodo venerabilibus Episcopis in nomine Domini, Hincmaro
 Remensis Ecclesiæ Archiepiscopo, Wenilone Sennense Archiepi-
 scopo, Amalrico Turonense Archiepiscopo, Theoderico Camata-
 cense Episcopo, Hrothado Sueffonicae vrbs Episcopo, Lupo Cata-
 launense Episcopo, Immone Nouiomagenense Episcopo, Erpuino
 Siluanectense Episcopo, Yrminfrido Beluacense Episcopo, Pardu-
 lo Laudunense Episcopo, Hilmerado Ambianense Episcopo, Hu-
 berto Meldense Episcopo, Aio Aurelianense Episcopo, Prudentio

Trecassinæ ciuitatis Episcopo, Herimanno Niuernense Episcopo, Iona Augustidunense Episcopo, Godelfado Cauillonense Episcopo, Dodone Andegauense Episcopo, Guntberto Ebrocense Episcopo, Hildebranno Sagenſe Episcopo, Erloino Constantiæ vrbis Episcopo, Baltfrido Baiocensis Ecclesiæ Episcopo, Heirardo Lexouienſis Ecclesiæ Episcopo, Anſegaudō Abrincatinæ vrbis Episcopo, Teutboldo Lingonicæ vrbis Episcopo, Breidingo Matifcentium Ecclesiæ Episcopo, Launo Æquoleſinæ ciuitatis Episcopo, Ricboldo Remenſium Chorepiscopo. Residentibus etiam Presbyteris & Abbatibus, Dodone Abbate Monasterij sancti Sabini, Lupo Abbate Monasterij Bethlehem quod Ferrarias dicitur, Bernardo Abbate Monasterij sancti Benedicti quod appellatur Floriacus, Hodone Abbate ex Monasterio Corbeia, Henrico Abbate ex Monasterio Corbionis, Bauone Abbate ex Monasterio Orbacense, & quamplurimis aliis sacerdotibus & Abbatibus. & adstantibus diaconibus, adstante quoque & reliquorum graduum clero. Residente etiam in medio cœtu Episcoporum glorioso rege Karolo, qui eidem sacre Synodo suam est dignatus exhibere præsentiam, apud Sueſſonis ciuitatem, in Monasterio sancti Medardi Confessoris Christi, quod situm est in suburbio ipsius ciuitatis, in Ecclesia quæ est in honore sanctæ Trinitatis sacrata, anno Incarnationis Domini nostri Iesu Christi DCCCLIII. anno etiam iam dicti Principis Karoli XIII. Indictione prima, VI. Kalend. Maij. Dum quædam Ecclesiastica & pernecessaria negotia in eadem Synodo ventilarentur & diffinirentur, habita est ratio de ordinatione ipsius Hincmari Metropolitani Remorum Episcopi. qui quoniam Ebo, qui eiusdem sedis Archiepiscopus fuerat, adhuc viuebat, dicebatur à quibusdam contra regulas canonicas ordinatus. Vnde ordinatores ipsius tale reddidere responsum. Theodericus enim Camaracensis Episcopus hæc quæ sequuntur libellum porrigens protulit. Leō, inquit, Papa in decretis suis ad Episcopos per Cæsariensem Mauritaniam constitutos, aut confutatum, aut certè confessum iubet subiacere sententiæ ita dicens, Epist. 87. cap. 2. Adiectum etiam illud est, quod huic temerè subordinatus esse cognoscitur, qui non debuit ordinari antequam Lupicinus in præſenti positus, aut confutatus, aut certè confessus, iustæ posset subiacere sententiæ, vt vacantem locum, quemadmodum disciplina Ecclesiastica exigit, is qui consecratur acciperet.] Iam de conuincendo qualiter accusari & conuinci debeat, manifestum est quia per scripturam vel testibus debeat accusari, sicut scriptum est de Episcopis & clericis in lege Theodosiana, in libro quinto sententiarum Pauli, Conuinci nemo potest in iudicio sine testibus aut scriptura.] Quia Cap. v. etiam leges Romanas in hoc negotio canonica probet auctoritas, scriptum est in Concilio Toletano capite vndecimo, ne sine accusatore legitimo quispiam condemnetur, Dignum est vt vita innocen- Cone. Tol. lct. vi. can. xi.

tis non maculetur perniciē accusantium. Ideo quisquis à quolibet criminatur, tam accusatus quàm accusator præsententur, atque legum & canonum sententiæ exquirantur.]

Ecce manifestum est, quia leges diuinæ & humanæ non nisi aut apertè confessum aut apertè conuictum adiudicent vel condemnent, & qualiter accusatus accusari vel conuinci debeat designatum est. Nunc videndum de quo ordine adiudicatorum vel condemnatorum Ebo fuerit, quem manifestum est fuisse depositum. Qui postquam in Ecclesia sancti Stephani apud Mediomatricum ciuitatem ambonem conscendit, & se publicè denotauit coram Episcopis & Imperatore & clero ac populo qui adfuerunt, quoniam eundem Imperatorem Hludouicum falsò criminatū, & iniuste ab imperiali sede depositum publicæ pœnitentiæ subdidit. De quibus & libellum manu sua subscriptum eidem Imperatori porrexit, quem qui quæsierit, in archiuo ipsius Metensis Ecclesiæ inuenire valebit. Vnde etiam accusatus ab ipso Augusto, in generali Synodo habita in palatio Theodonisvilla, inducias petiit, & secundum canonicam institutionem elegit sibi per consensum Synodi Episcopos iudices peccatorum suorum, quos canones electos appellant, de quibus scriptum est in concilio Africano cap. LXIII. vt ab electis iudicibus prouocari non liceat, & dedit libellum Synodæ manu sua firmatum hæc eadem continentem.

» EGO EBO indignus Episcopus, recognoscens fragilitatem meam,
 » & pondera peccatorum meorum, testes confessores meos Aiulfum
 » videlicet Archiepiscopum, & Badaradum Episcopum, nec non &
 » Modoinum Episcopum, constitui mihi iudices delictorum meorum,
 » & puram ipsis confessionem dedi, quærens remedium pœnitenti-
 » di, & salutem animæ meæ, vt recederem ab officio & ministerio
 » Pontificali, quo me recognosco esse indignum, & alienum me red-
 » dens pro reatibus meis, in quibus peccasse secretò ipsis confessus sum,
 » eo scilicet modo, vt ipsi sint testes alio succedendi & consecrandi sub-
 » rogandique in loco meo, qui dignè præesse & prodesse possit Eccle-
 » siæ, cui hætenus indignus præfui. Et vt inde ultra nullam repetitio-
 » nem aut interpellationem auctoritate canonica facere valeam, manu
 » propria mea subscribens firmaui. † EBO quondam Episcopus sub-
 » scripsi. Hac scriptura coram Synodo prolata atque confirmata, con-
 » fessus est ipse viua voce, & dedit testes alios exceptis iudicibus,
 » Nothonem Archiepiscopum, Theodoricum Episcopum, & Achar-
 » dum Episcopum, & sic ab omnibus qui in eodem Concilio fuerunt
 » Episcopis accepit sententiam, dicentibus per ordinem omnibus, Se-
 » cundum tuam confessionem cessa à ministerio. Et sic coram ipso,
 » iubente ac audiente Synodo, dictatum est à Iona Aurelianense Epi-
 » scopo Helix presbytero postea Carnotensi Episcopo, & præscriptæ
 » pagine confessionis eiusdem in ipsa Synodo subscriptum atque sub-
 » iunctum hoc modo, Acta est hæc Ebonis professio, cuiusque propriæ

manus subscriptione roborata, in conuentu Synodali generaliter habito apud Theodonis villam, anno Incarnationis Domini nostri Iesu Christi DCCC. XXXV. anno etiam imperij gloriosi Cæsaris Hludouici XXIII. Indictione XIII. sub die Kalendarum IV. Nonarum Martij. Hi sunt episcopi, qui confessionem manu sua propria firmatam audierunt, in qua continebatur quòd ipse Ebo pro quibusdam criminibus, quæ confessoribus suis Aiulfo Archiepiscopo, Badarado Episcopo, Modoino Episcopo, Achardo Episcopo, Theoderico Episcopo, & Nothoni Archiepiscopo confessus est, nullatenus officium Pontificale agere deberet. Nam & ipsi testes, eodem Ebone poscente & coràm adstante, in conspectu omnium qui adfuerunt, tam Episcoporum quàm & ceterorum sacerdotum, viua voce testificati sunt, quia tale peccatum eis confessus fuerat, pro quo dignus non erat Episcopale ministerium vltra iam agere. Sed & hoc ipsi testes & confessores sui intulerunt, quia si idem peccatum ante ordinationem admisisset, nullo modo Episcopus ordinari debuisset. Pro qua re ad eorum consilium dixit se idem Ebo coram omnibus ad ministerium Episcopale indignum, & ab eo recedere debere, & sub pœnitentiæ modo Dominum sibi propitium facere velle. Nam & Episcopi, secundum confessionem ipsius manu sua propria roboratam, & testimonium confessorum suorum, decreuerunt vt à ministerio recederet Pontificali, & aliis orationum officiis & excubiis Domino seruiendo eum sibi propitium faceret. Hæc sunt nomina eorundem Episcoporum. Drogo Archiepiscopus, Hetti Archiepiscopus, Otgarius Archiepiscopus, Ragnoardus Archiepiscopus, Landrannus Archiepiscopus, Aldricus Archiepiscopus, Notho Archiepiscopus, Aiulfus Archiepiscopus, Ratoldus Episcopus, Ionas Episcopus, Frotarius Episcopus, Erchanradus Episcopus, Raganarius Episcopus, Wlfinus Episcopus, Theodericus Episcopus, Acardus Episcopus, Rothadus Episcopus, Batradus Episcopus, Modoinus Episcopus. Item Theodericus Episcopus, Walocharius Episcopus, Godolricus Episcopus, Godofridus Episcopus, Teutmundus Episcopus, Ermbertus Episcopus, Hubertus Episcopus, Erardus Episcopus, Albericus Episcopus, Freulfus Episcopus, Ioannes Episcopus, Hildemannus Episcopus, Hildi Episcopus, Christianus Episcopus, Sifagutus Episcopus. Item Raganarius Episcopus, Crispio Episcopus, Teutgaudus Episcopus, Bonus Episcopus, Fauo Episcopus, Ado Episcopus, Teutbertus Episcopus, Wiladus Episcopus, Morbertus Episcopus. Et hæc scriptura, iudicante Synodo post hæc omnia patrata, data est à Drogone, qui Synodo præsidebat vnà cum Hetti Episcopo Treuerensi, Fulconi qui successor in sede Remensi Ebonis fuerat designatus.

Hoc autem ita verum esse vt dicimus, etiam qui Annalem domini Hludouici Imperatoris historiam de anno DCCC. XXXV. Domi-

nica incarnationis reuoluerit, manifesta lectione comperiet. Ceterum, vt præmisimus, de huiusmodi vnus subscriptione pro omnibus, sicut hîc Ionas Episcopus rogatu omnium coram omnibus & pro omnibus manu notarij Synodalis egit, qui legerit in Concilio Africano cap. LII. & cap. LX. sufficienter reperiet. Quia autem huiusmodi libellari confessione, quam sequi debet propriæ manus subscriptio, Episcopus corporis siue animæ infirmitate grauatus, vt non debeat vel non possit ad ministerium sacrum consurgere, à sede Episcopali & sacerdotio debeat remoueri, & in loco eius alius subrogari & ordinari, in Decretalibus epistolis Apostolicæ sedis Pontificum frequentissimè inuenitur, & beatus Gregorius in suis multis designat epistolis, sicut ad Ioannem primæ Iustinianæ Archiepiscopum de Paulo, & ad Marianum Episcopum Rauennatum, & ad clerum ac plebem Ariminensium, nec non & ad Anatolium diaconum, & ad Ætherium Episcopum, atque ad Brunechildem reginam de infirmo Episcopo, & Zosimus de Proculo. In epistolis quoque Ioannis Papæ de Contumelioso Episcopo. Sed & in Gallicanis canonibus de Potamio Braccarense Archiepiscopo, & Synodo Valentina euidenter agnoscitur. Et de huiusmodi confessione Leo in decretali epistola ad vniuersos Episcopos per Campaniam, Samnium, & Picenum euidenter demonstrat, sicut qui voluerit legere præualebit. Et post hæc omnia isdem Ebo quondam Episcopus libellum pœnitentiæ edidit, in quo crimina quæ confessus antea suis iudicibus ac testibus fuerat scripto exposuit, pro quibus se pœnitentiam septennem egisse conscripsit, & hunc satisfactionis libellum in Ecclesia Remensi publicè recitauit, quem hætenus diligentia Remensis scrinij inter alia gesta custodit. Et hoc modo depositus Apostolicam sedem & Papam Sergium adiit. Apud quem, sicut in gestis Pontificalibus lector quisque præualet inuenire, ista obtinuit.

» Ita enim ibi ad locum scriptum est. His igitur peractis, prædictum
 » postulauerunt Pontificem, vt omnes primates Romani fidelitatem
 » ipsi Hludouico regi per sacramentum promitterent. quod prudentissimus
 » Præsul fieri nequaquam concessit, & sic orsus est illis, Quia
 » si vultis domno Hlothario magno Imperatori hoc sacramentum
 » vt faciant solummodò, consentio atque permitto. Nam Hludouico
 » eius filio vt hoc peragatur, nec ego, nec nobilitas Romanorum
 » consentit. Tunc demum in eadem Ecclesia sedentes pariter tam
 » beatissimus Pontifex, quàm magnus rex, & omnes Archiepiscopi
 » atque Episcopi, stantibus reliquis sacerdotibus, & Romanorum ac
 » Francorum optimatibus, fidelitatem Hlothario magno Imperatori
 » semper Augusto promiserunt. Post hæc verò, Ebo quidam & Bartholomæus
 » Archiepiscopi, qui pro criminibus suis priuati honore
 » ab Ecclesia fuerant expulsi, sanctissimo Pontifici postulabant, vt eos
 » reconciliare ac pallium eis tribuere dignaretur. Quos etiam idem

Epist. I.

Præful, nec communionem inter clericos dignos esse suscipere dicebat, sed inter communem populum communicandi licentiam tantummodò haberent.

Transacto autem decennij tempore post depositionem ipsius Ebonis, conuenerunt Episcopi Remorum diœceseos ad Synodum Beluacensem ciuitatis, & obtinuerunt consensu domni Karoli regis gloriosi quendam ex diœcesi Sennensi, & parœcia Parisiaca, apud Archiepiscopum & ciuitatis ipsius Episcopum, ceterosque Prouinciæ eiusdem Coepiscopos, Hincmarum venerabilis Monasterij sanctorum Martyrum Dionysij sociorumque eius monachum, quem cum decreto canonico cleri & plebis Remorum Ecclesiæ eisdem Metropoli ordinauerunt Episcopum, sicut diœceseos Remorum Episcopi in præfata Synodo euidentissimis & regularibus studuerunt ostendere documentis, quia ut in epistola ad clerum & plebem consistentem Neapoli sanctus dicit Gregorius, canonicis est regulis constitutum, ut defuncto vel sublato pastore diu sacerdote ciuitas priuari non debeat. Ceteri autem ipsius Remorum diœceseos Episcopi, si de canonico habitu nutu diuino ad episcopalem ordinem sumus adsumpti, de notis Ecclesiis, secundum sacris regulis modum præfixum, sine interuentione indebiti muneris ordinati existimus. & si de monachica institutione sumus expetiti, secundum doctrinam beatorum Siricij atque Gelasij, iuxtaque regulas sancto Spiritu promulgatas, ad ordinem episcopatus cum præsentia & ordinatione Archiepiscopi gratia diuina peruenimus. sicuti vnà cum eodem Archiepiscopo nostro, cui secundum quartum capitulum Nicæni Concilij firmitas eorum quæ geruntur per vnamquamque Prouinciā ut Metropolitano est tributa Episcopo, scriptis canonicis demonstrare valemus. Sed & Princeps noster, Ecclesiasticis regulis humiliter subditus, iustis & rationabilibus sacerdotum petitionibus deuotissimè annuit, & ut regulares ac regulariter ordinentur Episcopi, & ministerium suum Deo placitè peragant, fauendo, monendo, & adiuvando agit & ipse satis.

Quia verò scriptum est, *ne respondeas stulto iuxta stultitiam suam, ne similis ei efficiaris*, & mox subscriptum est, *Responde stulto iuxta stultitiam suam, ne sibi sapiens esse videatur*, quod vtrumque obseruare valebit, qui tempus, locum, personam, causamque secundum rationem discreuerit, quicumque talia, sicut catholicorum doctrina redarguentes supra ostendimus, contra rectam fidem scripsit, contra episcopalem auctoritatem tanta præsumpsit, de principali dignitate indigna significauit, ponat se ante se, & ab ipsis rudimentis infantia vias gressuum suorum cogitet, & quo itinere ad hæc quæ tenet peruenerit sollerter inspiciat, sibi que ad tempus consulat dum potest, ne commodè non possit cum incommodè fortassis volens nolensque fateri. Nos autem memores scripturæ dicentis,

Prou. 29. 11 Totum spiritum suum profert stultus, sapiens autem differt & reseruat in posterum, quenquam ex nomine & manifesta reprehensione designare non volumus. scientes Dominum significationibus potius, quam apertis inuectionibus, proditorem corripuisse, ut conscius ageret poenitentiam. Ideoque ut dicit Apostolus, ne forte & huic de quo significamus det Dominus poenitentiam ut resipiscat, & postea mordeat nos conscientia, secundum Salomonis edictum quo praecipit, *2. Tim. 2. 14* Quae viderunt, inquit, oculi tui ne proferas in iurgio cito, ne postea emendare non possis, cum dehonestaueris amicum tuum, nominatim denotare illum non volumus, quem secundum dominicam iussionem secreto & cum adhibitis corripemus, si non tantisper & tantis quae depingitur foret causa notissima. De qua siquidem poteramus diuinas leges sic subdendo excepta fidei causa connectere. Sed superfluum est leges colligere, cum adhuc nemo personam studet signatius demonstrare. Hac de septimo isto Capitulo coacti nolentisque respondimus, non iactando nos quasi vana gloria capti, nec velut stomachantes ut bilis amaritudinem, ita rancorem animi contra quemlibet digerentes. Nec enim est cui debeamus irasci, quia sufficit nobis in hoc negotio, non solum syncerae conscientiae testimonium, verum & notitia certa plurimorum fidelium. Potius est enim praesumptiosa loquenti compatiendum, quam de impactione huiusmodi innoxius irascendum. Sed zelo ac necessitate veritatis & fidei ad ista respondimus, ne forte cum quisque hoc Capitulum legerit, ut de nobis dictum, ita illud in nobis putet esse completum, & sicut inordinate ordinatorum ita nos credat in sinceritate fidei dubiosa & haeretica prauitate pollutos. Quapropter reprehensibilis reprehensor noster, cum fortassis se a nobis legerit reprehensum, non reprehensione sua contra nos irascatur, & veritatem fidei pro nostro nomine aspernetur, memorans Apostolorum Principem, quia sic necessitas pro veritate Euangelij exigebat, a beato Paulo etiam coram omnibus reprehensum, & a benigno Petro reprehensoris sui epistolas in quibus reprehensum se legerat conlaudatas, probansque seipsum si voluerit concors, qui nunc dicitur discors noster, sic in seipso gloriabitur, & non in altero, cum causa sua se metiens.

CAPVT XXXVII.

Et quoniam nuper remota hæresis olim ut ostendimus in veteribus hæreticis est reuicta, quid de huiusmodi prauè sentientibus Ecclesiastica decernat auctoritas, per duodecim Capitula præmissis subnectere procurauimus.

DE hoc autem vnde certi sumus, & quæ sine periculo licet multis sint cognita tegere silentio non valemus, quæque pro ministerio nobis imposito his quæ præmissimus subiungere ex auctoritate Ecclesiastica cōmonemur, opportunè importunè volentibus & nolentibus ingerere procuramus. Scilicet quia de his quatuor Capitulis, sicut iam suprà ostendimus, circa temporalis vitæ terminum B. Augustini mota est hæresis, quæ reuicta atque repulsa siue compressa est auctoritate sancti Papæ Cælestini, instantia beati Prosperi, ex dictis eiusdem beati Augustini, & cæterorum catholicorum magistrorum doctrina, quid à sede Apostolica virisque Apostolicis decretum sit de hæresi semel reuicta ac conculcata, de his etiam qui eam resuscitare vel in ea permanere delegerint, præmissis capitulatim subnectere necessarium dignūque censuimus.

I. Quòd damnata semel hæresi contra eam non sit postea disputandum, Gelasius in Tomo reddendæ rationis Acacium à sede Apostolica competenter fuisse damnatum. Dilectissimis fratribus vniuersis Episcopis per Dardaniam constitutis Gelasius. & ad locum, Stultitiam, inquit, respuentes inanum querelarum, percurrere vos oportet ab ipsis beatis Apostolis, & considerare prudenter, quoniam patres nostri, catholici videlicet doctique Pontifices, in vnaquaque hæresi quolibet tempore suscitata, quicquid pro fide, pro veritate, pro communione catholica atque Apostolica, secundum scripturarum tramitem prædicationemque maiorum facta semel congregatione sanxerunt, inconuulsum voluerunt deinceps firmūque constare, nec in eadem causa denuo quæ præfixa fuerant retractari qualibet recenti præsumptione permiserunt. Sapientissimè peruidentes, quoniam si decreta salubriter cuiquam liceret iterare, nullum contra singulos quosque prorsus errores stabile persisteret Ecclesiæ constitutum, ac semper iisdem furoribus recidiuis omnis integra diffinitio turbaretur. Nam si limitibus iam præfixis positarum semel synodaliū regularum, non cessant elisæ pestes resumptis certaminibus contra fundamentum sese veritatis attollere, & simplicia quæque corda percutere, quid fieret si subinde fas esset perfidis inire concilium? cū quælibet illa manifesta sit veritas, nunquam desit quod perniciofa promat falsitas, & si ratione vel auctoritate deficiens, sola tamen intentione non cedens. Quæ maior

Gelasij
epist. xi. in
principio.

res nostri diuina inspiratione cernentes necessario præcauerunt, vt contra vnamquamque hæresim quod acta semel Synodus pro fide, pro communione & veritate catholica atque Apostolica promulgasset, non sinerent nouis posthæc retractationibus mutilari, ne prauis occasio præberetur quæ medicinaliter fuerant statuta pulsandi.]

Epist. 84.

Hinc magnus Leo Papa in epistola per Philoxenum agentem in rebus Leoni Augusto directa, Prænoscat igitur, inquiens, pietas tua, venerabilis Imperator, hos quos spondeo dirigendos, non ad confligendum cum hostibus fidei, nec ad certandum contra illos, à sede Apostolica profecturos, quia de rebus & apud Nicæam, & apud Chalcedonem sicut Deo placuit diffinitis, nullum audemus inire tractatum, tanquam dubia vel infirma sint, quæ tanta per sanctum Spiritum fixit auctoritas. Instructioni autem paruulorum nostrorum, qui post lactis alimoniam cibo desiderant solidiore satiari, ministerij nostri præsidium non negamus, & sicut simpliciores non spernimus, ita à rebellibus hæreticis abstinemus, memores præcepti Do-

Matt. 7.

minici dicentis, *Nolite sanctum dare canibus, neque miseritis margaritas vestras ante porcos.* Nimis quippe indignum, nimisque iniustum est, eos ad libertatem disceptationis admitti, quos significat Spiritus sanctus per prophetam dicens, *Filij alienimentiti sunt mihi.* Qui etiam si Euangelio non resisterent, de illis tamen se esse monstrarent, de quibus scriptum est, *Deum se profitentur scire, factis autem negant.*] Item

Tit. 1.
Epist. 45.

idem in epistola ad Marcianum Augustum, Per ipsum Dominum nostrum Iesum Christum, qui regni vestri est auctor & rector, obtestor & obsecro clementiam vestram, vt in præsentī Synodo fidem, quam beati Patres nostri ab Apostolis sibi traditam prædicarunt, non patiamini quasi dubiam retractari, & quæ olim maiorum sunt auctoritate damnata, rediuiuis nunc non permittatis conatibus excitari.]

Epist. 84.

Item in epistola ad Leonem Augustum, Hæc autem Dei munera ita demum nobis diuinitus conferentur, si de his quæ sunt præstita non inueniamur ingrati, & tanquam nulla sint quæ adepti sumus, contraria potius expetamus. Nam quæ patefacta sunt quærere, quæ perfecta sunt retractare, & quæ sunt diffinita conuellere, quid aliud est quam de adeptis gratiam non referre, & ad interdictæ arboris cibum improbos appetitus mortiferæ cupiditatis extendere?] Item in epistola ad Synodum Chalcedonensem, Vnde fratres carissimi, reiecta penitus audacia disputandi contra fidem diuinitus inspiratam, vana errantium infidelitas conquiescat, nec liceat defendi, quod non licet credi.] Vnde & pluraliter decreta inueniuntur.

Ep. XLIX.

II. Quod semel auctore hæreseos condemnato, omnes in eandem hæresim recidentes habeantur damnati. Item Gelasius in Tomo reddendæ rationis Acacium à sede Apostolica competenter fuisse damnatum, Sed auctore cuiuslibet insanix ac pariter errore damnato, sufficere iudicarunt, vt quisque aliquando huius erroris

In epist. xi.
ad Dardanos,
in principio.

communicator existeret, principali sententia damnationis eius esset obstrictus, quoniam manifestè quilibet vel professione sua vel communione posset agnosci. Et ut breuitatis causa priora taceamus, quæ diligens inquisitor facile poterit vestigare, Sabellium damnauit Synodus, nec fuit necesse, ut eius sectatores postea damnarentur, singulas viritim synodos celebrari: sed pro tenore constitutionis antiquæ cunctos, qui vel prauitatis illius vel communionis existeret participes, vniuersalis Ecclesia duxit esse refutandos. Sic propter blasphemias Arrij forma fidei communionisque catholicæ, Nicæno prolata conuentu, Arrianos omnes, vel quisquis in hanc pestem siue consensu siue communione deciderit, sine contradictione conclusit. Sic Eunomium, Macedonium, Nestorium Synodus semel gesta condemnans, vterius ad noua Concilia venire non fuit: sed vniuersos quocumque modo in has blasphemias recidentes tradito sibi limite synodali refutauit Ecclesia. nec vnquam rectè sensisse manifestum est, qualibet necessitate cogente, nouis ausibus quæ fuerant salubriter constituta temerasse.] Non autem nos latet, in tempestate persecutionis Arrianæ plurimos Pontifices, de exiliis pace reddita respirantes, per certas Prouincias congregatis secum fratribus Ecclesias composuisse turbatas: non tamen ut illius Synodi Nicænæ quicquid de fide & communione catholica diffiniuerat immutarent, nec noua quemquam pro lapsu damnatione percellerent: sed illius tenore decreti nisi resipuisset iudicare damnatum. essetque consequens, ut nisi corrigeret damnationi proculdubio subiaceret.] Et in eodem post aliquanta, Quoniam idem ipse error, qui semel est cum suo auctore damnatus, in particeps quolibet prauæ communionis effecto execrationem suam gestat & pœnam.] Et item in epistola ad Euphemium Constantinopolitanum Episcopum, Ad-
Epist. 12.
huc quæritis, inquit, quando fuerit damnatus Acacius, quasi reuera etiam si cum nullus antè damnasset, non habuerit ab orthodoxæ & Apostolicæ communionis, cuius præuaricator extitit & desertor, participatione secludi, sicut etiam quilibet, qui fuerit antè catholicus, cuicumque hæresi communicans, meritò iudicatur à nostra societate remouendus, aut in tali sorte defunctus, inter catholicorum nomina nullatenus computari.] Item idem in Commonitorio eius-
Ante epist. 12.
dem dato Fausto Magistro, & Irenæo fungentibus Legationis officio Constantinopolim, ad locum. Euphemium verò, inquit, miror si ignorantiam suam ipse non perspicit, qui dicit Acacium ab vno non potuisse damnari. Itane non perspicit, secundum formam Synodi Chalcedonensis Acacium fuisse damnatum? Nec nouit eam, aut se nosse dissimulat, in qua utique per numerosam sententiam sacerdotum erroris huius auctores constat fuisse damnatos, sicut in vnaquaque hæresi à principio Christianæ religionis, & factum fuisse, & fieri manifesta rerum ratione monstratur.] Et Leo in epistola ad

Epist. 81. in
principio.

Leonem Augustum, Nam cum sancto & spiritali studio vniuersam pacem Ecclesiæ muniatis, nihilque sit conuenientius fidei defendendæ, quàm his quæ per omnia instruente Spiritu sancto inreprehensibiliter definita sunt inhærere, ipsi videbimur bene statuta conuellere, & auctoritates quas Ecclesia vniuersalis amplexa est ad arbitrium hæreticæ petitionis infringere, atque ita nullum confidendis Ecclesiis modum ponere, sed data licentia debellandi dilatare magis quàm sopire certamina.

Epist. 17.
sub finem.

III. De complicibus communicatoris hæreseos item idem, in Tomo reddendæ rationis Acacium à sede Apostolica competenter fuisse damnatum, ad vniuersos Episcopos per Dardaniam constitutos. Quia eorum, scilicet hæreticorum, successoribus communicare delegerant, ideo cum sede Apostolica minimè congruebant. quia in sortem reciderant præuaricatoris Acacij, & illius se sine dubio peruidebant sententia consequenter adstringi, ob hoc eum videri nolebant esse damnatum, quia se cognoscebant in eadem præuaricatione damnatos, in qua hodièque manentes consistunt. Sed sicut hi simili conditione constricti complicem suum non possunt iudicare non iure damnatum, neque rei reum possunt competenter absolvere: sic illo iustè præuaricatore damnato, isti quoque pari iacent damnatione prostrati, neque nisi resipiscentes inde poterunt prorsus absolui, quia sicut per vnum scribentem eorum omnium vulgata transgressio est qui in eandem perfidiæ reciderant actionem, sic in vno eodémque, qui pro omnibus scripserat, vel scribendo omnium prodiderat voluntates, transgressio est punita cunctorum.] Et item

Epist. x.
post mediū

idem, in epistola ad Anastasium Imperatorem. Proinde, inquit, sicut non potest peruersitatis communicatore suscepto, non pariter peruersitas approbari, sic non potest refutari peruersitas, complice sectatore peruersitatis admissio. Legibus certè vestris criminum confcios sectatoresque latrocinantium par iudiciorum pœna constringit: nec expers facinoris æstimatur, qui licet ipse non fecerit, facientes tamen in familiaritatem foedusque receperit. Proinde sanctum Chalcedonense Concilium, quod pro fidei catholicæ atque Apostolicæ veritatis communione celebratum, damnauit Eutychetem detestandi furoris auctorem, non satis habuit nisi vt pariter eius quoque consortem Dioscorum ceterosque percelleret. Hoc igitur modo, sicut in vnaquaque hæresi vel factum semper, vel fieri non habetur ambiguum, successores eorum, Timotheum, Petrum, atque alterum Antiochenum Petrum, non viritim propter singulos quosque rursus facto Concilio, sed synodi semel acta regula consequenter elisit. Quemadmodum ergo non euidenter apparet, etiam cunctos simili tenore cōstringi, qui eorum communicatores & complices extiterunt, atque omnes omnino à catholica atque Apostolica meritò communione discerni.]

Post epist.
viii. non
longè à
principio.

Item idem in Tomo de anathematis vinculo à Papa Felice innexo A-

Acacio. Sicut enim, inquit, in quantum est ipse error, nunquam error esse desistit, sic à sententia nunquam præfixa resoluetur, quia error qui agnoscitur esse damnatus, eadem quamdiu manet error probatur adstrictus. Itaque qui in eo errore sunt, sententia erroris obstricti sunt, & quamdiu in eo manent nullatenus absoluti sunt, sicut nec ipse in quo sunt error absoluitur. Error enim ipse nunquam veniam promeretur, sed qui eo veraciter caruerit, atque ab eius participatione discedit. Quamdiu ergo in eis est error, damnationem suam tenet, nunquamque resoluitur, quia error semper pœnam meretur. Participes verò eius, aut semper sunt & eius pœnæ participes, si in eodem perstare non desinant, aut si ab eodem recesserint, quàm alieni facti sunt ab errore, & ab eius participatione discreti, tam & à pœna eius erunt consequenter alieni. Cum erranti pœna præfigitur, quamdiu manet errans, eadem pœna constringitur, quia errans esse non potest sine pœna errati. Hæc eadem pœna perpetua est, nunquamque soluenda quamdiu errans esse perstiterit. Qui si errans esse desierit, pœna quæ erranti est præfixa perpetua, non erranti, id est alteri effecto quàm cui præfixa est, non solum non potest esse perpetua, sed nec esse iam pœna. Non est enim ipse cui præfixa est.] Item Leo Ep. xviii. in epistola ad Pulcheriam Augustam de Eutyche, Qui cum, inquit, videret insipientiæ suæ sensum catholicis auribus displicere, reuocare se à sua opinione debuerat, nec ita Ecclesiæ Præsules commouere, vt damnationis sententiam mereretur excipere. quam utique si in suo sensu voluerit permanere nullus poterit relaxare.] & item in eadem, Sedis enim Apostolicæ moderatio hanc temperantiam seruat, vt seuerius agat cum obduratis, & veniam cupiat præstare correctis.]

IV. Quòd, si Episcopi hæresi olim damnatæ consenserint, vel hæresis communicatori communicauerint, cum eis à catholicis Synodus celebrari non debeat, idem Gelasius in præfato Tomo ad vniuersos Episcopos per Dardaniam constitutos, Ponamus tamen, inquit, etiam si nulla Synodus præcessisset, cuius Apostolica sedes rectè fieret executrix, cum quibus erat de Acacio Synodus ineunda? Numquid cum his qui iam participes tenebantur Acacio, & per Orientem totum catholicis sacerdotibus violenter exclusis, & per exilia diuersa relegatis, socij euidenter existebant, communionis externæ, prius se ad hæc consortia transferentes, quàm sedis Apostolicæ scita confulerent? Cum quibus ergo erat Synodus ineunda? Catholici Pontifices erant vndique iam depulsi, solique remanserant socij perfidorum, cum quibus iam nec licebat habere conuentum, dicente Psalmo, *Non sedi in concilio vanitatis, & cum iniqua gentibus non introibo.* Nec Ecclesiastici moris est, cum his qui pollutam habent communionem permixtamque cum perfidis miscere Concilium. Rectè igitur per Chalcedonensis Synodi formam, hu-

Epist. xi.
post. mediū

Psalm. i.

iussimodi præuaricatio repulsa est, priusquam ad Concilium quod nec opus erat post primam Synodum, nec cum talibus haberi licebat.

Ante epist.
ix.

Epist. vi.
Episcopis
Italiae.

Cap. i.

V. Et quia hæc hæresis ab Apostolica sede, beati Papæ Cælestini auctoritate, instantia sancti Prosperi, sacrarum scripturarum & orthodoxorum magistrorum documento olim deuicta, & moderno tempore, leuissimorum & penè nullius momenti vel scientiæ non dicam auctoritatis virorum est remota, quid de remouentibus & quasi frigidos cineres in suos oculos resufflantibus agi conueniat, idem sanctus Gelasius in præfato Commonitorio legatis Apostolicæ sedis Constantinopolim destinatis tradito ita dicit, Secundum formam, inquit, Synodi Chalcedonensis Acacium constat fuisse damnatum, sicut in vnaquaque hæresi, à principio Christianæ Religionis, & factum fuisse, & fieri manifesta ratione monstratur, decessoremque meum executorem fuisse veteris constituti, non nouæ constitutionis auctorem. Quod non solum Præfuli Apostolico facere licet, sed & cuicumque Pontifici, quo scilicet quemlibet secundum regulam hæreseos ipsius antè damnatæ à catholica communione discernat. Acacius quippe non fuit noui vel proprii inuentor erroris, vt in eum noua scita prodirent, sed alieno facinori sua communione se miscuit. Itaque necesse est vt in illam recideret iusta lance sententiam, quam cum suis successoribus per conuenientiam synodalem susceperat auctor erroris.] Hinc & sanctus Leo vniuersis Episcopis per diuersas Prouincias constitutis inculcat, dicens ad locum, Aliter enim, inquit, nobis commissos regere non possumus, nisi hos qui sunt perditores & perditum zelo fidei Dominicæ persequamur, & à sanis mentibus, ne pestis hæc latius diuulgetur, seueritate qua possumus abscidamus. Vnde hortor dilectionem vestram, obtestor & moneo, vt qua debetis & potestis sollicitudine vigiletis ad inuestigandos eos, necubi occultandi se reperiunt facultatem. Vt enim habebit à Deo ingens remunerationis præmium, qui diligentius quod ad salutem commissæ sibi plebis proficiat fuerit executus, ita ante tribunal Domini de reatu negligentia se non poterit excusare, quicumque plebem suam contra sacrilegæ persuasionis auctores noluerit custodire.] Hinc sanctus Ambrosius in tractatu epistolæ ad Galatas, Tam, inquit, firmum & verum Evangelium quod eis prædicauerat asserit, vt etiam se ipsos, id est Apostolos, si immutati fortè aliter prædicarent, non audiri doceret. quorum utique fama, quod essent Apostoli Christi, peragrauerat omnem locum. Aut si fortè diabolus, Angelum Dei se fingens vt facile possit audiri, de cælis appareret contra hæc prædicans, sciretur esse contrarium, & abominatio haberetur. Si ergo Apostolos Christi, quorum tam præclara opinio in signis & prodigiis erat faciendis, & Angelum de cælo, quem possit spiritalis ratio commen-

dare, aliter docentes quàm ab Apostolo Paulo docti erant anathe-
matizari præcepit, quanto magis quos nullum testimonium ad se-
ducendum potest commendare?] Item in epistola Cælestini ad Ne-
storium, Si quasi nota contemnis, intellige te inexcusabilem fore, Cælestini
epist. v.
cùm à te commissi tibi talenti quæsierit ille rationem, qui per nos
de hoc sancto fœnore suum lucrum semper expectat. Aspice quæ pœ-
na illum maneat qui abscondit acceptum, qui integrum certè re-
stituit quod accepit. Vnde euidenter aduerte, quod sit & quale pe-
riculum nec hoc quod acceperis reddidisse. An tu Domino dictu-
rus es, Quos dedisti mihi custodiui? Cùm sic scindi in partes au-
diamus eius Ecclesiam, qua conscientia viuis penè ab omnibus in hac
ciuitate desertus? optaueram eos tunc fuisse tam cautos, quàm nunc
sunt cùm sibi desiderant subueniri.] & item, Itaque quamuis etiam Post pauca.
frater Cyrillus secundis te epistolis suis asserat esse conuentum, in-
telligas volo, post primam & secundam illius & hanc correptionem
nostram, quam constat esse iam tertiam, ab vniuersitate collegij &
conuentu Christianorum te prorsus esse seiunctum, nisi mox quæ
malè dicta sunt corrigantur, nisi in eam viam redeas quam se Chri-
stus esse testatur. Malè in hunc arma desperatione mouisti, qui te
super familiam suam velut fidelem prudentemque seruum permi-
serat antè constitui. Perit tibi huius vice officij beatitudo promissa,
qui non solùm non das cibum in tempore, verùm etiam veneno
inficis quos ille suo sanguine & sua morte quæsiuit.] Et item in
epistola ad Constantinopolitanos, Audiat Ezechielem, & quid si- Epist. iv.
Cælestini.
Ezech. 13.9
bi immineat recognoscat. *Extendam, inquit, manum meam super pro-
phetas, qui vident mendacia, & loquuntur vana. non in populi mei erunt
disciplina, neque in scriptura domus Israel scribentur, & in terram Israel
non intrabunt, quia populum meum seduxerunt.*] & item, Semper enim Post alia.
abscidendi sunt huiusmodi, qui conturbantes animum populi Chri-
stiani, & pro arbitrio suo Euangelia euertentes, Deo fructificare
non possunt. & colenda est vinea quæ ius possessoris agnoscat.] &
item, Hi omnes in nostra communione & fuerunt & hucusque Sub finem?
perdurant. quia neminem vel deicere vel remouere poterat, qui præ-
dicans talia titubabat.] & item, Est talis frequenter pietas, ex qua
nascitur impietas, cùm vincente carnis affectu caritati illi quæ Deus
est caritas præponatur corporalis.]

Hinc & sanctus Ambrosius in Psalmo cxviii. dicit, Est ergo iusta Os. viii.
misericordia, sed est etiam iniusta misericordia. Denique in lege scri-
ptum est de quodam, *Non misereberis illius.* & in libris Regnorum legi-
tur, quia Saul propterea contraxit offensam, quia miseratus est A- Deut. 19.
gag hostium regem, quem prohibuerat sententia diuina seruari. Vt 1. Reg. 15.
si quis latronis filiis deprecantibus motus, & lacrymis coniugis eius
inflexus, absoluendum putet, cui adhuc latrocinandi adspiret affe-
ctus, nonne innocentes tradet exitio, qui liberat multorum exitia

cogitantem? Certè si gladium reprimat, vincla dissoluit, laxat exilium, cur latrocinandi qua potest clementiore via non eripit facultatem, qui voluntatem extorquere non potuit? Deinde inter duos, hoc est accusatorem & reum, pari periculo de capite decernentes, alterum si non probasset, alterum si esset ab accusatore conuictus, non id quod iustitiæ est iudex sequatur, sed dum miseretur rei, damnet probantem, aut dum accusatori fauet qui probare non possit, addicat innoxium. Non potest igitur hæc dici iusta misericordia. In ipsa Ecclesia, vbi maximè misereri decet, teneri quàm maximè debet forma iustitiæ, ne quis à consortio communionis abstinens, breui lacrymula atque ad tempus parata, vel etiam vberioribus fletibus communionem, quam plurimis debet postulare temporibus, facilitati sacerdotis extorqueat. Nonne cùm vni indulget indigno, plurimos facit ad prolapsionis contagium prouocari? Facilitas enim veniæ incentiuum tribuit delinquendi. Hoc eo dictum est, vt sciamus, secundùm verbum Dei, secundùm rationem, dispensandam esse misericordiam debitoribus. Medicus ipse, si serpentis interiùs inueniat vulneris cicatricem, cùm debeat refecare vlceris vitium ne latius serpat, tamen à secandi vrendique proposito lacrymis inflexus ægroti, medicamentis tegat quod ferro aperiendum fuit, nonne ista inutilis misericordia est, si propter breuem incisionis vel exustionis dolorem corpus omne tabescat, vitæ vsus intereat? Rectè igitur & sacerdos vulnus graue, ne latius serpat, à toto corpore Ecclesiæ quasi bonus medicus debet abscidere, & prodere virus criminis quod latet, non fouere, ne dum vnum excludendum non putat, plures faciat dignos quos excludat ab Ecclesia. Iure ergo Apostolus diuino nos hortatur exemplo dicens, *Vide ergo bonitatem & seueritatem Dei.* in eos quidem qui ceciderunt seueritatem, in te autem bonitatem si permanferis in bonitate. Ostendens Iudæorum populum iure esse à corpore Ecclesiæ separatum, ne perfidiæ virus contaminaret Ecclesiam: populum autem gentium bonitate Domini receptum, & obedientiæ munere gloriari. Iure igitur huic diuina bonitas suffragatur, qui in diuina bonitate permaneat: si verò & ipse desciscat, pro criminis sui qualitate damnabitur. Qua gratia Deus & lux & ignis esse describitur, vt in tenebris ambulanti luceat quasi lumen, ne diutius possit errare qui quæsit luminis claritatem. Ei autem qui multa fuerit operatus, quæ manere non debeant sed ardere, ignis est Dominus, vt operis nostri fœnum stipulamque consumat, atque vtili nos faciat saluos detrimento.]

Rom. ix.

Quia etiam sacris canonibus cautum esse dinoscitur, docente Toletano Concilio, vt in rebus necessariis legum & canonum exquirantur sententiæ, ponendum est quid in xvi. libro Theodosiano sub Titulo De fide catholica Imperatores Gratianus, Valentinianus & Theodosius Augusti edicto ad populum vrbs Constantinopoleos decre-

decreuerunt dicentes ad locum. Hanc legem sequentes Christianorum catholicorum nomen iubemus amplecti, reliquos verò dementes vesanosque iudicantes, hæretici dogmatis infamiam sustinere, nec conciliabula eorum Ecclesiarum nomen accipere, diuina primum vindicta, post etiam motus nostri, quem ex cælesti arbitrio sumptimus, ultione plectendos.] Item in eodem libro, sub titulo De his qui super religione contendunt, Imperatores Valentinianus, Theodosius, & Arcadius Augusti Tatiano Præfecto prætorij. Nulli egressus ad publicum disceptandi de religione, vel tractandi, vel consilij aliquid deferendi pateat occasio. Et si quis posthac ausu graui atque damnabili contra huiusmodi legem veniendum esse crediderit, vel insistere motu pestiferæ perseuerationis audebit, competenti pœna & digno supplicio coërceatur.] Item in eodem libro sub Titulo de hæreticis, Imperatores Gratianus, Valentinianus, & Theodosius Augusti Eutropio Præfecto prætorij. Nullus hæreticis mysteriorum locus, nulla ad exercendam animi obstinationis demerentiam pateat occasio. Sciant omnes, etiam si quid speciali quolibet rescripto per fraudem elicitum ab huiusmodi hominum genere impetratum est, non valere. Arceantur cunctorum hæreticorum ab illicitis congregationibus turbæ.] Item in libro & titulo quo supra, Circa hos autem maximè exercenda commotio est, qui prauis suasionibus à venerabilis Papæ sese communione suspendunt, quorum schismate plebs etiam reliqua vitatur. His conuentione præmissa viginti dierum condonamus inducias, intra quos nisi ad communionis redierint vnitatem, expulsi vsque ad centesimum lapidem solitudine quam eligunt macerentur.] Et item in rescripto Chalcedonensis Synodi dato Palladio Præfecto prætorij, Si qui, inquit, huius de cetero sacrilegij sectatores quibuscumque locis potuerint reperiri, aut de prauitate damnata aliquem rursus proferre sermonem, à quocumque correpti ad competentem iudicem pertrahantur. quos siue clericus fuerit, siue laicus, deferendi habeat potestatem, & sine præscriptione aliqua perurgendi. Hos ergo repertos à quibuscumque iubemus corripere, deductosque ad audientiam publicam promiscuè ab omnibus accusari. ita vt probationem conuicti criminis stylus publicus insequatur, ipsis inexorati exilij deportatione damnatis.] Et item in libro decimo sexto Theodosianæ legis capite quarto, Priuilegia quæ contemplatione religionis indulta sunt, catholicæ tantum legis obseruatoribus prodesse oportet. Hæreticos autem atque schismaticos, non solum ab his priuilegiis alienos esse volumus, sed etiam diuersis muneribus constringi & subici.] Et item de hæreticis omnibus, quorum & errorem execramur & nomen, hoc est de Eunomianis, Arrianis, Macedonianis, ceterisque omnibus quorum sectas piissimæ sanctioni tædet inferere, quibus cunctis diuersa sunt nomina sed vna perfidia, illa præcipimus de-

Cod. Theo.
de fide ca-
tholica l. 1.Tit. iv.
leg. 2.

Tit. v. leg. 6

Tit. eodem
leg. 61.Tit. v.
leg. 1.Tit. v.
leg. 60.

bere seruari, quæ diui auus & pater nostræ clementiæ constituerunt, scituris vniuersis quòd si in eodem furore permanferint, interminatæ poenæ erunt obnoxij.] Item in Imperiali epistola ad Aurelium Carthaginensem Episcopum, Recenti quoque sanctione decreuimus, vt si quis eos in quacumque prouinciarum parte latitare non nesciens, aut propellere aut prodere distulisset, præscriptæ poenæ velut particeps subiaceret. Præcipuè tamen quorundam Episcoporum pertinaciam corrigendam, qui prauas eorum disputationes vel tacito consensu adstruunt, vel publica oppugnatione non destruunt. Religio itaque tua competentibus scriptis vniuersos faciat admoneri, scituros diffinitione sanctimonij tui hanc sibi diffinitionem esse scriptam, vt quicumque damnationi suprâ memoratorum quo pateat mens pura subscribere impia obstinatione neglexerint, episcopatus amissione multati, interdicta in perpetuum expulsi ciuitatibus communione priuentur.] Et sancta Synodus Chalcedonensis, His igitur, inquit, à nobis vndique cum omni deliberatione ac diligentia pariter ordinatis, decreuit sancta atque vniuersalis hæc Synodus, aliam fidem nemini licere proferre siue conscribere, aut euertere, vel sentire, vel aliter tradere. sed eos qui audent vel componere aliam fidem, vel proferre, vel docere, vel tradere aliud symbolum volentibus ad cognoscendam se conuertere veritatem, ex ritu pagano, siue Iudaico, vel qualicumque hæretico, eos si quidem Episcopi siue clerici sunt, alienos esse Episcopos ab episcopatu, & clericos à clero. Quòd si monachi vel laici fuerint, anathematizari.

*Actione v.
sub finem.*

Videant isti, qui non solum symbola vel conlationes in conuentibus verbo tractant, sed etiam librorum compositiones & capitula quasi synodalia conscribunt, & pro veritate simplicibus tenenda contradunt, vtrum ab hac damnatione excepti esse praualeant. Nam symbolum & Apostoli primum scripserunt, & Nicæna Synodus, & Ephesina, & Constantinopolitana, & Chalcedonensis, & ceteræ quæque vniuersales Synodi conscripserunt. sed non aliud, quia non discors à veritate extat symbolum. Vnde quicquid symbolicè conscribitur à veritate alienum, aliud quàm catholica scripserit Ecclesia est symbolum, anathemate cum conscribentibus dignum, & legibus publicis percellendum. Vnde Marcianus Imperator in edito ad Palladium dicit, Oportet, inquit, vt sit numerosa seueritas sanctionum, vbi est licentia crebra culparum. Custodiendæ præterea orthodoxæ fidei cura tanto à serenitate mea adhiberi impensior debet, quanto res humanas diuina præcedunt.] & ad locum, de hæreticis, Non habeant potestatem faciendi testamentum, & condendæ vltimæ voluntatis, neque id capiant quod ipsis ex testamento cuiusquam fuerit derelictum, nihil etiam ex donatione aliqua consequantur. Sed si quid in ipsos vel liberalitate viuientis, vel morientis fuerit voluntate conlatum, id fisco nostro protinus addicatur.

*Post Conc.
Chalced.
c. XIX.*

Ipsi verò in nullos aliquid ex facultatibus suis donationis titulo & iure transfundant. Episcopos quoque, vel presbyteros, aliòsque clericos, illis creare & habere non liceat. & reliqua quæ ibidem sufficienter lector poterit inuenire.] Et quia his Christianis Christianorum Imperatorum legibus catholica faueat mater Ecclesia, & sanctus demonstrat Gelasius in decreto ad Sicilienses Episcopos, ita ad locum dicens, Quia & filiorum nostrorum Principum ita emanauit auctoritas.] Et sanctus Gregorius multoties in Commonitoriis ad Ioannem defensorem euntem in Hispaniam. quæ commonitoria ex integro de Imperialibus contexit legibus, quas Ecclesiasticas iudicauit.] Et magnus Leo Papa in epistola ad vniuersos Episcopos per diuersas Prouincias constitutos, Aliquantum, inquiens, qui ita se demerferunt, vt nullum his auxiliantis possit remedium subuenire, subditi legibus, secundum Christianorum Principum constituta, ne sanctum gregem sua contagione polluerent, per publicos iudices perpetuo sunt exilio relegati.] Et item idem in epistola ad Pulcheriam Augustam, De Eutyche autem totius scandali & prauitatis auctore, hoc clementia vestra præcipiat, vt ab eo loco, quo Constantinopolitanæ vrbi nimis vicinus est, longius transferatur, ne frequentioribus solatiis eorum quos ad impietatem suam traxit vtatur. Monasterio quoque ipsius, cui perniciosè indignèque præsedet, catholicum Abbatem iubete præponi, qui illam seruorum Dei congregationem, & à prauo dogmate liberare, & institutis veritatis possit imbuere.] Item idem in epistola ad Leonem Augustum, Sacerdotalem namque & Apostolicum tuæ pietatis animum etiam hoc malum ad iustitiam ultionis debet accendere, quod Constantinopolitanæ Ecclesiæ puritatem pestilenter obscurat. in qua inueniuntur clerici quidam hæreticorum sensui consonantes, & intra ipsa catholicorum viscera assertionibus suis hæreticorum partem adiuuantes. In quibus deturbandis, si frater meus Anatolius Constantinopolitanus Episcopus cum nimis benignè parcat segnior inuenitur, dignamini pro fide vestra etiam istam Ecclesiæ præstare medicinam, vt tales non solum ab ordine clericatus, sed etiam ab vrbis habitatione pellantur, ne vltius sancti Dei populi peruersorum hominum contagio polluantur.] Et item in epistola ad Aquileiensem Episcopum, Non autem dubitet dilectio tua nos, si quod non arbitramur neglecta fuerint quæ pro custodia canonum & pro fidei integritate decernimus, vehementius commouendos. quia inferiorum ordinum culpæ ad nullos magis referendæ sunt, quàm ad desides negligentèsque rectores, qui multam sapè nutriunt pestilentiam, dum austeriorem dissimulant adhibere medicinam.] Et in epistola ad Turibium Asturicensem Episcopum, Quoniam qui alios ab errore non reuocat, seipsum errare demonstrat.] Et sanctus Innocentius in epistola ad Synodum Mileuitanam, Abscidendi enim sunt

Gelasius
ep. vii.Lib. xi.
epist. 54.

Ep. xlvii.

Ep. lxxvi.

Epist. xiii.

Ep. xciii.
cap. 3.Ep. xxxii.
sub synodo.

qui nos conturbant, & volunt conuertere Euangelium Christi. Simul autem præcipimus, vt quicumque id pertinacia simili defensione nituntur, par hos vindicta constingat. Non solum autem qui faciunt, sed etiam qui consentiunt facientibus. quia non multum interesse arbitror inter committentis animum & consentientis fauorem. Addo & amplius, Plerumque dediscit errare, cui nemo consentit: quia vt Leo in epistola ad Anatolium dicit, Sicut in mala suasionem delinquitur, ita & in mala consensione peccatur.]

Aetione v.
Chalced.

Ioan. 14. 27

Canone IV.
Synodi.

Can. 18.

VI. Ponendum etiam dignum duximus quid de huiusmodi prauis scientibus leges decernant Ecclesiasticæ. Scriptum est enim in constitutione Synodi Chalcedonensis ita, Aëtius Archidiaconus Constantinopolitanus nouæ Romæ recitauit. Sancta & magna vniuersalis Synodus, quæ secundum gratiam & sanctiones piorum Christianorumque Imperatorum Valentiniani & Marciani Augustorum, congregata est apud Chalcedonem metropolim Bithyniæ Prouinciæ in martyrio sanctæ martyris Euphemie, statuit subter adnexa. Dominus & saluator noster Christus notitiam fidei confirmans discipulis suis ait, *Pacem meam do vobis, pacem relinquo vobis*, ne vllus à proximo suo dissonet in doctrina pietatis, sed æqualitate prædicationis veritatem ostendat. *Et circa finem*, His igitur cum omni vndique veritate, diligetia, & sollicitudine à nobis diffinitis, statuit sancta & vniuersalis Synodus, alteram fidem nulli licere proferre, aut conscribere, aut componere, aut docere aliter. Eos autem, qui ausi sunt componere fidem alteram, aut proferre aut docere aut tradere alterum symbolum volentibus vel conuerti, vel ex gentilibus ad cognitionem veritatis venire, vel ex Iudæis vel hæresi quacumque, si quidem Episcopi fuerint aut clerici, alienos esse Episcopos ab Episcopatu, & clericos à clero: si verò monachi aut laici fuerint, anathematizari. Nec se putent alienos ab hac esse sententia, qui symbolo, id est collationi sanctæ catholicæ & Apostolicæ Ecclesiæ, ex sanctarum scripturarum auctoritate, & orthodoxorum magistrorum doctrina, ad credendum & tenendum atque docendum prolata, contradicere non verentur.] Item in præfato Concilio Chalcedonensi capite tertio, scriptum est. Qui verè & syncerè singularem sectantur vitam competenter honorentur. Quoniam verò quidam vtentes habitu monachi Ecclesiastica negotia ciuiliâque conturbant.] & post pauca, Monachos verò per vnamquamque ciuitatem aut regionem subiectos esse Episcopo, & quietem diligere, & intentos esse tantummodò ieiunio & orationi, in locis quibus renuntiauerunt sæculo permanentes. Nec Ecclesiasticis verò nec sæcularibus negotiis communicent, vel in aliquo sint molesti, propria monasteria descuentes, nisi fortè his præcipiatur propter opus necessarium ab Episcopo ciuitatis. Transgredientem verò hanc diffinitionem nostram excommunicatum esse decreuimus.] Item in Concilio Agathensi capite

xxxviii. In monachis quoque præsentis sententiæ forma seruetur. Quos si verborum increpatio non emendauerit, etiam verberibus statuimus coerceri.]

VII. Nunc qualiter resipiscentes suscipiantur, ex Ecclesiasticis regulis ponendum censuimus. Ait enim magnus Leo Papa in epistola ad Anatolium per Patricium Diaconum directæ, Dilectionis tuæ inquirendum iudicio delegavi, ut scilicet Atticus presbyter, quem talia audere cognoueram, nisi perfecta se satisfactione purgasset, & non solum voc hæreticos, sed etiam propriæ manus subscriptione damnasset, à communionis gratia esset alienus.] Et post pauca, Prædictus autem ut ab omni suspitione contraria liber appareat, quid in Eutyche anathematizet ac damnet euidenter ostendat, & in damnatione erroris expressi remota omni dubitatione subscribat, ita ut Chalcedonensis Synodi diffinitionem de fide, cui etiam dilectio tua subscribendo consensit, & quam Apostolicæ sedis firmavit auctoritas, profiteatur se per omnia seruaturum, adiecta subscriptione propriæ manus, quæ in Ecclesia Christiano populo præsentē recitetur, ut pro catholica fide, neque nos negligentes, neque ipse ultra suspectus habeatur. Qui si in eadem prauitate perdurans præcepto salubri parere noluerit, sententiam Synodi Chalcedonensis cuius diffinitionibus resultat excipiat.] Et in epistola ad Pulcheriam Augustam de Eutyche hæresis auctore, Si ipse, inquit, qui in hanc tentationem incidit resipiscit, ita ut quod malè senserat propria voce & subscriptione condemnet, communio illi sui ordinis reformetur. Quod etiam fratri & coepiscopo meo Flauiano me clementia vestra scripsisse cognoscat, & his quos misimus delegasse, ut venia concedatur si error aboletur.] Et in epistola ad Constantinopolitanos, Nec quisquam sibi audeat de sacerdotali ordine blandiri, qui potuerit in execrandi sensus impietate conuinci. Nam si vix in laicis tolerabilis videtur inscitia, quanto magis in eis qui præsumunt nec excusatione est digna, nec venia, maxime cum etiam defendere peruersarum opinionum commenta præsumunt, & in consensum suum aut errore aut gratia insanabiles quosque traducunt? Separentur huiusmodi à sanis membris corporis Christi, neque sibi catholica libertas infidelium iugum patiatur imponi.] Et in epistola ad Theodosium, Ut quia dubitari non potest quæ sit Christianæ confessionis integritas, & totius erroris prauitas damnetur, & si resipiscens qui deuiauerat pro venia supplicet, sacerdotalis ei beneuolentia subueniat.] & in epistola ad Iulianum, Ut si condemnatus presbyter plena satisfactione corrigitur, sententia qua obstrictus est relaxetur. Si verò in eodem insipientiæ suæ luto iacere delegerit, statuta permaneant, & cum eis habeat sortem, quorum est secutus errorem.] Et in epistola ad Flavianum. At si deposita impietatis suæ vanitate resipiscunt, omnique errore damnato fidem veram singularemque suscipiunt, misericordia eisdem episcopalis be-

Epist. 83.

Epist. xv.
in fine.

Epist. xxv.

Epist. xiv.

Epist. xix.

Epist. xxiii.

Epist. 47. ad
Pulcheriā.

Epist. XLII.

Innocent.
Epist. 32.
sub finem.

Lib. x. epist.
61.

Post Conc.
Braccaren-
se II.

Epist. IV.

beniuolentia non negetur, mansuro iudicio quod præcessit, si impietas meritò condemnata in sua prauitate perstiterit.] Et item in Epistola ad Constantinopolitanos, Deuotionis vtrumque est Christianæ, vt & pertinaces veritas iusta coërceat, & conuersos caritas non repellat.] Et in epistola ad Anatolium, Hi qui plenis satisfactionibus malè gesta condemnant, & accusare se magis eligunt quàm tueri, pacis & communionis nostræ vnitatem latentur, ita vt digno prius anathemate quæ contra fidem catholicam sunt recepta damnentur.] & post paululum, Neque enim potest in aliquo benignitas nostra reprehendi, cum satisfaciētes recipimus, quos doluimus esse deceptos. Nec asperè igitur communionis nostræ gratia deneganda est, nec temerè largienda: quia sicut plenum pietatis est oppressis caritatem dominicam redhiberi, ita iustum est omnia perturbationis auctoribus imputari.] & post paululum, Quos conuenit, aut percelli pro perfidia, aut laborare pro venia.]

Hinc & sanctus Innocentius in epistola Synodo Mileuitanæ directæ, Inuentores vocum nouarum, quæ sicut dixit Apostolus ædificationis nihil, sed magis vanissimas consuerunt parare quæstiones, Ecclesiastica communione priuari Apostolici vigoris auctoritate censemus.] & post aliquanta, Iubemus sanè, quoniam Christus Dominus noster propria voce signauit nolle se mortem morientis, tantum vt reuertatur & viuat, si vnquam ad sanum deposito prauis dogmatis errore resipuerint, damnantque ea quorum se ipsi præuaricatione damnarunt, eis medicinam solitam, id est, receptaculum suum ab Ecclesia non negari, ne dum eos redeuntes forsitan prohibemus, verè extra ouile remanentes expectantis hostis rabidi faucibus glutiantur, quos in semetipsis spiculis malæ disputationis armarunt.] Et sanctus Gregorius Quirico & ceteris Episcopis catholicis in Hibernia, Quicumque à peruerso errore Nestorij reuertuntur, coram sancta fraternitatis vestræ congregatione fateantur, eundem Nestorium cum omnibus suis sequacibus, ac reliquas hæreses anathematizantes: venerandas quoque Synodos, quas vniuersalis Ecclesia recipit, recipere & venerari promittant, & absque vlla dubitatione sanctitas eorum vestra, seruatis eis propriis ordinibus, in suo cœtu recipiat.] Et in canonibus à beato Martino collectis, capite trigesimo sexto *De purganda opinione hæresis*, Si quis Episcopus, siue alicuius Episcopi presbyter, aut diaconus, in alicuius hæresis opinione offenderit, & ob hanc causam fuerit excommunicatus, nullus Episcopus eum in communionem recipiat, nisi prius in communi Concilio, porrecto fidei suæ libello, satisfaciat omnibus, & ita liberam teneat suam purgationem. Hoc idem & de fidelibus laicis sit decretum, si in aliquam hæresis opinionem fuerint nominati.] Ostendunt etiam hunc tenorem receptionis formæ libellorum. scilicet vnus quem direxit Papa Damasus ad Paulinum Antiochenum, cui

subscribentes reciperentur Macedoniani, & Eunomiani, & Apollinaristæ. Alterius, quem direxit Leo ad Synodum Chalcedonensem Epist. xlii.
cui subscribentes reciperentur Nestoriani & Eutychiani. Tertij, cui Suprà cap.
tempore Cælestini subscribentes reciperentur Prædestinatiani, cuiusque tenorem, sicut Lucidus presbyter eum porrexit in Synodo Gallicana, Lib. i. cap. 30.
suprà posuimus. Quarti, quem edidit sanctus Gregorius, cui subscribentes reciperentur schismatici.

VIII. Qua conditione resipiscentes, & libellari satisfactione se Ecclesiæ unitati reddentes, recipi debeant, item beatus Leo in epistola ad Ianuarium Episcopum, de hæreticis & schismaticis ita Epist. lxx. ad Episc. Aquileiens.
decernit dicens, Dilectionem, inquit, tuam duximus commonendam, insinuantes ad animæ periculum pertinere, si quisquam de his, qui à nobis in hæreticorum atque schismaticorum sectam delapsus est, & se utcumque hæreticæ communionis contagione macularit, resipiscens in communione catholica sine professione legitimæ satisfactionis habeatur. Saluberrimum enim est, & spiritalis medicinæ utilitate plenissimum, ut siue presbyteri, siue diaconi, siue subdiaconi, vel cuiuslibet ordinis clerici, qui se correctos videri volunt, atque ad catholicam fidem, quam iam pridem amiserant, rursus reuerti ambiunt, prius errorem suum & ipsos erroris auctores damnari à se sine ambiguitate fateantur, & sensibus prauis dudum peremptis, nulla aspirandi superstit occasio, ne vllum membrum talium posset societate violari, cum per omnia illis professio propria cœperit obuiare. Circa quos illam canonum constitutionem præcipimus custodiri, ut in magno habeant beneficio, si adempta sibi omni spe promotionis, in quo inueniuntur ordine perpetua stabilitate permaneant, si tamen iteratæ tinctionis sacrilegio non fuerint maculati. Non leuem enim apud Dominum noxam incurrit, qui de talibus ad sacros ordines promouendum aliquem iudicarit. Quod si cum grandi examinatione conceditur inculpatis, multo magis non debeat licere suspectis. Proinde dilectio tua, cuius deuotione gaudemus, iungat curam suam dispositionibus nostris, & det operam ut circumspèctè ac velociter impleantur quæ ad totius Ecclesiæ incolumitatem & laudabiliter suggesta sunt, & salubriter ordinata. Non autem dubitet dilectio tua nos, si quod non arbitramur neglecta fuerint quæ pro custodia canonum & pro fidei integritate decernimus, vehementius commouendos. quia inferiorum ordinum culpæ ad nullos magis referendæ sunt, quàm ad desides negligentesque rectores, qui multam sæpè nutriunt pestilentiam, dum necessariam dissimulant adhibere medicinam.] Item in epistola ad Mar- Epist. lxxi.
cianum de Episcopo Constantinopolitano, Fraternali illi caritatem non aliter poterimus impendere, quàm ut se inimicos catholicæ fidei approbet execrari, cuiusque à se consortium quem meritò abiecit abscondat. qui etiamsi magna fuisset satisfactione purgatus,

Epist. LIII.

post dubium tamen errorem reuersus, catholicis diaconis postponi debuit, non præponi.] Et in epistola ad Pulcheriam Augustam, Si ergo clementia vestra propositum meum considerare dignetur, probabit me eo consilio cuncta gessisse, ut sine cuiusquam animæ detrimento, hæreseos tantum obtineretur extinctio, & ob hoc circa auctores sæuissimorum turbinum quiddam consuetudinis minuisse, ut ad indulgentiam postulandam compunctione aliqua possit eorum tarditas excitari. Qui etsi post illud iudicium suum tam impium quam iniustum, non sunt catholicæ fraternitati ita honorabiles ut fuerunt, suas tamen adhuc sedes obtinent, & episcopatus sui honore potiuntur, aut per veram & necessariam satisfactionem pacem potius Ecclesiæ recepturi, aut si hæresim quodabsit tuentur, professionis suæ sint merito iudicandi.] His sententiis attendendum, quia ab hæresi reuertentes, & per libellarem satisfactionem cum catholica professione debeant recipi, & ab ordine quo inuenti fuerint non debeant promoueri, sed & minus honorabiles quam in catholica persistentes ostenduntur haberi.

Conc. Carthagin. II. can. 13.

IX. Item de his qui fidei catholicæ vel libello porrecto in Synodo subscripserunt, & postea ad prauos deuoluti sunt sensus, vel diffinitionibus seu dogmatibus catholicæ & Apostolicæ Ecclesiæ doctrinæ contrariis subscripserunt, in Carthaginensi Concilio cap. XIII. scriptum est, Si quis contra suam professionem vel subscriptionem venerit in aliquo, ipse se honore priuabit.

Epist. I.

X. Et quia sicut decretis beati Cælestini monstratur, hæc Prædestinatiana hæresis illius auctoritate deuicta est atque compressa, si quis diffinitionibus illius sensui concordantibus subscripsit in Synodo, & postea fuit translatus ad deuia, vel etiam si sine subscriptione sanctæ catholicæ & Apostolicæ Ecclesiæ contraria senserit, legat quid beatus Leo in decretali epistola ad vniuersos Episcopos per Campaniam, Picenum, Tusciam, & per vniuersas Prouincias constitutos decreuerit cap. v. Hoc itaque, inquit, admonitio nostra denuntiat, quod si quis fratrum contra hæc constituta venire tentauerit, & prohibita fuerit ausus admittere, à suo se nouerit officio submouendum, nec communionis nostræ futurum esse consortem, qui socius esse noluit disciplinæ. Ne quid verò sit quod prætermisum à nobis fortè credatur, omnia decretalia constituta tam beatæ recordationis Innocentij, quam omnium decessorum nostrorum, quæ de Ecclesiasticis ordinibus & canonum promulgata sunt disciplinis, ita à vestra dilectione custodiri debere mādamus, ut si quis in illa commiserit, veniam sibi deinceps nouerit denegari.] Quando enim omnium decessorum suorum constituta posuit, Cælestinum cui Sixtus, & Sixtum cui successit Leo, nequaquam excepit. Sed & quando de Ecclesiasticis ordinibus & canonum disciplinis apposuit, fidei regulam non omisit. Sed & Chalcedonense Concilium eidem fauens con-

Can. I.

scri-

scripsit dicens, Regulas sanctorum Patrum per singula nunc usque Concilia constitutas proprium robur obtinere decreuimus.] B. nihilominus Gelasius, quæ Carthaginensis decreuit Synodus cum aliis synodalibus diffinitionibus roborare studuit, dicens cap. ix. quod Apostolica sedes paternos canones pio studio deuotoque custodiat. Cumque nobis, inquiens, contra salutarium reuerentiam regularum cupiamus temere nihil licere, & cum sedes Apostolica super his omnibus, fauente Domino, quæ paternis canonibus sunt præfixa pio deuotoque studeat tenere proposito, satis indignum est quemquam, vel pontificum, vel ordinum subsequentium, hanc obseruantiam refutare, quam beati Petri sedem & sequi videat & docere, satisque conueniens sit, ut totum corpus Ecclesiæ in hac sibi met obseruatione concordet, quam illic vigere conspiciat, ubi Dominus Ecclesiæ totius posuit principatum.] Et Leo in epistola ad Maximum Antiochenum, Quoniam vniuersæ pacis tranquillitas non aliter poterit custodiri, nisi sua canonibus reuerentia intemerata seruetur. Nam quod ab illorum regulis & constitutione discordat, Apostolicæ sedis nunquam poterit obtinere consensum.

Epist. vi.

Epist. 66.

XI. Quia etiam hi, qui post subscriptionem rectæ fidei prauis subscripserunt erroribus, si resipuerint, & porrecto libello professionis rectæ fidei, cum subscriptione propriæ manus, ad catholicam & Apostolicam sanctam matrem Ecclesiam deuotè redierint, pietas Ecclesiastica impendat misericordiam, eosque in gradibus suis suscipiat, demonstrat sanctus Hilarius in libro de Synodis ita dicens, Nihil autem mirum videri vobis debet, fratres carissimi, quod tam frequenter exponi fides cœptæ sunt. necessitatem hanc furor hæreticus imponit. Nam tantum Ecclesiarum Orientalium periculum est, ut rarum sit huius fidei, quæ qualis sit vos iudicate, aut sacerdotes aut populum inueniri. Malè enim per quosdam impietati auctoritas data est. in exiliis Episcoporum, quorum causam non ignoratis, vires auctæ sunt profanorum. Non peregrina loquor, neque ignorata scribo. Audiui ac vidi vitia præsentium, non laicorum, sed Episcoporum. Namque absque Episcopo Eleusio, & paucis cum eo, ex maiori parte Asiæ decem Prouinciæ, intra quas consisto, verè Deum nesciunt, atque vtinam penitus nescirent. Cum procliuiore enim venia ignorarent quàm obtrectarent. Sed horum Episcoporum dolor se intra silentium non continens, vnitatem fidei huius quærit, quam iam pridem per alios amisit. Nam in illa prima conlatæ expositionis Synodo fides hanc habuit necessitatem, cum apud Sirmium per immemorem gestorum suorum dictorumve Osium, nouæ & tamen iam diu suppuratæ impietatis doctrina proruperat. Sed de eo nil loquor, qui idcirco est reseruatus, ne iudicio humano ignoraretur qualis antè vixisset. Vbiq; autem scandala, vbiq; schismata, vbiq; perfidia est. Hinc illud est, ut ad professionem subscribendæ fi-

Post mediũ
versus finẽ.

dei aliqui eorum, qui antea aliud subscripserant, cogerentur. Nec queror de patientissimis viris Orientalibus Episcopis, quibus sufficit post blasphemiam voluntatem coacta saltem professio. Gratulandum enim videtur in tanta blasphemantium Episcoporum hæretica pertinacia aliquem ex his suscipi pœnitentem. Sed inter hæc ô beatos vos in Domino & gloriosos, qui perfectam atque Apostolicam fidem conscientiam professione retinentes, conscriptas fides hucusque nescitis. Non enim eguistis littera, qui spiritu abundabatis, neque officium manus ad scribendum desiderastis, qui quod corde à vobis credebatur ore ad salutem profitebamini. nec necessarium habuistis Episcopi legere quod regenerati neophyti tenebatis: sed necessitas consuetudinem intulit exponi fides, & expositis subscribi. Vbi enim sensus conscientiam periclitatur, illic littera postulatur. nec sanè subscribi impedit quod salutare est confiteri.] Et sanctus Cælestinus Papa ad Cyrillum Episcopum Alexandrinum, Itaque breuiter responsum tuæ reddimus sanctitati. Etenim quæris, vtrum sancta Synodus recipere debeat hominem à se prædicata damnantem, an quia induciarum tempus emensum est, sententia dudum lata perduret. Super hoc vtrique consultatione communi communem Dominum consulamus. Nonne nobis responder illicò per Prophetam, mortem se nolle morientis. & per Apostolum Paulum, omnem hominem velle saluum fieri, & venire ad scientiam veritatis? Nunquam displicet Deo accelerata in quocumque correctio? Tuæ sit hoc sanctitati, vel venerando fratrum Concilio, vt orti in Ecclesia strepitus comprimantur, & finitum Deo iuuante negotium votiua correctione discamus.] & item, Nos & quod contra fas est, etiam sacerdotes volumus esse correctos. quibus aut præmissa conuentione consulamus, aut in hos necesse est damnationis sententiam, si abutuntur nostra salubri admonitione, firmemus. Hoc tamen erit post damnationem prauis dogmatis plenum correctionis indicium, si reuocent omnes ad Ecclesiam, qui propter Christum caput eius videntur exclusi. quo nisi fiat quod dicimus, eiciendus eicietur, quamuis in nostra communione sint isti, quos tales cognoscimus extitisse.]

Ep. xxxv. Et Leo in epistola ad Theodosium Augustum, Cùmque à se hoc, quod eidem profuturum sit, expeti desiderarique cognouerit, catholicorum sententiis toto corde consentiat: ita vt sinceram communis fidei professionem, absolutissima subscriptione, coram omni clero & vniuersa plebe declaret, Apostolicæ sedi, & vniuersis Domini sacerdotibus atque Ecclesiis publicandum.] Et item idem

Epist. lxxx. in epistola ad Pulcheriam Augustam: Quamuis, inquit, incommutabiliter inimicissimam Christianæ religionis hæresim detestamur, ipsos tamen, si non dubie corrigantur, & digna se satisfactione purificent, ab ineffabili misericordia Dei nostri non iudicemus alie-

nos: sed potius cum gementibus gemimus, cum flentibus flemus, & sic utimur iustitia commotionis, ut non amittamus remedia caritatis. Quod sicut pietas vestra cognoscit, non verbis solis promittitur, sed etiam factis docetur. Siquidem penè omnes, qui in consensum præfidentium in illo Ephesino non iudicio sed latrocinio, aut traducti fuerant aut coacti, rescindendo quod statuerant, & condemnando quod scripserant, perpetuam culpæ abolitionem & Apostolicæ pacis gratiam sunt adepti. Si autem clementia vestra propositum meum considerare dignetur, probabit me eo consilio cuncta gessisse, ut sine cuiusquam animæ detrimento hæreseos tantum obtineretur extinctio.] Et sciendum est quoniam hæ sententiæ in vndecimo isto Capitulo, quæ de toties & tam granditer præuaricantibus conscribuntur, ad illam canonum formam pertinent, qua secundum rationis & temporis qualitatem, aut propter Ecclesiæ utilitatem, aut propter pacis ac concordie unitatem, non præiudicatis maiorum statutis, quædam aliquando indulgentur, non ad illam, qua pro lege inrefragabiliter tenenda constituuntur. Vnde Leo ad Rusticum Narbonensem Episcopum ita dicit, Nam cum Epist. lxxv. quædam interrogationes modum diligentie videantur excedere, intelligo eas conloquiis aptiores esse quam scriptis. quia sicut quædam sunt, quæ nulla possint ratione conuelli, ita nonnulla sunt, quæ aut pro consideratione ætatum, aut pro necessitate rerum oporteat temperari. illa semper conditione seruata, ut in his, quæ vel dubia fuerint aut obscura, id nouerimus sequendum, quod nec præceptis Euangelicis contrarium, nec decretis sanctorum Patrum inueniatur aduersum.] Quas singillatim singulas formas & sanctus Paulus demonstrat ad Corinthios dicens, *Hoc autem dico secundum* 1. Cor. 7. 6. *indulgentiam, non secundum imperium, & reliqua. His autem qui matrimonio iuncti sunt præcipio non ego, sed Dominus, uxorem à viro non discedere, & sequentia.* Et Concilium Africanum in vno capitulo de Can. xxxv. Donatistis ad locum, Propter Ecclesiæ pacem & utilitatem, ut & ipsis Donatistis, quicumque clerici correcto consilio ad catholicam unitatem transire voluerint, secundum vniuscuiusque Episcopi catholici voluntatem atque consilium, qui in eodem loco gubernat Ecclesiam, si hoc paci Christianæ prodesse visum fuerit, in suis honoribus suscipiantur, sicut prioribus eiusdem diuisionis temporibus factum esse manifestum est. Non ut Concilium, quod in transmarinis partibus de hac re factum est dissoluatur: sed ut illud maneat circa eos, qui sic transire ad catholicam volunt, ut nulla per eos unitatis compensatio procuretur.] & reliqua quæ ibi prosequitur. Sanctus autem Innocentius in duabus epistolis, ad Marcianum scilicet Episcopum, & ad Macedones Episcopos, has utrasque formas Ep. xxviii. & xxxix. demonstrat. Scilicet ut quos Bonosus etiam in hæresi ante damnationem suam ordinauerat, si ad catholicam transire decreuerint, in

ordinibus suis suscipiantur. Quos autem post damnationem suam etiam de catholica ordinavit, ab ordine remouentur Ecclesiastico.

Cap. i.

Sed & Leo utrasque has formas de vna eademque re in vno capitulo ostendit ad Rusticum Narbonensem Episcopum dicens, Nulla, inquit, ratio finit, ut inter Episcopos habeantur, qui nec à clericis sunt electi, nec à plebibus expetiti, nec à comprouincialibus Episcopis cum Metropolitani iudicio consecrati. Vnde cum sæpè quæstio de malè accepto honore nascatur, quis ambigat nequaquam istis essetribuendum quod non docetur fuisse conlatum? Si qui autem clerici ab istis Pseudoepiscopis in eis Ecclesiis ordinati sunt, quæ ad proprios Episcopos pertinebant, & ordinatio eorum consensu & iudicio præfidentium facta est, potest rata haberi, ita ut in ipsis Ecclesiis perseverent. Aliter autem vana habenda est consecratio, quæ nec loco

Cap. i.

fundata est, nec auctoritate munita.] Et item ad eundem in eadem epistola, In adolescentia constitutus, si urgente aut metu mortis, aut captiuitatis periculo, pœnitentiam gessit, & postea, timens lapsum incôntinentiæ iuuenilis, copulam vxoris elegit ne crimen fornicationis incurreret, rem videtur fecisse venialem, si præter coniugem nullâ omnino cognouerit. In quo tamen non regulam constituimus, sed quid sit tolerabilius æstimamus. Nam secundum veram cognitionem, nihil magis ei congruit qui pœnitentiam gessit, quàm castitas perseverans

Epist. xxv.
sub finem.

& mentis & corporis.] Sic & de his vtrisque formis item Innocentius ad Macedones Episcopos scribit, Peruideat ergo dilectio vestra hætenus talia transisse, & aduertite quod vtrique ut dicitis necessitas imperauit, in pace iam constitutas Ecclesias non præsumere. Sed ut sæpè accidit, quotiescumque à populis aut à turba peccatur, quia in omnes propter multitudinem non potest vindicari, inultum solet transire. Priora ergo dimittenda dico Dei iudicio, & de reliquo maxima sollicitudine præcauendum.] & aliquanto superius, Ergo quod pro remedio ac necessitate temporis statutum est constat primitus non fuisse, ac fuisse regulas veteres, quas ab Apostolis aut Apostolicis viris traditas Ecclesia Romana custodit, custodiendâsque mandat his qui eam audire consueuerunt. Sed necessitas temporis id fieri magnopere postulabat. Ergo quod necessitas pro remedio reperit, cessante necessitate debet vtrique cessare pariter quod vrgebat, quia alius est ordo legitimus, alia vsurpatio quam ad præsens fieri tempus impellit.] Et sanctus Gelasius ad omnes Episcopos, de institutis Ecclesiasticis moderatè pro temporum qualitate dispositis ita capitulo secundo dicit, Priscis igitur pro sui reuerentia manentibus constitutis, quæ vbi nulla vel rerum vel temporum perurget angustia regulariter conuenit custodiri.] & reliqua. Sed & in hoc xi. capitulo utraque istæ formæ monstrantur, cum à beato Cælestino profer-

Epist. vi.

tur, Nos, inquit, & quod contra fas est etiam sacerdotes volumus esse correctos, quibus sicut præmissa correctione consulimus, ita

Epist. ad
Nestorium
sub finem.

in hos necesse est damnationis sententiam, si abutuntur nostra salubri admonitione, firmemus.] De canonum autem formis, quas quidam non attendentes sollertiùs Ecclesiasticas regulas inter se autumant discordare, quæ & quot sint, & quas singulæ canonum complectantur sententias, quia sagaces & studiosi non indigent, deuotis atque simplicibus, si Dominus spatium & otium dederit, quod gratia sua nobis ostenderit, sicut doctrina magistrorum accepimus, scribere temporis processu disponimus, quibus nihil discors, nihil sibi dissidens in sacris canonibus lector quilibet facillimè valebit dinoscere. sed pro temporum varietate & causarum, atque medicatione morborum, per diuersa organa, vt ab vnico multiplici prolata spiritu, cuncta consona, cuncta reperiet temporis, necessitatis, atque infirmitatis causæ conuenientia. Vti enim necessitatum ac temporum inæqualitas opportunitatis postulat congruentiam, ita & diuersa morborum genera cogunt inuenire, sicut notum est, diuersa medicamentorum experimenta.

XII. Quòd qui post prauis erroris subscriptionem orthodoxæ fidei detrectat subscribere, etiam proprio sit iudicio condemnatus, idem sanctus Cælestinus in eadem epistola ad eundem Cyrillum Episcopum, Studeo quieti catholicæ, studeo pereuntis salutis, si tamen voluerit ægritudinem confiteri. Quod ideo dicimus, ne volenti se corrigere forsitan deesse videamur. Nam & si nobis sustinentibus vnam, spinas sibi addiderit, impleatur manentibus statutis prioribus sui fructu iudicij, colligatque quod sulco diabolico seminavit, non nostro consilio, sed se periturus auctore. Probet nos veloces pedes ad effundendum sanguinem non habere, quando sibi etiam remedium cognoscat oblatum.] Et Beda in sententia Euangelij Lucæ dicit, *Ite, inquit, ostendite vos sacerdotibus.* Nullum Dominus eorum, qui-
bus hæc corporalia præstitit beneficia, inuenitur misisse ad sacerdotem, nisi leprosos: quia quisquis vel hæretica prauitate, vel superstitione gentili, vel Iudaica perfidia, vel etiam schismate fraterno, quasi vario colore per Domini gratiam caruit, necesse est ad Ecclesiam veniat, coloremque fidei verum quem acceperit ostendat.] & item, Nouem itaque indigent vno, vt quadam vnitatis forma coagulentur, & decem sint. Vnum autem non eis indiget vt custodiat vnitatem. Quamobrem vt vnus ille qui gratias egit vnicæ Ecclesiæ significatione adprobatus atque laudatus est, ita illi nouem qui gratias non egerunt, reprobi effecti à consortio vnitatis exclusi sunt. Ideoque tales in nouenario numero tanquam imperfecti remanebunt. & meritò eos Saluator quasi ingratos ubi sunt inquirat. Scire Dei eligere, nescire reprobare est.] Et quoniam huiusmodi homini nulla opera bona prosint, Prosper ex verbis sancti Augustini in libro sententiarum capite cxxiv. dicit, Non sunt opera bona, nisi quæ per fidem & dilectionem fiunt, quia alterum sine altero

Epist. x.

Luc. 3. 14.

nullius virtutis fructum parit.] De baptismo etiam Beda in epistola Petri dicit, Quod ergo aqua diluuij non saluauit extra arcam positos sed occidit, sine dubio præfigurabat omnem hæreticum, licet habentem baptismatis sacramentum, non aliis sed ipsis aquis ad inferna mergendum, quibus arca subleuatur ad cælum.] Et Prosper in libro Sententiarum capite ccc. xxiv. Regenerationis gratiam ita etiam hi non minuunt qui eius dona non seruant, sicut lucis nitorem loca immunda non pollunt. Qui ergo gaudes baptismi perceptione, viue in noui hominis sanctitate, & tenens fidem quæ per dilectionem operatur, habe bonum quod nondum habes, vt prosit tibi bonum quod habes.] quia nec sacrificium illi est salutare. Idem Prosper in eodem libro capite decimo quinto dicit, Quisquis bene cogitat quid Deo voueat, & quæ vota persoluat, seipsum voueat & reddat. hoc exigitur, hoc debetur. Imago Cæsaris reddatur Cæsari, imago Dei reddatur Deo. Sed sicut videndum est quod offeras, ita etiam considerandum est vbi offeras: quia veri sacrificij extra catholicam Ecclesiam locus non est.] Quia communicatio corporis & sanguinis Christi huiusmodi homini non ad salutem, sed ad iudicium proficit, in eodem libro isdem Prosper capite ccc. xxviii. dicit, Caro CHRISTI fidelium vita est, si corpus ipsius esse non negligent. Fiant ergo corpus Christi, si volunt viuere de spiritu Christi.] Et item capite ccc. xxxix. Escam vitæ accipit, & æternitatis poculum bibit, qui in Christo manet, & cuius habitatio est Christus. Nam qui discordat à Christo, nec carnem eius manducat, nec sanguinem bibit, etiam si tantæ rei sacramentum ad iudicium suæ præsumptionis cotidie indifferenter accipiat.] Et item capite LXIX. Sacramentum summæ pietatis in iudicium sibi sumit indignus. Bene enim esse non potest malè accipienti quod bonum est.] Quia etiam nec martyrium huiusmodi homini proficit ad salutem, sanctus Gregorius in libro decimo octauo Moralium dicit, *Auro locus est in quo conflatur.* Nam iuxta hoc quod iam & ante nos dictum est, quisquis extra Ecclesiæ vnitatem patitur, pœnas pati potest, martyr fieri non potest, quia auro locus est in quo conflatur.] Et sanctus Gregorius in epistola ad Secundinum seruum Dei reclusum, *Est locus penes me, & stabis super petram.* Quis est locus qui non sit in Deo, dum cuncta ab ipso per quem creata sunt continentur? Sed tamen est locus apud eum, videlicet sanctæ Ecclesiæ vnitas, in qua super petram stat, dum confessionis eius soliditas vtiliter tenetur. De quo loco subiungitur, *Tunc videbis posteriora mea.* In petra enim, id est in sancta Ecclesia stantes Dei posteriora videmus, quando iam ea quæ in fine promissa sunt cælestis patriæ gaudia contemplamur.] Et Ambrosius in libro primo de Excessu fratris sui, ita de illo loquens dicit, Aduocauit ad se Episcopum, nec vllam veram putauit nisi veræ fidei gratiam, percunctatusque ex eo est

Cap. xiv.

Lib. vii.
epist. 52.

Exod. 33. 23

Post mediū
versus finē.

utrumnam cum Episcopis catholicis, hoc est cum Romana Ecclesia conueniret. Et fortè ad Luciferum in schismate regionis illius Ecclesia erat. Lucifer enim se à nostra tunc temporis communione diuiderat. & quanquam pro fide exulasset, & fidei suæ reliquisset heredes, non putauit tamen fidem esse in schismate. Nam etsi fidem erga Deum tenerent, tamen erga Dei Ecclesiam non tenebant, cuius partiebantur velut quosdam artus diuidi, & membra lacerari. Etenim cum propter Ecclesiam Christus passus sit, & Christi corpus Ecclesia sit, non videtur ab his exhiberi Christo fides, à quibus euacuatur eius passio, corpusque distrahitur.] Vnde synodus Laodicensis capite vi. dicit, quòd hæretici non permittendi sint ingredi in domum Dei, in hæresi permanentes.]

Sed & de istiusmodi sine vita uiuentibus Prosper in præfato libro cap. cccclxiv. dicit, Ita sunt in vite palmites, ut viti nihil conferant, sed inde accipiant unde uiuant, Sic quippe vitis est in palmitibus, ut vitale alimentum subministret eis, non sumat ab eis. Ac per hoc & manentem in se habere Christum, & manere in Christo, discipulis prodest utrumque, non Christo. Nam præciso palmite potest de uiua radice alius pullulare, qui autem præcisus est, sine radice non potest uiuere.] Mortuus est enim diuinis oculis, etiamsi visum fuerit hominibus virtutes facere, sicut & in actibus Apostolorum filij Sceuæ videbantur eicere dæmones, & Iudas Apostolus cum animo proditoris multa signa inter ceteros Apostolos fecisse narratur. Quemcumque enim, inquit item Beda in Euangelio Luca, post baptisma siue prauitas hæretica, seu mundana cupiditas arripuerit, mox omnium proster-net in ima vitiorum. Vnde rectè nequiores hunc eum spiritus dicuntur ingressi, quia non solum habebit illa septem vitia, quæ septem spiritalibus sunt contraria virtutibus, sed & per hypocrisin ipsas se virtutes habere simulabit. Et quia huiusmodi conlocutio sit cauenda, Apostolus dicit, *Hæreticum hominem post primam & secundam correptionem deuita, sciens quia subuersus est huiusmodi, & proprio iudicio condemnatus.* Tit. 3. 10. Et sanctus Hieronymus in v. Psalmo, Hic autem, inquit, quod dicit, *Perdes omnes qui loquuntur mendacium,* & ex consequentibus Psalmi, & ex ipso ordine intelligere possumus quia de hæreticis dicit. Qui enim operatur iniquitatem, suam tantum animam occidit, qui autem hæreticus est, & loquitur mendacium, tot occidit quot induxerit.] Vnde quanto studio patres nostri hæreticorum conloquia deuitabant, demonstrat Polycarpus Apostoli Ioannis discipulus, qui compellatus, ut ei responderet compulsus à Marcione, dicenti sibi, Agnoscesne me? respondit, Agnosco primogenitum Satanae. Et de Ioanne Apostolo legitur, quia inlotus à balneo exiit dicens, Fugite, ne & balnea corruant, ubi Cherintus lauatur. Et Prosper in præfato libro cap. cclxv. Quia affluit, inquit, insipienti eloquentia, tanto magis cauendus est, quanto magis ab eo in his quæ audire inutile est, dele-

Concil.
Chalced.
Act. 1. ex
actione VII
Constanti-
nopolit.
Flauiani.

Epist. xx.

ctatur auditor, & eū quoniam ordinatē dicere audit, etiam verē dicere existimat.] Vnde & Dominus confitentibus silentium imponebat dæmonibus, vt ne quis, dum eos audiret prædicantes, sequeretur errantes. Quapropter & in Synodo, cui præsedit sanctæ memoriæ Flavianus, de damnatione Eutychetis ad locum ita scriptum habetur, Et surgens sancta Synodus adclamauit dicens, anathema ipsi. Et post hæc Flavianus Episcopus dixit, Dicat sancta Synodus, quid meretur præsens neque confitens rectam fidem, neque consentire volens præsentī Synodo, sed perseuerare suæ peruersitati & scæuæ suæ maliuolentiæ. Seleucus Episcopus dixit, Dignus quidem est iste damnatione, sed in sanctitatis vestræ humanitate positum est. Flavianus Episcopus dixit, Si confitens proprium peccatum, anathematizaret dogma proprium, & consentiret nobis sequentibus traditiones sanctorum patrum, meritō dignus esset venia. Sed quia permanet in eadem malignitate, subiacebit canonum vindictis. Et item Flavianus Episcopus dixit, Eutyches quondam presbyter & Archimandrites. Et post aliquanta.] Vnde gementes perfectam eius perditionem, decreuimus per dominum Iesum Christum ab eo blasphematum, extraneum esse ab omni officio sacerdotali, & à nostra communione, & primatu monasterij, scientes & his qui postea cum eo conloquantur & ad eum conuenerint denuntiantes, quoniam reierunt & ipsi pænæ excommunicationis, si qui non declinauerint confabulationes eius. Flavianus Episcopus Constantinopolitanus iudicans subscripsit, & hoc modo ceteri subscripserunt. Sed & talium nomina, id est in hæresi permanentium de sacris dypticis eradi, & in Ecclesia penitus taceri, sicut perpetuò damnatorum ab auctoritate diuinitus promulgata præcipiuntur.] Sicut Gelasius Papa in epistola ad Euphemium Constantinopolitanum Episcopum demonstrat dicens, Adhuc, inquit, quæritis quando fuerit damnatus Acacius, quasi reuera, etiamsi cum nullus antè damnasset, non habuerit ab orthodoxæ & Apostolicæ communionis, cuius præuaricator extitit & desertor, participatione secludi: sicut etiam quilibet, qui fuerit antè catholicus, cuiuscumque hæresi communicans, meritō iudicatur à nostra societate remouendus, aut in tali sorte defunctus inter catholicorum nomina nullatenus computari. Miramur tamen quomodo ista profertis. hoc est, vt & Synodum Chalcedonensem vos suscipere pro fide catholica profiteamini, & eos quos damnauit sanctantium communicatores non pariter generaliterque putetis fuisse damnatos. Ostendite ergo, quæ Synodus in vnaquaque hæresi, cum erroribus successores eorum his communicantes simul non omnes damnarit & complices.] & item in eadem aliquanto superius, Peristis igitur per litteras, quas per Simplicium diaconum destinastis, & de his quos baptizauit, & de his quos ordinauit Acacius, maiorum traditione confectam, & vestrarum præcipue regionum sollicitu-

citadini vestræ congruam præberemus sine difficultate medicinam, Quò nos vultis ultra condescendere? quid tacetis? quid verècundamini verbis exprimere quod corde gestatis? Ipsa vos saltem verècundia quàm iniquum sit debuit commonere. An forsitan vt hæreticorum, damnatorumque, & his vel eorum successoribus communicantium nomina consentiamus admitti? Hoc non est condescendere ad subueniendum, sed euidenter ad inferna dimergi. Parcite quæso & nobis & vobis.] & sequentia.

CAPVT XXXVIII.

Sequitur tandem totius rei digesta ex quatuor Capitulis, quoniam quintus de baptismo in hoc quarto de Redemptione Christi continetur, Epilogus succinctè compositus, vt non debeat fastidiri legentibus, à contradictorum vera fidei responsione laciniosa remotus, volens sanare quem demonstrat trigesimo octauo Capitulo, ac si triginta & octo annis iacentem languidum, malè sentientium scilicet chorum, duo de quadraginta numero, qui legis decalogo per quatuor sancti Euangelij libros impletur, minus habentem, & à dilectione Dei ac proximi, quam legis pariter & Euangelij scriptura commendat, vacuum incedentem. In quo licet plures sint choro, si adquiescere veritati consenserint, quasi vnus recuperabunt in vnitae fidei sanitatem. quia præter unitatem catholica fidei nullus cuiuslibet patet salutis locus. à cuius unitate quisque discrepat, salutem quæ ab vno est consequi nequaquam valet.

EPILOGI CAPVT I.

QUONIAM quidem longè superiùs quando & vbi & vnde primùm hæc Prædestinatiana hæresis exorta, & per quos ac qualiter sit reuicta monstrauius, & Capitula nuper in Synodo secus Leucorum ciuitatem relecta, aduersus veritatem falsò compilata, scripturarum & catholicorum auctoritate ostendimus: quatuor nihilominus Capitula cōtra Prædestinatianos nouiter reexortos, quibus hoc præter opusculum quo ista excepimus tribus libellis respondimus, ex patrum dictis collecta orthodoxæ fidei congruere eadem auctoritate docuimus: quòdque omnis hæresis semel reuicta cum auctoribus ac sectatoribus suis perpetuò sit damnata, & non viritim in quæstionem suscipienda, sed mox vt in sibilum caput leuauerit conculcanda, & ipsi eius anhelitus comprimendi: qualiter ve à quacumque hæresi resipiscences suscipiantur, vel si permanferint desipientes anathematizentur, ex decretis diuinitus promulgatis col-

legimus. quæ omnia fors & aptè aliquibus ad legendum plurima; ad transcribendum autem si qui voluerint nimia videbuntur, sicut despecta quibusdam contradietoribus visa sunt quatuor memorata succinctè collecta Capitula. Tandem Epilogi more breuius ex præcedentibus, pro legentium ac scribentium compendio, quædam colligere capitulatim curauimus, vt simplicibus ita sint cognita, quatenus sapientibus non sint onerosa, & per ea lector facile possit cognoscere quæ sit veritas de præscientia & prædestinatione Dei, de gratia & libero arbitrio, de eo quòd Deus secundum Apostolum vult omnes homines saluos fieri, licet non omnes saluentur, & de eo quòd Christus pro omnibus passus sit, licet non omnes passionis eius saluentur mysterio. Vnde quicumque plura desiderant cuncta superiora legant. Si verò hæc sufficientia quæ sequuntur eis suffecerint, de his fidem accommodent veritati prædicatæ ab his fidei & synceritati catholicæ. Si quis verò secus sentiens, secundum formam in proximè distinctis Capitulis ex auctoritate Ecclesiastica comprehensam, Episcopali consensu vel synodali decreto, seruato per omnia priuilegio sanctæ catholicæ & Apostolicæ Romanæ Ecclesiæ, & ipsius in toto orbe terrarum primæ sedis Pontificis, consentire, & cum sancta catholica & Apostolica vnitatem suscipere siue subscribere detrectauerit, ipse ab eius se compage & unitatis secernet communione, cuius esse noluerit socius disciplinæ. Nam semper sic habuit catholica omnis Ecclesia, vt qui in vna communione consentiunt, vno dogmate, vna caritate, vno teneantur assensu. Sicut enim communio & ex omnibus offerentibus vna fit, & vna reddit in omnibus, non parte corporea, sed virtute diuina: sic vnanimitas per omnes illi communicantes excurrit. quod demonstratur tunica Saluatoris, quæ inconsutilis erat desuper contexta per totum, de qua milites, cætera vestimenta in quatuor partes iuxta suum numerum diuidentes, sortem miserunt. Quadripertita autem vestis Domini, quadripertitam eius figurauit Ecclesiam, toto scilicet qui quatuor partibus constat terrarum orbe diffusam, & omnibus eisdem partibus æqualiter, id est concorditer distributam. Tunica verò illa sortita, omnium partium significat vnanimitatem, quæ caritatis vinculo continetur. Si enim caritas, iuxta Apostolum, & supereminentiorem habet viam, & supereminet scientiæ, & super omnia præcepta est, meritò vestis qua significatur desuper contexta perhibetur. In forte autem quid nisi Dei gratia commendata est? Sic quippe in vno ad omnes peruenit, cum fors omnibus placuit: quia & Dei gratia in vnitatem ad omnes peruenit, & cum fors mittitur, non personæ cuiusque vel meritis, sed occulto Dei iudicio ceditur. Nam si non est vnius consensionis signum vna communio, quid erit quod ad confitendam omnis Ecclesiæ consonantiam mysticè celebratur, petendo Deum patrem omnipotentem per Dominum nostrum Iesum Chri-

stum, vt acceptentur & consecrentur sancta sacrificia inlibata, quæ offeruntur pro Ecclesia sancta catholica, vt pacificetur, custodiatur, adunetur, & regatur toto orbe terrarum, & pro omnibus qui illa offerunt communicantes? Nec se quisquam Christum agnoscere arbitretur, sicut nec illi cognouerunt, quorum oculi tenebantur ne eum agnoscerent vsque ad fractionem panis, si eius corporis particeps non est, id est Ecclesiæ, cuius vnitatem in sacramento panis commendat Apostolus dicens, *Vnus panis vnum corpus multi sumus.* 1. Cor. 10. 17. vt cum eis benedictum panem porrigeret, aperirentur oculi eorum vt eum agnoscerent: aperirentur vtique ad eius cognitionem, remoto scilicet impedimento, quo tenebantur ne illum agnoscerent. Non autem incongruenter accipiamus hoc impedimentum in oculis eorum à Satana fuisse, ne agnosceretur Christus. sed tamen à Christo facta est permissio vsque ad sacramentum panis, vt vnitatem corporis eius participata remoueri intelligatur impedimentum inimici, vt Christus possit agnosci. Cuius caro verè est cibus, & sanguis eius verè est potus. Cum enim de cibo & potu id appetant homines, vt non esuriant, neque sitiant, hoc veraciter non præstat nisi iste cibus & potus, qui eos à quibus sumitur immortales & incorruptibiles facit. id est societas ipsa Sanctorum, vbi pax erit & vnitas plena atque perfecta. Propterea quippe, sicut etiam hoc ante nos intellexerunt homines Dei, Dominus noster Iesus Christus corpus & sanguinem suum in eis rebus commendauit, quæ ad vnum aliquid rediguntur ex multis. Namque aliud in vnum ex multis granis conficitur, aliud in vnum ex multis acinis confluit. Denique iam exponit quomodo id fiat quod loquitur, & quid sit manducare corpus eius & sanguinem bibere, Et qui manducat meam carnem & bibit meum sanguinem in me manet & ego in eo. Hoc est ergo manducare illam escam, & illum bibere potum, in Christo manere, & illum manentem in se habere. ac per hoc qui non manet in Christo, & in quo non manet Christus, proculdubio non manducat spiritalem eius carnem, licet carnaliter & visibiliter premat dentibus sacramentum corporis & sanguinis Christi, sed magis tantæ rei sacramentum ad iudiciam sibi manducat & bibit, quia immundus præsumit ad Christi accedere sacramenta, quæ alius non dignè sumit, nisi qui mundus est, de quibus dicitur, *Beati mundo corde, quoniam ipsi Deum videbunt.* Matt. 5. 8. Neque hoc sacrificio absoluuntur, aut huius sine iudicio efficiuntur participes, eorum existentes contrarij, quæ per tantorum sanctorum sacerdotum ora diuina inspiratione sunt prædicata, & conscriptione subscripta: sicut nec collectio omnium potest absolui, si contraria dicat & contraria faciat, confitens se nosse Deum, factis autem negans, etsi communicet sacerdoti à cuius prædicatione & subscriptione dissentit. Sic quippe nec istis proderit malè sentientibus secundum traditionem Ecclesiasticam Ecclesiasticos gra-

dus nisi ad condemnationem suscipere, & traditioni Ecclesiasticae fidei contraire. quia sicut os & manus vnius eiusdemque corporis membra sunt, ita vnius eiusdemque Ecclesiae membra sunt ordinatores & ordinati, sacerdotes & populus, siue cum catholicis catholici, siue cum non fidelibus infideles. Inde est enim, quod à Domino in fine sæculi colligi iubentur zizania de medio tritici & alligari fasciculis ad comburendum. Hinc est quod sancto propheta Ezechiel testante, quod si sacerdos non distinxerit populo, ipse quidem populus in suo peccato morietur, animam autem eius de manu sacerdotis inquireret. non ait, quia extra peccatum populi est sacerdos non morietur, sed quia in suo peccato populus morietur, anima autem eius de manu sacerdotis requiretur, & populus quidem pro seipso tantum, sacerdos verò etiam pro populo morietur. Hinc est quod si cæco cæcus ducatum præbeat, non ipse qui ducatum præbet solus, sed ambo in foueam cadunt. Hinc est quod sanctus Leo per vniuersas Prouincias Episcopis constitutis denuntiat, Quod si quis fratrum contra statuta venire tentauerit, & prohibita fuerit ausus admittere, à suo se sciat officio submouendum, nec communionis Ecclesiasticae futurum esse consortem qui socius esse noluit disciplinæ, & qui ab omnium decessorum suorum decretis, quæ de Ecclesiasticis ordinibus & canonum promulgata sunt disciplinis, deuiare præsumperit, veniam sibi deinceps nouerit denegari.] Cæterum sicut olim sanctus Cyprianus dixerat, seruatur à nobis patienter & leniter caritas animi, honor Collegij, vinculum fidei, concordia sacerdotij, & quantum ex nobis est, cum omnibus hominibus, & etiam cum his qui oderunt pacem, habere pacem desideramus. vnumquemque verò sua conscientia conueniat, & ab Ecclesiastica pace nemo se quod non optamus seiungat.]

EPILOGI CAPVT II.

Quid sit inter gratiam & prædestinationem, & inter præscientiam & prædestinationem.

Cap. x.

AVGUSTINVS in libro de prædestinatione Sanctorum dicit, Si discutiatur & quæraturn vnde quisque sit dignus, non desunt qui dicant voluntate humana, nos autem dicimus gratia vel prædestinatione diuina. Inter gratiam porrò & prædestinationem hoc tantum interest, quod prædestinatio est gratiæ preparatio, gratia verò iam ipsa donatio. Quod itaque ait Apostolus, *Non ex operibus, ne fortè quis extolatur. ipsius enim sumus fimentum, creati in Christo Iesu in operibus bonis,* gratia est. quod autem sequitur, *Quæ preparauit Deus vt in illis ambulemus,* prædestinatio est, quæ sine præscientia non potest esse, potest autè esse sine prædestinatione præscientia. Prædestinatione quippe Deus ea

Ephes. 2. 9.

præsciuit quæ fuerat ipse facturus, unde dictum est, *Fecit quæ futura sunt.* præscire autem potens est etiam quæ ipse nō facit, sicut quæcumque peccata. quia etsi sunt quædam, quæ ita peccata sunt, ut poenæ sint etiam peccatorum, unde dictum est, *Tradidit illos Deus in reprobam mentem ut faciant quæ non conueniunt,* non ibi peccatum Dei est, sed iudicium. Quocirca prædestinatio Dei, quæ in bono est, gratiæ est ut dixi præparatio, gratia verò est ipsius prædestinationis effectus.] Et Prosper contra Gallos actione xv. Dubium non est, sine vlla temporali differentia Deum & præscisse simul & prædestinasse quæ ipso erant auctore facienda, vel quæ malis meritis iusto erant iudicio retribuenda, præscisse autem tantummodò, non etiam prædestinasse, quæ non ex ipso erant causam operationis habitura. Potest itaque sine prædestinatione esse præscientia, prædestinatio autem sine præscientia esse non potest.] Et in Recapitulatione xv. contra Gallos. Quæ enim ex Dei munere habemus, & quæ præscita dicuntur, non possunt non esse prædestinata, & quæ prædestinata appellantur, non possunt non esse præscita. In malis autem operibus nostris sola præscientia Dei intelligenda est: quia sicut præsciuit & prædestinauit quæ ipse fecit, & ut faceremus dedit, ita præsciuit tantum non etiam prædestinauit, quæ nec ipse fecit, nec ut faceremus exegit.] Et in libro Sententiarum cap. cccclxxxix. Neminem Deus ad peccandum cogit, præuidet tamen eos, qui propria voluntate peccabunt. cur ergo non vindicet iustus, quæ fieri non cogit præscius? Sicut enim nemo memoria sua cogit facta esse quæ præterierunt, sic Deus præscientia sua non cogit facienda quæ futura sunt. Et sicut homo quædam quæ fecit meminit, nec tamen omnia quæ meminit fecit: ita Deus omnia quorum ipse auctor est præscit, nec tamen omnium quæ præscit ipse auctor est: quorum autem non est malus auctor, iustus est ultor.] Nemo igitur præscientia Dei, sicut nec prædestinatione ipsius, perit: sed qui perseveranti infidelitate vel iniquitate periturus erat, Deus cuius essentiali scientia nil præterit, acciditque futurum, periturum præsciuit. qui non ideo perit quoniam Deus illum periturum præsciuit, sed quia periturus erat, Deus omnia sciens etiam antequam fiant, illum periturum præsciuit. Et ut non Deus præscit nisi quod est omnino futurum, ita quod præscit non potest non esse futurum.

Rom. 1.18.

Sententia
xv.

Sap. 4.12.

Huic perspicuæ veritati contradicunt moderni hæretici, asserentes reprobos à Deo ut præscitos, ita & ad interitum prædestinatos. Et contraria veteres senserunt Prædestinatiani, dicentes Deum secundum præscientiam perituros damnare. Contra quos sanctus Augustinus in libro de Prædestinatione sanctorum, exponens sententiam scripturæ dicit, *Raptus est ne malitia mutaret intellectum eius.* Hoc dictum est, inquit, secundum pericula vitæ huius, non secundum præscientiam Dei, qui hoc præsciuit quod futurum erat, non quod

futurum non erat, id est, quod ei mortem immaturam fuerat largi-
 turus ut tentationum subtraheretur incerto, non quod periturus es-
 set qui mansurus in tentatione non esset. De hac quippe vita legitur
 in libro Iob, *Numquid non tentatio est vita humana super terram?* & item
 dicit, Si enim iudicarentur homines pro meritis suæ vitæ, quæ non
 habuerunt morte præuerti, sed habituri essent si viuerent, nihil
 prodesset ei qui raptus est ne malitia mutaret intellectum eius, ni-
 hil prodesset eis qui lapsi moriuntur, si antè morerentur. quod nul-
 lus dicere Christianus audebit.] De quo errantium pernicioso er-
 rore latius ibidem facundissimus doctor destruendo illum eloqui-
 tur. Sanctus quoque Gregorius, posterior tempore, sed prior loco,
 in libro vigesimo nono Moralium, Prædestinationem Dei, quæ si-
 ne præscientia esse non potest, & semper in bono est, quia aut ad
 donum pertinet gratiæ, aut ad retributionem iustitiæ, in diuinis o-
 peribus, quæ semper bona sunt, inter quæ computantur, cum per
 indebitam gratiam saluantur electi, & per debitam iustitiam repro-
 bi puniuntur, ita manifestissimè monstrat dicens, Deus qui sine
 initio semper extitit, præsciuit de se hoc quod in utero Virginis
 per initium sumpsit. & quia præsciuit disposuit: quia disposuit, ni-
 hil profectò in humana forma sine sua voluntate tolerauit. Con-
 uincatur ergo cur de flagellis suis homo queritur qui ortum suum
 præscire non potuit, si ipse etiam qui ortum suum præsciendo dis-
 posuit, & se inter homines ad flagella præparauit.] & item, *Te-
 nebrosa ostia* tunc Dominus vidit, cum claustra inferni penetrans,
 crudeles spiritus perculit, & mortis præpositos moriendo damna-
 uit. Quod idcirco non adhuc de futuro, sed iam de præterito dici-
 tur, quia hoc quod facturum erat in opere, nimirum iam fecerat in
 prædestinatione.] & paulo post, Dum enim angustias mortis petiit,
 fidem suam in gentibus dilatauit.] Cuius nobis verba euidenter of-
 tendunt, quia quod claustra inferni penetrans crudeles spiritus per-
 culit, & mortis præpositos moriendo damnauit, quod iam fecerat
 in prædestinatione, & post fecit in opere, ad retributionem iustitiæ
 pertinet. quod dum angustias mortis petiit, fidem suam in genti-
 bus dilatauit, quod iam fecerat in prædestinatione, & post fecit in
 opere, ad donum gratiæ sine dubio pertinet.] Et infra in eodem li-
 bro, Hinc est, inquit, quod & Moyses, qui & valida fortibus &
 terrena infirmis dicturum se nouerat, dicebat, *Expectetur sicut pluuia
 eloquium meum, & descendant sicut ros verba mea.* Sed ecce audiui-
 mus quo munere gentilitas vocatur: audiamus nunc qua districtione
 Iudæa repellitur. Audiuius quomodo deserta extollat, arentia in-
 fundat: audiamus nunc quomodo ea quæ quasi videntur interna
 proiciat. Neque enim sic colligit electos ut non etiam iudicet re-
 probos, neque sic quibusdam culpas relaxat, ut non & in quibus-
 dam feriat. Scriptum quippe est, *Misericordia enim & ira ab illo.*]

Iob 1. 7.

Cap. x.

Lib. xxix.
cap. vii.
Iob 38. 17.Cap. xv.
Deut. 32. 2.

Eccli. 5. 7.

Et quia nuper, ut vermes rediuiuo impiæ famis furore commoti, rescatentes Prædestinatiani, & acuentes linguas suas sicut serpentes, spuentésque venenum aspidum de sub labiis suis, contendunt Dei prædestinationem geminam esse, palliantes non per totum reiiciendo nomine abominandum sensum peruersæ intelligentiæ. Quia sicut venerabilis Beda presbyter in Commento Euangelij Lucæ dicit, Nulla falsa doctrina est, quæ non aliqua vera intermisceat. Et sanctus Cyrillus ad Eulogium presbyterum, Non omnia, inquit, Epist. 37. quæcumque dicunt hæretici fugere & refutare decet. Multa enim confitentur sicut & nos confitemur. velut Arriani quando dicunt patrem quia creator est omnium & dominus, numquid propter hoc fugere consequens est huiusmodi confessiones? Sic & in Nestorio dicat, licet duas naturas, diuersitatem significans carnis & Verbi, altera enim Verbi natura, altera carnis est, sed tamen nequaquam vnionem confitetur nobiscum. Nos autem hæc vnientes in vnum, vnum Christum, vnum filium eundem vnum Deum confitemur.] Et item vbi supra venerabilis Beda presbyter ex verbis Augustini, In hæreticis & malis catholicis non sacramenta communia, in quibus nobiscum sunt & aduersum nos non sunt, sed diuisionem paci veritatique contrariam, qua aduersum nos sunt, & Deum non sequuntur nobiscum, detestari & prohibere debemus. Vnde quoniam Gothescalcus & sui complices geminam prædestinationem dicunt, non per totum neque in toto hoc refutare debemus, sed sensum catholicæ fidei contrarium in hoc dicto, quo prædestinationem Dei geminam adstruunt, fidei catholicæ filij abominari & anathematizare debemus. Dicunt enim, ut supra longè præmissimus, quia sicut electi à Deo prædestinantur ad vitam, ita reprobi à Deo prædestinantur ad mortem. Qui tam vitandi sunt Ecclesiæ, ut si fieri potest, sicut de leprosis hæreticos significantibus legitur, longius remoti magno clamore Christum interpellent, & cum aliis turbis non comprimant. de quibus legitur, *Qui steterunt à longè.* Qui verò Luc. 17. 12. in sinu catholicæ matris Ecclesiæ positus, ita Dei prædestinationem voluerit dicere geminam, ut in effectu operum Dei, qui fecit quæ futura sunt, hoc recto sensu intelligat: scilicet ut ad electos donum gratiæ pertinere, & secundum superiorem sensum, ad reprobos retributionem iustitiæ fateatur. ut dono gratiæ electi sint prædestinati ad vitam, & illis vita sit prædestinata æterna: reprobi autem non à Deo prædestinentur ad pœnam, sed ex retributione iustitiæ illis pœna prædestinetur æterna. non discordat à vero si hanc Dei prædestinationem sic dicit geminam, sicut catholici doctores caritatem geminam dicunt, quæ vna est, & in præceptis duobus, dilectione videlicet Dei & proximi, gemina dicitur. Et sicut vnus est Spiritus & duo data: ita vna est Dei prædestinatio, quæ aut ad donum pertinet gratiæ, aut ad retributionem iustitiæ. Et sicut Paulus

2. Cor. 2. 15.

dicit, *Christi bonus odor sumus Deo in omni loco, & in his qui salui fiunt, & in his qui pereunt.* vno eodémque bono odore quidam salui fiunt, quidam autem pereunt. qui salui fiunt, gratiæ dono saluantur & coronantur: qui pereunt, sua iniquitate pereunt, & ex retributione iustitiæ puniuntur. Et vt beatus Gregorius in Tractatu Ezechielis prophetæ, sed & in Moralibus Iob dicit, Panis vitam fortium roborat, paruulorum necat, & lenis sibilus equos mitigat, catulos instigat, & vnus idémque Sol ceram liquat, lutum stringit.] Sicut & beatus Augustinus in septimo Psalmo exponit dicens, Sed quia non sagittas tantum, sed etiam vasa mortis dixit in arcu Dominum parasse, quæri potest quæ sint vasa mortis, an fortè hæretici. nam & ipsi ex eodem arcu, id est ex iisdem scripturis in animas, non caritate inflammandas, sed veneno mortis perimendas infiliunt. quod non contingit nisi promeritis. Propterea diuinæ prouidentiae etiam ipsa dispositio tribuenda est. non quia ipsa peccatores facit, sed quia ipsa ordinat cum peccauerint. Malo enim voto per peccatum legentes, malè coguntur intelligere, vt ipsa sit pœna peccati. Quorum tamen morte filij catholicæ Ecclesiæ tanquam quibusdam spinis à somno excitantur, vt ad intelligentiam diuinarum proficiant scripturarum. *Oportet enim hæreses esse, vt probati, inquit, manifesti fiant inter vos, cum manifesti sint Deo.* An fortè easdem sagittas & vasa mortis disposuit ad perniciem infidelium, & ardentes vel ardentibus operatus est ad exercitationem fidelium? Non enim falsum est quod Apostolus dicit, *Aliis sumus odor vitæ in vitam, aliis odor mortis in mortem.* & ad hæc quis idoneus? Non ergo mirum, si idem Apostoli & vasa mortis eis, à quibus persecutionem passi sunt, & igneæ sagittæ sunt ad inflammandam corda credentium. Post hanc autem dispensationem iustum veniet iudicium, de quo ita dicit, vt intelligamus vnicuique homini supplicium fieri de peccato suo, & ei iniquitatem in pœnam conuerti. Nec putemus illam tranquillitatem & ineffabile lumen Dei de se proferre vnde peccata puniantur: sed ipsa peccata sic ordinare, vt quæ fuerunt delectamenta homini peccanti, sint instrumenta Domino punienti.] Et Prosper in libro Epigrammatum capite vigesimo octauo, *De duplici opere Dei.* Si omnes homines simul consideremus, quorum alij misericordia salui fiunt, alij veritate damnantur, vniuersæ viæ Domini, id est misericordia & veritas, suo fine distinctæ sunt. Si autem solos sanctos intueamur, non discernentur hæ viæ. Indiuia enim ibi est, & à misericordia veritas, & à veritate misericordia: quia beatitudo sanctorum & de munere est gratiæ, & de retributione iustitiæ.

Versus
finem.

EPIGRAMMA.

*Omnibus in rebus geminum est opus omnipotentis,
Totum aut iustitia est quod gerit, aut pietas.*

Quæ

*Quæ simul in terras descendunt lucis ab arce,
 Ne cuiquam parti desit utrumque bonum.
 Et quoniam cuncti auxilio miserantis egemus,
 Præcedit semper gratia iustitiam,
 Damnantem elatos, saluantem iustificatos,
 Quos Deus & donis auxerit & meritis.]*

Et item idem in eodem libro capite decimo sexto, *De iustitia & gratia* quibus Dei constat prædestinatio. Duæ sunt retributiones iustitiæ, cum aut bona pro bonis, aut mala redduntur pro malis. Tertia est retributio gratiæ, cum per regenerationem remittuntur mala & retribuuntur bona. atque ita manifestatur quod vniuersæ viæ Domini misericordia & veritas. Illam autem impiorum retributionem, qua pro bonis mala restituunt, Deus nescit, qui nisi retribuere bona pro malis, non esset cui retribuere bona pro bonis.

EPIGRAMMA.

*Iustitiæ merces gemina est, cum vel bona rectis
 Vel prauis dignè cum mala restituit.
 Saluatricem autem cunctorum gratia Christi
 Non pensans meritum diluit omne malum,
 Credentesque omnes renouans baptisate sacro,
 Dat bona quæ propter det meliora bonis.]*

Verum sanctus Gregorius prædestinationes, id est effectus diuini operis, plurali numero in libro vigesimo nono Moralium ponit. Vnde pro mediocritate nostræ intelligentiunculæ, ex doctrina ipsius & aliorum Ecclesiæ magistrorum, quo sensu hoc dixerit, qualiterve secundum veritatem intelligendum sit, in præcedentibus istius opusculi sufficienter ostendimus.

EPILOGI CAPVT III.

Quid sit sanctorum prædestinatio, & quod à Deo electi ad vitam prædestinati sint, & vitæ illis sit prædestinata æterna. reprobi autem non à Deo prædestinati, sed præsciti atque relictæ ad pœnam sint, pœna autem ex retributione iustitiæ illis sit prædestinata æterna.

SANCTVS AVGVSTINVS in libro de Bono perseuerantiæ dicit, Cap. xiv.
 Hæc est prædestinatio sanctorum, nihil aliud, præscientia scilicet & præparatio beneficiorum Dei, quibus certissimè liberantur quicumque liberantur. Ceteri autem ubi nisi in massa perditionis iusto diuino iudicio relinquuntur? Et Prosper in actione octaua Resp. ix.
 ad Ianuenses Camillum & Theodorum presbyteros, Agnoscamus itaque sapienter, pieque fateamur, præscisse incommutabiliter Deum,

quibus esset daturus vt crederent, aut quos daturus esset filio suo, vt ex eis non perderet quenquam. Et si hæc præsciuit, beneficia sua illum, quibus nos dignatur liberare, præscisse. Et hanc esse prædestinationem sanctorum, prædestinationem scilicet & præparationem gratiæ Dei, qua certissimè liberantur quicumque liberantur. Ceteros autem, quos à generali perditione humani generis gratia non exemit, iusto nouerimus iudicio non exemptos, vt quid nobis remissum sit in eis discamus, de quorum queri damnatione non possumus. Non est enim iniquitas apud Deum, neque quisquam sub iudicio eius innocens perit.] Et item in libro de Ingratis contra Pelagianos,

————— *Omnibus una est*

Natura, & pariter nequeunt bona vel mala velle.

Et tamen ex istis miseratrix gratia quosdam

Eligit, & rursum genitos baptisate transfert

In regnum æternum, multis in morte relictis.]

Et item,

Qui verò tenebris exempti in lumine viuunt,

Gaudent, & quantum sibi sit bonitate vocantis

Dimissum, ex illis discunt qui debita soluant.]

Lib. vi.
in princip.

Et item beatus Augustinus in libro Hypomnesticon dicit, Prius ergo ipsum nomen prædestinationis quid indicet exponamus: deinde esse apud Deum, qui sine acceptione personarum est, prædestinationem diuinarum scripturarum auctoritate probabimus. Prædestinatio quippe à præuidendo, & præueniendo, vel præordinando futurum aliquid dicitur. & ideo Deus, cui præscientia non accidens est, sed essentia fuit semper & est, quicquid antequam sit sic præscit, prædestinat, & propterea prædestinat, quia quale futurum sit præscit. Ideo & Apostolus, *Nam quos præsciuit, inquit, & prædestinavit.* Sed non omne quod præscit prædestinat. Mala enim tantum præscit: bona verò & præscit & prædestinat. Quod ergo bonum est, præscientia prædestinat, id est, priusquam sit in re præordinat. Hoc cum ipso auctore esse cœperit, vocat, ordinat, & disponit. Vnde & sequitur, *Nam quos prædestinavit hos & vocauit: & quos vocauit illos & iustificauit. quos autem iustificauit, illos & glorificauit.* Iam igitur apertius differamus quod loquimur, quomodo erga humanum genus præscientia sua & prædestinatione Deus generaliter, in quo iniquitas non est, vtatur. Massæ itaque humani generis, quæ in Adam & Eua præuaricatione damnabilis mortalisque facta est, non conditione diuina generaliter, sed ex debito pœna cruciatuque gehennæ debetur: venia verò non merito, sed Dei iusti iudicis misericordiæ largitate confertur. Quia verò iustus & misericors Deus, præsciūque futurorum, ex hac damnabili massa, non personarum acceptione, sed iudicio æquitatis suæ inreprehensibili, immo incompre-

Rom. 8.29.

hensibili, quos misericordia gratuita præscit, præparat, id est, prædestinat ad æternam vitam. Ceteros autem pœna, vt prædixi, debita punit. quos ideo punit, quia quid essent futuri præsciuit, non tamen puniendos ipse fecit vel prædestinauit, sed tantum, vt dixi, in damnabili massa præsciuit.] & post aliquanta, Oportet igitur, Sub mediū. vt ad ea quæ superius disputare cœpimus reuertamur. Diximus namque de damnabili humani generis massa Deum præscisse misericordia, non meritis, quos electione gratiæ prædestinauit ad vitam: ceteros verò, qui iudicio iustitiæ eius hac gratia efficiuntur expertes, præscisse tantum vitio proprio perituros, non vt perirent prædestinasse. Sed, vt dixi, quos in operibus impietatis & mortis præsciuit, non præordinauit, nec impulit, in quibus Deum prouocantes ad iracundiam, salutis fidem aut prædicatam sibi accipere nolunt, aut Deo iudice non possunt, vel accepta malè vtuntur, & ob hoc traduntur in reprobum sensum, vt non faciant ea quæ conueniunt, his pœnam prædestinatam esse ritè fatemur.]

Commemorandum etiam duximus, quia abutuntur rediuiui, quibus innisi fuerant in vetustis cineribus olim Prædestinatiani sepulti, Apostolicis testimoniis ad suam confirmandam sententiam, *Attulit, quin Deus, in multa patientia vasa iræ perfecta siue aptata vel preparata ad perditionem, & cuius vult miseretur, & quem vult indurat.* Contra quos exposuit illa B. Augustinus hoc modo in libro de Prædestinatione sanctorum, *Attulit in multa patientia vasa iræ, & cætera vsque preparauit in* Cap. ix. *gloriam.* Fides, inquit, & inchoata & perfecta donum Dei est, & hoc donum quibusdam dari, quibusdam non dari, omnino non dubitat qui non vult manifestissimis sacris literis repugnare. Cur autem non omnibus detur, fidelem mouere non debet, qui credit ex vno omnes esse in condemnationem sine dubitatione iustissimam, ita vt nulla Dei esset iusta reprehensio etiam si nullus inde liberaretur. Vnde constat magnam esse gratiam quòd plurimi liberètur, & quid sibi deberetur in eis qui non liberantur agnoscant.] & ad Sixtum presbyterum, *In vasis* Epist. 105. *quæ perfecta sunt ad perditionem quæ damnatæ debita est massæ, agnoscant vasa ex eadem massa in honorem facta quid eis misericordia diuina largita sit.] Et in epistola ad Optatum, Dixerat, Apostolus scilicet,* Epist. 157. *figulum luti ex eadem massa facere aliud vas in honorem, aliud in contumeliam.* Meritò autem videretur iniustum quòd fiunt vasa iræ ad perditionem, si non esset ipsa vniuersa ex Adam massa damnata. Quòd ergo fiunt nascendo vasa iræ, pertinet ad debitam pœnam: quòd autem fiunt renascendo vasa misericordiæ, pertinet ad indebitam gratiam. Ostendit ergo Deus iram suam, non vtique animi perturbationem, sicut est quæ ira hominis nuncupatur, sed iustam fixamque vindictam, quòd de stirpe inobedientiæ ducitur propago peccati atque supplicij. & *homo natus ex muliere,* Iob 14. 1. *sicut in libro Iob scriptum est, brevis est vita & plenus iracundia.* Eius enim rei vas

Cap. 3.

Psal. 100.
Cap. xi.Epist. 105.
antemed.In princi-
pio c. 2.

Cap. 3.

Rom. 5.

est qua plenus est. Vnde iræ vasa dicuntur.] Et post paululum de electis, ut in eis, id est relictis, discant agere gratias Deo, quod ab eis non suis meritis, quæ in eadem massa paria fuerunt, sed illius miseratione discreti sunt.] Et in libro II. de Nuptiis & concupiscentia. *A quo enim quis deuictus est*, sicut dicit scriptura, *huic & seruus addictus est*. nec quisquam nisi per gratiam liberatoris isto soluitur vinculo seruitutis, à quo est hominum nullus immunis. Per vnum quippe hominem peccatum intrauit in mundum, & per peccatum mors, & ita in omnes homines pertransiit, in quo omnes peccauerunt. Sic est ergo Deus nascentium conditor, ut omnes ex vno eant in condemnationem, quorum non fuerit renascentium liberator. Ipse quippe dictus est figulus, ex eadem massa faciens aliud vas in honorem secundum misericordiam, aliud in contumeliam secundum iudicium, cui cantat Ecclesia *miserecordiam & iudicium*.] Et in libro De bono perseverantiæ, de eo quod scriptum est, *Cuius vult miseretur, & quem vult indurat*. Non enim est iniquitas apud Deum, absit. sed inscrutabilia sunt iudicia eius, & inuestigabiles viæ eius. Vniuersæ enim viæ Domini misericordia & veritas. Inuestigabilis ergo est misericordia eius, quia cuius vult miseretur nullis præcedentibus meritis, & inuestigabilis veritas, quia quem vult obdurat, eius quidem præcedentibus meritis, sed cum eo cuius vult miseretur plerumque communibus. Sicut duorum geminorum, quorum vnus assumitur, vnus relinquitur, dispar est exitus, merita communia: in quibus tamen sic alter magna Dei bonitate liberatur, ut alter nulla eius iniquitate damnetur.] & in epistola ad Sixtum presbyterum, *Quærimus enim meritum obdurationis & inuenimus*, merito namque peccati vniuersa massa damnata est: nec indurat Deus impertiendo malitiam, sed non impertiendo misericordiam. quibus enim non impertitur, nec digni sunt, nec merentur, ac potius ut non impertiatur hoc digni sunt, hoc merentur. *Quærimus autem meritum misericordiæ, nec inuenimus*, quia nullum est, ne gratia euacuetur si non gratis donatur, sed meritis redditur.] & in libro de Prædestinatione gratiæ, *Occurrit enim cur periant ex his aliqui, cum omnipotens omnes homines saluos fieri velit, & ad agnitionem veritatis venire. Deinde cur rursus induret alios misertus aliorum, aut quomodo omnes homines vult saluos fieri, cum ipse nonnullos ne saluentur induret.*] Et post aliquanta. Si ergo, ut apparuit, de præuaricatoris semine omnes nascimur debitores, quoniam *in ipso omnes*, sicut ait Apostolus, *peccauerunt*, & ipsa iam in principio vnde descendimus massa damnata est, nullus de duritia sua, nullus de pœna conqueri audeat, quæ etiam non existentibus peccatis propriis, sola nascendi conditione debetur. Quod verò Deus aliis gratuita vocatione conuersis misericordiam largitur indebitam, non ad dispensatoris iniustitiam, sed ad donantis misericordissimam liberalitatem veritatis ratione referendum est.] Et

paulo pōst, Itaque ex superiore huius parte sententiæ qua dicit, *cu-^{Cap. 4.} ius vult miseretur*, puto quòd nullus nisi indignus misericordia audeat disputare: quod verò sequitur, *quem vult indurat*, ibi paululum humanæ mentis intentio verbi nouitate confunditur. Sed non ita intelligendum est, quasi Deus in homine ipsam quæ non esset duritiam cordis operetur. Quid est enim aliud duritia, quàm Dei obuiare mandatis? Ergo quicquid post illam præuaricationem natus homo supplicij patitur, iustè reddi meritòque fateatur. Indurare enim dicitur Deus eum, quem mollire noluerit: sic etiam excacare dicendus est eum, quem inluminare noluerit: sic etiam repellere eum, quem vocare noluerit.]

Ethoc, quod verbis eximij doctoris de vasorum interitus præparatione vel obduratione ostendimus, manifestum est totum fieri ex retributione iustitiæ, quoniam non à Deo in Adam conditi, sed ex Adæ per peccatum vitiato, & iuxta scripturam maledicto semine, in iniquitatibus concepti, & in peccatis nati filij iræ omnes natura sumus. Quos autem prædestinauit illos & vocauit, & quos vocauit illos & iustificauit, quod ex dono totum sit gratiæ, quia non de Adam nati, sed vt adoptionem filiorum reciperemus, quam in Adam ex quo mortales sumus perdidimus, in Christo renati per adoptionis gratiam Dei filij facti sumus. Et hæc item, de iustitia relictis & gratia electis, sententiæ actuum Apostolorum, quibus etiam abutuntur Prædestiniani, demonstrant dicente Paulo, *Et nos mortales sumus, adnuntiantes* ^{Act. 14. 14.} *vobis ab his vanis conuertere ad Deum vinum qui fecit calum & terram, mare & omnia quæ in eis sunt, qui in præteritis generationibus dimisit omnes gentes ingredi vias suas.* Et quidem non sine testimonio, videlicet quo eum Deum esse cognoscere poterant, sicut & in epistola ad Romanos demonstrat, permisit quidem, id est reliquit, vt alibi scriptura dicit de Deo quia *reliquit hominem in manu consilij sui*, quod est ex retributione iustitiæ, meritò massam damnatam perditioni debitam. Et item de electis in eisdem Apostolorum actibus scriptum est, *Credi-* ^{Act. 13. 48.} *derunt quotquot erant præordinati ad vitam æternam.* Generaliter enim massa perditionis totius humani generis, peccante Adam ab ordine primæ conditionis deiecta est in perditionem damnationis. à qua æterna damnatione, ab exordio sæculi, peccato vt diximus primi hominis damnificata, à Deo autem ante omnia sæcula præscita non prædestinata, à Deo prædestinati ante omnia sæcula ad vitam æternam eripiuntur per sæcula viritim omnes, qui in electorum, id est gratia de massa perditionis lectorum, grege numerantur per Christum Dominum nostrum prædestinatorum caput & lumen. Et hæc electio, id est gratia de massa perditionis lectio, (ab eo qui legitis flores lego,) non illa est qua Saul & Iudas in scripturis leguntur electi. Scriptum est enim de Saul, *Electus & bonus, & non erat vir de filiis Israel melior illo.* & de Iuda electo, sed non in electione electorum col-

lecto. *Nonne ego vos duodecim elegi, & unus ex vobis diabolus est?* quem ab hac electione, id est gratiæ lectione, Dominus alibi etiam discreuit dicens, *Non de omnibus vobis dico, ego scio quos elegerim. Sciebat enim quisnam esset qui traderet eum.* Propterea dixit, Non estis mundi omnes. Vnde beatus Augustinus in libro de Correptione & Gratia dicit, Electi sunt autem, quin vndecim Apostoli, ad regnandum cum Christo, non quomodo electus est Iudas ad opus cui congruebat. Ab illo quippe electus est, qui nouit bene vti etiam malis, vt & per eius opus damnabile illud, propter quod ipse venerat, opus venerabile compleretur. Cùm itaque audimus, *Nonne ego vos duodecim elegi, & unus ex vobis diabolus est?* illos debemus intelligere electos per misericordiam, illum per iudicium. Illos ergo elegit ad obtinendum regnum suum, illum ad effundendum sanguinem suum. Merito sequitur vox ad regnum electorum, *Si Deus pro nobis quis contra nos? Qui proprio filio non pepercit, sed pro nobis omnibus tradidit eum, quomodo non & cum illo nobis omnia donauit?* Hinc & sanctus Ambrosius in Commento epistolæ ad Romanos dicit, *Quos præsciuit & prædestinavit.* Istos quos præsciuit futuros deuotos sibi, ipsos elegit ad promissa præmia capeßenda. vt hi qui credere videntur & non permanent in fide cœpta, à Deo electi negentur, quia quos Deus elegit apud se permanent. Est enim qui ad tempus eligitur, sicut Saul & Iudas, non de præscientia, sed præsentis iustitia. *Conformes fieri imaginis filij sui.* Hoc dicit, quia ideo prædestinantur in futurum sæculum, vt similes fiant filio Dei.

Quibus scripturæ atque doctorum verbis Prædestinarianorum destruitur falsitas, qui pro eo quòd Saul & Iudas leguntur electi à Deo, prædestinatos & electos ad interitum reprobos conantur adstruere. Cùm sicut in sanctis scripturis inuenimus, si Saul lacrymas suas lacrymis Samuelis pro se effusis coniungeret, non in perpetuum abiceretur à Domino. & si Iudas pœnitentiam apud Iesum pium iudicem egisset, quam apud Iudæos impios egerat, non in æternum periret. Sua ergo iniquitate Iudas periit, non Dei electione, sicut Prædestinariani susurrant, malè interpretantes verba beati Augustini, sicut & veteres eorum patres fecerunt, manducantes vnam acerbam, vnde istorum dentes vsque hodie obstupescunt, & audientibus proponentes, Audite, inquiunt, quid Augustinus dicat, Illos elegit ad obtinendum regnum suum, & istum elegit ad effundendum sanguinem suum. Non enim aliter Iudas poterat nisi & hoc ageret vnde periret, quia prædestinatus ad interitum erat. Et tali dicto prædicant Deum mali auctorem, Iudam verò mali immunem, qui aliter non poterat nisi vt per Domini traditionem ad interitum iret, quo prædestinatus erat. Et nolunt legere libros beati Augustini quos aduersus eos egerat: in quibus, sicut sæpè diximus, electos prædestinatos, reprobos autem in massa perditionis relictos inculcat.

Quos libros si legunt, aut intelligere negligunt, aut quantum ex ipsis est prauo sensu peruertunt. Quorum doctrina quàm sit con-
 spicibilis & refutanda, omnis sapiens sanum intelligit. Neque enim
 nomen electus, siue electio, in scripturis inuentum semper ad ante
 sæcularem Dei prædestinationem electorum, sicut nec relictus vel
 relictio ad reproborum damnationem pertinet. Scriptum quip-
 pe est in libro Regum dicente Elia, *Et relictus sum ego solus.* & 3. Reg. 19.
18.
 Dominus, *Reliqui mihi septem millia virorum qui non curuauerunt* Rom. II. 4.
genu ante Baal. De qua relictione dicit Apostolus, *reliquæ per ele-* Ibid. 3.
ctionem saluæ fient. Et Hieremias in Threnis, *Abstulit omnes magni-* Thren. I. 15
ficos meos Dominus de medio meo. vocauit aduersus me tempus, ut con-
tereret electos meos. Et in Canticis canticorum, *Dilectus meus candidus* Cant. 5. 20.
& rubicundus, electus ex millibus. qui ab Apostolo appellatur prædesti- Rom. I. 4.
 natus filius Dei in virtute secundum spiritum sanctificationis. Sed & in hoc
 loco, vnde ex verbis beati Augustini suam prauam sententiam co-
 nantur adstruere de Iuda electo, ostendendum est quàm prauè in-
 telligant. Ait idem doctor mirabilis, Electi sunt, inquit, videli-
 cet vndecim Apostoli, ad regnandum cum Christo, non quomodo e-
 lectus est Iudas ad opus cui congruebat. Hoc dicit, quia talis erat vt
 dignus esset per quem sibi ac suis complicibus, & suasori eius dia-
 bolo tam damnabile, & cunctis credentibus opus venerabile com-
 pleretur. Necesse quidem erat vt hoc opus fieret, quia aliter genus
 humanum peccatis venditum non poterat à morte debita redimi,
 nisi illius morte qui sine peccato suo venerat occidi, sicut scriptum
 est, quoniam sic oportebat Christum pati, & intrare in gloriam
 suam. Et quia sic oportet fieri, & sicut item scriptum est, *Necesse* Matt. 18. 7.
est vt veniant scandala. Et Lucas dicit, *Impossibile est vt non veniant scan-* Luc. 37. 1.
dala. vñ autem illi per quem veniunt. Et Apostolus dicit, *Oportet autem* I. Cor. 11. 19
& hæreses esse, vt qui probati sunt manifesti fiant in vobis. Impossibile est
 ergo, vt exponunt doctores, in hoc mundo erroribus ærumnisque
 plenissimo scandala sæpissimè non venire: sed vñ illi qui quod im-
 possibile est non venire, suo vitio facit vt per se veniat. sicut hic
 Iudas qui proditori animi præparabat. De quo scriptum est,
Tunc abiit, ac si diceret, spontaneus non quæsitus, & exquisi- Matt. 26. 14
uit à principibus sacerdotum, Quid vultis mihi dare & ego eum vobis
tradam? quoniam non solum ardens auaritia, sed & eodem vitio
 vehementissimè inflammatus, fur erat & loculos habens ea quæ
 mittebantur portabat. Et ideo sicut beatus Augustinus dicit, Ele-
 ctus est per iudicium ab illo qui nouit bene vti etiam malis ad opus
 cui congruebat: vt per eius opus damnabile, illud propter quod ip-
 se venerat opus venerabile compleretur. Sicut electus est rex Saul à
 Domino, qui facit regnare hypocritam propter peccata populi,
 quique dicit, *Ipsi regnauerunt & non ex me, Principes extiterunt &* Osce 8. 4.
non cognoui ad contemptum suum in contumaciam populi vindicandam.

1. Reg. 8. 7. quod & scriptura non tacuit dicens, *Dixit autem Dominus ad Samuel,*
 9. *Audi vocem populi. non enim te abiecerunt, sed me, ne regnem super eos. Ve-*
 Cap. 23. *rumtamen prædic eis ius regis. & paulo post, Samuel dicit ad populum, Et*
 Ezech. 14. *clamabitis in die illa à facie regis vestri quem elegistis vobis, & non exau-*
 Rsm. 9. *diet vos Dominus in die illa. Sic namque Saul & Iudas electi sunt ad*
 opera quibus congruebant, sicut idem beatus Augustinus in libro
 de Gratia & libero Arbitrio dicit, Quando, inquit, auditis dicen-
 tem Dominum, *Ego Dominus seduxi prophetam illum:* & quod ait A-
 postolus, *cuius vult miseretur, & quem vult indurat:* & tradidit eos in
 Eccli. 45. *reprobum sensum,* mala eorum merita præcessisse nolite dubitare.
 4. 6. Sic & electus est Saul ad illa exequenda in populum duræ cer-
 uicis & indomabilis animi, quæ Dominus prædici eis à Samuele
 præcepit. Sicut è contrario de Moyse scriptum est in libro Ecclesia-
 stico, *Elegit eum ex omni carne.* & ad quid eum Deus elegerit, paulo
 post sequitur, *docere Iacob testamentum, & iudicia sua Israel.* Et si ele-
 ctus est Iudas ad tradendum Dominum, qui pro redemptione om-
 nium occidi venerat, sicut quantum de seruo ad Dominum compa-
 ratio duci potest, sanctus Gregorius ad decollandum Sanctolum re-
 ligiosum presbyterum pro diacono, pro quo se morti obtulerat, de
 quodam Langobardo in libro refert Dialogorum. Ait enim, Vir
 Lib. III. *autem Domini deductus est in medium, atque ex omnibus viris for-*
 Cap. 37. *tibus electus est vnus, de quo dubium non esset quòd vno ictu ca-*
 put eius abscideret. & paulo inferius, Hunc electus interfector cal-
 ce pulsauit vt surgeret. & infra, Tunc electus carnifex euaginatam
 gladium tenens, & de quibus iste electus sit supra dicit, Omnes qui in
 eodem loco inuenti sunt Langobardi conuenerunt, sicut sunt ni-
 mia crudelitatis, læti ad spectaculum mortis.] Et Iudas filius perdi-
 tionis de omnibus membris Antichristi filij perditionis ad traden-
 dum Christum electus est merito suæ iniquitatis, vt per eius opus
 damnabile, vt Augustinus dicit, opus venerabile propter quod Chri-
 stus venerat compleretur. Videndum etiam quomodo hinc verbis
 beati Ambrosij verba concordant sancti Augustini. Ait enim Am-
 brosius, Est qui ad tempus eligitur, sicut Saul & Iudas, non de præ-
 scientia, sed de præsentis iustitia.] Et sanctus Augustinus in libro de
 Cap. VII. *Correptione & Gratia, Qui verò perseueraturi non sunt, ac sic à fi-*
 de Christiana & conuersatione lapsuri sunt, vt tales eos huius vitæ fi-
 nis inueniat, proculdubio nec illo tempore quo bene pièque vi-
 uunt in electorum numero computandi sunt. Non enim sunt à
 massa illa perditionis præscientia Dei & prædestinatione discreti. &
 ideo nec secundum propositum vocati, ac per hoc nec electi, sed in
 eis vocati de quibus dictum est, *Multi vocati,* non in eis de quibus
 dictum est *pauci verò electi.* Et tamen quis eos neget electos, cum
 credunt & baptizantur, & secundum Deum viuunt? Planè dicun-
 tur electi à nescientibus quid futuri sunt, non ab illo qui eos nouit
 non

non habere perseuerantiam, quæ ad beatam vitam perducit electos, scitque illos ita stare vt præscierit esse casuros.

Norandum etiam quia ex hac sententia, & quibusdam aliis beati Augustini, veteres Prædestinatiani hæresim condiderunt, quod ab eis qui non sunt prædestinati ad vitam percepta baptismi gratia non auferat originale peccatum: & etiam si fuerint in Christo regenerati qui prædestinati non sunt, & piè iustèque vixerint, nihil eis profit, sed tam diu referuentur donec ruant & pereant, nec ante eos ex hac vita quàm hoc eis contingat auferri. Quos confutauit Prosper dicens, Quia omnis homo, qui credens in patrem & filium Contra Gallos c. 3. & Spiritum sanctum regeneratur in baptismo, tam à propriis peccatis quæ mala voluntate & actione contraxit, quàm ab originali quod à parentibus traxit absoluitur. Sed si recedens à Christo, & alienus à gratia finit hanc vitam cadens in perditionem, non in id quod remissum est recidit, nec in originali peccato damnabitur, sed propter postrema crimina ea morte afficietur, quæ propter illa quæ remissa sunt debebatur. Et qui reliquerunt Deum & relictæ sunt, & ex bono in malum propria voluntate mutati sunt, licet fuerint renati, fuerint iustificati, ab eo tamen qui illos tales præsciuit non sunt prædestinati, quia Dei præscientiam tales eos futuros nec latuit nec fefellit. Et ideo nunquam tales elegit, nunquam prædestinauit, & perituros nunquam ab æterna damnatione discreuit.] Et sanctus Gregorius euidenter demonstrat in libro quarto Cap. 28. *Moralium*, quia homo primus ad vitam conditus, si non peccaret, nequaquam ex se gehennæ filios, sed eos qui nunc per redemptionem saluandi sunt generaret. Quémque Deus peccaturum præsciuit non prædestinauit, sed sicut scriptum est, *in manu consilij sui reliquit*, isdem autem Eccli. 15 14 voluntatis propriæ libertati relictus, se & omnes ex traduce sui feminis genitos perditioni obnoxios & condemnandos effecit. Deus autem ex eadem massa perditionis totius humani generis, 1. Pet. 1. 2. *secundum præscientiam suam*, vt Petrus in capite epistolæ primæ dicit, *quosdam elegit*, id est, gratia ante meritum omne prælegit & prædestinauit, id est gratia præparauit, nam electi iidem sunt & prædestinati ad vitam, & vitam illis prædestinauit æternam. Ephes. 1. 4. *Sicut elegit nos, inquit Apostolus, in ipso ante mundi constitutionem, vt essemus sancti & immaculati in conspectu eius in caritate, prædestinans nos in adoptionem filiorum per Iesum Christum in ipsum, secundum propositum voluntatis suæ, in laudem gloriæ gratiæ suæ. In qua gratificauit nos in dilecto filio suo, in quo habemus redemptionem per sanguinem ipsius, remissionem peccatorum secundum diuitias gratiæ suæ, quæ superabundauit in nos in omni sapientia & prudentia, vt ostenderet nobis mysterium voluntatis suæ secundum bonam voluntatem suam, quam proposuit in illo, in dispositionem plenitudinis temporum, instaurare omnia in Christo quæ in celis sunt, & quæ in terris in ipso. In quo etiam & sortem consecuti sumus, prædestinati secundum propositum eius qui*

Rom. 6. 23. *uniuersa operatur secundum consilium voluntatis suae, ut simus in laudem gloriae eius. Et Euangelium, Venite benedicti patris mei, percipite regnum quod vobis paratum, id est, praedestinatum est ab origine mundi. Et item Apostolus, Gratia autem Dei vita aeterna. Quos autem praesciuit non praedestinavit, iudicio iusto reliquit ad poenam, & ex retributione iustitiae poenam illis praedestinavit, id est praeparavit aeternam.*

Non longe à principio. Ait enim idem, catholica & Apostolica sanctae sedis Romanae, omnium scilicet Ecclesiarum in toto orbe terrarum matris atque magistrae Pontifex, in Homilia Euangelij xxxiv. Angelorum quippe & hominum naturam ad cognoscendum se Dominus condidit, quam dum consistere ad aeternitatem voluit, eam proculdubio ad suam similitudinem creauit.] Et in Homilia Euangelij xvii. Quid autem animas hominum nisi cibum Domini dixerim, quae ad hoc sunt conditae, ut in eius corpore traiciantur, id est, ut in aeternae Ecclesiae augmentum tendant?] Et in xvii. libro Moralium, Ad vitam namque homo conditus, in libertate propriae voluntatis sponte sua factus est debitor mortis.] Et item in libro xx. Moralium. Humanum igitur genus, recto Dei iudicio in voluptatibus suis sibi dimissum, atque per easdem voluptates spontaneis tribulationibus traditum, absinthio est ebrium.] Et item in libro xxv. Primus homo ita conditus fuit, ut moriente illo deciderent tempora, nec cum temporibus ipse transiret. Sic enim momentis decurrentibus, quia nequaquam ad vitae terminum per dierum incrementa tendebat, stabat tanto robustius, quanto semper stanti artius inharebat. At ubi vetitum contigit, mox offenso creatore coepit ire cum tempore, statu videlicet immortalitatis amisso, cursus eum mortalitatis absorbuit. Quia verò, ut diximus, arbitrij libertate abusus primus homo peccauit, & factus est massa perditionis totius humani generis, quidam ex eadem massa damnationis, qui per redemptionem sanguinis Christi saluati sunt, saluantur & saluabuntur, quoniam, ut princeps Apostolorum dicit, *Act. 4. 12.* *Non est aliud nomen sub caelo datum hominibus, in quo oporteat nos salvos fieri, ante tempora saecularia praesciti, & gratia electi vel praedestinati ad vitam, quidam verò praesciti non praedestinati, sed iudicio iusto in eadem massa relictī ad poenam sunt. sicut idem Gregorius* *Cap. viii.* *doctor egregius in libro xxv. Moralium dicit, Hunc, inquit, super-
pernorum iudiciorum metum Paulus Apostolus discipulorum cor-
dibus insinuans ait, Qui se existimat stare videat ne cadat, Quòd autem* *i. Cor. 10. 12.* *dicit, conteret multos, illicò adiunxit, innumerabiles. vel multitudinem ex-
Job 34. 24.* *primere studuit reproborum, quae humanae rationis numerum trans-
it, vel certè indicare voluit quòd omnes qui pereunt intra electo-
rum numerum non habentur, ut eo sint innumerabiles quo extra
numerum currunt. Vnde & Propheta intuens tantos in hoc Ecclesiae
tempore specie tenus credere, quantos nimirum certum est electorum
numerum summamque transire, ait, Multiplicati sunt super numerum.*

ac si diceret, multis Ecclesiam intrantibus, etiam hi ad fidem regni specie tenus veniunt; qui à numero cælesti excluduntur, quia electorum summam sua videlicet multiplicatione transeunt. Vnde per Esaïam quoque eidem Ecclesiæ dicitur, *Ad dexteram enim & ad laeuam dilataberis, & semen tuum gentes hereditabit.* Intrante quippe multitudine gentium ad dexteram extenditur, dum quosdam iustificandos suscipit: ad laeuam quoque dilatatur, dum ad se quosdam etiam in iniquitate permanentes admittit, præter hanc multitudinem quæ extra electorum numerum iacet.] & paulo superius. Notandum verò est, quia dum aliis cadentibus, ad standum alij solidari perhibentur, electorum numerus certus ostenditur. Vnde etiam Philadelphiæ Ecclesiæ per Angelum dicitur, *Tene quod habes, ne aliud accipiat coronam tuam.* Hac ergo sententia, qua narratur, aliorum erigi, aliorum autem vita bona confringi, spes nutritur humilium, elatio premitur superbiorum, dum & illi bona possunt amittere de quibus superbiunt, & isti ea percipere quæ quia non habeant contemnuntur.] Eritem aliquanto superius, In hoc ergo utroque genere hominum sæpè contingit, ut & qui videntur in humano iudicio stare, iam in conspectu æterni iudicis iaceant, & qui nunc coram hominibus iaceant, in conspectu æterni iudicis stent. Quis enim hominum æstimare potuisset, Iudam viuendi sortem post ministerium Apostolatus amittere, & latronem æterna præmia in articulo mortis inuenire? Occultus autem iudex, præsidens & utrorumque corda discernens, alterum piè statuit, alterum iuste confregit, illum districte exterius repulit, hunc intrinsecus misericorditer traxit.] & item in libro vigesimo nono, *Iudicia tua abyssus multa.* Nemo ergo perscrutari appetat, cur cum alius repellitur alius eligatur, vel cur cum alius eligitur alius repellatur, quia superficies abyssi constringitur, & attestante Paulo *Inscrutabilia sunt iudicia eius, & inuestigabiles via eius.* Item idem in libro vigesimo nono dicit, Dominus iniquiens ait *Cælum mihi sedes est. & anima iusti sedes sapientiæ.* Cælum utique anima iusti, cælum fuit Abraham. Cum enim de Abraham natus est Caiphas, quid aliud nisi gelu de cælo processit? Quod tamen gelu idcirco Dominus genuisse se dicit, quia Iudæos quos naturaliter ipse bonos condidit, iusto iudicio per eorum malitiam frigidus à se exire permisit. Dominus enim conditor est naturæ, non culpæ. Genuit ergo creando naturaliter, quos iniquos permisit tolerando viuere patienter.] & item in eodem libro, Hinc Paulus ait, *Eo quod caritatem veritatis non receperunt ut salui fierent, ideo mittet illis Deus operationem erroris ut credant mendacio, ut indicentur omnes qui non credunt veritati, sed consenserunt iniquitati.* Nequaquam ergo super eos vesper consurgeret, si cæli filij esse voluissent.] Et item in libro vigesimo quinto, Hoc quod electis aliis alij conteruntur, de merito patientis est, non de iniquitate punientis. Non enim iniquus Deus,

Iob 34. 25.

qui infert iram. vnde aptè subiungitur, *Novit enim opera eorum, & idcirco inducet noctem, & conterentur.*

Cap. XIII.

Et quia præscientia Dei sine prædestinatione esse potest, sicut in illis omnibus quæ non ex ipso erant causam operationis habitura, non tamen eum possunt latere qui novit omnia etiam antequam fiant. Et reprobi præsciti non autem prædestinati à Deo ad pœnam sunt, quia non ipso auctore, sed exigente iniquitate, vel paterna vel propria, pereunt iusto à Deo relictæ iudicio: sicut præsciti simul & prædestinati ipso auctore saluantur gratiæ dono, quoniam misericordia eius prævenit nos, ut bene velimus, adiutor in opportunitatibus in tribulatione, cui dicimus, *Adiutor meus tibi psallam, & Adiuva nos Deus salutaris noster.* Adiuuat nos ut bene possimus, & misericordia eius subsequetur nos omnibus diebus vitæ nostræ, ut in bono perseveremus, & ipse coronat nos in misericordia & miserationibus, qui satiat in bonis desiderium nostrum. Satiabimur enim cum manifestabitur gloria eius. Hic doctor magnificus in libro Moralium trigesimo quarto demonstrat dicens, Fortasse quempiam moueat, cur misericors Deus fieri ita permittat, ut Leuiathan iste, seu nunc per suggestiones callidas, siue tunc per damnatum illum quem replet hominem, vel Solis sibi radios, id est doctos quosque sapientesque subiiciat, vel aurum, hoc est viros sanctitatis claritate fulgentes, quasi lutum sibi vitiis coinquinando substernat. Sed citius respondemus, quod qui prauis eius persuasionibus quasi lutum sterni potuerit, aurum ante Dei oculos nunquam fuit. Qui enim seduci quandoque non reuersuri possunt, quasi habitam sanctitatem ante oculos hominum videntur amittere, sed eam ante Dei oculos nunquam habuerunt. Sæpè namque homo multis occultè peccatis inuoluitur, & in vna aliqua virtute magnus videtur, quæ ipsa quoque virtus inaniscens deficit, quia dum innotescit hominibus, proculdubiò laudatur, eiusque laus inhianter appetitur. Vnde fit ut & ipsa virtus ante Dei oculos virtus non sit, dum abscondit quo displicet, prodit quo placet.] & post pauca, *Eat ergo Leuiathan iste, & Solis sibi radios subdat, atque aurum luti more subiiciat.* Scit omnipotens Deus ad electorum suorum solatium bene uti malo reprobis, quando hi qui ad illum peruenturi sunt, & suis ad eum meritis proficiunt, & sæpè in eo quod superbè sapiunt alienis lapsibus corriguntur.] Et quia reprobis pœna, electis autem à Deo æterna vita est præparata, paulo post sequitur, *Per semetipsam namque veritas dicit, Ibunt hi in supplicium æternum, iusti autem in vitam æternam.*]

Matt. 25.
Cap. XVI.

& item post pauca subiungit, *At, inquit, sine fine puniri non debet culpa cum fine.* Iustus nimirum est omnipotens Deus, & quod non æterno peccato commissum est, æterno non debet puniri tormento. Quibus citius respondemus, quod rectè dicerent, si iustus iudex districtusque veniens, non corda hominum, sed facta

pensaret. Iniqui enim ideo cum fine deliquerunt, quia cum fine vixerunt. Voluissent quippe sine fine vivere, ut sine fine potuissent in iniquitatibus permanere. Nam magis appetunt peccare quam vivere. & ideo hinc semper vivere cupiunt, ut nunquam desinant peccare cum viuunt. Ad districti ergo iustitiam iudicis pertinet, ut nunquam careant supplicio, quorum mens in hac vita nunquam voluit carere peccato, & nullus detur iniquo terminus ultionis, qui quando valuit habere noluit terminum criminis.]

Quoniam quidem ad inuentionum de prædestinatione resufflatores, prauis sensus scalpentes auribus, lingua pruriente nos dicunt Dei mutabilem voluntatem, nouumque eius prædicare consilium, si damnet quos ante sæcula ad mortem & damnationem nequaquam prædestinavit, accipiant, legant, & audiant atque intelligant, nos catholicorum patrum sequi doctrinam, & dicere sicut prædiximus, & adhuc iterare non piget, quia multos Deus gratia prædestinavit ad gloriā, neminem autem prædestinavit sed deseruit iuste ad damnationem & pœnam. Quos autem ante sæcula præsciuit, non prædestinavit, in impietate & iniquitate perseveraturos, prædestinavit ut ex iustitiæ retributione damnentur, & iudicium æquè prædestinavit quo iustissimè puniantur, sicut apertissimè ostendit sanctus Augustinus in principio Evangelij Ioannis, Factam inquit in tempore creaturam, sed in æterna creatoris sapientia quando & qualis crearetur semper fuisse dispositum. & hoc est quod ait, *Quod factum est in ipso vita erat*, id est quod factum in tempore, siue viuum siue vita carens apparuit, omne hoc in spiritali factoris ratione quasi semper vixerat & viuit: non quia coæternum est creatori quod creauit, sed quia coæterna est illi ratio voluntatis suæ, in qua ab æterno habuit & habet quid & quando crearet, qualiter creatum gubernet ut maneat, ad quem finem singula quæ creauit perducatur.] Et S. Gregorius in libro Moraliū xxv. dicit, Cunctis liquet quòd in illa extrema re-

Cap. vii.

Cap. v.

Rom. 8.

Rom. 4.
Eph. 3. 1.

Epigram.
LVIII.

ætatem nostram generationis sunt propagine nascituri, apud Deum & iam nati sunt, & decurso totius vitæ tempore transierunt, in illo nihilominus diuini obtutus lumine permanentes. Deus enim, qui nec loco clauditur, nec tempore præuenitur, omnium rerum tam præteritarum memoria, quàm imminentium scientia plenus est. nec reminiscens voluitur in præteritum, nec sperans tenditur in futurum. & quæcumque omninò sunt, quæ temporum motibus agitantur, ab eo principio in quo erat Verbum, & Verbum erat apud Deum, & Deus erat Verbum, vsque in finem omnium sæculorum. De quo fine cùm diceret beatus Moyses, *Domine, inquit, qui regnas in sæculum & sæculum.* & adhuc nec sperantur futura, nec præterita transierunt, sed in præsentia diuinitatis præsentis semper luce cernuntur. Ab illo ergo qui æternus & præsciens, qui & iustus & pius est, qui & exerit debitam seueritatem, & exhibet indebitam pietatem, & habet in creandis atque eligendis hominibus, sicut in luto figulus, potestatem, facta sunt alia quidem vasa in honorem, alia verò in contumeliam. Antequam faceret nos præsciuit nos, & in ipsa nos præscientia cùm nondum fecisset elegit. Sed à quo hoc fieri potuit, nisi ab eo qui vocat ea quæ non sunt tanquam ea quæ sunt? Apostolus enim dicit, *Qui elegit nos ante mundi constitutionem.* Intra mundum facti sumus, & ante mundum electi sumus. Atque ita vno eodemque, nec transeunte nec futuro, sed continuo tempore, vel si quo alio modo dici potest, si tamen potest, apud Deum est & præscire, & facere, & eligere. Et præscientia sua incommutabiliter permanente elegerat faciendos quos factururus fuerat eligendos.] Et Prosper in libro Epigrammatum, *De intemporalis opere Dei.* Ordo temporum in æterna Dei sapientia sine tempore est, nec aliqua sunt apud illum noua, qui fecit quæ futura sunt.

Artifice in summo sine tempore temporis ordo est,

Inque Deo rerum non variat series.

Æterno auctori simul adsunt omnia semper,

Cum quo in factorum est ordine quicquid erit.

EPILOGI CAPVT IV.

Qualiter catholica Ecclesia de gratia & libero arbitrio teneat.

Innocent.
ep. xxxi.
Cælest. ep.
viii.

SANCTVS INNOCENTIVS in epistola ad Aurelium & Carthaginense Concilium, itémque sanctus Cælestinus ad Venerium & ceteros Gallicanos Episcopos, Liberum arbitrium olim ille, id est primus homo perpeffus, dum suis inconsultius vtitur bonis, cadens in præuaricationis profunda demersus est, & nihil quemadmodum exinde surgere posset inuenit, suæque in æternum libertate deceptus, huius ruinæ latuisset oppressus, nisi eum postea Christi

pro sua gratia releuasset aduentus: qui per nouæ regenerationis purificationem omne præteritum vitium sui baptismatis lauacro purgavit, & eius firmans statum, quo rectius stabiliusque procederet, tamen suam gratiam in posterum non negauit. Nam quamuis hominem redemisset à præteritis ille peccatis, tamen sciens iterum posse peccare, ad reparationem sibi, quemadmodum posset illum & post ista corrigere, multa seruauit, quotidiana præstans illi remedia, quibus nisi freti confisique nitamur, nullatenus humanos vincere poterimus errores. Necesse est enim, vt quo auxiliante vincimus, eo iterum non adiuuante vincamur. Omnium igitur bonorum affectuum atque operum, & omnium studiorum, omniumque virtutum, quibus ab initio fidei ad Deum tenditur, Deum profiteamur auctorem, & non dubitemus ab ipsius gratia omnia hominis merita præueniri, per quem fit vt aliquid boni & velle incipiamus & facere. Quo vtique auxilio & munere Dei non aufertur liberum arbitrium sed liberatur, vt de tenebroso lucidum, de prauo rectum, de languido sanum, de imprudente sit prouidum.] Et S. Augustinus in absolute quæstionis tertiæ contra Pelagianos & Cælestianos Hypomnesticon libro, Igitur liberum arbitrium hominibus esse certa fide credimus, & indubitanter prædicamus. & cur liberum dicatur arbitrium est paululum differendum. Arbitrium scilicet ab arbitrando rationali consideratione, vel discernendo quid eligat quidve recuset, puto quod nomen accepit: vel ideo liberum dictum, quod in sua sit positum potestate, habens agendi quod velit possibilitatem, quod est vitalis & rationalis animæ motus. Sed huiusmodi, vt antè iam dixi, fuit in homine protoplasto, cum ante peccatum maneret inlæsus. Non enim per aliud contraxit offensam, nisi per id quod potuit ne delinqueret resistere suadenti. Per velle ergo malum rectè perdidit posse bonum, qui per posse bonum potuit vincere velle malum. Quem iustè Deus iam delicto captiuum voluntati deprauatæ dimisit, vt hæc eidem esset pœna in non faciendo quod velit, quæ semper si Deo fuisset obediens sufficere potuisset ad omne bonum quod voluisset. Malum itaque velle non ex naturæ suæ conditione bona habuit, tanquam ex congenito malo, vt Manichæus credit, sed ex accidenti desiderio prauo concepit.] Contra quem facit scripturæ sententiæ expositio, quam isdem doctor in

Quoniam nequam est natio illorum & naturalis malitia ipsorum, & quoniam non poterit mutari cogitatio illorum in perpetuum. semen enim erat maledictum ab initio. Nempe, inquit, de quibuscumque dicat ista, de hominibus dicit. Quomodo est ergo cuiuslibet hominis malitia naturalis, & semen maledictum ab initio, nisi ad illud respiciatur, quod per unum hominem peccatum intrauit in mundum, & per peccatum mors, & ita in omnes homines pertransiit in quo omnes peccauerunt? Cuius autem hominis ma-

Hypomn.
lib. i. sub
initium.

Lib. ii.
cap. xiii.

Sap. 12. 10.

Rom. 5. 12.

la cogitatio non potest in perpetuum mutari, nisi quia per seipsam non potest, sed si gratia diuina subueniat, qua non subueniente, quid sunt homines, nisi quod ait Apostolus Petrus, *velut muta animalia, procreata naturaliter in captiuitatem & interitum?* Vnde vno loco Paulus Apostolus vtrumque commemorans, & iram Dei cum qua nascimur, & gratiam qua liberamur, *Et nos omnes, inquit, aliquando conuersati sumus in desideriiis carnis nostrae, facientes voluntatem carnis & affectionum, & eramus natura filij irae sicut & ceteri. Deus autem, qui diues est in misericordia propter multam dilectionem qua dilexit nos, & cum essemus mortui peccatis conuiuificauit nos Christo, cuius gratia sumus saluati.* Quid est ergo malitia naturalis hominis, & semen maledictum ab initio, & procreati naturaliter in captiuitatem & interitum, & natura filij irae? Numquid in Adam natura ista sic condita est? absit. Sed quia in illo vitiata, sic per omnes iam naturaliter cucurrit & currit, vt ab hac perditione non liberet nisi gratia Dei per Iesum Christum dominum nostrum.] Et item in libro Hypomnesticon, Est igitur liberum arbitrium, quod quisque esse negauerit catholicus non est, & quisque sic esse dixerit, quod sine Deo bonum opus, id est quod ad eius sanctum propositum pertinet, nec incipere nec perficere possit, catholicus est.] Et item, Audi haeretice, stulte & inimice fidei veritatis, Opera liberi arbitrij bona, quae vt fiant praeparantur per gratiae praeventum, nullis liberi arbitrij meritis, sed ipsa faciente, gubernante, proficiente, vt abundant in libero arbitrio non damnamus, quia ex his vel huiusmodi homines Dei iustificati sunt, iustificantur, iustificabuntur in Christo. Damnamus verò auctoritate diuina opera liberi arbitrij, quae gratiae praeposuntur, & ex his tanquam meritis in Christo iustificari extolluntur.] Et item in libro de Gratia & libero Arbitrio, Semper est autem in nobis voluntas libera, sed non semper est bona. Aut enim à iustitia libera est quando seruit peccato, & tunc est mala, aut à peccato libera est quando seruit iustitiae, & tunc est bona. Gratia verò Dei semper est bona, & per hanc fit vt sit homo voluntatis bonae, qui prius fuit voluntatis malae. per hanc etiam fit vt ipsa bona voluntas quae iam esse coepit augeatur, & tam magna fiat, vt possit implere diuina mandata quae voluerit, cum valde perfectèque voluerit. Ad hoc enim valet quod scriptum est, *si volueris conseruabis mandata.* vt homo qui voluerit & non potuerit, nondum se plenè velle cognoscat, & oret vt habeat tantam voluntatem quanta sufficit ad implenda mandata. Sic quippe adiuuatur vt faciat quod iubetur. Tunc enim vtile est velle cum possumus, & tunc vtile est posse cum volumus.] Et sanctus Gregorius in libro Moralium vigesimo quarto, *Liberauit enim animam suam ne pergeret in interitum.* Quia praeniente diuina gratia in operatione bona nostrum liberum arbitrium sequitur, nosmetipsi nos liberare dicimur, quia liberanti nos Domino consentimus. Vnde Paulus cum diceret, *Abundantiùs illis omnibus laboraui,*

raui, ne labores suos sibi tribuisse videretur, adiunxit, *Non autem ego, 1. Cor. 15. 10*
sed gratia Dei mecum. Quia enim præuenientem Dei gratiam ipse et-
iam libero arbitrio fuerat subsecutus, aptè subiunxit *mecum*: ut &
diuino muneri non esset ingratus, & tamen à merito liberi arbitrij
non remaneret extraneus.] Et item in libro trigesimo tertio, *Quis* Cap. xx.
antè dedit mihi, ut reddam ei? Ac si apertè diceretur, Ad parcendum
reprobis nulla ratione compellor, quia eis debitor ex sua actione
non teneor. Idcirco enim nequaquam cælestis patriæ præmia æter-
na percipiunt, quia ea nunc dum promereri poterant ex libero ar-
bitrio contempserunt. Quod videlicet liberum arbitrium in bono
operatur electis, cum eorum mens à terrenis desideriis gratia ad-
spirante suspenditur. Bonum quippe quod agimus, & Dei est, & no-
strum. Dei per præuenientem gratiam, nostrum per obsequentem
liberam voluntatem. Si enim Dei non est, unde ei in æternum gra-
tias agimus? rursum si nostrum non est, unde nobis retribuere præ-
mia speramus? Quia ergo non immeritò gratias agimus, scimus
quòd eius munere præuenimur. & rursum, quia non immeritò re-
tributionem quærimus, scimus quòd subsequente libero arbitrio
bona elegimus quæ ageremus.] Et venerandus Alcuinus in opuscu-
lo quæstionum libri Geneseos, ad Sigulfum presbyterum, interro-
gatus cur homo factus est liberi arbitrij, respondit, Quia noluit
creator hominem cuiuslibet creare seruum, quem ad imaginem
suam fecit, quatenus ex voluntario bono laudabilis appareret, vel
appetitu malo damnabilis. Et interrogatus, cur tentari Deus homi-
nem permisit, quem consentire præsciebat, respondit, Quia magnæ
laudis non esset, si ideo homo non peccasset, quia malè facere non
potuisset. Nam & hodie sine intermissione per vniuersum genus hu-
manum ex insidiis diaboli homines tentantur, ut ex eo tentati vir-
tus probetur, & palma non consentientis gloriosior appareat. Et de
quæstione, quomodo intelligendum sit, *Sub te erit appetitus eius, &*
tu dominaberis illius, respondit, Quia tu liberi es arbitrij, non habet
peccatum super te dominium, sed tu super illud, & in tua potestate
est, siue cum Dei gratia compescere, siue appetitu tuo concupisce-
re illud. Et interrogatus quæ est vera libertas, respondit, Maxima
hæc libertas est, seruire iustitiæ, & peccato liberum esse.] Et Prosper
contra Gallos, Liberum arbitrium nihil esse, vel non esse, perpe-
ram dicitur: sed ante inluminationem fidei in tenebris, id est in
vmbra mortis agere, non rectè negatur. quoniam priusquàm à do-
minatione diaboli per Dei gratiam liberetur, in illo profundo ia-
cet, in quod se sua libertate demersit. Arbitrium enim hominis
gratia Dei non abolet, sed adolet, & ab errore in viam reuocat ac
reducit, ut quod sua libertate erat prauum, spiritu Dei agente sit
rectum. Et item in libro de Ingratis contra Pelagianos,

Sicut enim palme nullos valet edere fructus

Non in vite manens, quæ de radice ministra
 Succum agat in frondes, & musto compleat uas:
 Sic infœcundi virtutum & fruge carentes,
 Perpetui cibus ignis erunt: qui vite relictæ,
 Audent effusa de libertate comarum
 Fidere, ne Christi sint vbertate feraces.
 Et mage se credunt propriis excellere posse,
 Quàm si virtutum placitarum sit Deus auctor.

Et paulo post,

Quod non est nisi peccatum, quo discrucietur
 Libertas, ad quam solam male gesta recurrunt.
 Et tamen in sanctos animum cum intendimus actus,
 Cum desideriis carnis mens casta repugnat,
 Cum tentatori non cedimus, & per acerbæ
 Vexati pœnas, inlæso corde manemus,
 Libertate agimus, sed libertate redempta,
 Cui Deus est rector.

Cap. 15.

Et item in eodem,

Et nos ista inquit sentimus de bonitate
 Ac virtute Dei, quo ni foueatque regatque
 Quos vocat, & tutos peccato præstet ab omni,
 Non sua seruabit quemquam prudentia, nec se
 Perficiet solis naturæ viribus ullus.
 Sed quia iam in nobis & velle & nolle creatum est,
 Arbitriique sui quod vult intendere motus
 Libertas accita potest, patuitque per aurem
 Iudicio cordis, quo mundum proposuisset
 Consilio saluare Deus, mens excita longum
 Excutiat somnum, seque illi subdat & aptet,
 Qui cupidam & fidam promissa in gaudia ducat.

Non longè
 à principio.

Et in libro de Prouidentia diuina,

————— Dedit optimus auctor
 Hoc homini speciale decus. cumque omnia verbo
 Conderet, hunc manibus, quo plus genitoris haberet,
 Dignatur formare suis. substantia duplex
 Iungitur, inque vnâ coeunt contraria vitam.
 Namque anima ex nullis ut cetera gignitur, expers
 Interitus, nisi quod Domino cruciabilis vni est,
 Et rea ferre potest pœnam sub nomine mortis,
 Terrenamque inlapsa domum, dat viuere secum
 Consortem, & pariter diuinum haurire vaporem.
 Nec quia dissimilis rerum natura duarum est,
 Dispar conditio est, manet exitus vnus utrumque,
 Seu potior iuri subdatur posterioris,

*Seu se maioris virtuti infirmior aquet.
 Est etenim ambarum vinci, est & vincere posse,
 Proficere & minui, regnare & perdere regnum.
 Non quia plus cuiquam, minus aut in origine causæ
 Nascendi attulerint, aut vlla externa creatos
 Vis premat, ignarósque agat in discrimina morum:
 Sed quia liber homo & sapiens discernere rectis
 Præua potest, in se intus habens discrimina rerum,
 Iusque voluntatis quo temperat arbitrium mens.*

EPILOGI CAPUT V.

*Quòd Deus omnes homines vult saluos fieri, licet non omnes sal-
 uentur: quòd autem quidam saluantur, saluantis sit donum,
 & quòd quidam pereunt, sit pereuntium meritum.*

SANCTVS CÆLESTINVS ad Venerium & ceteros Gallicanos Post epist.
VIII.
 Episcopos, Obsecrationum sacerdotalium sacramenta respicia-
 mus, quæ ab Apostolis tradita, in toto mundo atque in omni ca-
 tholica Ecclesia vniformiter celebrantur, vt legem credendi lex sta-
 tuat supplicandi. Cùm enim sanctarum plebium Præsules manda-
 ta sibi legatione funguntur, apud diuinam clementiam humani
 generis agunt causam, & tota secum Ecclesia congemiscante, postu-
 lant & precantur vt infidelibus donetur fides, vt idololatræ ab im-
 pietatis suæ liberentur erroribus, vt Iudæis sublato cordis velamine
 lux veritatis appareat, vt hæretici catholicæ fidei perceptione resi-
 piscant, vt schismatici spiritum rediuuæ caritatis accipiant, vt lapsis
 pœnitentiæ remedia conferantur. vt denique catechumenis ad re-
 generationis sacramenta perductis cælestis misericordiæ aula refe-
 retur.] Tanta enim est erga omnes homines bonitas Dei, vt nostra
 velit esse merita quæ sunt ipsius dona, & pro his quæ largitus est æter-
 na præmia sit donaturus. Et Ioannes Chrysostomus in Euangelio Mat-
 thæi Homilia xxv. Idcirco enim, inquit, altari adsistens sacerdos pro
 vniuerso orbe terrarum, pro absentibus atque præsentibus, pro his qui
 ante nos fuerunt, pro his qui postea sunt futuri, sacrificio illo pro-
 posito, Deo nos gratias iubet referre. Hoc quippe & à terra nos li-
 berat, & transponit in cælum, atque ex hominibus Angelos facit.]
 Sanctus Dionysius Arcopagites in libro de Ecclesiastico principatu
 cap. ii. Hierarchas quidem vnusquisque ad Dei similationem omnes
 homines volens saluare, & ad agnitionem veritatis venire, prædi-
 cat omnibus vera Euangelia, *Quanti, inquit, acceperunt eum, dedit eis* Ioan. i. 12.
potestatem filios Dei fieri, credentibus in nomine eius. Si quis ergo discedit à
 vero lumine, aut de intellectualibus, spontaneo arbitrio, malitiæ cu-
 piditate, concludens naturaliter insperfas sibi ad inluminari virtutes,

Lib. 2. de
Trin. post
medium.

Psal. 72. 1.

Ephes. 4. 30

Cap. 33.

per seipsum se destruet.] Et sanctus Cyprianus in libro de Oratione Dominica dicit, Nam cum discipuli ab eo non iam terreni appellantur, sed sal terræ, & Apostolus primum hominem vocet de terræ limo, secundum verò de cælo, & nos qui esse debemus patri Deo similes, qui solem suum oriri facit super bonos & malos, & pluit super iustos & iniustos, sic Christo monente oramus & petimus, ut precem pro omnium salute faciamus, ut quomodo in cælo, id est in nobis, per fidem nostram voluntas Dei facta est ut essemus de cælo, ita & in terra, hoc est ut illis credentibus fiat voluntas Dei, ut qui adhuc sunt prima natiuitate terreni, incipiant esse cælestes ex aqua & spiritu nati.] Et sanctus Hilarius in secundo libro de Fide, Humani enim generis causa Dei filius natus ex virgine est, & Spiritu sancto ipso sibi in hac operatione famulante, & sua Dei videlicet inumbrante virtute, corporis sibi initia consequitur, & exordia carnis instituit, ut homo factus ex virgine naturam in se acciperet, perque huius admixtionis societatem sanctificatum in eo vniuersi generis humani corpus existeret: ut quemadmodum omnes in se per id quod corporeum esse voluit conderentur, ita rursus in omnes ipse per id quod eius est inuisibile referretur.] Et item. Munus autem quod in Christo est omnibus patet vnum. & quod ubique non deest in tantum datur in quantum quis volet sumere, in tantum residet in quantum quis volet promereri.] Sanctus quoque Ambrosius in Psalmo CXVIII. exponens versum, *Bonitatem fecisti cum seruo tuo Domine*, ita dicit, *Quàm bonus Israel Deus rectis corde!* Ergo bonus omnibus, quia omnes recto vult esse corde. qui autem corde declinauerit, ipse à se gratiam diuinæ bonitatis auertit. semper Deus bonus est.] Et S. Ioannes Chrysostomus in libro de Reparatione lapsi, Si propterea nos fecisset Deus ut puniret, rectè desperares & dubitares de salute tua: si verò propter bonitatem suam tantummodò nos fecit, ut æternis eius bonis & muneribus fruamur, atque quæ agit ab initio sæculi vsque ad præsens tempus propterea agit, & propterea monet, ut nos misericordia sua saluet, quæ ultra nobis desperandi, quæ ambigendi causa supererit?] Et sanctus Hieronymus in Commento epistolæ ad Ephesios, *Nolite contristare Spiritum sanctum Dei.* Mœror Spiritus sancti sic intelligendus est, quomodo ira Dei, & somnus, & ceteræ in humanam similitudinem passionibus. Non quo contristeretur Spiritus, & ullam perturbationem diuinitas sentiat: sed quo ex verbis nostris Dei discamus affectus, quod mœreat quotiescumque peccamus, & defleat peccatores. Nam & Saluator in corpore constitutus fleuit Hierusalem, & omne hominum genus in propheta deplorat dicens, *Heu mihi anima, quia periit reuerens à terra, & qui corrigat inter homines non est. omnes in sanguine iudicantur.*] Et sanctus Augustinus in libro de Littera & Spiritu: Vult autem Deus omnes homines saluos fieri, & in agnitionem veritatis venire: non

fic tamen, ut eis adimat liberum arbitrium, quo vel bene vel malè
 vrentes iustissimè iudicentur. Quod cum fit, infideles quidem con-
 tra voluntatem Dei faciunt, cum eius Evangelio non credunt: nec
 ideo tamen eam vincunt, verum seipso fraudant magno & summo
 bono, malisque pœnalibus implicant, experturi in suppliciis pote-
 statem eius, cuius in donis misericordiam contempserunt. Ita vo-
 luntas Dei semper inuicta est. vinceretur autem, si non inueniret
 quid de contemptoribus faceret, aut vlllo modo possent euadere
 quod de talibus ille constituit.] Et in libro de Catechizandis rudi-
 bus, Verè frater, illa magna & vera beatitudo est, quæ in futuro
 sæculo sanctis promittitur. omnia verò visibilia transeunt, & om-
 nis huius sæculi pompa, & delitiæ, & curiositas interibunt, & secum
 ad interitum trahunt amatores suos. A quo interitu, hoc est pœ-
 nis sempiternis, Deus misericors volens omnes homines liberare, si
 sibi ipsi non sint inimici, & non resistent misericordiæ creatoris
 sui, misit vnigenitum filium suum, hoc est Verbum suum æquale si-
 bi, per quod condidit omnia: & manens quidem in diuinitate sua,
 & non recedens à patre, nec in aliquo mutatus, assumendo tamen
 hominem, & in carne mortali hominibus apparendo, venit ad ho-
 mines, ut quemadmodum per vnum hominem qui primus factus
 est, id est Adam, mors intrauit in genus humanum, quia consensit
 mulieri suæ seductæ à diabolo ut præceptum Dei transgredierentur:
 sic per vnum hominem, qui etiam Deus est, Dei filius, Iesum Chri-
 stum, deletis omnibus peccatis præteritis, credentes in eum omnes
 in æternam vitam ingrederentur.] Et Prosper contra Vincentianos,
 Sincerissimè credendum atque profitendum est, Deum velle ut om-
 nes homines salui fiant. Siquidem Apostolus, cuius ista sententia
 est, sollicitissimè præcipit, quod in omnibus Ecclesiis piissimè cu-
 stoditur, ut Deo pro omnibus hominibus supplicetur. Ex quibus
 quod multi pereunt, pereuntium est meritum, quod multi saluan-
 tur, saluantis est donum. Ut enim reus damnetur, inculpabilis est
 Dei iustitia: ut autem reus iustificetur, ineffabilis Dei gratia est.] Et
 item in libro de diuina Prouidentia,

Resp. ii.

Sub mediū

*Verum ne longo sermone moremur in istis,
 Quæ sparsim varièque suis sunt edita sæclis,
 Nève quod in parte est, in toto quis neget esse,
 Dum solidam Domini diuisa negotia curam
 Velant, & nulla accipitur quæ rara videtur.
 Dicite quem populum qua mundi in parte remotum,
 Quosve homines, cuius generis, vel conditionis,
 Neglexit saluare Deus? vir, femina, seruus,
 Liber, Iudæus, Græcus, Scythæ, Barbarus, omnes
 In Christo sumus vnum.
 Hoc etenim lex, hoc veneranda volumina vatum,*

*Hoc Patriarcharum spes non incerta tenebat:
Ultima cū mundi finem propē curreret ætas,
Venturum ad terrena Deum, qui morte perempta,
Solueret inferni leges, longāque ruinam
Humani generis meliore attolleret ortu.]*

De Praui-
dencia pau-
lo post su-
periora.

Et in libro contra Eutychem,

*Vtque illos veterum complexa est gratia solos,
Qui Christum videre fide, sic tempore nostro
Non renouat quemquam Christus, nisi corde receptus.
En homo quanta tibi est gratis conlata potestas,
Filius esse Dei si vis potes.]*

Ibid. post
alia.

Et in libro contra Nestorium,

*Iāmne Dei compertus amor, diffusaque in omnes
Cura patet, notum & cunctis adstare salutem?
Et tamen heu rursus querulis homo garrula verbis
Bella moues, iaculisque tuis tua viscera figis:
Cur non sum bonus? hoc non vis. cur sum malus? hoc vis.
Cur volo quæ mala sunt, & cur quæ sunt bona nolo?
Liber es, & cū recta queas discernere prauis,
Deteriora legis.]*

Post alia
quanta ibi-
dem.

Et in libro contra Mathematicos,

*Hoc operis sectare boni, hoc fuge cautus iniqui.
Vita beata isto paritur, mors editur illo.
Coram adsunt aqua seruatrix, populator & ignis.
Ad quoduis extende manum, patet æqua facultas.]*

Et paulo post,

*Non superi pariunt ignes, nec ab æthere manat.
Sed nostris oritur de cordibus, ipsaque bellum
Libertas mouet, & quatimur ciuilibus armis.
Otia cū mollis complexa ignaua voluntas
Difficili negat ire via.*

Ibidem
post alia.

Et in libro contra Epicureos,

*Quos si multa inter morum delicta priorum
Plectisset properè rigor implacabilis iræ,
Intercepta forent melioris tempora vitæ,
Nec standi vires licuisset sumere lapsis.
Mortem inquit Dominus peccantis nolo, nec vllum
De pereunte lucrum est. redeat magis, inque relictum
Mutatus referatur iter, vitæque fruatur.
Et quia virtutum similes vult esse suarum,
Quos genuit, vindictam inquit mihi cedite, reddam
Iudicio quæ digna meo. detur locus iræ.
Sic dum multorum differtur pœna malorum,
Nonnulli plerumque probos reuocantur in actus,*

*At sit quisque sibi iudex, ultorque seuerus,
Quod fuerat prius interimens, aliisque resurgens.
At qui persistunt errori incumbere longo,
Quamuis in multis vitiis impunè senescant,
In sæuum finem venient, ubi non erit ulla
Spes veniæ.*

Et post aliquanta,

*Nam ut nemo inuitus somnòque quietus in alto
Fit saluus, nec vi petitur qui sponte recessit:
Sic pulsata patent redeuntibus atria vitæ,
Et recipit celi seruatos curia ciues.]*

Et sanctus Leo in tomo ad Flavianum, Opus fuit secreti dispen- Epist. l. c. 3.
satione consilij, vt incommutabilis Deus, cuius voluntas non potest
sua benignitate priuari, primam erga nos pietatis suæ dispositionem
sacramento occultiore compleret, & homo, diabolicæ iniquitatis ver-
sutia actus in culpam, contra Dei propositum non periret. Ingredi-
tur ergo hæc mundi infima filius Dei.] Item & sanctus Leo Papa
in epistola ad Leonem Augustum, Vt autem repararet omnium vi-
tam, recepit omnium causam, & vim veteris chirographi, quod so-
lus inter omnes non debuit, pro omnibus soluendo vacauit.] Et
S. Gregorius in libro viii. Moralium, Cur quasi contrarium tibi ho- Cap. 10.
minem despicias, qui certus scio quia perire vel ipsum quem despiciere
crederis non vis?] Et item in libro xxxi. Iusti viri securitas rectè leoni Cap. 14.
comparatur, quia contra se cùm quoslibet insurgere conspicit, ad
mentis suæ confidentiam redit, & scit quia cunctos aduersantes su-
perat, quia illum solum diligit, quem inuitus nullo modo amittat.
Quisquis enim exteriora quæ & nolenti subtrahuntur appetit, sua se
sponte extraneo timori substernit.] Et Ioannes Chrysostomus in
Euangelio Matthæi Homilia vigesima quinta, Prædicabitur hoc, in-
quit, Euangelium in vniuerso mundo, in testimonium omnibus
gentibus, & tunc veniet consummatio. Quibus gentibus? non obe-
dientibus scilicet, neque Euangelio consentientibus. Ne enim ali-
quis diceret, cuius rei gratia omnibus prædicatur, si omnes creditu-
ri non sunt? Vt, inquit, clareat, me ea quæ debui facere cuncta fe-
cisse, & post hæc nemo culpæ me possit.] Hinc & Prosper in libro
Epigrammatum, Potest, inquit, homo inuitus amittere temporalia
bona, nunquam verò nisi volens perdit æterna.

Omne bonum mundo concretum & tempore partum,

Quacumque amitti conditione potest.

Vt quamuis damnis vigilanter cura resistat,

Sæpe tamen propriis despolietur homo.

At bona quæ verè bona sunt, nec sine tenentur,

Semper habet quisquis semper habere cupit.

*Nec vim ferre potest Christo subnixā voluntas,
In quo persistens omnia vincit amor.]*

Et venerabilis Beda presbyter in tractatu actuum Apostolorum. Ipse Petrus sic intellexit omnes homines æqualiter ad Christi Euangelium prouocari, nullumque secundum naturam esse pollutum. Sic etiam Dominus per Prophetam, & in Euangelio omnibus clamat dicens, *Quis est homo qui vult vitam, diligit dies videre bonos? Deuertat à malo & faciat bonum. inquirat pacem & persequatur eam. &, Accedite ad eum & inluminamini*, qui dicit, *Venite filij, audite me. &, Venite ad me omnes qui laboratis & onerati estis, & ego reficiam vos.* Certum namque est, quoniam qui omnes & in veteri & in nouo testamento ad salutem vocat, omnes saluos fieri vult. Non enim mendax est aut dolosus, de quo scriptura dicit, *Deus verax, & non est inuentus dolus in ore eius*, vt eos ad salutem inuitet, quos saluos fieri nolit. Quapropter de vocatis omnibus, quicumque secundum suam iussione ad eum accedit, inluminatur profectò atque reficitur: qui verò inuitatus ad hanc cœnam Dominicam, id est æternæ salutis refectionem, in qua ille vitulus saginatus ad omnium hominum, sine vlla exceptione, tantum vt in eum fideliter & firmiter credant, plenissimam salutis refectionem sufficiens, & singularis ac verus isdem agnus, qui tollit peccata mundi, cunctis epulari volentibus est occisus, aut sua voluntate non venit, velut senior filius de agro rediens patris conuiuium, vt cum iuniore & prodigo fratre reuerso epularetur, etiam rogatus à patre, vt & illi, qui inuitati ad hoc idemque prandium nolebant venire, ingredi personam contemnentium exprimens recusauit, aut veniens, antequam pleno refectionis gaudio satietur, ab hac sua voluntate recedit, à qua si viriliter agendo, & Dominum sustinendo, ante perfectionem refectionis & gaudij non recederet, nequaquam vltra recedere vellet, immo nec posset. sicut non Dei, sed sua quisque voluntate non venit, & sua non Dei voluntate recedit, ita non Dei voluntate, sed suo contemptu quilibet, & sua infidelitate, vel originali vel actuali perseveranti iniquitate perit. quia nolo mortem morientis, sed vt reuertatur & viuat, veritas veraciter ipsa dicit. Alioquin iniustus Deus qui infert iram, puniens eos qui idcirco saluari non poterant, quoniam eos saluos fieri noluit cuius nemo potest resistere voluntati. Sed absit. quoniam cunctis salutem propositam & paratam humilis humiliter suscepit, quam illi Deus pater sua gratia reuelauit, superbus æternæ vitæ indignum se iudicans superbe repulit, quam ei diuina iustitia peccati merito & iudicij districtione abscondit, cui gratia non ostendit, sicut in scripturis multoties inuenitur. Vnde sub struthionis nomine de hypocrita scriptum est, *Prinauit eum Deus sapientia, nec dedit illi intelligentiam.*] Hinc sanctus Gregorius in libro trigesimo secundo Moraliū dicit, *Quamuis aliud*

Psal. 33. 13.

Ibid. 6. & 12.

Matt. 11. 28.

Rom. 3. 4.

1. Petr. 2. 22.

Iob 19. 17.
Cap. 19.

aliud sit priuare, aliud non dare, hoc tamen repetit, subdendo non dedit, quod præmisit priuauit. ac si diceret, quod dixit priuauit, non iniuste sapientiam abstulit, sed iuste non dedit. Vnde & Pharaonis cor Dominus obdurasse describitur, non quod ipse duritiam contulit, sed quo exigentibus eius meritis nulla illud desuper infusi timoris sensibilitate molliuit.] Et sanctus Augustinus in libro de Cap. xxi. Gratia & libero Arbitrio ad Valentinum & cum eo monachos, Fixum enim debet esse & immobile in corde vestro, quia non est iniquitas apud Deum. ac per hoc quando legitis in litteris veritatis, à Deo seduci homines, aut obtundi, vel obdurari corda eorum, nolite dubitare præcessisse mala merita eorum, vt iuste ista paterentur, ne incurratis in illud prouerbum Salomonis, *Insipientia viri violat vias eius, Deum autem causatur in corde suo.*] Et in eodem post aliquanta; Quando ergo auditis dicentem Dominum, *Ego Dominus seduxi prophetam illum,* & quod ait Apostolus, *cuius vult miseretur, & quem vult indurat,* in eo quem seduci permittit vel obdurari, mala eius merita, in eo verò cuius miseretur, gratiam Dei non reddentis mala pro malis, sed bona pro malis, fideliter & indubitanter agnoscite. Nec ideo auferatis à Pharaone liberum arbitrium, quia multis locis dicit Deus, *Ego induravi Pharaonem,* vel *induravi* aut *indurabo cor Pharaonis.* Non enim propterea ipse Pharaon non indurauit cor suum. nam & hoc de illo legitur, quando ablata est ab Ægyptiis cynomia, dicente scriptura, *Et adgrauauit Pharaon cor suum, & in isto tempore, & noluit dimittere populum.* Ac per hoc & Deus indurauit per iustum iudicium, & ipse Pharaon per liberum arbitrium.] Et in Psalmo trigesimo quinto, *Dedit illos Deus in concupiscentias cordis illorum, facere quæ non conueniunt.* Si Deus hoc facit vt faciant quæ non conueniunt, quid ipsi fecerunt? Ergo fuit concupiscentia, quam vincere noluerunt, non cui traderentur iudicio Dei, sed qua digni haberentur qui traderentur.] Et in Psalmo quinto, *Cum punit Deus peccatores, non malum suum eis infert, sed malis eorum eos dimittit.*

Cap. xxi.Ezech. 14.Rom. 9.Exod. 8.Sub mediū.Rom. 1. 28.

Sic quoniam, vt idem colendus Augustinus in libro de Bono perseverantiæ dicit, nihil sit nisi quod aut Deus facit, aut fieri ipse permittit, & Cassiodorus in Psalmo centesimo tertio, Nihil enim à quoquam fieri potest, nisi quod ipse, quin Deus, secreto iudicio aut ad probationem, aut ad vindictam faciendum esse permiserit. Sic & alij quidem auctores dicunt hoc modo locutionis, à Deo merito excæcari qui gratia non inluminantur, tradi qui iusto iudicio deseruntur, allidi qui non statuuntur, & plura alia, quæ sancti Gregorius, Ambrosius, & Hieronymus in libris illorum, & beatus Augustinus in præfato libro de Gratia & libero Arbitrio, & in libro de Prædestinatione gratiæ, & in libris de Prædestinatione sanctorum ac Bono perseverantiæ, & in epistola ad Sixtum Ecclesiæ Romanæ presbyterum, post autem ipsius sanctæ sedis Episcopum, sicut

suprà ostendimus, cùm de vasis iræ perfectis ad interitum loqueremur, quæ non Dei prædestinatione, sed paterna vel propria præparatione, vasa iræ & aptata sunt ad interitum. Vnde isdem beatus

Cap. VIII. Augustinus in libro de Prædestinatione sanctorum dicit, Cur in-

Rom. 9. 22. iudicauit, *Quia volens ostendere iram, & demonstrare potentiam suam, attulit in multa patientia vasa iræ quæ perfecta sunt ad perditionem, & vt notas faceret diuitias gloriæ suæ in vasa misericordiæ, quæ præparauit in gloriam.* Hinc est quòd verbum crucis pereuntibus stulticia est, his autem qui salui fiunt virtus Dei est.] & post aliquanta, Cur autem non omnibus detur, fidelem mouere non debet, qui credit ex vno omnes isse in condemnationem sine dubio iustissimam, ita vt nulla esset Dei iusta reprehensio, etiamsi nullus inde liberaretur, vnde constat magnam esse gratiam quòd plurimi liberantur.] Et in epistola ad præfatum Sixtum presbyterum, In vasis quæ perfecta sunt ad perditionem quæ damnatæ debita est massæ, agnoscant vasa ex eadem massa in honorem facta, quid eis misericordia diuina largita sit.] Et post paululum, Denique ad vtrumque concludit, *Ergo cuius vult misereatur, & quem vult obdurat.* Hoc facit apud quem non est iniquitas. Miseretur itaque gratuito dono, obdurat autem iustissimo merito.] & item, Quærimus enim meritum obdurationis, & inuenimus. merito namque peccati vniuersa massa damnata est. Non obdurat Deus impertiendo malitiam, sed non impertiendo misericordiam. Quibus enim non impertitur, nec digni sunt nec merentur, ac potius vt non impertiatur hoc digni sunt, hoc merentur. Quærimus autem meritum misericordiæ, nec inuenimus, quia nullum est, ne gratia euacuetur, si non gratis donatur, sed meritis redditur.]

Et quia strident Prædestinatiani, Deus quæcumque voluit fecit. si omnes vellet fieri saluos, omnes vtique saluarentur. & illi sunt

1. Tim. 2. 4. omnes de quibus dicit Apostolus, *Omnes homines vult Deus saluos fieri*, scilicet qui saluantur: qui autem non saluantur, non est voluntatis Dei penitus vt saluentur, Sanctus Hieronymus in Commento epistolæ ad Philemonem eos redarguens dicit, Si enim inquit Deus voluntariè & non ex necessitate bonus est, debuit hominem faciens ad suam imaginem & similitudinem facere, hoc est vt voluntariè bonus sit, sicut ipse voluntariè & non ex necessitate bonus est. Quòd si talis fuisset effectus, qui bonum non voluntate sed necessitate perficeret, non esset Deo similis, qui ideo bonus est quia vult, non quia cogitur. Nihil quippe bonum dici potest nisi quod vltroneum est: quod autem necessitate bonum est, non est bonum. Igitur proprio arbitrio nos relinquens, magis ad suam imaginem & similitudinem fecit. Similem autem Deo esse absolutè bonum est.] Hoc idem demonstrat sanctus Gregorius ad Ianuarium Episcopum de Iudæis, qui vt crederent violentiam sustinebant.

Hac inquit circa eos temperantia magis utendum est, ut trahatur habere velle non reniti, non ut adducantur inuiti. quia scriptum est, *Voluntariè sacrificabo tibi. & ex voluntate mea confitebor illi.*] Et sanctus Augustinus ad Valentinum & fratres qui cum eo sunt, Primò enim, inquit, Dominus Iesus, sicut scriptum est in Euangelio Ioannis Apostoli, *Non venit ut iudicaret mundum, sed ut saluaretur mundus per ipsum.* Postea verò, sicut scribit Paulus Apostolus, *iudicabit Deus mundum, quando venturus est, sicut tota Ecclesia in Symbolo confitetur, iudicare vivos & mortuos.* Si ergo non est Dei gratia, quomodo saluat mundum? & si non est liberum arbitrium, quomodo iudicat mundum?

Psal. 53. 2.
Psal. 117. 7.

Ioan. 2. 47.

Rom. 3. 6.

Igitur, sicuti sancti doctores ex scripturis ostendunt, iustè puniuntur qui saluari Dei gratia poterant, si libero arbitrio eandem gratiam sequerentur. quoniam, sicut mirabilis Paulus dicit ad Hebræos scribens, *Gratia Dei pro omnibus gustavit mortem, quin Dominus noster Iesus, qui, ut scriptum est, Non ex operibus iustitiæ quæ fecimus nos, sed secundum suam misericordiam, quæ & gratia est, venit gratis quærere & saluare quod perierat.* Fidelis enim est sermo, quoniam Christus Iesus venit in hunc mundum peccatores saluos facere. Omnes enim peccauerunt, & egent gloria Dei. Et illi etiam, qui secundum Paulum Apostolum, inuisibilia Dei per ea quæ facta sunt intelligere poterant sempiternam virtutem eius atque diuinitatem, sunt inexcusabiles, ut in hac sententia exponit Ambrosius. Et hinc in Euangelio Lucæ Beda presbyter dicit, *Quid autem & à vobis, inquit, ipsis non iudicatis quod iustum est?* ostendens eos, ut poterat rationalem creaturam, etsi litteras nesciant, naturali tamen ingenio posse dinoscere, vel eum, qui opera in se quæ nemo alius fecisset, supra hominem intelligendum, & ideo Deum esse credendum, vel post tot sæculi huius iniustitias iustum creatoris iudicium esse venturum. Nemo igitur ex eo quod supra dictum est, seruum nescientem domini voluntatem vapulare paucis, interpretandum de remedio nesciendi præsumat, qui, ut alia taceam, ex eo ipso quod homo est, nec mala quæ caueat, nec bona potest ignorare quæ appetat. Et Augustinus in libro de Natura & Gratia, Huiusmodi enim exemplis ostenditur quales homines quidam tempore aliquo fuerint, non quod aliud esse non potuerint. Vnde & iure inveniuntur esse culpabiles. Nam si idcirco tales fuerunt, quia aliud esse non potuerunt, culpa carent.]

Hebr. 2. 9.

Tit. 3. 5.

Rom. 1. 20.

Cap. vii.

Quapropter inexcusabiles quique erunt, quia saluari refugiant libero arbitrio, iustitiæ scilicet libero, peccati seruo. pro quo libero arbitrio in secundo aduentu terribilis & excelsus veniens iudicabit Dominus mundum, id est, eos qui habitauerunt in mundo, qui in primo aduentu placatus & humilis saluare venit gratia mundum. Nam quia propositam omnibus salutem, videlicet salutare Dei no-

stri paratum ante faciem omnium populorum, quidam libero arbitrio respuerunt, vnde meritò damnabuntur, quidam verò libero arbitrio receperunt, vnde & gratia saluabuntur, demonstrat scriptura

Ioan. 1. 4. dicens, *Vita erat lux hominum, & lux in tenebris luctet, & tenebra eam*

Ioan. 3. 19. *non comprehenderunt. & hoc est autem iudicium, quia lux venit in mundum,*

Ioan. 1. 11. *& dilexerunt homines tenebras magis quàm lucem, & in propria venit, &*

Apoc. 3. 20. *sui eum non receperunt. De recipientibus siquidem dicitur, Ecce sto ad ostium & pulso: si quis mihi aperuerit, intrabo ad illum, & cenabo cum*

Ioan. 1. 12. *eo, & ille mecum. & quotquot receperunt eum, dedit eis potestatem filios*

Ephes. 5. 8. *Dei fieri, his qui credunt in nomine eius. & fuistis aliquando tenebrae, nunc autem lux in Domino. Et iterum Paulus de contemptoribus di-*

2. Theff. 2. 10. *cit, quia dilectionem veritatis non receperunt ut salui fierent, immittet illis Deus operationem erroris ut credant mendacio, ut iudicentur omnes qui*

1. Theff. 2. 13. *non crediderunt veritati, sed consenserunt iniquitati. Et de recipientibus veritatem scribens dicit, Gratias agimus Deo sine intermissione, quòd cum audissetis à nobis verbum auditus Dei, suscepistis non ut verbum hominum, sed sicut est verè verbum Dei, quod & operatur in vobis qui credidistis.]*

Et Cassiodorus in Psalmo septuagesimo septimo, Misit in eos iram indignationis suæ, indignationem, & iram, & tribulationem, immisionem per Angelos malos. Ordo vindictæ verissima descriptione narratur. Prius enim Dominus peccatis nostris irascitur quando nulla compunctione conuertimur, ac deinde malitiam hominis in sua indignitate, & ira, & tribulatione derelinquit, ut propriis peruersitatibus affligantur qui diuinis iussionibus obedire contempnunt.] Et Augustinus in libro de Gratia & libero arbitrio. Qui ergo nouerunt diuina mandata, aufertur eis excusatio, quam solent habere homines de

Cap. XII. ignorantia. Sed nec ipsi sine pœna erunt qui legem Dei nesciunt. *Qui enim sine lege peccauerunt, sine lege peribunt: qui autem in lege peccauerunt, per legem iudicabuntur.* Quod mihi non videtur Apostolus ita dixisse, tanquam peius aliquid significauerit esse passuros qui legem nesciunt in peccatis suis, quàm illos qui sciunt. Peius enim videtur esse perire, quàm iudicari. Sed cum hoc de gentibus & de Iudæis loqueretur, quia illi sine lege sunt, isti autem legem acceperunt, quis audeat dicere Iudæos qui in lege peccant non esse perituros cum in Christo non crediderunt? quandoquidem de illis dictum est, *per legem iudicabuntur?* Sine fide enim Christi nemo liberari potest, ac per hoc ita iudicabuntur ut pereant. Nam si peior est conditio nescientium quàm scientium legem Dei, quomodo verum erit quod

Luc. 12. 47. in Euangelio Dominus ait, *Seruus qui nescit voluntatem Domini sui & facit digna plagis, vapulabit pauca: seruus autem qui scit voluntatem Domini sui & non facit digna plagis vapulabit multa.* Ecce vbi ostendit grauius peccare hominem scientem, quàm nescientem. Nec tamen ideo confugiendum est ad ignorantiae tenebras, ut in eis quisque requirat excusationem. Aliud est enim nescisse, aliud scire noluisse. Voluntas quip-

pe arguitur in eo de quo dicitur, *Noluit intelligere ut bene ageret.* Sed & illa ignorantia, quæ non est eorum qui scire nolūt, sed eorum qui tanquam simpliciter nesciunt, neminem sic excusat ut sempiterno igne non ardeat, si propterea non credidit quia non audiuit omnino quid crederet: sed fortasse ut mitius ardeat. Non enim sine causa dictum est, *Effunde iram tuam in gentes quæ te non nouerunt.* Et illud quod ait Apostolus, *Cum venerit in flamma ignis dare vindictam in eos qui ignorant Deum.* Verumtamen ut habeamus & ipsam scientiam, ne dicat unusquisque nesciui, non audiui, non intellexi, voluntas conuenitur humana, ubi dicitur, *Nolite esse sicut equus & mulus, quibus non est intellectus.* quamuis peior appareat de quo dictum est, *Verbis non emendabitur seruus durus. Si enim & intellexerit, non obaudiet.*] Et plura huiusmodi inueniuntur in litteris diuinitus inspiratis. Sicut enim secundum scripturam, *omnia quacumque voluit Dominus fecit,* ita sicut voluit omnia bona fecit: quia non ex accidente, & essentialiter bonus & omnipotens, qui seipsum negare non potest, aliter nec velle potuit nec posse voluit, ut beatus Augustinus in sermone de Symbolo ad Neophytos dicit, Si enim, inquit, quæ in principio Deus fecit, ex nihilo utique fecit, etiam ex his quæ fecit quicquid voluerit facere potens est, quia omnipotens est, nec ideo credant iniqui Deum non esse omnipotentem, quia multa contra eius faciunt voluntatem, siue homo vel iuste damnetur, siue misericorditer liberetur, voluntas omnipotentis impletur. Quod ergo non vult omnipotens, hoc solum non potest. Utitur ergo malis, non secundum eorum prauam, sed secundum suam rectam voluntatem.] Et post pauca, Ne quis me temerè dixisse arbitretur aliquid omnipotentem non posse, hoc & B. Apostolus dixit, *si non credimus, ille fidelis permanet, negare seipsum non potest.* sed quia non vult non potest, quia & velle non potest. Non enim potest iustitia velle facere quod iniustum est, aut sapientia velle quod stultum est, aut veritas velle quod falsum est. Vnde admonemur Deum omnipotentem, non hoc solum quod ait Apostolus, *negare seipsum non potest,* sed multa non posse. Ecce & ego dico, & eius veritate dicere audeo quod negare non audeo, Deus omnipotens non potest mori, non potest mutari, non potest falli, non potest miser fieri, non potest vinci. Hæc atque huiusmodi absit ut possit omnipotens. ac per hoc non solum ostendit veritas omnipotentem esse, quod ista non possit: sed etiam cogit veritas omnipotentem non esse qui hæc possit. volens enim est Deus quod est. æternus ergo & incommutabilis, & verax, & beatus, & insuperabilis volens est. Si ergo potest esse quod non vult, omnipotens non est. est autem omnipotens. ergo quicquid vult potest. Et ideo quod non vult esse non potest, qui propterea dicitur omnipotens, quoniam quicquid vult potest. De quo & Psalmus dicit, *In celo & in terra omnia quacumque voluit fe-*

Psal. 35. 4.

Psal. 78. 6.

2. Thess. 1. 8

Psal. 31.

Psal. 113. 3.

1. Tim. 2. 13

Psal. 113. 3.

Cap. xlii. cit.] Et in libro de Natura & Gratia, Absit à nobis vt Deum posse peccare dicamus. Non enim, vt stulti putant, ideo non erit omnipotens, quia nec mori potest, & negare seipsum non potest.]

Videant catholici quam malè tradunt hæretici, Omnia quæcumque voluit Dominus fecit, dicentes, Qui non saluantur non est voluntatis Dei penitus vt saluentur. cum ratum sit, vt qui ad salutem non sequuntur voluntatem Domini inuitantem, quoniam *iustus Dominus iustitias dilexit, æquitatem vidit vultus eius*, sentiant ex retributione iustitiæ voluntatem Domini in supplicio vindicantem. Et vidit Deus, inquit scriptura, *cuncta quæ fecit, & erant valde bona.* &, *fecit Deus hominem ad imaginem & similitudinem suam.* Ad imaginem quippe & similitudinem Dei esse proculdubio bonum est. Et iterum scriptum est, *Deus ab initio constituit hominem, & reliquit illum in manu consilij sui.* Is autem quo consilio vsus potiùsque abusus fuerit, quémve consiliarium obaudierit, in sua paret propagine, conclamante Propheta, *Omnes errauimus, in iniquitatibus concepti, & in peccatis geniti, ita vt nullus mundus sit, nec cuius vita est vnus diei super terram,* ante eum in cuius conspectu nemo iustificatur viuens, apud quem per se nullus est innocens, quia non est homo in terra qui faciat bonum & non peccet, & ex vno omnes isse in condemnationem idem diuinus protestatur Apostolus, quia periit Adam primus de terra terrenus, & in ipso omnes periimus, secundus Adam de cælo cælestis, non amittens quod erat, sed adsumens quod non erat, in vnitæte personæ suæ, non in vnitæte substantiæ, propter quod item dictum est, Ephes. 4. 9. *Nemo ascendit in calum, nisi qui descendit de calo, filius hominis, qui est in calo,* venit quærere & saluare quod perierat. Omnes periimus, omnes venit quærere & saluare. Quòd autem quidam saluantur, de saluantis est dono: quòd quidam pereunt, de pereuntium merito, non de Saluatoris est voto, qui venit quærere & saluare quod perierat. De qua generali perditione si nullus liberaretur, inreprehensibile esset Dei iudicium: quia verò multi liberantur, ineffabilis est gratiæ eius donum, qui omnes saluos fieri volens, omnibus dixit, *Si audieritis me, bona terræ, scilicet terræ viuentium, comedetis.* In qua, id est in regno Dei, beatus qui manducabit panem vitæ æternæ, & biberit potum salutis perpetuæ, & non sitiet iterum aliud, nisi quod satiatus incessanter & æternaliter biberit. *Si autem me non audieritis, & ad iracundiam me prouocaueritis, gladius deuorabit vos.* Hoc gladio abscedentur à societate iustorum quicumque audierint pro sterilitate operum bonorum & retributione peccatorum, *Discedite à me maledicti in ignem æternum, qui paratus est diabolo & angelis eius.* Quo gladio separatis malis de medio iustorum, perducentur iusti ad societatem & gaudium Angelorum, vbi misericordias Domini in æternum cantabunt. cuius gratia in illum credere, eum sequi, & quæ iusserat perseueranter operari meruerunt. quem credendo sequi, & in quo

permanere fide recta & bonis operibus impij contempserunt. qui secundum doctrinam Apostolorum Petri & Pauli, atque Ioannis, *In hoc apparuit filius Dei, ut dissoluat opera diaboli, cuius suggestioni consentiens primus homo perierat. Vnde ipsius hominis naturam, non culpam, idem filius Dei, ut diximus, pro hominum redemptione est dignatus adsumere, qui omnes homines vult saluos fieri, & neminem vult perire.*

EPILOGI CAPVT VI.

Quod Christus pro omnibus hominibus passus sit, licet non omnes passionis eius mysterio ad salutem redimantur aternam: & quia non omnes passionis eius mysterio redimuntur, non ad sacramenti virtutem, sed ad infidelium respicit partem. cum sanguis Domini nostri Iesu Christi pretium sit totius mundi, à quo pretio extranei sunt, qui aut delectati captiuitate redimi noluerunt, aut post redemptionem ad eandem sunt seruitutem perseueranti infidelitate vel iniquitate reuersi.

MAGNVS LEO catholica & Apostolica Ecclesia, sancta videlicet sedis Romanæ Pontifex, in epistola ad Iuvenalem Hierosolymitanum Episcopum dicit, Veram igitur Christi generationem crux vera confirmat. quoniam ipse in nostra carne nascitur, qui in nostra carne crucifigitur: quæ nullo interueniente peccato, nisi fuisset nostri generis, non potuisset esse mortalis. Ut autem repararet omnium vitam, recepit omnium causam, & vim veteris chirographi, quod solus inter omnes non debuit, pro omnibus soluendo vacauit: ut sicut per vnus reatum omnes facti fuerant peccatores, ita per vnus innocentiam omnes fierent innocentes, inde in homines manante iustitia, vbi est humana suscepta natura.] Et item in epistola ad Leonem Augustum, Effusio enim iusti pro iniustis sanguinis Christi, tam fuit diues ad pretium, ut si vniuersitas captiuorum in redemptorem suum crederet, nullum diaboli vincula retinerent. quoniam sicut ait Apostolus, *Vbi autem abundauit peccatum, superabundauit & gratia.* & cum sub peccati præiudicio nati potestatem acceperint ad iustitiam renascendi, validius factum est donum libertatis, quàm debitum seruitutis.] Et sanctus Augustinus in libro de Correptione & Gratia, Quis magis dilexit infirmos, quàm ille qui pro omnibus est factus infirmus, & pro omnibus mortuus est, ut & qui viuunt iam non sibi viuunt, sed ei qui pro ipsis mortuus est, & resurrexit? Omnes itaque mortui sunt in peccatis, nemine prorsus excepto, siue originalibus, siue etiam voluntate additis, vel ignorando, vel sciendo, nec faciendo quod iustum est. &

Epist. 78.

Epist. 97.
cap. 2.

Rom. 5. 10.

Cap. xvi.
De Ciuit.
Dei lib. xx.
cap. vi.

pro omnibus mortuis viuus mortuus est vnus, id est nullum habens omninò peccatum, vt qui per remissionem peccatorum viuunt, iam non sibi viuunt, sed ei qui pro omnibus mortuus est propter peccata nostra, & resurrexit propter iustificationem nostram.]

Et quoniam Prædestinatiani nouiter reexorti nimium profitentur errorem, si passus credatur & dicatur Christus pro omnibus, deuocantes in medium ad suam confirmandam sententiam, impios ante passionem dominicam, etiam & ab ipsius mundi exordio, pro suis sceleribus inferni pœnis æternaliter condemnatos, & post triumphum crucis viuificæ, Antichristum ac ceteros perditionis filios, pro quibus non debeat credi passus, quædam de superioribus repetentes, breuius demonstrare censuimus. Quia vna fides eadèmq; spes salutis fuerit ante passionem Domini, & post passionē illius sit omnibus sanctis, in effusione sanguinis ipsius Dei & hominum mediatoris. Deinde quid cunctis generaliter iustis & impiis, quos nobis Prædestinatiani obiciunt, in sua impietate defunctis contulit passio redemptoris. Dicimus autem, iustos non viribus suis iustificatos, sed gratia eius qui iustus pro iniustis est mortuus: & dicimus impios non natura conditionis malos, neque ab illo factos impios, qui multos iustificat impios, & vt Paulus ad Romanos scribit, *pro impiis est mortuus*: sed de Adam bono, vt pote à bono Deo facto, & libertate arbitrij perduto genitos, atque in originali aut sua impietate sine fide redemptionis eiusdem mortuos, qui pro omnibus debitoribus mortis solus inter mortuos liber à debito mortis est mortuus. Post verò, quia specialiter credentibus ad salutem mors profuit saluatoris, non credentibus autem in iudicium & condemnationem sit contempta ipsius gratia passionis. Tum qualiter quæue discretionem orthodoxi ex scripturis intellexerunt & docuere doctores, quoniam passus est Christus pro omnibus, licet non omnes ad æternam salutem passionis eius mysterio redimantur. Nunc per singula replicando pergamus. Quia vna fides eadèmq; spes salutis fuerit ante passionem Domini, & post passionem illius sit omnibus sanctis, in effusione sanguinis ipsius Dei & hominis mediatoris, Apostolus Petrus in actibus Apostolorum dicit, *Per gratiam Domini Iesu credimus saluari, quemadmodum & illi.* Hinc Beda, Si ergo & illi, id est patres, portare iugum legis veteris non valentes, per gratiam Domini saluos se fieri crediderunt, manifestum est quòd hæc gratia est, quæ antiquos iustos viuere fecit, quia iustus ex fide viuit. Et ideo sacramenta esse potuerunt pro temporum varietate diuersa, ad vnitatem tamen eiusdem fidei concordissimè recurrentia.] Et Augustinus in Psalmo trigésimo sexto, Numquid soli nos, & non etiam illi qui fuerunt ante nos, omnes qui ab initio sæculi fuerunt iusti, caput Christum habent? Illum enim venturum esse crediderunt, quem venisse iam credimus, & in eius fide & ipsi nati sunt, in cuius & nos, vt esset

Act. 15. 11.

esset ipse totius caput ciuitatis Hierusalem, omnibus connumera-
tis fidelibus ab initio vsque ad finem, adiunctis etiam legionibus &
exercitibus Angelorum, vt fiat illa vna ciuitas sub vno rege, & vna
quædam prouincia sub vno Imperatore, felix in perpetua pace ac
salute, laudans Deum sine fine, beata sine fine.] Et sanctus Ambro-
sius in libro de Spiritu sancto, exponens sententiam libri Iudicum Libro 1. in
proœmio.
dicit, Solum sacrificium Deo dominicæ passionis pro religione po-
puli deferendum. Etenim vitulus, inquit, ille in typo Christi, in quo
septem spiritalium plenitudo virtutum, sicut Esaias dixit, habitat.
Hunc vitulum & Abraham vidit, quando diem Domini vidit, &
gausis est. Hic est qui in hœdi typo, nunc in oue, nunc in vitulo
offerebatur. hœdi, quod sacrificium pro delictis sit: ouis, quod vo-
luntaria hostia: vitulus, quod immaculata sit victima.] Et item san-
ctus Augustinus in libro de Natura & Gratia, Ea quippe fides iu- Cap. xiv.
stos sanauit antiquos, quæ etiam sanat & nos, id est mediatoris Dei
& hominum hominis Christi Iesu. fides sanguinis eius, fides crucis
eius, fides mortis & resurrectionis eius. *Habentes ergo eundem spiritum* 2. Cor. 4. 13.
fidei & nos credimus, propter quod & loquimur.] Et sanctus Gregorius Post mediū
versus finē.
in Homilia Ezechielis xv. dicit, Et quidem ab Abel sanguine passio-
iam cœpit Ecclesiæ, & vna est Ecclesia electorum præcedentium at-
que sequentium.] Et S. Hieronymus in Commento epistolæ Pauli
ad Galatas, Heres iste paruulus, qui nihil differt à seruo, cum sit
Dominus omnium, sub tutoribus & actoribus est vsque ad præfini-
tum tempus à patre, totum humanum genus vsque ad aduentum
Christi, & vt amplius dicam, vsque ad consummationem mundi si-
gnificat. Quomodo enim omnes in protoplasto Adam necdum na-
ti moriuntur, ita omnes, etiam hi qui ante aduentum Christi nati
sunt, in secundo Adam viuificantur. Atque ita fit, vt nos legi seruie-
rimus in patribus, & illi gratia saluentur in filiis.] In hac vna Ecclesia,
quæ constat ab initio sæculi vsque ad finem. De qua sanctus Gre- Sub initio.
gorius in Homilia decima septima Ezechielis dicit, *Et qui præi-* Matt. 21. 9.
bant, & qui sequebantur, clamabant Osanna. Osanna Latina lingua sal-
ua nos dicitur. Ab ipso enim salutem & priores quæsierunt, & præ-
sentes quærunt, & benedictum qui venit in nomine Domini con-
fidentur, quoniam vna spes, vna fides est præcedentium atque se-
quentium populorum. Nam sicut illi expectata passione ac resurre-
ctione eius sanati sunt, ita nos præterita passione illius, ac perma-
nenti in sæcula resurrectione saluamur.]

Huius Ecclesiæ vnitas, quæ non minus per pœnitentiam peractæ
insipientiæ, quàm per sapientiæ discendæ industriam Domino con-
ciliatur, vt venerabilis Beda presbyter, ex præcedentium patrum di-
ctis, in Commento Euangelij Lucæ ostendit, ex duabus partibus con-
gregatur, eorum videlicet qui peccare nesciunt, & eorum qui pecca-
re desistunt. Pœnitentia enim delictum abolet, sapientia cauet. In

quibus de toto pars debet ostensa lectori sufficere illo scripturæ usu, quatenus vni vel paucis & in tempore dictum, generalitati ac cunctis ætatum successione dictum intelligatur. ut est illud quod Moyse tantum in rubo audiuit, & Dominus in Euangelio recapitulat dicens, *De resurrectione autem mortuorum non legistis quod dictum est à Deo dicente vobis. &, quod vobis dico omnibus dico. &, usque hodie legitur Moyses. &, hæc dicit Dominus in prophetis.* Et quod in illo tempore dixerat, hodieque & usque in sæculum dicit Iesus discipulis suis. Et sicut in illo tempore, cum turbæ plurimæ conuenirent, & de ciuitatibus properarent ad Iesum, dixit per similitudinem seminantis, laborem & varios prouentus seminis: ita & in hoc lugendo nostro tempore, per raros seminatores, ac interualla temporum, & amplum agrum, aliud cadit iuxta viam, & aliud inter spinas, aliud autem super petram, & parum in terram bonam. Quia quod non sine mœrore dicitur, multi sunt qui ad Iesum veniunt, illum verbo tenus confitentes, factis autem negantes, & corde redeunt in Ægyptum, quin potius cum Cedar habitantibus conuersantur: pauci verò, pereuntibus plurimis, in diluuium iniquitatum multarum intra arcam veræ fidei conseruantur. Sicut Abel iustus, qui sapientia sub lege naturæ à peccatis abstinuit, regni cælestis introitum per eum sibi præstolans aperiri, quem dum in agno offerret, fidei oculis mente conspiciebat. Adam & Eua peccatum per pœnitentiam deleuerunt, sicut S. Augustinus ad Marcellinum in libro II. de Baptismo paruulorum demonstrat dicens, Sicut ergo illi primi homines postea iustè viuendo. vnde meritò creduntur per Domini sanguinem ab extremo supplicio liberati, non tamen in illa vita meruerunt ad paradisum reuocari. Et Cassiodorus in Psalmo centesimo secundo, *Misericordia autem Domini à sæculo & usque in sæculum.* Vnde, inquit, mihi videtur hîc conuenienter aduerti & Adam, sicut multi patrum dixerunt, ad Domini gratiam fuisse reuocatum, quando ipse primus in sæculo fuit. Sicuti etiam Abel, Noë, Abraham, & ceteri patres, qui tamen in sæculo sed à sæculo non fuerunt. Cain verò infidelitate & iniquitate sua ab hac Ecclesia, in qua omnibus est salus proposita, extorris & alienus, nec per sapientiam peccare abstinuit, nec per pœnitentiam peccatum delere etiam admonitus procurauit. Sub lege Zacharias & Elizabeth, de quibus scriptum est, *Erant iusti ambo ante Deum incedentes in omnibus mandatis & iustificationibus Domini sine querela. & Simeon iustus, qui & ipse expectabat redemptionem Israel.* id est salutare Dei paratum ante faciem omnium populorum. Anna quoque non discedebat de templo, ieiuniis & orationibus feruens Domino nocte ac die, per sapientiam à peccatis abstinuerunt. Dauid per pœnitentiam peccata deleuit, expectans super niuem dealbari per asperisionem Christi sanguinis, quæ hyssopo, id est, humilitate incarnationis eius signatur. Saul impœnitens nec lacrymis Sa-

Matt. 22. 31.

Marc. 13. 37.

2. Cor. 1. 15.

Hebr. 1. 1.

Cap. xxxiv.

Psal. 102. 17.

Luc. 1. 6.

muelisabluitur. qui pro magno merito suæ exauditionis cum Moyse quasi singulariter à Domino in exemplum ostenditur. Sed post multa quæ à Deo perceperat, sicut per ventriloquam audierat, quam in angustia sua Dominum negligens expetiit, indignam vitam digna morte finiuit. Sub gratia Iacobus, qui appellatus est iustus, primus Hierosolymorum Episcopus, quanto præconio attollatur qui sapientia peccare nesciuit, diuinæ litteræ protestantur. Et ut magni Petri silentio lacrymas honoremus, quas exemplo utinam prædicemus, in cruce latro pœnituit, confessus est, & à fonte pietatis audiuit, *Hodie mecum eris in paradiso*: alter verò eodem flagello correptus, eundemque fontem pietatis conspiciens, & potare contemnens, personam referens contemptorum, nec flagello corrigitur, nec exemplo conuertitur. Hæc sancta Ecclesia semper agnos habuit, quibus se miscuerunt & hœdi, & facient vsque ad illud tempus, quando sedebit filius hominis in sede maiestatis suæ, & congregabuntur ante eum omnes gentes, & segregabuntur mali à bonis, sicut segregat pastor oues ab hœdis, & statuet oues quidem à dextris, hœdos autem à sinistris, & reddet unicuique secundum opera sua.

Hæc quoque sancta Ecclesia habuit semper in fide salutis vna, pro temporum varietate sacramenta disparia. Videlicet quia à mundi exordio vsque ad tempora datæ circumcisionis, vel hostiarum oblationibus, vel certè sola fidei virtute, suas suorumque animas creatori commendantes, à primi reatus vinculis absolvere curabant. Quod & de aliis egerunt gentibus, vigente in Hebræorum populo circumcisione, videlicet fidei signo. sine fide enim impossibile est placere Deo, & sicut aliàs scriptum est, *iustus ex fide vivit*. Post datam autem circumcisionem, idem salutiferæ curationis auxilium, eadem circumcisio in lege contra originalis peccati vulnus agebat, quod nunc baptismus agere reuelatæ gratiæ tempore consuevit: excepto quòd regni cælestis ianuam necdum intrare poterant, donec adueniens benedictionem daret qui legem dedit, ut videri posset Deus deorum in Sion. Tantum in sinu Abraham post mortem beata requie consolati, supernæ pacis ingressum spe felices expectabant. Sed & sicut sanctus Paulus dicit, *Patres nostri omnes baptizati sunt in nube & in mari*. in forma scilicet Christi baptismatis, quòd inter ipsa mundi primordia, quando spiritus Domini ferebatur super aquas, ut iam virtutem sanctificationis aquarum natura conciperet, sed & in ipsa diluuij effusione constat esse signatum. In quo baptismo, nubis videlicet atque maris, baptizati non omnes saluati sunt, quia non omnes illud spiritaliter intellexerunt, crediderunt, ac seruauerunt, sicut nec in diluuiio saluati sunt, nisi quos arca sancta demonstrans Ecclesiam continuisse dinoscitur. Ita & qui baptizantur Christi baptismo quidam saluantur, gratia in fide recta & operibus bonis perseverantes, quidam autem pereunt, quia licet verum sit in eis baptisma, quo omnia prorsus

peccata delentur, tamen in veritate non permanent, & ideo pereunt,
 1. Petr. 3. 20. sicut B. Petrus Apostolus demonstrat dicens, *In diebus Noë, cum fa-*
bricaretur arca, in qua pauci id est octo animæ saluæ factæ sunt per aquam,
quod & vos nunc similis formæ saluos facit baptisma. Vnde Beda. Quod
 ergo aqua diluuij non saluauit extra arcam positos sed occidit, sine
 dubio præfigurabat omnem hæreticum, licet habentem baptismatis
 sacramentum, non aliis sed ipsis aquis ad inferna mergendum, qui-
 bus arca subleuatur ad cælum.] Et quoniam, sicut Dominus dicit, Ni-
 1. Ioan. 3. 5. *si quis renatus fuerit ex aqua & Spiritu sancto, non intrabit in regnum ca-*
lorum; cuius renascitionis præconia fuerunt superiora baptismata,
 1. Ioan. 6. 54. ita nihilominus protestatur, *Nisi manducaueritis carnem filij hominis &*
 Ibid. 51. 52. *biberitis eius sanguinem, non habebitis vitam in vobis.* & item, *Ego sum pa-*
nis viuus qui de cælo descendi: si quis manducauerit ex hoc pane viuere in æter-
num, cuius prædicamenta fuerunt lignum vitæ in medio paradisi
 plantatum, Adæ concessum esui ante peccatum, quando illi est
 Gen. 2. 16. dictum, *De omni ligno paradisi comedes, de ligno autem scientiæ bo-*
ni & mali ne comedas: post peccatum autem, dicente Domino,
 Gen. 3. 22. *Videte ne fortè sumat de ligno vitæ & viuatur in æternum,* est omnino
 prohibitum, vsque dum veniret qui præsignatus est, & de quo etiam
 dictum est, lignum vitæ est his, Christus videlicet Dei virtus & Dei
 sapientia, qui adprehenderint eam. Et iterum eiusdem panis viui &
 calicis vitis veræ signarunt ænigmata figurarum, de quibus item
 1. Cor. 10. 3. Paulus dicit, *Et omnes eandem spiritalem escam manducauerunt, & omnes*
eundem potum spiritalem biberunt: sed non in omnibus beneplacitum fuit Do-
 1. Ioan. 6. 49. *mino.* sicut sanctus Augustinus ex verbis sancti Euangelij demonstrat,
 dicens, *Patres, inquit, vestri manducauerunt manna, & mortui sunt.*
 Manducauerunt Moyses & Aaron & ceteri sancti qui fuerunt in po-
 pulo manna, & non sunt mortui, quia spiritualiter visibilem cibum
 intellexerunt, spiritualiter esurierunt. Alij verò manducauerunt, &
 permanserunt in infidelitate, sicut Iudæi audierunt loquentem Chri-
 stum, & non spiritualiter verba eius intellexerunt. Ideo dixit eis, *Pa-*
tres vestri manducauerunt manna in deserto & mortui sunt. Qua morte
 nisi infidelitatis? nam communi morte mortui sunt & sancti qui
 fuerunt inter eos. De nouo autem Testamento, ex pane vtique vi-
 tæ æternæ & calice salutis perpetuæ, ostendit Paulus, & exponit Am-
 brosius de epistola ad Corinthios dicens, *Quicumque ederit panem hunc,*
 1. Cor. 11. 27. *& biberit calicem Domini indignè, reus erit corporis & sanguinis Domini.*
 Quoniam futurum est, inquit Ambrosius, iudicium, vt quemad-
 modum accedit vnusquisque, reddat causas in die Domini nostri Ie-
 su Christi, quia sine disciplina traditionis & conuersationis qui ac-
 cedunt, rei sunt corporis & sanguinis Domini. Quid est autem reos
 esse, nisi pœnas dare mortis Domini? Occisus est enim pro his qui
 Ibid. 28. beneficium eius in inritum ducunt. Probet autem seipsum homo, & sic
 de pane illo edat & de calice bibat. qui enim manducat & bibit indignè, in-

dicium sibi manducat & bibit, non discernens corpus Domini. Hinc item Ambrosius, Deuoto animo & cum timore accedendum ad communionem docet, vt sciat mens reuerentiam se debere ei ad cuius corpus sumendum accedit. Hoc enim apud se debet iudicare, quia Dominus est, cuius in mysterio corpus manducat & sanguinem potat, qui testis est beneficij Dei. quem nos si cum disciplina accipiamus, non erimus indigni corpore & sanguine Domini: gratia enim videbitur redemptori.] *Et item dicit, Medicina enim spiritalis est, quæ cum reuerentia degustata purificat sibi deuotum.] Et item, Ideo multi in vobis inualidi & egroti, & dormiunt multi.* Vt verum probaret quia examen futurum est accipiendi corpus Domini, iam hinc imaginem iudicij ostendit in eos qui inconsideratè corpus Domini acceperant, dum febribus & infirmitatibus corripiebantur, & multi moriebantur.] Tandem igitur Leo Papa in Homilia tertia de Natale Domini Post mediũ dicit, Cessent igitur illorum querelæ, qui impio murmure diuinis dispensationibus obloquentes, de Dominicæ natiuitatis tarditate causantur, tanquam præteritis temporibus non sit impensum quod in vltima mundi ætate est gestum. Verbi enim incarnatio hoc contulit facienda quod facta, & sacramentum salutis humanæ in nulla vnquam antiquitate cessauit. Quod prædicauerunt Apostoli, hoc adnuntiauerunt & Prophetæ: nec serò est impletum quod semper est creditum. Non itaque nouo consilio Deus rebus humanis nec Paulo post. fera miseratione consuluit, sed à constitutione mundi vnam eandemque omnibus causam salutis instituit.]

Quid autem cunctis generaliter iustis & impiis, quos nobis Prædestinatiani obiciunt, in sua impietate defunctis contulit passio redemptoris, dicat Paulus, & exponat Ambrosius in commento ipsius epistolæ, Hoc dicit, quia sicut Adam peccans mortem inuenit, & tenuit vt omnes ex eius origine dissoluantur: ita & Christus non 1. Cor. 15. 22 peccans, & per hoc vincens mortem, (quia qui non peccat vincit mortem, quia mors ex peccato) omnibus ex eius corpore adquisiuit vitam, id est resurrectionem. Quamuis ergo generaliter tribuerit resurrectionem, vt sicut in Adam omnes siue iusti siue iniusti moriuntur, ita & in Christo omnes tam credentes quàm diffidentes resurgant, licet ad pœnam: increduli tamen viuificari videntur, quia corpora sua recipient iam non morituri, sed passuri pœnam in eis sine fine, quod credere noluerunt.] Et item in epistola ad Corinthios, quia *resurrexit*, 1. Cor. 15. 4 inquit, *tertia die.* In Christo enim omnes resurrexisse, sicut in Adam mortuos esse, nemo fidelium denegat.] Et item. *Per hominem mors*, Ibid 21. *& per hominem resurrectio mortuorum.* vt quia peccato hominis mors inuenta est, Christi iustitia resurrectionem meruit mortuorum.] Et beatus Ioannes Chrysostomus in libro de Reparatione lapsi, Scriptura, inquit, dicit quia & peccatores induent incorruptionem, scilicet non ad honorem vitæ, sed ad diuturnitatem supplicij profuturam.]

Et sanctus Hilarius in expositione Psalmi cxviii. Exprobrat enim superbis atque maledictis, cur nihil in sacramento sanguinis sui atque mortis utilitatis suæ esse existimauerint, cum ille nostri causa & natus, & passus, & mortuus sit.] Et item idem sanctus Hilarius concordans sancto Ambrosio in Psalmo lv. dicit, *Sicut expectauerunt animam meam pro nihilo saluos facies illos, in ira populos deduces.* Nouus hic prophetæ fermo est, ut eos qui expectant animam suam ad nihilum Deus saluet, & cum aliud sit ad nihilum, aliud saluari, nunc salus quæ in illos fiet ad nihilum sit. Est ergo quod saluetur in nihilum, est planè, quicquid resurrectione concessa demutatione non dignum est. Nam cum omnis caro redempta in Christo sit ut resurgat, & omnem adstare ante tribunal eius necesse sit: non tamen omnibus gloria & honor est promiscuus resurgendi. Quibus ergo tantum resurrectio, non etiam demutatio est tributa, hi saluantur in nihilum. In ira enim deducuntur hi populi, quibus ad pœnæ sensum salus resurrectionis est constituta.] Et Beda in commento Lucæ ex verbis Augustini, Altiori autem sensu, facilius est Christum pati pro dilectoribus sæculi, quàm dilectores sæculi ad Christum conuer- ti.] Et sanctus Ambrosius in epistola ad Corinthios, Quid est autem reos esse, nisi pœnas dare mortis Domini? occisus est enim pro his qui beneficium eius in irritum ducunt.] Et item sanctus Hilarius in libro iii. de fide, Dei filius crucifigitur, sed in cruce hominis mortem Deus vincit: Christus Dei filius moritur, sed omnis caro viuificatur in Christo.] Et sanctus Augustinus in libro vigesimo de Ciuitate Dei, Omnes itaque mortui sunt in peccatis, nemine prorsus excepto, siue originalibus, siue etiam voluntate additis, vel ignorando, vel sciendo, nec faciendo quod iustum est, & pro omnibus mortuis viuus mortuus est vnus, id est nullum habens omninò peccatum.

De Antichristo autem; per quem cum corpore suo omnes scilicet reprobos Prædestinatiani nos putant se posse concludere, accipiant quid sanctus Gregorius in libro Moralium trigésimo secundo dicit, Quia ergo, inquit, per vndenarium numerum transgressio exprimitur, huius bestię cornu vndecimo ipse auctor transgressionis indicatur. Quod videlicet paruulum oritur, quia purus homo generatur, sed immaniter crescit, qui vsque ad coniunctam sibi vim Angelicæ fortitudinis proficit.] & item, Principium viarum Dei Behemoth dicitur. quia nimirum cum cuncta creans ageret, hunc primum condidit, quem reliquis Angelis eminentiorem fecit.] & item, Quid autem cauda Behemoth istius nisi illa antiqui hostis extremitas dicitur, cum vas proprium illum perditum hominem ingreditur, qui specialiter Antichristus nuncupatur?] & item, Tunc Antichristus, mundi gloriam temporaliter obtinens, mensuras hominum & honoris culmine & signorum potestate transcendit. Spiritus quip-

pe in illo est, qui in sublimibus conditus, potentiam naturæ suæ non perdidit vel deiectus.] Et item in Edicto ciuibus Romanis proposito. Peruenit ad me quosdam presbyteros, peruersos scilicet homines, praua inter vos aliqua & sanctæ fidei aduersa seminasse, ita ut die Sabbati aliquid operari prohiberent, quos quid aliud nisi Antichristi prædicatores dixerim, qui veniens diem Sabbati atque Dominicum ab omni faciet opere custodiri? Quia enim mori se simulabit & resurgere, haberi in veneratione vult Dominicum diem: & quia iudaizare populum compellet, ut exteriorem ritum legis reuocet, & sibi Iudæorum perfidiam subdat, coli vult Sabbatum.] Sanctusque Hieronymus in Danielis commento Esaia vaticinio firmat, quia Antichristus usque ad summitatem montis Oliueti veniet, & ibi peribit. Hoc enim fiet, sicut passim doctores dicunt catholici, quoniam quantum potest assimilari falsitas veritati, ad instar Christi Dei nostri, qui deuicto principe tenebrarum montem luminis & chrisma-
Lib. xi.
epist. 3.
tis ascendit, unde cælorum alta penetrans misit sanctum Spiritum, cuius vnctio docet nos de omnibus, post mentitam resurrectionem suam à mortuis, idem homo perditionis, eodem, quem Christus per triumphum crucis, & resurrectionis victoriam, tenebrarum rectore deuicerat plenus, subiens montem Oliueti, spiritu oris Domini Iesu interficietur, & inlustratione aduentus ipsius destruetur. sicut & Simon Magus, mentiens se resurrexisse à mortuis, & ascendere se ad cælos promittens, orationibus & imperio Apostolorum Petri & Pauli à dæmonibus à quibus portabatur dimissus, super lapidem cecidit. & concedens Aretium, ut Egesippus verax historiographus in admodum utili historia scripsit, crurifragio periit. De quo & beatus Hieronymus in Commentario Matthæi dicit, *Multi venient in nomine meo dicentes, Ego sum Christus, & multos seducent.* Quorum vnus est Simon Samaritanus, quem in actibus Apostolorum legimus, qui
Matt. 24. 5.
se magnam dicebat esse virtutem, hæc quoque inter cetera in suis voluminibus scripta dimittens, Ego sum sermo Dei, ego sum speciosus, ego paracletus, ego omnipotens, ego omnia Dei. Sed & Ioannes Apostolus in epistola sua loquitur, *Audistis quia Antichristus venturus est. nunc autem Antichristi multi sunt.* Et Beda in Commento
Act. 8. 10.
Lucæ, Et dicent vobis, ecce hic Christus, ecce illic, nolite ire, neque sectemini. Hæc sententia non solum ad tempus, sed etiam ad personam posset intelligi. Et ad tempus quidem, quia extitere nonnulli, qui curricula computantes ætatem, certum se consummationis sæculi annum, diem, & horam dicerent inuenisse, contra auctoritatem Domini dicentis, *Non est vestrum nosse tempora vel momenta.*
1. Ioan. 2. 18.
Act. 1. 7.
ad personam verò, quia multi contra Ecclesiam venere, multi venturi sunt hæretici, qui Christos se asseuerent. quorum primus Simon Magus, extremus autem ille maior ceteris est Antichristus.] Et in vndecimo libro Moralium Gregorius, Quod per Daniele subiu-

Dan. 8. 24.
2. Theff. 2. 8

gitur, *sine manu conteretur*, hoc per Paulum exprimitur, *quem Dominus Iesus interficiet spiritu oris sui, & destruet in lustratione aduentus sui*. Si ne manu scilicet conteretur, quia non Angelorum bello, non sanctorum certamine, sed per aduentum iudicis solo oris sui spiritu æterna morte ferietur.] *& item*. Sed quia quale sit iniquorum caput audiuius, nunc huic capiti quæ membra adhæreant agnoscamus. Quisquis namque in superbia extollitur, quisquis avaritiæ desideriis cruciatur, quisquis luxuriæ voluptatibus soluitur, quisquis iniustæ ac immoderatæ iræ flagris ignitur, quid aliud quàm Antichristi testis est? Et in libro vigesimo nono, Cain tempus Antichristi non vidit, & tamen membrum Antichristi per meritum fuit. Iudas scuitiam persecutionis illius ignorauit, & tamen viribus crudelitatis eius avaritia suadente succubuit. Simon diuisus longè ab Antichristi temporibus extitit, & tamen eius se superbiæ miraculorum potentiam peruersè appetendo coniunxit. Sic iniquum corpus suo capiti, sic membris membra iunguntur, cùm & cognitione se nesciunt, & tamen praua sibi actione copulantur. Neque enim Pergamus Balaam libros aut verba cognouerat, & tamen eius nequitiam sequens

Cap. VI.

Apoc. 2. 14.

Apoc. 2. 19.

1. Ioan. 2.

2. Theff. 2.

voces supernæ increpationis audiebat. Habes illic tenentes doctrinam Balaam, qui docebat Balach mittere scandalum coram filiis Israel, edere & fornicari. Thyatiræ quoque Ecclesiam ab Iezabel notitia & tempora & loca diuidebant: sed quia eam per vitæ reatus adstrinxerat, inesse ei Iezabel dicitur, atque operibus peruersis infestare, Angelo attestante qui ait, *Habeo aduersum te, quia permittis mulierem Iezabel, quæ se dicit Prophetem, seducere seruos meos, fornicari & manducare de idolothytis*. Ecce quia reperiri potuerunt, qui Iezabel vitam reprobam actione secuti sunt. Iezabel illic inuenta memoratur, quia videlicet prauum corpus coniuncti mores vnum faciunt, etiam si hoc loca vel tempora scindunt. Vnde fit vt in peruersis suis imitatoribus, & iniquus quisque maneat qui iam præterit, & in suis operatoribus ipse iniquorum auctor iam appareat qui necdum venit. Hinc Ioannes ait, *Nunc Antichristi multi sunt*, quia iniqui omnes iam eius membra sunt, quæ scilicet peruersè edita caput suum malè viuendo præuenerunt. Hinc Paulus ait, *ut reueletur in suo tempore. Nam mysterium iam operatur iniquitatis*, ac si diceret, Tunc Antichristus manifestus videbitur. nam in cordibus iniquorum secreta sua iam nunc occultus operatur.] De cuius præconibus iterum scriptum est, *Ex nobis exierunt, sed non erant ex nobis*. Non enim exeunt foras nisi Antichristi. Vnde & de Iuda membro Antichristi præcipuo legimus, quia misit diabolus in cor Iudæ vt traderet eum. & post buccellam introiuit in eum Satanas, & exiuit continuò. qui appellatus est filius perditionis, sicut & Antichristus. Et Iudas Antichristus tradidit eum, qui veraciter dicitur Christus, & colitur Deus, qui est super omnia benedictus in sæcula. Ille autem in tempore suo aduersabitur

fabitur & extolletur super omne quod dicitur Deus, aut quod colitur. ita ut in templo Dei sedeat, ostentans seipsum quasi ipse sit Deus. De isto autem, id est Iuda, post multa in libro Hypomnesticon sanctus Augustinus dicit, Talis est omnium periturorum causa, licet culpa sit à culpa dissimilis. Et de illo eiusque corpore sanctus Gregorius in libro trigesimo tertio Moraliū dicit, *Et videntibus cunctis præcipitabitur.* Cunctis enim videntibus præcipitabitur, quia æterno tunc iudice terribiliter apparente, adstantibus legionibus Angelorum, adstante tunc ministerio cælestium potestatum, atque electis omnibus ad hoc spectaculum deductis, ista bellua crudelis & fortis in medium captiua deducetur, & cum suo corpore, id est cum reprobis omnibus, æternis gehennæ incendiis mancipabitur, cum dicetur, *Discedite à me maledicti in ignem æternum, qui paratus est diabolo & angelis eius.* Cap. xix.
Iob 40. 18.

Matt 25

2. Thess. 2. 8

Psal. 64. 2

Luc. 3. 6.

Vnde quia homo erit reprobus, & caput reproborum omnium, qui ab initio mundi usque in aduentum Domini, sed & eorum qui post aduentum Domini infidelitate & perseveranti iniquitate ad eius pertinebunt consortium, Prædestinatiani se ante se ponant, & relegant, quia sanctus Paulus & sanctus Gregorius, ac ceteri quique doctores, hominem illum futurum dicunt, & ipsi denegare non possunt. & si homo erit, licet diabolo comite plenus, in quantum homo quanquam reprobus carne morietur. *Quis est, inquit, homo qui vivet & non videbit mortem? quem Dominus Iesus, sicut scriptum est, interficiet spiritu oris sui.* Et quia morietur & resurget, sicut item scriptum est, *Ad te omnis caro veniet, & videbit omnis caro, quod non sine anima in resurrectione fiet, salutare Dei.* Ad cuius aduentum, secundum fidem catholicam, omnes homines resurgere habent cum corporibus suis. si omnes, etiam Antichristus. Et si carnis resurrectionem aliis reprobis, ipsius scilicet membris, ut ostendimus ex catholicorum doctrina, licet non ad honorem vitæ, sed ad diuturnitatem supplicij profuturam redemptoris mors contulit, nec eorum capiti denegavit. Et quibus sua morte resurrectionem carnis impendit, pro eis proculdubio passus fuit. non quia passionis eius mysterio sint ad salutem æternam redempti, qui & pro contempta redemptione pœna debita eis prædestinata iuxta quod præsciti sunt punientur, sed secundum modum quem diximus Christum etiam pro impiis passum fuisse cum catholicis profiteamur. & pro quibus pati voluit, ad mortem nequaquam prædestinavit. Quoniam verò ut Deus nescire nihil potuit, eos perituros non ignoravit. qui non idcirco perierunt, quoniam à Deo præsciti sunt perituri, sed quia tales erant futuri, à Deo præsciti sunt perituri. Errant igitur qui etiam Antichristum cum membris suis à Deo prædestinatum ad interitum dicunt: quoniam nihil Deus prædestinat nisi quæ ipso erant auctore facienda, vel quæ malis meritis iusto erant iudicio retri-

Ecc

buenda. Præsciuit autem tantummodò Deus, non etiam prædestinauit, quæ non ex ipso erant causam operationis habitura. Propterea qui dicit homines à Deo prædestinatos ad interitum, restat ut dicat quia prædestinatione id est operatione illius pereant, sicut qui prædestinati sunt ad vitam, prædestinatione, id est operatione illius saluantur, testante Apostolo, *Qui operatur in vobis & velle & perficere pro bona voluntate.* & item, *qui cæpit ipse perficiet.* Et cum fides sit salutis initium, de ea scriptum est, *Alij datur fides,* & reliqua, *quæ omnia operatur unus atque idem spiritus.* Et iterum scriptum est. *Quos præsciuit, hos & prædestinavit, & quos prædestinavit hos & vocavit, & quos vocavit hos & iustificavit, & quos iustificavit illos & glorificavit.* & item, *Elegit nos ante tempora secularia, prædestinans nos, id est præparans, ut essemus sancti & immaculati.* Hinc ergo scitum est, quòd qui, ut hoc diffinitionis conditionali tenore ostenditur, dicit aut subintelligere susurrando contendit, quoniam Antichristus, vel quilibet reprobis ex Deo habeant causam perditionis, vel operatione ipsius pereant, non catholicus sed insanus est, & si incorrigibilis perseverare maluerit, ab ipsa etiam conlocutione fidelium propellendus. Nam Deus vindex non auctor mali est, *nec volens iniquitatem,* ut scriptum est. & cunctis qui salvi fiunt, causa salutis est, nemini autem causa perditionis est, qui omnes vult saluos fieri, & neminem vult perire. Qui enim spreuerunt voluntatem Domini inuitantem, voluntatem Domini sentient vindicantem. quoniam nulli correctionis adimit viam, nec ququam boni possibilitate dispoliat. Sed qui se ab eo auertit, ipse nò Deus & velle quod bonum est & posse sibi sustulit. Non est ergo consequens, ut Deus quibus pœnitentiam non dederit, resipiscantiam abstulerit, & quos non leuauerit alliserit, cum aliud sit infontem in crimen egisse per quod ad supplicium peruenitur, quod alienum est à Deo: aliud criminoso veniam non dedisse, quod de peccatoris est merito, & ex retributione iustitiæ iusti iudicis vindicatur iudicio. Nam si Christum his tantum remedia attulisse dicamus qui redempti sunt, videbimur absoluerè non redemptos, quos pro redemptione contempta constat esse puniendos. Si enim, ut beatus Gregorius in Homilia trigesima quinta scribit, mors iustorum bonis in adiutorium est, malis in testimonium, ut inde peruersi sine excusatione pereant, vnde electi capiunt exemplum ut viuant.] multo magis mors redemptoris nostri pro omnibus mortui, ut credentibus atque deuotis salus, ita incredulis & contemptoribus esse in condemnationis testimonium credi debet. Sequendum est igitur quod Prosper rectissime dicit, Quoniam sanguis Christi redemptio est totius mundi. à quo pretio extranei sunt, qui aut delectati captiuitate redimi noluerunt, aut post redemptionem ad eandem sunt feruitutem reuersi. Christus ergo pro omnibus passus est, licet non omnes passionis eius mysterio sint redempti. Quia verò specialiter cre-

Philip. 2. 13.

1. Cor. 12.
10.

Rom. 8. 29.

Ephes. 1. 4.

Psal. 5. 5.

Non longe
ab initio.Contra
Gallos.

dentibus ad salutem mors profuerit saluatoris, non credentibus autem in iudicium & condemnationem sit contempta ipsius gratia passionis, S. Hilarius in quinquagesimo quinto Psalmo dicit, In ira deducuntur hi populi, quibus ad pœnæ sensum salus resurrectionis est constituta. à qua ira eripiendos nos Apostolus pollicetur dicens, *Quoniam si cum adhuc peccatores essemus Christus pro nobis mortuus est, multo magis iustificati in sanguine eius saluabimur per eum ab ira.* Pro peccatoribus igitur ad salutem resurrectionis est mortuus: sed sanctificatos in sanguine suo saluabit ab ira.] Et S. Augustinus in libro xx. de Ciuitate Dei capite vigesimo sexto, Pro omnibus mortuis uiuus mortuus est vnus, id est, nullum habens omninò peccatum, vt qui per remissionem peccatorum viuunt, iam non sibi uiuant, sed ei qui pro omnibus mortuus est propter peccata nostra, & resurrexit propter iustificationem nostram. vt credentes in eum qui iustificat impium, ex impietate iustificati, tanquam ex morte viuificati, ad primam resurrectionem quæ nunc est pertinere possimus. Ad hanc enim primam soli pertinent qui beati erunt in æternum: ad secundam verò, de qua mox locutus est, & beatos pertinere docebit & miseros. Ista est misericordiæ, illa iudicij. propter quod in Psalmo scriptum est, *Misericordiam & iudicium cantabo tibi Domine.*] Et Ambrosius in epistola ad Corinthios, Sicut enim in Adam omnes moriuntur, ita in Christo omnes viuificabuntur. Omnibus ergo qui sunt ex eius corpore adquisiuit vitam, id est resurrectionem, quamuis generaliter tribuerit resurrectionem.] & item in eadem epistola, *Verbum enim crucis pereuntibus quidem stultitia est.* Manifestum est quia quibus crux Christi stultitia est in perditione sunt, infernæ enim morti non sunt erepti. his autem qui salui fiunt virtus Dei est. Non est obscurum, quia his qui credunt virtus Dei est. credunt enim non infirmitatem esse crucem Christi, sed virtutem: intelligentes victam mortem in cruce, cuius signum qui habent salui sunt, quia ab illa teneri non possunt.] Et Beda in Commento Lucæ, *Retribuatur enim in resurrectione iustorum.* Resurrectionem iustorum dicit, qui etsi omnes resurgant, eorum tamen non immerito quasi propria cognominatur, qui in hac se beatos non dubitant esse futuros.] Et Prosper contra Gallos actione ix. dicit, Redemptor mundi dedit pro mundo sanguinem suum, & mundus redimi noluit, quia lucē tenebræ non receperunt. & tenebræ receperunt, quibus dicit Apostolus, *Fuistis aliquando tenebræ, nunc autem lux in Domino.* Et Dominus in Euangelio, *Sic enim Deus dilexit mundum, vt filium suum vnigenitum daret, vt omnis qui credit in eum non pereat, sed habeat vitam æternam.* & hoc est autem iudicium, quia lux venit in mundum, & dilexerunt homines tenebras magis quàm lucem. Erant enim eorum mala opera. Vnde constat quia pro omnibus passus est Christus, sed credentibus dat salutem. Tandem qualiter quauē discretionē orthodoxi ex scripturis in-

Rom. 5. 9.

Psal. 100. 1.

Luc. 14. 14.

Ephes. 5. 8.

Ioan. 3. 16.

Ibid. 19.

tellexerunt & docuere doctores quoniam¹ passus est Christus pro omnibus, licet non omnes ad æternam salutem passionis eius mysterio redimantur, Petri verba consideremus qui dicit, Non tardat, inquiens, Dominus promissionem suam, sed expectat propter vos, nolens aliquem perire, sed omnes ad pœnitentiam reuerti. & Paulus dicit, *Qui proprio filio suo non pepercit, sed pro nobis omnibus tradidit illum.* Rom. 8.32. & *Si unus pro omnibus mortuus est, ergo omnes mortui sunt, & pro omnibus mortuus est, qui dedit semetipsum redemptionem pro omnibus.* 2. Cor. 5.14. & *gratia Dei pro omnibus gustauit mortem. quia, vt Esaias dicit, Omnes nos velut oves errauimus, unusquisque in viam suam declinauit, & Dominus posuit in eo iniquitatem omnium nostrum.* 1. Tim. 2.6. Quia verò non omnes passionis eius mysterio sunt redempti, licet ipse fuerit passus pro omnibus, manifestat iterum per Esaiam dicens, *In scientia sua iustificauit ipse seruos suos multos.* Ibid. 11. & item, *Ipse peccata multorum tulit.* Esa. 52.15. & item, *Iste asperget gentes multas.* Matt. 20.28. & in Euangelio, *Filius hominis non venit ministrari, sed ministrare, & dare animam suam redemptionem pro multis.* Rom. 5.19. & Apostolus, *Per vnus obedientiam iusti constituentur multi.* & item, *Vt sit ipse primo genitus in multis fratribus.* Rom. 8.29. & item, *Qui multos filios in gloriam adduxerat.* Ibid. 12. & item, *Christus passus est ad multorum ex haurienda peccata.* Hebr. 2.10. & item, *Christus dilexit Ecclesiam, & seipsum tradidit pro ea.* Hebr. 9.28. In quibus singulis sententiis intelligendum est, ideo pro multis non pro omnibus dictum, quia non omnes crediderunt, sicut in subsequentibus verbis Patrum monstrabimus. Sed & Matthæus, & Marcus, & Lucas, ideo non pro omnibus, sed pro multis & pro vobis tradetur corpus meum, & effundetur sanguis meus, dicunt protestatum fuisse Dominum saluatorem, quia licet Christus pro omnibus passus fuerit, non omnes passionis eius mysterio sunt redempti. Et quia non omnes sunt redempti pro quibus est passus, ad infidelium respicit partem, non ad pretij potestatem, cum sanguis Domini nostri Iesu Christi pretium sit totius mundi. Sicut enim post aduentum in carne eiusdem Dei & hominum mediatoris, non saluati sunt, neque saluantur, nec etiam saluabuntur, qui in eum & eum, sicut catholica tenet ac docet Ecclesia, non credunt Iesum, id est saluatorem mundi, vel si verbis confitentur, factis autem negant, quia non credunt fide quæ per dilectionem operatur, nam & dæmones credunt & contremiscunt, dicente scriptura, *Qui non credit iam iudicatus est,* Ioan. 3.18. quia non credidit in nomine vnigeniti filij Dei. Et Iacobus, quid proderit fratres mei, si fidem quis dicat se habere, opera autem non habeat, numquid poterit fides saluare eum? Et Dominus, *non omnis qui dicit mihi Domine, Domine, sed qui facit voluntatem patris mei, ipse intrabit in regnum cælorum.* Matt. 7.21. Ita & qui ante ipsius in carne aduentum non crediderunt in ipsum, hoc est in Iesum, qui venturus erat in nomine Domini benedictus rex Israel ad saluandas gentes, vel si formam pietatis habentes virtutem eius operibus negauerunt, perseveranti in-

fidelitate & iniquitate perierunt. Vnde & præter illa quæ suprà po-
 suimus, beatus Augustinus in libro II. de Nuptiis & Concupiscentia Cap. xi.
 dicit, Masculus qui non circumcidetur carne præputij sui octauo die,
 disperiet anima eius de genere suo, quia testamentum meum dissi-
 pauit. Dicat iste si potest, quomodo puer ille testamentum dissipauit
 octo dierum, quantum ad ipsum propriè attinet, innocens infans, &
 tamen nullomodo Deus vel scriptura sancta id mendaciter diceret.
 Tunc ergo dissipauit testamentum Dei, non hoc de imperata circum-
 cisione, sed illud de ligni prohibitione, quando per vnum homi-
 nem peccatum intrauit in mundum, & per peccatum mors, & ita in
 omnes homines pertransiit, in quo omnes peccauerunt. Et hoc in illo
 significabatur expiari circumcissione octauæ diei, hoc est sacramento
 mediatoris in carne venturi: quia per eandem fidem venturi in carne
 Christi, & morituri pro nobis, & tertio die, (qui post septimum sab-
 bati fuerat futurus octauus) resurrecturi, etiam iusti saluabantur an-
 tiqui. Traditus est enim propter delicta nostra, & resurrexit propter
 iustificationem nostram. Ex quo enim instituta est circumcisio in po-
 pulo Dei, quod erat tunc signaculum iustitiæ fidei, ad significationem
 purgationis valebat & paruulis originalis veterisque peccati, sicut &
 baptismus ex illo valere cœpit ad innouationem hominis ex quo est
 institutus. Non quòd ante circumcissionem iustitia fidei nulla erat. Cap. xii.
 Nam cum adhuc esset in præputio, ex fide iustificatus est ipse Abra-
 ham, pater gentium quæ fidem ipsius erant sectaturæ. Sed supe-
 rioribus temporibus omni modo latuit sacramentum iustificationis
 ex fide. eadem tamen fides mediatoris saluos iustos faciebat antiquos
 pusillos cum magnis, non vetus Testamentum quod in seruitutem
 generat, non lex quæ non sic est data quæ posset viuificare, sed
 gratia Dei per Iesum Christum Dominum nostrum. quia sicut cre-
 dimus nos Christum in carne venisse, sic illi venturum, sicut nos
 mortuum, ita illi moriturum, sicut nos resurrexisse, ita illi resurre-
 cturum, & nos verò & illi ad iudicium mortuorum viuorumque
 venturum. Non ergo iste humanam malè defendendo impedit à
 salute naturam, quia omnes sub peccato nascimur, & per vnum so-
 lum, qui sine peccato natus est, liberamur.] videlicet fide quæ per
 dilectionem operatur credentes, & ante aduentum & post aduentum
 Domini, & ab hinc vsque ad finem sæculi credituri. Qui verò eadem fi-
 de credere noluerunt, nolunt, & nolent, ipsi sibi causa mortis extite-
 runt, existunt, & existent. quia, vt Prosper dicit, poculum immortali-
 tatis, quod confectum est de infirmitate nostra & virtute diuina, ha-
 bet quidem in se vt omnibus prodest, sed si non bibitur non medetur.

Hanc catholicè discretam intelligentiam, quòd Christus Iesus
 Dominus noster pro omnibus passus sit, licet non omnes passionis
 eius mysterio sint redempti, demonstrat etiam beatus Ambrosius, in
 epistola secunda ad Corinthios dicens, *Quòd si vnus pro omnibus* Cap. vi.

Cap. XI.

Matt. 10. 28

mortuus est, ergo omnes mortui sunt. Quoniam Christus diligens genus humanum, ut eos redimeret, morti se dedit. Et quia omnes necesse est mori causa Adæ, pro omnibus mortuus est Christus, ut eos à secunda morte liberaret.] Et in prima Epistola, Rei sunt corporis & sanguinis Domini. Occisus est enim pro his qui beneficium eius in irritum ducunt.] Et in epistola ad Romanos, *Sicut per unius delictum in omnes homines in condemnationem: sic & per unius iustitiam in omnes homines in iustificationem vitæ.* Hoc est, sicut unius delicto omnes homines condemnationem meruerunt similiter peccantes, ita & in iustitia unius omnes iustificantur credentes. Si qui autem condemnationem hanc generalem esse putant, simili modo & iustificationem generalem accipient. Sed non est verum, quia non omnes credunt.] Hanc sanctus Hieronymus tenuit, dicens in expositione epistolæ ad Ephesios, Hoc in Dei filio possibile iudicandum est, quod cruore suo non vrbem vnam, sed totum purgat orbem. Et in commento Matthæi, Solus orat pro omnibus, sicut & solus patitur pro vniuersis.] & item in eodem libro, *Filius hominis non venit ministrari, sed ministrare, & dare animam suam redemptionem pro multis.* Non dixit pro omnibus, sed pro multis, id est pro his qui credere voluerunt.] Et Beda in Homilia Euangelij XIII. In Spiritu sancto baptizans, quin Christus, ad tollenda peccata non solum Israel, sed & totius mundi si ei credere voluerit, idoneus est.] Sic sensit sanctus Hilarius, dicens in expositione Psalmi CXVIII. Tunc humano generi exprobrat non credenti, neque in viam Euangelicam pergenti, id quod in Psalmo continetur, *Quæ utilitas in sanguine meo, dum descendo in corruptionem?* Exprobrat enim superbis atque maledictis, cur nihil in sacramento sanguinis sui atque mortis utilitatis suæ esse existimauerint, cum ille nostri causa & natus & passus & mortuus sit.]

Sic tenuit & docuit sanctus Ioannes Chrysostomus, dicens in epistola ad Hebræos, qualiter gratia Dei pro omnibus gustauerit mortem, non pro fidelibus tantum, sed pro mundo vniuerso. Et ideo dictum est ad multorum exhaurienda peccata. Et ipse quidem pro omnibus mortuus est. Quid autem si non omnes credunt? Ille quod suum erat impleuit.] Et in Homilia II. Matthæi Euangelistæ. Et hoc, inquit, tibi ante me Esaias propheta denuntiat. Siquidem ipse prædicans passionem & plurimam pro toto terrarum orbe piissimamque curam, atque admiratus, & reliqua.] Et item in Homilia IV. Non dixit pariet tibi, sed medium illud posuit atque suspensum. Non enim illi, sed vniuerso prorsus orbi peperit Christum.] Et post pauca. Per ipsum bona vniuerso orbi conferenda pronuntiat. Et item in Homilia XV. *Vos estis sal terræ.* Per quod ostendit quàm necessariè ista præcipiat. Non enim pro vestra, inquit, salute tantummodò, sed pro vniuerso prorsus orbe hæc vobis doctrina committitur. Non ad duas quippe vrbes, aut decem, aut viginti, neque ad

vnam vos mitto gentem sicut etiam prophetas, sed ad omnem terram prorsus ac mare, totumque mundum, & hunc variis criminibus oppressum.] Et quia non omnes saluantur ad quos verbum salutis missum est, nec omnes passionis eius mysterio redimuntur, pro quibus salus parata omnibus crucis subiit passionem, item idem Doctor catholicus in Homilia vii. eiusdem Euangelistæ dicit, Non enim, inquit, omnes qui ex Israel hi sunt Israelitæ, sed quicumque per fidem repromissionis nati sunt. Si verò non omnes regit, vocatorum crimen est, non vocantis.] Et item, Quod certè dicit & Paulus, *Vobis, inquit, oportebat primum adnuntiari verbum Dei, sed quoniam indignos vos iudicastis, conuertimus nos ad gentes.* Et si igitur antea incredibiles permanebant, tamen postquam & ipsum à Magis audierunt, confestim ad Christum debuerunt aduolare. Sed utique noluerunt. & propterea istis dormientibus illi proueniunt.] Et item in Homilia vi. Et cur, inquit, non hoc Magis omnibus reuelauit? quia scilicet nec omnes fuerant credituri.] Et item in Homilia x. Et propterea subiunxit in testimonium omnibus gentibus, ostendens non se expectaturum ut omnes prius credant, & ita ipse qui prædixerat veniat. Quod enim ait in testimonium omnibus gentibus, hoc est dicere, in accusationem ac redargutionem eorum qui Euangelio credere noluerunt.

Sic prædicauit sanctus Augustinus, in libro de Correptione & Gratia dicens, Quis magis dilexit infirmos quàm ille qui pro omnibus est factus infirmus, & pro omnibus ex infirmitate crucifixus?] Et in libro vi. contra Iulianum. Illi sunt liberi à peccato, pro quibus mortuus est qui nunquam fuerat in peccato: & cum semel sit mortuus, tamen pro vnoquoque tunc moritur, quando in eius morte, quantalibet ætatis fuerit, baptizatur. id est, tunc ei proderit mors eius qui fuit in peccato, quando in eius morte baptizatus mortuus fuerit etiam ipse peccato, qui mortuus fuerat in peccato.] Sic rugitus magni Leonis, Papæ scilicet Romanæ vrbis, quæ caput est Ecclesiarum omnium, atque totius orbis, per totum, ut præmisimus, intonat mundum. Effusio, inquit, iusti pro iniustis sanguinis Christi tam fuit diues ad pretium, ut si vniuersitas captiuorum in redemptorem suum crederet, nullum Diaboli vincula retinerent.] Sic sanctus Gregorius tenuit & prædicauit, in libro Moralium xiv. dicens, *Stulti quoque despiciebant me.* Ac si aperte diceretur, Ipsi etiam me despexerunt, pro quibus sanandis stultitiam prædicationis adsumpsi, id est, ut per carnem verbi sanarentur, & ab ipsis despectus sum, pro quibus stultus æstimari veritus non sum.] Et in Homilia Ezechielis prophetæ, Pro electorum vita vsque ad mortem se tradidit auctor vitæ.] Et in Homilia Euangelij xx. Illum Ioannes Baptista prædicare veniebat, qui quosdam ex Iudæa & multos ex gentibus saluare veniebat.] Et in xx. libro Moralium, Redemptor corpus passioni obtulit, quod pro electis as-

Cap. xvi.

Cap. v. ver-
sus finem.Ep. xcvii.
cap. 2.

Cap. xxi.

Iob 19. 18.

Cap. II.

Iob 33.

Ioan. 3. 15.

Marc. 16. 16

sumpserat.] *Et item*, Interpellat pro nobis Dominus, non voce sed miseratione, quia quod damnari in electis noluit suscipiendo liberauit.] Et item idem in libro xxiv. *Moralium*, Quia igitur Dominus verè natus, verè mortuus, verè resuscitatus, in omnibus tamen distat à nobis magnitudine potentia, sed sola concordat nobis veritate naturæ, bene dicitur, quia pro nobis iste Angelus *unum de similibus* loquitur. Cùm enim in cunctis operationibus suis immensa nos virtute transcendat, in vno tamen nobis, id est in formæ varietate, non discrepat. Per hoc pro nobis patri loquitur, per quod semetipsum nobis similem ostendit. Loqui quippe eius vel interpellare est, ipsum se pro omnibus hominem demonstrare.] Quomodo autem id quod dictum est, se pro omnibus demonstrare, manifestius intelligere valeamus, ostendit Euangelica veritas dicens, *ut omnis qui credit in ipsum non pereat, sed habeat vitam æternam. qui verò non crediderit cõdemnabitur*, ut præfatus doctor in libro xxxvi. *Moraliũ* dicit, Sed iniqui omnes æterno supplicio & quidẽ sua iniquitate puniuntur, & tamen ad aliquid concremantur, scilicet ut iusti omnes, & in Deo videant gaudia quæ percipiunt, & in istis respiciant supplicia quæ euaserunt.]

Hanc discretam intelligentiam de redemptione quæ fit per sanguinem Christi, cum superscriptis magistris catholicis intelligendam atque tenendam, & venerabilis Beda presbyter intellexit & tenuit, dicens in exposito Euangelij Lucæ, *Factus est sudor eius sicut gutta sanguinis decurrentis in terram*, ut vniuersum latè terrarum orbem peccatis mortuum sua morte innoxia cælestem resuscitaret ad vitã.] *Et item*, Quod veste alba induitur, immaculatæ dat indicia passionis, quoniam agnus Dei immaculatus totius mundi sit peccata ablaturus. *Et cùm tetigisset auriculam eius sanauit eum.* mysticè docens & ipsos si conuertantur posse sanari, qui in sua sunt mortis consensione vulnerati.] *Et item*, *Postquam venerunt ad locum qui vocatur Caluarie, ibi crucifixerunt eum.* Propterea autem ibi crucifixus est Dominus, ut vbi prius erat arca damnatorum, erigerentur vexilla martyrij. Et quomodo pro nobis maledictum crucis factus est, & flagellatus & crucifixus, sic pro omnium salute quasi noxius inter noxios crucifigitur, ut vbi abundauit peccatum, superabundet & gratia.] *Et item*, Velint nolint ergo Iudæi, omne mundi regnum, omnis mundana sapientia, omnia diuinæ legis sacramenta testantur, quia Iesus rex Iudæorum est, hoc est Imperator credentium & confitentium Deum.] *Et item*, Pulchrè autem paraturis Pascha discipulis homo amphoram aquæ portans occurrit, ut ostendatur huius Paschæ mysterium pro absolutione perfecta totius mundi esse celebrandum.] *Et paulo post*, Consultè vel aquæ baiuli vel domini domus sunt prætermissa vocabula, ut omnibus Pascha celebrare volentibus, hoc est Christi sacramentis imbui, Christum suæ mentis hospitio suscipere quærentibus, facultas danda, signetur.

Sic & Cassiodorus intellexit ac tenuit, dicens in Psalmo cxlx. *Lauda-*

te eum in firmamento virtutis eius, Firmitas virtutis eius est, quia exitium pro omnium salute suscipiens, mortem ipsam cum auctore nequissimo potentiae suae virtute superauit.] Et in Psalmo CXLII. Nemo autem requisivit animam eius, dum ei nulla consolatio præberetur, sed solus ad passionem relictus est, qui erat pro omnium salute moriturus.] *Et item.* Nam si illud deitatis suae culmen mirabile non inclinasset sumpti corporis veritate, quemadmodum pro salute omnium crucifigi potuerat?] Et in Psalmo CX. *Virtutem operum suorum adnuntiavit populo suo.* Scilicet Christiano, quem redemit sanguine pretioso. Et in Psalmo. CXXIX. *Et copiosa apud eum redemptio.* ut pretiosus ille sanguis tanta fuerit vbertate ditissimus, quatenus totius mundi peccata redimeret, & velut quodam diluvio salutari orbem terrarum a suis sordibus expiaret.] Et item in Psalmo CXLVII. Quis enim erit illius gaudij modus, conspiciere illum dominum rerum, qui hinc mori creditus est pro salute cunctorum?] Et in Psalmo CXVIII. *Iudica iudicium meum, & redime me.* Quem redimere poterat nisi credentem, aut pro quo maximè sanguinem redemptionis effunderet, si fidelis famulus non fuisset? Addidit *Propter eloquium tuum vivifica me.* Illo scilicet, ubi promittit *Qui credit in me non morietur, sed habeat vitam æternam.* Tale est & illud Prophetæ querentis Domino de quibusdam, *Attrivisti eos, inquit, & reverterunt accipere disciplinam, & curavimus Babylonem & non est sanata.* Et Dominus dicit, *Interfeci & peridi populum iustum, & tamen à viis suis non sunt reversi.* Et rursus ait, *Populus non est reversus ad percutientem se, & lux in tenebris lucet, & tenebrae eam non comprehenderunt.* & redemptor mundi dedit pro mundo sanguinem suum & mundus redimi noluit. Et item scriptum est, *Noli timere pauperem, quia in camino paupertatis excoxi te.* & item, *Loquimini ad cor Hierusalem, & auocate eam, usque dū dicitur, recepit duplicia de manu Domini pro omnibus peccatis suis.* Et item scriptum est, *Linor vulneris abstergit mala, & plaga in secretioribus ventris.* & Apostolus, *Fuistis aliquando tenebrae, nunc autem lux in Domino.* quia tenebrae lucem recipientes, inluminatae sunt, & credentes mundi pretio ad salutem redempti sunt. Et Prosper ex delegatione Apostolicæ sedis hanc catholicam intelligentiam demonstrat contra Gallos in recapitulatione IX. Qui, inquit, dicit quod non pro totius mundi redemptione Salvator sit crucifixus, non ad sacramenti virtutem, sed ad infidelium respicit partem, cum sanguis Domini nostri Iesu Christi pretiū sit totius mundi.]

Hanc ipsa sancta sedes Apostolica in arcanis cælestium mysteriorum, ex Apostolorum traditione, retinet dicens, *Hæc hostia, quæsumus Domine, mundet nostra delicta, quæ in ara crucis immolata totius mundi tulit offensam.* *Et item, Annue nobis Domine, ut animæ famuli tui Leonis hæc profit oblatio, quam immolando totius mundi tribuisti relaxari delicta.* *Et, Respice omnipotens & misericors Deus super hanc familiam tuam, pro qua Dominus noster Iesus Christus non dubitavit manibus tradi nocentium, & crucis subire tormentum.* Vnde

Psal. 150. 12

Psal. 110. 6.

Psal. 129. 7.

Psal. 118.

154.

Hier. 5. 3.

Hier. 51. 9.

Hier. 15. 7.

Esa. 9. 13.

Ioan. 1. 5.

Esa. 54. 11.

Esa. 40. 2.

Prou. 20. 30.

Ephes. 5. 8.

Cap. vi.

Matt. II. 28.

Ad Vinc. Resp. I.

Ad Capit. Gallorum sentent. ix.

legem credendi, vt beatus Cælestinus scribit ad Venerium & Gallicanos Episcopos, lex statuat supplicandi. Et item Prosper libro i. de uocatione gentium. Igitur quantum attinet ad humani generis cæcitatem, longa ignorantia & superbia nocte contractam, venit in mundum creator mundi, & mundum eum non cognouit, lux lucet in tenebris, & tenebræ eam non comprehenderunt, Qui super omnes est quod vidit & audiuit testatur, & testimonium eius nemo accipit. Sed quia non frustra Deus Dei filius venit in mundum, & dedit semetipsum pro omnibus, & pro omnibus mortuus est, non tantum pro gente, sed etiam vt filios Dei dispersos congregaret in vnum, & vniuersis dicit *Venite ad me omnes, qui laboratis & onerati estis, & seruatō sibi incognoscibilis arbitrio electionis, dat sui patrisque notitiā quibus eam voluerit reuelare, omnes filij lucis, filij promissionis, filij Abraham, filij Dei, genus electum, regale sacerdotium, viri Israelitæ, præcogniti & præordinati ad regnum Dei qui eos vocauit, non solum ex Iudæis, sed etiam ex gentibus, testimonium eius qui de cælo venit accipiunt, signantes quia Deus verax est, id est expresse significantes in sui saluatione, quoniam Deus verax est, implens & perficiens quod promisit Abraham omnium gentium Patri, qui pollicente Deo quod heres futurus esset mundi, non hæsitauit diffidentia, sed confortatus est fide, dans gloriam Deo, & plenissimè sciens, quoniam quod promisit potens est & facere.]*

Et item cōtra Vincentianos & Gallos, Dominus noster Iesus Christus, liber à mortis debito, & solus absque peccato, pro peccatoribus & debitoribus mortis mortuus est. Quod ergo ad magnitudinem & potentiam pretij, & quod ad vnā pertinet causam generis humani, sanguis Christi redemptio est totius mundi.] A quo pretio extranei sunt, qui aut delectati captiuitate redimi noluerunt, aut post redemptionem ad eandem sunt seruitutem perseueranter reuersi.] A qua & à pœnis æternis eidem captiuitati ac seruituti debitis, atque à iusto iudice præparatis, nos eripere & tueri atque inlæsos conseruare dignetur, qui sanguine ipsius mediatoris ac redemptoris nostri eruit nos de potestate tenebrarum, & transtulit in regnum eiusdem filij caritatis suæ. Cui cum eo in vnitatem Spiritus sancti est honor, & gloria, & imperium, per omnia sæcula sæculorum. Amen.



HINC MARI
CONTRA GOTHESCALCVM
DE TRINITATE
QVOD TRINA DEITAS NON DICENDA.

Flodoardus libro iii. Historiæ Remensis cap. xv.

*Scipsit praterea Hincmarus librum collectum ex orthodoxorum
dictis Patrum, ad filios Ecclesiæ suæ, quòd diuina Trinitatis
deitas trina non sit dicenda, cùm sit ipsius summa Trinitatis
unitas, ad repellendas Gothescalci blasphemias.*

HINC.



HINCMARI

ARCHIEPISCOPI

REMENSIS

COLLECTIO EX SANCTIS SCRIPTVRIS
ET ORTHODOXORVM DICTIS,

DE VNA ET NON TRINA DEITATE,
sancta videlicet & inseparabilis Trinitatis unitate,

AD REPELLENDAS GOTHESCALCI BLASPHEMIAS
eiusque nœnias refutandas.



PROLOGVS.

*Hincmarus nomine non merito Remorum Episcopus, ac plebis Dei famulus,
dilectis Ecclesie catholice filiis & comministris nostris.*



IV est quòd quidam, occasione accepta de finalitate
hymni, cuius auctor penitus ignoratur, in qua dicitur,
Te trina Deitas, vnâque poscimus,
delectabiliter vocum nouitatibus vt innotescerent in-
cumbentes, cœperunt contendere, quòd sicut trinus
& vnus Deus, ita trina & vna Deitas & debeat & catholicè valeat
dici. vnde quique pro suo modulo scriptitarunt. Inter quos & Ra-
tramnus Corbeiaë monasterij monachus, ex libris beatorum Hilarij
& Augustini, dicta eorundem detruncando, & ad prauum suum sen-
sum incongruè inflectendo, sicut & Macarium Antiochenum Epi-
scopum de quamplurimis catholicorum libris fecisse in sexta Synodo
legimus, ex hoc volumen quantitatis non modicæ scribens ad Hilde-
garium Meldensem Episcopum compilauit. Cuius peruersam intelli-
gētiam ipsa eius collectio, scriptis authenticis collata, mendacio redar-
guit & reuincit, veluti qui legerit apertissimè peruidebit. Hæc autem

Hom. 8. in
Euang.

Cant. 7. 4.

1. Pet. 3. 15.

audiens Gothescalcus, Orbacensis monasterij Remensis Ecclesiae pseudomonachus, tam inuidia mei, quem in Ecclesia cantari trinam deitatem vetuisse audierat, quam more suo, qui noua & antea inaudita, canaque orthodoxorum intelligentiae contraria adinuenire, ac proferre ab ineunte aetate suae vitiosae indolis delectabiliter studuit, & in eodem studio permansit, inde plurima scribere, & ad quoscumque potuit, primum latenter, deinde quantum sibi licuit, aperte mittere procurauit. Nouissime diebus istis hanc subiunctam schedulam, quae ad nos communiter per complices ac satellites suos peruenit, inde conscripsit. De qua bonis vestris desideriis placuit, ut eam in hoc opere cum integritate ponerem, & post ad singula Catholicorum sententiis responderem: ut dum ipsius sententiae fuerint de hac causa oribus catholicorum, gladio videlicet spirituali, peremptae, ceterorum qui sensibus in illius currunt sententiam, muta fiant labia dolosa, sicque cooperante Domino omnis iniquitas oppilet os suum. Proponentes mihi verba beati Gregorij ex Homilia Euangelij qua dicit, Quid est, inquiens, quod vigilantibus pastoribus Angelus apparet, eosque Dei claritas circumfulget, nisi quod illi praeteris videre sublimia merentur, qui fidelibus gregibus praesse solliciti sunt, dumque ipsi pie super gregem vigilant, diuina super eos gratia largius coruscat? & quod ex sententia canticorum Cantici explanat, *Nasus tuus sicut turris Libani*, quia videlicet praepositorum discretio, & munita debet esse ex circumspeditione, & altitudine vitae consistere, id est in valle infirmi operis non iacere, & incursus malignorum spirituum longe prospicere, & commissas sibi animas per suam prouidentiam cautas reddere: ut iuxta beati Petri vocem Dominum Iesum Christum sanctificemus in cordibus nostris, & parati semper simus ad satisfactionem omni poscenti nos rationem de ea quae in nobis est spe reddere. Quapropter ministerio dignatione diuina indignitati meae imposito, ad hanc sollicitudinis curam ac studium non modo vestris petitionibus sum inuitatus, verum & tractus, & quantum ipsa deitas quae Trinitatis est vnitas dederit, & occupatio multiplex, atque contumacia inertiaeque sensus mei permiserit, exequi ea quae petitis procurabo: ponens cum integritate sui in hoc opusculo nostrae seruitutis eiusdem Gothescalci schedulas. & per singulas sententias more veterum obelum — id est iacentem virgulam eis opponemus, ut quasi sagitta falsa illius dicta confodiat, his vero quae opponuntur ex orthodoxorum dictis eius sententiis figuram XP, quae chresimon dicitur praenotabimus, ut per eam catholicorum testimonia, quae resistunt venenosis eius sensibus, demonstrentur, & sana ac vere Christiana intelligentia, ut reuera à Christo contra antichristos tradita, euidenter simplicibus & deuotis mentibus ostendatur, cum aliis pestiferis, magis autem mortiferis venenis, quae Gothescalcus sanam doctrinam

non sustinentibus, vocumque nouitate delectantibus, & prurientes aures habentibus, qui iuxta voluntatem suam magistros sibi coaceruare festinant, ut magistri demum erroris fiant, qui noluerunt fieri discipuli veritatis, bibenda proponit, cogitans & loquens iniquitatem in excelsum, & ponens in cælum os suum, hæc etiam dicit.

SCHEDVLA GOTHESCALCI,

Quòd trina deitas dici possit.

QVISQVIS est ille, qui dicit quòd nequaquam deitas trina dici catholice possit, sed solummodo deitas una sit, debet interrogari subtiliter, quomodo dicat unam, vel qualiter, utrum scilicet naturaliter, an personaliter. Si respondet & dicit unam deitatem esse credendam & confitendam personaliter, nisi suum concitus corrigit sensum, reuera cum Sabellio audire meretur anathema sic præsentialiter, ut mereatur illud etiam pati iure perpetualiter. Hinc enim hæretici Sabelliani dicti nuncupatique sunt etiam Patripassiani, quia noluerunt nec omnino potuerunt negare Deum patrem passum, dum Deum personaliter somniauerunt unum, non sicut Ecclesia sancta catholica & Apostolica credit & confitetur, Deum naturaliter unum, & personaliter trinum. At si metuens anathemate ritè percelli, & illud cum Patripassianis pati, dixerit deitatem esse naturaliter unam, credere consequenter debet & confiteri, si tamen vult veniam mereri, prorsus esse personaliter trinam, sicut scilicet Deum, naturaliter unum, constat esse proculdubio personaliter trinum. Ac per hoc, sicut non potest in hymnis, & in sanctorum Patrum libris, ubi dicitur trinus & unus Deus, immutari & dici sanctus & unus Deus: ita nimirum sine mortis exitio immutari non potest, ubi dicitur trina & una deitas, ut ibi dicatur sancta & una deitas. quia reuera cum hoc nec ibi possit ullatenus fieri, ubi non est addita & una, sed solummodo dicitur deitas trina: multò minùs ibi potest fieri, ubi deitas trina dicitur & una: quia scilicet simplicibus mox diceretur, sicut & dicitur, Ecce nunc iam patet, quia non poterat nec potest reuera dici deitas trina, sed tantum deitas una. Sed profectò iam tempus est, ut qui credunt atque dicunt, quòd non possit auctoritatiue neque verè dici deitas trina, cernant & legant in libro de sancta Synodo, qui scriptus est in græco, scilicet Constantinopoli sub iunioris Constantino, à centum & quinquaginta Patribus iure damnatos & anathematizatos Arrianos colentes *τρεῖς θεοὶ*, id est tres deitates: & tamen in ipso consequenter continetur volumine, in edicto scilicet Constantini, conglorificandam trinam deitatem, nec addi tamen illic opus fuit unam. quia scilicet, dum sub numero singulari dicitur deitas trina, licet non sit dicta, subintelligitur tamen simul & una. Sic enim dicta est à Prospero trina maiestas, à Prudentio trina pietas, ab Aratore bis trina potestas: sic & à Græcis *τρεῖς θεοὶ*, à Latinis autem satis propriè, regulariter, atque catholicè dicitur trina sanctitas. Ac per hoc sicut ab eis catholicissimè dicitur *τρεῖς θεοὶ*, sic & à nobis catholicissimè trina deitas. Cum tamen & illi, & Latini con-

sensu pari, damnauerint & damnent, anathematizauerint & anathematizent Arrianos, qui colunt tres maiestates, tres pietates, tres potestates, tres Deos, atque tres deitates. Necnon etiam similiter, si non multo amplius, constat & claret rite damnatos atque damnandos Sabellianos, eosdemque Patripassianos, qui colunt secundum Iudaicam paupertatem singulariter solitariam & personaliter unam maiestatem, pietatem, potestatem, sanctitatem, deitatem. Namque dum solus Pater sic est Deus, ut non sit ex Deo sed genuerit Deum: & solus filius sic est Deus, ut genitus sit à Deo: & solus Spiritus sanctus sic est Deus, ut procedat ex ingenito simul & ex genito Deo: patet prorsus, quod naturaliter unus & personaliter trinus est Deus. Item dum Deus pater deitas est ingenita, innascibilis, & innata: & Deus filius deitas genita, nascibilis, & nata: & Deus Spiritus sanctus deitas est nec ingenita, innascibilis, & innata, neque genita, nascibilis, & nata, sed procedens à deitate ingenita, innascibili, & innata, & à deitate genita, nascibili & nata: claret omnino, quod *ἀγία τριάς*, id est sancta Trinitas, sicut una essentialiter atque naturaliter, sic proculdubio est personaliter trina deitas: sicuti scilicet maiestas, pietas, & potestas, ob id prorsus est una simul & trina, quia reuera unaquæque persona per se est potestas prima, sicut euidenter de Deo Dei filio dicitur in Michæa propheta: Et tu turris gregis nebulosa filia Hierusalem, ad te veniet, & usque ad te veniet potestas prima. Ergo quia non est pater maior filio, neque filius maior Spiritu sancto, sed omnino totæ tres personæ, sibi sunt inuicem coæquales & coæternæ, propterea profecto Deus trinitas potestas est prima, ac per hoc non secundum Arrianos, quod absit, tres potestates, nec secundum Sabellianos, quod absit, potestas personaliter est una, sed secundum catholicos potestas est una naturaliter, & personaliter trina. Restat igitur & superest, ut illi qui sunt grammatici, si nolunt esse simul & hæretici, non præsumant fateri in Ecclesia veracis Dei, veritatis Dei, veri Dei, quod *τριάς*, id est trina deitas, ulla ratione pluralis existat numeri, cum sit ut claret utique singularis, velut nouerunt vniuersi, qui vel mediocriter artis grammaticæ sunt periti. Sicut enim Deus Trinitas numeri singularis est, iuxta illud, Benedicta sit sancta Trinitas: sic etiam numeri singularis est *τριάς*, trina deitas: cum tamen constet è contra numeri pluralis Arrianorum esse *τριάς*, id est tres deitates, à catholicis iure damnatas. Igitur iure sub numero singulari trina & uni deitati suppliciter, velut expedit, competit, congruit, dicimus,

Te trina deitas, vnâque poscimus,
 Ut culpas abluas, noxia subtrahas,
 Des pacem famulis, nos quoque gloriam
 Per cuncta tibi sæcula. Amen.

Non enim dicimus, sicut Arriani, vos tres deitates poscimus, ut culpas abluatis, noxia subtrahatis, detis pacem nobis, nos quoque gloriam vobis. O deitas vigila, quæ trina vocaris & una, crederis, assereris, cognosceris, atque probaris, auxiliare tuis ut egenis ad omnia seruis. Istud attendat, appendat, & mente perpendat, cui semper adoranda, colenda, tremenda, trina

Et una deitas dat, quod hic inferendum pietas illius inspirat et donat. Quod videlicet, sicut unamquamque ex Trinitate personam quisquis est catholicus credit et confitetur integrum, plenum, perfectum penitus Deum: sic unicuique persona suam propriam deitatem, integram, plenam, perfectam, penitus inesse credat, confiteatur, et asserat, atque pro viribus collatis et conferendis deinceps diuinitus contradicentes quoscunque conuincat. In hoc enim liquet luce clarius, quin patet Sole splendidius, quod inest unicuique personae sua propria deitas atque diuinitas. Quia reuera nequaquam assumpsit humanitatem, quod absit, vltimo modo tota Trinitas, sed sola tantummodo filij deitas. Hac est semper inuicta victrix de trina et una deitate catholica fidei veritas. Itaque sicut est ante secula, sic per secula, et in secula, benedicta sit trina et una deitas, maiestas, potestas, pietas, veritas, charitas, et sic semper omnimoda ipsi soli laus, gloria, claritas, Amen. Da Deus vere ac viue, naturaliter vne, personaliter trine, tuis euidenter electis credere, intelligere, confiteri et asserere, quod quemadmodum tu Deus qui interpretaris timor, et tu Deus charitas qui interpretaris amor, cum vocaris personaliter trinus timor, et trinus amor, non (quod absit) tres naturaliter timores et amores, verum naturaliter vnus et timor et amor: sic nihilominus cum vocaris *τὸ θεὸς τὸν τρινα* trina deitas, et trina charitas, non, quod absit, tres naturaliter deitates, et charitates, sed naturaliter vna es deitas, et vna tantummodo charitas. Quod profecto per predicatorem veritatis, et doctorem gentium in fide et veritate, qui dixit verissime, Non ergo possumus aliquid contra veritatem, sed pro veritate, 2. Cor. 13.3. patenter possumus probare. Siquidem quando baptizamur, id est tingimur, ter proculdubio mergimur, et tamen propterea trina ipsa mersio, et trinum baptisma, id est trina tinctio, non quod absit tres mersiones, et tres tinctiones, aut tria baptismata, sed vna est generaliter mersio, et vna tinctio, id est vnum baptisma, dicente Apostolo, vnus Dominus, vna fides, vnum Ephes. 4.5. baptisma. Pari etiam modo, cum dicitur trina vel terna fides, ut est illud. Sedulij fidelis poeta tui,

Iste fidem ternam, aut hic non amplectitur vnam: non tres quod absit fides, sed vna est fides, dicente Apostolo, vna fides. Itaque qui nolunt cum Sabellianis haereticis in aeternum habere societatem, credant, confiteantur, colant, canant cum catholicis catholici *τὸ θεὸς τὸν τρινα*, trinam deitatem, *τὸ θεὸς τὸν τρινα*, trinam sanctitatem, trinam vitam, sapientiam, gloriam, trinum timorem, trinum amorem, trinam caritatem, trinam lucem, salutem, virtutem, pacem, claritatem, trinam maiestatem, potestatem, pietatem. quippe cum debeamus etiam ternam seu trinam amplecti fidem, quam negant peruersi Sabelliani per suam perfidam impietatem. Cuncta sic esse ceu dixi, in duobus probari potest patenter nominibus tantummodo singularis numeri, hoc est in luce pariter et pace. Lux enim et pax ingenita, et lux et pax genita, quin et lux atque pax procedens, non tres pluraliter luces aut paces dici sinuntur ab arte grammatica, neque tres naturaliter, ut latrat haeresis Arriana, neque personaliter vna, sicut somniat haeresis Sabelliana: sed proculdubio lux et pax est naturaliter vna, et personaliter trina, sicut amplectens trinam et vnam fi-

dem, ac per hoc credens, confitens, colens, canens trinam & unam lucem & pacem, maiestatem, potestatem, pietatem, trinam & unam deitatem. Sed trinum & unum Deum credit & confitetur Ecclesia magna, sancta, catholica, cui gratis data est, datur, & dabitur Dei gratia, & ob id prorsus ab ea vicissim suppliciter data est, datur, & dabitur, ipsi trinae & uni deitati, tam per secula, quam simul & in secula, iure laus, honor, gloria, Amen. Iuxta illam sententiam, dant mihi sapientiam, dabo gloriam Amen. Virtutibus plenus inuitus ad regimen veniat, virtutibus vacuus nec coactus accedat.

XP. HACTENVVS hæreseos, abhinc suæ inchoationis verba sunt Gothescalci. Quod hæreseos mortiferum virus, idololatriæ scilicet matris, qua plures Dij, immo dæmonia in simulacris coluntur, diabolus scindens se à caritatis vnitatem, verba Dei dicentis, *Faciamus hominem ad imaginem & similitudinem nostram*, malè vt solet interpretans adinuenit, & sua inuidia, qua mors in orbem terrarum intrauit, in succo pomi ligni vetiti primis hominibus propinauit dicens, *Eritis sicut dij*. cum Deus qui est sancta Trinitas, vt Athanasius in libro De propriis personis, & de vnito nomine deitatis, & Hilarius atque Ambrosius in libris de Fide, & Augustinus in libris de Trinitate ostendunt, in creatione primi hominis dixerit, *Faciamus hominem ad imaginem & similitudinem nostram*. Singulari quippe numero dicens *ad imaginem & similitudinem*, ostendit non trinam sed vnā esse naturam, hoc est deitatem, ad cuius imaginem homo fieret: ad imaginem videlicet suam sancta Trinitas vnus Deus fecit illum, sicut sacra scriptura manifestè demonstrat. & dicens pluraliter, *faciamus & nostram*, ostendit Deum, ad cuius imaginem homo fiebat, non vnā esse personam, sed tres esse personas. Sic & de eo quod Dominus in Euangelio dixerat, *Ego & pater vnus sumus*, idem diabolus in vasis sibi condignis loquens, vnionem in Trinitate personarum per Sabellium docuit, cui in dicto *sumus* mentis oculos clausit, & per Arrium vnus deitatis substantiam diuisit, cui veluti & primis hominibus mentiens oculos ad scientiam mali aperuit, & ad boni ac veri scientiam clausit, in eo quod dictum est *vnus*, ne fiat discretio potestatis. Cuius inspiratione Gothescalcus Arrium sensu sequens, quem verbotenus detestatur, post cognitā immanis sceleris vindictam in eodem Arrio iustissimè satis apertam, trinam deitatem dogmatizare non timet. Contra quos, Arrium videlicet, & Arrij imò ipsius diaboli filium Gothescalcum, beatus Ambrosius sancto Spiritu inspirante, in libro de Spiritu sancto exponens Apostolum, *Gratia Domini nostri Iesu Christi, & charitas Dei, & communicatio Spiritus sancti cum omnibus vobis*, Aduertimus igitur, inquit, quod pater & filius & Spiritus sanctus in vno eodēque templo per naturæ eiusdem maneat vnitatem. Ergo diuinæ est potestatis qui habitat in templo. Sicut enim patris & filij, ita & Spiritus sancti sumus templum, non multa templa sed vnum templum, qui vnus tem-

Gen. i. 16.

Gen. 3. 5.

Ioan. 10. 30

Cap. XIII.

2. Cor. 13. 13

plum est potestatis. Vbi enim vna deitas intelligitur, vnus Deus dicitur: quia vnus Deus, vna diuinitas, & vnitas intelligitur potestatis: & tres Deos non asserimus, sed negamus, quia pluralitatem non vnitas facit, sed diuisio potestatis. Quomodo enim pluralitatem recipit vnitas diuinitatis, cum pluralitas numeri sit, numerum autem non recipiat diuina natura?] Hinc manifestum est, quia sicut vnitas numerum non habet, ita trina vel trinitas numerum habet. Ergo quod dicitur trinum, vel trina, quæ habent numerum, in sancta & inseparabili Trinitate deitatis non recipit vnitas, sed personarum proprietas. Prosecutus quoque peruersus interpres diabolus, loquens primis hominibus addidit *scientes bonum & malum*. quatenus sicut ipse ex prouectu auaritiæ supra modum altitudinem appetens, quando dixit *similis ero altissimo* cecidit, ita & homo immoderato sublimitatis ambitu caderet, sicut & fecit. nam cum indebitè appetiuit diuinitatem, perdidit iustè immortalitatem. Huius viæ mediator, vt Augustinus dicit, homini diabolus, vt diximus persuasor peccati & præcipitator in morte extitit. Quam mortem, vt scriptum est, *Deus non fecit*, quia causa mortis ipse non fuit. sed per eius retributionem iustissimam, mors de qua scriptum est *Mors & vita à Domino Deo* est, irrogata est peccatori, sicut supplicium iudex irrogat reo. causa tamen supplicij non est iniustitia iudicis, sed meritum criminis. Hominem autem, miserum & mortalem sua suasionem effectum, quem per consensionem seductum tanquam iure integro possidebat, & ipse nulla corruptione carnis & sanguinis septus, per ipsam corporis fragilitatem, nimis egenum & infirmum tanto superbior, quanto velut ditior & fortior, quasi pannoso & ærumnoso in sua etiam propagine dominatus, quia per vnum hominem peccatum intrauit in mundum, & per peccatum mors, & ita in omnes homines pertransiuit, in quo omnes peccauerunt, se in simulacris, videlicet in diuersis quasi numinibus, per mundum vniuersum quadam iustitia Dei sibi traditum, ad cōparationem perditorum, paucis exceptis electis, vsque ad aduentū Domini coli fecit. In cuius aduentu videns templa dæmonum deferri, & in nomen liberantis mediatoris currere genus humanum, hæreticos mouit, qui sub vocabulo Christiano doctrinæ Christianæ resisterent, quasi possent indifferenter sine vlla correptione haberi in ciuitate Dei, sicut ciuitas confusionis indifferenter habuit Philosophos inter se diuersa & aduersa sentientes. Qui ergo in Ecclesia Christi morbidum aliquid prauūque sentiunt, si correpti vt sanum rectūque sapiant resistunt contumaciter, suāque pestifera & mortifera dogmata emendare nolunt, sed defensare persistunt, hæretici fiunt. Genus hominum callidum non spiritu sapientiæ, sed impatientiæ, quo solent hæreticorum feruere primordia, & pacem perturbare sanctorum.] Quæ B. Augustini verba in Gothescalco spiritu diabolico exagitato, potiùsque repleto, multoties sumus experti. Sed hoc, vt

Cap. xlv.

Gen. 3. 25.

Esa. 14. 14.

Sap. 1. 13.

De Civitate
Dei lib. 1.
cap. 2.
1. Cor. 11. 19

isdem beatus Augustinus dicit, in usum cedunt proficientium, iuxta illud Apostoli, *Oportet & haereses esse, ut probati manifesti fiant in vobis.* Vnde etiam scriptum est, *Filius eruditus sapiens erit, imprudente autem ministro utetur.* Multa quippe ad fidem catholicam pertinentia, dum haereticorum calida inquietudine exagitantur, ut aduersus eos defendi possint, & considerantur diligentius & intelliguntur clarius, & instantius praedicantur: & multi qui optimè poterant scripturas dinoscere & pertractare, latebant in populo Dei, nec asserebant solutiones quaestionum difficiliu, cum calumniator nullus instaret. Numquid enim perfectè de Trinitate tractatum est antequam oblatrarent Arriani? Numquid enim perfectè de poenitentia tractatum est antequam obfisterent Nouatiani? Sic non perfectè de baptismo tractatum est, antequam contradicerent foris positi rebaptizatores: nec de ipsa vnitate Christi enucleatè dictum est, nisi posteaquam separatio illa vrgeret coepit fratres infirmos. Multos enim sensus sanctarum scripturarum latent, & paucis intelligentioribus noti sunt, nec asseruntur commodius & acceptabilius, nisi cum respondendi haereticis cura impellit. Tunc enim etiam qui negligunt studia doctrinae, sopore discusso, ad audiendi excitantur diligentiam, ut aduersarij repellantur. Denique quam multi scripturarum sacrarum sensus de Christo Deo asserti sunt contra Photinum? quam multi de homine Christo contra Manichaeum? quam multi de Trinitate contra Sabellium? quam multi de vnitate Trinitatis aduersus Arrianos, Eunomianos, Macedonianos? quam multi de catholica Ecclesia toto orbe diffusa, & de malorum commixtione vsque in finem saeculi, quod bonis in sacramentorum eius societate non obsint, aduersus Donatistas, aliosque si qui sunt qui simili errore à veritate dissentiunt? Didicimus enim singulas quasque haereses intulisse Ecclesiae proprias quaestiones, contra quas diligentius non defenderetur scriptura diuina, si nulla talis necessitas cogeret. Quid autem coegit loca scripturarum, quibus praedestinatio commendata est, copiosius & enucleatius nostro labore defendi, nisi quod Pelagiani dicunt gratiam Dei secundum merita nostra dari? Haec ergo ut ingrata Deo sententia destruat, gratuitis Dei beneficiis quibus liberamur inimica, & initium fidei, & in ea usque in finem perseuerantiam, secundum scripturas, vnde multa iam diximus, dona Dei esse defendimus.] In qua fide multi contra praedictos & contra ceteros haereticos, quos enumerare vel commemorare nimis est & praesenti operi non necessarium, quorum tamen sensuum probati assertores aut prorsus laterent, aut non ita emerent, ut eos eminere fecerunt superbiorum contradictiones, qui nouerant haec tractare atque dissolvere ne perirent infirmi, sollicitati quaestionibus impiorum sermonibus & disputationibus suis obscura legis in publicum deduxerunt. Vnde Apostolus, quod etiam praemisimus, *1. Cor. 11. 19. Oportet, inquit, & haereses esse, ut probati manifesti fiant inter vos, qui*

COR-

corripiendi sunt à præpositis suis correptionibus de caritate venientibus, sed & quique subditi fratres, pro culparum diuersitate, diuersis vel minoribus vel amplioribus: quia & ipsa quæ damnatio nominatur, quam facit episcopale iudicium, qua pœna in Ecclesia nulla maior est, potest si Deus voluerit in correptionem saluberrimam cedere atque proficere. Neque enim scimus quid contingat sequenti die, aut ante finem vitæ huius de aliquo desperandum est, aut contradici Deo potest, ne recipiat, & det pœnitentiam, & accepto sacrificio spiritus contribulati, ac cordis contriti, à reatu quamuis iustæ damnationis absoluat, damnatumque ipse non damnet. Pastoralis tamen necessitas habet, ne per plures serpent dira contagia, separare ab ouibus sanis morbidam, ab illo cui nihil est impossibile ipsa forsitan separatione sanandam. Nescientes enim quis pertineat ad prædestinatorum numerum, qui non pertineat, sic affici debemus caritatis affectu, vt omnes velimus saluos fieri. Hoc quippe fit, cum singulos quosque vt occurrerint, cum quibus id agere valeamus, ad hoc conamur inflectere, vt iustificati ex fide pacem habeant ad Deum, quam prædicabat Apostolus etiam cum dicebat, *Pro Christo ergo legatione fungimur, tanquam Deo exhortante per nos, obsecramus pro Christo reconciliamini Deo.* Quisquis autem à catholica Ecclesia fuerit separatus, quantumlibet laudabiliter se viuere existimet, hoc solo scelere, quod à Christi vnitate disiunctus est, non habebit vitam, sed ira Dei manet super eum: & quisquis in hac Ecclesia bene vixerit, nihil ei præiudicant aliena peccata, quia *vnusquisque in ea proprium onus portabit*, sicut Apostolus dicit, & quicumque in ea corpus Christi manducauerit ac biberit sanguinem indignè, iudicium sibi māducat & bibit. Cum enim dicit *iudicium sibi manducat*, satis ostendit quia non alteri iudicium manducat, sed sibi. quia communio malorum non maculat aliquem participatione sacramentorum, sed consensione factorum. Nam si in factis malis non eis quisque consentiat, portat malus causam suam, & persona sua non præiudicat alteri, quem in confessione mali operis socium non habet criminis. Hæc in præfatione de sanctorum Patrum verbis & sensibus interim dicta sufficiant. abhinc eorumdem nihilominus, sed & quamplurium aliorum catholicorum assertionibus ad singula pestiferi Gothescalci verba, letifera respondere singillatim fauente vna & inseparabili deitate incipiemus.

2. Cor. 5. 20.

Gal. 6. 5.

1. Cor. 11. 19.

Sicut venefici & sortiariæ mel ad os vasculi virus celantis ponere solent, sic Gothescalcus in initio superscriptæ suæ compilationis hæreticorum errores proponit, & verbotenus respuit, vt credibilius se catholicum mentiens, simplicibus illudere & se commendabilem reddere possit, & hæreticus loquens contra hæreticos, lupo ouis pelle palliare se volens dicit: I.

— *At si metuens anathemate rite percelli, & illud cum Patripassianis pati, dixerit deitatem esse naturaliter vnā, hoc consequenter debet & confi-*

teri, si tamen vult veniam mereri, prorsus esse deitatem personaliter trinam, sicuti scilicet Deum naturaliter vnum constat esse, proculdubio personaliter trinum. & post aliquanta. Sicut vnamquamque ex Trinitate personam quisquis est catholicus credit & confitetur integrum, plenum, perfectum penitus Deum, sic unicuique personæ suam propriam deitatem integram, plenam, perfectam penitus inesse credat & consteatur & asserat.

XP. HÆC est summa totius suæ blasphemix, quam hinc prolixo sermone confecit, in quo vt piscis, vel auis, aut quodlibet animal, per inquietudinem se voluens, amplius pessimis blasphemiarum maculis & nodis strictioribus inretiendo semet innexuit, volens proprii sensus assertionibus, sine scripturæ testimoniis, sineque catholicorum sententiis, allegare quia sicut Deus naturaliter vnus & personaliter dicitur trinus, ita deitas naturaliter vna & personaliter trina dici debeat. Sed quod dicit Deum personaliter trinum & naturaliter vnum, verum dicit. quod autem dicit confiteri debere deitatem sic personaliter trinam, sicut naturaliter vnā, profecto mētitur. Quia deitas ipsa est natura pluralitate carens & numero, qua natura vel deitate, sancta & inseparabilis Trinitas, sicut scriptū est, *Audi Israel Dominus Deus tuus Deus vnus est*, pater scilicet & filius & Spiritus sanctus, personaliter trinus, vnus est naturaliter Deus. Vnde filius Dei dicit, *Ego & pater vnum sumus*. Non dicit, vnus sumus, sed vnum sumus, quod naturæ vel deitatis vnitatem demonstrat. Vnde etiam dicit, *Ego in patre & pater in me est*, & *pater in me manens ipse facit opera*, & *qui videt me videt & patrem*: & de Spiritu sancto, *Cum*, inquit, *venerit paraclitus quem ego mit- tam vobis à patre, Spiritum veritatis qui à patre procedit, ille testimonium perhibebit de me*, & *cum venerit ille Spiritus veritatis, docebit vos omnem veritatem*. Non enim loquetur à semetipso, sed quæcumque audiet loquetur, & quæ ventura sunt annuntiabit vobis. ille me clarificabit, quia de meo accipiet, & annuntiabit vobis. omnia quæcumque habet pater mea sunt. propterea dixi quia de meo accipiet & annuntiabit vobis. De his dixit quæ ad ipsam patris diuinitatem pertinent, in quibus illi æqualis est omnia quæ habet pater habendo. Neque enim Spiritus sanctus de creatura quæ patri est subiecta & filio erat accepturus, quod ait de meo accipiet, sed vtique de patre, de quo procedit Spiritus, de quo natus est filius. Natura igitur, id est deitas patris, natura est filij, natura est Spiritus sancti, qui de patre & filio æqualiter procedit, & ineffabilis quædam patris filijque communio est. Qui totus de patre procedit, & totus de filio, totus in patre manet, & totus in filio, qui sic manet vt procedat, sic procedit vt maneat, vnde naturaliter hanc habet cum patre & filio vnitatis plenitudinem, & plenitudinis vnitatem, vt totum patrem habeat totumque filium, ipseque totus habeatur à patre, totus habeatur à filio, qui etiam à patre & filio æqualiter datur, immò & à seipso datur, sicut filius de eo dicit, *Spiritus ubi vult spirat*. Itaque sicut pater

Deut. 6.4.

Ioan. 10.30

Ioan. 10.38

Ioan. 14.10.

Ioan. 14.9.

Ioan. 15.26.

Ioan. 16.13.

Ioan. 3.8.

& filius plenus & perfectus est Deus, immò vnus est cum patre & filio Deus, atque vna substantia, vna deitas, vna diuinitas, vna essentia, vna natura, quæ, vt Athanasius & Ambrosius concorditer dicunt, non potest diuidi in personis, iuxta vocis dominicæ veritatem dicentis, *Ite, docete omnes gentes, baptizantes eos in nomine patris, & filij, & Spiritus sancti.* In nomine, inquit, non in nominibus, vt & vnum Deum per indistinctum diuinæ essentiæ nomen ostenderet, & personarum discretionem suis demonstratam proprietatibus edoceret. Et sanctus Athanasius in libro octauo de Fidei vnitae, *Qui* Lib. x. tres, inquit, virtutes inducit, tres Deos confitetur. nos autem credimus tres personas, vnā deitatem. Si tres Deos inducimus, similes sumus gentibus: sed confitemur patrem in filio, & filium in patre, cum Spiritu sancto. non separatur vnitas, non diuiditur deitas.] Et sic idem ipse doctor catholicus, qui iam diaconus sacro Nicæno Concilio cum Archiepiscopo suo Alexandro interfuit, per octo libros hinc à se contra Arrianos confectos, non solum per singulas paginas, verum & per singulos vt ita dicamus versus ac periodos, scripsit & definiuit. Non ergo trina natura, vel trina deitas, sed vna natura, & vna deitas est patris & filij & Spiritus sancti, & hæc Trinitas vnus est Deus solus, bonus, magnus, æternus, omnipotens. ipse sibi vnitas, deitas, magnitudo, bonitas, omnipotentia, & quicquid ad se substantialiter dicitur. & non ita in relatiuis vocabulis intelligendum est vel dicendum: quia dici non potest pater sibi pater, vel filius sibi filius, vel Spiritus sanctus sibi Spiritus sanctus, sed hæc relatiua vocabula ad aliam proculdubio personam referri debent. Dicente itaque Domino, *Si separaueris pretiosum à vili,* Hier. 15. 17. *quasi os meum eris,* verbis ipsius Domini, & catholicorum sententiis, separata proculque displosa est, & adhuc, vel si non potest longius, ipso tamen annuente qui aperit os mutum, & linguas infantium facit disertas, & dicit *Aperi os tuum, & ego adimplebo illud,* vel latius Psal. 80. 12. displodetur falsitas Gothescalci, quam inordinatè permiscuit veritati, tanquam leprosus in vno corpore diuersos habens permixtos colores. Vt enim tradunt magistri Ecclesiæ, leprosi hæreticos non absurdè significant, scientiam veræ fidei non habentes, & varias erroris doctrinas proferentes. Non enim vel abscondunt imperitiam suam, sed pro summa peritia proferunt in lucem, & iactantiam sermonis ostentant. Nulla prorsus falsa doctrina est, quæ non aliqua vera intermisceat. Vera ergo falsis inordinatè permixta, in vna disputatione vel narratione hominis, tanquam in vnius corporis colore, apparentia significant lepram, tanquam veris falsisque colorum locis, humana corpora variantem atque maculantem. Hi autem tam vitandi sunt Ecclesiæ, vt si fieri potest longius remoti magno clamore Christum interpellent, sicut de leprosis legitur, quia *steterunt à longe & leuauerunt vocem.* Sed & necesse est Ecclesiæ præpositis, & cun-

Etis fidelibus, ut non modò fortiter hostibus Christi apertis resistent, verùm & prudenter lupos rapaces se ouinis pellibus contingentes adtendant & vitent, ne eos fallere possint, sicut hic Gothescalcus, qui non solum religioso habitu monachi, sed & falsi nominis scientia aliquandiu se contegens plures decepit, donec quod corde confouerat erupit aperte in regulum. Cuius pellem ouinam, quia se inde non bene contextit, doctores catholici detrahentes, nudum lupum, apertumque hostem ouilis dominici, quod est Ecclesia, eum esse demonstrant. Hoc modo Athanasius in libro primo de Trinitate, Hæc est, inquit, materia formulæ in collisione hæreticorum, & hæc tituli victoria in absolute catholicorum, quam

Subinitiu. Matt. 28. 19 significat principale mandatum Dei, *Euntes baptizate omnes gentes in nomine patris & filij, & Spiritus sancti*. Audi in hoc admirabile & regale decretum, in quo omne sacramentum in deitate Trinitatis vniter continetur. Qui dixit *in nomine*, euidenter vnã deitatem in Trinitate consistere declarauit: & quod persecutus est, *patris, & filij, & Spiritus sancti*, per singula nomina, singulas personas inesse distinxit.] Et Hilarius in libro de Synodis, Caret igitur fratres similitudo naturæ contumeliæ suspicione: nec potest videri filius idcirco in proprietate paternæ naturæ non esse, quia similis est, cum similitudo nulla sit nisi ex æqualitate naturæ. Æqualitas autem naturæ non potest esse nisi vna sit, vna verò non personæ vnitate, sed generis. Hæc fides pia est, hæc conscientia religiosa, hic salutaris sermo est, vnã substantiam patris & filij idcirco non negare, quia similis est, similem verò ob id prædicare, quia vnum sunt.]

Hilarius lib. 12. de Trinitate. Hoc & de Spiritu sancto sentiendum esse, idem in fine duodecimi libri de Fide demonstrat orans, Dona mihi, inquit, hanc conscientiam meam vocem, ut quod in regenerationis meæ symbolo baptizatus in patre & filio & Spiritu sancto professus sum, semper obtineam, patrem scilicet te nostrum, filium tuum vnã tecum adorem, Spiritum sanctum tuum, qui ex te per vnigenitum tuum est, promerear.] Et in hymno Euangelico pulcherrimè à se composito dicit, Spiritum Dei perfectum Trinitatis vinculum.] Et Gregorius Nazianzenus, cuius verba beatus Augustinus in libro de Bono perseverantiam ad testimonium deuocat, dicit, Vnius deitatis quæso vos, confitemini Trinitatem: si verò aliter vultis, dicite vnus esse naturæ.] Et sanctus Ambrosius in hymno catholico dicit, Tu Trinitatis vnitas, orbem potenter qui regis. Quod beatus Augustinus, quasi eius sensum exponens, in primo libro de Trinitate explicat, Diuinitatem, inquit, vel ut certius expresserim deitatem, quæ non est creatura, sed est vnitas Trinitatis incorporea & incommutabilis, & sibimet consubstantialis, & coæterna natura.] Et item sanctus Ambrosius in primo libro de Fide, Vnum, inquit, Deum, non duos aut tres Deos dicimus, ut impia Arrianorum hæresis dum

Cap. xix. Cap. viii. Cap. 2.

criminatur incurrit. Tres enim Deos dicit qui diuinitatem separat Trinitatis, cum Dominus dicendo, *Ite baptizate in nomine patris & filij & Spiritus sancti*, vnius esse Trinitatem potestatis ostenderit. Nos patrem & filium & Spiritum sanctum confitemur, ita vt in Trinitate perfecta & plenitudo sit diuinitatis, & vnitas potestatis. *Omne regnum in se diuisum facile destruetur*, Dominus hoc dicit. Non ergo diuisum est regnum Trinitatis. Si autem diuisum non est, vnum est. quod enim vnum non est, diuisum est. Tale ergo regnum esse cupiunt Trinitatis, quod diuisione sui facile destruat. immo quia non potest destitui, constat non esse diuisum. Non enim diuiditur Trinitas, nec scinditur, & ideo nec corruptelæ subditur, nec ætati.] *Et item*, Diuersitas plures facit, vnitas potestatis excludit numeri quantitatem. quia vnitas numerus non est, sed hæc omnium ipsa principium est.] Et Augustinus in libro viii. de Trinitate, Tres, inquit, personas eiusdem essentiae, vel tres personas vnam essentiam dicimus.] Et item in libro v. Quidquid ad se ipsum dicitur Deus, & de singulis personis similiter dicitur, id est de patre & filio & Spiritu sancto, & simul de ipsa Trinitate, non pluraliter, sed singulariter dicitur. Quoniam quippe non aliud est Deo esse, aliud magnum esse, sed hoc idem illi est esse quod magnum esse, propterea sicut non dicimus tres essentias, sic non dicimus tres magnitudines, sed vnam magnitudinē, & vnam essentiam. Essentiam dico, quæ græcè οὐσία dicitur, quam vsitatius substantiā vocamus.] tres autem personas confitemur. Et sanctus Hieronymus scribens ad Damasum Papam, Sufficiat, inquit, nobis dicere vnam substantiam, tres personas subsistentes, perfectas, æquales, coæternas. Taceantur tres hypostasēs si placet, & vna teneatur.] *Et item*, Si quis autem hypostasim vsiam intelligens non tribus personis vnam hypostasim dicit, alienus à Christo est.] Sciendum quoque est, quoniam essentia, quam græci vsiam dicunt, & hypostasis, quæ substantia interpretatur, & natura & diuinitas & deitas apud Latinos vnum idēque est in sancta & inseparabili Trinitate, sicut catholici doctores ostendunt. Ait enim Theophilus Alexandrinus Episcopus in epistola paschali, Cum his qui Trinitatis vnam confitentur diuinitatem in cælis præmia recipiamus.] Et item in alia epistola paschali, Pietas in Deum toto cordis timore seruetur, execrantēsque Deorum numerum, patris & filij & Spiritus sancti vnam confiteamur indiscretamque substantiam, in quā & baptizati vitam æternam suscepimus, & si Dei tribuerit clementia, cum Angelis merebimur Dominicum pascha celebrare.] & item in tertia paschali epistola. Possessiones castitatis, & sanctimoniam requiramus, adorantes Patris & Filij, & Spiritus sancti diuinitatem.] Et sanctus Cælestinus Papa in epistola ad Orientales Episcopos, Optaremus, inquit, quidem, sicut est vna deitatis essentia, ita inter omnes qui vbique sunt homines vnam rectæ fidei veritatem teneri.] Et magnus Leo Papa, ac

Matt. 28.

Matt. 12. 25

Cap. eodē.

Cap. vi. sub
medium.

Cap. viii.

Epist. lvi.

Paulo su-
perius.Epist. i. in
fine.Epist. ii. in
fine.Epist. iiii.
sub finem.Epist. vi. ad
Ioan. Antio.

- Epist. 7. sancta synodus, quæ in vrbe Roma conuenit, in epistola ad Theodosium Augustum, Obsecramus, inquiunt, coram vnus deitatis inseparabili Trinitate, quæ tali facto læditur.] & ad Palæstinos, Natura Vnigeniti natura est patris, natura Spiritus sancti, simulque impassibilis, simul est incommutabilis sempiternæ Trinitatis indiuisa vnitas, & consubstantialis æqualitas.] & ad Leonem Raennensem Episcopum, Apostolica reclamante doctrina, quæ nobis vnā prædicat in Trinitate deitatem, vnā in fide confessionem, vnum in baptismo sacramentum.] Et gloriosus Papa Gregorius in xviij. Euangelij Homilia, Tunc quippe Abraham diem domini vidit, cum in figura summæ Trinitatis tres Angelos hospitio recepit: quibus profectò susceptis, sic tribus quasi vni locutus est, quia & si in personis numerus Trinitatis est, in natura vnitas diuinitatis.] Et in vigesima quarta, Ille in hoc spiritu operationem percipit, qui fidem Trinitatis agnoscit, vt & patrem & filium & eundem Spiritum sanctum vnus virtutis credat, vnus substantiæ esse fateatur.] *Et post aliquanta*, Vera nostra requies tunc est, cum ipsam iam claritatem Trinitatis agnoscimus, quam in vnitate diuinitatis esse certum tenemus.] Et in Homilia xvi. Ezechielis, Ipsa, inquit, fides atque ipsum meritum tenuit corda præcedentium, quæ repleuit corda sequentium sub testamento nouo positorum, sicut & per Paulum dicitur, *Habentes autem eundem spiritum fidei, sicut scriptum est, Credidi propter quod locutus sum, & nos credimus propter quod & loquimur.* Spiritales quippe illi patres omnipotentem Deum Trinitatem ita esse crediderunt, sicut eandem Trinitatem noui patres aperte locuti sunt. Esaias namque audiuit angelica agmina in cælo clamantia *Sanctus, sanctus, sanctus Dominus Deus Sabaoth.* Vt enim personarum trinitas monstraretur, tertio Sanctus dicitur: sed vt vna esse substantia Trinitatis appareat, non Domini Sabaoth, sed Dominus Sabaoth esse perhibetur. Quod Dauid quoque similiter sentiens ait: *Benedicat nos Deus, Deus noster, benedicat nos Deus.* Qui cum tertio dixisset Deum, vt vnum hunc esse ostenderet, subdidit, *& metuant eum omnes fines terræ.* Paulus quoque loquitur dicens: *Quoniam ex ipso, & per ipsum, & in ipso sunt omnia.* Ex ipso, videlicet ex patre, per ipsum, per filium, in ipso autem, in Spiritu sancto. Quem ergo ipsum cum tertio dixisset, adiunxit *ipsi gloria in sæcula sæculorum Amen.* Qui enim non dicit ipsis, sed ipsi, dicendo ter ipsum distinxit personas, & subiungendo *ipsi gloria* non diuisit substantiam.] Et S. Prosper in libro Epigrammatum dicit,
- Epig. 64. *Omnipotens genitor natūque & spiritus almus,
Vna in personis par tribus est deitas.*
- Et item,
- Epig. vii. *Vna trium deitas vna est essentia.*
- Et venerabilis presbyter Beda in Homilia dicit, Nouerant tunc

Apostoli Christum esse in patre per unitatem indiuiduæ Trinitatis.] *Et post aliquanta*, Non autem dubitandum, quia quibus gloria filij reuelabitur, eisdem quoque patris & filij & Spiritus sancti liceat adesse conspectui, quia quorum vna est diuinitas, vna utique & inseparabilis visio est.] *Et aliquanto superius*. Post dies decem assumptionis suæ, hoc est hodierna die, Spiritus illos de cælo chrismate donauit. Vbi ipsum Christum ad eos venisse nullus ambigit, qui inseparabilem sanctæ Trinitatis naturam, virtutem, & operationem esse cognouit.] Et in Homilia trigesima secunda. Quod adiunxit, *quia vos me amatis*, eadem ratione sentiendum est, quia Ioan. 16. 27. quicumque filium rectè amat, hunc cum patre & amborum spiritu amat, quia quorum inseparabilis est natura diuinitatis, horum vna eandemque sunt dona virtutis.] His orthodoxorum testimoniis, qui suas sententias Euangelica veritate, & Apostolica auctoritate, & legis ac prophetarum oraculis confirmauerunt, sicut in memoratis eorum libris qui volet sine difficultate præualeat inuenire, manifestissimè declaratur, quia deitas quæ trinitatis est unitas, trina personaliter intelligi, credi, & dici non debet, ut blasphematur Gothescalcus. quia si deitas personaliter est trina, sicut tres sunt in sancta Trinitate personæ, diuisa quod absit erit deitas in tribus illis personis, & iam non erit indiuidua Trinitas, quæ propter vnā eandemque indiuisibilem deitatem, id est substantiam & naturam, inseparabilis etiam in personis sensu est intelligenda, sicut Augustinus & ceteri orthodoxi doctores dicunt. Vnde constantissimè catholica fides prædicat deitatis unitatem in trinitate personarum, & trinitatem personarum in unitate deitatis venerari debere. Quoniam sicut singillatim vnāquamque personam Deum & Dominum plenum ac perfectum, & quicquid substantialiter dici de Deo potest, propter vnā eandemque deitatem, quæ tota in singulis est personis, confiteri Christiana veritate compellimur, ita tres Deos vel Dominos dicere, propter vnā eandemque deitatem, sanctæ videlicet Trinitatis unitatem, quæ tota & indiuisa atque inseparabilis simul est in tribus sanctæ Trinitatis personis, catholica religione prohibemur. Plura siquidem & horum & aliorum catholicorum doctorum hinc testimonia hinc possemus congerere, nisi hæc tantum ad demonstrandam veritatem credidissemus sufficere. Nam & Leo sanctæ catholicæ & Apostolicæ sedis Pontifex istorum duntaxat, qui cum tempore & si non loco præcesserunt vel merito, pauca numero, sed magna auctoritatis & rectæ fidei genio, testimonia Leoni Augusto ad confirmandam fidem catholicam credidit mittenda sufficere. Quapropter Gothescalci sententia dicentis, & vel quid dicat non intelligentis, vel scienter errantis, seque suis verbis apertissimè impugnantis, sic naturaliter vnā & personaliter trinam esse deitatem, sicut naturaliter vnus est Deus & personaliter trinus, tantorum & talium testium aucto-

ritate falsissima esse reuincitur, & iam secundum sacros canones Africanos ipse ad alia falsiloquia proferenda, vel quæcumque sententia sua falsa ad audiendum non debet admitti, præsertim cum scriptum sit, *In ore duorum vel trium testium omne verbum consistere debere.* Et sacri Nicæni canones neophytum Episcopum, si circa huiusmodi personam aliquod delictum animæ reperiatur, à duobus vel tribus testibus iuxta Apostolum redargutum à clero præcipiunt abstinere. Multo magis autem orthodoxi, quem post primam & secundam correptionem vitari iubet Apostolus, debet modis omnibus oppilari. Hoc namque sacrum Nicænum Concilium, non ad inuentionem humana, sed inspiratione & auctoritate diuina constituit. Hoc omnia sancta concilia post illud habita, scilicet Antiochenum, Sardicense, Ephesinum primum, Chalcedonense, & vniuersa prouinciæ Africæ concilia confirmauerunt. Hoc omnium catholicorum sacrae noui ac veteris Testamenti scripturæ tractatorum, ex eisdem scripturis protestantur eloquia, ut quicumque vult saluus esse, tres sanctæ Trinitatis personas patrem, & filium, & Spiritum sanctum, ὁμοῦσιον, id est, eiusdem essentiae, substantiæ, deitatis, diuinitatis, naturæ, vel vnā essentiam, substantiam, deitatem, diuinitatem, naturam inseparabilem atque indiuisibilem credat & confiteatur, ita ut singillatim vnāquamque personam verum, plenum, perfectumque Deum, & totas tres simul personas vnum, verum, plenum, perfectumque Deum credat & confiteatur, quia patris & filij & Spiritus sancti vna est deitas, quæ trinitatis est vnitas. & hac vnitate, id est deitate, quæ trina esse non potest, quoniam pluralitate & numero qui in personis est caret, vnus Deus, sancta Trinitas inseparabilis etiam in personis distinctis sensu est intelligenda. In hac fide secundum traditionem Domini omnes fideliter baptizantes baptizant, & omnes fideles baptizantur, & fiunt Christiani per vniuersum mundum. Sola pseudosynodus Ariminensis hanc Trinitatis consubstantialitatem Arrij secuta dementiam fraude abiecit, & ob id ex tunc & nunc, & vsque in æternum, sententiam damnationis promeruit. Ergo quia, ut sanctus Cælestinus dicit, non est agentium causa solorum, vniuersa Ecclesia quacumque nouitate pulsatur, oportet ut & aduersum eos, qui hanc vetustissimam & perniciosissimam hæresim, multorum fortissimorum bellatorum sudore deuictam, & cælesti mucrone peremptam, rediuiuo furore conantur resuscitare trinam deitatem dogmatizantes, non nouo sed sempiternæ deitatis, quæ est vnitas trinitatis, æterno iudicio proferatur primi capituli sententia sessionis octauæ quintæ Synodi centum & quinquaginta trium Episcoporum, sub Iustiniano Imperatore, & Vigilio Papa, Constantinopoli contra Theodorum & omnes hæreticos habitæ: qui in principio decem & octo capitulorum à se subscriptorum posuerunt decernendo dicentes, Si quis non confitetur

patris

patris & filij & Spiritus sancti vnam naturam siue substantiam, & vnam virtutem & potestatem, trinitatem consubstantialem, vnam deitatem in tribus subsistentiis siue personis adorandam, talis anathema sit. Vnus enim Deus est pater ex quo omnia, & vnus Dominus Iesus Christus per quem omnia, & vnus Spiritus sanctus in quo omnia.] Et in epistola sancti Sophronij Hierosolymitani Episcopi ad Sergium Constantinopolitanum Episcopum, à sexta Synodo receptissima, ita scriptum est, Trinitatem itaque in vnitatem credimus, & vnitatem in Trinitate glorificamus. Trinitatem quidem pro tribus subsistentiis, vnitatem autem propter singularitatem deitatis. Sicut igitur sancta Trinitas numerabilis personalibus est subsistentiis, sic sancta vnitas extra omnem est numerum: & hæc quidem indiuisibilem habet diuisionem, & inconfusam gerit coniunctionem. Cum diuiditur namque numerabilibus subsistentiis, & numeratur personalibus alternitatibus, identitate essentiae atque naturæ coniungitur, & omnimodam partitionem non recipit. Vnitas enim singularis & incomputabilis omnem refugit secundum essentiam numerum. Vnus enim Deus à nobis enixius creditur, quoniam & deitas vna flagranter prædicatur, licet in Trinitate personarum agnoscatur: & vnus Dominus à nobis enuntiatur, quoniam & dominatio vna firmiter agnoscitur, licet in tribus subsistentiis demonstretur. neque secundum quod vnus est Deus, & vna est deitas, est diuisibilis & in tres Deos partibilis, vel in tres deitates producendus: neque secundum quod vnus est Dominus, distans est, & in tres dominos expandendus est, ac in tres dominationes dilatandus est. Arrianorum hæc est impietas, quæ in inæquales deos vnum concidit Deum, & in dissimiles deitates vnam partitur deitatem, & in alterigenas tres dominationes vnam distinguit dominationem.] *¶ item,* Quemadmodum igitur vnum Deum didicimus sapere, ita vnam deitatem confiteri percepimus: & sicut tres subsistentias exorare didicimus, ita & tres glorificare personas instruimur. non alium vnum Deum præter tres cognoscentes personas, neque præter tres personas consubstantiales Trinitatis, quæ sunt pater & filius & Spiritus sanctus, alteras præter vnum Deum agnoscimus. Et idcirco vnum hæc tria in quibus est deitas prædicamus, & tria vnum quorum est deitas annuntiamus, siue quod est accuratiùs ac manifestiùs dicere, quæ Deus est atque cognoscitur. Hoc ipsum quippe & vnum est, & tria creditur, & tria prædicatur, & vnum veraciter annuntiatur: & neque vnum quatenus vnum est, tria recipitur, neque tria secundum quod tria sunt, vnum aduertitur, quod est & mirabile, & omni certe plenum stupore est. Hoc ipsum namque & numerabile est, & refugit numerum. Numerabile quidem tribus suis subsistentiis, refugit autem numerum singularitate deitatis. Vnitas quippe eius essentiae atque naturæ numerari penitus non admittit, vti non & differen-

Synodi v.
Act. viii.
cap. i.Synodi vii.
Act. xi.

Post alia.

Post ali-
quanta.

Non longe
à principio

Synodi VI.
Act. IV.

Synodi VI.
Act. IV.

tiam deitatis introducat, & ex hoc essentia & natura, & Deorum multitudinem vnum principium faciat.] *Et item*, Deus quidem est pater, Deus verò est filius, similiter & Deus est & Spiritus sanctus, eo quòd indiuisè & indiminutè eadem tres personæ vnâ impleantur deitate, & in vnaquaque earum funditus tota est. Nam deitas diuisionem non sustinet, & in tribus ipsis personis plenificè atque perfectè est, non partibiliter siue ex parte easdem implens personas, sed in vnaquaque existens plenissima, & vna permanens, licet in tribus personis monstretur, & ad Deorum multitudinem non excurrens, licet in tribus sit subsistentiis, vt non corporalem quandam sustineat sectionem, quæ certè est impassibilis, & incorporea, & pati nesciens quæ creaturæ sunt propria.] De hac epistola sextum sanctum Concilium in actione decima tertia dicit, Pertraetauimus, inquiens, & Synodica venerabilis memoriæ quondam Archiepiscopi sanctæ Dei Hierosolymorum ciuitatis, & hæc reperientes cum vera fide conuenientia, Apostolicisque sanctorum atque probabilium Patrum doctrinis paria, vtpote quæ sunt orthodoxa, recepimus, & vt salubria sanctæ catholicæ & Apostolicæ Ecclesiæ suscepimus, & nomen eius inferi in sanctis dypticis sanctarum Ecclesiarum iustum esse iudicauimus.] Similiter & in epistola Agathonis Papæ ad iuniorem Constantinum Imperatorem missa scriptum est, Vt, inquit, vestræ diuinitus institutæ pietati quid Apostolicæ nostræ fidei vigor contineat breuiter intimemus, quam percepimus per Apostolicam Apostolicorumque Pontificum traditionem, & sacrarum quinque generalium Synodorum, per quas fundamenta catholicæ Christi Ecclesiæ firmata atque stabilita sunt. Hic igitur status est Euangelicæ atque Apostolicæ nostræ fidei regularisque traditio, vt confitentes sanctam & inseparabilem Trinitatem, id est patrem & filium & Spiritum sanctum, vnius esse deitatis, vnius naturæ & substantiæ siue essentiæ, vnius eam prædicemus & naturalis voluntatis, virtutis, operationis, dominationis, maiestatis, potestatis, & gloriæ. & quicquid de eadem sancta Trinitate essentialiter dicitur, singulari numero tanquam de vna natura trium consubstantialium personarum comprehendamus regulari ratione hoc instituti.] Sed & in Synodica ipsius Agathonis Papæ, confirmata in Romana Synodo à centum viginti quinque Episcopis, & per vicarios eius ad sextam Synodum centum quinquaginta Episcoporum Constantinopolim missa, scriptum est, Sola est, inquit, nostra substantia fides nostra, cum qua nobis viuere summa est gloria, pro qua mori lucrum æternum est. Hæc est perfecta nostra scientia, vt terminos catholicæ atque Apostolicæ fidei, quos vsque hactenus Apostolica sedes nobiscum & tenet & tradit, tota mentis custodia conseruemus, credentes in Deum patrem omnipotentem, factorem cæli & terræ, visibilium omnium & inuisibilium, & in filium eius vni-

genitum, qui ante omnia sæcula ex eo natus est, verum Deum de Deo vero, lumen de lumine, natum non factum, consubstantialem patri, id est eiusdem cum patre substantiæ, per quem omnia facta sunt quæ in cælo & quæ in terra: & in Spiritum sanctum dominum & viuificantem, ex patre procedentem, cum patre & filio coadorandum & conglorificandum: trinitatem in vnitate, & unitatem in trinitate, unitatem quidem essentiæ, trinitatem verò personarum, siue subsistentiarum. Deum patrem confitentes, Deum filium, Deum Spiritum sanctum. Non tres Deos sed vnum Deum, patrem & filium & Spiritum sanctum: non trium nominum subsistentiam, sed trium subsistentiarum vnam substantiam, quorum vna essentia, siue substantia, vel natura, id est vna deitas, vna æternitas, vna potestas, vnum imperium, vna gloria, vna adoratio, vna essentialis sanctæ & inseparabilis Trinitatis voluntas & operatio, quæ omnia cōdidit, dispensat, & continet.] Quæ ita, vt verbis vtamur ipsius sextæ Synodi, cum quinque antè habitis sanctis Conciliis prædicabiliter receptissima, & inrefragabiliter credenda atque tenenda, in actione XVIII. confirmata sunt. Excitauit igitur, inquiens sexta Synodus, Synodi vii
Act. xviii. Christus Deus noster fidelissimum Imperatorem, nouum Dauid virum secundum cor suum inueniens, qui non dedit iuxta quod scriptum est, *somnum oculis suis, & palpebris suis dormitationem*, donec per hunc Psal. 137. 4. nostrum à Deo congregatum sacrumque conuentum, ipsam rectæ fidei reperit perfectam prædicationem. (secundum enim à Domino editam vocem, *Vbi duo vel tres fuerint congregati in nomine meo, ibi sum in medio eorum.*) Matt. 18. 20 Quæ præsens sancta & vniuersalis Synodus, fideliter suscipiens & expansis manibus amplectens suggestionem, quæ à sanctissimo ac beatissimo Agathone antiquæ Romæ facta est ad Constantinum piissimum ac fidelissimum nostrum Imperatorem, quæ nominatim abiecit eos qui docuerunt vel prædicauerunt, sicut superius dictum est, vnam voluntatem & vnam operationem in incarnationis dispensatione domini nostri Iesu Christi veri Dei nostri adæquè amplexa est & alteram synodalem suggestionem, quæ missa est à sacro Concilio, quod est sub eodem sanctissimo Papa centum viginti quinque Deo amabilium Episcoporum, ad eius à Deo instructam tranquillitatem, vt pote consonantes sancto Chalcedonensi concilio, & tomo sacratissimi & beatissimi Papæ eiusdem antiquæ Romæ Leonis, qui directus est ad sanctum Flavianum, quem & columnam rectæ fidei huiusmodi Synodus appellauit. Ad hæc & synodicis Epistolis, quæ scriptæ sunt à beato Cyrillo aduersus impium Nestorium & ad Orientales Episcopos. adsecuti quoque sancta quinque vniuersalia Concilia, & sanctos atque probabiles Patres, consonantèrque confiteri diffinientes dominum nostrum Iesum Christum, verum Deum nostrum vnum de sancta & consubstantiali & vitæ originem præbente Trinitate, perfectum in

Sextæ Synodi Act.
xviii.

deitate, & perfectum eundem in humanitate, Deum verè & hominem verè eundem ex anima rationali & corpore, consubstantialem patri secundum deitatem, & consubstantialem nobis secundum humanitatem.] Et sic catholicè vsque ad finem percurrentem sermonem confirmauerunt & subscripserunt centum quinquaginta Episcopi, dicentes, His igitur cum omni vndique cautela atque diligentia à nobis formatis, diffinimus aliam fidem nulli licere proferre aut conscribere, componereve aut sapere, vel etiam aliter docere. Qui verò præsumpserint fidem alteram vel componere, vel proferre, vel docere, vel tradere, aut symbolum volentibus conuerti ad agnitionem veritatis ex gentilitate, vel ex Iudaismo, aut ex qualibet hærese, aut qui nouitatem vocis vel sermonis adinventionem, ad subuersionem eorum quæ nunc à nobis determinata sunt introducere, hos, si quidem Episcopi fuerint aut clerici, alienos esse Episcopos ab Episcopatu, clericos verò à clero: si autem monachi fuerint vel laici, etiam anathematizari eos.] *Et subscriptiones.* Theodorus humilis presbyter sanctæ Romanæ Ecclesiæ, locum gerens Agathonis ter beatissimi vniuersalis Papæ vrbs Romæ subscripsi. & deinceps per ordinem singuli. & per acclamationem more suo, sicut & in Conciliis aliis legimus, anathematizauerunt omnes hæreticos, & omnes qui suffragantur hæreticis. Inter quos omnes anathematizati sunt & Prædestinatiani, quorum hæresis, auctoritate Papæ Cælestini ex delegatione ipsius, per sanctum Prosperum in Galliis est reuicta. Et in Edicto Constantini Imperatoris, quod petentibus Episcopis ad confirmationem istius sextæ Synodi fecit & confirmauit, ita scriptum est, Credimus in Patrem, & filium, & Spiritum sanctum: Trinitem in vnitatem, & vnitatem in Trinitate, vnā substantiam in tribus subsistentiis. Vnitatem quidem propter naturalem vnionem ac dominationem: Trinitatem verò propter trium subsistentiarum perfectionem, & diuitias superexistentis bonitatis. Vnitas quippe verè est Trinitas, quia vnita est deitate, & Trinitas verè est vnitas, diuisa proprietatibus, & non dispersita æternitate: Ipsa enim sibimet consempiterna est, & essentia æqualis honoris est. Nec enim extitit sæculum, quando cum patre non erat & filius. cuius vtique vocabatur pater, si non simul cum eo erat sine principio filius? Nec erat quando non erat cum vtrisque Spiritus sanctus. Vnus igitur hæc tria Deus, quæ inuicem cum sola singillatim differentia in communitate essentiæ inseparabiliter discernente vnāquamque personam intelliguntur. Solus proinde pater pater est, solus filius filius, solus Spiritus sanctus Spiritus sanctus. His etenim differentiis non conuertuntur ad inuicem. Sed in his quidem inseparabiliter diuiduntur: communicant autem essentiæ vnitatem, Trinitas simplex, & impartita atque incompressa. ex tribus perfectis, ex seipsa perfecta & superperfecta, vna natura atque deitate, & vna volun-

tate vnâque operatione glorificanda. Quorum enim vna natura est, horum & voluntas & operatio vna est, sicut nos docuit Dei cultor Basilius] & in fine ipsius edicti, Vnus, inquit, Dominus, vna fides, vnum baptisma, vna in Deo nunc est Ecclesia. Si quis igitur Christi amator est, & metuit Dominum, optatâque salutem desiderat, hanc fidem orthodoxam teneat. nec enim erit per aliam fidem saluatus. Si quis verò hominum quidem personis gratiam exhibet, caritatis autem in Deum æmulatorem se non demonstrat, præsentemque piam nostram constitutionem non recipit, si quidem Episcopus est, vel clericus, aut monachico circumdatus est habitu, depositionis pœnam persoluet: si verò in ordine dignitatum insertus est, supplicio proscriptionis multetur, eique cingulum adimatur: sin autem idioticæ fortis est, ex hac regia omnique penitus ciuitate exteris addicatur, & super hæc omnia terribilis atque inexpiabilis iudicii non effugiet cruciatum.] Quapropter his quæ Gothescalcus, alter videlicet pro modulo suo Simon magus, in scriptis suis frequenter posuit spiritu furioso exagitatus, exaltato corde, & elatis oculis, se mendaciter promittens in mirabilibus super se ambulaturum, petendo vt sibi tria dolia parentur, vnum videlicet dolium plenum feruenti adipe, & aliud plenum feruenti oleo, & tertium plenum bullienti pice, & cum vicissim in vnumquodque dolium vsque ad collum intrans de illis tribus doliis illæsus exierit, credatur ab omnibus assertio illius esse verissima, qua dicit, præter istam blasphemiam quòd deitas sic personaliter sit trina vt est naturaliter vna, quia sicut Deus electos ad regnum æternum, ita reprobos ad interitum prædestinauit æternum, & non vult omnes homines saluos fieri, nisi tantum eos qui saluantur, & non est passus nisi tantummodo pro electis, & nullus de iis periet, pro quibus fusus est sanguis Christi, nemo fidelis ac sobrius sensum debet accommodare, præsertim cum Dominus hinc verbo & exemplo in congressione contra diabolum, dixerit, *Non tentabis dominum Deum tuum*, qui vt omnipotens agere poterat quod diabolus postulauerat, & iste implere non possit quod falsò & inuerecundè confingit. sed Apostolico zelo succensus, contra huiusmodi mortiferas suggestiones, velut antidotum salubre debet corde & ore proferre, Si quis, inquit, aliter euangelizauerit, præter id quod euangelizatum est à sancto Spiritu per ora supradictorum doctorum & sanctorum Episcoporum in sex præfatis Conciliis, de vnitade deitatis, quæ est vnitas trinitatis, & de omnibus capitulis ad orthodoxum fidem specialiter pertinentibus, quæ catholica & Apostolica prædicat & tenet Ecclesia, anathema sit. Et de his quæ secundum tramitem scripturarum traditionemque maiorum diffinita sunt, contra Gothescalcum, vel contra quemcumque alium, in quamcunque disputationem intrare nemo debet præsumere, sed damnatus, vt spuria vitulina in ipsa radice amaritudi-

Matt. 4. 7.

Epist. 47.

Epist. 45.

Leo ep. 34.

Matt. 7. 6.

Psalm. 17. 46.

nis, vel exilio, vel ergastulo, separatus à consortio fidelium, ne aliis nocere valeat qui sibi prodesse non vult, sine retractatione malè pertinaciter sentiens debet retrudi, & in ipsa exilij vel retrusionis aligatione perpetua permanere, nisi fortè Deo respiciente resipiscat à diaboli laqueo à quo captus tenetur, ad ipsius misericordissimi & omnipotentissimi domini voluntatem, sicut ex auctoritate Epistolæ magni papæ Leonis ad Pulcheriam Augustam percepimus, in qua scriptum est, De Eutyche, inquit, totius scandali & prauitatis auctore hoc clementia vestra præcipiat, vt ab eo loco qui Constantinopolitanae vrbi nimis vicinus est longius transferatur, ne frequentioribus solatiis eorum, quos ad impietatem suam traxit, vtatur. monasterio quoque ipsius, cui perniciosè indignèque præfedit, catholicum Abbatem iubete præponi, qui illam seruorum Dei congregationem, & à prauo dogmate liberare, & institutis veritatis possit imbuere.] Quia verò de huiusmodi tanquam de dubiis disputare non debeamus, idem Leo ad Martianum Augustum, Per ipsum, inquit, dominum nostrum Iesum Christum, qui regni vestri est auctor & rector, obtestor & obsecro clementiam vestram, vt in præsentì Synodo fidem, quam beati patres nostri ab Apostolis sibi traditam prædicauerunt, non patiamini quasi dubiam retractari, & quæ olim maiorum sunt auctoritate damnata, rediuiuis nunc non permittatis conatibus excitari, illudque potius iubeatis, vt antiqua Nicænæ synodi constituta, remota hæreticorum interpretatione permaneant.] Et item ad Leonem Augustum dicit, Prænoscat, inquit, pietas tua venerabilis Imperator, hos quos spondeo dirigendos, non ad confligendum cum hostibus fidei, nec ad certandum contra illos, à sede Apostolica profecturos: qui de rebus & apud Nicæam & apud Chalcedonam, sicut Deo placuit, diffinitis, nullum inire audemus tractatum, tanquam dubia vel infirma sint, quæ tanta per Spiritum sanctum fixit auctoritas. Instructioni autem paruulorum nostrorum, qui post lactis alimoniam cibo desiderant solidiore satiari, ministerij nostri præsidium non negamus, & sicut simplices non spernimus, ita à rebellibus hæreticis abstinemus, memores præcepti dominici dicentis, *Nolite sanctum dare canibus, neque miseritis margaritas vestras ante porcos.* Nimis quippe indignum, nimisque iniustum est, eos ad libertatem disceptationis admitti, quos significat Spiritus sanctus per Prophetam dicens, *filij alieni mentiti sunt mihi.* qui etiam si Euangelio non resisterent, de illis tamen se esse monstrarent, de quibus scriptum est, *Deum se profitentur scire, factis autem negant.*] & item ad eundem Augustum dicit, Quæ patefacta sunt querere, quæ perfecta sunt retractare, & quæ sunt diffinita conuellere, quid aliud est quàm de adeptis gratiam non referre, & ad interdictæ arboris cibum improbos appetitus mortiferæ cupiditatis extendere?] Beatus quoque Ambrosius in libro primo de Fide ad Gratianum Impera-

torem, & sanctus Augustinus in libro contra quinque hostium genera, & Agatho Papa, ac Sophronius Hierosolymorum Episcopus, similiter sentientes, atque Proclus Constantinopolitanus Episcopus dicens, Fugiamus turbulentos & cœnosos fallaciæ riuos, sectas Deum impugnantes, Arrij dico furorem, diuidentem indiuiduam Trinitatem in quinta synodo scribentes, & sanctus Athanasius in libris suis demonstrat hæc quæ Gothescalcus didicit, videlicet quia sicut Deus personaliter est trinus, sic deitas personaliter est trina, sensisse præfatum Arrium & complices eius in sacra Nicæna synodo condemnatos: quos cum omnibus qui contra Symbolum Nicænum sentire præsumunt, omnia Concilia catholica damnauerunt & damnant. Vnde S. Gelasius ad vniuersos Episcopos per Dardaniam constitutos, Patres, inquit, nostri catholici videlicet doctique Pontifices in vnaquaque hæresi quolibet tempore suscitata, quidquid pro fide, pro veritate, pro communione catholica atque Apostolica, secundum scripturarum tramitem, prædicationemque maiorum, facta semel congregatione sanxerunt, inconuulsum voluerunt deinceps firmumque constare, nec in hac eadem causa denuò quæ præfixa fuerant retractari qualibet recenti præsumptione permiserunt, sapientissimè peruidentes, quoniam si decreta salubriter cuique liceret iterare, nullum contra singulos quosque prorsus errores stabile persisteret Ecclesiæ constitutum, ac semper iisdem furoribus recidiuis omnis integra diffinitio turbaretur. Nam si limitibus etiam præfixis positarum semel synodaliū regularum, non cessant elisæ pestes resumptis certaminibus contra fundamentum sese veritatis attollere, & simplicia quæque corda percutere, quid fieret si subinde fas esset perfidis inire concilium? cū quamlibet illa manifesta sit veritatis, nunquam desit quod perniciofa depromat falsitas, & si ratione vel auctoritate deficiens, sola tamen intentione non cedens. Quæ maiores nostri diuina inspiratione cernentes, necessariò præcauerunt, vt quod acta semel synodus pro fidei communione, & veritate catholica atque Apostolica promulgasset, non sinerèt post hæc nouis retractationibus mutilari, ne prauis occasio præberetur quæ medicinaliter fuerant statuta pulsandi: sed auctore cuiuslibet insanix ac pariter errore damnato sufficere iudicarūt, vt quisquis aliquando huiusmodi erroris cōmunicator existeret, principali sententia damnationis eius esset obstrictus: quoniam manifestè quilibet vel professione sua vel communione posset agnosci.] *Et post aliquanta*, Quoniam idem ipse error cum suo auctore damnatus in particeps quolibet prauæ communionis effecto execrationem suā gestat & pœnam.] His Apostolicæ sedis auctoritatibus constat, de hæc, sicut & de omni hæresi olim reuicta, atque cum sectatoribus suis damnata, non debere iterum disputari: nec damnatum canonicè Gothescalcum ad iudicium reuocari. Qui etiam si non solū cum certo & decreto numero Episcoporum in causa

Epist. xi. in
principio.

Ante ep. ix.

Non longè
à princip.Concilium
Chalced.
Actione v.
sub finem.

1. Cor. 8. 11.

presbyteri vel diaconi, verum & si pro manifesta hæresi à solo suo Episcopo fuisset damnatus, non deberet de eo refricari iudicium, sicut Gelasius Papa in Commonitorio Fausto Magistro militum Constantinopolim fungenti officio legationis delegato, ostendens rationabiliter à Felice Papa Acacium Constantinopolitanum Episcopum fuisse damnatum dicit, Decessorem, inquit, meum executorem fuisse veteris constituti, non nouæ constitutionis auctorem, quod non solum Præsuli Apostolico facere licet, sed & cuiusque Pontifici.] Et huiusmodi præsumptores, vt Nicænum dicit Concilium, anathematizat catholica & Apostolica Ecclesia. & Constantinopolitanum Concilium, fidem non violandam Patrum trecentorum decem & octo, qui apud Nicæam Bithyniæ conuenerant, & manere eam firmam & stabilem, & anathematizandam omnem hæresim. & sacrum Chalcedonense Concilium, Statuit sancta & vniuersalis Synodus alteram fidem nulli licere proferre, vel conscribere, aut componere, aut sentire, aut docere aliter, eos autem qui ausi sint componere fidem alteram, aut proferre, aut docere, aut tradere alterum Symbolum volenti vel conuerti, vel ex gentilibus ad cognitionem veritatis venire, vel ex Iudæis, vel hæresi quacunque, eos, si Episcopi fuerint aut clerici, alienos esse Episcopos ab Episcopatu & clericos à clero, si verò monachi aut laici fuerint, anathematizari.] Et hæc omnia venerunt super Gothescalci caput, & nec sic est ad se percutientem reuersus. Bene facient igitur venerabiles fratres nostri monachi viri religiosi, si ita vt scriptum habetur in beati Benedicti regula, quam iureiurando se obseruaturos professi sunt, obedientiam dependentes eidem patri sanctissimo, immo sancto Spiritui qui per eum locutus est, relictis non necessariis superstitionum compositionibus, sancti Ambrosij, sicut ipse sanctus Benedictus præcepit, vel nominatissimorum atque orthodoxorum Hymnos, de quibus sufficienter habent, in diurnis ac nocturnis laudibus vsi fuerint, in quibus & catholica fides redolet, & piæ sunt preces, & mirabilis est compositio, ne pro talibus, sicut ex hymni, cuius initium est *Sanctorum meritis inclyta gaudia*, cuiusque compositorem hætenus inuenire nequiuimus, finalitate, vbi à quibusdam cantatur, vel potius blasphematur, *Te trina deitas*, aut scienter aut nescienter scandalum in Ecclesia moueant, quæ aliis multis perturbationibus concutitur & vexatur. scientes quid mereatur, qui suo vitio vnum scandalizauerit. de pusillis credentibus, docente Paulo, *Sic autem peccantes in fratres, & percutientes conscientiam eorum infirmam, in Christum peccatis.* & necesse sit eos canonica seueritate percelli magnæ Chalcedonensis Synodi, sexcentorum triginta & eo amplius Episcoporum, quæ de huiusmodi diffiniuit, qui debentes studere silentio & quieti, interdum etiam zelum Dei habentes sed non secundum scientiam, Ecclesiastica vel ciuilia

ciuilia negotia commouent. præsertim quia ipsa sacra auctoritas canonum, spiritu Dei condita, & totius mundi reuerentia consecrata, in Africano Concilio ducentorum octo Episcoporum, capite septuagesimo primo præcipit, vt non preces aliæ celebrentur, nisi illæ quæ in Concilio cum prudentioribus collatæ fuerint, ne fortè contra fidem, quod absit, in eisdem precibus, quibus fidelis quisque debet Deo conciliari, ab aliquo proferatur, vt audientibus scandalum fiat. Legant etiam horis sibi ad legendum regulariter deputatis orthodoxorum libros, & ab omnibus inuenient contradici vt trina deitas nunquam credatur, nunquam à fidei vt videatur credibile proferatur. Inuenient nihilominus in dictis catholicorum ineptè imperitos quasi ad auctoritatem sumpsisse, quia sicut trinus Deus dicitur, ita & deitas trina dicatur. Pater quippe & filius & Spiritus sanctus idcirco vnus Deus dicitur, quia vna est deitas, quæ Trinitatis est vnitas patris & filij & Spiritus sancti, vt sancta catholica & Apostolica Ecclesia per beatum & magnum Papam Leonem ad Turibium Asturicensem Episcopum breuiter confirmando explanat, & explanando confirmat dicens, Hanc catholicæ fidei esse confessionem, quæ Trinitatem deitatis sic *ὁμοῦσιον* confitetur, vt patrem & filium & Spiritum sanctum sine confusione indiuisos, sine tempore sempiternos, sine differentia credat æquales, quia vnitatem in Trinitate, non eadem persona, sed eadem implet essentia.] Qui autem non solum absurdè, sed & infideliter dicunt, quia trina dicenda est deitas, eo quod singulus quisque in tribus personis, pater videlicet sit Deus, filius sit Deus, Spiritus sanctus sit Deus, ac per hoc in patre pleno & perfecto Deo plena & perfecta sit deitas, in filio pleno & perfecto Deo plena & perfecta sit deitas, in Spiritu sancto pleno & perfecto Deo plena & perfecta sit deitas : inueniant si possunt quo nomine illa trina deitas dici valeat vna. Si dixerint trina deitas in personis, vna in deitate, non constat : si dixerint, trina deitas in personis vna in substantia vel essentia, siue diuinitate aut natura, nec hoc constare constat esse certissimum. Vnum enim idemque in Deo est natura, substantia, essentia, diuinitas, deitas. Fateantur ergo necesse est, trinum Deum dici in personis, vnum in deitate : & fateantur quod non trina sed vna sit deitas, quæ Trinitatis est vnitas. Vnde sanctus Ambrosius, sicut in libris suis latius, ita breuiter in hymno suo dicit,

Tu Trinitatis vnitas, orbem potenter qui regis.

Et item in alio hymno,

O lux beata Trinitas, & principalis vnitas.

Quod quasi exponens Augustinus in primo libro de sancta Trinitate dicit, Trinitatis enim vnitas est deitas incorporea & incommutabilis, & sibimet consubstantialis, & coæterna natura.] Et Athanasius hanc dixit esse fidem catholicam, vt credatur quia alia

Conc. Afr.
cap. lxx.

Leo epist.
iv. cap. i.

Cap. viii.

Hom. xvi.

Lib. i. de
Trin. cap. 4

Cap. i.

est persona patris, alia filij, alia Spiritus sancti, sed patris & filij & Spiritus sancti vna est diuinitas, æqualis gloria, cœterna maiestas.] Vnde item S. Ambrosius in alio hymno euidenter ostēdit, quomodo Deus trinus & quomodo vnus credi & intelligi debeat, dicens, *Summe Deus clementiæ, mundi que factor machinæ, vnus potentialiter*, quod Augustinus exponit substantialiter, *trinúsque personaliter*. Et S. Gregorius in Homilia Ezechielis, Veteris & noui testamenti spirituales patres tres sanctæ Trinitatis personas vnus deitatis credidisse & prædicasse, & Angelica in cælo agmina incessabiliter clamare fatetur.] His ergo perpensis, discernant honorabiles fratres nostri monachi, vtrum melius sit blasphemare cum Gothescalco & Ratramno, dicendo *Te trina deitas* in Hymno, cuius auctorem nesciunt, an credere & cantare cum summis cælorum virtutibus, & cum beatorum spiritibus, & cum omnibus sanctis viris catholicis, in tribus personis vnā deitatis substantiam, id est deitatem. Videant etiam vtrum debeant sequi blasphemias Gothescalci, quas de corde suo, vel potius maligno spiritu inspirante, mendacissimè protulit, & figmenta Ratramni, quæ falsò composuit de libris beati Hilarij & sancti Augustini, impugnando veritatem, vt deitas trina dicatur, an veritatem Spiritus sancti, qui locutus est per sanctos prophetas, & Apostolos Apostolorumque successores, dicentes & confirmantes, quia tres sunt sanctæ Trinitatis personæ, & vna deitas, quæ trinitatis est vnitas. Nam sanctus Augustinus in primo libro de Trinitate, quasi ad Ratramnum specialiter confutandum, qui de eius libris suum mendacium quod Trina dicenda sit deitas compilando voluit solidare, ipsum fidei lapidem posuit, super quem Christus videlicet manu fortis suam fundauit Ecclesiam, & quo Goliam designantem diabolum, cuius insania omnes antichristi, id est hæretici, repleti loquuntur, in fronte percussit, pro se & pro omnibus catholicis, quorum libros de fide sanctæ Trinitatis legerat, contra istum protulit dicens, Omnes, inquit, quos legere potui, qui ante me scripserunt de Trinitate quæ Deus est, diuinorum librorum veterum & nouorum catholici tractatores hoc intenderunt secundum scripturas docere, quod pater, & filius, & Spiritus sanctus vnus eiusdemque substantiæ, inseparabili æqualitate diuinam insinuent vnitatem, ideoque non sint tres dii, sed vnus Deus.] Attendant igitur venerabiles fratres nostri monachi viri religiosi, quod idem B. Augustinus in ix. libro de Trinit. dicit, De credendis, inquit, nulla infidelitate dubitemus, de intelligendis nulla temeritate affirmemus: in illis est auctoritas tenēda, in his veritas exquirenda.] Exquirant ergo per catholicos doctores hanc veritatē qualiter sentire debeat de Trinitatis deitate, videlicet de sanctæ Trinitatis vnitate, & catholicam teneant auctoritatem, & non sequantur malè sentientium prauitatem, nec defendant pertinaciter, siquid hactenus non senserunt fideliter, sed audiant & exaudiant B. Augustinum, quem

cumque nostrum monentem in tractatu psalmi centesimi trigesimi, In fine.
 Si fortè, inquit, erras in aliquo, quare non redis ad lac matris?
 quia si non extollimini, quia si non exaltatis cor vestrum, quia si non
 ingredimini in mirabilibus super vos, sed seruatis humilitatem, reue-
 labit vobis Deus quod aliter sapitis. si autem hoc ipsum quod ali-
 ter sapitis defendere vultis, & pertinaciter adstruere, & contra pa-
 cem Ecclesiæ, sit vobis maledictum hoc quod dixit *super matrem*
 cum estis, vt foris à lacte separemini, foris à visceribus matris fa-
 me moriamini. Si autem perseueraueritis in pace catholica, si quid
 fortè aliter sapitis quàm oportet sapere, Deus vobis reuelabit hu-
 milibus. Quare? quia Deus superbis resistit, humilibus autem dat
 gratiam.] Et quia de cetero nescienter errare non poterunt, timeant
 quod idem egregius doctor in quarto libro de baptismo dicit, Cap. v.
 manifestum sit, inquit, multo grauius peccare scientem quàm ne-
 scientem, vellem mihi aliquis diceret, si quis in hæresim incurrat
 nesciens quantum malum sit, & alius ab avaritia non recedat
 sciens quantum malum sit, quis eorum sit peior. Possum etiam ita
 proponere, si alius nesciens in hæresim irruat, & sciens alius ab
 idololatria non recedat, quia & Apostolus dicit, *avaritia quæ est idolo-* Ephes. 5. 5.
rum seruitus: quæro ergo quis peccet grauius, qui nesciens in hæ- Post pauca.
 resim incurrit, aut qui sciens ab avaritia, id est ab idololatria
 non recesserit. Secundum quidem illam regulam, qua peccata scien-
 tium peccatis ignorantia præponuntur, avarus cum scientia vincit
 in scelere. Sed ne fortè hoc fiat facit in hæresi sceleris ipsius magni-
 tudo, quod facit in avaritia scientis admissio, vt hæreticus nesciens
 auaro scienti coæquetur, amborum peccata æqualiter appendantur,
 ignorantis blasphemia, & scientis idololatria, & eadem sententia
 iudicentur, ille qui Christum quærendo in verisimilem sermonem
 falsitatis incurrit, & ille qui nesciens Christo resistit loquenti per
 Apostolum, *Quoniam omnis fornicator, aut immundus, aut avarus quod* Ephes. 5. 5.
est idolorum seruitus, non habet hereditatem in regno Christi & Dei.] Nemo
 igitur catholicus contra auctoritatem, nemo pacificus contra Eccle-
 siæ pacem certare audeat, ne schismaticus & non catholicus inue-
 niatur, & à Christi corpore separetur. Admonendi sunt ergo subditi
 ab Ecclesiæ sanctæ præpositis, vt sacræ legis verba rectè intelligant,
 & si per se intelligere non potuerint, iuxta præceptum diuinæ au-
 ctoritatis, *interrogent patres suos & adnuntiabunt illis, maiores suos & do-* Deut. 32. 7.
cebunt illos. & qui sacræ legis verba non rectè intelligunt, admo-
 nendi sunt, secundum regulam pastorem B. Gregorij, vt perpendant Parte IIII
cap. 25.
 quoniam saluberrimum vini potum in veneni sibi poculum vertunt,
 ac per medicinale ferrum vulnere se mortali feriunt, dum per hoc
 in se sana perimunt, per quod salubriter abscindere fauciata debue-
 runt. Admonendi sunt vt perpendant, quod scriptura sacra in nocte
 præsentis vitæ quasi quædam nobis lucerna sit posita, cuius nimi-

rum verba, dum non rectè intelligunt, de lumine tenebescunt. quos videlicet ad intellectum prauum intentio peruersa non raperet, nisi prius superbia inflaret. Dum enim se præ ceteris sapientes arbitrantur, sequi alios ad meliùs intellecta despiciunt: atque vt apud imperitum vulgus scientiæ sibi nomen extorqueant, student summo-pere, & ab aliis rectè intellecta destruere, & sua peruersa roborare. Vnde bene per prophetam dicitur, *Secuerunt prægnantes Galaad ad dilatandum terminum suum.* Galaad namque aceruus testimonij interpretatur. Et quoniam cuncta simul congregatio Ecclesiæ per confessionem seruit testimonio veritatis, non incongruè per *Galaad* Ecclesia exprimitur, quæ ore cunctorum fidelium de Deo quæque sunt vera testatur. Prægnantes autem Galaad vocantur animæ, quæ intellectum verbi ex diuino amore concipiunt, si ad perfectum tempus veniant, conceptam intelligentiam operis ostensione parituræ. Terminum verò suum dilatare est, opinionis suæ nomen extendere. Secuerunt ergo prægnantes Galaad ad dilatandum terminum suum: quoniam nimirum hæretici mentes fidelium, quæ iam aliquid de veritatis intellectu conceperant, peruersa prædicatione perimunt, & scientiæ sibi nomen extendunt. Paruulorum corda, iam de verbi conceptione grauida, erroris gladio scindunt, & quasi doctrinæ sibi opinionem faciunt. Hos ergo cum conamur instruere, ne peruersa sentiant, admoneamus prius necesse est, ne inanem gloriam quærant. Si enim radix elationis abscinditur, consequenter rami prauæ assertionis arefiunt. Admonendi sunt etiam, ne erroris discordias generando legem Dei, quæ idcirco data est vt sacrificia Satanæ prohibeat, eandem ipsam in sacrificium Satanæ vertant. Vnde per prophetam Dominus queritur, dicens, *Dedi eis frumentum, & vinum, & oleum, & argentum multiplicavi eis & aurum, quæ fecerunt Baal* Frumentum quippe à Domino accepimus, quando in dictis obscurioribus subducto tegmine litteræ, per medullam spiritus legis interna sentimus. Vinum suum nobis Dominus præstat, cum scripturæ suæ at-tenta prædicatione nos debriat. Oleum quoque suum nobis tribuit, cum præceptis apertioribus vitam nostram blanda lenitate disponit. Argentum multiplicat, cum nobis luce veritatis plena eloquia subministrat. Auro quoque nos ditat, quando cor nostrum intellectu summi fulgoris irradiat. Quæ cuncta hæretici Baal offerunt, quoniam apud auditorum suorum corda corruptè omnia intelligendo peruertunt, & de frumento Dei, vino atque oleo, argento pariter & auro, Satanæ sacrificium immolant, quoniam ad errorem discordiæ verba pacis inclinant. Vnde admonendi sunt vt perpendant, quia dum peruersa mente deceptis pacis discordiam faciunt, iusto Dei examine ipsi de verbis vitæ moriuntur.] Docendi sunt etiam, vt non ignorant neque contemnant decreta magni Leonis Papæ ad Anastasium Antiochenum Episcopum, in quibus scriptum est quod Apostolica &

Amos 1. 15.

Osce 2. 8.

Epist 62.
cap. 6. ad
Maximum
Antioch.

generalis Synodi auctoritate constituit, Illud inquit dilectionem tuam conuenit præcauere, vt præter eos qui sunt domini sacerdotes, nullus sibi docendi & prædicandi ius audeat vindicare, siue ille monachus, siue sit laicus, qui alicuius scientiæ nomine gloriatur. quia & si oprandum est, vt omnes Ecclesiæ filij quæ recta & sana sunt sapiant, non tamen permittendum est, vt quisquam extra sacerdotalem ordinem constitutus, gradum sibi prædicatoris assumat, cum in Ecclesia Dei omnia ordinata esse conueniat, vt in vno Christi corpore, & excellentiora membra suum officium impleant, & inferiora superioribus non resultent.] Debent ergo fratres ac filij nostri monachi, viri religiosi, attendere professionis suæ regulam, in qua scriptum est, Octauus humilitatis gradus est, si nihil agat monachus, nisi quod communis monasterij regula, vel maiorum cohortantur exempla: & Nonus humilitatis gradus est, si linguam ad loquendum prohibeat monachus, & taciturnitatem habens, vsque ad interrogationem non loquatur. Si autem necessitas docendi parrochiam exegerit vt per sacerdotes monachos verbum fiat ad populum, Episcopus & sanitatem sensus, & catholicam fidem, atque religionis disciplinam, & humilitatis virtutem, ac sanctæ conuersationis soliditatem, in eis probare debet, & sic ad doctrinæ officium prouocare. Non prouocati autem, nullatenus hoc quod sibi non iniungitur non debent assumere, & si deprehensi fuerint aut praua docere, aut nocua monstrare, aut de doctrina in aliquo superbire, debent ab eodem officio remoueri, vsque dum per humilitatis satisfactionem inueniantur correcti: quia sic & Spiritus sanctus per os beati Benedicti in regula ab eo constituta, de artificibus monasterij cuiuslibet artis præcipit agere: & si, quod absit, quique reperti fuerint, quoniam, vt scriptum est, & in Angelis reperta est nequitia, qui in contemptus culpa ex consilio ligari maluerint, admonendi sunt ex regula pastoralis beati Gregorij, quatenus prouida consideratione perpendant, quia dum mala ex iudicio faciunt, districtius contra se iudicium accendunt, vt tanto eos durior sententia feriat, quanto illos in culpa arctius vincula deliberationis ligant. Citiùs fortasse delicta pœnitendo abluerent, si in his sola præcipitatione cecidissent. Nam tardiùs peccatum soluitur, quod per consilium solidatur. Nisi enim mens omnimodo æterna despiceret, in culpa ex iudicio non periret. Hac ergo præcipitatione lapsi, per consilium pereuntes differunt, quia cum hi ab statu iustitiæ peccando concidunt, plerumque simul & in laqueum desperationis cadunt, & à radice spei funditus euelluntur. Hinc est quod per Prophetam Dominus, non tam præcipitationum praua quam delictorum studia reprehendit, dicens, *Ne fortè ingrediatur vt ignis indignatio mea & succendatur, & non sit qui* Hier. 4. 4. *extinguat propter malitiam studiorum vestrorum.* Hinc iterum iratus dicit, *Visitabo super vos iuxta fructum studiorum vestrorum.* Quoniam igitur Hier. 4. 14.

tur à peccatis aliis differunt peccata quæ per consilium perpetrantur, non tam praua facta Dominus, quam studia prauitatis infequitur. In factis enim sæpe infirmitate, sæpe negligentia delinquitur, in studiis verò malitiosa semper intentione peccatur. Quo contra rectè beati viri expressione per Prophetam dicitur, *et in cathedra pestilentiae non sedet*. Cathedra quippe iudicis esse vel præsidentis solet. In cathedra autem pestilentiae sedere est ex iudicio praua committere, & ex ratione mala discernere, & tamen ex deliberatione perpetrare. Quasi in peruersi consilij cathedra sedet, qui tanta iniquitatis elatione attollitur, vt implere malum etiam per consilium conetur. Et sicut assistentibus turbis prælati sunt qui cathedræ honore fulciuntur, ita delicta eorum qui præcipitatione corruunt, exquisita per studium peccata transcendunt. Admonendi sunt ergo, vt hinc colligant qui in culpa se etiam per consilium ligant, quanta tunc ultione feriendi sunt, qui nunc prauorum non focij sed principes fiunt.] Denique si quod absit aliquis de fratribus nostris hinc pro finalitate Hymni, vnde absque vlla necessitate exorta est ista ceruicosa contentio, trinam deitatem defendendo, vel de prædestinatione sanctorum & relictione reproborum, vel quòd Deus non vult omnes homines saluos fieri, & non sit pro omnibus

1. Tim. 2. 4. Christus passus, cum dicat Paulus Apostolus, *Deus omnes homines vult saluos fieri*, & Petrus, quia *neminem vult perire*. & ipse Dominus per Prophetam, *Viuo ego, quia nolo mortem peccatoris*, cum iuxta Apostolum omnes peccauerint. & ad Hierusalem Dominus, *Quoties volui congregare filios tuos, et nolui?* & item Paulus, *Si Christus pro omnibus mortuus est, ergo omnes mortui sunt, et pro omnibus mortuus est Christus, vt qui viuunt iam non sibi viuunt, sed ei qui pro omnibus mortuus est.*

Matt. 23. 37. & contra doctrinam Apostolicam de baptismatis sacramento, in quo nulla est discretio renatorum, pro quibus capitulis contra catholicam fidem, & doctrinam beati Augustini in libro de Correctione & Gratia, & de Prædestinatione sanctorum, ac Bono perseuerantiæ, atque Hypomnesticon, & contra decreta sancti Cælestini Papæ, ex cuius delegatione beatus Prosper hinc exortam hæresim per auctoritatem scripturarum & doctrinam beati Augustini reuicit & compressit in Galliis, contraque ceterorum orthodoxorum traditionem sentiens condemnatus est Gothescalcus, vel de omnibus, quæ Apostolicæ sedis & sex generalium Synodorum auctoritate diffinita sunt, deinceps dogmatizare, & irreuerentiùs in sua obstinatione permanere præsumpserit, vindictæ canonicæ subiacebit. Nemo ergo plus sibi arroget sapere quàm oportet sapere, cum scriptum sit, *Sicut qui mel multum comedit non est ei bonum, ita qui scrutator est maiestatis opprimitur gloria.* & *Nisi credideritis, non intelligetis.* Et quia valdè est difficile, vt beatus exponit Gregorius, vt omne sacrum eloquium à nobis mortalibus possit intelligi, &

2. Cor. 5. 14.

Prou. 25. 27

omne eius mysterium penetrari, restat ut quod de mysterio diuini verbi penetrare non possumus, potestati sancti Spiritus humiliter referuamus, ut non superbe quis audeat, vel contemnere, vel denuntiare quod non intelligit, sed hoc igni tradat, cum sancto Spiritui referuat. Credat tamen indubitanter, ut Augustinus explanat, quod sermo diuinus dicit, ad cuius mysterium penetrare intelligendo non sufficit: quoniam, ut beatus Cælestinus in decretis suis dicit, profundiores, difficilioreſque partes incurrentium quæſtionum, Post epist. viii. in fine quas latius pertractarunt qui hæreticis restiterunt, sicut non audeamus contemnere, ita non necesse habemus adstruere.] At si quis hanc commonitionem nostram, auctoritate scripturarum & orthodoxorum Ecclesiæ præpositorum fultam, non obaudierit, quoniam sacri Antiocheni canones, spiritu Dei conditi, & ut Leo dicit, Can. xvi. totius mundi reuerentia consecrati, decernunt perfectum esse Concilium, ubi Metropolitanus cum suis Suffraganeis interfuerit.] & item S. Leo ad Maximum Antiochenum Episcopum scribit, Quidquid Epist. xxvi. sub finem. inquit præter speciales causas synodaliū Conciliorum ad examen Episcopale defertur, potest habere diiudicandi rationem, si nihil de eo est à sanctis patribus apud Nicæam diffinitum. Nam quod ab illorum regulis & constitutione discordat, Apostolicæ sedis nunquam poterit obtinere consensum.] Et sacri Nicæni canones, eosque sequentes Antiocheni & Chalcedonenses, huiusmodi quæſtiones, quæ per prouincias oriuntur, iubent discutere, & si quæ fortassis emerſerint in prouincialibus Synodis singula quæque corrigere. Agathense Concilium capite trigesimo octauo decreuit, dicens, Monachos, quos verborum increpatio non emendauerit, etiam verberibus statuimus coerceri.] Quod & sancta regula, eodem Spiritu sancto, quo & sacri canones in venerandis Conciliis, per os beati Benedicti promulgata, secundo capitulo iubet. indisciplinatos scilicet & inquietos durius arguere, & improbos, & duos ac superbos vel inobedientes verberum vel corporis castigatione in ipso initio peccati coercere, sicut scriptum est, Stultus verbis non corrigitur, & percutit filium tuum virga, & liberabis animam eius à morte. Memores igitur promissionis suæ doctrinam communis patris nostri beati Benedicti sequantur, qui in sexto regulæ capitulo ex prophetico testimonio dicit, Si inquit à bonis eloquiis interdum propter taciturnitatem debet taceri, quanto magis à malis verbis propter poenam peccati debet cessari? Quid enim peius potest dici, quàm fidei symbolum à Christo traditum, & ab Apostolis Apostolorumque successoribus prædicatum, in magno Nicæno Concilio mystico sacerdotum numero confirmatum, pestilentissimè, pertinaciter, & ex studio violare atque conuellere, cum scriptura dicat, *Sine fide impossibile est placere Deo?* Et quia in tam maxima causa, quæ illa magni Petri rectæ confessionis petra est, supra quam Dominus fundauit Ecclesiam suam, cui

dedit clauēs regni cælorum, omniumque bonorum est fundamentum, ignoranter non valent offendere, si per contemptum deinceps offenderint, quod dicimus satis inuiti, quem non correxerint verba, suscipient verbera, & cum gradus priuatione, atque à corporis & sanguinis Christi separatione, vt Gothescalcus pertinacissimus damnatus est, condemnabitur exilij vel ergastuli relegatione. quatenus sicut Apostolicæ sedis statuta decernunt, qui contra statuta tenere tentauerit, & prohibita fuerit ausus admittere, à suo se nouerit officio submouendum, nec communionis nostræ futurum esse consortem qui socius esse noluit disciplinæ, & cum eo habeat partem cuius sequi delegit errorem. Sed & regula sanctæ professionis monachorum capitulo vigesimo sexto decernit, vt talibus se quolibet modo inconsultè coniungens sortiatur excommunicationis vindictam. Vnde scire fideliter quisquis fidelis debet, quoniam licet aut præpositorum Ecclesiæ scientiam latens, aut desidiam vel negligentiam, seu eludens, aut potestatem modo quolibet subterfugiens, ab his iudicialibus sententiis à Spiritu sancto, qui scrutatur etiam profunda Dei & replet orbem terrarum, decretis ante oculos humanos euaserit, in conspectu tamen Dei, cuius oculis nuda & aperta sunt omnia, & qui fecit quæ futura sunt, per eorum iudicia quibus dixit, *Non vos estis qui loquimini, sed spiritus patris vestri, qui loquitur in vobis*, & *accipite Spiritum sanctum, quorum remiseritis peccata remittentur eis, & quorum retinueritis retenta sunt*, quique in cælo cum eo regnant, & in terris miraculis coruscant, & vt beatus Leo scribit, adhuc nobiscum in suis constitutionibus viuunt, permanens in pertinacia sua ligatus exhibit de isto sæculo, nisi per dignos pœnitentiæ fructus Ecclesiasticæ communioni Episcopali auctoritate fuerit restitutus. Pontificalis verò auctoritas, & regia potestas, necnon & quique præfecti Ecclesiæ, id est presbyteri & monasteriorum rectores, pro certo sicut credimus sciunt ex sacra lectione, vbi inter alia desidiam Heli sacerdotis erga peccatores filios suos terribiliter multatam legunt, & scriptum de quodam rege inueniunt, *Quia dimisisti*, videlicet sine ultione debita, *virum morte dignum, erit anima tua pro anima illius, & populus tuus pro populo illius*. sicut sanctus Gregorius ad Eusebium Archiepiscopum scribit, *Qui non corrigit refecanda, committit.* Et sanctus Augustinus ex sententia beati Pauli Apostoli, qua dicit, *Nolite communicare operibus infructuosis tenebrarum, magis autem & redarguite*, in sermone de verbis Evangelij eodem sensu explanat, Non inquires negligentes sitis in corrigendis vestris, ad curam scilicet vestram quoquo modo pertinentibus, monendo, docendo, hortando, terrendo. Quibuscumque modis potestis agite, ne cum inuenitis in scripturis & in exemplis sanctorum, siue qui antè, siue qui post aduentum in hac vita fuerunt, quod mali bonos in vnitatem non maculant, efficiamini pigri ad corrigendos

Matt. 18. 20

Ioan. 10. 22

3. Reg. 20.

42.

Lib. vii.

epist. 6.

Ephes. 5. 11.

Serm. xviii

rigendos malos. Duobus modis non te maculat malus, si non consentias & redarguas, hoc est non communicare, non consentire. & quia parum erat non consentire, si sequeretur negligentia disciplinæ, *Magis autem*, inquit, & *redarguite*. Non ergo consentientes sitis malis, ut non approbetis: neque negligentes, ut non arguatis: neque superbientes, ut insultanter arguatis.] Et item ex Sermone de verbis Euangelij, exponens Apostolum dicentem, *Propter quod exite de medio eorum, & separamini, dicit Dominus*, Quid est, inquit, exire inde, nisi facere quod pertinet ad correptionem malorum, quantum pro vniuscuiusque gradu atque persona salua pace fieri potest? Displicuit tibi quod quisque peccauit, non tetigisti immundum: redarguisti, corripuisti, monuisti, adhibuisti etiam, si res exegit congruam & quæ unitatem non violet disciplinam, existi inde.] Et ex Sermone de generalitate eleemosynarum, exponens sententiam, *Da misericordiam, & ne suscipias peccatorem*, Duo, inquit, ista nomina, cum dicimus homo peccator, non utique frustra dicuntur. Quia peccator est, corripe: & quia homo est miserere. nec omninò liberabis hominem, nisi eum persecutus fueris peccatorem. Huic officio omnis inuigilat disciplina, sicut cuique regenti apta & accommodata est, non solum Episcopo regenti plebem suam, sed etiam pauperi regenti domum suam, marito regenti coniugem suam, patri regenti prolem suam, iudici regenti prouinciam suam, regi regenti gentem suam. Omnes hi, cum boni sunt, eis quos regunt bene utique volunt. Et serui iuxta impertitam ab vniuersorum Domino potestatem, qui etiam regentes regentes regit, dant operam ut iidem ipsi quos regunt, & conseruentur homines, & pereant peccatores. Ita implent quod scriptum est, *Da misericordiam, & ne suscipias peccatorem*, ne hoc in illo saluum quod peccator est velint. Et impiis & peccatoribus redde vindictam. Et hoc ipsum quod impij & peccatores sunt, deleatur in eis. *Benefac humili*, propter hoc quod humilis est, & *ne dederis impio*, propter hoc quod impius est, quoniam & altissimus odio habet peccatores, & impiis reddet vindictam. Qui tamen, quia non solum peccatores & impij verum etiam & homines sunt, facit oriri solem suum super bonos & malos, & pluit super iustos & iniustos. Ita nulli homini claudenda est misericordia, nulli peccatori impunita peccata relaxanda sunt.] Et in Tractatu Psalmi centesimi vigesimi noni, Quisquis consenserit peccatori, non alienis sed suis grauatur. Consentis enim, & peccatum alterius tuum fit peccatum, & non est quare queraris quod te peccata aliena premant. premunt te, sed tua.] Et in libro de Correptione & Gratia, Videte ne quis malum pro malo alicui reddat: Vbi intelligendum est, tunc potius malum pro malo reddi, si corripiendus non corripitur, sed praua dissimulatione negligitur. Dicit enim, *Peccantes coram omnibus corripe, ut ceteri timorem habeant*. Quod de his

2. Cor. 6.17

Incipit,
Sunt qui
existimant.
Eccli. 12.41

In fine lib.

1. Tim. 5.26

Matt. 18. 15.

peccatis accipiendum est quæ non latent, ne contra Domini sententiam putetur locutus. Ille enim dicit, *Si peccauerit in te frater tuus, corripe eum inter te & ipsum solum.* Verumtamen & ipse seueritatem correctionis eo usque perducit, ut dicat, *Si nec Ecclesiam audierit, sit tibi sicut ethnicus & publicanus.* Quia pastoralis necessitas habet, ne per plures serpent dira contagia, separare ab ouibus sanis morbidam, ab illo cui nihil impossibile ipsa forsitan separatione sanandam.

Leo ep 81.

Vnde etiam formam regiarum potestati sanctus Leo ad Leonem Augustum scribens hoc modo demonstrat, Cum, inquit, clementiam tuam Dominus tanta sacramenti sui inluminacione ditauerit, debes incunctanter aduertere, regiam potestatem tibi non ad solum mundi regimen, sed maximè ad Ecclesiæ præsidium esse collatam, ut ausus nefarios comprimendo, & quæ bene sunt statuta defendas,

Post alia.

& veram pacem his, quæ sunt turbata restituas. Sacerdotalem namque & Apostolicam tuæ pietatis animum etiam hoc malum ad iustitiam ultionis debet accendere, quod Constantinopolitanæ Ecclesiæ puritatem pestilenter obscurat, in qua inueniuntur clerici quidam hæreticorum sensui consonantes, & intra ipsa catholicorum viscera assertionibus suis hæreticos adiuuantes. In quibus deturbandis, si frater meus Anatolius cum nimis benignè parcat segnior inuenitur, dignamini pro fide vestra etiam istam Ecclesiæ præstare medicinam, ut tales non solum ab ordine clericatus, sed etiam ab urbis habitatione pellantur, ne ulterius sancti Dei populi peruersorum hominum contagio polluantur.] Nos quoque pastores & doctores nobis commissarum plebium, & Episcopi ac gubernatores Ecclesiæ, atque monasteriorum rectores, qui vocantur Abbates, ad nos ipsos redire debemus, & diligenter attendere, quia si inebriatus est gladius Dei in cælo, & ut magnus Petrus dicit, *Si Angelis peccantibus Dominus non pepercit, sed rudentibus inferni detractos in tartarum tradidit in iudicium cruciandos reseruari*, nec nobis parcat fide & actibus à se apostatantibus, sicut nec sacra Concilia, ut in eis valeamus relegere, pepercerunt Episcopis etiam nominatissimarum sedium, videlicet Alexandrinæ, Antiochenæ, Hierosolymitanæ, Constantinopolitanæ, Nicomediæ. Insuper & Honorium magnæ Romæ Papam, quia contra fidem sensisse, & prauè sentientibus consensisse detectus ac euidentissimè comprobatus est, sicut in sexta Synodo inuenitur, etiam post mortem anathematizauerunt, in hoc sæculo manifestata culpa, iusto Dei concordantes iudicio, quod iam egerat in occulto. Nam si idem Honorius hoc in præsentis sæculo non meruisset, & cum ipso merito de hoc sæculo non exisset, sibi potius quàm illi nocerent maledictum iaculantes, non iudicio iustitiæ, sed liuore, vel temeritate. sicut bona facta pro defunctis suis potius eis profunt qui illa faciunt, quàm illis pro quibus fiunt: si tamen ipsi defuncti in hac vita non meruerunt, ut eis in illa vita

1. Pet. 2. 4.

est gladius Dei in cælo, & ut magnus Petrus dicit, *Si Angelis peccantibus Dominus non pepercit, sed rudentibus inferni detractos in tartarum tradidit in iudicium cruciandos reseruari*, nec nobis parcat fide & actibus à se apostatantibus, sicut nec sacra Concilia, ut in eis valeamus relegere, pepercerunt Episcopis etiam nominatissimarum sedium, videlicet Alexandrinæ, Antiochenæ, Hierosolymitanæ, Constantinopolitanæ, Nicomediæ. Insuper & Honorium magnæ Romæ Papam, quia contra fidem sensisse, & prauè sentientibus consensisse detectus ac euidentissimè comprobatus est, sicut in sexta Synodo inuenitur, etiam post mortem anathematizauerunt, in hoc sæculo manifestata culpa, iusto Dei concordantes iudicio, quod iam egerat in occulto. Nam si idem Honorius hoc in præsentis sæculo non meruisset, & cum ipso merito de hoc sæculo non exisset, sibi potius quàm illi nocerent maledictum iaculantes, non iudicio iustitiæ, sed liuore, vel temeritate. sicut bona facta pro defunctis suis potius eis profunt qui illa faciunt, quàm illis pro quibus fiunt: si tamen ipsi defuncti in hac vita non meruerunt, ut eis in illa vita

Synodi VI.
A. & XIII.

suorum viuentium benefacta prodesse præualeant. Legite beatum Augustinum in sententiis Apostoli epistolæ ad Thessalonicenses, & sanctum Gregorium hinc Apostolicè differentem, Sed & pia mater Ecclesia pro omnibus in Christo, id est in vnitate catholicæ pacis ac fidei, & in communione corporis ac sanguinis redemptoris ac saluatoris nostri quiescentibus, verum & singulare sacrificium offert. quorum derogationem non patitur, vt sanctus Cælestinus ad Gallicanos scribit Episcopos dicens, Nefas est hæc pati religiosas Epist. viii. animas, quarum afflictione, quia membra nostra sunt, nos quoque conuenit macerari, quamuis maneat his beatitudo promissa, quicumque probantur persecutionem propter iustitiam sustinere, quibus quid promittat Dominus in futurum sequens sermo declarat.] quoniam ipsorum est, inquit, regnum cælorum. Vnde constat, vt Felix Papa dicit, & ex epistola sancti Augustini ad Bonifacium discimus, periculosum esse de eorum meritis iudicare, qui nos iam ad Dominum præcesserunt, nisi quorum manifesta sunt scelera, vel à recta fide apostasia, id est à Deo discessio, & in eis vsque in finem perseuerantia.] Illum enim tantum, si etiam non iudicetur ab homine, sequetur anathema, id est à Deo alienatio, qui perseueranter in vita ista fide vel operibus manet apostata. Quapropter attendentes sanctæ scripturæ sententias, quibus dicunt, *Medice cura te-
sum, &, qui prædicas non furandum furaris,* qui abominaris idola sa- Luc. 4. 27.
Rom. 2. 21. crilegium facis, caueamus qui alios corrigere & docere debemus, vt non sacrilegè sacras scripturas interpretemur, sicut Arrius, Macedonius, Nestorius, & Eutyches agere præsumpserunt, vnde ultione diuina & censura canonica, Arrius in Nicæna, Macedonius in Constantinopolitana, Nestorius in prima Ephesina, Eutyches apud Chalcedonam, cum omnibus eorum complicitibus & fautoribus sunt damnati. Caueamus vt scripturas non detruncemus, nec quiddam in eis, ad concinnandum confirmandumque mendacium, propter nostram statuendam sententiam, contra catholicam fidem interponamus, & inueniamur contra Paulum Apostolum adulterantes verbum Dei. Reuereamur etiam ne veniat super nos quod dicit Ioannes Apostolus in Apocalypsi, *Contestor,* inquiens, *omni audienti verba prophetiæ* Apoc. 22. 18. *libri huius, si quis apposuerit ad hæc, apponet Deus super illum plagas scriptas in libro isto, & si quis diminuerit de verbis libri prophetiæ huius, auferet Deus partem eius de libro vitæ, & de ciuitate sancta de his quæ scripta sunt in libro isto.* Hæc propter infalsatores dixit, non propter eos qui simpliciter quod sentiunt dicunt, in nullo prophetia mutilata vel vitiata. Apocalypsim quippe Iesu Christi tradunt doctores catholici recapitulationem & clausulam esse totius sanctæ scripturæ, & per hoc nomen omnem canonicam intelligi debere scripturam, sicut & hoc quod ibidem scriptum est *testimonium Iesu* interpretantur spiritum prophetiæ veteris ac noui Testamenti. Quidquid enim

spiritus prophetiæ dixit, testimonium est Iesu, qui sicut scriptum est, *testimonium habet à lege & prophetis*. Et ipse dicit Apostolis, ac per hoc omnibus Apostolicis viris, qui vel verbo, vel scripto, vel etiam recta operatione, aut pro eius nomine passione, illi testimonium perhibent, *Et vos, inquit, mihi testimonium perhibebitis, qui ab initio mecum estis*. Sicut & promissio illius veridica de omnibus suis est ritè intelligenda, qua dixit, *Ecce ego vobiscum sum omnibus diebus usque ad consummationem sæculi*. Cuius testimonium, id est sacræ scripturæ explanationum ipsiusque explanatorum, Theodorus in quinta Synodo, & Macarius in sexta Synodo detractores, & falsitatem appositores inuenti atque conuicti, ab Episcopali gradu depositi, atque cum suis complicibus condemnati, & perpetuo exilio sunt relegati. Timeamus etiam sententiam sancti Cælestini Papæ, Nestorio Constantinopolitano Episcopo scriptam, cui dixit, Itaque, inquit, quamuis iam frater Cyrillus te epistolis suis asserat conuentum, intelligas volo, post primam & secundam illius, & hanc correctionem nostram, quam constat esse iam tertiam, ab vniuersitate collegij & conuentu Christianorum prorsus esse disiunctum, nisi mox quæ maledicta sunt corrigantur, & nisi in eam viam redeas, quam se Christus esse testatur. Malè in hunc arma desperatione mouisti, qui te super familiam suam velut fidelem prudentemque seruum permiserat antè constitui. Perit tibi huius officij beatitudo promissa, qui non solum non das cibum in tempore, verum etiam veneno interficis, quos ille suo sanguine & sua morte quæsiuit.] Et de his quidem satis sit dictum. Restant autem adhuc plura de Gothescalci blasphemias, contra quæ non disputatoris officio, sed simplicium prouidentes auxilio, sicut præcedentia, sic & hæc quæ sequuntur de patrum catholicorum dictis collegimus, ne videremur à nescientibus in responsione ad omnes Gothescalci nānias defuisse: cum S. Petrus iubeat nos paratos esse, quolibet modo pulsemur, ad satisfactionē omni poscenti. Denique post præmissas suas in Deum blasphemias, contra quas ex catholicorum doctorum sententiis, & generalium Synodorum iudiciis, suprà respondimus, Gothescalcus subnexuit dicens,

II.

—Qui credunt atque dicunt quod non possit auctoritatiuè neque verè dici deitas trina, cernant & legant in libro de sancta synodo, qui scriptus est in Græco, scilicet Constantinopoli sub iuniore Constantino, à centum quinquaginta patribus iure damnatos & anathematizatos Arrianos colentes *τρεῖς θεότητες* id est tres deitates, & tamen in ipso consequenter continetur volumine, in Edicto scilicet Constantini, conglorificandam trinam deitatem.

XP. Hic & ipse se redarguit, & compilatorem esse ostendit, quia illum ipsum librum & tres deitates respuere, & profiteri trinam deitatem conglorificandam, quasi receptibiliter dicit. Nam in epistola Agathonis Papæ ad præfatum Constantinum & consortes imperij

Synodi VI.
Act. IV.

fui directa, & in eadem Synodo recitata, ita habetur, Hic igitur status est Euangelicæ atque Apostolicæ nostræ fidei, regularisque traditio, ut confitentes sanctam & inseparabilem Trinitatem, id est patrem & filium & Spiritum sanctum, vnius esse deitatis, vnius naturæ & substantiæ, siue essentiæ, vnius eam prædicemus & naturalis voluntatis, virtutis, operationis, dominationis, maiestatis, potestatis & gloriæ, & quidquid de eadem sancta Trinitate essentialiter dicitur, singulari numero tanquam de vna natura trium consubstantialium personarum comprehendamus regulari ratione hoc instituti.] Et item in alia epistola eiusdem Papæ, ad locum eiusdem Epistolæ ita habetur, Trinitatem in vnitatem & vnitatem in trinitate, vnitatem quidem essentiæ, trinitatem verò personarum siue subsistentiarum, Deum patrem confitentes, Deum filium, Deum Spiritum sanctum non tres Deos, sed vnum Deum Patrem & filium & Spiritum sanctum, non trium nominum substantias, sed trium subsistentiarum vnam substantiam, quorū vna essentia, siue substantia, vel natura, id est vna deitas, vna æternitas, vna potestas, vnum imperium, vna gloria, vna adoratio, vna essentialis eiusdem sanctæ & inseparabilis Trinitatis voluntas, & operatio, quæ omnia condidit, dispensat, & continet.] Et in Epistola Sophronij Hierosolymitani Episcopi, ab Apostolica sede & ab eadem Synodo receptissima, Trinitatem, inquit, in vnitatem credimus, & in vnitatem trinitatem glorificamus: trinitatem quidem pro tribus subsistentiis, vnitatem autem propter singularitatem deitatis.] *Et item*, Ideo bene à deiloquis sancitum est, vnitatem quidem nos sapere, vna & singulari deitate & identitate essentialis atque naturalis dominationis, trinitatem autem tribus inconfusis subsistentiis, & diuersitatem ter numerandæ personalis alternitatis.] *Et paulo post*, Hoc ipsum quippe & vnum est, & tria creditur, & tria prædicatur, & vnum veraciter annunciat: & neque vnum quod erga vnum est tria recipitur, neque tria secundum quod tria sunt vnum aduertitur.] Et hoc modo pluraliter in eadem Epistola idem catholicus doctor explanauit. Et in Edicto superscripti Constantini, quod ad suam confirmandam sententiam Gothescalcus commemorauit, ita scriptum habetur, Credimus in patrem & filium & Spiritum sanctum, Trinitatem in vnitatem, & vnitatem in Trinitate, vnam substantiam in tribus subsistentiis, vnitatem quidem propter naturalem vnionem ac dominationem, Trinitatem verò propter trium subsistentiarum perfectionem & diuitias superexistentis bonitatis. Vnitas quippe verè est Trinitas, quia vnita est deitate, & Trinitas verè est vnitas diuisa proprietatibus, & non dispersita æternitate. ipsa etenim sibi consempiterna est, & essentia æqualis honoris est. Nec enim extitit sæculum, quando cum patre non erat & filius. cuius vtique vocabatur pater, si non simul cum eo erat sine principio filius? nec erat

Synodi vi.
Act. iv.Synodi vi.
Act. xi.Synodi vi.
Act. xviii.

cum vtrisque Spiritus sanctus. Vnus igitur hæc tria Deus, quia cum in inuicem intelliguntur, sola singillatim differentia in communitate essentiae inseparabiliter discernente vnamquamque personam, solus proinde pater pater est, solus filius filius, solus Spiritus sanctus Spiritus sanctus. His etenim differentiis non conuertuntur ad inuicem, sed in his quidem inseparabiliter diuiduntur, communicant autem essentiae vnitatem. Trinitas simplex & impartita atque incomposita ex tribus perfectis, ex seipsa perfecta & superperfecta, vna natura atque deitate, & vna voluntate, vnaque operatione glorificanda. Quorum igitur vna natura est, horum voluntas & operatio vna est, sicut nos docuit Dei cultor Basilius.] Et post plura ipsius Edicti, ita scriptum in nouo codice habetur, Amplectimur sanctas & vniuersales quinque synodos, quæ in Nicæa trecentorum decem & octo patrum, qui aduersus Arrianam confederunt insaniam, qui cooperante trina & conglorificanda deitate sacrum fidei symbolum terminarunt.] Hoc nomen feminini generis adiectiuum ac mobile, quod hic est impositum *Trina*, à Gothescalco quando præfatus liber in monasterio Altiuillaris, vbi ipse morabatur, ex authentico, quem mihi Petrus Episcopus Aretinus commodauerat, scriptus fuit, adulteratum credimus, sicut multoties ab aliis hæreticis factum legimus. Quoniam alibi ter conglorificanda deitate reperimus, quod idem est ac si Trinitatis conglorificanda deitate dicatur, sicut & in huius libri superioribus demonstratur. Dat quoque nobis certum indicium Gothescalcum falsasse hunc librum, quia per idem tempus quando hic codex in monasterio Altiuillaris scriptus fuit, Ratramnus Corbeie monachus, sicut iam longè superius diximus, ad Hildegarium Meldensem Episcopum, ex libris sanctorum Hilarij & Augustini de Trinitate, non modicæ quantitatis volumen compilauit, volens asserere trinam esse deitatem, cuius compilatio euidenter compilatoris sui demonstrat mendacium. Sed & liber sancti Augustini contra quinque hostium genera, sicut idem in eodem libro dicit, id est contra Paganos, Iudæos, Manichæos, Sabellianos, & Arrianos, à quodam, qui hinc videlicet quia trina deitas catholicè potest dici contendebat, tunc temporis regi datus fuit, quem comperimus falsatum hoc modo. Nam cum quadam die haberemus sermonem de vnitatem deitatis, patris & filij & Spiritus sancti, inter alia diximus beatum Augustinum multoties in libro quinto de Trinitate dicere, Quod quidquid ad se id est substantialiter de Deo dicitur, singulari numero & de singulis & de tribus simul personis sit efferendum. Quo contra vnus ex his cum quibus inde sermonem habuimus, non contentiosa intentione, sed fortè putans Augustinum ita dixisse, de hoc libro testimonium protulit, dicens quòd veritas essentielle sit nomen, dicente Domino, *Ego sum veritas*. vnde idem Augustinus scripsit, vna & trina veritas. Quod audiens, librum domino regi

Augustini
liber falsatus.

Sub finem
libri.

datum ab eo accepi, & perlegens inueni, ab eo loco ipsius libri, ubi sanctus Augustinus dicit, Gratias tibi Deus virtus, gratias tibi Deus pater, qui & filium tuum ostendisti, & mihi doctorem dedisti, interpositum esse ab adulterante, Gratias tibi Deus, gratias tibi vera & vna Trinitas, vna & trina veritas, trina & vna vnitas: & post hæc quod posuit Augustinus subiunctum, Gratias tibi Deus pater, qui & filium tuum ostendisti, & mihi doctorem dedisti. Quod relegendus valde miratus fui, quoniam talia in eodem libro, nec vsquam in cuiusquam catholici opere, minimè autem in beati Augustini inueneram. Quapropter de pluribus ciuitatibus ac monasteriis vetustissimos codices in vnum afferri feci, per quos falsitatis sacrilegium, & sacrilegum manifestissimè deprehendi. Inter quos vetustissimos libros, de quibusdam monasteriis allati sunt etiam mihi nouiter scripti quaterniones, in quibus hanc falsitatem insertam inueni, & diligentius ac sollicitius perscrutatus comperi, omnes illos quaterniones de eodem fonte cœnoso, de quo & domno regi datus liber falsatus fuerat transcriptus, riuulo fraudulento manasse. Et quia in proximo futura erat Synodus quinque prouinciarum, videlicet Remorum, Rotomagorum, Turonum, Senonum, & Lugdunensium, apud Suefforum ciuitatem, in præsentia domni Caroli regis gloriosi & Episcoporum qui ad eandem Synodum conuenerant, & librum falsatum & authenticos ac veros & vetustissimos codices protuli, & vnicuique Episcopo, sed & illi qui simpliciter falsatum codicem regi dederat, librum authenticum ad inspiciendum dedi, & hoc diploma coram omnibus in eadem Synodo relegi feci, sicut hîc sequitur scriptum. Augustinus in libro tertio de doctrina Christiana dicit, Cum verba propria faciunt ambiguum scripturam, primò videndum est, ne malè distinxerimus, aut pronunciauerimus. Cum ergo adhibita intentio incertum esse peruiderit, quomodo distinguendum, aut quomodo pronunciandum sit, consulat regulam fidei, quam de scripturarum planioribus locis & Ecclesiæ auctoritate percepit. Quòd si ambæ, vel etiam omnes si plures fuerint, partes ambiguitatis secundum fidem sonuerint, textus ipse sermonis à præcedentibus & consequentibus partibus, quæ ambiguitatem illam in medio posuerunt, restat consulendus, ut videamus cuius sententiæ de pluribus quæ se ostendunt ferat suffragium, eamque sibi contexi patiatur.] Obediamus ergo consilio & doctrinæ beati Augustini, & primò videamus quæ hîc in hoc libro interposita sunt, & tunc demum præcedentia & subsequenta inspiciamus. Hîc interpositum est, *Gratias tibi, vera vna Trinitas, vna & trina veritas, trina & vna vnitas.* in præcedentibus scriptum est, *Gloria in excelsis Deo, & in terra pax hominibus,* non diuisoribus sanctæ vnitatis, sed hominibus bonæ voluntatis. *& item, Æternitas vna est,* atque substantia. dico quia pater & filius Deus, dico quia vnum sunt,

dualitas in prole, vnitas in deitate. alterum facit vnus natiuitas, sed vnum ostendit diuinitas: cum dico filius, alter est, cum dico Deus, vnus est. Erubescite Arriani. Tunicam hominis iam iudicati in cruce pendentis carnifices Pilati non sunt ausi conscindere, & vos conamini caritatem Dei in cælo sedentis, immo ipsam caritatem Deum diuidere. Sed conamini, quantum potestis, conamini: vos in infernum ruiſtis, iam non eam rumpetis. Et in subſequentibus ſcriptum eſt, Homo iſte modò venit, mundum ſubuertit, & fidei vnitatem ſcindit, Trinitatem diuidit.] *& item*, Qui Spiritum ſanctum à patre & filio æternitate, ſubſtantia, vel communionem ſeparat, cumque negat Spiritum eſſe patris & filij, plenus eſt ſpiritu immundo, vacuus eſt Spiritu ſancto. Ideo enim dicitur Deus caritas, quia non partibus diuidit vnitatem, ſed ineffabiliter coagulat Trinitatem. Ipſa eſt enim Trinitas vnus Deus, turris fortitudinis à facie inimici, qui credentes in ſe cuſtodit.] Hæc præcedentia & ſubſequentia catholica beati Auguſtini verba, omnibus catholicis & rectæ fidei concordantia, euidenter oſtendunt, iſta verba, quæ hîc ſunt interpoſita, ab Auguſtino non fuiſſe prolata, ſed ab adulterante verbum Dei & catholicam fidem hîc per impoſturam immiſſa. Et iterum, ſecundum eiſdem beati Auguſtini conſilium & doctrinam, fidei regulam conſulamur. Fides, inquit Athanaſius, catholica hæc eſt, vt vnum Deum in trinitate ſcilicet perſonarum, & trinitatem videlicet perſonarum in vnitatem deitatis veneremur, neque confundentes perſonas, vt tres non ſint, neque ſubſtantiam ſeparantes, vt trina ſit, quia alia eſt perſona patris, alia filij, alia Spiritus ſancti, ſed patris & filij & Spiritus ſancti vna eſt diuinitas, id eſt deitas, quæ vt idem Athanaſius & Ambroſius & idem Auguſtinus dicunt, Trinitatis eſt vnitas. Inquiramus etiam, ſecundum edicta Imperatorum, per anteriores & veraciores teſtes quos teneris in manibus, ſi quid ambiguitatis reſiduum eſt de hac re certiſſima veritatem. Et quoniam lex dicit, quod & Dominus in Euangelio firmat, *in ore duorum vel trium teſtium ſtare omne verbum*, & Apoſtolus in accuſatione præſbyteri totidem teſtes requirit, & Nicænum Concilium aduerſus neophytum Epiſcopum iuxta Apoſtolicam doctrinam eiſdem numeri teſtes quærit, & lex publicæ rei ſeptem poſtulat, donec plures producamus, horum non modò ſeptem, verum & ampliùs quatuordecim veterum & anteriorum teſtium adſtipulatione, in quibus de iſta ſuper interpoſita beato Auguſtino falſitate nihil habetur, his quæ præmiſimus beati Auguſtini verbis fidem adhibeamus, & ab hoc falſitatis næuo patefacta veritate innoxium eſſe credamus. Et hæc perlecta ſchedula, & inſpectis veris libris & antiquiſſimis, qui de hac falſitate inuenti ſunt nihil habere, probatum eſt adulteratum fuiſſe hunc quem prædiximus beati Auguſtini librum. Et poſt hæc idem qui falſatum librum regi dederat dixit, Vos quæ dico patienter

ter audietis. & protulit testimonium beati Ambrosij de deitate Trinitatis, ad confirmandam quæ inuenta est in beati Augustini libro imposturam. Quod testimonium catholicissimum eidem imposturæ manifestissimè contradixit. & omnes mirati fuimus, cur tale protulerit testimonium, quod eandem sententiam non solum non confirmauerit, verum vt falsitatem veritatis infirmauerit. Deinde dixit in præstito sibi libro beati Augustini, qui titulatur De verbis Domini, inuenisse superscriptionem Sermonis eius *De vna Trinitate, trinæque unitate*. Itémque mirati fuimus superscriptionem tantummodo illum attendisse, & non quæ in eodem Sermone à beato Augustino catholicè dicta sequerentur intelligenter legisse. Nam vulgò loquens contra Sabellianos & Arrianos dicit in eodem Sermone, Serm. LXIII
de verbis
Domini
cap. 1.2. Habemus, inquit, distinctam Trinitatem. & si consideremus loca, audeo dicere, quamuis timidè id dicam tamen audeo, quasi separabilem Trinitatem.] Cap. 2. *& paulo post*, Tria hæc quasi separantur locis, separantur officiis, separantur operibus.] Et hoc modo, siue hoc sensu, tropo illo qui metonymia id est transnominatio dicitur, titulus huius Sermonis sonat *De vna Trinitate, trinæque unitate*. Et post Cap. eodē. præmissa, beatus Augustinus mox in eodem Sermone subiunxit, Dicat mihi aliquis, ostende inseparabilem Trinitatem.] *& post paululum*, Ipsa tamen fide rectissimè ac robustissimè retinemus, patrem Cap. eodē. & filium & Spiritum sanctum, inseparabilem esse Trinitatem, vnum Deum non tres Deos : ita tamen vnum Deum, vt filius non sit pater, vt pater non sit filius, vt Spiritus sanctus nec pater sit nec filius, sed patris & filij Spiritus. Hanc ineffabilem diuinitatem apud seipsam manentem, omnia innouantem, creantem, recreantem, mittentem, reuocantem, iudicantem, liberantem, hanc ergo Trinitatem ineffabilem simul nouimus & inseparabilem] *& item*, Vbi est Cap. eodē. inseparabilis Trinitas ? Quando ergo istum sensum à multis extraho, & ad vnum Deum Trinitatem inseparabilem colligo, vt aliquid videam quod dicam.] *& post multa*, Ultra locos corporales est diuinitas. nemo eam tanquam in spatio requirat. vbique inuisibilis & inseparabiliter adest, non in parte maior, non in parte minor, sed vbique tota, nusquam diuisa. Quis videt hoc ? quis capit hoc ? Compescamus nos, meminerimus qui vnde loquimur. illud & illud, quid quid est quod Deus est, piè credatur, sanctè cogitetur, & quantum datur, quantum potest, ineffabiliter intelligatur.] *& item post aliquanta*, Tria hæc sunt in te, quæ potes numerare, & non potes separare. Hæc ergo tria, memoriam, intellectum, voluntatem, hæc, inquam, tria animaduerte separatim pronunciari, inseparabiliter operari.] *& item post plurima*, Credo patrem & filium & Spiritum sanctum, per signa quædam visibilia, per species quasdam assumptæ creaturæ, posse & separabiliter demonstrari, & inseparabiliter operari. Sufficit hoc, non dico pater memoria est, filius intellectus est, Cap. 7.
Cap. 10.

Spiritus voluntas, non dico quomodolibet intelligatur, non audeo. Seruemus maiora sapientibus, infirmis infirmi quid possumus? Non ista dico illi Trinitati velut æquanda, quasi ad analogiam, id est ad rationem quandam comparationis dirigenda. Non hoc dico, sed quid dico? Ecce in te inueni tria inseparabiliter demonstrata, inseparabiliter operata, & eorum trium vnumquodque nomen à tribus factum, quod tamen non ad tria, sed ad trium horum vnum aliquid pertineret.] Ecce quo sensu beatus Augustinus demonstrat intelligi debere superscriptionem sui Sermonis, qui inscribitur *De vna Trinitate, trinæque unitate*. Simili sensu & in libro *De duabus animabus* adhuc presbyter scripsit dicens, Trina vnitas quam catholica Ecclesia colit, volens intelligi, sicut & ipse intellexit, vt vnitas sit in substantia, trinitas in personis. Quem librum in decimo quarto loco *Retractationum* librorum suorum se scripsisse commemorat: & in vigesimo quinto loco librum *De diuersis quæstionibus*, scilicet octoginta tribus, se egisse demonstrat, indeque in quadragésimo primo loco, librum de Trinitate, quem multo tempore & multo labore, multaque examinatione composuit, se scripsisse demonstrat. Vnde in libro quæstionum octoginta trium capitulo vigesimo quarto, de Trinitate substantiæ ac deitatis dicit quod sibi ad dicendum probabilius & tutius visum fuit. Verum & de hac quæstione in præfato *Retractationum* libro scribit quod melius in libro de Trinitate postea inde tractauerit, in quo dicit capite quarto libri primi, Omnes inquit catholici tractatores hoc intenderunt secundum scripturas docere, quod pater & filius & Spiritus sanctus vnius substantiæ inseparabili æqualitate diuinam insinuent unitatem, ideoque non sint tres Dij sed vnus.] Quod & per omnia & in omnibus, in cunctis suis libris apertissimè & constantissimè sine vlla retractatione confirmat, & in præfatione *Retractationum* librorum suorum dicit, Quapropter quicumque ista lecturi sunt, non me imitentur errantem, sed in melius proficientem. Inueniet enim fortassè quomodo scribendo profecerim, quisquis opuscula mea ordine quo scripta sunt legerit: quod vt possit, hoc opere quantum potuero curabo vt eundem ordinem nouerit.] Et hoc sensu Pelagius Episcopus vrbs Romæ postulanti Childeberto regi per Rufinum virum magnificum, vt ei scriberet si beatæ recordationis Papæ Leonis tomum reciperet, & scandalum suspicionis, quod de eo per Gallias fuerat disseminatum, à se purgaret, in sermone de fide eidem regi directo trinam unitatem & vnam Trinitatem hoc modo dicit, Credo inquit in vnum Deum patrem & filium & Spiritum sanctum. *Et post pauca*, Hoc est tres personas, siue tres substantias vnius essentiæ siue naturæ, vnius virtutis, vnius operationis, vnius beatitudinis, atque vnius potestatis, vt trina sit vnitas, & vna sit Trinitas, iuxta vocis Dominicæ veritatem

dicentis, *Ite, docete omnes gentes, baptizantes eos in nomine patris & filij & Spiritus sancti.* In nomine, inquit, non in nominibus, ut & vnum Deum per indistinctum diuinæ essentiae nomen ostenderet, & personarum discretionem suis demonstratam proprietatibus edoceret: quia dum tribus vnum deitatis nomen est, æqualitas ostenditur personarum, & rursus æqualitas personarum nihil extraneum, nihil accidens in eis permittit intelligi. ita ut vnusquisque eorum verus perfectusque sit Deus, & omnes tres simul vnus, verus, perfectusque sit Deus: videlicet ut ex plenitudine diuinitatis, nihil minus in singulis, nihil amplius intelligatur in tribus.] Et in his verbis, sicut & in superscriptis B. Augustini sententiis, manifestissime peruidetur, quia deitas, quæ trinitatis est vnitas, trina credi & dici non debet, sed propter inseparabilitatem & æqualitatem trium personarum, quæ vnum sunt deitate, inseparabilis in eisdem singulis personis tota plena & perfecta credi & dici. ac præfato intellectu superscriptio sermonis sancti Augustini, sicut ipse exposuit, debet intelligi. Et quia de his verbis, quæ catholicè à catholicis & intelliguntur & proferuntur, ab hæreticis, sicut & de pluribus sanctæ scripturæ verbis, visa feri sunt scandala, orthodoxi doctores & magistri Ecclesiæ in totum taceri voluerunt trinam vnitatem, sicut & trinam deitatem, & tres apud Latinos substantias, dicentes hoc modo, Trinitas appellatur quod fiat totum vnum ex quibusdam tribus, quasi Triunitas, videlicet trium vnitas, ut memoria, intelligentia, & voluntas, in quibus mens habet in se quandam imaginem diuinæ Trinitatis. Nam dum tria sunt, vnum sunt, quia & singula in se manent, & omnia in omnibus. Pater igitur & filius & Spiritus sanctus, Trinitas & vnitas. Idem enim vnum, idem & tria, vnum propter maiestatis communionem, tria propter personarum proprietatem. Nam alius pater, alius filius, alius Spiritus sanctus, sed alius quidem non aliud, quia pariter simplex pariterque incommutabile bonum & coæternum. Pater solus non est de alio, ideo solus appellatur ingenuitus: filius solus de patre est natus, ideo solus dicitur genitus: solus Spiritus sanctus de patre & filio procedit, ideo solus amborum nuncupatur Spiritus. Et in hac Trinitate alia sunt nomina appellatiua, alia propria sunt. Propria sunt essentialia, ut Deus, dominus, omnipotens, immutabilis, immortalis, & inde propria, quia ipsam substantiam significant, quia vnum sunt. Appellatiua verò, pater & filius & Spiritus sanctus, ingenuitus & genitus & procedens: eadem & relatiua, quia ad se inuicem referuntur. Cum enim dicitur Deus, essentia est, quia ad seipsum dicitur: cum verò dicitur pater, & filius, & Spiritus sanctus, relatiuè dicuntur, quia ad se inuicem referuntur. Nam pater non ad seipsum, sed ad filium relatiuè dicitur, quia est ei filius: sic & filius relatiuè dicitur, quia est ei pater: sic & Spiritus sanctus relatiuè dicitur, quia est patris filique spiritus. His enim appellationibus hoc signi-

Psal. 81. 6.

1. Cor. 8. 6.
Deut. 6. 4.Epist. LVII.
Damaso.

ficatur, quod ad se inuicem referuntur. Nam ipsa substantia quæ vnum sunt, proinde Trinitas in relatiuis personarum nominibus est. Deitas non triplicatur, sed in singularitate est, quia si triplicatur, deorum inducimus pluralitatem. Nomen autem deorum in Angelis & sanctis hominibus ideo pluraliter dicitur, propter quod non sint merito æquales, de quibus Psalmus, *Ego dixi dij estis*. de patre autem & filio & Spiritu sancto, propter vnā & æqualem diuinitatem, non nomen deorum sed Dei esse ostenditur, sicut ait Apostolus, *Nobis tamen vnus Deus*, vel sicut voce diuina dicitur, *Audi Israel, Dominus Deus tuus Deus vnus est*, scilicet vt & Trinitas sit, & vnus Dominus Deus sit. Fides apud Græcos de Trinitate hoc modo est: Vna *ῥοια*, ac si dicat vna natura, aut vna essentia, tres hypostases, quod resonat in Latinum, vel tres personas, vel tres substantias. Nam Latinitas propriè non dicit de Deo nisi essentiam: substantiam verò non propriè dicit, sed abusiue, quoniam verè substantia apud Græcos persona intelligitur, non natura. Et hinc sanctus Hieronymus scribens ad Damasum Papam dicit, Sufficiat nobis dicere vnā substantiam, tres personas subsistentes, perfectas, æquales, coæternas: taceantur tres hypostases, si placet, & vna teneatur. non bonæ suspicionis est, cum in eodem sensu verba dissentiant. Sufficiat nobis memorata credulitas. aut si rectum putatis tres hypostases cum interpretationibus suis debere nos dicere, non negamus: sed mihi credite, venenum sub melle latet, transfigurauit se angelus Satanæ in Angelum lucis.] & paulo superius, Et quomodo commune nomen essentiae proprium sibi vindicat Deus? Sed quia illa sola natura est perfecta, & in tribus personis deitas vna subsistit, quæ est verè, & vna natura est, quisquis tria esse, hoc est tres esse hypostases id est vsias dicit, sub nomine pietatis tres naturas conatur adserere, & si ita est, cur ab Arrio parietibus separamur perfidia copulati? Iungatur cum beatitudine tua Vrsicinus, cum Ambrosio societur Auxentius. absit hoc à Romana fide, sacrilegium tantum religiosa populorum corda non hauriant.] & item aliquanto superius, Clamamus, Si quis tres hypostases, aut tria enhypostata, id est tres subsistentes personas confitetur, anathema sit. & quia vocabula non ediscimus, hæretici iudicamur. Siquis autem hypostasim vsiam intelligens, non in tribus personis vnā hypostasim dicit, alienus à Christo est: & sub hac confessione vobiscum pariter cauterio vnionis inurimur. Discernite si placet obsecro, non timebo tres hypostases dicere. si iubetis, condatur noua post Nicænam fides, & similibus verbis cum Arrianis confiteamur orthodoxi. Tota sæcularium literarum schola nihil aliud hypostasim nisi vsiam nouit, & quisquam rogo ore sacrilego tres substantias prædicabit? Vna est Dei & sola natura quæ verè est, id enim quod subsistit non habet aliunde sed suum est. cetera quæ creata sunt etiam si videntur esse non sunt, quia aliquando

non fuerunt, & potest rursus non esse quod non fuit. Deus solus qui æternus est, hoc est qui exordium non habet, essentiæ nomen verè tenet. idcirco & ad Moysen de rubo loquitur, *Ego sum qui sum*, Exod. 3. 14. & rursus, *qui est misit me.*] Et Hilarius in libro de Synodis, *Has*, In fine lib. inquit, similitudines, quæ non ex vnitæ naturæ sunt metuo. Vereor enim, fratres, Orientis hæreses in tempora singula pullulantes.] Cauentes quippe Arrij vesaniam, noluerunt viri catholici trinam dici à quolibet vnitatem, sed vnam sanctæ Trinitatis deitatem, diuinitatem, naturam, essentiæ, atque substantiam. In quo etiam dicto, quo vna substantia prædicatur, Sabelliani insidias posuerunt, sicut item sanctus Hilarius in præfato libro de Synodis monstrat, Multi ante superiora. Multi inquit ex nobis, fratres carissimi, ita vnam substantiam patris & filij prædicant, vt videri possint non magis id piè quàm impiè prædicare. Habet enim hoc verbum in se & fidei conscientiam & fraudem paratam. Nam si secundum naturæ proprietatem ac similitudinem, vt similitudo non speciem solam afferat, sed genus teneat, religiosè vnam substantiam prædicamus, dummodò vnam substantiam proprietatis similitudinem intelligamus, vt quod vnum sunt, non singularem significet, sed æquales. æqualitatem dico, id est indifferentiam similitudinis, vt similitudo habeatur æqualitas. Æqualitas verò vnum idcirco dicitur esse, quia par sit. vnum autem in quo par significatur, non ad vnicum vindicetur. Vna igitur substantia, si non personam subsistentem perimat, nec vnam substantiam partitam in duos diuidat, religiosè prædicabitur, quæ ex natiuitatis proprietate & ex naturæ similitudine ita indifferens sit, vt vna dicatur. At verò si idcirco vnius substantiæ pater & filius dicatur, vt hic subsistens sub significatione licet duorum nominum vnus ac solus sit, confessum nomine filium conscientia non tenemus, si vnam substantiam confitentes, ipsum sibi vnicum ac singularem & patrem esse dicimus & filium.] *Et post aliquanta*, Caret igitur, fratres, similitudo naturæ contumeliæ suspicione, nec potest videri filius idcirco in proprietate paternæ naturæ non esse quia similis est, cum similitudo nulla sit nisi ex æqualitate naturæ. æqualitas autem naturæ non potest esse nisi vna sit, vna verò non vnitæ personæ sed generis. Hæc fides pia est, hæc conscientia religiosa, hic salutaris sermo est, vnam substantiam patris & filij idcirco non negare quia similis est, similem verò ob id prædicare quia vnum sunt. Exposita, carissimi, vnius substantiæ, quæ Græcè *ὁμοούσιον* dicitur, & similis substantiæ, quæ *ὁμοιούσιον* appellatur, fideli ac pia intelligentia, & vitis, quæ ex verborum vel breuitate subdola vel periculosa nuditate accedere possent, absolutissimè demonstratis, reliquus mihi sermo ad sanctos viros Orientales Episcopos dirigendus est, vt quia iam de fide nostra nihil inter nos suspensionis relictum est, ea quæ adhuc in suspensionem ex verbis veniunt purgen-

tur.] Propter has ergo fraudulentias, & laqueorum scādala, quæ Arriani in sancta Trinitate deitatis vnitati detrahentes, & Sabelliani personarum proprietati derogantes, rectis sensibus iuxta iter ponebant, patres & magistri nostri, viri catholici & doctores ac rectores Ecclesiæ, quia sicut scriptum est pertransibunt pluri & multiplex erit scientia, vnum Deum patrem, & filium, & Spiritum sanctum, videlicet Trinitatem, ὁμοούσιον, id est vnius substantiæ, vel consubstantialiæ, & inseparabilem atque indiuiduam, potius quàm trinam vnitatem & vnam Trinitatem, dicere & scribere, suisque posteris dicendam & scribendam decernendo tradere maluerunt: ne dicendo trinam vnitatem, eidem vnitati numerum qui in trina est apponentes, eandem vnitatem numerabilem facere, & vt Arriani deitatem, id est Trinitatis vnitatem diuidere viderentur, vt ex præmissis verbis sancti Hieronymi, & in hoc opusculo ex

Lib. I. ep. 41. epistola Gregorij Papæ ad Leandrum Spalensem Episcopum, cuius partem in suo loco positam lector sagax inueniet, qui volet valet colligere: & vnam Trinitatem dicendo, proprietatem trium personarum in eadem sancta & inseparabili Trinitate auferri, vt Sabelliani calumniarentur, sicut ex præcedentibus verbis sancti Hilarij qui aduertit potest cognoscere. Vnde & idem ipse sanctus Augustinus, cuius Sermo de vna Trinitate trinæque vnitatis dicitur titulus, in libro septimo de Trinitate, ac si vngue censorio, sicut de multis aliis fecerat, scribit, Nec sic inquit Trinitatem dicimus tres personas vel subsistentias, vnam essentiam & vnum Deum, tanquam ex vna materia tria quædam subsistant, etiam si quidquid illud est in his tribus explicatum sit. non enim aliquid aliud eius essentiæ est præter istam Trinitatem. tamen tres personas eiusdem essentiæ, vel tres personas vnam essentiam dicimus, tres autem personas ex eadem essentia non dicimus, quasi aliud ibi sit quod

Cap. VI. essentia est, aliud quod persona.] Et in libro decimo quinto, Numquid possumus dicere Trinitatem esse in Deo, vt aliquid Dei sit nec ipsa sit Deus? nullatenus. Sed Trinitas illa nihil aliud est tota quàm Deus, nihil aliud est tota quàm Trinitas, nec aliquid ad naturam Dei pertinet, quod ad illam non pertineat Trinitatem.] Et tres illæ personæ sunt vnius substantiæ, vnius sunt essentiæ, viamque regiam atque tutissimam in recto huius sanctæ Trinitatis intellectu, inter insidias horum latronum, Arrianorum scilicet & Sabellianorum, tenendam atque terendam. Et beatus Athanasius, sicut suprâ ostendimus, & sanctus Augustinus in libro ad Laurentium Papam de Symbolo aptissimè monstrat, dicens, Hæc est, inquit, Trinitas, vbique latens & vbique apparens, vocabulis personisque discreta, inseparabilis substantia deitatis.] Et in sermone de Spiritu sancto, quod eiusdem sit substantiæ atque deitatis cuius est pater & filius. Ipse, inquit, Dominus noster Ie-

Cap. VII.

fus Christus, cum iam glorificatus resurrexit à mortuis, in cælum
 adscensus ad patrem hoc sacramentum fidei discipulis id est A-
 postolis dereliquit. Ait enim, *Euntes baptizate omnes gentes in nomine* Matt. 28. 19
patris & filij & Spiritus sancti, docentes eos seruare omnia quaecumque man-
dauit vobis. Rerum ipsarum dictat effectus, vt trium in vna deitate
 personarum potentiam credamus.] Et in Sermonem de mysterio ba-
 ptismatis, Nemo, inquit, cum audit patrem, aut filium, aut Spiri-
 tum sanctum, tres Deos nos æstimet confiteri, quod sacrilegium ab-
 sit longè à fide nostra, quia vnum Deum esse ipso attestante cog-
 nouimus, Ego, inquit, *Deus, & non alius præter me, iustus & saluator* Esa. 45. 21.
non est præter me. conuertimini ad me, & salui eritis, quia ab extremo ter-
ra ego sum Deus, & non est alius præter me. & in alio libro, *Audi* Deut. 6. 4.
Israel, Dominus Deus tuus Deus vnus est. & rursus, *Dominus Deus hic* Deut. 4. 39.
est in cælo sursum, & in terra deorsum, & non est alius præter ipsum. Tres
 ergo personas tenemus & credimus, id est patrem & filium & Spi-
 ritum sanctum, vnius potentia, vnius substantia, vnius æternitatis,
 vnius voluntatis, vnius etiam deitatis, & totam Trinitatem vnius Dei
 appellatione veneremur. Credere autem plures Deos gentilis impie-
 tatis est. & iterum, Non credere tres personas vnius substantia in
 vna deitate, atque æqualitate vel coæternitate, hæretica dementia
 est, cum manifesta hæc sit quam diximus auctoritas Christi, *Bapti-*
zate omnes gentes in nomine patris & filij & Spiritus sancti] Et item Au- Cap. viii.
 gustinus in libro quinto capite octauo de Trinitate dicit, Illud ve-
 rò præcipuè tenendum est, quod quidquid ad se dicitur præstantis-
 sima illa ac diuina sublimitas, substantialiter dicitur: quod autem
 ad aliquid, non substantialiter sed relatiuè: tantamque vim esse e-
 iusdem substantia in patre & filio & Spiritu sancto, vt quidquid
 de singulis ad seipsos dicitur, non pluraliter in summa, sed singula- Cap. x.
 riter accipiatur.] Et item in libro quinto capite decimo, Deo non est ali-
 quid maius. Ea igitur magnitudine magnus est, qua ipse est eadem
 magnitudo. & ideo sicut non dicimus tres essentias, sic nec tres
 magnitudines. Hoc & de bonitate, & de æternitate, & de omni-
 potentia Dei dictum sit, omnibusque omnino prædicamentis quæ
 de Deo possunt pronuciari, quod ad seipsum dicitur.] Et in libro Cap. iij.
 sexto, Deo hoc est esse quod est omnipotentem esse, aut iustum
 esse, aut sapientem esse, & si quid de illa simplici multiplicitate, &
 multiplici simplicitate dixeris, quo substantia eius significetur.] &
 in libro octauo, Pater igitur & filius vna essentia, & vna magnitudo,
 & vna veritas, & vna sapientia, à quibus non separetur Spiritus san-
 ctus, de quo dicit filius in Euangelio, *Ego rogabo patrem & alium pa-* Ioan. 14. 16
tracletum dabit vobis, vt maneat vobiscum in æternum, Spiritum veritatis.
 Et Dominus dicit in Euangelio, *Ego sum veritas.* In Deo igitur sub- Ioan. 14. 6.
 stantiale nomen est veritas. Et quis magis est, vt Augustinus libro v. Cap. 2.
 de Trinitate dicit, quam ille qui dixit famulo suo, *Ego sum qui sum, &*

Cap. VII.

In princi-
pio libelli.Ad Sym-
machum in
fine libri.

dices filiis Israel, qui est misit me ad vos? Non ergo trina veritas, ut impostor verbis B. Augustini interposuit, sed vna veritas, pater & filius & Spiritus sanctus, quia substantia diuidi non potest. Sicut in eodem libro contra quinque hostium genera idem B. Augustinus dicit, æternitas vna est atque substantia. Et in libro vi. de Trinitate, Et eadem Dei est bonitas quæ sapientia & magnitudo, & eadem veritas quæ illa omnia, & non est ibi aliud beatum esse, & aliud magnum, aut sapientem, aut verum, aut bonum esse, aut omnino ipsum esse.] Ergo ut non trina essentia, vel trina natura, ita non trina deitas, nec trina veritas est. Et Boëtius, in libro ad Ioannem Romanum diaconum, postea autem Episcopum, quem beatus Gregorius in libro Dialogorum persecutione Theodorici regis Arriani martyrio glorificatum esse ostendit, ex verbis beati Augustini sicut ipse fatetur, dicit, Vna igitur substantia trium, nec separari vllō modo aut disiungi potest, nec velut partibus in vnum coniuncta est, sed est vna simpliciter. Quæcumque igitur de diuina substantia prædicantur, ea tribus oportet esse communia.] *Et paulo post*, Si igitur eorum vna deitas vna substantia est, licet Dei nomen de diuinitate substantialiter prædicari, ita pater veritas est, filius veritas est, Spiritus sanctus veritas est, pater, filius, Spiritus sanctus non tres veritates, sed vna veritas est. Si igitur vna in his substantia, vna est veritas, necesse est veritatem substantialiter prædicari de bonitate, de incommutabilitate, de iustitia, de omnipotentia, ac de ceteris omnibus, quæ tam de singulis, quàm de omnibus singulariter prædicamus, manifestum est substantialiter dici.] *Et iterum*, Nam qui pater est, hoc vocabulum non transmittit ad filium, neque ad Spiritum sanctum. Quo fit ut non sit substantiale nomen hoc inditum. Nam si substantiale esset, ut Deus, ut veritas, ut iustitia, ut ipsa quoque substantia, de ceteris diceretur. Item filius solus hoc recipit nomen, neque enim cum aliis iungitur, sicut in ceteris quæ superius dixi. Spiritus quoque sanctus non est idem qui pater ac filius. Ex his igitur intelligimus, patrem & filium ac Spiritum sanctum non de ipsa diuinitate substantialiter dici, sed alio quodam modo. Si enim substantialiter prædicaretur, & de singulis & de omnibus singulariter diceretur. Hæc verò ad aliquid dici manifestum est.] *Et paulo post*, Trinitas quidem in personarum pluralitate consistit, vnitas verò in substantiæ simplicitate.] *Et item*, Trinitas igitur non pertinet ad substantiam. quo fit, ut neque pater, neque filius, neque Spiritus sanctus, neque Trinitas de Deo substantialiter prædicetur, sed ut dictum est ad aliquid. Deus verò, veritas, iustitia, bonitas, omnipotentia, substantia, immutabilitas, virtus, sapientia, & quidquid huiusmodi excogitari potest, substantialiter de diuinitate dicuntur.] *Et item De Trinitate*, Substantia continet unitatem, relatio multiplicat Trinitatem.] *Et item*, Quoniam verò pater

ter Deus, & filius Deus, & Spiritus sanctus Deus, Deus verò nullas habet differentias quibus differat à Deo, à nullo eorum differt. Differentiæ verò ubi absunt, abest pluralitas: ubi abest pluralitas, adest unitas.] *Et item*, Vbi verò nulla est differentia, nulla est omninò pluralitas, quare nec numerus, igitur unitas tantum.] *Et item*, Non igitur si de patre ac filio & Spiritu sancto tertio prædicatur Deus, idcirco trina prædicatio numerum facit. Hoc enim illis, ut dictum est, imminet, qui inter eos distantiam faciunt meritorum. catholicis verò nihil in differentia constituentibus, ipsamque formam ut est esse ponentibus, neque aliud esse quam est ipsum quod est opinantibus, rectè repetitio de eodem, quam enumeratio diuersi, videtur esse cum dicitur Deus pater, Deus filius, Deus Spiritus sanctus, atque hæc Trinitas vnus Deus.] Et Ambrosius in libro primo de Spiritu sancto, Veritas Christus, veritas Spiritus. Habes enim in epistola Ioannis, *quoniam Spiritus est veritas*. Non solum ergo veritatis, sed etiam veritas dicitur Spiritus, sicut & filius veritas prædicatur, qui ait, *Ego sum via, & veritas, & vita*. Vnum sunt ergo pater & filius & Spiritus sanctus. vnum nomen est Trinitatis, & vna inseparabilisque essentia.] Et in libro primo de Fide, Crede quia à Deo exiuit filius, ut ipse testatur dicens, *ex Deo processi & veni*. & alibi, *A Deo exiui*. Qui ex Deo processit, & à Deo exiuit, nihil aliud potest habere nisi quod Dei est. vnde non solum Deus, sed etiam verus Deus, verus à vero, & adeò verus, ut ipse sit veritas. Ita si nomen quærimus, veritas est, si maiestatem quærimus naturalem, eo usque filius Deus verus est, ut & proprius. Scriptum est enim, *Qui filio proprio non pepercit, sed pro nobis omnibus tradidit eum*. Tradidit utrique secundum carnem. Proprietas diuinitatis est veritas proprietatis, misericordia pietatis, oblatio securitatis.] Non igitur constare potest, quod per fraudem mendaciter interpositum est in verbis beati Augustini, trina veritas, sicut & Boëtius in præfato libro demonstrat dicens, Substantia continet unitatem, relatio multiplicat Trinitatem.] Quam Trinitatis substantiam ostendit Ambrosius cantans in Hymno catholico, *Tu Trinitatis unitas*. quamque veluti exponens Augustinus dicit in libro primo de Trinitate, Deitas quæ Trinitatis est unitas.] Cui etiam concordat beatus Ambrosius in alio Hymno dicens, *O lux beata Trinitas*,

Et principalis unitas.

Sed & illud quod in eadem compilatione interpositum est, trina & vna unitas, constare non potest, demonstrante beato Ambrosio in libro primo de Fide capite secundo, ubi dicit, Est plenitudo diuinitatis in patre, est plenitudo diuinitatis in filio, sed non discrepans sed vna diuinitas, nec confusum quod vnum est, nec multiplex quod indifferens est. Etenim si omnium credentium, sicut scriptum est, *erat anima vna & cor vnum*, si omnes qui adherent Do-

Non longè
à principio
libri.
Post pauca.

Cap. 19.

1. Ioan. 5. 6

Ioan. 14. 6.

Lib. 1. cap. 7

Ioan. 8. 42.

Rom. 8. 32.

Ad Ioannē
diaconum.

Non longè
à princip.

Ag. 4. 32.
1. Cor. 6. 17

Matt. 19. 3. *mino, unus spiritus est.* vt Apostolus dixit, si vir & vxor in carne vna sunt, si omnes homines, quantum ad naturam pertinet, vnus substantiæ sumus, si hoc de humanis scriptura dicit, *quia multi vnum sunt*, quorum nulla potest esse cum diuinis comparatio, quanto magis pater & filius diuinitate vnum sunt, vbi nec substantiæ nec voluntatis vlla est differentia? Namque aliter quomodo vnum Deum dicimus? diuersitas plures facit, vnitas potestatis excludit numeri quantitatem, quia vnitas numerus non est, sed hæc omnium principium est.] Et Boëtius in superscripto libro, Vbi, inquit, nulla est differentia, nulla est omnino pluralitas, quare nec numerus, igitur vnitas tantum.] *Et item idem*, Etenim vnum res est, vnitas qua vnum dicimus.] Et Arithmetici dicunt, Vnum semen numeri esse, non numerum, & simplices numeros, qui nullam partem aliam habent nisi solam vnitatem, vt ternarius solam tertiam, quinarium solam quintam, septenarius solam septenam, his enim vna pars sola est.] Et item Ambrosius in præfatio primo libro dicit, Necesse est negent Arriani aut patris aut filij diuinitatem, nisi eiusdem diuinitatis crediderint vnitatem.] *Et item*, Operationis vnitas non facit pluralem diuinitatem.] *Et item*, Quæ enim potest esse alia æstimatio, vbi deitatis vnitas est?] *Et item*, Aderat in specie Angeli, qui muniebat, vt in numero Trinitatis vnus esset laudatio potestatis.] Et hinc plurima testimonia in eiusdem libris reperiuntur, quæ ostendunt non posse in Deo catholicè dici trinam vnitatem, trinamque deitatem, trinam naturam, trinam substantiam: quia vnitas, deitas, natura, substantia, in Deo pluralitate caret, & numero qui in trina & in Trinitate est. Et quod in eadem falsa interpositione habetur vna vnitas, quod ibidem dicitur trina veritas, & trina vnitas destruit: quia quando dicitur vnum vel vna, si non dicatur quid vnum vel quid vna, intelligatur vna substantia, & substantiæ vnitas non habet pluralitatem, quare nec numerum, qui in trina & in Trinitate est. Vnde Augustinus in tractatu Psalmi trigesimali octauo exponens sententiam Apostoli, *Vnum autem, quæ quidem retro sunt obliuiscens.* Vnum, inquit, hoc est illud vnum, Domine ostende nobis patrem, & sufficit nobis. Vnum autem, quæ & vna dicitur in alio Psalmo, *Vnam petij à Domino, hanc requiram, vt inhabitem in domo Domini per omnes dies vitæ meæ.* Propter quid? vt contempler delectationem Domini.] Et in libro contra Maximinum, Legimus enim, qui plantat & qui rigat vnum sunt, sed ambo homines erant, eiusdem substantiæ fuerant, non diuersæ. Item legimus ipso Christo dicente, *Vt sint vnum, sicut & nos vnum sumus.* Non dixit, vt ipsi & nos vnum, sed vt ipsi sint vnum in natura sua & in substantia sua, concordia qualitate quodam modo vniti & conflati: & pater & filius & Spiritus sanctus vnum propter indiuiduam eandemque naturam. Aliud est enim vnum sunt, & aliud vnum sumus. aliud

De Trinit.
ad Symmachum.

Ibidem.

Cap. 2.

Ibidem.

Ibidem in fine.

Philip. 3. 13.

Ioan. 14. 8.

Psal. 16. 4.

Ioan. 17. 21.

vnus est. Quando dicitur vnum sunt, & si non dicatur quid vnum, intelligitur vna substantia: quando dicitur vnus est de duabus diuersis substantiis, necesse est vt quæatur quid vnus. Verbi gratia, diuersa substantia est anima & corpus, tamen vnus homo: diuersa substantia est spiritus hominis & spiritus Dei, tamen cum Domino adhæret vnus spiritus est. Addidit spiritus, non dixit vnum sunt: vbi autem dicitur vnum sunt, vna substantia significatur. Sic & cum dicit Apostolus, *Scimus quia nihil est idolum. & quod nullus Deus nisi vnus.* Nam etsi sunt qui dicantur dii multi, & domini multi, *sue in celo, sue in terra, nobis tamen vnus Deus pater, ex quo omnia & nos in illum, vnus dominus Iesus Christus, per quem omnia & nos per illum,* addendo quis vel quid vnus. Cum dicit vnus Deus pater, & vnus dominus Iesus, personas distinxit nominando patrem & filium, substantiam vnā ostendit cum Deus dicit. Vnde alibi loquens trinitatem personarum vnus deitatis demonstrat cum dicit, *Ex ipso*, videlicet ex patre, *per ipsum*, per filium, *in ipso*, scilicet in Spiritu sancto, *sunt omnia, ipsi gloria*; & non ipsis gloria subiunxit: quia alia est persona patris, alia filij, alia Spiritus sancti: sed in deitate vnitas creditur & prædicatur, quia patris & filij & Spiritus sancti vna est diuinitas, æqualis gloria, coæterna maiestas. Impostor verò falsitatis, & verbis sancti Augustini insultator, quicumque ille fuerit, non ausus apertè imponere trina & vna deitas, ne perciperetur, immisit quod tantumdem valeret, quatenus per substantiale nomen, quod est veritas, dicendo trina & vna veritas, cum pater & filius & Spiritus sanctus, vt Augustinus dicit, non tres veritates, nec trina veritas, sed vna sint veritas, sicut vna essentia, & vna vita. & addendo trina & vna vnitas, probare posset quòd dici deberet trina & vna deitas. Et noluit mittere Gothescalci verba, vt diceret deitas trina est personaliter, & vna naturaliter, ne recognoscerentur, & ex eo respuerentur. Immisit tamen absolute trina & vna vnitas, ne sua verba à Gothescalci verbis sensu discordarent. Sed, vt scriptum est, *Frustrà iacitur rete ante oculos pennatorum.* Videtur namque fraus sacrilega, vt patenter ostensum est & adhuc ostendetur, quia non solum ratione & auctoritate, verum & sua ipsa impugnatione interpositio ista destruitur. Ratione quippe, quia, vt Augustinus dicit, deitas Trinitatis est vnitas, & vnitas qua tres personæ vnum sunt trina esse non potest. Natura enim, deitate, id est essentia, tres personæ vnum id est vnus Deus sunt, & non vna persona pater & filius & Spiritus sanctus. Auctoritate quidem, quia vt Boëtius in libro De Trinitate dicit, *In numero quo numeramus repetitio vnitatum facit pluralitatem: in rerum verò numero non facit pluralitatem vnitatum repetitio.*] veluti cum pater & filius & Spiritus sanctus tertio prædicatur Deus.] *& item*, Vnum res est, vnitas quo vnum dicimus.] Et Ambrosius in libro primo De fide, Vnitas numerus

1. Cor. 8. 4.

1. Cor. 8. 5.

Rom. 11. 36

Prou. 1. 17.

Non longè
à princip.

Cap. 2.

non est, sed hæc omnium ipsa principium est.] Sua quoque impugnatione interpositio ista destruit quæ dicit trina & vna vnitas, quia vnitas in eo quo vna est trina esse non potest, sicut Trinitas in eo quo trina est vna esse non potest. Trinitas scilicet in personis vna esse non potest, sicut Sabellius voluit: & vnitas Trinitatis, id est deitas, trina esse non potest, sicut Arrius dixit. Fides autem catholica est, vt Athanasius sentit, & omnis catholicorum vnanimitas consentit, vt vnum Deum in trinitate personarum contra Sabellium, & trinitatem personarum in vnitatem deitatis, contra Arrium veneremur: neque confundentes personas, vt Sabellius, quasi tres non sint, neque substantiam separantes, vt Arrius, quasi trina sit. Vnde si quod impostor inconuenienter posuit vna vnitas etiam sic intelligatur, quoniam aliter rectè non potest intelligi, quia est super omnia in quibus vnitas dici potest, in tribus sanctæ Trinitatis personis patris & filij & Spiritus sancti vna id est singularis est vnitas, quorum est vna diuinitas, vel si expressius dicitur deitas, destruit quod antè positum est, vt trina sit vnitas, id est patris & filij & Spiritus sancti deitas, quæ Trinitatis est vnitas. Exterminandum est igitur prauum dogma, & sequendum quod docent catholici, quia Trinitas pater & filius & Spiritus sanctus ad aliquid, id est relatiue dicuntur, vnde & pluralitas est in personis: veritas verò, essentia, deitas, quæ, vt Augustinus dicit, Trinitatis est vnitas, de Deo ad se id est substantialiter ac per hoc singulariter dicitur, & vnus Deus pater & filius & Spiritus sanctus, in eo quod trinus est, vnus non dicitur, & in eo quo vnus est, trinus non dicitur. Sed vt beatus cantat Ambrosius, Vnus est potentialiter, id est substantialiter, sicut Augustinus dicit, & trinus personaliter. Manifestum & manifestatum est ergo compilatum, & adulteratum atque falsatum esse librum beati Augustini contra quinque hostium genera, in quo hæc hæretica prauitas à quocumque falsatore interposita comprobatur. sicut in quinta Synodo ex catholicorum libris quædam testimonia ab hæreticis ad suam confirmandam prauitatem detruncata, & quædam falsa catholicis catholicorum verbis interposita fuisse vigilantia catholicorum detexit. Sic enim deprehensum Macarium Antiochenum Episcopum in sexta Synodo legimus: sic Donatus, vt Augustinus in libro *Retractionum* dicit, de sententia *Qui baptizat à mortuo, & iterum tangit illum, quid proficit lauatio eius*, ad suam confirmandam hæresim, & iterum tangit illum subtraxit: & Arriani de Euangelio eraserunt quod Saluator ait, *Quia Deus Spiritus est*. Nolebant enim credere quod Spiritus sanctus Deus esset omnipotens. Sic & illi qui ex Deo non erant, & prauo dogmate separare volebant ab hominis dispensatione diuinitatem Christi, versiculum quo dicitur, *& omnis spiritus qui soluit Iesum ex Deo non est*, ex epistola Ioannis eraserunt, ne per auctoritatem eius conuincerentur erroris.

Ecclesi. 9. 4. 30.

1. Ioan. 4. 3.

Denique Nestorius nescire se prodidit hanc authenticis exemplari-
 bus inditam fuisse sententiam, atque ideo soluere non timuit Ie-
 sum, ac se pro hoc reddere extraneum, dicens beatam virginem Ma-
 riam non Dei sed hominis tantum extitisse genitricem, ut aliam
 personam hominis, aliam faceret deitatis, neque vnum Christum in
 Verbo Dei & carne atque anima credens, sed separatim alterum filium
 Dei alterum hominis prædicans. & Felix Orgellitanæ quondam ci-
 uitatis Episcopus infelix, in libro beati Hilarij, vbi idem sanctus
 dixerat, carnis humilitas adoratur, tempore Caroli Magni Impera-
 toris, quoscumque hinc codices arripere potuit, in omnibus adulte-
 ravit, carnis humilitas adoptatur, ut quia per veritatem non pote-
 rat, de mendacio suam adstipularetur sententiam. Sic & iste adulte-
 rator verborum beati Augustini, iuxta quod scriptum est, *qui à se- Ioan. 7. 18.*
metipso loquitur propriam gloriam querit, de proprio mendacium, ut
 gloriari posset aduersus veritatem, veritati inseruit: quomodo Go-
 thescalcus veritatem quantum ex ipso est in mendacium commuta-
 uit, trina pro ter vel Trinitatis deitate, in sextæ Synodi edicto im-
 mutans. Nam & si ita ut ab eo adulteratum credimus, ex Græca in-
 terpretatione in eodem haberetur Edicto, vel si in aliis libris vetu-
 stis ita ab aliquibus haberi contenditur, nec sic quiddam suffragij ex
 hoc Gothescalci vel eius complicum adinuentio potietur, quia Græci-
 tas idiomate suæ linguæ quædam rectè potest efferre, quæ Latina lin-
 gua maximè de his quæ pertinent ad fidem non recipit. Nam in sancta
 Trinitate patris & filij & Spiritus sancti Græci vnam dicunt essentiam
 & tres suatim substantias, pro subsistentiis id est personis, quod La-
 tina lingua non recipit, & interpretatio ex verbo ad verbum, sicut
 sæpe propriam consonantiam perdere, ita intelligentia solet carere,
 & sensum fidei perturbare. Vnde etiam potest fieri, ut interpre-
 satus non fuerit. Nos autem, ut Leo scribit ad Rusticum Narbonen-
 sem Episcopum, id nouerimus sequendum, quod nec præceptis Eu-
 angelicis contrarium, nec decretis sanctorum inueniatur aduersum,
 quibus vnam eandemque deitatem plenam atque perfectam in tri-
 bus sanctæ & inseparabilis Trinitatis personis credere & confiteri
 debere accepimus. Quapropter damnationem prolatam ab eadem
 sacra sexta Synodo Gothescalcum incurrisse atque perferre nulla-
 tenus dubitamus, quam præfata sancta Synodus iudicio sancti
 Spiritus omnibus contra illa quæ diuinitus inspirata decreuerat
 sentientibus intulit, His inquit cum omni vndique cautela at-
 que diligentia à nobis formatis, diffinimus aliam fidem nulli licere
 proferre, aut conscribere, componere, aut sapere, vel etiam ali-
 ter docere. Qui verò præsumpserint fidem alteram, vel componere,
 vel proferre, vel docere, vel tradere, aut symbolum volentibus con-
 uerti ad agnitionem veritatis, ex gentilitate, vel ex Iudaismo, aut

Epist. 95. in
proem.

Synodi vi.
Act. xviii.
in fine.

ex qualibet hæresi, aut qui nouitatem vocis, vel sermonis adin-
uentionem, ad subuersionem eorum quæ nunc à nobis determi-
nata sunt introducere, hos, si quidem Episcopi fuerint aut cleri-
ci, alienos esse Episcopos ab Episcopatu, clericos verò à clero,
si autem monachi fuerint aut laici, anathematizari eos. & sub-
scripserunt centum quinquaginta Episcopi.] Deinde profequitur
Gothescalcus,

III.

— Sic enim dicta est à Prospero trina maiestas, à Prudentio trina pietas,
ab Aratore bis trina potestas, sic & à Græcis τριθεότης, à Latinis autem satis
proprie, regulariter, atque catholicè, trina sanctitas: ac per hoc sicut ab eis
catholicissimè dicitur τριθεότης, sic & à nobis catholicissimè trina deitas.

XP. QVOD ad testimonium suæ assertionis dicit, quoniam Ara-
tor trinam potestatem, & Prudentius trinam pietatem dicunt metri
necessitate, quæ non præiudicat liberæ fidei simplicitati, Augustinus
& Athanasius, atque Boëtius, sicut in hoc opere ex dictis illorum
lector inueniet, contradicunt. Sed & idem Prudentius scribit,

Per Christum genitum summe Pater tuum,

Per quem splendor, honor, laus, sapientia,

Maiestas, bonitas, & pietas tua,

Regnum continuat numine triplici,

vel sicut in quibusdam codicibus inuenitur, *nomine triplici.* Quod
sanctus Ambrosius, videlicet quia nec numen, nec nomen, in Deo
qui trinus est in personis & vnus in deitate, trinum vel triplex di-
ci debeat, in initio primi libri de Fide refutat dicens, Dominus, in-
quit, & Deus, vel quòd dominetur omnibus, vel quòd spectet om-
nia, & timeatur à cunctis. Si ergo vnus Deus, vnum nomen, vna
potestas, vna est trinitas. denique dicit, *Ite baptizantes in nomine pa-*
tris & filij & Spiritus sancti. In nomine vtique non in nominibus,
vt vnus esse Trinitatem potestatis ostenderet.] & item, Nos patrem
& filium & Spiritum sanctum confitemur, ita vt in Trinitate perfe-
cta, & plenitudo diuinitatis sit, & vnitas potestatis.] quod tantun-
dem valet, ac si diceret, vnitas numinis. Et sanctus Augustinus in
libro sexto de Trinitate dicit, Cùm tantus sit solus pater, vel solus
filius, vel solus Spiritus sanctus, quantus est simul pater & filius &
Spiritus sanctus, nullo modo triplex dicendus est, quia non est quo
crescat illa perfectio, perfectus autem siue pater, siue filius, siue Spiritus
sanctus, & ideo Trinitas potius quàm triplex dicenda est.] Verùm &
ipse Prudentius fortasse metri lege coactus, ad demonstrandum tres
personas vnus substantiæ alibi scribit dicens,

Est tria summa Deus, trinum specimen, vigor vnus.

Sed quoniam, vt Priscianus dicit, à specie deducitur speci-
men, in Deo trinum specimen catholicè non potest dici, vt Au-
gustinus in libro septimo de Trinitate dicit, quia non sunt tres

Cap. I.

Matt. 28. 19

Cap. 2.

Cap. VIII.

Cap. VI.

species vnius essentiae, pater & filius & Spiritus sanctus.] Sed & Gothescalcus testimonium beati Hieronymi, vt compilationis suae dicta confirmaret, ex Commentario ipsius in Matthaei Euangelio hoc modo contra se protulit dicens, Mulierem istam Ecclesiam interpretantur, quae fidem hominis farinae satis tribus commiscuerit, credulitatem patris & filij & Spiritus sancti, cumque in vnum fuerit fermentata, non nos ad triplicem Deum, sed ad vnius diuinitatis perducit notitiam. farinae quoque sata tria, dum non est in singulis diuersa natura, ad vnitatem trahunt substantiae.] *Et item*, Baptizantur in nomine patris & filij & Spiritus sancti, vti quorum est vna diuinitas, sit vna largitio & nomen, quia Trinitas vnus Deus est.] In libris quoque B. Prosperi vnā Trinitatis deitatem, essentiam, atque substantiam, & naturam, maiestatem quoque, & potestatem, & vnum lumen, vnumque principium frequentissime legimus. Ait enim *Scnt. 224.* in libro sententiarum, Quod pater cum Christo facit, Christus facit, & quod Christus cum patre facit, pater facit, nec seorsim aliquid agit inseparabilis caritas, maiestas, potestas, sicut ipse Dominus dicit, *Ioan. 10. 30.* Ego & pater vnum sumus.] *Et item*, In Trinitate diuina *Scnt. 227.* tanta est substantiae vnitas, vt aequalitatem teneat, pluralitatem non recipiat.] *Et item*, In patre & filio & Spiritu sancto aeterna & incommutabilis vnitas manet, vbi indifferens Trinitas vnus Deus est, vnum lumen, vnum principium.] Et in libro Epigrammatum, Vera aeternitas & vera immortalitas non est, nisi in deitate Trinitatis, cui quod est esse perfectum est.

Hoc pater, hoc Verbum patris, hoc & Spiritus almus, *Epig. lxx.*

Quorum natura est vna eademque trium.

Et item, Nulla differentia est in deitate Trinitatis, quoniam quod Deo minus est, Deus non est.

Natura omnipotens vna est, quae cuncta creauit,

Et propriè quod sunt omnibus esse dedit. *Epig. lxxv.*

Quodque Deo minus est, non est Deus, à Patre natum

Verbum, & qui amborum Spiritus est, Deus est,

Vna eademque trium quoniam est essentia, quae se

Numquam vel maior vel minor esse potest.]

Et item,

Omnipotens genitor, natúsque, & spiritus almus, *Epig. lxxv.*

Vna in personis par tribus est deitas.

Et item,

Vna trium deitas, vna est essentia, ab vno *Epig. lxxv.*

Idem est & Verbi Spiritus atque Patris.

Quod dicit, dictum à Græcis *τρισαντων* propriè & regulariter atque catholicè interpretatum, trina sanctitas, ac per hoc sic trina deitas, sicut trina sanctitas catholicè debeat dici, non est verum. Sanctus quippe Quintianus Asculitanus Episcopus ad Petrum Antiochenum

loquens de sancta Trinitate, *τρισάγιον* non trinum sanctum, sed ter sanctum, interpretatus est: & in offerenda missa Græcorum composita à beato Basilio, in qua dicitur *τρισάγιον ὁμῶν*, non trinum sanctum, sed ter sanctum hymnum sapientes interpretes transtulerunt. Et aliquanto inferius Gothescalcus praua prauis superadiciens, dicit,

IV.

—Claret omninò, quod *ἀγία τριάς* id est sancta Trinitas, sicut vna essentialiter atque naturaliter, sic proculdubio est personaliter trina deitas, sicut scilicet sanctitas, maiestas, pietas, & potestas.

X P. Hoc quod dictum est à Deo in creatione primi hominis, *Faciamus hominem ad imaginem & similitudinem nostram*, diabolus male interpretans, assumpta parabola, primis parentibus dixit, eritis sicut Dij. Quem secutus Arrius, gradus in sancta Trinitate faciens, contra præceptum Domini in lege dicentis, *Non ascendatis per gradus ad altare meum*, tres deitates in sancta Trinitate dogmatizauit. Nunc Gothescalcus è diuerso vnam deitatem in tribus personis sanctæ Trinitatis partitur, dicens, Sicut sancta Trinitas vna est essentialiter atque naturaliter, sic proculdubio est personaliter trina deitas, quæ ut catholici doctores dicunt, & verum est, Trinitatis est vnitas, quæ naturaliter vnus Deus est Trinitas, quæ videlicet deitas si personaliter trina foret vnitas Trinitatis, quod esse non potest, quia quod vnum est in eo in quo vnum est diuisionem non recipit, in tribus personis diuisa vel partita fuisset. Vnum, inquit Boëtius ex beati Augustini verbis, ut & ipse fatetur, res est vnitas, quo vnum dicimus, & vbi nulla est differentia, nulla est omninò pluralitas, quare nec numerus, igitur vnitas tantum. nam quod tertio repetitur Deus cum pater & filius & Spiritus sanctus nuncupatur, tres vnitates non faciunt pluralitatem numeri in eo quod ipsæ sunt, id est in deitate, essentia, atque natura.] Et Ambrosius in libro primo de Fide, Diuersitas plures facit, vnitas potestatis excludit numeri quantitatem, quia vnitas numerus non est, sed hæc omnium ipsa principium est.] Vnde sunt Arrius atque Gothescalcus, iuxta Poëtam,

Ambo errore pares, quanquam diuersa loquantur.

Si enim quando hic nouus ariolus, perniciosior fortè quàm quilibet ariolus, dixit, sicut sancta Trinitas essentialiter atque naturaliter est vna, subiunxisset sic personaliter est trina, constaret sententia. Quod autem subiunxit, ita *deitas personaliter est trina*, non solum contra catholicam fidem est, verum & hoc quod præmisit impugnat, sicut & præmissa subsequencia destruunt. Nam quod dixit, sicut sancta Trinitas essentialiter atque naturaliter est vna, si ita intelligatur sicut debet intelligi, scilicet quia Trinitas vna est essentia atque natura, id est deitate, Trinitatis videlicet vnitate, personaliter deitas trina esse non potest, ac per hoc illud quod præmisit sancta Trinitas essentialiter atque naturaliter est vna, destruit quod subiunxit,

deitas

deitas personaliter est trina, quod esse non potest, quoniam deitas id ipsum est quod substantia & natura, quæ semper vna est, & trina esse non potest, quia deitas vt Athanasius, Ambrosius, & Augustinus dicunt, Trinitatis est vnitas. & quod subiunxit, *deitas personaliter est trina*, impugnat quod præmiserat, Trinitas essentialiter atque naturaliter est vna. Non enim in eo quo vna est Trinitas, id est in essentia atque natura, trina esse potest, sicut Arrius dementauit: & in eo quo vnus Deus Trinitas vel trinus dicitur, id est in personarum proprietate, non vnus, sicut Sabellius blasphemauit, sed vnum est, sicut Christus in Euangelio dicit. Contra quos cantat Ambrosius, Deus *vnus potentialiter, trinúsque personaliter*.] Et Athanasius, Fides catholica hæc est, vt vnum Deum in trinitate personarum, & trinitatem personarum in vnitae deitatis veneremur, neque confundentes personas vt tres non sint, neque substantiam separantes, vt trina sit: quia alia est persona patris, alia filij, alia Spiritus sancti, sed patris & filij & Spiritus sancti vna est diuinitas, æqualis gloria, coæterna maiestas.] Et Augustinus in libro septimo de Trinitate, Sicut, inquit, substantia patris ipse pater est, non quo pater est, sed quo est, ita & persona patris non aliud quàm ipse pater est. Ad se quippe dicitur persona, non ad filium, vel ad Spiritum sanctum: sicut ad se dicitur Deus & magnus, & bonus, & iustus, & si quid aliud huiusmodi. Et quemadmodum hoc illi est esse quod Deum esse, quod magnum esse, quod bonum esse, ita hoc illi est esse quod personam esse. Neque cum quislibet audierit patrem solum Deum, separet inde filium, aut Spiritum sanctum. Cum eo quippe solus Deus est, cum quo & vnus Deus est. quia & filium cum audiimus solum Deum, sine vlla separatione patris & Spiritus sancti oportet accipere, sicut in Euangelio scriptum est, *Ego & pater vnum sumus*. Et vnum dixit & *sumus*. vnum secundum essentiam, quod idem Deus: sumus secundum relatiuum, quod ille pater, hic filius.] Propter quod etiam pluralem numerum admittunt. Cur ergo non hæc tria simul vnam personam dicimus, sicut vnam essentiam & vnum Deum, sed dicimus tres personas, cum tres Deos aut tres essentias non dicamus, nisi quia volumus vel vnum aliquod vocabulum seruire huic significationi qua intelligitur Trinitas, ne omninò taceremus interrogati quid tres, cum tres fateremur, quia tres in sancta Trinitate personæ relatiue dicuntur, quæ essentialiter, id est naturaliter, vnum non vnus sunt: quia vna & non trina est deitas, diuinitas, essentia, substantia, & natura patris & filij & Spiritus sancti. Fides quippe catholica hæc est, vt vnum Deum in Trinitate personarum, & Trinitatem personarum in vnitae deitatis veneremur, neque confundentes personas, vt tres non sint, neque substantiam separantes, vt trina sit. quæ vna substantia, id est deitas, quæ Trinitatis est vnitas, etiam in personis non valens diuidi ipsa separabilitate sua,

Cap. vii.

Post alia]

Ioan. 10. 30

tres inseparabilis Trinitatis personas ostendit esse, & ab inuicem sue parari non posse, quia cuiuslibet personæ nomen semper ad alteram respicit personam. Si patrem dicis, filium ostendis: si filium nominas, patrem prædicas: si Spiritum sanctum appellas, alicuius esse spiritum necesse est intelligas, id est patris & filij, quorum vna eademque substantia, id est deitas quæ Trinitatis est vnitas, in singulis est tota personis, & tota in tribus simul personis: vel si rectius dicitur, ne putentur aliud esse in sancta Trinitate personæ, & aliud deitas, tota perfectaque est deitas singulæ in sancta Trinitate personæ, & tota perfectaque, est deitas tres simul in sancta Trinitate personæ. & idcirco inseparabilis est sancta Trinitas etiam in personis sensu intelligenda, quamuis in voce separabilia habeat nomina, quia pluralem numerum in naturæ nominibus nullatenus recipit. In personis namque Trinitas constat, in natura id est in deitate vnitas, quæ diuidi non potest, quoniam natura, id est deitas Trinitatis est vnitas. Hoc enim verè inseparabile dicitur, quod nullatenus separationem potest recipere. Nam quod non separatur, sed separari potest, inseparabile non est. Inseparabilis est ergo sancta Trinitas etiam in personis sensu intelligenda, quoniam patris & filij & Spiritus sancti non trina sed vna est diuinitas, æqualis gloria, coæterna maiestas. Mentitur igitur Gothescalcus ut solet, dicens,

V.

—Quia sicut sancta Trinitas vna essentialiter atque naturaliter, sic proculdubio est personaliter trina deitas, sicuti scilicet maiestas, pietas, potestas.

XP. QVOD refellit catholica fides, per omnium orthodoxorum ora prædicans & confirmans, quia Trinitas ad personas patris & filij & Spiritus sancti refertur, vnitas ad naturam æternæ deitatis pertinet. Vnde Augustinus in libro septimo de Trinitate dicit, Hoc est Deo esse quod subsistere, & ideo si vna essentia Trinitas, vna etiam substantia, & idcirco commodius dicuntur tres personæ, quam tres substantiæ. Non enim aliud est Deo esse, aliud personam esse, sed omninò idem. nam esse ad se dicitur, persona verò relatiuè, videlicet pater ad filium, filius ad patrem, Spiritus sanctus ad patrem & filium, quorum est Spiritus, sicut idem doctor exponit.] Et in libro xv. Aliud est itaque Trinitas res ipsa, aliud imago Trinitatis in re alia.] Tanta est enim in ea inseparabilitas, ut illa vnus Deus & dicatur & sit, nec in vno Deo sit illa Trinitas, sed vnus Deus. Non igitur deitas personaliter trina est, sed trium ad quas refertur trinitas personarum substantia vna est, id est deitas: quæ, ut Augustinus in primo libro de Trinitate dicit, Trinitatis est vnitas, scilicet qua est inseparabilis Trinitas, quoniam vna eademque est tota in singulis, tota in tribus simul personis. Dicendum ergo est, sicut Augustinus dicit, Trinitas vna essentia, & vna substantia tres personæ, vel Tri-

Cap.vi.

Cap.xxii.

trinitas substantialiter vnus Deus, non sicut Gothescalcus absolute dicit, Trinitas essentialiter atque naturaliter est vna, ne induci putetur personarum confusio, vnde paulo superius quantum causa poposcit præmisimus. Nec in hoc etiam vlllo modo sequendus est Gothescalcus, vt credatur vel dicatur deitas personaliter trina. Qui enim credit & dicit trinam personaliter deitatem, nihil differt ab Arrio, ad cuius prauam intelligentiam refellendam, sancti catholici patres, non humana adinventione, sed diuina inspiratione, in sacro Nicæno Concilio *ὁμολοσιον*, id est consubstantialitatem, videlicet vnam substantiam, essentiam, naturam, & deitatem trium personarum, patris & filij & Spiritus sancti, credi & teneri firmissimè decreuerunt, & ab hac regula deuiantes anathematizauerunt. Gothescalcus autem mel plùs comedere volens quàm sufficit, id est plùs sapere quàm oporteat sapere, & scrutari maiestatem vltra suæ infirmitatis capacitatem, hoc intelligentiæ dicto, sicut clausis oculis ad ignem, ita sciens & videre nolens in prauè sentientium, Sabellij videlicet & Arrij, quos cùm nominat detestatur, & sensu cùm disputat sequitur, sententias videtur currere cum suis complicibus, de quibus scriptum est, *Descendant in infernum viuentes*, id est labantur in blasphemix peccatum scientes. Nam si deitas personaliter trina est, tres deitates ac per hoc tres Dij erunt, aut vna deitas in tribus personis erit partita, & iam Trinitas non inseparabilis, sed separata, & sicut in personis, ita & in substantia numerabilis erit, & in nulla de tribus personis deitas perfecta erit, sicque Deus, quod & stultum & nefas est dicere, imperfectus erit. Quapropter non ab re computamus, illum ipsum spiritum nos per huius, sicut & per Arrij, os audire, qui per serpentem primis parentibus sibilauit, *Eritis sicut Dij*. Contra cuius impietatem sanctus Augustinus in septimo libro de sancta Trinitate inter alia Cap. vi. dicit, Nec sic ergo Trinitatem dicimus tres personas, vel subsistentias, vnam essentiam & vnum Deum, tanquam ex vna materia tria quædam subsistant, etiamsi quidquid illud est in his tribus explicatum sit. Non enim aliud eius essentiæ est præter istam Trinitatem. tamen tres personas eiusdem essentiæ, vel tres personas vnam essentiam dicimus: tres autem personas ex eadem essentia non dicimus, quasi aliud ibi sit quod essentia est, aliud quod personæ, sicut tres statuas ex eodem auro possumus dicere. aliud enim illis est esse aurum, aliud esse statuas. Et cùm dicantur tres homines vna natura, vel tres homines eiusdem naturæ, possunt etiam dici tres homines ex eadem natura, quia ex eadem natura & alij tales homines possunt existere. In illa verò essentia Trinitatis, nullo modo alia quælibet persona ex eadem essentia potest existere. Non enim maior Post pauca. essentia est pater & filius simul, quàm solus pater aut filius: sed tres simul illæ subsistentiæ, siue personæ, si ita dicendæ sunt, æquales sunt singuli, quod animalis homo non percipit.] & reliqua, quæ

latius ibidem idem sagacissimus doctor exequitur.] *Et in Sermonem trigesimo sexto* Euangelij secundum Ioannem, Trinitas vnus Deus, Trinitas vna est æternitas, vna potestas, vna maiestas. quid ergo tres? si enim tres ait, oportet dicas quid tres. respondeo, pater & filius & spiritus. id enim quod pater in se est Deus est, quod ad filium est pater est, quod [filius ad seipsum Deus est, quod ad patrem est filius est.] *& post paululum*, Non est quid dicam tres nisi patrem & filium & Spiritum sanctum, vnum Deum, vnum omnipotentem, ergo vnum principium.] *Et in sermone trigesimo septimo*, Si enim quod pauci intelligunt, simplex est natura veritatis, hoc est filio esse, quod nosse. *Et in Sermonem quadagesimo quarto*, Arriani dicunt, aliud est pater, aliud filius, quasi non sint eiusdem substantiæ pater & filius.] *In Sermonem quadagesimo quinto*, Si manum intelligamus potestatem, vna est patris & filij potestas, quia vna diuinitas.] *& post pauca*, Ergo nemo rapit de manu patris mei, hoc est, nemo rapit mihi.] *In Sermonem septuagesimo quarto*, Cum ergo sit omnino inseparabilis Trinitas, nunquam Trinitas esse sciretur, si semper inseparabiliter doceretur. Nam cum dicimus patrem & filium & Spiritum sanctum, non eos vtique diceremus simul, cum ipsi non possint esse non simul.] *In Sermonem octogesimo octauo*, Christus namque cum patre & Spiritu sancto, non sunt tres Dij, sed vnus Deus, de quo scriptum est, *Benedictus dominus Deus Israel, qui facit mirabilia magna solus.*] *In Sermonem nonagesimo primo*, Vbi eorum quilibet vnus, pater videlicet filius, aut Spiritus sanctus, ibi Trinitas Deus vnus. Oportebat autem ita insinuari Trinitatem, vt quamuis nulla esset diuersitas substantiæ, singillatim tamen cœpit distinctio personarum, vbi eis qui rectè credunt nunquam videri potest separatio naturarum.] *Item in Sermonem nonagesimo secundo*, Sæpè autem diximus inseparabilia esse opera Trinitatis, sed singillatim commendandas fuisse personas, vt non solum sine separatione, verum etiam sine confusione, & vnitas intelligatur, & Trinitas.] Et magnus Leo Papa contra hæreticos loquens ad Turibium Asturicensem Episcopum dicit, *Quod enim de Deo patre est, hoc est quod ipse est, neque id aliud est quam filius & Spiritus sanctus. Præter hanc autem summæ Trinitatis vnā consubstantialem & sempiternam atque incommutabilem deitatem, nihil omnium creaturarum est, quod non in exordio sui ex nihilo creatum sit.*] *& item*, Ab eisdem, inquit, hæreticis, contra verum veri Dei cultum, Trinitas deitatis negata personarum proprietate confunditur.] Et item sanctus Gregorius in sexta decima Homilia Ezechielis, Isaias, inquit, audiuit angelica agmina in cælo clamantia, *Sanctus, Sanctus, Sanctus Dominus Deus Sabaoth.* Vt enim personarum Trinitas monstraretur, tertio Sanctus dicitur: sed vt vna esse substantia Trinitatis appareat, non Domini Sabaoth, sed Dominus esse perhibetur. Quod Dauid quoque similiter sentiens

Psal. 71. 28.

Cap. v.

Cap. xvii.

Sub med.

Esa. 6.

ait, *Benedicat nos Deus Deus noster, benedicat nos Deus.* qui cum ter-
 tiò dixisset Deum, vt vnum hunc esse ostenderet, subdidit *& me-
 tuant eum omnes fines terræ.* Paulus quoque loquitur dicens, *Quoniam
 ex ipso, & per ipsum, & in ipso sunt omnia.* Ex ipso videlicet ex pa-
 tre, per ipsum, per filium, in ipso autem, in Spiritu sancto. Psal. 66.
 Cum ergo ipsum tertio dixisset, adiunxit, *ipsi gloria in secula sacu-
 lorum, Amen.* Qui enim non dicit ipsis, sed ipsi, dicendo ter ipsum,
 distinxit personas, & subiungendo ipsi gloria, non diuisit substan-
 tiam.] Et beatus Paulinus Aquileiensis patriarcha in libro contra Fe-
 licem, Sancta, inquit, catholica atque Apostolica Ecclesia, quæ li-
 cèt in toto fit orbe terrarum diffusa, vna tamen est amica sponsi,
 proxima, & columba, quæ pennis deargentatis sacri eloquij reful-
 get pulchritudine, & in pallore auri posteriora eius per rectæ fidei
 puritatem clarescit, confitetur sanctam & ineffabilem Trinitatem
 in vnitatem. Salua scilicet inconfusibiliter proprietate personarum,
 inseparabilem substantiam confitetur. Ita sanè vt alius credatur pa-
 ter, quia pater est, qui genuit coæternum sibi sine tempore & om-
 ni initio filium, & alius credatur filius, quia filius est, qui genitus est
 sine initio à patre, non putatiuè, sed verè, & alius credatur Spiri-
 tus sanctus, quia Spiritus sanctus est, & à patre filiòque procedit:
 & non est aliud pater, & aliud filius, & aliud Spiritus sanctus, sed v-
 num sunt inseparabiliter pater & filius & Spiritus sanctus. Non vnus
 sed vnum, quia alia est persona patris, alia filij, alia Spiritus san-
 cti: sed vna & æqualis, & consubstantialis, & coætterna est pa-
 tris filiòque & Spiritus sancti inenarrabilis diuinitatis maiestas,
 quia vnus est Deus. Vnionem namque in essentia confitemur, tri-
 nitatem verò in personarum discretione prædicamus.] Et san-
 ctus Alcuinus ex verbis beati Augustini in libro ad Carolum Ma-
 gnum Imperatorem dicit, *Quidquid inquit ad seipsum dicitur* Lib. I. de
Trin. cap. 8
*Deus, & de singulis personis dicitur, patre & filio & Spiritu sancto, &
 simul de ipsa Trinitate, non pluraliter, sed singulariter dicendum est.*
Quoniam quippe non aliud est Deo esse, & aliud magnum esse, vel a-
liud esse, & aliud bonum esse, sed hoc idem illi est & esse & magnum
esse, & esse & bonum esse, propterea sicut non dicimus tres Deos,
nec tres essentias, sic non dicimus tres magnitudines, nec tres bo-
nitates, sed vnum Deum, vnam essentiam, & vnam magnitudinem,
& vnam bonitatem.] Et quod Apostolus ait, Christum Dei virtutem, 1. Cor. I. 24
& Dei sapientiam, non ita intelligendum est, quòd pater dici non
 possit virtus vel sapientia, sicut dici non potest filius vel Ver-
 bum, quia hæc relatiua sunt nomina, illa verò, id est virtus & sa-
 pientia, substantialia sunt. Ideo pater virtus & sapientia, & filius
 virtus & sapientia, & Spiritus sanctus virtus & sapientia: non ta-
 men tres virtutes, nec tres sapientiæ, sed vna virtus & sapientia,
 pater & filius & Spiritus sanctus, sicut vna substantia & vna omni-

potentia, & alia quæ de substantia diuinitatis dicuntur. Et ita intelligatur filius sapientia patris, quomodo dicitur lumen patris, id est, ut quemadmodum lumen de lumine, & vtrumque vnum lumen, sic intelligatur sapientia de sapientia, & vtrumque vna sapientia: quia in illa simplicitate diuinæ naturæ non est aliud sapere quàm esse, nec aliud esse quàm posse, nec aliud posse quàm viuere. Eadem ibi sapientia quæ essentia, eadem vita quæ & essentia, & hæc omnia vnum, & vnus Deus. sic & de maiestate, & pietate, & potestate, de omnibus quæ substantialiter in Deo dicuntur, intelligendum atque fatendum est. Et item hæc praua atque peruersa Gothescalcus contexit.

VI.

— Sicut enim, inquiens, Deus Trinitas numeri singularis est, iuxta illud, benedicta sit sancta Trinitas, sic etiam numeri singularis, & *τὴν τρινα θεότητα* trina deitas.

XP. Hinc liber sextæ Synodi, per quem se Gothescalcus falsò redamauit, & suam falsam voluit confirmare sententiam, eum falsitatis redarguit, & falsarium comprobat in sua falsa interpretatione, qui volens vomere quod non glutit, *τὴν τρινα θεότητα* trinam deitatem interpretatus est. Nam illud tri, in vnitatem deitatis, quæ est vnitas Trinitatis, non recipit numerum, nec quamcumque adiectionem demonstrantem pluralitatem. Non ita ut interpretatur Gothescalcus, intellexit Victorinus rhetor vrbis Romæ, & magister beati Hieronymi, scribens ad Candidum Arrianum, per conclusiones & extensiones dialecticæ ac rhetoricæ disciplinæ, quæ quodammodo sibi cognatæ sunt, suam hæresim confirmare nitentem, eodem modo cum verborum sensibus Græcæ linguæ, de patre & filio & Spiritu sancto ipsius impietatem refellens, & destruens inter cætera. Sic, inquit, istorum trium vnum & idem existentium vna diuinitas, & non multifida maiestas, & tria vnum, & vnum tria, & ter vnum tria, & idem & vnum & solum est.] Et veri Græcæ linguæ interpretes epistolam ab Apostolica fide, & à præfata sancta sexta Synodo receptissimam, ut diximus, sancti Sophronij Hierosolymitani Episcopi interpretantes, non trina sed ter interpretati sunt, & anathematizant illos, qui illud ter non recto sensu intelligunt, & trinam deitatem dicunt, sicut in eadem sexta Synodo continetur, vbi dicitur, Numeratur ergo beata Trinitas non essentiis, non naturis, nec diuersis deitatibus, trinisve dominationibus, absit, sicut insaniunt Arrij, & sicut noui *τὴν τρινα θεότητα*, id est ter deitatis latratores, essentias tres, & naturas tres, & tres dominationes, & tres similiter vaniloquentes deitates.] & paulo post, Diuiditur itaque indiuisè sancta Trinitas, & diuisè rursus coniungitur. In personis namque diuisionem habens indiuisa permanet, & inseparabilis per essentiam & naturam, similiterque & deitatem.] Et Boëtius in libro de Trinitate ex beati Augustini scriptis, sicut & ipse fatetur, In numero, inquit,

Non longè
ab initio.

quo numeramus, repetitio vnitatum facit pluralitatem, in rerum verò numero non facit pluralitatem vnitatum repetitio. Velut si de eodem dicam, Gladius vnus, mucro vnus, ensis vnus, potest enim vnus tot vocabulis gladius agnosci, hæc vnitatum repetitio iteratio potius est quàm numeratio. velut si ita dicamus, Ensis, mucro, gladius, repetitio quædam est eiusdem, non numeratio diuersorum. velut si dicam, Sol, sol, sol, non tres soles effecerim, sed de vno toties prædicauerim. Non igitur si de patre, filio & Spiritu sancto tertio prædicatur Deus, idcirco trina numeratio numerum facit.] Videlicet quia patris & filij & Spiritus sancti vna est deitas, quæ Trinitatis est vnitas. In personarum ergo proprietate sanctæ & inseparabilis Trinitatis, cum pater ad filium, filius ad patrem, & Spiritus sanctus ad patrem filiumque refertur, relatiuè & quodammodo separabiliter dicitur apud Græcos trias Trinitatis, vt si quæretur ad quid dicitur Trinitas, respondeatur personarum, vel ad personas, quin patris & filij & Spiritus sancti, ideoque Trinitas à catholicis dicitur, quòd fiat totum vnum ex quibusdam tribus, quasi Triunitas, id est ter vnitas, & non trina vnitas, constans tribus quæ numerantur personis vnius deitatis, quæ vt diuisione ita pluralitate caret ac numero, quia vbi nulla est differentia, nulla est, vt Boëtius dicit, omnino pluralitas, quare nec numerus, igitur vnitas tantum, & vnitas in se trina esse non potest. Quapropter catholici & veri interpretes semper in sancta & inseparabili Trinitate, illud *τὸς* ter de Græca in Latinam linguam interpretari viderunt, quia trina repetitio vnius Dei, cum dicitur pater & filius & Spiritus sanctus, non facit in essentia pluralitatem, sed vnus Deus toties personaliter prædicatur. A numero autem quo numeramus, in quo pluralitatem ostendimus, sicut *τρεῖς* *τῶν* triplex, *τρίγωνος* triangulus, *τριάκοντα* triginta, *τριακόσια* trecenta, *τρίετία* triennium, *τρίετής* trimus vel trima, *τρίετην* triennalis dicitur, & plura his similia quæ rebus subiiciuntur, quærunt nominationem rerum quibus subiecta sint, & cum subiiciuntur materiis, accidentium varietas vel multitudinem significans, quæ diuise in rebus numerabilibus constat ex diuersitate vel pluralitate quam in se habet, ostendit etiam in eis quibus subiicitur quandam pluralitatem & numeri differentiam. verbi gratia, vt trimus vitulus, triennalis iuuenca, triplex funiculus, triangulus lapis, triginta viri, trecenta scuta. Ex his orthodoxorum dictis & vera Græcæ linguæ interpretatione, manifestissimè claret, Gothescalcum in sua interpretatione & in sua expositione mentitum fuisse. Nobis autem Latinis, & Græcæ linguæ ignaris, non est hinc necesse diutiùs laborare, cum satis in orthodoxorum libris, qui vtriusque linguæ fuere periti, inueniamus qualiter secundum catholicam fidem credere & confiteri, tenere quoque ac prædicare, de sancta & inseparabili vnius deitatis Trini-

tate debeamus. Nec nobis aliquis inde scrupulus, ex Gothescalci & aliorum imperitorum atque malè sentientium verbis, qui Græcæ linguæ penitus expertes fuerunt, inesse debet, cùm in maiorum nostrorum scriptis legamus, multos qui sibi interpretationem Græci sermonis vsurpauerunt, & vim notarum ac punctorum, quin imo accentuum superpositorum ad tollendam ambiguitatem, quæ apud eos ex quibusdam illorum fit literis, & ad intelligentiam sermonum, atque ad pronunciationem distinguendam, plurimum valere dicuntur, non intellexerunt, errasse & alia pro aliis, vt provisione montem, pro filio porcum, pro ter trina, & his similia, & interdum singularia pro pluralibus, & pluralia pro singularibus transtulisse. Post prædicta, inueteratum antiquissimi scriptoris venenum, à sanctis patribus, & in Nicæna Synodo, & in aliis catholicis Conciliis atque orthodoxis scripturis execratum ac prædamnatum Gothescalcus eructat, dicens,

VII.

— Sicut unamquamque ex trinitate personarum, quisquis est catholicus credit & confitetur, integrum, plenum, perfectum penitus Deum, sic unicuique personæ suam propriam deitatem integram, plenam, perfectamque penitus inesse credat, & confiteatur, & asserat, ac pro viribus collatis & conferendis deinceps diuinitus contradicentes quoscumque conuincat. In hoc enim liquet luce clariùs, quin patet sole splendidius, quod inest unicuique personæ suæ propria deitas, atque diuinitas, quia reuera nequaquam assumpsit humanitatem, quod absit, ullomodo tota Trinitas, sed sola tantummodò filij deitas.

Leuit. 21. 20

Pastor.
Part. I.
cap. XI.

Rom. 1. 22.

Prou. 7. 11.

X P. H I N C quisque cordatus percipiat quantum sit arrogantia vitium, quod non solum veritatem, sed nec seipsum quem præoccupat permittit cognoscere hominem. Vnde Dominus loquens ad Moysen, inter cetera iussit vt albuginem habens in oculo non offerat panes Deo suo, nec accedat ad ministerium eius. Albuginem verò habet in oculo, vt exponit Gregorius, qui veritatis lucem videre non finitur, quia arrogantia sapientiæ seu iustitiæ cæcatur. Pupilla namque oculi nigra videt, albuginem tolerans nihil videt: quia videlicet sensus humanæ cogitationis, si stultum se peccatoremque intelligit, cognitionem intimæ claritatis apprehendit. Si autem candorem sibi iustitiæ seu sapientiæ tribuit, à luce se supernæ cognitionis excludit, & eo claritatem veri luminis nequaquam penetrat, quo se apud se per arrogantiam exaltat: sicut de quibusdam dicitur, & de hoc singularis amentia homine intelligi ritè potest, *Dicentes enim se esse sapientes, stulti facti sunt.*] Paulo namque superius vnā naturaliter deitatem diuisit, trinam esse illam personaliter dicens: deinde vt scriptum est sub meretricis mulieris specie, quod catholici viri interpretantur de hæresi, quia non valet consistere pedibus suis quin de pessimis ad peiora labatur, suū ipsius oblitus, unicuique perso-

personæ in sancta Trinitate propriam deitatem, integram, plenam, perfectam, ac per hoc tres deitates, quod à catholicis iure damnatur, penitus inesse credi & asseri atque defendi debere dicit. De quo ait secundum Septuaginta translationem Esaias propheta, *Stultus stulta loquitur, & cor eius vana intelligit, & consummat inimica: & loquitur ad Deum errorem, ad disperdendas animas esurientes, & animas sitientes inanes faciat.* Consilia enim malorum iniqua cogitauerunt disperdere humiles in sermonibus iniquis, & dissipare verba humilium in iudicio. Nam pij sapientiam cogitauerunt, & hoc consilium manebit, videlicet quod contra eum redarguens & reuincens illum ad Corinthios scripsit Apostolus Paulus dicens, *Gratia Domini nostri Iesu Christi, & caritas Dei, & communicatio sancti Spiritus, cum omnibus vobis.* Hic caritas Dei, hoc est patris intelligenda est, de quo dicit Ioannes Apostolus, *Deus caritas est. In hoc apparuit caritas Dei in nobis, quoniam unigenitum filium suum misit Deus in mundum, ut viuamus per eum.* Gratia, domini nostri Iesu Christi, de quo ad Hebræos dicit Apostolus, *Gratia Dei pro omnibus gustauit mortem.* Communicatio sancti Spiritus, sicut Augustinus dicit, intelligenda est, quoniam in eadem vnitate substantiæ & æqualitate cum patre & filio consistit. Siue enim sit vnitas amborum, siue sanctitas, siue caritas, siue ideo vnitas quia caritas, & ideo caritas quia sanctitas, nequaquam minor est illis in aliquo ex quibus procedit, sic manens ut procedat, sic procedens ut maneat. Proinde totus de patre procedit, & totus de filio: totus in patre manet, & totus in filio. Quamobrem naturaliter hanc habet cum patre & filio vnitatis plenitudinem, & plenitudinis vnitatem, ut totum patrem habeat, totumque filium, ipseque totus habeatur à patre, totus habeatur à filio: qui etiam à patre & filio æqualiter datur, immo & à seipso datur.] Et Athanasius hanc Apostoli exponens sententiam dicit, *Nonne aperte per singula nomina singulas personas inesse distinxit? Nomina singula tantum in personis perfecte ostenduntur, deitatis vsu iudicium vniter per hæc ipsa indicatur? Sic pater in filio, & filius in patre, Spiritus autem sanctus coniunctio deitatis virtus & vnitas Trinitatis. Qui tres virtutes inducit, tres Deos confitetur. Nos autem credimus tres personas, vnā deitatem: confitemur patrem in filio, & filium in patre cum Spiritu sancto: non separatur vnitas, non diuiditur deitas, Deus ex Deo, non duo Dij, virtus ex virtute, sed vna virtus, lumen de lumine, veritas de veritate, sed vnum lumen & vna veritas.] Et item exponens sententiam Apostoli, *Omnia ex ipso, & per ipsum, & in ipso,* Ex ipso, inquit, ex patre est dictum, & per ipsum per filium, & in ipso in Spiritu sancto, est vniter consummarum. Itaque quod ait ex ipso, & per ipsum, & in ipso, quia identidem hæc ipsa est diuinitas patris, quæ & filij & sancti Spiritus, ideo cuncta ex ipso, & per ipsum, & in ipso sunt facta: ipsi Trini*

2. Cor. 13. 13

1 Ioan. 4. 9.
1. Ioan. 1.
16.

Hebr. 2. 9.

Lib. 1. in
principio.Rom. 11. 16.
Lib. 4. post
medium.

tati vnitæ inenarrabili honor & gloria in sæcula sæculorum, Amen.] Et Ambrosius in libro tertio de Spiritu sancto, Manet, inquit, cum patre & filio & Spiritu sancto. Vnde & Apostolus cum gratia Iesu Christi, & caritate Dei, communicationem Spiritus sancti copulauit
 2. Cor. 13. 13] dicens, *Gratia Domini nostri Iesu Christi, & caritas Dei, & communi-
 catio Spiritus sancti cum vobis omnibus.*] Aduertimus igitur quod pater & filius & Spiritus sanctus in vno eodémque templo per naturæ eiusdem maneant vnitatem. Si enim, vt Gothescalcus dicit, & fides catholica contradicit, vnicuique personæ propria & specialis inest deitas, & non vnius deitatis, quæ communis est simul tribus personis, est Trinitas, tres sunt deitates, sicut tres sunt personæ, quibus singulis inest specialis proprietas. Proprium enim est patris qui à nullo est, vt pater sit. proprium est filij, qui de substantia patris genitus est, vt filius sit. proprium est Spiritus sancti, qui ex patre filioque procedit, vt amborum patris scilicet & filij Spiritus sit. & si tres, quod absit, sunt propriæ personarum deitates, vt vnicuique personæ sit propria id est specialis deitas, tres Dij erunt, & iam non erit inseparabilis Trinitas, quoniam separabilis, immò separata est deitas, quæ Trinitatis est vnitas, & qua est inseparabilis Trinitas. Et dicens, VIII.

—*Supereft vt illi qui sunt grammatici, si nolunt esse simul & hæretici, non præsumant fateri in Ecclesia veracis Dei, veritatis Dei, veri Dei, quòd τριθεοτία id est trina deitas vlla ratione pluralis existat numeri, cum sit vt claret utique singularis, velut nouerunt vniuersi qui vel mediocriter artis grammaticæ sunt periti.*

XP. Oblitus, vel potius propter arrogantiam videre non valens rudimenta artis Grammaticæ, id est Donati doctrinam, quam sicut alphabetum initia videlicet elementorum in schola discunt pueruli, vbi scriptum est eodem Donato docente, Sunt alia nomina sono singularia, intellectu pluralia, vt gens, populus, concio, plebs, multitudo, sicut & quædam sunt nomina mobilia & adiectiua, sono numeri singularis, intellectu in se pluralitatem habentia, & adiuncta singularis numeri fixis nominibus pluralitatem monstrantia, vt tertia, trina, trima, trigama, & alia huiusmodi, de quibus quædam ponimus exempli gratia, tertia hora, trina repetitio, trima iuuenca, trigama mulier, in quibus omnibus fixis nominibus, ex adiectiuis in se pluralitatem habentibus, quodammodo quædam pluralitas demonstratur. Nam cum dicimus hora tertia, horarum multiplicatio designatur: cum dicimus trina repetitio, pluralitatem repetitionis ostendimus: cum dicimus trima iuuenca, annorum in ea pluralitatem significamus: cum dicimus trigama mulier, plures eam habuisse viros manifestamus. Inuenitur quoque dictum ab Augustino in libris de Trinitate, trinitas anulorum, trinitas personarum, trinitas in mente hominis, vbi ad imaginem Dei factus est. Vnde vt putamus

non inconuenienter etiam dici potest trina Trinitas. Sed cum inconuenienter à Gothescalco dicitur trina deitas, pluralitas & numerus, quæ ut dicit Boëtius fiunt ex differentia, illi naturæ simplici & indiuisibili, quæ nec in personis habet quamcumque differentiam, quod est dicere nefas imponitur, & in hoc mobili & adiectiuo nomine quod est *trina*, & in fixo nomine cui adicitur, quod est *Trinitas*, continetur pluralitas, quam in se non recipit deitas. Quæ de re *trina deitas* à nullo catholico intellecta, vel credi aut dici debere dicta est, ut Boëtius in libro ad Ioannem dicit, Si igitur interrogem, an qui dicitur pater substantia sit, respondetur esse substantia. Quod si quæram an filius substantia sit, idem dicitur. Spiritum quoque sanctum substantiam esse nemo dubitauerit. Et cum rursus colligo patrem filium Spiritum sanctum, non plures sed vna occurrit esse substantia. Vna igitur substantia trium, nec separari villo modo aut disiungi potest, nec velut partibus in vnum coniuncta est, sed est vna simpliciter. Quæcumque igitur de diuina substantia prædicantur, ea tribus oportet esse communia. Si dicimus pater Deus est, filius Deus est, Spiritus sanctus Deus est, pater filius ac Spiritus sanctus vnus Deus. Si igitur eorum vna deitas, vna substantia est.] Et in libro de Trinitate, Quod tertio repetitur Deus cum pater & filius & Spiritus sanctus nuncupatur, tres vnitates non faciunt pluralitatem in eo quod ipsæ sunt, id est in deitate, quæ natura & essentia est, quæ ab eo quod est esse essentia dicta est. Non igitur, inquit idem Boëtius, si de patre ac filio & Spiritu sancto tertio prædicatur Deus, idcirco trina prædicatio numerum facit. Hoc enim illis ut dictum est imminet, qui inter eos distantiam faciunt meritorum: catholicis verò ita indifferentia constituentibus, ipsamque formam ut est esse ponentibus, neque aliud esse quàm est ipsum quod est opinantibus, rectè repetitio de eodem quàm enumeratio diuersi videtur esse, cum dicitur Deus pater, Deus filius, Deus Spiritus sanctus: atque hæc Trinitas vnus Deus, velut ensis, mucro atque gladius, vnus gladius, velut sol, sol, sol, vnus sol. Sed hoc interim in eam dictum sit significationem demonstrationemque, qua ostenditur non omnem vnitatum repetitionem numerum pluralitatemque perficere. Non verò ita dicitur pater ac filius & Spiritus sanctus, quasi multiuocum quiddam. Nam mucro & ensis & ipse est & idem, pater verò ac filius & Spiritus sanctus idem equidem est, non verò ipse.] Hinc manifestum est Gothescalcum non dicere verum, Sicut, inquit, Deus Trinitas numeri singularis est iuxta illud, Benedicta sit sancta trinitas, sic etiam numeri singularis est trina deitas. Quia trina & Trinitas sono singularis sunt numeri, & intellectu pluralis. Deitas autem, qua patrem Deum dicimus, filium Deum dicimus, Spiritum sanctum Deum dicimus, & sono & intellectu singularis est numeri, & adiectionem pluralitatem significantem non recipit: quoniam sancta

In princ.
pio libelli.

Lib. de
Trinitate
ante mediū

Non longè
à princip.

Exod. 3. 14.

Esa. 6. 3.

Psal. 66. 8.

Rom. 11. 36.

In princi-
pio.

Sap. 1. 21.

Sap. 1. 4.

Sap. 1. 5.

& inseparabilis in personis intelligitur & dicitur Trinitas & in substantia, essentia, natura, diuinitate, deitate, intelligitur & dicitur vnitas, quia deitas Trinitatis est vnitas, vt omnes doctores catholici, sed & Boëtius in præfato libro de Trinitate vt præmisimus dicit. Vbi inquit nulla est differentia, nulla est omnino pluralitas, quare nec numerus, igitur vnitas tantum. Nam quod tertio repetitur Deus, cum pater & filius & Spiritus sanctus nuncupatur, tres vnitates non faciunt pluralitatem numeri in eo quod ipsæ sunt.] id est in essentia, videlicet deitate. Vnde dixit Deus ad Moysem, *Ego sum qui sum, & , dices filiis Israel, Qui est misit me ad vos.* Regula igitur fidei, secundum auctoritatem sacræ scripturæ, in qua legitur *Sanctus Sanctus Sanctus Dominus Deus Sabaoth, & , Benedicat nos Deus Deus noster, benedicat nos Deus, & metuant eum omnes fines terræ, & , ex ipso & per ipsum & in ipso sunt omnia, ipsi gloria, catholice dicitur, Benedicta sit sancta Trinitas, atque indiuisa vnitas: confitebimur ei, quia fecit nobiscum misericordiam suam.* Sed non sicut catholice dicitur, benedicta sit sancta Trinitas, videlicet personarum, atque indiuisa vnitas, quæ intelligitur deitas, quæ Trinitatis est vnitas, non potest ita, vt Gothescalcus desipit, catholice dici trina deitas, quæ vt Augustinus sicut præmisimus dicit, Trinitatis est vnitas, de qua dicit Ambrosius, Tu Trinitatis vnitas, orbem potenter qui regis, & Athanasius in libro sexto de Fide, Deus, inquit, pater, Deus & filius, Deus & Spiritus sanctus. Vides Trinitatis indicium in tribus esse personis, & tres has personas nominibus tantum esse discretas: vnde nec vnitas potest ostendi sine personis, nec hæ personæ sine vnito nomine deitatis.] Hoc, vt Augustinus dicit, animalis homo non percipit, hoc Gothescalcus videre non valet, quia sicut in literis diuinitus inspiratis legimus, scilicet quatuor esse arrogantium species, id est, cum quisque arrogans quod habet, aut à se habere, aut sibi pro meritis suis datum computat, aut quod non habet habere se simulat, aut id quod habet singulariter præ cæteris sibi habere arrogat, in isto manifestè videmus. Nam de duabus prioribus arrogantium speciebus ipse viderit, duas posteriores in eo fuisse & adhuc permanere, qui illum ab infantia cognouerunt, & manifestè conspiciunt, & conspexerunt. Non enim potest sustinere, vt audiat quod illius sensui non concordat, multo minus autem vt illum aliquis doceat, & omnium sensus suo sensui incomparabiles computat, & neminem sibi in scientia æquiparabilem putat, & nō suum sensum ad scripturas, sed scripturas ad suum sensum inflectere curat. quas quia malo voto legit, veritatem in eis videre non valet. *Excceauit enim eum, sicut scriptum est, malitia eius. Quoniam in maliuolam animam non introibit sapientia, & , Spiritus sanctus, quo ipsæ scripturæ sunt inspiratæ, disciplina effugit fictum, & aufert se à cogitationibus quæ sunt sine intellectu.* Requiescit enim super humilem & quietum, & vt sanctus dicit Gregorius, quam non inuenit humilem

veritas fugit mentem. De quo & eius similibus item beatus dicit Gregorius, Hæretici in inquisitionibus suis non veritatem conantur assequi, sed victores videri: cumque foris ostendi sapientes appetunt, intus per stultitiam elationis suæ vinculis ligantur. Vnde fit ut contentionum certamina exquirant, & de Deo, qui pax nostra est, loqui pacificè nesciant, atque ex pacis negotio rixæ inuentores fiant. Quibus bene per Paulum dicitur. *Si quis autem videtur contentiosus esse, nos talem consuetudinem non habemus, neque Ecclesia Dei.*] Propterea non est mirum, si cum Phariseo de templo Domini, id est sancta Ecclesia, iustè eiectus habetur iniustus, in quo plures sua prava conuersatione atque doctrina iniustificans diu mansit perniciosè iniquus, & adhuc, sicut sanctus Hilarius de Osio dicit, idcirco est reseruatus, ne iudicio humano ignoraretur qualis antè vixisset. Contra cuius mortifera venena, quibus expuit quòd unicuique personæ sua propria, integra, plena, perfectaque sit deitas, & sola tantummodò filij deitas humanitatem assumpserit, sanctus Athanasius dicit in capite libri primi de Trinitate, Tu vnus Deus pater, & vni-genitus Dei filius, Deus Spiritus sanctus, qui vnā deitatem nobis declarasti, & sacrosanctæ solius diuinitatis indiuisam gloriam reuelasti, & perfectam gloriam Trinitatis tuam sempiternam plenitudinem demonstrasti. ideo optimum duxi, ut tua veritas patefacta claresceret, & hæreticorum detecta cæcitas innotesceret.] Et hoc catholicè per totum libri corpus contexens ad locum dicit, Vnde quamuis in hoc loco copiosè sint significationes dictæ, tamen ad vnitam diuinitatem Trinitatis euidentius sunt approbatæ.] *Et post aliquanta*, An ignoras, inquit, quia pater vnus Deus est, & filius vnus Deus est, & Spiritus sanctus vnus Deus est? Nonne vnus Deus est, dum vnitum nomen est in natura vsiæ? Sic & vnus spiritus est, quia vnita est eiusdem deitas. Nam si tu per singula nomina personarum vnitum nomen spiritus ter designasti, numquid tres spiritus dicere oportet? Absit. Quòd si hoc potuerat dici, tale erat ut & hoc in confessione deberet introduci, tres Deos plurali numero nuncupari: ut iam non esset in his personis vnita natura diuinitatis, sed vnusquisque in propria vel diuersa natura sua consisteret, quod absit.] *Et item paulo post*, Nos vnitatem deitatis vniter non pluraliter in Trinitate consentire sciamus.] *Et item*, Ideo vnus est Deus, quia vnita est deitas, sicut per singulas personas scriptum est. Et quia nullus Deus nisi vnus, vel hoc, *Audi Israel, dominus Deus tuus Deus vnus est.*] *Et item*, Memento vnitum nomen diuinitatis esse singulis personis. quod in eodem libro scripturarum auctoritate confirmat, & post illa testimonia dicit, Vides in his personis vnitum esse nomen Trinitatis in natura. & item post plura scripturarum testimonia, Vides per singulas significationes, videlicet personas, vnitum nomen deitatis ter indicatum?] *Et post aliquanta scri-*

I. Cor. II. 16

De vnito
nomine
Trinitatis.

Deut. 6. 4.

Matt. 28. 19

Sub libri
medium.
Ioan. 14. 16

prum est, *Euntes baptizate omnes gentes in nomine*, & sic profecutus est, *patris & filij & Spiritus sancti*. Vnde in his personis per omnia in deitate diuinitatis vnitum nomen est, & per ipsa nomina Trinitatis tantum personæ distinctæ sunt.] *& post pauca*, Vt in baptismo vnitum diuinitatis nomen prius confitearis, vt remissam peccatorum in his personis consequi merearis.] *& item*, Vides quia in deitate & in substantia plenitudinis per omnia vnum sunt, & in nominibus personarum tres sunt.] Et in secundo libro de propriis personis, & de vnito nomine diuinitatis, *Rogabo patrem meum, & alium paracletum dabit vobis*. Scito alium ab alio, siue alterum ab altero in persona tantum differre, & non in vnita plenitudine diuinitatis vsu. Nam si secundum nomina singula personarum alter in altero sine dubio dici potest, numquid sic & in vnita deitate alter Deus potest pernuntiari pater, quasi sit in natura diuersus à filio, & alter Deus potest dici filius à patre, quasi sit in deitate alter, & alius Deus potest profiteri Spiritus sanctus, quasi sit in substantia discrepante à patre & filio? Absit. dum vnitum nomen sit in eis in vna vera natura, ac per hoc vnus verus est Deus.] *& post pauca*. Sanè deitas eorum cum sit vnita, alter hic Deus ab illo alio Deo verbo tenus dici non potest, quia vnitum nomen est, & in plenitudine diuinitatis, & ideo vnus est Deus.] *& item*. Præterea vbi nullus nec numerus, sed nec aliqua differentia in vnita plenitudine deitatis patris & filij & Spiritus sancti inuenitur, dum vnus in alterius nomine distinctè in diuinitate & tamen vniter continetur. *Interrogatio*. Pande itaque mihi quomodo tres vnum sunt, aut vnum tres sunt. *Responsio*. Memento quia pater & filius & Spiritus sanctus tres vnum sunt, qui in natura Trinitatis consistunt. ideo tres vnum sunt, siue vnum tres. *Interrogatio*. Nimirum diuisa est hæc Trinitas, an indiuisa est, dicito mihi. *Responsio*. Planè diuisa est in nominibus tantum personarum, in deitate autem indiuisa est. *Interrogatio*. Edicito mihi quomodo interpretatur vnitas. *Responsio*. Nescis quia vna est patris & filij & Spiritus sancti diuinitas? *Interrogatio*. Quid significatur vel intelligitur in hoc loco natura? *Responsio*. Hoc quod sentitur veritas ac dealitas siue substantia, de qua Græci dicunt vsia, quæ est manifestè vnita plenitudo diuinitatis. *Interrogatio*. Quid est vsia Trinitas? *Responsio*. Vtique quia vna est in ipsa Trinitate plenitudo diuinitatis: ita & vnitatis naturæ nomen vniter in Trinitate consistere declaratur, & in ipsa Trinitas æquè per singula nomina personarum perfectè demonstratur.] Et sanctus Hilarius in Commento Matthæi, Duo autem sunt in lecto eandem passionis Dominicæ requiem prædicantes, circa quam & hæreticorum & catholicorum eadem atque vna confessio est. Sed quia vnitatem patris & filij, & communem eorum theoteiam, quam deitatem nuncupamus, catholicorum veritas prædicabit, & eandem rursus plurimis

Canone
xxvi.

contumeliis hæreticorum falsitas impugnabit, idcirco ex duobus in lecto alius relinquitur & alius assumitur, quia fidem confessionis vtriusque in vno assumendo & alio relinquendo diuini arbitrij iudicium comprobabit.] Et Ambrosius in primo libro de Fide, *Scriptum est, Audi Israel, Dominus Deus tuus Deus vnus est.* Deus enim & Dominus nomen magnificentiae, nomen est potestatis, sicut ipse dicit, Dominus Deus nomen est mihi: & sicut alibi propheta asserit, *Dominus Deus omnipotens nomen est ei.* Dominus ergo & Deus, vel quod dominetur omnibus, vel quod spectet omnia, & timeatur à cunctis. Si ergo vnus Deus, vnum nomen, vna potestas, vna est Trinitas. Denique dicit, *ite baptizantes in nomine patris & filij & Spiritus sancti.* in nomine vtrique, non in nominibus. Ipse etiam dicit, *Ego & pater vnus sumus.* vnum dixit, ne fiat discretio potestatis: sumus addidit, vt patrem filiūque cognoscas, quod perfectus pater perfectum filium genuisse credatur, & pater ac filius vnum sint, non personarum confusione, sed vnitae naturæ.] *& item,* Vnum ergo Deum, non duos aut tres Deos dicimus, vt impia Arrianorum hæresis dum criminatur incurrit. Tres enim Deos dicit, qui diuinitatem separat Trinitatis.] Et Augustinus in libro contra quinque hæreses, Dic doctor meus, sancte Paule, doce diuini iuris perite, sponsi amice. Homo iste modò venit, mundum subuertit, & fidei vnitatem scindit, Trinitatem diuidit.] *& item post aliquanta.* Diximus de patre & filio quod potuimus, & quantum potuimus, si tamen aliquid dignè potuimus, de Spiritu sancto tacuimus, sed non eum separauimus. Quidquid enim de patre & filio diximus, etiam de Spiritu sancto diximus. Est enim in illis & cum illis æqualis, vnus non minor aut tertius Deus. Quid adhuc dicam fatigatus? Qui Spiritum sanctum à patre & filio, æternitate, & substantia, vel communionem separat, & qui negat spiritum esse patris & filij, plenus est spiritu immundo, vacuus Spiritu sancto. Ideo enim Deus dicitur caritas, quia non partibus diuidit vnitatem, sed ineffabiliter coagulat trinitatem. Ipsa est enim Trinitas vnus Deus, turris fortitudinis à facie inimici, qui credentes in se custodit in sæcula sæculorum.] Et item idem sanctus Augustinus in Sermonem de fide contra hæreticos, Dicamus aliquid de scripturis, non rationem sequentes, sed auctoritatem Domini saluatoris. Christus dicit ascensurus ad cœlos, ad Apostolos loquens, quibus prædicat vt magister & Dominus. Nemo sic nouit de natura sua dicere, quomodo ipse qui Deus est: nobis autem sufficiat scire de Trinitate quod Dominus exponere dignatus est. Quid ergo dicit ad Apostolos? *Ite baptizate omnes gentes in nomine patris & filij & Spiritus sancti.* Tria nomina audio, & vnum dicitur nomen. Non enim dixit in nominibus, sed in nomine. Tria nomina dicit, & quomodo vnum ponit, in nomine patris & filij & Spiritus sancti? Nomen patris & filij & Spiritus sancti vnum est, sed Trinitatis est

Lib. 1. c. 1.

Deut. 6. 4.

Exod. 15. 11.

Matt. 28. 19.

Ioan. 10. 30.

Cap. 2.

Sub finem.

Matt. 28. 19.

nomen. Quod dicitur in nomine patris Dei, in nomine filij Dei, in nomine Spiritus sancti Dei, pater & filius & Spiritus sanctus vnum nomen est diuinitatis. Sed requiris à me quomodo vno nomine tres appellatur, nescio, & liberè me nescire profiteor quod Christus noluit indicare. hoc solùm scio, quia & in hoc sum Christianus, quia vnum Deum in Trinitate cōfiteor. Si autem dixero, vnā personam esse patris & filij & Spiritus sancti, Sabellianus appellabor, & incipio non esse Christianus, sed Iudæus. Quia Iudæus vnū Deum dicit, & qui a patre nescit & filium & Spiritum sanctum, propterea mysterium non tenet Trinitatis. Ergo si sic dicimus vnum Deum, vt patrem & filium & Spiritum sanctum excludamus à mysterio Trinitatis, Iudæi effici-mur. Ego liberè dico, non ex me sed sententia Saluatoris, scandalum quod in animo nascitur auditoris, quomodo tres vnum sint, quomodo pater & filius & Spiritus sanctus non diuidantur in diuinitate, sed in personarum qualitate. Quandocumque personas appello, ro-go vos, non me reputetis personas hominum dicere. ego personas in patre & filio & Spiritu sancto non dico quasi personas homi-num. Patris personam dico, quia pater est, & filij quia filius est, & Spiritus sancti quia Spiritus sanctus est. Non est pater filius, nec filius pater, nec Spiritus sanctus pater aut filius. Diuiduntur enim proprietatibus, sed natura sociantur.] *Item in alio Sermone de Fide contra Arrianos & Sabellianos, Nec est prorsus aliquis in Trinitate gradus, nihil quod inferius specialiusve dici potest: ita tota deitas sua perfectione æqualis est, vt exceptis vocabulis quæ proprietatem personarum indicant, quidquid de vna persona dicitur, de tribus dignissimè possit intelligi. atque vt confutantes Arrium vnā eandemque dicimus Trinitatis esse substantiam, & vnum in tribus per-sonis fatemur Deum: ita impietatem Sabellij declinantes, tres perso-nas expressas suū proprietate distinguimus. non ipsum sibi patrem, ipsum filium, ipsum Spiritum sanctum esse dicentes. sed aliam pa-tris, aliam filij, aliam Spiritus sancti esse personam. Non enim no-mina tantummodò, sed etiam nominum proprietatem, id est per-sonas confitemur: nec pater filij aut Spiritus sancti personam aliquan-do excludit, nec rursus filius aut Spiritus sanctus patris nomen perso-namque recipit, sed pater semper pater, filius semper filius, Spiritus sanctus semper Spiritus sanctus. Itaque substantia vnum sunt, per-sonis ac nominibus distinguuntur.] Et item sanctus Augustinus in libro primo de Trinitate, Omnes quos legere potui, qui ante me scripserunt de Trinitate quæ est Deus, diuinorum librorum vete-rum & nouorum catholici tractatores, hoc intenderunt secundum scripturas docere, quod pater & filius & Spiritus sanctus vnus eius-demque substantiæ, inseparabili æqualitate diuinam insinuent vni-tatem. ideoque non sint tres Dij, sed vnus Deus, quamuis pater fi-lium genuerit, & ideo filius non sit qui pater est, filius à patre sit genitus,*

fit genitus, & ideo non sit pater qui filius est, Spiritus sanctus nec pater sit, nec filius, sed tantum patris & filij spiritus patri, & filio etiam ipse coequalis, & ad Trinitatis pertinens vnitatem.] Et sanctus Sophronius in catholica sua epistola, quam sexta Synodus ad catholicæ fidei confirmationem produxit, Nos inquit vnum principium vnus nouimus deitatis, vnum imperium, vnam potestatem, vnam virtutem, vnam operationem, vnum consilium, vnam voluntatem, vnam dominationem, vnum motum, tam omnium quæ post eam sunt creatricem, quamque prouidam & stabi-
 lientem atque conseruatricem, vnam dominationem, vnam sempiternitatem, & quæque sunt talia singularia & incompressa vnus essentia atque naturæ in tribus personalibus subsistentiis. neque subsistentias confundentes, & in vnam eas subsistentiam deducen-
 tes, neque eandem vnam essentiam partientes, & in tres eam essen-
 tias diserpentes, & vnam ex hoc diuidentes deitatem. Sed est vnus Deus, vna deitas, in tribus subsistentiis fulgens, & tres subsistentiæ & personæ in deitate vna cognoscuntur. Propterea perfectus Deus est pater, perfectus Deus est filius, perfectus Deus est Spiritus sanctus, idcirco quod vnam eandemque singula quæque persona insepara-
 bilem, indiminutam, atque perfectam habet deitatem. Et iuxta quod Deus quidem est, id ipsum existit vnumquodque, dum seorsim con-
 sideratur, ipsa intelligentia quod non est separabile separante, vt pater tamen & filius & Spiritus sanctus, aliud, & aliud, & aliud di-
 cantur. & idcirco hæc à Dei capacibus prædicantur Deus, & Deus, & Deus; sed vnus est hæc tria Deus. Non enim alius Deus pater, nec alius Deus filius, neque alius iterum Deus Spiritus sanctus, quia nec alia natura est pater, nec alia natura est filius, neque alia iterum natura est Spiritus sanctus. Hoc enim etiam multos atque diuersos Deos officinatur, multasque & varias generat deitates. sed Deus quidem est pater, Deus verò est filius, similiter & Deus est Spiritus sanctus, eo quod indiuisa & indiminuta eadem tres personæ vna impleantur deitate, & in vnaquaque earum funditus tota est. Nam deitas diuisionem non sustinet, & in tribus ipsis personis plenificè atque perfectè est, non partibiliter, siue ex parte easdem implens personas, sed in vnaquaque existens plenissima, & vna permanens, licet in tribus personis monstretur, & ad deorum multitudinem excurrens, licet in tribus sit subsistentiis, vt non corporalem quan-
 dam sustineat sectionem, quæ certè est impassibilis & incorporea, & pati nesciens quæ creaturæ sunt propria.] Hæc Spiritus sanctus per sanctos dicit Athanasium, Hilarium, & Ambrosium, atque Augustinum: & spiritus immundus exhalat per immundissimum Go-
 thescalcum dicens, Sicut vnamquamque ex Trinitate personarum quisquis catholicus credit & confitetur, integrum, plenum, perfe-
 ctum penitus Deum: sic unicuique personæ suam propriam deitatem

Synodi vi.
Act. xi.

» integram, plenam, perfectam penitus inesse credat & confiteatur, cum, *vt sanctus Ambrosius scribit, Dominus dicendo, *Ite baptizate gentes in nomine patris & filij & Spiritus sancti*, vnus esse Trinitatem potestatis ostenderit. Nos patrem & filium & Spiritum sanctum confitemur, ita vt in Trinitate perfecta, & plenitudo sit diuinitatis, & vnitas potestatis. *Omne regnum in se diuisum facile destruetur*, Dominus hoc dicit. Non ergo diuisum est regnum Trinitatis. Si ergo diuisum non est, vnum est. Quod enim vnum non est, diuisum est. Tale ergo regnum esse cupiunt Trinitatis, quod diuisione sui facile destruat. Immo quia non potest destrui, constat non esse diuisum.*

Cap. cod. Non enim diuiditur vnitas, nec scinditur.] & post aliquanta, Est enim plenitudo diuinitatis in patre, est plenitudo diuinitatis in filio, sed non discrepans, sed vna diuinitas. nec confusum quod vnum est, nec multiplex quod indifferens.] & paulo post, Necessesse est negent Arriani aut patris aut filij diuinitatem, nisi eiusdem diuinitatis crediderint vnitatem.] & item, Vt autem vna deitas patris & filij, & vna dominatio probaretur, ne gentilis aut Iudaica impietatis incurreremus errorem, prouidens Apostolus quid sequi deberemus ostendit dicens, *Vnus Deus pater, ex quo omnia, & nos in ipso: & vnus Dominus Iesus Christus, per quem omnia, & nos per ipsum.*] & post pauca, Quæ enim potest esse alia æstimatio, vbi deitatis vnitas est?] Et in libro primo de Spiritu sancto, Numquid est alia offensa filij, alia Spiritus sancti? Sicut enim vna diuinitas, sic vna iniuria. Si igitur vna pax, vna gratia, vna caritas, vna communicatio est patris & filij & Spiritus sancti, vna certè operatio est, & vbi vna operatio est, vtique non potest virtus esse diuisa, & indiscreta substantia. Scriptum est enim, *Ite baptizate gentes in nomine patris & filij & Spiritus sancti.* In nomine dixit, non in nominibus. Non ergo aliud nomen est patris, aliud nomen filij, aliud nomen Spiritus sancti, Quia vnus Deus, non plura nomina, quia non duo Dij, non tres Dij. Et vt aperiret quia vna diuinitas vna maiestas est, quia vnum nomen patris & filij & Spiritus sancti, non in alio nomine venerit filius, in alio nomine Spiritus sanctus, ait ipse Dominus, *Ego veni in nomine patris mei.*] & paulo post, Scriptum est, *Paracletus autem spiritus, quem mittet pater in nomine meo, ille vos docebit omnia.* Qui autem venit in nomine filij, vtique etiam in nomine patris venit, quia vnum nomen patris & filij est. Sic fit vt vnum patris & filij nomen sit, & Spiritus sancti. Nec enim est aliud nomen sub cælo vllum, in quo oporteat nos saluos fieri. Simul docuit vnitatem diuini nominis esse credendam, non disparilitatem.] Et in libro tertio, capitulo decimo quarto, Vbi enim vna deitas intelligitur, vnus Deus dicitur. Sed excusamus vos ab inscientia, & si non excusamus à culpa. Et enim secundum nostram sententiam, quia vnus Deus, vna diuinitas, & vnitas intelligitur potestatis, sicut vnum Deum dicimus, & patrem veræ

Lib. 7. de fi-
de cap. 2.
Matt. 28. 19

Cap. cod.

1. Cor. 8. 6.

Cap. cod.

Cap. 13.

Cap. 14.
Matt. 28. 19

Ioan. 5. 43.

Cap. cod.

Ioan. 14. 26.

deitatis nomine confitentes, nec filium denegantes, ita etiam Spiritum sanctum à deitatis non excludimus vnitate, & tres Deos non asserimus, sed negamus, quia pluralitatem non vnitas facit sed diuifio potestatis. Quomodo enim pluralitatem recipit vnitas diuinitatis, cum pluralitas numeri sit, numerum autem non recipiat diuina natura? Vnus ergo Deus salua maiestate trinitatis æternæ, sicut pro-
Cap. 15.
 posito declaratur exemplo. Nec eo tamen solo loco Trinitatem videmus nomine diuinitatis expressam: sed cum plerisque locis, sicut & suprâ diximus, tum maximè in his Epistolis quas ad Thessalonicenses Apostolus scripsit.] *Et item*, Ergo sicut pater Deus & filius
Cap. 17.
 Dominus, ita & filius Deus & pater Dominus. Alternatur pia significatio, non alternatur diuina natura, sed immutabilis manet gratia. Non enim largitatis conlatiua, sed naturalis placita caritatis sunt, quia & vnitas proprietatem habet, & proprietas vnitatem.] *Et item*.
Cap. 19.
 Aut dicant igitur quid sit quod sine patre & filio & Spiritu sancto sit creatum, aut Spiritum quoque vnus cum patre & filio deitatis esse fateantur.] Et sanctus Augustinus in libro quarto de Trinitate capitulo vigesimo primo dicit. In sua quippe substantia qua sunt, tria vnum sunt pater & filius & Spiritus sanctus, nullo temporali motu super omnem creaturam id ipsum sine vllis interuallis temporum vel locorum, & simul vnum atque idem ab æternitate in æternitatem, tanquam ipsa æternitas, quæ sine veritate & caritate non est. In meis autem vocibus separati sunt pater & filius & Spiritus sanctus, nec simul dici potuerunt, & in litteris visibilibus sua separatim locorum
Cap. 24.
 spatia tenuerunt.] Et in libro de vera Religione. Quare ipsum donum Dei cum patre & filio æquè incommutabile colere & tenere nos conuenit, vnus substantiæ Trinitatem.] Et in libro contra Maximinum. Tres enim personæ sunt pater & filius & Spiritus sanctus, & hi tres,
Lib. 111. cap. 10.
 quia vnus substantiæ sunt, vnum sunt & summè vnum sunt, vbi nulla naturarum, nulla est diuersitas voluntatum. Si autem natura vnum essent, & consensione non essent, non summè vnum essent. Si verò natura dispares essent, vnum non essent. Hi ergo tres, quia vnum sunt propter ineffabilem coniunctionem deitatis qua ineffabiliter copulantur, vnus Deus est.] Et item ex libro contra Maximinum.
Lib. 111. sine.
 Satis apparet patris & filij & Spiritus sancti vnâ esse virtutem, vnâ esse substantiam, vnâ deitatem, vnâ maiestatem, vnâ gloriam, qua ipsa Trinitas est vnus Dominus Deus noster, de quo dictum est, *Audi Israel, Dominus Deus tuus Deus, vnus est.*] & Leo ad Tur-
Deut. 6. 4.
 bium Afturicensem Episcopum. Catholica fides est, quæ Trinitatem deitatis sic *ὁμοῦσιον* confitetur, vt patrem & filium & Spiritum sanctum sine confusione indiuisos, sine tempore sempiternos, sine differentia credat æquales, quia vnitatem in Trinitate non eadem persona, sed eadem implet essentia.] Et sanctus Gregorius multoties ita in libris suis de Trinitate vnus deitatis scribit, sicut & suprâ in

Extant in
libro vi.

Homilia sexta decima Ezechielis prophetæ eum dixisse ostendimus. Similiter quoque Prosper & ceteri catholici doctores sancto illuminati spiritu senserunt atque dixerunt, & suis scriptis nobis legenda atque tenenda immutabiliter tradiderunt. Et hinc sanctus Athanasius in libro professionis fidei catholicæ super Gothescalcum & eius complices dicit, Maledictus qui patris & filij & Spiritus sancti unitam sempiternam substantiam diuinitatis esse non confitetur. fiat fiat. Maledictus qui secundum tres personas tres diuersas substantias in his esse confitetur. fiat fiat. Maledictus qui unitum nomen secundum deitatem Trinitatis esse non confitetur. fiat fiat. Maledictus qui indiuisam deitatem patris & filij & Spiritus sancti non confitetur. fiat fiat. Maledictus qui unitam deitatem patris & filij & Spiritus sancti ex caritate concordie tantum esse proficitur, & non magis per hanc ipsam unitam diuinitatem. fiat fiat. Maledictus qui unitam deitatem in tres has personas esse non confitetur. fiat fiat. Maledictus qui unitatem vel plenitudinem diuinæ Trinitatis indiuisam esse non confitetur. fiat fiat.] Hinc mille testimonia sacrarum scripturarum & ex orthodoxorum scriptis dari possunt. Immo non aliter vnquam vel vsquam in sanctis scripturis vel orthodoxorum dictis inuenitur, nisi quia in sancta Trinitate tres sunt personæ & vna est diuinitas, deitas, natura, essentia atque substantia. Ceterum contra id quod idem demontissimus potiusque amentissimus Gothescalcus dicit,

VIII.

— *In hoc inueniens liquet luce clariùs, quin patet sole splendidiùs, quod inest unicuique personæ sua propria deitas, atque diuinitas, quia reuera nequaquam assumpsit humanitatem, quod absit, ullo modo tota Trinitas, sed sola tantummodo filij deitas.*

Epist. 4. c. 1.

X P. E X T O L L E N S vocem Ecclesia catholica tonitruo fortius, tuba sonoriùs, ostendit Gothescalci mendacium nocte opacius, tenebris tenebrosius. Quæ dicit quia non inest, ut mendax isdem mentitur, unicuique personæ sua propria, id est specialis, deitas atque diuinitas: sed est vna eademque trium simul personarum deitas atque substantia, qua omnes tres simul personæ vnus verus perfectusque est Deus ex plenitudine vnus eiusdemque diuinitatis, qua nihil minus in singulis, nihil ampliùs intelligitur esse in tribus. Et hinc indiuidua atque inseparabilis sancta Trinitas dicitur. sicut Leo de vrbe orbis capite, non solum contra eum, sed & per totum mundum contra omnes hæreticos, dulcisono rugitu intonat, ad Turibium Asturicensem Episcopum scribens, Quia unitatem in Trinitate non eadem persona, sed eadem implet essentia.] Et Augustinus exponens Ambrosium dicentem, *Tu Trinitatis unitas*, diuinitatem, inquit, vel si expressiùs dici potest deitatem, quæ Trinitatis est unitas.] Athanasius exponens quid interpretetur unitas dicit, quia vna est patris & filij & Spiritus sancti diuinitas, ac per hoc non so-

la tantummodò filij deitas, vt Gothescalcus dicit, sed sola filij persona assumpsit humanitatem, vt B. Augustinus in supradicto Ser-mone de fide contra Sabellianos & Arrianos dicit, Quamuis in-
 quies propriè persona filij, id est Dei Verbum, suscepit passibilem hominem, ita tamen eius inhabitatione secundum suam substantiam deitas Verbi nihil passa est, vt tota Trinitas, quam impassibilem esse necesse est confiteri. De cuius Trinitatis, scilicet patris & filij & Spiritus sancti, Epistola
CLXXVIII. vnitate substantiæ, in libro contra Pascentium idem beatus Augustinus dicit. Ecce *ὁμούσιον* rectè probamus positum, & in assertionem fidei, qua Trinitas vnitas à catholicis creditur, à Græcis patribus dictum.] Et post pauca. *Ὁμούσιος* ergo exponitur vnus substantiæ pater & filius & Spiritus sanctus.] & item in eodem libro. Absurdum igitur non est, vt in Conciliis Patrum Græco verbo patris & filij & Spiritus sancti vna substantia firmaretur, cum super Apostolos primitus sancti Spiritus propria largitate linguarum varietas fundetur.] *Et paulo post.* Sicut enim Græca lingua, quod est *ὁμούσιον*, vna dicitur vel creditur à fidelibus Trinitatis omnino substantia, sic vna rogatur vt misereatur à cunctis Latinis & Barbaris vnus Dei natura.] Quæ vnus substantiæ tota sancta Trinitas, cuius inseparabilis est operatio, sicut & deitas ac voluntas, in vtero perpetuæ virginis beatæ & gloriosæ MARIÆ humanitatem, quam in vnitate personæ suæ assumpsit Dei filius, vna ex eadem sancta Trinitate persona, ineffabiliter & incomprehensibiliter fabricauit, sicut sanctus Athanasius in libro de fide dicit, Quod est in-
 quies maius in tota creatura, hoc est corpus Domini, ex Spiritu sancto esse creditur, sicut Euangelista Matthæus tradidit, *Christi generatio sic fuit. Cum desponsata* Libro xi.
in mediū. *esset MARIA mater eius ab Ioseph, antequam conuenirent inuenta est in utero habens de Spiritu sancto. Ioseph autem vir eius cum esset homo iustus & nollet eam detegere, voluit eam occultè dimittere. Hæc autem eo cogitante, ecce Angelus Domini in somnis visus est ab Ioseph dicens illi, Fili David, ne timeas recipere MARIAM uxorem tuam. quod enim ex ea nascetur, de Spiritu sancto est. Et licet sapientia Salomonis in Prouerbiis de corpore Saluatoris diceret, Sapientia edificauit sibi domum, & hinc profite-
 tur vnigenitum creatorem corporis sui, hinc tamen Angelus ex Spiritu sancto illud esse dixit, & sic omnis Christianus cum instruitur credit. Neque enim scriptura circa Trinitatem discrepat, vnā eandemque operationem eius factam vbique docens. Denique Deum paritura beata Virgo Maria, cum Gabrielem audisset dicentem, Ecce in utero habebis, *Et paries filium, Et vocabis nomen eius Iesum, & cetera, & cum interrogasset, Quomodo erit istud quia virum non noui? statim docetur ab eo dicente, Spiritus sanctus superueniet in te, & virtus Altissimi obumbrabit te. Propterea quod nascetur ex te sanctum, vocabitur filius Dei. Quod si virtus altissimi est vnigenitus secundum Paulum* Matt. i. 18.
Prou. 9. 1.
Luc. 1. 31.
1. Cor. 1. 24. dicentem, *Christus Dei virtus & sapientia, Spiritus verò sanctus Pa-**

raclerus spiritus veritatis, hisque obumbrantibus paritura Deum
 MARIA creatum est dominicum templum, Angelus autem ex Spi-
 ritu sancto creatum illum dixit, cur non operationem esse Trini-
 tatis erudimur?] Et sanctus Ambrosius in libro secundo de Spiritu
 sancto dicit, Etenim, inquit, sicut legimus quia creauit pater domi-
 nicæ incarnationis sacramentum, creauit & Spiritus sanctus, ita &
 legimus quod & ipse Christus suum corpus creauit. Creauit enim pater
 secundum quod scriptum est, *Dominus creauit me.* & alibi, *Misit Deus*
filium suum factum ex muliere, factum sub lege. Creauit & Spiritus illud
 omne mysterium secundum quod legimus, quia *inuenta est Maria in*
utero habens de Spiritu sancto. Habes quia creauit pater, creauit & Spi-
 ritus sanctus, accipe quia creauit & filius Dei, dicente Salomone,
Sapientia sibi fecit domum.] Beatus nihilominus Augustinus in Ser-
 mone de Trinitate hæc eadem scripturarum testimoniis confirmat.
 Et memorandus vir Alcuinus, in libro ad magnum Imperatorem
 Carolum de fide, collecto ex sancti Augustini libro primo de Tri-
 nitate, & aliorum catholicorum patrum dictis & sensibus, quorum
 verba qui in suis locis legerit in hoc opere recognoscere poterit,
 ita dicit, Quanquam inquiring vna sit natura sanctæ Trinitatis, non
 tamen tota Trinitas incarnata est, sed sola filij persona humanam
 misericorditer suscepit naturam. Nec tamen ita Dei filius incarna-
 tus est, vt vna esset in eo natura diuinitatis & carnis. Neque enim ex
 Christo hoc deitas potuit esse quod caro, aut caro quod deitas, quia
 vtraque natura, id est diuinitatis & humanitatis, in sua permansit
 proprietate. Propterea vtique humanam naturam, id est carnem ra-
 tionabilemque animam, non à tota Trinitate, sed à solo filio confi-
 temur susceptam, in vnitatem quippe personæ, non in vnitatem na-
 turæ. Vtique persona filij non est eadem quæ patris est aut Spi-
 ritus sancti. Vnitas ergo personæ, manente duntaxat vtriusque pro-
 prietate substantiæ, sicut in Christo personam non fecit dupli-
 cem, sic humanæ naturæ suspensionem non fecit sanctæ Trinitati
 communem. Ad personam quippe Dei Verbi tantummodò acce-
 ptio illa seruilis formæ pertinet: sed nihil diuinæ plenitudinis abs-
 tulit, nihil dominationis ademit in Christo humanitatis susceptio.
 Hinc est quod in vno eodémque Christo & humanæ naturæ veritas
 claruit, & diuinæ naturæ incommutabilitas permansit æterna. Hoc
 tamen sciendum est, quod hanc seruilem formam, quam solus Dei
 filius accepit, tota Trinitas fecit. quam tamen certum est à to-
 ta sancta Trinitate factam ad solam filij Dei pertinere personam.
 Non enim pater carnem assumpsit, neque Spiritus sanctus, sed filius
 tantum, vt qui erat in diuinitate Dei patris filius, ipse fieret in ho-
 mine matris Virginis filius, ne filij nomen in alteram transiret
 personam, qui non esset natiuitate filius. Dei ergo filius hominis
 factus est filius, natus secundum veritatem naturæ ex Deo Dei fi-

Lib. 9. de fi-
 de S. Trin.
 cap. 10.

lius : & secundum veritatem naturæ ex homine hominis filius in utraque natura , non appellatione tantum vel adoptione , sed veritate Dei filius.] Ideo non sunt duo Christi filij , nec duo filij. sed vnus Christus , & vnus filius , Deus & homo. quoniam Deus Dei filius humanam assumpsit naturam , non personam. in æternum suscipiens personam diuinitatis , temporalem humanitatis substantiam. Homo transiit in Deum , non versibilitate naturæ , sed propter diuinæ unitatem personæ , ne in sancta Trinitate quaternitas esset non trinitas. Ecce quomodo ostendunt catholici mentitum fuisse Gothescalcum hæreticum , quia non ita vt ipse dixit , inest vnicuique personæ in sancta Trinitate propria deitas atque diuinitas , sed vnus eiusdemque substantiæ deitatis atque diuinitatis , id est naturæ vel essentiæ , sunt tres in sancta Trinitate personæ. quoniam si vnicuique in sancta Trinitate personæ sua propria id est specialis inesset deitas , sicut prædiximus & semper contradicendo hæreticis contradicere debemus , non esset indiuidua & inseparabilis sancta Trinitas , & tres Dij essent. & non , sicut idem imitatione filius patris sui diaboli , qui est mendax & pater mendacij , falsò dicit , sola tantummodò filij deitas carnem assumpsit. sed sola persona filij , cui proprium est , quia de patris substantia coæternus filius sine vllò initio natus est , & vnus eiusdemque substantiæ , id est deitatis , quæ est vnitas Trinitatis , cum patre & Spiritu sancto est , carnem assumpsit , quam simul tota sancta Trinitas sibimet coessentialis & coæterna ac coomnipotens in vtero semper Virginis fabricauit. Denique subiungit ,

IX.

— Siquidem quando baptizamur , id est tingimur , ter proculdubio mergimur , & tamen propterea trina ipsamersio , & trinum baptismum , id est trina tinctio , non quod absit tres mersiones , & tres tinctiones , aut tria sunt baptismata : sed vna est generaliter mersio , & vna tinctio , id est vnum baptismum , dicente Apostolo , Vnus Dominus , vna fides , vnum baptismum.

Ephes. 4. 5.

XP. MORE suo nouitates vocum , quibus semper delectatus est , & exquisiuit vt sapiens videatur ad eludendam fidei simplicitatem , & in hac causa , vt suam prauam confirmare posset sententiam adinuenit. Sicut ad hoc confirmandum quod dixerat , quia Iudas & Simon magus & falsi fratres de quibus dicit Apostolus , & omnes baptizati Christi baptisate qui non sunt saluandi , non fuerunt Christi sanguine redempti , cum ostensa ei fuit sententia Apostoli Petri dicentis de hæreticis , *Eum qui emit eos Dominum negantes* , angustia

1. Petr. 2. 1.

coartatus suam in eadem sententia expositionem adinuenit , docens duas esse redemptiones. vnā qua redempti sunt , sed non in Christi sanguine baptizati illi qui non sunt saluandi , & aliam qua sunt in Christi sanguine baptizati illi qui sunt saluandi , dicens quia perire nullus poterit qui sanguine Christi redemptus fuerit , videre non valens quod dicit Petri coapostolus Paulus , *Quicum-*

Rom. 8.

1. Cor. 8. 11

Ephes. 4. 5

Luc. 19. 22

Lib. II. sub
finem.

Ioan. I. 11

Ephes. 4. 5

1. Ioan. 5. 7

1. Ioan. 5. 7

que baptizati sumus in Christo Iesu, in morte ipsius baptizati sumus, & Peribit in tua scientia frater propter quem Christus mortuus est. Mira sunt quæ dicit, noua sunt quæ dicit. Quapropter sicut Augustinus contra Iulianum scribens dicit. Mira stupemus, noua cauemus, falsa conuincimus. Hinc in alio libro, quem ex authenticis scripturis, & orthodoxorum dictis, contra eius & complicum ipsius dicta peruersa collegimus, eum falsum dixisse conuincimus, quod & cunctis sapientibus patet. De hoc verò quod dicit quia trinamersio & trinum baptismum, id est trina tinctio, non sunt quod absit tres mersiones & tres tinctiones, id est tria baptismata, sed vna est generaliter mersio & vna tinctio, id est vnum baptisma, dicente Apostolo, *Vnus Dominus, vna fides, vnum baptisma*, dicat illi fides catholica, *Ex ore tuo te indico serue nequam*. Si credis & confiteris tres mersiones in nomine sanctæ Trinitatis patris & filij & Spiritus sancti vnum esse baptismum, quia vnus est Deus pater & filius & Spiritus sanctus, vnus videlicet essentiæ, vnus deitatis, vnus naturæ, in cuius nomine baptismum catholicum celebratur, cur sic excors existis, vt vnitatem deitatis, qua pater & filius & Spiritus sanctus vnus est Deus, diuidas trinam asserens deitatem. Et quia more diaboli patris tui veris falsa permisces, & melli virus commisces, vt de veris & dulcedine mellis falsa & mortifera commendare possis, in hoc quod dixisti tres mersiones vel tinctiones vnum esse baptismum, quia vnus Dominus, vna fides, probamus. Sed quia & dixisti non esse in baptismo tres mersiones & tres tinctiones, reprobamus & mentiri te comprobamus. Volumus tamen interrogare te, quare illæ tres mersiones & tres tinctiones non sunt tria baptismata, sed vnum baptismum. Ad quæ si tacueris, dicimus ideo tres mersiones vnum esse baptismum, quoniam in vnito, immo in vno nomine patris & filij & Spiritus sancti, quorum est vna diuinitas, deitas, atque substantia, catholicè celebratur, sicut Athanasius in libro de propriis personis & de vnito nomine diuinitatis dicit, Ioannes inquit testatur de Domino, quia in sua venit, & sui eum non receperunt. Quotquot autem receperunt eum, dedit eis potestatem filios Dei fieri, credentibus in nomine eius, qui non ex sanguine, neque ex voluntate carnis, neque ex voluntate viri, sed ex Deo nati sunt. Disce ergo hoc vnitum nomen esse sempiternum in deitate patris & filij & Spiritus sancti,] sicut & vnum baptismum est fidei, quod vitam æternam credentibus tribuit: quia sicut vnitum nomen est in natura Trinitatis, ita & vnum donum per baptismum diuinitatis. Apostolus ait, *vna fides, vnum baptismum*. idcirco quod nomen patris sit in diuinitate, hoc nomen sit & filij in natura deitatis, sic & Spiritus sanctus identidem hoc nomen sit in substantia claritatis. quoniam tres sunt, sicut dicit Ioannes Apostolus, qui testimonium dant, spiritus, aqua & sanguis, & tres vnum sunt. Spiritus, inquit Leo, sanctificationis, & sanguis redemptionis, &

& aqua baptismatis, quæ tria vnum sunt, & indiuidua manent, nihilque eorum à sua connexionē seiungitur. quia, vt Augustinus, & post eum Leo in epistolis suis dicit, nec sine vera diuinitate humanitas, nec sine vera credenda est humanitate diuinitas. Sed & in nobis hæc vnum sunt, non natura, sed eiusdem operatione mysterij. Nam sicut beatus Ambrosius ait, Spiritus mentem renouat, aqua proficit ad lauacrum, sanguis spectat ad pretium. Spiritus enim nos per adoptionem filios Dei fecit, sacri fontis vnda nos abluit, sanguis Domini nos redemit. Quod autem subiungit, sed vna est generaliter mersio & vna tinctio, id est vnum baptisma, ille ipse nescit quid loquitur, manifestum tamen faciunt doctores catholici quia mentitur. Illæ quippe tres mersiones singillatim tres sunt, & non generaliter vna mersio est, sicut tres sunt distinctæ, suæque proprietate subsistentes, atque inseparabiles in sancta Trinitate personæ, & non generaliter vna persona est. Tres quidem sunt singillatim mersiones propter personarum sanctæ Trinitatis proprietatem: vnum autem est baptisma, quia vnus est Deus, vnus videlicet essentiæ, vnus deitatis, vnus naturæ, ac per hoc vnus nominis, quod est Deus, sancta Trinitas, pater & filius & Spiritus sanctus, in cuius nomine baptizamur, & filij Dei efficimur, gratia renati, qui eramus filij diaboli per traducem maledicti seminis generati. Et sicut interior homo in fide sanctæ Trinitatis ad imaginem sui conditoris reformandus est: ita & exterior trina mersione abluendus est, vt quod inuisibiliter spiritus operatur in anima, hoc visibiliter sacerdos imitetur in aqua. Nam originale peccatum tribus modis actum est, delectatione, consensu, & opere. Itaque & omne peccatum aut cogitatione, aut locutione, aut operatione efficitur. Ideoque triplici generi peccatorum trina videtur ablutio conuenire, vel propter originale peccatum, quod in infantibus valet ad perditionem, vel propter illa quæ in prouectioris ætatis hominibus voluntate, verbo, vel facto adduntur. Et rectè homo, qui ad imaginem sanctæ Trinitatis conditus est, per inuocationem sanctæ Trinitatis ad eandem reuocatur imaginem, vt qui tertio gradu peccando cecidit in mortem, tertio eleuatus de fonte per gratiam resurgat ad vitam. Et hinc sanctus Hieronymus in secundo libro tractatus epistolæ sancti Pauli ad Ephesios in expositione sententiæ, *Vnus Dominus*, Ephes. 4. *vna fides, vnum baptisma*, de trina mersione & vno baptismo ita dicit, Si enim inquit, vt existimant Arriani, Deus pater solus est Deus, eadem consequentia solus erit Dominus Iesus Christus, & nec pater erit Dominus, nec filius Deus. Sed absit, vt non sit vel in dominatione deitas, vel in deitate dominatio. Vnus est Dominus, & vnus est Deus. quia patris & filij dominatio vna diuinitas est. Propterea & fides vna dicitur, quia similiter & in patrem & in fi-

Luc. 12. 50.
Marc. 10.
39.

1. Ioan. 5. 6.

Matt. 3. 17.

lium & in Spiritum sanctum credimus, & baptisma vnum. Eodem enim modo in patrem & in filium & in Spiritum sanctum baptizamus & ter mergimur, vt Trinitatis vnum appareat sacramentum, & non baptizamur in nominibus patris & filij & Spiritus sancti, sed in vno nomine, quod intelligitur Deus. Et miror qua consequentia in vno vocabulo, eodem opere, & eodem sacramento, naturæ diuersitatem Arrius, Macedonius, & Eunomius suspicentur, concordante in impietate discordia, & creaturæ in filio & Spiritu sancto cœnosum fontem tenentes, diuersos hæreseon riuulos duxerunt. Vnum baptisma, & contra Valentinum facit, qui duo baptismata esse contendit, & contra omnes hæreticos, vt sciant se non habere baptisma, sed in vna Christi Ecclesia fontem esse vitalem. Potest vnum baptisma & ita dici, quod licet ter baptizemur propter mysterium sanctæ Trinitatis, tamen vnum baptisma reputetur. Vnum quoque baptisma est in aqua, & spiritu, & igni, & de quo Dominus loquitur, *Baptisma habeo baptizari.* & alibi, *Baptismate meo baptizabimini.*] His sanctorum Hieronymi, & Athanasij, ceterorumque doctorum verbis, præcipue verò Ambrosij, & Augustini, Leonis, atque Gregorij, de quorum dictis hæc quæ sequuntur excerpimus, euidenter ostenditur, non verè dixisse Gothescalcum tres mersiones vnā generaliter esse mersionem. sed verum esse, quoniam sicut in sancta Trinitate sunt tres sua proprietate subsistentes inseparabiles personæ, & vna deitas atque natura, voluntas, potestas, & operatio, & in Domino Iesu Christo sunt è diuerso duæ naturæ diuinitatis & humanitatis, & vna persona, qui vt dicit Ioannes Apostolus, *venit per aquam & sanguinem, non in aqua solum, sed in aqua & sanguine*, vt corpus eius, quod est Ecclesia, lauacro rigaretur & poculo: ita in vno baptismate, quod in remissionem peccatorum in sola catholica sub tribus mersionibus contra fraudem Sabellianorum, sicut in quibusdam provinciis in nomine sanctæ Trinitatis sub vna mersione contra fraudem Arrianorum celebratur ab Ecclesia traditione fidei, quoniam in vna fide nihil officit sanctæ Ecclesiæ consuetudo diuersa, tres sunt qui testimonium dant, spiritus, aqua, & sanguis, & tres vnum sunt, non natura, sed mysterio & indiuiduo sacramento, nihilque eorum à suis connexionem seiungitur. Et sicut quidquid à singulis sanctæ Trinitatis personis legitur operatum, indubitanter credere debemus ipsam sanctam Trinitatem inseparabilis substantiæ & deitatis inseparabiliter operari, quamuis certissimum sit patrem esse solum qui dixit, *Hic est filius meus dilectus, in quo mihi complacui:* & filium esse solum, super quem illa vox solius patris sonuit, quando in Iordane secundum hominem baptizatus est idem vnigenitus Deus qui carnem solus accepit: & Spiritum sanctum patris & filij solum esse, qui in specie columbæ super eundem baptizatum ascendentem de aqua de-

scendit, & quinquagesimo die post resurrectionem Christi fideles in vno loco positos in linguarum ignearum visione adueniens repleuit. illam tamen verissimè vocem, qua solus locutus est Deus pater, & illam carnem qua solus homo factus est vnigenitus Deus, & illam columbam in cuius specie Spiritus sanctus super Christum descendit, illasque linguas igneas, in quarum visione fideles vno loco constitutos repleuit, opera esse totius sanctæ Trinitatis, id est vnus Dei, qui fecit in cælis & in terra visibilia & inuisibilia, verissimè credendum est. Ita in vno catholico baptismo, quamuis spiritus mentem hominis renouet, sanguis spectet ad pretium, aqua proficiat ad lauacrum, quæ non tantum carnem, depositione sordium mundat, sed fide & bonæ conscientiæ interrogatione in Deum sordes peccatorum omnium purgat: tamen nec redemptio sanguinis fit sine sanctificatione spiritus, vel ablutione vitalis fontis, nec sanctificatio spiritus sine redemptione viuifici sanguinis, & emundatione aquæ regeneratricis, nec ablutio aquæ sanctificatæ in verbo, ad quam cum accedit verbum sicut ad elementum, efficitur sacramentum, fit sine sanguinis redemptione, & spiritus regenerantis sanctificatione. Et Leo Papa Epist. 5 c. 3. ad vniuersos Episcopos per Siciliam constitutos de trina mersione & vno baptismo dicit, quod in suo loco plenius lector inueniet. Baptismatis, inquit, regula & mors interuenit interfectione peccati, & sepulturam triduanam imitatur trina demersio, & ab aquis eleuatio resurgentis ad instar est de sepulchro.] Et sanctus Gregorius Lib. 1. ep. 41. in Epistola ad Leandrum Spalensem Episcopum scribit. De trina, inquit, mersione baptismatis nihil responderi veriùs potest, quàm ipsi sensistis, quia in vna fide nihil officit sanctæ Ecclesiæ consuetudo diuersa. Nos autem quòd tertiò mergimus triduanæ sepulturæ sacramenta signamus, vt dum tertiò ab aquis infans educitur, resurrectio triduanæ temporis exprimat. Quòd si quis fortè etiam pro summæ Trinitatis veneratione existimet fieri, neque ad hoc aliquid obsistit baptizandum semel in aquas mergere, quia dum in tribus subsistentiis vna substantia est, reprehensibile esse nullatenus potest infantem in baptismo in aquam vel ter vel semel immergere, quando & in tribus mersionibus personarum trinitas, & in vna potest diuinitatis singularitas designari. Sed si nunc vsque ab hæreticis infans in baptismo tertiò mergebatur, fiendum apud vos esse non censeo: ne dum mersiones numerant, diuinitatem diuidant, dùmque quod faciebant facitis, morem vestrum se vicisse gloriantur.] Quia Dominus iusserat discipulis suis, *Ite, baptizate omnes gentes in nomine patris* Matt. 28. 19 *& filij & Spiritus sancti.* hanc in baptismo fraudem tunc temporis hæreticorum sanctus Athanasius in libro septimo detexit dicens, *Cur* Sub mediū. *tu, hoc nomine deitatis sublato patris & filij & Spiritus sancti, baptizas dicendo, Baptizo te in patre & filio & Spiritu sancto, & non in vno nomine, vt hoc modo artificiosè possis vnitum nomen taci-*

tè in deitate non nominare vel abnegare, sed & nomina in personis tantummodo velis assignare? Quia si sic erat celebrandum baptisma, obtinuerat Arrianorum assertio, qui sic sentiunt, vt vbi nomina in personis indicant, ibi simul in ipsis nominibus & singulas vel diuersas substantias esse pronuntient. vt vnitatem in concordia tantum caritatis esse assignent, & non potius in vnita plenitudine diuinitatis. Et quid amplius ad hæc? Vt vnitatis Dei patris nomen & filij & sancti Spiritus quasi adoptiuum nuper accessisse profiteantur, vt hoc nomen videatur esse ex nihilo, aut ex altero vel tempore, quod absit. Nam verum nomen deitatis vbi nominant, ad vnam tantummodo personam patris hæc dicendo adscribunt, vt veram vnitatem diuinitatis diuidant. Qui vbi nomina tantum in personis deberent discernere, ibi simul cum ipsis nominibus & tres naturas distinguunt. quod absit à nobis ne istam blasphemiam admittamus: cum vnum nomen deitatis in Trinitate vniter dictum accipiamus, per quod & remissa peccatorum baptismo operante suscipimus, nomina verò tantummodo singula in personis perfectè distinguamus. Rogo, vbi vinculum fidei inuenitur apud eos, si substantiæ vnitatis nomen in Trinitate non tenetur? Rogo, quomodo tres vnum sunt, si diuersa in vtrisque est natura diuinitatis? Rogo, quemadmodum septiformem hunc spiritum sapientiæ & intellectus, spiritum consilij & virtutis, spiritum scientiæ & pietatis, spiritum timoris Domini consequi merentur, quem de vnita plenitudine diuinitatis consistere non confitentur?] Dicente Domino, *Euntes baptizate omnes gentes in nomine patris & filij & Spiritus sancti*, verè in hoc ego satis admiror, & stupore mentis diutius intentus conlaudo tantam sacratissimæ Trinitatis gloriam in duodecim penitus verbis distinctionum vel syllabis breuiter fuisse expositam. Verè in hoc edito vnitum deitatis nomen patris & filij & Spiritus sancti missum est. Verè in hac sacratissima Trinitate nomina in personis tantum distincta sunt. Verè nec lex, nec Prophetæ, tam absolutè hoc arcanum mysterium reuelauerunt. Super omnem custodiendam diuinitus dispositionem hoc maximè custodiendum est. Verè super hoc non est quod addi, & ab hoc non est quod minuere. Verè in hoc donum baptismi præceptum addere vel minuere blasphemum est. Cur indicatur vnitas, si in patre & filio & Spiritu sancto non est vna atque eadem ipsa æqualis plenitudo diuinitatis?] Et in secundo libro Apostolos missos fuisse inquit, vt baptizarent omnes gentes in vnito vel communi nomine deitatis. *Ite, baptizate omnes gentes in nomine, & sic persecutus est per singulas personas, patris & filij & Spiritus sancti*. Numquid potest contra regulam traditionis Euangelicæ censuræ, de hoc vnito Trinitatis nomine sancti Spiritus sublata vel tacita persona, baptisma in Ecclesia perfectum celebrari? absit. Discite ergo hoc vnitum nomen esse sempiternum in deitate pa-

Matt. 28. 19.

Lib. VIII.
eodem in
principio.Lib. 2. post
med. ver-
sus finem.

Matt. 28. 19.

Post alia.

tris & filij & Spiritus sancti.] sicut vnum & baptisma est fidei, quod vitam æternam credentibus tribuit, quia sicut vnitum nomen est in natura Trinitatis, ita & vnum donum per baptismum diuinitatis. Apostolus ait, *Vna fides, vnum baptisma*, idcirco quod nomen patris sit in diuinitate, hoc nomen sit & filij in natura deitatis, sic & sancti Spiritus identidem hoc nomen sit in substantia claritatis. quæ hîc breuiter collecta lector latius in suis locis inueniet. His catholicorum doctorum verbis & sensibus comprobatur non esse ratum Gothescalci testimonium, quod de suo à semetipso loquens, & gloriam propriam quærens, & non de catholicorum scripturis ad suam confirmandam sententiam protulit dicens, Trina mersio, & trinum baptismum, id est trina tinctio, vna est generaliter mersio & vna tinctio, id est vnum baptisma. quoniam catholicum baptismum, vt beatus ostendit Gregorius, vna mersione, sed in nomine sanctæ Trinitatis fieri potest. Vnde item Athanasius in primo libro de fide dicit, Numquid gentes, quibus introitus ianuæ credentibus ad vitam æternam patensest, tantummodo in personam patris baptizantur, & non in tres, quorum nomina hæc sunt in personis distincta, patris & filij & Spiritus sancti, quibus est vna natura diuinitatis, sicut scriptum est, *Euntes baptizate omnes gentes in nomine*, & sic persecutus est, *patris & filij & Spiritus sancti*? Vnde in his personis per omnia in deitate diuinitatis vnitum nomen est, & per ipsa nomina Trinitatis tantum personæ distinctæ sunt.] & paulo post, Spes fidei nostræ hæc est, vt in baptismo vnitum diuinitatis nomen prius confitearis, vt remissa peccatorum in his personis consequi merearis.] Quod autem in historia sacra actuum Apostolorum legimus, Apostolos in nomine Iesu Christi gentiles baptizari iussisse, ita idem Athanasius in libro decimo soluit, Non enim scriptum est, inquit, quia baptizauerunt in nomine patris & filij & Spiritus sancti, sed tantum in nomine Iesu, sed non sunt præuaricati, absit. Nam licet filij nomen tantummodo dicatur, habet tamen patrem & Spiritum sanctum pronunciatum, sicut scripturis sanctis probamus. Itaque & Spiritus sanctus Sabaoth dicitur, & est cum Deo & cum filio à Seraphin adoratus, propter quod hæc ter dicebant, *Sanctus, sanctus, sanctus*, vt Trinitatem pronuntiarent.] Et beatus Ambrosius in libro de fide, quia per vnitatem inquit nominis impletum mysterium sit. Qui siue Christum dicas, & Deum patrem à quo vnctus est filius, & ipsum qui vnctus est filium, & Spiritum quo vnctus est designasti. Scriptum est enim, *Iesum à Nazareth, quomodo vnxit eum Deus Spiritu sancto*. siue patrem dicas, & filium eius & spiritum oris pariter indicasti, si tamen id etiam corde comprehendas. quæ latius in suis locis lector inueniet. Nunc autem Ecclesia catholica cuniculos hæreticorum oppilans, ipsa verba Domini saluatoris, de quo scriptum est, *Ipsa est enim qui*

Ephes. 4.5.

De vnito
nomine
Trinitatis
sub mediū.

Matt. 28.19.

Lib. xi. post
medium
versus finē.

Act. 10.38.

baptizat, in consecratione sacri baptismatis, corde credendo ad iustitiam, & ore confitendo ad salutem pronuntiat. Tandem Gothescalcus subnectit, X.

—Pari etiam modo cum dicitur trina vel terna fides, ut est illud Sedulij fidelis poeta tui, Iste fidem ternam, at hic non amplectitur vnam, non tres quod absit fides, sed una est fides, dicente Apostolo una fides.

XP. Hoc quod quasi nouiter, vnde miremur videlicet, fidem numero plurali enuntiatam nobis proponere voluit, sanctus Hilarius antiquus & venerabilis pater in libro de Synodis nobis recto sensu monstrauit, quod iste presumptiosus sensu prauissimo monstrauit. Nihil, inquit sanctus Hilarius, mirum videri vobis debet, fratres carissimi, quod frequenter exponi fides coepta sunt. Necessitatem hanc furor haereticus imposuit.] Propter stilos plures à sancto Hilario dictae sunt plurali numero fides, & propter pluralitatem scripturionum, non propter credulitatis diuisionem. quia ut Hieronymus in secundo libro Commentii epistolae Pauli ad Ephesios dicit, Propterea & fides vna dicitur, quia similiter in patrem & in filium & in Spiritum sanctum credimus.] Et Augustinus in decimo tertio libro de Trinitate, Non enim fides numero est vna, sed genere. Propter similitudinem tamen, & nullam diuersitatem, magis vnam dicimus esse quam multas: & tamen qui dicit, *O mulier magna est fides tua*, & alteri, *modica fidei quare dubitasti?* suam cuique esse significabat: sed ita dicitur eadem fides vna, quemadmodum eadem voluntas vna.] Et sanctus Gregorius in quarto libro Dialogorum dicit, quia sine fide nec infidelis viuit.] Fides autem, de qua Apostolus dicit, *Vnus Deus, vna fides, vnum baptisma*, catholica est, à qua vna Dei columba, videlicet sancta Ecclesia, nuncupatur catholica, id est vniuersalis. Quae est vna domus, de qua praecipit Dominus per Moysen nihil efferri de Paschali agno, sed in ea illum comedi: & arca, extra quam diluuij tempore quisque repertus non potuit viuere. Haec inquam vna fides est, non numero, sed genere generalis generaliter omnium in vnitae sanctae Ecclesiae consistentium. Quae sicut in Apostolico symbolo continetur, sanctis Apostolis à Christo est tradita, & ab eorum successoribus, viris scilicet Apostolicis, in sex generalibus synodis, id est Nicæna tempore sancti Siluestri Papae ac Constantini, Constantinopolitana temporibus Damasi & Gratiani, Ephesina sub Caelestino & Theodosio, Chalcodonensi temporibus Leonis & Martiani, item Constantinopolitana sub Vigilio & Iustiniano, itemque Constantinopolitana sub Agathone & Constantino iuniore, atque in ceteris catholicis Synodis à sede Apostolica confirmatis prolata. quam nisi quisque integram inuiolatamque seruauerit, saluus esse non poterit, sed in aeternum peribit. Vnde sanctus Augustinus in Commento epistolae Ioannis dicit, Fides cum dilectione fides est Christiani,

Cap. 11.

Matt. 15. 28.

Matt. 14. 31.

Cap. 2.

Ephes. 4. 5.

Exod. 12.

46.

fides sine dilectione fides est dæmonis. Qui autem non credunt peiores sunt quàm dæmones. Nescio quis non vult credere in Christum: adhuc nec dæmones imitatur. Iam credit Christum, sed odit Christum. Habet confessionem fidei in timore pœnæ, non in amore coronæ. Adde huic fidei dilectionem, vt fiat fides de qua dicit Apostolus Paulus, *Fides quæ per dilectionem operatur*, inuenisti Christianum, inuenisti ciuem Hierusalem. Et in Euangelio Ioannis,] Quis salubriter est fidelis, nisi ea fide quæ per dilectionem operatur? Et Prosper ex Augustini verbis, Non sunt bona opera, nisi quæ per fidem & dilectionem fiunt, quia alterum sine altero nullius virtutis fructum parit.] Eapropter Gothescalcus hæreticus, qui vnam fidem secundum Apostolum verbo tenus prædicat, se fidem veram in præmissis suis scriptis non habere demonstrat: quia dicit Paulus Apostolus, *Fides quæ per dilectionem operatur*. Dilectio autem Latine, caritas Græcè dicitur. de qua dicit idem Apostolus Paulus, *Si tradidero corpus meum vt ardeat, caritatem non habeam, nihil mihi prodest*. Vnde sanctus Gregorius in libro decimo octauo Moraliū dicit, Alij quippe praua de Deo sentiunt, alij recta de auctore tenent, sed vnitatem cum fratribus non tenent. Illi errore fidei, isti verò schismatis perpetratio-
ne diuisi sunt. Vnde & in ipsa prima parte Decalogi vtrarumque partium culpæ reprimuntur, cū diuina voce dicitur, *Diliges Dominum Deum tuum ex toto corde tuo, & ex tota anima tua, & ex tota virtute tua*, atque mox subditur, *Diliges proximum tuum sicut teipsum*. Qui enim de Deo peruersa sentit, liquet profectò quia Deum non diligit. qui verò de Deo recta sentiens à sanctæ Ecclesiæ vnitatem diuisus est, constat quia proximum non amat, quem habere socium recusat. Quisquis ergo ab hac vnitatem matris Ecclesiæ suæ, per hæresim de Deo peruersa sentiendo, seu errore schismatis proximum non diligendo diuiditur, caritatis huius gratia priuatur.] Et item præfatus Apostolus dicit, *Finis enim legis est Christus ad iustitiam omni credenti*. Vnde Augustinus, Et quidem finis, inquit, Christus, quia Christus Deus est finis præcepti caritatis, & Deus caritas, qua & pater & filius & Spiritus sanctus vnum sunt. Miramur etiam, quando misit de Sedulio ternam fidem, quare ponere omiserit de Aratore trinam fidem, qui figuratè loquens in libro primo dicit,

Gal. 5. 6.

Gal. 5. 6.

1 Cor. 13. 3.
Cap. xiv.

Deut. 6. 5.

Matt. 22. 36

Matt. 28. 39

Rom 10. 4.

Trina fides vocat hunc, quo nomine fonte lauatur.

Et de nomine trino in secundo libro dicit,

——— *Non cogit ad vnam*

Nostra fides hunc ire iterum, qui nomine trino.

Et de fide iterum in primo libro figuratè loquens,

Nona fuit tunc hora magis, qua rectius hora

Prodiret iam trina fides & tertia simplex.

Cū ad suam confirmandam sententiam ad testimonium deuocauerit dixisse illum trinam potestatem, sicut & Prudentium trinam

pietatem, de quo quiddam suprâ respondimus, vbi & hæc quæ de Sedulio, Aratore, & Prospero subiungemus congruentius ponemus, nisi hoc sollicitius attenderemus, vt ad singulas suas tergiuerfationes, & inordinatas repetitiones obuias illi sententias ex simplicis & catholicæ fidei doctorum dictis opponeremus. Denique ad hoc quod dixit Arator, metrica necessitate coactus,

Trina fides vocat hunc quo nomine fonte lauatur.

& ——— non cogit ad vnam

Nostre fides hunc ire iterum, quia nomine trino

Dogmata praua trahunt.

Libro 1. c. 1.

Matt. 28. 1

Ioan. 10. 30

Sufficientissimè catholici doctores & in præcedentibus & in subsequētib; referunt, non trinum, sed vnum vnus Dei nomen esse, in quo in vnitæ catholicæ fidei à Domino baptizari iubentur, & credentes vno Christi baptismo, in quo solo fit remissio omniū peccatorū, à catholicis baptizantur. Vnde Ambrosius in libro 1. de Fide, Si, inquit, vnus Deus, vnum nomen, vna potestas, vna est Trinitas. Denique dicit, *lie, baptizate gentes in nomine patris & filij & Spiritus sancti.* In nomine vtrique ait, non in nominibus. Ipse etiam dicit, *Ego & pater vnum sumus.* Vnum dixit, ne fiat discretio potestatis: sumus addidit, vt patrem filiūque cognoscas, quod perfectus pater perfectum filium genuisse credatur, & pater ac filius vnum sint, non confusione personæ, sed vnitæ.] Quod dixit Arator in secundo libro,

Ipse, quin Ioannes, viam memorans, cunctis baptisma futurum

Post aliud, quod iure datur, quod trina potestas

Inlustrare solet. — —

& in primo figuratè loquens, similiter metri necessitate,

———— nam trina potestas

Colligit hanc prolem, numerum partita per æquum.

Lib. 1. c. 6.

Antemeditum cap.

Matt. 4.

1. Theff. 3.

Et omnes catholici apertissimè de scripturis sacris ostendunt, non partitam, sed vnam & indiuiduam esse operationem, vnam & inseparabilem potestatem sanctæ & inseparabilis Trinitatis, patris & filij & Spiritus sancti. vt Ambrosius in libro primo capite sexto, Cū enim, inquit, eadem faciat filius opera quæ pater facit, & quos vult viuificet filius, sicut scriptum est, nec differens potestate, & liber est voluntate. Ita & vnitas seruatur, quia & virtus Dei in diuinitatis proprietate est, & libertas, non in aliqua differentia, sed in vnitæ Trinitatis.] Et item secundo libro capite quarto, Didicimus vnam patris & filij esse imaginem, vnam similitudinem, vnam sanctificationem: didicimus vnam operationem, vnam gloriam, vnam quoque diuinitatem. Vnus ergo & solus Deus, quia scriptum est, *Dominum Deum tuum adorabis, & illi soli seruias.* Vnus Deus, non vt ipse sit pater & filius, sicut impius Sabellius asserit, sed quia patris & filij Spiritusque sancti vna diuinitas sit: vbi autem vna diuinitas, vna voluntas & vna præceptio. Denique

que ut scias & patrem esse, & filium esse, & vnum opus patris & filij esse, Apostolum sequere qui dixit, *Ipse autem Deus & pater noster, & Dominus Iesus dirigat viam nostram ad vos.* & patrem loquitur, & filium loquitur: sed vnitas directionis est, quia vnitas potestatis est.] Verum & ille ipse Arator euidentius se non propriè, sed figuratè in hoc fuisse locutum, in eodem libro capite decimo euidenter ostendit, cum dicit,

—Deus arbiter orbis

Personis tribus est, in quo simul vna potestas.

Et capite nono,

Ecce tot egregiis vnum cor viuere turmis

Incipit, atque animam populus nanciscitur vnā.

Quis dubitare queat mysteria dogmatis, vnum

Personas tres esse Deum, cum millia vulgi

Conueniunt sub mente pari, numerique frequentis,

Portatura crucem, Dominumque secuta fidelem?

Et capite tertio,

Tertia fidereis inclauit hora loquelis.

Hunc numerum Deus vnus habet, substantia simplex

Personis distincta tribus, —

Et item capite vigesimo primo,

Ter sonuit Domini vox, quæ dictata saluti est.

Hoc genitor natúsque simul, sanctúsque peregit

Spiritus, hinc fidei pugnax cadit Arrius, vnum

Personas tres esse negans, Sabellius vnum.

Prosper quoque in libro Promissionum & Prædictionum dicit, Caritatem Dei, trinæ maiestatis vnitatem, supereminentem viam duce gratia sequemur.] Et quia impropriè dixerit trinam maiestatem, ipse in eodem libro demonstrat dicens, Paulus Apostolus dicit, *Videmus nunc per speculum in enigmate, tunc autem facie ad faciem*, quemadmodum Sancti vident Deum Trinitatem, patrem & filium, filium in patre, Spiritum sanctum in patre & filio. Si ergo filius in patre, Spiritus sanctus in patre & filio, quia vnus sunt Deus, horum est & vna maiestas, sicut idem Prosper in libro Sententiarum dicit, *Quod pater cum Christo facit Christus facit, & quod Christus cum patre facit pater facit, nec seorsum agit aliquid inseparabilis caritas, maiestas, potestas, sicut ipse Dominus dicit, Ego & pater vnum sumus.*] Sunt etiam plures versus beati Ambrosij de ternarij numeri excellentia nobilissimi, in quibus dicit,

Omnia trina vigent sub maiestate Tonantis.

Tres pater, & Verbum, sanctus quoque Spiritus vnum.

Qui in multis locis, immo in omnibus vbicumque hinc loquitur, vnā maiestatem dicit esse patris & filij & Spiritus sancti. Vnde pauca exempli gratia hîc ponere dignum duximus. Ait enim in libro tertio de Spiritu sancto capite xxii: Nunc vnitatem maiestatis

De gloria
Sancti. c. 8.

1. Cor. 13. 14

Sent. 324.

licet in patre, filioque, & Spiritu sancto cognoscere.] Et post alia quanta. Vna igitur visio, vna præceptio, vna maiestas.] Et Athanasius, Patris & filij & Spiritus sancti vna est diuinitas, æqualis gloria, cœterna maiestas.] Et Augustinus frequentissimè hoc idem in libris de Trinitate dicit, Nam & quòd venerandus Sedulius, sicut coactus metri necessitate, trinam fidem & in eodem Paschali opere posuit dicens,

Quod simplex triplicet, quòdque est triplicabile simplex,

Cap. VIII.

Beatus Augustinus in libro sexto de Trinitate improbat dicens, In ipso igitur Deo, cum adhæret æquali patri filius æqualis, aut Spiritus sanctus patri & filio æqualis, non fit maior Deus quàm singuli eorum, quia non est quo crescat illa perfectio summæ Trinitatis. Perfectus autem siue pater, siue filius, siue Spiritus sanctus, & perfectus Deus pater & filius & Spiritus sanctus. & ideo Trinitas potius quàm triplex dicenda est. Quapropter non succurrit prauo sensui Gothescalci testimonium fidelis poëtæ Sedulij, qui rectum fidei sensum lege metri constrinxit, quæ non præiudicat veræ fidei simplicitati. Quæ videlicet fides, non per oratores, sed per pisces sibi subiugauit Imperatores. Vnde quia Gothescalcus non voluit & non valuit, deuotus lector intelligere debet, hæc à Sedulio, Aratore, & Prospero tropicè per metonymiam, id est per transnominationem cuius species multæ sunt, dicta. Qui tropus non solum in metro, & in sæculari litteratura, atque in comuni locutione, sed etiam in authentica scriptura sacra, & in catholicorum dictis sæpius reperitur ornatus aut causa necessitatis, vnde hinc de singulis testimonia ponere non necessarium duximus. Hoc tantum dixisse sufficiat, quia trinam pietatem Prudentius, trinam potestatem Arator, trinam maiestatem Prosper, pro personis patris & filij & Spiritus sancti, qui relatiuè in sancta Trinitate dicuntur, substantialia nomina, pietatem, potestatem, maiestatem posuerunt, quæ non plurali, sed semper singulari numero in singulis & in tribus simul personis propriè dicuntur, quorum est vna pietas, vna potestas, vna maiestas; & quidquid ad se, id est de Deo, substantialiter dicitur, sicut & illi ipsi in iisdem opusculis suis ostendunt. De qua figurata vel translatiua locutione sanctus Athanasius in libro primo de Trinitate dicit, Ergo inquires postulo à te, qui legis hanc istius scripturæ meæ fidei catholicæ professionem, ne hinc superflua vel profusa verba perquiras: sed strictim capaciter, immo spiritualiter, cum summo studio dicta ad stylum sacræ scripturæ conferas, & secundum regulæ æquitatem iustitia moderante perpendas.] Vnde iam accipe non diserta, sed fortia, neque terrena signimenta, sed vera cœlestia documenta, neque philosophorum hæretica praua commenta, sed perfecta Apostolica arcana sacramenta, neque grammatica quæ superflua est doctrinæ sapientiæ, sed ex Evangelicis scripturis super melle & fauo dulciora & meliora diuina

De vnito
nomine
Trinitatis.

præcepta. Disce itaque, quia in hoc Sophistæ huius mundi stulti vel muti facti sunt, quoniam sapientiam veram non cognouerunt, & ideo reprobifacti sunt.] Hæc manifestum de ipsius scriptis est legisse improbum & pertinacissimum Gothescalcum: sed sicut sanctus Hilarius reprobam plebem de resurrectione Christi fecisse dicit inquiring, Hæc vidit Iudæa mendax, hæc negat cum viderit, sic & Gothescalcus de his quæ hinc legerat, aut in totum dimisit, aut prauè interpretando negauit, aut sicut facere solent hæretici, quia malo voto legit quod legit, ex retributione iustitiæ intelligere bene non valuit, idque ad prauitatem sui sensus inflectens, sicut voluit posuit. Quod autem apertissimè benedictum inuidit, etiamsi oculo corporis vidit, oculo mentis videre non voluit, & idcirco ac si non visum transfiliit, iuxta prouerbium Gothicum, Capra lusca hortum videt, sepem nusquam. Et in sua conclusione, quinimmo fidei rectæ concussione, Gothescalcus dicit,

XI.

— Itaque qui nolunt cum Sabellianis hæreticis in æternum habere societatem, credant, confiteantur, colant, canant cum catholicis catholici tritheotiam, trinam deitatem, trisagium, trinam sanctitatem, trinam vitam, sapientiam, gloriam, trinum timorem, trinum amorem, trinam caritatem, trinam lucem, salutem, virtutem, pacem, claritatem, trinam maiestatem, potestatem, pietatem. quippe cum debeamus etiam ternam, seu trinam amplecti fidem, quam negant peruersi Sabelliani per suam perfidam impietatem.

X P. Cui primò referimus, quia secundum suam sapientiam, non sibi à Deo datam, sed vel à malo spiritu sibi inspiratam, vel à se stultam inuentam, debuerat cognoscere differentiam esse inter ternam & trinam, sed dicens se esse sapientem stultus factus est. Notum quippe est quoniam duplex est numerus. Vnus quidem, in quo vnitatum repetitio pluralitatem quare & numerum facit. alter verò, qui in rebus numerabilibus constat, in quo repetitio atque pluralitas vnitatum non facit numerabilium rerum numerosam diuersitatem. & terna, non inter compositos, sed inter simplices numeros, qui nullam partem aliam habent nisi solam vnitatem, ab his qui de numeris disputant computatur: & non ab eo numero, quo numeramus cum tres dicimus, sed ab eo cum ter dicimus venit, habens collectiuam significationem. Vnde Beda in compoti lectione, Quatuor Idus capiunt ternos. Et Hilarius in hymno, Et refert fragmenta cœnæ ter quaternis corbibus. Et cum dicimus semel, bis, ter, quater, & his similia motum exprimimus: & cum dicimus vnum, duo, tria, quatuor, & cetera, non motum exprimimus, sed repetitione vnitatum pluralitatem ostendimus. Et à ter aduerbialiter prolatum terna, & cetera in hunc modum, vt à quater quaterna dicuntur: à numero autem, quo numeramus cum dicimus tres vel tria, trinus dicitur. Vnde in personis dicitur Deus trinus, qui in deitate est vnus. Sed &

Cap. v.
Ioan. I. 6. 25.

Synodi vi.
A. G. XI.

ab eodem numero, unde trinus dicitur, etiam trina deducitur, ex unitatum repetitione, sicut & trinus, exprimens pluralitatem quam unitas deitatis non recipit. Verum & quia tres vel tria, primus scilicet impar numerus, quo trinitas ex monade & primo pari numero constat, signatur, quia quisquis hinc dilectionem Dei & proximi seruare studuerit, ipse ad æternam vitam pertinet, & omnis nostra perfectio in illius vnus veri Dei, qui est sancta Trinitas, contemplatione erit, in cuius nobis visione iam minus aliquid salutis & gaudij non erit. Et ita ex hoc numero quædam diuisio in eo quod dicitur trina, veniens à numero quo numerantur tres vel tria, monstratur, & quamcumque diuisionem vel pluralitatem unitas deitatis, tota in singulis tota in tribus simul sanctæ Trinitatis consistens personis, non patitur. Liqueat profecto quia trina deitas catholicè dici non valet. Legat qui volet quod de numero dicimus in sanctorum Augustini, Gregorij, Boëtij, & Bedæ dictis. & quod sanctus Augustinus in Sermone trigesimo sexto Euangelij Ioannis dicit loquens de diuinitate. Est ibi, inquit, aliquid ineffabile, quod verbis explicari non possit, ut & numerus sit, & numerus non sit. Videte enim, si non quasi apparet numerus pater & filius & Spiritus sanctus Trinitas. Si tres, quid tres? deficit numerus. Ita Deus numerus recedit à numero, nec capitur numero, quia tres sunt tanquam numerus, si quæris quid tres, non est numerus. Vnde dictum est, Magnus dominus noster, & magna virtus eius, & sapientiæ eius non est numerus. Hoc solum numero insinuant, quod ad inuicem sunt, non quod ad se sunt.] Et sanctus Gregorius in libro trigesimo Moraliū Iob, de sententia Euangelij Ioannis, *Palàm*, inquit, *de patre annuntiabo vobis*. Palàm quippe de patre annuntiare se asserit, quia per patefactam tunc maiestatis suæ speciem, & quomodo ipse gignenti non impar oriatur, & quomodo vtriusque spiritus vtrique coæternus procedat ostendit. Apertè namque tunc videbimus, quomodo hoc quod oriendum est, ei de quo oritur subsequens non est, & quomodo is qui processione producitur à proferentibus non præiit. Apertè tunc videbimus, quomodo & vnum diuisibiliter tria sunt, & indiuisibiliter tria vnum. Lingua ergo tunc narrantis Dei est visa claritas subleuantis.] Et sanctus Sophronius Hierosolymitanus Episcopus, cuius catholicissima epistola in sexta Synodo acceptissima fuit, in ea ad locum dicit, Neque vnum quatenus vnum est tria recipitur, neque tria secundum quod tria sunt vnum aduertitur. quod est mirabile & omni certè plenum stupore. Hoc ipsum namque & numerabile est, & refugit numerum: numerabilis quidem tribus suis subsistentiis, refugit autem numerum singularitate deitatis. Unitas quippe eius essentiæ atque naturæ numerari penitus non permittit, uti non & differentiam deitatis introducat, & ex hoc essentiæ & naturæ & deorum multitudinem vnum principium

faciat. Omnis itaque numerus contubernalem habet differentiam, & omnis differentia atque discretio numerum superinducit vt infinitum. Numeratur ergo beata Trinitas, non essentiis, non naturis, nec diuersis deitatis ternisve dominationibus. Absit, sicut insaniunt Arriani, & noui tritheia, id est, trinæ deitatis latratores.] Beatus etiam Ambrosius in secundo libro de Spiritu sancto, demonstrans quoniam trina pluralitatem habet quam non recipit deitas, inter alia dicit, Quia tertio repetita figura mysterij operationem Trinitatis expressit, & ideo in mysteriis interrogatio trina defertur, & confirmatio trina celebratur.] Et in libro secundo de Fide, Quid sibi vult sub vno nomine sanctitatis trina repetitio? Si trina repetitio, cur vna laudatio? si vna laudatio, cur trina repetitio? Trina repetitio cur, nisi quia pater & filius & Spiritus sanctus sanctitate vnum sunt?] *Et item*, Quia diuisionem quam trina demonstrat non patitur vnitas deitatis, sicut multoties & in libro secundo de Spiritu sancto dicit, Abraham tres vidit & vnum adorauit, quia vnus Deus, vnus Dominus, & vnus Spiritus. & ideo vnitas honoris, quia vnitas potestatis.] *Et item*, Quomodo enim pluralitatem recipit vnitas diuinitatis, cum pluralitas numeri sit, numerum autem non recipiat diuina natura?] Vnde putamus venerandum Sedulium, non trinam, sed ternam fidem in lege metri ponere voluisse, vt demonstraret quasi quodam inseparabili sed non locali motu, qui in terna est à ter deriuata, quia filius de patre sit natus, & de patre ac filio Spiritus sanctus procedat. Singula videlicet quæque persona plenus & perfectus Deus, vnusque plenus & perfectus Deus, tres simul vnus Deitatis in hac sancta Trinitate personæ, quas denegabat Sabellius dicens, Idem Deus quando vult pater est, quando vult filius est, quando vult Spiritus sanctus est, idem verò vnus est. Et noluit dicere trinam fidem, ne pluralitatem signando, numerabilem faceret vnā indiuiduā atque inseparabilis Trinitatis deitatem, quam Arrius denegabat. Contra hos quippe in Paschali carmine scripsit. Propter vnā enim eandemque deitatem, quæ tota est in singulis, tota in tribus simul personis, indiuidua atque inseparabilis sancta Trinitas dicitur. Hoc quippe inseparabile verè dicitur, quod nullatenus separationem potest recipere. Nam quod non separatur sed separari potest, inseparabile non est. Quod si quisquam separari posse putat tres vnus deitatis personas, quæ vna deitas separari non potest in tribus personis, non Trinitas inseparabilis est dicenda, sed vnitas. Ne quis verò mihi fortè succenseat, quod dixi voluisse demonstrare Sedulium, non locali motu filium à Deo patre genitum, Spiritum sanctum à patre filioque procedere, in eo quod ternam & non trinam fidem dixit, satisfacio meo Lectori hoc me inde intellexisse, cum dixi non locali motu, quod Dominus dicit, *qui me misit verax est*. tanquam diceret, inquit Augustinus, ideo verum dico, quia filius veracis ve-

Cap. xx.
versus finē.

Lib. 3. c. 14.

ritas sum, pater verax est, filius veritas, sicut à patre filius, ita à veraci veritas, & hoc est *qui misit me*. Scriptura etenim sacra suæ profunditatis altitudinem nobis pandere nequiret, si non ita se nobis contemperasset, ut nos ad suam intelligentiam subleuaret, & interiora sua per ea quæ circa nos sunt, nostroque more loquendo demonstrans, velut si urbanus & quidam doctiloquus, puerulo blandiens & applaudens, de industria verba molliat, & quodammodo infringendo balbutiat. Hinc ergo *misit* cum dicitur, quasi quidam motus videtur. Sed hic localis motus non est intelligendus, sicut nec in eo quod dixit, *Dedit*, quin pater, *filio habere vitam in semetipso*, quod est, genuit filium vitam habentem in semetipso. & missio Spiritus sancti ipsa processio est, qua ex patre simul procedit & filio, sicut omnes catholici doctores de sanctis scripturis manifestissime docent. Multo minus autem quam terna, immo nullomodo propriè in Deo est trina fides intelligenda, sed sicut dicit Apostolus, *Vnus Deus, vna fides, vnum baptisma*. quia licet, ut beatus dicit Gregorius, nec infidelis sine fide viuat, sola tamen est catholica quæ humanum genus sanctificat, sola viuificat. Et licet sint varia baptismata & hæreticorum lauacra, quæ sicut in lege iuxta Apostolum non poterant perfectum facere seruientem, ita nunc proficere non valent ad perfectæ purgationis lomentum. Tamen vnum est baptisma catholicum, quod solum in catholica celebratur Ecclesia, & in vna fide collatum & acceptum ad perfectam purgationem credentibus proficit, sicut sanctus Ambrosius in primo libro de Spiritu sancto dicit, Vnum inquit baptisma. Vbi autem non est plenum baptismatis sacramentum, nec principium, nec species aliqua baptismatis æstimatur. Plenum autem est, si patrem & filium Spiritumque sanctum fatearis, si vnum neges, totum subrues. Et quemadmodum si vnum in sermone comprehendas, aut patrem, aut filium, aut Spiritum sanctum, fide autem nec patrem nec filium nec Spiritum sanctum abneges, plenum est fidei sacramentum: ita etiam, quamuis patrem & filium & Spiritum sanctum dicas, & aut patris aut filij aut Spiritus sancti minuas potestatem, vacuum est omne mysterium.] *Et post pauca*, Vnum est enim opus, quia vnum est mysterium: vnum baptisma, quia mors vna pro mundo. vnitas ergo operationis, vnitas prædicationis, quæ non potest separari.] Quapropter credentes vnum Deum tres personas vnus deitatis, tenentes vnam fidem catholicam quæ sola sanctificat, sola viuificat, habentes & celebrantes vnum baptisma, in quo solo plenum est fidei sacramentum, non obaudiemus Gothescalcum, ne cum hæreticis partem habeamus, ut credamus & dicamus trinam deitatem, trinam sanctitatem, trinam lucem, & cetera quæ suprâ dixit. sed suademus ei, ut si non vult cum Arrianis hæreticis in æternum habere societatem, credat, confiteatur, colat, canat cum catholicis catholicus patrem & filium & Spi-

Ephes. 4.5.

Cap. III.

ritum sanctum, sanctam scilicet & inseparabilem Trinitatem vnum esse Deum, vnius eiusdemque deitatis, ac per hoc vnam deitatem, vnam sanctitatem, vnam vitam, vnam sapientiam, vnam gloriam, vnum timorem, vnum amorem, vnam caritatem, vnam lucem, vnam salutem, vnam virtutem, vnam pacem, vnam caritatem, vnam maiestatem, vnam potestatem, vnam pietatem. Sicut Athanasius in capite libri octauo de Fidei vnitatem dicit, Fides vnius substantiæ Trinitatis hæc est, patris & filij & Spiritus sancti sine initio temporum, super omnem sensum & sermonem & spiritum, vna virtus vnus Deus, tria verò vocabula, vna potestas.] Et hæc omnia ideo, quia vt Augustinus & ceteri catholici doctores dicunt, de quorum verbis & sensibus hæc in præfato libro vir venerandus Alcuinus collegit, vna est natura, essentia, substantia, diuinitas, deitas patris & filij & Spiritus sancti, & omnia nomina, quæ substantiam vel potentiam, vel essentiam Dei significant, vel quidquid propriè ad se dicitur Deus, omnibus personis æqualiter conueniunt, vt Deus magnus, bonus, æternus, omnipotens, sanctus, & omnia quæ naturaliter de Deo dicuntur. Non est igitur aliquod naturæ nomen, quod sic patri conuenire possit, vt filio vt Spiritui sancto æqualiter conuenire nequeat.] Propriè quidem Deus dicitur substantia vna summa & ineffabilis, quæ semper idem est quod est, cui nihil accidens vel recedens inesse poterit, quæ semper est quod est, quia semper immutabilis. Item Deus magnus dicitur, non alia magnitudine, nisi qua ipse magnus est & immensus. Ea igitur magnitudine magnus est, qua ipse est eadem magnitudo, & ea bonitate bonus est, qua ipse est. Nec Deo aliud est esse, aliud magnum esse, aliud bonum esse: sed eo quo est, magnus & bonus est. Ideo nec tres substantias, nec tres magnos, nec tres bonos de Deo dicere fas est.] Et ille est summa existentia, summa intelligentia, summa vita, à quo est omnis vita, omnis intelligentia; & omnis existentia. Dei enim idem ipsum est & potentia, & substantia, & diuinitas, & hæc omnia vnum, vt hoc vnum simplex.] quia vnum opus est patris & filij & Spiritus sancti, & personarum proprietatem ostendens.] Inseparabilis igitur naturæ vnitatem non potest separabiles habere personas. Hæc verò summæ Trinitatis atque indiuiduæ vnitatis natura, quæ est sola vbique tota, sicut vbique inseparabilem habet vnitatem naturæ vel operis, sic separationem non potest recipere personarum.] Ipsa itaque operatio Dei, id est sanctæ Trinitatis, voluntas est Dei, & voluntas Dei simplex est, & semper in requie beatitudinis. Nec aliud est Deo operari, aliud velle, sed idem est illi velle & operari, quia voluntas Dei effectiua potentia est. Nec Deo aliud est esse aliud velle, sed vnum atque idem, & hoc totum simplex, totum vnitatem, totum trinitatem, totum *ὁμοῦσιον*. quia esse quod substantiale est vnum est in patre & filio & Spiritu sancto, & horum vna

Lib. 8.

Lib. 1. de
Trin. c. 14.Lib. 1. de
Trin. c. 15.

Lib. 2. c. 2.

Lib. 2. c. 14.

Lib. 2. c. 13.

Lib. 2. c. 14.
1. Cor. 1. 4.

actio est, sicut vna voluntas.] Quod ait Apostolus, *Christum Dei virtutem & Dei sapientiam*, non ita intelligendū est, quod pater dici non possit virtus vel sapientia, sicut dici non potest filius vel Verbum: quia hæc relatiua sunt nomina, sicut superius dictum est, illa verò, id est virtus & sapientia, substantialia sunt. Ideo pater virtus & sapientia, filius virtus & sapientia, Spiritus sanctus virtus & sapientia: non tamen tres virtutes, nec tres sapientiæ, sed vna virtus & vna sapientia, pater & filius & Spiritus sanctus, sicut vna substantia, & vna omnipotentia, & alia quæ de substantia diuinitatis dicuntur. Et ita intelligatur filius sapientia patris, quomodo dicitur lumen patris. id est vt quemadmodum lumen de lumine & vtrumque vnum lumen, sic intelligatur sapientia de sapientia, & vtrumque vna sapientia: quia in illa simplicitate naturæ diuinæ non est aliud sapere quàm esse, nec aliud esse quàm posse, nec aliud posse quàm viuere. eadem ibi sapientia,

Lib. 2. c. 11.

quæ essentia, eadem vita quæ essentia, & hæc omnia vnum, & vnus Deus.] Et sicut pater vita, ita & filius vita, & Spiritus sanctus vita, quia vnum opus est patris & filij & Spiritus sancti, sicut vna substantia atque essentia. Pater vita in semetipso, non ab alio, filius vita in semetipso, sed à patre, qui eum talem genuit vt vitam haberet in semetipso. Dictum quippe est, sicut ipse

Ioan. 5. 26.

filius ait, *Sicut pater vitam habet in semetipso, sic dedit & filio vitam habere in semetipso*, id est genuit filium vitam in semetipso habentem. Hoc solum interest, quod pater vita est non nascendo, filius vita est nascendo, pater de nullo patre, filius de Deo patre, pater propter filium pater est, filius verò & quod filius est propter patrem est, & quod est à patre est, & à vita vita est. Pater, qui est vita in semetipso, genuit filium qui esset vita in semetipso. Ideo & ipse filius,

Ioan. 6. 58.

ait, *Sicut viuit pater, & ego uiuo propter patrem*. Non ita dictum est, quasi in semetipso filius propriam non haberet vitam, sed participatione paternæ vitæ vitam haberet, sicut oculus carnalis participatione lucis alterius lumen accipit, quod non haberet in seipso nisi aliunde mutuasset: sed iam iamque talis à patre genitus est filius, qui in seipso viueret. Sicut pater non est indigens vita, sic filius non indiget alterius vitæ vt sit. Pater vita, sic & filius vita, vtrumque tamen vna vita, non duæ, quia vnus Deus, non duo dij.] Similiter & de Spiritu sancto est sentiendum, quod vitam habeat in semetipso, procedens à

Lib. 2. c. 18.

patre & filio, coæternus & consubstantialis patri & filio. Et vbicumque in scriptura sancta legitur solus Deus, non de vna qualibet persona in sancta Trinitate intelligendum est, sed de tota sancta Trinitate, quæ æqualiter operatur omnia quæcumque operanda esse iudicat. Quæ sancta Trinitas est vnus, solus, beatus, potens, inuisibilis, & verus Deus, quia vna potentia est totius sanctæ Trinitatis. Neque

Eccli. 24. 8.

enim, quia ipse filius alibi loquens voce sapientiæ, ipse est enim sapientia Dei quæ ait, *Gyrum cæli circuiui sola*, separauit à se patrem, quanto ma-

magis ergo non est necesse ut tantummodò de patre præter filium vel Spiritum sanctum intelligatur quod dictum est, *Solus habet immortalitatem, & lucem habitat inaccessibilem?*] Et Spiritus sanctus, qui in scripturis legitur donum Dei, vel paraclitus, vel caritas Dei, in eadem vnitate substantiæ & æqualitate cum patre & filio consistit. Siue enim sit vnitas amborum, siue sanctitas, siue caritas, siue ideo vnitas quia caritas, & ideo caritas quia sanctitas, nequaquam minor est illis in aliquo ex quibus procedit. Et hæc est summa caritas, qua genitus à gignente diligatur, genitorémque suum diligat, & ideo non amplius quàm tria sunt. Vnus diligens eum qui de illo est, & vnus diligens eum à quo est, & ipse dilectio de qua dicitur quia Deus caritas est. & hæc summa & ineffabilis Trinitas, non vnus Dei dici debet, sed vnus Deus. Et ista caritas non tenetur nisi in vnitate Ecclesiæ Christi, nec illam habent qui se diuidunt ab vnitate catholica pacis.] Hæc de catholicorum patrum dictis ab Alcuino in vnum collecta posuimus. Sanè ut omnem scrupulum vtentes verbis beati Athanasij legentibus amputemus, Adhuc, inquit, breuiter dilucido, multifariè approbans hoc vnitatis nomen esse verissimum Trinitatis, quæ tamen referatur ad multifariam sapientiam Dei, quæ vniter in patre & in filio & Spiritu sancto consistit, de qua si significes sapientiæ deitatem, & deitatem sapientiæ, nonne hæc ipsa est vnitas sapientiæ, quæ & diuinitas Trinitatis? Ergo ut compendio hæc adsignemus, siue sapientiæ gloria, seu deitas gloriæ, aut summitas, aut dominatio, aut dignitas, aut claritas, aut maiestas, aut imperium, aut potestas, aut sempiternitas nominetur, nonne hæc, multifariè quamuis sint dicta, tamen ad vnitam deitatem incomparabilem patris & filij & Spiritus sancti vniter sunt declarata? aut putas quot significationes dicuntur ad gloriam deitatis, totidémque sint & species diuersitatis? Absit, dum hæc vniuersa ad vnitam substantiam dicta referantur. Nam si hæc vna atque eadem ipsa est multiplex præfaga sapientia patris & filij & Spiritus sancti, quæ est vna virtus, siue vna forma magnitudinis æqualitatis eius, siue vna maiestas, siue vna claritas, quæ in hanc vnitam deitatem plenitudinis secundum scripturæ regulam in hoc loco collecta reperiuntur, numquid sic in eadem deitate Trinitatis potest aduersus scripturas referri, ut tres sapientias, aut tres virtutes, aut tres imagines, aut tres substantias, aut tres claritates, aut tres plenitudines diuinitatis, vel cetera huiusmodi pluraliter Arriomanitarum more dicamus? Absit. sicut tu, Osi, iam in ætate prolixa, quin per rudimenta in Synodo Sirmienti catholice, auctor fuisti. vbi fidem tuam, quam in Nicæa conscripseras, irritam fecisti dum regiæ potestati famularis. Præterea qui morti esses perquam vicinus, sic in laqueum voraginis baratri incidisti, ut excideres tanquam mortuus à corde, ut diceres, Quis ignoret patrem maiorem esse honore, dignitate, claritate,

1. Tim. 6. 16

Lib. 2. c. 10

Lib. 2. c. 21.

Lib. 1. De
vito no-
mine Trina.

& maiestate? quasi duæ vel certè tres essent claritates, aut maiestates, in singulis his personis patris & filij & Spiritus sancti, quod absit. Nam si hæc eorum sic se blasphemia ita vt aiunt haberet, quare etiam non tres Deos plurali numero nuncupant, ac publica voce circa proprias vel diuersas substantias suas pollicentur? quod absit, dum perfectè vnitum nomen diuinitatis, multifariè quamuis dictum, vniter in Trinitate consistat.] Et sanctus Ambrosius in secundo ac tertio libro de Spiritu sancto, ex scripturarum auctoritate manifestè demonstrat, sicut deuotus lector facillè inuenire valebit, quia pater & filius & Spiritus vna est virtus, & vnum est consilium patris & filij & Spiritus sancti, & vna vita pater & filius & Spiritus sanctus, & creator omnium pater & filius & Spiritus sanctus, & vnum regnum patris & filij & Spiritus sancti, & vna voluntas patris & filij & Spiritus sancti, & vna visio, vna præceptio, atque vna maiestas, & omnipotentia, ac vna sanctitas patris & filij & Spiritus sancti. Etenim sicut scriptum est, *Totum spiritum suum profert stultus: sapiens autem differt & reseruat in posterum*, vt plenius suam stultitiam Gothescalcus ostenderet, nihil voluit reseruare, quin totum spiritum stultitiæ suæ proferret. Vnde & quasi clausulam prædictis adiecit,

Prou. 29. 11

XII.

— *Cuncta inquit sic esse ceu dixi, in duobus probari potest patenter nominibus singularis tantummodò numeri, hoc est in luce pariter & pace. Lux enim & pax ingenita, & lux & pax genita, quin & lux atque pax procedens, non tres pluraliter luces aut paces dici sinuntur ab arte grammatica, neque tres naturaliter, vt latrat hæresis Arriana, neque personaliter vna, sicut somniat hæresis Sabelliana. sed proculdubio lux & pax est naturaliter vna, & personaliter trina, sicut amplectens trinam & vnā fidem, ac per hoc credens, confitens, colens, canens trinam & vnā lucem, & pacem, maiestatem, potestatem, pietatem, trinam & vnā deitatem, & reliqua quæ ibi est persecutus.*

X P. Ad quem parumper conuersi loqui censuimus. Stulte, impie, crudelis, & Dei tyranne, quod non solum sensus, sed & artis litteratura penitus denegat, & tu ipse prius cum arte negas, cum artibus littera errorem non habeat, & apices sint sine crimine, cur prauè interpretando sensum maculas prauæ intelligentiæ crimine, lucem & pacem naturaliter vnā personaliter in Deo dicens trinam? Nam de luce tuæ impietati contradicit Psalmista dicens, *Apud te est Domine fons vitæ, & in lumine tuo videbimus lumen*. In lumine tuo, inquit Hieronymus, videbimus lumen. Lumen patris Christus est. In Christo patris lumine lumen Spiritum sanctum videbimus. Et lumen tuum Christe pater est, cuius voluntatem faciens venisti illuminare occulta tenebrarum, vt in te qui es lux mundi mereremur illud lumen cernere in gratia mentis puræ. Sic enim ait ad Philippum,

Psalm. 35. 10.

Qui videt me videt & patrem meum. In lumine eius, id est in Christo, Ioan. 14. 9. videbimus lumen, id est Spiritum sanctum, qui super Apostolos, id est in specie ignis illuminantis apparuit. *Et in lumine tuo videbimus lumen,* id est à Christo illuminabimur, ut ait in Euangelio, *Erat lumen* Ioan. 1. 9. *verum, quod illuminat omnem hominem venientem in hunc mundum.* Apostolica quoque sedes superexaltata Petri confessione, & Pauli ornata prædicatione, verum & ipsius traditione Ecclesia catholica, in vigilia sacra Pentecostes, quasi huius expositionem versiculi syllabis paucis, sensu permaximo, orando melius quam tradendo sibi obtinere & aliis commendare posse cognoscens, inter sacra Missarum sollemnia deprecari canendo instituit dicens, *Præsta quæsumus, omnipotens & misericors Deus, ut claritatis tuæ super nos splendor effulgeat, & lux tuæ lucis corda eorum qui per gratiam tuam sunt renati, sancti Spiritus illustratione confirmet,* Si recolis hæretice scriptum, *Vobis qui timetis Deum* Malac. 4. 2. *oriatur sol iustitiæ,* & item, *Qui cum sit splendor gloriæ, & figura substantiæ eius,* & item, *Ipse est enim candor lucis æternæ,* unde & ipse, dicit, *Ego sum lux mundi,* & *Qui videt me videt & patrem,* quia ego in patre & pater in me est, & item scriptum, *Deus noster ignis consumens est,* & Hebr. 12. 29. Ioan. 8. 12. Ioan. 14. 9. purgaueris gratia Dei oculum mentis à pulvere vel albugine arrogantia, poteris hanc orationem catholicam intellectu videre. Et quoniam scriptum est, *Inuisibilia Dei à creatura mundi per ea quæ facta sunt* Rom. 1. 20. *intellecta conspiciuntur, sempiterna quoque eius virtus & diuinitas,* intende solem, & separa ab eo aliquo modo splendorem vel calorem si potes, & cum tria inseparabilia in vna creaturæ substantia videbis, intellige lucem & pacem, sicut & in arte grammatica singularis numeri esse, ita & sensu intellige vnam & non trinam esse lucem ac pacem, omnium quæ sunt creatorem, patrem & filium & Spiritum sanctum. Quia sicut Deus pater, Deus filius, Deus & Spiritus sanctus, & tamen non tres dii sed vnus est Deus, ita lux pater, lux filius, lux Spiritus sanctus, & non tres luces vel trina lux, sed vna lux est pater & filius & Spiritus sanctus. Et sicut dicitur pater & filius & Spiritus sanctus trinus in personis, & vnus Deus in potentia & deitate, ut beatus dicit Ambrosius, *Summa Deus clementiæ, mundique factor machinæ, vnus potentialiter, trinusque personaliter,* non potest catholicè dici, sicut deliras, lux & pax ac deitas naturaliter vna & personaliter trina. Vnde idem in alio hymno dicit Ambrosius, *Tu Trinitatis unitas, orbem potenter qui regis,* de qua non dixit, vna potentialiter, trinamque personaliter, quia in Deo ad se, id est essentialiter & naturaliter, sicut Deitas & substantia, lux & pax & vita, ac virtus, & alia his similia dicuntur, & non relatiuè, ac per hoc singulariter proferruntur, & non recipiunt neque habere pluralitatem vel numerum possunt. Personæ autem, quibus constat sancta & inseparabilis vnus deitatis trinitas, relatiuè dicuntur ad inuicem, & idcirco pluralitatem id est numerum habent, quæ habere non possunt essentialia nomina

deitas, pax, & lux quæ illuminat omnem hominem venientem in hunc mundum pater & filius & Spiritus sanctus: quia sicut inseparabilis est substantia, id est deitas patris & filij & Spiritus sancti, ita & inseparabilia sunt opera eiusdem sanctæ & indiuiduæ Trinitatis, inseparabiliterque operatum esse intelligendum est, quidquid à singulis personis legimus operari. Quamuis certissimum sit, esse patrem solum in paternitatis persona, qui dixit, *Hic est filius meus, in quo mihi complacui*: & filium esse solum filium, super quem illa vox sola patris sonuit, quando in Iordane secundum hominem baptizatus est idem vnigenitus Deus qui carnem solus accepit: & Spiritum sanctum patris & filij personaliter solum esse, qui in specie columbæ super eundem baptizatum ascendentem de aqua descendit, & quinquagesimo die post resurrectionem Christi fideles in vno loco positos in linguarum ignearum visione adueniens repleuit, in quo habent omnes fideles remissionem peccatorum omnium, siue in baptismo, siue in pœnitentia. Illam tamen verissimè vocem qua solus locutus est Deus pater, & illam carnem qua solus homo factus est vnigenitus Deus, & illam columbam in cuius specie Spiritus sanctus super Christum descendit, illasque linguas igneas in quarum visione fideles in vno loco positos repleuit, & in quo datur credentibus remissio peccatorum, opera esse totius sanctæ Trinitatis, id est vnus Dei qui fecit in cælis & in terra visibilia & inuisibilia, verissimè credendum est. De pace siquidem, vnde hæretice quasi sapienter & conclusiuè vna cum luce prædicare te iactas, & reuera perniciosissimè blasphemias dicens, Pax ingenita, & pax genita, & pax procedens, naturaliter vna, personaliter trina, sicut suprà dixisti de deitate. Sufficere poterant quibus sufficit quæ latiùs de omnibus quæ substantialiter de Deo dicuntur ex catholicorum verbis suprà ostendimus. Sed ne dicas, quia in his duobus nominibus nos concluderis, & in responsione defecerimus, iuxta prouerbiū antiquum, tibi malæ arboris nodo fortissimum cuneum opponimus, auctoritate sancti Ambrosij, & ipsam veritatis rationem. Veritas quippe loquitur per Ambrosium, dicit & per Apostolum, *Ipse est pax nostra*, & *Deus lux est*. Quid ergo aliud datur intelligi, nisi quia ipsum sit pax & lux quod Deus est? Neque enim illa natura simplex quæ Deus est, aliud in se habere potest nisi quod ipsa est, cui hoc est scire, quod posse, hoc est posse, quod esse & nosse. Vnde & hoc pacis & lucis præcellsum vocabulum sanctæ Trinitati conuenientissimè coaptatur. nimirum quod ex tribus litteris constat, & pluralitatis numerum sicut Deus ignorat. Cum enim dicimus pax, lux, per tres litteras tres in Deo personæ intelliguntur, & quia pax, sicut nec lux, numerum pluralem non recipit, per singularem numerum substantia, id est deitas ipsius vnus Dei accipitur, sicut sanctus Ambrosius in primo libro de Spiritu sancto,

Ephes. 2. 14

1. Ioan. 1. 5.

capite vndecimo dicit, Vna pax, vna gratia patris & filij & Spiritus sancti. Denique scriptum est, *Gratia vobis & pax à Deo patre nostro & Domino Iesu Christo.* Ecce habes quia patris & filij vna gratia est, & patris & filij vna pax est. Sed & gratia & pax fructus est Spiritus, sicut ipse Apostolus docuit dicens, *Fructus autem Spiritus caritas, gaudium, pax, patientia.* Et bona pax & necessaria, vt nemo ad disputationum turbetur incertum, neque passionum corporalium tempestate quatiatur: sed in simplicitate fidei & tranquillitate mentis quietus circa Dei cultum perseueret affectus.] Et capite decimo tertio, Si igitur vna pax, vna gratia, vna caritas, vna communicatio est patris & filij & Spiritus sancti, vna certè operatio est, & vbi vna operatio est, vtique non potest virtus esse diuisa, discreta substantia. Nam quomodo operationis eiusdem gratia conueniret? Quis igitur vnitatem separare audeat nominis, cum operationis videat vnitatem? Sed quid ego vnitatem nominis argumentis adstruo, cum diuinæ vocis euidens testimonium sit.] *Et capite decimo quarto, Vnum nomen est patris & filij & Spiritus sancti. Scriptum est enim, Ite, baptizate gentes in nomine patris & filij & Spiritus sancti.* In nomine dixit, non in nominibus. non ergo aliud nomen patris, aliud nomen filij, aliud nomen Spiritus sancti, quia vnus Deus non plura nomina, quia non duo Dij, nec tres Dij. & vt aperiret quia vna diuinitas, vna maiestas est, quia vnum nomen patris & filij & Spiritus sancti, & reliqua.] *Et capite decimo sexto, Deus enim lux est, sicut dixit Ioannes, quia Deus lux est, & tenebra in eo non sunt vlla.* Lux autem & filius, quia *vita erat lux hominum.* Et vt ostenderet se de Dei filio Euangelista dixisse, ait de Ioanne Baptista, *Non erat ille lux, sed vt testimonium perhiberet de lumine.* *Erat lux vera, quæ illuminat omnem hominem venientem in hunc mundum.* Ergo quia Deus lux est, lux autem vera est Dei filius, sine dubio Deus verus est Dei filius. Habes & alibi quia Deus lux est, *Populus qui sedebat in tenebris & umbra mortis, lucem viderunt magnam.* Quid autem hoc euidentius quod ait, *Quoniam apud te est fons vitæ, & in lumine tuo videbimus lumen?* hoc est, quod apud te est, Deus omnipotens pater, qui fons vitæ es, in lumine tuo filio videbimus lumen. Videbimus lumen Spiritus sancti, sicut ipse Dominus ostendit dicens, *Accipite Spiritum sanctum.* & alibi, *Et virtus exiebat de eo.* Ipsum autem patrem quis dubitet lucem esse, cum lectum sit de filio eius, quia *splendor sit lucis æternæ.* Cuius enim nisi patris splendor est filius, qui & cum patre semper est, nec dissimili sed eadem claritate præfulget? Et Isaias significat non solum lucem, sed etiam ignem Spiritum sanctum, dicens, *Et erit lux Israel in ignem.* Itaque Prophetæ eum ignem ardentem dixerunt, quia in tribus istis generibus propensius maiestatem diuinitatis aduertimus, quoniam & sanctificare diuinitatis esse aduertimus, & illuminare lucis & ignis est proprium, & in specie ignis exprimi vel videri di-

Deut. 4. 24. uina est consuetudinis. *Deus enim est ignis consumens*, sicut Moyſes dicit.] Ecce habes quia pater & filius & Spiritus ſanctus non perſonaliter trina, ſed naturaliter & eſſentialiter vna pax, vna lux eſt. Vnde ſicut & de deitate, ac de omnibus quæ de Deo ſubſtancialiter dicuntur, reuictus es mendax, Gotheſcalce, quia non pluraliter ſed ſingulariter de ſingulis ſicut & de tribus perſonis debent efferri.] Sicut & ſanctus Auguſtinus in libro quinto de Trinitate dicit, & tuo mendacio contradicit, Illud inquit præcipuè tenendum eſt, quidquid ad ſe dicitur præſtantiffima illa & diuina ſublimitas, ſubſtancialiter dici, tantàmque vim eſſe eiufdem ſubſtantiæ in patre & filio & Spiritu ſancto, vt quidquid de ſingulis ad ſeipſos dicitur, non pluraliter in ſumma, ſed ſingulariter accipiat.] Quod autem ad aliud, non ſubſtancialiter, ſed relatiuè ac per hoc pluraliter dicitur. Plura denique horum, ſed & aliorum orthodoxorum hinc potuiſſemus ponere teſtimonia, quæ in ſuis locis lector poterit inuenire: ſed ſcimus quoniam quantacunque poſuerimus, æmulorum inuidiam & Gotheſcalci perfidiam, & ſi per rationem & auctoritatem ſuperare, non tamen penitus ſedare valebimus. Quapropter adhibemus etiam illi ſacrum Nicænum Concilium, in quo cum Arrio ſequipes illius damnatus eſt, licet verbotenus illum deteſtetur qui ſenſu ſequitur, Cuius Concilij inuiolabilis confeſſio, & inrefragabilis conſtitutio domini noſtrum Ieſum Chriſtum natum ex patre vnigenitum, hoc eſt ex ſubſtantia patris, Deum de Deo, lumen de lumine, & non duo lumina, adeo credi & confiteri cum Spiritu ſancto vnum lumen perdocuit, vt ſecus ſentientes ab Eccleſia catholica anathematizandos decreuerit. Et de his contra eum iſta dicta ſufficiant. nunc de aliis eius dictis ad narrationis ordinem redeamus. In alia etiam compilatione ſua, in qua plura teſtimonia ex nomine catholicorum falſò ponit, & nomina librorum ex quibus illa ſumpſerit penitus tacet, & quædam quæ nobis nota ſunt ibidem contra ſe peruerſè more ſuo interpretans interponit, quæ à ſe dicta fortiter vt ſibi videtur adſtruunt, fortiter verò & catholicè deſtruunt. ponit etiam ibidem teſtimonium de epiſtola Petri Nicomediensis Epifcopi, quam in ſexta Synodo ne damnaretur porrexit, in qua trinum lumen fuiſſe poſitum, & ab Epifcopis approbatum in eadem Synodo iactat. Neſciens ſæpe idioma linguæ, in interpretatione quæ fit verbo ex verbo, dubitationem vel intelligentiæ difficultatem afferre, ſicut & beatus Auguſtinus manifeſtè demonſtrat, & in Synodo ſæpe aliqua, quæ non adeo ad rem pertinent, propter plurimas occupationes, dum multorum verba & ſententiæ intercedunt, neceſſariò minùs diſcuſſa præteriri ſolere, maximè illa de quibus ſpecialiter non agitur ratio, & plus ſtatui nutantium intenditur à Synodo conſuli, quàm deiectioni fraternæ incumbi. Vnde Leo, vt de pluribus vnum proferamus exemplum, ad Flauianum ſcribit dicens, Miror tam abſurdam tamque

Synodi vi.
Act. ion. x.
prope finē.

Epist. 12.
sub finem.

DE NON TRINA DEITATE.

515

perfidam eius, quin Eutychetis, professionem nulla iudicantium increpatione reprehensam, & sermonem nimis insipientem, nimisque blasphemum ita omissum, quasi nihil quod offenderet esset auditum, cum tam impiè duarum naturarum ante incarnationem vnigenitus Dei filius fuisse dicatur, quàm nefariè, postquam Verbum caro factum est, natura in eo singularis asseritur, quod Eutyches ideo vel rectè vel tolerabiliter aestimat dictum, quia nulla vestra est sententia confutatum.] Et cum hæc ita se habeant, necessarium tamen duximus, Gothescalcum non verum dixisse patenter ostendere. Non enim in omni libello satisfactionis Petri Nicomediensis Episcopi de trino lumine quidquam habetur, sed vnitas deitatis in eo manifestissimè & catholicè demonstratur, qui ita incipit, Credo in vnum Deum patrem omnipotentem, factorem cæli & terræ, visibilium omnium & inuisibilium. Et in vnum Dominum Iesum Christum, filium Dei vnigenitum, qui ex patre natus est ante omnia sæcula, lumen de lumine, Deum verum de Deo vero, natum non factum, per quem omnia facta sunt. Et in Spiritum sanctum, dominum & viuificantem, ex patre procedentem, cum patre & filio coadorandum & conglorificandum, Trinitatem consubstantialem, vnā deitatem, essentiam, virtutemque & potestatem, dominationem, Deum vnum, quem cum singulariter contemplatur, sensu diuidente quæ indiuisa sunt, vnitatem in trinitate, trinitatem in vnitatem adorandam. vnitatem quidem secundum essentiam siue deitatis rationem, trinitatem verò secundum subsistentias siue personas.] Habetur autem quiddam de tribus luminibus, sed non eo sensu quo Gothescalcus dicit, in professione Synodo porrecta Macarij hæretici & Antiocheni Episcopi, qui de duabus voluntatibus & operationibus in vno domino Iesu Christo non sensit catholicè, & orthodoxorum dicta falsasse conuictus & degradatus est, post alia præmissa hoc modo, Trinitatem perfectam gloria, & imperio, & consilio non diuisam, vnā deitatem & dominationem. Nihil enim seruile in Trinitatem vel subiectum & introductitium, tanquam prius quidem non extitisset, post verò intromissum. Neque enim defuit filius patri, neque filio Spiritus, sed inconuertibilis semper & consubstantialis sancta Trinitas Deus noster. Deum verum cum dico, vno lumine illustror. Et tribus quidem secundum proprietates siue substantias, & personas: vno verò secundum essentiam rationem, id est deitatis. Diuiditur quippe indiuisibiliter, vt ita dicam, & coniungitur diuisibiliter. Vnum nempe in tribus ipsa deitas, & ipsa tria vnum in quibus deitas, siue vt expressius dicatur, quæ est deitas. & neque ipsam vnitatem confusionem operemur, neque ipsam diuisionem alienationem.] Et hinc sanctus Augustinus in libro septimo de Trinitate, Lumen pater, lumen filius, lumen Spiritus sanctus, simul autem non tria lumina, sed vnum lumen.] Et beatus Ambrosius sanctam Trinitatem vnius deitatis, non

Synodi vr.
Act. x. sub
finem.

Synod. vr.
Act. viii.

Cap. iiii.

secundum Gothescalci peruersitatem, sed secundum fidei catholicæ vniuersalem credulitatem atque confessionem, vnam lucem catholicè credi & dici demonstrat in hymno vespertinali, quem Gothescalcus ab ipsis rudimentis infantia, in monachorum monasterio, in quo secundum regulam oblatu & tonsus extitit, & vsque ad ætatem adultam mansit, cum monachis labiis cecinit, sed sensum eius percipere corde non potuit, quoniam in maliuolam animam non introiuit sapientia, nec habitauit in corpore subdito peccatis. cuius hymni initium est,

O lux beata Trinitas, & principalis vnitas,

Iam sol recedit igneus, infunde lumen cordibus.

Tandem hac schedula completis suis in Deum blasphemias, Gothescalcus in vituperationem ipsius Domini sacerdotum, vt scientia & meritis illi impares nosceremur, ac per hoc indigni sacerdotio notaremur, nobis noto & sibi consuetudinario blasphemiarum sigillo, post solitum suum *Amen*, verba ponens beati Gregorij, quatenus eius derogationes in nos iaculatae, qui sua dogmata execramur, maioris haberentur virtutis, subscribendo signauit dicens,

XIII.

— *Virtutibus plenus inuitus ad regimen veniat, virtutibus vacuus nec coactus accedat.*

XP. Quas sententias beati Gregorij, vt à sancto Spiritu promulgatas, reuerenter suscipimus, sed malo voto à Gothescalco prolatas non reueremur: quia non Gothescalcus hæreticus, sed sicut scriptum est, *Spiritualis homo iudicat omnia, ipse autem à nemine iudicatur.* id est, vt beatus Augustinus dicit, à nullo homine, sed à sola ipsa lege, secundum quam iudicat omnia. Quoniam & illud verissimè dictum est, *Oportet nos omnes exhiberi ante tribunal Christi.* Omnia ergo iudicat, quia super omnia est, quando cum Deo est. cum illo autem est, quando purissimè intelligit, & tota caritate quod intelligit diligit. Ita etiam quantum potest lex ipsa etiam ipse fit, secundum quam iudicat omnia. De qua iudicare nullus potest, præsertim nemo illorum, de quibus item beatus Augustinus dicit, *Quia multi non solum in catholica, sed in diuersis hæresibus, si aliqua ingruente persecutione, tradant ad flammam nobiscum corpus suum pro fide quam pariter confitentur, tamen quia separati hæc agunt, non sufferentes inuicem in dilectione, neque studentes seruare vnitatem spiritus in vinculo pacis, caritatem vtique non habendo, etiam cum illis omnibus quæ nihil eis prosunt, ad æternam salutem peruenire non possunt, quia præter vnitatem & qui facit miracula nihil est.* Præter vnitatem erant magi Pharaonis, & faciebant similia Moyfi. & discipuli gloriantes dixerunt Domino, *Ecce in nomine tuo etiam nobis demonia subiecta sunt.* Bene quidem confessi sunt, derulerunt honorem nomini Christi, & tamen quod ait eis, *Nolite in hoc gloriari*

1. Cor. 2. 15.

2. Cor. 5. 10.

Luc. 10. 17.

Luc. 10. 20.

gloriari quia damonia vobis subiecta sunt: sed gaudete quia nomina vestra scripta sunt in celo. Petrus damonia excludit, nescio quæ anicula vidua, nescio quis homo qualiscumque laicus, habens caritatem, tenens integritatem fidei, non facit hoc. Petrus in corpore oculus est, ille in corpore digitus est, in eo tamen corpore est in quo Petrus, & si minus valet digitus quam oculus, non est tamen præcisus à corpore. Melius est esse digitum & esse in corpore, quam esse oculum & euelli de corpore. Deo gratias, qualescumque sacerdotes & in Ecclesiastico regimine positi, catholicam fidem seruantes in Christi corpore, de quo euulsus est Gothescalcus, non vsquequaque virtutibus vacui manemus. quia vt idem beatus Augustinus dicit, virtus est vel recta vel perfecta ratio. Et hæc est verè perfecta virtus, ratio perueniens ad finem suum, quam beata vita consequitur. Ipsa autem visio intellectus est ille qui in anima est, adspectus animæ ratio est. Sed quia non sequitur, vt omnis qui adspicit videat, adspectus rectus atque perfectus is est quem visio sequatur, & virtus vocatur. Quam & si perfectè necdum adepti sumus, quia necdum culmen perfectionis attingimus, in via tamen Dei quotidie sancti desiderij gressus ponere desudamus. Quapropter, vt beatus dicit Gregorius, consolatur nos veritas, quæ per Psalmistam dicit, *Imperfectum meum viderunt oculi tui, & in libro tuo omnes scribentur.* Psalm. 138. 16. Non omnino erit nobis noxia nostra imperfectio, si in Dei itinere constituti, & ad transacta non respicimus, & ad ea quæ restant transire festinamus. Nam qui imperfectorum desideria dignanter inflamat, hæc quodammodo ad perfectionem roborat per Iesum Christum Dominum nostrum, qui cum eo viuit & regnat Deus in vnitate Spiritus sancti, per omnia sæcula sæculorum, Amen. Et quoniam idem Gothescalcus plures scedulas blasphemiarum suarum compilauit. ad quas omnes propter multas occupationes nobis longum respondere fuit, de his scribendum tantummodò vidimus, de quibus quosdam scandalizari didicimus. Scripsit enim inter alia, in quadam næniarum suarum scedula.

XIV.

— Siquidem inde dicitur in Deo persona, quòd per se sit vna. Quapropter cum Dei natura nihil aliud sit, quam generalis, communis, atque vniuersalis omnium trium substantia. & vnaquæque in Trinitate persona nihil sit aliud, quam propria, specialis, & indiuidua singulorum substantia & essentia, patefacta est, Deo gratias, luce clariùs inter vnâ Dei naturam & tres personas differentia. eo videlicet, quòd in natura demonstratur omnium trium substantialis generalitas, communitas, vniuersalitas, unitas: at in personis declaratur indiuidua singulorum specialitas atque proprietas, & ita his quoque consequenter manifestetur Trinitas, & sicut superius vna scilicet natura, sic & in his trina deitas.

X P. Quo contrà beatus Augustinus, quod & suprâ posuimus, in libro VII. de Trinitate dicit, Nec sic inquiring Trinitatem dicimus

tres personas vel subsistentias, vnam essentiam & vnum Deum, tanquam ex vna materia tria quædam subsistât, etiam si quidquid illud est in his tribus explicatû sit. non enim aliquid aliud eius essentiæ est præter istam Trinitatem. Tamen tres personas eiusdē essentiæ, vel tres personas vnam essentiam dicimus, tres autem personas ex eadem essentia non dicimus, quasi aliud ibi sit quod essentia est, aliud quod personæ. sicut tres statuas ex eodē auro possumus dicere: aliud enim illic est esse aurum, aliud esse statuas. Et cū dicuntur tres homines vna natura, vel tres homines eiusdē naturæ, possunt etiam dici tres homines ex eadem natura, quia ex eadem natura & alij tales homines possunt existere. In illa verò essentia Trinitatis, nullo modo alia quælibet persona ex eadem essentia potest existere.] Non enim maior essentia pater & filius simul, quàm solus pater aut filius: sed tres simul illæ subsistentiæ, siue personæ, si ita dicendæ sunt, æquales sunt singulis, quod animalis homo non percipit.] Et in Sermone trigésimo sexto Evangelij Ioannis, Trinitas vnus Deus, Trinitas vna est æternitas, vna potestas, vna maiestas. Quid ergo tres? Si enim tres ait, oportet dicas quid tres? Respondeo, pater & filius & Spiritus sanctus. Id enim quod pater in se est Deus est, quod ad filium est pater est: quod filius ad se ipsum Deus est, quod ad patrem est, filius est.] *Et post paululum*, Quia illa diuinitas est, est ibi aliquid ineffabile, quod verbis explicari non possit, vt & numerus sit, & numerus non sit. Videte enim, si non quasi apparet numerus pater & filius & Spiritus sanctus Trinitas. Si tres, quid tres? deficit numerus. Ita Deus numerus recedit à numero, nec capitur numero: quia tres sunt tanquam numerus, si quæris quid tres? non est numerus. Vnde dictum est, *Magnus Dominus Deus noster, & magna virtus eius, & sapientia eius non est numerus.*] & item post paululum, Hoc solum numerum insinuat quod ad inuicem sunt, non quod ad se sunt.] Ex his verbis beati Augustini demonstratur contra catholicam fidem dicere Gothescalcus, vt solet, trinam prædicans deitatem. Et in hoc etiam ex his verbis sancti Augustini malè dogmatizare probatur, quod in eadem sua compilatione subsequitur dicens,

X V.

—*Illud etiam patet, & absque nubilo claret, quod nomina personalia non sunt ullo modo relatiua, sed potius essentialia, siue substantialia, sicut sunt & naturalia. Hoc tamen inter se tantummodò differunt, quod nomina naturalia totis tribus personis æqualiter sunt communia, siue generalia: at personalia singulis tantummodò personis probantur esse propria, siue specialia. Quemadmodum verbi gratia, cū dicitur Dei natura, totius Trinitatis communis cognoscitur essentia: cū verò dicitur persona, non nisi vnius ex Trinitate specialis dignoscitur esse substantia. Reuera enim naturale nomen Dei, quando generaliter ponitur, totas tres pariter complectitur personas, personale verò solummodò singulas.*

X P. Reperamus singula, & distinctè ac viritim respondeamus, catholicorum dictis & sensibus, his execrandis blasphemis. Claret inquit, quòd nomina personalia non sunt vlllo modo relatiua, sed potius essentialia, siue substantialia, sicut sunt & naturalia. Ad quæ interrogamus eum, quæ sunt in sancta Trinitate nomina personalia. Si dixerit, quia aliud non habet quid dicat, pater & filius & Spiritus sanctus, dicentem quòd nomina personalia non sunt relatiua sed naturalia, mentiri comprobatur sanctus Augustinus in multis locis, tum in quinto & septimo libro de Trinitate, in quibus ostendit quòd nomina naturalia in Deo ad se, id est substantialiter dicuntur, nomina verò personalia ad aliquid, id est relatiuè dicuntur. sicut pater ad filium, filius ad patrem, & Spiritus sanctus ad patrem & filium, quorum est Spiritus sanctus. Et illud præcipuè tenendum esse confirmat, vt quidquid ad se dicitur præstantissima illa & diuina sublimitas, substantialiter dici, & quicquid de singulis ad se ipsos dicitur, non pluraliter in summa, sed singulariter accipiatur. Quod autem ad aliquid, non substantialiter sed relatiuè dicitur. Vnde & Boëtius, ac si beatum Augustinum exponens, in libro ad Ioannem Romanum diaconum, postea autem Episcopum, dicit, Intelligamus patrem & filium ac Spiritum sanctum non de ipsa diuinitate substantialiter dici, sed alio quodam modo. Si enim substantialiter prædicaretur, & de singulis & de omnibus singulariter diceretur, hæc verò ad aliquid dici manifestum est.] *& paulo post*, Trinitas quidem in personarum pluralitate consistit, vnitas verò in substantiæ simplicitate.] *& item*, Trinitas igitur non pertinet ad substantiam. quo fit vt neque pater, neque filius, neque Spiritus sanctus, neque Trinitas, de Deo substantialiter prædicetur, sed vt dictum est ad aliquid: Deus verò, veritas, iustitia, bonitas, omnipotentia, substantia, immutabilitas, virtus, sapientia, & quicquid huiusmodi excogitari potest, substantialiter de diuinitate dicuntur.] Et item idem in libro de Trinitate, Substantia continet vnitatem, relatio multiplicat trinitatem.] Quapropter si forent, vt mentitur Gothescalcus, in sancta Trinitate tria nomina naturalia vt personalia, esset in sancta Trinitate trina natura, id est trina deitas, & vnicuique naturæ proprium nomen, sicut est vnicuique personæ quædam proprietas sua in vna eadèque hac communi sanctæ Trinitati deitatis natura. Patri videlicet, quia ab alio non est, ac per hoc solus est in paternitatis persona, non solus in deitatis essentia. Vnigenito verò filio Dei proprium est, quòd ex solo, id est patre, consubstantialiter & coessentialiter solus est genitus. & in hoc personæ suæ proprietas, vt solus sit in filij persona, & non solus in deitatis substantia. Spiritui sancto est proprium, quòd ex patre & filio æqualiter procedit, & est amborum spiritus, eiusdèque substantiæ & æternitatis cum patre & filio. Si inquam tria in sancta

Lib. v.
cap. viii.

Sub me-
dium libel-
li.

Sub finem.

Trinitate forent naturalia nomina, tres utique essent naturæ, & trina deitas esset, sicut mendaciter laborat Gothescalcus adstruere ut trina sit personaliter, ac per hoc tres dii essent. cui falsitati à diabolo, qui primis hominibus dixit, Eritis sicut dii, per Gothescalcum prolata contradicit Dominus dicens, *Baptizate omnes gentes in nomine patris & filij & Spiritus sancti*. Vnde Athanasius in libro primo de fide, Qui, inquit, in nomine dixit, euidenter vnam deitatem in Trinitate consistere declarauit, & quod persecutus est, patris & filij & Spiritus sancti, per singula nomina singulas personas inesse distinxit. In qua sententia, quod & vnius Dei nomen sit pater & filius & Spiritus sanctus, & catholicè ut catholicissimus per singula nomina singulas personas inesse distinxit, quoniam alia est persona patris, alia filij, alia Spiritus sancti, cum non sit aliud pater, aliud filius, aliud Spiritus sanctus, sed id ipsum sit pater quod filius & quod Spiritus sanctus, non autem idem ipse sit pater, qui filius, & qui Spiritus sanctus, sicut beatus Ambrosius in libro primo de Fide dicit, Si ergo vnus Deus, vnum nomen vna potestas, vna est Trinitas, denique Dominus dicit, *Ite, baptizate gentes in nomine patris & filij & Spiritus sancti. in nomine, inquit, non in nominibus.*] Et hinc idem Athanasius consonanter, In nomine, inquit, non in nominibus, ut & vnum Deum per indistinctum diuinæ essentiae nomen ostenderet, & personarum discretionem suis demonstratam proprietatibus edoceret.] Deinde subsequitur Gothescalcus, Hoc tamen inter se tantummodò differunt, quod nomina naturalia totis tribus personis æqualiter sunt communia, siue generalia: at personalia singulis solummodò personis probantur esse propria, siue specialia. Videndum quàm contraria sibi ipsi & amenter loquitur, videlicet ut hæresis, de qua scriptum est quia non valet consistere pedibus suis. Paulo superius dixit, quod nomina personalia non sunt vllò modo relatiua, sed naturalia, & mox subiungit, quod nomina naturalia sunt communia Trinitati & generalia, & personalia singulis personis sunt propria. Contra quæ non latius scribendum censuimus, cum manifestum sit, quàm contraria catholicæ fidei, & catholicorum verbis, & sibi ipsi loquatur, & in hoc opere plurimà sint catholicorum testimonia posita, quæ illius falsitatem reuincunt, licet ipse is non credat, nisi ea dixerint quæ suo prauo sensui congruunt. Non enim, ut scriptum est, recipit stultus verba prudentiæ, nisi ea dixeris quæ versantur in corde eius. Ceterum quicumque à dogmate illius dissentiant, sine vlla reuerentia reprehendit. sicut in hac eadem compilatione reprehendit Paulum, quia non regulariter dixit, *Fides, spes, caritas, tria hæc: maior autem his est caritas*, dicens quia maior horum dicere debuerat. & Priscianum denotat, asseuerans quia illum hæc regula præterierit. Sed & Hieronymum, & Augustinum, & Bedam, toto ore & buccis inflatissimis de quibus sibi visum est repre-

hendit. Verumtamen Augustinus, quem suum multoties vocat, illum prauè sentire in hac compilationis suæ astutia comprehendit dicens, Sciendum est, quòd quædam de Deo substantialiter dicuntur, ut est Deus, magnus, omnipotens, & quicquid ad se dicitur, id est substantiam diuinitatis significantia. Quædam itaque relatiuè dicuntur, ut pater ad filium, & filius ad patrem, & Spiritus sanctus relatiuè ad patrem & filium: ad se autem, siue pater, siue filius, siue Spiritus sanctus dicitur.] *Et item*, Quicquid ergo ad se dicuntur pater & filius, non dicitur alter sine altero. id est quicquid dicuntur quod substantiam eorum ostendat, ambo simul dicuntur. Si hæc ita sunt, iam ergo nec pater est Deus sine filio, nec filius Deus sine patre, id est non ita dicitur pater Deus quasi filius non sit Deus, nec filius ita dicitur Deus quasi pater non sit Deus, sed ambo simul Deus & vnus Deus. Quocirca quicquid secundum substantiam vel æternitatem de eis dici potest, ambo simul sunt. quamuis de filio dicatur Deus de Deo, lumen de lumine, ambo sunt Deus, ambo simul lumen. sed non pater Deus de Deo, nec lumen de lumine, sed filius Deus de Deo, & lumen de lumine. ambo tamen simul & semper simul vnus Deus & vnum lumen. Sic etiam & de aliis appellationibus quæ secundum substantiam dicuntur, id est, quod simul ambo sunt dici debet. hoc solum de eis dici non potest, illud de illo, quod simul ambo non sunt, sicut Verbum de Verbo dici non potest, quia non simul ambo Verbum, sed solus filius, nec imago de imagine, nec filius de filio, nec pater de patre.] *Et item*, Sicut enim relatiuè pater & filius dicuntur, ita & Spiritus sanctus ad patrem & filium quodammodo relatiuè dicitur, quia patris & filij spiritus est, sed ipsa relatio Spiritus sancti non ita reciprocatone conuerti poterit sicut pater & filius. Possumus quippe dicere, Spiritum sanctum patris & filij spiritum: sed conuerso ordine non possumus dicere, patrem Spiritus sancti, sicut dicimus patrem filij, ne duo filij in sancta Trinitate æstimentur. Ita non possumus dicere filium Spiritus sancti, sicut dicimus filium patris, ne duo patres in sancta Trinitate intelligantur. Dicimus itaque Spiritum sanctum patris & filij sine reciprocatone conuersionis nominum relatiuorum. Personæ autem etymologiam, vel definitionem Boëtius, cum in libro contra Eutychem & Nestorium multipliciter sapientum vtriusque linguæ, Græcæ videlicet Latinæ, sensum inde protulerit, talem non inuenit, sicut Gothescalcus hîc adinuenit, Inde inquires dicitur in Deo persona, quòd per se sit vna. cum tres vnus deitatis in sancta Trinitate personæ pater & filius & Spiritus sanctus ad inuicem non substantialiter, sed sicut ex verbis beati Augustini ostendimus, relatiuè dicantur. Pater enim relatiuè dicitur ad filium, qui ideo dicitur pater quòd habeat filium: filius relatiuè ad patrem dicitur, quia ideo dicitur filius quòd habeat patrem. Spiritus sanctus, tertia in sancta Trinitate persona, quodammodo relatiuè dicitur, quia patris & filij spiri-

De vna per-
sona Chri-
sti.

rus est, qui à catholicis doctoribus amborum, videlicet patris & filij, caritas, sanctitas, vnitas, ac Trinitatis vinculum dicitur. Trinitas itaque ad personas patris & filij & Spiritus sancti refertur: vnitas ad naturam æternæ deitatis pertinet. Et habent singulæ in sancta Trinitate personæ aliquid proprium, non sicut Gothescalcus dicit, quòd inde dicitur in Deo persona, quòd per se sit vna: sed sicut Augustinus dicit, quòd inseparabili æqualitate aliquam in se ostendunt proprietatem. Pater verò solus pater, & filius solus filius, & Spiritus sanctus solus Spiritus sanctus. & pater hoc habet proprium, quòd ex omnibus quæ sunt solus est, quia ab alio non est, ac per hoc solus est in paternitatis persona, non solus in deitatis essentia. Vnigenitus verò filius Dei hoc habet proprium, quòd ex solo, id est patre, consubstantialiter & coessentialiter solus genitus est, & in hoc personæ suæ proprietas. Spiritus sanctus hoc habet proprium, quòd ex patre filioque æqualiter procedit, & est amborum spiritus, eiusdem substantiæ & æternitatis cum patre & filio. Sed hæc tria verè etiam tria sunt, ineffabiliterque tria, & essentialiter tria, habentia proprietates suas, & hæc tria vnum, & verè vnum, & hoc vnum tres, sed non tres patres, nec tres filij, nec tres Spiritus sancti, sed tres personæ. vnus pater, vnus filius, vnus Spiritus sanctus, & hi tres, id est pater & filius & Spiritus sanctus, vnum sunt in natura, omnipotentia, deitate, & æternitate. Conferat igitur catholici lectoris prudentia verba Gothescalci dicentis, Inde dicitur in Deo persona quòd per se sit vna, verbis beati Augustini dicentis, Habent singulæ in sancta Trinitate personæ aliquid proprium, quo inseparabili æqualitate aliquam in se ostendunt proprietatem, & dicat, Quantum distat ortus ab occidente longè faciat Dominus prauum sensum Gothescalci à catholicis sensibus nostris, qui cum Gothescalco non dicimus inde in Deo dici personam quòd per se sit vna, sed credimus & confitemur cum sancto Augustino, & ceteris orthodoxo doctoribus, quia pater & filius & Spiritus sanctus naturaliter vnus est Deus. Inseparabilis igitur naturæ vnitas non potest separabiles habere personas. Pater quidem ex omnibus quæ sunt solus est, quòd sibi proprium est: & solus est in paternitatis persona, sed non per se solus est in deitatis essentia. Vnigenitus Dei filius ex solo patre consubstantialiter & coessentialiter solus est genitus, & hoc est proprium suæ personæ, sed non per se est solus & singulariter vnus in deitatis essentia. Spiritus sanctus ex patre & filio æqualiter procedit, & hoc est proprium suæ personæ. Vnde non per se est solus & singulariter vnus in deitatis essentia: sed amborum, videlicet patris & filij spiritus, eiusdem substantiæ & æternitatis cum patre & filio. & idcirco inseparabilis est sancta Trinitas etiam in personis sensu intelligenda, quamuis in voce separabilia habeat nomina, quia pluralem numerum in naturæ nominibus nullatenus recipit. Verum

& in hoc ostenditur personas non posse diuidi in sancta Trinitate, quia cuiuslibet personæ nomen semper ad alteram respicit personam. Si patrem dicis, filium ostendis: si filium nominas, patrem prædicas: si Spiritum sanctum appellas, alicuius esse Spiritum necesse est intelligas. Non igitur, ut blasphematur Gothescalcus, inde dicitur in Deo persona, quod per se sit vna, more suo, videlicet hæreticorum more, profanas vocum nouitates exquirens. Qui, ut B. dicit Gregorius, dum laudari tanquam de excellenti ingenio cupiunt, quasi noua quædam proferunt, quæ in antiquorum patrum libris veteribus non tenentur. Sicque fit, ut dum videri sapientes desiderant miseris suis auditoribus stultitiæ semina spargant. Rectius autem Boëtius quam Gothescalcus, immo rectè Boëtius, quia non rectè Gothescalcus, personæ definitionem ex sapientum sententiis nobis protulit dicens, persona dicta est à personando circumflexa penultima. Quod si acuatur antepenultima, apertissimè videbitur à sono dicta.] *Et item*, Hoc interim constet, quod inter naturam personamque differre prædiximus: quoniam natura est cuiuslibet substantiæ specificata proprietas, persona verò rationabilis naturæ indiuidua subsistentia. Non igitur, ut Gothescalcus mendaciter adinuenit, ideo dicitur in Deo persona, quod per se sit vna. Exponat enim quid velit addere, cum dicit quod per se sit vna. Et si dixerit iteratò, licet absurdum sit, per se vna persona, ut per se sit pater, per se filius, per se Spiritus sanctus, non stabit, quia licet pater solus sit in paternitatis persona, filius solus sit de patre, id est de substantia patris natus, Spiritus sanctus solus de patre procedat & filio, tamen relatiuè pater ad filium, filius ad patrem, Spiritus sanctus quod patris & filij spiritus sit dicitur. Vnde S. Augustinus in libro sexto de Trinitate dicit, Non inuenitur quomodo dici possit aut pater solus, aut filius solus, cum semper atque inseparabiliter & ille cum filio sit, & ille cum patre, non ut ambo sint pater, aut ambo filius, sed quia semper inuicem, neuter solus.] Quod & de Spiritu sancto sentiendum est. Si dixerit, ideo dicitur in Deo persona, quod per se sit vna deitas vel substantia, vel aliquid huiusmodi, hoc catholica fides non recipit, quoniam vna eademque deitas, quæ Trinitatis est vnitas, tota in singulis, tota est in tribus simul personis. Quapropter non debuerat dicere, exponens quare dicitur persona, per se, sed potius ad se, eo sensu sicut Augustinus in libro septimo de Trinitate dicit, Videlicet quia pater & filius & Spiritus sanctus in Trinitate relatiuè dicuntur: persona verò patris, vel filij, vel Spiritus sancti ad se dicitur. Non, inquit Augustinus in præfato libro, aliud est Deo esse, aliud personam esse, sed omninò idem. Nam esse ad se dicitur, persona verò relatiuè, videlicet cum dicitur pater vel filius vel Spiritus sanctus. & sicut substantia patris ipse pater est, non quo pater est, sed quo est: ita & persona patris non aliud quam ipse pater est. Ad se quip-

Cap. vii.

Lib. vii. de
Trin. c. vi.

Post alia
multa.

Ioan. 10. 30

Lib. xv. de
Trin. cap.
xvii.

Cap eodē
post alia.

Non longē
à principio

pe dicitur persona, non ad filium, vel ad Spiritum sanctum, sicut ad se dicitur Deus, & magnus, & bonus, & iustus, & si quid aliud huiusmodi: & quemadmodum hoc illi est esse, quod Deum esse, magnum esse, quod bonum esse, ita hoc illi est esse, quod personam esse. Cur ergo non hæc tria simul vnam personam dicimus, sicut vnam essentiam & vnum Deum, sed tres dicimus personas, cum tres Deos aut tres essentias non dicamus, nisi quia volumus vel vnum aliquod vocabulum seruire huic significationi, qua intelligitur Trinitas, ne omnino taceremus interrogati quid tres, cum tres esse fateremur? Neque cum quislibet audierit patrem solum Deum, separet inde filium, aut Spiritum sanctum. Cum eo quippe solus Deus est, cum quo & vnus Deus est. quia & filium cum audimus, solum Deum sine vlla separatione patris aut Spiritus sancti oportet accipere. atque ita dicat vnam essentiam, vt non existimet aliud alio vel maius, vel melius, vel aliqua ex parte diuersum. Non tamen vt pater ipse sit & filius & Spiritus sanctus, & quicquid aliud ad alterutrum singula dicuntur, sicut Verbum quod non dicitur nisi filius, aut donum quod non dicitur nisi Spiritus sanctus: propter quod etiam pluralem numerum admittunt, sicut in Evangelio scriptum est, *Ego & pater vnum sumus*. Et vnum dixit, & sumus. Vnum, secundum essentiam, quod idem Deus: sumus, secundum relatiuum, quod ille pater, hic filius.] Et in libro decimo quinto, Spiritus quoque sanctus secundum scripturas sanctas, nec patris est solius, nec filij solius, sed amborum, & ideo communem, qua se inuicem diligunt pater & filius, nobis insinuat caritatem. Et sicut sapientia & pater & filius & Spiritus sanctus dicitur, & simul omnes non tres sed vna sapientia: ita & caritas & pater dicitur & filius & Spiritus sanctus, & simul omnes vna caritas. sic enim pater Deus, & filius Deus, & Spiritus sanctus Deus, & simul omnes vnus Deus.] Vnde & inseparabilis est, etiam in personis, sancta Trinitas sensu intelligenda. Et qui hanc etymologiam in persona mendaciter adinuenit, fortè vt solet prauè interpretabitur verba Boëtij, dicentis in libro de Trinitate, In rerum, inquit, numero non facit pluralitatem vnitatum repetitio. Velut si de eodem dicam, gladius vnus, mucro vnus, ensis vnus. velut si dicam, Sol, sol, sol, non tres soles effecerim, sed de vno toties prædicatur. Non igitur si de patre ac filio & Spiritu sancto tertio prædicatur Deus, idcirco trina prædicatio numerum facit. Et vt de persona compilauit quia dicit, „ Sicut Deus dicitur trinus & vnus, ita deitas debet & valet dici catholicè trina & vna. Fortè dicet, ideo dicitur Deus trinus, quasi ter vnus, & dicitur deitas trina, id est ter vna. Contra quem hinc & se & nos defendat Boëtius sine vlla interpositione subsequens cum dicit, Non igitur si de patre ac filio & Spiritu sancto tertio prædicatur Deus, idcirco trina prædicatio numerum facit. Hoc enim illis,

vt

vt dictum est, imminet, qui inter eos distantiam faciunt meritorum.] & paulo superius, Vbi verò nulla est differentia, nulla est omnino pluralitas, quare nec numerus, igitur vnitas tantum. Nam quòd tertio repetitur Deus cum pater & filius & Spiritus sanctus nuncupatur, tres vnitates non faciunt pluralitatem numeri in eo quod ipsæ sunt, id est in deitate, sicut inferius paulo demonstrat dicens, Catholicis verò nihil in differentia constituentibus, ipsamque formam vt est esse ponentibus, neque aliud esse quàm est ipsum quod est opinantibus, rectè repetitio de eodem quàm enumeratio diuersi videtur esse cum dicitur, Deus pater, Deus filius, Deus Spiritus sanctus, atque hæc Trinitas vnus Deus, velut ensis, atque mucro, & gladius, vnus gladius, velut sol, sol, sol, vnus sol. Non verò ita dicitur pater & filius & Spiritus sanctus, quasi multiuocum quiddam. Nam mucro, & ensis, & gladius, & ipse est & idem: pater verò ac filius & Spiritus sanctus, idem equidem est, non ipse. Non est igitur inter eos in re omni differentia quare subintret numerus, quem ex subiectorum diuersitate confici superius explanatum est. Et hoc idem Dominus demonstrat in Euangelio, quod sub hoc sensu tradunt omnes doctores catholici, cum dicitur, *Ite, do-* Matt. 28. 19
cete omnes gentes baptizantes eos in nomine patris & filij & Spiritus sancti. Non dicit in nominibus, sed in nomine, quia vnum nomen vnus Dei est, pater & filius & Spiritus sanctus, de quo scriptum est, *Audi Is-* Deut. 6. 4
rael, Dominus Deus tuus Deus vnus est. Quapropter & si potest dici in personis Deus trinus, quasi quodammodo ter vnus, quia pater Deus, filius Deus, Spiritus sanctus Deus, vnus eiusdemque essentiae deitatis, quæ est vnitas trinitatis, tota in singulis, tota in tribus simul personis: non tamen potest catholicè dici deitas trina, quasi ter vna, quia vna & indiscreta natura patris & filij & Spiritus sancti non est terna, vel trina, siue ter vna in singulis, non est terna, vel trina, seu ter vna in tribus, sed vna & eadem, tota plena atque perfecta semper in singulis, tota plena atque perfecta in tribus simul personis, quæ in se non habet numerum, nec in personis, in quibus relatiuè dicitur Trinitas, aliquam differentiam. Trina quippe & trinitas habent vel numerus sunt, vt superius catholicorum verbis ostendimus. Vnde cum ter sanctum Hymnum offerimus, terque coadorandam deitatem cum supernis & cælestibus virtutibus glorificamus, dicentes Sanctus, Sanctus, Sanctus, subsequimur Dominus Deus Sabaoth, non Domini Dei Sabaoth, &, pleni sunt cæli & terra gloria tua, non gloria vestra, corde credentes ad iustitiam, ore confitentes ad salutem cantamus. Sic enim sentit & scripsit Dionysius Areopagites, & Cyprianus, sic Basilius Cappadocus, sic Gregorius Nazianzenus, sic Gregorius Nyssensis, sic Ioannes Constantino- politanus, sic Timotheus & Cyrillus Alexandrini Episcopi, sic Epiphanius Cyprius, sic Hilarius & Augustinus, sic Hieronymus &

Prosper, sic Leo & sanctus Gregorius Romani Pontifices, & Beda magister egregius, quorum omnia cum quibusdam testimonia, quæ ex eorum libris poteramus colligere, hinc propter multiplicitem & magnitudinem volumus annotare, omisimus scientes quia quibus ista non suffecerint, nec plura proderunt. Et non est mirum, si talia ut præmisimus dicit, qui ab ineunte ætate semper vocum novitates exquisivit, & adhuc semper inquit, quatenus talia dicens quæ nemo aliud dicit, innotesci & si non de bonis vel de pessimis possit. Nam & inter alia hæretica sua dicta hæc dicit,

XVI.

— Quando inquiens singillatim loquimur ad unamquamque ex Trinitate personam, non tunc prorsus ad totam Trinitatem loquimur. Verbi gratia, Deo patri utique lumini dicimus, In lumine tuo videbimus lumen, hoc est in filio tuo Spiritum sanctum. Item filio, Vnxit te Deus, Deus tuus oleo lætitiæ. Item Spiritui sancto, Nunc sancte nobis Spiritus, vnus patris cum filio. Quapropter quando singillatim solitariè sic supplicamus, & impetrasse nos, vel impetrare, vel impetraturos esse cognoscimus, aut sentimus, aut credimus, suppliciter eidem personæ, cui tunc supplicauimus atque supplicamus, dicere debemus, Tibi Deo gratias, & cum ipsa persona ceteris duabus pariter, Vobis Deo gratias. Est enim de tribus his personis in pronominebus & verbis ritè pluralitas receptibilis. quod probatur illa sententia patris, Faciamus hominem ad imaginem & similitudinem nostram. Non ait faciam, quia non est ipse solus modò pater, modò filius, modò Spiritus sanctus, sicuti somniant Sabelliani. Nec ait ad imagines & similitudines nostras, quia non tres Dij, ceu latrant Arriani. sed Faciamus ad imaginem & similitudinem nostram: quia reuera Dominus Deus noster trinus & vnus est, quemadmodum credunt & confitentur catholici, veri videlicet Christiani. Quin etiam de duabus ex Trinitate personis à Deo Dei filio numerus dicitur pluralis, Ego & pater vnum sumus. & ut sint vnum, sicut & nos vnum sumus, & ut ipsi in nobis sint. Hinc & ego dixi crebrò Spiritui sancto, Veni benedicte Deus Domine Paraclite, veni missus à benedicto Deo Domino Paraclito, in nomine benedicti Dei Domini paracliti, & ut sit semper omnis honor, laus, & gloria meritò vobis benedicto Deo Domino paraclito, trino & vni, vestroque simul benedicto nomini, necnon & numini, Amen.

XP. Hæc autem nunquam per vllius hæretici linguam serpentem antiquum sibilasse, nisi per os Gothescalci, audiuius. nusquam nisi in suis scriptis legimus, in quibus cæcitatem illius vehementissimè obstupefcentes horremus. quia de scripturis & catholicorum dictis approbat patris & filij & sancti Spiritus vnitatem ponens, In lumine tuo videbimus lumen. & Vnxit te Deus, Deus tuus oleo lætitiæ, quo sanctus Spiritus designatur, & de verbis sancti Ambrosij dicens,

○ Nunc sancte nobis Spiritus, vnus patris cum filio,

» & mox subiungit, Quapropter quando singillatim solitariè supplicamus vni de Trinitate personæ, suppliciter eidem personæ, cui tunc

supplicauimus atque supplicamus, dicere debemus Tibi Deo gratias, & cum ipsa persona ceteris duabus pariter, Vobis Deo gratias. Vnde illi referendum est quod de huiusmodi dicit Apostolus, *dicentes se sapientes stulti facti sunt.* Quid enim stultius quàm talia proferre, quæ nusquam prolata inuenit, nunquam à quocumque dicta audiuit? Et quod perstultum est, ad suam confirmandam sententiam talia scripturarum testimonia protulit, quibus ipsa eius sententia manifestè destruitur, & velut phreneticus funem portat quo vinciat, & gladium porrigit quo interficiatur. *Gladium* Apostolus inquit *spiritus*, *quod est verbum Dei.* Scripturæ quippe sanctæ modò de patre tantum loquuntur, vt *Quàm magnificata sunt opera tua Domine.* modò tantum de filio, qui est Dei virtus & Dei sapientia, quæ dicit, *Gyrum cali circuiui sola.* modò de Spiritu sancto, vt *Spiritus Domini repleuit orbem terrarum.* modò de patre tantum & filio, vt *Omnia in sapientia fecisti.* & *apud te est Domine fons vitæ.* & *Nonne Deo subiecta erit anima mea? ab ipso enim salutare meum.* Nam & ipse *Deus meus*, & *salutaris meus.* qui dicit, *Ego à patre exiui*, & à Deo processi. & item Psalmus, *In Deo salutare meum*, & *gloria mea.* sicut & ipse filius dicit, *Ego in patre*, & *pater in me est.* & *Ego & pater vnum sumus.* Modò etiam Spiritus sancti faciunt mentionem, vt *In lumine tuo videbimus lumen*, id est in filio tuo Spiritum sanctum, qui æqualiter totus procedit à patre, totus procedit à filio, totus in patre manet, totusque manet in filio, & est amborum spiritus, ac quædam patris filiique communio. Et item in Psalmis, totam sanctam & inseparabilem Trinitatem singillatim & apertissimè nominans, *Verbo*, inquit, *Domini cali firmati sunt*, & *spiritu oris eius omnis virtus eorum.* Hic Trinitas manifestissimè declaratur, Dominus, Verbum, Spiritus Domini patris & Verbi. quæ tota Trinitas vnus est Deus, quod & Dominus in Euangelio demonstrat dicens, *Ite baptizantes in nomine patris & filij & Spiritus sancti* In nomine, inquit, non in nominibus. vt & vnum Deum per indistinctum diuinæ essentiæ nomen ostenderet, & personarum discretionē suis demonstratam proprietatibus edoceret. Sic & beatus Dauid plenus Spiritu sancto distinxit, sed deitate inseparabiles personas non separauit, cum postquam locutus ad patrem, *Quàm magnificata sunt opera tua Domine*, filium quoque commemorans dixit, *Omnia in sapientia fecisti*, & subiungens, *impleta est terra possessione tua*, nullam pluralitatem in singularitate deitatis sanctæ & inseparabilis Trinitatis more Gothescalci adiecit, nec personæ quam non nominauerat ingratus esse pertimuit. Similiter quando dixit, *In lumine tuo videbimus lumen*, Prætende misericordiam tuam scientibus te, singulari numero, & non Prætendite plurali subiecit. Quando etiam dixit, *Verbo Domini cali firmati sunt*, & *spiritu oris eius omnis virtus eorum*, singularem numerum, & non pluralem, de eadem Trinitate loquens, subiecit dicens, *Congregans sicut in vtre aquas maris.* Aquas maris quasi in vtre Dominus, sancta

videlicet & inseparabilis Trinitas, pater & filius & Spiritus sanctus, quorum sicut vna est diuinitas ita & vna operatio, congregat, cum miro moderamine cuncta disponens, in suis clausis cordibus carnalium minas frænat. Vter quippe carnalis est cogitatio. Aquæ ergo maris in vtre congregatæ sunt, cum amaritudo peruersæ mentis non erumpit exterius in vocem prauæ libertatis. Sic & beatus Ambrosius multoties in Hymnis suis aliquando patris personam, aliquando filij, aliquando Spiritus sancti, aliquando tres sanctæ Trinitatis personas alloquens, semper vnum Deum vnius deitatis sanctam Trinitatem, & non patrem sine filio & Spiritu sancto, non filium sine patre & Spiritu sancto, non Spiritum sanctum sine patre & filio intelligi, credi, & prædicari debere demonstrat. Vt de pluribus pauca dicamus, obsecrantes lectorem, vt si eius vel aliorum Catholicorum verba in hoc nostræ seruitutis Opusculo sæpius repetita inuenerit, non inde mihi succenseat, quod in nominatissimorum virorum scriptis inueniet. Ait enim beatus Ambrosius,

Somno resectis artubus, spreto cubili surgimus.

Nobis pater canentibus, adesse te deposcimus.

& sic per totum illum Hymnum patris personam exorat, sed non sine filio & Spiritu sancto. & item per totum alium Hymnum ad filij personam loquitur, dicens,

Christe qui lux es & dies, noctis tenebras detegis.

& item, personam sancti Spiritus alloquitur, quem non sine patre & filio esse demonstrans, dicit.

Nunc sancte nobis Spiritus, vnus patris cum filio.

Aliquando patris & filij personarum tantum mentionem faciens dicit,

Aurora cursus prouehat, aurora totus prodeat.

In patre totus filius, & totus in Verbo pater.

& item,

Consors paterni luminis, lux ipse lucis & dies.

Noctem canendo rupimus, adesto postulantibus,

Aliquando filij & Spiritus sancti personas demonstrat dicens,

Christusque nobis sit cibus, potusque nostra sit fides,

Lati bibamus sobrie ebrietate Spiritus

& item,

Christe virtutum Domine, non ex virili semine.

Diuinitatis vnus, consorsque sancti Spiritus.

Aliquando totas tres sanctæ Trinitatis personas singillatim efferens, vnius deitatis sanctam esse Trinitatem demonstrat, dicens,

Splendor paternæ gloriæ, de luce lucem proferens,

Lux lucis & fons luminis, diem dies illuminans.

Verusque sol illabere, micans nitore perpeti,

Iubarque sancti Spiritus infunde nostris sensibus.

Votis vocemus te patrem, patrem perennis gloriæ,

Patrem potentis gratiae, culpam releget lubricam.
Et siue ad patris personam, siue ad filij, siue ad Spiritus sancti lo-
quatur, singularem semper numerum subicit, & non timet, vt Go-
thescalcus, ceteris personis esse ingratus, nec dicit ad alias personas,
Vobis Deo gratias, sed dicit,

*Perennes laudes dicimus, patri Deo cum filio,
Qui est vocatus ex Ægypto per suos famulos Deus,
Renati sancto Spiritu, lumen videmus muneris.
Sic te sequentes Dominum salui erimus iugiter.*

Et item,

Christum rogemus, & patrem Christi, patrisque Spiritum.

Vnum potens per omnia fove precantes Trinitas.

Et in primo libro de Fide dicit, Iungat honorificentia patri filium, quem diuinitas iunxit: non separet impietas, quem generationis pro-
prietas copulauit.] Et in libro 1. de Spiritu sancto. Si Christum dicas, & Deum Patrem, à quo vnctus est filius, & ipsum qui vnctus est fi-
lium, & Spiritum quo vnctus est designasti. Scriptum est enim, *Hunc Iesum à Nazareth, quem vnxit Deus Spiritu sancto.* & si patrem dicas, & filium eius, & spiritum oris eius pariter indicasti, si tamen id etiam
corde comprehendas. & si Spiritum dicas, & Deum patrem à quo procedit Spiritus, & filium quia filij quoque est spiritus, nuncupasti.]
Et non dehonatur pater sine filio, nec filius sine patre, nec Spi-
ritus sanctus sine patre & filio.] Hinc item beatus Ambrosius in eodem libro. Cur, inquit, dixerit Dominus, *Qui blasphemauerit in filium hominis, remittetur ei: qui autem blasphemauerit in Spiritum sanctum, nec hic, nec in futurum remittetur ei*, diligenter aduerte. Num-
quid alia offensa filij, alia Spiritus sancti? Sicut enim vna diuini-
tas, sic vna iniuria.] & paulo post. Non potest ibi exoratio esse ve-
niæ, vbi sacrilegij plenitudo est: quia qui Spiritum sanctum negauit, & Deum patrem negauit & filium.] Et orans idem beatus Ambrosius,

Nunc Sancte nobis spiritus, vnus patris cum filio,

Dignare promptus ingeri nostro refusus pectori,
bene intellexit, vnum esse Deum Spiritum sanctum cum patre & fi-
lio, qui non refunditur humano pectori sine patre & filio, quia si-
cut vna est diuinitas, ita & vna est voluntas, atque potestas, & opera-
tio patris & filij & Spiritus sancti. Quod malè intellexit Gothescal-
cus spiritu maligno repletus, proferens testimonium de hoc Hymno,
Quando, inquit, singillatim solitariè sic supplicamus, suppliciter «
eidem personæ, cui tunc supplicauimus, dicere debemus Tibi Deo «
gratias, & cum ipsa persona ceteris duabus pariter, Vobis Deo «
gratias, ne simus ceteris duabus personis ingrati. Contra quæ bla-
phema beatus Ambrosius in libro secundo de Fide dicit, Didici-
mus vnâ patris & filij esse imaginem, vnâ similitudinem, v-

Cap. v. non
longè à
principio.

Lib. 1. c. 3.

Act. 10. 78.

Cap. 3 sub
finem.
Marc. 3. 28.

Cap. 4. ante
medium.

Matt. 4. 10.

nam sanctificationem. didicimus vnam operationem, vnam gloriam, vnam quoque diuinitatem. Vnus ergo & solus Deus, quia *Scriptum est, Dominum Deum tuum adorabis, & illi soli seruias.*] Testimonium quippe, quod in hac blasphemia sua Gothescalcus, ad suam confirmandam sententiam, ex Genesi prauè exponens protulit, *Faciamus hominem ad imaginem & similitudinem nostram*, ita beatus Ambrosius in libro primo de Fide exposuit, Cui inquires dicit pater, *Faciamus hominem*, nisi ad eum quem verum filium sciret? in quo nisi in vero suam imaginem recognosceret? Non est vnum adoptiuus & verus. nec filius diceret *vnum sumus*, si se cum vno qui verus non erat ipse conferret. Faciamus ergo dicit pater, qui dixit verus est. Potestne ergo verus non esse ille qui fecit, & quod dicenti defertur facienti negatur? Quomodo autem, nisi filium verum sciret, committeret ei voluntatis suæ vnitatem, & operis veritatem? Cum enim eadem faciat filius opera quæ pater facit, & quos vult viuificet filius sicut scriptum est, nec indifferens potestate, & liber est voluntate. Ita vnitas seruatur. quia & virtus Dei in diuinitatis proprietate est, & libertas non in aliqua differentia, sed in vnitatem est voluntatis.] Et B. Augustinus, licet Gothescalcus de eo loquens multoties inculcare soleat dicens, Augustinus noster, peregrinus ab eo corde, ore, & opere, sensus humilitate, & fide, longè aliter hæc testimonia, vnum de Euangelio, alterum de Genesi, in septimo libro de Trinitate exposuit dicens, Non, inquit, maior essentia est pater & filius & Spiritus sanctus simul, quàm solus pater aut solus filius, sed tres simul illæ substantiæ, siue personæ, si ita dicendæ sunt, æquales sunt singulis, quod animalis homo non percipit. Non enim potest cogitare nisi moles, & spatia, vel minuta vel grandia, volitantibus in animo eius phantasmatis, tanquam imaginibus corporum. Ex qua immunditia donec purgetur, credat in patrem & filium & Spiritum sanctum, vnum Deum, solum, magnum, omnipotentem, bonum, iustum, misericordem, omnium visibilibus & inuisibilibus conditorem, & quicquid pro humana facultate dignè verèque dici potest. Neque cum audierit patrem solum Deum, separet inde filium aut Spiritum sanctum. Cum eo quippe solus Deus, cum quo & vnus Deus est. quia & filium cum audimus solum Deum, sine vlla separatione patris aut Spiritus sancti oportet accipere. Atque ita dicat vnam essentiam, vt non existimet aliud alio vel maius, vel minus, vel aliqua ex parte diuersum. Non tamen vt pater ipse sit & filius & Spiritus sanctus, & quicquid aliud ad alterutrum singula dicuntur, sicut Verbum, quod non dicitur nisi filius, aut donum, quod non dicitur nisi Spiritus sanctus. Propter quod etiam pluralem numerum admittunt, sicut in Euangelio scriptum est, *Ego & pater vnum sumus.* & vnum dixit, & sumus. vnum secundum essentiam, quod idem Deus: sumus secundum relatiuum, quod ille pater, hic filius. Aliquando & ta-

Cap. vii.

Cap. v.

Ioan. 10. 30

cetur vnius essentia, & sola pluraliter relatiua commemorantur. *Veniemus ad eum, ego & pater, & habitabimus apud eum.* Veniemus & habitabimus, pluralis est numerus, quia praedictum est, *Ego & pater*, id est filius & pater, quæ relatiuè ad inuicem dicuntur. Aliquando latenter omnino, sicut in Genesi, *Faciamus hominem ad similitudinem nostram.* & faciamus & nostram pluraliter dictum est, & nisi ex relatiuis accipi non potest. Non enim ut facerent dii, aut ad imaginem & similitudinem deorum, sed ut facerent pater & filius & Spiritus sanctus ad imaginem patris & filij & Spiritus sancti, ut subsisteret homo imago Dei, Deus autem Trinitas. Sed quia non omni modo æqualis fiebat illa imago Dei, tanquam non ab illo nata, sed ab eo creata, huius rei significandæ causa ita imago est, ut ad imaginem sit, id est non æquatur paritate, sed quadam similitudine accedit. Non enim locorum interuallis, sed similitudine acceditur ad Deum, & dissimilitudine receditur ab eo.] Et in libro duodecimo, Dixit enim Deus, *Faciamus hominem ad imaginem & similitudinem nostram.* Paulo post autem dictum est, *& fecit Deus hominem ad imaginem Dei.* Nostram certè, quia pluralis est numerus, non rectè diceretur, si homo ad vnius personæ imaginem fieret, siue patris, siue filij, siue Spiritus sancti. Sed quia fiebat ad imaginem Trinitatis, propterea dictum est ad imaginem nostram. Rursum autem, ne in Trinitate credendos arbitraremur tres Deos, cum sit eadem Trinitas vnus Deus, *& fecit*, inquit, *Deus hominem ad imaginem Dei*: pro eo ac si diceret, ad imaginem suam.] Hic manifestè ostendit sanctus Augustinus mentiri & hæreticè loqui. Gothescalcum, qui dicit, Quando singillatim solitariè supplicamus vni ex Trinitate personæ, suppliciter eidem personæ, cui tunc supplicauimus atque supplicamus, dicere debemus, Tibi Deo gratias, & cum ipsa persona ceteris duabus pariter, Vobis Deo gratias. Scriptum est enim & in Lege, & in Evangelio, *Dominum Deum tuum adorabis, & illi soli seruias.* Vnde Ambrosius in libro secundo de Fide, Didicimus vnā patris & filij esse imaginem, vnā similitudinem, vnā sanctificationem: didicimus vnā operationem, vnā gloriam, vnā quoque diuinitatem. Vnus ergo & solus Deus, quia scriptum est, *Dominum Deum tuum adorabis, & illi soli seruias.* Vnus Deus, non ut ipse sit pater & filius, sicut impius Sabellius asserit: sed quia patris & filij Spiritusque sancti vna diuinitas sit. Vbi autem vna diuinitas, vna voluntas, & vna præceptio.] Et Augustinus in epistola ad Maximum, Si & patri & filio & Spiritui sancto latria debetur & exhibetur à nobis, de qua dictum est, *Dominum Deum tuum adorabis, & illi soli seruias*, proculdubio Dominus Deus noster, cui soli per latriam seruire debemus, non est pater solus, nec solus filius, nec solus Spiritus sanctus, sed ipsa Trinitas vnus Deus solus, pater & filius & Spiritus sanctus. non quo ipse sit pater qui filius, vel Spiritus sanctus ipse sit aut pa-

Ioan. 14. 24

Gen. 1. 26.

Cap. vi.

Gen. 1. 26.

Cap. 4. ante medium.

Matt. 4. 10.

Epist. lxxvi. subinitiu.

Deut. 6. 3.

ter aut filius: cum sit in illa Trinitate pater filij solius, & filius patris solius, Spiritus autem sanctus & patris & filij sit spiritus. sed propter vnā eandēque naturam, atque inseparabilem vitam, ipsa Trinitas, quantum ab homine potest, fide præcedente intelligatur vnus Dominus Deus noster, de quo dictum est, *Dominum Deum tuum adorabis, & illi soli seruiēs.*] Et in libro de Doctrina Christiana, Trinitas hæc vnus Deus, ex quo omnia, per quem omnia, in quo omnia. Ita pater & filius ac Spiritus sanctus, & singulus quisque horum, plena substantia, & simul omnes vna substantia. Pater nec filius est, nec Spiritus sanctus: filius nec pater est, nec Spiritus sanctus: Spiritus sanctus nec pater est, nec filius. sed pater tantum pater, & filius tantum filius, & Spiritus sanctus tantum Spiritus sanctus. Eadem tribus æternitas, eadem incommutabilitas, eadem maiestas, eadem potestas. In patre vnitas, in filio æqualitas, in Spiritu sancto vnitatis æqualitatisque concordia. Et tria hæc vnum propter patrem, æqualia omnia propter filium, connexa omnia propter Spiritum sanctum.] Et in Tractatu Psalmi quinti, Et hæc Trinitas non nisi vnus Deus: quia cum dixisset Apostolus, *Ex quo omnia, per quem omnia, in quo omnia*, Trinitatem ipsam insinuasse creditur, nec tamen subiecit, ipsis gloria, sed *ipsi gloria*. Soli ergo Deo patri & filio & Spiritui sancto vna debetur adoratio, gloria, & seruitus, & gratiarum actio, & non separatim, vt Gothescalcus blasphemat: quia vt item Augustinus in libro quinto, & in libro octauo de Trinitate dicit, Quicquid substantialiter in patre & filio & Spiritu sancto dicitur, non pluraliter, sed singulariter dici debet & accipi, vt Deus magnus, bonus, omnipotens, sicut scriptum est, *Tu es Deus solus.* &, *Nemo bonus nisi vnus Deus.* Vni igitur & soli Deo & vna gloria, & vna gratiarum actio debetur, vt idem Augustinus alibi monstrat dicens, Vna est igitur patris & filij & Spiritus sancti essentia, in qua non est aliud pater, aliud filius, aliud Spiritus sanctus, quamuis personaliter sit alius pater, alius filius, alius Spiritus sanctus. Quod nobis maximè in ipso sanctarum scripturarum demonstratur initio, vbi Deus dicit, *Faciamus hominem ad imaginem & similitudinem nostram.* Cum enim singulari numero dixit imaginem, ostendit vnā naturam esse, ad cuius imaginem homo fieret. Cum verò dicit pluraliter nostram, ostendit Deum, ad cuius imaginem homo fiebat, non vnā esse personam. Si enim illa vna essentia patris & filij & Spiritus sancti vna esset persona, non diceretur ad imaginem nostram, sed ad imaginem meam: nec dixisset faciamus, sed faciam. Si verò in illis tribus personis tres essent intelligendæ vel credendæ substantiæ, non diceretur ad imaginem nostram, sed ad imagines nostras. Ad vnā quippe imaginem vnius Dei homo factus dicitur, vt vna sanctæ Trinitatis essentialiter diuinitas intimeretur. De exemplo autem Euangelico, *Ego & pater vnum sumus,*

Ambro-

Ambrosius scribit, Vnum inquit dicit, ne fiat discretio potestatis & naturæ: sumus addidit, vt patrem filiumque cognoscas, quod perfectus pater perfectum filium genuisse credatur, & pater ac filius vnum sint, non personarum confusione, sed vnitæ naturæ.] Et Augustinus in libro contra quinque hæreses, Percant, inquit, vaniloqui & mentis seductores, Arrianus & Sabellianus. Nam *Ego & pater vnum sumus*. Non dixit, Ego & pater vnum sum, sed ego & pater vnum sumus. Quod dico *vnum*, audiat Arrianus, quod dico *sumus*, audiat Sabellianus. Non diuidat Arrianus *vnum*, non debeat Sabellianus *sumus*, sed ambo veniant, & sint etiam ipsi in nobis vnum, sicuti ego & pater vnum sumus. Ergo si pater & filius sunt, immo quis indubitanter vnum sunt, non duo sed vnus Deus, & reliqua quæ ibi prosequitur.] Et item de alio Euangelij quod posuit testimonio, *Vt sint vnum, sicut & nos vnum sumus*, Augustinus dicit. Illi in sua natura vnum in caritate, nos in nostra vnum sumus in vnitæ substantiæ & gloriæ. *Ego in eis, & tu in me*. Ego in eis sicut caput in membris, & tu in me sicut pater in filio. *vt sint consummati in vnum*, id est perfecti, quod perficiet qui nos voluit vnum esse in se & per se. *vt cognoscat mundus, quia tu me misisti, & dilexisti eos sicut & me dilexisti*. Dilexisti eos, vt essent quod non erant: dilexisti me, vt essem quod semper fui. dilexisti me sicut vnicum, illos vtique sicut adoptiuos. Dilexisti eos, vt per me in te essent: dilexisti me, vt per te in te essem.] Contra hoc quod solus inter omnes hæreticos dixisse legitur, Qui dicit vni cuiuslibet personæ, Tibi Deo gratias, atque æquè ceteris duabus personis, Vobis Deo gratias, reuera catholicus est, ac verus vtique Christianus, & hinc se crebrò dixisse fatetur Spiritui sancto, Veni benedicte Deus Domine paraclite, veni missus à benedicto Deo Domino paraclito, in nomine benedicti Dei Domini paracliti & sit semper omnis honor, laus, & gloria meritò vobis benedicto Deo Domino paraclito trino & vni, vestroque simul benedicto nomini, nec non & numini, Amen, Sanctus Gregorius loquens in Homilia decima sexta Ezechielis prophetæ, aliter quàm veteris ac noui testamenti electi Dei homines senserunt cum sentire conuincit, dicens: Spiritales, inquit, illi patres omnipotentem Deum Trinitatem ita esse crediderunt, sicut eandem Trinitatem noui patres apertè locuti sunt. Isaias namque audiuit Angelica agmina in cælo clamantia, *Sanctus, Sanctus, Sanctus, Dominus Deus Sabaoth*. Vt enim personarum Trinitas monstraretur, tertio sanctus dicitur: sed vt vna esse substantia Trinitatis appareat, non Domini Sabaoth, sed Dominus esse perhibetur. Quod Dauid quoque similiter sentiens ait, *Benedicat nos Deus Deus noster, benedicat nos Deus*: qui cum tertio dixisset Deum, vt vnum hunc esse ostenderet, subdidit, *& metuant eum omnes fines terræ*. Paulus quoque loquitur dicens, *Quoniam ex ipso, & per ipsum, & in ipso sunt omnia*. Ex ipso, videli-

Lib. 1. de
Fide cap. 1.

In fine lib.

Ioan. 17. 21.

Ioan. 17. 23.

Sub mediū

Esa. 6. 3.

Psal. 66. 8.

cet ex patre: per ipsum, per filium: in ipso autē, in Spiritu sancto. Quem ergo ipsum cum tertio dixisset, adiunxit, *ipsi gloria in secula seculorum.* Qui enim non dicit ipsis, sed ipsi, dicendo ter ipsum, distinxit personas, & subiungendo *ipsi gloria*, non diuisit substantiam.] Quo contra Gothescalcus, quasi altius se intelligere efferens sanctæ Trinitatis personarum diuinitatem, quàm Angelicæ Seraphim in cælo virtutes, inter quas & Deum nulli alij spiritus intersunt, & illa etiam agmina cælestia, quæ plenitudo scientiæ nominantur, dignitate præcellunt. Et quasi rectius interpretans quod illæ velut non intelligentes quid dicerent cantauerunt, quàm Isaias, qui easdem virtutes cælestes hymnum Deo dignum cantantes audiuit: & profundius sensu capiens canticum Psalmi Daudici, quàm ipse Dauid, qui super seniores suos, & super omnes docentes se intellexit: & altius mente percipiens quæ dans sine mente sonum Paulus dixit, qui vsque ad tertium cælum raptus fuit, & in paradiso arcana verba audiuit, & per quem, ut isdem confitetur, locutus est Christus, non sic insipienter, sicut videtur sibi visum fuisse, ut agmina dixerunt cælestia, *Plena est omnis terra gloria eius*, vel sicut inde catholica docta cantat Ecclesia, *Pleni sunt cæli & terra gloria tua.* non intelligens dicere, pleni sunt cæli & terra gloria vestra, &, metuant eum & non metuant vos omnes fines terræ, & ipsi gloria, & non vobis gloria, dixit in conclusione suæ laudationis atque orationis, quin potius blasphemationis,

XVII.

— *Sit semper vobis honor, laus, & gloria, meritò vobis benedicto Deo Domino paraclito trino & uni, vestroque simul benedicto nomini & numini, Amen.*] Itēque post præfata subsequitur, *Cum sit ex Trinitate ceulique unaqueque persona per se Dominus Deus.*] & paulo post, *Sicut & in Psalmo, Nonne Deo subiecta erit anima mea? de patre dicitur, ut declarat illud quod de filio sequitur, Ab ipso enim salutare meum. Nam & ipse Deus meus & salutaris meus, hoc est Iesus meus. Vbi dum non dicitur, Nam ipse Deus meus, sed potius, & ipse Deus meus, proculdubio patefecit & patefacit Deus Spiritus sanctus, quod sicut Deus pater est per se Deus, sic est & filius. Igitur ubicumque tacito Dei vel Domini nomine nominatur pater & filius & Spiritus sanctus, ut est illud, Baptizantes eos in nomine patris & filij & Spiritus sancti, unaqueque persona semper Dominus Deus debet intelligi. Tale est illud, Paraclitus autem, quem mittet pater in nomine meo. Misit namque, mittit, & mittet Deum Deus in nomine Dei. Ideo dixi non longè superius, Vni ex Trinitate persona, cui singillatim solitarie supplicamus, debere dici Tibi Deo gratias. & ne simus ceteris duabus personis ingrati, oportere subiici, Vobis Deo gratias. Quia quisquis loquens ad unam personam dicit, Tibi Trinitati Deo gratias, pene sic errat ut Iudæus & Sabellianus. Porro qui dicit, Vobis Deus gratias, aut Paganus est, aut Arrianus. At qui dicit unicuique personæ, Tibi Deo gratias, atque æquè ceterisque duabus personis, Vobis Deo gratias, reuera ca-*

tholicus est, ac verus utique Christianus.

X P. Contra has antea inauditas blasphemias, sanctus Ambrosius in libro primo de Fide capite primo dicit, Assertio inquit nostræ fidei hæc est, ut vnum Deum esse credamus, neque ut gentes filium separemus, neque ut Iudæi natum ex patre ante tempora & ex Virgine postea editum denegemus: neque ut Sabellius patrem confundamus & Verbum, ut eundem patrem asseramus & filium, neque ut Photinus initium filij ex Virgine depuremus, neque ut Arrius, plures credendo & dissimiles potestates, plures Deos gentili errore faciamus, quia scriptum est, *Audi Israel, Dominus Deus tuus Deus vnus est.* Deus enim & Dominus nomen magnificentiæ, nomen est potestatis, sicut ipse dicit, *Dominus Deus nomen est mihi,* & sicut alibi Propheta asserit, *Dominus Deus omnipotens nomen est ei.* Dominus ergo & Deus, vel quod dominetur omnibus, vel quod spectet omnia, & timeatur à cunctis. Si ergo vnus Deus, vnum nomen, vna potestas, vna est Trinitas. Denique ipse dicit, *Ite, baptizate gentes in nomine patris & filij & Spiritus sancti.* In nomine utique, non in nominibus.] Non igitur sanctus Ambrosius vni ex Trinitate personæ singillatim solitariè, sicut Gothescalcus, supplicando debere dici docuit, Tibi Deo gratias, & ne simus ceteris duabus personis ingrati, oportere subici, Vobis Deo gratias: quia vnus Dei nomen est pater & filius & Spiritus. sicut Athanasius in libro primo de Fide ostendit dicens, Hæc est inquit materiæ formula in conclusione hæreticorum, & hæc tituli victoriæ in absolutione catholicorum, quam significat principale mandatum Dei, *Euntes baptizate omnes gentes in nomine patris & filij & Spiritus sancti.* Audi in hoc admirabile ac regale decretum, in quo omne sacramentum in deitate Trinitatis vniter continetur. Qui dixit *in nomine*, euidenter vnam deitatem in Trinitate consistere declarauit, & quod profecutus est, *patris & filij & Spiritus sancti*, per singula nomina singulas personas inesse distinxit.] Et item in eodem libro, *Verbo Domini cæli firmati sunt, & spiritu oris eius omnis virtus eorum.* Utique Verbum filium indicauit, Dominum autem patrem esse designauit, & spiritum oris eius Spiritum sanctum dixit. Vides in his personis vnitum esse nomen Trinitatis in natura, Psalmographo quoque approbante, *Propterea vnxit te Deus Deus tuus.* Ecce Deum & Deum, non tamen pluraliter inuenies dictum in his personis Deos.] Sed nec Athanasius vni singulariter personæ posse supplicari, aut debere dici, Tibi Deo gratias, & ceteris personis, Vobis Deo gratias, docuit. Et item idem in libro alio de Trinitate, Numquid præuaricatores mandati Saluatoris Apostoli effecti sunt, & contra traditionem eius baptizauerunt tantam multitudinem? Non enim scriptum est quia baptizauerunt in nomine patris & filij & Spiritus sancti, sed tantum in nomine Domini Iesu. Sed non sunt præuaricati, absit. Nam licet filij no-

In capite
libri.

Deut. 6.4.

Exod. 3.15.

Exod. 15.3

Matt. 28.19

Non longè
à principio

Matt. 28.19

De vnito
nomine
Trinitatis.
Psal. 32.6.

Psal. 44.6.

Lib. xi. sub
finem.

men tantummodò dicatur, habet tamen patrem & Spiritum sanctum pronuntiatum, sicut in scripturis sanctis probauimus. Itaque & Spiritus sanctus Sabaoth dicitur, & est cum Deo & cum filio à Seraphim adoratus. propter quod hæc ter dicunt Sanctus, Sanctus, Sanctus, vt Trinitatem pronuntiarent. Hinc & sub hoc sensu hanc quæstionem beatus soluit Ambrosius. Et sanctus Augustinus, de quo Gothescalcus multoties dicit Augustinus noster, vt alienus à Gothescalco & illi contrarius, & non suus proprius vel domesticus, contra eum in libro contra quinque hæreses dicit, Qui Spiritum sanctum à patre & filio æternitate & substantia vel communione separat, & qui negat Spiritum esse & patris & filij, plenus est spiritu immundo, vacuus Spiritu sancto.] Videtur enim separare in sancta Trinitate personas Gothescalcus, qui dicit, Cum sit ex Trinitate, ceu liquet, vna quæque persona per se Dominus Deus, & vni ex Trinitate personæ, cui singillatim solitariè supplicamus dicit debere dici, Tibi Deo gratias, & ne simus ceteris personis ingrati, oportere subici, Vobis Deo gratias. Quapropter sicut Augustinus, de quo non iactanter & mendaciter, vt Gothescalcus, sed lætanter & veraciter catholica Ecclesia Augustinus noster dicit, in præfato libro fatetur, plenus est Gothescalcus hæc dicens spiritu immundo, vacuus Spiritu sancto. Contra hoc quod dicit Gothescalcus vacuus Spiritu sancto, Cum sit ex Trinitate ceu liquet vnaquæque persona, cui singillatim solitariè supplicamus, per se Dominus Deus, dicit plenus Spiritu sancto Iesus Dominus Deus, *Ego & pater unum sumus.* & item, *Philippe, qui videt me videt & patrem. quomodo tu dicis ostende nobis patrem? non credis quia ego in patre, & pater in me est?* Quod beatus Augustinus eodem Spiritu sancto afflatus exponens dicit, Cur inseparabiles separatim desideras nosse? Deinde non ad solum Philippum, sed ad eos pluraliter loquitur, *Verba quæ ego loquor vobis, à me ipso non loquor. Pater autem in me manens ipse facit opera.* Quid est à me ipso non loquor, nisi à me ipso non sum qui loquor? Ei quippe tribuit quod facit, de quo est ipse qui facit. Pater enim Deus non est de aliquo, filius autem Deus est quidem patri æqualis, sed de patre Deo. Ideo ille Deus, sed non de Deo, & lumen, sed non de lumine: iste verò Deus de Deo, lumen de lumine. Denique adiungit, & ait, *Non creditis quia ego in patre, & pater in me est? alioquin propter opera ipsa credite.* Antea solus Philippus arguebatur, nunc autem non vbi eum solum fuisse qui esset arguendus ostenditur, *Propter opera ipsa, inquit, credite quia ego in patre & pater in me est.* Neque enim, si separati essemus, inseparabiliter operari vlla ratione possemus.] Et in Sermone ad Populum, vbi exposuit quæ sit inremissibilis blasphemia in Spiritum sanctum, ait ita inter cetera, Hæc ita dicuntur, vt tamen inseparabilis intelligatur operatio Trinitatis. ita vt cum operatio patris dicitur, non eam sine filio & Spiritu sancto intelliga-

In fine lib.

Ioan. 10. 30

Ioan. 14. 9.

Tract. LXX.
in Ioannē.Tract. LXXI
Ioan. 14. 10

Post alia.

Ioan. 14. 11.

De verbis
Domini
Serm. XI.
cap. 16.

tur operari : & cum operatio filij, non sine patre & Spiritu sancto : & cum operatio Spiritus sancti, non sine patre & filio. Satis notum est recte credentibus, vel etiam ut possunt intelligentibus, & ideo illud dictum esse de patre, *Ipse facit opera*, quod ab illo sit origo etiam operum, à quo est existentia cooperantium personarum. quia & filius de eo natus est, & Spiritus sanctus principaliter de illo procedit, de quo natus est filius, & cum quo illi communis est idem Spiritus.] Ecce quomodo mentitur Gothescalcus, dicens Augustinum esse suum, Augustinus inquit multoties noster. Nam claret quia Gothescalcus non est Augustini, quoniam non credit, nec dogmatizat sicut Augustinus, nec Augustinus est Gothescalci, quia dissentit à Gothescalco, & catholicè sentit, quod non facit Gothescalcus, dicens quia pater est Deus, sed non de Deo, filius est Deus, sed Deus de Deo, & non sic dicit, sicut Gothescalcus falsò dicit, quia vnaquæque ex Trinitate persona per se sit Dominus Deus. Sed & testimonium, abusum à Gothescalco ad suam confirmandam sententiam, quo dicit Dominus, *Paraclitus autem Spiritus sanctus, quem mittet pater in nomine meo*, longè aliter exponit sanctus Gregorius Spiritu sancto repletus, quàm Gothescalcus spiritu immundo impletus. Ait enim beatus Gregorius in Homilia Euangelij trigesima, *Paraclitus autem Spiritus sanctus, quem mittet pater in nomine meo, ille vos docebit omnia, & suggeret vobis omnia quaecumque dixerò vobis*. Nostis plurimi fratres mei, quod Græca locutione paraclitus, Latina aduocatus dicitur, vel consolator. quia idcirco aduocatus dicitur, quia pro errore delinquentiū apud iustitiam Patris interuenit. Qui vnus substantiæ cum patre & filio, exorare pro delinquentibus perhibetur, quia eos quos repleuerit exorantes facit. De quo paraclito spiritu item Dominus dicit, Cum venerit Paraclitus, quem ego mittam vobis à patre, spiritum veritatis qui à patre procedit, ille testimonium perhibebit de me, & vos testimonium perhibebitis. In qua sententia notandum in primis sanctus Beda doctor mirabilis ex catholicorum verbis & sensibus in Homilia Euangelij dicit, quod Dominus Spiritum veritatis & à se mittendum esse testatur, & eundem mox à patre procedere subiungit : non quia idem Spiritus aliter à patre procedit, quàm cum à filio mittitur. sed ideo filius eum à se mitti, à patre dicit procedere, ut aliam patris, aliam suam esse personam designet, & in eadem distinctione personarum, vnā esse operationem ac voluntatem suam cum patris voluntate & operatione denuntiet. Cum enim eiusdem Spiritus gratia datur hominibus, mittitur profectò Spiritus à patre, mittitur & à filio, procedit à patre, procedit & à filio, quia & eius missio ipsa processio est, quæ ex patre procedit & filio. Venit & sua sponte, qui sicut coequalis est patri & filio, ita eandem habet voluntatem cum patre & filio communem. *Spiritus enim ubi vult spirat?* & sicut Apo- Ioan. 3. 8.
stolus enumeratis donis cælestibus ait, *Hæc omnia operatur vnus at-* 1. Cor. 12. 11

que idem spiritus diuidens singulis prout vult. Vt ergo singillatim Dominus Deus omnipotens, increatus, immensus, æternus, & quicquid ad se de Deo dicitur, est pater: sed non per se solitariè sine filio ex sua substantia genito, & Spiritu sancto qui ex ipso filioque procedit. ita singillatim Dominus Deus omnipotens, increatus, immensus, æternus, & quicquid ad se de Deo dicitur, est filius: sed non per se solitariè sine patre ex quo est, & sine Spiritu sancto qui ex patre & ex ipso procedit. ita singillatim Dominus Deus omnipotens, increatus, immensus, æternus, & quicquid ad se de Deo dicitur, est Spiritus sanctus: sed non per se solitariè sine patre & filio ex quibus procedit. Singillatim namque & per se solitariè dicimus Deum patrem, & quicquid ad se de Deo dicitur: quia relatiuè in hac sancta & indiuidua atque inseparabili Trinitate singillatim singulus videlicet vnus est pater, singillatim singulus videlicet vnus est filius, singillatim singulus videlicet vnus est Spiritus sanctus, & patris & filij & Spiritus sancti vna est diuinitas, deitas, natura, essentia, substantia, æqualis gloria, coæterna maiestas. Et quamuis alius sit pater, alius filius, alius Spiritus sanctus, non est tamen diuersa substantia patris & filij & Spiritus sancti, quia non est aliud pater, aliud filius, aliud Spiritus sanctus. Et pater & filius & Spiritus sanctus non dicitur secundum substantiam, sed secundum relatiuum. quod tamen relatiuum non est accidens, quia non est mutabile. In Deo enim nihil secundum accidens dicitur, quia nihil est in eo mutabile. Cum itaque, vt Augustinus dicit, tantus sit solus pater, vel solus filius, vel solus Spiritus sanctus, quantus est simul pater & filius & Spiritus sanctus, propter vnā eandemque indiuiduam atque inseparabilem, plenam perfectamque substantiam, id est deitatem, quæ est tota in singulis, tota in tribus simul personis: habent tamen singulæ in sancta Trinitate personæ aliquid proprium, quo inseparabili æqualitate aliquam in se ostendant proprietatem. Pater solus pater, filius solus filius, & Spiritus sanctus solus Spiritus sanctus. Et pater hoc habet proprium, quia ab alio non est, ac per hoc solus est in paternitatis persona, non solus in deitatis essentia. Vnigenitus verò filius Dei hoc habet proprium, quod ex solo patre consubstantialiter & coessentialiter solus genitus est, & in hoc personæ suæ proprietas est. Spiritus sanctus itaque hoc habet proprium, quod ex patre & filio æqualiter procedit, & est amborum Spiritus, eiusdemque substantiæ & æternitatis cum patre & filio. Sed hæc tria verè etiam tria sunt, ineffabiliterque tria, & essentialia tria, habentia proprietates suas. Et hæc tria vnum & verè vnum, & hoc vnum tres, sed non tres patres, nec tres filij, nec tres Spiritus sancti, sed tres personæ, vnus pater, vnus filius, vnus Spiritus sanctus, & hi tres, id est pater & filius & Spiritus sanctus, vnum sunt in natura, omnipotentia, & æternitate. Ideò, inquit sanctus Athanasius, vnus est

Deus quia vnita est deitas, sicut per singulas personas scriptum est. & quia nullus est Deus, nisi vnus, vel hoc, *Audi Israel, Dominus Deus tuus Deus vnus est*, per singulas personas dicit vnitam esse deitatem: & non, vt Gothescalcus per se solitariè vni ex Trinitate personæ supplicare debere dicit. Et item sanctus Athanasius dicit, An ignoras quia pater vnus Deus est, & filius vnus Deus est, & Spiritus sanctus vnus Deus est? Nonne vnus Deus est, dum vnitum nomen est in natura vsiæ? sic & vnus Spiritus est, quia vnita est eiusdem deitas. Nam si tu per singula nomina personarum vnitum nomen Spiritus ter designasti, numquid tres spiritus dicere oportet? Absit. Quòd si hoc poterat dici, tale erat vt & hoc in confessione deberet introduci, tres deos plurali numero nuncupari, vt iam non esset in his personis vna natura diuinitatis, sed vnusquisque in propria vel diuersa natura sua consisteret, quod absit.] Quicquid ergo, vt beatus Augustinus dicit, ad se dicitur de patre & filio & de Spiritu sancto, id est quicquid dicitur quod substantiam eorum ostendit, non dicitur de alio sine alio: quia nec pater est Deus sine filio & Spiritu sancto, nec filius est Deus sine patre & Spiritu sancto, nec Spiritus sanctus est Deus sine patre & filio, quorum est spiritus. Si ergo interrogatus fueris de Deo, cur dicatur pater, relatiuè responde, quia filium habet. ita etiam & de filio relatiuè responde, ideo esse filium quia habet patrem, & de Spiritu sancto, quia de patre filioque procedit, quorum est spiritus. Si etiam dictum tibi de Deo fuerit, quomodo pater hoc est quod filius, aut filius hoc est quod pater, responde, secundum substantiam hoc est filius quod pater, & pater quod filius, & Spiritus sanctus quod pater & filius, quia vnus est Deus, & vna substantia, pater & filius & Spiritus sanctus. Ad se enim Deus substantialiter dicitur: ad patrem filius, vel ad filium pater, & ad patrem & filium Spiritus sanctus relatiuè dicitur. Iuxta personæ proprietatem, non est pater qui filius, nec filius qui pater, nec Spiritus sanctus qui pater & filius. Iuxta substantiæ vnitatem, hoc est pater quod filius, hoc est Spiritus sanctus quod pater & filius, id est vnus Deus omnipotens. Quicquid ergo ad se ipsum dicitur Deus, & de singulis personis dicitur, patre & filio & Spiritu sancto, & simul de ipsa Trinitate, non pluraliter, sed singulariter dicitur. Igitur Gothescalcus peruersè dicit, vt reuera hæreticus, cum vni ex Trinitate personæ singillatim solitariè supplicamus, debere dici Tibi Deo gratias, & ne simus ceteris duabus personis ingrati, oportere subici Vobis Deo gratias. Quo contrà vir venerandus Alcuinus, in libro ex beati Augustini & ceterorum catholicorum dictis ad Karolum magnum Imperatorem collecto dicit, Hoc etiam atque etiam firmiter tenendum est, nihil in sancta Trinitate ad se dictum plurali numero esse dicendum, quia simplex illa summæ diuinitatis natura singulari numero designari debet,

Lib. i. de
vnto no-
mine Trin.

Lib. i. de
Trin. c. 12.

non plurali. Ac ideo nec tres deos, nec tres omnipotentes, nec tres bonos, nec tres magnos, nec tres essentias in Deo dicere fas est. Cum enim personaliter alius sit pater, alius filius, alius Spiritus sanctus, his tamen vnū est naturæ nomen, quod dicitur Deus, vel substantia, vel essentia, vel omnipotentia, vel alia multa quæ substantialiter non relatiuè de eo dicuntur.] Fides igitur catholica, vt Athanasius dicit, hæc est, vt vnum Deum in Trinitate personarum, & Trinitatem personarum in vnitae deitatis veneremur, neque confundentes personas, vt tres non sint, neque substantiam separantes, vt trina sit. Et in hac Trinitate nihil est prius, nihil posterius. nihil maius aut minus, sed totæ tres personæ coæternæ sibi sunt & coæquales, ita vt per omnia, & vnitae deitatis in Trinitate personarum, & Trinitas personarum in vnitae deitatis veneranda est. Plura hîc poni poterant catholicorum testimonia, quæ lector fidelis ac deuotus in suis locis præualeat inuenire, contra has ipsius blasphemias, quas etiam & sacri canones cum auctore suo redarguunt & refutant. Nam canones Carthaginensis Concilij sub Aurelio constituerunt, vt nemo in precibus vel patrem pro filio, vel filium pro patre nominet, & cum altari adsistitur, semper ad patrem per filium oratio dirigatur, & quasque sibi preces aliquis describit, non eis vtatur, nisi prius eas cum instructoribus fratribus contulerit. Vnde in fine orationum adsistentes sacro altario sancta catholica Ecclesia postulat per Christum Dominum nostrum Et in fine canonis, per Christum Dominum nostrum, per ipsum, & cum ipso, & in ipso, est tibi Deo patri omnipotenti in vnitae Spiritus sancti omnis honor & gloria, per omnia sæcula sæculorum: vel ita dicit, per Dominum nostrum Iesum Christum filium tuum, qui tecum viuit & regnat Deus in vnitae Spiritus sancti per omnia sæcula sæculorum, Amen. Propter illud vtrique sacramentum, sicut in orthodoxorum dictis relegimus, quod mediator Dei & hominum factus est homo, Christus Iesus sacerdos in æternum secundum ordinem Melchisedech, qui per proprium sanguinem introiuit in sancta, non vtrique manu facta exemplaria verorum, sed in ipsum cælum, vbi est in dextera Dei, & interpellat pro nobis. Hoc in eo

Hebr. 13. 15. Pontificatus officium interpretans Apostolus ait, Per ipsum ergo offeramus hostiam laudis semper Deo, id est fructum labiorum nostrorum confitentium nomini eius. Per ipsum ergo hostiam laudis atque orationis offerimus, quia per eius mortem reconciliati sumus cum inimici essemus. Per ipsum enim, qui pro nobis hostia dignatus est fieri, potest in conspectu Dei nostri hostia acceptabilis inueniri. Propterea nos beatus Petrus admonet dicens, *Et vos tanquam lapides viui coedificamini in domum spiritalem, in sacerdotium sanctum offerentes spirituales hostias acceptabiles Deo per Iesum Christum.* In qua conclusione orationum plures conuincuntur hæretici, Manichæi videlicet, Sabelliani, Arriani, Nestoriani, Eutychiani, Macedoniani, Eudo-

1. Pet. 2. 5.

Eudoxiani, ceteræque pestes & tineæ catholicæ fidei, qui de consubstantialitate atque coæternitate simul & æqualitate patris & filij & Spiritus sancti, necnon & de Incarnatione filij Dei domini nostri Iesu Christi, aliter quàm catholica fides teneat, sentire vel dicere præsumpserunt. Dicitur etiam in fine quarumdam orationum à catholica & Apostolica Ecclesia loquente ad dominum Iesum Christum, Qui viuis & regnas cum Deo patre in vnitæte Spiritus sancti Deus per omnia sæcula sæculorum: quod non discordat à præfato canonicæ constitutionis capitulo. quia non cum patre filius nominatur, sed propriè in hac conclusione sanctæ Trinitatis personæ distinguuntur, & vnitas eiusdem sanctæ & indiuiduæ Trinitatis substantia catholicè confitetur. licet Gothescalcus scribens ad quendam complicem suum hoc reprehendit, Ab imperitis inquit non benedicatur, Qui viuis & regnas cum Deo patre in vnitæte Spiritus sancti Deus, ne filius, quod absit, esse Spiritus sancti Deus putetur. Et quia in hoc catholicam reprehendit Ecclesiam, consequens est vt etiam reprehendat caput & auctorem ipsius dicentem ad patrem, *Hæc est autem vita æterna, vt cognoscant te verum & solum Deum, & quem misisti Iesum Christum,* & dicat nos intelligere patrem solum & verum Deum, & illum quem misit tantum esse Iesum Christum. Catholica autem Ecclesia cum Deo patre in vnitæte Spiritus sancti Deum filium viuere & regnare per omnia sæcula credit & confitetur: & idipsum esse intelligit, Qui viuis & regnas cum Deo patre in vnitæte Spiritus sancti Deus, quod est cum dicitur, Qui cum Deo patre in vnitæte Spiritus sancti viuis & regnas Deus. sicut intelligit id ipsum esse quod Dominus in Euangelio dicit, *Hæc est autem vita æterna, vt cognoscant te solum & verum Deum, & quem misisti Iesum Christum,* quod est, *Hæc est vita æterna, vt cognoscant te, & quem misisti Iesum Christum, solum & verum Deum esse.* Subsequitur autem sibi ipsi dissimilis in eodem scripto mox dicens, Nam cum Deo patre viuit & regnat Deus filius, iuxta illud, *& Verbum erat apud Deum, & Deus erat Verbum.* Ecce Deus apud Deum. Pariliter etiam credimus, nouimus, & confitemur, apud Deum patrem, & apud Deum filium, regnare Deum Spiritum sanctum. abest tamen deorum pluralitas, vbi est naturæ, essentiæ, substantiæ, maiestatis, potestatis, deitatis vnitas & æqualitas. Et post hanc vnitatis confessionem, statim componit hanc infidelem orationem dicens, Domine Deus meus, misericordia mea, Iesu Christe rex gloriæ, precor te, gratis exaudi me secundum tuam diuinitatem, & patrem tuum dominum Deum nostrum roga secundum tuam humanitatem, vt ipse noster benedictus Deus dominus Paraclitus, in nomine tuo nostri benedicti Dei domini Paracliti, det nobis peræquè Spiritum sanctum Deum nostrum Paraclitum, & sit semper omnis honor, laus, & gloria, meritò vobis benedicto Deo domino Paraclito, tri-

» no pariter & vni vestro simul benedicto nomini, nec non & numi-
 » ni, amen. Porro ne te moueat illud, quod ibi pluraliter dicitur, sem-
 » per omnis honor, laus & gloria, meritò vobis benedicto Deo para-
 » clito, trino pariter & vni, vestroque simul benedicto nomini. cogno-
 » sce quia sic proculdubio congruit dici. Nam quando loquimur ad
 » vnam ex Trinitate personam, non ad Trinitatem loquimur, sed ad
 » vnum quemlibet ex Trinitate. Et hic plura hoc modo scribit.
 Deiloquus autem Paulus non taliter orauit, nec nos orare taliter
 docuit, vt Augustinus hinc in libro de Bono perseuerantiæ dicit,
 Cap. xxiii. Rom. 8. 32. Nam quid oremus sicut oportet nescimus. *Sed ipse Spiritus*, ait A-
 postolus, *interpellat pro nobis gemitibus inenarrabilibus*. Qui enim scru-
 tatur corda, scit quid sapiat spiritus, quia secundum Deum inter-
 pellat pro sanctis. Quid est ipse spiritus interpellat, nisi interpellare
 facit gemitibus inenarrabilibus, sed veracibus, quoniam veritas est
 Gal. 4. 6. Spiritus? Ipse est enim, de quo in alio loco dicit, *Misit Deus Spi-
 ritum filij sui in corda nostra clamantem Abba pater*. Et hinc quid est cla-
 mantem, nisi clamare facientem? tropo illo quo dicimus lætum diem,
 Rom. 8. 15. qui lætos facit. quod alibi manifestat, vbi dicit, *Non enim accepistis
 spiritum seruitutis iterum in timore: sed accepistis spiritum adoptionis filiorum,
 in quo clamamus Abba pater*. Ibi dixit clamantem, hinc verò in quo clama-
 mus. aperiens videlicet quomodo dixerit clamantem, id est, sicut
 iam exposui, clamare facientem. Non tamen iste spiritus, qui nos
 clamare facit Abba pater, ingratos nos facit, sicut Gothescalcus su-
 perius dicit, ceteris personis, id est personæ filij, & suæ, cum dici-
 mus Abba pater sine nominatione filij & eiusdem Spiritus sancti.
 Rom. 8. 15. Et item Augustinus ex Apostolo testimonium ponit dicens, *Acci-
 pimus spiritum adoptionis filiorum, in quo clamamus Abba pater*. Quod vi-
 dit & beatus Ambrosius. Ait enim, Et orare Deum gratiæ spiritalis
 1. Cor. 12. 3. est, sicut scriptum est, *Nemo dicit Dominus Iesus, nisi in Spiritu sancto*.
 Hinc Augustinus & Ambrosius ex Apostoli testimonio non docent
 nos in oratione loquentes ad vnam ex Trinitate personam postea
 debere dicere ceteris personis, Et vobis gratias agimus, Et vobis sup-
 2. Cor. 6. 1. plicamus. Et alibi dicit Apostolus, *Vos estis templum Dei viui*, sicut
 dicit Deus, *quoniam inhabitabo in illis, & inambulabo: & ero illorum*
 2. Cor. 7. 1. *Deus, & ipsi erunt mihi populus*. Has igitur promissiones habentes, carissi-
 mi, mundemus nos ab omni inquinamento carnis & spiritus, perficientes san-
 ctificationem in timore Christi. Et non timuit ingratus esse ceteris per-
 sonis, patri videlicet & Spiritui sancto, quia tantum in timore
 Christi nos docuit perficere sanctificationem. Et sanctus Augusti-
 nus in libro contra Iudæos, & Paganos, atque hæreticos, Quid agis,
 Non longe à principio inquit, Loth sancte? Angelos vides, & non vnum sed duos, & dicis
 Domine? Ad vnum verbum facis, vnum precaris, non metuis ne al-
 teri iniuriam facere videaris? absit. Sunt & multa hinc testimonia
 in scripturis tam veteris quàm noui Testamenti. Et vt beatus Au-

Iustinus in libro de Trinitate dicit, Vbicumque in scripturâ sancta
 legitur solus Deus, non de qualibet persona in sancta Trinitate in-
 telligendum est, sed de tota sancta Trinitate, quæ æqualiter operatur
 omnia quæcumque operanda esse iudicat. Vnde quod in Psalmis
 dicitur, *Qui facit mirabilia magna solus, & Qui facit luminaria magna solus,* Psal. 76. 13.
Psal. 133. 76
 & *Tu es Deus solus, & Nemo bonus nisi solus Deus, Audi Israel, Domi-* Psal. 85. 10.
Luc. 18. 19.
nus Deus tuus Deus vnus est, non de solo patre, sicut aduersarij vo-
 lunt, intelligitur dictum: sed de tota sancta Trinitate, quæ est vnus
 solus Deus. Similiter de patre solo non est intelligendum quod A-
 postolus ait, *Beatus & solus potens, rex regum & Dominus dominantium,* 1. Tim. 6. 13.
qui solus habet immortalitatem, & lucem habitat inaccessibilem. quem nemo
hominum vidit, nec videre potest. In quibus verbis, nec pater propriè no-
 minatus est, nec filius, nec Spiritus sanctus: sed absolute beatus &
 solus potens, rex regum & dominus dominantium, quod est vnus
 solus, beatus, potens, inuisibilis, verus Deus, ipsa Trinitas, quæ æ-
 qualiter beata est, æqualiter potens, immo omnipotens, etiam &
 vnipotens, quia vna potentia est totius sanctæ Trinitatis. Neque
 enim, quia ipse filius alibi loquens voce sapientiæ, ipse est enim
 sapientia Dei, ait, *Gyrum celi circuiui sola,* separauit à se patrem. Eccli. 24. 8.
 Quanto magis ergo non est necesse, vt de patre tantummodò, præ-
 ter filium & Spiritum sanctum, intelligatur quod dictum est, *Solus* 1. Tim. 6. 13
habet immortalitatem, & lucem habitat inaccessibilem? Sic nec tantummo-
 dò de filio, præter patrem vel Spiritum sanctum, cum dicitur *Sapien-*
tia superborum & sublimium colla propria virtute calcauit. Sic nec de Spi-
 ritu sancto tantummodò, præter patrem & filium, cum dicitur, *Spi-* Sap. 1. 7.
ritus Domini repleuit orbem terrarum, & hoc quod continet omnia scientiam
habet vocis. Sic nihilominus intelligendum est quod dicitur, *Sicut pa-* Ioan. 5. 21.
ter viuificat, sic & filius quos vult viuificat. Non tamen alios vel aliter
 pater, & alios vel aliter filius: sed eosdem quos pater viuificat, viui-
 ficat & filius. Similiter nec Spiritus sanctus ab hac viuificatione se-
 cernendus est: quia vnum opus est patris & filij & Spiritus sancti,
 sicut vna substantia atque essentia est. Ergo pater viuens vita, filius
 vita viuens à viuentem, Spiritus sanctus vita & viuificator viuentium,
 & non tres vitæ, sed vna vita est. & pater virtus & sapientia, & fi-
 lius, quem vocat Apostolus *Christum Dei virtutem, & Dei sapientiam,* 1. Cor. 1. 24.
 similiter virtus & sapientia. non tamen tres virtutes, nec tres sapien-
 tiæ, sed vna virtus & vna sapientia, pater & filius & Spiritus sanctus.
 quia hæc nomina substantialia sunt & non relatiua, sicut vna sub-
 stantia, & vna omnipotentia, & alia quæ de substantia diuinitatis
 dicuntur. & est pater verum lumen, & filius verum lumen ex lumi-
 ne, Spiritus sanctus verum lumen & vera illuminatio, & non tria
 lumina, sed vnum lumen. Vnde scriptum est, *In lumine tuo vide-* Psal. 36. 10.
bimus lumen, sicut & vna virtus, & vna sapientia. quia in illa sim-
 plicitate diuinæ naturæ non est aliud sapere quàm esse, non est

In capite
enarration.

Marc. II. 24

Matt. 6. 9.

Ioan. 16. 27.

Ioan. 14. 9.

Luc. 11. 2.

aliud esse quàm posse, nec aliud posse quàm vivere. Eadem ibi sapientia quæ essentia, eadem vita quæ & essentia, & hæc omnia vnum & vnus Deus. Et item sanctus Augustinus in Tractatu Psalmi octogesimo quinti. Nullum maius donum præstare posset Deus hominibus, quàm vt Verbum suum, per quod condidit omnia, faceret illis caput, & illos ei tanquam membra coaptaret, vt esset filius Dei, & filius hominis, & vnus Deus cum patre, vnus homo cum hominibus. vt & quando loquimur ad Deum deprecantes, non inde filium separemus: & quando precatur corpus filius, non à se separet caput suum, sitque vnus ipse Saluator corporis sui dominus noster Iesus Christus filius Dei, qui & oret pro nobis, & oret in nobis, & oretur à nobis. orat pro nobis vt sacerdos noster, orat in nobis vt caput nostrum, oratur à nobis, vt Deus noster.] Et in Sermonem de Vnitate patris & filij & Spiritus sancti contra Arrianos dicit, Quia ministrante Domino habes abundantem Dominici verbi panem, pone adhuc super mensam cordis illius panem quoque Dominicæ orationis, & commemora illum, quoniam Dominus in Euangelio dixit, *Quicquid in nomine meo à patre petieritis, ego à patre peto & dabitur vobis.* Et quomodo in demonstrata à se oratione, quasi oblitus illa quæ dixerat, se prætermisso, patrem solum rogare iubet dicens, *Ita orabitis, Pater noster qui es in cælis?* Et vbi est quod dixit, *In nomine meo à patre petite, & ego à patre peto?* Quomodo nomen suum, per quod peti ipse iussit, in oratione à se demonstrata prætermisit? Sed quia idem ipse dixerat, *Qui me videt, videt & patrem,* voluit hoc mysterium à fidelibus in Dominica oratione impleri, vt per hanc orationem in patre etiam filius rogaretur: & quia in Symbolo iterum & separatus à patre nominatur, cum dicitur, Credo in Deum patrem, & in Iesum Christum filium eius, vt propter vnitatem deitatis sic esset à patre in Symbolo separatus, vt esset iterum in oratione coniunctus, quatenus hæc vtraque mysteria Symboli & orationis, & Trinitatem in vnitatem ostenderent, & iterum vnitatem in Trinitate monstrarent. Non ergo se in oratione prætermisit, sed in patris vnitatem coniunxit. Sicut ergo, cum patri offers, in oblatione filij corpus associas, sic & in Dominica oratione, mutata mysterij vice, cum patrem rogas, filij quoque nomen imploras. Et vt adhuc apertius intelligas, quia in patre & se tunc orari iussit, diligenter sequentia perferutare. In ipsius enim orationis principio patrem tantum inuocari præcepit, & inferius dicit, *Adueniat regnum tuum,* cum vtrique non patris sed filij expectetur aduentus, sicut etiam de filio tradita ab Apostolis Symboli confessio tenet dicentis, Sedet ad dexteram patris, inde venturus iudicare viuos & mortuos. Vides ergo quomodo per hanc orationem se & patrem in vna substantia, & in vna deitate coniungit. Ecce ille futuri iudicij dies, qui venire per filij aduentum promittitur, de patris præsentia præstolatus, sit

iam indubitatae unitatis testimonium, sic ut de filij aduentu loquitur promissus, de patris praesentia doceatur impletus.] *Et aliquanto superius*, Si ergo maiorem patrem & minorem filium dicis, gradum facis, & unitatem tollis, & cum offers in oblatione, non potes dicere, Offero tibi Deus, sed offero vobis dii, quod est absurdum & inauditum. aut certe, si vicibus & singillatim offeras, & semel offeras patri, semel offeras filio, cum patri offers, filium praetermittis, & cum filio offers, patrem à munere offerentis excludis. Si autem filio sine patre offers, iam non poteris per orationem Dominicam mysterij sacramenta comple-
re, ut dicas ad plenitudinem perfecti holocausti orationem Dominicam, id est Pater noster qui es in caelis, quia patrem, cui non offers, nec orabis. Si iterum patri incorporeo offers, & filium praetermittis, oblatis panis mysterium non poterit in corporis sacramenta transire, neque in consecratione holocausti commemorationem Dominicae coenae facere poteris, quia quod filius corporeus suo corpori deputavit, & ad passionis suae memoriam pertinere iussit, patri incorporeo & à passione alieno, si à filio separatus fuerit, non poterit deputari. Si ergo offers patri & filio, in unitate Deitatis offers ei. Tunc mysterium corporis etiam patris sacramenta suscipient, vel tunc oratio Dominica recte in filij oblatione dicitur. Separatus autem pater à filio offerentibus sibi sacramentum corporis non poterit exhibere quod non habet: & diuisus à patre filius in oblatione sua per orationem Dominicam, quod in ipso non est, incongrue patris nomen accipiet. Confiteamur ergo patrem & filium vnum esse Deum, & vnius esse substantiae, & patris paternitas cum filij deitate se iungat, & consecrata filij caro cum patris semper deitate se misceat, & tunc iam qui potest sic in vnum connexas mysticas formas à deitatis unitate dissoluat, cum in vno sacrificio, & pater in se totam filij carnem suscepit, & filius in se totum patris nomen assumit.] *Et item ibi*, Vnus quidem carnem portat, sed caro indiuisa deitatis mysterio consecratur. Et ideo caro in patris & filij sacramento transmigrat, & consecratio vel communicatio corporis hunc honorem patri confert quem praestat & filio: & sicut offertur filio, sic offertur & patri, & offerenti vel communicanti ad altare, in vna eademque oblatione, quod praestat filius, hoc praestat & pater. Nam si filium à patre separas, ergo patri incorporeo neque offers, neque comunicas, quia omnis oblatio in corporis sacramenta transmigrat. Cum enim dicitur, *Hoc est corpus meum*, pater qui incorporeus est si separetur à filio, extra sacramenta patris omnis separatur oblatio. Nam quomodo dicis, cum patri offers, *Hoc est corpus meum*, si patris deitas incorporea non habet in filij corpore societatem? Si autem patris incorporea deitas cum filij corporea deitate miscetur, sicut est veritas mysterij, patrem & filium sub indiscreta deitate vnum Deum esse testaris, quia cum offers oblationem non dicis, Offero

vobis, sed offero tibi, & sic omnis oblatio patri quidem & filio offertur, sed sub vtriusque nomine vni Deo monstratur oblata. *Et item in eodem Sermonem.* Pater Deus, filius Deus, vterque tamen sine duorum Deorum numero vnus Deus. Hoc & Dauid patriarcha confitetur dicens, *Psal. 21. 1.* *Deus Deus meus respice in me.* & non dicit, respicite in me, & iterum *Psal. 61. 2.* dicit, *Deus Deus meus, ad te de luce vigilo.* & non dicit, ad vos de luce vigilo. Quæ confessio Dauid Domini quoque responsione firmatur, cum respondit oranti & dicit, *Deus Deus tuus ego sum,* & non dicit *Psal. 85. 10.* *sumus.* Et iterum Dauid dicit, *Tu es Deus solus, qui facis mirabilia.* Deum ergo & Deum propheta nominans patrem & filium confitetur. cum iterum dicit, *Tu es Deus solus,* vtrosque in vna deitate complectitur, sicut Deus & Deus, sine duorum Deorum numero, nunc vterque in vnitatem coniungitur. Sicut ergo Dauid in oratione sua vtrosque nominat, & vnum tamen orat, sic & tu cum patrem & filium nominas, in vtrisque vnum Deum & vnum Dominum confitere.] *Et item in eodem Sermonem.* Legisti ergo patrem Deum, filium Deum, Spiritum sanctum Deum: in hac tamen deitatis Trinitate nusquam legisti duos vel tres Deos, sed multifarie vnum Deum. Quod legisti crede & confitere: illa vero noli quærere & usurpare quæ non legis.] *Et item* Visus est Abraham Deus ad ilicem Mambræ, cum sederet ante ostium tabernaculi sui in medio die. & respiciens oculis vidit, & ecce tres viri stabant super eum, & cum vidisset eos, occurrit obuiam illis, & adorauit & dixit, *Domine, si inueni gratiam in conspectu tuo, noli transire puerum tuum.* Dicitur ergo, apparuit illi Deus, & in hoc vno respiciens, vidit tres viros, & cum occurrisset tribus, & adorasset vnum Deum, rogauit dicens, *Domine, si inueni gratiam in conspectu tuo.* Nemo illum calumniatus est quod in tribus viris vnum Deum & vnum Dominum adorasset. & iterum, quod in vno Deo, & in vno Domino tres viros vidisse se diceret. Sed qui hoc mysterium sic non intelligit, oculos Abraham non habet. Quærat ergo cæleste collyrium, & superinungat oculos suos, vt remota caligine ignorantiae, in vnitatem deitatis mysterium Trinitatis agnoscat, & in vno Deo, sicut Abraham, tres viros sine discretionem meritorum, vel sine aliqua diminutione potestatis videat, & posteaquam tribus occurrerit, non tres, sed vnum Deum & vnum Dominum roget, & per huius diuisionis demonstratam formam, Trinitatem semper vnius esse deitatis intelligat.] *Et item ibi,* Adiuro te per hæc ipsa quæ angariatus ostendi tibi, per patrem & filium & Spiritum sanctum, in deitate Trinitatis vnum Deum, vt sicut per designatam Euangelij formam in vna via per æqualia trium millium spatia, non tria itinera, sed vnum iter ostendi, sic & tu secutus hunc Euangelicum tramitem, non tres Deos, sed vnum semper Deum in Trinitate deitatis intelligas, vt cum oblationem mysterio Trinitatis offers, non tribus diis, sed vni Deo offeras. quia vbicumque in scripturis diuinis audis patrem Deum, filium Deum,

Spiritum sanctum Deum, & tamen nusquam tres Deos, sed semper unum Deum legis, & semper tibi unus Deus annuntiatur. Retine ergo semper hæc signa, quæ tibi demonstraui, quia nec patri possis offerre sine filio, neque filio sine patre: quia si tantum patri incorporeo oblationem offers, oblationem in corporis sacramenta non redigis, non potes dicere, *Pridie quàm pateretur* formam sacrificij instituit, nec potes dicere *Hoc est corpus meum*, quia pater neque corpus habuit, neque passus est. & iterum, si filio sine patre offeras, orationem Dominicam ad complementum perfecti holocausti dicere non potes, quia in oratione filij separati à patre patris nomen non potes inuocare. Vide ergo quàm adeò inexpugnabilia sunt, & derelinquens tam hæreticum errorem, catholicam sequere veritatem. Alioquin qui tibi aliud quàm à me demonstratur iter ostendit, dicat tibi quomodo prætermisissis his solèmnibus inter mysteria loquaris. Sin autem in designata à me claritate luminis caligo defecit erroris, pertinacia simul deficiat, ne dum in errore vinci erubescitis, promissionem æternæ vitæ de Christi veritate perdatis. Si quis tibi ergo dixerit, pater maior Deus, filius minor Deus, Spiritus sanctus tertius Deus, & in his tribus non est vna substantia, sed separatim in trium Deorum numero sine deitatis vnitate consistunt: responde illis, primò illam rationem quæ tibi exposita est, quia separata à se Trinitati offerri non potest, quia neque pater corporeus est, neque passus est, & oblationem in corporis sui sacramenta redigere non potest, neque testem passionis suæ, qui non est passus, illam Dominicam cœnam facere potest, neque in consecratione mysterij dicere potest, *Qui* formam sacrificij perennis instituit. Quod enim pater non instituit, sed filius, qui & corpus habuit & passus est, & formam instituit sacrificij, si de patre à filio separato dicatur, mendacium est, vt quod pater non dixit patrem dixisse confingant. Qui ergo patri à filio separato offerre vult, relictam iam nobis sacrificij formam, relictam etiam Ecclesiam à Christo, & ab Apostolis fundatam, ad Synagogam & ad templa, ad vitulos & ad arietum victimas sedeat. quia separat à filio patrem in patris oblatione sacrificiorum à filio instituta, non iungit. Si autem patri & filio simul offert, patrem & filium à deitatis vnitate non separet. Si dixerit ergo duos deos, licet ad verecundiam ipsius sufficere debeat reddita sacrificij ratio: tamen commemora illum quia Apostolus dixit *vnus Deus*, & Gal. 3. 30. lex ad Moysen data dicit, *Dominus Deus tuus Deus vnus est*. & ille Deut. 6. 4. blasphemans dicit duos vel tres deos sine vnitate deitatis. Quod si adhuc sic diuidit Trinitatem, vt in vnum non resociet mysterium Trinitatis, saltem ad Symboli rationem redeat vbi dicitur, Credo in Deum patrem omnipotentem, & in Christum Iesum filium eius, qui natus est de Spiritu sancto. Primò Christi patrem Deum omnipotentem esse testaris. deinde natum Christum de Spiritu sancto

In fine.

dicis. Si ergo separas Trinitatem, Christum duorum patrum filium reddis, vt de patre omnipotente & de Spiritu sancto natus esse dicatur. Iunge ergo cum patre Spiritum sanctum, vt rectè possis Christum vnius patris filium confiteri: & cum per hanc Symboli orationem in vnum patrem & Spiritum sanctum sociaueris, filium quoque, quem non tertium sed medium in Trinitate facis, magis à deitatis vnitatem non separe.] Et in libro tertio de Trinitate, In quibus Angelis erat vtique & pater & filius & Spiritus sanctus, & aliquando pater, aliquando filius, aliquando Spiritus sanctus, aliquando sine vlla distinctione personæ Deus per illos figurabatur, & cetera quæ ibi profequitur.] Et beatus Ambrosius in Hymnis, quos catholica frequentat Ecclesia, nunc ad patrem, nunc ad filium, nunc ad Spiritum sanctum loquens, non solitariè eidem personæ in sancta Trinitate, ad quam loquitur, gloriam singulari numero refert, & postea plurali numero alias personas, vt blasphematur Gothescalcus, alloquitur: sed quicquid substantialiter de Deo, videlicet sancta Trinitate dicit, singulari numero effert. vt est,

Somno relictis artubus, spreto cubili surgimus,

Nobis pater canentibus, adesse te deposcimus.

& *Splendor paternæ gloriæ, de luce lucem proferens,*

Lux lucis & fons luminis, diem dies illuminans.

& *Nunc sancte nobis Spiritus, vnus patris cum filio,*

Dignare promptus ingeri, nostro refusus pectori.

in quorum Hymnorum conclusione sanctæ Trinitati semper vnā & æqualem gloriam refert dicens,

Presta pater piissime, patrique compar vnice,

Cum Spiritu paraclito, regnans per omne sæculum.

vel, *Deo patri sit gloria, eiūque soli filio,*

Cum Spiritu paraclito, & nunc & in perpetuum.

vel, *Laus, honor, virtus, gloria, Deo patri & filio,*

Vnā cum sancto Spiritu, in sempiterna sæcula.

vel, *Gloria tibi Domine, qui surrexisti à mortuis,*

Cum patre & sancto Spiritu, in sempiterna sæcula.

vel, *Christum rogemus & patrem, Christi patrīque Spiritum,*

Vnum potens per omnia, fove precantes Trinitas.

& simul sanctam Trinitatem alloquens, similiter singulari numero petit dicens,

O lux beata Trinitas, & principalis unitas,

Iam sol recedit igneus, infunde lumen cordibus.

Cap. VIII.

Et sanctus Augustinus in libro primo de Trinitate dicit, Denique propter ipsam inseparabilitatem sufficienter aliquando nominatur, vel pater solus, vel filius solus, adimpletur nos lætitia cum vultu suo, nec inde separatur vtriusque Spiritus, id est patris & filij Spiritus. Qui spiritus propriè dicitur spiritus veritatis, quem hic mun-

mundus accipere non potest. Hoc est enim plenum gaudium nostrum, quo amplius non est, frui scilicet Trinitate Deo, ad cuius imaginem facti sumus. Propter hoc aliquando ita loquitur de Spiritu sancto, tanquam solus ipse sufficiat ad beatitudinem nostram, & ideo sufficit, quia separari à patre & filio non potest: sicut pater solus sufficit, quia separari à filio & Spiritu sancto non potest: & filius ideo sufficit solus, quia separari à patre & Spiritu sancto non potest.] *Et item*, Propter insinuationem Trinitatis, personis etiam Cap. ix. singulis nominatis, dicuntur quædam separatim, non tamen aliis separatis intelliguntur, propter eiusdem Trinitatis unitatem, vnâque substantiam, atque deitatem patris & filij & Spiritus sancti.] In sacrificij etiam singularis celebratione, sicut & beatus Augustinus in libris suis commemorat, gratias Domino Deo nostro agere commonemur, quia & hoc quod inter sacra mysteria cor habere sursum iubemur, ipso adiuuante id valemus quo iubente admonemur: & ideo præcipue in ipso sacrificio corporis Christi à gratiarum actione incipimus, reddentes debitas laudes Deo patri, qui in plenitudine temporum misit filium suum, factum ex muliere, factum sub lege, ut eos qui sub lege erant redimeret, ut adoptionem filiorum reciperemus, secundum prædicationem beati Petri dicentis, *Quia non* 1. Pet. i. 18. *corruptibilibus auro vel argento redempti sumus de vana nostra conuersatione paternæ traditionis, sed pretioso sanguine quasi agni incontaminati & immaculati Iesu Christi, per quem & maiestatem eius laudant Angeli, & nos sine speciali nomine tenus commemoratione sancti Spiritus ei gratias agimus, nostrasque voces Angelorum vocibus catholica & Apostolica institutione formati admitti deposcimus. Sicque ter sanctum Hymnum ore confitentes offerimus, & viuificam Trinitatem fide ac mentis intelligentia vnus esse diuinitatis, æqualis gloriæ, coæternæ maiestatis prædicantes, catholica & Apostolica institutione formati, vna gloria conlaudamus dicentes, Sanctus, Sanctus, Sanctus Dominus Deus Sabaoth, pleni sunt cæli & terra gloria tua. & cum patrem per totam præfationem alloquamur, non tamen secundum Gothescalcum adicimus, vel subicimus, ne ingrati filio & Spiritui sancto simus, Et vobis gratias agimus, & pleni sunt cæli & terra gloria vestra. quia nec Abraham, quando exultauit ut videret diem Domini, & vidit & gauisus est, tres viros & in corde & in domo fide & opere fideliter fidei suscipiens hospitio, offensam incurrit, sed meritum magnæ fidei reportauit, quando tres vidit, & quasi vnum alloquens, vnum etiam adorauit. Et conlatæ huiusmodi preces ac præfationes receptibiles & catholicæ, confirmatæ à sede Apostolica atque ab vniuersali Ecclesia cognoscuntur. Sicut & in Africano Concilio decretum fuisse relegitur. in quo est nihilominus constitutum, ut aliæ omnino preces, siue præfationes, vel commendationes, seu manus impositiones, quæ probatæ non fue-*

rint in Concilio, nec aliæ omnino contra fidem proferantur, sed quæcumque cum prudentioribus fuerint conlatæ dicantur.] Quæ de re conlatæ Gothescalci orationes cum catholicis precibus, quantum à fide distent & caritate, manifestè cognoscitur. Scripsit quæque ad Deum loquens, & dicens ei quòd ipse illi præceperit ut pro me non oraret, & quia primùm filius in eum intrauerit, postea pater, deinde Spiritus sanctus, qui in illum intrans ei circa os barbam adussit. & quia nollet vestimenta de vestiario fratrum communicantium mihi accipere, nisi pretio compararet qui pretium non habebat, sed sic vellet ire, sicut Adam ibat antequàm peccaret. Mox autem ut frigus eum cœpit constringere, cum vestimentis etiam pelliciam & focum studuit quærere. Scripsit & alia multa ridicula, quæ apud fautores suos, quibus ea seruanda fraudulenter donauit, inuenimus. quæ non solùm nobis, verùm & ipsis complicibus suis visa sunt friuola, & idcirco, ut reuera deliramenta maniatici, & aniles fabulas, hîc inferere superfluum duximus. Ponendam tamen adhuc vnâ de eius naniis censui, ut per ea, sicut & per supra ex integro positas, aliæ valeant innotesci. Ante hos siquidem annos reuelatum sibi quibusdam familiaribus suis scripsit, quòd ego statim post tres semis annos suæ reuelationis, sicut Antichristus usurpans sibi potestatis potentiam mori, & ipse Remorum Episcopus fieri, & post septennium veneno interfici, & sic gloriæ Martyrum adæquari deberet. Et cum prophetiam à spiritu suo inspiratam impleri non vidit, inter alia hæc cuidam sectatori suo iuenculo, quales solebat diligere, scripsit,

XVIII.

— Sed iam tempus est fratrem deserere absentem, & quid ad eum loquar antequàm scripta mea videat penitus nescientem, & fundi preces ad Deum semper ubique præsentem, & sicut gratuitum donatorem cuncta sempiternaliter scientem. Domine Deus noster & magister Iesu Christe, pro solis electis crucifixe, qui vides quòd ecce inimici tui sonuerunt, & qui oderunt te extulerunt caput, quia non est post triennium dimidio terminato anno mortuus, ceu putabatur, fur & latro, breuiter quidem sed pronus te exoro, huic vobis domino Deo nostro vero ac viuo, vni simul ac trino, sicut placet ita facias citò. Nolo plùs, nec priùs, nec secùs. quando vis euellatur hinc ritè, vita sat, mæchus, & cæcus, procax, pertinax, peruicax, hæreticus, veritatis inimicus, falsitatis amicus.

X P. Idem quippe Gothescalcus solet frequentissimè dicere, ut sæpe commemorauimus, loquens de beato Augustino, Augustinus noster. Sed & hîc non est suus Augustinus, quia non taliter docuit orare pro inimicis, sicut orat Gothescalcus, qui non est Augustini. Dicit enim beatus Augustinus in Sermone de verbis Apostoli, Siergo Christum volumus imitari, per ipsam viam debemus currere, qua Christus & in cruce pendens dignatus est ambulare. In Cruce

enim fixus erat, & caritatis viam currens pro suis persecutoribus supplicabat. denique sic dixit, *Pater ignosce illis, quia nesciunt quod faciunt.* Et nos ergo pro omnibus inimicis nostris hoc iugiter supplicemus, ut illis Deus emendationem morum, & indulgentiam tribuat peccatorum. Quod & ego qualiscumque & quantulusque peccator, etiam pro illo, & si non credebat, dum tempus fuit agere procuravi, certus de promissione diuina, *Si quid petieritis, inquit, patrem in nomine meo, dabit vobis.* Quia & si non eis pro quibus petimus dabit, tamen nobis, cum pro aliorum erratibus misericorditer intervenimus, præmium nostræ benignitatis restituet. Quod enim scripsit sibi à Deo prohibitum, ut pro me non oraret, mentitur ut solet. Qui enim iussit discipulis suis dicens, *Orate pro persequentibus & calumniantibus vos, ut sitis filij patris vestri qui in cælis est, & quod verbo docuit, in cruce pro se crucifigentibus exorans ostendit, sibi ipsi contrarius esse non potuit.* Et sanctus Cælestinus Papa dicit. *Obsecrationum, inquiens, sacerdotalium sacramenta respiciamus, quæ ab Apostolis tradita in toto mundo atque in omni catholica Ecclesia uniformiter celebrantur, ut legem credendi lex statuat supplicandi.* Cum enim sanctarum plebium Præsules mandata sibimet legatione fungantur apud diuinam clementiam, humani generis agunt causam, & tota secum Ecclesia congemiscente, postulant & precantur, ut infidelibus donetur fides, ut idololatræ ab impietatis suæ liberentur erroribus, ut Iudæis ablato cordis velamine lux veritatis appareat, ut hæretici catholicæ fidei perfectione resipiscant, ut schismatici spiritum rediuiuæ caritatis accipiant, ut lapsis pœnitentiæ remedia conferantur, ut denique Catechumenis ad regenerationis sacramenta perductis cælestis misericordiæ aula referetur. Hæc autem non perfunctoriè neque inaniter à Domino peti, rerum ipsarum monstrat effectus, quandoquidem ex omni errorum genere plurimos Deus dignatur attrahere, quos erutos de potestate tenebrarum transferat in regnum filij claritatis suæ, & ex vasis iræ faciat vasa misericordiæ. quod adeo totum diuini operis esse sentitur, ut hæc efficienti Deo gratiarum semper actio laudisque confessio pro illuminatione talium vel correctione referantur.] Et beatus ostendit Gregorius, quia nemo malus, sicut in malo suo mutari, ita non debet à quocumque, dum in hac vita est, desperari.] Et licet in veteri testamento, ubi scriptum est, *Diliges amicum tuum, & odio habebis inimicum tuum,* quod nouo testamento pro temporum ratione mutauit dicens, *Diligite inimicos vestros, bene facite his qui oderunt vos,* legatur Dominus dixisse ad Hieremiam prophetam, *Noli orare pro populo isto,* tamen, ut beatus Ambrosius in libro de pœnitentia contra Nouatianos dicit, orauit idem Propheta pro populo eodem, & veniam promeruit. Denique intercessione prophetica, & obsecratione tanti vatis inflexus Dominus dicit ad Hierusalem, *Domine omni-*

Luc. 23. 34.

Ioan. 16. 23.

Matt. 5. 44.

Post. epist. VIII.

Matt. 5. 43.

Ibid. 44.

Hier. 7. 16.

Lib. I. c. 8.

Baruch 3.

potens Deus Israel, anima in angustiis, & spiritus anxius clamat ad te, exaudi Domine, & miserere. Et iubet luctus vestimenta deponi, & abici

Baruch 5.

gemitus poenitentiae. Sic enim scriptum est in fine libri, Exue te Hierusalem stola luctus & vexationis tuae, & indue te decore eius quae tibi à Deo data est gloria in aeternum.

Iac. 4. 3.

Ipse verò pseudomonachus, vel alius hoc vel alio aliquo modo fidei sinceræ adulterator, & apertus hæreticus. cuius orationes non commendat caritas, nec recipit catholica fides, cui taliter postulanti cum suis complicibus respondet Dominus per Apostolum, *Petitis & non accipitis, eo quod male petitis, ut in concupiscentiis vestris consumatis.* Qui talia contra Canones sacros præsumit, si gradum Ecclesiasticum videtur habere, eo priuari vel ab Ecclesiastica communione separari est dignus. Secundum regulam autem sancti Benedicti, improbus, durus, & superbus, vel inobediens, verberum vel corporis castigatione, non solum in sua pertinacia permanens, sed & in ipso initio peccati, est coercendus, & à sanis Christi membris censura Ecclesiastica segregandus, ne vna ovis incurabili morbo languida totum gregem contaminet.

Hæc omnia, post librum de prædestinatione, contra Gothescalcum & complices eius, asserentes quia sicut quosdam ad vitam, ita quosdam Deus prædestinauit ad mortem, de authenticis scripturis, & catholicorum dictis collectum, statim in initio suæ de trina deitate blasphemiae collegi & scripsi, & per me ac per fratres meos, sed & per frequentia scripta, ut resipisceret, & à suis in Deum blasphemias sensum & os suum reuocaret, sæpè commonui, sed apud eum nihil profeci. Tandem cum mihi nuntiatum fuit à fratribus nostris, quibus de eo sollicitudinem delegavi, quia morti appropinquabat, misi ei per eosdè fratres hæc quæ sequitur scedulam. Sic crede de prædestinatione à Deo electorum, & relictione reproborum, & quia Deus omnes homines vult saluos fieri, licet non omnes saluentur, & qui saluantur saluantis sit donum, & qui pereunt pereuntium sit meritum, & quia Deus ac Dominus noster Iesus Christus pro omnibus passus sit, cuius sanguis totius mundi est pretium, à quo extranei sunt qui aut delectati captiuitate redimi noluerunt, aut post redemptionem peccando, & in peccatis corde impœnitente perseuerando, ad eandem sunt seruitutem reuersi. Et de gratia & libero arbitrio, sicut S. Augustinus docet in his libris suis, id est de Correptione & Gratia, de Prædestinatione sanctorum, de Dono vel Bono perseuerantiæ, & in libro de Spiritu & littera, & in libro Hypomnesticon, & in epistola ad Sixtum Ecclesiæ Romanæ presbyterum, & sicut hinc sanctus Prosper ex libris beati Augustini ad obiectiones Gallorum, & Vincentianorum, & Ianuensium rescripsit, & ceteri catholici doctores dicunt, quia sedes Apostolica, & sancta catholica Ecclesia, & nos sic credimus & tenemus. De sanctæ autem & inseparabilis Trinitatis deitate, quæ est vnitas Trinitatis, sic crede & confitere, sicut credit, confiteatur

& prædicat sancta catholica & Apostolica Ecclesia dicens, Fides catholica hæc est, vt vnum Deum in Trinitate personarum, & Trinitatem personarum in vnitae deitatis veneremur, neque confundentes personas, sicut Sabellius vt tres non sint, neque vt Arrius substantiam separantes, vt trina sit, quia alia & non aliud est persona patris, alia & non aliud est persona filij, alia & non aliud est persona Spiritus sancti, sed patris & filij & Spiritus sancti vna est diuinitas, æqualis gloria, coæterna maiestas, & in hac sancta & inseparabili Trinitate nihil est prius aut posterius, nihil maius vel minus, sed totæ tres personæ, pater & filius & Spiritus sanctus, coæternæ sibi sunt & æquales, ita vt per omnia, sicut iam supra dictum est, & Trinitas personarum in vnitae deitatis, & vnitas deitatis in Trinitate personarum veneranda sit. Et si ita credideris in corde tuo, & ita professus fueris in ore tuo, & ita subscripseris coram testibus manu tua te credere & profiteri, & in hac credulitate & professione permanere, iudicio sancti Spiritus, per Episcopale ministerium, quo damnatus es, absolui poteris, & participationi corporis & sanguinis Domini nostri Iesu Christi, & communioni catholicæ Ecclesiæ restitueris. Ipse verò hæc audiens in furorem versus, ea quæ sibi mandata sunt detestari, & amplius cœpit blasphemare. Post discessum denique à me ipsorum fratrum, recogitans duritiam illius, & cor impœnitens, misi fratribus nostris in monasterio Altiuillaris, in quo degebat, hanc quæ sequitur paginam, vt si respiciente Domino à sua peruersa intelligentia & praua sententia se reuocaret, agerent de illo sicut eis verbis iam dixeram. Sin autem, scirent qualiter erga eum secundum regulas sacras gerere deberent. Hoc modò pro tempore, sicut mihi licuit, dixi vobis qua conditione, si se Gothescalcus antequam anima illius egrediatur de corpore recognouerit, & spiritalem & corporalem humanitatem illi exhibeatis. Sed ne quid vobis desit in vlla gratia, auctoritatē inde Ecclesiasticam ex verbis orthodoxorum vobis transmittito. Ait enim de huiusmodi Leo, vt si fideliter dolet, & quàm rectè mota sit erga eum Episcopalis auctoritas vel serò cognoscit, vel si ad satisfactionis plenitudinem omnia quæ ab eo malè sunt sensa, vel viua voce, vel signo competenti damnauerit, & communionem Ecclesiasticæ vnitatis ac pacis voce vel signo competenti petierit, reconciliatio & cōmunio illi non denegetur, sicut Cælestinus, & Leo, & sacri canones decreuerunt. Et si in hac confessione ac communione obierit, sicut ceteris fratribus, ita & illi communem sepulturam, ac sepeliendi officium & orationem post obitum exhibete, quia Dominus noster, verus & bonus pastor, qui animam suam posuit pro ouibus suis, & qui venit animas hominum saluare non perdere, imitatores nos suæ vult esse pietatis, vt peccantes iustitia coërceat, conuersos autem in misericordia non repellat. Si autem in obstinatione sua vsque ad mortem permanserit, tenendum nobis de illo est, quod sanctus Leo de

Epist. 95. ad
Rusticum
Narbon.

communione priuatis & ita defunctis dicit, Horum, inquit, causa Dei iudicio reseruanda est, in cuius manu fuit, vt talium obitus vsque ad communionis remedium differretur. Nos autem quibus vi-

Epist. 59. ad
Theodorū
Foroiul.

uentibus non communicauimus, mortuis communicare non possu-
mus.] *Et item*, Si, inquit, aliquis eorum pro quibus Domino sup-
plicamus, quocumque interceptus obstaculo à munere præsentis in-
dulgentiæ exciderit, & priusquam ad constituta remedia peruene-
rit, temporalem vitam humana conditione finierit, quod manens in
corpore non recepit, consequi exutus carne non poterit. Nec neces-
se est nos eorum qui sic obierint merita actūsque discutere, cum
Dominus Deus noster, cuius iudicia nequeunt comprehendi, quod
sacerdotale ministerium implere non potuit, suæ iustitiæ reseruauit.]

1. Ioan. 5. 16
Lib. 6. Mo-
ral. c. 28.

Et sanctus Ioannes Apostolus dicit, *Est peccatum ad mortem, non pro
illo dico vt quis roget.* Peccatum, inquit Gregorius, est vsque ad mor-
tem, quia scilicet peccatum quod in hac vita non corrigitur, eius
venia post mortem frustra postulatur.] Peccatum quippe vsque ad
inferos dicitur, quod ante finem vitæ præsentis per correctionem ac
pœnitentiam non emendatur. Et talium memoriam, scilicet in pecca-
to perseuerantium vsque ad mortem, minimè licet inter sacra alta-
ris mysteria celebrari, in quibus pro eis oratur, qui nos præcesserunt
cum signo fidei, & dormiunt in somno pacis, in Christo videlicet
quiescentes. Dormiunt ergo, vt catholici doctores dicunt, in somno
pacis, qui ab vnitate & societate Christi & Ecclesiæ, nec per hæreses,
nec per schismata, nec per mortalia crimina separati sunt, in quibus
& si aliquando fuerunt, tamen per pœnitentiam sanati, & per oratio-

Matt. 16. 19

nem Ecclesiæ, cui in Petro dictum est, Quodcumque solueris super
terram, erit solutum & in cælis, reconciliati & redemptionis myste-
rio sociati, vtique in pace obierunt, miserante illo qui non vult mor-
tem peccatoris, sed vt magis conuertatur & viuatur. Neque enim pio-
rum animæ mortuorum separantur ab Ecclesia, quæ regnat nunc
cum Christo in viuis & mortuis. Propterea enim, sicut dicit Apo-

Rom. 14. 9.

1. Thess. 5. 9

stolus, mortuus est Christus, vt viuorum & mortuorum domine-
tur. Vnde & alibi ait, Quoniam non posuit nos Deus in iram, sed
in adquisitionem salutis, per dominum nostrum Iesum Christum,
qui mortuus est pro nobis, vt siue vigilemus, siue dormiamus, simul
cum illo viuamus. Quiescentes autem in Christo sunt, de quibus

1. Thess. 4.

13.

Apoc. 20. 6.

dicit Apostolus, & mortui qui in Christo sunt resurgent primi, &
de quibus item scriptum est, Beatus qui habuerit partem in resurre-
ctione, non lædetur à morte secunda. Vnde & Iudas Pontifex, si-

2. Mach. 12.

45.

cut in libro Machabæorum legimus, pro his qui cum pietate dormi-
tionem acceperant, misit Hierosolymis offerenda. Et si, vt præmissi,
in obstinatione sua permanens fuerit mortuus, sicut ex auctorita-
te beati Gregorij & sacrorum canonum accepimus, cum psalmis &
hymnis ad sepulturam deportari, vel in communi fratrum sepultura


sepeliri non debet, priuatæ autem sepulturæ humanitas, sicut vobis dixi, ei non est deneganda. Et cùm iam finis eius appropinquaret, fratribus qui aderant, vt à prauo suo sensu & peruersa sententia se reuocaret, & communionem sacram perciperet, suadentibus respondit, à suo se sensu & sententia reuocare & communionem per auctoritatem non posse accipere. sicque indignam vitam digna morte finiuit, & abiit in locum suum.

FINIS.

Ex Epistola Gothescalci, quam ex Germania scripsit ad
Ratramnum monachum Corbeiensem.

*Denique sunt multi Domino donante magistri
Hac regione siti, ingenio locuplete periti,
Vnde palatina plerique morantur in aula.
Ad hos atque alios per barbara regna locatos,
Cernua his auibus direxi scripta diebus,
Orans magnopere dignentur vt ocyus inde
Respondere mihi, ceu scis vehementer egenti.
Estque Augustini his sententia missa beati,
Quam liquido exponi auctori quadrando poposci.
Nempe tribus horum studui proprium indere sensum,
Matcaudo, Iona, atque Lupo, rutilantibus ore,
Poscens obnixè satagant vt vera referre.
Proposita est reliquis tantummodò questio cunctis.
Opposui sanè obicitur quod parte ab utraque.
Nemo sed excepto quid adhuc mihi reddidit vno.
Qui cùm sit cautus simul & catus, est moderatus.
Sic iam terna sui librans responsa libelli,
Vt dempto neutri pleno discrimine parti
Congruat. Vnde tibi recitanda hæc utraque duxi,
Respondere alij properant dum mente sagaci,
Quo magis his mihi quàm reputes carissime quicquam,
Si videas aliquid concordans quod tibi non sit.
At licet vsque rogo mecum duo perpete voto,
Pectore quin toto supplex orare memento,
Donetur habilis quo sermo videlicet illis,
Cùmque vigore salis pia nobis pignora pacis.*





INDEX CAPITVM.

PRÆFATIO. Cur ad omnes generaliter scribat, & de interrogationibus ad se missis, quæ scribendi occasionem dederunt.

INTERROGATIO I. De occulto flagitio uxoris Lotharij, & de libello capitum octo conventus Aquensis, in quo per secretam confessionem remoueri se à coniugio postulasse dicebatur. **R**ESP. De absconditis quæ nos latent indicare nos non posse, & quæ secreta confessione sciuntur, secreto sananda esse consilio. De altero libello capitum septem, & de Tomo Synodi Aquensis. Regi confessam, secundum leges à laicis indicandam fuisse. De regis, ut aiebat dolore ac tristitia, deque decreto Tetbergæ repudio & pœnitentia publica.

INTER. II. Quod ad instar secreta confessionis Ebonis de hac femina debeat indicari. **R**ESP. Sicut alius ordo, ita & alia causa & lex viri est & uxoris, & alia non solum Episcopi, verum & presbyteri & diaconi: quia uxor à viro separari non potest, Episcopus potest gradum amittere.

INTER. III. De eo quod Hincmarus tali facto consensisse dicebatur per Venilonem, Hildegarium, & Aduentium Episcopos. **R**ESP. Quod per prædictos Episcopos nec consensum nec dissensum exhibuerit, binisque litteris ad Aduentium in generali potius Synodo ventilandam rem videri testatus sit.

INTER. IV. Qualiter iniri debeat coniugium. **R**ESP. Qualiter iniri coniugium debeat, & vetus & noua lex edocet, Domino per Moysen præcipiente, & in Euangelio confirmante.

INTER. V. Pro quibus rebus inita coniugia separari valeant, & utrum post dissolutionem vir aut femina ad aliam copulam aspirare debeant. **R**ESP. Non qualiter de causa, sed secundum Euangelicam veritatem ob solam fornicationem, nec sine Episcopi scientia & auctoritate. Separati autem alia coniugia inire non possunt. Northildis & Agemberti coniugum iudicium apud Attiniacum.

INTER. VI. Quid videatur de iudicio a qua calida, quod actum est in causa Tetbergæ, & de purgatione sacramenti, utrum causa sic purgata debeat in iudicium legale reduci. **R**ESP. De iudicij & iuramenti purgatione, iuxta diuinas litteras, & canonum sanctorumque patrum auctoritates. Quare cum huiusmodi iudicio hæc femina purgata reconciliata sit & restituta, causa iterum in questionem reuocanda non videtur, præsertim quia si vicarius eius succubisset, ad audientiam denuò nolisset accusator ipse debere illam admitti.

Hic incipit
Cod. MS.

INTER. VII. Vtrum verum esse possit, quod quidam dicunt, quia pro secreta confessione, quam ipsa femina fecit, sicut & testis est qui illam suscepit, vicarius ipse in iudicium exiens incoctus euasit. **R**ESP. Dum veritatem impia falsitate piam prædicant, fictam calumniantur, quæ sic voluit istam feminam liberare, ut iudicio ipse credentes deciperet, cum scriptum sit, Spiritus sanctus disciplinæ effugiet fictum, & simplex veritas nihil per duplicitatem faciat.

Sap. 12

INTER. VIII. Vtrum fieri possit quod quidam dicunt, quia intentio illius feminae fuit de alio eiusdem nominis fratre suo, quando vicarium suum in iudicium misit, & idcirco se in eodem iudicio non coxit. **R**ESP. In libro Regum scriptum est, dicente mendace spiritu, Ego decipiam Achab, & reliqua, usque ad id quod dicitur, decipies & præualebis. Et Paulus dicit de quibusdam, qui non probauerunt Deum habere in notitiam, propterea tradidit eos Deus in reprobum sensum. Et item, pro eo quod dilectionem veritatis non receperunt, ut salui fierent, idcirco immittet illis Deus spiritum erroris, ut credant mendacio, quatenus iudicentur omnes qui non crediderunt veritati, sed consenserunt iniquitati.

3. Reg. 22.
& 2. Paral. 18.

Rom. 12

INTER. IX. Si in iudicio, vel in sacramento, fraus quacunque reperta fuerit post datam purgationem, utrum causa iudicio vel sacramento purgata in iudicium de-

Aaaa

beat legale reduci. **RESP.** Nec mirum videri debet, si frans in iudicio fuerit operatione diaboli, qui licet perdidit angelici spiritus gloriam, sed non amisit naturæ subtilitatem: quod fit permittente Domino, aut pro infidelitate non recte credentium, aut pro purgatione fidelium. & si in iudicio, vel purgationis sacramento, per quodcumque ingenium fraudulentia reperitur, duplicata iudicij ultione, siue pro peccati admissione, siue pro infideli inlusione, causa in questionem ratione docente reueniat.

INTER. X. Si hac causa, unde iudicium factum audiui, & quidam etiam vidimus, in iudicium fuerit remocata, qualiter idem debeat canonicè ordinari iudicium. **RESP.** In omni iudicio quatuor personas necesse est semper adesse, id est, indices electos, accusatores ac defensores, & testes, ut in presentia positus, aut confutatus, aut certe confessus, iusta possit subiaccere sententia: sed & extorta confessio, vel coacta subscriptio, nihil vigoris obtinere debet.

INTER. XI. Vtrum de secreta confessione, ut dicitur, commissa Episcopis, vel in iudicio porrecto libello, eadem femina debeat iudicari. **RESP.** Nec maritus à coniuge, nec uxor à marito, secreta confessione, ut premisimus, possunt disiungi, nisi amore continentioris vitæ: nec porrecto libello secreta confessionis publicæ pœnitentia quisquam debet submitti: neque per scripturam directam, vel ab alio eius vice porrectam, quisque valeat condemnari: sed unde publicè debet aliquis iudicari, publicè & in presenti positus debet aut conuinci, aut confiteri.

INTER. XII. Vtrum de tali stupro, sicut ista femina reputatur, quasi frater suus cum ea inter femora, sicut solent masculi in masculos turpitudinem operari, potuerit concipere, & post abortum virgo valuerit permanere. & si deprehensa fuerit hac ante coniugium crimina perpetrasse, vtrum in coniugio debeat aut valeat permanere. **RESP.** A sæculo non est auditum, nec de sub isto celo in scriptura veritatis est lectum, ut vulua femina sine coitu semen suscepit atque conceperit, & clauso utero, & in aperta vulua, seu integra carne, viuum vel abortiuum pepererit, excepta sola singulariter beata & benedicta virgine

Maria, cuius conceptio non natura fuit, sed gratia, dicente ad eam Archangelo, *Aue gratia plena, in quam Spiritus sanctus superuenit, qui ei ex virgineo semine, virgineoque sanguine, sine voluntate carnis, & sine voluntate viri, fecunditatem proles contulit, virginitatem non abstulit: quæ sicut carne integra, & vulua non adaperita, id est, clauso utero concepit, ita non aperta vulua, sed clauso utero peperit, simulque & mater exitit, & perpetuò ac semper virgo permansit. Vtrum autem tali modo, sicut de ista femina dicitur, quacumque mulier vel virgo concipere valeat, expressius sæculi indices licentia maritali, ne in iudicio interpretentur, à suis vxoribus discere poterunt: quia nos homines huius negotij inexpertes quæ legimus dicimus, & non inde amplius aut scire quarimus, aut inuestigare volumus. Miramur tamen, si Dominus noster prædictam feminam inuenit virginem, cur eam denotari quasi stupratam consentit: si vero illam virginem non inuenit, quare tamdiu eam retinuit, vel cur de illa iudicium examinationis recepit. Quapropter, ut scribit sanctus Gregorius, ne pro quorundam voluntatibus quis priuetur, quem sua culpa vel facinus ab officio, quo fungitur, vel gradu non deiecit. & Graue est satis, & indecens, ut in re dubia certa dicatur sententia, unde accusatum vel conuictum manifesta, vel confessio subsequatur, quam subtilitas examinis ex oculis eliciat, & non afflictio vehemens extorqueat, quæ frequenter hoc agit, ut noxios se fateri etiam cogantur innoxij, videtur æquum atque rationabile, ut isdem, in cuius cura & potestate erat, qui eidem femine vim intulit, vel eam ad scelus pellexit, accersatur, & magis per illum causa inuestigetur, & ipse inuehatur, atque secundum legem examinetur, & vel legali iudicio liberetur, vel cum complice puniatur, ne iuste indicare volentes suspicio quacumque remordeat, vel derogantes dicant, quia femina terrore & afflictionibus territa mendacium super se dixerit, quod mendacium sua libertate potitus, à se qui auctor criminis dicitur, & ab ipsa depellere poterat, se ei lex & iustitia seruaretur. Legant æqui indices primi libri legis Romana capitulum sextum de stupratoribus, & septimum de incestis ac turpibus nuptiis,*

& cetera quæ Christiana iura depromunt, de quorum iudicio ad nos in talibus quæcumque femina venerit deprehensa, canonicum in illam iudicium exercere curabimus.

INTER. XIII. Si idem Rex, postquam talia de prefata vxore sua audiuit, & ab eius carnali commercio suspensus fuit, fortè concubina vsus adulterium perpetraverit, & si hoc ad plurimorum peruenit notitiam, quo debeat sanari medicinali iudicio. **RESP.** Si fortè, ut fertur, Rex de quo agitur, post legaliter initum coniugium, cum alia aliqua carnis commixtione negotium concumbendi exercuit, negari non potest adulterium perpetrasse, etiam si femina, quam duxit vxorem, de talibus sicut reputatur rea fuerit fortassis inuenta, quoniam post legaliter initum coniugium ante legalem diffinitionem præsumpsit illicita. Quo autem debuit sanari medicinali iudicio, sacri decernunt canones, videlicet, ut pœnitentia, & secundum leges statutas, absque persona respectu, Episcopi arbitrio, ei pœnitentia tempora decernantur.

INTER. XIII. Si fortassis acciderit, ut quisque homo sacramento se obligauerit quod criminofum sit agere, virum quod iurauit, ne incurrat periurium, debeat adimplere, an ne crimen admittat quod male iurauit in irritum debet ducere. **RESP.** Si aliquid fortè nos incautiùs iurasse contigerit, quod obseruatum peiorem vergat in exitum, liberè illud consilio salubriori mutandum nouerimus, ac magis instante necessitate peierandum nobis, quam pro vitando periurio in aliud crimen grauius esse diuertendum.

INTER. XV. Si hoc verum esse possit quod plures homines dicunt, quia sunt femina, quæ maleficio suo inter virum & vxorem odium irrecòciliabile possunt mittere, & inenarrabilem amorem iterum inter virum & feminam serere, & quod vir legitime sortitam coniugem maritali commercio non possit adire, & aliis valeat feminis commisceri, & itidem eodem maleficio, potentia concumbendi, & dilectio quondam habita, per artem maleficarum possit restitui. **RESP.** Potest sepe occulto, sed nunquam & nusquam iniusto, diuino iudicio, sicut scripturarum auctoritate, & maiorum doctrina in Opus-

culi corpore demonstrabimus.

INTER. XVI. Quæ sit causa cur Deus, ut dicitur, sepe in legitimo coniugio permittat talia fieri. **RESP.** Occulta iustitia Dei licentia malignis spiritibus datur, ut quos volentes in peccati laqueo strangulant, in peccati pœnam ex iustitia retributione etiam nolentes trahant.

INTER. XVII. Et si fortè tales viri malefici, vel incantatrices femina inuenta fuerint, quid de huiusmodi fieri debeat.

RESP. Vehementius pastoralis custodia erga tales debet inuigilare, atque publicè in populo contra huiusmodi rei viros sermonem facere, eosque à tanti labe sacrilegij, & diuini intentione iudicij, & præsentis vita periculo, adhortatione suasoria renocare. Quos tamen, si emendare se à talibus atque corrigere nolle repperit, feruenti zelo debet comprehendere. & si quidem serui sunt, verberibus cruciatibusque, ut ad emendationem peruenire valeant castigare: Si verò liberi, in clausione digna, & districta pœnitentia eos debet coercere. Rex autem, si huiusmodi homines Ecclesiastica medicina sanari non possunt, æquitatis iudicio ut impios debet de terra perdere.

INT. XVIII. Si sepe fata femina iterum in iudicium venerit, & innoxia reperta fuerit, utrum ad eam vir eius redire debeat, an alteri femina valeat sociari. **RESP.** Hoc superfluum est iterare, quia supra ostendimus, quod si ante legaliter initum coniugium innoxia, & legaliter nupta suo viro fidem seruasse reperta fuerit, secundum Euangelicam & Apostolicam veritatem, & leges Ecclesiasticas, atque Catholicorum doctrinam, legitimum coniugium non valeat separari: & si vir & vxor separati fuerint, aut innupti permaneant, aut mutuo reconcilientur.

INTER. XIX. Si ipsa femina criminibus obnoxia, de quibus reputatur, inuenta fuerit, utrum idem Rex alteri feminae coniungi valeat. **RESP.** Si secundum leges Christianas, forenses scilicet atque Ecclesiasticas, inuentum fuerit quod illa coniunctio legalis non fuerit, sed magis incestus, & nullo coniugij nomini deputandus, valebit.

INTER. XX. Si tales causa reputata fuerint etiam ipsi Regi, unde publicam pœnitentiam agere debeat, postquam illa cri-

minosa inuenta fuerit; utrum ipse Rex post publicam pœnitentiam coniugem legitimam possit accipere. RESP. Si postquam pœnitentiam gesserit, timens lapsum incontinentie iuuenilis, copulam uxoris elegerit, ne crimen fornicationis incurrat, rem videbitur facere venialem, si præter coniugem nullam omnino cognouerit: in quo tamen non regulam constitui-
mus, sed quid sit tolerabilius æstimamus.

INTER. XXI. Si legaliter reiecta illa quæ criminata est, ipse etiam Rex post actam pœnitentiam, si voluerit, concubinam quam habuit, & cum qua post initum coniugium adulterasse dicitur, in coniugem possit accipere. RESP. Quia una est lex viri & feminae, si solutus fuerit à lege coniugis, sicut Paulus dicit de uxore, nubat cui voluerit, tantum in Domino, hoc est, ut Ambrosius dicit, sine suspitione turpitudinis, & religionis suæ feminae nubat, hoc est in Domino nubere. Quæ solutio, & licita copulatio duobus intelligitur, & duobus fit modis: scilicet in his qui aut nunquam legale inierunt coniugium, aut morte intercedente soluti sunt à lege coniugij. Denique, mortuo viro vel femina, cum quo vel cum qua verum connubium fuit, fieri post pœnitentiam verum connubium potest cum qua prius adulterium fuit. Summopere tamen est observandum, ne concubina vel cuiuslibet alterius feminae copulam coniugalem Rex, super quo voluerunt consulere consulentes, aliquo modo expetat, antequam legali virorum inlustrium iudicio, & sacerdotali decreto, coniunx, quam legaliter accepit, ipso etiam coniugis nomine iudicetur indigna, aut diuino iudicio migret à corpore: neque ante legitimam pœnitentiam in adulterio deprehensus, secundum leges Ec-

clesia, coniungi legitima; multo minus ei-
dem, de qua agitur, concubina se copulet.

INTER. XXII. Vtrum sequendum sit quod quidam dicunt quosdam docere Episcopos, ut sibi confessis viris vel feminis debeant patrocinium defensionis impendere, ne quisquam huiusmodi personas ad indicium reipublicæ audeat pro criminibus, unde eis confesse fuerant, etiam si multis nota sunt crimina, prouocare. RESP. Hoc quàm absurdum sit, quilibet sensatus, licet ignoret leges Ecclesie, recognoscit, sicut in subsequenti Opusculo ex auctoritate maiorum sufficienter ostendere procurabimus.

INTER. XXIII. Si, ut quidam dicunt, se non ex consensu vir & mulier propter continentiam, sed propter disidium aliquod separare voluerint, vel si separati se continere nequiuierint, vel reconciliari noluerint, auctoritate sua Episcopi possint eorum fragilitati consulere, dicentes quia secreta confessione ad Ecclesiasticam confugerant pietatem, sicut Bosonis mulier, de qua in Synodo apud Leucorum ciuitatem habita fuimus cum interpellatione commoniti, & ideo ab aliis, quàm ab Episcopis, quibus confesse tales persone fuerant, non debeant iudicari. RESP. Sciant quicumque hæc dicunt, secundum quandam modum huiusmodi capitulum quartum erroris fuisse illorum. in quatuor enim capitulis errauerunt, qui sancta Synodo Chalcedonensi derogare & contraire præsumpserunt, & ab Apostolica sede, atque vnanimitate totius mundi Episcoporum, sunt ut erronei condemnati. Denique septem quæstiones, quas præter istas soluendas accepimus, in processu Opusculi exponemus.



HINC MARI

ARCHIEPISCOPI

RE MENSIS,

DE DIVORTIO LOTHARII REGIS

ET TETBERGÆ REGINÆ,

PRÆFATIO.

DOMINIS REGIBVS GLORIOSIS,

& venerandis consacerdotibus nostris, ac cunctis in sinu catholice Ecclesie collocatis, Hincmarus nomine non merito Remorum Episcopus ac plebis Dei famulus, unà cum collegis dominis & fratribus meis Remorum Diœceseos venerandis Episcopis.



E omnibus dubiis, vel obscuris, quæ ad rectæ fidei tenorem, vel pietatis dogmata pertinent, sancta Romana Ecclesia, ut omnium Ecclesiarum mater, & magistra, nutrix ac doctrix est consulenda, & eius salubria monita sunt tenenda, maximè ab his qui in illis regionibus habitant, in quibus diuina gratia per eius prædicationem omnes in fide genuit, & catholico lacte nutrit, quos ad vitam præordinauit æternam. Vnde quoniam, sicut beatus Innocentius ad Decentium Eugubinum scribit Episcopum, manifestum est, in omnem Italiam, Gallias, Hispanias, Africam, atque Siciliam, Insulasque interiacentes, nullum instituisse Ecclesias, nisi eos, quos venerabilis Petrus, aut eius successores, constituerint sacerdotes, oportet eos hoc sequi quod Ecclesia Romana custodit, à qua eos principium accepisse non dubium est, ne dum peregrinis assertionibus student, caput institutionum videantur amittere.] Sed & quia, ut beatus Cælestinus eiusdem primæ sedis Episcopus, ad Venerium & ceteros Gallicanos dicit Episcopos, Non est agentium causa solorum, quando vniuersalis Ecclesia quacumque

Epist. xxxix.
in princip.

Epist. viii.

Aaaa iij

Epist. v. in
fine.

Ephes. 5. 32.

Act. 4. 12.

Psal. 98. 4.

Prou. 25. 5.

Psal. 88. 13.

Matt. 5. 4.

Prou. 16. 32.

Luc. 21. 19.

Psal. 96. 10.

Psal. 10. 6.

Psal. 44. 5.

Prou. 20. 8.

Prou. 29. 14.

Psal. 15. 3.

Mor. xxix.

cap. vi.

nouitate pulsatur, & ad Nestorium Constantinopolitanum scribens decernit, quod omnes debeant nosse quod agitur quotiens omnium causa tractatur, ad omnes vox nostræ humilitatis emittitur, quia licet de Rege & Regina, viro scilicet & vxore, qui secundum sacram auctoritatem iam non sunt duo sed vna caro, tractetur, de causa omnium generaliter agitur, quæ sacramentum magnum à diuino Apostolo in Christo & in Ecclesia appellatur, in quibus salus vniuersorum consistere creditur. De Christo enim Petrus Apostolus protestatur, *Quia non est nomen sub calo datum hominibus, in quo oporteat nos saluos fieri.* & sicut in diluuio omnes perierunt, quos non arca continuit, ita nemo saluari potest, qui fide recta & bonis operibus in vnitatem sanctæ Ecclesiæ non permanferit.

Sed & hac spiritali ratione prælata, de tam eminentissimi nominis dignitate & talibus personis causa non exigua ventilatur, vt reges terræ, & omnes populi principes, & omnes iudices terræ, iuuenes & virgines, senes cum iunioribus, in hac intendere debeant, & iudicij veritatem, & sacerdotalem consensum, & regiæ mansuetudinis, patientiæ, & dilectionis studium erga honorem suum, vnde scriptum est, *Honor Regis iudicium diligit.* & *Iustitia firmatur thronus eius.* & item, *Iustitia & iudicium preparatio sedis tue.* Et licet sint aliæ virtutes, sine quibus ad regnum non peruenitur æternum, tamen sine his tribus, quas posuimus, tyrannus fieri potest, regnum autem salubriter nemo potest obtinere terrenum, id est, sine mansuetudine, quia *mansueti hereditabunt terram*, sine patientia, quia *melior est patiens viro forte, & qui dominatur animo suo expugnatore urbium*, & *In patientia vestra possidebitis animas vestras*, sine vera dilectione, de qua dictum est, *Qui diligitis Dominum, odite malum*, quoniam qui diligit iniquitatem odit animam suam. Et item in Psalmo scriptum est, *Intende prosperè procede, & regna: propter veritatem, & mansuetudinem, & iustitiam*, Quia veritatem exsequens mansuetudinem cum iustitia conseruabit, vt nec zelum rectitudinis in mansuetudinis pondere derelinquat, nec rursus pondus mansuetudinis rectitudinis zelo perturbet, quoniam vt Sapientia dicit, *Rex qui sedet in solio iudicij dissipat omne malum intuitu suo.* & item, *Rex qui iudicat pauperes in veritate, thronus eius in æternum fundabitur.*

Ex sacerdotalis verò consensus atque discriminis parte Domino dicitur, *Misericordia tua ante oculos meos est, complacui in veritate tua. Non sedi cum concilio vanitatis, & cum iniqua gerentibus non introibo. Odiui Ecclesiam malignantium, & cum impiis non sedebo. Lauabo inter innocentes manus meas, & circumdabo altare tuum Domine, vt audiam vocem laudis tue, & enarrem vniuersa mirabilia tua.* Sed vt sanctus dicit Gregorius, Video alios, quibus per locum magisterij exhortandi sunt officia arguendique commissa, quia vident aliquid illicitum admitti, & tamen dum quorundam potentum offendere gratiam metuunt, arguere non præsumunt. Quisquis iste est, quid aliud facit, nisi vi-

det lupum venientem, & fugit? Fugit, quia tacuit: tacuit, quia de-
specta æterna gratia temporalem gloriam plus amavit. Ecce ante po-
tentis faciem intra sui se latebras silentij abscondit, & sicut perse-
cutioni publicè, sic occultè locum dedit timori. Bene de talibus Ioan. 12. 43
dicitur, *Dilexerunt gloriam hominum magis quàm Dei.* Quisquis igitur
talis est, si hæc districtè iudicantur, & si persecutio publica defuit,
tamen tacendo Christum negavit.]

Iudicibus autem præcipitur, *Si verè utique iustitiam loquimini, recta* Psal. 57. 1.
iudicate filij hominum. Ut cùm quisque mortalium iudicium dederit
publicum, si verum loquitur, verum & iudicet, nec ponat blanditiis
sermonum muscipulam deceptionis, per quam occultè interimat in-
nocentes, attendens quia homo videt in facie, Deus autem in corde. &
si oculus, id est, intentio cordis, simplex fuerit, totum corpus, id est,
omnis actio lucida erit, si autem ipsa intentio tenebrosa fuerit, iam te-
nebræ, quæ in actione erūt, ut modum, ita & nomen tenebrarum penè Mor. 1. 1. 1.
excedunt. Et S. Gregorius dicit, Video namque nonnullos ita perso-
nam potentis accipere, ut requisiti ab eo, pro favore eius non dubitent
in causa proximi veritatem negare. Et quis est veritas, nisi ille qui dixit,
Ego sum via, veritas, & vita? Neque enim Ioannes Baptista de con-
fessione Christi, sed de iustitiæ veritate requisitus, occubuit: sed Ioan. 14. 6.
quia Christus est veritas, ad mortem usque idcirco pro Christo,
quia videlicet pro veritate peruenit.] Et beatus Beda, Multi ho-
die Iudæ scelus, quod Dominum ac magistrum, Deumque suum In Lucam
cap. 22. 1.
pecunia vendiderit, velut immane & nefarium exhorrent, nec ta-
men cauent. Nam cùm pro muneribus falsum contra quemlibet te-
stimonium dicunt, profectò quia veritatem pro pecunia negant,
Dominum pecunia vendunt. ipse enim dixit, Ego sum veritas. cùm
societatem fraternitatis aliqua discordiæ peste commaculant, Domi-
num produnt, quia Deus caritas est, qui etiam si nullus pecuniam det, 1. Ioan. 4. 8.
Dominum argenteis vendunt, quia principis sæculi imaginem, id est,
exempla hostis antiqui, neglecta conditoris ad quam creati sunt imagi-
ne, sumunt.] Ille etiam Dominum vendit, qui eius amore ac timore
neglecto, terrena & caduca, immo etiam criminosa, plus amare & cu-
rare conuincitur. Cùm hæc ita se habeant, necesse est & Ecclesiasti-
cis, & publicæ rei iudicibus, ut ita sub oculis superni iudicis in qua-
cumque causa, & de quacumque persona decernant iudicium, qua-
tenus non sit in eodem iudicio aliquid fermenti malitiæ, doli, placi-
ditatis, simulationis, siue cupiditatis, vel spes cuiuslibet acquisitionis,
sed totum azyma sinceritatis, & veritatis, id est, iudiciū iustitiæ, æqui-
tas veritatis, puritas veritatis, ne, quod absit, maledictionem iudices in-
curramus, quæ generaliter à nobis ipsis, & à cuncta imprecatur Eccle-
sia in dicto prophetæ, *Muta fiant labia dolosa, & In corde, & cor-* Psal. 50. 29.
de locuti sunt, Disperdat Dominus vniuersa labia dolosa, quæ aliud Psal. 21. 3.
dicunt, & aliud corde abscondunt, à quibus interdum constat Psal. 11. 4.

quod dicitur, sed alio sensu interpretantur quod dicunt, quàm teste conscientia sentiunt.] Et sanctus Hieronymus in commento Matthæi dicit, Falsus testis est, qui non eodem sensu dicta intelligit, quo dicuntur.] Et de quibus iterum scriptum est, *Labor labiorum ipsorum operiet eos*, quando operientur sicut diploide confusione sua, id est, ponentur sicut clibanus ignis in tempore vultus Dei. videlicet, ut interiorius & exteriorius ardeant in sæculo iam venturo. Qui aliter ante conspectum illius, cui cogitatio hominis confitetur, liberi iudices esse non possumus, nisi ex corde & ore vera dicamus. verè quia tunc iuste iudicemus, & hoc etiam cum timore & tremore, ne fortè ignorantia delinquamus: quoniam, cum sit dictum, *In quo iudicio iudicaueritis, iudicabitur de vobis.* & *si non reprehenderit nos cor nostrum, maior est Deus corde nostro, & nouit omnia.* Et ideò in his etiam, quæ apud homines certa sunt, securi esse non possumus, scientes, ut Paulus dicit, quia *Dominus est qui nos iudicat*, qui sæpè iudicio humano iustificamur.

Quapropter regibus scribimus, ut quos Deus ideò in tam excellentissimo loco posuit, ut à subiectis omnibus valeant conspici, & ad speculi vicem haberi, quatenus prauis & rectis, vel terrori esse debeant, vel amor, illa satagant facere, de quibus nemo subiectorum eos iuste valeat reprehendere, & ea studeant summopere deuotare, quæ in subiectis pro ministerio sibi à Deo imposito necesse erit corrigere, ne audiant à redarguente se Apostolo, *Existimas ergo, ô homo, qui iudicas de his qui talia agunt, & facis ea, quoniam tu effugies iudicium Dei?* & iterum scriptum est, *Iudicium durissimum in his qui præsumunt fiet.* Et sanctus Spiritus, per beatos viros Benedictum & Cyprianum, confirmat quia vnusquisque rex de omnibus iudiciis suis æquissimo iudici Deo rationem reddet in die iudicii, & pro tantis rationem reddet, quantos sub cura sua habuerit, sine dubio addita & animæ suæ. & sicut in throno hominum primus constitutus est, nisi se & sibi commissos bene rexit, quantum cum Dei adiutorio præualuerit, omnes quoscumque peccatores sub se in præsentis sæculi habuit, supra se modo plagali in illa futura pœna habebit.

Ad confacerdotes autem nostros, ac per hoc ad nos ipsos, sermo noster dirigitur, ut ea doceamus quæ Dominus docuit, ea prædicemus quæ ipsi obnoxii conseruemus. quia sicut scriptum est, *Interroga sacerdotes legem meam*, ita nihilominus à Domino dictum est, *Tu audiens nuntiabis eis ex me.* audiens autem, vel inspiratione superna, vel lectione diuina, de quibus scriptum est, *Audiam quid loquatur in me dominus Deus, & scrutamini scripturas, & Lex Domini inreprehensibilis conuertens animas, testimonium Domini fidele, sapientiam præstans paruulis.* Quod verò subsequitur, *Nuntiabis eis ex me.* ex me, inquit, non ex te: quia non adulatoriè, neque mobiliter pro voluntate humana, sed sincerè atque constanter quæ à Deo, siue sacra scriptura, siue san-

sanctorum magistrorum doctrina, didicit prædicator, debet auditoribus suis proponere, & sicut de nobis, utinam non ad iudicium nostrum, dicitur auditoribus, *Interroga patres tuos, & adnuntiabunt tibi, maiores tuos, & dicent tibi*, & per nos eisdem præcipiendo suggeritur, *Venite filij, audite me, timorem Domini docebo vos*, ita & alibi dicendo contra nos queritur, *Ipsi pastores ignorauerunt intelligentiam*, quia intellectus bonus omnibus facientibus eum, & tenentes, inquit, *legem nescierunt me*, Quoniam qui fide & operibus, vita & moribus, verbo atque exemplo, commissis non prædicant, licet nomine tenus colant, secundum veritatem Dominum nesciunt, iuxta quod scriptum est, *Qui ignorat ignorabitur*, videlicet reprobabitur. Quo circa non est unde securi, nisi de misericordia Dei, esse possimus, de quorum manibus tantorum sanguis in die magni iudicii exigetur, quanti sine nostra commonitione in suis iniquitatibus pereunt, dicente Domino ad vnumquemque Episcopum, *Quia si non annuntiaueris iniquitatem suam, & ille iniquus non fuerit conuersus à via sua praua, ipse iniquus in iniquitate sua morietur, sanguinem autem eius de manu tua requiram*. Timendum est etiam, ne dicatur ab inspectore conscientiarum, quanto magis operum, nobis, *Clauem scientiæ tulistis, ipsi non introistis*, & alios qui introire poterant, licet verbo admonuissetis, opere destruxistis. Et sciendum est, & cum timore ac tremore maximo continuè recolendum, quia sicut spiritalius, ac proinde maius, tanto est periculosius episcopale quam regium ministerium, quanto & pro ipsis regibus rationem reddituri sumus regi regum, & pastori pastorum, in die tremendi examinis.

Deut. 32. 7.

Esa. 55. 12.

Esa. 56. 11.

Hier. 2. 8.

1. Cor. 14. 38.

Ezech. 3. 18.

Luc. 11. 32.

Gal. 5. 21.

Rom. 1. 32.

Matt. 18. 10.

Luc. 6. 30.

Matt. 5. 41.

Prou. 7. 28.

Ad cunctos etiam in sinu catholice Ecclesie collocatos hinc loqui decreuimus, ut & ipsi talia committere caueant, & quantum ex ipsis est, agentibus non consentiant, & per adulationem non faueant. de qualibus mirabilis dicit Apostolus, *Quoniam qui talia agunt, regnum Dei non consequentur*. & item, *Qui talia agunt digni sunt morte, non solum qui faciunt illa, sed etiam qui consentiunt facientibus*. Quæ idcirco in hac scedula enumerare omisimus, ne aliis dominis & consacerdotibus nostris, qui illa sufficienter sciunt, & melius ac congruentius nobis suis auditoribus exponere sapiunt, fecisse iniuriam videamur, præsertim cum frequenti Apostolica lectione cunctis Ecclesiam visitantibus inculcentur.

Hæc nostra eorum præmissa tendit locutio, quia nuper ad nos quidam ex Ecclesiastico, quidam verò ex laicali ordine, & pro officij sui loco, ac pro religionis merito, nec non & pro deuotionis atque nobilitatis suæ cultu, non contemnendæ personæ, quendam libellum, cuius hinc textum subiunximus, cum propositis questionibus direxerunt, petentes humiliter per Dominum nostrum Iesum Christum, qui dixit, *Videte ne contemnatis vnum ex his pusillis*. & *omni petenti te tribue, & volentem mutuari à te ne auertaris*. & *ne dicas amico*

tuo, vade & revertere, & cras dabo tibi, cum statim possis dare. & per beatum

1. Pet. 3. 15.
Prou. 11. 26

Petrum Ecclesiae suae iussit rectoribus, ut parati sint ad satisfactionem omni poscenti se rationem reddere: quoniam qui abscondit frumenta, id est, sacri eloquii documenta, maledicitur in populis, benedictio autem Domini super caput vendentium: quia docens ea quae Domino docente didicit, maiorem docendi gratiam, & ipse merebitur ab auditoribus, pretium fidei & confessionis recipiens, ut illorum petitionibus nullatenus negligeremus, neque dissimularemus, aut sub aliqua excusatione differremus, sed quantocyus, tacitis eorum nominibus, à quibus haec proposita fuerant, quibusque de propositis rescriberemus, quae ex his secundum scripturarum auctoritatem, & catholicorum patrum doctrinam, nobis Dominus dederit, per singula, sicut proposuerant, respondere breuiter studeremus. De quibus scribere nihil vellemus, sed vel sapientium doctrinam audire, vel quae sentimus verbo tantum enuntiare: & si erat scribendum, forte possemus congruentius dicendi ordinem texere, si talium ac tantorum adiurationem voluissemus aut valuissimus negligere. Vnde legentes haec quae de sanctis scripturis, & patrum traditionibus, eorum propositionibus rescribemus, non nos de responsionum ordine inordinato succenseant, & si ad talia, quae ad hanc rationem fortassis non pertinent, eorum tracti quaestionibus deriuamus, non nos pro superfluitate refugiant, neque nostrae sinceritatis responsionem quisquam ad iniuriam suam retorqueat, quoniam nos dicti Domini memores, *Non accipias personam in iudicio*, & item dicentes sanctos Apostolos, quorum licet indigni vices agimus, pro modulo nostro imitantes, *Non enim*, inquit, *possumus quae audiimus & vidimus non loqui*, de quibus interrogati sumus, non nostra, sed vel scripturae diuinae, vel eorum dicta, per quos Dominus locutus est, & à quibus illa didicimus, prout permisit breuitas temporis, & occurrit memoriae, propositis quaestionibus, immo quaerentium praemittentes quae interrogauerant, solutionibus sine adulatione respondere curauimus. Et idcirco generaliter ad omnes scripsimus, quia ad omnium ordinum personas causam pertinere cognouimus, & eos prodere, qui nobis proposita transmiserunt, prohibiti cum adiuratione praescripta sumus. Det autem Dominus in os nostrum sermonem directum benesonantem, ut possimus ad ea, de quibus interrogati sumus, conuenienter collecta proferre verba eorum, quibus Dominus dicit, *Non vos estis qui loquimini, sed spiritus patris vestri qui loquitur in vobis*. Det etiam gratia Domini nostri Iesu Christi, qui vult omnes homines saluos fieri, & neminem vult perire, ut placeant per nostrae humilitatis seruitutem dicta sanctorum excerpta in conspectu audientium ea, quibus generaliter Deus dicit, *Qui est ex Deo, verba Dei audit*. Quique discipulis suis dixit, *Qui vos audit, me audit*, & remoueat ab omnium audientium interiore cordis auditu obaudien-

Matt. 10. 10

1. Tim. 2. 4.

Ioan. 8. 47.

Luc. 10. 10.

di duritiam, qui iussit removere à sepulcro Lazari lapidem, & au- Ioan. 11.
ferat inobediendi vecordiam, qui olim promiserat per Prophetam,
Auferam à vobis cor lapideum, & dabo vobis cor carneum: & spiritum Ezech. 36.
meum ponam in medio vestri, & faciam ut in præceptis meis ambuletis, & 26.
iudicia mea custodiat, & operemini: ne eis, quod absit, contemnti-
bis sanctorum suorum consilia, quibus dixerat, Qui vos spernit, me Luc. 10. 16.
spernit, quod est valde terribile dicat, Propterea vos non auditis, id est, Ioan. 8. 47.
non obeditis, quia ex Deo non estis.

Et nemo nos excret impudicos de huiusmodi impudiciis, quas
verecundæ aures erubescendo refugiunt, fermocinantes, quia timo-
re Christi, quem in se locutum fuisse veraciter dixit, Paulus inter a-
lia de talibus disputavit, illa quæ ex interrogatis sentire poterimus,
nequaquam tacere audebimus, terrente nos eo atque dicente, *Qui* Luc. 9. 16.
me erubuerit & meos sermones, hunc filius hominis erubescet, cum venerit
in maiestate sua, & Patris, & sanctorum Angelorum.

Nemo etiam debet exacerbari audiens turpitudines infirmitatum,
quas venenata diabolicæ malignitatis calliditas humanæ infligit fra-
gilitati, sciens se, secundum Apostolum, circumdatum esse infirmi- Heb. 5. 2.
tate, & considerans seipsum, ne fortè & ipse tentetur. Neque debet
metuere, beato dicente Gregorio in regula pastorali, ut dum aliena Pastor. II. cap. v.
tentamenta condescendendo cognoscit, auditis tentationibus etiam
ipse pulsetur, quia & hæc eadem, per quam populi multitudo in
lutere, iubente Domino per Moysen facta diluitur, aqua proculdu-
bio luteris inquinatur. Nam dum fordes diluentium suscipit, quasi
suar munditiæ serenitatem perdit. Sed hæc nequaquam pastori ti-
menda sunt, quia Deo subtiliter cuncta pensante, tanto facilius à
sua eripitur, quanto misericordius ex aliena tentatione fatigatur.]
Et tanto alienarum infirmitatum impuritates & patienter audire,
& infirmis medicinali consilio, prout cuique expedire viderit, de- Hier. 6.
bet modis omnibus subuenire, quanto Deum, ut ipse per prophe-
tam dicit, sustinendo laborare in nostris iniquitatibus, & occulta de-
decora nostra, & ipfarum etiam cogitationum immunditias conspi-
cere, & misericorditer portare, diutina expectatione ignorare non
potest. Vnde sanctus Augustinus in libro quarto contra Iulianum,
dicit, Nos certè, si eos, in quos nobis potestas est, ante oculos nostros
perpetrare scelera permittamus, rei cum ipsis erimus. Quàm verò
innumerabilia ille permittit fieri ante oculos suos, quæ utique si
noluisset, nulla ratione permetteret: & tamen iustus & bonus est,
& quod post patientiam dat locum pœnitentiæ, nolens aliquem per- Hom. XIII. in Euang.
ire.] Quod cur fiat sanctus demonstrat Gregorius exponens scri- Eccles. 5.
pturæ testimonium, Altissimus est enim patiens redditor, quoniam
& patitur mala nostra & reddit. Nam quos diu ut conuertantur
tolerat, non conuersos durius damnat.]

AIUNT enim primo capitulo, Vxor domni Regis Hlotharij primò quidem reputata est de stupro, quasi frater suus cum ea masculino concubitu inter femora, sicut solent masculi in masculos turpitudinem operari, scelus fuerit operatus, & inde ipsa conceperit, quapropter vt celaretur flagitium potum hausit, & partum abortiuit. Quæ ipsa denegans, probationis auctore, testibusque deficientibus, iudicio laicorum nobilium, & consultu Episcoporum, atque ipsius Regis consensu, vicarius eiusdem feminae ad iudicium aquae feruentis exiit, & postquam incoctus fuerat ipse repertus, eadem femina maritali toro, ac coniugio regio, decreto, quo suspensa fuerat, est etiam restituta. Sicque post spatium temporis, nescimus vtrum de eadem re, an de commisso post initum coniugium, à quibusdam Episcopis talis sicut vobis transmittimus conscriptus habetur libellus, & per quorundam ora vulgatur, quia per secretam confessionem, quam libellus iste designat, vos ceteri omnes Episcopi, adsumpta parabola, eam debeatis funditus à maritali connubio remouere, & si etiam amplius exegeritis, cogetur vobis dare libellum manu sua firmatum, vt sicut Ebo quondam Remorum Episcopus per libellum secretæ confessionis à sede & ordine est submotus, ita & ista per libellum secretæ confessionis à maritali remoueatur consortio. Sed & de venerabili Remorum Archiepiscopo nobis est dictum, quoniam tali facto consentiat, & per Episcopos, Wenilonem scilicet Rotomagensem Archiepiscopum, & Hildegarium Episcopum, verbo vices suas impleuerit, & per Aduentium, qui cum eo Remis pro hac causa locutus fuerat, litteras consensus sui ad placitum Regis, & ad conuentum Episcopalem direxerit, & per eundem Aduentium litteras suas exinde ad Apostolicam sedem transmiserit. Vnde quid inde ex veritate secundum auctoritatem tenendum sit, à vobis per veritatem, quæ Deus est, remandari nobis deposcimus.

Textus autem libelli octo capitulorum huiusmodi esse dinoscitur.

CAP. I. *Nos Episcopi, qui in Aquensi palatio nuper vocati conuimus, quid ibi sensimus, quidve reperimus, ad notitiam fratrum & coepiscoporum deducere curamus, vt ipsi aurem cordis & corporis accommodantes discernant, & unanimi consilio inueniant quem exitum & quem finem huiusmodi causæ imponant.*

CAP. II. *Gloriosus Rex Hlotharius, familiare & secretum colloquium nobiscum habens, humiliter deuota puritate suas speciales ac proprias necessitates, consilium & remedium querendo, exposuit. Nos quoque sua bona voluntati congratulantes, lacrymis ipsius & suspiriis inuitati, & ad compassionem flexi, Domino inspirante, petenti, querenti, & pulsanti consilium dedimus, & medicinale remedium adhibuimus.*

CAP. III. Tunc isdem Rex lugubri voce, quod nos quidem non sine mœrore & dolore prosequimur, cœpit nobis dicere de sua uxore, quam desideravit habere, quod ipsa obnixis & continuis precibus postularet, ut vinculis coniugalibus absoluta, maritali videlicet toro, ut ipsa testabatur, indigna, sacrum velamen suscipere, & Christo Domino servire mereretur.

CAP. IV. Interea missus ipsius Regina nos accersivit, orans ut illam adire non tardaremus. ad quam nos accedentes, ipsa occurrere festinavit, & penè ad pedes nostros deuoluta, cœpit his verbis multum imprecari, Propter Deum, inquit, & propter ministerium vestrum, obsecro vos ut mihi verum consilium detis.

CAP. V. Cui nos è vestigio respondentes, Vtinam, aimus, Dominus nobis consilium, quod tibi veraciter & salubriter demus, administret: tantum tu dic nobis pura & veraci tuæ conscientiae confessione, quid est unde consilium tam expressa obtestatione requiris: quia aliter tibi quod petis præstare non possumus, nisi rei veritatem agnoscamus. Hoc tamen pramonemus, tibi que diligenter prohibemus Dei & nostra auctoritate, ut nec alicuius suasionem, immò deceptionem, ad alios honores inuitata, nec timore cuiuslibet pœnæ vel mortis, aliquod tibi crimen falsò confingas, & nos, quod absit, in errorem inducas: sed, sicut superius monuimus, rei veritatem, sicuti est, nec plus nec minus pandas, nōsque Domino donante, consilium & auxilium tibi præstare decertabimus, ut nequaquam à tua iustitia in aliquo defrauderis.

CAP. VI. Nequaquam, ait illa, teste Deo & propria conscientia, teste etiam meo confessore, aut à dextris, aut à sinistris aliter dicam, vel de me fatebor, nisi quemadmodum in veritate est. Recognosco, inquit, & de me ipsa scio, quia non sum digna in coniugali copula permanere: & inde vobis testem adhibeo præsentem Episcopum Guntharium, cui ego confessa fui: ipse enim nouit quia ego non sum digna. Quæ etiam mox se vertens ad ipsum Episcopum, implorando aiebat, Rogo, inquit, Episcopo, ut istos tuos confratres, sicut melius scis, intelligere facias, quia ita est sicuti de me testimonium perhibui. Cui memoratus Episcopus, Bonum est, inquit, ut tu ipsa istis meis confratribus quod adhuc latet aperias, quatinus ex tuo proprio ore quod diiudicent audiant. & illa, Quid necesse est, ait, ut aliter dicam nisi sicut tu nosti? propter Deum tibi sit, ut tu eis manifestes meam necessitatem, quo pariter cum seniore meo mihi licentiam detis, ut quod desidero faciam. quia, inquit, pro toto mundo nolo meam animam perdere: & ideo rogo vos propter Deum, & propter ministerium quod suscepistis, ut mihi quod postulo ad salutem animæ meæ non denegetis.

CAP. VII. Tunc nos Episcopi tentantes requisuimus, an ipsa ulterius vellet inde aliquam querimoniam mouere, aut aliquas insidias moliri, si suæ petitioni satisfactum fieret. Ad quod illa libera voce, Per eam fidem, quam colo, ait, vobis coram Deo promitto, quia in æternum nec per meipsam, nec per meum ingenium, ullam inde querelam mouebo.

CAP. VIII. Quid denique à sæpè fato confratre nostro, de hac re multum triste, & angustiantem, ac lugentem, atque quod unquam illius con-

feſſionis conſcius extitit admodum pœnitente, didicimus, hoc fratribus & Co-
epiſcopis, iuxta conditionem datæ licentię, viua voce narrandum eſt, vt ſicut
in primordio dictum eſt, cùm argumenta hætenus latentis cauſa perceperint,
vno eodẽmque omnes conſilio & conſenſu errorem expellant, & verum
ſtatuant.

RESPONSIO.

De huius libelli ſerie ſuperfluum duximus per ſingula quaſi re-
ſpondendo differere, cùm ipſe ſibi ſufficiat ea quæ continet demon-
ſtrare, & nec noſtræ laudis aſſertione indigeat, nec vituperationem
refugiat. Tamen quod in quinto capitulo ipſius relegimus dictum
de qua agitur feminæ, *Hoc præmonemus, tibiſque diligenter prohibemus*
Dei & noſtra auctoritate, vt nec alicuius ſuaſione, immo deceptione, ad a-
lios honores inuitata, nec timore cuiuſlibet pœnæ vel mortis, aliquod tibi cri-
men falſo conſingas, & nos quod abſit in errorem inducas, mirum eſt, ſi
antè non fuit cognitum quod ab ea erat dicendum, cur talia ei-
dem feminæ ante confeſſionem fuere præmiſſa: & ſi à pluribus
quæ dicenda erant antè fuerunt percognita, cur quaſi ſub ſecre-
ta confeſſione, quæ dicta ſunt profitentur eſſe recepta. Sed hoc
modo accidere potuiſſe putamus, quia ſicut legimus in litteris di-
uinitus inſpiratis, non ſemper adeſt prophetis ſpiritus prophetiæ,
dicente Helifeo de Sunamite ad Giezi puerum ſuum, *Dimitte illam,*
anima enim eius in amaritudine eſt, & Dominus celauit à me, & non in-
dicauit mihi. & quando vult iterum idem ſpiritus adeſt prophe-
tis. Vnde & Achias diuino ſpiritu inſpiratus, ad vxorem Hiero-
boam dicit, *mox vt audiuit ſonitum pedum eius introeuntis per*
oſtium, Ingredere vxor Hieroboam, quare te aliam eſſe ſimulas? Quapro-
pter ſi Domini ſpiritus, quoniam, teſtante Apoſtolo, & paſtores
Eccleſiæ propheta ſunt, reuelauit auriculam alloquentium mulie-
rem, ad ſecum ſimulatione fortaliſs aduenientem, in poteſtate ipſius
ſpiritus eſt, qui vbi vult ſpirat, vt occulta reuelatione illis ſuggeſſerit,
eidem mulieri Dei & ſua auctoritate præcipere, ne eis ſimulata præſu-
meret quoquomodo indicare. Nos autem de incertis diu diſputare
non volumus, qui certa ex ſcripturarum auctoritate proferre valemus.
Nam de adhortatione ad confeſſionem dictum legimus, *Revela domino*
viam tuam, & ſpera in eum. De ſubſequenti autem adhortationem
confeſſione item legimus, *Dixi, pronuntiabo iniuſtitiā meam Domino,*
& tu remiſiſti impietatem peccati mei. Huic quoque confeſſioni à Domino
repenſa eſt remiſſio, non punitio, quæ non eſt extorta per metum, ſed
prolata ad indulgentiæ ſpem per medicabile hortamentum, vt item di-
xit, *Et ex voluntate mea conſitebor ei,* nec inuitata ad præſentem honorẽ,
ſed ad futurā beatitudinem, quia ſcriptum eſt, *Vanum eſt vobis ante lucem*
ſurgere, ſurgite poſtquam ſederitis qui manducatis panem doloris. Ille enim

ante lucem surgit, qui à Dei custodia per negligentiam mandatorum eius se alienans cadit, & ante diem venturi sæculi in hac vita, quæ nocti est similis, honoribus extolli ac proficere appetit. Sendum ergo prius est per pœnitentiam, vt post rectè surgamus per indulgentiam, quia quisquis nunc se spontè per pœnitentiam non humiliat, nequaquam hunc sequens gloria exaltat. Qualiter autem non exaltari, sed humiliari per confessionem & pœnitentiam debeamus, Dominus in Euangelio Lucæ habitum pœnitentis demonstrat, dicens, *Olim in cinere & cilicio sedentes pœnitentiam egissent.* & Luc. 10. 13. in Psalmo, *Humiliaui in ieiunio animam meam, & Induebam me cilicio.* Psal. 34. 13. & *Factus sum conturbatus, & Cinerem tanquam panem manducabam, & potum meum cum fletu temperabam, & Vigilaui, & factus sum sicut passer solitarius in tecto.* Psal. 101. 3. Vnde & sacri canones iubent, Vt pœnitentes tempore quo pœnitentiam petunt, impositionem manuum, & cilicium super capita à sacerdote, sicut vbique constitutum est, consequantur. & Manus impositionem, cuius crimen vulgatum est, ante absidem accipiat: quod vnusquisque publicè pœnitens ab Episcopo suo, de cuius parochia est, debet suscipere. Illud autem quod generaliter lædit Ecclesiam, à Synodo, id est, conuentu Episcopali, medicabiliter debet sanari. Et miro modo hic libellus Episcopalem, qui pro causa generali fieri debet, & secretam describit confessionem, quæ specialem postulat medicinam.

Sed & septimum capitulum, in quo tentando interrogatur femina iam designata, vt ibi scriptum est, *Vtrum inde aliquam vellet querimoniam remouere, aut aliquas insidias moliri, si suæ petitioni satisfactum fieret,* ex quo iuratio demonstratur elicitæ, tarditatis nostræ est ingenio suspectum: ideò à nobis nihil est inde responsum, ne deuiare aut à legali tramite, aut à capituli semita videamur.

De eo etiam quod in præmissi libelli octauo capitulo scriptum est, *Quid denique à sæpè fato confratre nostro de hac re multum triste, & angustiante, ac lugente, atque quòd vnquam illius confessionis conscius extitit admodum pœnitente didicimus, hoc fratribus & Coepiscopis iuxta conditionem datæ licentiæ viua voce narrandum est, vt sicut in primordio dictum est, cum argumenta hætenus latentis causæ perceperint, vno eodémque omnes consilio & consensu errorem expellant, & verum statuunt, sciant & quicumque venerandi Episcopi, & reges gloriosi, & omnes in sinu matris Ecclesiæ collocati, quia hanc latentem causam sub hac conditione potius ignorare, quàm scire volumus, pro causis quas ostendemus. Videlicet, quia nimis habemus de peccatis nostris, & nobis à secretè confitentium deuotione confessis, & à nobis subditis publicè & pondere graui commissis, ad quæ deflenda oculi nostri nequaquam sufficiunt. quanto magis illa quæ latent, & per alios sanari melius quàm per nos possunt & abluui, curiositate, quæ graue est vt dicit Gregorius vitium, illa discere & audire quæramus. Vnde superadicto cumulo*

fic lugeamus, sicut ille pius & sanctus vir, cui illa femina confessa fuit, tristissimus & angustians atque poenitens, quia illius confessionis conscius fuerat, sicut ibi scriptum est, luxit. Sed legimus quia luxit Samuel Saulem, quoniam abiecit eum Dominus, ita ut
I. Reg. 16.7 Dominus diceret ei, *Vsquequò tu luges Saul, quoniam ego abieci eum?* Sed non legimus eum cuiquam manifestasse pro quo illum peccato luxerit, nisi ipsi Sauli, & quantum lacrymæ ipsius inde Domini auribus intimarunt.

Altera causa est, quia Spiritus sancti oraculo cautum esse dinoscitur, ut quique peccantes peccatorum suorum latentes causas spiritalibus senioribus patefaciant, qui sciant & sua & aliena vulnera curare, & non detegere ac publicare. Et propterea in sacris canonibus Africanani Concilij scriptum habetur, Ut si quando Episcopus dicit aliquem sibi soli proprium crimen fuisse confessum, atque ille neger, non putet ad iniuriam suam Episcopus pertinere, quod illi soli non creditur: & si scrupulo propriæ conscientiæ se dicit neganti nolle communicare, quamdiu excommunicato non communicaverit suus Episcopus, eidem Episcopo ab aliis non communicetur Episcopis, ut magis caueat Episcopus ne dicat in quemquam quod aliis documentis non potest convincere.] Quid est enim crimen confesso nolle communicare, nisi confessionem criminis publicare? Et quantiscumque Episcopis femina ipsa secreta confessione delictum suum prodiderit, sic quasi vni dixerit, secretum haberi debet. Vnde Augustinus exponens sententiam Leuitici, Si
Leuit. 5. peccauerit anima, & audierit vocem iurantis, testisque fuerit quod aut ipse vidit aut conscius est, nisi indicauerit, portabit iniquitatem suam, ita dicit, Hoc enim, inquit, videtur dicere, peccare hominem, quo audiente iurat aliquis falsum, & scit eum falsum iurare, & taceret. Tunc autem scit, si ei rei de qua iuratur testis fuerit, aut vidit, aut conscius fuit, id est, aliquo modo cognovit, aut oculis suis conspexit, aut ipse qui iurat illi indicavit, ita enim potuit esse conscius. Sed inter timorem huius peccati, & timorem proditiōis hominum, non parua extat plerumque tentatio. Possumus enim paratum ad periurium admonendo vel prohibendo à tam graui peccato reuocare: sed si non audierit, & coram nobis de re quam nobis indicauerat falsum iurauerit, vtrum prodendus sit, si proditus etiam in periculum mortis incurrat, difficillima quæstio est. Sed quia non expressit cui hoc indicandum esset, vtrum illi cui adiuratur, an sacerdoti, vel cuiquam qui non solum eum qui persequi non potest interrogando supplicium, sed etiam orare pro illo potest, videtur mihi quod se homo soluat etiam à peccati vinculo, si indicet talibus qui magis possunt prodesse quàm obesse periuro, siue ad corrigendum, siue ad Deum pro illo placandum, si & ipse confessioni adhibeat medicinam, & cetera quæ ibi prosequitur.] Quod autem de vno peccato diximus, de aliis etiam
iam

iam debet intelligi. Et Salomon dicit, *Qui ambulat fraudulenter, re-* Prou. II. 13.
uelat arcana: qui autem fidelis est, animi celat commissum. Et sanctus
 Gregorius in Pastoralis regula dicit, Tales, inquit, sese qui præ- Part. II. cap. V.
 sunt exhibeant, quibus subiecti occulta quoque sua prodere non e-
 rubescant: ut cum tentationum fluctus paruuli tolerant, ad pastoris
 mentem quasi ad matris sinum recurrant: & hoc quod se inquinari
 pulsantis culpæ sordibus præuident, exhortationis eius solatio ac
 lacrymis orationis lauent.] & notum de seipso unicuique constat,
 quia nemo est qui prælato suo peccata sua prodere non erubescat,
 si se denudari vel publicari putauerit. Et in Carthagenensi Con- Concil. Carth. IV. can. 23.
 cilio præcipitur, Ut Episcopus nullius causam audiat, de qua ei ne-
 cesse erit publicè iudicare, absque præsentia clericorum suorum: a-
 lioquin irrita erit sententia Episcopi, nisi præsentia clericorum suo-
 rum confirmetur.] Et Dominus in Euangelio, delinquentem, ad- Matt. 18.
 hibito vno vel duobus præcipit commoneri, ne quando ad Eccle-
 siam fuerit deferendum, qui monuerat, non corrector, sed deficienti-
 bus testibus iudicetur potius criminator.

Tertia causa est, quia de absconditis iudicare non possumus, nec
 debemus, quæ nos latent, sicut & hæc causa, quæ latens in antè fato
 libello pronunciatur, & nesciri à nobis perpetuò cupitur, si secreto
 consilio sanari nequitur. Et quoniam de latentibus iudicare non
 possumus, beatus Innocentius ad Exuperium Tolosanum scribit Epi- Epist. III. cap. 4.
 scopum requirentem, cur communicantes viri cum adulteris vxoribus
 non conueniant, cum contra vxores in consortio adulterorum virorū
 manere videantur, cum super hoc Christiana religio adulterium in v-
 troque sexu pari ratione condemnet. Quia viros suos, inquit, mulie-
 res non facile de adulterio accusant, & non habet latentia peccata vin-
 dictam. Viri autem liberiùs vxores adulteras apud sacerdotes deferre
 consueuerunt. & ideo mulieribus, prodito earum crimine, commu-
 nio denegatur: virorum autem latente commisso, non facile quis-
 quam ex suspicionibus abstinetur, qui utique submouebitur, si eius
 flagitium detegatur. Cum ergo par causa sit, interdum probatione
 cessante vindictæ ratio conquiescit.]

Textus libelli septem capitulorum taliter continetur.

CAP. I. *Postquam dominus noster Hlotharius serenissimus ac glo-* Libellus VII. Capitulum.
riosissimus Rex Tetbergam cum consensu & voluntate fidelium suorum ad
coniugium more regali sibi sociauit, & discordiarum querelæ inter eos cæpe-
runt exoriri, dictum est eidem principi à quibusdam, quomodo memorata
Tetberga scelus quoddam horribile ac nefas patratum vulnus occultum in a-
nimo siue in corpore haberet, in quo Deum grauiter offensum haberet, pro
quo etiam illi non esset digna, neque liceret, vel eum deceret ad coniugium
eam ampliùs habere.

CAP. II. *Ex opinione verò præmissa, quæ de illa per ora quorundam*
volitabat, præfatus Rex in conspectu fidelium suorum secretè ac manifestè

frequenter conlocutus fuit, & cum eis rationes habuit, unde iudicium postea per ipsorum consilium extitit factum, sed non diuina pietas indulgens rei veritatem manifestare voluit, sed cum postmodum ad fratrem suum Hludouicum Imperatorem in Italiam deuenisset, illuc apertius patratum scelus est illi manifestatum.

CAP. III. Proinde ne suspicio ista & nequissima fama de uxore regia diutius inexaminata aut improbata maneret, quatenus idem Dominus noster certior securiorque effectus de hac causa, cum qua illi agenda erant more regali liberiùs exsequerentur, conuenerunt iussu eiusdem principis, anno videlicet incarnationis Dominice DCCCLX. & regni eius V. indictione VIII. V. Idus Ianuarij, Aquis palatio Guntharius summus Capellanus & Teotgaudus Archiepiscopi, Aduentius & Franco Episcopi, Hegil. & Odelingus Abbates, siue alij fideles eius. Quibus omnia superius inserta referens, iubendo monuit praescriptos Episcopos atque Abbates, dirigens ad illam, ut de praedicta fama apud eam omnem rei veritatem perquirerent, sicuti & fecerunt. Nam ipsa confessa est eis, coram Deo & Angelis eius, omnia quaeque in illa erant, omneque secretum iuxta exortam famam penitus apparuit illis, ipsique reuersi nuntiauerunt praedicto Regi, quod ad uxorem non liceret illi eam habere.

CAP. IV. Primus Guntharius dixit, Confessa est Deo & nobis, quod vulnus in se haberet interius, non tamen sua sponte, sed violenter sibi inlatum, pro quo indignam se esse omnino iudicauit ad regalem siue maritalem torum iam ulterius accedere, & nullatenus posset pro praedicto scelere, quod turpe est dicere, coniugium famulare cum eo, vel cum quolibet amplius habere: & ideo deprecata est, licentiam sibi dari mutandi saecularem habitum, & à virili commixtione discedendi, nulla interueniente fraude iracundiae, vel etiam voluntate, quam contra eundem Regem haberet, sed ut illa discedente, ipse animo & corpore solaretur, & ipsa quod iniquè egit, per Dei misericordiam, & eorundem Episcoporum orationes deflare potuisset.

CAP. V. Aduentius dixit, Hoc me facinus & factum haecenus latuit, & nefas est illud, ut deinceps more maris & feminae simul conueniantis. & si tamen, ut prius fuit, vobis esset amabilis & dilecta, darem vobis consilium secundum ministerium mihi commissum, & probarem omnino ne ulterius lateri vestro sociaretur sicuti coniunx, sed iuxta petitionem eius velum accipere & habitum mutare hoc permetteretis.

CAP. VI. Similiter Teotgaudus Archiepiscopus dixit, atque consensit.

CAP. VII. Egil Abba, vice eiusdem Tetbergæ, ita faciendum suavit, & petiit, ut quia non sua sponte, sed vi oppressa rem nefandam perpetraverat, tribueretur ei facultas velandi, & locus quo patratum vulnus sanaret. quod verò simpliciter, & nullo incumbente timore, aut qualibet occasione vel voluntate, sed pro Dei amore, & animæ suæ solutione petebat.

De hoc libello rationabiliùs tacere quàm respondere delegimus, quoniam sicuti praemisso inrationabilitate ex maiori parte habetur

confimilis, ita veritati & rationi adeò habetur dissimilis, ut credi non debeat à præfatis confectus Episcopis.

Sed & in quodam Tomo, quem ex integro propter suæ prolixitatem hîc scribere deuitauimus, cuius initium est, *Anno ab Incarnatione Domini DCCCLX. Indictione VIII. mediante Februario mense, decernentibus gloriosis Regibus Hludouico, Carolo, atque Hlothario iuniore, in generali conuentu optimatum ex regno almi Hlotharij, actum est Concilium Episcoporum Aquisgrani palatio, Guntharij Agrippinensis, Theotgaudi Treuerensis, Vvenilonis Rotomagensis, Franconis Tungrensis, Hattonis Virdunensis, Hildegarij Meldensis, Hilduini Aui-niensis.*

CAP. XV. Ad locum de femina vnde agitur, ita scriptum reperimus, Porro illa, nulla securitate hoc celandi aut superandi fulta, primò Regi ordinem perpetrati reatus, ut fama fuerat, enarrauit. Deinde quibusdam Episcoporum simul & laicorum idipsum enucleauit. Postea quoque chartulam suæ confessionis, suo rogatu conscriptam, in nostra omnium & multorum laicorum præsentia, in manu gloriosi Regis Hlotharij porrexit, moxque coram omnibus palàm locuta, Domine mi Rex, inquit, propter Deum rogo, & propter vestram mercedem, ut mihi pœnitentiam agere liceat, quoniam & verbis & scripto confiteor, me coniugalem copulam non mereri, ideòque prostrata suppliciter expostulo, ut mihi iam nunc & deinceps non denegetis quod meæ saluti posthac succurrere potest. Textus itaque illius scripturæ hæc verba & hunc sensum continebat, Ego Thietbrihc, quam feminei sexus imprudentia, & fragilitas fefellit humana, & conscientia delicti mordet, propter spem salutis animæ meæ, & propter fidelitatem erga senioremeum, veram confessionem coram Deo & sanctis Angelis eius, ac venerabilibus Episcopis, siue nobilibus laicis, sic profiteor, quia germanus meus Hucbertus clericus me adolescentulam corripuit, & in meo corpore contra naturalem usum fornicationem exercuit, & perpetravit. Hoc testificor, teste mihi conscientia mea, non aliqua maliuola suggestionem persuasa, neque violenti necessitate compulsam, sed simplici voluntate rei veritatem sicuti est professa. Sic me adiuvet Dominus, qui peccatores saluare venit, & peccata simpliciter ac veraciter confitentibus veram indulgentiam promisit, si nihil fingo, si vera propria voce pronuncio, & litterarum chiro-grapho rem gestam confirmo: quia tolerabilius est mihi, imprudenti ac deceptæ feminae, coram hominibus culpam simpliciter confiteri, quàm antetribunal Domini erubescere, atque æternum vae habere.

CAP. XVI. Hoc itaque recitatio adstantium animos horror pariter ac dolor perculit, ac de tanta licentia diabolicæ fraudis sacerdotum pectora gemitus compleuit. Sed quamvis ista eius confessio credibilis appareret, tamen ne fortè pro aliqua deceptione, aut pro timore alicuius, sæpè dicta mulier mentiretur, denuò memoratum Regem alloquentes, magnis eum obtestationibus adstrinximus, ut nobis confiteretur, si eam suasione aut comminatione ad seipsam fallaciter criminandum compulisset. Econtrà ipse cum maximis attestat-

tionibus nobis declarauit, solam rei veritatem illam confiteri se persuasisse, nec in ea causa industriosè aliquid ampliùs egisse. Referebat etiam nobis in ipsa hora, quomodo postquam primùm infandam rem audiuit, & veram credidit, quantum inde doluit, quantumque sibi inopinatum malum, & minimè optata fors displicuit. Qualiter denique rem fœdam patienter ferre, & nisi iam tantum fama cucurrisset, occultare voluit, & quantum potuit fecit. Vnde & falsum iudicium se sciente pro verifica examinatione suscepit & tolerauit, ut si fieri posset tanta turpitudine incredibilis appareret, & sic in mundo euanesceret, ipsèque coram saculo in tam ignominiosa macula & ruinosâ offensione non remaneret. Postquam autem reuelata pestis latere non potuit, ac ipse pondus tanti opprobrii ferre nequiuit, maximè cum partibus Burgundia atque Italia discurrens nimis diffamatam ac diuulgatam fœditatem exhorruit, non est passus hanc causam sine Episcoporum examine diutiùs subsilere. Reuera lacrymosis suspiriis multipliciter id sibi de memorata femina inculcatum, & in hoc etiam regno à plurimis affirmatum non sine gemitu repetebat.

CAP. XVII. Nos igitur rursus eandem mulierem, primùm secretò, deinde coram laicis adiunimus, eamque cum adiuratione diuina monitis pluribus exhortati sumus, ne sibi ullo modo falsum crimen inferret. aeternarum quoque pœnarum minis, si hoc faceret, detertere curauimus: iterùmque de nostro consilio & auxilio, tuitione ac defensione contra omnes insidias vel violentias securam reddidimus, tantùm ut nobis iam tunc fiducialiter confiteretur, utrum persuasa, an compulsâ ad seipsam criminandum fuisset. Ad hæc illa aspero intuitu nos redarguens, Putatis, inquit, ut meipsam pro aliqua re in mundo ita perdere voluissem? Sicut enim confessa fui, sic confiteor, & sic confitebor. Tantùm obsecro propter Dei amorem, ut meis precibus desideratam misericordiam iam modò concedatis. Hinc nostra sollicitudo requisit, an ipsa vterius inde aliquam vellet querimoniam mouere, aut aliquas aliquando insidias moliri, si suæ petitioni fieret satisfactum. cuius obligationem & nostra illicò vnanimitas ita prosecuta est, Scias, ô filia, quia si nostram in te tuamque confessionem sententiam expectabis, ut te diuinâ & canonica comprehendat auctoritatis censura, & indissolubilis incipiat ligare sacerdotum catena, unde adhuc potes recuperare, si tamen potes, vterius, ut aestimamus, non recuperabis. Sic & laici plurimùm eam admonuerunt, maximè ipsius familiares & amici admodum illam, ne se deciperet, pulsando increpabant. Ipsa tamen, veluti si eius conscientia secretum intuentium oculis visibiliter appareret, immobilis in sua confessione perdurauit.

CAP. XVIII. Quid longiùs immoremur? Iam omni dubietate remota, & rei veritate comperta, nouum auditu scelus, nefandâque pollutione horrendum, præsertim cuius fœtorem iam diu per innumeros longè latèque fama dispererat, ne præsentibus ac futuris pestiferam corruptionem inferat; nisi seueriùs diligentiusque euellatur, nulla leui cura vel indulgentia tractandum visum est. Non enim dubium est, quia naturalis inter fratrem & sororem concubitus veniam temporalis non meretur honoris, & nihil aliud restat,

quàm vindicta & pœnitentia. nec habet ulterius progrediendi occasionem damnabile crimen, quod statim à prauaricatoribus multa quæ fuerant licita penitus amputat: ideoque hoc eo rariùs à sæculo contigit, quo constat quia nullus inde exemplum sibi præsumpsit, quod nunquam veniale apud mundi gloriam esse potuit. Sed cùm quilibet aliquoties in hanc miseriam lapsi sunt, non de exemplo alterius accidit, sed de antiqua diaboli fraude, & simili fragilitatis impulsu ac præcipitio recens & quasi noua ruina fuit. Istud autem contagionis genus, quod nunc incipit esse nouum, & antea nobis erat inauditum, cauendum est ne morbosam pestem, & incurabilem luem generi transmittat humano, ut ita videlicet origo perniciofa funditus extirpetur, quo nullum exemplum nullamque fragilibus relinquat occasionem. ne forte, quod absit, talis consuetudo inolefcat, qua naturalem consanguinitatis concubitum quis deuiter, & fornicari contra naturam in proprio genere, leue hoc æstimans malum, licentiùs assuescat.

CAP. XIX. His ergo consideratis & diligenter perspectis, lugendam incesti pollutionem, in publicum exhalatam, publicæ pœnitentiæ satisfactione purgandam decreuimus.

Hinc breuiter prælibamus, in processu plenius ostensuri, quia huiusmodi confessionis libellum fieri Leo Papa manifestissimè prohibet, sed & perinde vxorem à viro discedere posse, neque auctoritas sacra permittit. Quia etiam hæc femina suæ accusationis libellum, non Episcopis, ut ibi scriptum est, sed Regi porrexit, & laicis sua crimina denudauit, Rex legale iudicium construat, & secundum legem ac iustitiam laici coniugati laici Regis coniugem iudicent, & si de eorum iudicio ad Episcopale iudicium venerit, secundum leges Ecclesiasticas Episcopi ei iudicium medicinale imponant. De hoc quod ibi scriptum est, quod de tali facto Rex doluit, & contristato ei actio ista displicuit, cauendum illi est, ne tristitia eius non sit ablutio, sed sceleris quod absit confessio. Hæc enim est, ut doctores scribunt Ecclesiæ, & venerabilis presbyter Beda illorum sequens sententiam dicit, superni iustitiae iudicij, ut plerumque reprobi & agnoscant se & fateantur errasse, certamque erroris sui pœnitundinem gerant, nec ramen ab errando quiescant, quatenus eadem confessione, ac pœnitentia contra se ipsi testimonium dent, quia non nescij delinquant, dum à peccato quod culpant, cohibere detrectant, eoque iustius percant, quod foueam perditionis, quam præuidere valuerunt, declinare neglexerunt. Vnde scriptum est de Herode, quia contristatus

Ep. xxvii.
Episc. per
Campan.

Marc. 6.

ea petebatur, quæ & antea facere, si excusabiliter posset, disponebat: qui si caput Herodiadis peteretur, nulli dubium quia nec vellet dare, & veraciter tristis abnueret.] Vnde & hic dominus noster Rex, superni spectatoris intendens oculos, qui corda omnium conspiciat, & cui cogitatio hominis confitetur, diligentissime ponderet, si æquo dolore acciperet, & æqua vultus serenitate eum respiceret, à quo tunc forte audiret, Quia à te feminam istam absoluis, nec illa talem vel talem tibi quocumque modo ulterius vnquam adproximare permittas. De hoc quod Rex profitetur, quia falsum iudicium se sciente pro verifica examinatione suscepit, scientes de omnibus iudiciis nostris æquissimo iudici & regi regum rationes nos subtilissime reddituros, quæ sentimus absque respectu personæ, veritate cogente proferimus. Scilicet quia contra legale decretum, & Evangelicam veritatem agere præsumpsit, dicentem, *Non tentabis Dominum Deum tuum*, qui, ut iterum scriptum est, *inlusores deludet*, ut sacrilegus, quia contra sacra sacramenta per contemptum & inluso-riè fecit, pœnitentiam accipiat dignam & peragat, consentientes autem ei si qui fuerunt, legalibus & Ecclesiasticis iudiciis supponantur. Ceterum quod ibidem subsequitur, quia eadem femina secundum suas multas postulationes publica pœnitentiæ satisfactione purganda decreta est, si in iudicio legali posita, rationabiliter & iustè illud euasit, comite æquitate vel indulgentiæ pietate, bene utcumque se habet: ita tamen, ut contra Apostolum, licentia separationis eius scandalum non fiat infirmis, & virum suum mœchari non faciat. sin autem, audire cum fautoribus suis Apostoli verba debuerat, *Petitis & non accipitis, eo quod malè petatis*, Quoniam quæ se apud Regem & nobiles laicos accusauerat per scripturam, sicuti secundum leges Romanas quisque accusat alium sub conditione eisdem legibus designata, consequens non videtur, ut ab his legaliter non iudicata, vel indulgentia principalis sententiæ absoluta, ab Episcopis pœnitentia publica multari debuerit, cum in iudicio legaliter disposito, etiam carnifices absque prolato iudicio reum ad tormenta non pertrahant, nec sine indulgentia principali vinculis conligatum absoluant. Quod denique post valida auctoritatum testimonia, sed parum aut nihil illa quæ de præfata femina acta sunt confirmantia, immo & his quædam contraria, ibidem subsequitur, *De Rege autem nostro, & eius fragili iuventute, & labili incontinentia, ne populis regnoque ipsius periculum inferat, consuli adhuc magna necessitas imminet: & ideo summopere flagitamus, collegij vestri consilio & sincera cooperatione nos in Domino à vobis velociter consolari atque confortari*, mirabili dictu pendens nobis visa est prolata sententia, quoniam quæ requiratur exinde consolatio non profertur, nec vnde consilium dari debeat demonstratur. Quapropter expressius interrogari ab aliis, si coniugium hæc copulatio inter dominum Regem & sæpè dictam femi-

Matt. 4.7.

Prou. 3.34.

Iacob. 4.3.

non dicitur, quæ multo magis in fratrem refertur. Idcirco, pro tali dicto, antequam & per eum vel confessa vel conuicta clarescat in quem relatiuè relabitur, separari non potest. Sed & Episcopus, presbyter, vel diaconus, non ita ut vir & vxor, si in laqueum & tentationem diaboli inciderint, per manus impositionem remedium possunt accipere pœnitendi: sed sicut Leo scribit, huiusmodi lapsis ad promerendam misericordiam Dei priuata est expetenda secessio, ubi illis satisfactio, si fuerit digna, sit etiam fructuosa. nec perfectionem ad gradus redeundi Ecclesiasticos pœnitendo consequi praualebunt, sicut de viro & femina, si adulterauerint, communionis perfectionem consequi poterunt, scribente Gelasio, Huiusmodi etiam, si fortè subreperint, tam qui antè peccauerint, detectos oportere depelli, quàm sacræ professionis oblitos, prauaricatorésque sancti propositi proculdubio submouendos.] & Siricius, Illud quoque nos par fuit prouidere, ut sicut pœnitentiam agere cuiquam non conceditur clericorum, ita & post pœnitentiam ac reconciliationem nulli vnquam laico liceat honorem clericatus adipisci: quia quamuis sint omnium peccatorum contagione mundati, nulla tamen debent gerendorum sacramentorum instrumenta suscipere, qui dudum fuerint vasa vitiorum.] Et sicut in aliqua corporis parte præcisus, aut publicè pœnitens, ad Ecclesiasticum gradum canonicè non potest accedere, vel in Ecclesiastico gradu manere: ita nec digamus, qui ante baptismum vel post baptismum inuentus fuerit, Ecclesiastici gradus munere potest perfrui, sacra auctoritate docente: cum eadem auctoritas præcisos, vel publicè in adolescentia pœnitentes, siue nuptias digamiæ in laicali ordine non refutet. quoniam sicut aliud officium capitis, & aliud membri alterius pro diuersitate est corporis, ita alia causa est sacerdotis, & alia causa est plebis, aliâque pastoris, & alia gregis. Et secundum auctoritatem canonicam, vir & mulier, etiam causa fornicationis seiuncti, possunt mutua reconciliatione post pœnitentiam in coniugio reungi: Episcopus autem, vel presbyter, siue diaconus iustè & secundum leges Ecclesiasticas degradatus, ad gradum non valet denuò adspirare. Legat qui voluerit magni Leonis epistolas, & decreta Gregorij, in quibus inueniet Episcopum, vel presbyterum, siue diaconum, post depositionem canonicam ad gradus Ecclesiasticos adspirantem exilio deportari, vel in monasterio sub pœnitentia debere detrudi. Est etiam, quia mulier viro non potest dare libellum repudij, & viro mulieri dare libellum repudij, quod Moyses & non Deus Euangelio teste permittit, Dominus ipse prohibuit. Et Paulo docente, non atramento sed spiritu Dei viui lex in cordibus iustorum est scripta, sacræque canones, ut docent Damasus & Leo, eodem Spiritu sancto sunt conditi, de quo scriptum est, *Spiritus patris vestri qui loquitur in vobis, & Si quis spiritum*

Epist. xcv.
cap. 2.Epist. vi.
post mediū.Epist. i ad
Himerium.Matt. 10. 20
Rom. 8. 9.

poris curam agendi habet, Sub quo sensu idem Apostolus sequitur.

1. Cor. 7. 27 Et alligata est mulier lege viri quamdiu vir eius vixerit : mortuo autem viro soluta est à lege viri, nubat cui vult tantum in Domino. Et vir non potest uxorem suam dimittere quacumque de causa, & nulla alia nisi sola fornicationis causa, & si dimiserit eam, viuentem illa non potest aliam ducere, nec illa viro suo viuentem alteri nubere, quia scri-

Matt. 10. 9. ptum est, *Quod Deus coniunxit homo non separet.* Deus enim coniunxit, vnā faciendo carnem viri & feminae. Hanc homo non potest separare, nisi solus forsitan Deus. Homo separat, quando propter desiderium secundae uxoris primam dimittit : Deus separat, qui & coniunxerat, quando ex consensu propter seruitutem Dei, eo quod tempus in arcto sit, sic habet uxorem quasi non habens. Separat autem Deus, non à maritali & uxorea secundum Deum inita coniunctione, sed à carnali commercio & uxorei vsus commixtione. Quod si sufferre non possunt, non se fraudantur ab inuicem, nisi fortè ad tempus, vt vacent orationi, & iterum reuertantur in idipsum, vt non tententur à satana propter incontinentiam. In cuius tentationem per incontinentiam quisque eorum adulterando inciderit, antidoto salubris poenitentiae remedium poenitendi, & per Ecclesiasticam auctoritatem consequi perfectionem valebit. Episcopos autem, Presbyteros, vel Diaconos, qui mortali crimine dixerint se esse pollutos, secundum Valentianam Synodum, à supradictis ordinationibus legimus submouendos,

Can. 4. reos scilicet vel veri confessione, vel mendacio falsitatis. Neque enim absolui potest qui in seipsum dixerit mortis causam, quae dicta in alium puniretur, cum omnis qui sibi fuerit mortis causa maior homicida sit. Quam mortem sanctus Augustinus in sententia

Deut. 24. 7. Deuteronomij, *Si deprehensus fuerit homo sollicitans fratrem suum de filiis Israel, & vendito eo accipiens pretium, interficietur, & auferes malum de medio tui,* isto modo exponit dicens, Assidue hoc dicit scriptura, cum iubet occidi malos. Qua locutione vsus est etiam Aposto-

1. Cor. 5. 12. lus cum diceret, *Quid enim mihi de his qui foris sunt iudicare? nonne de his qui intus sunt vos iudicatis? auferite malum ex vobis ipsis.* Ex quo apparet eum voluisse intelligi, qui aliquid tale commisit vt excommunicatione dignus sit. Hoc enim nunc agit in Ecclesia excommunicatio, quod agebat tunc interfectio. Sic & quod leges civiles ministerio reipublicae morte condemnant, leges Ecclesiasticae degradationis vel excommunicationis iudicio puniunt. In Africanis quoque canonibus legimus, *Vt Episcopus, qui se communicasse non communicandis super se mentitus fuerit, Episcopatum amittat.* Vxor autem à viro tali conludio separari non potest. Huc accedit quod superius paulo posuimus, Episcopus, Presbyter, vel diaconus absolui non potest, qui in se mortis causam dixerit, quae dicta in alium puniretur. Quoniam haec causa ab hac muliere, vt fertur, in se solam non

INTERROGATIO III.

DE eo autem quod scriptum est, Sed & de venerabili Remorum Archiepiscopo nobis est dictum, quoniam tali facto consentiat, & per Episcopos, Wenilonem scilicet Rothomagensis Archiepiscopum & Hildegarium Episcopum, verbo vices suas impleuerit, & per Aduentium, qui cum eo Remis pro hac causa locutus fuerat, litteras consensus sui ad placitum Regis, & ad conuentum Episcopalem direxerit, & per eundem Aduentium litteras suas exinde ad Apostolicam sedem transmiserit,] ratio reddi debet. Si enim Pastor Ecclesiæ & Apostolorum primus, signa & miracula singulariter faciens, non dedignatus est in causa reprehensionis, cur ad Gentiles intrasset, & comedisset cum eis, cur eos in baptisma recepisset, sicut in Apostolorum actibus legimus rationem humiliter reddere, quanto magis nos peccatores, cum de re aliqua reprehendimur, reprehensores nostros ratione humili placare debemus? A. n. 4.

RESPONSIO.

VND E ego Remorum Ecclesiæ famulus omnibus credere veritati volentibus satisfacio, quia nec consensus, nec dissensus mei vices per præfatos, vel alios quoslibet venerabiles Episcopos, in hac causa verbo siue scriptura impleui, quia nec cum prænominatis Episcopis post proximas Kalendas Nouembris, vsque ad tempus illud quando hæc gesta sunt, fui locutus, nec ditionis meæ est, vt eis debeam auctoritatiuè quiddam iniungere, nisi sicut & illi mihi possunt caritosè quæ voluerint imperare. Aduentius autem venerabilis Episcopus, & filius meus Hincmarus Laudunensis Episcopus, gratia visitationis octauo Kalendas Februarias ad me Remis venerunt, & ex iussione Dominorum, atque ex nomine confratrum nostrorum, ad conuentum Aquisgranii palatio tunc proximè habiturum me, si pro infirmitate corporis possem, ire commonuerunt, sin autem ire ipse non possem, aliquem Coepiscoporum nostrorum, qui eorum tractatibus interesset, dirigerem. Vnde inter alia colloquentibus nobis, & etiam de his, quæ vulgante fama per laicorum, non solum nobilium, verum & plebeiorum ora audieram vxori domni regis Hlotharij reputari, vt si fortè proinde me & iussio principalis & vocatio sacerdotalis ad conuentum ire iuberet tutius & rationabilius esset, vt ad generalem Synodum ventilatio & diffinitio huiusce rei, quæ nouitate sua audientium aures, aut penè tinnire, aut facit penitus continere, ex integro differretur, quia nec ego ire infirmitate corporis præpeditus, nec coepiscopum Dioceseos nostræ sine consensu prouincialis conuentus valerem dirigere, nec causa, quæ sic generaliter ad omnes pertinet, cum paucis Episcoporum numero diffiniri deberet. Instante autem domino Aduentio tantum vt irem, vel coepiscopum nostrum mea vice dirigerem, & illic causa nobis aperiretur, pro qua

Christi non habet, hic non est eius. & Spiritus est Deus, & ubi vult spirat, & diuidit singulis prout vult. Quorum auctoritate canonum, siue pro infirmitate animæ, siue pro corporis ægritudine, dato libello manu sua subscripto, ab Ecclesia, cui præfederat Episcopus, & à suo se potest, si voluerit, remouere officio, sicut B. Gregorius in suis multoties designat epistolis, veluti ad Marinianum Episcopum Rauennatum, & ad cle- rum ac plebem Ariminensium, nec non & ad Anatolium diaconum, & ad Ætherium Episcopum, atque ad Brunichildem reginam. sed & in Gallicanis canonibus de Potamio Bracarenfi Archiepiscopo euiden- ter agnoscitur. Non autem legimus, vt femina, libello Synodali por- recto conuentui, à suo debeat coniuge separari, aut sine publico exa- minationis iudicio à coniugali valeat iugo disiungi. Sæpè enim cum maxima importunitate mulieres patimur reclamantes, quæ cum sa- cramento, quanto magis cum libello porrecto, adfirmare conan- tur, quoniam viri qui eas legaliter susceperunt illis non possunt concubitus reddere debitum, & alias multiplices imposturas oppo- nunt. Illi verò econtrà eas mentiri asserunt, sicut in multis rei com- probat exitus. Sed & viri vxoribus plura, quæ hîc inferere turpissi- mum vel superfluum ducimus, solent obicere. quibus si facilem præberemus adsensum, innumera separatorum turba instituti à Do- mino coniugij legalia fœdera violaret, quia si quocumque vt vellent modo, viri aut feminae lasciuiantes à iugo coniugij separari pos- sent, vt aut aliis connubiis iungerentur, aut furtiuis mœchatio- nibus polluerentur, libentissimè se mutuò separarent, sicut in a- dulescentulis viduis peruidemus, quæ ideò post absolutionem viro- rum velamen sacrum suscipiunt, vt licentiùs pluribus abutantur. Sed & interdum viri à legitimo se suspendunt coniugio, vt plurima- rum complexus vsurpent concubinarum. Quæ Spiritu sancto præui- dens, & cauere docens, inter cetera de huiusmodi loquens Aposto- lus dicit, *Volo iuniores viduas nubere, filios procreare, matres familias esse.* Vnde cautissimè ac prudentissimè auctoritatis Ecclesiasticæ discipli- nalis prouidit discretio, vt ab officio sacri ministerij, conscientia testimonium perhibente, viri Ecclesiastici se remouere, & dignis pœnitentiæ fructibus possint insistere, quia in hoc negotio nullius voluptatis atque calliditatis potest interuenire occasio, sed solius hu- militatis atque salutis deuotio. Vir autem & mulier, quoniam aucto- ritate sacra dicente, *Iam non sunt duo, sed una caro*, secreta confessio- ne, vel porrecto libello, separari non possunt, sicut scriptum est, *Quod Deus coniunxit homo non separet*, nec quocumque alio modo, nisi manifesta fornicationis causa. Et separati aut ita maneant, aut mu- tuò reconcilientur. Neque ita possunt disiungi, vt pars vnus corpo- ris in viro vel femina seruiat continentia, & pars in pollutione remaneat. Possunt autem ex communi consensu magis coniuncti ab opere vxoreo feriari, vt perpetuo amore continentia Deo vacent.

qua tanti ac tales consulti sunt, sine plurimorum conlatione, consultu, siue consensu, & antequàm de huiusmodi scripturarum auctoritates & patrum decreta reuoluam, ita sententiam finitiuam depromere vel consensum non audeo adhibere, uti quicquid à vobis diffinitum regulariter fuerit, vel melius ac rationabilius quàm mihi visum sit, à Deoplacito conuentu vestro fuerit terminatum, priusquàm id audiam, laudare vel retractare non debeo. Quapropter in calce huius nostræ exiguitatis schedulæ, non mea sed magni Leonis verba ad Rusticum Narbonensem Episcopum ponere dignum duco. Ut in his, Leo epist.
xcv. inquit, quæ vel dubia fuerint, vel obscura, id nouerimus sequendum, quod nec præceptis Euangelicis contrarium, nec decretis sanctorum patrum inueniatur aduersum. Peto denique vestram amabilem caritatem, ut pro excusatione mea in vestro sancto Concilio verbis vestræ prudentiæ iungatis huius diplomatis lectionem.

Processu denique temporis isdem domnus Aduentius ad me missum suum direxerat, per quem ei has iterum litteras destinaui.

Hincmarus Remorum Episcopus, dilecto fratri & venerabili Episcopo Aduentio plurimam in Salvatore salutem.

ET post quædam præposita ex negotio, pro quo missum suum direxerat, Ceterum licet mihi nihil inde significassetis, coniicio legationem vestram, in qua vobis, sicut Deo gratias prudentia vestra vos docet, satis cautè & providè est necesse incedere, quia talis est causa, & in tam eminentissimis personis, & in huiusmodi ordine, quæ ab omnibus erit ut necesse cognosci, ita etiam ponderari: quoniam, ut Celestinus scribit, uniuersalis Ecclesia quacumque nouitate pulsatur. Est enim inter Regem regum, & Regem terrenum, in lege prima primo homini in paradiso data, & à Deo & homine in Euangelio roborata. Est etiam de causa nobis hætenus inaudita, ex qua subtiliter necesse erit auctoritates sacras reuoluere, & leges Christianas interrogare, Pontificalem auctoritatem in suæ examinatione sincero & cauto gressu incedere, & quemque Christianum à recto itinere non deuiare. Oportebit vos siquidem Apostolico talia intimare, quæ ex corde & ore veraciter prolata, sicut scio quoniam facietis, diuinis oculis debeant apparere. & ut nemo aliter postea valeat inuenire, de nullorum consensu, siue Episcoporum, vel quorumlibet laicorum, pro cuiuscumque obtentus intentione Apostolica sedi suggerere, nisi de quorum scitis tractatu causam constare. ita nihilominus quæ iniuncta sunt exequi, ut quantum fieri poterit, seniores vestrum non possitis offendere, & præcipuè quod egeritis sacris regulis non debeat obuiare, vel quod absit diuinæ equitati atque iustitiæ contraire. Hæc, licet ex superfluo, sapientiæ vestræ scribo, quia carum vos habeo, & mihi dignati estis promittere, quod fidei vestræ me cum securitate possem committere, & à me voluistis exigere ut deuotionem meam vobis studerem rependere. Alias autem litteras nec sedi Apostolicæ, nec cuiquam Episcoporum, hætenus pro hac causa transmissi.

vel meæ exiguitatis persona, vel legati prouinciæ nostræ præsentia rogabatur, vespertina hora terminum conlationi imposuit, & nec à me interrogatus secretam causam, quam præmissus libellus significat, nec spontaneus mihi aperiens, quia fortè illam esse recognoui, quam vt præmissi audieram, & de qua plurimos Episcopos, quando iudicium purgationis exinde factum est, consultos didiceram, quàmque, vt dicitur, etiam feminæ in textrinis suis reuoluunt. Inter lucano adpropinquante nocturno, venerandus Aduentius ad suum diuertit hospitium, & Hincmarus Laudunensis Episcopus se in notam mansionem recepit. Ego autem vt infirmus lecto decumbens, postquam melius habere cœpi, propter quædam tunc mihi in mentem venientia, quoniam religiosus Aduentius mihi non dixerat, quare vocarer ad Synodum, & ego multipliciter de quæstione impacta feminæ cum eo locutus fueram, suspicans vt prædixi, quòd hæc ipsa quæstio causa vocationis posset existere, fore melius cogitavi, vt litteras ei de pridiana conlocutione nostra dirigerem, quarum exemplar quisque volet hîc potest relegere.

Hincmarus nomine non merito Remorum Episcopus, ac plebis Dei famulus, dilecto fratri, & venerabili Episcopo Aduentio plurimam in Salvatore salutem.

DE mihi impremeditata isto in tempore quæstione, de qua iam talia ac tanta audieram, vt de ea modo nihil me auditurum putauerim, plurima heri, quantum mea permisit infirmitas, mutua sermocinatione locuti, tandem sicut melius & rationabilius nobis visum fuerat, finem eidem causæ, vt Synodo generali seruetur, posuimus. Sed sicut iam vesperti, parum vos pro tempore tetigi, vnde nunc expressius vestram fidissimam commonendo benignè satagere deprecor caritatem, quoniam secundum iussionem dominorum, & vocationem consacerdotum, ipse infirmitate detentus ad conuentum vestrum ire non valeo, aut vice mea quemquam Coepiscoporum, more canonico regulari conlatione instructum, & prosequentibus litteris commendatum, mittere nequeo, quia instantia missionis & breuitas temporis, non permittit vt dominos & Coepiscopos meos in talibus consulam, sine quorum consultu, vt melius ipsi nostis, nihil, nisi quantum ad parochiam propriam pertinet, agere à venerandis regulis mihi permittitur, contra quas non sine vltionis periculo quiddam præsumitur, timeo ne dominus Rex putet meam debitam seruitutem se ab obsequio suo velle suspendere, & venerandi Episcopi suspicentur, si quid secundum sacras regulas diffinierint, cupere quod mihi non conuenit retractare. Vnde vestra dilectio, quæ meam deuotionem ore ad os conloquens didicit, sicut de vestra bonitate confido, sine scrupulo aliquo me faciat excusatum, quia sicut salubrius sensi, sapientiæ vestræ exposui, & tantillus homuncio in re tam maxima, & personis eminentissimis, de qua à tantis viris talia acta sunt, & ex

sed legitimos atque hereditabiles generabunt. Quapropter filij carissimi & meritò illustres, fide catholica suffragante, ita peracta legitima scitote esse coniugia. Aliter verò præsumpta, non coniugia, sed aut adulteria, aut contubernia, aut stupra, vel fornicationes, potius quàm legitima coniugia esse non dubitate, nisi voluntas propria suffragauerit, & vota succurrerint legitima. Nam fructus diuinus est præcepta diuina custodire. Ea quoque deserere, præsumptionem fieri nulli dubium est.] Cur ergo indignum est vnitatem Ecclesiæ custodiri? Idemque omnes pariter & sentiamus & pronuntiemus. Si enim aliter præsumpta fuerint, perdunt profectò ipsi transgressores seipsos, qui semetipsos decipiunt. Sed & de eiusmodi genere coniugij Angelus ad Ioseph ait, Ioseph fili Dauid, Matt. 1. 20. noli timere accipere Mariam coniugem tuam, id est, desponsatam. Et beatus Siricius Papa in decretis ad Himerium Tarraconensem Episcopum, capitulo quarto ita dicit, Epist. 1. Quòd non liceat alterius sponsam in matrimonij iura sortiri. De coniugali autem violatione requisistis si desponsatam alij puellam alter in matrimonium possit accipere. Hoc ne fiat modis omnibus inhibemus. quia illa benedictio, quam nupturæ sacerdos imponit, apud fideles cuiusdam sacrilegij instar est, si vlla transgressione violetur.] Ex Concilio Ancyranò capite decimo, De desponsatis puellis, & ab aliis corruptis. Desponsatas puellas, & post ab aliis raptas, placuit erui, & eis reddi, quibus antè fuerant desponsatæ, etiamsi eis à raptoribus vis inlata constiterit. Vnde etiam sæpenumerò & pluripliciter in sanctorum diffinitionibus legimus: sed ad ostendendum istius genus coniugij, satis superque ista sufficiunt.

Quia verò secundas nuptias non damnamus, immò recipimus, aliud genus coniugij & Apostolo docente suscipimus, & sancto Leone Papa in decretis ad Rusticum Narbonensem Episcopum, qualiter iniri debeant, monstrante cognoscimus. Ait enim capite decimo octauo, Non omnis, inquit, mulier viro coniuncta, vxor Epist. 107. est viri, quia nec omnis filius heres est patris. Nuptiarum autem fœdera inter ingenuos sunt legitima, & inter æquales, & multo prius hoc ipsum Domino constituyente, quàm initium Romani iuris existeret. Itaque aliud est vxor, aliud concubina: sicut aliud ancilla, aliud libera. Propter quod etiam Apostolus ad manifestandum Gal. 4. 36. harum personarum discretionem, testimonium ponit ex Genesi, vbi dicitur Abrahæ, *Eiice ancillam & filium eius. non enim heres erit filius ancillæ* Gen. 21. 10. *cum filio meo Isaac.* Vnde cum societas nuptiarum ita ab initio cōstituta sit, vt præter sexuum coniunctionem haberet in se Christi & Ecclesiæ sacramentum, dubium non est eam mulierem non pertinere ad matrimonium, in qua docetur nuptiale non fuisse mysterium. Igitur si quis filiam suam viro habenti concubinam in matrimonio dederit, non ita accipiendum est, quasi eam coniugato dederit, nisi fortè illa mulier

SECUNDO capitulo nobis remandari deposcimus, si de commissio post initum coniugium reputatur, qualiter debeat iniri coniugium, qualisque lex habeatur coniugij, & qualiter vel pro quibus rebus valeat separari: & si post disunctionem, vtrum vir aut femina ad aliam debeat copulam adspirare, vel si pari iudicio quicumque eorum in coniugio peccans debeat iudicari.

RESPONSIO.

QVIA verò in præmissi libelli, vt ostendimus, octauo capitulo scriptum habetur, vt argumenta hætenus latentis causæ percipientes errorem expellamus, & verum statuamus: & argumentum esse legimus, quod licet nondum sit, fieri tamen potest, & de coniugio agitur, ante quod sæpè ab humana fragilitate delinquitur, sæpè in ipso ineundo coniugio, sæpè autem post initum coniugium, grauiori noxa peccatur. ab ipsa radice incipientes, ponamus qualiter debeat iniri coniugium, deinde legem coniugij ostendamus, post autem si in coniugio peccatur, iudicium & iudicij ordinem demonstramus. vt quoniam peccatum malum est, & malum natura non est, ac per hoc substantiale non est, sed in boni substantia coalescit, & vt accidens infirmitas medicina depellitur, cum regula, videlicet incolumitas naturalis, & medicina infirmitatis posita fuerit, deprehendetur certiùs tortitudo atque accidens læsio, argumento quasi hætenus latentis causæ percepto, errorem expellere, & verum faciliùs statuere præualebimus.

Qualiter coniugium iniri debeat, & vetus & noua lex edocet, Domino per Moysen præcipiente, & in Euangelio demonstrante, Matt. I. 18. Cum esset, inquit, desponsata mater Iesu Maria Ioseph, antequam nuptiali celebratione conuenirent, sicut in nuptiis celebratis idem ostendit, quas sua præsentia sanctificare, & miraculo ibidem patratu inlustrare dignatus est, sed & sanctus Euaristus Papa Romanus quartus à beato Petro in decretalibus ad locum ita scribit, Epist. I. in principio. Similiter custoditum & traditum habemus, vt vxor legitimè viro iungatur. Aliter enim legitimum, vt à Patribus accepimus, & à sanctis Apostolis eorumque successoribus traditum inuenimus, non fit coniugium, nisi ab his qui super ipsam feminam dominationem videntur habere, & à quibus custoditur, vxor petatur, & à parentibus aut propinquiorebus sponsetur, & legibus dotetur, & suo tempore sacerdotaliter, vt mos est, cum precibus & oblationibus à sacerdote benedicatur, & à paranymphis, vt consuetudo docet, custodita & consociata, à proximis tempore congruo petita, legibus dotetur, & solemniter accipiat, & biduo vel triduo orationibus vacent, & castitatem custodiant, vt bonæ soboles generentur, & Domino in actibus suis placeant. Taliter enim & Domino placebunt, & filios non spurios,

adhibetur, Si cuius, inquit, vxor adulterata fuerit, vel si ipse adulterium commiserit, septem annorum pœnitentia oportet eum perfectionem consequi, secundum pristinorum gradus. Et de eorum separatione in Concilio Africano capite sexagesimo nono ita scriptum habetur, Placuit vt secundum Euangelicam & Apostolicam disciplinam, neque dimissus ab vxore, neque dimissa à marito, alteri coniungantur, sed ita mancant, aut sibimet reconcilientur; quod si contempserint, ad pœnitentiam redigantur.] Deinde auctoritas sequitur, Vt quocumque modo legitimè inita coniugia separentur, non sine sacerdotali conscientia, & absque legali iudicio debeant separari.] Item in Concilio Eliberitano, Femina fidelis, quæ adul- Can. 9. terum maritum reliquerit fidelem, & adulterum ducit, prohibeatur ne ducat: si duxerit, non prius accipiat communionem, nisi is quem reliquit, prius de sæculo exierit: nisi si fortè necessitas infirmitatis dare compulerit.] Similis sententia, & de viro tenenda est, quia vt Innocentius ad Exuperium Tolosanum Episcopum, & Augustinus in libro De decem chordis, & Hieronymus in epistola ad Oceanum de morte Fabiolæ scribunt, sub vna iudicij diuini lege tenentur si quacumque de causa dissociantur.] Vnde Innocentius ad Exuperium Tolosanum Episcopum capitulo septimo, De his etiam requisit dilectio tua, qui interueniente repudio alij se matrimonio copularunt, quos in vtraque parte adulteros esse manifestum est. Qui verò vel vxorē viuente, quamuis dissociatum esse videatur coniugium, ad aliam copulam festinarunt, neque possunt adulteri non videri, in tantum vt etiam hæ personæ, quæ talibus coniunctæ sunt, etiam ipsæ adulterium commisisse videantur, secundum illud quod legimus in Euangelio, *Qui dimiserit vxorem suam & duxerit aliam, mæchatur: similiter & qui dimissam duxerit, mæchatur.* Matt. 19. 9. & ideo omnes à communionem fidelium abstinendos. De parētibus autem, vel propinquis eorū, nihil tale statui potest, nisi incentores illiciti consortij fuisse detegantur.] Et S. Ambr. in lib. De Abraham, Vos moneo viri, maxime qui ad gratiam Domini tenditis, non commisceri adulterino corpori: qui enim se iungit meretrici vnum corpus est. nec dare hanc occasionem diuortij mulieribus. Nemo sibi blandiatur de legibus hominum, omne stuprum adulterium est, nec viro licet, quod mulieri non licet. Eadem à viro, quæ ab vxore debetur castimonia. Quicquid in ea, quæ non sit legitima vxor, commissum fuerit, adulterij damnatur crimine. Ergo aduertitis, quid debeatis cauere, ne quis sacramentis se indignum præbeat.] Cap. xxv. Concilij Agathensis, de his qui sine causa vxores suas relinquunt, ita scriptum est, Hi verò sæculares, qui coniugale confortium nulla culpa grauiore dimittunt, vel etiam dimiserunt, & nullas causas discidij probabiliter proponentes, propterea sua matrimonia dimittunt, vt aut aliena, aut illicita præsumant: si antequàm ad Episcopum prouincialem disce-

Cap. v.

& ingenua facta, & dotata legitimè, & publicis nuptiis honestata videatur. Paterno arbitrio viris iunctæ carent culpa, si mulieres quæ à viris habebantur in matrimonio non fuerunt, quia aliud est nupta, aliud concubina. & ancillam à toro abiicere, & uxorem certæ ingenuitatis accipere, non duplicatio coniugij, sed profectus est honestatis.] Et sanctus Ambrosius in libro de lapsu virginis dicit, quia inter decem testes confectis sponsaliis, & nuptiis consummatis, quævis viro femina coniuncta mortali, non sine magno periculo perpetrat adulterium.] Sed & quia extra ordinarios, ordo non præmittit Ecclesiæ, quin aut resipiscentes recipiat, aut contemnentes abiiciat, de multis ibi in Concilio Neocæsariensi capite tertio ita scriptum est, De his qui in plurimas nuptias inciderunt, & tempus quidem præfinitum manifestum est, sed conuersatio eorum & fides tempus adbreuiat.] Euenit etiam per bellicam cladem, & grauissimos hostilitatis incursum, ut vxor viri capti alteri coniungatur. rapiuntur quoque contra fas & iura viduæ vel virgines, ac sanctimoniales, vnde medicinæ sacris designantur canonibus, quæ hic ponere non necessarium ducimus. Ecce quibus modis sociantur coniugia, vel contubernia vsurpantur.

INTERROGATIO V.

QUALITER, vel pro quibus rebus, secundum auctoritatem inita coniugia separari valeant, & sine quibus separari non debeant, & si post disunctionem, vir aut femina vterque viuens ad aliam debeat copulam adspirare, vel si pari iudicio quisque eorum in coniugio peccans debeat iudicari.

RESPONSIO.

Luc. 3. 23.

PRIMÒ, qui secundum Euangelicam admonitionem, ut B. Augustinus in libro De bono coniugali dicit, amore sit salutis æternæ, ubi tanto melius quanto spiritalius seruatum quàm dissociatum coniugium dicitur. Et S. Augustinus in libro quinto contra Iulianum dicit, Dixit, inquit, Lucas Euangelista de Domino, quod putabatur filius Ioseph, quia ita putabatur, ut pereius concubitus genitus crederetur. Hanc falsam voluit remouere opinionem, non Mariam illius viri negare coniugem contra Angelum testem. quamquam & tu ipse etiam ex desponsionis fide eam nomen coniugis accepisse fatearis, quæ fides utique inuiolata permanfit. Neque enim, cum eam vidisset iam virginem sacram, diuina fecunditate donatam, ipse aliam quæsiuit uxorem, cum utique nec istam quæsiisset, si necessariam coniugem non haberet. sed vinculum fidei coniugalis non ideo iudicauit esse soluendum, quia spes commiscendæ carnis ablata est.]

Can. 19.

Secundò æquè secundum Euangelicam veritatem, causa fornicationis. vnde istiusmodi medicina in canonibus Ancyrani Concilij adhi-

nisterium illorum coniuncti, legibus sæculi, quæ Dei iustitia sanctificantur qua iustus quisque efficitur, non separentur, & si propter Deum separantur spiritualiter à carnali commixtione, ut adherentes Domino vnus efficiantur spiritus, velut Paulus de multis in Ecclesia constitutis, inter quos quidam publicani & meretrices, homicidæ fuerunt, & adulteri, loquitur, *Respondi vos uni viro, virginem castam exhibere Christo*, cum sacerdotalis conscientia benedictione plenius Domino coniungantur. Si autem & lege ciuili iusta & sancta ac Dominico præcepto concordante, propter fornicationis peccatum, quod humanæ fragilitati solet subripere, coniuges fuerint separati, Episcopalis curæ quæsierint medicinale consilium, ut sciat Episcopus quomodo iuxta qualitatem & quantitatem vulneris, modum, ac virtutem, adhibere debeat curationis medicamentum. Sic namque Dominus semel in cœna, pridie quàm pro reparatione & salute omnium qui in Adam perierant pateretur, de pane farina & aqua confecto, & calice sacrosancti altaris, qui aqua miscetur, Eucharistiam suis manibus benedixit, & ore commendauit, quam quotidie in omni catholica Ecclesia longè latèque per orbem diffusa, indeficientibus eisdem suis verbis, per manus & ora sacerdotum, in redemptionem & reparationem atque salutem credentium consecrat. à cuius communione viuifica peccantes publicè grauibus criminibus, quæ leges condemnant publicè, medicinali ferramento sacerdotes abscidunt, & post satisfactionem, ut congruere viderint, salutari refectione redintegrare procurant. Quoniam Ecclesiæ medici spirituales, videlicet Domini sacerdotes, de secretè sibi confessis peccatorum infirmitatibus medicinalia atque salubria possunt dare consilia: iudicio autem Ecclesiastico, id est, separatione à communione Ecclesiæ, vel à gradu, siue à consortio coniugali, neminem rationabiliter possunt secernere, nisi de criminibus aut publicè spontè confessum, aut apertè conuictum. Et habet modum & ordinem suum confessio vel conuictio in Ecclesiasticis gradibus, quæ hîc ponenda non ducitur: & habet modum ac ordinem suum publica confessio vel conuictio sæcularium hominum, quo publicè debeant iudicari. Non quo crimina graua non soluantur etiam secreta confessione ac pœnitentia, ne infirmi in Ecclesia scandalizentur, videntes eorum pœnas, quorum penitus ignorant causas: sed quod plurimorum constet perpetratum notitia, fiat sanatum scientia, & qui in Ecclesiæ peccauit sinceritatem, illi debitam exhibere studeat satisfactionem, & qui plures, quantum ex se fuit, suo destruxit exemplo, plures sanet suæ humilitatis antidoto, sicut de se Paulus dicit, *Qui prius fui blasphemus, & persecutor, & contumeliosus. Et, videbant, inquiens, quoniam qui prius expugnabat hanc fidem, isdem nunc illam prædicat, & in me glorificabant Deum. Est etiam, ut qui in pluribus Deum offendit, pluribus pro eo Dominum deprecantibus citius remedium*

1. Cor. 11:2

1. Tim. 1:15

Gal. 1:13

dij causam dixerint, & prius uxores, quàm iudicio damnentur, abiecerint, à communione Ecclesiæ, ac sancti populi cœtu, pro eo quòd fidem coniugij maculant, excludantur.] Et item in Concilio Eliberitano, Femina, quæ nulla præcedente causa reliquerint viros suos, & aliis copulauerint, nec in finem accipiant communionem.] Sunt & aliæ incestæ conjunctiones, earumque separationes, atque iudicia, de quibus hîc loqui festinantes ad alia superfedimus. De quibus cuncti legentes agnoscant, quia non ideò sancti & Apostolici viri, successores videlicet Apostolorum, ex eorum traditione leges statuerunt, quas hîc posuimus, vt nemo fidelium iuxta diuinam auctoritatem initum dissoluat coniugium sine Episcopi sui scientia, vt leges sæculi Christianas contemnamus, ac conculcare velimus, quas etiam in Ecclesiasticis necessitatibus promulgari sæpè soleat ab Imperatoribus & Regibus Ecclesia postulare, quarumque sententiis in suis iudiciis simul cum sententiis canonum Episcopalis auctoritas frequentius vtatur, & in tantum acceptet, vt Damasus & Leo, atque sanctus Gregorius, legum sententias fecerint esse canonicas, sicut in eorum inuenitur epistolis, & commonitoria ad Ioannem Defensorem euntem in Hispanias beatus Gregorius de sacris ordinibus per totum ex legalibus confecerit institutis. Vnde & cum aliis, per curricula temporum varia, Regibus atque Imperatoribus iura legalia decernentibus, nostri etiam æui Augustus piæ memoriæ Hludouicus, in Synodo ac placito generali apud Wormatiam, Apostolicæ sedis & Papæ Gregorij commeantē legato, cum aliis plurimis, de his, quæ Episcopi in Synodis per quatuor loca sui Imperij habitis necessariò & vtiliter nuper inuenerant, de hac vnde agitur causa omnium, tam Episcoporum, quàm & fidelium laicorum, votis conuenientibus, ita decernens, Quicumque, inquit, propria uxore derelicta, vel sine culpa interfecta, aliam duxerit uxorem, armis depositis publicam agat pœnitentiam: & si contumax fuerit, comprehendatur à Comite, & ferro vinciatur, & in custodiam mittatur, donec res ad nostram notitiam deducatur.] Christus quoque Dei virtus, & Dei sapientia per se ipsam dicat, *Ego sapientia habito in consilio, & eruditis intersum cogitationibus. per me reges regnant, & conditores legum iusta decernunt. per me principes imperant, & potentes decernunt iustitiam.* Sed ideo has leges & illi Christi vicarij, Apostolorumque successores constituerunt, & nos qualescumque ad vices illorum Dei præsidentes Ecclesiæ, hîc illas posuimus, vt sicut illam benedictionem, quam Dominus primò dedit in paradiso Adam & uxori eius, dicens, *Crescite & multiplicamini.* quæ semel data vsque hodiè & vsque in finem, non solum fidelibus, verum & infidelibus non negatur, sacerdotum ore ad sanctificationem, quam Christus nuptiis, vbi de aqua vinum fecit, sua præsentia contulit, fidelibus & deuotis viris largitur, ita sine illorum scientia per Deum, quia per mi-

Lib. xii.
epist. xi.

Prou. 8. 12.

Gen. 1. 28.

inter illam & suum coniugem indicarent, qui de talibus negotiis erant cogniti, & legibus sæculi sufficientissime præditi, eorumque legalibus iudiciis eadem femina se subiiceret, & quod de quaestione sua decreuissent, sine repetitione teneret: si verò crimen aliquod esset, inde pœnitentiæ modum, post illorum iudicium, ab Episcopali auctoritate deposceret, secundum quod sacri canones præfixerunt, ei imponere non negarent. Nobilibus autem laicis sacerdotalis discretio placuit, quia de suis coniugibus eis non tollebatur iudicium, nec à sacerdotali ordine inferebatur legibus ciuilibus præiudicium, & legem proclamationi feminae protulerunt, ac legali iudicio quaestioni terminum contulerunt. Sic & hanc causam, quæ de personis excellentissimis ventilatur, in medium iudicij sui deuocent, & secundum quod viderint æquitatis iudicio conuenire diiudicent: hoc solertissime cognoscentes, quia legaliter initum coniugium nulla potest ratione dissolui, nisi, vt præmisimus, coniuncta separatione spiritali, aut manifesta confessione, vel aperta conuictione, ex corporali fornicatione, Quia, vt beatus Augustinus in libro De bono coniugali dicit, nec pro ipsa etiam sterilitate licet vxorem viro, vel vxori virum dimittere, nec causa filiorum, pro quibus vxor ducitur, se aliis copulare: quòd si fecerint, cum quibus se copulauerint & ipsi committunt adulterium. Manet enim vinculum nuptiarum, etiam si proles, cuius causa initum est, manifesta sterilitate non subsequatur.] & item in eodem libro, Sicut ergo satius est mori fame, quàm idolothyti vesci, ita satius est defungi sine liberis, quàm ex illicito concubitu stirpem quærere.] Et in libris ad Pollentium de adulterinis coniugiis, multoties & frequentius inculcatum lector inueniet, quia vir ab vxore, & vxor à viro separari non potest, nisi sola fornicationis causa, possunt autem ea separari, ita tamen, vt aut innupti permaneant, aut inuicem reconcilientur.] Et sanctus Hieronymus in commento Matthæi, Dicunt Domino, inquit, discipuli eius, *Si ita est causa hominis cum vxore, non expedit nubere.* Graue pondus vxorum est, si excepta fornicationis causa, eas dimittere non licet. Quid enim si temulenta fuerit, si iracunda, si malis moribus, si luxuriosa, si gulosa, si vaga, si iurgatrix, & maledica, tenenda erit istiusmodi? Volumus, nolumus, tenenda erit. Cum enim essemus liberi, voluntariè nos subiecimus seruituti.] Et item in epistola ad Amandum presbyterum, Omnes igitur causationes Apostolus amputans, apertissime definiuit, viuentem viro adulteram esse mulierem, quæ alteri nupserit. Nolo mihi proferas raptoris violentiam, matris persuasionem, patris auctoritatem, propinquorum ceteruas, seruorum insidias, atque contemptum, damna rei familiaris. Quamdiu viuit vir, licet adulter sit, licet sodomita, licet flagitiis omnibus coopertus, & ab vxore propter hæc scelera derelictus, maritus eius reputatur, cui alterum virum accipere non licet. Nec hoc

Cap. xv.

Cap. xvii.

Matt. 19. 10.

Epistola
cxlvii.

1. Cor. 7.

Lib. xii.
epist. 32.

Matt. 18. 15.

Eccle. 7. 16.

consequatur, sicut sanctus Gregorius ad Felicem Siciliensem Episcopum scribit. Sunt enim iniqui, mali segregandi à bonis, & iniqui à iustis, ut saltem rubore suo conscientias suas recognoscant, & conuertantur à prauitatibus suis, & si incorrigibiles apparuerint, segregentur à fidelibus usque ad satisfactionem, iuxta Saluatoris Domini sententiam, qua inter cetera de peccante fratre præcipiendò ait, *Si peccauerit in te frater tuus, usque ad id quod dicitur, sit tibi sicut ethnicus & publicanus.* His ergo & aliis multis sanctorum patrum auctoritatibus, segregandi sunt mali à bonis, ne pereant iusti pro iniustis, sicut scriptum est, *Perit iustus pro impio.* Debet enim semper discretio fieri inter bonos & malos, sicut est inter hœdos & oues. Manifesta quoque peccata non sunt occulta correptione purganda, sed palàm sunt arguendi qui palàm nocent, ut dum aperta obiurgatione sanantur, hi qui eos imitando deliquerant corrigantur. Dum enim vnus corripitur, plurimi emendantur, & melius est ut pro multorum saluatione vnus condemnetur, quàm per vnus licentiam multi periclitentur. Nec mirum si inter homines hæc ratio custoditur, cum & inter iumenta fieri persæpè cognouimus, ut ea quæ scabiem vel impetiginem habere videntur, separentur à sanis, ne illorum morbo cetera damnentur vel pereant. Satiùs est enim ut mali manifestè corrigantur, quàm pro illis boni pereant.]

Prou. 12. 28

Hæc ideo dicta sint, cur leges posuimus, ut coniugati siue amore Dei, siue admissione peccati, cum sacerdotali conscientia separentur, vnde benedictionem inuendi acceperunt coniugium. Sed quia de separatione viri & vxoris nunc agitur, quæ non fit amore perpetuæ continentia, nec adhuc aperto ut dicitur crimine, sed quadam suspitione, necesse est ut per illius ordinis viros, videlicet per coniugatos, hæc ratio ventiletur, & secundum leges Christianas à Deo dispositas æquissimo examine iudicetur ac terminetur, & ubicumque in hoc negotio locum suum inuenerit vel sacerdotalis pietas, vel auctoritatis Ecclesiasticæ medicinalis seueritas, sine difficultate cum Ecclesiæ filiis, & iustitiæ iudiciis, non solum se offerat, verum & ingerat. Et quoniam scriptum est, *Ne transgrediaris terminos quos posuerunt patres tui,* quorum imitanda exempla nobis sunt vera doctrina, ad memoriam reuocare necessarium duximus, quoniam quidam nostrum, tempore sanctæ memoriæ domni Hludouici pij Augusti, in Attiniaco palatio tunc fuerunt, quando in vniuersali Synodo totius Imperij, etiam cum sedis Romanæ legatis, & in generali placito, femina quædam non ignobilis genere, nomine Northildis, de quibusdam inhonestis inter se & virum suum vocabulo Agembertum, ad Imperatorem publicè proclamauit: quam Imperator ad Synodum destinauit, ut inde Episcopalis auctoritas quid agendum esset decerneret. Sed Episcoporum generalitas ad laicorum ac coniugatorum eam remisit iudicium, ut ipsi

rit, cum quanta diligentia & inspectione ac iudicio medici, illud aut sustinebit ut sanari valeat, aut à se abscidet si sanari nequiverit, & ita de membro, immo de corpore, id est, de vxore sua faciat. Vnde rursus idem Apostolus dicit, *Viri diligite uxores vestras, sicut & Christus dilexit Ecclesiam, & semetipsum tradidit pro ea, ut illam sanctificaret, mundans eam lauacro aquæ in verbo.* Ephes. 5. 25. Certè enim Apostolicis viris tanta inter virum & uxorem, & tam præcipua atque excellens dilectio commendatur, salua tamen in ipso coniugio prælatione viri, & subiectione feminae, ut in illa coniunctione semel à Deo instituta, & legitimè conciliata, maior esse nec debeat, nec possit. Quid enim venerabilius quàm ut coniugium mysterium sit Christi & Ecclesiæ? Quid sanctius quàm ut sic diligant viri uxores suas, sicut Christus dilexit Ecclesiam, tradens seipsum pro ea, ut illam sanctificaret atque mundaret? Quid carius atque coniunctius, quàm ut vir caput sit mulieris, sicut Christus caput est Ecclesiæ ipse saluator corporis? Qui etiam in Evangelio de hac coniugij vnitione testatur dicens, *Itaque iam non sunt duo, sed una caro. Erunt enim, inquit, duo in carne una.* Matt. 19. 5. Addit adhuc Apostolus dicens, *Viri diligite uxores vestras, & nolite amari esse ad illas.* Col. 3. 19. Si ergo viri erga uxores suas non debent esse amari, quanto minus fæui, crudeles, eruenti, nullam eis seruantes legem, nullam rationem, nullum iudicium, quod etiam erga seruos Christiana religione custodiendum est, sed mox ut eis placuerit, indignatione & furore impio concitati, tamquam ad macellum illas duci faciant laniandas, & coquorum suorum gladiis more veruecum atque porcorum mactari præcipiant, vel ipsi etiam manu & mucrone proprio eas trucident, nequaquam semetipsos ad imitationem domini nostri Iesu Christi tradentes pro eis, ut illas sanctificent & mudent: sed potius zelo libidinis suæ ipsas in æternum disperdentes, & se earum sanguine impiè polluentes, cum in huiusmodi causa tanto iustius expectandum esset legitimum iudicium, quanto facilius maritali zelo potest perpetrari homicidium. Ex his nonnulli tam immites, & non humanæ affectionis, sed beluinæ immanitatis inueniuntur, ut prioribus vxoribus ex suspitione adulterij, nulla lege, nulla ratione, nullo iudicio, sed sola sua animositate, & crudelitate, vel libidine ad aliam uxorem vel concubinam tendente, occisis, adhuc sanguine recenti madentes, non solum nulla pœnitentia compuncti, aut aliqua humilitate Deo & Ecclesiæ satisfaciētes, sed exultantes in superbiis suis, incunctanter ad altare Christi accedant, & indifferenter sacra mysteria contingere præsumant. De quibus mysteria sua accipientibus semper dicit Christus quod dixit de Iuda, *Ecce manus tradentis me mecum est in mensa.* Luc. 22. 21. cum sine suo mortali periculo de peccantibus vxoribus poterant absolui iudicio, quod illi non expectantes, sed diuinæ legis præuenientes iudicium, incurrunt in dam-

Apostolus propria auctoritate decernit, sed Christo in se loquente,
 Matt. 19. 9. qui ait in Euangelio, *Qui dimittit uxorem suam, excepta causa fornicationis, facit eam mæcham: & qui dimissam acceperit, adulter est.*] Huic Euangelicæ veritati & Apostolicæ doctrinæ hoc modo concordant Innocentius, Leo, & Gregorius Apostolici, Africanum quoque Concilium, Ambrosius, Ioannes Constantinopolitanus, Origenes in commendatis à beato Hieronymo libris, Beda presbyter venerabilis, cunctique doctores catholici. Vnde si dominicum & tam euidentis præceptum non esset, vt etiam Paulus interrogatus de virginibus dans consilium, de hoc quiddam immutare nequaquam præsum-
 1. Cor. 7. 10. pserit, dicens, *De uxore, inquit, præcipio non ego, sed Dominus, uxorem à viro non discedere, quod si discesserit manere innuptam, aut viro suo reconciliari: aut talis esset locus scripturæ, vt auctores inde diuersa licet fidei non aduersa sentirent, sicut in canonibus habemus, plurimorum & maioris auctoritatis sequeremur sententiam. Nunc autem aliter sentire vel consentire non possumus, nec debemus, nisi sicut in litteris diuinitus inspiratis relegimus. Sanctus siquidem Paulus fornicato-*
 1. Cor. 6. 9. *res & adulteros idolis seruientibus iunxit, dicens, quia regnum Dei non possidebunt, & cum his nec cibum sumere iussit: & item scripsit,*
 1. Cor. 5. 11. *Quia fornicatores & adulteros indicabit Deus.* Sed & ipsi viri, qui vt
 Heb. 13. 4. ostendimus pari legis iudicio sicut & mulieres apud Deum tenentur, si adulterauerint, & tanto etiam grauiori pœna damnentur, quanto capita & rectores sunt mulierum, fragilioris scilicet sexus & vasis infirmioris, licentia indebita non debent præsumere, vt vxores suas adulterantes damnent sine iudicio, dicente in lege Domi-
 Exod. 21. 10. *no de seruo, qui pecunia domini sui est, Qui percusserit seruum suum, vel ancillam virga, & mortui fuerint in manibus eius, criminis reus erit.* Vnde & sacri canones, si quis seruum proprium sine conscientia iudicis occiderit, excommunicatione biennij effusionem sanguinis præ-
 Concil. Agath. can. LXII. *ciunt expiare: & si domina ancillam flagellis verberauerit, & inde mortua fuerit, si voluntate hoc accidit, post septem annos, & si casu,*
 Conc. Elib. can. 5. *post quinquennij tempora ad communionem præcipit eam admitti, seruata auctoritate de viatico munere, quod nulli est etiam in vltimo spiritu denegandum.] Si igitur in domo vniuscuiusque Christiani tanta æquitas & bonitas etiam erga seruilem conditionem seruanda est inter dominum & seruum, quanto maior & vberior ac plenior custodienda est inter maritum & uxorem, inter virum & coniugem,*
 Ephes. 5. 22. *inter caput & corpus: quoniam, sicut Apostolus docet, vir caput est mulieris, sicut Christus caput est Ecclesiæ, ipse saluator corporis: ita & viri debent diligere vxores suas, vt corpora sua. Qui suam uxorem diligit, seipsum diligit. Nemo enim vnquam carnem suam odio habuit, sed nutrit & fouet eam, sicut & Christus Ecclesiam. Attendat vir Christianus, si pes vel manus, aut genitale, vel quodcumque aliud membrum putrescere, vel cancro comedi cœpe-*

vobis ex eodem iudicio videatur, quoniam quidam dicunt nullius esse auctoritatis, siue credulitatis iudicium, quod fieri solet per aquam calidam, siue frigidam, neque per ferrum calidum, sed adinventiones sunt humani arbitrij, in quibus sapissimè per maleficia falsitas locum obtinet veritatis, & ideò credenda esse non debent. Sed & de purgatione sacramenti quid vobis videatur, cuius auctoritatis sit, nobis rescribi deprecamur, & vtrum verum esse possit, quod quidam dicunt, quia pro secreta confessione, quam ipsa femina fecit, sicut & testis est qui illam suscepit, vicarius ipsius in iudicium exiens incoctus euasit. Sed & dicunt, quia intentio illius feminae fuit de alio eiusdem nominis fratre suo; quando vicarium suum in iudicium misit, & idcirco se in eodem iudicio non coxit. Nec non, & si in iudicio, vel in sacramento, fraus quaecumque reperta fuerit post datam purgationem, vtrum causa in iudicio, vel sacramento purgata, in iudicium debeat legale reduci.

RESPONSIO.

At si de stupro & abortu ante initum coniugium agitur, de quibus præfatam feminam reputari comperimus, veniendum est prius ad examinationis iudicium, quo eam quasi purgaram audiui-
mus, & sic demum ponamus ex aliis quæ sentimus, ut sic hæc fortasse rata est ducenda purgatio, sine ulteriori labore quæstio conquiescat, & si irrita & iuste rationabiliter fuerit comprobata, quæstionis pelagus reperamus. Nam sicut Paulus dicit, *Fides est sperandarum substantia rerum, argumentum non apparentium.* Quod exponit Ioannes Constantinopolitanus, *Quoniam*, inquit, *ea quæ non videntur, & sunt in spe, sine substantia esse putantur, sed fides eis tribuit substantiam. sicut resurrectio nondum facta est, & necdum est in substantia, sed fides certæ spei facit eam subsistere in anima nostra, quæ argumentum, id est, coniectio est eorum quæ non videntur.* Coniectio quippe est in rebus admodum manifestis. Fides igitur visio est non apparentium, quæ ad eandem satisfactionem ducit, ad quam illa etiam quæ videntur: neque fides dici potest, nisi cum circa ea quæ non videntur, amplius quàm circa ea quæ videntur, satisfactionem quisquam habuerit. Qua de re ad inuestiganda ac comprobanda, & quasi oculato visui præsentanda quæ dubia vel obscura, quæ ex lege iudiciario ordine probari vel conuinci non possunt, duo sanxit auctoritas, iudicium scilicet, & iuramentum, quod vsitato nomine appellatur & sacramento, quia in eo illud oculis fidei peruidetur, quod corporis oculis non conspicitur.

De iudicio siquidem in libro Numeri scriptum est, *Locutus est Dominus ad Moysen dicens, Loquere ad filios Israel, & dices ad eos, Vir cuius uxor errauerit, maritumque contemnens dormierit cum altero viro, & hoc maritus deprehendere non quiverit, sed latet adulterium, & testibus argui non potest, quia non est inuenta in stupro: si spiritus zelotypia concitauerit virum*

nationis iudicium. Defendant se quantum volunt qui eiusmodi sunt, siue per leges, si vllæ sunt, mundanas, siue per consuetudines humanas. Tamen si Christiani sunt, sciant se in die iudicii nec Romanis, nec Salicis, nec Gundobadis, sed diuinis & Apostolicis legibus iudicandos. Quamquam in regno Christiano etiam ipsas leges publicas oporteat esse Christianas, conuenientes videlicet & consonantes Christianitati. Lex namque omnipotentis Dei in tres species diuidit omnia, quæ homines in mundanis rebus subdita habere vel possidere videntur, cum in Decalogi præceptis definit & dicit, *Exod. 10. 7. Non desiderabis uxorem proximi tui, non seruum, non ancillam, non bouem, non ouem, non asinum, nec omnia quæ illius sunt.* In quibus verbis sine dubio aliter considerata est dignitas vxoris, aliter conditio seruorum & ancillarum, & aliter vilitas brutorum animalium, siue insensibilium rerum, & ideo omnia ista suis meritis tractanda, suis gradibus discernenda ac iudicanda sunt. Hæc dicimus, vt considerent qui eiusmodi sunt, quia inordinato ordine viliorum apud se teneant conditionem vxorum, quam seruulorum. & si de seruo absque conscientia iudicis occiso dominus eius homicidij reus existit, nec effusionem sanguinis nisi per poenitentiam potest expiare, quid de coniuge sentiendum sit. Non autem hoc dicimus, vt iudicia debita conculcemus vel prohibeamus, sed illa potius experi, & sequi hortemur, cum sciamus legem Dei, qua omnis Christianus in die iudicii iudicabitur, vt recipiat secundum opera sua, nullum reum, nec ipsos adulteros, vel adulteras puniri permittere, nisi sub legitimis iudicibus & testibus, quos etiam publico iudicio à populo lapidari præcepit. Vnde & Susanna, cum falsò adulterij crimine accusaretur, & publico iudicio condemnata, & publico legitur absoluta. Et mulier in adulterio veraciter deprehensa, primum iuxta legem ad Phariseos, qui potestatem iudicii in populo exercebant, deinde etiam tentandi gratia ad Domini iudicium perducta est, qui non iudicium abnuit, sed fieri iuste, & à iustis præcepit.

Dan. 13.

Ioan. 8.

Quapropter, si quæcumque mulier in adulterio deprehensa, de lege Moyfi, quam Dominus in testamento veteri promulgauit, vel de Christianorum legibus publicis, quas amplectitur sancta Ecclesia, ad Episcopale iudicium venerit, medicina est manifestissima atque sufficientissima, & salubri Apostolicorum traditione virorum confecta, qua sine vllò ambiguitatis errore, diuina gratia & Ecclesiastica pietate medicari valebit.

INTERROGATIO VI.

TERTIO capitulo nobis remandari precamur, si de stupro, & abortu, præfata femina denotatur, vnde iam egit iudicium, quid

inquit Cassiodorus, hominum, sub testatione diuina aliquid polliceri. Iurare enim dictum est, quasi iure orare, id est, iuste loqui. Tunc autem quispiam iuste loquitur, quando ea quæ promittit implentur. Et sanctus Ambrosius in epistola ad Valentinianum Imperatorem, Quid est iurare, nisi eius quem testaris fidei tuæ præsumam diuinam potentiam confiteri? Et item dicitur in Psalmo, *Nec iurauit in dolo proximo suo*. Per dolum itaque iurat quisquis aliter facturus est quam promittit, credens periurium non esse decepisse nequiter credentis errorem. Et hinc sanctus Hieronymus, Multi sunt, inquit, qui dolosè iurant, ut decipiant proximum, quod abominatur pater luminum, dicente Petro, *Non es hominibus mentitus, sed Deo*. Et in libro Regum scriptum est, quia quando facta est fames in diebus Dauid tribus annis iugiter, & consuluit Dauid oraculum Domini, dixit Dominus, *Propter Saul, & domum eius, & sanguinem, quia occidit Gabaonitas*. Filij quippe Israel iurauerant eis, & voluit Saul percutere eos zelo, quasi pro filiis Israel & Iuda, dicens Iosue gratis eosdem Gabaonitas viuere permisisse. Hinc patet quanta impietas est periurium, cui Dominus tantam imposuit ultionem. Et Hieremias propheta, *Ecce vos confiditis vobis in verbis mendacij, quæ non proderunt vobis, furari, occidere, adulterare, iurare mendaciter*. Hinc ergo pensandum est, quantum crimen sit iurare mendaciter, quod adulterio, & homicidio, ac furto coniunxit Propheta, quorum perpetratores Apostolus, regnum Dei dixit non possidere. Et Hieronymus in expositione eiusdem Prophetæ, Poterat fieri, ut aliqui inuenirentur in populo, qui simularent cultum Dei, & iurarent per Dominum. Hoc præuenit, quod nequaquam Deus vanis sermonibus, sed veritate fidei delectetur, & dicet, Non eos diligo qui iurant per me, & iurant in mendacio, sed quorum corda labiæque consentiunt. Et in Zacharia propheta, *Quia omnis fur, sicut ibi scriptum est iudicabitur, & omnis iurans ex hoc similiter iudicabitur. Educam illud dicit Dominus exercituum, & veniet ad domum furis, & ad domum iurant in nomine meo mendaciter, & commorabitur in medio eius, & consumet eum, & ligna eius, & lapides eius*. Et in Ezechiele propheta, *Vino ego, dicit Dominus, quoniam in loco regis, qui constituit eum regem, cuius fecit irritum iuramentum, & soluit pactum quod habebat cum eo, in medio Babylonis morietur*. Spreuerat enim, inquit Hieronymus, Sedechias iuramentum, ut solueret fœdus, & cum omnia hæc fecerit, non effugiet. Et item Hieronymus, Ecce, inquit, dedit manum suam regi Ægypti, & tradidit se, & periurij contra Deum commisit sacrilegium. Et hinc item Hieronymus, Ne putaremus iuramentum, & fœdus, & pactum regis esse Babylonij, vel Sedechiæ qui fecerat, sequitur, In præuaricatione qua despexit me. Ergo qui contemnit iuramentum, illum despicit per quem iurauit, illique facit iniuriam, cuius nomini credidit aduersarius. Quicquid igitur contra Sede-

Epist. xxii.

Psal. 23. 4.

Act. 5. 4.

2. Reg. 21.

Hier. 7. 9.

1. Cor. 6. 9.

Zach. 5. 3.

Ezech. 17. 16.

4. Reg. 25.

contra uxorem suam, quæ vel polluta est, vel falsa suspitione appetitur. Et post computatum iudicium ad quod proinde exire debeat, addit, *Ibid. v. 28.* Quod si polluta non fuerit, erit innoxia. & si polluta inuenta fuerit, maritus absque culpa erit, & illa recipiet iniquitatem suam. De iuramento autem vel sacramento, ad Hebræos Paulus dicit Apostolus, *Heb. 6. 15.* Abrahæ namque promittens Deus, quoniam neminem habuit, per quem iuraret maiorem, iuravit per semetipsum. Homines enim per maiorem sui iurant, & omnis controuersia eorum finis ad confirmationem est iuramentum. Iunior quoque Papa Gregorius per Denualdum presbyterum Bonifacio Episcopo scripsit, *Epist. II. cap. 3.* Presbyter, inquit, vel quilibet Sacerdos à populo accusatus, si certi non fuerint testes, qui criminis inlati approbent veritatem, iusiurandum erit in medio, & illum testem proferat de innocentia suæ puritate, cui nuda & aperta sunt omnia, sicque maneat in proprio gradu.] Quæ sacramenti purgatio & in Ecclesiasticis, & in exteris legibus vsitatissima, & de fidei veritate etiam à primis sæculis esse constat exorta. Vnde silentio venerantes quæ in veteri & in nouo Testamento & ab ipsa dicitur Deitate, vt, *Gen. 22. 16.* Per memetipsum iuravi, dicit Dominus. *Psal. 109. 4.* Et, Iuravit Dominus, & non pœnitebit eum, & plura alia. Et, Amen Amen dico vobis. Multum quippe commendat Dominus quod ita pronuntiat, quia quodammodo, si dici fas est, iuratio eius est, Amen dico vobis. Amen enim interpretatur verum, & tamen non est interpretatum. cum potuisset dici, verum dico vobis, nec Græcus hoc Interpres ausus est facere, nec Latinus. sic mansit, non est interpretatum, vt honorem haberet velamento secreti, non vt esset negatum, sed ne vilesceret nudatum. Igitur verum dico vobis veritas dicit, quæ utique etsi non diceret, mentiri omnino non posset, tamen commendat, inculcat, dormientes quodammodo excitat, intentos facit, contemni non vult. Sed & Abraham ad seruum suum dixit, *Gen. 24. 2.* Pone, inquit, manum tuam sub femore meo, & iura mihi per Deum cali. Et rex ad Abraham, *Gen. 21. 23.* Iura mihi per Deum. & Abraham ait, *Genes. 26.* Ego iurabo. Et Isaac atque rex Abimelech sibi mutuò iurauerunt. Et in Hieremia, *Hier. 44. 26.* Ego iuravi in nomine meo magno, ait Dominus. Et Dauid, *Psal. 118. 106.* Iuravi & statui. Et in nouo Testamento legimus dixisse Apostolum, *Rom. 1. 9.* Testis est mihi Deus. & Ecce coram Deo, quia non mentior. & Quotidie morior, per vestram gloriam, fratres. Et in epistolis Leonis atque Gregorij, hinc qui voluerit quærere abundanter inueniet. Quantum denique in iuratione periurium sit cauendum, Dominus demonstrat in Exodo dicens, *Exod. 20. 7.* Non assumes nomen Domini Dei tui in vanum: nec enim infontem habebit Dominus eum, qui assumpserit nomen Domini Dei sui frustra. In vanum quippe & frustra, non vt nihil sit, sed vt ei, qui nomen Domini Dei sui in vanum & frustra acceperit, nocium vt criminis reo sit. Item in Leuitico Dominus dicit, *Leuit. 19. 12.* Non periurabis in nomine meo, nec pollues nomen Domini Dei tui, Ego Dominus. Et sanctus Dauid in Psalmo, *Psal. 14. 4.* Qui iurat proximo suo, & non decipit. Iurare est,

Nec verbi arte putes te fallere posse Tonantem,
 Cui nihil abstrusum est, cui tua corda patent:
 Qui non ut iuras, sed ut is iurasse putavit
 Cui iuras audit, sicque es utrique reus,
 Nempe Deo, in vanum cuius vis sumere nomen,
 Seu socio, quem atra fallere fraude paras.
 Si scelus ut facias iures, vota irrita sunt:
 Hoc illo est gravius, vulnus utrumque tamen.
 Vulnere parua minus, magis & maiora fatigant:
 Felix qui nullo vulnere laesus abit.

Ceterum de iudicio, postquam dixit Dominus de suo aduentu ad futurum iudicium, quod erit per ignem, commemorans illud quod per aquam est factum, Sicut, inquit, factum est in diebus Noë, ita erit & in die filij hominis. Et referens quod per ignem Sodomam iudicauerit, Similiter, inquit, sic factum est in diebus Lot. Christianitas ex antiquo, quæ inter acta est & agenda iudicia, sanxit & frequentavit iudicium quod fit per aquam, quodque sub Noë factum fuerat, in arca fidei liberans innocentes, & condemnans noxios: in ignita autem aqua, sicut factum est sub Lot in igne, & fiendum est in aduentu filij hominis, Petro attestante, qui dicit, Quod cæli erant prius, & terra de aqua, & per aquam consistens verbo Dei, per quæ ille tunc mundus periit. Cæli autem qui nunc sunt & terra eodem verbo repositi sunt igni reservati in die iudicii & perditionis hominum impiorum. Apertè docens quia non alij cæli sunt igne perituri, quàm qui aqua periti, hoc est, inania hæc & nubilosa ventosi aëris spatia. Neque enim aqua diluuij, quæ quindecim tantum cubitis montium cacumina transiit, ultra aëris ætherisque confinia peruenisse credenda est. Quocumque autem peruenire potuit, eo nimirum iuxta præfatam beati Petri sententiam, & ignis iudicii perueniet. Sed quia scriptum est, Cælum & terra transibunt, & iterum, Terra verò in æternum stat, sciendum est, quia cælum & terra, per eam quam nunc habent imaginem transeunt, attamen per essentiam sine fine subsistunt. Præterit enim figura huius mundi, Et erunt, inquit, cælum novum, & terra nova. quæ quidem non alia credenda sunt, sed hæc ipsa renouantur. Transeunt, & permanebunt. quoniam ab ea specie, quam nunc habent tergentur, & in sua semper natura seruantur, vnde scriptum est, Mutabis ea, & mutabuntur. Quapropter fieri aquam ignitam, ad hæc duo copulata in vnum indaganda iudicia, illud videlicet, quod iam per aquam factum est, & illud quod per ignem fiendum est, licet sint pro temporum varietate disparia, sed vnum sunt operationis mysterio, in quibus sancti liberantur inlæsi, & reprobi puniuntur addicti, Ecclesiæ, quam designauit arca diluuij, creditur tradidisse auctoritas, quæ etiam inde sanxit, ut aquæ baptismatis halitu sacerdotali sanctus insuffletur Spiritus, qui inter ipsa mundi primordia ferebatur super aquas, vñ

chiam fecit Nabuchodonosor, non suis fecit viribus, sed ira Dei, in cuius nomine fuerat periuratus. Legimus enim Sedechiam captum, ductum in Reblata, ibique interfectis filiis excæcatum, & instar feræ clausum cauea, translatus in Babylonem. Et sanctus Cyprianus in nono abusionis gradu, Regis ministerium esse dicit, impios de terra perdere, parricidas & periuros viuere non sinere.] Et sanctus Gregorius in homilia Euangelij de Martyribus, Ad extincta, inquit, eorum corpora viuentes ægri veniunt, & sanantur: periuri veniunt, & à dæmonio vexantur: dæmoniaci veniunt, & liberantur.] Hinc ergo colligendum est, quantum peccatum sit periurare in nomine Domini & sanctorum eius, quod & sacrilegium, vt præmisimus, dicit esse sanctus Hieronymus. Sed & quantum temeritas iurandi vitari debeat, nisi magna exegerit necessitas, aut aliorum qui non credunt veritati vtilitas, vt credant, & paci ac concordie per sacramentum consulatur, cauenda sit. Et Dominus in Euangelio demonstrat dicens, *Nolite iurare.* Et Iacobus in Epistola sua, *Ante omnia*, inquit, *fratres mei, nolite iurare, neque per calum, neque per terram, neque aliud quodcumque iuramentum: sit autem sermo vester, Est, est, non, non, vt non sub iudicio decidatis.* illo videlicet iudicio, sub quo decidit Herodes, vt vel peierare, vel periurium cauendo aliud necesse haberet patrare flagitium. At si aliquid fortè nos incautiùs iurasse contigerit, quod obseruatum scilicet peiorem vergat in exitum, liberè illud consilio salubriore mutandum nouerimus, ac magis instante necessitate peierandum nobis, quàm pro vitando periurio in aliud crimen grauius esse diuertendum. Denique iurauit Dauid per Dominum, occidere Nabal, virum stultum & impium, atque omnia quæ ad illum pertinerent demoliri: sed ad primam intercessionem Abigail feminae prudentis, mox remisit minas, reuocauit ensen in vaginam, neque aliquid culpæ se tali periurio contraxisse doluit. Iurauit Herodes dare saltatrici quodcumque postulasset ab eo, & ne periurus diceretur à conuiuis, ipsum conuiuium sanguine polluit, dum Prophetæ mortem saltationis fecit præmium. Non solum autem in iurando, sed in omne quod agimus, hæc est moderatio solertiùs obseruanda, vt si talem fortè lapsum versuti hostis inciderimus insidiis, ex quo sine aliquo peccati contagio surgere non possimus, illum potiùs euadendi aditum petamus, in quo minùs periculi nos perpeffuros esse cernamus, & iuxta exemplum eorum, qui hostilibus clausi muris, dum euadere desiderant, sed portarum omnium accessum sibi interdictum considerant, ibi necesse est desiliendi locum eligant, vbi muro existente breuiore minimum periculi cadentis incurrant. Et hinc ex sanctis scripturis, & catholicorum dictis, quidam orthodoxus & insignis poëta inter alia scripserit dicens,

Matt. 5.34.
Iacob. 5.12.

1. Reg. 25.

Prosper.

*At si iurandi te causa perurget & artat,
Id puris verbis, id gere mente pia,*

neque contristauit, vel quicquam molestiæ eis intulit, sed vincula eorum comburens, incendit quos reperit de Chaldæis ministros regis, qui eam succendebant. Sed in aquæ frigidæ iudicio non constare videtur, quod innoxij submerguntur, & aqua culpabiles supernatant, cum in cataclysmi iudicio innocentes cum arca leuantur, & noxij submersione perierint, & Ægyptij insequentes Hebræos per mare rubrum, respiciente Domino, in vigilia matutina per columnam ignis & nubis, submersi sint quasi plumbum in aquis vehementibus, & ne vnus quidem superfuit ex eis. Et filij Israel super littus stantes viderunt Ægyptios mortuos: & infideles ac peccatores terra sustinere non potuit, quando aperta est, & deglutiuit Dathan, & operuit super congregationem Abiron. Et Petrum fide fidentem aquæ instabilitas se calcantem sustinuit: in fide verò dubitantem iam penè dimersum obsorbuit, quando eum Christi dextera alleuauit. Et ipsius epistolæ sententiam de figura baptismatis in arca diluuij exponentes patres catholici dicunt, quia non aliis, sed ipsis aquis hæretici & mali Christiani ad inferna merguntur, quibus orthodoxi & iusti quique ad cælestia regna subleuantur. Sed sciendum nobis est, vt beatus dicit Gregorius, quod diuina operatio si Hom. xxvi in Euang. ratione comprehenditur, non est admirabilis: nec fides habet meritum, cui humana ratio præbet experimentum.] Et cum Paulus Apostolus dicat, *Est enim fides sperandarum substantia rerum, argumentum* Heb. ii. i. *non apparentium*, profectò liquet quia fides illarum rerum argumentum est, quæ apparere non possunt: quæ enim apparent, iam fidem non habent, sed agnitionem. Sed hæc ipsa Redemptoris nostri Greg. ibid. opera, quæ ex semetipsis comprehendi nequaquam possunt, ex alia eius operatione pensanda sunt, vt rebus mirabilibus fidem præbeant facta mirabiliora.] Et idcirco Dominus quædam de scripturis per semetipsum dignatus est exponere, vt sciamus rerum significationes quærere in his etiam quæ per semetipsum noluit explanare. Vnde in responsum accipiant, qui in diuinis iudiciis atque miraculorum signis experimentum humanæ postulant rationis, quoniam & iustos continens arca, qua fidelium est designata Ecclesia, fides sanctæ Trinitatis per incarnationem Iesu Christi ædificata, & omnes, de quibus dixit Dominus, *Finis venit vniuersæ carnis: coram me repleta est terra iniquitate à facie eorum, & ego disperdam eos cum terra, superfluente aqua operti, & non omnes submersi sunt, sed innoxij liberati, & puniti sunt noxij, sicut scriptum est, Ingressus est Noë, & filij eius, & uxor eius, & uxores filiorum eius cum eo in arcam, propter aquam diluuij. & post paululum, Rupti sunt omnes fontes abyssi magnæ, & cataractæ celi apertæ sunt, & facta est pluuia super terram quadraginta diebus & quadraginta noctibus. & item, Et multiplicatæ sunt aquæ, & leuauerunt arcam in sublime à terra. & post pauca, Consumptæque est omnis caro, quæ mouebatur super terram: remansit autem solus Noë, & qui cum eo erant in*

iam tunc virtutem sanctificationis aquarum natura conciperet, & quo rubigo omnium excoquitur peccatorum, cerei lumine sanctificato accensi, à loco teneantur immissi, donec eiusdem fontis consecratio compleatur per eum qui nocentis mundi crimina per aquas abluens, regenerationis speciem in ipsa diluuij effusione signauit, vt vnus eiusdemque elementi mysterio, & finis esset vitiis, & origo virtutibus, quique venturus est iudicare viuos & mortuos, & sæculum per ignem. Quia in eodem baptismo, in quo signanter Moyses propheta lignum velut in myrrhato fonte miserat & dulcoratus est, prædicata per Domini sacerdotem sanguinis Christi cruce, tres vnum sunt, non natura, sed operationis mysterio, id est, sanguis redemptionis, spiritus sanctificationis, & aqua lauacri, vbi exsufflatus & exorcizatus immundus spiritus exit ab homine, fitque mundi iudicium, & princeps mundi foras eiicitur. & qui in veritate non stetit, mendax & pater mendacij à veritate naturæ scernitur, quæ ad imaginem Dei condita, & ex aqua & Spiritu sancto renata, ad suum reformatur principium, ac fide interius exteriusque purgatur, & ab omni figmento mendacij totiusque malitiæ innocens comprobatur. Sed & si quis frigida tantum aqua, vel igniti cuiuscumque elementi iudicio, in auctorem & gubernatorem elementorum, quem omnia fideliter inuocatum sentiunt elementa, sicut in Moyse virga, & aquæ in sanguinem versa, & iterum sanguis in aquas, & petra quæ dedit aquam, & sub Heliseo sal vel lignum aquæ immissum, indubitanti fide, quæ est argumentum non apparentium, credens fieri satis sibi decreuerit, nihil differt. Aqua enim frigida, sicut & in baptismo sacatur, in diluuiio innoxij cum arca sunt ad cælum leuati, & noxij perdit, igneque sunt Sodomitæ puniti. Et in libro Numeri, aqua frigida, in qua Dominus imprecationes iussit elui, hausta à muliere adultera, computrescendum femur ipsius legitur. & Ioannes Apostolus de olei feruentis dolio euasit inlæsus. Et qui aquam ignitam delegerit, intelligat quoniam venientem ad futurum iudicium terribilem iudicem tempestas ignisque comitabuntur, sicut scriptum est, *Ignis in conspectu eius ardebit, & in circuitu eius tempestas valida*, vt tempestas examinet quos ignis exuret, & ignis ille futurus sanctis erit peruius, qui rapiuntur nubibus obuam in aëra Domino, & inflammabit in circuitu inimicos eius.

Heb. xii.

Psal. 49.

Quoniam quidem de purgationis iudicio per aquam feruentem vel frigidam se ratio intulit, dicamus quod quidam sagacis ingenij percunctantes adiiciunt. Constat nimirum, vt inquiunt, quia in aqua ignita coquuntur culpabiles, & innoxij liberantur incocti, quia de igne Sodomitico Lot iustus euasit iniustus, & futurus ignis, qui præbit terribilem iudicem, sanctis erit innocuus, & scelestos aduret, vt olim Babylonica fornax, quæ pueros omnino non contigit,

Moyse patres nostri transierunt, baptismum Christi sanguine rubricatum, & ipse Moyses ducem Christum, qui nos per baptismum eduxit de Ægyptia seruitute ad terram repromissionis, videlicet de peccati seruitute, & mortis dominatione, in libertatem gloriæ filiorum Dei, & in regnum æternæ vitæ, præfiguravit, sicut & petra per desertum cōsequens populum, qui nos in eremo istius sæculi mysteriis suis consequitur. Unde item dicit de baptismo idem Apostolus, *Quicumque baptizati sumus* Rom. 6.3. *in Christo Iesu, in morte ipsius baptizati sumus. consepulti enim sumus cum illo per baptismum in morte.* Quid est, inquit Ioannes Chrysostomus, in morte ipsius baptizati sumus? ut & ipsi moriamur, sicut & ille. Crux enim est baptisma. Quod ergo crux Christi & sepulcrum, hoc nobis baptisma factum est, tametsi non eisdem ipsis. Quapropter non dixit, complantati morti, sed similitudini mortis. ipse namque carne & mortuus est & sepultus, nos autem peccato in utroque.] Quibus dictis colligi posse videtur, ut consepultus Christo per baptismum in mortem, & liberatus per eundem baptismum à morte, & per peccatum ad eandem seruitutem & mortem reuersus, *Anima*, inquit, *quæ peccauerit, ipsa morietur.* Ezech. 18. 4. & 20. complantetur similitudini mortis in aqua, ut aut noxius comprobatus, velit nolit, quia sæpè bona inuitis præstantur, confiteatur, & per emendationis ac correctionis confessionem liberetur iterum à morte commissi peccati: aut innoxius Dei iudicio demonstratus, inter peccati reos non teneatur à nobis, complantatus similitudini mortis in aqua. Mare quippe, sicut suprà ostensum est, baptisma designans nihil in se mortuum retinet, quod, ut scriptum est, mortuos Ægyptios eiecit super littus. Ergo Ægyptius mortuus, id est, peccato obnoxius, quamdiu negando in peccati sui morte manet, ab aqua inuocatione veritatis, quæ Christus est, sanctificata non recipitur, non tenetur. Veniat autem ligatus iniquitatum suarum foras de latebris malæ conscientiæ confitendo, & per confessionem veritatis consepelietur in aqua, quasi quodammodo complantatus similitudini mortis verissimæ veritatis, liberatus ab eadem veritate. Conligatur autem fune qui examinandus in aquam dimittitur, quia, ut scriptum est, funibus peccatorum suorum vnusquisque constringitur. Qui ob duas causas conligari videtur, scilicet ne aut aliquam possit fraudem in iudicio facere, aut si aqua illum velut innoxium receperit, ne in aqua periclitetur, ad tempus valeat retrahi. Nam & Lazarus quatrduanus mortuus, per quem designatur quisque criminum mole sepultus, ligatus iniquitatis sepultus, & eisdem conligatus iniquitatis à sepulcro Domino vocante legitur egressus, & ipsius iussu à discipulis disligatus. Et hoc examinandus iudicio conligatus in aquam dimittitur, & conligatus retrahitur, & aut purgatus statim iudicio arbitrorum absoluitur, aut usque ad purgationem conligatus iudicio examinatur. Et item in sacra historia legimus, quia venit Helias ad Iordanem cum discipulo

Exod. 14.
20.

arca, & item post pauca, *Et clausi sunt fontes abyssi & cataractæ cali-*
& nubes vna tenebrosa facta est Ægyptiis & luminosa Hebræis, vt
iterum scriptum est, *Tollensque Angelus Dei, qui precedebat castra Israel,*
abiit post eos, & cum eo pariter columna nubis, priora dimittens, post tergum
stetit, inter castra Ægyptiorum & castra Israel. & erat nubes tenebrosa,
& inluminans noctem, ita vt ad se inuicem toto noctis tempore ac-
cedere non valerent. Et vna eademque virga, extenta super aquas,

Sap. 10. 18.

quæ erant quasi pro muro à dextris & à sinistris, filios Israel trans-
duxit, sicut scriptum est, per aquam nimiam, & inuoluit Ægyptios
in mediis fluctibus, vt ne vnus quidem superfuerit ex eis, quos vi-
derunt Israelitæ mortuos super littus maris, quos respexerat Domi-
nus in vigilia matutina, vt diximus, in columna ignis & nubis, &
expandit nubem in protectionem suorum, & ignem vt luceret eis

Ps. 104. 39.

per noctem, videlicet Christum, qui est columna lucis tenebras in-
fidelitatis depellens, & lucem veritatis ac gratiæ spiritualis affectibus
humanis infundens, & per columnam nubis, qui est Spiritus san-
ctus. in quo baptismo typus baptismatis iam sicut & in diluui-
o monstrabatur. Adhuc addamus, quia inuocauit Helias nomen Do-
mini Dei sui, & descendit de cælo ignis. Inuocauit & Helisæus no-
men Domini, & de aqua ferrum securis leuatum est ad manubrium
ligneum, & supernatauit aquis. grauior enim est ferri species quàm
aquarum liquor. aduertimus igitur maioris esse gratiam quàm natu-
ram. De his omnibus beati Ambrosij sufficiat explanatio, vt colligi
possit adfinitio, cur in frigida aquæ iudicio vnus fiat merfio,
alterius subleuatio. Ait enim in libro De sacramentis siue mysteriis,

Lib. 1. c. 7.

Verumtamen, ne in hoc sæculo diaboli fraus vel insidiæ præuale-
rent, inuentum est baptisma. de quo baptismo audi quid dicat scri-
ptura, immò filius Dei, quia Pharisei, qui noluerunt baptizari ba-
ptismo Ioannis, consilium Dei spreuerunt. ergo baptismus consi-
lium Dei est.] & post paululum, Quod mergis, soluitur sententia
illa, *Terra es, & in terram ibis.* Impleta sententia, locus est beneficio
remediique cælesti. ergo aqua de terra. Possibilitas autem vitæ no-
stræ non admittebat vt terra operiremur, & de terra resurgeremus.
deinde non terra lauat, sed aqua lauat, ideò fons quasi sepultura est.]

2. Tim. 3. 16

Ceterum, vt dicit Apostolus, *Omnis scriptura diuinitus inspirata utilis*
est ad docendum, ad arguendum, ad corripiendum, ad erudiendum in iustitia,
vt perfectus sit homo Dei ad omne opus bonum instructus. Et sicut in pa-
trum catholicorum dictis legimus, margaritum est sermo diuinus,
quod ex omni parte forari potest: & qui ad instructionem fide-
lium scripturarum testimonia profert, etiamsi aliter illa exposuerit,
quàm ea intellexerint per quos fuere prolata, non est fabricator
mendacij: saluo maiorum intellectu, hinc dicam quod ex eorum
verbis pro exiguitate ingenioli mei exculpere coniciendo posse
suspicio. Sanctus Apostolus docet rubrum mare, quod sub duce
Moysè

Et ad hoc adsumamus sancti Ambrosij verba dicentis, Denique, vt vobis adferamus exemplum, sanctus Apostolus Petrus, posteaquam in passione Domini lapsus videtur infirmitate conditionis humanæ, qui antè negauerat, postea, vt illum lapsum aboleret & solueret, tertio interrogatur à Christo si Christum amaret. tum ille dicit, Tu nosti Domine, quia amo te: tertio dixit, vt tertio absolueretur.]

Et quoniam, sicut suprà ostendimus diuina auctoritate baptismum esse iudicium, vnde & Iordanis baptismus designans interpretatur riuus iudicij, quo princeps mundi mendax & pater eius foras eiicitur, & baptismus Dei est consilium, diuini viri ad ignota inuestiganda inuenerunt iudicium aquæ frigidæ. in quo aquæ frigidæ iudicio, ad inuocationem veritatis quæ Deus est, qui veritatem mendacio cupit obtegere, in aquis, super quas vox Domini Dei maiestatis intonuit, non potest mergi, quia pura natura aquæ naturam humanam, per aquam baptismatis ab omni mendacij figmento purgatam, iterum mendacio infectam, non recognoscit puram, & ideo eam non recipit, sed reiecit vt alienam. Et vt in baptismo ab homine spiritus immundus, id est, princeps huius mundi eiicitur, ita & qui à diabolo, principe videlicet mundi huius, per peccatum reoccupatus, sicut scriptum est, *Quia cum exierit ab homine, reuertitur ad eum à bonis operibus vacantem, immò vacuum, cum aliis septem spiritibus nequioribus se, ab aqua inuocatione diuini nominis sacra reiecitur. Quem hominem, non naturalem, sicut ex aqua & spiritu renatus est, & purgatum, non carnis depositione sordium, sed interrogatione & confessione conscientie bonæ in Deum, verum potius talem, de quo in Leuitico scriptum est, sentit, Omnis, inquit, homo qui accesserit de stirpe vestra ad ea quæ consecrata sunt, & quæ obtulerunt filij Israel Domino, in quo est immunditia, peribit coram Domino. Non dicit, in quo fuit immunditia. Immunditia quippe eius in ipso est, qui mendacio contegit veritatem, & idcirco de stirpe sacerdotali, Vos, inquit, genus electum, regale sacerdotium, & in Apocalypsi, Fecisti nos regnum Deo, & sacerdotes, ad ea quæ consecrata sunt Domino accedens, quamdiu immunditia eius in ipso est, non poterit aquis inuocatione Dei sanctificatis immergi, vt innoxius pareat, sed pereundus monstrabitur. Expurgate, inquit Apostolus, vetus fermentum, vt sitis noua conspersio, sicut estis azymi. Ac si patenter dicat, Reputatum de crimine, atque negantem, quem idoneis testibus iudiciario ordine comprobare nequitis, aut sacramento, aut Dei iudicio expurgate, ne in medio vestri manens anathema, dicatur vobis, Anathema in medio tui Israel, non poteris stare coram inimicis tuis. & item dicit Apostolus, Nolite communicare operibus infructuosis tenebrarum. Vnde Augustinus, Nolite communicare, hoc est nolite consentire, & quia parum erat non consentire, si sequeretur negligentia disciplinæ, magis, inquit, & redarguite.*

Matt. 18.
& Luc. 11.

Leuit. 22. 3.

1. Pet. 2. 9.

Apoc. 5. 10.

1. Cor. 5. 7.

Ios. 7. 13.

Ephes. 5. 11.

Moral.
xxxiii.
cap. vi.

Iob 40. 18.

Lib. 2. c. 7.

Ioan. 21. 17.

Helisæo, & inuoluto pallio suo percussit aquas, quæ diuisæ sunt, & transferunt ambo. Postea leuauit Helisæus pallium Helisæ quod ceciderat ei, & ueniens ad Iordanem percussit aquas, atque inuocato Deo Helisæ diuisit ac transiit. Rectè enim per Iordanem fluxus nostræ mortalitatis exprimitur, quia & Iordanis Latine dicitur descensus eorum, scilicet Christianorum. Quia, inquit Gregorius, in Iordane flumine ipse auctor redemptionis nostræ baptizari dignatus est, rectè Iordanis nomine eorum multitudo exprimitur, qui inter sacramentum baptismatis tenentur. Vnde scriptum est in Iob de antiquo hoste humani generis, *Et habet fiduciam quod influat Iordanis in os eius.* quia postquam infideles quosque à mundi origine rapuit, adhuc se posse suscipere etiam fideles præsumit. Nam ore pestiferæ persuasionis eos quotidie deuorat, in quibus à confessione fidei reproba vita discordat. Vnde ac si pallio Helisæ inuoluto aqua percutitur, & diuiditur, & per eam transitus præparatur, quando tales, ut præmisimus ex verbis sancti Gregorij, conligantur, & in aquam dimittuntur: & quasi aqua diuiditur, cum aut quosdam aqua recipit, & innoxios ostendit, aut quosdam reiicit, & noxios esse demonstrat: & transitus præparatur, cum aut quidam à reputatis criminibus ad innoxios transferendi iudicantur, aut à negatione sua rei inter criminum noxios declarato iudicio deputantur. Nam & quando qui putatur & qui est noxius, in aquam examinandus dimittitur, à dimittentibus secundum quendam modum formæ baptismatis Dominus inuocatur, quatenus veritas unde requiritur demonstratur, & tenebras ignorantie nostræ inluminare dignetur, ne aut innocens iniuste à nobis damnetur, aut nocens sua negatione, aut diabolica fraude, aliquo modo impunitus euadat. Sed & ipse qui examinandus in aquam dimittitur, inuocationem inuocantium sua responsione & deuotione confirmat, iuxta formam quodammodo ante baptismum, sicut sanctus Ambrosius in libro De sacramentis dicit, Interrogatus es, Credis in Deum patrem omnipotentem? dixisti, Credo, & merisisti, hoc est, sepultus es. Iterum interrogatus es, Credis in Dominum nostrum Iesum Christum, & in crucem eius? dixisti, Credo, & merisisti: ideo & Christo es confepultus. qui enim Christo confepelitur, Christo resurgit. Tertiò interrogatus es, Credis & in Spiritum sanctum? dixisti, Credo. tertiò merisisti, ut multiplicem lapsum superioris ætatis absolueret trina confessio. Denique, ut vobis adferamus exemplum, sanctus Apostolus Petrus, posteaquam in passione Domini lapsus videtur conditione humana, qui antea negauerat, postea ut illum lapsum aboleret & solueret, tertiò interrogatus à Christo si Christum amaret, tum ille dicit, Tu nosti Domine, quia amo te. tertiò dixit, ut tertiò absolueretur. Sic & inuentus in iudicio noxius, si fuerit fortè super plura suspectus, iterato est iudicio examinandus, quousque inueniatur emendationis confessione probatus.

contrariis, calida frigidis, frigida calidis curat. Et in veteris Synagogæ vnius eiusdemque seditione quosdam terra absorbit, quosdam verò edax flamma consumpsit. Dúmque caro innoxia Saluatoris aquis frigentibus tingitur, opposita quondam noxiis romphæa ignea paradisi restinguitur. Sed & dispositione ipsius elementorum conditoris atque rectoris, vno eodemque sole lutum stringitur, cera liquatur. Hæc dicta sint, quia elementum instabile, in mergendo pro fide credentium quosdam recipit, quosdam autem non recipit. sed & feruore elementi eiusdem quidam coquuntur, & quidam euadunt incocti.

Nec prætereundum, quia legimus in Capitulis Augustorum, fuisse vetitum frigida aquæ iudicium: sed non in illis Synodalibus, quæ de certis accepimus Synodis. Quod & quidam insulse dicunt propterea fuisse vetitum, quoniam quasi rebaptizatur qui in nomine Domini aquis immergitur. Sed hoc ibidem scriptum nequaquam reperimus. Nec nos etiam ignoramus, quia beatus Ambrosius plura dicit baptismata, id est, plura baptismatis adnotat præconia. Et sacri canones rebaptizationes omnibus, vt vitandæ sunt, prohibent. Nemo tamen est penè fidelium, qui se sine crucis signo, vel inuocatione diuini nominis, aquis etiam ad lauandum immittat, iubente Apostolo omnia agendum in nomine Domini, & non se illo baptizari putat baptismo, quo renatus est ex aqua & spiritu. Sermo enim, & opus Dei, cunctaque sacramenta diuina, manna sunt, quod, sicut scriptum est, habuit omne delectamentum, & omnis saporis ^{Sap. 16. 20.} suauitatem, quodque sicut pro desiderio suscipientium quondam factum est in saporem gustantium, ita & hæc pro deuotione credentium fiunt causa ostensionum. Velut incarnatio Domini in ruinam & resurrectionem multorum est, & crux eius pereuntibus quidem stultitia est, credentibus verò in salutem virtus Dei est, & prædicatio ipsius aliis est odor mortis in mortem, aliis odor vitæ in vitam, & baptismatis sacramentum infidelibus ludificatio, fidelibus autem redemptio est. Sacramenta quoque altaris deuotè ad se accedentibus vita, indeuotis iudicium, sicut & panis vitam fortium roborat, paruulorum necat, & lenis sibilus equos mitigat, catulos instigat, & sol, qui ceram liquat, lutum stringit, sanis oculis lumen est, & lipipientibus tenebræ. Vtque venenum mors est homini, & vita serpenti, sic & istud iudicium firmiter & ritè credentibus ostensio veritatis, hesitantibus autem & dubiis error inuoluens esse dinoscitur. quoniam sicut Paulus dicit, *Est enim fides sperandarum substantia rerum argumentum* ^{Heb. 11. 1.} *non apparentium*, profectò liquet, quia exponente beato Gregorio, fides illarum rerum argumentum est, quæ apparere non possunt. quæ etenim apparent, iam fidem non habent, sed agnitionem. Sic in hoc diuino iudicio, his de quibus antea dubitabamus diuina ostensione monstratis, quæ corporalibus oculis videre non possumus, ocu-

Duobus modis te non maculat malus, si non consentias, & si redarguas. Igitur arguendus est peccator, & si negauerit, & ordine iudicario comprobari non poterit, examinetur, ut probatus manifestus fiat, & reprobatus latere non possit. Deprehensus autem confiteatur & pœniteat, & non tenebitur fune peccatorum suorum, quo est inligatus, ut non mergatur, & lauetur aqua salutaris perfusus lacrymis, & dimergantur ut Ægyptij, & qui corrupti erant carnali corruptione coram Domino, *sicut plumbum in aquis vehementibus*, & secundum Prophetam, *Proiiciantur iniquitates eius in profundum maris*. quia antea cum mendacio suo mergi ut ablueretur non poterat, donec confessione à se illud in profundum proiceret, & ablutus emergeret, qui ante confessionem sicut ferrum Helisæi premebatur aqua, usque dum inuocatione diuini nominis ad lignum rediit, ita nihilominus negans peccati pondere premitur anxia conscientia, usque dum pronuncians impietatem peccati sui Domino, in cuius ligno crucis omnium hominum, ut dicit Ambrosius, leuatur infirmitas. Et hoc est diluuium quod & baptismus, quo peccata omnia diluuntur, sola iusti mens & gratia resuscitatur, pridem quippe mortui negatione peccati. Legat deuotus librum dialogorum beati Gregorij, & inueniet sanctimoniales non correctas, & pro incorrectione sua à sancto Benedicto excommunicatas, post mortem tempore communionis de sepulcris ab Ecclesia, quia non communicabant, exiisse, post reconciliationem autem se in suis sepulcris continuasse. Et pueri monachi corpus à terra teneri non potuisse, quia Benedicti gratiam non habebat. Et vas vitreum signo crucis per Benedictum edito disruptum. Et iterum vas vitreum in ingens præcipitium saxorum molibus aspersum eius iussione propter inobedientiam proiectum, atque incolume reseruatum. Et discipulum eius Maurum super undas lacideambulasse: ferrum autem de profundo lacu Helisæi more per ipsum in manubrium reuocatum fuisse. Et sicut scriptum diuinis paginis continetur, sacer ignis absconditus, post multorum annorum curricula in crassam aquam versus reperitur, & eadem aqua super oblatum sacrificium versa diuina potentia est igne consumpta. Sed & Gedeonis sacrificium cum superfuso iure, cuius abundantia solet ignis extinguere, per Angelicum ministerium, igne etiam lambente petram, consumptum est. Et in vnius eiusdemque elementi mysterio, & finis est vitiis, & origo virtutibus, operante Spiritu sancto in aqua sacri baptismatis. Hæc diligens lector legat, & non mirabitur in iudicio aquæ frigidae innocentes ab aqua recipi, nocentes autem non recipi, sicut & in aqua calida coquuntur noxij, innoxij verò reseruantur incocti: quia & Christus, cælestis medicina Patris, verus humanæ medicus salutis, inuocatus à suis fidelibus, ut & medici carnis ipso inspirante solent, contraria

Exod. 15.

Mich. 7. 19.

Lib. II.

cap. XXIII.

Ibid. c. 24.

Ibid. c. 3.

Lib. III. c. 28.

Ibid. c. 7.

Ibid. c. 6.

2. Mac. 1. 20.

Jud. 6. 20.

DE DIVORTIO LOTH. ET TETB. 613

ita & ab hac femina criminationis falsitas, fide & professione pro se mittentis vicarium, per eiusdem vicarij sui executionem diuino iudicio sit expulsa, & eius innocentiae veritas declarata. Nam si testi-
monium hominum accipimus, testimonium Dei maius est, qui o-
stensione virtutis suae nobis testificatur quid de hoc credere de-
beamus, de quo dubij ante ostensionem eramus. 1. Ioan. 5. 9

INTERROGATIO VII.

QVI dicunt quod pro secretè facta confessione ab eadem femina, vicarius eius de iudicio incoctus euasit.

RESPONSIO.

SICUT falsa pietate quidam, vt legimus, beatum Petrum defen-
dere tentauerunt dicentem quia non nouisset hominem, quem cog-
noscebat Deum, cum veritas dixerit, *me negabis*: ita isti maiori et-
iam iniquitate, quia impia falsitate, veritatem, dum piam praedicant,
fictam calumniantur, quae sic voluit feminam istam liberare, vt iu-
dicio illius credentes deciperet, cum scriptum sit, *Spiritus sanctus dis-*
ciplinæ effugiet fictum. Vnde sanctus Petrus ad Simonem magum di-
xit, qui se putauit emere posse gratiam sancti Spiritus, per quem vir-
tutes operantur & signa, quique omne effugit fictum, *Non est tibi*
pars, neque sors in sermone isto. in felle enim amaritudinis, & obligatione
iniquitatis video te esse. Et, vt beatus dicit Gregorius, nihil simplex
veritas per duplicitatem facit, scrutans corda & probans renes, &
pertingens vsque ad diuisionem animae & corporis, compagum quo-
que & medullarum, & interiora cordis, & vt veritas, prope est inuo-
cantibus se in veritate, & iubet in veritate iudicium facere. Quis
enim inuocauit Dominum, & deceptus est? In iudicio enim iusto
fideliter inuocatus neminem decipere potuit: quoniam iustus est
Dominus in omnibus viis suis, & sanctus in omnibus operibus suis.
Et catholici dicunt magistri de sacramenti purgatione, quia sicut
ab illo cui perinde fit satis suscipitur, ita & à Domino iudicatur.
Et Paulus dicit, *Corde creditur ad iustitiam, ore autem confessio fit ad sa-*
lutem. Et non est confessio, nisi fuerit cum corde & oris fassio, vt
mens nostra concordet voci nostrae. vnde & in baptismo non mun-
dat carnis depositio sordium, sed interrogatio ac confessio conscien-
tiae bonae in Deum. Nam Petrus, quem Christum filium Dei viui
confessus fuerat, Dominum esse sciebat, Deumque credebat, cuius
discipulum se ore negabat, qui dixit, *Qui me confessus fuerit coram ho-*
minibus, confitebor & ego eum coram patre meo. & qui me negauerit, ne-
gabo eum. Et sicut legimus, non est aliud negare se ipsius esse disci-
pulum, sicut Petrus dixit *Non sum*, obiicienti sibi quod ex discipu-
lis hominis illius esset, nisi negare se esse Christianum. Quapropter Matt. 26. 34
Sap. 1. 5.
Act. 8. 23.
Rom. 10. 10
Matt. 10. 22

lis fidei contemplantes, credulitatem accommodare debemus, sicut Thomas antea dubitans, dum Dominum palpauit, aliud vidit, & aliud credidit. à mortali quippe homine diuinitas videri non potuit. hominem igitur vidit, & Deum confessus est, dicens, *Dominus meus, & Deus meus*. Videndo ergo credidit, quem considerando verum hominem, hunc Deum, quem videre non poterat, exclamauit. Ita & veritatem rei, de qua dubitamus, quia corporalibus oculis videre nequibamus, diuinæ ostensioni credentes, veritatem, quæ Deus est, laudare debemus. Hæc autem dicimus, non quo ququam reprehendamus, quia nec ibi scriptum est cur hoc iudicium non debeat fieri, sed tantummodo dictum ne fieret, aut nostra, quasi sapientius prolata, quàm alij inuenire ex sanctorum documentis præualuerint, siue præualeant, defendere satagamus. Vnusquisque enim in suo sensu abundat. Tantum quilibet hoc cautè prouideat, vt à fide catholica, & traditione Apostolicæ sedis non discrepet, sed quæ sentimus humiliter proferentes, parati simus, si quis conuenientius nobis ostenderit, sine contentione sano intellectui cedere, & libentissimè non modò consentire, quin etiam discere.

His ita se habentibus, si huiusmodi iudicium, quod vt audiuius Karolus magni nominis Imperator de suæ vitæ credulitate recepit, per consilium laicorum nobilium, consensu Episcoporum, ac decreto regio, (aliter enim non oportuerat,) præfata femina de quibus reputabatur constat esse purgata, & maritali toro non solum consensu nobilium laicorum, verum, vt audiuius, cum reconciliatione & benedictione Episcoporum, restituta siue recepta, cur iterum causam in quæstionem reducamus, videre non possumus, dicente Domino, *Non tentabis Dominum Deum tuum*. Et audiamus quod audiuit ab illo ad eum dicens, *Magister respice in filium meum, ecce spiritus apprehendit illum, & rogaui discipulos tuos, vt eiicerent illum, & non potuerunt, & Dominus, O generatio infidelis & peruersa, usquequò ero apud vos, & patiar vos?* Hoc enim audiuit, quia latenter isto dicto accusauit de impossibilitate Apostolos, cum impossibilitas curandi interdum non ad imbecillitatem curantium, sed ad eorum qui curandi sunt fidem referatur. Sic & nos, licet non auribus corporis, sed merito infidelitatis audiemus, si talia sine causa & ratione debita remouemus, quasi quiddam fraudis in hoc iudicio fuerit dubia Dei ostensio, & non infidelitas nostra. Si autem hæc in iudicio culpabilis apparuit femina, quare fuit recepta? Si inculpabilis, quare est causa remota? præsertim cum omnimodis sit credendum, quia si vicarius eius, qui pro illa ad iudicium exiuit, fuisset perustus, culpabilis iudicata ad audientiam denuò noluiisset accusator ipsius debere illam admitti. Vnde nunc quoque tenendum est, quia sicut in baptismatis iudicio, mendax & pater mendacij, per fidem & ora gestantium atque pro eis profitentium qui baptizantur, foras eiicitur,

in omnibus profectò hominibus detestandum.

INTERROGATIO VIII.

HVIC autem dicto quod aiunt quidam, quoniam intentio illius feminæ fuit de alio eiusdem nominis fratre suo, quando vicarium suum in iudicium pro se misit, & idcirco se in iudicio isdem vicarius eius non coxit.

RESPONSIO.

QVASI iudex omnium quæ geruntur, qui nouit omnia etiam antequàm fiant, tali errore seduci potuerit, componere possumus quod Petrus in quarto libro Dialogorum à beato requisivit Gregorio, Quidnam est, inquit, quæso te, quod nonnulli quasi per errorem extrahuntur è corpore? Cui beatus Gregorius referens de duobus Stephanis, quia non isdem Stephanus, qui adductus Iudici ad loca inferni fuerat, iussus adduci extiterat, sed Stephanus alter ferrarius: & illo reducto, Stephanus ferrarius, qui adduci fuerat iussus, adductus est. Hoc, inquit beatus Gregorius, quotienscumque fit, si bene perpenditur, non error sed admonitio est. Superna enim pietas ex magna misericordiæ suæ largitate, disponit, ut nonnulli etiam post exitum repente ad corpus redeant & tormenta inferi, quæ audita non crediderant, saltem visa pertimescant.] Et post narrationem de Stephano, qui adductus & reductus & postea iterum ad tormenta perductus fuerat, subdidit, Qua de re colligitur, quia ipsa quoque inferni supplicia cum demonstrantur, aliis hæc ad adiutorium, aliis verò ad testimonium fiant, ut isti videant mala quæ caueant, illi verò eo ampliùs puniantur, quo inferni supplicia nec visa & cognita vitare voluerunt.] Sic & Deus ex scriptura veritatis nobis demonstrat, quod ad correctionis cautelam nobis proficiat, aut ex retributione iustitiæ ad grauiùs delinquendum in cumulum damnationis excrescat. Scriptum est enim in libro Regum, dicente Michæa propheta, *Vidi Dominum sedentem super solium suum, & omnem exercitum cali adstantem ei à dextris, & à sinistris. & ait Dominus, Quis decipiet Achab regem Israel, ut ascendat & cadat in Ramoth Galaad? Et dixit unus verba huiusmodi, & alius aliter. Egressus est autem spiritus coram Domino, & ait, Ego decipiam illum. Cui locutus est Dominus, In quo? Et ille ait, Egrediar, & ero spiritus mendax in ore omnium prophetarum eius. Et dixit Dominus, Decipies, & praualebis, egredere, & fac ita.* Quid sit adstare malignum spiritum Domino, & quid sit quod interrogasse malignum spiritum Dominus dicitur, & qualiter loquatur Deus ad malignum spiritum, & malignus spiritus ad Deum, beatus exponit Gregorius in Moraliū libris deuotioni lectorum notissimis. Sequitur in historia libri Regum, *Nunc igitur ecce dedit Dominus spiritum mendacij in ore omnium propheta-*

Cap. 36.

Ib. in fine.

3. Reg. 22. 32

Moral. 11.

cap. 4.

& sacri canones, inter lapsos de illis decreuerunt, qui corde Christum crediderunt, & tormentis victi ore negauerunt. Et item scriptum est, *Quomodo inuocabunt in quem non crediderunt?* Quomodo, inquam, hæc femina in iudicio Dominum sibi adiutorem & liberatorem inuocauit, in quem non credidit? Et si in Dominum fideliter credidit quem inuocauit, verum, non fictum, & iustum atque iustitiam diligentem illum credidit, quem falli vel fallere non posse cognouit. Isti autem contraria dicentes, quid aliud dicunt, nisi falli vel fallere posse veritatem adfirmant? obstinatioribus dæmonibus, qui, *vt Euangelium dicit, exiebant ab obsessis, confitentes eum, quia sciebant illum esse Christum.*

Quod autem dictum est, quia ex hoc testis est etiam ipse qui confessionem feminæ illius suscepit, miramur si verum esse aliquo modo possit: & hoc credere non auderemus, si talibus viris, qui hæc nobis mandauerunt non credere auderemus. cum non peruersè interpretari debere nouerit quod in libro Leuitico relegit, *Anima quæ audit vocem iuramenti & testis est, vel quæ vidit aliquid & conscia est, & non indicat.* ex quo accepit etiam ipsa peccatum eius sine dubio, vt Origenes exponit, qui iniquè, aut egit aliquid, aut iurauit. Hoc etiam secundum historiam nos ædificat, ne vnquam in peccatis alterius polluamus conscientias nostras, nec consensum malè agentibus præbeamus. Consensum autem dico, non solum pariter agendo, sed etiam quæ manifestè & inlicitè gesta sunt reticendo. Et si sciuit, & propter secretam confessionem reticuit, quare, quod absit sicut dicitur, vt iudicium inde fieret obtinuit, vel consensit, non reuerens sententiâ legis pariter & Euangelij, *Non tentabis dominum Deum tuum?* Quia si contra auctoritatem canonicam, quæ ex legis & prophetarum atque Euangelij fonte, sancto Spiritu quo & illa sunt dicta promulgante procedit, detrimentum honoris est agere, periculum non potest euadere, qui studet ipsi Euangelicæ veritati in tam maximis repugnare. Et item scriptum est, *Reddes autem Domino iuramenta tua.* Si fidelitatem Seniori suo promisit, quomodo huic inlusioni contra illum consentire præsumpsit? Et si tunc inter duo pericula positus, minus de iuramento negligere elegit, vt maius ne proditor confessionis fieret deuitaret, quare ipsam confessionem nunc prodidit? cum scriptum sit, *Qui ambulat fraudulentè, reuelat arcana, qui autem fidelis est, animi celat commissum, ac si patenter dicat, Qui animi non celat commissum infidelis est.* Et Paulus dicit fidelibus, *Quæ pars fidei cum infidele?* Plura hinc dici poterant, sed nobis non conuenit. Onus enim suum vnusquisque portabit. Hæc autem breuiter diximus, non vt credere vel credi ab aliquo huiusmodi derogationi de quocunque sacerdote velimus, sed vt nos quatenus hinc responderemus per nomen Domini obrestantibus designemus, hoc nefas prodicionis atque duplicitatis, & magnopere nobis esse vitandum, & in

à quo datur potestas. Nec ideo putandum est istis transgressoribus Angelis ad nutum seruire hanc visibilium rerum materiem, sed Deo potius à quo hæc potestas datur, quantum in sublimi & spiritali sede incommutabilis iudicat. Nam & damnatis iniquis etiam in metallo seruit aqua, & ignis, & terra, vt faciant inde non quod volunt, sed quantum finitur.]

INTERROGATIO IX. ET RESPONSIO.

SED concedamus vt fraus in iudicio fuerit operatione diaboli, qui licet perdiderit Angelici spiritus gloriam, sed non amisit naturæ subtilitatem, & permittente Domino, aut pro infidelitate non rectè credentium, aut pro purgatione fidelium, vt Iudam plenum iniqua voluntate Christo communicantem strangulauit, & Paulum post tertij cæli raptum colaphizauit, ad maxima exercenda occulto, sed nusquam iniusto, permittitur diuino iudicio, sicut per magos Pharaonis multa acta sunt, quæ Moyses propheta Domini fecerat. Et ad probationem Iob aëra sunt commota, ignis de cælo aërio oues puerosque consumpsit. Et Antichristus per se suosque ministros multa operaturus est, ita vt in errorem inducantur etiam si fieri potest electi. Et per Pythonissam species Samuëlis ostensa est. Et in libro Dialogorum, scribente S. Gregorio, legimus, *Lib. II. c. 23*
Quia de inuento idolo, & ad horam casu in coquinam proiecto, exire ignis repente visus est, atque in cunctorum monachorum oculis, quia omne eiusdem coquinæ ædificium consumeretur ostendit: cumque iactando aquam & ignem quasi extinguendo perstreperent, pulsatus ab eodem tumultu vir Domini Benedictus aduenit, qui eundem ignem in oculis fratrum esse, in suis verò non esse considerans, caput protinus in orationem inflexit, & eos, quos phantastico reperit igne deludi, reuocauit fratres ad oculos suos, vt & sanum illud coquinæ ædificium adsistere cernerent, & flammæ, quas antiquus hostis finxerat, non viderent. Et in Petri Itinerario de Clementis patre legitur, quod vt à fidelibus interficeretur, à Simone mago, quem deseruerat, vnguento perunctus, eiusdem Simonis imaginem omnium oculis referebat, solus Petrus cum qui erat intuebatur, & orans discipulos ad eorum oculos reuocauit, & deluso phantasmate intuentium obtutibus speciem propriam reddidit. Sed & in vita Ioannis monachi quondam parentes filiam suam operante dæmone equam esse cernebant. In Euangelio quoque legimus de duobus discipulis cum Christo pergentibus ac dubitantibus, quia oculi eorum tenebantur ne eum agnoscerent. Quod impedimentum in oculis eorum non incongruenter accipimus à satana fuisse, ne agnosceretur Iesus: sed tamen à Christo facta est permissio vsque ad sacramentum panis, vt vnitate corporis eius participata, remoueri intelligatur impedimentum inimici, vt Christus possit agnosci. Sic & non mirum, si in iudi-

rum tuorum qui hic sunt. & Dominus locutus est contra te malum, & post aliquanta, Unus autem quidam tetendit arcum, in incertum sagittam dirigens, & casu percussit regem Israel, id est Achab, inter pulmonem & stomachum. & paulo post, & mortuus est vespere, & completus est in eo sermo Domini per manum Michæ prophetæ, de quo antea locutus est idem Achab ad Iosaphat regem Iuda quærentem prophetam Domini, Remansit, inquit Achab, vir unus per quem possumus interrogare Dominum, sed ego odi eum, quia non prophetat mihi bonum, sed malum. videlicet quoniam vera illi dicebat, & ideo odiebat eum, dili-

PROB. 29. 12 gens mendaces ministros, & sibi impios: unde scriptum est, Princeps qui libenter audit verba mendacij, omnes ministros habebit impios. Qua de re timendum est regi, & cunctis mendacio credere volentibus, quasi Deus aut falli potuerit, aut fallere quemquam in se rectè credentem in iudicio velit, aut indebita misericordia in crimine consistenti, atque crimen ipsum neganti, & se tentanti debeat misereri, qui etiam pauperi in iudicio vel sub obtentu pietatis misereri prohibuit, ne propter alia perpetrata peccata, de quibus non satisfecerunt Domino, ex retributione iustitiæ, à mendace spiritu seducantur, ut intereant, & in alium laqueum decepti cadant, sicut de quibusdam Paulus dicit, Quoniam cum cognouissent Deum, non sicut Deum glorificauerunt, aut gratias egerunt, sed euauerunt in cogitationibus suis, & obscuratum est insipiens cor eorum, propterea tradidit illos Deus in desiderium cordis illorum, in immunditiam, ut contumeliis afficiant corpora sua, mercedem erroris sui in semetipsis recipientes: & quoniam non probauerunt Deum habere in notitiam, tradidit illos Deus in reprobum sensum, ut faciant que non conueniunt. & ad Thessalonicenses, Pro eo quod dilectionem veritatis non receperunt ad hoc ut salui fierent, idcirco immittet illis Deus spiritum erroris, ut credant mendacio, quatinus iudicentur omnes qui non crediderunt veritati, sed consenserunt iniquitati. Vnde S. Augustinus in tertio libro De Trinitate, loquens de præstigiis à magis Pharaonis Moyse resistentibus factis dicit, Intelligi, inquit, datur, ne ipsos quidem transgressores angelos, & ærias potestates, in imam istam caliginem, tanquam in sui generis carcerem, ab illius sublimis ætheriæ puritatis habitatione detrusas, per quas magicæ artes possunt quicquid possunt, valere aliquid nisi data desuper potestate. Datur autem, vel ad fallendos fallaces, sicut in Ægyptios, & in ipsos etiam magos data est, ut in eorum spirituum seductione viderentur admirandi, à quibus fiebant Dei veritate damnandi: vel ad admonendos fideles ne tale aliquid facere pro magno desiderant, propter quod etiam nobis scripturæ auctoritate sunt prodita: vel ad exercendam, probandam, manifestandamque iustorum patientiam. Neque enim parua visibilium miraculorum potentia Iob cuncta quæ habebat amisit, & filios, & ipsam corporis sanitatem.] Quicquid angeli transgressores mali faciunt, non ipsis seruit ad nutum creatura corporalis, sed Deo,

ROM. 1. 21.

2. Thess. 2. 10.

Cap. VII.

monum, monente Apostolo resistamus diabolo, fortes in fide, *quæ vincit mundum, & per quam sancti vicerunt regna*, & de qua fir- Matt. 9. 29.
 miter credentibus dicitur, Fiat tibi secundum fidem tuam. Et A-
 postolus, Postulet autem in fide nihil hæsitans. Et si ad proba- Iacob. 1. 6.
 tionem fidei nostræ acciderit, (utile est enim, etiam sanctis, ten-
 tationum flammis examinari, ut vel tentati quia fortes fuerint
 appareant, vel cognita per tentationem sua infirmitate fortio-
 res fieri discant, & sic cum probati fuerint, accipiant & ipsi
 coronam vitæ,) de diuinis non causemur iudiciis, quæ interdum oc-
 culta sunt, sed nunquam iniusta. Nec mirum videri debet, si in hu-
 iusmodi iudicio calliditate diabolica fraus quæcumque Deo per-
 mittente interuenit, cum & aqua baptismatis in se fidelis, ut Am-
 brosius dicit, est in aliquibus & aqua mendax. Non sanat baptis-
 mus perfidorum, non mundat sed polluit. unde & secundum de-
 creta canonum, & sancti Innocentij, atque aliorum Pontificum
 Romanorum, in nomine sanctæ Trinitatis ab hæreticis baptiza-
 ti per manus impositionem gratiam Spiritus sancti accipiunt: non
 autem in sanctæ Trinitatis nomine baptizati baptizari iubentur. Sed
 numquid, quoniam fraus reperitur in baptismo hereticorum, ba-
 ptisma non probabitur Catholicorum? & si fraus inuenitur in iu-
 dicio propter fidem incredulorum, lex purgationis abiicietur à con-
 suetudine credulorum? Sicut enim priuata vel fraus publica sem-
 per est punienda, ita ut scriptum legimus, consuetudo quæ publi-
 cis utilitatibus non impedit, pro lege est retinenda. Quapropter,
 si & in hoc iudicio per quodcumque ingenium fraudulentia re-
 peritur, duplicata iudicij ultione, siue pro peccati admissione,
 siue pro infideli inlusione, causa in quæstionem ratione docente
 reueniat.

Sed & de sacramenti purgatione in S. Gregorij Epistola ad Secundi- Lib. viii.
epist. xxxii
 num Episcopum Taurominitanum legimus, quod Leonis Chartularij
 femina, quæ relicto eo pro fornicationis crimine religiosam vestem
 induerat, ab ipso sibi præstito sacramento, quoniam post initum con-
 iugium in adulterij culpam lapsus non fuerit, inconsulto Episcopo ad
 virum suum redierat, & idcirco cum familia sua fuerat excommuni-
 cata. Vnde idem sanctus Papa decreuit, ut mox eius absolueretur fa-
 milia. Et si manifestè constaret quia coniugi suo eadem femina di-
 cere nihil potuerit, sed insuper suspicio ipsius per sacramentum
 fuerit amputata, atque post hoc sua ad eum sponte reuersa, ut & in ea
 censura temperaretur iudicij, nec longo iam tempore priuaretur
 communione. Et item ad Candidum Abbatem, Denique ut ad satis- Lib. viii.
epist. xvii.
 factionem posset omnino sufficere, fecimus ut etiam dato corpora-
 liter sacramento firmaret nihil se in fraude versatum, aut aliquid
 occultasse, sed omnia integrè prodidisse.] Cui rei si quis, quod non
 credimus, contrariam adferre quoquomodo tentauerit voluntatem,

Hhhh iij

Hom. xxv.
in Euang.

Lib. II. c. xx.

Ibid. c. 24.

Lib. IV.
cap. VII.

1. Pet. 5. 9.

cio, exigente incredulitate hæsitantium atque in fide dubitantium, talia permittat Dominus fieri, qui talem se exhibuit in oculis dubitantium foris, qualis habebatur apud eos intus. quod factum est in eorum oculis, non veritate fallente, sed ipsis veritatem percipere non valentibus, & aliud quàm res est opinantibus. Sicut & beatus Gregorius de Maria dicit, quæ Dominum quærebat, quem resurrexisse minimè credebat. Sed quia amabat & dubitabat, videbat & non agnoscebat, cumque illi & amor ostenderat, & dubietas abscondebatur.] Et præfatis duobus discipulis ambulantes in via, non quidem credentibus, Dominus apparuit, sed eis speciem quam recognoscerent non ostendit. Hoc ergo egit foras Dominus in oculis corporis, quod apud eos agebatur intus in oculis cordis. Nihil ergo simplex veritas per duplicitatem fecit, sed talem se eis exhibuit in corpore, qualis apud eos erat in mente. Et sanctus Augustinus in libro De doctrina Christiana, Superstitiosum est quicquid institutum est ab hominibus ad consultationes & pacta quædam significationum cum dæmonibus placita atque fœderata, qualia sunt molimina magicarum artium, aruspicum & augurum libri. Ad hoc genus pertinent omnes etiam ligaturæ atque remedia, quæ medicorum quoque disciplina condemnat, siue in præcantationibus, siue in quibusdam notis, quas characteres vocant, siue in quibuscumque rebus suspendendis atque illigandis.] Quæ omnia tantum valent, quantum præsumptione animorum. quasi communi quadam lingua cum dæmonibus fœderata sunt. quæ tamen plena sunt omnia pestiferæ curiositatis cruciantis sollicitudinem mortiferæ seruitutis. Non enim quia valebant animaduersa sunt, sed animaduertendo atque signando factum est ut valerent. Et ideo diuersis diuersa proueniunt, secundum cogitationes & præsumptiones suas. Illi enim spiritus qui decipere volunt, talia procurant cuique, qualibus cum inretitum per suspensiones & consensiones eius viderint.] Et venerabilis presbyter Beda in commento libri Samuelis dicit, Si quem verò mouet, quomodo mulier arte dæmonica prophetam post mortem inquietare & suscitare potuerit, sciat pro certo, aut falsam tunc umbram quærentibus ostendisse diabolum, aut si verè Samuel extitit, tantum in his agendis licere diabolo, quantum Dominus permiserit. Nec mirum pro quibusdam secretioribus causis talia maligno spiritui permitti, cum & Saluatorem constituerit in pinnam templi, & Iob petierit acceperitque tentandum. Quod si phantasiam potius immundi spiritus fuisse quod apparuit credimus, neque hoc turbare debet quomodo talis vera & prophetica narrare potuerit. Nouimus enim diabolum multa sæpe futura, quæ ab Angelis sanctis didicerit, præscire vel prædicare posse: sed eo minus illius dictis auscultandum, quo cuncta, quæ loquitur agitve apud homines, seducendi studio facit.] Quod ne eueniat per insidias dæ-

utrumque audet adsumere, ut cuiquam ipse sit & accusator & iudex? Cuiusmodi regulam etiam hinc Paulus breuiter insinuasse intelligitur, cum quibusdam talibus commemoratis criminibus, Ecclesiastici iudicii formam ad hanc similia ex quibusdam daret. Ait enim, Scripsi vobis in epistola, non commisceri fornicariis, & reliqua. Et item, Si quis frater nominatur aut fornicator, aut idolis seruiens, aut auarus, aut maledicus, aut ebriosus, aut rapax, cum eiusmodi nec quidem cibum sumere. Sed sciendum est, quia eam nominationem hinc Apostolus intelligi voluit, quæ fit in quenquam, cum sententia ordine iudiciario atque integritate profertur. Nam si nominatio sufficit, multi damnandi sunt innocentes, quia sæpè falsò in quoquam crimine nominantur. Noluit enim in homine iudicari ex arbitrio inspectionis, vel etiam extraordinarij usurpato iudicio, sed potius ex lege Dei secundum ordinem Ecclesiæ, siue vltro confessum, siue accusatum atque conuictum. Et in Concilio Toletano, Dignum est ut vita innocentis non maculetur perniciæ accusantium. Ideo quisquis à quolibet criminatur, tam accusatus quam accusator præsententur, atque legum & canonum sententiæ exquirantur, ut si indigna ad accusandum persona inuenitur, ad eius accusationem quicquam non iudicetur, nec condemnetur. Et in Carthaginensi Concilio, Quærendum est in iudicio cuius conuersationis & fidei sit is qui accusat, & is qui accusatur. Item in eodem: Testes autem ad testimonium non admittendos, qui nec ad accusationem admitti præcepti sunt, vel etiam quos ipse accusator de domo sua produxerit. Et sanctus Cornelius Papa & martyr, beatusque Felix Romanus Pontifex, & omnes illius sedis Pontifices decreuerunt, ut caueant iudices Ecclesiæ, ne absente eo cuius causa ventilatur, sententiam proferant, quia irrita erit, & etiam rationem pro actione in præsentia fratrum dabunt, exceptis designatis causis quas singillatim leges Ecclesiæ exprimunt, sicut & leges publicæ modum certum denominant, quo absentes iudicio debeant condemnari, id est, ut si tam famosissimum crimen sit, & in crimine famosissima persona, ut neque testes ad conuincendum necessarij habeantur, nec ipsius indigeatur præsentia, sicut Ambrosius in Epistola ad Corinthios dicit, Iudicis, inquit, non est sine accusatore damnare, quia & Dominus Iudam, cum fur esset, quia non est accusatus, minimè abiecit. Ut tolleretur de medio vestrum qui hoc opus fecit. cognito opere isto, pellendum illum fuisse de cœtu fraternitatis. Omnes enim crimen eius sciebant, & non arguebant. Publicè enim nouercam suam loco vxoris habebat. in qua re neque testibus opus erat, neque tergiuersione aliqua poterat tegi crimen. Ego quidem sicut absens corpore, præsens autem spiritu, id est, absens facie, præsens autem auctoritate spiritus, qui nusquam abest, iam iudicaui ut præsens cum qui hoc admisit.

1. Cor. 5.

1. Cor. 5.

Conc. Tol.
VI. can. xi.Conc. Afr.
cap. 95.

Cap. 98.

1. Cor. 5.

Lib. vii.
Ind. ii.
epist. ix.

ille quidem reum se ante Deum esse nouerit, qui nititur ea, quæ utiliter sunt finita, rescindere. nam eidem decisioni, transactionique nihil se derogare cognoscat.] Et ad Prædictam, Valdè, inquit, Ecclesiasticæ est moderationi conueniens, vt quæ ordinata fuerint vel decisa, nulla in posterum debeant refragatione turbari.] De qua sacramenti purgatione sæpè audiuius, quia plures in eo fraudem facere solent, cum ingenio iurantes, sed potiùs peierantes: quia, sicut legimus, ita sacramentum à Deo diiudicatur, sicut ab eo, cui per id satisfieri solet, in fide recipitur. Sed & in eadem sacramenti purgatione fraus facta, quin potiùs periurium factum detegitur, sicut & in iudicio diabolica astutia & permissione diuina, euenire posse à nobis non denegatur. Et de iuramento dolo in Regum libris, & Machabæorum, atque in Propheta de sacramento regi facto infideli, quæ non impunè cesserunt, inuenimus, vnde suprà nos sufficienter dixisse putamus.

INTERROGATIO X.

QVARTO capitulo nobis petimus remandari, si hæc causa, vnde iudicium factum audiuius, & quidam etiam vidimus, in iudicium fuerit reuocata, qualiter idem debeat canonicè ordinari iudicium, & vtrum de secreta confessione, vt dicitur, commissæ Episcopis, vel in iudicio porrecto libello, eadem femina debeat iudicari: vel si acciderit vt eundem libellum coacta porrigat, aut eidem inuita subscribat, si per huiusmodi commenta à maritali toro legaliter valeat remoueri.

RESPONSIO.

Epist. ii.

Epist. xci.

Hom. l.

QVOD & si in hoc, vt suprà diximus de quo loquimur iudicio euidentiis indiciis fuerit demonstratum, sicut sanctus Fabianus Papa & martyr constituit, ordinetur iudicium. Quoniam, inquit, in omni iudicio quatuor personas necesse est semper adesse, id est, iudices electos, & accusatores, ac defensores, & testes.] Quia sicut Leo scribit ad vniuersos Episcopos per Cæsaream & Mauritaniam constitutos, Neminem possumus iudicare, nisi in præsentia positus, aut confutatus, aut certè confessus, iustæ possit subiacere sententiæ.] Et S. Augustinus in libro De pœnitentia, Plerumque autem boni Christiani propterea tacent, & sufferunt aliorum peccata quæ nouerunt, quia documentis sæpè deseruntur, & ea quæ ipsi sciunt, iudicibus Ecclesiasticis probare non possunt. Quamuis enim vera sint quædam, non tamen iudici faciliè credenda sunt, nisi certis indiciis demonstrantur. Nos verò à communione quemquam prohibere non possumus, quamuis hæc prohibitio nondum sit mortalis, sed medicinalis, nisi aut sponte confessum, aut in aliquo, siue sæculari, siue Ecclesiastico iudicio nominatum atque conuictum. Quis enim sibi

phas interpretando iustus inuentus est, qui dixit, *Expedi ut vnus homo moriatur pro populo, & non tota gens pereat.* Illa ergo verba iustificat loquentem, qui bona quæ ore profert medullitus corde retinet, & sancta intentione profert. In verborum enim pondere operatio consistit vitæ humana: quia, ut Salomon ait, *Mors & vita in manibus linguæ.* Et capitulis Augustorum decernitur, *Vt qui timore compulsus seruum se esse extra iudicium dixerit, nullum præiudicium libertatis incurrat, donec iudicio præsentetur, ut libertatem suam, si eam probauerit, præsentis iudice obtineat, aut si seruus conuincitur, statim Domino reformetur.*

Debent nimirum Episcopi, videlicet iudices animarum, magno opere prouidere, & sæculi hominibus intimare, ne in accusandi, vel testificandi, aut iudicandi negotio, quasi sub prætextu futuræ confessionis ac pœnitentiæ, suggestio diabolica latenter eis subripiat, dicens non verbo, sed hortamento, cuicumque post concupiscentiam cordis sui ire desideranti, *Intende, inquit diabolus, ut compleas quod desideras, ne de eo vincaris quod cœperas: melius tibi est postea pœnitentiam agere, quàm victum dehonestari.* Testificantibus autem suggerit, Ingenium potestis capere, ut ita pareat quod dicitis verum esse. Iudicibus verò diabolus sæpè suadet, ut dicant, *Quomodo possum aliter? sicut audio iudico.* Vnde audiant, & exaudiant quæ scripta sunt, *Vae vobis qui iustificatis vos coram hominibus,* Luc. 16. 15. *Dominus autem nouit corda vestra. & Si oculus tuus, id est intentio tua,* Matt. 6. 22. *simplex fuerit, totum corpus tuum lucidum erit. & In quo iudicio iudicaueritis, iudicabitur de vobis. & Falsus testis non erit impunitus.* Et legant Prou. 19. 1. quod dicit sanctus Hieronymus in commentario Matthæi, *Falsus, inquiens, testis est, qui non eodem sensu dicta intelligit quo dicuntur. quanto magis qui illa dicit quæ dicta non sunt? Et tali cogitationi, quam diabolus, siue prauè intendentibus, siue testificantibus, siue iudicantibus, de obtentu pœnitentiæ proponit, quod idem sanctus Hieronymus in eodem libro dicit, opponant.* Ait enim de Iuda, *Tunc videns* Matt. 27. 3. *Iudas, qui eum tradidit, quod damnatus esset, pœnitentia ductus retulit triginta argenteos principibus sacerdotum & senioribus dicens, Peccaui tradens sanguinem iustum. Auaritia magnitudinem impietatis pondus exclusit. Videns Iudas Dominum adiudicatum morti, pretium retulit sacerdotibus, quasi in potestate sua esset persecutorum mutare sententiam. Itaque licet mutauerit voluntatem suam, tamen voluntatis primæ exitum non mutauit. Si autem peccauit ille qui tradidit sanguinem iustum, quanto magis peccauerunt qui emerant sanguinem iustum, & offerendo pretium ad prodicionem discipulum prouocarunt? At illi dixerunt, Quid ad nos? Tu videris. Et proiectis argenteis in templo, recessit, & abiens laqueo se suspendit. Nihil profuit egisse pœnitentiam, per quam scelus corrigere non potuit. Si quando sic frater peccat in fratrem, ut emendare valeat quod peccauit, potest ei dimitti: sin autem permanent opera, frustra voce adsumitur pœnitentia, hoc est quod in Psalmo de eodem infelicissimo Iuda dicitur, Et oratio eius fiat in peccatum, ut non* Psal. 137.

Et quoniam alterius est loci & temporis demonstrare, quibus & quantis aliis modis secundum leges Ecclesiasticas absentes possint & debeant iudicari, quod nunc ad rem pertinet, quodque Valentina Synodus sequens Romanam Ecclesiam demonstraui, in medium deuocemus, videlicet, *Vt si quis se reum, vel veri confessione, vel mendacio falsitatis pronuntiauerit. neque enim, inquit, absolui potest, qui in seipso dixerit mortis causam, quæ dicta in alium puniretur, cum omnis qui sibi fuerit mortis causa maior homicida sit. Quod in Ecclesia, nec de secreta confessione, nec per alium potest fieri: quanto minus per sacerdotes, quibus non licet sibi confessa publicare peccata, nisi per illum ipsum qui peccatum commisit, id quod malè egerat fuerit propalatum?* De quo etiam prouidere quantum potuerit debet Episcopus, ad cuius hoc curam noscitur pertinere, ut non errore seductus, aut timore coactus, quisquam mendaciter in se dicat, unde vel se, vel Ecclesiam lædat, quia inde etiam est decretum, ut extorta confessio, vel coacta subscriptio, nihil vigoris obtineat, B. Alexandro martyre glorioso, & post B. Petrum quarto Apostolicæ sedis Pontifice iudicante, *Si ab huiusmodi, inquit, personis, quod omni est Christiano homini inimicum, quedam scripturæ quoquomodo per metum, aut fraudem, aut per vim extortæ fuerint, vel ut se liberare possint, quocumque ab eis conscriptæ vel roboratæ fuerint ingenio, ad nullum eis præiudicium aut nocumentum prouenire censemus, neque ullam eis infamiam vel calumniam, aut à suis sequstrationem bonis, unquam, auctore Domino, & sanctis Apostolis, eorumque successoribus, sustinere permittimus. Confessio verò in talibus non compulsa, sed spontanea fieri debet, ipso attestante qui ait, Ex corde enim procedunt homicidia, adulteria, fornicationes, blasphemiae, & cetera que sunt ad hæc pertinentia. & item, Amplius autem respicit Deus ad cogitationes, & spontaneas voluntates, quàm ad actus, qui per simplicitatem, aut per necessitatem fiunt. Confessio verò non extorqueri debet in talibus, sed potius sponte profiteri. Pessimum est enim de suspitione aut extorta confessione quemquam indicare, cum magis inspector cordis sit Dominus quàm operis, & potius requirit cogitationes puras, & voluntates bonas, quàm verba mendacia. Talis enim in Ecclesia fieri debet ab illo qui peccauit confessio, sicut scriptum est, Dic tu prior iniquitates tuas, ut iustificeris. Prior, inquam, ut & vocem accusatoris diaboli, & faciem Domini in confessione præuenias, ut iustificeris, non ut condemneris: quia ipsa etiam Ecclesiastica excommunicatio, non æternaliter pœnalis, sed temporalis est atque medicinalis, tantum ut conuertatur peccator ad illum, & viuat, qui non vult mortem peccatoris, sed vitam. Et iterum scriptum est, Ex verbis tuis iustificaberis, & ex verbis tuis condemnaberis. Vnde Hieronymus, Ex malis verbis dubium non est quòd damnetur à Deo homo qui ea protulit: iustificari autem ex bonis verbis nullo modo potest, nisi de intimo cordis ea recta intentione proferat. Bona etiam si sint, & non recto studio fuerint prolata, iustificare loquentem non poterunt, sicut nec Cai-*

phas

Can. 4.

Epist. 1.

Epist. 1. ad
omnes or-
thodoxos.

Matt. 15. 19.

Post pau.

Isa. 43. 26.

Ioan. 11. 50.

lata ab iniustitia. habet enim vocem suam, sicut & misericordia, de qua scriptum est, *Abconde eleemosynam*, id est misericordiam, in sinu Eccles. 29. pauperis, & ipsa orabit pro te. Ait enim violenta passio, inlata sicut diximus ab iniustitia, *Deus eterne*, qui absconditorum es cognitor, qui Dan. 13. 42 nosti omnia antequam fiant, tu nosti quoniam falsum testimonium tulerunt aduersum me, & ecce morior, cum nihil horum fecerim quæ isti malitiosè composuerunt aduersum me. Exaudiuit autem Dominus vocem eius, & reddidit presbyteris, qui erant constituti iudices populi in anno illo, & falsum tulerunt testimonium, iuxta quod malum egerant erga proximum, qui interfecti sunt. Et attendentes, quia multi præsentialiter etiam corpore moriuntur, vt Ananias & Saphira, & qui communicantes, vt Paulus dicit, non discernunt corpus Domini: multi autem in corpore viuunt, sed pro actu malo sunt anima mortui, sicut illa de qua scriptum est, *Viuens mortua est*. semper autem anima quæ 1. Tim. 5. 6. peccat moritur, & perseueranter peccantes duplici contritione conterentur, quando ponentur sicut clibanus ignis, & induentur sicut diploide confusione sua, cum perdentur corpore & anima in gehenna. Hæc dicimus non tollentes iusta iudicia, sed timentes ne iudicemus scientes iniusta, non prohibentes testificari vera, sed refugientes mendacia.

Sed & quia superius, & ex aliorum institutione doctorum, sufficienter ordinem diffinitionis de causa vnde agitur ex decretis beati Gregorij demonstrauius, adhuc non piget ostendere quem modum in inquisitione & diffinitione huiusmodi quæstionis debeamus tenere. Ait enim, si de causa post initum coniugium agitur, ad Adrianum notarium, *Agathosa*, inquiring, latrix presentium quæstæ est maritum suum contra voluntatem suam in monasterio Urbici Abbatis esse conuersum. Quod quia ad eiusdem Abbatis culpam & inuidiam non est dubium pertinere, experientia tuæ præcipimus, vt diligenti inquisitione discutiat, ne fortè cum eius voluntate conuersus sit, vel ipsa se mutare promiserit. Et si hoc repererit, & illum in monasterio permanere prouideat, & hanc, sicut promissit, mutare compellat. Si verò nihil horum est, nec quoddam fornicationis crimen, propter quod viro licet uxorem relinquere, prædictam mulierem commisisse cognoueris, ne illius conuersio uxori relictæ in saculo fieri possit perditionis occasio, volumus vt maritum suum illi, vel si iam tonsuratus est, reddere omni debeas excusatione cessante. Nam excepta fornicationis causa, virum uxorem relinquere diuina lex nulla ratione concedit: quia postquam copulatione coniugij viri atque mulieris unum corpus efficitur, non potest ex parte conuerri, & ex parte in saculo remanere. Et quia vna lex viri & uxoris hinc constare dinoscitur, demonstrat in epistola, quam supra posuimus, ad Secundinum Episcopum Taurominitanum, *Præsentium*, inquiring, portitor Leo Chartularius ad nos veniens indicauit, uxorem suam, quæ relicto eo pro fornicationis crimine, quo vehementius stimulatam aiebat, atque ob hoc religiosam vestem induerat, culpabilem nullatenus

solum emendare nequiverit prodicionis nefas, sed ad prius scelus etiam proprii homicidij crimen addiderit. Timeamus omnes hanc veram sententiam, caueamus hanc perniciosissimam erga deceptionem nostram diabolicæ malignitatis astutiam, qua fraudulenter diabolus etiam sub pœnitentiæ spe nos deludit, & ex consilio nos in culpa ligat, quod cum ab statu iustitiæ peccando concidimus, plerumque simul & in laqueum desperationis cadimus, & à radice spei funditus euellimur. Hinc est quod per Prophetam Dominus, non tam præcipitationum praua quam delictorum studia reprehendit dicens, *Ne forte egredietur ut ignis indignatio mea, & succendatur, & non sit qui extinguat propter malitiam studiorum vestrorum.* Hinc iterum iratus dicit, *Visitabo super vos iuxta fructum studiorum vestrorum.* Quoniam igitur à peccatis aliis, ut dicit beatus Gregorius, differunt peccata quæ per consilium perpetrantur, non tam Dominus praua facta quam studia prauitatis insequitur. In factis enim sæpè infirmitate, sæpè negligentia, in studiis verò malitiosa semper intentione peccatur. Et ipse in cathedra pestilentiae sedet, qui tanta iniquitatis elatione extollitur, ut implere malum etiam per consilium conetur. Hinc ergo colligant qui in culpa se etiam per consilium ligant, qua quandoque ultione feriendi sunt, qui nunc prauorum non socij sed principes fiunt.] Cauenda est etiam callidi hostis versutia, qui mentem quam peccato supplantat, cum de ruina sua afflictam respicit, securitatis pestiferæ blanditiis seducit, & ei spes ac securitates vacuas ante oculos vocat, quatenus vtilitatem tristitiæ subtrahat. Modò enim aliorum facta grauiora, modò ei verecundiam de promissione sua, quam prauè adimplere promiserat, opponit: modò nihil esse quod perpetratum est, modò misericordem Deum loquitur, modò vtilitatem, vel quodcumque emolumentum aut gratiæ vel honoris corruptæ menti obicit: modò malum aliud, quod de malo minori excludi potest, ostendit, modò adhuc tempus subsequens ad pœnitentiam pollicetur, ut dum per hæc decepta mens ducitur, à malo cœpto non reuocetur, & ab intentione pœnitentiæ suspendatur: quatenus tunc bona nulla percipiat, quam nunc mala nulla contristant, & tunc plenius obruatur suppliciis, quæ nunc etiam gaudet in delictis. Sæpè etiam speciali malo duplicium corda ingenio artis antiquæ peruertit, ut dum peruersa & duplici actione ceteros fallunt, quasi præstatiùs ceteris prudentes se esse gloriantur. Et quia distractionem retributionis non considerant, de damnis suis miseri exultant, de quibus Propheta dicit, *Ecce dies Domini venit magnus & horribilis super omnes ciuitates munitas, & super omnes angulos excelsos.* quia ira extremi iudicij humana corda, & defensionibus contra veritatem clausa destruit, & duplicitatibus inuoluta dissoluit. Attendant & accusatores fortè innocentium, & testes dolosi, & iudices, quod eis dicitur, *Va his qui condunt leges iniquas, scribentes iniustitias.* Et quod per Susannam dicit violenta passio in-

Hier. 4. 4.

Hier. 21. 14.

Pastor. III.
cap. XXXII.

Soph. 1. 16.

Esa. 10. 1.

illum, docens nos de secularibus secularium Christiana & iusta expectare iudicia, & tunc Ecclesiastica videlicet medicinalium iudiciorum malagmata debere infirmis imponere, hoc idem Apostolo demonstrante, quando adhuc inter infideles conuersabantur fideles. *Iam delictum est, inquit, inter vos, quia iudicamini apud extraneos, & non apud fratres. Secularia igitur iudicia si habueritis inter vos, contemptibiles qui sunt in Ecclesia constituite ad iudicandum.* Vnde Gregorius in regula pastoralis, *Vt saltem terrenis negotiis inserviant, quos dona spiritalia non exornant.* Et Augustinus in Enchiridio, *Cum sint talia iudicia fieri necessaria, non vetari, sed apud fideles debere iudicari demonstrat.* Et Ambrosius, *Quia ergo sunt, inquit, sapientes fratres, aliqui horum eligantur ad iudicandum, quorum iudicium veretur mundus.* Magnus enim pudor est, si inter eos qui dicuntur Deum cognovisse, non inuenitur qui examinare possit iudicium. Quomodo enim homicida penitens pacem sumet Ecclesie, antequam cum litigantibus pacificetur? Quomodo indulgentiam accipere poterit discors, antequam caritatis glutino uniat? Quomodo rapax dignos penitentiae fructus aget, antequam iuxta David iudicium, & Zachaei exemplum, aut emendando, aut satisfaciendo, placationis hostiam offerat qui rapinis crudeliter insudavit? Vel quomodo soluetur coniugium, nisi decernentibus Christianis legibus, quibus fuerat auctore Domino copulatum, vel quia non initum, sed magis usurpatum contra Christianas leges fuerat, extiterit demonstratum? Et hoc quomodo ordinabiliter fieri poterit, nisi legibus humanis ab eo inspiratis, per quem conditores legum iusta decernunt? Vnde sanctus Gelasius ad Anastasium Imperatorem, Si, inquit, quantum ad ordinem publicae pertinet disciplinae, cognoscentes imperium tibi superna dispositione collatum, legibus tuis ipsi quoque parent religionis Antistites, ne vel rebus mundanis exclusa videantur obuiare sententiae, quo rogo te decet affectu eis obedire, qui praerogandis venerabilibus sunt attributi mysteriis? Vt alibi scriptum est relegendes, *Reddite quae sunt Caesaris Caesari, & quae sunt Dei Deo, Caesari quidem nummum, tributum, & pecuniam, honorem debitum, quandiu ipse Dominum fideliter honorauerit, & vectigal, Deo autem decimas, primitias, oblationes, ac victimas, atque continuam seruitutem: quomodo & ipse reddidit tributa pro se & Petro, & Deo reddidit quae Dei sunt, Patris faciens voluntatem.* Et sanctus Augustinus in Sermone sexto Euangelij Ioannis, *Noli, inquit, dicere quid mihi & Regi? quid tibi ergo & possessioni? per iura Regum possidentur possessiones. Sic & per legalia iudicia, iusta, quoniam Christiana, secularium negotiorum dirimenda sunt quaestiones.* Et de libello, vel secreta confessione, idem decernit Leo, inquiens, vniuersis Episcopis per Campaniam, Samnium, & Picenum, salutem, *Magna indignatione commoveor, & multo dolore contristor, quod quosdam ex vobis comperi Apostolicae traditionis oblitos, & studio sui erroris intentos.* Et post aliquanta, *De penitentia scilicet, quae a fidelibus postulatur, ne de singulorum peccatorum genere libel-*

1. Cor. 6.

Epist. 2.

Matt. 22. 21

Epist. xxvi.

extitisse, neque post initum coniugium in fornicationis culpam conlapsum. adiciens quoque quod eidem uxori suae districtissima sacramenta praeberit, insontem se ea de re, unde illam mordebat suspicio, permansisse, & idcirco propria eam sponte ad se reuersam. Sed quia communione illam cum familia sua pro hoc solo à fraternitate vestra priuatam asserit, quod ad eum clam postpositis vobis redierit, volumus ut familia quidem ipsius sacram communionem recipiat, & domina eam culpa in huius afflictionis poena diu non teneat. De ipsa vero, id est, de uxore praedicti portitoris, hoc vos observare necesse est, ut si manifestè constat, quia contra coniugem suum dicere nihil potuit, sed insuper suspicio ipsius, praestito ut edocti sumus sacramento, amputata est, atque post hoc sua ad eum sponte reuersa est, & in ea quoque ita temperanda est censura iudicij, ut longo iam tempore communione minimè priuetur.

INTERROGATIO XI.

Et quia maritus à coniuge, vel vxor à marito, per scripturam secretæ confessionis se non possint disiungere, sicut Episcopus ab Ecclesia sibi commissa, vel gradu, aut quilibet in ordine Ecclesiastico, ab officio se non praeualet si voluerit remouere, sicut auctoritate Ecclesiastica supra studuimus demonstrare.

RESPONSIO.

NEQVE libello secretæ confessionis porrecto publicæ poenitentiae quisquam debet submitti, nec per scripturam directam, vel ab alio porrectam, valet condemnari, sed vnde publicè debet iudicari, publicè & in praesenti positus debet aut conuinci, aut confiteri. Ad Nicetam Aquileiensem Episcopum scripsit magnus Leo Papa dicens, *In praesenti positus, aut confutatus, aut certè confessus, iusta potest subiacere sententia: quia contrarium est rationi, eorum illos cernere poenas, quorum non valent nescire causas.* Quem etiam ordinem iudicandi demonstrat scriptura diuina, dicentibus de criminata accusatoribus in iudicio praeparato, *Mittite, inquit, ad Susannam filiam Helchiae uxorem Ioachim, & miserunt.* Et venit cum parentibus & filiis. Et post datum testimonium, condemnauerunt iudices eam ad mortem. qua liberata, veritate eam liberante, puniti sunt falsi testes iuxta quod malum in proximum egerant. Sed & deprehensa in adulterio, oblata corporali praesentia, non per alienum testimonium vel scripturam, quod Ecclesiastica & Romanae prohibent leges, est accusata. cuius etiam confessio subinnuitur, cum ei à Domino dicitur, *Nemo te condemnauit?* & illa, *Nemo Domine.* Pilatus quoque de Domino, tanquam latrone comprehenso atque ligato, per cohortem, sicut Augustinus dicit, legitimo ordine potestatis seruato, & per ministros Iudaeorum, & ab Anna Caiphæ, atque à Caipha in praetorium sibi transmissio dicit, *Obtulistis mihi hunc hominem.* Quémque audiens esse de potestate Herodis, remisit eum ad

senioribus ciuitatis, adprehendēque seniores urbis illius virum, & verberabunt illum condemnantes insuper centum siclis argenti, quos dabit puellæ, quoniam diffamauit nomen pessimum super virginem Israël, habebitque eam uxorem, & non poterit dimittere eam omni tempore vitæ suæ. Quod si verum est quod obiecit, & non est inuenta in puella virginitas, eicient eam extra fores domus patris sui, & lapidibus obruent viri ciuitatis eius, & morietur, quoniam fecit nefas in Israël, ut fornicaretur in domo patris sui, & auferes malum de medio tui. Et de incesto in Leuitico scriptum est, Omnis Leuit. 18. homo ad proximam sanguinis sui non accedat, ut reuelet turpitudinem eius, ego Dominus. Turpitudinem sororis tuæ ex patre, siue ex matre, quæ domi vel foris genita est, non reuelabis. & item, Omnis anima quæ fecerit de abominacionibus istis quippiam, peribit de populo suo. & item, Qui acceperit sororem suam filiam patris sui, vel filiam matris suæ, & viderit turpitudinem eius, illaque conspexerit fratris ignominiam, nefariam rem operati sunt, occidentur in conspectu populi, eo quod turpitudinem suam mutuo reuelauerint, & portabunt iniquitatem suam. Vnde sanctus Augustinus, Quid ait in hoc loco viderit, nisi concumbendo cognouerit, sicut alibi in lege dicitur, Cognouit uxorem suam, pro eo quod est, mixtus est ei. Et quid ait, peccatum suum Gen. 4. 2. accipient, nisi quia ipsam pœnam peccati peccatum voluit appellari. Et quia necessitate coacti, sicut & Apostolus, qui quodam loco de quibusdam dixit, Quæ in occultis agunt turpe est etiam dicere, constrictus necessitate a Ephes. 5. 12. pertissimè ad Romanos redarguit masculos in masculos turpitudinem operantes, & feminas naturalem vsum in eum vsum qui est contra naturam mutant, velimus nolimus, timentes comminationem dicentis Domini, ut suprâ longè præmisimus, Qui me erubuerit & meos Luc. 9. 26. sermones, hunc erubescet filius hominis coram Angelis Dei, adhuc ponemus in hac causa de libro Geneseos, Introiens, inquit, Onan filius Iudæ filij Genes. 38. 9. Iacob patriarchæ ad uxorem fratris sui Her primogeniti Iudæ, qui fuit nequam in conspectu Domini, & ab eo occisus est, semen fundebat in terram, & idcirco percussit eum Dominus, quod rem detestabilem faceret. Et scriptum est in libro Leuitici, Qui dormierit cum masculo coitu femineo, & Leuit. 10. 13. terque operatus est nefas, morte moriantur. Vnde & leges Romanæ decernunt in capitulis de stupratoribus, quod legens quisque inueniet. Et si de masculo cum masculo ita decernitur, quam adinventionem leges inuenient de masculo & fratre cum sorore ex concubitu masculi Sodomitano? Sanctus nihilominus Augustinus in libro secundo ad Valerium Comitem, de nuptiis & concupiscentia scribit, Cap. 22. Quod autem ait, inquiens, Apostolus de improbis, Relicto naturali usu feminae exarserunt in desideria sua in inuicem masculi in masculos turpitudinem operantes, non dixit vsum coniugalem, sed naturalem eum volens intelligi, qui fit membris ad hoc creatis, ut per ea possit ad generandum sexus uterque misceri: ac per hoc, cum eisdem membris etiam meretrici quisque miscetur, naturalis est usus, nec tamen laudabilis, sed culpabilis. Ab ea verò parte corporis, quæ non ad generandum est instituta, si & coniuge quisque utatur,

Conc. Afr.
can. 99.

Leo epist. 1.
in fine.

lis scripta confessio publicetur, cum reatus conscientiarum sufficiat solis sacerdotibus indicari confessione secreta. Quamuis enim plenitudo fidei videatur esse laudabilis, quæ propter Dei timorem apud homines erubescere non veretur, tamen quia non omnium huiusmodi sunt peccata, ut ea qui penitentiam possunt non timeant publicare, remoueatur improbabilis consuetudo, ne multi a penitentia remediis arceantur, dum aut erubescunt, aut metuunt inimicis suis sua facta referari, quibus possint legum constitutione percelli. Sufficit enim illa confessio, quæ primum Deo offertur, tunc etiam Sacerdoti, qui pro delictis penitentium precator accedat. Tunc enim plures ad penitentiam poterunt prouocari, si populi auribus non publicetur conscientia confitentis. Hinc colligant quique, si canones sacri iubent excommunicare Episcopum, quando non communicauerit illi, quem sibi dicit crimen secretè fuisse confessum, utrum debeat aut audeat aliquis de secreta confessione, siue per libellum siue per verbum credita, quemcunque publicæ penitentia legibus subdere, quanto minus coniugium legaliter initum sine certa & manifesta ratione dissoluere. cum idem Leo ad omnes Episcopos per vniuersas prouincias constitutos terribiliter intonet dicens, Hoc itaque admonitio nostra denuntiat, quod si quis fratrum contra constituta venire tentauerit, & prohibita fuerit ausus admittere, a suo senouerit officio submouendum, nec communionis nostræ futurum esse consortem, qui socius esse noluit disciplina.

INTERROGATIO XII.

QVINTO capitulo nobis rescribite, ex auctoritate scripturarum, & traditione patrum, de stupro, atque abortu quæ scripta contineantur, cum auctorum nominibus & designatione librorum, ut scire possimus, utrum tali modo, sicut dicitur, femina possit concipere, & post abortum virgo valeat permanere, sicut de ista dicitur accidisse. & si deprehensa fuerit hæc ante coniugium crimina perpetrasse, utrum in coniugio debeat aut valeat permanere.

RESPONSIO.

DE stupro denique & abortu, quæ sæpè dictæ obiecta fuisse audiuius mulieri, ne secundum coniecturam humani arbitrij decernentes, æquissimum iudicem Dominum offendamus, ad sanctarum scripturarum paginas recurramus: Ait enim liber Deuteronomij, Si duxerit vir uxorem, & postea eam odio habuerit, quæsieritque occasiones quibus dimittat eam, obiciens ei nomen pessimum, & dixerit, uxorem hanc accepi, & ingressus ad eam non inueni illam virginem, tollent eam pater & mater eius, & ferent secum signa virginitatis eius ad seniores urbis, qui in porta sunt: & dicet pater, Filiam meam dedi huic uxorem, quam quia odit, imponit ei nomen pessimum, ut dicat, Non inueni filiam tuam virginem: & ecce hæc sunt signa virginitatis filia mea. Et expandet vestimentum coram

mo, extra corpus est: qui autem fornicatur, in corpus suum peccat. Sed talis est, ut aiunt, huiusmodi pollutio, ac si de digito suo fricat quis lutum per manum suam, vel inter femora sua, & ex eodem luto manum suam abluat. similiter & hæc femina post balneum ab hac pollutione lota penitus extitit. Qui hæc dicunt, non catholici, sed Cynici, id est propter impudentiam canini hæretici sunt habendi, sicut sanctus Hieronymus in Epistola ad Ephesios demonstrat, exponens sententiam Apostoli qua dicit, *Fornicatio autem, & omnis immunditia, aut avaritia, nec nominetur in vobis, sicut decet sanctos.* Nisi, inquit, philosophorum quidam Cynicus extitisset, qui doceret, omnem titillationem carnis, & fluxum seminis ex qualicumque attritu tactuque venientem in tempore non vitandum, & nonnulli sapientes sæculi in hanc turpem & erubescendam hæresim consensissent, nunquam sanctus Apostolus scribens ad Ephesios, ad fornicationem etiam omnem immunditiam copulasset, sicut decet, inquit, sanctos: ex quo sanctus non potest appellari, quicumque extra fornicationem in aliqua immunditia & avaritia voluptatum, quibus se delectauerit, inuenitur. *Hoc enim scitote, inquit Aposto-* Ephes. 5. 3.
lus, quia omnis fornicator, aut immundus, aut auarus, quod est idolorum seruitus, non habet hereditatem in regno Christi & Dei. Et supra in libro secundo, *Qui desperantes semetipsos tradiderunt impudicitiae in operationem immunditiae.* Omnes in avaritia desperantes se, inquit, in ritum inrationabilium bestiarum cæno voraginique mergentes, tradiderunt impudicitiae atque luxuriæ, operantes quicquid corpus voluerit, mens desiderauerit, libido suggererit: & cum nihil omnino prætermiserint quod immundum sit, hoc totum fecere in avaritia, dum nunquam luxuriando saturantur, nec eorum terminum habet voluptas, aut certe ultra concessam viri ad feminam coniunctionem, ad maiora conscendunt, masculi in masculos turpitudinem operantes. Turpitudine enim est, ut idem doctor in tertio tomo eiusdem epistolæ exponit, abscondita cogitatio, cum inflammatur sensus ad libidinem, & carnistitillationibus anima ignita succenditur, & nihilominus Dei timore & mentis iudicio refrænatur. Vnde constat, quia sicut idem dicit Apostolus ad Romanos, cum masculi in masculos, vel feminae in feminas, siue masculi in feminas, vel quilibet per se ipsos modo quolibet turpitudinem operantur, immunditia est, quæ separat operantem à regno Dei, & in inferna demergit, sicut isdem dicit Apostolus, *Omnis fornicator, aut immundus, non habet hereditatem in regno* Ephes. 5. 5.
Christi & Dei. Vnde & Isidorus in secundo libro sententiarum dicit, Omnis immunda pollutio fornicatio dicitur, quamuis quisque diuersæ turpitudinis voluptate prostituatur. Ex delectatione enim fornicandi varia gignuntur flagitia, quibus regnum Dei clauditur, & homo à Deo separatur. Et S. Prosper in libro De virtutibus & vitiis, Hinc quod ille corporis fluxus, qui fit in dormientibus sine culpa, interdum vigilantibus

- Rom. I. 26. *contra naturam est & flagitiosum. Denique prius idem Apostolus de feminis dixit, Nam femina eorum immutauerunt naturalem usum in eum usum qui est contra naturam. Deinde masculis in masculos turpitudinem operantibus relicto usu femina naturali, non de isto nomine, id est naturali, coniugalis est laudata commixtio, sed immundiora & sceleratiora flagitia denotata sunt, quasi illicitè feminis, sed tamen naturaliter uterentur. Et item in libro De bono coniugali, Cum verò, inquit, vir membro mulieris non ad hoc concesso uti voluerit, turpior est uxor si in se, quam si in alia fieri permiserit. Et in secundo libro De adulterinis coniugiis, Si autem se non continet, licitè nubat, ne turpiter generet, aut turpius concumbendo non generet. Quamquam hoc, quod ultimum dixi, nonnulli faciunt etiam licitè coniugati. Illicitè namque & turpiter etiam cum legitima uxore concubitur, ubi prolis conceptio deuittatur, quod faciebat Onan filius Iudæ, & occidit illum propter hoc Dominus. Sic etiam interdum & solo visu, cum turpiter vel innupta concupiscitur, adulterium perpetratur. Quod tamen plerumque, ut S. Gregorius in libro Moraliū vigesimo primo dicit, ex loco vel ordine concupiscentis discernitur: quia scilicet sic hunc in sacro ordine studiosa concupiscentia, sicut illum adulterij inquinat culpa.] Et in epistola ad Sabinum subdiaconum regionarium, Cum plerumque, inquit, quod in laicis culpa est, hoc crimen sit in sacro ordine constitutis, quanta in eis distictione puniendum sit piacularè flagitium, qui zelo rectitudinis vitur non ignorat.] & item in præfato libro, In personis tamen non dissimilibus isdem luxuriæ distinguitur reatus, in quibus fornicationis culpa, quia ab adulterij reatu discernitur, prædicatoris egregij lingua testatur, qui inter cetera asserit dicens, Neque fornicarij, neque idolis seruientes, neque adulteri regnum Dei possidebunt. Quod enim disuncta reatui sententiæ subdidit, quoniam valde à se dissideat ostendit.*
- Cap. xix. *Et Augustinus in libro De bono coniugij, Malum est fornicatio, peius adulterium: peius est enim alienum matrimonium violare, quam meretrici adherere. Et peior est incestus, quia peius est cum matre, quam cum aliena uxore concumbere: & semper de malo ad peius, donec ad ea perueniatur, quæ, sicut ait Apostolus, turpe est etiam dicere.] Et sanctus Ambrosius in libro De Abraham, Offerebat sanctus Lot filiarum pudorem. Nam etsi illa quoque flagitiosa impuritas erat, tamen minus erat secundum naturam committere, quam aduersum naturam delinquere. & item in Epistola ad Corinthios, Si tamen apostatet vir, aut usum querat uxoris inuertere, nec alij potest nubere mulier, nec reuerti ad illum. Hæc ad exaggerationem criminis collecta sunt, ut hinc colligatur quantum mali sit fratris cum sorore incestus, etiam concubitu masculi Sodomitano, si fortè causa ita se habet, quæ vtrique per se perpetrata in Heptatico morte Domino præcipiente multantur: & eorum assertio nefandissima destruat, qui adstruunt non esse scelus Sodomitanum, nisi quando intra corpus, id est, in membro obscenæ partis corporeæ, videlicet intra aqualiculum fornicatur, malè & improprie testimonio abutentes Apostoli, Omne peccatum quodcumque fecerit homo,*
- Lib. viii. epist. v. *Ephef. 5. 12. Genes. 16. Lib. I. c. 6.*
- Cap. vii. *1. Cor. 6. 13.*

nefaria posuerunt puerum in prostibulo, & epheborum pretium in marsupiiis. quorum dominati sunt effeminati, qui loco epheborum, quasi ad matronarum custodiam spadones effecti, impudiciæ & immunditiæ adsciti, atque subacti libidini, quæ etiam ferreas mentes ut dicitur domare solet, seruire & libidinosis dominari diabolica adinventione fuere reperti. Et huiusmodi vitia non solum sacrilegio, verum & idololatriæ, cuius mercedi sunt reddita, ut ostendit Apostolus, deputantur, sicut scriptum est de gulosis, *quorum* Philip. 3. 15. *Deus venter est, & de luxuriosis, & gloria in confusione ipsorum qui terrena sapiunt.* Philip. 3. 19. Deum quippe scriptura gloriam appellauit, quæ dicit, *Mutauerunt gloriam suam in similitudinem vituli comedentis fenum.* & de auaritia, quæ est Ps. 105. 20. *idolorum seruitus,* scriptura testatur. Sic & de aliis, atque ex aliis, studiosus lector in scripturis inueniet. De abortu vero in Exodo scriptum est, *Si litigabunt duo viri, & percusserit mulierem in utero habentem, & exierit infans eius nondum formatus, detrimentum patietur quantum indixerit vir mulieris, & dabit cum postulatione. Si autem formatus fuerit, dabit animam pro anima.* Exod. 21. Et de conceptu in Euangelio scriptum est, *Quod* Matt. 1. 20. *enim in ea natum est,* quod sine dubio, ut exponit Gregorius, *conceptum* est dicitur. Nam tunc primum Ioseph hæsitare cœpit, quia tumens sponsæ suæ vterum vidit. Hinc reuoluamus ex lege quomodo fiat secundum naturam conceptio. *Mulier,* inquit, *quæ suscepto semine* Leuit. 12. 1. *peperit masculum siue feminam,* & de parturitione siue formati, siue ut præmisimus informati, quod mulier, siue masculini, siue feminini generis, parit vel abortit, scriptum est, *Omne quod aperit vuluam.* Exod. 34. 19. Notandum quia scriptura perhibet mulierem suscipere semen, scilicet coitu virili per genitalem venam immissum in vuluæ secretum, baiulante matrice, sicut & physica lectione comperimus, & non, ut hæc adinuentio dicit, semen sibi attrahere, vel adsumere alibi, vel aliunde emissum. & in emissionem, quod de immisso semine conceperat, vuluam adaperiri eadem scriptura testatur, videlicet pro primo partu, quæ seruare clausuræ integritatem non potuit, etiam in primo naturaliter coitu. Credamus igitur quod legimus, & quod non legimus adstruere nefas credamus. A sæculo enim non est auditum, nec de sub isto cælo in scriptura veritatis est lectum, ut vulua feminae sine coitu semen suscepit, atque conceperit, & clauso utero, & inaperta vulua, seu integra carne, viuum vel abortiuum pepererit, excepta sola singulariter beata & benedicta Virgine Maria, cuius conceptio non naturæ fuit, sed gratiæ, dicente ad eam Archangelo, *Aue gratia plena,* in quam Spiritus sanctus superuenit, Luc. 1. qui ei ex virgineo semine, virgineoque sanguine, sine voluntate carnis, & sine voluntate viri, fecunditatem prolis contulit, virginitatem non abstulit: quæ sicut carne integra, & vulua non adaperita, id est clauso utero concepit, ita non aperta vulua, sed clauso utero peperit, simulque & mater extitit, & perpetuo ac semper virgo

Rom. I.

Ezech. 16.
49.

Isa. I. 10.

bus contingat ex culpa. Ibi naturaliter plenitudo humoris expellitur, hinc turpiter concupiscentia publicatur. Sed hæc concupiscentia illis vigilantibus hunc elicit fluxum, quibus per fœda conloquia sordidum comouet appetitum.] Hunc sordidum appetitum habent etiam feminae, ut exponens Apostolum dicit Ambrosius, in feminas turpitudinem operantes. Quæ carnem ad carnem, non autem genitale carnis membrum intra carnem alterius, factura prohibente naturæ, mittunt: sed naturalem huiusce partis corporeæ usum in eum usum qui est contra naturam commutant. quæ dicuntur quasdam machinas diabolicæ operationis nihilominus ad exæstuandam libidinem operari: & tamen fornicantes in corpus suum peccant. Similiter & masculi in masculos turpitudinem operantes, id est, ardorem libidinis euaporantes, & voluptatem carnis, quæ se delectat, explentes, qui ab Apostolo masculorum concubitores appellantur, & molles, qui huic turpitudini voluptuosè succumbunt. Sed & qui tollit membra Christi facit membra meretricis, adhærens meretrici, cum qua vnum corpus efficitur. Et qui cum Deo sacrata, vel cum cognata, & cum ea quam cognatus habuit, vel cum vxore alterius, aut cum pecore, seu cum femina contra naturam flagitiosè peccat, vel qui semetipsum, per se, manu vel alio quolibet modo polluit, ardorem libidinis explens, fornicatur, & tanto damnabilius, & inde in pœnis grauius, si dignè non pœnituerit, tormentandus, quanto quisque contra naturam sceleratius in corpus suum peccat: quia ut sanctus Augustinus, & ceteri doctores exponunt, in expletione fornicationis ira cum corpore & mens carnalis penitus absorbetur, ut nihil aliud tunc vel cogitare præualeat. Et peccatum hoc non tantum contingit, quantum possidet polluendo corpus & animam: de quo cum pertransiit actus, adeo manet reatus, ut & inter ipsius pœnitentiæ gemitus stimuli pristinae delectationis miserabiliter soleant excitari. & talium omnium facinorum patratores, sicut testatur Apostolus, excluduntur à regno Dei, nisi antequàm de corpore exeant, per luctuosam confessionem & profusas lacrymas, atque eleemosynarum largitionem, dignosque pœnitentiæ fructus, cum multa afflictione carnis, & contritione spiritus, tantorum abluere studuerint maculas criminum. Nemo igitur dicat, non perpetrare cum peccatum Sodomitanum, qui contra naturam in masculum vel in feminam turpitudinem operatur, & attritu, vel attactu, seu motu impudico, ex deliberatione & studio immundus efficitur. qui, ut docet Apostolus, à regno Dei excluditur, cum alia etiam peccata, contra iura naturæ usurpata, Sodomæ reputata Sodomitica appellentur, dicente ad civitatem peccatis plenam Domino per Prophetam, *Hæc fuit, inquit, iniquitas sororis tuæ Sodomæ, otium, saturitas panis, & abundantia.* Et Iudæi peccantes coram Domino, ab Isaia principes Sodomorum, & populus Gomorrhæ vocati sunt. qui inter alia iniquitatum suarum

giam in exquendo iudicio commonemus, sicut magnificus doctor Gregorius ad Domitianum metropolitanum Episcopum scribit, *Hor-* Lib. viii.
epist. l.
tamur, inquit, fraternitatem tuam, ut & veritatem cum omni stu-
deat subtilitate perquirere, & ita contentione partium secundum
iustitiam citius finem imponere, ne pars quæque in iudicio se pati
præiudicium conqueratur. Nam sicut sine iudicio quemquam no-
lumus condemnari, ita quæ diffinita fuerint, nulla patimur excusa-
tione differri.] Et ad Constantium Episcopum Mediolanensem scri-
bit, unde in hac causa quisque sanus, sapiens, & rectè intendens,
similitudinem & exemplar non incògruum poterit sumere. Ait enim, Lib. viii.
epist. xxxi.
Si qualis fuit in requisitione cura, talis fuisset in discussione subtili-
tas, nihil ex hoc, quod de fratre nostro dictum est, fuisset ambi-
guum, sed vtrum verum, an esset compositum, patuisset, quia iam
contra ipsum dudum in Sicilia, apud reuerendæ memoriæ fratrem no-
strum Maximianum Episcopum, talis quæstio, ut cognouimus, mota
est: sed quia causa ipsius subtili omnino inuestigatione quæsitæ est, om-
nino inuentus est innocens, qui fuerat accusatus in crimine. Nunc igitur,
quoniam illa quæ contra eum dicta sunt, non sub illa qua decuit
distinctione quæsitæ sunt, & gesta, quæ exinde apud fraternitatem
vestram confecta sunt, neque ad condemnationem, neque ad abso-
lutionem eius probantur posse sufficere, non levis res agitur, quæ
aut incautè, vel in transcurso debeat diffiniri. Nam graue est satis
& indecens, ut in re dubia certa dicatur sententia. Et hæc quidem
gesta esse poterant ad diffiniendum idonea, si accusati ea confessio
sequeretur, si tamen eandem confessionem subtilitas examinis ex oc-
cultis eiiceret, & non afflictio vehemens extorqueret, quæ frequen-
ter hoc agit, ut noxios se fateri etiam cogantur innoxij. Nam post-
quam præfatus Episcopus, ut dicitur, cruciari custodia, cremari-
que fame se asserit, scire debetis, si ita est, vtrum noceat si sic fue-
rit extorta confessio. Numquid quando sententiam tales causæ susci-
piunt, & ad sedem Apostolicam appellatur, non & persona quæ iu-
dicatur præsens est, & districtissimè atque ab omni latere veritas
quæritur, ut tunc si debeat necne manere sententia decernatur? Et
ideò postquam & persona absens est, & gesta quæ ad nos transmi-
sistis, nobis, sicut præfati sumus, idoneè satisfacere non viden-
tur, temerè aliquid de fratris persona decernere nec debemus,
nec possumus, ne quod absit reprehensibiles inueniamur in no-
stris, quibus aliorum iure competit retractare sententias.] Et ad Lib. iiii.
epist. lxxiii.
Virgilium Arelatensem Episcopum dicit, Emendatio & vindicta
culpabilem feriat, & innocentem falsa opinio non adfligat.] Et ad Lib. x.
epist. viii.
Columbum Episcopum scribit, Quia satis peruersum & contra Ec-
clesiasticam probatur esse censuram, ut frustra pro quorundam volun-
tatibus quis priuetur, quem sua culpa vel facinus ab officij quo fungi-
tur gradu non deiicit.] Hinc ergo colligat iudices, quia si de stupro se-

permanfit. Virgineum quippe, vt legimus, vnde virgines quæ carne integræ sunt vocitantur, id est pelliculam, quæ in eis in concubitu primo corrumpitur, in emissionem cuiuslibet partus integram permanere natura non patitur, & postquam virgineum illud corrumpitur, virgo femina non habetur. Sed & in scriptura legimus veritatis, quoniam hac diabolica adinventionem, quæ de ista femina & suo fratre refertur, Onan cum vxore sua quærens explere libidinem, & nolens nasci filios, concumbebat, qua de re à Domino percussus interiit. Vnde non credimus tali concubitu hinc feminam potuisse concipere. Hæc ideo Episcopi dicimus, non quod puellarum virginalia, vel feminarum secreta, quæ experimento nescimus, scientibus reuelare, aut nescientibus insinuare velimus. Sed quoniam scriptum est, *Genes. 38.* *Can-*
Iob 19. 16. *sam quam nesciebam diligentissimè inuestigabam*, idcirco quæ in Ecclesiæ magistrorum scriptis relegimus, ante oculos reuocamus, vt si in huiusmodi deprehensa, ad nos de iudicio iustorum iudicium petens penitentiam venerit, sine errore eam iudicare possimus.

Quapropter & addimus, vt si domnus noster Rex prædictam feminam inuenit virginem, cur eam denotari quasi stupratam consentit? Si verò illam virginem non inuenit, quare tam diu eam retinuit, vel cur de illa iudicium examinationis recepit? Verum illi nobilissimi laici coniugati, & æquissimi iudices, qui de hoc iudicare debebunt, melius nobis & citius per se scire, & licentia maritali ab vxoribus discere prævalerunt, vtrum tali modo, sicut de ista audiuius, femina quælibet possit concipere. Et necesse est illis hoc sollertiùs & curiosius vestigare, ne fortè in hoc iustitiæ & æquitatis iudicio possint quocumque errore interpretare, quod vt de talibus personis ad tantorum notitiam poterit peruenire, & quo de iudicio plurimi exemplum studebunt accipere. Nos autem, vt huius negotij expertes, quæ legimus dicimus, & non inde ampliùs aut scire quærimus, aut inuestigare volumus. Viderint autem legum iudices, si verum inuentum fuerit quod de hac femina dicitur, scilicet vt ante desponsationem, quamdiu in sua vel eius de quo denotatur potestate extitit, indecens quid tale admisit, & postquam viro iuncta est, illi se soli seruauit, vtrum eam morte condemnari decernent, siue per legem Romanam, aut per illorum leges, vel quibus illa femina est subiecta, vel per quas illi eam voluerint iudicare. Sunt enim diuersæ vt gentes, ita & earum leges, quas, si Christianæ sunt, in suis ordinibus, quæ iusta sunt decernentes, Ecclesia sancta non reiicit. Nos autem, sicuti Balaz notam, & criminis pœnam nosse qui de consilio post edictum Domini dato refugimus, ita neminem mori decernimus, sed omnes saluos fieri volumus, qui neminem perire desideramus. neque legibus sanctis & iustis, quas hætenus sancta Ecclesia, & Episcopalis religio tum acceptauit, tum sustinuit, violentiam vllam inferre molimur. Sed tenendam esse, absque respectu cuiuscumque personæ, viam re-

est enim, *Nicodemus tamen vnus ex Phariseis, qui ad Dominum nocte venerat, respondit Iudais, Numquid lex nostra iudicat hominem, nisi audierit ab ipso prius, & cognouerit quid faciat?* Et Dominus, *Nolite secundum faciem iudicare, sed iustum iudicium iudicate.* Et sanctus Gregorius ad Sabinum subdiaconum de presbytero, qui Sodomiae nefario scelere & idololatria denotabatur, scribit, Quorumdam, inquit, relatione perlatum est, quia Sifinnius Regitanæ ciuitatis presbyter, quod auditu ipso intolerabile nimis est, idolorum venerator ac cultor sit, adeò vt in domo sua aliquod idolum positum habere præsumeret. Sed & quod non dissimile nefas est, Sodomiae illum scelere maculatum. Et ideò quia tanti facinoris iniquitas districta ac subtili inuestigatione quærenda atque plectenda est, hac tibi auctoritate præcipimus, vt vigilantissimo studio, & diligenti omninò cura perquiras: & si qua indicia adprehendere huius rei potueris, eum in custodia districta, quousque nobis renuncies, redigas, vt qualiter immanissimum facinus discuti debeat ac puniri, deliberare possimus.] Et si quis dixerit, non audet isdem peruersus homo ad rationem venire, audiat consilium sancti Gregorij de Frontinianistis hæreticis, qui ad rationem deducendam aliter adduci non poterant, quod scribit ad Maximianum Salonitanum Episcopum, De Frontinianistis, inquit, fraternitas tua sit omninò sollicita, & sicut cœpit studeat, quatenus ad sinum sanctæ Ecclesiæ reuocentur. Si qui verò ad me venire voluerint, & rationem recipere, prius iusiurandum præbeant, ac promittant, quòd in eorum errore etiam ratione recepta non persistant. & postmodum eis tua sanctitas promittat, quia à me nullam violentiā patiantur, sed rationem reddo, si veritatem cognouerint, suscipiant, si non cognouerint, inlæsos dimitto. Si qui verò cōtra vos sine iuramento ex eis ad nos venire voluerint, minimè eos fraternitas tua retineat, quia venientes, aut rationem recipient, aut scito quia terram illam vltiùs non videbunt.] Et in Carthaginensi Concilio scriptum est, *Placuit, inquit, vt accusatus, vel accusator, in eo loco, vnde ille est qui accusatur, si metuit aliquam vim temerariæ multitudinis, locum sibi eligat proximum, quòd non sit difficile testes perducere, vbi causa finiatur.* Et si quis dixerit, adduci non potest ad iudicium, quia fultus aliorum patrociniò regum rebellionem tenet contra regem. qui pro hoc crimine, & etiam pro aliis, eum vellet in iudicium mittere si posset, istam quam habet ad iudicium ducit. ante oculos habeant domini nostri Reges veridicam sententiam regis regum, qui est veritas & iudex viuorum ac mortuorum, qua dicit regi auxilium præstanti contra iniustitiam, *Im-* 2. Paral. 19.
pio, inquit, præbes auxilium, & his qui oderunt me amicitia iungeris. Idcirco iram quidem Domini, id est mortem, merebaris, sed bona opera inuenta sunt in te. Propterea timeant reges, qui talibus hominibus iniuste patrociniū præbent, de quorum tuitione Deum offendere possint, & Ecclesiæ ac pauperes Christi, & humiliores homines op-

Ioan. 7.

Ioan. 7.

Lib. viii.
epist. 6.Lib. viii.
epist. xxxv.

Can. 36.

mina reputatur, isdem qui ei vim intulit, vel eam ad scelus pellexit, accersendus est, & magis per illū causa inuestiganda, & ipse inuehendus, atque secundum legem examinandus est, & vel legali iudicio liberandus vel puniendus est. præsertim cum sicut audiuius parentum loco ipse eā legaliter marito tradiderit, quem secundum Domini per Moysen præceptum, oportet, etiam si virgo in coitu primo inuenta non est, aut indicia certæ virginitatis ostendere, aut obiectionibus stupri concredere, ne fortè eos qui iustè iudicare cupiunt, quæcumque suspicio mordeat, & qui potius student & valent alienis detrahère, quam sua statuere, locum derogandi inueniant, dicentes, Femina in custodia minis & afflictionibus perterrita, nihil aliud nisi quod ei iubetur audet aut valet dicere. Veniat ille qui in sua libertate est, & legaliter, aut quod ei impingitur defendens liberetur, aut illis de quibus reputatur, quoniam non solum particeps, sed etiam auctor & executor criminis est, concredens legaliter puniatur: & aut in liberatione illius, ista quæ in custodia est, & propter timorem super se mendaciū dicit, legaliter liberetur, aut in punitione illius legaliter puniatur, sicut in primo libro legis Romanæ capitulo sexto de stupratoribus, & in capitulo septimo de incestis & turpibus nuptiis præcipitur, & in ceteris, quæ Christiana iura depromunt, iusti iudices legere possunt. Iniustum est enim oppressam iterum opprimi, & opprimentem de libertate sceleris gloriari, quod valde sanctus Gregorius ad Goduinum Neapolitanum Ducem & immanissimè detestatur, dicens, Satis mirati sumus quòd in milite illo, qui ancillam Dei diabolica instigatione perdidit, districtissima vindicta hætenus facta non fuerit. Nam & moribus & bonitati vestræ valde conueniens fuit, ut antè ad nos ultio, quàm perpetratæ culpæ iniquitas perueniret. Hortamur ut sine excusatione aliqua, vel modò qualis vobis feruor sit erga caritatis custodiam demonstrantes, ita pro exemplo aliorum districtè emendare tantum facinus festinetis, ut Deum vobis, in cuius ille hoc iniuria perpetravit, timore eius neglecto despexit, placabilem faciatis. nam tantam iniquitatem inultam remanere nullo modo patimur.] Et terræ principes non surda aure debent audire quod dicitur, *Anathema in medio tuū, non poteris stare coram inimicis tuis.* Et item sanctus Gregorius ad Syagrium scribit Episcopum, Quia satis noxium atque perniciosum est, ut imitatione prauè agentis destruantur qui de punitione illius ædificari bene debuerant. In qua re non solum ille culpabilis, sed etiam qui non restiterit inuenitur. Nam consentire videtur erranti, qui corrigenda ut resecari debeant non concurrerit.]

Lib. xii.
epist. v.

Ios. 7.

Lib. vii.
epist. ii. 7.

Et nemo dicat, tam peruersus homo non ad iudicium vocandus, sed quasi iam iudicatus damnandus est. Audiatur quod in Evangelio Ioannis scriptum est dixisse Nicodemum ad principes Iudæorum de Iesu, quem ante iudicium comprehendere rogauerunt. Scriptum

quam prædecesores eorum Imperatores & reges condiderunt, & seruauerunt, & populos per eam feliciter rexerunt & correxerunt, actio, quæ ab auctore inchoata est, vt ab heredibus peragenda est. quique ita prædecesorum suorum bene statuta debent in omnibus conseruare, sicuti sua constituta à suis successoribus cupiunt conseruari. Et non leue regibus vel quibuscumque aliis videatur infringere quod suis student manibus roborare, quia ex diuina doctrina, & Apostolica traditione, tam maxima res semper ab ipsis primis sæculis manus confirmatio fuit, vt de ipsis Apostolorum vicariis, illi ipsi Apostolorum vicarij supercælesti auctoritate decreuerint, *Vt qui contra suam subscriptionem in aliquo venerit, ipse se priuet honore.* Et non dicant reges, hoc de Episcopis & non est de regibus constitutum: sed attendentes quia si sub vno rege ac sacerdote Christo, à cuius nominis deriuatione christi Domini appellantur, in populi regimine sublimati & honorati esse desiderant, cuius honore, & amore, atque timore, participatione magni nominis domini & reges vocantur, cum sint homines sicut & ceteri, & partem cum his in regno cælorum habere volunt, qui sacro peruncti sunt chrismate, quod à Christi nomine nomen accepit, qui exinde vnxit sacerdotes, prophetas, reges, & martyres, ille vnctus oleo lætitiæ præ consortibus suis, quique fecit eos in baptismo reges & sacerdotes Deo Apoc. 2. nostro, & genus regium, ac regale sacerdotium, secundum Aposto- 1. Pet. 2. los Ioannem & Petrum: intelligant & credant se in oculis Dei priuari regij nominis & officij dignitate, quando si illud placitum Deo fuit quod manu firmauerant, faciunt contra manus suæ conscriptionem, licet illud nomen vsurpent ante oculos hominum terrena & instabili potestate: quoniam sicut viuunt reges boni & iusti in suis legibus bonis & iustis, quando per eas premuntur & puniuntur noxij, & releuantur ac liberantur innoxij, ita viuunt Apostolici viri in regulis promulgatis & suis manibus confirmatis, quibus iudicati sunt contra illas agentes ex illa die qua constitutæ sunt. Et sicut Apoc. 16. Apostolus de illa dicit, quæ viuens mortua est, ita & talis transgressor, licet illi qui nunc Apostolorum vices retinent, eum, aut quia ignorant, aut quia dissimulant quod actum est, non adiudicent, si se non ante vltimum diem correxerit, inter damnandos in iudicio de maioribus dumtaxat transgressionibus positus iudicabitur. *Lex enim non est posita iustis,* sicut dicit Apostolus, sed transgressoribus, & sceleratis, homicidis, & parricidis, ac fornicariis, atque reliquis prauaricatoribus. Nam non sine causa scriptum legitur, quoniam verba Decalogi digito Dei sint scripta. Valituram quippe in perpetuum legem illam esse decreuit, quam digito, id est spiritu suo scripsit. Et de electis Dominus in Euangelio dicit, *Gaudete quoniam nomina vestra scripta sunt in celo.* De reprobis autem Hieremias propheta dicit, *Recedentes à te Domine in terra scribentur.* Non autem pueriliter sapien- Luc. 16. 10. Hier. 17. 12.

Deut. 23.

2 Reg. 27.

primuntur & deuastantur, & iusta iudicia exerceri non possunt. ne fortè si tanta & talia bona propria non habuerint, quæ tanto malo possint obsistere, sine vlllo obstaculo pereant, aut bona quæ habent pro alieno malo, cuius fiunt participes, ante Dei oculos perdiri fiant; licèt humano iudicio & corpore sani putentur. Sed & ne sententiam scripturæ incurrant, qua dicitur, *Perit iustus pro impio*. Et ne aliquis eis peruersè interpretetur sententiam Deuteronomij, *Non tradas seruum domino suo, qui ad te confugerit. habitabit tecum in loco qui ei placuerit, & in vna urbium tuarum requiescet, nec contristes eum*, audiant quomodo illam beatus Augustinus exponat. Septuaginta, inquit, dicunt, Non trades puerum domino suo, qui appositus est tibi à domino suo: non quòd eum dominus apposuerit, id est, commenda- uerit, potius enim depositum diceret, sed appositum dixit à domi- no suo, id est, adiunctum cùm ab illo abscessisset. Non ergo susci- pi sed reddi potius prohibuit fugitiuos. Hoc quidem putari potest iniustum, nisi intelligamus genti & populo ista dici, non vni ho- mini: sed ex alia itaque gente refugientem ad istam gentem, cui lo- quebatur, hominem à domino suo, id est, à rege suo reddi prohi- buit. Quod etiam alienigena seruauit rex Geth, quando ad eum re- fugit Dauid à facie domini sui, hoc est, regis Saul. Apertissime au- tem hoc explanat, cùm dicit de ipso refuga, *In vobis habitabit in om- ni loco vbi placuerit ei*. Hoc autem regnum de multorum manibus in manu parentum nostrorum regum Deo gratias fuerat aduna- tum, & vnum regnum vna est Ecclesia, quæ illorum diuisione, qui sicut vnus homo, & vnus rector in vno regimine esse debent, diui- di nullatenus debent. Nec dici debet, vt inter principes nostros de vna gente, vel de vno regno, ad aliam gentem, vel ad aliud regnum quisque refugiat, sed potius in vno regno, sicut Christianos decet, & in vnitae Ecclesiæ matris consistent. Ad quam Ecclesiam confu- gientes quòd patrocinium habere debeant, sanctus Gregorius ad Ioannem Episcopum Caralitane ciuitatis scribit, Si qui, inquit, de quibus est quæstio, in Ecclesiam fortassè refugerint, ita debet causa disponi, vt nec ipsi violentiam patiantur, nec hi qui dicuntur oppressi damna sustineant. Curæ ergo vestræ sit, vt eis sacramento ab his quorum interest de seruanda lege & iustitia promittatur, & per omnia commoneantur exire, atque suorum actuum reddere ra- tionem. Ad cuius instar principes nostri catholicæ filij diuinis man- datis obedire debent, memores quòd teste Deo manu propria fir- mauerunt. videlicet quia huiusmodi homines non solum non tue- ri, atque contra legem vel rationem defendere, verùm vel recipere deberent, nisi ad hoc vsque, vt ad reddendam rectam rationem veni- rent. Quidam autem ex eisdem regibus qui hoc firmauerunt, adhuc Deo gratias corpore viuunt, & quidam migravit ad Dominum. Sed pro patre nati sunt filij, à quibus secundum legem Romanam, quam

cupationem, quod vt sæculi pauperiores non obtinent per deprecā-
tam præstationem : immò & sibi auferunt, & locis sanctis non tri-
buunt, & vnde sibi debuerant operari remedium, perpetrant sacri-
legium. & si sacrilegium perpetrant de suis non bene datis, confi-
derandum est quantum sibi periculum faciunt de rebus ab aliis Deo
donatis, & à se contra Deum & ipsi Deo ablati. Vnde S. Gregorius
in epistola ad Sabinum subdiaconum scribens. *Sacrilegium*, inquit, Lib. viii.
epist. vii.
& contra leges est, si quis quod venerabilibus locis relinquitur, praua volun-
tatis studiis suis tentauerit compendiis retinere. Et sacri canones, Clerici, Concil.
Agath. c. 4.
inquiunt, vel sæculares, qui oblationes parentum, aut donatas, aut testamento
relictas, retinere præsumpserint, aut id quod ipsi donauerunt Ecclesiis vel Mo-
nasteriis crediderint auferendum, sicut Synodus sancta constituit, velut ne-
catores pauperum, quousque reddant, ab Ecclesiis excludantur. Quapro-
pter sciant quia cum peccatis propriis, pro omnibus etiam illorum
peccatis qui easdem res pro redemptione animæ suæ dederunt,
in futuro iudicio punientur : & non postponant qui fortè con-
firmant inconsultè quod fidelibus vel amicis suis donant, & si-
ne iudicio auferunt, quando quæ dederant ad memoriam pœni-
tendo reducunt. non adtendentes, quia illi vadunt de sæculo,
cum exit de corpore anima, & remanet in sæculo terra, & tene-
tur à vacuo possessore rerum illarum confirmationis regiae charta,
& cum suspirant corda, prouocantur ad maledicendum fortassis
non sine peccati pondere labia. cum vtrumque prouidendum erat,
ne videlicet inconsultè quiddam rex daret, nec sine iudicio cuiquam
æquitatis quiddam auferret, néve post iudicium de ablati charta in-
disrupta maneret. Scriptum est enim, *Memoria iusticæ laudibus*, no- Prou. 10. 6.
men autem impiorum putrescet. Melius itaque & rationabilius esset, vt
per rationem disrupta charta putresceret, & laus æquitatis eorum ma-
neret, quàm charta confirmationis maneret, & nomen laudis pu-
tresceret. Sed fortè hæc legentes vel audientes principes dicent,
Bene nos castigauerunt Episcopi. nihil per præcepta donabimus, ne ite- Hier. 51. 9.
rum reprehendamus. Econtra audiant quid voce castigantium pro-
pheta conqueritur dicens, *Curauimus Babylonem, & non est sanata*.
Babylon quippe curatur, nec tamen ad sanitatem reducitur, quan-
do mens in praua actione confusa, verba correptionis audit, flagella
correctionis percipit, & tamen ad recta salutis itinera redire contem-
nit. Et per Sapientiam, *Sicut acetum*, inquit, *in nitro*, ita ei qui cantat Prou. 25. 20.
earmina cordi pessimo. Cum acetum in nitro mittitur, efferuescit proti-
nus & ebullit. sic plerumque & corda potentium, qui de potentia tu-
ment, & non se de humanitate humiliant, veluti Abraham Domino
dixit, humilians se de exaltatione conlocutionis eius, *Loquar ad Do-* Gen. 18. 27.
minum meum cum sim cinis & pulvis. Quando correptionem castigan-
tis missi Domini audiunt, ex tumore cordis in verba contradic-
tionis erumpunt, Dare sanctis locis vel fidelibus viris non vetuerunt

dum est, quasi Deus ad remedium obliuionis bonos in cælis, malos scribat in terris: sed salubriter intelligendum, quod siue cælestia, seu terrestria quis opera gesserit, per hæc quasi litteris adnotatus apud Dei memoriam sit æternaliter adfixus. in hoc iure demonstrans, vt quod quisque iustè & rationabiliter manu firmauerit, inuiolabiliter ac perseveranti conseruet iustitia. nec inaniter suum nomen qui ad baptizandum venit, si ætatem habet, aut patronus pro puero, sed & publicè pœnitens ad reconciliationem accedens, scriptum nomen proprium ex traditione Ecclesiastica donat, quod super sacrum altare inter sacramentorum cælestium celebrationem ponitur, & recitandum ad locum per sacerdotem Domino commendatur. In sacris nihilominus dypticis non friuolè nomina fidelium tam viuorum quàm defunctorum scribuntur, & infidelium de eisdem dypticis etiam post mortem diuino iudicio, si conscripta fuerant, eraduntur. Sed fortè quasi principali fulti licentia dicunt principes, Quid magni mali contra Deum facio, vel quis me inde iudicabit, qui super omnes confisto, si præceptum, vel edictum, quod manu confirmo, aut infringo, aut non attendo? Primum quidem attendant, quia si illi super alios sunt, super illos Deus est: & si prauè egerint, & se non correxerint, tanto grauius iudicabuntur, quanto in throno regni ceteris celsius præponuntur. Reges enim & Sacerdotes subditorum prauè acta corrigunt: sed obliuisci non debent, quia illorum mala per ipsum Dominum iudicabuntur: nec surda aure debent audire quod scriptum est, *Potentes potenter tormenta patientur, exiguo autem conceditur misericordia.* Deinde legant historiam sancti Abrahæ, qui chartam confirmationis à venditore sepulcri coniugis suæ coram filiis & populo terræ pro tam magno accepit, vt etiam adoraret in terra populum terræ, filios videlicet Heth, quatenus id obtineret audita concessione illorum, & quàm magni hoc pendere debeant inuenire valebunt. Sed & in lege de hac confirmatione sufficienter inuenient, quæ tantum & ante aduentum Christi viguit vt etiam Pilatus ex antiqua consuetudine instructus, poscentibus Iudæis vt refragaretur quod in Christi titulo scripserat, dixerit, *Quod scripsi, scripsi*, nolens infectum vel immutatum esse quod fecerat. Quod & longè antè firmatum dominica stipulatione fuerat, sicut Psalmo superscriptum est, *Ne corrumpas tituli inscriptionem.* Et quàm certissimæ stabilitatis ac firmitatis credi debeat chirographum, id est, manu scriptum, in libro Tobiaë legitur, & in Euangelio de conscriptis cautionibus demonstratur. Sed quidam Principes, quod Deus à nostris Christianis principibus longè faciat, fortè non prouident, quia post illos infirma firmatio illorum manet, & ipsi decedunt, & sicut sanctus Augustinus dicit, Transit actus, & manet reatus. Quod suum erat locis sanctis donant per confirmationem, & sibi vsurpant per oc-

Sap. 6.7.

Genes. 13.

Ioan. 19. 22.

Psal. 74.

presserit, admouerit, designauerit, deleuerit, honestiorem quidem in insulam deportari, humiliorem autem in metallum damnari, aut in crucem leuari, seruum verò capite puniri. Et, vt beatus Augustinus commemorat in Ioannis Euangelistæ commento, *Iuris forensis* Tract. 7. est, vt qui in precibus mentitus fuerit principi, non illi profit scriptum quod impetrauerit, immo etiam careat ipsa beneficio scripti, quo scriptum perduxerit. De confirmationis autem suæ scriptura nihil dixerunt, quia quod firmauerunt, infringere nefas duxerunt. sicut in libro Esther legitur quantam valitudinem anuli Regis habeat signatio, quantam cautelam signi illius vacuatio, quanto magis regiae manus subscriptio. Et nec perfunctoriè ducere debet regia dignitas quod in suis præceptis scribitur, *Et vt hoc*, inquit, *nostra auctoritatis præceptum plenior in Dei nomine obtineat firmitatis vigorem*, & *Data illo, vel illo anno in Dei nomine feliciter*. ne quod in Dei nomine feliciter confirmatur, sine Dei, id est, sine veritatis iudicio infeliciter effoetetur: quia scriptum est, *Non polluas nomen Domini Dei tui. & non accipias nomen Domini Dei tui in vanum*. Legant quoque Paulum, & expositores ipsius Apostoli, quàm pro magno sit dictum quod scripsit idem diuinus Apostolus in suis Epistolis, *Videte quales litteras mea scripsi manu. & item, Salutatio mea manu Pauli*. Vnde reges, qui subscriptione manus suæ à se data, vel priuilegia sanctorum cum anathematismo manibus roborata confirmant, & illa postea conseruare paruipendunt, siue detractant, quasi anathematis vinculo non teneantur obstricti, sententiam beati Gregorij ex epistola ad Theodistam patriciam audiant, *Ipsi, inquit, sibi testes sunt quia Christiani non sunt, qui ligamenta sanctæ Ecclesiæ vanis se æstimant conatibus soluere, ac per hoc nec absolutionem sanctæ Ecclesiæ, quam præstat fidelibus, veram putant, si ligaturas eius veras esse ac valere non æstimant, & vnde se fallere veritatem credunt, inde in peccatis suis veraciter ligantur.*] Si qui sunt igitur, qui sub nomine Christiano hæc aut prædicare audent, aut taciti apud semetipsos tenere, eos & ego, & omnes catholici Episcopi, atque vniuersa Ecclesia anathematizamus. Hæc dicimus, vt secundum rationem & legis ordinem cuncta agant regni principes, & Ecclesiæ sanctæ rectores, sed & cum æquitatis iudicio supra scripta causa diffiniatur. Ordinem autem constituendi iudicium, si Hucbertus pro hac causa ad audientiam, & de ciuili iniudicatus ad Ecclesiasticum iudicium venerit, isdem beatus Gregorius in commonitorio ad Ioannem Defensorem euntem in Hispanias descripsit, dicens, *Primùm vt sic ordinabiliter fiat, quatenus alij sint accusatores, & alij testes. Deinde causæ qualitas exploretur, si digna exilio vel condemnatione sit, & vt eo præsentem sub iureiurando contra eum testimonium proferatur, seu scriptis actuum inferatur: & vt ipse licentiam respondendi & defendendi se habeat. Sed & de personis accusantium ac testificantium subtiliter erit quæ-*

Leuit. 18.
Exod. 20.

Gal. 6.
1. Cor. 16.
& 2. Tess. 3.
& Coloss. 4.

Lib. 12.
epist. 39.
sub finem.

Lib. 11.
epist. 56.

Psal. 75. 12. Episcopi, cantantes omnibus, *Vouete & reddite Domino Deo vestro, &*
 Eccli. 32. 24. *Omnia fac cum consilio, & post factum non pœnitebis. & Non facias quod*
 Leuit. 19. 15. *iniquum est, neque iniuste iudicabis. & Iuste iudica proximo tuo. Sicut non*
 vult princeps sibi tolli à fortiore suo quod Deus illi concessit, ita & ipse
 non sine æquitatis iudicio auferat à quoquam vel quod dedit, vel quod
 Tob. 4. 16. non dedit, quia scriptum est, *Quod tibi non vis fieri, alteri ne facias. Sed*
 Luc. 16. potius etiam atque etiam prædicauerunt Episcopi, *Facite vobis amicos de*
 Exod. 9. *mammona iniquitatis, ut cum defeceritis, recipiant vos in æterna tabernacula. &*
Quodcumque potest manus tua, instanter operare, quia nec locus, nec ratio est apud
inferos, quò tu properas. Et sicut ista quæ utilia & honesta sunt prædicau-
runt Episcopi, ita nihilominus prædicant ut turpem notam regio no-
mini rex à se festinet abscondere, & quantum potest abluere, & per sin-
 Deut. 23. 12. *gulos dies, & per singulos actus, memor sententiæ Deuteronomij*
dicentis, Habebis locum extra castra, ad quem egrediaris ad requisita na-
turæ, gerens paxillum in balteo: cumque sederis, fodies per circuitum, &
egesta humo operies quo releuatus es. Dominus enim Deus tuus ambulat in
medio castrorum, ut eruat te, & tradat tibi inimicos tuos: ut sint castrata
sancta, & nihil in eis appareat fœditatis, ne derelinquat te. Naturæ
 quippe corruptibilis pondere prægrauati, à mentis nostræ vtero quæ-
 dam cogitationum superflua, & ab actionis nostræ opere regimini
 indigna, quasi ventris grauamina erumpunt, & portare sub balteo
 paxillum debemus, qui rectores in populo sumus, ut videlicet ad
 reprehendentes nosmetipsos semper accincti, acutum circa nos sti-
 mulum compunctionis habeamus, qui incessanter terram mentis no-
 stræ dolore pœnitentiæ confodiat, & hoc quod à nobis fœtidum
 erumpit abscondat. Ventris quippe egestio fossa humo per paxillum
 regitur, cum mentis nostræ superfluitas, vel operationis nostræ
 reprehensibilis fœditas, subtili redargutione discussa, & honesta o-
 peratione correctæ, ante Dei oculos per compunctionis suæ stimu-
 lum & correctionis bonum celatur. Perpendendum est etiam, quia
 antiqui reges & Imperatores suis legibus statuerunt, ut charta con-
 firmationis quinque, vel septem, aut decem, ut scribit Ambrosius,
 testibus roborata constaret. Sed & iure ciuili in conscriptione char-
 tarum conditionalis constitutio ponitur, quo dispendio, qui eandem
 chartam infringere tentauerit, fisco multetur, & accusator accusatio-
 nis scripturæ subscribens, se à conditione mutare non poterit. De
 sua autem confirmatione nihil scripserunt, quia principis manus,
 1. Reg. 18. sicut de Dauid in Regum libro dictum legimus, pro decem milli-
 bus computatur. Et rex à Deo vel ad gratiam, vel propter pec-
 cata populi constitutus, ab ipso Rege regum de suis vel iustis acti-
 bus coronabitur, vel iniustis iudiciis & iniquis actionibus æquita-
 tis iudicio iudicatus multabitur. Inferuerunt etiam in eisdem legi-
 bus ad legem Corneliam testamentariam, de his, qui testamentum
 quodve aliud instrumentum falsum sciens, dolo malo scripserit, sup-

& iam firma radice plantati stant inconuulsi, vsque ad septimam ob-
 seruare decernimus generationem, & quamdiu se cognoscunt ad finita-
 te propinquos, ad huiusmodi copulæ non accedere societatem. Nec
 eam, quam aliquis ex propria consanguinitate coniugem habuit,
 vel aliqua illicita copulatione maculauit, in coniugium ducere vlli
 profecto Christianorum licet vel licebit, quia incestuosus est talis
 coitus, & abominabilis Deo & cunctis hominibus. Incestuosos ve-
 rò nullo coniugij nomine deputandos à sanctis Patribus dudum
 legimus constitutum. Nec hoc quoque in hac sollicitudinis parte re-
 linquimus, quod omnes incestuosi à limitibus sanctæ Ecclesiæ sint se-
 parandi, vsquequò per satisfactionem precibus sacerdotum eidem san-
 ctæ catholicæ reconcilientur.] Et in edicto canonico ante corpus B.
 Petri prolato, Si quis de propria cognatione, vel quam cognatus ha-
 buit, duxerit vxorem, anathema sit. & responderunt omnes tertio, a-
 nathema sit. Et S. Ambrosius in prima Epistola ad Corinthios dicit,
 Non est enim frater, aut soror seruituti subiectus in eiusmodi: hoc
 est non deberi reuerentiam coniugij ei qui horruit auctorem coniugij.
 Non enim ratum est matrimonium quod sine Dei deuotione est.] Et
 S. Hieronymus in tertio libro commenti Epistolæ Pauli ad Ephesios,
 Quomodo itaque, inquit, Christo subiecta est Ecclesia, sic subiecta
 sit vxor viro suo. Quem enim habet principatum & subiectionem
 Christus & Ecclesia, huic eidem ordini maritus & vxor adstringi-
 tur. Sed videndum vt quomodo in Christo & in Ecclesia sancta
 coniunctio est, ita & in viro & in muliere sancta sit copula. Sicut
 autem non omnis congregatio hæreticorum Christi Ecclesia dici po-
 test, nec caput eorum Christus est, sic non omne matrimonium,
 quod in viro suo secundum Christi præcepta non iungitur, ritè
 coniugium appellari potest, sed magis adulterium. Hinc intelligen-
 ter est adnotandum, quia quod iste ipse Doctor in epistola ad A-
 mandum presbyterum dicit, quòd quamdiu viuit vir, licet adulter
 sit, licet sodomita, licet flagitiis omnibus coopertus, & ab vxore pro-
 pter hæc scelera derelictus, maritus eius reputatur, cui alterum virum
 accipere non licet, de eo dicit, qui post legitimum initum coniugium,
 in ipso peccat coniugio, in quo iure pari vir & mulier tenentur sen-
 tentia. In hoc autem loco de ea vel de eo agitur, qui ante initum
 legitimum coniugium, perpetrato incestu legitimum quod habere
 poterat sibi tollit coniugium. Et in Concilio Agathensi, *De incestis* Can. 61.
coniunctionibus, inquit, *nihil prorsus veniæ reseruamus, nisi cum adulte-*
rium separatione sanauerint. Incestuosos verò nullo coniugij nomine deputan-
dos, quos etiam designari funestum est. Et sanctus Augustinus in libro
 de bono coniugali, Aliud est non concumbere nisi sola voluntate
 generandi, quod non habet culpam, aliud autem carnis quidem
 concumbendo appetere voluptatem, sed non præter coniugem,
 quod venialem habet culpam, quia & sine causa propagandæ prolis

Greg. 11. in
 Synod.
 Rom.

Epist. 147.

rendum, cuius conditionis, cuiusve opinionis, aut ne inopes sint, ac ne fortè aliquas contra eum inimicitias habeant: & vtrum testimonium ex auditu dixerint, aut certè specialiter se scire testificati fuerint, & vt scriptis iudicatum sit, & sic partibus præsentibus sententia recitetur, & ita hæc omnia solemniter roborentur.]

Ceterùm si femina ante initum coniugium de scelere cum fratre suo culpabilis inuenitur, ponendum duximus instar iudicij de epistola eiusdem sancti Gregorij ad Ioannem Episcopum Panormitanum, de quadam femina, quam aliquis homo, antequàm diaconus ordinaretur, reliquit, & post mutatam vestem quidam marito tradiderit. Ait enim, Quia sunt culpæ, in quibus culpa est relaxare vindictam, quærenda semper est veritas, vt inquiri debeat, vtrum accusatum noxa condemnet, an à pœna innocentia patefacta subducatur. Itaque peruenit ad nos, Fantinum defensorem vltionem exercere in Petrum latorem præsentium voluisse, pro eo quòd, quantum dicitur, relictam cuiusdam diaconi, tempore quo conductor fuit, marito tradiderit. Sed quoniam iste coniugem diaconi asserit non fuisse, dicens nec virginem illam ad eum venisse. denique nec religiosam mutasse vestem, postquàm ille in ordine sacro promotus est, adiciens etiam, priusquàm ad diaconatum perueniret, & postea, praua illam opinione vixisse. Ideoque fraternitatem tuam his hortamur affatibus, vt cum Dei, sicut decet, timore causam hanc subtili omnino inuestigatione perquirat, & si in coniugio diaconi mulierem, de qua agitur, fuisse constiterit, & suprà scriptus lator memorato defensori & rectori patrimonij ad vindictam modis omnibus tradatur, & cum competenti emendatione hi qui malè sociati sunt diiungantur.] Hæc de sancti Gregorij verbis excerptimus.

Et sicut suprà de beati Augustini verbis posuimus, quoniam quod agebat in lege veteri, vel etiam quod nunc agit in reipublicæ legibus interfectio, hoc operatur in Ecclesia excommunicatio, & ab Ecclesia separatio: si de legibus publicis, quæcumque femina huiusmodi sceleribus, sicut præmissum est, inretita, euadens forense iudicium, ad Episcopale iudicium venerit, secundum sacrum Ancyranum Concilium, de his qui fornicantur inrationabiliter, id est, cum masculis vel pecoribus, & de illis mulieribus quæ fornicantur & partus suos necant, vel quæ agunt secum vt vtero conceptos excutiant, inter eos orare, vt videtur nobis, præcipietur, qui spiritu periclitantur immundo, & per districtam decennalem pœnitentiam castigata, vsque ad vitæ finem dignis pœnitentiæ fructibus incumbere, reseruato sibi pro Ecclesiastica pietate, si mortis metus ingruerit, viatico munere iudicabitur, segregata non solum à toro regio, verùm etiam ab omni coniugali consortio, secundum decreta beati Gregorij Papæ ad Felicem Siciliensem Episcopum, quibus dicit, Progeniem, inquit, suam vnumquemque de his, qui fideliter edocti,

Lib. xi.
epist. lx.

Can. 15. &
20.

Lib. xii.
epist. 32.

putatur, rea fuerit fortassis inuenta, quoniam post legaliter initum coniugium ante legalem diffinitionem præsumpsit illicita. Apostolus enim dicit alligatam esse vxorem sub lege viri quanto tempore vir eius viuit, mortuo autem eo solutam esse à lege viri. Et secundum sacram auctoritatem, legaliter desponsatam, dotatam, & publicis nuptiis honoratam, vxorem esse nemo qui dubitet. Sed & vnā esse legem in hoc iure viri & vxoris eadem sacra testatur auctoritas. Et ideò, antequàm à iugo graui super filios Adæ à die egressus de ventre matris eorum, vsque in diem ingressus in ventrem omnium matris, alter ab altero dissoluatur, aut lege ab eo, qui per conditores legum iusta decernit, comprobetur quod est initum non legitimum fuisse coniugium, quicumque eorum vnā carnem per adulterium in duo diuiserit, non commisisse adulterium dici non poterit. Magnus etenim Leo Papa de forensibus legibus Ecclesiasticis modum tribuit ad Nicetam Aquileiensem Episcopum scribens, Epist. xxcv. Vt sicut in mancipiis, vel agris, aut etiam in domibus, ac possessionibus, in captiuitatem ductis postliminium reuersis de captiuitate seruatur: ita etiam & coniugia, si aliis iuncta fuerint, refoventur. Et nos de eisdem legibus ad exemplum ipsius debemus conicere, quoniam si quilibet quod ei iure posset competere contra ius sibi præsumpserit, per legem ei quem spoliauerat cogetur legaliter emendare. Quapropter si quilibet legaliter coniugatus, ante iudicium ex criminata determinatum, contra matrimonij iura, aut publicè aut secretè præsumpsit, necesse erit eum legibus præfixis transgressoribus aut secretè aut publicè subiaceri, quibus decretum est in Concilio Africano, Vt pœnitentibus, secundum differentiam peccatorum, Episcopi arbitrio pœnitentiæ tempora decernantur.] Et in Concilio Carthaginiensi, Vt sacerdos pœnitentiam imploranti absque personæ acceptione pœnitentiæ leges iniungat.] & , Si quis fidelis, secundum Eliberitanum Concilium, habens vxorem non semel sed sæpè fuerit mœchatus, in fine mortis conueniendus est. quòd si se promiserit cessaturum, communio illi donanda est: si resuscitatus rursus mœchatus fuerit, vt non vlterius de communione pacis ludat, seuerius abscindendus est.] Et iuxta Ancyranum Concilium, Can. 10. Vxor adulterata, vel maritus committens adulterium, post septem annorum pœnitentiam reconciliationis & communionis perfectionem consecuturi sunt.] Et item secundum Eliberitanum Concilium, Can. 19. Si quis vxorem habens semel lapsus fuerit, post quinquennem pœnitentiam reconciliandus est, vel si necessitas infirmitatis coegerit, antè communio ei largienda est. Similiter & Synodus Toletana constituit, Cœc. Tol. I. can. 17. *Qui vxorem simul & concubinam habuerit, à communione Ecclesiæ separandus est.* In qua separatione, vel post dignam satisfactionem reconciliatione, summopere debent pastores Ecclesiæ & Apostolorum successores atque vicarij prouidere, qui, vt dicit beatus Gregorius,

concumbitur, non tamen huius libidinis causa propagationi proli obfistitur, siue voto malo, siue opere malo. nam hoc faciunt, qui quamuis vocentur, coniuges non sunt, nec ullam nuptiarum retinent veritatem, sed honestum nomen velandæ turpitudini obtendunt. Pro-
duntur autem, quando eò usque progrediuntur, vt exponant filios suos qui nascuntur inuitis, oderunt autem nutrire, vel habere quos gi-
gnere metuebant. Itaque cum in suos sæuit quos genuit tenebrosa ini-
quitas, clara iniquitate in lucem promitur, & occulta turpitudine mani-
festa crudelitate conuincitur. Aliquando eò usque peruenit hæc libi-
dinosa crudelitas, vel libido crudelis, vt etiam sterilitatis venena pro-
curet, & si nihil valuerit, conceptos foetus aliquo modo intra vi-
scera extinguat ac fundat, volendo suam prolem prius interire quam
viuere, aut si in vtero iam viuebat, occidi antequam nasci. Prorsus
si ambo tales sunt, coniuges non sunt, & si ab initio tales fuerunt,
non sibi per connubium, sed per stuprum potius conuenerunt. Si
autem non ambo sunt tales, audeo dicere, aut illa est quodammo-
do mariti meretrix, aut ille adulter vxoris.

INTERROGATIO XIII.

SEXTO nobis capitulo remandate, si idem Rex, postquam talia
de præfata vxore sua audiuit, & ab eius carnali commercio suspen-
sus fuit, fortè concubina vsus adulterium perpetrauerit, & si hoc ad
plurimorum peruenit notitiam, quo debeat sanari medicinali iudicio.
Et si fortassis acciderit, vt quiscumque homo sacramento attende-
re se obligauerit, quod criminofum sit agere, vtrum quod iurauit,
ne incurrat periurium, debeat adimplere, an, ne crimen admittat,
quod malè iurauit in irritum debet ducere: & si hoc verum esse possit,
quod plures homines dicunt, quia sunt feminae, quæ maleficio suo
inter virum & vxorem odium irreconciliabile possint mittere, &
inenarrabilem amorem iterum inter virum & feminam ferere, &
quod vir legitimè sortitam coniugem maritali commercio non
possit adire, & aliis valeat feminis commisceri, & itidem eodem ma-
leficio potentia concumbendi, & dilectione quondam habita fruen-
di, per artem maleficarum possit restitui. Et quæ sit causa cur Deus,
vt dicitur, sæpè in legitimo coniugio permittat talia fieri. Et si fortè
tales viri malefici, vel incantatrices feminae inuentæ fuerint, quid de
huiusmodi debeat fieri.

RESPONSIO.

RESPONDEMVS, si fortè, vt fertur, Rex, de quo agitur, post
legaliter initum coniugium, cum alia aliqua carnis commixtione
negotium concumbendi exercuit, negari non potest adulterium per-
petrasse, etiam si femina, quam duxit vxorem, de talibus, sicut re-
puta-

etionem diuina vsurpantes mysteria, bonum Dei donum faciunt suum iudicium. Quoniam sicut auctores sancti, vt demonstrat venerabilis presbyter Beda in commento Euangelij Lucæ, exponentes sententiam dicentis Domini, *Verumtamen ecce manus tradentis me mecum est in mensa*, verumtamen væ illi homini per quem tradetur, dicunt hodie quoque & vsque in sempiternum Væ illi homini, qui ad mensam Domini malignus accedit, qui & insidiis mente conditis, præcordiis aliquo scelere pollutis, mysteriorum Christi secretis participare non metuit. Et ille enim in exemplum Iudæ filium hominis tradit, non quidem Iudæis peccatoribus, sed tamen peccatoribus, membris videlicet suis, quibus illud inæstimabile & inuiolabile Domini corpus violare præsumit. Ille Dominum vendit, qui eius amore ac timore neglecto, terrena & caduca, immò etiam criminosa plus amare & curare conuincitur. Væ, inquam, illi homini, de quo Iesus, qui altaribus sacrosanctis inter immolandum, vt pote proposita consecraturus, adesse non dubitatur, adstantibus sibi ministris cælestibus, queri cogitur, *Ecce, inquit, manus tradentis me mecum est in mensa*. Et Paulus dicit, *Si quis frater nominatur, & est fornicator, aut auarus, aut idolis seruiens, aut maledicus, aut ebriosus, aut rapax, cum huiusmodi nec cibum sumere*. & item dicit, *Iniqui regnum Dei non possidebunt*. Nolite errare, neque fornicarij, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnum Dei possidebunt. & item, *Fornicatores & adulteros indicabit Deus*. & item, *Omne peccatum, quodcumque fecerit homo, extra corpus est: qui autem fornicatur, in corpus suum peccat*. Vnde Ambrosius ostendit grauissimum esse peccatum, quia ex hoc omne deperit corpus, in ceteris autem peccatis portio perit, non totum. Totum enim corpus vir est & mulier, quia portio viri est mulier: quicumque enim aliud peccatum admiserit, extra se peccat, fornicarius verò in carnem suam peccat. Quamquam enim omnia peccata carnalem hominem præstent, hoc tamen specialiter desiderium carnis est, quod sordibus maculatam animam cum corpore tradit gehennæ: quia victa anima à libidine carnis fit caro, sicut & corpus rectè gubernatum spiritale appellatur. Animus tamen est, qui aut victus inlecebris totum hominem carneum facit, aut in vigore naturæ suæ manens, carni præstat vt spiritalis dicatur. Quapropter sanxerunt Spiritu sancto in se loquente canonum conditores, vt à communione tales homines vsque ad satisfactionem separentur. quoniam qui alieni à regno Dei sunt, ab Ecclesia, quæ & regnum Dei est & nominatur, vsque ad correctionem & satisfactionem debent modis omnibus separari: & cum quibus Christi discipulos cibum sumere non oportet, eis dare sacram communionem non debent Domini sacerdotes, ipso prohibente in Euangelio, *Nolite dare sanctum canibus*, quales designat Petrus dicens, *Sicut sus lota in volutabro luti*, &

Luc. 22. 13.

1. Cor. 5. 11

1. Cor. 6. 9.

Heb. 13. 4.

1. Cor. 6. 18.

Matt. 7. 6.

2. Pet. 2. 22.

Hom. 16. in
Euang.

soluendi ac ligandi auctoritatem sunt quando gradum regiminis sortiuntur adepti, ne in soluendis ac ligandis subditis suæ voluntatis motus, non autem causarum merita sequantur, ut vel damnent immeritos, vel alios ipsi ligati soluant, seque ipsos hac ligandi & soluendi potestate priuent, qui hanc pro suis voluntatibus & non pro subiectorum moribus exercent. ne erga quemlibet proximum odio vel gratia moueantur, quia dignè de subditis iudicare nequibunt, si in subditorum causis sua, vel odia, vel gratiam sequi decreuerint.

Ezech. 13. 19

Vnde rectè per Prophetam dicitur, *Mortificabant animas quæ non moriuntur, & viuificabant animas quæ non viuunt.* Non morientem quippe mortificat, qui iustum damnat, & non victurum viuificare nititur, qui reum à supplicio absolvere conatur. Causæ ergo pensandæ sunt, & tunc ligandi atque soluendi potestas exercenda. Videndum est quæ culpa præcessit, aut quæ sit pœnitentia secuta post culpam: ut quos omnipotens Deus per compunctionis gratiam visitat, illos pastoris sententia absoluat. Tunc enim vera est absolutio præsentis, cum interni arbitrium sequitur iudicis.] Et illos nos debemus per pastorem auctoritatem soluere, quos auctorem nostrum cognoscimus per suscitantem gratiam viuificare. Quæ nimirum viuificatio ante operationem rectitudinis in ipsa iam cognoscitur confessione peccati, quæ non verbo tenus tantum & summis vix labiis solet fieri, sed quæ ex

2. Reg. 12.
13.

Psal. 37. 9.

intimo cordis procedit affectu, sicut Dauid dixit, *Peccaui Domino, & audire meruit, Dominus transulit peccatum tuum, non morieris.* & item dicit, *Rugiebam à gemitu cordis mei. & Iniquitatem meam adnuntiabo, & cogitabo pro peccato meo.* Sicut & in tribulatione, quam pro peccato admissio sustinuit fugiens à facie filij sui, cogitauit dicens,

2. Reg. 16.
12.

Respiciat Dominus afflictionem meam, & reddat mihi bonum pro maledictione hac. Quibus constat, quia taliter confitentibus nec satisfactio interdicens est, nec communio deneganda. Alioquin in iudicium sibi corporis sacri & sanguinis pretiosi Redemptoris nostri sacramenta præsumunt, qui indiscretè non purificati vel absoluti, sed potius seducti atque decepti sunt à talibus pastoribus, de quibus dicit Pro-

Ezech. 13.
18.

pheta, *Vae his qui consuunt puluillos sub omni cubito manus, & faciunt cervicalia sub capite vniuersæ ætatis ad capiendas animas, id est, cadentes à sua rectitudine animas, atque in huius mundi delectatione reclinantes, blanda adulatione refouent, ut in errore molliter iaceant, quos nulla asperitas contradictionis pulsat. quod rectores seipsum amantes his proculdubio exhibent, à quibus se noceri posse in studio gloriæ temporalis timent.* De quibus iterum scriptum est, *Popule meus qui te beatificant, ipsi te decipiunt, & viam gressuum tuorum dissipant.* &

Isa. 5. 12.

Thi. 2. 14.

item, *Prophetae tui viderunt tibi falsa & stulta, nec aperiebant iniquitatem tuam, ut te ad pœnitentiam prouocarent.* Quia dum corripere culpas metuunt, in cassum delinquentibus promissa securitate blandiuntur, & sic vel in affectu peccandi manentes, vel ante congruam satisfac-

& rec/ aliandi eos, ne in iudicium & condemnationem sumant quod Dominus ad redemptionem & salutem credētibz contulit. At si peccator tardus ad recognoscendum, negligens ad id quod peccauit pœnitendum, & confitendum, atque satisfaciendum extiterit, Episcopalis cura cum commonere dissimulandum non ducat, memor sententiæ sibi dicentis, *Si sponderis pro amico tuo, defixisti apud extraneum manum tuam.* id est, si animam fratris in periculo tuæ conuersationis acceperis, iam ligasti mentem apud curam sollicitudinis, quæ antè dederat quàm pastorale officium sumeres: inlaqueatus es verbis oris tui, & captus propriis sermonibus, qui dum commissis tibi cogeris bona prædicando dicere, te ipsum prius necesse est quæ dixeris custodire. *Fac ergo quod dico, fili mi, & te metipsum libera, quia incidisti in manum proximi tui, discurre, festina, suscita amicum tuum.* non tantum ipse bene viuendo vigilare memento, sed & illum cui præes à peccati torpore prædicando disiunge. *Ne dederis somnum oculis tuis, nec dormitent palpebrae tuæ.* Somnū dat oculis qui subditorum curam omninò negligit: dormitat autem, qui quidem reprehensibilia eorū gesta cognoscit, sed hæc propter mētis tædium digna inuectione non corrigit. *Erue quasi dammula de manu, & quasi auis de insidiis aucupis.* Quantum auis de laqueo, vel dammula de manu captantis quærit euadere, tantum nitere ut auditore tuo salubriter instituto, ipse ab sponsione vitæ eius liber reddaris, ne non pastor sed mercenarius denoteris, si quemlibet ad luxuriam pertrahi, aut ad auaritiam accendi, vel in superbiam erigi, aut per iracundiam diuidi conspexeris, & aut accipiendo personam diuitis, timens ne tibi iratus munus subtrahat, quod blandus impendebat, aut familiaritatis vel cuiusquam temporalis emolumenti respectu tacens, pereuntibus animabus ipse de commodis terrenis læteris, non pastor, sed mercenarius in diuinis oculis computeris. Magis autem prædica, & instā opportunè, importunè. Si autem te, commonentem secundum Euangelium, non audierit, regiam adi ut constringatur potentiam. Et si nec ita ad effectum causam perduxeris, iuxta diuinam præceptionem de commonito, nuntia Ecclesiæ: si autem nec Ecclesiam audierit, sit tibi sicut ethnicus & publicanus. ne dissimulans, aut negligens arguere, sicut Heli sacerdos filios suos peccātes in Deum, ne amari essent hominibus, cum eo pereas. Vnde constat, quoniam nulli est contra Deum personæ parcendum, ut & nobis & illi parcamus salubriter, cui diligenter non parcimus, sequentes pro modulo nostro, quantum Dominus dederit, beatum Ambrosium, qui non parcendo Theodosio, & illi meritum in cælis coram Domino, & sempiternum memoriale in terris coram hominibus, ut & de eo scriptum intelligi debeat, *memoria iusti cum laudibus*, adquisiuit. Nec perfunctoriè Episcopis, & Regibus, & omnibus potestate humana præditis, audienda est sententia beati Gregorij ad Brunichildem reginam, quæ dicit, Non enim inquiring dissimulanda sunt quæ dicimus, quoniam

Prou. 6. 1.

Ibid. 31

Ibid. 4.

Ibid. 5.

Prou. 10. 7.

Lib. 12.
epist. 124.

canis reuersus ad vomitum suum, talis est, vt Salomon dicit, stultus iterans stultitiam suam. Et qui in peccato manens, vel ante correctionem, & satisfactionem peccati criminalis, dominicam cœnam præsumit ad manducandum, in suam condemnationem, vt præmisimus, eandem cœna præsumit, attestante Apostolo, *Quicumque, inquit, edit panem hunc, aut bibit calicem Domini indignè, reus erit corporis & sanguinis Domini.* Vnde S. Ambrosius dicit, Quid est autem reū esse corporis & sanguinis Domini, nisi pœnas dare mortis Domini? Occisus est enim pro his qui beneficium eius in irritum ducūt. *Probet autem, dicit iterum Paulus, homo seipsum, & sic de pane illo edat, & de calice bibat.* Probare enim seipsum, id est, corrigere se debet homo à peccato, & ipsum reprobare peccatum, & post dignam satisfactionem accedere ad sacram communionem, vt sciat mens reuerentiam se debere ei, ad cuius corpus sumendum accedit. Hoc enim apud se debet iudicare, quia Dominus est cuius corpus sumit & sanguinem. Et quod subsequitur, *Ideo in vobis multi infirmi, & imbecilles, & dormiunt multi,* ad hoc posuit, vt imaginem ostenderet iudicij in eos qui inconsideratè Domini corpus accipiunt. quia sicut illi corporaliter infirmabantur, & moriebantur, ita quicumque in peccato manet, vel affectum peccandi habet, & corpus & sanguinem Domini sumit, vnde vitam posset accipere, si condigna satisfactione post dignam pœnitentiam sacramenta illa acciperet, inde mortem sibi indignè accipiendo adsumit. Et si quærat aliquis, quare etiam nunc accipientes indignè non infirmantur vel moriuntur, sicut tunc infirmabantur, & moriebantur, accipiat quod non dixit Apostolus omnes infirmari vel mori, sed *multi, inquit, sunt infirmi, & multi moriuntur.* Et in primordio Ecclesiæ necessaria erant corporalia signa, nunc autem vera fides debet sufficere. Est & aliud, quia sicut scriptum est, *In fine sæculi erit sol sicut saccus cilicinus,* id est, Ecclesia in luctus amaritudine sine miraculorum coruscatione, vt probati manifesti fiant. Et quia quidam corriguntur communicantes simpliciter, licet postea peccent, vt Petrus: quidam tolerantur malignè communicantes, vt Iudas, qui suus homicida existens, exitiabili exitu demonstrauit quid anima patiatur nunc sine corpore, & quid æternaliter patietur cum corpore, quoniam in iudicium sibi diuina mysteria manducauit & bibit. Et quod subiungit, *Si nosmetipsos diiudicemus, non utique iudicemur,* hoc dicit, quia si nosmetipsi errores nostros corrigeremus, non à Domino iudicemur, id est condemnemur. Et ideo sacri canones sanxerunt, vt ad iudicium sacerdotale remoueantur vel resocientur peccantes sacro altario, dicente Domino ad leprosos, qui præsignabant lepra peccatorum in Ecclesia nunc perusos, *Ite, ostendite vos sacerdotibus,* vt secundum quod viderint magnitudinem vel multitudinem peccatorum in peccantibus, & cōsiderauerint illorum dignam satisfactionem, ita & absque personarum acceptione tempora constituent pœnitendi

INTERROGATIO XIV. ET RESPONSIO.

DE sacramenti autem proposita quaestione, beati Gregorij verba ex libro *Moralium* trigesimo tertio relegantur, Ait enim, Ecce quidam, dum mundi huius amicitias appetit, cuilibet alteri similem sibi vitam ducenti, quod secreta illius omni silentio contegat, se iureiurando constringit. Sed is, cui iuratum est, adulterium perpetrare cognoscitur, ita ut etiam maritum adulteræ occidere conetur: is autem qui iusiurandum præbuit ad mentem reuertitur, & diuersis hinc inde cogitationibus impugnatur, atque hoc silere formidat, ne silendo adulterij simul & homicidij particeps fiat, & prodere trepidat, ne reatu se periurij obstringat. Perplexis ergo testiculorum nervis ligatus est, qui in quamlibet partem declinet, metuit ne à transgressionis contagio liber non sit.] Et post pauca, Est tamen quod ad destruendas versutias vtiliter fiat, ut cum mens inter minora & maxima peccata constringitur, si omnino nullus sine peccato euadendi aditus patet, minora semper eligantur: quia & qui murorum vndique ambitu ne effugiat clauditur, ibi se in fugam præcipitat, ubi breuior murus inuenitur.] Et venerabilis presbyter Beda in homilia Euangelij secundum Matthæum, quo describitur Herodis incauta iuratio, ita dicit, Quantum verò, inquit, temeritatem iurandi vitare debeamus, & ipse in Euangelio Dominus, & Iacobus in Epistola sua docet, dicens, *Ante omnia autem, fratres mei, nolite iurare, neque per cælum, neque per terram, neque aliud quodcumque iuramentum: sit autem sermo vester, est, est, non, non, ut non sub iudicio decidatis.* illo videlicet iudicio, sub quo decidit Herodes, ut vel peierare, vel periurium cauendo aliud necesse haberet patrare flagitium. At si aliquid fortè nos incautiùs iurasse contigerit, quod obseruatum scilicet peiorem vergat in exitum, liberè illud in consilio salubriore mutandum nouerimus, ac magis instante necessitate peierandum nobis, quàm pro vitando periurio in aliud crimen grauius esse diuertendum. Denique iurauit Dauid per Dominum occidere Nabal virum stultum & impium, atque omnia quæ ad illum pertinerent demoliri: sed ad primam intercessionem Abigail feminæ prudentis, mox remisit minas, reuocauit ens in vaginam, neque aliquid culpæ se tali periurio contraxisse doluit. Iurauit Herodes dare saltatrici quodcumque postulasset ab eo, & ne periurus diceretur à conuiuiis, ipsum conuiuium sanguine polluit, dum Prophetæ mortem saltationis fecit præmium. Non solùm autem in iurando, sed in omne quod agimus, hæc est moderatio sollertiùs obseruanda, ut si talem fortè lapsum versuti hostis inciderimus insidiis, ex quo sine aliquo peccati contagio surgere non possimus, illum potiùs euadendi aditum petamus, in quo minùs periculi nos perpeffuros esse cernamus: & iuxta exem-

Cap. xviii.

Matt. 14.
& Marc. 6.

Iacob. 5. 12.

1. Reg. 25.

Marc. 6.

qui emendare potest peccata, & negligit, participem se proculdubio delicti constituit. Prouidete ergo animæ vestræ, prouidete nepotibus, quos cupitis regnare feliciter, prouidete prouinciis, & priusquam creator manum suam ad feriendum excutiat, de correctione sceleris studiosissimè cogitate, ne tanto postmodum acrius feriat, quantum modò diutius expectat.] Et si fortè quæcumque persona ori diuino inobediens expellitur, præmissis ordine ab Ecclesia expellenda est, quia & ipsa expulsio, miserante Domino, poterit ei fieri ad salutem, sicut B. Augustinus in libro De correptione & gratia dicit, *Corripiantur*, inquit, à præpositis suis subditi fratres correptionibus de caritate venientibus, pro culparum diuersitate diuersis, vel minoribus, vel amplioribus, quia & ipsa quæ damnatio nominatur, quam facit Episcopale iudicium, quæ pœna in Ecclesia nulla maior est, potest, si Deus voluerit, ad correctionem saluberrimam cedere atque proficere. Neque enim scimus quid contingat sequenti die, aut ante finem vitæ huius de aliquo desperandum est, aut contradici Deo potest ne recipiat & det pœnitentiam, & accepto sacrificio spiritus contribulati cordisque contriti, à reatu quamuis iustæ damnationis absoluat, damnatumque ipse non damnet. Pastoralis tamen necessitas habet, ne per plures serpent dira contagia, separare ab ouibus sanis morbidam, ab illo cui nihil est impossibile ipsa forsitan separatione sanandam. Et si fortassis, quod absit, talis emerferit, qui supercilio terrenæ potestatis elatus despiciat obedire, & rupto Christianitatis fræno per præcipitia in barathrum damnationis excurrat, habebit Episcopus iuxta Ezechielem prophetam ad liberationem suam sartaginem ferream, id est, zelum caritate feruentem, & beati Ambrosij memorandam sententiam.

Ezech. 4.3. Ait enim in Epistola ad Corinthios, Superbiam, inquit, illorum in tantum humiliat B. Parilus dicens, *Et vos inflati estis, & non magis luctum habuistis, ut tolleretur de medio vestrum qui hoc opus fecit, ut non querulos iam, sed magis simplices faciat, erant enim & ipsi participes, dum paterentur tam ingentis facinoris secum incorruptum conuenire, ut omnes vno consilio abiicerent eum, si negaret emendare se. Si autem quis potestatem non habet quem scit reum abiicere, aut probare non valet, immunis est, & iudicis non est sine accusatore damnare: quia & Dominus Iudam, cum fur esset, quia non est accusatus, minimè abiecit. & sanctus Spiritus per dignum & sibi placitum organum, beatum videlicet Benedictum, dicit, Tantundem iterum erit rector liber, ut si inquieto & inobedienti gregipastoris fuerit omnis diligentia attributa, & morbidis ouium actibus vniuersa fuerit cura exhibita, pastor earum in iudicio Domini absolutus, dicat cum propheta Domino, *Iustitiam tuam non abscondi in corde meo, veritatem tuam & salutare tuum dixi. Ipsi autem contemnentes spreuerunt me, & tunc demum inobedientibus curæ suæ ouibus pœna sit eis præualens ipsa mors.**

1. Cor. 5. 2.

Psal. 39. 11.

fidem ac legitimam redeatur, id est, ut peccatum emendetur voluntate prauitatis correctâ. Tamquam si quisque, cum hominem solus exspoliare non possit, inueniat socium iniquitatis, & cum eo paciscatur, ut simul id faciant, spoliūque partiantur, quod facinore commisso totum solus auferat, dolet quidem ille, sibi & fidem seruata non esse conqueritur: verum in ipsa querela cogitare debet, potius in bona vita ipsi humanæ societati fuisse seruandam, ne præda iniqua ex homine fieret, si sentit quàm iniquè sibi in peccati societate seruata non fuerit. Ille quippe utrobique perfidus, pro peccato sceleratior iudicandus est reus, qui si ideò cum particeps facinoris prædam diuidere noluiſſet, ut homini cui ablata fuerat redderetur, cum perfidum nec perfidus diceret. Ita mulier, si fide coniugali violata fidem seruat adultero, utique mala est, sed si nec adultero, peior est. Porro si eam flagitij pœniteat, & ad castitatem rediens coniugalem pacta ac placita adulterina rescindat, miror si eam fidei violatricem vel ipse adulter putabit. Quod æquè intelligendum est de adultero, quia si pactum cum adultera factum rescindit, nec ipsa adultera cum fidei violatorem iuste dicere poterit.

INTERROGATIO XV.

DE hoc quod interrogatum est, si hoc verum esse possit, quod plures homines dicunt, quia sunt feminae, quæ maleficio suo inter virum & uxorem odium irreconciliabile possint mittere, & inenarrabilem amorem iterum inter virum & feminam ferere: & de ceteris quæ hinc ad quæstionem voluerunt quærentes deducere.

RESPONSIO.

RELEGANT historiam libri Regum post peccatum Dauid in Bethsabæ uxorem Vriæ, qualiter suggestionē diaboli filius ipsius Dauid Amnon adamauit sororem suam Thamar, & consilio Ionadab, figuram tenentis diaboli per Euam consilio peccandi occidentis Adam, concubuit cum eadem sorore sua. Quam tantum ante concubitum dilexit, ut deperiret in eam valdè, & ægrotaret propter amorem eius: post concubitum autem, exosam eam habuit odio magno nimis, ut maius esset odium quo oderat eam, amore quo antè dilexerat: quæ diabolica operatio per fratricidium ad alia etiam mala, quæ ibidem lectores inueniunt, decurrit. Et beatus Ambrosius, Psalmi centesimi decimi octauī versum exponens, *Nisi quod lex tua meditationis mea est, tunc fortè periissem in humilitate mea*, loquens de Ioseph perferente immissiones per angelos malos, dicit ad locum, Fertur, inquit, Prophetæ cuidam, & plerique ferunt quòd Esaia in carcere posito, cum mole imminētis vrgeretur exitij, dixisse diabo-

2. Reg. 13.

Psalm. 118. 98.

Cā. 7.

plum eorum qui hostilibus clausi muris dum euadere desiderant, sed portarum omnium accessum sibi interdictum considerant, ibi necesse est desiliendi locum eligant, vbi muro existente breuiore minimum periculi cadentes incurrant.] Et in Concilio Hilerdensi decernitur, Qui sacramento se obligauerit, vt litigans cum quolibet ad pacem nullomodo redeat, pro periurio vno anno à communione corporis & sanguinis Domini segregatus, reatum suum eleemosynis ac fletibus, & quantis potuerit ieiuniis absoluat, ad caritatem verò, quæ operit multitudinem peccatorum, celeriter redire festinet.]

Luc. 10. 35.

Et quoniam huiusmodi de sacramento voluerunt interrogare quærentes, non abs re fortè putauimus de talibus scribere, quæ solent in humana fragilitate accidere: neque ea quæ scribimus in quemquam impingimus, sed si talis extiterit, quem hoc consilium adiuuare potuerit, memores scripturæ dicentis, *Quod supererogaueris reddam tibi*, de hoc quod non sumus interrogati, vt quilibet nouerit quid anceps inter duo eligere debeat, adiungendum putauimus. Non enim facilè modò quisquam reperiet, immò nec quenquam quisque reperiet, qui David sanctior, Salomone sapientior, Samsone sit fortior, & illi, amore muliebris capti, quoniam etiam mentes ferreas libido domat, nec pannos pauperum perhorrescens, nec regum purpuram pertimescens, talia egerunt quæ non conuenerant: & ad nos sapè femina veniunt, reclamantes, quòd iuuentuli eis suam fidem promiserint, easque derisas reliquerint. & interdum à nobis repertum est, quia viri legitimas reliquerunt vxores, & adulteris, vt seruarent fidem pollicitam, adeo cohæserunt, vt cum multis laboribus ab eis quiuerint separari. De quo negotio beatus Augustinus in libro de bono coniugali dicit, Huc, inquit, accedit, quia in eo ipso quòd sibi inuicem coniuges debitum soluunt, etiam si id aliquanto intemperantiùs & incontinentiùs expetant, fidem tamen sibi inuicem debent. cui fidei tantum iuris tribuit Apostolus, vt eam potestatem appellaret dicens, *Mulier non habet potestatem corporis sui, sed vir: similiter autem & vir non habet potestatem corporis sui, sed mulier.* Huius autem fidei violatio dicitur adulterium, cum vel propriæ libidinis instinctu, vel alienæ consensu, cum altero vel altera contra pactum coniugale concumbitur, atque ita frangitur fides, quæ in rebus etiam corporeis & abiectis magnum animi bonum est, & ideo eam salutis quoque corporali, qua etiam vita nostra ista continetur, certum est debere præponi. Etsi enim exigua palea præ multo auro penè res nulla est, fides tamen cum in negotio palea sicut in auro sincera seruatur, non ideo minor est quia in re minore seruatur. Cum verò ad peccatum admittendum adhibetur fides, mirum si fides appellanda est. Verumtamen qualiscumque sit, si & contra ipsam sit, peius sit, nisi cum propterea deseritur, vt ad veram fi-

Cap. 14.

1. Cor. 7. 4.

quæ propter nefariam turpitudinem dicere nolumus: & sunt huiusmodi scelerata atque facinorosa, quæ ut ad notitiam malignorum, qui fortè ea ignorant, peruenire non valeant, hîc scribere supersedimus. Sunt præterea & tam immania diabolicæ operationis portenta per magicam artem facta, quæ ad nos peruenerunt, ut credendi modum excedant. Sed non est mirum, si in istis temporibus vltimis talia Antichristi aduentum præcurrentia veniunt, qualia Dominus, & Apostoli eius ventura descripserant, de quibus & Paulus dicit, *Nam mysterium iam operatur iniquitatis secundum operationem satanæ in omni potestate, & signis, & prodigiis mendacijs.* & item, *Spiritus autem manifestè dicit, quia in nouissimis temporibus recedent quidam à fide, attendentes spiritus fallaces, doctrinas demoniorum.* Hæc autem vanitas magicarum artium ex traditione angelorum malorum in toto terrarum orbe, auctore Zoroastre rege Bactrianorum, quem Ninus rex Assyriorum prælio interfecit, & propagatore Democrito, plurimis sæculis valuit. Sed apud Assyrios exculta per multos diabolicos viros fuit, quorum in tantum prodiere maleficiorum artes, ut etiam, sicut suprâ diximus, Moyfi simillimis signis resisterent, vertentes virgas in dracones, aquam in sanguinem. Et eorundem maleficiorum vna impietas, ut diuersitate artium, ita & diuersitate nominum constat, sicut & pagani doctores, & etiam Christiani referunt. vnde plura omittentes, quædam commemoramus. Magi sunt, qui vulgò malefici ob facinorum magnitudinem nuncupantur. Hi & elementa concutiunt, turbant mentes hominum, ac sine vlllo veneni haustu, violentia tantum carminis interimunt. Necromantij sunt, quorum præcantationibus videntur resuscitati mortui diuinare, & ad interrogata respondere. Hydromantij sunt, qui in aquæ inspectione umbras dæmonum euocant, & imagines vel ludificationes eorum ibi videre, & ab eis aliqua audire se perhibent. Incantatores, qui artem verbis peragunt. Arioli, qui circa aras idolorum nefarias preces emittunt, & funesta sacrificia offerunt, hisque celebritatibus dæmonum responsa accipiunt. Aruspices, qui horas in agendis negotiis & operibus custodiunt, qui exta pecudum & fibras atque spatulas, vel cetera quæque inspiciunt, & ex eis futura prædicunt. Augures sunt, qui volatus auium & voces attendunt, quorum vnum genus ad oculos, id est volatus auium, alterum ad aures, id est vox auium pertinet. Sunt & Pythonissæ, quæ & ventriloquæ sunt & Astrologi, eo quòd in astris augurentur. Sunt & qui dies natalium considerant, & qui siderum cursum in nascentibus obseruant, qui vulgò Mathematici vocantur. Sunt & Horoscopi, qui horas natiuitatis speculantur dissimili & diuerso facto. Sunt & fortilegi, qui sub nomine fictæ religionis, per quasdam quas sanctorum sortes vocant, diuinationis scientiam profitentur, aut quarumcumque scripturarum inspectione futura promittunt.

lum, Dic quia non à Domino locutus es quæ dixisti, & omnium in te mentes affectusque mutabo.

Sed & in parochia cuiusdam nostrum quod narramus acciderat, quoniam quidam nobilis genere iuuenis non ignobilem natione feminam adamavit, quam à parentibus puellæ legaliter expetens, apud patrem petitio eius prævaluit, sed puellæ mater eandem petitionem omnimodis refutavit: pater verò, quod rarò solet contingere, in iuuenis precibus annuendo prævaluit. qui post desponsationem, & dotis titulum, ac nuptiarum celebritatem, puellam secreta cubiculi introducens, nullo modo cum ea concumbere ex more prævaluit. & cum inremediabili odio tædiosam vitam per biennium ducerent, ad Episcopum, quia aliud iam inde consilium inueniri non poterat, hinc necessitate cogente concursus est, cum verbis suavoriis, precatoriis ac minatoriis, quia nisi permetteret dissolui coniugium, ipse porrigeret gladium, quo fieret si aliter dissolui non poterat homicidium. Isdem autem Episcopus, inter alia plura iam de talibus satana faciente sæpè cribratus, & ad memoriam reducens quod dicit Dominus per Prophetam, *Fili hominis, perfode parietem, & vide abominationes quas faciunt isti hîc. & cum perfodissem parietem, apparuit foramen, & reliqua quæ ibi leguntur, de placito ad placitum, de quaestione ad diffinitionem per frequentes tracta talia inuitavit, usque dum operationes diabolicæ Dei gratia dissolutæ sunt, & concubitus in anteriore concubina cum delectatione possibilis, & cum legaliter sortita impossibilis, post pœnitentiam & medicinam Ecclesiasticam, iuueni est cum vxore possibilis redditus, & fugato odio diabolico, coniugalis amor inter coniuges integratus, nunc usque cum debito amore perseuerat, atque coniugati sobole numerosa congaudent.*

Ezech. 7

Turpe est fabulas nobis notas referre, & longum est sacrilegia computare, quæ ex huiusmodi de ossibus mortuorum, atque cineribus carbonibusque extinctis, & de capillis atque pilis locorum genitalium virorum ac feminarum, cum filulis colorum multiplicium, & herbis variis, ac cocleolis & serpentium particulis composita, cum carminibus incantata deprehendentes comperimus, quibus homines liberati, & benedictione Ecclesiastica medicati, gratia coniugali & debito naturali perfuncti sunt. Quidam etiam vestibus carminatis induebantur, vel cooperiebantur, alij potu, alij autem cibo à sortariis dementati, alij verò tantum carminibus à strigis fascinati & quasi enerues effecti reperti sunt: quidam autem à lamiis siue genicialibus feminis debilitati, quædam etiam femina à Dufiis in specie virotum, quorum amore ardebant, concubitus per tulisse inuentæ sunt. quos & quas diuina potentia, compressis & abiectis phantasmatibus diabolicis, per exorcismos & antidota catholica restituit sanitati.

Sunt & alia, quæ nos dirimere ac iudicare necessitas compulit,

rata sceleribus debet intelligi. Vnde inter ceteros dæmones vitiorum magistros legimus de Mammona, de quo Dominus dicit, *Non potestis Deo seruire & Mammonæ* quia qui seruit Mammonæ, id est diuitiis, illi utique seruit, qui rebus istis terrenis merito suæ peruersitatis præpositus est, & magistratus huius sæculi à Domino dicitur: & de eo genere dæmonum, qui in feruorem iracundiæ, vel qui in voluptatem carnis resoluit per delicias, vel certè in ignem adulterij, quo adulterantium corda succensa sunt, & in aquas, quæ solent extinguere caritatem, inuasum mittunt, quod non potest eiici nisi in oratione & ieiunio. Et primum parentem nostrum, sicuti notum est, antiquus hostis gula, vana gloria, & auaritia tentauit, ac tentando superauit, quia sibi eum per consensum subdidit. Sed quibus modis primum hominem strauit, eisdem modis secundo homini tentato succubuit. In Psalmo quoque cantamus, *De sagitta volante in die*, id est, de sermone hæreticorum & philosophorum, qui sunt diaboli organa, & non possunt decipere, nisi lucem promiserint. & hoc genus dæmonum eos faciliè corrumpit qui suas negligunt actiones, & alienas curantes, extra habitum atque extra ordinem proprium vagantur, & se curis exterioribus immoderatiùs implicant. Et adeo deceptam mentem talium per vanas spes ducit, ut ab intentione pœnitentiæ suspendatur, ostendens illi plures per lata & spatiosa gradientes, quatenus tunc bona nulla percipiat, quam nunc mala nulla contristant, & tunc plenius obruatur suppliciis, quæ nunc etiam gaudet in delictis. De negotio etiam perambulante in tenebris, videlicet de præposito negationis atque mendacij, de incurfu videlicet præcipitationis atque timoris, & dæmonio meridiano, accidiæ scilicet, quod facit feruorem cœptæ deuotionis tepescere, vel hæreticos simulationis rectæ intentionis & operum lucis ambitionis amore ardere. de quo genere dæmonum scriptum est, *Sub umbra*, inquit, *dormit in secreto calami, in locis humentibus*. In umbra, videlicet tenebrosas conscientias, in calamo, qui foris nitidus intus est vacuus, simulatrices, in locis humentibus, lasciuas mollésque mentes insinuat. Quodque genus dæmonum exiens ab homine baptismatis tempore, vel post pœnitentiæ fructus & reconciliationis gratiam, *vadit, & assumit septem alios* spiritus nequiores se, & veniens ad domum illam unde exierat, eam inuenit vacantem, scopis mundatam, & ornatam, mundatam videlicet à vitiis pristinis per baptismum vel pœnitentiam, vacantem à bonis actibus per negligentiam, ornatam simulatis virtutibus per hypocrisin, ipsi & ab eo adsumpti nequiores spiritus ingressi habitant ibi. Per septem enim malos spiritus vniuersa vitia designantur. Quemcumque enim post baptismum, siue prauitas hæretica, siue mundana cupiditas arripuerit, mox omnium prosterne in ima vitiorum. Vnde rectè nequiores tunc cum spiritus dicuntur ingressi, quia non solum habebit illa septem vitia, quæ septem spiritalibus sunt contraria virtutibus, sed & per hypo-

Matt. 6. 24.
Luc. 16. 13.

Psal. 90. 6.

Iob 40. 16.

Luc. 16. 26.

sunt & qui de saltu membrorum, dum eis aut oculi aut cuiuscumque membri pars salierit, aliquid sibi exinde prosperum aut triste significari prædicunt. Sunt & præstigiatores, qui alio nomine obstrigilli vocantur, quòd præstringant vel obstringant humanorum aciem oculorum, sicut isti qui de denariis quasi iocari dicuntur, quod omninò diabolicum est: & sicut legimus, primùm diabolus hoc per Mercurium prodidit, vnde & Mercurius inuentor illius dicitur. quod diabolicum opus nemo Christianus sine peccato ante se agere permittit, vel si ei potestas in illo est qui talia agit, sine vindicta dimittit. Ad hæc omnia pertinent & ligaturæ execrabilium remediorum, quæ ars medicorum condemnat, siue in præcantationibus, siue in characteribus, vel in quibuscumque rebus suspendendis atque ligandis, vel quibuscumque mensuris mensurandis: & quas superuentas feminae in suis lanificiis vel textilibus operibus nominant. in quibus omnibus ars dæmonum est, ex quadam pestifera societate hominum & angelorum malorum exorta. Vnde cuncta vitanda sunt ab omni Christiano, & omni penitus execratione repudianda atque damnanda. Sunt etiam & qui dicant, quando in venationem pergunt, quòd obuium sibi non debeant habere clericum. Sunt & qui faciunt canes ad truncum latrare sicut ab bestiam. Sunt & qui obseruant dies in motione itineris, & in inchoatione ædificandæ domus. quod pro tam magno peccato Paulus duxit Apostolus, vt diceret, *Dies obseruatis, & annos, & menses, timeo ne sine causa laborauerim in vobis,* Gal. 4. 10. Et Dominus in Euangelio dicit, *Similiter sicut factum est in diebus Lot, edebant, & bibebant, emebant & vendebant, plantabant & ædificabant.* Luc. 17. 28. Et prætermisso illo maximo & infando Sodomorum scelere, sola ea quæ leuia vel nulla putare poterant delicta commemorat, vt intelligas illicita quali pœna feriantur, si licita, & ea sine quibus hæc vita non ducitur, immoderatiùs acta, igne vel sulphure puniuntur. Meritò ergo B. Augustinus, visis noxiæ consuetudinis inlecebris, ac iusto dolore commotus exclamat, Væ peccatis hominum, quæ sola inusitata inhorrescimus, vsitata verò, pro quibus ablundis filij Dei sanguis effusus est, quamuis tam magna sint, vt omnino claudi contra se faciunt regnum Dei, sæpè vitando omnia tolerare, sæpè tolerando nonnulla etiam facere cogimur. atque vtinam, ô Domine, non omnia, quæ non potuerimus prohibere faciamus. Sciendum est etiam, quia sicut in doctorum verbis legimus, sunt dæmones qui quasi specialiter specialibus intendentes vitiis, cum in omnibus delectentur, ad ea quibus præsumt homines quasi specialiter prouocent. Quapropter & de Maria, quæ erat in ciuitate peccatrix, Marcus Euangelista Dominum septem dæmonia eiecisse commemorat, vt vbi abundauit peccatum, superabundasse gratia monstraretur. Septenarius namque numerus pro vniuersitate solet mysticè poni. Ergo à septem dæmonibus curata, hoc est, ab vniuersis libe-

runt ei principes potestatis tenebrarum spiritalia nequitiae, & apprehendentes errantem cum gaudio magno, duxerunt eum ubi erat diabolus, & ostenderunt ei ipsum sedentem in sede alta, & in circuitu eius malignitatis spiritus stantes, & suscipiens missas à malefico litteras dixit ad miserum, Credis in me? Qui ait, Credo. & , Negas Christum tuum? Qui respondit, Nego. Dicit ei diabolus, Perfidi estis vos Christiani, & quandoquidem opus me habetis, venitis ad me, quandoquidem consequimini desiderium vestrum, negatis me, & acceditis ad Christum vestrum, qui est benignus ac clementissimus, & suscipit vos. Sed fac mihi manuscriptam Christi tui & baptismatis abrenuntiationem voluntariam, & quæ in me est in sæcula voluntariam professionem, & quia mecum sis in die iudicii condelectans mihi in præparatis æternis tormentis, & ego statim desiderium tuum adimpleo. Qui disposuit propria manu scriptum sicut quæsitus fuit. Statim autem animarum corruptor draco tortuosus misit qui sunt super fornicationem dæmones, & inflammauerunt puellam in amorem iuuenis, quæ prospiciens in terram cœpit clamare ad patrem, Miserere mihi, miserere pater, quia dirè torqueor propter talem istum nostrum puerum: miserere visceribus tuis, ostende in me vnigenitam tuam paternum amorem, & coniunge me puero quem amo. Si autem hoc non vis facere, videbis me post modicum morientem amara morte, & sermonem dabis pro me in die iudicii Deo. Pater autem cum lacrymis dicebat, Heu mihi peccatori, quid conuenit miseræ meæ filiæ? quis meum thesaurum furatus est? quis meam iniquauit filiam? quis dulce lumen oculorum meorum extinxit? Ego cælesti te volebam nubere sponso Christo, & Angelorum cohabitaticem constituere, & in psalmis, & hymnis, & canticis spiritalibus canere Deo festinabam, & per te saluari sperabam, tu autem in amorem lasciuietatis insanisti? Sine me, sicut volo, desponsare te Deo, non ducas senectutem meam cum tribulatione ad inferos, neque nobilitatem parentum tuorum confusione operias. Illa autem, ad nihilum reputans quæ à patre dicebantur, instabat clamans, Pater mi, aut fac desiderium meum, aut post modicum morientem videbis me. Pater ergo in magna defectione factus, ac immensurabilitate tristitiæ absorptus, & amicorum consiliis credulus, hortantium ei deferre voluntatem eius, aut seipsam exponere, concredens pater præcepit fieri desiderium puellæ, ne exitiali se traderet morti. Et adduxit quæsitum puerum ad propriam filiam, dânsque eis omnem substantiam suam dixit filiæ suæ, Vale filia verè misera. multum enim planges pœnitens in nouissimo quando nihil habes proficere. Iniquo ergo coniugio facto, & diabolica facinorositate completa, ac modico transeunte tempore, designatus est à quibusdam puer non introire in Ecclesiam, neque adpropinquare immortalibus & viuificis mysteriis. Et dicunt miseræ

Esa. II.

In vita S.
Basilij.

crisin ipsas se virtutes habere simulabit. Et quomodo in Esaia, super virgam de radice Iesse, & florem qui de radice conscendit, septem spiritus virtutum descendisse narrantur, ita & è contrario vitiorum numerus in diabolo est consecratus. Sunt & alia etiam genera dæmonum, quos legimus super singulis vitiis ab eorum principe constitutos, quæ hîc adnotare omittimus. Tantùm de dæmonibus qui super fornicationem sunt adnotare curamus, monstraturi quoniam talia sunt etiam genera dæmonum, qui tantùm in fornicationibus delectantur, vt etiam humanum concubitum expetant. de quibus aliqua nostri temporis acta dicere poteramus, nisi ea breuitatis compendio transiremus. Et vt melius quod dicimus credi possit, legant quicumque de talibus dubitant, quod sanctus Amphilochius Iconiensis ciuitatis Episcopus, quem beatus Hieronymus in libro De viris illustribus debita veneratione commemorat, inter virtutes mirandi Basilij Cæsareæ Cappadociæ ciuitatis Episcopi scribit dicens, Elladius autem, ipsius sanctissimæ memoriæ visor & minister factus ab eo perfectorum miraculorum, & successor sedis post obitum iam dictæ memoriæ Apostolicæ Basilij, vir mirabilis, & in omni virtute decoratus, enarrauit mihi, quia senator quidam fidelis, nomine Proterius, abiit ad sancta & venerabilia loca, & ibi filiam suam consecrare, ac in vno de bene actionalibus domibus monasteriorum mittere, atque sacrificium Deo offerre volens. Sed ab initio homicida diabolus, inuidens diuinæ voluntati, mouit vnum de seruis suis, & incendit ad puellæ amorem. Is autem cùm fuisset huiusmodi inchoationis indignus, & non audens appropinquare ad propositum, alloquitur vnum abominandorum incantatorum, promittens se, si meruerit dominari ipsius puellæ, multam ei tribuere auri quantitatem. Maleficus verò dixit ad eum, ô homo, ego in istud non præualeo, sed si vis mitto te ad meum procuratorem diabolum, & ipse perficiet tuam voluntatem. qui ait ad eum, Quæcumque dixeris mihi faciam. Et ait ad eum, Abrenuncias Christo in scripto? Dixit ei, etiam. Iniquitatis autem operator dicit ei, Si in isto paratus extiteris, cooperator fiam. Qui ait ad eum, Paratus sum, tantùm consequar desiderium. Et faciens malignitatis minister epistolam ad diabolum, misit ad illum habentem sensum istum, Quoniam quidem, mi domine & procurator, oportet festinare me à Christianorum religione abstrahere, & tuæ adducere voluntati, vt multiplicetur pars tua, misi tibi hunc qui præsentem meas defert litteras, cupiditate in puellam exarsum, & postulo eum actionem istam consequi, vt & in isto gloriatur, & cum multa alacritate congregem placitores tuos. Et dans ei epistolam dixit, Vade secundum talem horam noctis, sta super monumentum gentilis, & exalta chartam in aëre, & adstabant tibi qui debent ducere te diabolo. Qui alacriter hoc faciens, iactauit miseram vocem inuocans diaboli auxilium. Et continuo adstite-

modo habes, frater? Respondens dicit ad eum, Bene habeo, sancte Dei. Vidi enim te hodie in visu pugnantem pro me, & vincentem diabolum. Mox ergo Sanctus secundum consuetudinem faciens orationem, eduxit eum, & adduxit in dormitorium suum. Mane autem facto vocauit sacrum clerum, & monasteria, & omnem Christo amabilem populum, & dixit eis, Filioli mei dilectissimi, omnes gratias agatis Domino. Ecce enim ouem perditam debet pastor bonus in humeris reportare, & offerre Ecclesiae. Quapropter debitum est & nos vigiliam facere nocte, ac postulare eius benignitatem, ut non vincat corruptor animarum etiam in hoc facto. Et alacriter populo coaggregato, per omnem noctem postulauerunt Deum cum bono pastore, cum lacrymis clamantes pro eo Kyrie eleison. Et maturè cum omni multitudine populi accepit Sanctus puerum, & tenens dexteram manum eius, ducebat illum in sanctam Dei Ecclesiam cum psalmis & hymnis. Et ecce diabolus omnium fascinans in tristem vitam, cum omni perniciofa virtute aduenit, & inuisibiliter adprehendens puerum, conabatur rapere eum de manu Sancti. Et coepit clamare puer, Sancte Dei, adiuua me. Et tanta improbus instantia adgressus est, ut etiam memorabilem virum compelleret, trahens puerum. Conuersus ergo Sanctus ad diabolum, dixit, Improbissime, & animarum corruptor, pater tenebrarum & perditionis, non sufficit tibi tua perditio, qua te & eos qui sub te sunt affecisti, nisi etiam & Dei mei tentes plasma? Diabolus autem dixit ad eum, Praejudicas me Basili. Ita ut plurimi ex nobis audirent voces daemonum hac dicentium, clamante populo Kyrie eleison. Sanctus autem Dei ait ad eum, Increpat te Dominus, diabole. Qui respondens ait ad eum, Basili, praiejudicas me. non abij ego ad eum, sed ipse venit ad me. Abnegauit Christum, & professus est mihi. Et ecce manuscriptum habeo, & in die iudicij ad communem iudicem eum duco. Sanctus Dei dixit, Benedictus dominus Deus meus, non deflectet populus iste manus de altitudine caeli, donec reddas manuscriptum. Et conuertens se dixit populo, Erigite manus vestras in caelum, clamantes cum lacrymis Christe Kyrie eleison. Et stante populo in horam multam extensas habente manus in caelum, ecce manuscripta pueri per aërem delata, & ab omnibus visa venit, & imposita est manibus memorabilis nostri patris & pastoris. Susciciens autem eam, & gratias agens Deo, gaudius factus est valde, & coram omni populo dixit ad puerum, Cognoscis litterulas has frater? Qui ait ad eum, Etiam Sancte Dei, manuscripta mea est. Et dirumpens manuscriptam sanctus Basilius, perduxit eum ad Ecclesiam, & dignum fecit sancto ministerio, & communione mysteriorum & munerum Christi. Et faciens susceptionem magnam, refrigerauit omnem populum, & ducens puerum ac instruens, seu dans ei regulam decentem, reddidit eum mulieri eius intacibili ore glorificantem & laudantem Deum, Amen.] Et venerabilis presbyter Beda in tertio

coniugi eius, Scis quia vir tuus, quem elegisti, non est Christianus, sed peregrinus fidei & alienus? Tenebrarum ergo & dolorosæ plagæ repleta, prosternit se in humum, & cœpit discerpere seipsam vngulis, & percutere pectus, ac clamare, Nemo non obediens parentibus saluus fuit vnquam. Quis adnuntiabit patri meo meam confusionem? Heu mihi miseræ, in quantam profunditatem perditionis descendendi! Cur nata sum, & nata continuo rapta non fui? Ista ergo lamentari eam discens erratissimus vir eius, accucurrit ad eam contendens non haberi ita veritatem. Illa autem in consolationem veniente suadibilibus eius sermonibus, dixit ad eum, Si vis satis mihi facere & miseræ animæ meæ, crastina ego & tu vnanimiter eamus ad Ecclesiam, & coram me participa incontaminatorum mysteriorum, & sic satisfacta ero. Tunc coactus dixit ei sententiam capituli. Continuo ergo deponens illa muliebrem infirmitatem, & consilium bonum consilians illi, currit ad pastorem & discipulum Christi Basilium, aduersus impietatem clamans, Miserere mihi miseræ, sancte Dei, miserere mihi, discipule Domini, quæ cum dæmonibus causam egi. miserere mihi miseræ proprium patrem non obaudienti. Et docet ei rerum gestarum ordinem. Sanctus autem Dei vocans puerum, sciscitatus est ab eo si ista in hunc modum se habent. Qui ad sanctum cum lacrymis ait, Etiam sancte Dei, si ego siluero, opera mea clamabunt. & enarrat ei etiam ipse à principio vsque ad finem consequentem diaboli malam operationem. Tunc dicit ei sanctus, Vis reuerti ad Dominum Deum nostrum? Ad quem puer, Vtique volo, sed non valeo. Dicit ei, quare? Respondit puer, Scripto abnegavi Christum, & professus sum diabolo. Dicit ei, Non sit tibi curæ, benignus est Deus noster, & recipiet te pœnitentem: compatitur enim malitiis nostris. Et iactans se puella ad pedes sancti, euangelicè deprecata est eum dicens, Discipule Christi Dei nostri, quantum potes adiuua nos. Dicit ad puerum sanctus, Credis saluari? Qui ait, Credo Domine, adiuua incredulitatem meam. Et continuo apprehendens manum eius, faciēsq̃ue Christi signum in ipso & orans, reclusit eum in vno loco interioris sacri periboli. Et dans ei regulam, conlaborabat ei per tres dies. Post quos visitauit eum, & dicit ei, Quomodo habes fili? Dicit ad eum, In magna sum Domine defectione, sancte Dei, non fero clamores eorum & terrores, ac iaculationes seu lapidationes eorum. Tenentes manuscriptam meam, causantur me dicentes, Tu venisti ad nos, non nos ad te. Et dicit ei sanctus, Noli timere fili, tantum crede. & dans ei modicam escam, faciēsq̃ue super eum Christi iterum signaculum ac orans, reclusit eum. Et post paucos dies visitauit eum, & dicit, Quomodo habes fili? Dicit ei, Pater sancte, à longè clamores eorum audio & minas, sed non video eos. Et iterum dans ei escam & orans, claudēsq̃ue ostium abiit. Et quadagesimo die rediit, & dicit ei, Quo-

stris iniquitatibus videmus & sentimus terram Domini tabescentem, qui promisit iratus futuram nobis terram ferream, & cælum æreum, & placatus daturum se nobis pluuiam temporiuam & serotinam terræ, & quia cælum dabit pluuiam, & terra dabit fructum suum: non quo creaturarum immutetur natura, sed quia meritorum distantia, irato vel placato Deo, exinde à nobis vindicta sentiatur vel gratia. Et beatus Gregorius in libro secundo *Moralium* dicit, *Occulta*, in-
Cap. xv. quuens, iustitia Dei licentia malignis spiritibus datur, vt quos volentes in peccati laqueo strangulant, in peccati pœnam etiam nolentes trahant.] Et Augustinus in libro primo de nuptiis & concupiscentia, Qui miratur quia creatura Dei subditur diabolo, non
Cap. xxiii. miretur. Subditur enim creatura Dei creaturæ Dei, minor maiori, quia homo Angelo, nec tamen propter naturam, sed propter vitium, quia immundus immundo.] Quia & ipse diabolus spiritus immundus est. Et vtique bonum quod spiritus, malum quod immundus: quoniam spiritus est natura, immundus est vitio, quorum duorum illud à Deo est, hoc ab ipso. Non itaque tenet homines, siue maioris siue infantilis ætatis, propter quod homines sunt, sed propter quod immundi sunt. Et in libro de gratia & libero arbitrio,
Cap. xxi. Fixum enim, inquit, debet esse & immobile in corde vestro, quia non est iniquitas apud Deum. Ac per hoc quando legitis in litteris veritatis, à Deo seduci homines, aut obtundi vel obdurari corda eorum, nolite dubitare præcessisse mala merita eorum, vt iustè ista paterentur, ne incurritis illud prouerbum Salomonis, Insipientia viri violat vias eius, Deum autem causatur in corde suo.]

INTERROGATIO XVII. ET RESPONSIO.

DE eo siquidem quod interrogatum est, vt si fortè tales viri malefici, vel incantatrices feminæ inuentæ fuerint, quid de huiusmodi fieri debeat, sanctus Leo scribens ad Episcopos per vniuersas prouincias demonstrat, Aliquantum, inquit, malefici, qui ita se demerferant, vt nullum his auxiliantis posset remedium subuenire, subditi legibus, secundum Christianorum principum constituta, ne sanctum gregem sua contagione polluerent, per publicos iudices perpetuo sunt exilio relegati.] Et post aliquanta, Aliter enim nobis commissos regere non possumus, nisi hos, qui sunt perditores & perditum, zelo fidei dominicæ persequamur, & à sanis mentibus, ne pestis hæc latius diuulgetur, seueritate qua possumus abscidamus. Vnde horror dilectionem vestram, obtestor, & moneo, vt qua debetis & potestis sollicitudine vigiletis, ad inuestigandos eos, necubi occultandi se reperiant facultatem. Vt enim habebit à Deo ingens remunerationis præmium, qui diligentius quod ad salutem commissæ sibi plebis proficiat fuerit executus, ita ante tribu-

*Epist. rr.
Episcopis
per Italiam.*

Luc. 8. 30.

libro commenti Lucae Evangelistae, *Interrogavit, inquit, illum Iesus dicens, Quod tibi nomen est? At ille dicit, Legio, quia intraverunt demonia multa in eum.* Non velut inscius nomen inquit, sed ut confessa coram peste, quam furens tolerabat, virtus curantis gratior emicaret. Sed & nostri temporis sacerdotes, qui per exorcismi gratiam daemones eiicere norunt, solent dicere, patientes non aliter valere curari, nisi quantum sapere possunt, omne quod ab immundis spiritibus, visu, auditu, gustu, odoratu, & tactu, vel alio quolibet corporis, vel animi sensu, vigilantes, dormientesve pertulerint, confitendo patenter exponant. Et maximè quando, vel viris in specie feminea, vel in virili habitu feminis apparètes, quos daemones Galli Dufios vocant, infando miraculo spiritus incorporei corporis humani concubitum petere se ac patrare confingunt, & nomen daemonis, quo se censeri dixerit, & deierandi modos, quibus amoris sui fœdus alterutrum pepigerunt, prodendos esse præcipiunt. Quæ mendacio simillima res, sed adeo vera, & plurimorum est attestazione notissima, ut quidam vicinus mihi Presbyter retulerit, se quandam sanctimonialem feminam à daemone curare cœpisse, sed quandiu res latebat, nihil apud eam proficere potuisse: confesso autem quo molestabatur phantasmate, mox & ipsum orationibus, ceterisque quæ oportebat purificationum generibus effugasse, & eiusdem feminae corpus ab ulceribus, quæ daemonis tactu contraxerat, medicinali studio, adiuncto sale benedicto, curasse. Sed dum vnum de ulceribus, quod aliùs lateri infixum repererat, nullatenus posset quin continuò panderetur obducere, ab eadem ipsa, quam sanare volebat, consilium quo sanaretur accepisse. Si inquit, oleum pro infirmis consecratum eidem medicamento asperferis, sicque me perunxeris, statim sanitati restituar. Nam vidi quondam per spiritum in quadam longius posita ciuitate, quam nunquam corporalibus oculis vidi, puellam quandam pari calamitate laborantem taliter à sacerdote curatam. Fecit ut illa suggererat, statimque vlcus remedium, quod antè respuerat, accipere consensit. Hæc contra fraudes daemonum paucis explicare curavi, ut quàm non frustra Dominus nomen eius, quem expulsurus erat, spiritus interrogarit, intelligas.

INTERROGATIO XVI. ET RESPONSIO.

DE eo autem quod interrogatum est, quæ sit causa cur Deus, ut dicitur, sæpè in legitimo coniugio permittat talia fieri, sciendum est, quia ut à Deo institutum coniugium bonum est, & omne peccatum non ex propria natura subsistit. malum quippe sine substantia est, quod tamen utcumque sit, in boni natura ut supradiximus coalescit, & peccatis exigentibus, in bono coniugij malum fit operatione diaboli, sicut Domini est terra, bona utique, ut à bono Deo creata, & iniquitates sunt nostræ, sed sæpè no-

legos in domum suam introduxerit, quasi vt malum foras mittant, aut maleficia inueniant, vel lustrationes paganorum faciant, quinque annis pœnitentiam agat.] Et capite LXXI. Non liceat Christianis tenere traditiones gentilium, & obseruare vel colere elementa, aut lunæ aut stellarum cursum, aut inanem signorum fallaciam pro domo facienda, vel propter segetes, vel arbores plantandas, vel coniugia socianda. Scriptum est enim, *Omnia quæcumque facitis, aut in verbo, aut in opere, omnia in nomine Domini nostri Iesu Christi facite, gratias agentes Deo.* Col. 3. 17. Et cap. LXXII. Non liceat in collectionibus herbarum, quæ medicinales sunt, aliquas obseruationes, aut incantationes attendere, nisi tantum cū symbolo diuino, & oratione Dominica, vt tantum Deus creator omnium & Dominus honoretur.] Et cap. LXXIII. Non liceat mulieres Christianas aliquā vanitatem in suis lanificiis obseruare, sed Deum inuocent adiutorem, qui eis sapientiam texendi donauit.] Et in Concilio Carthaginensi cap. LXXXIX. Auguriis vel incantationibus seruientem à conuentu Ecclesiæ separandum, similiter & Iudaicis superstitionibus vel feriis inhærentem.] Et in libro primo de capitulis Augustorum, Vt coclearij, malefici, incantatores fieri non sinantur, quos in Simone Mago terribiliter constat esse damnatos.] Et in Concilio Eliberitano capite sexto, Si quis maleficio interficiat alterum, eo quod sine idololatria perficere non potuit, nec in fine impertiendam esse illi communionem.] Sciendum tamen est, quia hæc distictionis seueritas ex Concilio Eliberitano erga eos qui non resipiscunt obseruari debet. Ceterum iuxta B. Cælestini decreta, nulli est recognoscenti vltima pœnitentia deneganda. & sic Magnus Leo Papa decreuit, His qui in tempore necessitatis, & in periculi vrgentis instantia, præsidium pœnitentiæ & mox reconciliationis implorant, nec satisfactio interdicenda est, nec reconciliatio ac communionis gratia deneganda, si eam etiam amissæ vocis officio per indicia integri sensus quærere comprobentur. Quod si ita aliqua vi ægritudinis fuerint adgrauati, vt quod paulo antè poscebant, sub præsentia sacerdotis significare non valeant, testimonia eis fidelium circumstantium prodesse debebunt, simulque & pœnitentiæ & reconciliationis beneficium consequantur, seruata tamen regula canonum paternorum circa eorum personas, qui in Deum à fide discedendo peccarunt. Generaliter autem omni cuiuslibet in exitu posito, & poscenti sibi communionis gratiam tribui, non negetur, sicut Nicæna Synodus definiuit. Cuius conuersio mente potius est æstimanda quàm tempore, quoniam apud Deum nullas veniæ patitur moras vera conuersio, Propheta hoc pariter attestante, *Cum conuersus ingemueris, tunc saluus eris.* Et in Nicæno Concilio, Sed in his omnibus propositum & speciem pœnitentium conuenit explorare. Quotquot enim metu, & lacrymis, atque patientia, vel bonis operibus, rebus ipsis conuersionem suam, non simulatione demonstrant. Et post paululum, Postmodum licebit Episcopo de his

Concil.
Carth. IV.

Cap. XXI.

Epist. 112.
ad Theod.
Erocul.

Can. 15.

Can. XIII.

Lib. XII.
epist. XIII.

nal Domini de reatu negligentia se non poterit excusare quicumque plebem suam contra sacrilegæ persuasionis auctores noluerit custodire.] Et sanctus Gregorius ad Cyprianum diaconum, Vir sanctissimus Maximianus Coepiscopus noster, Ecclesiam Dei prauis hominibus purgare desiderans, laudabiliter erga Ecclesiasticorum vitam sicut nosti sollicitus fuit. Qui dum eorum actus vigilanter cura pastoralis intenderet, maleficio, quod vulgò canterma dicitur, quosdam didicit maculatos, quos etiam, sicut & dilectionis tuæ nuntiavit epistola, dedit in custodia retinendos. Sed quia peccatis nostris facientibus morte præuentus crimen ipsum vlisci non valuit, necesse est vt dilectio tua cum omni hoc subtilitate indagare festinet, atque ita in eos secundum immanitatem facinoris studeat vindicare, qualiter secundum leges suprâ scriptum Episcopum zelo correctionis ac iustitiæ in hac ultione propter Deum nouit potuisse si viueret commoueri. Omni ergo virtute, omnique instantia, tua dilectio in hac causa zelum suum erga omnipotentem Deum curet ostendere, & inimicis illius aduersitatem dignam inflictis ultionibus exhibere, vt impleat quod scriptum erat, Nonne qui oderunt te Domine oderam, & super inimicos tuos tabescebam? Si igitur hoc zelo dilectio tua acceditur, in eos qui Deum reliquerunt, & contra eum maleficiis aliquid egerunt, pœna monstretur. Quod si rectè illic exequi non vales, nobis qui tales sunt transmitti debent, si tamen hîc monstrari potuerit, vnde illic possunt absque difficultate conuinci. Sed quia hoc impossibile esse existimo, illic per te debet districta atque fortis correctio prouenire.] Et ad

Lib. VII.
Ind. II.
epist. LXVI.

Ianuarium Episcopum Sardinia, Cōtra idolorum quoque cultores, vel aruspicum atque sortilegorum, fraternitatem vestram vehementius pastoralis hortamur inuigilare custodia, atque publicè in populo contra huius rei viros sermonem facere, eosque à tanti labe sacrilegij, & diuini intentione iudicij, & præsentis vitæ periculo, adhortatione suasoria reuocare. Quos tamen si emendare se à talibus atque corrigere nolle repereris, feruenti comprehendere zelo te volumus: & si quidem serui sunt, verberibus, cruciatibusque, quibus ad emendationem peruenire valeant, castigare, si verò liberi, inclusione digna districtaque in pœnitentiam sunt redigendi, vt qui salubria & à mortis periculo reuocantia audire verba contemnunt, cruciatus saltem eos corporis ad desideratam mentis valeat reducere sanitatem.]

Greg. II. in
Synod.
Rom. c. 12.

Et item in Edicto canonico. *Si quis ariolos, aruspices, vel incantatores obseruauerit, aut phylacterijs usus fuerit, anathema sit. Et responderunt omnes tertio, anathema sit.* Et in Concilio Ancyrano capite vigesimo tertio, Qui diuinationes expetunt, & more gentilium subsequuntur, aut in domos suas huiusmodi homines introducunt exquirendi aliquid arte malefica vel expiandi causa, sub regula quinquennio iaceant secundum gradus pœnitentiæ diffinitos.] Ex Concilio Bracharensi capite LXX. Si quis paganorum consuetudinem sequens, diuinos & sorti-

Concil.
Bras. II.

dimittere eam cunctis diebus vite sue. Quam sententiam exponens B. Augustinus dicit, Merito quæritur, utrum ista pœna sit, ut non eam possit dimittere per omne tempus, quam inordinatè atque illicitè violauit. Si enim ob hoc intelligere voluerimus, eam non posse, id est, non debere dimitti per omne tempus, quia vxor effecta est, occurreret illud quòd permisit Moyses dare libellum repudij, & dimittere. In his autem, qui illicitè vitiant, noluit licere, ne ad ludibrium fecisse videatur, & potius finxisse quòd eam vxorem duxerit, quàm verè placitòque duxisse. Hoc & de illa iussum est, cui fuerit vir calumniatus de virginalibus non inuentis, de qua sicut suprà diximus scriptum est, *Habebit eam vxorem, & non poterit dimittere eam omni tempore vite sue.* De qua item sententia beatus Augustinus dicit, Satis hinc apparet quemadmodum subditas feminas viris, & penè famulas lex esse voluerit vxores, quòd dicens aduersus vxorem vir testimonium, vnde lapidaretur, si hoc verum esse demonstraretur, ipse tamen non vicissim lapidatur, si hoc falsum esse constiterit, sed tantummodo castigatur & damnificatur, eique perpetuò iubetur adhærere, qua carere voluerat. In aliis autem causis, eum, qui testimonio falso cuiquam nocuerit, quo si probaretur iussit occidi, eadem pœna plecti iubet, qua fuerat si verum esset iste plectendus.]

INTERROGATIO XIX.

DE eo verò quod quæsitum est remandate nobis, si ipsa criminibus obnoxia, de quibus reputatur inuenta fuerit, utrum idem Rex alteri feminæ coniungi valeat.

RESPONSIO.

PARTIM iam suprà respondimus, quæ partim nunc iterare non piget. Videlicet, si secundum leges Christianas, forenses scilicet, atque Ecclesiasticas, inuentum fuerit quòd illa coniunctio legalis non fuerit, beati Gregorij ad Felicem Siciliensem Episcopum teneatur sententia, qua dicit, *Incestuosos nullo coniugij nomine deputandos, à sanctis patribus dudum legimus constitutum.* Et sanctus Ambrosius in prima Epistola ad Corinthios dicit, Non est, in-^{1. Cor. 6.} quiens, frater aut soror seruituti subiectus in eiusmodi, hoc est, non debetur reuerentia coniugij ei qui horret auctorem coniugij. Non enim ratum est matrimonium quod sine Dei deuotione est, ac per hoc non est peccatum ei qui dimittitur propter Deum, si alij se iunxerit. Contumelia enim Creatoris soluit ius matrimonij circa eum qui relinquitur, ne accusetur alij copulatus. Infidelis autem discedens & in Deum & matrimonium peccare dinoscitur, quia noluit sub Dei deuotione habere coniugium. Itaque non est ei fides

Can. 4.

Epist. xxix.

aliquid humanius cogitare. Et in Ancyrano Concilio, Penes Episcopos, inquit, erit potestas, modum conuersionis eorum probantes, vel humanius erga eos agere, vel amplius tempus adiacere. Sed & quinto capitulo eiusdem Concilij, & in aliis sufficienter inde lector inueniet. Et Innocentius Papa ad Decentium Eugubinum Episcopum scribit, De pœnitentibus, qui siue ex grauioribus commissis, siue ex leuioribus pœnitentiam gerunt, si nulla interueniat ægrotudo, quinta feria ante Pascha eis remittendum Romanæ Ecclesiæ consuetudo demonstrat. Ceterum de pondere æstimando delictorum, sacerdotis est iudicare, vt attendat ad confessionem pœnitentis, & ad fletus atque lacrymas corrigentis, ac tum iubere dimitti, cum viderit congruam satisfactionem. Sanè si quis in ægrotudinem incidit, atque vsque ad desperationem deuenerit, ei est ante tempus Paschæ relaxandum, ne de sæculo absque communione discedat.]

INTERROGATIO XVIII.

SEPTIMO capitulo rescribi nobis deprecimur, si sæpè fata femina iterum in iudicium venerit, & innoxia reperta fuerit, vtrum ad eam vir eius redire debeat, an alteri valeat sociari. Et remandato nobis, si ipsa criminibus obnoxia, de quibus reputatur, inuenta fuerit, vtrum idem Rex alteri feminæ coniungi valeat. Remandato etiam, si tales causæ reputatæ fuerint & ipsi Regi, vnde publicam pœnitentiam agere debeat, postquam illa criminosa inuenta fuerit, vtrum ipse Rex post publicam pœnitentiam coniugem legitimam possit accipere. Et remandato, si & illa legaliter reiecta, ipse etiam post actam pœnitentiam, si voluerit, concubinam, quam habuit, & cum qua post initum coniugium adulterasse dicitur, in coniugem possit accipere?

RESPONSIO.

DE eo quod interrogatum est, si sæpè fata femina iterum in iudicium venerit, & innoxia reperta fuerit, vtrum ad eam vir eius redire debeat, an alteri valeat sociari, superfluum est iterare, quia suprâ ostendimus, quòd si ante legaliter initum coniugium innoxia & legaliter nupta suo viro fidem seruasse reperta fuerit, secundum Euangelicam & Apostolicam veritatem, & leges Ecclesiasticas, atque catholicorum doctrinam, legitimum coniugium non valeat separari, & si separati fuerint, aut innupti permaneant, aut mutuò reconcilientur. Sed ne iterationem quæstionis relinquamus inanem, de hoc quod reputata est si fuerit immunis inuenta, Dominus per Moysen dicit in libro Deuteronomij, *Si inuenerit vir puellam virginem, & sequentia vsque dum dicitur, non poterit*

adipisci temporis maturitate continentiae statum. Quod nos sicut de viris, ita & de feminis æquo modo censemus, non quidem hoc generaliter & legitimè præceptum, sed constat à nobis pro humana fragilitate indultum: ea dumtaxat ratione, ut si is qui pœnitentiae non est legibus deditus, antè ab hac vita discesserit, quàm ex consensu ad continentiam eorum vnde fuerit regressus, superstiti non liceat denuò ad vxorios transire amplexus. Si autem illius vita extiterit superstes, qui non accepit benedictionem pœnitentis, nubat si se continere non potest, & alterius consortio fruatur vxoris. Quod de utroque sexu pari modo à nobis manifestum est decreuisse, ita videlicet, ut in his omnibus sacerdotis ordinatio expectetur, ut iuxta quod ætatem aptam prospexerit, continentiae absolutionis vel distractionis tribuat legem.]

INTERROGATIO XXI.

DE hoc etiam quod in quaestionum fine subiunctum est, reman-
date, si & sæpefata femina legaliter reiecta fuerit, & ipse Rex, post
pœnitentiam actam, si voluerit concubinam quam habuit, & cum
qua post initum coniugium adulterasse dicitur, in coniugem possit
accipere.

RESPONSIO.

QVIA vna est lex viri & feminae, ut supra scripturarum & ca-
tholicorum patrum sententiis demonstrauius, si solutus fuerit à
lege coniugis, sicut Paulus dicit de vxore, *nubat cui voluerit, tantum* 1. Cor. 7. 39
in Domino, hoc est, ut Ambrosius dicit, sine suspitione turpitudi-
nis nubat, & religionis suae viro nubat, hoc est in Domino nubere.
Quæ solutio & licita copulatio, duobus intelligitur, & duobus fit mo-
dis. Scilicet in his qui aut nunquam legale inierunt coniugium, aut
morte intercedente soluti sunt à lege coniugij, sicut Paulus dicit, *Dico*
autem non nuptis & viduis, bonum est illis si sic permaneant, sicut & ego. quod 1. Cor. 7. 8
si non se continent, nubant. & item, *Solutus es ab vxore? ne quasiaris vxorem:*
si autem acceperis vxorem, non peccasti: & si nupserit virgo, non peccabit. Quod
æquè de masculo & femina intelligitur. communis est enim generis
hic & hæc virgo. & hoc demonstrat subsequenter Apostolus dicens,
Tribulationes tamen carnis habebunt huiusmodi. quam sententiam & in viro
& in femina exponit Ambrosius. Fit etiam quod licet illicitum, in his
qui sine culpa ad coniugium venire poterant, & maius bonum subire
proponunt, bonumque minus, quod licuit, illicitum faciunt. Vnde
scriptum est, *Nemo ponens manum super aratrum, & respiciens retrò, aptus* Luc. 9. 52
est regno calorum. Qui igitur fortiori studio intenderat, retrò conspi-
cere conuincitur, si relictis bonis amplioribus ad minima retorque-
tur. Fit & interdum, causa non contemnenda interueniente, quod
erat illicitum licitum, cum legaliter initum coniugium dissolui per-

Esd. 9. & 10.

seruanda coniugij, qui ideo recessit ne audiret rectorem esse Christianorum Deum coniugij. Nam si Esdras dimitti fecit vxores, aut viros infideles, vt propitius fieret Deus, nec iratus, si alias ex genere suo acciperent, (non enim ita præceptum his est, vt remissis istis alias minimè ducerent) quanto magis si infidelis discesserit, liberum habebit arbitrium, si voluerit nubere legis suæ viro? Illud enim non debet imputari matrimonium, quod extra decretum Dei factum est. sed cum post cognoscit, & dolet deliquisse, emendat se vt veniam mereatur. Si autem ambo crediderint, per cognitionem Dei confirmatur coniugium. In pace autem vocauit nos Deus. Verum est quia non oportet litigare cum eo qui discedit, quia odio Dei discedit, ac per hoc nec dignus habendus est.] Et hinc sanctus Augustinus in libris ad Pollentium, Merito quas duxerant, quin vxores, filij Israel Domino prohibente, Domino iubente dimiserunt, quia omne quod non est ex fide peccatum est.] Vnde lector in eisdem libris latius inuenire valebit. Et in Concilio Agathensi scriptum est, De incestis coniunctionibus nihil prorsus veniæ reseruamus, nisi cum adulterium separatione sanauerint. Incestos verò nullo coniugij nomine deputandos, quos etiam designare funestum est.] & post aliquanta, Sanè quibus coniunctio illicita interdicitur, habebunt ineundi melioris coniugij libertatem.

Can. 61.

INTERROGATIO XX.

DE eo verò quod requisitum est, si & ipsi regi tales causæ reputatæ fuerint, vnde publicam pœnitentiam agere debeat, postquam illa femina criminosa inuenta fuerit, vtrum ipse Rex post publicam pœnitentiam coniugem legitimam possit accipere.

RESPONSIO.

Epist. 95.
cap. 25.

SANCTVS LEO Papa ad Rusticum Narbonensem Episcopum respondet dicens, In adolescentia constitutus, si yrgente aut metu mortis, aut captiuitatis periculo, pœnitentiam gessit, & postea, timens lapsum incontinentiæ iuuenilis, copulam vxoris elegit ne crimen fornicationis incurreret, rem videtur fecisse venialem, si præter coniugem nullam omninò cognouerit: in quo tamen non regulam constituimus, sed quid sit tolerabilius æstimamus. Nam secundum veram cognitionem, nihil magis ei congruit, qui pœnitentiam gessit, quàm castitas perseuerans mentis & corporis.] Sed & hinc in Toletano Concilio capite octauo, Antiqui & sanctissimi est patris sententia Papæ Leonis, vt is, qui in ætate adolescentiæ positus, dum mortis formidat casum, peruenerit ad pœnitentiæ remedium, si coniugatus fortè fuerit incontinens, ne postea adulterij incurrat lapsum, redeat ad pristinum coniugium, quousque possit adi-

Concil.
Tolet. VI.

num, quamquam non satis honestum, & de malo ad aliquod bonum, sed non honestum transitur. Bonum est enim atque honestum antè innuptos, si in virginitate permanere nequiuerint, sicut suprà ostendimus ex Apostolica traditione, sancto Euaristo scribente, nuptialem coniunctionem expetere. Et bonum atque honestum est, cælibes, si se continere non possunt, sicut sanctus Leo demonstrat, legale inire coniugium. Qualiter autem de non bono ad bonum atque honestum; id est, de concubina ad vxorem transitur, idem sanctus Leo ad Rusticum Narbonensem Episcopum demonstrat dicens, Non omnis mulier iuncta viro vxor est viri, quia nec omnis filius Epist. xcv. Cap. 18. heres est patris. Nuptiarum autem fœdera inter ingenuos sunt legitima, & inter æquales, multo priùs hoc ipsum Domino constituyente, quàm initium Romani iuris existeret. Itaque aliud est vxor, aliud concubina, sicut aliud ancilla, aliud libera. Propter quod etiam Apostolus ad manifestandam harum personarum discretionem, testimonium ponit ex Genesi, vbi dicitur Abraham, *Eiice ancillam, & filium eius: non enim heres erit filius ancillæ cum filio meo Isaac.* Vnde cum Gal. 4. 30. Genes. 21. 10. societas nuptiarum ita ab initio constituta sit, vt præter sexuum coniunctionem haberet etiam in se Christi & Ecclesiæ sacramentum, dubium non est, eam mulierem non pertinere ad matrimonium, in qua non docetur nuptiale fuisse mysterium.] & item, Ancillam vel concubinam à toro abiicere, & vxorem certæ ingenuitatis accipere, non duplicatio coniugij, sed profectus est honestatis, quoniam paterno arbitrio viris iunctæ carent culpa, si mulieres, quæ à viris habebantur, in matrimonio non fuerunt, quia aliud est nupta, aliud concubina.] De non bono autem ad bonum, quamquam non satis honestum, transitur, sicut isdem Leo vbi suprà demonstrat, quando concubina fortè ingenua facta, si fuerat antè ancilla, & dotata legitime, & publicis nuptiis honestata videatur, sicut & omnis vxor legaliter coniugata, post desponsationem legitime dotari & publicis honestari nuptiis debet. De malo autem ad aliquod bonum, sed non honestum, tolerabiliter festinatur, sicut sanctus Augustinus in primo libro de nuptiis & concupiscentia dicit, Sanè non tantum fœcunditas, cuius fructus in Cap. x. prole est, nec tantum pudicitia, cuius vinculum est fides, verum etiam quoddam sacramentum nuptiarum commendatur fidelibus coniugatis. Vnde dicit Apostolus, *Viri diligite uxores vestras sicut & Christus dilexit Ecclesiam.* Huius proculdubio sacramenti res est, vt mas & femina connubio copulari quandiu viuunt inseparabiliter perseuerent, nec liceat, excepta causa fornicationis, à coniuge coniugem dirimi. Hoc enim custoditur in Christo & Ecclesia, vt viuens cum viuente in æternum nullo diuortio separetur. Cuius sacramenti tanta observatio est in ciuitate Dei nostri in monte sancto eius, hoc est in Ecclesia Christi, quibusque fidelibus congregatis, qui sunt sine dubio mem-

1. Cor. 7. 12 mittitur causa infidelitatis. vnde Paulus dicit, *Si quis frater uxorem habeat infidelem, & hæc consentit habitare cum illo, non dimittat illam. Et si qua mulier habet virum infidelem, & hic consentit habitare cum illa, non relinquat virum.* & post pauca, *Quod si infidelis discedit, discedat: vel cum*
1. Cor. 7. 10 causa fornicationis vxor relinquatur, de qua item Paulus dicit, *His autem qui in matrimonio iuncti sunt, præcipio non ego, sed Dominus, uxorem à viro non discedere, quod si discesserit, manere innuptam, & virum uxorem non dimittere.* Quod æqua lance pensatur, vt si dimiserit, in cœlibatu permaneat. Quæ disiunctio inter fideles post initum coniugium fieri non potest, nisi causa fornicationis, & amore continentiae. Et fit quod erat illicitum indulgentia licitum, sicut idem
- Ibid. 6. Paulus in minoribus etiam de magnis demonstrat dicens, *Hoc autem dico secundum indulgentiam, non secundum imperium, cum vir & mulier propter fornicationem separati, si se continere non possunt, ad inuicem reconcilientur.* Illicitum enim erat, vt ad vñionem carnis, quam sociauerant fornicantes, reuenerent qui in continentia permanere debuerant: præsertim cum dicat scriptura, *Qui tenet adulteram stultus & impius est.* Sed, vt sanctus Augustinus in libro De bono coniugali dicit, *propter maius malum, toleratur quod minus est prauum.* Dominus enim dicit, quia vir & vxor propter fornicationem
- Matt. 19. 1. ab inuicem separati, si aliis se coniunxerint, adulterant: & qui iunxerint se aliis, mœchantur. Hinc & in libro De sermone Domini in monte, & in libris retractationum apertissimè dicit, quod & demonstrat Innocentius ad Exuperium Tolosanum Episcopum, sicut supra posuimus, Manifestum est enim, vt item Augustinus dicit, peius esse adulterium, quàm fornicationem. nec ideo bona erit fornicatio, quia peius est adulterium, quoniam peius est alienum matrimonium violare, quàm meretrici adhærere. Nec bonum est adulterium, quia est peior incestus: peius est enim cum matre, quàm cum aliena vxore concumbere, & donec ad ea perueniatur, quæ sicut ait Apostolus,
- Ephes. 5. 12. *turpe est etiam dicere.*] Et beatus dicit Gregorius, Dum duorum vitiorum languor irruit, & hoc lenius, illud fortassè grauius premit, ei nimirum vitio rectius sub celeritate subuenitur, per quod festinè ad interitum tenditur, & inter duo pericula quod leuius est prudenter expetitur. Fit & illicitum venia licitum, cum publicam pœnitentiam agens adolescens, vt Leo demonstrat, timens lapsum incontinentiæ iuuenilis, copulam vxoris eligit, ne crimen fornicationis incurrat, rem faciens venialem, si præter coniugem nullam omninò cognouerit: in quo regula non constituitur, sed quid sit tolerabilius æstimatur.] Transfitur & quasi illicitè de illicito ad licitum,
- Can. 61. cum de incestibus nefariis, quos Agathense designat Concilium, quando cum pœnitentiæ indulgentia ad complexus vxorios transiri permittitur. Sic & de concubinalibus modis dicendum est, qualiter non de bono ad bonum atque honestum, & non de bono ad bo-

nomine deputandus legaliter cōprobetur. Nec tamen talis coniunctio, si huiusmodi concubinam in coniugem sumpserit, reprehensione atque offensionis macula carere videbitur, dicente B. Augustino in libro de bono coniugali, *Quod ergo, inquit, præcipiunt coniugatis Apostoli, hoc est nuptiarum: quod autem venialiter concedunt, aut quod impedit orationes, non cogunt nuptia, sed ferunt.* Itaque si fortè, quod utrum fieri possit ignoro, magisque fieri non posse existimo, sed tamen si fortè ad tempus adhibita concubina, filios solos ex eadem commixtione quæsiuerit, nec ista sic coniunctio vel eorum nuptiis præponenda est, quæ veniale illud operantur. Quid enim sit nuptiarum, considerandum est, non quid nubentium & immoderatus nuptiis utentium. Neque enim si agris iniquè ac perperam inuasit ita quisque utatur, ut ex eorum fructibus largas eleemosynas faciat, ideò rapinam iustificat. Neque enim, si alius ruri paterno vel iustè quæsito auarus incumbat, ideò culpanda est iuris civilis regula, qua possessor legitimus factus est. Nec tyrannicæ factionis peruersitas laudabilis erit, si regia clementia tyrannus subditos tractet: nec vituperabilis ordo regie potestatis, si Rex crudelitate tyrannica sæuiat. Aliud est namque iniusta potestate iustè velle uti, & aliud est iusta potestate iniustè uti. Ita nec concubinæ ad tempus adhibitæ, si filiorum causa concumbant, iustum faciunt concubinarum suum: nec coniugata, si cum maritis lasciuiant, nuptiali ordini crimen imponunt. Possè sanè fieri nuptias ex malè coniunctis, honesto placito consequente, manifestum est. Semel autem initum connubium in ciuitate Dei nostri, vbi etiam ex prima duorum hominum copula quoddam sacramentum nuptiæ gerunt, nullo modo potest, nisi alicuius eorum morte dissolui. Manet enim vinculum nuptiarum, etiam si proles, cuius causa initum est, manifesta sterilitate non subsequatur. ita ut iam scientibus coniugatis non se filios habituros, separare se tamen vel ipsa causa filiorum, atque aliis copulare non liceat. quòd si fecerint, cum eis quibus se copulauerint, adulterium committunt.] Quoniam, ut sancti Patres de bono coniugali diffiniunt, bonum habent nuptiæ, & quod bonum est, peccatum non est: ac per hoc qui contra bonum nuptiale facit, peccatum facit cum adulterium committit. Diffiniunt etiam, quòd bonæ & à Deo constitutæ ac benedictæ sunt nuptiæ, quas etiam sua præsentia consecrauit, in quibus est fides, proles, sacramentum. In fide attenditur, ne præter vinculum coniugale cum altera vel cum altero concumbatur. In prole, ut amanter suscipiatur, benignè nutriatur, religiosè educetur: nec tantum gaudeant parentes quia sobolem genuerunt, quantum ut soboles in Christo regeneretur. In sacramento autem, ut coniugium non separetur, & dimissus aut dimissa nec causa prolis alteri coniungatur. Hæc est regula nuptiarum, qua vel naturæ decoratur fecunditas, vel incontinentiæ regitur prauitas, sicut sanctus Augustinus in libro

bra Christi, vt cum filiorum procreandorum causa vel nubant feminae, vel ducantur vxores, nec sterilem coniugem fas sit relinquere, vt alia foecunda ducatur. Quod si quisquam fecerit, non lege huius saeculi, vbi interueniente repudio, sine crimine conceditur cum aliis alia copulare connubia, quod etiam sanctum Moysen Dominus propter duritiam cordis illorum Israelitis permisisse testatur, sed lege Euangelij reus est adulterij, sicut etiam illa si alteri nupserit. Et vsque adeo manent inter viuentes semel inita iura nuptiarum, vt potius sint inter se coniuges qui ab alterutro separati sunt, quam cum his quibus aliis adhæserunt. Cum aliis quippe adulteri non essent, nisi ad alterum coniuges permanerent. Denique mortuo viro, vel femina, cum quo vel cum qua verum connubium fuit, fieri verum connubium potest cum quo vel cum qua prius adulterium fuit.] videlicet si cognatio, aut habitus religionis, vel impudicitia pessimi criminis, siue aliquid huiusmodi non obstiterit. Et item vbi supra Augustinus, Ita manet etiam inter viuentes quiddam coniugale, quod nec separatio, nec cum altero copulatio possit auferre. Manet autem ad noxam criminis, non ad vinculum foederis: sicut apostata anima vel de coniugio Christi recedens, etiam fide perdita sacramentum fidei non amittit, quod lauacro regenerationis accepit: redderetur enim proculdubio redeunti, si amisisset abscedens. Habet hoc autem qui recesserit ad cumulum supplicij, non ad meritum praemij.] Et in libro

Cap. xxiv. De bono coniugali, Bonum igitur nuptiarum per omnes gentes atque omnes homines in causa generandi est, & in fide castitatis: quod autem ad populum Dei pertinet, etiam in sanctitate sacramenti, per quam nefas est etiam repudio discedentem alteri nubere, dum vir eius viuit, nec saltem ipsa causa pariendi, quæ cum sola sit qua nuptiae fiunt, nec ea re non subsequente propter quam fiunt, soluitur vinculum nuptiale, nisi coniugis morte. Quemadmodum si fiat ordinatio cleri ad plebem congregandam, etiam si plebis congregatio non subsequatur, manet tamen in illis ordinatis sacramentum ordinationis, & si aliqua culpa quisquam ab officio remoueatur, sacramento Domini semel imposito non carebit, quamuis ad iudicium permanente.] Et item in praefato libro De nuptiis & concupiscentia, Quibus verò placuerit ex consensu ab usu carnalis concupiscentiae in perpetuum continere, absit vt vinculum inter illos coniugale rumpatur: immo firmitus erit, quo magis ea pacta secum inierint, quæ carius concordantiùsque seruanda sunt, non voluptariis corporum nexibus, sed voluntariis affectibus animorum.] His scripturarum testimoniis atque sanctorum dictis manifestatur, quomodo concubinam, cum qua adulterasse dicitur, si voluerit in coniugium sibi sociare praeualeat. videlicet, si aut vxor legaliter accepta, & innoxia erga illum inuenta, mortua fuerit corpore, vel si inuenta fuerit anima adeò mortua, vt ipsius cum ea copula incestus & nullo coniugij

conjugum non crudelitatem & sæuitiam, sed æquitatem & iustitiam decernere ac diffinire & tenere debere docuerunt. Quapropter timendum est regibus, Episcopis, & iudicibus sæculi, quod in Euangelio dicitur de Niniuitis, & regina Austri, *quoniam surgent in iudicio,* Matt. 12. 41. *& condemnabunt generationem pessimam.* condemnabunt utique non potestate iudicij, sed comparatione melioris facti. Si reges illi ac iudices idololatræ sic ordinem iudicij seruauerunt, & nos sub Christo iudice viuorum ac mortuorum quocumque intuitu minùs debito à iudicij ordine deuiamus. In Numeri quoque libro præcipitur, Num. 5. *ut si qua mulier vel adulterij rea, vel falsa suspitione fuerit appetita, & vi eius zelo aduersus eam fuerit cõcitatus, adducat illam ad sacerdotes, & diuino iudicio vel damnandam offerat, vel liberãdam.* Vnde Susanna Dan. 13. cùm falso adulterij crimine accusaretur, & publico iudicio condemnata, & publico legitur absoluta. Et illa mulier in Euangelio, quæ veraciter Ioan. 8. in adulterio fuerat deprehensa, primùm iuxta legem ad Phariseos, qui potestatem iudicij in populo exercebant, deinde etiam tentandi gratia ad Domini iudicium perducta est, vbi eius admirabili pietate, & à lapidationis supplicio, & à criminis reatu meruit liberari. Sic & leges Christianæ sunt inspirante Domino conditæ, quibus legaliter initur coniugium, & sacerdotalis auctoritatis est sanctitas, qua benedictionem suam Dominus in paradiso primis parentibus per se Gen. 1. datam coniugibus legaliter copulatis, vice sua per eos, qui illius os appellantur, dicente Propheta, *Os Domini locutum est.* & ipso Domino, *Cum separaueris pretiosum à vili, quasi os meum eris,* Es. 54. viritum vult largiri, & infirmos pœnitentiæ medicamento sanare. Et liber dicit Ecclesiasticus de seruo, quantò minùs de vxore, *Verùm sine iudicio nihil facias graue.* Est & illi regi aliud obseruandum, ne ante legitimam pœnitentiam, secundùm leges Ecclesiæ susceptam atque peractam, & reconciliationem adeptam, coniugio, multo minùs eidem, de qua agitur, concubinæ se copulet: quoniam nec Dauid rex, sine talis excoctionis pœnitentia, Bethsabæe, cum qua adulterauit, in 2. Reg. 12. coniugem habuit, vt & filius, qui ex ipso adulterio natus fuerat, confestim diuino iudicio, licet pro eo multùm ieiunando & flendo petierit, sit percussus ac mortuus, & ipse postea grauissimis tribulationibus, ac regni sui amissione per filium suum Absalon ita affli- 2. Reg. 15. ctus est & vexatus, ac velut in fornace ignis excoctus atque purgatus, vt verè sola diuina clementia euasisse videatur. & iam ei acerrimè contrito corde pœnitenti & confitenti misericors Dominus peccatum dimiserat: sed quia iustus est, & iustitiam diligit, quod rex ab eo ad scelera vlciscenda constitutus egerat sceleratè, dignè atque iustissimè vindicauit.

Lib. II.
cap. VIII.

de bono coniugali, & in libris de nuptiis & concupiscentia latissimè & facundissimè satis ostendit. Vnde omnimodis obseruandum est, ne concubinæ, vel cuiuslibet alterius feminæ copulam coniugalem rex, super quo voluerunt consulere consulentes, aliquo modo expetat, antequam legali virorum inlustrium iudicio, & sacerdotali decreto coniunx, quam legaliter accepit, ipso etiam coniugis nomine iudicetur indigna, aut diuino iudicio migret à corpore, quia sicut in libro Hester manifestissimè legitur, regina Vasthi potentissimi regis Assueri, licet ferocissimus fuerit, cum eius animos contemptu & contumacia offendisset, nequaquam sola illius indignatione & furore ex imperij honore deposita fuit, sed publico iudicio & sententia principum ac iudicum Medorum arque Persarum, & post depositionem illius reginæ per iudicium publicum factam, quæsitæ sunt puellæ, quæ placerent oculis regis, inter quas Hester pulchritudine & decore enituit, sicque regiam copulam meruit. Quod etiam antiqui Romani legitimo iudicio fieri debere legibus suis antiquitus statuerunt & seruauerunt, non solum iam effecti Christiani, sed etiam cum adhuc essent pagani, sicut apertissimè ostendit lex Antonini pagani Imperatoris, quam beatus Augustinus in libro de adulterinis coniugiis hoc modo commemorat & commendat dicens, Quibus displicet, ut inter virum & uxorem par pudicitiae forma seruetur, & potius eligunt, maximèque in hac causa, mundi legibus subditi esse quàm Christi, quoniam iura forensia non eisdem quibus feminas pudicitiae nexibus viros videntur obstringere, legant quid Imperator Antoninus, non utique Christianus, de hac re constituerit, ubi maritus uxorem de adulterij crimine accusare non finitur, cui moribus suis non præbuit castitatis exemplum, ita ut ambo damnentur, si ambos pariter impudicos conflictus ipse conuicerit. Nam suprascripti Imperatoris hæc verba sunt, quæ apud Gregorianum leguntur, Sanè, inquit, litteræ meæ nulla parte causæ præiudicabunt. Neque enim, si penes te culpa fuit ut matrimonium solueretur, & secundum legem Iuliam Eupasia vxor tua nuberet, propter hoc rescriptum meum adulterij damnata erit, nisi constat esse commissum. Habebunt autem ante oculos hoc inquirere, an cum tu pudicè viueres, illi quoque bonos mores colendi auctor fuisti. Periniquum enim videtur esse, ut pudicitiam vir ab uxore exigeret, quam ipse non exhibet: quæ respotest & virum damnare, non ob compensationem mutui criminis rem inter vtrumque componere, vel causam facti tollere. Si hæc obseruanda sunt propter decus terrenæ ciuitatis, quanto castiores quærit cælestis patria, & societas Angelorum? Hæc de legibus pagani Imperatoris Antonini beatus Augustinus commemorat. Ita reges Medorum, ac Persarum, atque Romanorum, & Iudices sæculi, cum essent pagani & idolorum cultores, naturaliter quæ legis sunt facientes, etiam in causis

rit, valeat diffiniri. Et, Vt mora cessante ad electorum accedere quisque compellatur iudicium. &, Quicquid veritate cognita sacrosanctis Euangeliiis fuerit statutum, ita ad effectum executionis omnimodis perducatur. &, Quicquid suadente iustitia visum fuerit, scripto decernatur. &, Vt in nullo contra leges aut rationem quis patiatur aliquo modo prægrauari, sed vt iustitiam ei, sicut Christianitati conuenit, in omnibus debeat custodire, quatenus ipse, qui ad pietatem Ecclesiasticam confugit, quod ei ab eadem pietate promissum est, non debeat contra æquitatis ordinem prægrauari. & iterum, Vbicumque confugienti necesse fuerit, salua ei ratione concurratur. & item, Solatiis vestris, quocumque vsus exegerit, comitante iustitia potiatur.] Et item ad Fantinum defensorem, Antefatæ mulieri salua æquitate tuitionem impende, & eam contra rationis ordinem nullo modo grauari permittas.] Et iterum ad Anatolium Constantinopolitanum diaconum, Hoc autem dilectionem tuam volumus sollicitè attendere, ne se in quacumque causa, vbi grauamen est pauperum, misceri consentiat, ne fortasse potentia personarum aliquatenus pressus, cogatur agere quod animæ illius non possit expedire. Cuncta ergo cum Dei timore tractate, æternam maximè mercedem perpendite.] Et ad Sabinum subdiaconum, Studij tui sit, vt nullis contra rationem dispendiis debeant subiacere. Quod si fortè aliqua nititur excusatione defendere, mediis sacrosanctis Euangeliiis causam subtiliter perscrutari, & ita, vt iustitia ac legis ordo suaserit, diffinire conuenit, atque diffinitam effectui mancipare.] Et ad Romanum defensorem, Patrocinia Ecclesiastica, siue mea suscipiatis scripta, siue etiam minimè fuerint directa, sub tanto moderamine debeatis impendere, quatenus hi qui furtis publicis implicati sunt, à nobis non videantur iniuste defendi, ne opinionem malè agentium ex indiscretæ defensionis ausu in nos vlllo modo transferamus: sed quantum decet Ecclesiam admonendo, & verbum intercessionis adhibendo, quibus valetis succurrite, vt & illis opem feratis, & opinionem sanctæ Ecclesiæ non inquinatis.]

Sed & de his qui ad sepra Ecclesiæ, & etiam ad ipsa sacraria confugerint sanctuarij, ad Ianuarium Episcopum Caralitane ciuitatis scribit, Si quis, inquit, de quibus est quæstio, in Ecclesiam fortasse refugerint, ita debet causa disponi, vt nec ipsi violentiam patiantur, nec hi qui dicuntur oppressi damna sustineant. Curæ ergo vestræ sit, vt eis sacramentum, ab his quorum interest, de seruanda lege & iustitia promittatur, & per omnia commoneantur exire, atque suorum actuum reddere rationem.] Et in libro primo capitulorum domni Karoli, & Hludouici Augustorum, Si quis ad Ecclesiam confugium fecerit, in atrio ipsius Ecclesiæ pacem habeat, nec sit ei necesse Ecclesiam ingredi, & nullus eum inde per vim abstrahere præsumat, sed liceat ei confiteri quod fecit, & inde per

INTERROGATIO XXII.

OCTAVO capitulo nobis rescribite, vtrum sequendum sit quod quidam dicunt quosdam docere Episcopos, vt sibi confessis viris vel feminis debeant patrocinium defensionis impendere, ne quisquam huiusmodi personas ad iudicium Reipublicæ audeat pro criminibus vnde eis confessæ fuerant, etiam si multis nota sunt crimina, prouocare. Et si se, non ex consensu propter continentiam, sed propter discidium aliquod, separare voluerint, vel eorum fragilitati, si separatim se continere nequiverint, vel reconciliari noluerint, auctoritate sua posse consulere. dicentes quia secreta confessione ad Ecclesiasticam confugerint pietatem, sicut Bosonis mulier, de qua in Synodo apud Leucorum ciuitatem habita fuimus cum interpellatione communiti, & ideo ab aliis quàm ab Episcopis, quibus confessæ tales personæ fuerant, non debeant iudicari.

RESPONSIO.

Lib. viii.
epist. li.

Hoc quàm absurdum sit, quilibet sensatus licet ignoret leges Ecclesiæ recognoscit, quia vt beatus Gregorius ad Leontium Exconsulem scribit, Debet inquit gloria vestra meminisse, quia nunquam meas epistolas pro commendatione alicuius accepit, nisi vt protectionem vestram fauente iustitia præstaretis. Quia turpe est defendere, quod prius non constiterit iustum esse. Ego quidem homines propter iustitiam diligo, non autem iustitiam propter homines postpono.] Sicut enim, vt supra beatum docuisse Ambrosium scripsimus, non minùs quàm ante decem testes pactum potest firmari coniugij, sed & ipsum nomen nuptiæ, quod singularitate caret, plurimorum expetere monstrat debere notitiam, & quod publicè coniunctum est, in angulo separari non potest. & de secreta confessione, quam publicari non licet, coniugium legibus Christianis ac publicis coniugatum ab eodem coniugij iugo dissolui non potest, neque tale concludium ad Ecclesiasticam pietatem dici debet confugium. Vnde si nosse quisque desiderat quid auctoritas Ecclesiastica de ad se vt ad matris sinum confugientibus moderatè decernat, suggerimus, vt inter alia curiosus vel quilibet studiosus beati Gregorij reuoluat epistolas, in quibus multoties, immo quotiens conuenientia se loci obtulerit, siue ad Imperatores, vel ad quascumque personas, pro omnibus ad se confugientibus petens, litteris suis semper inseruit, salua æquitate, vel salua ratione, siue constante iustitia, aut causa iudiciali termino diffinita, sine sacerdotali inuidia. & vt electorum cum parte altera necesse est subire iudicium, & vt veritas cognosci, & quod æquitatis ordo suaserit,

veteribus regulis diuersum, sed non fidei vel religioni aduersum decreuisse legitur, secundum quod in Nicæno Concilio capitulo sexto legitur, De eo quod communi cunctorum decreto rationabili, & secundum regulam Ecclesiasticam comprobato, duo aut tres contradicunt, quatenus obtineat sententia plurimorum. Ita, sicut scribit Gelasius, priscis pro sua reuerentia manentibus constitutis, quæ Ep. vi. c. 2. ubi nulla vel rerum vel temporum perurget angustia regulariter conuenit custodiri, id potius sequendum esse dinoscitur quod Apostolica sedes inrefragabiliter teneri decreuit, vel plura seu maioris auctoritatis Concilia statuerunt.]

Idem quoque B. Gregorius vrgendum ad iustitiam nolentem Venantio Lunensi Episcopo scribit dicens, Quoniam æquitatis censura admonet, vt maximum conuersis, salua ratione, Episcopale debeat adesse solatium, idcirco his fraternitatem vestram epistolis adhortamur, vt prædictam matrem ipsius Adeodatæ ad se faciat euocari, & tranquilla ei adhortatione suadeat, vt facere sponte non desinat ad quod legali potest ratione compelli, quatenus nec illa adfligi, nec hæc videatur præiudicium sustinere. Quæ si, vt non credimus, admonitionem vestram differre voluerit, prædictæ Adeodatæ religiosæ contra eam tuitionem impendite, atque vestris eam solatiis apud iudicem, vel quocumque vsus exegerit, instantius adiuuate, & ita in exequenda hac vos causa impendite, vt legali ratione constrieta, inuita vrgeatur facere quod spontè postponit. Memoratam verò latricem fraternitas vestra ita seruata æquitate habeat in omnibus commendatam, vt vobis ei tuitionem impendentibus, in eo quem adsumpsit habitu sine aliqua Deo protegente concussione permaneat.] Et ad Ianuarium Episcopum Sardinia, Ad hoc Redemptum Defensorem nostrum præsentium portitorem illuc direximus, vt & partes in iudicio obseruare compellat, & executionis suæ instantia ad effectum quæ fuerint iudicata perducatur.] Et plura quæ reperiuntur huiusmodi, & longum est à nobis enumerari. Contra hæc enim petere, non Ecclesiæ, neque Ecclesiastici viri esse iuris cognoscitur, ne fortè indebita pietas impietas iudicetur, sicut sanctus Cælestinus ad Nestorium scribit, Est enim, inquit, talis frequenter pietas, ex qua nascatur impietas.] Et S. Augustinus in libro quarto contra Iulianum, Fortè dicturus es, inquit, misericors voluntas bona est. Rectè istud diceretur, si quemadmodum fides Christi, id est, fides quæ per dilectionem operatur, semper est bona, ita misericordia semper esset bona. Si autem reperitur & misericordia mala, qua persona pauperis accipitur in iudicio, propter quam postremò Rex Saul meruit à Domino vtique misericorde damnari, quia contra eius præceptum captiuo Regi per humanum pepercit affectum, attentius cogita, ne fortè misericordia bona non sit, nisi quæ huius bonæ fidei fuerit. Immò responde, vt hoc sine dubitatione perspicias, vtrum bonam misericordiam existi- Can. vii. sub finem. I. Reg 15.

manus bonorum hominum ad discussionem in publico producat[ur].] Et in Concilio Aurelianensi capite primo, de homicidis, adulteris, & furibus, si ad Ecclesiam confugerint, scriptum est, ut sicut in Ecclesiasticis canonibus, & Romanæ legis decretis constitutum est, ab Ecclesiæ atriis, vel domo Episcopi eos non liceat abstrahi, sed datis sacramentis de morte, ac debilitate, ac omni pœnarum genere, ne violentiam ante legalem satisfactionem patiantur, ab Ecclesia exeant, ita ut ei cui reus fuerit criminofus de satisfactione conveniat.] Et in tertio capitulo, si cuiusquam servus ad Ecclesiam confugerit pro qualibet culpa, accepto sacramento de impunitate ad servitium domini sui redire cogatur: qui si post datum sacramentum redire noluerit, exire nolentem à domino liceat occupari. non observantes autem ea quæ promiserint, à communione Ecclesiastica iubentur abscidi.] Sed & in secundo capitulo eiusdem Concilij scriptum est, ut si ad Ecclesiam raptor cum rapta confugerit, & feminam ipsam violentiam pertulisse constiterit, statim liberetur de potestate raptoris, & raptor, mortis vel pœnarum impunitate concessa, aut serviendi conditioni subiectus sit, aut redimendi se liberam habeat facultatem. Si verò quæ rapitur patrem habere constiterit, & puella raptori consenserit, potestati patris excusata reddatur.] Et in Concilio Africano scriptum est, Ut si quis cuiuslibet honoris clericus iudicio Episcoporum quocumque crimine fuerit damnatus, non liceat eum, siue ab Ecclesiis quibus præfuit, siue à quolibet homine defensari, interposita pœna damni, pecuniæ, atque honoris, quo nec ætatem, nec sexum excusandum esse legum promulgatores præcipiant.] Quanto minùs Episcopi, æquitatis videlicet prædicatores, quemquam sub specie pietatis iniuste debeant defensare? præsertim cum relegant scriptum esse, *Si rectè offeras, rectè autem non divides, peccasti.* & *Iuste quod iustum est exequaris.* Verùm si cui quiddam sonare videtur contrarium Aurelianensis Synodus decretis Apostolicæ sedis, quoniam hæc de impunitate, illa de æquitate servanda postulat sacramenta, sciendum est, quia beatus Gregorius de his personis dicit, quæ se iustificari in iudicio credunt, sed violentiam ante iudicium timent: Synodus autem Aurelianensis de illis dicit, qui suam iniustitiam non abscondunt, insuper & violentiam cum æquitate iudicij pertimescunt: Non autem de lege connubij, quam specialiter, vel ut dicamus singulariter Dominus in paradiso primis parentibus dedit: & in Evangelio etiam Apostolis conquiritibus, quòd si ita lex esset viri cum vxore, non expediret nubere, non mutavit: nec Paulus ad tertium cælum & in paradysum raptus scribere quiddam novi præsumpsit, aut aliquid de huiusmodi defensione dicere attentavit. Sed & observandum constat legentibus, ut quotienscumque Concilium aliquod, pro temporis qualitate, vel periculi necessitate, quiddam consulendo, Apostolicæ sedi, vel

Can. 5.

Can. 4.

Can. 29.

Genes. 4.

Deut. 16.

pit, sed à iustis iudicibus fieri iudicium legale præcepit dicens, *primus in illam lapidem mittat.* Si verò à se examinatam, & repertam culpabilem Episcopi tradiderint puniendam, contra pietatem Ecclesiasticam, & ipsum Ecclesiæ caput, fontem videlicet pietatis, agere probabuntur, qui dixit, *Nec ego te condemnabo, vade & amplius noli peccare.* His ita euidenter cognitis, & diligentissimè ponderatis, de ad Ecclesiæ pietatem confugientibus auctoritatem maiorum sequamur Episcopi, & non deprehendemur reprehendendi. Quod denique ibidem scribitur, quia cum nullus specialis accusator accedat, ipsa tamen admonita pariter & interrogata, nihil aliud confiteatur, quàm quòd solius Hucberti persecutionem mori timens declinet: quid aliud restat, quoniam à nemine accusatur, si Episcopi secundum tales canones, si fortè habentur quos nondum legimus, & Christiani ac nobiles laici iuxta leges, quas nequaquam didicimus, aliter non inuenerint, nisi ut marito suo, & si fortè necessitas & ratio pro aliquo ei obiecto crimine postulat, cum firmitate de æquitate reddatur, & à marito suo, ne ab Hucberto occidatur, maritali defensione, ut iustum est, tueatur, & sic demum maritus secundum Christianorum & Ecclesiasticam legem, ut vir de vxore debet, legitima atque legali ex ea potestate utatur?

INTERROGATIO XXIII.

DE eo quod scriptum est à quibusdam dici, si se non ex consensu vir & mulier propter continentiam, sed propter discidium aliquod separare voluerint, vel eorum fragilitati, si separati se continere nequiverint, vel reconciliari noluerint, auctoritate sua Episcopos posse consulere.

RESPONSIO.

SCIANT quicumque hæc dicunt, secundum quendam modum, huiusmodi capitulum quartum erroris fuisse illorum, qui sanctæ Synodo Chalcedonensi derogare & contraire præsumpserunt, & ab Apostolica sede, atque vnanimitate totius mundi Episcoporum sunt ut erronei condemnati, sicut sanctus Leo multoties, & beatus Gregorius etiam in epistola ad Theoctistam patriciam, hinc inter alia scripsit, dicens, Per se inquit veritas dicit, *Quod Deus iunxit homo non separet.* quæ etiam ait, *Non licet dimittere uxorem excepta causa fornicationis.* Quis ergo huic celesti legislatori contradicat? Scimus quia scriptum est, *Erunt duo in carne una.* Si igitur vir & vxor vna caro sunt, & religionis causa vir dimittit uxorem, vel mulier virum in hoc mundo remanentem, vel etiam fortasse ad illicita vota migrantem, quæ est ista conuersio, in qua vna eademque caro, & ex parte transit ad continentiam, & ex parte remanet in pollutione?

Psal. 58.
Ioan. 8.

Psal. 44.

Ioan. 8.

Num. 5.

Concil.
Agath. c. 25.

Ag. 1.

mes infidelem. Porro si vitium est malè misereri, proculdubio vitium est infideliter misereri.] Nemo quippe sic misericors, quanto magis Deo misericordior poterit inueniri, quem Psalmista misericordiam voluit appellare dicens, *Deus meus misericordia mea*, qui iustis iudicibus de muliere in adulterio deprehensa sibi que oblata, iustum iudicium noluit tollere. Vnde sanctus Hieronymus versum Psalmi exponens dicit, *Propter veritatem, & mansuetudinem, & iustitiam*. Veritas ipse est Christus, vnde de illa muliere dixit ad Iudæos, *Qui sine peccato est vestrum, prior in eam lapidem mittat*. Mansuetudo, quando dixit, *Nec ego te condemnabo*. Iustitia, quando dixit, *Vade mulier, & amplius noli peccare.*]

Nam quod in Tomo suprâ memorato relegimus de præfata muliere Bosonis hoc modo conscriptum, *Maritum verò illius cum pacto securitatis, dum aduenit, vel immoratur nobiscum, siue recedit, euocauimus, ut eius coniugem in ipsius presentia examinemus, inexaminatam verò morti tradere ad nos confugientem, ut iniquum & crudele, deuitemus: quia cum nullus specialis accusator accedat, ipsa tamen admonita pariter & interrogata nihil aliud confitetur, quàm quòd solius Huberti persecutionem mori timens declinet*, prudenter debent legentes aduertere, vtrum auctoritati, vel rationi valeat conuenire. Auctoritas quippe de æquitate atque iustitia conseruanda confugientibus ad Ecclesiam postulat firmitatem, & non viro de vxore sua legaliter desponsata, legitimè dotata, publicis nuptiis honestata, si suspitione contra eam motus fuerit, legitimam aufert penitus potestatem. Quod autem in Heptatico de zelotypia scribitur, ut vir vxorem suam spiritu zelotypiæ concitatus ad sacerdotes ducat examinandam, ideò præceptum est, quia sacerdotis officium est, ut exorcismos aquis eluendos, quas mulier debet bibere, pro ministerio sibi imposito scribat. vnde & sacri canones decreuerunt, ut sæculares suas cōiuges, antequam ad Episcopum prouincialem dissidij causam dixerint, non damnent, neque abiciant.] Ceterum legale iudicium auctoritas diuina viris de suis non tollit vxoribus, sicut ex Evangelica veritate suprâ ostendimus. Sed & diligentius aduertamus quod in suprâ scripto volumine continetur, *Inexaminatam verò morti tradere ad nos confugientem, ut iniquum & crudele, deuitemus*, qui neque examinatos tradere morti debemus, nisi ut peccato mortui Deo uiuant. Concedamus tamen ut Episcopi eandem feminam in sua potestate, ad quos confugisse dicitur, retinentes, coram marito suo, si quidam sinistri ei reputat, examinare procurent, & quid agendum erit, si in examinatione Episcopali inuenta culpabilis fuerit? Si enim iudicium legale de ea culpabili inuenta Episcopi sua auctoritate voluerint tollere, contra eum videbuntur agere, cuius actio atque sermo perfecta auctoritas noscitur esse, sicut scriptum est, *Quæ cepit Iesus facere, & docere*. quoniam isdem de muliere in adulterio deprehensa iudicium non abstulit, qui per Moysen huiusmodi lapidari præce-

fiunt. Cùm autem res vera ita se habet, vt fiat peior nobis eam dicentibus ille qui capere non potest, nobis autem tacentibus ille qui potest, quid putamus esse faciendum? Nonne dicendum est potius verum, vt qui potest capere capiat, quàm tacendum, vt non solum id ambo non capiant, verùm etiam qui est intelligentior, ipse fit peior? qui si audiret & caperet, per illum etiam plures discerent. quo enim est capacior vt discat, eo magis est idoneus vt alios doceat.

QVÆSTIONES SEPTEM.

DENIQUE septem quæstiones sequuntur, quas post præmissas, euolutis sex circiter mensibus, ab eisdem à quibus & priores soluedas accepimus. Quarum textum viritim, sicut & præcedentium, solutionibus præponemus, breui prout poterimus respondentes sermone, ac si in buxea designantes, quæ hinc, vnde ea plenius pingere valeat, solers quisque intelligat, quatenus & fratrum petitionibus caritatis viscera non claudamus, & sapienti, secundum scripturam, occasionem, cùm ista plenius inuestigans intelligere procurauerit, sapientiore effici præbeamus, & horulis, quas à multiplicibus & diuersissimis occupationibus nostris extorquemus potius quàm mutamus, qui cogitationum ferias non habemus, quoquomodo possint sufficere, & legentibus non increcant, quia de propositarum antè quæstionum responsis compendij penè modum excedit voluminis magnitudo. Harum autem quæstionum exordium habetur huiusmodi.

QVÆSUMVS dilectionem vestram, vt non vos tadeat, si ad inquirenda nobis ad sciendum necessaria importuni persistimus, quæ postquam nuper vobis ad soluendum quæstiones direximus, multa comperimus, de quibus singulariter singulis nobis ex auctoritate scripturæ, & regulis, ac doctrina Ecclesiasticorum doctorum responderi deprecemur.

QVÆSTIO I.

DICUNT quidam quoniam Rex Hlotharius habet in suo regno Episcopos, & nobiles, ac fideles laicos, quorum consultu atque consilio causam inter se & uxorem suam diffiniuit, & non ad alterius regni Episcopos, vel ad alios quoscumque inde aliquid pertinet retractare.

RESPONSIO.

TALIBVS respondendum est, Erratis, nescientes scripturas, neque ^{Ios. 23.} virtutem Dei. Quando pars filiorum Israel ædificauerunt tumulum testis, pars altera zelo diuino succensa penè ad arma cucurrit, ne di-

Si verò vtrisque conueniat continentem vitam ducere, hoc quis audeat accusare? quando certum est quòd omnipotens Deus, qui minora concessit, maiora non prohibuit. Et quidem multos sanctorum nouimus, cum suis coniugibus & prius continentem vitam duxisse, & postmodum ad sanctæ Ecclesiæ regimina migrasse. Duobus enim modis sancti viri etiam à licitis abstinere solent: aliquando ut meritum sibi apud omnipotentem Deum augeant, aliquando verò ut antè actæ vitæ culpas detergant. Proinde cum boni coniuges, aut meritum augere desiderant, aut antea actæ vitæ culpas delere, ut se ad continentiam adstringant, & meliorem vitam appetant, licet. Si verò continentiam, quam vir appetit, vxor non sequitur, aut quam vxor appetit, vir recusat, diuidi coniugium non licet, quia scriptum est, *Mulier sui corporis potestatem non habet, sed vir: similiter vir non habet potestatem sui corporis, sed mulier.* Et in epistola ad Adrianum Panormi Notarium, Urbicum Abbatem culpat, quia maritum Agathosæ contra voluntatem eius in monasterio ad conuersionem suscepit, & maritum ei, etiamsi iam tonsuratus fuerit, reddi præcepit, Nisi, inquiens, quoddam fornicationis crimen, propter quod viro vxorem licet relinquere, prædictam mulierem commisisse cognoueris, ne illius conuersio vxori relictæ in sæculo fieri possit perditionis occasio, volumus ut maritum suum illi, vel si iam tonsuratus est, reddere omnino debeas, excusatione cessante: quia postquam per copulationem coniugij, viri atque mulieris vnum corpus efficitur, non potest ex parte conuerti, & ex parte in sæculo remanere.]

1. Cor. 7.

Lib. 9.
epist. 44.Matth. 19.
& 12.

Cap. xvi.

Et ne nobis quisquam succenseat, quia iudicia Ecclesiastica etiam laicis audienda proponimus, legat patrum solutionem propositæ quæstionis, cur Dominus, qui sancta mordacibus, & margaritis interuentibus proponere vetuit, requisitus de resurrectione mortuorum, cum opposita turpi fabula de muliere septivira, infidelibus, inuidis, ac tentatoribus secreta legis aperuerit, videlicet quoniam non eis, qui capere non poterant, sed eis qui poterant & simuladerant, quos propter aliorum immunditiam negligi non oportebat, secreta legis aperuit, & cum eum tentatores interrogabant, respondebatque illis, ita ut quod contradicerent non haberent, quamuis venenis suis contabescerent potius quàm illius cibo saturarentur, alij tamen, qui poterant capere, ex illorum occasione multa vtiliter audiebant, & à nobis tantillis hominibus sufficientem satisfactionem accipiet. Sed & beatum Augustinum in libro de bono perseuerantiæ pro nobis loquentem benignè suscipiat. Ait enim, Alia est, inquiens, ratio verum tacendi, alia verum dicendi necessitas. Causas verum tacendi longum est omnes quærere vel inferere, quarum tamen est & hæc vna, ne peiores faciamus eos qui non intelligunt, dum volumus eos qui intelligunt facere doctiores, qui nobis aliquid tale tacentibus doctiores quidem non fiunt, sed nec peiores

tentiis confirmatur.] Quapropter necesse est, ut hæc generalis causa ad omnes generaliter pertinens, in omnium notitiam veniat, & generali diffinitione determinetur, ne à minùs eam scientibus dicatur, Omnis qui malè agit odit lucem, & non venit ad lucem, ut non arguantur opera eius: qui autem bona agit, venit ad lucem, ut manifestentur opera eius, quia in Deo sunt facta. Et quæ, inde quantum ad generalitatem spectat, in tenebris dicta sunt, in lumine dicantur, & quæ in aure locuta sunt in cubiculis, prædicentur super tecta, ut à nemine reprehendantur, qui ut omnibus verbo & opere luceant, & ab omnibus conspiciantur, ut lucerna super candelabrum & ciuitas super montem positi, ab omnibus contemplantur.

QVÆSTIO II.

DICUNT etiam, quia non sit auctoritas neque ratio, ut causa, quæ iudicio Episcoporum diffinita est, ad iudicium debeat reuenire: quia si fecerit, nullius auctoritatis erunt de cetero isti Episcopi qui illam diffinierunt, & quicquid in postmodum diffinierint, firmum esse non poterit, ut non valeat retractari.

RESPONSIO.

HÆC vox imperitorum & nescientium regulas esse dinoscitur. Legite in Sardicensi Concilio, quod Zosimus Papa per Faustinum Episcopum Carthaginensi Synodo ex superscriptione Nicæni direxit Concilij, & sufficienter inuenietis talia dicentes errare. Sed & Leo Papa Romanus ac Synodus Romæ habita ad Theodosium Augustum de retractanda Synodo Ephesina, cui periculosè videbatur fauere, Ecce ego, inquit, Christiane & venerabilis Imperator, cum Epist. xxvii confacerdotibus meis implens erga reuerentiam clementiæ vestræ sinceri amoris officium, cupiensque vos placere per omnia Deo, cui pro vobis ab Ecclesia supplicatur, ne ante tribunal Domini rei de silentio iudicemur, obsecramus coram vnius deitatis inseparabili Trinitate, quæ tali facto læditur, cum ipsa vestri sit custos & auctrix Imperij, & coram sanctis Angelis Christi, ut omnia in eo statu esse iubeatis, in quo fuerunt ante iudicium, donec maior ex toto orbe sacerdotum numerus congregetur, nec alieno peccato patiamini vos grauari: quia, quod necesse est nos dicere, veremur ne cuius religio dissipatur, indignatio prouocetur.] Quod & in hac causa, quæ non modica in fide & religione est portio, ab omnibus sacerdotibus, regibus, & principibus, atque cunctis generaliter simul fidelibus, si negligenter ducitur, non mediocriter est verendum. Sed & sacris manifestatur canonibus, curam esse totius prouinciæ penes Archiepiscopum vel Primate[m], qui Coepiscoporum debet nosse iudicia, de quibus necessaria fuerit reclamatio, & in quibus negotium expetierit, debet

uideretur populus Domini, sicut postea diuisus est in vaccis ab Hieroboam idololatriæ flagitio fabricatis. Et nunc isti Domini regnum & catholicam Ecclesiam, quæ una est columba atque dilecta, volentes scindere, quasi non tantum suadent, verum & cogunt dicere quod olim dixerunt quidam, *Non est tibi pars in David, nec hereditas in filio Isai, reuertere in tabernacula tua Israel.* tentantes temporis nostro pestilentissimo illud superinducere, quando neque Rex, neque Dux in populo illo erat, sed unusquisque faciebat quod sibi rectum videbatur. Et utinam non quod rectum, & non quod voluptuose placitum videatur, & tortum ac malum sit, sciens & prudens faciat. Non est ita ut isti malitiose componunt. *Vnus Dominus, una fides, unum baptisma, unus Deus & pater omnium, qui super omnes, & per omnia, & in omnibus nobis.* Vnum regnum, una Christi columba, videlicet sancta Ecclesia, vnius Christianitatis lege, regni vnius & vnius Ecclesiæ, quamquam per plures regni principes & Ecclesiarum præfules gubernacula moderentur. Sed & hæc de qua agitur talis est causa, quæ generaliter ad omnes Christiano nomine insignitos pertinere noscatur. De Rege enim & Regina, de Christiano viro & Christiana femina, de lege coniugij in paradiso primis à Deo data parentibus, & in Ecclesia roborata, & diuinis ac humanis legibus per Deum confirmatis cauta, & constituta benedictione per ministerium sacerdotale, & quorumcumque fidelium more celebrata, ratio versatur in medium, quod tam excellentissimum bonum ac donum, tantum diaboli figmentum commaculat, ut illius operatio esse non dubitetur, quem scriptura apparitum prædicat, *Vt in templo Dei sedeat, ostendens se quasi ipse sit Deus.* & nunc iam mysterium operatur iniquitatis. cum licita inlicitè respuuntur, & inlicita quasi licitè vsurpantur, quibus non tantum illi Episcopi, in quorum parochiis vel diœceson sollicitudinibus, vel illi fideles, in quorum oculis talia præsumuntur, ut ad se pertinentia commoueantur: verum vniuersus ordo & omnium ordinum homines, huiusmodi portentuosam nouitate mouentur. Vnde sanctus Cælestinus Papa Romanus, sicut supra iam diximus, ad Venerium, & ceteros Gallicanos Episcopos dicit, Vniuersa, inquit, Ecclesia quacumque nouitate pulsatur. Et ad Nestorium Constantinopolitanum Episcopum, Ab omnibus sciri debet quod agitur, quotiens omnium causa tractatur. Hæc causa quasi est cunctis in specula. Quapropter sic eam necesse est diffiniri, vel diffinitam à cunctis agnosci, sicut debet ab omnibus obseruari, ut & Dominus dicit, *Quod vobis dico, omnibus dico, vigilate.* Et Africano Concilio est definitum, ut causæ, quæ communes non sunt, in suis prouinciis iudicentur: quotiens autem exegerit causa communis, generalis Synodus congregetur, ut in ea generalis causa diffinitur. Quoniam ut Innocentius Papa ad Victricium Rotomagensem scribit Episcopum, Integrum iudicium est, quod plurimorum sen-

3. Reg. 12.

2. Reg. 10.

Iudic. 17.
& 21.

Ephes. 4.5.

2. Thess. 2.

4.

Epist. viii.

Epist. v. in
fine.

Marc. 13.

Can. 95.

Epist. i. c. i.

experimentum vestri, an in omnibus obedientes sitis. Cui aliquid donastis, & ego, Nam ego, quod donavi, si quid donavi, propter vos in persona Christi. Donavi enim dixit, indulsi. quod non aliorum est: de publico publicè abiecto crimine, quàm Episcoporum, sicuti norunt qui regulas Ecclesiasticas non ignorant. Vnde & in Carthagenensi Concilio scribitur. Hoc etiam, inquit, placuit, ut à quibuscumque iudicibus Ecclesiasticis ad iudices Ecclesiasticos, ubi est maior auctoritas, fuerit prouocatum, non eis obfit, quorum fuerit soluta sententia, si conuicti non fuerint vel inimico animo iudicasse, vel aliqua cupiditate aut gratia deprauati. De hoc autem, quia non alij Archiepiscopi maioris auctoritatis sunt quàm isti, ut ante eos hæc causa iterum ad iudicium veniat, supra ostendimus, quia quod singularitas non habet, pluralitas obtinet. quod & auctoritas scripturæ demonstrat dicens, *Si duo ex vobis consenserint de omni re super terram, fiet illis, & Vbi duo vel tres congregati fuerint in nomine meo, in medio eorum sum.* Et quando Apostoli, cum ceteris fidelibus & Maria matre Iesu congregati, simul orauerunt, motus est locus, & super centum viginti in die Pentecostes congregatos Spiritus sanctus in igneis linguis apparuit. Et Paulus, ut supra diximus, demonstrat dicens, *Congregatis vobis & meo spiritu.* Et Apostolorum princeps, multa donorum gratia repletus, maxima miraculorum potestate suffultus, quando per admonitionem Spiritus ad Cornelium gentilem fuit ingressus, contra eum à fidelibus quæstione facta, cur ad gentiles intrasset, & comedisset cum eis, cur eos in baptismo recepisset, non ex potestate, sed ex ratione querelæ respondit, causam per ordinem exposuit, humili eos ratione placavit, atque in causa reprehensionis suæ etiam testes adhibuit, dicens, *Venerunt autem mecum & sex fratres isti.* Si igitur pastor Ecclesiæ, & Apostolorum princeps, signa & miracula singulariter faciens, non dedignatus est in causa reprehensionis suæ rationem humiliter reddere, quanto magis nos peccatores, cum de aliqua re reprehendimur, reprehensores nostros ratione humili placare debemus, etiam si maioris auctoritatis in aliquo iudicemur? Et hæc dicimus, non quo fratres & sacerdotes nostros in aliquo secundum regulas Ecclesiasticas iudicantes reprehendamus, sed ut quæ agenda nobis sunt, qui aliquid esse dicimur, cum nihil simus, ut dicit Apostolus, non nosmetipsos seducamus, manifestius demonstremus. & si in causa, de qua disceptatio nascitur, quiddam emendatione dignum extiterit, salua caritate mutetur in melius, sicut de non circumcidendis gentibus, & non de iugo legis eis grauandis sensit Paulus, consensit Petrus, adiudicavit Iacobus. Et sicut sacrum Nicænum decrevit Concilium, ut communiter omnibus simul Episcopis congregatis provinciæ discutiantur huiusmodi quæstiones, & facta discussionē, aut ita ut acta sunt maneant, aut in melius mutetur sententia. Et si communi cunctorum decreto rationabili, & secundum regu-

Can. 18.

Matt. 18. 19.

1. Cor. 5. 4.

Act. 10.
& 11.

Gal. 6.

Act. 15.

Can. 5.

Can. 6.

electos iudices designare. Quibus omnibus demonstratur, quia Synodus comprouincialium Episcoporum iudicia, generalis autem Synodus comprouincialium diiudicationes, siue dissensiones, vel probet vel corrigat, vt in Africana Synodo demonstratur, quæ nihil de Hipponiensi Concilio statuit emendandum. Apostolica verò sedes & comprouincialium & generalium retractet, refricet, vel confirmet iudicia, sicut epistolæ Leonis, atque Gelasij, ceterorumque Romanorum Pontificum, & Sardicensis Synodus euidenter ostendunt. & Episcoporum rectè iudicantium confirmatur, & secus iudicantium corrigitur, & interdum funditus non perit auctoritas.

QVÆSTIO III.

ET dicunt, quia non alij Archiepiscopi, excepto Apostolico, maioris auctoritatis sint, quam illi qui hanc causam diffinierunt: quæ si iterum ad iudicium reuenerit, & inuentum fuerit quia persistere ita non debeat, isti Episcopi, qui eam iudicauerunt, ampliùs in Episcopatu manere non poterunt.

RESPONSIO.

Econtra sanctus Cælestinus ad Nestorium scripsit, Nos, inquit, & quod contra fas est, etiam sacerdotes volumus esse correctos. Relegant qui hæc dicunt Actus Apostolorum, & videant, quia de quæstione circumcisionis & obseruatione legis, quidam descendentes ab Hierusalem in Antiochiam commouerunt seditionem aduersus Paulum & Barnabam, adeò vt statuerint pro hac quæstione, missis cum eisdem etiam aliis, ascendere Hierosolymam ad Apostolos & presbyteros, de qua itidem quæstio post aduentum eorum mota est à quibusdam ex Phariseis in Hierusalem: & perpendant, quòd aliter ex ea diffinitum à Petro, & sit iudicatum à Iacobo, quam illi iudicarent, & diffinirent, & nemo sit illorum damnatus. Videant quoque in Epistola Pauli ad Galatas, Petrum de simulatione ab eodem Paulo reprehensum, correptum, atque correctum, & non damnatum: & eandem correptionem à primo Apostolorum adeò acceptatam, vt easdem Pauli Epistolas, in quibus se reprehensum legerat, magnis laudibus honoraret. Et ne quis dicat, vt secundum scripturam minora maiore benedicatur, ita non maiora minore iudicabitur, legant Pauli Epistolas ad Corinthios, & inuenient, Archiepiscopum & doctorem egregium redarguisse inobedientes, atque correxisse, non condemnasse Episcopos, quia fornicatorem sine digna inuectione permitterent inter se degere. & quoniam pro huiusmodi excessu Episcopos increpauerit, euidenter ipse demonstrat dicens, *In nomine Domini nostri Iesu Christi, congregatis vobis & meo spiritu.* Et in secunda epistola, *Propter quod obsecro vos, vt confirmetis in illum caritatem.* Ideo enim hæc scripsi vobis, vt cognoscam

Act. 15.

Gal. 2.

2. Pet. 3.

Heb. 7.

1. Cor. 5. 4.

2. Cor. 2. 8.

tutis prioribus, sui fructu iudicij colligat quod sulco diabolico seminavit, non nostro consilio, sed se periturus auctore.]

QVÆSTIO IV.

DICUNT nihilominus, quia si isti Regi non licuerit aliam uxorem accipere, aut suam concubinam sicut nunc habet tenere, quod velit nolit illa sua uxor iudicabitur ad illum redire: & ille tale ingenium de illa inueniet, ut ab illa liberetur, & ulterius non debeat ad iudicium inde venire.

RESPONSIO.

NON huiusmodi iudicium ex Euangelica veritate, & Apostolica auctoritate, vel sacrorum Canonum promulgatione didicimus: sed sicut Africana Synodus diffiniuit, Placuit, inquit, ut secundum Can. 69. Euangelicam & Apostolicam disciplinam, neque dimissus ab uxore, neque dimissa à marito, alteri coniungantur, sed ita maneant, aut sibi met reconcilientur. Reconcilientur enim dixit, non cogantur: & qui sanum sapit, qualiter reconciliatio fiat intelligit. Et item Paulus, commemorans de eo per quem reconciliati sumus Deo, & ministerium reconciliationis accepimus, *Obsecramus*, inquit, pro 1. Cor. 15. Christo, reconciliamini Deo. Quæ reconciliatio sit gratia vocantis non cogentis Dei, & libero non coacto arbitrio hominis. Et de iusto viro scriptum est, *In tempore iracundiæ factus est reconciliatio.* videlicet ut Eccli 44.17 non reputentur delicta. Qui enim nouit vnde *concilio* & *reconcilio* componitur, reconciliationis modum & ordinem non ignorat. Diuersa siquidem morborum genera diuersa medicamentorum quarunt experimenta.] Et legimus in sacra auctoritate, quosdam redigi & cogi ad pœnitentiam, quosdam verò excommunicari donec ad pacem redeant, quosdam verò partim suæ voluntatis libertati relinquere, sicuti suprâ ostendimus ex epistola sancti Gregorij de Leonis chartularij muliere, quæ eum pro fornicationis crimine, induta religiosa veste ad tempus reliquerat, sed post præstitum sacramentum, agnita mariti innocentia, ad eum spontè reuerfa est. De qua, quid erga eam debeat obseruari, Secundino Taurominitano scribit Episcopo. In quibusdam verò ex toto libertatis est expectandum arbitrium, sicut & in hac causa, quia conceditur ut causa fornicationis vir & mulier separentur, vel separati reconcilientur. Cogitur autem, ablatο penitus voluntatis arbitrio, & non conceditur, ut vir & mulier, excepta causa fornicationis, separentur, & ut separati aliis nullo modo coniungantur. Hinc sanctus Augustinus in secundo libro de adulterinis coniugiis dicit, Non est, inquit, ad quod exhortemur eos qui reconciliari timent coniugibus adulteris pœnitendo sanatis, nisi ad custodiendam continentiam, quoniam mulier alligata est, quan-

Can. 9.

Act. 11. 17.

Luc. 22.

Nicæn.

can. 5.

Sardic.

can. 17.

Chalced.

can. 25.

Epist. 1. ad

Episc. Ital.

Epist. v. sub
finem.

lam Ecclesiasticam comprobato, duo aut tres, non propter fidei veritatem, vel auctoritatis sinceritatem, sed propter contentiones proprias contradicunt, obtineat sententia plurimorum. Si autem ex superfluo, ut solet accidere, fraterna diffinitio retractanda visa quibusdam fuerit, sicut de suscipiendis gentibus supra meminimus, & plena fide atque auctoritate ratio reddita fuerit, Actuum Apostolorum sententia in medium veniat, qua prosequente Petro de gentibus dicitur, *Si ergo eandem gratiam dedit illis Deus, sicut & nobis, qui credidimus in Dominum Iesum Christum, ego quis eram, qui possem prohibere Deum? His auditis, tacuerunt, & glorificauerunt Deum dicentes, Ergo & gentibus penitentiam dedit Deus ad vitam.* Si etiam minùs necessaria fortè emerferit quæstio, fraterni motus animi ad pacis caritatísque custodiam componantur, sicut demonstrat auctoritas Euangelica, quando facta est quæstio inter discipulos, quis eorum videretur esse maior. Et si aliquis contra subiectos violenter ac negligenter, siue in sacro ministerio secùs quàm debeat egerit, secundum regulas sancto Spiritu promulgatas, ab his quorum interest corrigatur & emendetur, sicut & Nicænum Concilium de excommunicatis, & Sardicense de iracundo Episcopo, quod esse non debet, qui presbyterum vel diaconem suum exterminare voluerit, & Chalcedonense de neglecta ordinatione Episcoporum, & cetera quæque Concilia, atque epistolæ Leonis siue Gregorij manifestè demonstrant. Si denique fidei, quod absit, aut Ecclesiastico dogmati, vel sacre auctoritatis statutis, quilibet temerario ausu obloqui, vel conculcare tentauerint, & hi secundum præceptum Dominicum moneantur, & si, quod longè faciat Dominus, rebelles, ac contentiosi, contemptoresque perstiterint, necesse est ut dignis inuectionibus, secundum sacros canones, & exempla atque statuta maiorum, feriantur & comprimantur, sicut sanctus Leo in epistola ad vniuersas decreuit prouincias, Omnia, inquit, quæ de Ecclesiasticis ordinibus, & canonum promulgata sunt disciplinis, ita à vestra dilectione custodiri debere mandamus, ut si quis in illa commiserit, veniam sibi deinceps nouerit denegari: & qui contra constituta venire tentauerit, & prohibita fuerit ausus admittere, à suo se nouerit officio submouendum, nec communionis nostræ futurum esse consortem, qui socius esse noluit disciplinæ.] Et beatus Gelasius, Nec ambigant qui hæc exercere sunt ausi, seu etiam qui hæc cognita siluerunt, sub honoris proprii iacere dispendio, si non quanta possunt celeritate festinent ut letalia vulnera competenti medicatione curentur.] Et sanctus Cælestinus ad Nestorium, Quibus præmissa conuentione consulimus, in hos necesse est damnationis sententiam, si abutantur nostra salubri admonitione, firmemus.] Et ad Cyrillum Alexandrinum, Hæc ideo dicimus, ne volenti corrigere forsitan deesse videamur. Nam & si nobis sustinentibus vnam, spinas sibi addiderit, impleatur, & manentibus sta-

pura confessio suaderi potest, extorqueri non potest, cogi autem ut simuletur potest, ne verò aliis propter fornicationem disiuncti coniungantur, prohiberi omnimodis debent: quod si contempserint, debent ad pœnitentiam redigi. Et quoniam de simulatione quiddam tetigimus, si fortè simulatio, quod absit, in quocumque homine fuerit, qui propter fornicationem manifestè ab vxore, ne illi iterum coniungatur, potest reiici, ut eam persuasam non autem coactam recipiat, quia illa viuente alteram non valebit accipere, nisi fortè talis inuenta fuerit ratio, cui sacra non contradicat auctoritas, meditetur eam quoquo modo perdere, talis firmitas debet ab eo quæri, sicut sanctus Gregorius ab his præcipit exigere, æquitatem illis seruanda, qui vim iniustitiæ metuentes, ad sacraria sacra confugiunt, quam firmitatem si conuictus quisque fuerit temerasse, publicis & Ecclesiasticis debet subiacere iudiciis. Si autem clanculò egerit, ut legaliter conuinci non possit, habebit sacerdotali suasionem commonitus conscientia suæ testem, quem habebit & iudicem. Nam Episcopalis providentia absoluta in iudicio illi dicet, quod Helias Helisæo studuit demonstrare, *Quod, inquit, meum fuit, feci tibi.* Et Domino, *Iustitiam tuam non abscondi in corde meo, veritatem tuam & salutare tuum dixi.* Et in his, atque aliis omnibus, in doctrina sua sacerdotalis auctoritas Apostolicam debet illam semper formam seruare, in qua dicit, *Argue, obsecra, increpa*, id est, miscens temporibus tempora, terroribus blandimenta, durum magistri, pium patris ostendat affectum. id est, indisciplinatos & inquietos debet durius arguere, obedientes autem, & mites, & patientes, ut in melius proficiant, obsecrare, negligentes verò & contemnentes corripere & increpare, neque debet peccata delinquentium dissimulare, sed mox ut cœperint oriri, radicitus ea ut præualet amputare.

3. Reg. 19.
Psalm. 39. 11.

2. Tim. 4. 2.

QVÆSTIO V.

SED & de Bosonis muliere, de qua idem Boso apud Confluentes reclamavit, quæ postea ad istum Regem venit, & in illius potestate fuit, quidam dicunt, quod malum facit, quia cum possit, eam suo marito non reddit. Et quidam dicunt, quia non decet, ut suam propinquam, quæ ad illius fidem venit, ad mortem tradat, nec convenit ut francam feminam opprimat, & sicut ancillam constringat, & alteri illam nolentem reddat. Et quidam dicunt, quia si eam reddere voluerit, ad Normannos ibit: & melius est ut eam inter Christianos habitare permittat, & inter eos vitam, quam alter illi vult tollere, liberet.

RESPONSIO.

CAPITVLA sunt legalia Imperatorum & Regum prædecessorum suorum, quid sustinere debeat qui post bannum latronem recepit.

diu siue mœchus siue castus vir eius viuit, mœchatur si alteri nupserit,
 & vir alligatus, quandiu siue mœcha siue casta vxoreius viuit, mœ-
 chatur si alteram duxerit. Hæc namque alligatio quandoquidem
 non soluitur, etiam si per repudium coniunx à casta coniuge separe-
 tur, multo minus soluitur, si non separata mœchetur: ac per hoc non
 eam soluit nisi mors coniugis, non in adulterium corruentis, sed de
 corpore exeuntis. Quapropter si recesserit mulier ab adultero viro, &
 ei reconciliari non vult, maneat innupta: & si dimiserit vir adulteram
 mulierem, & eam non vult recipere nec post pœnitentiam, custo-
 diat continentiam, & si non ex voluntate eligendi potioris boni,
 certè ex necessitate vitandi perniciosi mali. Ac per hoc ad hoc exhor-
 tarer, etiam si vxor esset in languore insanabili atque diuturno, aut
 etiam si alicubi esset corpore separata, quò maritus non posset acce-
 dere. postremò ad hoc exhortarer, etiam si mulier volens viuere con-
 tinenter, quandiu contra disciplinam, quia non ex consensu, tamen
 pudicum pudica dimitteret. Puto enim Christianum neminem re-
 luctari, illum adulterum esse, qui, vel diu languente, vel diu absen-
 te, vel continenter viuere cupiente sua vxore, alteri commixtus est
 femina. Sic ergo & dimissa adultera, adulter est cum adultera, quo-
 niam non ille aut ille, sed omnis, qui dimittit vxorem suam &
 ducit alteram, mœchatur. Et item in eodem, Illis viris & gratiam,
 videlicet baptismatis, & medicinam siquidem pœnitentiæ negabi-
 mus, quandiu cum adulteris viuunt, si prioribus vxoribus præter
 causam fornicationis repudiatis, alteras duxerint. Nisi fortè quis di-
 cat neminem posse vxorem suam mœchari facere, si pudica est: &
 tamen Dominus, Omnis qui dimiserit, inquit, vxorem suam præ-
 ter causam fornicationis, facit eam mœchari. Vtrique propterea, quia
 cum esset pudica cum viro, tamen dimissa cogitur per incontinen-
 tiam, viuo priore viro, alteri copulari, & hoc est mœchari. Quòd si
 hoc ista non fecerit, tamen ille, quantum in ipso est, facere compu-
 lit, & hoc ei Deus peccatum, etiam si illa casta permaneat, impu-
 tauit.] Et item, Hæc autem me de vtroque sexu memineris dicere.
 Et item, Tunc quippe ibi erunt, qui viuentibus coniugibus pristinis
 non coniugibus propriis, sed adulteris adhærebunt. Et si à regno celo-
 rum aberunt, vbi erunt, nisi vbi salui non erunt?] Vnde constat, quia
 sicut suprà auctoritate scripturarum, & magistrorum doctrina mon-
 strauimus, vir & vxor separari non possunt, nisi aut propter conti-
 nentiam connubij, quo amplius, quia spiritualius, coniuncti perse-
 uerant, aut propter fornicationem, quia vnum corpus & vnā car-
 nem quisque eorum diuiserit. propter quam causam si dignè pœni-
 tentes simul permanere vel reconciliari noluerint, separari si vo-
 luerint possunt, cogi autem vt simul maneant vel vt reconcilientur,
 omninò non debent, persuaderi si possunt debent: quia recon-
 ciliatio voluntatem quærit, amorem expetit, quæ sicuti fides, &

Ibid. c. 17.

Matt. 5.

Cap. 18.

dictam malefactorum, laudem verò bonorum. Cui in libro Deuteronomij dat regulam iudicij & punctionis Dominus, dicens, *Vir autem, Deut. 17.*
aut mulier, qui faciunt mala in conspectu Domini Dei tui, & transgrediuntur pactum illius, ut vadant & seruiant diis alienis, & adorent eos, solem, & lunam, & omnem militiam celi, quæ non præcepi, & hoc tibi fuerit nuntiatum, audiensque inquisieris diligenter, & verum esse repereris, quia abominatio facta est in Israel, educes virum ac mulierem, qui rem sceleratissimam perpetrarunt, ad portas ciuitatis tuæ, & lapidibus obruentur. In ore duorum aut trium testium peribit qui interficietur. Nemo occidatur uno contra se dicente testimonium. Manus testium prima interficiet eum, & manus reliqui populi extrema mittetur, ut auferas malum de medio tu. Et ne quis dicat, hæc sententia non pertinet ad mulierem Bosonis, quia de idololatriis scribitur, legat scripturam dicentem, *Quorum Deus venter est, & gloria in confusione ipsorum qui terrena sapiunt.* Sed & hæc sententia ad rem nefariam pertinet, quæ Hucberto, & Regis mulieri, ut dicitur, reputatur. quoniam in libro Leuitico abominationes singillatim designatæ morte mulctantur, & adultera lapidibus præcipitur obrui. salua legum latione, quæ eisdem profertur legibus, quas illi condiderunt, qui auctore Domino leges iusta decernentes condiderant. Vnde sanctus Augustinus in secundo libro de adulterinis coniugiis, post prædicamenta, quibus persuaderi viris iubet, ut à sanguine adulterarum se abstineant coniugum, dicit, Postremò, inquit, quæro abs te, vtrum marito Christiano liceat, vel secundum veterem Dei legem, vel Romanis legibus, adulteram occidere. Scilicet melius est, ut ab utroque se temperet, id est, & à licito illa peccante supplicio, & ab illicito illa viuente coniugio. Quòd si alterum eligere perseverat, satius est ei facere quod licet ut adultera puniatur, quàm id quod non licet ut ipsa viua ille mœchetur. Si autem, quod verius dicitur, non licet homini Christiano adulteram coniugem occidere, sed tantum dimittere, ea videlicet conditione, ut aut continenter viuat, aut ei reconcilietur: quia si illa viuente alteram duxerit, & ipse adulterij sine dubio reus erit.]

Philip. 3. 19

QVÆSTIO VI.

DICUNT quoque etiam aliqui sapientes, quia iste princeps Rex est, & nullorum legibus vel iudiciis subiaceret, nisi solius Dei, qui eum in regno, quod suus pater illi dimisit, regem constituit, & si voluerit pro hac vel alia causa ibit ad placitum, vel ad Synodum, & si noluerit, liberè & licenter dimittet: & sicut à suis Episcopis, quicquid egerit, non debet excommunicari, ita ab aliis Episcopis non potest iudicari, quoniam solius Dei principatui debet subiici, à quo solo potuit in principatu constitui: & quod facit, & qualis est in regimine, diuino fit nutu, sicut scriptum est, *Cor regis in manu Dei,* Prou. 21. 1.
 quocumque voluerit vertet illud.

rit, & in chirographo Regum nostrorum hinc expressè decernitur, cuius ministerium est agere, vt illa obseruentur, sicut S. Ambrosius ad Valentinianum scribit, Leges enim Imperator ferat, quas primus ipse custodiat, quas si ipse fregerit, timendum est ne audiat ab Apostolo, *Qui prädicas non furandum, furaris, qui abominaris idola, sacrilegium facis.* Propterea salubriter & conuenienter à Domino audiat, *Medice, cura te metipsum.* Timeat etiam quod scriptum est, dicente Domino cuidam Regi, *Quia dimisisti virum morte dignum, erit anima tua pro anima illius, & populus tuus pro populo illius.* Et item, *Impio præbes auxilium, & his qui oderunt me amicitia iungeris: propterea iram quidem Domini merebaris.* Et item scriptum est, *Anathema in medio tui, non poteris stare coram inimicis tuis.* Et, *Qui tetigerit picem, inquinabitur ab ea,* *Prou. 6. 27.* Nemo enim abscondit ignem in sinu suo, & vestimenta eius non exuruntur. Si de misericordia agitur, legat & videat quàm impiâ misericordiâ impiè offendit Saul, quia pepercit Agag, sed illum non liberauit, & ipse regnum etiam perdidit. Et sanctus Cælestinus dicit, Est pietas, de qua nascatur impietas. Si de propinquitate, audiat scriptum, *Qui dixerunt patri suo & matri suæ, non nouimus, & fratres suos in causa Dei non cognouerunt, hi custodierunt testamentum tuum Domine.* Et Dominus, *Qui amat patrem suum & matrem suam plus quàm me, non est me dignus, & cetera quæ ibi sequuntur.* Si libertate, iudicio legis & diuinæ & mundanæ illius esse dinoscitur qui eam reperit, contra quem vt dicitur fornicata, de fornicatione conqueri non valet. Si pro liberatione vitæ vt dicitur eam retinet, supra ostendimus quam firmitatem de æquitate seruanda exigi ab eo Ecclesiastica iubet auctoritas. Si, vt dicitur, ob hoc eam retinet, ne apud Nortmannos pereat, respondeat inde Apostolus, *Infidelis si discedit, discedat.* Et, *auferte malum ex vobis,* ne vna ovis morbida totum gregem contamine. Et non est rex iste iustior Domino, qui nec Iudam ne ad Iudæos, vel sicut Petrus dicit, *in locum suum iret,* inuitum prohibuit, nec pueros Herodem per potentiam occidere vetuit, neque Petrum, ne vt milites pro eo occiderentur in carcere, de quo eum, quando producturus erat, in ipsa nocte eripere destitit. Sed & Dominus, qui proximum quemque sicut seipsum diligere docuit, neminem peccare, vt alter à peccato liberaretur, rogauit. Et qui animam suam, id est, vitam corporis etiam pro inimicis posuit, & ponendam pro amicis prædicauit, neminem debere æternaliter perire docuit, ne alter in æterna damnatione periret. Prouidere etiam debet quisque qui talibus se commiscet, & talia opponit, ne reputetur intendere ad excusandas excusationes in peccatis, quia non solum qui faciunt, sed & qui consentiunt facientibus digni sunt morte. à qua consensione liber non erit, qui cum malum possit auertere non auertit, vel cum malos possit reprimere, in sua eos libertate dimittit, *Iudex enim sicut scriptum est, qui non sine causa gladium portat, constitutus est ad vindicandum.*

illæ quæ Dei sunt, per quem reges regnant, & conditores legum iusta decernunt. Et quicumque rex veraciter rex est, legi non subiacet, quia lex non est posita iusto, sed iniustis, & non subditis, impiis & peccatoribus, sceleratis, contaminatis, parricidis, & matricidis, homicidis, fornicariis, masculorum concubitoribus, plagiariis, mendacibus, & si quid aliud sanæ doctrinæ aduersatur.] & his qui operibus carnis seruiunt, de quibus dicit Apostolus, *Manifesta autem* Gal. 5. 19. *sunt opera carnis, quæ sunt fornicatio, immunditia, luxuria, idolorum seruitus, veneficia, inimicitia, contentiones, emulationes, ira, rixa, dissensiones, secta, inuidia, homicidia, ebrietates, comessationes, & his similia, quæ prædico vobis, sicut prædixi, quoniam qui talia agunt regnum Dei non consequentur. Qui autem se & alios secundum fructus Spiritus regit, qui sunt caritas, gaudium, pax, longanimitas, patientia, bonitas, benignitas, mansuetudo, fides, modestia, continentia, castitas, legi non subiacet: quia aduersus huiusmodi non est lex. Sed solo iudicio Christi subiacet, à quo & remunerabitur, cuius est qui carnem suam crucifigit cum vitiis & concupiscentiis. Alioquin adulter, homicida, iniustus, raptor, & aliorum vitiorum obnoxius quilibet, vel secretè, vel publicè iudicabitur à sacerdotibus, qui sunt throni Dei, in quibus Deus sedet, & per quos sua decernit iudicia, quibus & in Apostolis suis, quorum locum in Ecclesia tenent, Dominus dixit, Si peccauerit frater tuus, corri-*

pe eum inter te & ipsum solum. Si te non audierit, adhibe unum vel duos: quòd si nec te audierit, dic Ecclesie, Quòd si nec Ecclesiam audierit, sit tibi sicut ethnicus & publicanus. Et ne quis in hoc sacerdotem paruipendat, adiunxit Dominus, Amen dico vobis, quaecumque alligaueritis super terram, erunt ligata & in celo, & quaecumque solueritis super terram, erunt soluta & in celo. Et item dicit, Qui vos audit, me audit, & qui vos

spernit, me spernit. Quod dicitur, quia à solo Deo in regno, quod pater suus illi dimisit, constitui potuit: sciant qui hoc dicunt, quia quidam à Deo in principatu constituuntur, vt Moyses, Samuel & Iosias, de quo scriptum est antequam nasceretur, Ecce filius nascetur domui David, Iosias nomine, & reliqua quæ ibi sequuntur. Quidam verò à Deo per hominem, vt Iosue, & David. Quidam autem per hominem, non sine nutu diuino. quia nihil fit, vt Augustinus dicit, nisi quod aut ipse facit, aut fieri ipse permittit, & quicquid agitur, ministerio Angelorum & hominum agitur, vt Salomon iussu patris David per Sadoch sacerdotem, & Nathan prophetam. Et multi

ciuium vel militum fulti auxilio reges constituuntur vel deiiciuntur de principatu, & etiam sancti, sicut Samuel. Successione etiam paterna quidam regnant, sicut de his omnibus in historiis & Chronicis, & etiam in libro, qui inscribitur *Vita Caesarum*, inuenitur. Quidam siquidem tyrannica usurpatione obtinent principatum, propter sua complenda, vel populi vlciscenda peccata, de quibus scriptum est, *Ipsi regnauerunt, & non ex me, principes extiterunt, & non cognoui.* Et

RESPONSIO.

HÆC vox non est catholici Christiani, sed nimium blasphemus, & spiritu diabolico plenus. Dauid rex & propheta peccans, etiam à minore suo Nathan increpatus audiuit quoniam vir mortis erat, & per validissimam poenitentiam est saluatus. Saul à Samuele percepit quia de regno esset deiectus. Roboam à propheta æquè suscepit, quia de manu illius regnum, quod bene pater suus tenuerat, esset scindendum. Quando peccauerunt reges, & filij Israel, & traditi sunt in manus gentium, sicut Manasses, & Sedechias, vel timuerunt à facie Domini sicut Ezechias, per prophetas vel iram à Domino susceperunt, vel misericordiam meruerunt. Et in Deuteronomio scriptum est, *Si difficile & ambiguum apud te iudicium esse perspexeris inter sanguinem & sanguinem, causam & causam, lepram & non lepram, & iudicium intra portas tuas videris verba variari, surge & ascende ad locum quem elegerit Dominus Deus tuus, veniesque ad sacerdotes Leuitici generis, & ad Iudicem qui fuerit in illo tempore, quæresque ab eis, qui indicabunt tibi iudicij veritatem, & facies quodcumque dixerint qui præsumt loco, quem elegerit Dominus, & docuerint te iuxta legem eius, sequeris sententiam eorum, nec declinabis ad dexteram vel ad sinistram. Qui autem superbierit nolens obedire sacerdotis imperio, qui eo tempore ministrat Domino Deo tuo, & decreto Iudicis, morietur homo ille, & auferes malum de Israel, cunctusque populus audiens timebit, ut nullus deinceps intumescat superbia. Per sacerdotes enim dicit Dominus, Et nunc reges intelligite, erudimini qui indicatis terram. Seruite Domino in timore, & exultate ei cum tremore. Apprehendite disciplinam, ne quando irascatur Dominus, & pereatis de via iusta.* Et Apostolica auctoritas commonet, ut & reges etiam obediant præpositis suis in Domino, qui pro animabus eorum inuigilant, ut non cum tristitia hoc faciant. Et beatus Gelasius Papa ad Anastasium Imperatorem scribit, Quia duæ sunt personæ, quibus principaliter hic regitur mundus, scilicet Pontificalis auctoritas, & regia dignitas, & tanto maius est pondus Pontificum, quanto de ipsis etiam regibus reddituri sunt Domino rationem.] Ambrosius Theodosium Imperatorem ab Ecclesia culpis exigentibus segregauit, & per poenitentiam reuocauit. Nostra ætate pium Augustum Hludouicum à regno deiectum, post satisfactionem Episcopalis vnanimitas, sanioris consilio, cum populi consensu, & Ecclesiæ & regno restituit. Quod dicitur, quia rex nullorum legibus vel iudiciis subiacet, nisi solius Dei, verum dicitur, si rex est sicuti nominatur. Rex enim à regendo dicitur, & si seipsum secundum voluntatem Dei regit, & bonos in viam rectam dirigit, malos autem de via praua ad rectam corrigit, tunc rex est, & nullorum legibus vel iudiciis nisi solius Dei subiacet: quoniam arbitria possunt dici, leges autem non sunt, nisi

2. Reg. 12.

1. Reg. 13.

& 15.

3. Reg. 17.

Deut. 17.

Psalm. 110.

Heb. 13.

Epist. x.

raciter rex est, qui se suasque cogitationes, verba, & actus sub diuino rexit nutu. Et cor illius in manu est Dei, ut in hac conualle lacrymarum ascensus disponat in corde suo, ambulans de virtute in virtutem, donec videatur Deus in Sion, id est, in æternæ felicitatis & diuinæ visionis contemplatione. Econtrà autem, cor eius, qui sessore diabolo malè regitur, in illius est potestate: adeò ut si aliquid de mandatis Dei audierit, veniens ipse diabolus tollat verbum de corde eius, ne credens, vel in his quæ crediderat operando perseverans, saluus fieri valeat: & sic traditus in reprobum sensum facit quæ non conueniunt, quia cum cognouerit Deum, non sicut Deum dignis obsequiis honorauit. De eo quod dicitur, Quia Rex, si noluerit venire ad Synodum, liberè etiam compellatus dimittet: sancta scriptura, sacrique canones monstrant, in iudicio personam non debere accipere, sed causæ qualitatem discernere. Et Hucbertus, postquam certo crimine in sororem suam perpetrato denotatus, & litteris Synodalibus ad Synodum extitit prouocatus, iam in tribus Synodis per legatos & litteras ad rationem reddendam, tantum ut cum seruandæ sibi æquitatis securitate venire valeret, suam præsentiam obtulit, & causidicus ac reputator criminis toties defuit, aut libertatem reddendæ rationis negauit. Vnde Bonifacius Papa ad Gallicanos scribit Episcopos, Probat, inquit, ^{Epist. ii.} vera esse illa quæ aduersum se dicta sunt, qui ad ea confutanda adesse minimè vult. Et nullus dubitat, quòd ita iudicium nocens subterfugit, quemadmodum ut absoluator qui est innocens quærit. Confitetur enim de omnibus quisque subterfugere iudicium dilationibus putat. Vnde congregari decreuimus Synodum, ut si adesse ^{Ibid. post alia.} voluerit, præsens si confidit ad obiecta respondeat, si adesse neglexerit dilationem sententiæ non lucretur. Nihil enim interest, utrum in præsentis examine omnia quæ dicta sunt comprobentur, cum ipsa quoque pro confessione procurata toties constat absentia.]

QVÆSTIO VII.

ET quoniam ita ut diximus à quibusdam sapientibus dicitur, utrum aliquod periculum inde habeant Episcopi, & alij Christiani, qui illi adulteranti communicant, vel si periculum est, quomodo erunt liberi ante Dominum de communicationis periculo?

RESPONSIO.

SCRIPTUM est, Qui conuerſi fecerit peccatorem ab errore vitæ suæ, ^{Iacob. 5. 2.} saluabit animam eius à morte, & operit multitudinem peccatorum suorum. Ita è contrario, quotquot quisque exemplo suæ prauitatis destruit, pro tantis, nisi dignè pœnituerit, damnatus erit. Idcirco enim publicè

Job 34.30.

item, *Qui facit regnare hypocritam propter peccata populi.* Quod tale est sicut & necesse est ut veniant scandala, vā autem homini per quem scandalum venit: quia vā illi est, ut quod fiendum est, talem se suo vitio efficit, ut per illum quod ad vā pertinet exequatur. Quod de regno dicitur, quia pater suus ei illud dimisit, vereri hinc potius. Rex iste debet diuina, & verecundari humana iudicia, quā de regni adēptione fortē gloriari, si tamen patris bonos mores, & sanctam vitam, & æquum ac iustum regimen imitatus non fuerit, vel si, quod absit, illius prauos mores, aut iniustam vitam, quam illum habuisse non dicimus, siue indignum regimen sequi delegerit. Quid enim filios Samuelis necessitudo iuuit parentis, cuius non fuerunt virtutis heredes? Quid etiam Moyfi liberis paterna profuit cura iustitiæ, cuius eos imitatio non successit? Itaque neque ad illos patris potestas quasi ex successione defertur, qui illum vocabulo tantum signabant parentem, & ad eum migravit qui illius erat filius virtute non genere, quod & iste debet timere. E regione verò, quid Timotheo nocuisse creditur quod fuerit patre gentili? Siquidem & sanctus Abraham impium habuit patrem, neque tamen heres illius impietatis effectus est. Et Ezechias profanissimi Achaz filius fuit, sed Dei amicus esse promeruit. Quid autem è diuerso Noë filius de patris virtute lucratus est, qui ex ingenuo factus est seruus? Et Ioseph in media quondam seruiuit Ægypto, sed gloriosam sibi texuit castitatis coronam. Et tres pueri & Daniel in Babylone fuerunt principibus celsiores. Videmus certē quā non sufficiat ad suffragium liberis paterna nobilitas. Vitia siquidem vicerunt naturæ priuilegia, & peccantem non modò de nobilitate patris, verum de ipsa etiam libertate pepulerunt. Esau quoque nonne sancti Isaac erat filius, magno etiam patris fauore munitus? Qui licet studeret atque cupe- ret nempe ei benedictionem donare, propter quod etiam ille omnia patris iussa faciebat, sed tamen quia prauis moribus erat, nihil ex his omnibus prorsus adiutus est, sed iuxta naturæ ordinem prior, & de patris voluntate securior, quia tamen displicebat Deo, omnia quæ iam tenere videbatur amisit. Quæ omnis rex, sed & iste attendat, & non omnia quæ ei libent libenter faciat, quia non omnia quæ licent expediunt. Et iuxta quod scriptum est, *Magnatis humiliet caput suum in honore Regis regum, cuius est regnum, & per quem*

Eccl. 4.7. *reges regnant.* qui dicit, *Honorantes me honorificabo, & hi qui contemnunt*

1 Reg. 2. 31. *me erunt ignobiles.* Et sacerdotibus suis dicit, *Qui vos recipit, me recipit,*

Luc. 9. & 10 *& qui vos audit me audit, & qui vos spernit me spernit.* Exemplum denique scripturæ, *Cor regis in manu Dei, quocumque voluerit vertet illud,*

Prou. 21. 1. *ad confirmandum, quia quod facit & qualis in regimine populi, nutu diuino fiat, malè, sicut & diabolus abusus est ad Saluatorem, An-*

Matt. 4. *gelis suis mandauit de te, interpretatus est iste illius discipulus. Ceterum cor regis in manu Dei est, quia, sicut suprā ostendimus, ille ve-*

vehementer extenditur, quando pro reuerentia principatus peccator honoratur.] Et vt honores & beneficia adulantibus tribuat, laudatur peccator in desideriis animæ suæ, & qui iniqua agit benedicitur, & mortuus à mortuis in morte pessima sepelitur, quia scriptum est, *Videbas furem, & currebas cum eo, & cum adulteris portionem tuam ponebas.* Psal. 49. Currit enim cum fure, & portionem suam ponit cum eo, quando ei quis, vel in adulteris laudibus, vel in consentaneis voluptatibus illi se iungit, & portionem suam, quam cum Deo & Angelis habere debuerat, in inferno cum illo ponit, cuius os abundauit malitia, & lingua concinnabat dolum. quando illo malè agente nequiter ac dolosè laudabat, vel suis prauis actionibus assensum præbebat, quia Rom. 12. *non solum qui faciunt, sed & qui consentiunt facientibus, digni sunt morte.* Vnde sanctus Ambrosius, Cum enim, inquit, videt honorari se (quin is qui talia agit) ab his qui non sunt tales, crescit in mala, & gloriatur fortè se talem, idcirco dignum est vna hos poena multandos. Sed & is qui talia iudicat, sicut idem Paulus dicit, & facit ea, Rom. 2. *non effugiet iudicium Dei.* Per se enim iudicaturus est, apud quem adulatio cessat & personarum acceptio.] Consilium autem huiusmodi periculum deuitandi sanctus Augustinus nobis dat dicens, *Duobus modis non te maculat malus, si non consentias, & si redarguas.* Sermon. 18. de Ver. Dom. Hoc est non communicare, non consentire. Communicatur quippe, quando facto eius consortium voluntatis vel adprobationis adiungitur. Hoc ergo nos admonens Apostolus ait, *Nolite communicare operibus infructuosus tenebrarum.* Ephes. 5. 12. Et quia parum erat non consentire, si sequeretur negligentia disciplinæ, Magis autem, inquit, & redarguite. Videte quemadmodum vtrumque complexus est, *Nolite communicare, magis autem & redarguite.* Quid est autem, nolite communicare? nolite consentire, nolite laudare, nolite approbare. Quid est autem, magis & redarguite? reprehendite, corripite, coercete. I. Cor. 10. Deinde in ipsa correptione vel coercitione alienorum peccatorum cauendum est, ne se extollat qui alterum corripit, & qui se putat stare, videat ne cadat. Foris terribiliter personet increpatio, intus lenitatis teneatur dilectio. Neque ergo consentientes sitis malis, vt adprobetis, neque negligentes, vt non arguatis, neque superbientes, vt insultanter arguatis.] Et sanctus Gregorius in epistola ad Felicem Siciliensem Episcopum omnibus donat Episcopis dicens, Sunt enim mali segregandi à bonis, & iniqui à iustis, vt saltem rubore suo conscientias suas recognoscant, & conuertantur à prauitatibus suis, & si incorrigibiles apparuerint, segregentur à fidelibus vsque ad satisfactionem, iuxta Domini Saluatoris sententiam, qua inter cetera de peccante in se fratre præcipiendo ait, *Si peccauerit in te frater tuus, corripe eum inter te & ipsum solum.* Matt. 18. *Si te audierit, lucratus eris fratrem tuum. Si autem te non audierit, adhibe tecum vnum, aut duos, vt in ore duorum vel trium testium stet omne verbum. Quod si non audierit eos,*

Act. 9.

1. Cor. 8.

Matt. 18. 6.

pœnitens publicam pœnitentiam agit, non quo Dominus secreta confessione & priuata pœnitentia de criminalibus etiam peccatis dignè pœnitenti indulgentiam non largiatur, quia etiam Dauid coram vno redarguente se ex Domini auctoritate pœnituit, & confusus est, & peccati indulgentiam meruit, cuius postea publicè vindictam sustinuit. Sed qui plures suo prauo exemplo destruxit, plures humilitatis suæ pœnitentia ad salutem ædificet, quatenus sicut & de Paulo dicitur, qui cum pridem viderant persequentem Ecclesiam, & postea ædificantem eam, in eo Dominum glorificabant. Sed & publicè peccans, & ad pœnitentiam redire nolens, idcirco publica excommunicatione ab Episcopis de Ecclesiæ societate deiicitur, non quo iam excommunicatus coram eo non sit, qui leges Ecclesiasticas per suum loquens spiritum promulgauit: sed ideò Sacerdotes & Apostolorum atque Apostolicorum virorum successores suum officium exequuntur, ne à subditis negligere ministerium suum putentur, & sicut peccantis culpa innotuit, ita & redargutio corrigentis omnibus innotescat, & qui aliter suum peccatum non vult intelligere, vel quia ab omnibus repellitur, & à nullo suscipitur, quia sæpè bona præstantur inuitis, vel coactus ad pœnitentiam redeat, & necessitas in deuotionem reuertatur, & correctus per humilitatem, qui per superbiam peccauerat, incorporari per sacerdotalem reconciliationem Ecclesiæ mereatur. Attendendum est etiam cunctis regibus & principibus sæculi, quia princeps & rex prauus, quantis in regimine præest in sæculo, sub tantis modo plagali ad vindictam erit in flammaram damnatione. Vnde necesse est, vt incessanter suos actus consideret, & cum alios suo exemplo perdit, metuat, quia non solus perit, qui plurimos exemplo suæ prauitatis occidit, pro quibus sine dubio rationem Domino reddet. Et non solum per se, sed & per eos qui eum imitati fuerint, vel eius exemplo seu auctoritate delinquant, multipliciùs ipse delinquit. maximè cum ipse, quasi licitè delinquens, aliis delinquendi fomes existit. Vnde & de alia re loquens dicit Apostolus, *Videte ne fortè licentia vestra offendiculum fiat infirmis. Et rursus, Peribit infirmus in tua scientia frater, propter quem Christus mortuus est. Sic autem peccantes in fratres & percutientes conscientiam eorum, in Christum peccatis.* Et Dominus dicit, *Qui scandalizauerit vnum de pusillis istis, qui in me credunt, expedit ei vt suspendatur mola asinaria in collo eius, & dimergetur in profundum maris.* quia melius profectò tali fuerat, vt in priuata vita degeret, quàm in principatu positus se imitabilem in culpa ceteris demonstraret, & pro tantis pœnas lueret, quantis quasi licitè peccans, suo exemplo ad vitia dux & auctor erroris existit. Cuius tanto est culpa grauior, & erit cruciatio durior, quanto excedenti est facultas liberior: Quia nemo ampliùs delinquit in populo, quàm qui peruersè agens ordinem principatus vsurpat: delinquentem namque hunc redarguere nullus præsumit, & in exemplum culpa

denuntiare. Siquidem scriptum est, *Et loquebar in testimoniis tuis in conspectu regum, & non confundebar.* Et alibi, *Fili hominis speculatorem te posui domui Israel, in eo, inquit, ut si auertatur iustus à iustitiis suis, & fecerit delictum, quia non distinxisti ei, hoc est, non dixisti quid sit cauendum, non retinebitur memoria iustitiæ eius, & sanguinem eius de manu tua exquiram. Tu autem si distinxeris iusto ut non peccet, & ipse non peccauerit, iustus vita uiuet, quia dixisti ei, & tu animam tuam liberabis.* Malo igitur, Imperator, bonorum mihi esse tecum quàm malorum consortium: & ideo clementiæ tuæ displicere debet sacerdotis silentium, libertas placere. Nam silentij mei periculo inuolueris, libertatis bono iuuaris. Non ergo importunus indebitis me interfero, alienis ingero: sed debitis obtempero, mandatis Dei nostri obedio. Quod facio primum tuum amore, tuum gratia, tuum studio conseruandæ salutis. si id mihi vel non creditur, vel interdicitur, dico sanè diuinæ offensæ metu. Nam si meum periculum te exueret, patienter me pro te offerrem, sed non libenter. Malo enim te sine meo acceptum Deo esse & gloriosum periculo. Sin autem, silentij mei dissimulationisque culpa & me ingrauat, nec te liberat, malo importuniorem me, quàm inutiliorem aut turpiorem iudices. Siquidem scriptum est, dicente sancto Apostolo Paulo, cuius non potes doctrinam refellere, *Insta opportunè, importunè, argue, obsecra, increpa in omni patientia & doctrina.* Habemus ergo & nos cui displicere plus periculi sit. præsertim cum etiam Imperatoribus non displiceat suo quemque fungi munere, & patienter audiat vnumquemque pro suo suggerentem officio, immò corripiatis si non utatur militiæ suæ ordine. Quod ergo in his libenter accipitis qui vobis militant, num hoc in sacerdotibus potest molestum videri, cum id loquamur, non quod volumus, sed quod iubemur? Scis enim lectum, *Cum stabitis ante reges & præsides, nolite cogitare quid loquamini. Non enim vos estis qui loquimini, sed spiritus patris vestri qui loquitur in vobis.* Et tamen si in causis reipublicæ loquar, quamuis etiam illic iustitia seruanda sit, non tanto adstringar metu, si non audiar. In causa verò Dei, quem audies, si sacerdotem non audies, cuius maiore peccatur periculo? Quis tibi verum audebit dicere, si sacerdos non audeat? Noui te pium, clementem, mitem, atque tranquillum, fidem ac timorem Domini cordi habentem, sed plerumque aliqua nos fallunt. Habent aliqui zelum Dei, sed non secundum scientiam. Ne igitur hoc etiam fidelibus animis obrepit, cauendum arbitror. Noui pietatem tuam erga Deum, lenitatem in homines: obligatus sum beneficiis tuarum indulgentiarum, & ideo plus metuo. Amplius sollicitor ne etiam ipse tuo me postea iudicio condemnes, quod mea aut dissimulatione, aut adulatione, prolapsionem non euitaueris. Si in me peccari viderem, non deberem tacere. Scriptum est enim, *Si frater tuus in te peccauerit, corripe illum primò, deinde increpa duobus aut tribus testibus. Si te non audierit,*

*Psal. 118.
Ezech. 9.*

2. Tim. 4.

Matt. 10.

Matt. 18.

die Ecclesia. Si autem & Ecclesiam non audierit, sit tibi sicut ethnicus & publicanus. His ergo & multis aliis sanctorum Patrum auctoritatibus segregandi sunt mali à bonis, ne pereant iusti pro iniustis, sicut Ecc. 7. 16. scriptum est, *Perit iustus pro impio*. Debet enim semper discretio fieri inter bonos & malos, sicut est inter hœdos & oves. Manifesta quoque peccata non sunt occulta correctione purganda, sed palàm sunt arguendi qui palàm nocent, ut dum aperta obiurgatione sanantur, hi qui eos imitando deliquerant corrigantur. Dum enim vnus corripitur, pluri emendantur. Et melius est, ut pro multorum saluatione vnus condemnetur, quàm per vnus licentiam multi periclitentur. Nec mirum si inter homines hæc ratio custoditur, cum & inter iumenta hæc fieri persæpè cognouimus, & ea quæ scabiem aut impetiginem habere videntur, separantur à sanis, ne illorum morbo cetera damnentur vel pereant. Satiùs est enim, ut mali manifestè corrigantur, quàm pro illis boni pereant. Vnde volumus vos omnes in vnum conuenire Episcopos, ut de incidentibus causis fiat disceptatio, & salubris de Ecclesiastica obseruatione conlatio, quatenus, dum per hoc & præterita corriguntur, & regulam futura suscipiunt, omnipotens vbique Dominus fratrum concordia conlaudetur, cuius vobis adesse præsentiam si hæc obseruabitis scitote, quia scriptum est, Matt. 18. *Vbi fuerint duo vel tres congregati in nomine meo, ibi sum in medio eorum*. Si ergo adesse dignatur vbi duo vel tres sunt, quanto magis non decribit vbi plures conueniunt sacerdotes? Et quidem, quia adhibendum bis in anno Concilium Patrum sit regulis institutum, non latet. Sed ne fortè aliqua excusatio sit, semel decernimus congregare, ut expectatione Concilij nihil prauum, nihil præsumatur illicitum. Nam plerique, & si non amore iustitiæ, metu examinationis abstinentur ab hoc quod omnium notum est posse displicere iudicio.] Et S. Ambrosius in epistola ad Theodosium Imperatorem dicit, Exerciitiis semper, & iugibus ferè curis sum, Imperator beatissime, deditus. sed nunquam tanto in æstu fui, quanto nunc, cum video cauendum ne quid sit quod adscribatur mihi etiam de sacrilegij periculo. Itaque peto ut patienter sermonem meum audias. Nam si indignus sum qui à te audiar, indignus sum qui pro te offeram, cui tua vota, cui tuas committas preces. Ipse ergo non audies eum, quem pro te audiri velis? Non audies pro se agentem, quem pro aliis audisti? Nec vereris iudicium tuum, ne cum indignum putaris quem audias, indignum feceris qui pro te audiatur? Sed neque Imperiale est libertatem dicendi negare, neque sacerdotale quod sentias non dicere. Nihil enim in vobis Imperatoribus tam popolare & tam amabile est, quàm libertatem etiam in his diligere, qui obsequio militiæ vobis subditi sunt. Siquidem hoc interest inter bonos & malos principes, quod boni libertatem amant, seruitutem improbi. Nihil etiam in sacerdote tam periculosum apud Deum, tam turpe apud homines, quàm quod sentiat non liberè de-

dictum aduerti. Cum enim essem sollicitus ipsa nocte, qua ad te, sicut petieras, proficisci parabam, venisse quidem visus es ad Ecclesiam, sed mihi sacrificium offerre non licuit. Alia prætereo, quæ potui tacere, sed pertuli amore tuo, ut arbitror. Dominus faciat ut omnia cum tranquillitate cedant. Multifariè de his nos admonet signis cælestibus, prophetarum præceptis, visionibus etiam pectorum. Vult nos intelligere, quo rogemus eum, ut perturbationes auferat, pacem vobis imperantibus seruet, fides Ecclesiæ & tranquillitas perseveret, cui prodest Christianos & pios esse Imperatores. Certè vis probari Deo, omni rei tempus, ut scriptum est, *Tempus*, inquit, *faciendi Domine*, & *tempus beneplaciti Deus*. Tunc offeres, cum sacrificandi acciperis facultatem, quando hostia tua accepta sit Deo. Omnino me delectaret habere gratiam Imperatoris, ut secundum voluntatem tuam agerem, si causa pateretur, & simplex oratio sacrificium est. Hæc veniam refert, illa offensionem, quia hæc habet humilitatem, illa contemptum. Dei enim vox est, quod malit ut fiat mandatum eius, quam deferatur sacrificium. Clamat istud Deus ad populum, Moyses adnuntiat, Apostolus Paulus prædicat. Id facito quod intelligis tempore plus placere. Misericordiam, inquit, malo quam sacrificium. Quasi non illi magis sint Christiani, qui peccatum condemnant suum, quam qui defendendum putant. Iustus enim in exordio sermonis accusator est sui. Qui se accusat cum peccauerit, iustus est, non ille qui se laudauerit. Et tu præuentus es, & ego non declinaui, non quod cauere debueram. sed gratias Domino, quia vult seruulos suos castigare ne perdat. Istud mihi commune est cum prophetis, & tibi erit commune cum sanctis.]

Eccles. 3.
Psal. 118.
Psal. 68.

1 Reg. 15.

Osce. 6.

Matt. 9.

Prou. 18.

Matt. 18.

1. Cor. 6.

1. Cor. 5.

1. Ioan. 2.

2. Ioan.

Quomodo autem isdem beatus Imperator publicè pœnitens hæc obaudierit monita, isdem beatus Ambrosius inter alia in Sermone quadragesimi diei defunctionis ipsius coram Honorio Augusto filio eius demonstrat. Qualiter etiam ceteri Christiani atque fideles Dei de communicatione huiusmodi periculum euadere valeant, & Dominus in Euangelio de eo qui pro peccato correptus emendare noluerit demonstrat, & Paulus in Epistola ad Corinthios dicit, *Nolite errare, neque fornicarij, neque idolis seruientes, neque adulteri, neque molles, neque masculorum concubitores, neque auari, neque ebriosi, neque maledici, neque rapaces regnum Dei possidebunt. Et item, Nunc autem scripsi vobis, ne commisceamini. Si quis frater nominatur & est fornicator, aut auarus, aut idolis seruient, aut maledicus, aut ebriosus, aut rapax, cum huiusmodi nec cibum sumere. Auferte malum ex vobis. Et sanctus Ioannes Euangelista & Apostolus, Et nunc Antichristi multi sunt. Et item, Omnis qui recedit, & non permanet in doctrina Christi, Deum non habet. Qui permanet in doctrina, hic filium & patrem habet. Si quis venit ad vos, & hanc doctrinam non adfert, nolite recipere eum in domum, nec Aue ei dixeritis. qui enim dicit illi Aue, communicat operibus illius malignis. Et ne quis di-*

rit, dic Ecclesia. Causam ergo Dei tacebo?] Et item ad locum, *Ego certe quod honorificentius fieri potui, feci, ut me magis audires in regia, ne si necesse esset audires in Ecclesia.* Et item in altera epistola ad eundem dicit ad locum, Tacerem, sed quod miserrimum omnium foret, alligaretur conscientia, vox eriperetur. Et ubi est illud, Si sacerdos non dixerit erratus, qui errauerit in sua culpa morietur, & sacerdos reus erit pœnæ, quia non admonuit errantem?] Et item ad locum, Factum est in vrbe Thessalonicensium quod nulla memoria habet, quod reuocare non potui ne fieret, immò quod antè atrocissimum fore duxi cum toriens rogarem, & quod ipse reuocando graue factum putasti. Hoc factum extenuare non poteram, quando primùm auditum est, quia propter aduentum Gallorum Episcoporum Synodus conuenerat. nemo non ingemuit, nullus mediocriter accepit. Non erat facti tui absolutio in Ambrosij communione, immò etiam amplius commissi exaggeratur inuidia, si nemo diceret Dei nostri reconciliationem fore necessariam. An pudet te, Imperator, hoc facere quod rex & propheta auctor Christi secundum carnem pro sapia fecit Dauid? Cognito quòd ipse in parabola argueretur, ait, *Peccaui Domino.* Noli ergo impatienter ferre, Imperator, si dicatur tibi, tu fecisti istud, quod Dauid regi dictum est à propheta. Si enim hoc sedulò audieris, & dixeris, *Peccaui Domino,* si dixeris & illud propheticum, *Venite adoremus, & procidamus ante eum, & ploremus ante Dominum qui fecit nos,* dicetur & tibi, quoniam pœnitet te, dimittet tibi Dominus peccatum tuum & non morieris.] Et item ad locum, Itaque pœnituit Dominum, & iussit Angelo vt parceret plebi, sacrificium autem offerret Dauid. Erant enim tunc sacrificia pro delictis, & nunc sunt sacrificia pœnitentiæ. Itaque rex ea humilitate acceptior Deo factus est. Non enim mirandum peccare hominem, sed illud reprehensibile, si non se cognoscat errasse, si non se humiliet Deo. Iob sanctus & ipse potens in sæculo ait, *Peccatum meum non abscondi, sed coram plebe omni adnuntiaui.* Et item ad locum, Hæc ideo scripsi, vt non te confundam, sed vt regum exempla prouocent, vt tollas hoc peccatum de regno tuo. Tolles autem humiliando Deo animam tuam. Homo es, & tibi venit tentatio, vince eam. Peccatum non tollitur nisi lacrymis & pœnitentia, nec Angelus potest, nec Archangelus: Dominus ipse, qui solus potest dicere, *Ego sum qui deleo iniquitates tuas,* si peccauerimus, nisi pœnitentiam deferentibus non relaxat. Et item ad locum, Vince diabolum, dum habes adhuc vnde possis vincere. Noli peccatum addere, vt vsurpes quod vsurpasse multis obfuit. Et post pauca, Ego, inquam, causam in te contumaciæ nullam habeo, sed habeo timoris: offerre non audeo sacrificium, si volueris adistere. Postremò scribo manu mea quod solus legas. Ita me Dominus ab omnibus tribulationibus liberet, quia non ab homine, neque per hominem, sed apertè mihi inter-

1. Reg. 12.

Psalm. 94.

2. Reg. 24.

Iob 31.

Esa. 43.

damnare, quia & Dominus Iudam, cum fur esset, quia non est accusatus, minimè abiecit. Hanc autem excusationem ante Deum sacerdotes & principes ac primores terræ habere non poterunt. Vnde & isdem beatus Ambrosius in eodem loco Epistolæ dicit, *Et vos inflati estis*, 1. Cor. 5. & non magis luctum habuistis, ut tolleretur de medio vestrum qui hoc opus fecit. Superbiam, inquit, illorum in tantum humiliat, ut non querulos iam sed magis supplices faciat. Erant enim & ipsi participes, dum paterentur reum tam ingentis facinoris secum incorrectum conuenire, ut omnes uno consilio abiicerent eum si negaret emendare se. Cognito enim opere isto, pellendum illum fuisse de cætu fraternitatis dicit Apostolus. Omnes enim crimen eius sciebant, & non arguebant. Publicè enim nouercam suam loco uxoris habebat. In qua re neque testibus opus erat, neque tergiuersione aliqua poterat tegi crimen. Ego quidem sicut absens corpore, præsens autem spiritu, id est, absens facie, præsens autem auctoritate spiritus, qui nusquam abest, iam iudicauit ut præsens eum qui hoc admisit. Hic aduertendum est, quia quicumque criminalia admisit peccata, vnde iam sunt terminata iudicia ab illis Christi organis, qui cum illo in cælo regnant, & in terris miraculis coruscant, apud quorum mortuos natura cineres, sed Deo viuos, meritorum miraculis demonstratur quia etiam in dictis & suis promulgationibus viuunt, iam iudicati sunt, & nisi pœnitentiam egerint, prædamnati. quamuis inertia nostra, ea, ad quæ ordinati & constituti sumus, in nostro & nobis commissorum periculo exequi negligamus. Vnde magnus Leo Papa ad Anatolium Constantinopolitanum Episcopum, loquens de sancto Nicæno Concilio, quod & de aliis intelligendum fides tenet catholica, scribit, Sancti, inquit, illi & venerabiles patres, qui in vrbe Nicæna, sacrilego Arrio cum sua impietate damnato, mansuras vsque in finem mundi leges Ecclesiasticorum canonum condiderunt, & apud nos, & in toto orbe terrarum, in suis constitutionibus viuunt, & si quid vsquam aliter quàm illi statuere præsumitur, sine cunctatione cassatur, ut quæ ad utilitatem perpetuam generaliter instituta sunt, nulla commutatione varientur, nec ad priuatum trahantur commodum quæ ad bonum sunt commune præfixa.] Epist. lvi.

His denique perpenfis, & aliis, quæ propter prolixitatem omisimus ponere, sanctarum scripturarum, & regularum Ecclesiasticarum auctoritatibus, considerato etiam periculo quisque suo, sed & is de quo agitur, ad se redeat, & aut actum suum rationi & auctoritati euidenter concordare demonstret, ne ipse peccans, sicut de Hieroboam scriptura dicit, vnde grauius Deum offendit alios peccare faciat, aut salubri consilio & auctoritati diuinæ, quia aliter saluari non potest, se subdat, & considerans quoniam adolescentia & voluptas vana sunt, pro breui & misera delectatione, quia pretium scortorum vix vnius est panis, non det alienis honorem suum, & annos suos crudeli, nec det carnem suam, ut peccare faciat animam suam, neque exhibere. 3. Reg. 12. Prou. 6. Rom. 6.

cat, Rex est, quomodo me ab illius potero communicatione subtrahere? sciat sanctum Iohannem Baptistam ideo martyrio coronatum, quia dicebat Herodi, *Non licet tibi habere eam, quin adulteram mulierem.* Et Paulus, ut præmisimus, cum huiusmodi nec cibum fumere vetuit, qui & alibi dicit, *An experimentum queritis eius qui in me loquitur Christus?* Et ipse Dominus in Euangelio clamat, *Qui est ex Deo, verba Dei audit: propterea vos non auditis, quia ex Deo non estis.* Et item, *Si diligitis me, mandata mea seruate: qui non diligit me, mandata mea non seruat.* Et Apostolus Iohannes, *Qui dicit quia diligo Deum, & mandata eius non custodit, mendax est.* Et Psalmus de Domino, *Perdes omnes qui loquuntur mendacium.* Et item Apostolus Iohannes in Apocalypsi, *Nec intrabit in ea, id est, in cælesti Hierusalem, aliquid coinquinatum, faciens abominationem, & mendacium.* Et item, *Timidis autem, & incredulis, & execratis, & homicidis, & fornicatoribus, & veneficis, & idololatriis, & omnibus mendacibus, pars illorum erit in stagno ardenti igne & sulphure, quod est mors secunda.* Sed & eos terribilis increpatio Euangelica inuehit, qui dilexerunt gloriam hominum magis quam Dei, & eos increpant ac persequuntur qui se subtrahere volunt ab omni fratre ambulante inordinatè. De quibus videlicet persecutoribus dicitur in Apocalypsi, *Habeo aduersus te, quia permittis mulierem Iezabel, quæ se dicit prophetas docere, & seducere seruos meos, fornicari & manducare de idolothyta. & dedi illi tempus ut pœnitentiam ageret, & non vult pœnitere à fornicatione sua.* Ecce ego mitto eam in lectum, & qui mæchantur cum ea in tribulationem maximam, nisi pœnitentiam egerint ab operibus suis, & filios eius interficiam in mortem, & scient omnes Ecclesiæ, quia ego sum scrutans renes & corda, & dabo unicuique secundum opera sua. Eos autem qui redarguunt iniquitatem, quia huiusmodi non consentiunt, blandè consolatur dicens, *Scio tribulationem tuam & paupertatem tuam. sed diues es, & blasphemaris ab his qui se dicunt Iudeos esse, & non sunt, sed sunt synagoga Satanae.* Nihil horum timeas quæ passurus es, ecce missurus est diabolus aliquos ex vobis in carcerem, ut tentemini, & habebitis tribulationem diebus decem. *Esto fidelis usque ad mortem, & dabo tibi coronam vitæ: qui vicerit, non ledetur à morte secunda.* His verò, qui auctoritate ordinis, aut dignitate potestatis, vel fortitudine virtutis, tali facto non possunt resistere, consulit diuina clementia, dicens in eadem Apocalypsi, *Vobis autem dico ceteris qui Thyatiræ estis, Quicumque non habent doctrinam hanc, qui non cognouerunt altitudinem satanae, quemadmodum dicunt, non mittam super vos aliud pondus: tamen id quod habetis tenete, donec veniam.* Et qui vicerit, & qui custodierit usque in finem opera mea, dabo illi potestatem super gentes, & reget illas in virga ferrea, tanquam vas figuli confringentur, sicut & ego accepi à patre meo, & dabo illi stellam matutinam. Et sanctus Ambrosius in Epistola ad Corinthios dicit, *Si quis potestatem non habet quem scit reum abiciere, aut probare non valet, immunis est: & iudicis non est sine accusatore*

excellentissimis dignitatum personis, beati Cypriani Pontificis & martyris gloriosi sententias huic opusculo subnectere dignum duximus, ut attendentes ad formam sui nominis, quantum patitur humana fragilitas, in nullo exorbitent à regula sibi ab eodem Pontifice Pontificum, & rege regum traditæ dignitatis. Ait enim in libro de duodecim sæculi abusiis, primò de Rege, & postea de Episcopo, quia quanto gradus est celsior, tanto casus est grauior, & quanto est dignitas spiritalior, tantò ascensus sublimior. *Nonus*, inquit, *abusio* est gradus, rex iniquus. Etenim regem non iniquum, sed correctorem iniquorum esse oportet, unde in semetipso nominis sui dignitatem custodire debet. *Nomen enim regis intellectualiter hoc retinet, ut subiectis omnibus rectoris officium procuret.* Sed qualiter alios corrigere poterit, qui proprios mores, ne iniqui sint, non corrigit? quoniam iustitia regis exaltatur solum, & veritate solidantur gubernacula populorum. Iustitia verò regis est, neminem iniuste per potentiam opprimere, sine acceptione personarum inter virum & proximum suum iudicare: aduenis, & pupillis, & viduis defensorem esse, furta cohibere, adulteria punire, iniquos non exaltare, impudicos & histriones non nutrire, impios de terra perdere, parricidas & periurantes viuere non sinere, Ecclesias defendere, pauperes eleemosynis alere, iustos super regni negotia constituere, senes & sapientes & sobrios consiliarios habere. *magorum, & ariolorum, pythouissarumque superstitionibus non intendere, iracundiam differre, patriam fortiter & iuste contra aduersarios defendere.* per omnia in Deo viuere, prosperitatibus non eleuare animum, cuncta aduersa patienter ferre, fidem catholicam in Deum habere, filios suos non sinere impiè agere, certis horis orationibus insistere, ante horas congruas non gustare cibum. *Væ enim terræ, cuius rex est puer, & cuius principes manè comedunt.* Hæc regni prosperitatem in præsentia faciunt, & regem ad cælestia regna meliora perducunt. Qui verò secundum hanc legem non dispensat, multas nimirum aduersitates Imperij tolerat. Idcirco enim sæpè pax populorum rumpitur, & offendicula etiam de regno suscitantur, terrarum quoque fructus diminuuntur, & seruitia populorum præpediuntur: multi etiam dolores prosperitatem regni inficiunt, carorum & liberorum mortes tristitiam conferunt, hostium incursus prouincias undique vastant, bestiarum armentorum & pecorum greges dilacerant, tempestates veris & hyemis terrarum fecunditatem & maris ministeria prohibent, & aliquando fulminum ictus segetes & arborum flores & pampinos exurunt. Super omnia verò, regis iniustitia non solum præsentis Imperij faciem fuscatur, sed etiam filios suos & nepotes, ne post se regni hereditatem teneant, obscurat. Propter piaculum enim Salomonis regnum domus Israel Dominus de manibus filiorum eius dispersit, & propter iustitiam David regis, lucernam de semine eius semper in Hierusalem reliquit. Ecce quantum iustitia regis sæculo valet, intuentibus perspicuè patet. Pax populorum est tutamentum patriæ, immunitas plebis, munimentum gentis, cura languorum, gaudium hominum, temperies aëris, serenitas maris, terræ fecunditas, solatium pauperum, hereditas filiorum, & sibi metipsis spes futura bea-

Prou. 16.

Eccles. 10.

3. Reg. 12.

3. Reg. 15.

Psal. 111. 8.
Act. 9.
Matt. 5.

beat membra sua arma iniquitatis peccato, & gemit in nouissimis, quando consumpserit carnes & corpus suum, quando emendare non poterit, cum anima quæ per corpus gessit cuncta reddere compelletur. Sicque cogitans vias suas, & conuertens pedes suos in testimonia Domini, de his quæ perperam egit, per dignos pœnitentiæ fructus Domino & Ecclesiæ satisfaciatur, & de cetero gressus suos dirigat secundum eloquia Domini per gratiam eius, ut non dominetur illi omnis iniustitia. imitans conuersum Paulum, qui de se dicit, Et in me glorificabant Deum, sicut Dominus iubet, Luceat lux vestra coram hominibus, ut videant opera vestra bona, & glorificent patrem vestrum qui in calis est.

Concil.
Carthag. I.
in princip.

Tandem de his, quæ in hac epistola peruenisse ad nos memorauimus, quantum Domino inspirante, ex sanctarum scripturarum atque catholicorum patrum doctrina, pro nostra mediocritate sensimus, compellente veritate & superimposito ministerio diximus, nullius sanæ præiudicantes sententiæ, nec dehonorantes auctoritatem. Neque enim quisquam nostrum, ut olim sanctus Cyprianus dixerat, Episcopum se esse Episcoporum constituit, aut tyrannico terrore ad obsequendi necessitatem collegas suos adigit, quando habeat omnis Episcopus, (saluo per omnia priuilegio sanctæ & Apostolicæ primæ in toto orbe terrarum Romanæ sedis, atque ipsius Pontificis domni Nicolai Papæ, & decreto sanctorum canonum sancto spiritu conditorum,) pro licentia libertatis & potestatis suæ arbitrium proprium, tam qui iudicari ab alio non possit, quam nec ipse potest alterum singulariter iudicare: sed sicut dicit Apostolus, vnusquisque in suo sensu abundans, expectemus vniuersi iudicium Domini nostri Iesu Christi, qui vnus & solus habet potestatem, & præponendi nos in ecclesiæ suæ gubernatione, & de actu nostro iudicandi.

Epist. xcv.

Hoc tantum omnes dominos & confacerdotes nostros, & nos cum illis pariter admonemus, ut secundum præceptionem magni Leonis Papæ ad Rusticum Narbonensem Episcopum, In his quæ dubia fuerint vel obscura, id nouerimus sequendum, quod nec præceptis Euangelicis contrarium, nec decretis sanctorum inueniatur aduersum.

Apoc. 1.

Porro quia Redemptor noster, qui rex nobis pariter & sacerdos fieri dignatus est, sacerdos videlicet, ut nos à peccatis hostia suæ passionis emundet, rex, ut regnum nobis perenne tribuat, regnumque nos Deo & sacerdotes faciat, ac solus vtrumque dignitate & nomine, rex scilicet, & sacerdos essentialiter fieri potuit, duo prouidentia sua constituit, ut sanctus Gelasius ad Anastasium Imperatorem scripsit, quibus principaliter mundus hic regitur, id est auctoritatem sacram Pontificum, & regiam potestatem, in quibus tanto grauius pondus est sacerdotum, quanto etiam pro ipsis regibus hominum in diuino reddituri sunt examine rationem, de his duabus

rum negligentia, & periculo secreta esse non possunt. *Plebs videlicet sine disciplina*, quod ad negligentis Episcopi reatum, *Populus sine lege*, quod ad Regis iniqui prauitatem non dubium est pertinere. Sed & octo numero, quæ hæc capitanea duo præcedunt, id est, *sapiens & prædicator sine operibus*, *senex sine religione*, *adolescens sine obedientia*, *diues sine eleemosyna*, *femina sine pudicitia*, *dominus sine virtute*, *Christianus contentiosus*, *pauper superbus*, ad ista duo capitula, quibus principaliter mundus hic regitur, siue cum laude & gloria, siue cum vituperatione & iudicio, respicere dinoscuntur. Quoniam Episcopalis auctoritas prædicando vita & verbo, & Regia dignitas regendo & corrigendo, præesse ac prodesse omnibus debent, qui disciplinam, id est, ordinatam correctionem, & maiorum præcedentium regularem obseruationem sequi & obseruare cupiunt. Eos autem qui diuina dicta & legum scita contemnunt, Episcopus medicinali mucrone, vt membrum putridum à sanis abscidere, & rex iudiciali gladio impios debet de terra perdere, quatenus à summo pastore & rege regum cum sibi creditis ouibus & subiectis in futuro ac tremendo iudicio mereantur audire, vt boni & fideles serui in ministerio in quo fuerant constituti, ab ipso qui eos constituit Domino fideles inuenti, *Venite benedicti patris mei, percipite regnum quod vobis paratum est ab origine mundi*, quod promisit qui non mentitur Deus diligentibus se, & viuit & regnat ante omnia, & per omnia, & in omnia sæcula sæculorum. Amen.



HINCMARI ARCHIEPISCOPI REMENSIS

CAPITVLA SYNODICA ET CORONATIONES REGIÆ.

CAPITVLA.

Presbyteris data anno DCCCLII.
De quibus inquiri & renuntiari de-
bet Episcopo.

Anno XII. Episcopatus superaddita.

In Synodo Remis data anno DCCC
LXXIV.

Archidiaconis & presbyteris data.

CORONATIONES.

Caroli Calui, quando in regno Lo-
tharij coronatus est.

Ludonici Balbi, quando rex Franco-
rum consecratus est.

Iudith Caroli filia, cum regi Anglo-
rum desponsata est.

Hermintrudis regina Caroli Calui.

titudinis. Attamen sciat, quod sicut in throno hominum primus constitutus est, sic & in pœnis, si iustitiam non fecerit, locum primatus habiturus est. Omnes namque, quoscumque peccatores sub se in præsenti habuit, supra se modo plagi in illa futura pœna habebit.

Decimus abusionis gradus est Episcopus negligens, qui gradus sui honorem inter homines requirit, sed ministerij sui dignitatem coram Deo, pro quo legatione fungitur, non custodit. Primum namque ab Episcopo, quid sui nominis dignitas tenet, inquiratur. Quoniam Episcopus, cum Græcum nomen sit, speculator interpretatur. Quare verò speculator ponitur, & quid à speculatore requiritur, Dominus ipse denudat, cum sub Ezechielis propheta persona Episcopo officij sui rationem denuntiat ita inquit, Speculatorem dedi te domui Israel. Audiens ergo ex ore meo sermonem, nuntiabis eis ex me. Si autem videris gladium venientem, & tu non adnuntiaueris ut reuertatur impius à via sua, ipse quidem impius in impietate sua morietur, sanguinem autem eius de manu tua requiram. Si autem tu adnuntiaueris, & ille non fuerit reuersus, ipse quidem in iniquitate sua morietur, sed tu animam tuam liberaasti. Decet ergo Episcopum, omnium enim speculator positus est, peccata diligenter intendere. Audiens ergo, & postquam attenderit, sermone si poterit & actu corrigere, & si non poterit, iuxta Euangelij regulam, scelerum operarios declinare. Si enim, inquit in Euangelio, peccauerit frater tuus, corripe illum inter te & ipsum solum. Si te audierit, lucratus es fratrem tuum. Si te non audierit, adhibe tecum adhuc unum vel duos, ut in ore duorum vel trium testium stet omne verbum. Si illos non audierit, dic Ecclesia. Si Ecclesiam non audierit, sit tibi sicut ethnicus & publicanus. Tali ordine expellendus est, qui cuicumque doctori vel Episcopo adherere contemnit. & qui tali ordine expulsus fuerit, ab alio aliquo doctore siue Episcopo recipi non debet. Qui ergo illum excommunicatum à catholico, illo non permittente, sibi iungit, iura sacerdotij sancti, quod Christianorum genus electum est, excedit. Hac ratione Episcopum ad eos, quibus in speculatione positus est, esse oportet. Ceterum verò qualis in semetipso esse debeat, in lege de sacerdote scribitur, Viduam aut repudiatam non accipiat uxorem. Et Paulus Apostolus exponit, ut ad gradum Episcopi veniens, sit sobrius, prudens, castus, sapiens, modestus, & hospitalis, filios habens subditos cum omni castitate, testimonium habens bonum ab his qui foris sunt, præferens doctrinarum fidelem sermonem, ante Episcopatum non plures habens uxores quàm unam, non percussor, non bilinguis, non ebriosus, non neophytus, ut per hæc ipse prius ostendat in opere, quod alios docet in sermone doctrina. Caveant ergo negligentes Episcopi, quod in tempore vindictæ Dominus per Prophetam conqueritur, Pastores multi demoliti sunt populum meum, & non pascebant pastores gregem meum, sed pascebant pastores semetipsos. Sed potius procurent hi, quos constituit Dominus supra familiam suam, dare illis cibum in tempore suo mensuram tritici, puram scilicet, & probatam doctrinam, quatenus veniente Domino mereantur audire, Euge serue bone & fidelis, quia supra pauca fuisti fidelis, supra multa te constituam, intra in gaudium Domini tui.] Hæc denique duo alia abusiua sequuntur, quæ ab istorum

Ezech. 3.

Matt. 18.

Leuit. 21.

1. Tim. 3.

Ezech. 34.

Matt. 25.

II. *De scrutinio & ordine baptizandi.*

Vt scrutinium, & omnem ordinem baptizandi, nulli penitus liceat ignorare.

III. *De exorcismis catechumenorum, & de baptismo infirmorum. Item de fontibus, ac vasis ad corporalia & pallas abluendas.*

EXORCISMOS & orationes ad catechumenos faciendum, ad fontes quoque consecrandum, & ceteras preces super masculos & feminas, pluraliter atque singulariter, distinctè & rationabiliter memoriarum commendat. Similiter & ordinem baptizandi ad succurrendum infirmis. Et qui fontes lapideos habere nequiverit, vas conueniens ad hoc solummodò baptizandi officium habeat, & similiter ad corporale lauandum, & ad pallas altaris, propria vasa habeantur, in quibus nihil aliud fiat.

IV. *De ordine reconciliandi, & vngendi infirmos. deque exequiis defunctorum, & de benedictione salis & aquæ.*

ORDINEM reconciliandi, iuxta modum sibi canonicè reseruatum, atque vnguendi infirmos, orationes quoque eidem necessitati competentes memoriter discat. Similiter ordinem & preces in exequiis atque agendis defunctorum. nec minùs exorcismos & benedictiones aquæ & salis.

V. *De aqua omni die Dominico ante Missam benedicenda.*

Vt omni Dominico die quisque presbyter in sua Ecclesia ante Missarum solemnia aquam benedictam faciat in vase nitido & tanto ministerio conuenienti, de qua populus intrans Ecclesiam aspergatur: & qui voluerit in vasculis suis nitidis ex illa accipiant, & per mansiones, & agros, & vineas, super pecora quoque sua, atque super pabula eorum, necnon & super cibos & potum suum conspergant.

VI. *De thuribulo & incenso.*

Vt omnis presbyter thuribulum & incensum habeat, vt tempore quo Euangelium legitur, & finito offertorio, super oblationem incensum, vt in morte videlicet Redemptoris, ponat.

VII. *De pane ad eulogias benedicendo.*

Vt de oblatis, quæ offeruntur à populo, & consecrationi super-



HINC MARI

ARCHIEPISCOPI

REMENSIS CAPITVLA,

Ad presbyteros parochiæ suæ.

Ex Appendice ad Tomum III. Conciliorum Galliæ.

I.

CAPITVLA PRESBYTERIS DATA ANNO DCCCLII.



ANNO DCCCLII. Kalendis Nouembris conuentu habito presbyterorum in metropoli ciuitate Remorum, inter cetera monita saluberrima, dum de legibus atque rebus Ecclesiasticis ab Hincmaro Præsule tractaretur, hæc in vltimo prolata sunt memoriæ commendanda, & summopere obseruanda.

CAPVT I. *Ut presbyteri discant expositionem Symboli & orationis Dominicæ, &c. cum Symbolo Athanasij.*

VT vnusquisque presbyterorum expositionem Symboli, atque orationis Dominicæ, iuxta traditionem orthodoxorum patrum plenius discat. exinde prædicando populum sibi commissum sedulo instruat. Præfationem quoque canonis, & eundem canonem intelligat, & memoriter ac distinctè proferre valeat. & orationes Missarum, Apostolum quoque & Euangelium bene legere possit. Psalmorum etiam verba & distinctiones regulariter, & ex corde, cum canticis consuetudinariis pronuntiare sciat. Necnon & sermonem Athanasij de fide, cuius initium est, *Quicumque vult saluus esse*, memoriæ quisque commendet, & sensum illius intelligat, & verbis communibus enuntiare queat.

XI. *De sacris ministeriis ad vadium non dandis.*

VT nullus presbyter præsumat calicem, vel patenam, aut pallam altaris, vel vestimentum sacerdotale, aut librum Ecclesiasticum, tabernario vel negotiatori, aut cuilibet laico, vel feminæ, in vadimonium dare. quia tanta est sanctitas sacri ministerij, vt salua altioris mysterij intelligentia, etiam per prophetam Dominus prohibuerit, ne cum sanctis vestimentis sacerdos procedat ad populum, sed intra sancta illa dimittat ad eum à colloquio diuino rediens. Et cui in tabernas ad bibendum à sacris canonibus ingredi prohibetur, sanctificata sacro ministerio nec ad contingendum immundis, quanto minùs in vadimonium, exhibere debet? sicut Stephanus sanctus Papa & martyr ad sanctum Hilarium in suis decretalibus docuit.

De pignori-
bus & alii
caut. c. i. ex
Cõc. Rem.

Ezech. 44.
19.

Epist. i.

XII. *Vt in Ecclesia sine consultu Episcopi nullus sepeliatur, & vt pro sepeliendis nihil exigatur.*

VT nemo presbyterorum quemquam in Ecclesia sepeliat sine consultu Episcopi, exceptis huiusmodi duntaxat personis, quas singillatim & priuatim in Synodo signauimus. nec pro sepeliendis quidam exenij exigat vel extorqueat. Si quid autem altari, vel Ecclesiæ, aut sibi gratis oblatum fuerit à deuotis quibuslibet, cum benignitate recipere non interdiciamus.

XIII. *Vt presbyteri à publicè peccantibus, vel à pœnitentibus, quo eis faueant, munera non accipiant.*

VT nemo presbyterorum exenium, vel quodcumque emolumentum temporale, immo detrimentum spiritale, à quocumque publicè peccante vel incestuoso accipiat, vt nobis vel ministris nostris peccatum illius reticeat: nec pro respectu cuiusque personæ, aut consanguinitatis, vel familiaritatis, alienis peccatis communicans, hoc nobis vel ministris innotescere detractet. nec à quocumque pœnitente aut gratiam, aut fauorem, aut munus suscipere præsumat, vt minùs dignè pœnitentem ad reconciliationem adducat, & ei testimonium reconciliationis ferat, & quocumque liuore alium quemlibet digniùs pœnitentem à reconciliatione remoueat. quia hoc Simoniacum & Deo & hominibus abominabile est.

De simonia
cap. 14. ex
Alexandro
111.

XIV. *Quomodo in conuiujs defunctorum aliarumve collectarum gerere se debeant.*

VT nullus presbyterorum ad anniuersariam diem, vel tricesimam tertiam, vel septimam alicuius defuncti, aut quacumque vocatione

D. XLIV.
Nullus pre-
sbyterorū

Vuuu iij

sunt, vel de panibus, quos deferunt fideles ad Ecclesiam, vel certe de suis, presbyter conuenienter partes incisas habeat in vase nitido & conuenienti, vt post Missarum solemniam, qui communicare non fuerunt parati, eulogias omni die Dominico, & in diebus festis, exinde accipiant. Et illa, vnde eulogias presbyter daturus est, antè in hæc verba benedicat, & sic accepturis distribuat, & micas ne incautè defluant custodiat: DOMINE sancte pater, omnipotens æterne Deus, benedicere digneris hunc panem tua sancta & spiritali benedictione, vt sit omnibus cum fide, & reuerentia, ac gratiarum tuarum actione sumentibus salus mentis & corporis, atque contra omnes morbos, & vniuersas cunctorum inimicorum insidias tutamentum. Per Dominum nostrum Iesum Christum filium tuum, panem vitæ, qui de cælo descendit, & dat vitam ac salutem mundo, & tecum viuit & regnat Deus in vnitæte Spiritus sancti, per omnia sæcula sæculorum. Amen.

VIII. *De Homiliis S. Gregorij, & de computo, cantuque Ecclesiastico.*

HOMILIAS quadraginta Gregorij quisque presbyter studiosè legat, & intelligat: & vt cognoscat se ad formam septuaginta duorum discipulorum in ministerio Ecclesiastico esse promotum, sermonem prædicti doctoris de septuaginta duobus discipulis à Domino ad prædicandum missis plenissimè discat, ac memoriæ tradat. Computo etiam necessario, & cantu per anni circulum, plenissimè instruat.

IX. *De matutinali officio, & Horis explendis: & post Missam quid agere presbyter debeat ante prandium.*

Iuo P. vi.
181. Ex C.
Nam. De
celebrat.
Missarum
c. 1. ex Aga-
thenfi.

MANE matutinali officio expleto, pensum seruitutis suæ canendo primam, tertiam, sextam, nonamque persoluat: ita tamen, vt postea horis competentibus, iuxta possibilitatem, aut à se, aut ab scholasticis publicè compleatur. Deinde peractis Missarum solemnibus, & festis infirmis visitatis, ad opus rurale, & quod sibi competit, exeat ieiunus: vt iterum necessitatibus peregrinorum hospitum, siue diuersorum commeantium, infirmorum quoque atque defunctorum, succurrere possit, vsque ad statutam horam pro qualitate temporis & opportunitate.

X. *De cura hospitum & peregrinorum.*

Iuo P. vi.
257. ex Cō-
cil. Nam-
netensi.

VT curam hospitum, maximè pauperum atque debiliū, orphanorum quoque atque peregrinorum habeat, hosque ad prandium suum quotidie iuxta possibilitatem conuocet, eisque hospitium competenter tribuat.

XVI. *De confratriis, earumque conuentibus, quomodo celebrari debeant.*

VT de collectis, quas geldonias vel confratrias vulgò vocant, sicut iam verbis monuimus, & nunc scriptis expressè præcipimus, tantum fiat, quantum ad auctoritatem & vtilitatem atque rationem pertinet. vltra autem nemo neque sacerdos, neque fidelis quisquam, in parochia nostra progredi audeat. Id est, in omni obsequio religionis coniungantur: videlicet in oblatione, in luminaribus, in oblationibus mutuis, in exequiis defunctorum, in eleemosynis, & ceteris pietatis officiis: ita vt qui candelam offerre voluerint, siue specialiter, siue generaliter, aut ante Missam, aut inter Missam antequàm Euangelium legatur, ad altare deferant. Oblationem autem, vnā tantummodò oblatam, & offertorium pro se suisque omnibus coniunctis & familiaribus offerat. Si plus de vino voluerit in butticula vel canna, aut plures oblatas, aut ante Missam aut post Missam presbytero vel ministro illius tribuat, vnde populus in eleemosyna & benedictione illius eulogias accipiat, vel presbyter supplementum aliquod habeat. Pastos autem & comessationes, quas diuina auctoritas vetat, vbi & grauedines, & indebitæ exactiones, & turpes ac inanes lætitiæ & rixæ, sæpè etiam, sicut experti sumus, vsque ad homicidia & odia & dissensiones accidere solent, adeo penitus interdiciamus, vt qui de cetero hoc agere præsumpserit, si presbyter fuerit, vel quilibet clericus, gradu priuetur, si laicus, vel femina, vsque ad satisfactionem separetur. Conuentus autem talium confratrum, si necesse fuerit vt simul conueniant, vt si fortè aliquis contra parem suum discordiam habuerit, quē reconciliari necesse sit, & sine conuentu presbyteri & ceterorum esse non possit, post peracta illa quæ Dei sunt, & Christianæ religioni conueniunt, & post debitas admonitiones, qui voluerint eulogias à presbytero accipiant, & panem tantum frangentes, singuli singulos biberes accipiant, & nihil ampliùs contingere præsumant, & sic vnusquisque ad sua cum benedictione Domini redeat.

XVII. *Vt defuncto presbytero nullus sine consensu Episcopi Ecclesiam illius aut Capellam appetat.*

VT si quilibet presbyterorum defunctus fuerit, vicinus presbyter apud seniore[m] sæcularem nulla precat[i]one, vel aliquo exen[i]o, Ecclesiam illam obtineat, quæ titulus per se constans antea extitit, sed neque Capellam, sine consensu nostro. Quod si fecerit, diffinitam sententiam sibi prolata[m] suscipiat, sicuti de Episcopo canonica decreuit auctoritas, vt qui per ambitionem maiorem ciuitatem adpetierit, & illam perdat quam tenuit, & illam nequaquam obtineat, quam vsurpare tentauit.

ex Namne-
tensi.

ad collectam presbyteri conuenerint, se inebriare præsumat, nec præcari in amore Sanctorum vel ipsius animæ bibere, aut alios ad bibendum cogere, vel se aliena precatione ingurgitare: nec plausus & risus inconditos, & fabulas inanes ibi referre aut cantare præsumat, nec turpia ioca cum uirgo vel tornatricibus ante se facere permittat. nec laruas dæmonum, quas vulgò talamascas dicunt, ibi anteferre consentiat. quia hoc diabolicum est, & à sacris canonibus prohibitum. Sed cum honestate & religione prandeat, & ad tempus ad suam Ecclesiam redeat. Summopere etiam quisque cauens, sicut de statu suo vult gaudere, ut non quacumque occasione, aut parem suum, aut alium quemlibet, ad iram & rixam vel contentionem, quanto magis ad pugnam vel ad cædem aliquo verbo irriter, seu prouocet, nec prouocatus ad hoc quisque profiliat. quia in talibus comessationibus & potationibus, sicut irreligiosi faciunt, semper se immiscet diabolus. Quando autem conuenerint presbyteri ad aliquod conuiuium, decanus, aut aliquis prior illorum, versum ante mensam incipiat, & cibum benedicat. & tunc secundum suum ordinem confedant, alter alterius honorem portantes. & per vicissitudines cibum & potum benedicant, & aliquis de illorum clericis aliquid de sancta lectione legat. & post refectionem similiter sanctum hymnum dicant, ad exemplum Domini & Saluatoris ac discipulorum eius, sicut illum in cœna fecisse legimus. Et sic se contineant omnes presbyteri in omni loco, maxime in talibus, ne sicut dicit Apostolus, vituperetur ministerium nostrum.

D. XLIV.
Quando
presbyteri.
ex Nam-
netensi.

Matt. 26. 10

1. Cor. 6. 3.

XV. *Quid cauendum sit presbyteris, quando per Kalendas inter se conueniunt.*

D. XLV.
Quando
presbyteri.
Ex Nam-
netensi.

UT quando presbyteri per Kalendas simul conuenerint, post peractum diuinum mysterium, & necessariam collationem, non quasi ad prandium ibi ad tabulam resideant, & per tales inconuenientes pastellos se inuicem grauent, quia inhonestum est, & onerosum. Sæpè enim tardè ad Ecclesias suas redeunt, maius damnum de reprehensione conquirunt, & de grauedine mutua contrahunt, quam lucrum ibi faciant. Nam de huiusmodi conuentu, qui sub religionis obtentu agebatur, Paulus Apostolus conuenienter reprehendit Corinthios, qui inconuenienter cœnam Dominicam manducare conueniebant. Sic & qui ad cœnam Dominicam, id est ad conlationem verbi sub occasione conueniunt, & ex veritate ventris causa coniunguntur, reprehensibiles & coram Deo & coram hominibus habentur. Et ideo peractis omnibus, qui voluerint, panem cum caritate & gratiarum actione in domo confratris sui simul cum fratribus suis frangant, & singulos biberes accipiant, maxime autem ultra tertiam vicem poculum ibi non contingant, & ad Ecclesias suas redeant.

1. Cor. 11. 10

XIII. *QUALITER* sit cooperta Ecclesia, aut si sit camerata, & ut ibi columbæ vel aliæ aues non nidificent, propter immunditiam, vel importunitatis inquietudinem.

XIV. *QVO* metallo habeant ibidem signa.

XV. Si atrium habeat munitum: aut si cellam propriam habeat iuxta Ecclesiam, aut si suspiciosa in circuitu ostiola sint.

XVI. *UT* ex decimis quatuor portiones fiant iuxta institutionem canonicam, & ipsæ sub testimonio duorum aut trium fidelium studiosè & diligenter diuidantur. & ut de duabus portionibus, Ecclesiæ & Episcopi, ratio reddatur per singulos annos, quid inde profecerit in Ecclesia.

XVII. *UT* matricularios habeat iuxta qualitatem loci, non bubulcos aut porcarios, sed debiles & pauperes, & de eodem dominio. Nisi fortè ipse presbyter habeat fratrem, aut aliquem propinquum debilem, aut pauperrimum, qui de eadem decima sustentetur. reliquos autem propinquos, si iuxta se habere voluerit, de sua portione vestiatur atque pascatur.

XVIII. *INVESTIGANDVM* similiter, si nihil patrimonij habens, quando prouectus est ad ordinem Ecclesiasticum, postea emerit prædia, cuius iuris sint. quoniam Ecclesiæ, ad quam de nihil habentibus promotus est, esse debent iuxta canonicæ auctoritatis decretum.

De peculio
clericorum
cap. i.
Iuo Pars.
iii. cap. 94.

XIX. *INQVIRENDVM*, si occasione huius præcedentis Capituli aliquis presbyterorum abhinc de redditibus Ecclesiæ, vel oblationibus ac votis fidelium, alieno nomine res comparauerit, & ibi structuras fecerit, vel quæ ad Ecclesiam pertinent ibi collocauerit, & mulierum frequentationem inibi fieri permiserit, vel, quod turpius est, tales mulieres ibi habuerit, quæ lanificium suum exerceant, & curam domus agant, & ad eadem loca presbyter incongruè recurrerit, frequentauerit, vel manserit. quoniam contra decreta canonum hoc malum agitur à quibus perpetratur. quia sicut nec suo, ita nec alieno nomine presbyter, vel quilibet sub regula, fœnus exercere debet, multo minùs autem fraudem facere de facultatibus Ecclesiasticis. quoniam hoc agere sacrilegum est, & par crimen Ananiæ & Saphiræ, atque Iudæ furis, qui sacras oblationes, quæ ad vsus fidelium ac pauperum mittebantur, asportabat & furabatur. Nam aliud est sine dispendio Ecclesiæ amicis vel parentibus pauperibus, aut quibuscumque necessarios, ex caritate cum mensura & ratione subuenire, vel adiutorium ferre, & aliud cum destructione Ecclesiæ, vel dissipatione facultatum Ecclesiasticarum, quasi furtim, immo furtim, quæ Ecclesiæ esse debuerant, & vsibus illius ac pauperum seu hospitum impendi, carnalium carnaliter vsibus sine diuino respectu inferuire. Et de nihil habentibus promotus presbyter non præsumat quæ de facultatibus Ecclesiæ comparauerit vendere, vel quasi

De peculio
clericorum
cap. 4.



II.

CAPITVLA QVIBVS DE REBVS MAGISTRI
& Decani per singulas Ecclesias inquirere, & Episcopo
renuntiare debeant.

*HÆC OMNI ANNO INVESTIGANDA SVNT
à magistris & decanis presbyteris per singulas matrices Ecclesias, & per
Capellas parochiæ nostræ, & nobis Kalendis Iuliis renuntianda. Simili-
ter etiam inuestigandum & renuntiandum est nobis, qualiter obseruentur
& custodiantur illa, quæ capitulatim obseruanda presbyteris dedimus.*

I. INQVIRENDVM in qua villa, aut cuiuslibet Sancti honore,
prætitulatus sit presbyter, vel à quo fuerit ordinatus.

II. SI habeat mansum habentem bunnaria duodecim, præter
cœmeterium, & cortem, vbi Ecclesia & domus ipsius continetur,
aut si habeat mancipia quatuor.

III. QVOT mansos habeat in sua parochia ingenuiles & serui-
les, aut accolas, vnde decimam accipiat.

IV. QVALIA sint indumenta altaris, quot noua & quot ve-
rusta, qualiter nitida. quo metallo sint capsæ & cruces coopertæ.
aut si diligenter reconditæ sunt reliquiæ in altari. si ipsæ capsæ seris
munitæ sunt.

V. QVOS & quot libros habeat, aut si bene sint recitati.

VI. QVALIA aut quot sacerdotalia vestimenta habeat, & qua-
liter sint nitida, aut in nitido loco collocentur.

VII. SI habeat locum præparatum, vbi effundi possit aqua
quando abluuntur vasa altaris, aut os vel manus post perceptionem
sacræ communionis. aut si ipse presbyter propriis manibus, aut dia-
conus, aut subdiaconus eius, lauet primò corporale.

VIII. QVO metallo sit calix & patena, aut qua diligentia cu-
stodiantur, aut si habeat pyxidem, vbi congruè possit recondi sacra
oblatio reseruanda ad viaticum infirmis.

IX. VT chrisma & oleum consecratum sub sera recondantur.

X. SI ipse presbyter visitet infirmos, & inungat oleo sancto,
& communicet per se, & non per quemlibet, & ille ipse communi-
cet populum, nec tradat communionem cuiquam laico ad deferen-
dum in domum suam causa cuiuslibet infirmi.

XI. SI habeat clericum, qui possit tenere scholam, aut legere
epistolam, aut canere valeat, prout necessarium sibi videtur.

XII. INVESTIGANDVM nihilominus de luminaribus Eccle-
siæ, aut quot cerarios habeat ipse Titulus.

XIII.

nis Imperatoribus est promulgata hoc modo, Quicumque clericatus vtuntur officio, extraneorum mulierum familiaritatem habere prohibentur: matrum, sororum, vel filiarum sibi solatia intra domum suam nouerint tantum esse concessa. Sed quia sub occasione istarum personarum aliae mulieres subintroduci coeperunt, sancti Africani canones decreuerunt, vt nec ipsi Episcopi, aut presbyteri, soli habeant accessum ad viduas, vel virgines, vel ad quascumque feminas: sed vbi aut clerici praesentes sint, aut graues aliqui Christiani. Vnde, sicut beatus Gregorius ad ministros Ecclesiae Romanae scripsit, beatus Augustinus nec cum sorore habitare consenserit dicens, Quae cum sorore mea sunt sorores meae non sunt. Et ex hoc dicit sanctus Gregorius, Docti ergo viri cautela magna nobis esse debet instructio. Nam inhonestae praesumptionis est, quod fortis pauet, minus validum non timere. Sapienter enim illicita superabit, qui didicerit etiam non vti concessis. Et hinc Christiani Imperatores legem decreuerunt dicentes, Presbyteris, & diaconis, & subdiaconis, & aliis in clero scriptis, non habentibus uxores, secundum diuinas regulas interdicimus & nos mulierem habere in sua domo, excepto matre & filia & sorore, & aliis personis, quae omnem querelam effugiunt. Si quis autem aduersus istam observationem mulierem in sua domo habuerit, quae potest suspicionem inferre turpitudinis, & ille à conclericis suis audierit, quod cum tali muliere non debeat habitare, & noluerit eam à sua domo repellere, vel accusatore emergente probatus fuerit inhonestè cum tali muliere versari, tunc Episcopus secundum Ecclesiasticos canones clero eum repellat, curiae ciuitatis cuius clericus est tradendum. Et vt sanctus Innocentius, & praedecessor eius Siricius scribunt, Si priscis temporibus de templo Dei sacerdotes anno vicis suae non discedebant, sicut de Zacharia legimus, nec domum suam omninò tangebant, quibus utique propter sobolis successionem uxoris vsus fuerat relaxatus, quia ex alia tribu, & praeter ex semine Aaron, ad sacerdotium nullus fuerat praecipuus accedere, quanto magis hi sacerdotes vel Leuitae pudicitiam seruare debent, quibus vel sacerdotium, vel ministerium sine successionem est, nec praeterit dies, quo vel à sacrificiis diuinis, vel à baptismatis officio vacent? Nam si Paulus etiam laicis scribit dicens, *Abstinete ad tempus, vt vacetis orationi*, quanto magis sacerdotes, quibus & orandi & sacrificandi iuge officium est, semper debebunt ab eiusmodi consortio abstinere? Qui si contaminatus fuerit à carnali concupiscentia, quo pudore vel sacrificare forsitan vsurpabit? aut qua conscientia, quove merito exaudiri se credit, cum dictum sit, *Omnia munda mundis, inquinatis autem & infidelibus nihil mundum*? Et ne quis dicat, si habito cum mulieribus, sufficit mihi conscientia mea, dicente Apostolo, *Gloria nostra haec est, testimonium conscientiae nostrae*, attendat quod item idem dicit Apostolus, per quem, vt ipse veraci-

Aniani In
terp. cod.
Theod. de
Episc. Eccl.
&c. l. 4.

Conc. Afr.
can. 5.

Gr. lib. vii.
Ind. 2. ep. 39

Nouella
Iustiniani
125. c. 29.

Inn. ep. 2.
ad Virg.
cium.

2. Cor. 1. 12.

Tit. 1. 15.

ad casam Dei tradere, nisi ad Ecclesiam cuius propriæ esse debent, sine consultu Episcopi.

XX. INQVIRENDVM, si de tabernis & de comessationibus, & de familiaritate indebita mulierum se custodiant presbyteri, sicut sæpissimè interdiximus & interdiciamus: quia ad contumeliam nostram laici me petunt, ut si euidenter cum testibus, quo negari non possit à quoquam, presbyterum in tabernis inuenerint, caballum & cappam inde eis habere liceat. Quapropter si abhinc presbyteri se de talibus non cauèrint, quia diuinum non timent iudicium, temporalem illis inueniemus contumeliam, & sæculare illorum incorrigibilitati adinueniemus detrimentum.

De illicito clericorum accessu ad feminas, & qua ratione de illo arguendi vel purgandi sint.

C6c. Trof-
leianum
cap. ix.

XXI. DE accessu autem, & frequentatione, ac cohabitatione clericorum cum feminis, unde secundum sacros canones in omnibus Synodis specialiter interdiximus, firmiter & expressè atque sollicitè à nobis & à comministris nostris est inquirendum. Sicut enim his qui Domini in carne aduentum præcesserunt, & his qui subsequuntur, pro temporum ratione sunt sacramenta disparia, ad religionem tamen vnius eiusdemque fidei & salutis recurrentia, & ut scriptum est, *Pertransibunt plurimi, & multiplex erit scientia*, per incrementa temporum, tam per seipsum, quam & per Angelos in veteri testamento, in nouo autem similiter per se, & per doctores catholicos & magistros Ecclesiæ, qui & attestante propheta Angeli nominantur, aucta est subtilitas & multiplicatio præceptorum. Per se quidem Dominus in paradiso Adæ, & post diluuium Noë & Abrahamæ de circumcissione dedit præcepta: legem autem per Angelos Moyfi mediatori inter se & populum, ut ostendit Apostolus. In nouo autem Testamento incarnatus per se dicens, *Audistis quia dictum, Diliges proximum tuum, & odio habebis inimicum tuum. Ego autem dico vobis, Diligite inimicos vestros. & Nisi abundauerit iustitia vestra plusquam Scribarum & Phariseorum, non intrabitis in regnum calorum. & Dictum est antiquis, Qui occiderit, reus erit iudicio. Ego autem dico vobis, quia omnis qui irascitur fratri suo, reus erit iudicio. Et per sanctos suos, de quibus dictum est, Non vos estis qui loquimini, sed Spiritus patris vestri qui loquitur in vobis*, per incrementa temporum virtutem castitatis excrecere, maximè autem apud ministros Ecclesiæ docuit, discernens hoc modo per mysticam Nicænam Synodum, Interdixit per omnia magna Synodus, non Episcopo, non presbytero, non diacono, nec alicui omnino qui in clero est, subintroducendam habere mulierem, nisi fortè matrem, aut sororem, aut amitam, vel eas tantum personas quæ suspiciones effugiunt.] Et inde lex à Christia-

Dan. 12. 4.

Matt. 5. 43.

Ibid. 20.

Ibid. 5. 21.

Matt. 10. 20.

Can. 3.

plinis, ita à vestra dilectione custodiri debere mandamus, vt si quis in illa commiserit, veniam sibi deinceps nouerit denegari.] Nam & beatus Augustinus suo Archiepiscopo de Abundantio presbytero suæ parochiæ ita scripsit, Quia cùm non ambularet vias seruo-
rum Dei, non bonam famam habere cœpit. Qua ego conterritus, Aug. ep. 236
non tamen temerè aliquid credens, sed planè sollicitior factus, operam dedi, si quo modo possem ad aliqua malæ conuersationis eius certa peruenire indicia. Ac primò comperi cum pecuniam cuiusdam rusticani de vino apud se commendato interuertisse, ita vt nullam inde posset probabilem rationem reddere. Deinde conuictus atque confessus est, cùm secum nullum clericum haberet, apud quandam malæ famæ mulierem, & prandisse, & cœnasse, & in vicina & in eadem domo mansisse. Nam quæ negauit Deo dimisi: quæ occultare permissus non est iudicaui.] Propterea, sicut S. Gregorius decreuit, per idoneos, vt præmisimus, testes sacramento inquiretur de malæ famæ presbytero. & qui proinde iurabunt, hoc modo singuli iurent, De hoc quod me interrogabis de isto presbytero, quid inde sciam, me sciente nec mendacium tibi dicam, nec veritatem reticebo, si me Deus adiuuet, & isti sancti Dei.] Post istud sacramentum, interrogari debet hoc modo, Sancti canones præcipiunt, vt presbyter talem accessum, & frequentationem, ac cohabitationem cum feminis non habeat, vnde mala suspicio, & inconueniens sacerdoti fama possit exire. Propterea dic mihi, si vidisti, aut pro certo scis talem accessum, vel frequentiam, aut cohabitationem feminas habere cum isto presbytero, vnde mala suspicio esse possit, & mala fama exire possit, in illo sacramento quod modò iurasti vt veritatem inde non reticeas, & mendacium inde non dicas.] Et exceptis accusatoribus, septem sint testes idonei, qui inde veritatem per sacramentum dicant, ex quibus sex iurent, & septimus, si conditio vel qualitas personæ permittit, ad iudicium exeat quòd illi ex veritate inde per sacramentum dixerunt: quia multi iam deprehensi apud nos habentur, quoniam pretio conducti se periurauerunt. Et si hoc modo presbyter conuictus fuerit de inconuenienti cohabitatione cum feminis, deponetur, sicut Zosimus Papa decreuit dicens, Sciat quisquis postposita patrum & Apostolicæ sedis auctoritate neglexerit, à nobis districtiùs iudicandum, vt loci sui minimè dubitet sibi non constare rationem, si hoc putat post tot prohibitiones impunè posse tentari. Contumeliæ enim studio fit, quicquid interdictum toties v-
surpatur.]

Epist. ad
Hefychium
cap. 2.

XXII. IN lege est statutum, quod & in Euangelio est confir-
matum, vt in ore duorum vel trium testium stet omne verbum. Et
Apostolus Timotheo præcipit, in cuius persona, vt Leo dicit, om-
nium Christi sacerdotum numerum erudiuit, vt accusatio aduersus
presbyterum non recipiatur, nisi sub duobus vel tribus testibus. Et

Matt. 18. 16

1. Tim. 5. 19

Rom. 12. 17

ter fatetur, loquitur Christus, *Providentes bona non solum coram Deo, sed etiam coram omnibus hominibus.* Et item præcipit, ut sine offensione omnibus simus, ne pereat in nostra conscientia frater, propter

1. Cor. 8. 12.

quem Christus mortuus est, sic inquit, *Peccantes in fratres, & percurientes conscientiam eorum infirmam, in Christum peccatis.* Et ideo repleti Spiritu sancto statuerunt sancti patres nostri, ut ministri altaris mulieribus non cohabitent, neque subintroducant secum mulieres, ne vel concupiscentia conscientiam suam vrant, vel consensu pessimo polluant, & ne vel mala suspicione infirmorum conscientias maculent. Proinde de concubitu presbyterorum cum feminis per parochianos vel vicinos cuiuscumque presbyteri inquirere non laborabimus. Abolita est quippe vetus hæresis, quæ cynica, id est canina, propter impudentiam fuerat appellata, dicens concubitum esse naturalem, & ob id agendum sine verecundia publicè, cum legamus primos homines mox post peccatum inobedientiæ sensisse concupiscentiam in membris genitalibus, & à mutuis conspectibus contextisse. Nam licet humanæ mentis cæcitas in operatione turpitudinis diuinis & Angelicis, atque sanctorum qui in cælis sunt, oculis abscondi non possit: tamen etiam quilibet rusticanus concumbens & cum propria coniuge, prout potest plurimorum deuitat adspectus: quanto magis presbyter, si sensum hominis habet, malum agens curabit abscondere, propter quod patefactum scit se non solum Ecclesiasticum gradum amittere, sed & sua quæ habet in sæculo perdere? Non igitur de hoc inuerecundè quæremus, quod & Apostolus non nudo, sed velato nomine loquens apud legitime

1. Cor. 7. 5.

coniugatos, studuit appellare dicens, *Iterum reuertimini in idipsum.* &

1. Theff. 4. 6.

Ne quis circumueniat in negotio fratrem suum. Tantummodò autem de accessu & frequentatione ac cohabitatione presbyterorum contra canonicum interdictum cum feminis per tales homines inquiremus, sicut sancti Africani canones iubent. id est, quos publicæ leges ad accusationem vel testimonium recipiunt, siue in mallo, siue in audientia. Et si quisque presbyter, non solum in nostra parochia, sed in nostra dicecesi confessus, vel legali ac regulari iudicio fuerit conuictus, de cohabitatione vel frequentatione, siue accessu cum feminis contra canones, modis omnibus, secundum decreta beati Gregorij, sine gradus sui restitutione deponetur, & iuxta capitulum

Leo epist.
Episcopis
per Campaniam.

magni Leonis Papæ, quod dicit, Hoc itaque admonitio nostra denuntiat, quòd si quis fratrum contra hæc constituta venire tentauerit, & prohibita fuerit ausus admittere, à suo se nouerit officio submouendum, nec communionis nostræ futurum esse consortem, qui socius noluit esse disciplinæ. Ne quid verò sit quod prætermisum fortè à nobis credatur, omnia decretalia constituta tam beatæ recordationis Innocentij, quàm omnium decessorum nostrorum, quæ de Ecclesiasticis ordinibus, & canonum promulgata sunt disci-

tatem ac sanationem cordium infirmorum, aut singulis, aut cum aliis duobus testibus, aut cum aliis sex testibus, seipsum sacramento à mala opinione purget. Et non est contrarium decreto Gregorij iunioris, si plures testes ad purgationem infamati presbyteri requirantur: quia scribens idem Pontifex ad Bonifacium Episcopum per Denualdum presbyterum dicit, vt si probari idoneis testibus presbyter infamatus nequiverit, sit iusiurandum in medio, & non diffiniuit, vtrum ipse solus, an cum aliis iuret.

XXV. Et quoniam, vt scriptum est, & in Angelis reperta est nequitia, & teste Malachia propheta, atque Ioanne Euangelista, sacerdotes Angeli appellantur, & experti sumus quosdam ad inuicem conspirasse, vt se mutuò in sua purgatione adiuuarent, sed reuera nocerent, sicut & presbyteri pleni iniqua cogitatione aduersus Sufannam conspirauerunt, non incongruè videtur, vt cum credibili Misso Episcopi, presbyteri qui in purgatione infamati sacerdotis, & vnà cum eo ad iusiurandum se obtulerint, talem examinationem per aduocatam infamati presbyteri recipiant, vt in sacramento se Deo non perdant, sicut quosdam hinc iam reuictos comperimus.

XXVI. QVIA vero, vt S. Augustinus dicit, noua morborum genera noua quærere cogunt medicamentorum experimenta, ac præfatis auctoritatibus instructi, non præiudicantes, si quæ sunt, sanius intelligentium sententiis, hoc modo agenda vidimus, quatenus & presbyteros à luxuriæ charybdis præcipitio reuocare, & toties repetitam canonum prohibitionem à præuaricantibus quoquo modo possimus euindicare, & nos de dissoluta correptione non iudicemur, sicut Heli sacerdos damnatus est, quia filios suos segnius ac lenius quàm debuerit corripuerat, & ipsi filij eius perierunt. quia, vt Leo dicit, Inferiorum ordinum culpæ ad nullos magis referendæ Decr. c. 14. sunt, quàm ad desides negligentisque rectores, qui multam sæpè nutriunt pestilentiam, dum necessariam dissimulant adhibere medicinam.] Et sanctus Gregorius dicit, Qui non corrigit resecanda, committit.] & item Leo scribens ad Ianuarium Episcopum singulis nobis dicit, Non autem dubitet dilectio tua, nos si, quod non Ibid. c. 14. arbitramur, neglecta fuerint quæ pro custodia canonum & pro fidei integritate decernimus, vehementius commouendos. quia vt Hilarus Papa dicit, Non minùs in sanctarum traditionum delinquitur sanctiones, quàm in ipsius Domini iniuriam profilitur. Qualiter autem his agendum sit, qui per contemptum in sanctarum traditionum sanctiones delinquunt, vel in ipsius Domini iniuriam profiliunt, sanctus Leo ad Rusticum Episcopum decernit, Huiusmodi Decr. c. 16. inquiring lapsis ad promerendam misericordiam Dei priuata est expectanda secessio, vbi illis satisfactio, si fuerit digna, sit etiam fructuosa. A qua distractionis regula, sancto Spiritu promulgata, non licet nobis quacumque pietate indebita declinare: quia etsi debetur

Can. 1. sacrum Nicænum Concilium neophytum Episcopum, à duobus vel
 Dan. 19. tribus testibus redargutum, à clero abstinere præcepit. Sed quia in
 3. Reg. 21. historia Sufannæ duos testes, qui idonei populis videbantur, & in
 Matth. 26. historia Nabuthæ, verum & in historia passionis Domini, duos te-
 60. stes dixisse falsum testimonium legimus. quoniam Christus Dei vir-
 Prou. 8. 15. tus & Dei sapientia dicit, *Per me conditores legum iusta decernunt.* &
 sanctus Gregorius frequenter in epistolis suis causam ministrorum
 Ecclesiasticorum legaliter & regulariter præcipit definiri: & sanctus
 1. Cor. 5. 11. Augustinus exponens sententiam Apostoli, *Si quis frater nominatur
 fornicator, & cetera*, dicit, Noluit Apostolus hominem ab homine
 iudicari ex arbitrio suspicionis, vel etiam extraordinario usurpato
 iudicio: sed potius ex lege Dei secundum ordinem Ecclesiæ, siue
 ultro confessum, siue accusatum atque conuictum, eam nominatio-
 nem volens intelligi, quæ sit in quemquam cum sententia ordine iu-
 diciario, & quæ cum integritate profertur. Nam si nominatio sola
 sufficit, multi damnandi sunt innocentes, quia sæpè falsò in quem-
 quam crimen nominatur. In accusatione presbyterorum de nume-
 ro testium idoneorum auctoritatem legum sequendam vidimus, ut
 septem testes, ut supra diximus, idonei requirantur: & si ratio vel
 causa coegerit, quatuordecim vel viginti & unus testes quærantur,
 ut veritas patefacta monstretur.

2. q. 5. Si mala fama. XXIII. SI autem mala fama ex verisimilitudine per paro-
 chiam de presbytero exierit, & accusatores atque testes legales de-
 fuerint, ne infirmorum corda de mala fama presbyteri percutiantur,
 & ne vituperetur ministerium nostrum, nève securiores presbyteri
 existentes licentiùs in peccatum labantur, secundum decretum Gre-
 gorij iunioris sit iusiurandum in medio, & habeat malæ famæ pre-
 sbyter in sacramento purgationis suæ eum testem, quem habebit &
 iudicem.

AG. 11. 12. Can. XX. XXIV. ET quoniam legimus in epistolis beati Gregorij, sæ-
 pè infamatum sacerdotem in purgatione suæ famæ tantum iusu-
 randum præbuisse, & legalis atque Apostolica & canonica aucto-
 ritas trium testium testimonium recipit ad condemnationem, non
 ab re videtur si recipiatur ad purgationem. In historia quoque sa-
 cra, & in epistola beati Gregorij, legimus beatum Petrum Aposto-
 lorum principem, cum à fidelibus reprehensus fuerit cur ad genti-
 les intrasset, humili eos ratione placasse, atque in causa reprehensio-
 nis suæ etiam testes adhibuisse dicens, *Venerunt autem mecum & sex
 fratres isti.* Et Carthaginenses canones decernunt, ut si presbyteri vel
 diaconi fuerint accusati, adiuncto sibi ex vicinis locis proprius Epi-
 scopus legitimo numero collegarum, id est vnà secum in presbyteri
 nomine sex, in diaconi tres, auctoritati conuenire ducimus, ut si
 presbyter infamatus fuerit, & accusatores vel testes idonei defuerint,
 secundum qualitatem ac quantitatem causæ atque personæ, & utili-

debet sine ultione transire, supradictū fratrem nostrum Pascasium admonere te volumus, ut Hilarium prius subdiaconi, quo indignus fungitur, priuet officio, atque verberibus publicè castigatum faciat in exilium deportari, ut vnius pœna multorum possit esse correctio.] Et ad Columbum Episcopum, Peruenit ad nos, quòd Donadeus diaconus pro corporali fuisset peccato depositus. Dilectio vestra subtili hoc inquisitione perquirat: & si ita est, in pœnitentia retrudendus est, ut commissi flagitij vinculum lacrymis possit absolvere.] Et ad Sabinianum Episcopum, Presbyterum, inquit, de quo nos fraternitas tua latoris præsentium relatione consuluit, nulla ratione in sacro ordine post lapsum, aut permanere, aut reuocari posse cognoscas. Circa quem tamen mitius agendum est, propter quod commissum facinus facili dicitur professione confessus.] Et ad Ioannem Archiepiscopum, Quæ aduersus Lucillum Melitanæ ciuitatis Episcopum querela commota sit, in gestorum quæ ad nos direxistis pagina declaratum est. Et ideo quia tanti facinoris ultio nulla debet dilatione differri, fraternitas vestra tres aut quatuor de fratribus ac consacerdotibus sibi nostris adhibeat, ut ipsis quoque præsentibus patefacta ac satisfacta veritate, prædictum Lucillum de Episcopatus ordine, quem huius sceleris contagio maculauit, studeat sine ambiguitate deponere.] Quia igitur in regula pastoralis S. Gregorius, legis exponens sententiam, monstrat non debere eum accedere ad ministerium Dei, nec offerre Deo suo panes, qui paruo, vel grandi, aut torto est naso, id est, qui ad tenendam mensuram discretionis idoneus non est, vel qui subtilitate immoderata rectitudinem suæ actionis confundit, in pœnitentia vel degradatione lapsorum ex gradibus Ecclesiasticis, secundum traditionem catholicam & Ecclesiæ magistrorum, nobis est tenenda discretio. Ait enim beatus Gregorius, Nonnumquam à reatu adulterij nequaquam discrepat culpa fornicationis, cum veritas dicat, *Qui viderit mulierem ad concupiscendum eam, iam mœchatus est eam in corde suo.* Quia enim Græco verbo mœchus adulter dicitur, cum non aliena coniunx, sed mulier videri prohibetur, aperte veritas ostendit quia & solo visu, cum turpiter vel innupta concupiscitur, adulterium perpetratur. Quod tamen plerumque ex loco vel ordine concupiscentis discernitur: quia sicut hunc in sacro ordine studiosa concupiscentia, sic illum adulterij inquinat culpa. In personis tamen non dissimilibus idem luxuriæ distinguitur reatus, in quibus fornicationis culpa, qua ab adulterij reatu discernitur, prædicatoris lingua testatur, quæ inter cetera asserit dicens, *Neque fornicarij, neque idolis seruientes, neque adulteri regnum Dei possidebunt.* Quod enim disiunctæ reatui sententiæ subdidit, quoniam valdè à se dissideat ostendit.] Et item idem dicit, Scimus quia aliquando minus est in corporis corruptionem cadere, quàm cogitatione tacita ex deliberata elatione peccare. Sed cum minus turpis superbia creditur, minus vitatur: luxuriam verò eo ma-

Lib. x.
epist. viii.Lib. vii.
epist. xxi.Lib. vii.
Ind. ii.
epist. lxxi.Moral. xxi.
cap. ix.
Matt. 5. 28.

1. Cor. 6. 9.

compassio proximis, rectitudo tamen debetur vitiis. Vnde sacra scriptura simplicitati rectitudinem semper coniungit: quia simplicitas sine rectitudine fatuitas est. Simplicitas igitur erga vitia, sicut catholici doctores dicunt, dissoluta & stulta est: & rectitudo erga proximos, sine pietatis simplicitate, austera existit & dura.

Ab isto loco vsque ad finem istius Capituli non est datum presbyteris.

Quòd de crimine confessi vel conuicti meritò sint à gradu Ecclesiastico deponendi.

2. Tim. 6. 10

1. Tim. 4. 5

Decret. 6. 1

Decret. 6. 18

Lib. ix.
epist. 66.

ET ne quidam, contra Apostolum delectantes, non solum vocum, sed & constitutionum ac factorum nouitate, qui vt audiuius dicunt, non debere presbyterum vel diaconem de crimine confesum siue conuictum deponere, sed tantum suspendere, quia sic possunt confessionem & pœnitentiam, sicut & alij homines, facere, nos dicant cum Nouatianis pœnitentiam quibuscumque denegare, quæ cum orthodoxis doctoribus de pœnitentia & degradatione Ecclesiasticorum ministrorum sentimus, eorum sensibus & verbis dicemus. Ipsi autem, iuxta Apostolum, sanam doctrinam non sustinentes, habentes speciem quidem pietatis, virtutem autem eius abnegantes, quia vt S. Ambrosius in explanatione psalmi *Beati immaculati*, & beatus Cælestinus Papa scribens ad Nestorium dicunt, Est pietas ex qua nascitur frequenter impietas, viderint qualiter se à laqueo liberent, quo se innectunt, ponentes in cælum os suum, & loquentes aduersus sacros canones, vt Leo dicit, spiritu Dei conditos, & totius mundi reuerentia consecratos, qui sequentes Apostolicam doctrinam dicunt in crimine detectos non oportere ad Ecclesiasticum gradum accedere, vel in clericatu manere, vel ad clericatum redire. Vnde magnus Leo maximo rugitu de vrbe Roma, orbis scilicet capite, per totum mundum intonat, decernens vt Episcopi à præstitutis canonibus nulla aut negligentia aut præsumptione discedant, & si quis sacerdotum contra constituta venire tentauerit, & prohibita fuerit ausus admittere, à suo se nouerit officio submouendum. Et Hilarus Papa dicit, quia non minus in sanctarum traditionum sanctiones delinquitur, quàm in ipsius Domini iniuriam profilitur.] Et Gelasius, Comperimus, inquit, nonnullos in ipsis ordinibus constitutos grauib. facinoribus non repelli, cum & Apostolus clamer nemini citò manus imponendas, neque communicandum peccatis alienis: & maiorum veneranda constituta pronuntient huiusmodi, etiam si fortè subreperint, tam qui antè peccauerunt detectos oportere depelli, quàm sacræ professionis oblitos præuaricatorésque sancti propositi proculdubio submouendos.] Et sanctus Gregorius ad Anthemium subdiaconum, Quia tantæ nequitie malum digna non debet

tamen ad poenitentiam inuitauit : sicut fornicatorem arguit Paulus, quem tradidit Satanæ, vt spiritus saluus fieret in die Domini. Vnde sapientis verba clauis atque stimulis comparantur, dicente Salomone, *Verba sapientiæ quasi stimuli, & quasi clauis in altum defixi.* quia culpas delinquentium nesciunt palpare, sed pungere. Sed in ipsa correptione vel coërcitione alienorum peccatorum, sicut beatus Augustinus dicit, cauendum est, ne se extollat qui alterum corripit, & qui se putat stare, videat ne cadat. Foris terribiliter personet increpatio, intus benignitatis teneatur dilectio: Neque enim consentientes simus malis, vt approbemus: neque negligentes, vt non arguamus: neque superbientes, vt insultantes arguamus, sicut satis beatus Gregorius in regula pastoralis nobis ostendit. Lapsos autem in ordine Ecclesiastico, sed non detectos, iudicio Dei committimus, cuius misericordiæ, vt Leo dicit, nec mensuras possumus ponere, nec tempora diffinire, apud quem nullas patitur veniæ moras vera confessio, dicente Dei spiritu per Prophetam, *Cum ingemueris, tunc saluus eris,* & alibi, *Dic iniquitates tuas prior vt iustificeris.* quia apud Dominum misericordia est, & copiosa apud eum redemptio. & Apostolus, *Si nosmetipsos diiudicemus, non utique indicemur.* Vnde doctores catholici, Eo tunc Dominus saluator inuenitur, quo nunc præ timore Domini peccatum nostrum à nobismetipsis redarguitur. Vnde electi quique culpis suis nunquam sciunt parcere, vt possint culparum iudicem placatum inuenire. & verè cum postmodum inuenire saluatorem credunt, quem districtè modò iudicem metuunt. Nam qui sibi nunc in culpa parcat, ei postmodum in pœna non parcat. Culpas nunc singulorum Deus enumerat, cum nos ipsos ad singula quæ fecimus deflenda exponit. quas misericorditer relaxat, quia ea dum nos punimus, ipse nequaquam in extremo examine iudicat. Neque enim piè Dominus ante diligentium oculos flenda peccata opponeret, si per semetipsum ea districtè ferire voluisset. Constat enim quia à suo iudicio abscondere voluit, quos miserando præueniens sibimetipsis iudices fecit. Hinc enim scriptum est, *Præueniamus faciem eius in confessione.* & *Si nosmetipsos diiudicemus, non utique diiudicemur.* Quæ diiudicatione maiorem in se quisque seueritatem debet exerere, quo se recognoscit grauius deliquisse, vt à seipso iudicatus non iudicetur à Domino. Quæ actio poenitiæ tunc erit perfecta, & Deo acceptabilis, si ascenderit homo aduersum se tribunal mentis suæ, & constituerit se ante faciem suam, ne hoc ei postea fiat, sicut comminatur Deus peccatori, *Arguam te, & statuam contra faciem tuam.* atque ita constituto in corde iudicio, adsit accusatrix cogitatio, testis conscientia, iudex ratio, carnifex timor. Dehinc dolore torquente sanguis animæ confitentis per lacrymas profluat. & quo sollicitius suam quisque conscientiam discutendo examinat, eo latiores ex intimo cordis fonte lacrymarum

Eccles. 12.
xx.Epist. ad
Theodoru.

1. Cor. 11. 31

Psal. 49. 2.
1. Cor. 11. 31

Psal. 49. 21.

gis erubescunt homines, quo simul omnes turpem nouerunt. Vnde fit plerumque, ut nonnulli per superbiam in luxuriam corrumpentes experto casu malum culpæ labentis erubescant: & tunc etiam maiora corrigant, cum prostrati in minimis confunduntur. Reos enim se inter minora conspiciunt, qui se liberos inter grauiora crediderunt. Pia ergo Domini dispensatione laxatos nonnumquam malignus spiritus de culpa ad culpam trahit, & dum plus percutit, inde eum quem ceperat amittit, atque vnde vicisse cernitur, inde superatur. Ad hoc enim in scriptura sacra virorum talium, id est David & Petri, peccata sunt indita, ut cautela minorum sit ruina maiorum. Ad hoc verò utrorumque illic & pœnitentia insinuatur, & venia, ut spes pereuntium sit recuperatio perditorum. De statu ergo suo David cadente nemo superbiat: de lapsu etiam suo David surgente nemo desperet. Et sanctus Augustinus, Ut enim constitueretur in Ecclesia, ne quisquam post alicuius criminis pœnitentiam clericatum accipiat, vel ad clericatum redeat, vel in clericatu maneat, non desperatione indulgentiæ, sed rigore factum est disciplinæ. Alioquin contra clauas datas Ecclesiæ disputabitur, de quibus dictum est, *Quæ solueritis in terra, erunt soluta & in celo.* Sed ne forsitan etiam detectis criminibus spe honoris Ecclesiastici animus intumescens superbè ageret pœnitentiam, seuerissimè placuit, ut post actam de crimine damnabili pœnitentiam nemo sit clericus, ut desperatione temporalis altitudinis medicina maior & verior esset humilitatis. Nam & sanctus David de criminibus mortiferis egit pœnitentiam, & tamen in honore suo perstitit: & B. Petrum, quando amarissimè lacrymas fudit, utique Dominum negasse pœnituit, & tamen Apostolus mansit. Sed non ideo superuacua putanda est posterior diligentia, quia ubi saluti nihil detrahebatur, humilitati aliquid addiderunt, quo salus tutius muniretur. experti credo aliquorum fictas pœnitentias per affectatas honorum potentias. Cogunt enim multas inuenire medicinas multorum experimenta morborum. Detecti ergo, siue confessione sua, siue conuictione legali ac regulari, de criminibus ad gradus Ecclesiasticos non accedant, & in gradibus Ecclesiasticis non maneant, vel ad Ecclesiasticos gradus non redeant, sicut sacri canones & decreta sedis Romanæ Pontificum aperte atque expressè decernunt. Hoc enim nos admonens Apostolus ait, *Nolite communicare operibus infructuosis tenebrarum.* Et quia, inquit sanctus Augustinus, parum erat non consentire, id est non communicare, si sequeretur negligentia disciplinæ, *Magis*, inquit, *& redarguite.* Quid est, *nolite communicare*? nolite consentire, nolite approbare. Quid est, *magis & redarguite*? reprehendite, corripite, coercete. Sicut item idem dicit Apostolus, *Peccantes coram omnibus argue, ut ceteri metum habeant.* Sicut arguit Petrus Ananiam & Saphiram, ut ceteri metum haberent: sicut damnauit Simonem, quem

Epist. 50.

Matt. 18. 18

Ephes. 5. 11.

1. Tim. 5. 20

enim, *Docebo iniquos vias tuas, & impij ad te conuertentur.* Dum, inquit, peccata sua prospexit propheta mundata per pœnitentiam, non dubitauit prædicando curare aliena, & sacrificium de semetipso offerre Deo studuit cùm dicebat, *Sacrificium Deo spiritus contribulatus,* & reliqua, quæ deuotus ac studiosus lector suo loco inuenire valebit. Et item alibi, Sed pœnitentiam agere dignè non possumus, nisi modum quoque eiusdem pœnitentiæ cognoscamus. Pœnitentiam quippe agere est, & perpetrata mala plangere, & plangenda non perpetrare. Nam qui sic alia deplorat, vt tamen alia committat, adhuc pœnitentiam agere aut ignorat, aut dissimulat. Quid enim prodest, si peccata quis luxuriæ desleat, & tamen adhuc auaritiæ æstibus anhelat? aut quid prodest, si iræ culpas iam lugeat, & tamen adhuc inuidiæ facibus tabescat? Vnde necesse est, vt qui peccata deplorat, ploranda minimè committat, & qui plangit vitia, perpetrare vitia timeat. Et si quis in fornicationis culpa, vel fortasse, quod est grauius, in adultetio, vel in incestu, vel in eo quod turpe est etiam dicere lapsus est, tanto à se licita debet abscidere, quanto se meminit & illicita perpetrasse. attendens consilium beati Ioannis Baptistæ dicentis, *Facite fructus dignos pœnitentiæ.* Qua sententia vniuscuiusque Luc. 3. 8. conuenitur conscientia, vt tanto maiora quærat bonorum operum lucra per pœnitentiam, quanto grauius sibi intulit damna per culpam: & singula quæque admissa consideret, & dum per vnumquodque erroris sui iniquationem deslet, simulque ac totum lacrymis mundet. Vnde bene per prophetam Hieremiam dicitur, cùm Iudæ singula delicta censerentur, *Diuisiones aquarum deduxit oculus meus.* Thr. 3. 48. Diuisam quippe ex oculis aquam deducimus, quando peccatis singulis dispertitas lacrymas damus. Neque enim vno eodèmq; tempore æquè mens de omnibus dolet: sed dum nunc huius, nunc illius culpæ memoria acrius tangitur, simul de omnibus in singulis commota purgatur. Sic nimirum erga lapsos atque detectos, cum catholicæ & Apostolicæ Ecclesiæ doctrina, sacrorum canonum seueritatis censuram sequimur. Sic de lapsis, sed non detectis, & peccata sua perfectè lugentibus, cum Ecclesia catholica de omnipotentissima Domini benignitate sentimus. quia nullum peccatum est, vt dicit Gelasius, pro quo aut non oret Ecclesia remittendum, aut quod data sibi diuinitus potestate desistentibus ab eodem non possit absolueri, vel pœnitentibus relaxare, cui dicitur, *Quacumque dimiseritis* Ioan. 20. 13. *super terram, dimissa erunt & in calis: & quacumque solueritis super terram, soluta erunt & in calis.* Matt. 18. 18. In quibuscumque omnia sunt, quantacumque sint, & qualiacumque sint. Sic Euangelicas sententias inter se non discordare intelligimus, quibus dicitur, *A fructibus eorum cognoscetis eos.* Matt. 7. 16. De quibus malæ operationis fructibus, id est de manifestis peccatis, sicuti sunt stupra, vel blasphemix, vel furta, vel ebrietas, & si quæ sunt alia, nobis iudicare præcipitur. Cùm autem dicitur

fluuios fundat : & quotidiano baptismo , lacrymis suæ compun-
tionis ab omnium vitiorum , non solum criminalium , sed & quo-
tidianorum subripiendum contagione purgetur , iuxta eum qui dicit ,
Psal. 67. *Lauabo per singulas noctes lectum meum , lacrymis stratum meum rigabo.*
quia vita nostra indigna non iudicatur , quæ lacrymis lauatur. Vn-
de quia post baptismum inquinauimus vitam , & iterum baptismi
aquis lauari non possumus , conscientiam nostram lacrymis bapti-
zemus , & renouemur spiritu mentis nostræ de die in diem. Nescit
enim mens per corpus veterescere , quæ studet per desiderium sem-
per inchoare. Hinc namque per Paulum dicitur , *Renouamini spiritu*
Ephes. 4. 32 *mentis vestræ.* Hinc Psalmista , qui ad perfectionis iam culmen per-
uenerat , quasi inchoans dicebat , *Dixi nunc cæpi.* quia videlicet si las-
Prou. 8. 15. *cescere ab inchoatis bonis nolumus , necesse est ut inchoare nos*
quotidie credamus. A feruore etenim mentis , vel inter spirituales
inimicos , vel inter carnales quosque proximos , ipso aliquo mo-
do viuendi usu veterescimus , & assumptæ nouitatis specie fu-
scamur. A qua tamen vetustate quotidie , si studia circumspectio-
nis inuigilent , orando , legendo , bene viuendo renouamur : quia
vita nostra , dum lacrymis lauatur , bonis operibus exercetur , sanctis
meditationibus tenditur , ad nouitatem suam sine cessatione repa-
tur. quia peccata , siue parua , siue magna , impunita esse non pos-
sunt : quoniam aut homine pœnitente , aut Deo iudicante plectun-
tur. cessat autem vindicta diuina , si conuersio præcurrat humana.
Amat enim Deus confitentibus parcere , & eos qui semetipsos iudi-
cant non iudicare. Et sanctus Gregorius , quod & prædecessor eius
sanctus Callistus scripserat , de lapsis in ordine Ecclesiastico , sed non
detectis , interroganti se respondit , Nos inquires præcedentes nobis
patres sequimur , qui auctore Deo sacra doctrina illorum non dis-
cordamus. A capite itaque incipientes , vsque in quartum altaris mi-
nisterium , hanc formam seruandam cognoscimus , ut quia minorem
maior præcedit , sicut honore ita & crimine , & quem maior sequi-
tur culpa , maior importetur vindicta , & post pœnitentiam credatur
esse fructuosa. Quid enim prodest triticum seminare , & fructum il-
lius non colligere ? Post dignam satisfactionem credimus posse redi-
re ad honorem , propheta dicente , *Numquid qui cadit non adiuciet ut*
Psal. 40. 9. *resurgat , & qui auersus est non reuertetur ?* Idem Propheta ait , *In qua-*
Psal. 50. 11. *cumque die conuersus ingemueris , tunc saluaberis.* Vnde & Psalmista ait ,
Cor mundum crea in me Deus , & spiritum rectum innoua in visceribus meis.
Ne proicias me à facie tua , & spiritum sanctum tuum ne auferas à me. Dum
enim petiit ne à Deo proiceretur prolapsus culpa , alienam rex &
propheta simul rapuisse uxorem tremefactus expauit , propheta in-
dicante flagitium suum : & pœnitentiam agens addidit , *Redde mihi*
Ibid. 13. *letitiam salutaris tui , & spiritu principali confirma me.* Si enim se dignum
Deo per pœnitentiam non fecisset , nequaquam aliis prædicaret. Ait

coram ministris venit, vel quando ad impositionem manus nostræ peruenit. Et semper de Kalendis in Kalendis mensium, quando presbyteri de Decaniis simul conueniunt, conlationem de pœnitentibus suis habeant, qualiter vnusquisque suam pœnitentiam faciat, & nobis per comministrum nostrum renuntietur, vt in actione pœnitentiæ pensare valeamus, quando quisque pœnitens reconciliari debeat, Et si fortè quis ad pœnitentiam venire noluerit infra quindecim dies post perpetrationem peccati, & exhortationem presbyteri in cuius parochia actum fuerit, & sedulitatem decani ac compresbyterorum suorum, atque instantiam comministrorum nostrorum, discernatur qualiter qui peccatum perpetravit, & ad pœnitentiam redire contemnit, à cœtu Ecclesiæ, donec ad pœnitentiam redeat, segregetur. Et sciat quisque presbyter, quia si per alium nobis cognitum fuerit quod in sua parochia admittatur, & tardius ad nostram notitiam perlatum fuerit, tantos dies à ministerio suspensus in pane & aqua excommunicatus morabitur, quantos dies nostram vel comministrorum nostrorum notitiam ipsa actio, sine illius suggestionem, & debita ac iussa commonitione, supertransierit: & in cuius negligentia peccator publicus non commonitus post tantos dies sicut præfiximus obierit, sciat se quisque presbyter gradum amissurum. Hoc tamen omnimodis ab omnibus caueatur, vt nemo pœnitens, & cum deuotione petens, vltima pœnitentia vel vltimo viatico defraudetur: ea conuenientia, vt si conualuerit, secundum Ecclesiasticas regulas pœnitentiam agat, & reconciliationem, quantum Deus sibi concesserit, in ordine pœnitentium expetat & expectet.

II. *Vt pro loco sepulture nihil exigatur, & locum hereditario iure nemo sibi arroget, sed à presbytero accipiat. & de sepulcris non violandis.*

VT pro loco sepulture, sicut sacra & canonica sanxit auctoritas, nemo à quocumque quiddam exenij exigat. Si autem aliquid quisquam gratis offerre voluerit, post sepultum cari sui vel caræ suæ corpus, hoc suscipi non vetamus. Et nemo Christianorum præsumat, quasi hereditario iure, de sepultura contendere: sed in sacerdotis prouidentia sit, vt parochiani sui, secundum Christianam deuotionem, in locis quibus viderit sepeliantur. Ipse tamen sacerdos, memor ordinis sui, prouideat & congruam cuique sepulturam, & ne scandalum, quantum vitari potest, fiat suis parochianis. Et prouideat, sicut de ministerio suo & coram Deo & coram sæculo vult gaudere, vt nullius Christiani corpus de sepulcro suo eiiciatur, & nec sepulcra confringantur, vel caminata sicut solent inde fiant. quia sicut crudele est quemquam de domo sua expellere, & misericordiæ opus est, egenum & vagum iuxta dominicum dictum in domum re-

Matt. 7. 1.

1. Cor. 4. 5.

tur, Nolite indicare & non indicabimini, nolite condemnare & non condemnabimini. & Nolite ante tempus iudicare, quoadusque veniat Dominus, & inluminet abscondita tenebrarum, & manifestet consilia cordis, de illis factis dictum intelligimus, quæ dubium est quo animo fiant, vel quæ facta nos latent. Et sicut Evangelicæ sententiæ inter se non discordant, ita nec Apostolica sedes est sibi ipsa diuersa, siue aduersa, quæ secundum sacros canones de manifestis peccatis confessos, siue conuictos, à gradu Ecclesiastico iubet deponi, & non publicè confessos, vel legaliter ac regulariter conuictos, damnari vel degradari nulla ratione permittit.



III.

CAPITVLA ANNO DVODECIMO

EPISCOPATVS SVPERADDITA.

HÆC CAPITVLA ANNO XII. EPISCOPATVS nostri, IV. Idus Iunias, aliis Capitulis, quæ iam confacerdotibus nostris dederamus, auctoritatem patrum sequentes superaddidimus, & fratribus ac confacerdotibus nostris obseruanda tradidimus.

CAP. I. *Quòd presbyteri curare debeant, vt publici peccatores pœnitentiam accipiant, & Episcopo referre quomodo illam agant. De pœna eorum qui ad pœnitentiam venire contemnunt, & presbyterorum, qui peccatores non indicant. & quòd vltima pœnitentia nulli neganda sit.*



V vnusquisque sacerdos maximam prouidentiam habeat, quatenus, si fortè in parochia sua publicum homicidium, aut adulterium, siue periurium, vel quodcumque criminale peccatum publicè perpetratum fuerit, statim, si auctorem facti vel consentientem adire potuerit, hortetur eum quatenus ad pœnitentiam veniat coram decano & compresbyteris suis, & quicquid ipsi inde inuenerint vel egerint, hoc comministris nostris, magistris suis, quia ciuitate consistunt, innotescat: vt infra quindecim dies ad nostram præsentiam publicus peccator, si intra parochiam nostram fuerimus, veniat, & iuxta traditionem canonicam publicam pœnitentiam cum manus impositione accipiat: & si longiùs à parochia nostra fuerimus, annus & dies Kalendarum subtiliter describatur, quando peccatum publicum quisque admisit, & quando ad pœnitentiam

parochiis in nostram parochiam veniunt, & regulariter à nobis suscipiuntur, vel qui vacantes Ecclesiis vacantibus incardinantur, vel causa regulis conueniente, secundum easdem regulas de Ecclesiis ad alias Ecclesias transferuntur: de canonum transgressoribus iidem canones sacri decernunt, vt in illa Ecclesia tantummodò quique ministrent, in qua prius ordinati fuerunt: si verò iam quis translatus est ex alia in aliam Ecclesiam, prioris Ecclesiæ rebus in nullo communicent. eos verò qui ausi fuerint, post diffinitionem magnæ & vniuersalis huius Synodi, quicquam ex his quæ sunt prohibita perpetrare, decreuit sancta Synodus à proprio huiusmodi gradu recedere.]

Et sanctus Leo Papa sedis Romanæ hinc ad Aquileiensem Archiepiscopum scripsit dicens, Illam partem Ecclesiasticæ disciplinæ, qua olim à sanctis patribus & à nobis sæpè decretum est, vt nec in presbyteratus gradu, nec in diaconatus ordine, nec in subsequenti ordine clericorum, ab Ecclesia ad Ecclesiam cuiquam transire sit liberum, vt in integrum reuoces admonemus. vt vnusquisque non ambitione illectus, non cupiditate seductus, non persuasione hominum deprauatus, vbi ordinatus est perseueret. Ita vt si quis sua quærens, non quæ Iesu Christi, ad plebem suam & Ecclesiam suam redire neglexerit, & ab honoris priuilegio, & à communionis vinculo habeatur extraneus.] Quæ verba beati Leonis si quis intelligere attentè curauerit, & omnem prauam occasionem exclusam, & omnem vtilitatis ac necessitatis rationem concessam inueniet. Ait enim, vt vnusquisque, non ambitione illectus, non cupiditate seductus, non persuasione hominum deprauatus, vbi ordinatus est perseueret. Si enim quis non fuerit ambitione illectus, de minori ad maiorem Ecclesiam non quæret ascendere: si non fuerit cupiditate seductus, non quæret quæ sua sunt, sed quæ Iesu Christi, ac per hoc non plebem suam deferere, & ad monasterij quasi tuitionem confugere, vel canonicus ordinatus in monasterio, obsequia monasterialia derelinquens, turpis lucri cupiditate ob emolumentum decimæ rusticarum parochiarum Ecclesias studebit inuadere, non curans si infantes sine baptismo mortui casu fuerint, vel sine communionem & reconciliationem infirmi obierint. Constat enim & certum est, quia & claustra monasterij atque obsequia debita, & quæ sunt necessaria plebi in rusticis parochiis, insimul exequi nemo valebit. Quomodo enim, si intempestæ noctis silentio, aut infans natus periclitatur, aut infirmus viaticum munus petierit, canonicus à claustris monasterij exiet, & ad villam infirmorum necessitatibus pergens succurrere præualebit? Quod videns sanctus Gregorius, tractans coram populo Ezechielem prophetam dicit, *Thronus eius*, quin Domini, *flamma ignis, rotæ eius ignis accensus*. Hi, inquit, qui animarum custodes sunt, & pascendi gregis onera susceperunt, mutare loca minimè permittuntur: sed quia vno in loco positi, diuinitatis in se præsentiam

Epist. 89. ad
Nicetam.

Dan. 7. 9.

Hom. v. in
Ezechiel.

cipere : ita sacrilegum est , corpus indeuotè ac inreligiosè propter cupiditatem à sepulcro eiicere , vbi quisque dominicam vocationem , vt in aduentu iusti iudicis resurgat , in pace quiescens debuerat expectare.

III. *Vt nullus Missam celebret in altari non consecrato , vel sine tabula ab Episcopo consecrata.*

Vt quia quidam presbyteri, præter Ecclesiam in qua titulari sunt, etiam Capellas habent, & quidam etiam veteres Ecclesias restaurant, aut altaria noua construunt propter loci conuenientiam, vel immutant, nemo presbyterorum in altario ab Episcopo non consecrato ante consecrationem cantare præsumat. Quapropter, si necessitas poposcerit, donec Ecclesia vel altaria consecrentur, & in Capellis etiam quæ consecrationem non merentur, tabulam quisque presbyter, cui necessarium fuerit, de marmore vel nigra petra, aut litio honestissimo, secundum suam possibilitatem, honestè affectatam habeat, & nobis ad consecrandum afferat, quam secum cum expedierit deferat, in qua sacra mysteria secundum ritum Ecclesiasticum agere valeat.



IV.

CAPITVLA IN SYNODO REMIS DATA ANNO DCCCLXXIV.

HÆC CAPITVLA DATA SVNT PRESBYTERIS
in Synodo Remi, anno Incarnationis Dominicæ
DCCCLXXIV. in mense Iulio.

CAP. I. *Quòd iidem parochiarum presbyteri, & canonici
in Monasteriis simul esse non possint.*



VIA non solum illicita, sed etiam perniciosa sibi ac commissæ plebi præsumptione, contra sacros canones, presbyteri nostræ parochiæ dicuntur Ecclesias suas negligere, & præbendam in monasterio Montis Falconis obtinere, sed & canonici ipsius Monasterij Ecclesias rusticanarum parochiarum occupare, necesse nobis est, non solum quid inde sacri canones definiant demonstrare, sed & vigorem ac censuram eorundem sacrorum canonum, si se non correxerint, in contemptores exercere. Vt igitur de his interim fileamus, qui certis de causis secundum sacros canones de aliis paro-

eleemosynas Dominus faciebat, Iudas portabat, id est asportabat & furabatur. Et presbyter, qui de redemptione peccatorum, id est de decima fidelium, quodcumque exenium requirit aut accipit, non est dignus inter presbyteros nuncupari, sed deiici: sicut Iudas nuncupabatur inter Apostolos, sed de Apostolorum numero deiectus, & in consortium diaboli est in æternum abiectus. Et sciatis, quia quicumque presbyter ex hoc Iudæ latrocinio fuerit reuictus, non solum à presbyterali ordine deiicietur, sed nec etiam partem de illa decima, quam matricularij accipiunt, accipere promerebitur: sed partem cum illo habebit, cuius fieri consors maluerit. In se, inquit sanctus Hilarus Papa, quicquid in alium quis non refecarit, inueniet, & sanctus Gregorius, Qui non corrigit refecanda, committit.

III. *De indebito accessu ad feminas, & à ministerio deiiciendis iis qui se non correxerint.*

IAM vobis Capitulum ex sanctis scripturis & catholicorum dictis donavi de inconuenienti accessu, & indebita familiaritate ad feminas. Sed video quosdam vestrum illud parui pendere. Vnde iterum illud in conuentu vestro volo recitari, cum sententia Zosimi Papæ dicentis, Sciat quisquis hoc postposita patrum & Apostolicæ sedis auctoritate neglexerit, à nobis distrietiùs vindicandum, vt loci sui minimè dubitet sibi non constare rationem, si hoc putat post tot prohibitiones impunè posse tentari. Contumeliæ enim studio fit, quicquid interdictum totiens vsurpatur. Et sciatis pro certo, quia non in quocumque requiram de viso concubitu vestro cum feminis, sed de interdicto canonico in accessu ad feminas. quia vt Hilarus Papa dicit, Non minùs in sanctarum traditionum sanctiones delinquitur, quàm in ipsius Domini iniuriam prosilitur. Et cui vestrum amplius placuerit indebita feminarum familiaritas, quàm facri ministerij puritas, habeat quod elegerit: quia infimul & sacri ministerij puritatem, & immundi contubernij habere non poterit impuritatem. Deiicietur ergo à sacro ministerio, cui non poterit prodesse correptio. sicut sanctus Leo Papa ad Anatolium Constantinopolitanum Episcopum decreuit dicens, Debet diligentia tua vigilanter insistere, ita vt his, quibus prodesse non poterit correptio, non parcat abscisio. Oportet enim nos Euangelici meminisse mandati, quod ab ipsa veritate præcipitur, vt si nos oculus, aut pes, aut dextera scandalizauerit manus, à compage corporis auferatur: quia melius est his in Ecclesia carere membris, quàm cum ipsis in æterna ire supplicia. Abiicienda prorsus pestifera hæc à sacerdotali vigore patientia est, quæ sibimet peccatis aliorum parcendo non parcit: sicut Heli quondam sacerdos, filiorum suorum delicta tolerando, cum ipsis diuinæ iustitiæ sententiam meruit experiri, quia segni

In Decret.
c. 21.

Epist. ad
Veranum
Leont. &
Victur.

Epist. 82.
Diligentiâ.

Leo Decr.
6.14.

portantes ardent, thronus Dei flamma ignis dicitur. Quapropter non nobis est negligendum, sed studiosius exequendum, quod isti sancti Dei ex hac causa obnixius tenendum decreuerunt. Vnde sanctus Leo, ea quæ præmisimus ad Aquileiensem Archiepiscopum scribens, mox subdidit, Non inquit dubitet dilectio tua, nos si, quod non arbitramur, neglecta fuerint quæ pro custodia canonum, & pro fidei integritate decernimus, vehementius commouendos, quia inferiorum ordinum culpæ ad nullos magis referendæ sunt, quàm ad desides negligentisque rectores, qui multam sæpè nutriunt pestilentiam, dum austeriorem dissimulant adhibere disciplinam. Si ergo quisquam presbyter parochiæ nostræ, aut infirmitate corporis, aut latente animæ peccato, senserit se non posse proficere plebi sibi commissæ, vel non debere præesse, & voluerit monasterij portum ad agendam pœnitentiam secundum decreta beati Leonis expetere, professionis suæ libello, ab ordine & titulo atque regimine plebis, secundum Gregorij decreta se exuat, vt in monasterium intret. Sin autem, Ecclesiam suam & plebem sibi commissam secundum sacras regulas teneat & gubernet. Si verò contra prædicta canonum interdicta quisque presbyter in parochia nostra præsumpserit, modis omnibus se ab ordine abiiciendum cognoscat.

I I. *Quòd pro loco matriculæ nihil à quoquam requiri vel accipi debeat.*

SÆPÈ vos admonui de matriculariis, quales suscipere debeatis, & qualiter eis partem decimæ dispensare debeatis: sed admonitionem nostram, immo Dei per nostram exiguitatem, quosdam parui pendere comperi. Vnde necesse mihi est iterare, quod quosdam cognosco negligere. Interdixi enim vobis Dei auctoritate, vt nemo presbyter pro loco matriculæ quodcumque xenium, vel seruitium in messe, vel in quocumque suo seruitio, præsumat requirere vel accipere: & matriculariis debitam partem decimæ, quam fideles pro peccatis suis redimendis Domino offerunt, nemo præsumat vendere. Quod & nunc iterum interdico, ostendens vobis diuinam auctoritatem. Vt enim plurima de sanctis scripturis prætermittam, & pauca vobis sed notissima in medium deuocem, sanctus Spiritus per beatum Dauid quod cantatis cantauit,

Psal. 118. 18. *Deus meus misericordia tua.* & decima à fidelibus data, misericordia est, & misericordiæ quæ Deus est datur. quæ misericordia dicitur in iudicio misericordibus, *Quamdiu fecistis vni ex minimis istis, mihi fecistis.* Eleemosyna enim Græcè, misericordia dicitur Latine: & qui eleemosynam vendit, Deum, id est misericordiam nostram vendit: & similis est Iudæ, de quo in Euangelio scriptum est, quia loculos habebat Iudas. Ea quæ mittebantur, id est, quæ fideles Domino dabant, vnde ipse & sui discipuli secundum carnem subsisterent, &

Matt. 25. 40

Ioan. 12. 6.
& 12. 29.

ſbyteri. & quoniam nihil ab eis in parochia circuitione exigo, quæ per ſingulos annos pareant in Eccleſiis, de his quæ à nobis ſunt Eccleſiis conſtituta, & qualiter quique præſbyteri hoſpitaſ exiſtant ſecundum præceptionem beati Petri Apoſtoli iubentis, *Hoſpitaſ* 1. Pet. 4. 9. *inuicem ſine murmuratione, unusquiſque ſicut accepit gratiam in alterutrum illam adminiſtrantes.* & ſanctus Paulus dicit, *Caritas fraternitatis maneat* Heb. 13. 1. *apud vos, & hoſpitalitatem nolite obliuiſci: per hanc enim placuerunt quidam Angelis hoſpitio receptis.* Et Iacobus Apoſtolus dicit, *Religio munda* Iac. 1. 17. *& immaculata apud Deum & patrem hæc eſt, viſitare pupillos & viduas in tribulatione eorum, & immaculatum ſe cuſtodire ab hoc ſaculo.*

V. *Quòd pro Eccleſiis viduatis præmia patronis dari non debeant.*

SÆPE vos admonui de exeniis ſuperfluis contra ſacras regulas pro Eccleſiis viduatis non dandis. Sed ſicut audiui, vos non inde caſtigatis, ſed vos ipſos, & veſtros nutritos, in maledictionem Simoniacæ hæreſeos traditis. quam hæreſim ſanctus Petrus princeps Apoſtolorum primam damnauit dicens ad Simonem, *Pecunia tua tecum ſit in perditionem.* Mat. 23. 23. Si enim hominis ſenſum haberetis qui hoc facitis, (non enim de omnibus dico) potuiſſetis adtendere, quia ſi vos bene viueretis, & veſtros nutritos in bona vita & in bona conſcientia nutrireretis, non vobis eſſet neceſſe, & veſtra perdere, & vos ipſos in damnationem mittere. Ipſi enim ſcitis, quia nemo fidelis in parochia noſtra in ſua Eccleſia ſine præſbytero eſſe cupit, & ſine ordinatione Episcopali præſbyterum ibi habere non poteſt. Quapropter quiſque defuncto præſbytero in ſua Eccleſia præſbyterum petit. apud quem cum clericum bonum quaſiero, vt illi præſbyterum ordinem, ipſe clericum bonum quaeret: & ſi eum bonum mihi adduxerit, ordinabo illum. ſin autem, alium requiram: & ipſe tamdiu clericum bonum quaeret, uſque dum conuenientem ordini ſacro inueniat. Et non neceſſe eſſet vobis petere Eccleſias cum ſuperfluo exenio: quia quique fideles, ſi veſtra culpa non eſſet, plus quaerent bonos clericos, quàm veſtros denarios. & hoc non ſuffertis: ſed vos & veſtros nutritos in maledictionem mitritis, cum dato patronis præmio vobis & illis peccatum emitis.

indulgentia dissimulauit plectere peccatores. Cum, inquit Ambrosius, vni sacerdos indulget indigno, plurimos facit prolapsionis contagium prouocari. facilitas enim veniæ incentiuum tribuit delinquendi. Et sanctus Gregorius, Dum enim vnus corripitur, plurimi emendantur, & melius est, vt pro multorum saluatione vnus condemnatur, quàm per vnius licentiam multi periclitentur. Nec mirum si inter homines hæc ratio custoditur, cum inter iumenta hæc fieri persæpè cognouimus, vt ea quæ scabiem aut impetiginem habere videntur, separentur à sanis, ne illorum morbo cetera damnentur, vel pereant. Satius est enim, vt manifestè corrigantur, quàm pro illis bonis pereant, sicut verus agricola noster Christus Dominus in Euangelio monstrat dicens, *Omnem palmitem non ferentem fructum, scilicet bonæ operationis, tollam eum.* Et hoc est quod à Domino per Moysen in Leuitico figuratè præcipitur, vt lapis in domo leprosus à sacerdote inspiciatur, & si purificari nequiverit, iam inter immundos computetur, ac de ordine mundorum lapidum, id est Ecclesiasticorum consortio eruatur, atque alius qui dignus est loco eius substituatur. Videlicet abiecto de cælesti, id est Ecclesiastico ædificio, tanquam mortuo lapide, quolibet noxio, qui noluit seruare quod dicitur, *Tene quod habes, ne alius accipiat coronam tuam,* iuxta Petrum Apostolum, tanquam lapis viuus, in domo spiritali, in ædificio scilicet sanctæ Ecclesiæ Hierusalem cælestis, quæ constat ex Angelis & hominibus, & ædificatur vt ciuitas, utilis superædificetur.

I V. *De iis qui de facultatibus Ecclesiasticis alodes comparant, & illos Ecclesia non derelinquunt.*

QVOSDAM vestrum Ecclesias vestras negligere, & alodes audio comparare, & in eis mansos exstruere atque excolere, ac in eisdem mansis seminarum habitationem habere, eosque mansos non Ecclesiis secundum sacros canones derelinquere, sed contra sacros canones vel propinquis vestris, vel aliis quibuscumque distrahere. Vnde sciatis, quoniam à quocumque hoc fieri comperero, secundum canonicam seueritatem iudicare curabo. Nullum enim alodem Episcopus, vel presbyter, melius vel firmius potest habere, quàm qui est Ecclesiæ attributus, si secundum suum ordinem viuere voluerit. Si autem ordinem pro sua culpa perdiderit, nec alodem, quem à die ordinationis suæ de Ecclesiasticis facultatibus adquisiuit, habere valebit. Quam fraudem de facultatibus Ecclesiarum contra sacros canones, & sanctarum seriem scripturarum, prædicationemque maiorum, ex magna parte possent retundere comministri nostri, si secundum Capitulum ex sacris regulis à nobis collectum, & illis ac vobis datum, studerent requirere quid de decimis singuli agant præ-

II. *Vt parochias non occasione victus, sed instructionis causa circumeant.*

Vt non occasione victus parochias circumeatis, quatenus de aliorum stipendiis viuentes vestra stipendia conseruetis: sed verbo & exemplo, non solum presbyteros, sed & laicos, de vestra bona conuersatione & inquisitione secundum ministerium vobis commissum instruatis.

III. *Ne munera à presbyteris accipiant, ut eorum vitia dissimulent.*

Vt à presbyteris exenia non accipiatis, quatenus illorum mala fama cooperiatur: sed omnibus verbo & exemplo notum facite, quia plus valet apud vos Dei & proximi dilectio, quàm terrenum lucrum acquirendi occasio: plus benignitas quàm seueritas, plus commonitio quàm commotio, plus caritas quàm potestas. Erga bonos & bene agentes estote æquales vt fratres: erga prauos estote vitiatorum correctores, & fratrum amatores. Similiter & erga alios in vestris ministeriis delinquentes.

IV. *Ne à presbyteris quicquam petant quod secum auferant dum redeunt.*

QUANDO parochias circuitis, nolite graues esse presbyteris, petentes friskingas, vel pisces, aut formaticos, aut annonam, aut alias quaslibet res, vt habeatis quando ad ciuitatem reuersi fueritis, vnde quasi fratribus refectionem faciatis, vt saluis stipendiis vestris habeatis vnde vos & vestros conducatis.

V. *Ne denarios à presbyteris vel eulogias exigant, sed sponte oblata tantum accipiant.*

NOLITE quasi pro aliquo adiutorio ad quamcumque rem denarios apud presbyteros postuletis: neque quando ad Synodum, vel pro inquisitione ministerij sui, seu pro chrismo accipiendo venerint, eulogias exigatis, sed si cui forte commodum fuerit pro sua voluntate & commoditate aliquid gratis offerre, cum gratiarum actione accipite.

VI. *Ne pascendis suis vel amicorum caballis presbyteros grauent.*

NOLITE quasi per precationem caballos vestros, vel amicorum vestrorum, ad pastum presbyteris commendare præsumatis, neque



V.

CAPITVLA ARCHIDIACONIBVS

PRESBYTERIS DATA.

ANNO INCARNATIONIS DOMINICÆ
DCCCLXXVII. V. Idus Iulias, Hincmarus Archiepiscopus dedit comministris suis hæc Capitula, quæ sequuntur, Guntario & Odelhardo Archidiaconibus presbyteris.

i. Pet. 5.

Leo ep. 88.
Anastasio
Theſſalon.

BEATVS PETRVS Apostolus, cuius vice in Ecclesia funguntur Episcopi, & sub eorum dispositione ipsorum comministri, in epistola sua commonet illos dicens, *Seniores qui in vobis sunt obsecro consenior & testis Christi passionum, qui & eius quæ in futuro reuelanda est gloriæ communicator, pascite qui est in vobis gregem Dei, providentes non coactò, sed spontaneè secundum Deum: neque turpis lucrigratia, sed voluntariè: neque ut dominantes in clero, sed forma facti gregis,* Cuius verbum atque exemplum secutus sanctus Leo Papa, cum, cui suas vices commisit in partem sollicitudinis, non in plenitudinem potestatis, ab indebito appetitu præsumptionis per distincta capitula coërcuit fræno discretionis. Iuxta quorum doctrinam, vos in exordio commissi ministerij paucis capitulis patenter ac diligenter commoneo. à quibus vos, quantum patitur humana fragilitas, non deuiare sub testificatione Christi præcipio.

CAP. I. *Vt non grauent presbyteros quando parochias circumueunt.*

i. Cor. 12. 12.

EGREGIVS doctor gentium discipulis suis dicit, *Imitatores mei estote, sicut & ego Christi.* Et vos, quando rusticanas parochias vobis commissas, vel mecum, vel per vos circuitis, sicut & ego, non graues sitis presbyteris in paratis quærendis: neque ducatis superflue vobiscum homines, vel vestros proprios, vel propinquos vestros, per quos illos grauetis in cibo & potu, & fodro ad caballos. Et provide, ne homines vestri, qui vobiscum ibunt, illos dehonorent, vel hominibus illorum graues sint. Nec diu in mansionibus ipsorum presbyterorum immoremur. & si necessitas euenerit, ut in aliquo loco immorari debeatis, sic disponite victualia vestra per circummanentes presbyteros, ut nemini graues sitis, & non otiosi & infructuosi stipendia Ecclesiastica insumatis, sicut nec ego grauis sum presbyteris, per quos parochias circumeo.

ordinationem adducetis: ne pro aliquo munere tales ad ordinandum introducatis, qui introduci non debent, quoniam Simoniacum est.

XII. *Vt videant quomodo Capitula sibi data obseruent presbyteri.*

SOLLICITE prouidete, secundum capitula presbyteris à nobis data, de portione Ecclesiæ, quid inde in Ecclesiis pareat: sed & de matriculariis, & de aliis capitulis presbyteris à nobis datis, qualiter illa teneant & conseruent.

XIII. *Quomodo eligendus sit Decanus in locum defuncti vel inutilis.*

SI Decanus in ministerio vestro aut negligens, aut inutilis & incorrigibilis fuerit, vel aliquis eorum obierit, non inconsideratè Decanum eligite. Et si ego in longinquo sum, Decanum illum qui electus est interim constituite, donec ad meam notitiam electio illa referatur, & mea constitutione aut confirmetur, aut immutetur.



CORONATIONES REGIÆ.

I.

Caroli Calui, quando in regno Lotharij coronatus est.

ORDO QUALITER KAROLVS REX fuit coronatus in Mettis ciuitate, anno DCCCLXIX. in mense Septembris V. Idus Septembres, quæ euenit die Veneris, cum istis Episcopis. videlicet Hincmaro Archiepiscopo, Aduentio, Hattone, Arnulfo, Francone, Hincmaro, & Odone. quando quondam rex Hlotharius, filius Hlotharij Imperatoris, fuit mortuus in Placentia ciuitate.

Adnuntiatio Aduentij Episcopi ante initium Missæ, in Ecclesia S. Stephani coram rege, & Episcopis, & aliis quamplurimis.

CAPVT PRIMVM.



Os scitis, & multis in plurimis regnis est cognitum, quantos & quales euentus tempore senioris nostri, quem hætenus habuimus, pro causis notissimis communiter sustinuimus, & quanto dolore, quantaque angustia de illius infausta morte nuper cordibus percussi sumus. Vnde vnicum refugium & singulariter salubre consilium, rege & principe nostro destituti ac desolati, no-

annonam, vel fodrum ab eis exigatis. Ideo enim vobis de facultatibus Ecclesiasticis, iuxta quod Apostolus de lege dicit, *Non obturbabis os boui trituranti*, solatium præbeo, ut presbyteros non grauctis.

VII. *Vt parochias rusticanas confundere vel diuidere non præsumant, & ut Ecclesias omnes, Capellâsque illis subiectas describant.*

EXPRESSE vobis in nomine Christi præcipio, ut rusticanas parochias pro alicuius amicitia vel petitione, aut pro aliquo præmio, non præsumatis confundere, nec diuidere: neque Ecclesias illas, quæ ex antiquo presbyteros habere solitæ fuerunt, aliis Ecclesiis quasi loco Capellarum non subiiciatis: neque Capellas de illis Ecclesiis, quibus antiquitus subiectæ fuerunt, ad alias Ecclesias subiicere præsumatis. Et per omne ministerium vestrum, vnusquisque vestrûm describat omnes Ecclesias & titulos, quæ antiquitus presbyteros habuerunt, & Capellas antiquitus illis subiectas, & mihi scripto renuntiet.

VIII. *Vt nulli Capellam domi habere, aut Missam in domo celebrari sine Episcopi licentia concedant: & ut Capellas eiusmodi omnes describant.*

NEMO vestrûm Capellam alicui in domo sua habere concedat sine mea licentia, neque in domo sua Missas celebrari concedat sine mea licentia. & vnusquisque vestrûm describat per suum ministerium, quicumque Capellam extra Ecclesiam principalem habet à tempore Ebonis vsque ad tempus meum, & à tempore meo, vel mea vel alterius licentia factam, & in cuiuscumque presbyteri parochia quæcumque vel cuiuscumque Capella sit facta.

IX. *Ne pœnites pro munere aliquo ad reconciliationem adducantur, vel post eam negligantur.*

SOLLICITE prouidete, ne vos, vel presbyteri, negligenter pœnites pro aliquo munere ad reconciliationem adducatis, vel post reconciliationem eos negligatis, quod Simoniacum est.

X. *De relapsis post publicam pœnitentiam.*

SOLLICITE prouidete, ut si aliqui post reconciliationem publicam in publicum peccatum ceciderint, ad notitiam meam perferatis, ut sciatis qualiter inde & vos & presbyteri agere debeatis.

XI. *Ne ad ordinationem pro aliquo munere adducantur non idonei.*

SOLLICITE prouidete de vita & scientia clericorum, quos ad ordi-

datum continendum & defendendum ab vnoquoque vestrum secundum suum ordinem & dignitatem atque possibilitatem mihi exhibeatur, sicut vestri antecessores fideliter, iuste, & rationabiliter meis antecessoribus exhibuerunt.

ADVNITIATIO HINC MARI ARCHIEPISCOPI
IN ECCLESIA SANCTI STEPHANI.

CAP. I. NE alicui forte videatur incongrue ac presumptiose me ac prouinciæ nostræ venerabiles Coepiscopos facere, quoniam de altera prouincia ordinationi & causis huius prouinciæ nos immiscemus sciat nos contra canones sacros non agere, quoniam Remensis & Treuirensis Ecclesiæ in hac regione Belgica, cum sibi commissis Ecclesiis, sorores & comprouinciales habentur, sicut auctoritas Ecclesiastica & antiquissima demonstrat consuetudo: ac per hoc vnanimi consensu & synodalia iudicia exercere, & quæ à sanctis patribus constituta sunt, debent concorditer custodire, hac priuilegij conditione seruata, vt qui prior de Remensi & Treuerensi Episcopis fuerit ordinatus, prior etiam habeatur.

II. Et lex diuinitus inspirata præcipit dicens, Si transferis per Deut. 23. 25 messem amici tui colligens spicas, manu confricabis ad manducandum, falcem autem non mittas, vel falce non metas. Messis est populus, vt Dominus monstrat in Euangelio dicens, Messis quidem est Matt. 9. 37 multa, operarij autem pauci. rogate dominum messis, vt mittat operarios in messem suam. quia vos pro nobis Episcopis debetis orare, vt vobis dignè possimus loqui. Messis autem amici est populus in prouincia alteri Metropolitano commissa. Vnde vos hortando, quasi manu operis confricando, ad Dei voluntatem, & vestram salutem in corpus vnitatis Ecclesiæ valemus & debemus traicere: in parochianos autem prouinciarum alijs Metropolitanis commissarum falcem iudicij non mittimus, quia nec est vnde, nec nostrum esse consideramus.

III. Est & alia causa, quia isti venerabiles domni & confratres nostri prouinciæ istius Episcopi, non habentes Metropolitanum Episcopum, exiguitatem nostram sic in suis, sicut & in specialibus causis nostris, nos fraterna caritate iubent & commonent agere. Est ira, domni fratres? Et responderunt ipsi Episcopi, Ita est.

IV. PRÆTER ea, quæ dominus Episcopus & frater noster Aduentius vobis ex sua & ceterorum suorum ac nostrorum fratrum & venerabilium Episcoporum voce dixit, in hoc etiam aduertere potestis, voluntatem Dei esse, vt præsens dominus & rex noster, qui in parte regni, quam hactenus tenet & tenuit, & nobis ac Ecclesiis nostris, & populo sibi commisso vtiliter præstet ac præfuit, & salubriter prodest & profuit, inde ad hunc locum Domino ducente per-

bis omnibus esse considerauius, ut ieiuniis & orationibus ad eum nos conuerteremus qui est adiutor in opportunitatibus in tribulatione, & cuius est consilium, ac cuius est regnum, & ut scriptum est cui voluerit dabit illud, & in manu cuius corda sunt regum, & facit vnanimes habitare in domo, soluens medium parietem & faciens vtraque vnum. deprecantes illius misericordiam, ut daret nobis regem ac principem secundum cor suum, qui in iudicio & iustitia nos in omni ordine ac professione regeret, saluaret, atque defenderet iuxta voluntatem eius, & corda omnium nostrum vnanimiter in eum inclinaret atque vniret, quem ipse ad salutem & profectum nostrum praescitum & electum atque praedestinatum habebat secundum misericordiam suam.

I I. QVIA denique voluntatem Dei, qui voluntatem timentium se facit, & deprecationes eorum exaudit, in concordi vnanimitate nostra videmus hunc regni huius heredem esse legitimum, cui nos sponte commisimus, domnum videlicet praesentem regem ac principem nostrum Karolum, ut nobis praesit & profit, videtur nobis, si vobis placet, ut sicut post illius verba vobis manifestabimus, signo certissimo demonstramus, quia illum à Deo electum & nobis datum principem credimus, & eidem largitori Deo ex suis beneficiis non sumus ingrati, sed gratiarum actiones illi referentes, oremus quatenus & cum nobis ad salutem & defensionem sanctae suae Ecclesiae, & ad auxilium atque profectum omnium nostrum, cum salute ac pace, & tranquillitate nobis conseruet diutius, & nos fideli deuotione illi obsequentes, atque optata saluatione fruantes, sub illius administratione in suo gubernet seruitio.

III. ET si illi placet, dignum ipsi & necessarium nobis esse videtur, ut ex eius ore audiamus quod à Christianissimo rege, fideli & vnanimi in seruitio illius populo, vnicuique in ordine suo conuenit audire, ac deuota mente suscipere.

Post hac Rex Karolus hac quae sequuntur per se in eadem Ecclesia cunctis audientibus denuntiavit.

QVIA sicut isti venerabiles Episcopi vnus ex ipsis voce dixerunt, & certis indiciis ex vestra vnanimitate monstraerunt, & vos adclamastis, me Dei electione ad vestram saluationem & profectum atque regimen & gubernationem huc aduenisse: sciatis me honorem & cultum Dei atque sanctarum Ecclesiarum Domino adiuuante conseruare, & vnumquemque vestrum secundum sui ordinis dignitatem & personam iuxta meum scire & posse honorare & saluare, & honoratum ac saluatum tenere velle, & vnicuique in suo ordine secundum sibi competentes leges tam Ecclesiasticas quam mundanas, legem & iustitiam conseruare, in hoc ut honor regius & potestas ac debita obedientia, atque adiutorium ad regnum mihi à Deo

FRANCO Tungrensis. Da quæsumus, Domine, huic famulo tuo salutem mentis & corporis: vt bonis operibus inhærendo, tua semper mereatur virtute defendi. Per Dominum.

HINC MARVS Laudunensis. Benedictionem tuam, Domine, hic famulus tuus accipiat, qua corpore saluatus ac mente, & gratam tibi semper exhibeat seruitutem, & propitiationis tuæ beneficia semper inueniat. Per Dominum.

O D O Bellouacensis. Conserua quæsumus, Domine, hunc famulum tuum, & benedictionum tuarum propitius vbertate purifica; vt eruditionibus tuis semper multiplicetur & donis. Per Dominum.

BENEDICTIO HINC MARI ARCHIEPISCOPI.

EXTENDAT omnipotens Dominus dexteram suæ benedictionis, & effundat super te donum suæ propitiationis, & circumdet te felici muro custodiæ suæ protectionis, sanctæ Mariæ, & omnium sanctorum intercedentibus meritis. Amen. Indulgeat tibi mala omnia quæ gessisti, & tribuat tibi gratiam & misericordiam, quam humiliter ab eo deposcis: liberetque te ab aduersitatibus cunctis, & ab omnibus visibilium & inuisibilium inimicorum insidiis. Amen. Angelos suos bonos semper & vbique, qui te præcedant, comitentur, & subsequantur, ad custodiam tui ponat: & à peccato seu gladio, & ab omnium periculorum discrimine, te sua potentia liberet. Amen. Inimicos tuos ad pacis caritatisque benignitatem conuertat, & apud odientes te gratiosum & amabilem faciat, pertinaces quoque in tui insectatione & odio confusione saluari induat, super te autem sanctificatio sempiterna effloreat. Amen.

Ad ista verba, Coronet te Dominus, inunxit eum Hincmarus Archiepiscopus de chrismate ad dextram auriculam, & in fronte usque ad sinistram auriculam, & in capite.

CORONET te Dominus corona gloriæ in misericordia & miserationibus suis, & vngat te in regni regimine oleo gratiæ Spiritus sancti sui, vnde vnxit sacerdotes, reges, prophetas, & martyres, qui per fidem vicerunt regna, & operati sunt iustitiam, atque adepti sunt promissiones: eisdemque promissionibus gratia Dei dignus efficiaris, quatenus eorum consortio in cælesti regno perfrui merearis. Amen. Victoriosum te atque triumphatorem de visibilibus atque inuisibilibus hostibus semper efficiat: & sancti nominis sui timorem pariter & amorem continuè cordi tuo infundat, & in fide recta ac bonis operibus perseverabilem reddat, & pace in diebus tuis concessa, cum palma victoriæ te ad perpetuum regnum perducat. Amen. Et qui te voluit super populum suum constituere re-

uenerit. Quò etiam vos eius inspiratione confluxistis, & ipsi vos sponte commendastis, cuius instinctu animantia omnia in arcam Noë significantem Ecclesiæ unitatem nullo cogente conuenerunt. quia sanctæ memoriæ pater suus, dominus Hludouicus pius Imperator Augustus, ex progenie Hludouici regis Francorum inclyti, per beati Remigij Francorum Apostoli catholicam prædicationem cum integra gente conuersi, & cum tribus Francorum milibus, exceptis paruulis & mulieribus, vigilia sancti Paschæ in Remensi Metropoli baptizati, & cælitus sumpto chrismate, vnde adhuc habemus, peruncti & in regem sacrat, exortus per beatum Arnulfum, cuius carne idem Hludouicus pius Augustus originem duxit carnis, & à Stephano Papa Romano ante sanctæ Dei genitricis & semper virginis Mariæ altare, Remi in Imperatorem est coronatus, & demum factione quorundam terreno imperio destitutus, in prædictam regni partem, vnanimitate Episcoporum & fidelis populi, ante sepulcrum sancti Dionysij eximij martyris Ecclesiæ sanctæ est redditus, & in hac domo, ante altare protomartyris Stephani, cuius nomen interpretatum resonat coronatus, per Domini sacerdotes acclamatione fidelis populi, sicut vidimus qui adfuimus, corona regni est imperio restitutus. Et quia, vt in sacris historiis legimus, reges, quando regna obtinuerunt, singulorum regnorum sibi diademata imposuerunt, non incongruum videtur istis venerabilibus Episcopis, si vestræ vnanimi-
tati placet, vt in obtentu regni, vnde vos ad illum sponte conuenistis, & vos ei commendastis, sacerdotali ministerio ante altare hoc coronetur, & sacra vñctione Domino consecratur. Quòd si vobis placet propriis vocibus consonate. Et in hoc conclamantibus omnibus, dixit idem Episcopus, Agamus ergo vnanimiter Deo gratias, decantantes Te Deum laudamus.

BENEDICTIONES SVPER REGEM KAROLVM
ANTE MISSAM, ET ALTARE S. STEPHANI.

ADVENTIVS Episcopus Metensis. DEVS qui populis tuis indulgentia consulis & amore dominaris, da huic famulo tuo spiritum sapientiæ, cui dedisti regimen disciplinæ: vt tibi toto corde deuotus, & in regni regimine maneat semper idoneus, & in bonis operibus perseuerans, ad æternum regnum te duce valeat peruenire. Per Dominum &c.

HATTO Virdunensis. Gratia tuæ quæsumus, Domine, huic famulo tuo tribue largitatem: vt mandata tua te operante sectando, consolationem præsentis vitæ percipiat & futuræ. Per Dominum.

ARNVLVS Tullensis. Nostri quæsumus, Domine, in regimine istius famuli tui propitiare temporibus, vt tuo munere dirigatur, & nostra securitas & deuotio Christiana. Per Dominum.

CAPITVLA ET CORONATIONES. 747

Hæc, Domine, communio salutaris famulum tuum ab omnibus tueatur aduersis: quatenus & Ecclesiasticæ pacis obtineat tranquillitatem, & post istius temporis decursum ad æternam perueniat hereditatem. Per Dominum.



II.

LVDOVICI II. QVANDO REX
FRANCORVM CONSECRATVS EST.

ORDO QV ALITER HLVDVVICVS REX
*anno Incarnationis Dominicæ DCCCLXXVII. VI. Idus
Decembris, ab Hincmaro Archiepiscopo fuit coronatus in
Compendio palatio. quando & hæc, quæ sequuntur, ab Epi-
scopis petita sunt apud regem, & ab eo promissa Episcopis.*

PETITIO EPISCOPORVM.



vobis perdonari nobis petimus, vt vnicuique de nobis & Ecclesiis nobis commissis, secundum primum Capitulum, quod nouissimè in Carisiaco domnus Carolus Imperator pater vester, à se & à vobis seruaturum, consentientibus fidelibus illius ac vestris, atque Apostolicæ sedis Legatis, legente Gauzleno denuntiavit, canonicum priuilegium & debitam legem atque iustitiam conseruetis, & defensionem exhibeatis, sicut Rex in suo regno vnicuique Episcopo & Ecclesiæ sibi commissæ per rectum exhibere debet.

PROMISSIO REGIS.

PROMITTO vobis & perdono, quia vnicuique de vobis & Ecclesiis vobis commissis, secundum primum Capitulum quod nouissimè in Carisiaco domnus Imperator pater meus, à se & à me seruaturum, consentientibus fidelibus illius ac nostris, atque Apostolicæ sedis Legatis, legente Gauzleno denuntiavit, canonicum priuilegium & debitam legem atque iustitiam conseruabo, & defensionem quantum potuerò, adiuuante Domino exhibebo, sicut rex in suo regno vnicuique Episcopo & Ecclesiæ sibi commissæ per rectum exhibere debet.

gem, & in præfenti sæculo felicem, & æternæ felicitatis tribuat effe
confortem. Amen. Clerum ac populum, quem fua voluit opitu-
latione tuæ fubdere ditioni, fua difpenfatione, & tua adminiftratio-
ne, per diuturna tempora te faciat feliciter gubernare. quo diuinis
monitis parentes, aduerfitatibus omnibus carentes, bonis omnibus
exuberantes, tuo minifterio fideli amore obfequentes, & in præfen-
ti sæculo pacis tranquillitate fruantur, & tecum æternorum ciuium
confortio potiri mereantur. Amen. Quod ipfe præftare dignetur.

*Ad ifta verba, Coronet te Dominus, miferunt illi Epifcopi
coronam in capite.*

CORONET te Dominus corona gloriæ atque iuftitiæ, vt cum
fide recta, & multiplici bonorum operum fructu, ad coronam per-
uenias regni perpetui, ipfo largiente, cuius eft regnum, & imperium
in fæcula fæculorum.

Ad ifta verba, Det tibi Dominus velle, dederunt illi palmam & fceptrum.

DET tibi Dominus velle & poffe quæ præcipit, vt in regni regi-
mine fecundùm voluntatem fuam proficiens, cum palma perfeue-
rantis victoriæ ad palmam peruenias gloriæ fempiternæ. Gratia Do-
mini noſtri Iefu Chrifti, qui viuít.

ORATIONES IN MISSA.

DA nobis, omnipotens Deus, vt beati Gorgonij martyris tui ve-
neranda ſolemnitas & deuotionem nobis augeat & ſalutem. Per Do-
minum.

ORATIO PRO REGE. Quæſumus, omnipotens, vt famulus tuus,
qui tua miſeratione ſuſcepit regni gubernacula, à te virtutum etiam
percipiat incrementa: quibus decenter ornatus, & vitiorum monſtra
vitare, & ad te qui via, veritas, & vita es, gratioſus valeat perueni-
re. Qui viuís & regnas cum Deo.

SVPER OBLATA. Reſpice, Domine, munera populi tui ſancto-
rum feſtiuitate votiua, vt tuæ teſtificatio veritatis nobis proficiat ad
ſalutem. Per Dominum.

Munera quæſumus, Domine, oblata ſanctifica: vt nobis vnige-
niti tui corpus & ſanguis fiant, & Karolo regi noſtro ad obtinen-
dam animæ corporiſque ſalutem, te largiente uſquequaque proſi-
ciant. Per eundem.

POSTCOMMUNIO. Sacramentorum tuorum, Domine, com-
munio ſumpta nos ſaluet, & in tuæ veritatis luce confirmet. Per
Dominum.

SCEPTRI TRADITIO.

ACCIPERE sceptrum, regię potestatis insigne, virgam scilicet rectam regni, virgam virtutis : qua te ipsum bene regas, sanctam Ecclesiam, populum videlicet Christianum tibi à Deo commissum, regia virtute ab improbis defendas, prauos corrigas, rectos vt viam rectam tenere possint tuo iuuamine dirigas : quatenus de temporali regno ad æternum regnum peruenias, ipso adiuuante, cuius regnum & imperium sine fine permanet in sæcula sæculorum. Amen.

BENEDICTIONES.

DOMINVS Deus omnipotens, qui dixit ad Moysem seruum suum, ^{Num. 6. 23} Loquere ad Aaron fratrem tuum, & ad filios eius dicens, Sic benedicetis populo meo, & ego benedicam ei. Benedicat tibi, & custodiat te. Amen.

Illuminet faciem suam super te, & misereatur tui. Amen.

Conuertat vultum suum ad te, & donet tibi pacem. Amen.

Extendat dexteram suę benedictionis, & effundat super te donum suę propitiationis, & circumdet te felici muro custodię suę protectionis, sanctę Marię & omnium sanctorum intercedentibus meritis. Amen. Indulgeat tibi mala omnia quę gessisti, & tribuat tibi gratiam & misericordiam, quam humiliter ab eo deposcis : liberetque te ab aduersitatibus cunctis, & ab omnibus visibilibus & inuisibilibus inimicorum insidiis. Amen.

Multipliset in te copiam suę benedictionis, & confirmet in spe regni cælestis. Amen.

Actus tuos corrigit, vitam emendet, mores componat, & te ad cælestis paradisi hereditatem perducatur. Amen.

Talique intentione repleti valeas, quę ei in perpetuum placeat. Amen.

Angelos suos bonos semper & vbique, qui te præcedant, comitentur, & subsequantur, ad custodiam tuę ponat : & à peccato seu gladio, & ab omnium periculorum discrimine te sua potentia liberet. Amen.

Inimicos tuos ad pacis, caritatísque benignitatem conuertat, & odientibus te gratiosum & amabilem faciat. pertinaces quoque in tuę insectatione & odio confusione salutari induat : super te autem sanctificatio sempiterna effloreat. Amen.

Victoriosum te atque triumphatorem de visibilibus atque inuisibilibus hostibus Dominus semper efficiat : & sancti nominis sui timorem pariter & amorem continuè cordi tuo infundat : & in fide recta ac bonis operibus perseuerabilem reddat : & pace in diebus tuis concessa, cum corona victorię ad perpetuum te regnum perducatur. Amen.

BENEDICTIONES SVPER HLVDOVVICVM
REGEM FACTÆ.

DEVS qui populis tuis virtute consulis, & amore dominaris, da huic famulo tuo spiritum sapientiæ cum regimine disciplinæ: vt tibi toto corde deuotus, in regni regimine maneat semper idoneus, tuoque munere ipsius temporibus securitas Ecclesiæ dirigatur, & in tranquillitate deuotio Christiana permaneat. Per Dominum.

SACRI OLEI INFVSIO.

OMNIPOTENS sempiternæ Deus, creator & gubernator cæli & terræ, conditor & dispositor Angelorum & hominum, qui Abraham famulum tuum de hostibus triumphare fecisti, Moyfi & Iosue populo tuo prælatis multiplicem victoriam tribuisti: humilem quoque David puerum tuum regni fastigio sublimasti, eumque de ore leonis, & de manu bestię, atque Goliæ, sed & de gladio maligno Saul & omnium inimicorum eius liberaisti, & Salomonem sapientiæ pacisque ineffabili munere ditasti: respice quæsumus ad preces humilitatis nostræ, & hunc famulum tuum virtutibus, quibus præfatos fideles tuos decorasti, multiplici honoris benedictione condecora, & in regni regimine sublimiter colloca, & oleo gratiæ Spiritus sancti tui perunge, vnde vnxiisti sacerdotes, reges, prophetas, & martyres, qui per fidem vicerunt regna, & operati sunt iustitiam, atque adepti sunt promissiones. Cuius sacratissima vnctio super caput eius defluat, atque ad interiora eius descendat, & cordis illius intima penetret, & promissionibus, quas adepti sunt victoriosissimi reges, gratia tua dignus efficiatur. quatenus & in præsentī sæculo feliciter regnet, & ad eorum consortium in cælesti regno perueniat. Per Dominum nostrum Iesum Christum filium tuum, qui vnctus est oleo lætitiæ præ consortibus suis, & virtute crucis potestates aërias debellauit, tartara destruxit, regnumque diaboli superauit, & ad cælos victor ascendit. In cuius manu victoria, omnis gloria & potestas consistunt, & tecum viuit & regnat Deus, in vnitæte eiusdem Spiritus sancti, per omnia sæcula sæculorum. Amen.

IMPOSITIO CORONÆ.

CORONET te Dominus corona gloriæ, atque iustitiæ honore, & opere fortitudinis, vt per officium nostræ benedictionis, cum fide recta, & multiplici bonorum operum fructu, ad coronam peruenias regni perpetui, ipso largiente, cuius regnum & imperium permanet in sæcula sæculorum. Amen.

CAPITVLA ET CORONATIONES. 751

confortio secundum beneplacitum tuum, affectu compari, mente consimili, sanctitate mutua copulentur. Dita eos fructibus sanctis & operibus benedictis. Fac illos talem sobolem generare, quæ ad tui paradisi pertineat hereditatem. Aperi, Domine, ianuas cæli, & visita eos in pace. Inruga terram eorum, ut germinet fructum spiritalem. sanctifica eos, qui datus es nobis ex virgine: & præsta eis tempora salutis, quæ ante tuum aduentum prædixit sanctus propheta Ioannes, ut hinc fideliter credant, & beatè viuentes vitam & regnum consequantur æternum, gratia tua, Christe saluator noster, qui cum Deo patre, in vnitate Spiritus sancti, viuis & regnas Deus, per omnia.

BENEDICTIO REGINÆ.

TE inuocamus, Domine sancte, pater omnipotens, æterne Deus, ut hanc famulam tuam, quam tuæ diuinæ dispensationis prouidentia in præsentem diem iuuenali flore lætante crescere concessisti, tuæ pietatis dono ditatam, plenam veritatis de die in diem coram te & hominibus ad meliora semper proficere facias: ut in regimine suo gratiæ supernæ largitatem congaudens suscipiat, & misericordiæ tuæ muro aduersitate vndique munita, cum pace propitiationis viuere mereatur. Per Dominum.

SVRSVM CORDA.

DOMINE sancte, pater omnipotens, æterne Deus, electorum fortitudo, & humilium celsitudo, qui in primordio per effusionem diluuij crimina mundi purgari voluisti, & per columbam ramum oliuæ portantem pacem terris redditam demonstraisti. iterum Aaron famulum tuum per vñctionem olei sacerdotem vnixisti: & postea per eius vnguenti infusionem, ad regendum populum Israeliticum, sacerdotes, reges, & prophetas perfecisti, vultumque Ecclesiæ in oleo exhilarandum prophetica famuli tui voce Dauid esse prædixisti. qui hoc etiam vnguento famulæ tuæ ludith ad liberationem seruorum tuorum, & confusionem inimicorum, vultum exhilarasti, & ancillæ tuæ Hester faciem hac spiritali misericordiæ tuæ vñctione adeo lucifluam reddidisti, ut efferatum cor regis ad misericordiam, & saluationem in te credentium, ipsius precibus inclinares. Te quæsumus, omnipotens Deus, ut per huius creaturæ pinguedinem, columbæ pace, simplicitate, ac pudicitia decoram efficias. Per Dominum nostrum Iesum Christum filium tuum, qui venturus est iudicare.

CORONATIO.

GLORIA & honore coronet te Dominus, & ponat super caput tuum coronam de spiritali lapide pretioso, ut quicquid in fulgore

Et qui te voluit super populum suum constituere regem, & in præsentī sæculo felicem, & æternæ felicitatis tribuat esse consortem. Amen.

Clerum ac populum, quem sua voluit opitulatione tuæ subdere ditioni, sua dispensatione, & tua administratione per diuturna tempora te faciat feliciter gubernare: quo diuinis monitis parentes, aduersitatibus cunctis carentes, bonis omnibus exuberantes, tuo ministerio fideli amore obsequentes, & in præsentī sæculo pacis tranquillitate fruantur, & tecum æternorum ciuium consortio potiri mereantur. Amen. Quod ipse præstare dignetur.



III.

IVDITH CAROLI FILIÆ, CVM REGI
ANGLO RVM DESPONSATA EST.

*BENEDICTIO SVPER REGINAM,
quam Edelulfus rex accepit in uxorem.*



Psal. 122.
& 129.

NVBAS in Christo, obnupta nube cælesti, & refrigerata gratia spiritali, ac protecta ab omni inlicita concupiscentia, pangas fœdus cum oculis tuis, vt non videas alienum virum ad concupiscendum eum, & non mœcheris in corpore vel corde tuo, & auertas oculos tuos ne videant vanitatem: quatenus in via Domini viuificeris, vt possis dicere cum Propheta, *Ad te leuavi oculos meos qui habitas in calis. & , Leuavi oculos meos in montes, unde veniat auxilium mihi.* Per conditorem, & redemptorem, ac dominum nostrum Iesum Christum, qui cum patre & Spiritu sancto viuit & regnat in sæcula sæculorum.

Benedic, Domine, has dotes, & accipientes tua benedictione dotare digneris: vt coniugij fidem & torum immaculatum seruantes, sanctorum patriarcharum adscisci mereantur consortio. Per Dominum.

Accipe anulum, fidei & dilectionis signum, atque coniugalis conjunctionis vinculum, vt non separet homo quos coniungit Deus. Qui viuit & regnat in omnia sæcula sæculorum.

Despondeo te vni viro virginem castam, atque pudicam futuram coniugem, vt sanctæ mulieres fuere viris suis, Sarra, Rebecca, Rachel, Hester, Iudith, Anna, Noemi, fauente auctore & sanctificatore nuptiarum, Iesu Christo Domino nostro, qui viuit & regnat in sæcula sæculorum.

Deus qui in mundi crescentis exordio multiplicandæ proli benedixisti, propitiare supplicationibus nostris, & huic famulo tuo, & huic famulæ tuæ, opem tuæ benedictionis infunde, vt in coniugali

ctum comperimus. Et vt non vobis sit mirum quare hoc petat, fraternitati vestræ rationem reddere maturamus. Videlicet quia, sicut multis est cognitum, Deus omnipotens sua gratia istud regnum in manus suorum antecessorum mirabiliter adunauit. quod ipsi decessores sui nobiliter gubernauerunt, & per successiones sua progenies vsque ad hæc tempora rexit. Et isti nostro seniori Deus filios, sicut vobis notum est, dedit: in quorum nobilitate ad sanctam Ecclesiam & regnum, quod Deus illi ad regendum commisit, fideles illius spem maximam se habere sunt gratulati. De quibus ipse aliquos Deo obtulit, vt etiam de fructu ventris sui oblationem Deo offerret. aliquos Deus adhuc ætate immatura sua gratia de hoc sæculo rapuit, ne vt scriptum est, malitia mutaret corda eorum. aliquibus autem, quod vos non latet, suo iudicio talem passionem permisit incurrere, sicut fideles illius agnoscuntur dolere. Propterea petit benedictionem Episcopalem super vxorem suam venire, vt talem sobolem ei Dominus de illa dignetur donare, vnde sancta Ecclesia solatium, & regnum necessariam defensionem, & fideles illius desiderabile adiutorium, & ista Christianitas optabilem tranquillitatem, & legem atque iustitiam, cum illis quos adhuc habet, annuente & cooperante Domino, possit habere. Et de hoc in sanctis scripturis habemus auctoritatem. quia sicut Dominus ad Abraham dixit, *In* Gen. 22. 18. *semine tuo benedicentur omnes gentes*, cui iam centenario de nonagenaria vxore Isaac filium dedit: ita & ipsum Isaac vxorem sterilem accipere fecit, vt & in hoc, sicut in multis solet facere, misericordiæ suæ largitatem ostenderet. Et inde dicit scriptura, quia *deprecatus est* Gen. 25. 21. *Isaac Dominum pro vxore sua, eo quod esset sterilis, & concepit.* Et non sit vobis mirum, cur antea hoc non fecit. quia sicut sacra scriptura dicit, in primordio coniunctionis masculi & feminæ dixit Dominus ad Euam, *Ad virum tuum erit conuersio tua, & ipse dominabitur tui.* Et Gen. 3. 16. cum iam essent moribus in legitima coniunctione maturi, & prouectæ ætatis, Abraham & Sarra, & vt sanctus Petrus dicit, *Sarra* 1. Petr. 3. 6. *obediebat Abrahæ, dominum eum vocans: dixit Dominus ad Abraham, quod antea nec ipsi, nec alio homini legimus illum dixisse, Omnia* Gen. 21. 12. *quæ dixerit tibi Sarra, audi vocem eius.* Iam enim & Abraham presbyter meritò vocabatur, & defecerant muliebria, id est omnis lasciuittas, Sarra: & tunc acceperunt benedictionem seminis benedicti à Domino, in quo benedicuntur omnes gentes. Amen. His ergo fulti auctoritatibus, in dispensandis Dei donis, qui ab illo ministri eius sumus ad hoc constituti, vt Leo dicit, non debemus esse difficiles, nec deuotorum petitiones negligere: maxime si ipsas petitiones euidentibus indiciis ex Dei viderimus miseratione conceptas. Quia multiplex misericordia Dei ita saluti humanæ subuenire decreuit, vt præcipuè sacerdotum supplicationibus ipsa salus debeat obtineri. Cui operi, vt in sacris litteris legimus, ipse Saluator interuenit: nec

auri, & in vario nitore gemmarum significatur, hoc in tuis moribus, hoc in actibus semper refulgeat. quod ipse præstare dignetur, cui est honor & gloria in sæcula sæculorum.

BENEDICTIONES.

BENEDIC, Domine, hanc famulam tuam, qui regna regum à sæculo moderaris. Amen.

Opera manuum illius suscipe, & benedictione tua terra eius de pomis fructuum cæli, & rore atque abyssu subiacente repleatur. Amen.

De vertice antiquorum montium & collium æternorum, de frugibus terræ, & plenitudine eius, tua benedictione lætetur. Amen.

Benedictio illius qui apparuit in rubo veniat super caput eius. Da ei de rore cæli, & de pinguedine terræ, abundantiam frumenti, & vini: ut seruiant illi ac semini eius populi, & in honore tuo tribus illam & semen eius adorent. Amen.

Reple eam benedictionibus vberum & vulvæ. benedictiones patrum antiquorum confortatæ sint super eam, & super semen eius, sicut promisisti seruo tuo Abraham, & semini eius in sæcula. Amen.

Concede quæsumus, omnipotens & misericors Deus, ut hæc dona tua, quæ fideles tui acceperunt de manu tua, dantibus, accipientibus, & dispensantibus, ad præsentis vitæ subsidium, ac redemptionem animarum, atque ad vitam capeßendam proficiant sempiternam. Per Dominum.



IV.

HERMINTRVDIS REGINÆ.

*ALLOCVTIO DVORVM EPISCOPORVM
in Ecclesia Sancti Medardi, quando Hermintrudis
fuit consecrata in reginam.*



VLVMVS vos scire, fratres, quia domnus & senior noster, Karolus rex gloriosus, nostræ humilitatis petiit deuotionem, ut auctoritate ministerij nobis à Deo conlati, sicut ipse in regem est vnctus & consecratus, Episcopali auctoritate, vnctione sacra & benedictione, veluti in scripturis legimus Dominum præcepisse ut reges vngerentur & sacrarentur in regiam potestatem: ita vxorem suam dominam nostram in nomine reginæ benedicamus, sicut & à sede Apostolica, & à nostris decessoribus antea de aliis fa-

& eam in senectute bona ad cælestia regna digneris perducere. Per eundem Dominum nostrum.

Coronet te Dominus gloria & honore, & sempiterna protectione. Qui viuit & regnat.

DEVS omnipotens, qui benedixit Adam & Euam, dicens, *Cre-* Gen. 1. 28. *scite & multiplicamini*, & patriarcharum benedixit coniugia, quique cum Tobia misit Raphael Angelum suum, cuius ministerio dæmonium effugauit à Sarra vxore ipsius, benedicat te, & Ill. futuram vxorem tuam, vt secundum præceptum Domini effecti duo in carne vna, quod Deus iungit, homo non separet. & det vobis benedictionem de rore cæli & de pinguedine terræ. Benedicimus enim vobis in nomine Domini, qui mittat Angelos suos bonos, vt vos custodiant semper, & omnem phantasmam, & nequitiam, atque versutiam omnium malignorum spirituum & hominum à vobis depellant, & ab omni inquinamento omnis adulterij, omnibûsque insidiis humanis & diabolicis protegant, muniant, & defendant, gratia Domini nostri Iesu Christi, qui amorem & timorem suum iugiter cordibus vestris infundat, vt consenescentes pariter in senectute bona, & videatis filios filiorum vestrorum florentes in voluntate Domini: & pax vobiscum permaneat. atque in fide recta, ac bonis operibus, & concordia bona, & amore coniugali sincero, necnon & in confessione sanctæ Trinitatis, & Ecclesiæ catholicæ communionem perseuerantes, ad vitam perueniatis æternam. Quod ipse præstare dignetur, cuius regnum & imperium sine fine permanet in sæcula sæculorum. Amen.



ADMONITIO AD LECTOREM DE OPVSCVLO SEQVENTI.

Scripserat Hincmarus, teste Flodoardo, metricum Opus egregium ad Carolum Regem, quod appellauit Ferculum Salomonis, versibus constans CCCCXLVI. cui & soluta orationis partem alteram adiecerat, quæ illius explicationem continebat. Hæc est quæ nunc primum in lucem datur ex antiquo exemplari. Prioris enim partis nihil dum vidimus præter versus duodecim, quos suo loco inter auctoris fragmenta proferemus.

vnquam ab his abest, quæ ministris suis exequenda commisit dicens, *Ecce ego vobiscum sum omnibus diebus.* Et si quid per seruitutem nostram bono ordine, & gratulando implemus affectu, vt Leo dicit, non ambigamus per Spiritum sanctum nobis fuisse donatum. Et ideo, fratres, quoniam ita est, & nostra pro vobis ministratio, & vestra erga nos coniuncta deuotio, vt vna fiat apud Dominum supplicatio, sicut legimus, quia ad hoc constituti sunt sacerdotes, vt prius pro suis, deinde pro populi orent peccatis: & oratio fiebat sine intermissione ad Deum pro Petro, id est pro omni Episcoporum choro: orantibus nobis pro communi nostra, immo pro totius Ecclesiæ ac populi necessitate atque salute, commune votum etiam vestra communis prosequatur oratio, apud eum qui facit vnanimis habitare in domo, & viuit, & regnat in sæcula sæculorum. Amen.

O R A T I O.

DOMINE sancte, pater omnipotens, æterne Deus, qui potestate virtutis tuæ de nihilo cuncta fecisti, & dispositis vniuersitatis exordiis, homini ad imaginem tuam facto inseparabile mulieris adiutorium condidisti, ac femineo corpori de virili dedisti carne principium: docens quia quod ex vno placuit tibi institui, non liceat ab homine separari. respice propitius super hanc famulam tuam maritali iunctam consortio, quæ tua se expetit protectione muniri. Sit in ea iugum dilectionis & pacis, fidelis & casta nubat in Christo, imitatrixque sanctarum permaneat feminarum. Sit amabilis vt Rachel viro, sapiens vt Rebecca, longæua & fidelis vt Sarra. Nihil in ea ex actibus suis auctor præuaricationis vsurpet. nexa fidei mandatis permaneat, vni thoro iuncta contactus illicitos fugiat. muniat infirmitatem suam robore disciplinæ. Sit verecundia grauis, pudore venerabilis, doctrinis cælestibus erudita. Sit sæcunda in tibi placita sobole, sit probata & innocens. Percipiat per hanc sacram misericordiæ, lætitiæ, & exultationis olei vnctionem, sanitatem mentis, incolumitatem corporis, tutelam salutis, securitatem spei, corroborationem fidei, plenitudinem caritatis. corona eam, Domine, corona iustitiæ: corona eam fructibus sanctis, & operibus benedictis. Sit meritis & nomine atque virtute regina, adsistens in hoc sæculo fide recta & operibus bonis, & in futuro honore & gloria coronata à dextris regis, in vestitu bonorum operum, circumdata virtutum varietate. Fac illam talem sobolem generare, quæ ad paradisi tui pertineat hereditatem. Præsta, Domine, huic famulæ tuæ tantum caritatis affectum, & misericordiæ studium, atque religionis augmentum, vt tuum iugiter promereatur auxilium. Callidi serpentis ab ea venena repelle, & lorica fidei indutam scuto salutis eam defende, actus eius corrige, vitam emenda, mores compone,

in verbo, & redimit sanguine pretioso, vt videlicet agni immaculati & incontaminati, qui est ipse Christus Iesus, & sanctificat Spiritu sancto suo, saluum faciens in singulis, qui est passus pro omnibus, totum hominem, videlicet corpus & animam, & hoc in sabbato, id est in requie vnitatis Ecclesiæ, in qua per salutarem spem fideles ad requiem tendunt perpetuam. spe enim salui facti sumus.

Huius ferculi columnæ sunt duæ, quia turbæ quæ præcesserunt, & quæ dominicum subsequuntur aduentum, per fidem mediatoris ipsius, videlicet pacifici regis & ferculi ædificatoris saluatæ atque saluandæ, vnius eiusdemque credulitatis confessione clamant dicentes Osanna, *Per gratiam enim*, inquit Petrus, *Domini Iesu credimus saluari quemad-* Act. 15. 11.
modum & illi. Vel certè duæ columnæ sunt ferculi, quia quisquis in vnitæte præsentis Ecclesiæ cum fide recta & operibus bonis perseuerauerit, in futura, id est in æterna Ecclesia, de incorruptione animæ simul & corporis inenarrabili exultatione repletus atque glorificatus sine fine gaudebit. Quoniam Deus omnia in mensura in qua constat qualitas, in numero quo continetur quantitas, in pondere quo significatur ratio peræquata, qua pondus virtutis non oneris electorum accipiunt animæ, illo disponente qui secundum Iob *posuit* Iob. 28. 25.
ventis pondus. vt ab intentione Dei non iam leui motu dissiliant, sed in eum fixa constantiæ grauitate consistent. per quæ iudicio & in sæcula illius omnia constant, per quæ mundum constituit gubernat & iudicaturus est, qui comprehendere vel reprehendere non potest, præmia vel pœnas singulis redditurus cuncta disposuit. Prima istius columnæ ferculi tribus & triginta constat capitulis. quia quisquis in nomine patris & filij & Spiritus sancti baptizatus ex aqua & Spiritu sancto renascitur, Decalogi mandata cum fide sanctæ Trinitatis necesse est perseueranter custodiat, si ad vitam vult peruenire perpetuam. Et denarius numerus ternario superposito in eisdem capitulis ter ducitur. quia mulier, catholica videlicet Ecclesia, acceptum fermentum, sanctæ Trinitatis scilicet fidem, per dilectionem operantem in farina sæta tria abscondit, quando Asiæ, Africæ, & Europæ illam prædicare procurat, donec fermentetur totum, id est orbi vniuerso prædicetur Euangelium regni acceptum à Domino Iesu Christo de his quæ cœpit & perfecit facere & docere. Tertio die in Euangelica lectione commemorato venit ad nuptias. hoc est tertio mundi tempore per incarnationis mysterium eandem sanctam sibi Ecclesiam sociavit. Primum quidem sæculi tempus ante legem, Patriarcharum exemplis, secundum sub lege, Prophetarum scriptis, tertium sub gratia, Euangelistarum præconiis, quasi tertij diei luce mundo refulsit, in quo isdem Dominus & saluator noster pro redemptione generis humani incarnatus apparuit. Sed & idem denarius numerus in trigonum ductus tricesimum implet numerum, quo anno Christus baptizatus cuncta sanctificauit suo baptismate fluente nobis



HINCMARI REMENSIS

ARCHIEPISCOPI

EXPLANATIO IN FERCVLVM SALOMONIS.



Hoc regium ferculum, quod doctores sancti designare dicunt Ecclesiam, corpus scilicet Christi, in cuius vnitate eidem Christo per fidem, vt supra monstrauimus, quisque incorporatur, multis in scriptura vocatur nominibus. vt est regnum cælorum, mulier, sponsa, vxor, columba, dilecta, vinea, ouis, ouile, ciuitas, turris, columna, firmamentum, domus, templum, corpus Christi, plenitudo Christi, sageria, nuptiæ, cœna, & aliis, quæ lector fortè poterit inuenire, fecit sibi rex Salomon, id est pacificus, Idida, hoc est dilectus Domini, Coeleth, hoc est concionator ipsius quidem Ecclesiæ. His quippe tribus nominibus vocatus est Salomon, quia tota sancta Trinitas fabricauit templum veri Salomonis, corporis scilicet Dei & hominum mediatoris, in vtero beatæ & gloriosæ semperque virginis eiusdem genitricis dominæ ac dominatricis nostræ Mariæ. Spiritus enim sanctus superuenit in eam, & virtus altissimi patris obumbravit illi. idcircoque totum quod ex duabus & in duabus substantiis atque naturis in vnitate vnus personæ ex ea natum est, sanctum vocatur, & est filius Dei, per quem gloria in excelsis Deo cantatur, & in terra pax est hominibus bonæ voluntatis, qui est filius dilectus in quo patri bene complacuit, & à cuius facie est scientia & intellectus, & qui docet hominem scientiam, & Spiritu sancto suo docet Ecclesiam omnem veritatem. Fecit autem hoc ferculum sibi iste rex regum & dominus dominorum de lignis Libani, quia Ecclesiam de fortibus animo & constantia animabus construxit. Ligna quippe Libani & celsitudine & specie & sui natura imputribili multum præminent. Sic hæc ligna rationabilia atque fructifera, his & aliis virtutibus præminent, non à se, verum ab illo, qui hæc eadem ligna in ædificio huius ferculi, id est Ecclesiæ istiusmodi gratiosa prædestinationis & electionis suæ gratia, id est gratis data composuit. qui omnes homines vult saluos fieri, & neminem vult perire. Vt enim de costa dormientis Adæ in paradiso fabricauit Euam, ita ineffabilis misericordiæ gratia in cruce dormiens, de latere suo profundens aquam & sanguinem, quibus & lauacro rigaretur & poculo, ædificauit Ecclesiam. quam mundat lauacro aquæ in

nans corpora simul & animas, inlustrare dignatur, pro generis humani salute in cruce occubuit. Euidenter ostendens, quia prælatis Apostolis, Martyribus, Confessoribus, ceterisque artioris ac perfectioris vitæ viris, quorum inenarrabilem gloriam de manifestissima diuinitatis visione sempiternæ Trinitatis illi tantum sciunt, qui ea perfrui meruerunt, sunt plures in Ecclesia iusti, fide sanctæ Trinitatis, in qua & incarnatio Domini nostri Iesu Christi veraciter continetur, qua non accessit quaternitas, sed in vno filio Deo & homine, qui est in gloria Dei patris, cum eodem patre & sancto Spiritu permanet Trinitas, spe, caritate, & operibus bonis perfecti, qui post carnis solutionem continuò beata paradisi requie suscipiantur, expectantes in magno gaudio, in magnis congaudentium choris, quando recepto corpore veniant & appareant ante faciem Dei. In semisse autem anno demonstrans, quia nonnulli propter bona quidem opera ad electorum quidem sortem præordinati, sed propter mala aliqua, quibus polluti de corpore exierunt, post mortem seuerè castigati, excipiuntur flammis ignis purgatorij, & vel vsque ad diem iudicij longa huius examinatione à vitiorum sorde mundantur, vel certè prius amicorum fidelium precibus, eleemosynis, ieiuniis, fletibus, & hostiæ salutaris oblationibus absoluti pœnis, & ipsi ad beatorum perueniunt requiem. Tot etiam annis, id est tribus & dimidio, Antichristus sui ostentabit figmenta mendacij, ostendens se tanquam ipse sit Deus signis & mendacij prodigiis, adhibens minarum atque pœnarum terrores. Sed non præualebit in eos, qui in fidei rectæ & operum bonorum perfectione, gratia ipsius auxiliante persistent. Qui in carne apparens factus ex muliere, factus sub lege ut eos qui sub lege erant redimeret, ut adoptionem filiorum recipere-mus, post circumcisionem tricesima tertia die ad templum delatus est, & legalia pro eo sunt munera oblata, qui cuncta diuinitus consecrat. Trigonus etiam Decalogi, & tres dies, atque oblatio ad templum delata, illos dies & sacrificium Ecclesiæ, quæ est corpus Christi, designant, de quibus ipse in Euangelio dicit, *Ecce eiicio dæmonia & sanitates perficio hodie & cras, & tertia die consummor.* quia expelluntur dæmonia, cum relictis paternis superstitionibus credunt in eum gentes: & perficiuntur sanitates, cum secundum eius præcepta viuitur, posteaquàm fuerit diabolo & huic sæculo renuntiatum, vsque in finem resurrectionis, qua tanquam tertia consummabitur, hoc est ad plenitudinem Angelicam per corporis etiam immortalitatem perficietur Ecclesia. Quapropter huius numeri ratione deuotus quilibet colligat, quia ille à corruptione corporis & animæ tantum saluabitur, qui in fide recta quæ ternario numero, & in operibus bonis, quæ decalogo, id est numero constante denario designantur, in virum perfectum, in mensuram ætatis plenitudinis Christi, in die remunerationis inuentus fuerit.

Luc. 13. 32.

aquarum, & huius sanctificationis gratia tricesimo ætatis anno Iesus venit ad baptisma. quia scilicet post baptisma istud legem erat veterem soluturus. Propterea usque ad hanc ætatem, quæ omnia potest capere peccata, in legis obseruatione permansit: ne quis diceret ideo eum soluisse legem, quia eam non valeret implere. Neque enim omnis prorsus ætas cunctis vitiis opportuna est. Nam primos adhuc annos imprudentia & imbecillitas animi simul obsident. adulescentiæ verò tempus feruentior impugnat libido. reliquam verò ætatem habendi maximè cupido sollicitat. Propterea igitur omnem hanc Christus expectauit ætatem, per quod omne tempus iustitiam legis impleuit, ac tunc demum venit ad baptisma, quasi cumulum illud cunctis obseruationibus legis adimplens. Qui quoniam ipso, quod tricenarius inchoauit, baptismo totius sit Ecclesiæ sordes expiaturus, eorundem quoque numerorum mystica cognatio declarat. quia videlicet triginta æqualibus suis partibus computata paritè amplius duodecimum, qui est Patriarcharum & Apostolorum numerus, & sunt quadraginta duo. Habent enim partes, tricesimam, vnum, quintamdecimam duo, duodecimam tria, sextam quinque, quintam sex, tertiam decem, dimidiam quindecim, quæ simul iuncta quadraginta duo consummant. vbi mysticè, vt diximus, innuitur totam Ecclesiæ perfectionem in Christi fide & gratia consistere, quæ à Patriarchis primò agnita, Apostolorum est latius voce diffamata: nec esse nomen aliud sub cælo in quo oporteat nos saluos fieri, quomodo in quadraginta duobus nulla est particula, quæ non æqualibus tricenarij numeri contineatur in partibus. Tricenarius ergo numerus suis partibus quadagesimum complet & secundum, quia Dominus Ecclesiam sui baptismatis sacramentis & nunc laborantem temporaliter munit, & finitis laboribus ad requiem æternaliter perducit. Et tricennalis baptizati Saluatoris ætas etiam nostri baptismatis intimare potest mysterium. propter fidem scilicet sanctæ Trinitatis, & operationem Decalogi reuelata fidei gratia. quod quo sublimius intelligitur eo & doctrina publicatur. Duodenus quippe, quem partes, vt diximus, tricenarij pariunt, Apostolorum numerus, prædicatorum videlicet omnium chorus, ter quaternos, siue quater ternos continere dinoscitur. quia fidem sanctæ Trinitatis, & quatuor sancti Euangelij libros, ab orthodoxis doctoribus ante finem mundi oportet per quatuor partes, Orientis scilicet, Occidentis, Aquilonis & Austri, quadrato orbis termino prædicari. Quasi enim quoddam sacrosanctum triennij tempus baptizandos habere docuit, qui ait, *Ite docete omnes gentes, baptizantes eos in nomine patris, & filij, & Spiritus sancti.* quasi idem hoc triennium per decem multiplicari præcepit cum subiunxit, *docentes eos seruare omnia quaecumque mandauimus vobis.* Qui tribus annis ac bis ternis mensibus mundi tenebras exemplo & verbo suo de dilectione Dei & proximi, sa-

Matt. 28. 19

Ibid. v. 20.

denarius. Vnum enim & duo & tres & quatuor simul ducti, fiunt decem. quia legis Decalogus per quatuor libros sancti Euangelij adimpletur. Et fortasse propterea qui conducuntur ad vineam, accipiunt nomine mercedis denarium, qui per semetipsum multiplicatus in centenarium surgit, & per centenarium numerum magna perfectio designatur. Per geminatum autem centenarium, & perfectio spiritus qui in hac vita electis tribuitur, & perpetua vita Matt. 19. 29 signatur. Vnde eisdem electis suis Dominus dicit, *Omnis qui relinquit domum vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet & vitam æternam possidebit.* Neque enim sanctus quisque ideo terrena deserit, vt hæc possidere in hoc mundo multiplicius possit, quia quisquis terreno studio terram relinquit, terram non relinquit sed appetit: neque qui vnam uxorem deserit centum accepturus est. Sed per centenarium numerum perfectio designatur. post quam etiam vita æterna promittitur: quia quisquis pro Dei nomine temporalia atque terrena contemnit, & hinc perfectionem mentis recipit, vt iam non appetat quæ contemnit, & in sequenti sæculo ad vitæ æternæ gloriam peruenit, quæ centenario numero, qui de læua transfertur in dexteram, designatur. Vnde hoc ferculum, vel hæc mensa, scilicet sancta Ecclesia de fabricatore suo, vero videlicet Salomone dicit, *Læua eius sub capite meo, & dextera illius amplexabitur me.* Cant. 2. 6. Per læuam quippe eius vita præsens, & sacramenta incarnationis eius, & præsentia ipsius dona signantur: per dexteram verò vita futura, & ea quæ in futuro percipient electi præmia figurantur. In quibus non solum visio diuinæ maiestatis, sed & gloria est clarificatæ humanitatis, vnius eiusdemque mediatoris Dei & hominum. Vnde bene læuam eius sponsa sub capite suo poni, dexteram autem se illius amplexari desiderat, vt & nunc per temporalia ipsius subsidia à mundi perturbationibus quiescat, & tunc manifesta ipsius visione perpetuò fruatur. Æternam equidem sanctorum requiem nullus vnquam turbo interpolat. Vnde & rectè dicitur, *Dextera illius amplexabitur me.* Quia nimirum diuinæ præsentia maiestatis vndique suos cælesti in regno circumteget, ne aliquam felicitatem Deo dignam, vel memoria miseriæ violet, vel metus finis angustet. Geminatus etiam centenarius innuit, quia quisque ad vitam desiderat peruenire perpetuam, dilectione Dei flagret ac proximi, & fide catholica atque operatione recta continuè ad eam festinare contendat. In fide scilicet orthodoxa, de sancta & inseparabili Trinitate, simul & de Incarnatione Domini nostri Iesu Christi, corde credens ad iustitiam & ore confitens ad salutem, quia in eadem sancta Trinitate nihil est prius aut posterius, nihil maius aut minus, sed totæ tres personæ coæternæ sibi sunt & coæquales, ita vt per omnia & vnitas deitatis in Trinitate sit personarum, & trinitas personarum in vnitatem sit deitatis. quia ex solo Patre, id est

Ducentis etiam & decem versibus, de dogmatibus Ecclesiasticis contra prauè sentientes doctorum loquens sensibus, hæc columna constare dinoscitur. cuius est supputationis ista intentio, vt primum incipiamus à minori numero, id est à decem, & ab eo progrediamur in postmodum. De denario quippe numero catholici doctores multa dixerunt diserta & fortia, ex quibus quædam hîc compendij studio adnotare curauî. Dicunt namque quia in decalogo sit consecratus. cuius decalogi, psalterij videlicet decem chordarum, decem præcepta Deus famulo suo Moyfi in monte in duabus tabulis lapideis conscripta dedit: tria in vna tabula ad Deum pertinentia, quia Deus Trinitas est, & in redemptionis nostræ mysterio tres sunt qui testimonium dant, spiritus, aqua, & sanguis, & tres vnum sunt. spiritus vtiq; sanctificationis, & sanguis redemptionis, & aqua baptismatis. quæ tria vnum sunt & indiuidua manent, nihilque etiam à sui connexionione seiungitur, & vt beatus cantat Ambrosius,

Omnia trina vigent sub maiestate Tonantis.

Tres pater, & verbum, sanctus quoque Spiritus vnum.

Trina salutaris species crucis, vna redemptrix.

Tertia lux Dominum remeantem à morte recepit.

Trina dies Ionam tenuit sub viscere ceti.

Tres pueri creuere Deum flagrante camino,

Ter Sabaoth sanctum referens benedictio psallit.

Ter mergendus aqua est cui gratia plena lauacri.

Testibus & stabilis constat tribus actio cuncta.

Terno mense suis redeunt sua tempora membris.

Tres sunt etates, flos, robur, & ægra senectus.

Tres moduli in causis index, defensor, & actor.

Tres in sæcla gradus, ortus, transcurso, finis.

Tres spem quæ palpent requies, lux, gloria vitæ.

Septem verò præcepta altera tabula dedit, quorum primum est, sicut & Apostolus monstrat, *Honora patrem & matrem*. Habet præterea septenarius numerus in scriptura sacra multipliciter ostensam perfectionem suam. videlicet quia eo dierum numero, testante scriptura, perfecto cælo & omni ornatu eorum, requieuit Deus ab operibus suis, sed & per legem sabbatum in requiem datum est. Et in capite nostro, mediatore scilicet Dei & hominum homine Christo Iesu, propheta septiformem sancti Spiritus gratiam enumerauit. Septem quoque oculos, & septem candelabra, & septem sigilla, & septem tonitrua, pro perfectione scriptura sacra enumerat, & per septem dies omne sæculum voluitur. Et his duobus perfectis numeris, ternario videlicet & septenario denarius constat. Est etiam, quoniam geminato quinario numero, qui perfectus est in quinque nobilissimis corporis nostri sensibus, & in quinque libris Moyfi, constat. Sed & ab vno per ordinem vsque ad quatuor numeros completur

Ephes. 6. 2.

Gen. 2. 1.

Exod. 16. 23

Esa. 11. 2.

Apoc. 1. 12.

& 5. 6. & 6. 1.

& 10. 3.

neris facta in Adam ipso peccante, quoniam & Eva ipsa est Adam, gratia lectis, à Deo paratam, sicut ipsa veritas dicit, *Venite benedicti patris mei, percipite regnum quod vobis paratum est ab origine mundi.* Et qui non à Deo ad interitum prædestinati, sed ab eo ex retributione iustitiæ in massa perditionis relictæ, in infidelitate vel malis operibus perseuerauerint, ibunt in ignem æternum. ad quem Deus neminem prædestinavit, sed eundem ignem diabolo & corpori eius ex retributione iustitiæ præparavit. sicut ipse in Euangelio dicit, *Stipendia enim, inquit Apostolus, peccati mors. gratia autem Dei vita æterna. & Vniuersa via Domini misericordia & veritas. & Ira, id est vindicta, in indignatione eius, & vita in voluntate eius.*

Matt. 25. 34

Rom. 6. 23.

Psal. 24. 10.

& Psal. 29. 6

Ioan. 5. 7.

Ioan. 16. 22

Altera itaque istius columna ferculi, contradicens illis qui de iis prauè sentiunt quæ in altero nobis sæculo complebuntur, triginta & octo capitulis constat. ac si triginta & octo annis in Synagogæ portu, quàm in Ecclesiæ catholicæ sinu iacentem languidum, malè sentientium videlicet chorum, duodequadraginta numero, qui legis decalogo per quatuor sancti Euangelij libros impletur minùs habentem, & absque dilectione Dei ac proximi, quem legis pariter & Euangelij scriptura commendat, vacuum incedentem insinuans. In quo licet plures sint choro, si adquiescere veritati consenserint, quasi vnus recuperabunt in vnitæte fidei sanitatem. quia præter vnitatem catholicæ fidei nullus cuilibet patet salutis locus. A cuius vnitæte quisquis discrepat, salutem quæ ab vno est consequi nequaquam valet. Quæ salus æterna centenariio ipsius columnæ versuum numero designatur. quia Abraham centenariio promissionis filius Isaac, id est risus vel gaudium nascitur, illum innuens qui discipulis suis dixit, *Iterum autem videbo vos, & gaudebit cor vestrum, & gaudium vestrum nemo tollet à vobis.* Ad quam æterni salutis gaudij per sexagenarium, quem superadditi sexaginta versus ostendunt, perfectum numerum peruenitur. Qui sexagenarius numerus, quoniam sexies decem sexaginta fiunt, in se continet senarium perfectionem operum demonstrantem. quia sicut creator admirabilis perfectus est in natura sua, ita in senario dierum numero perfecit opera sua, & sexto die creauit hominem perfectum anima & corpore, propter quem creata sunt omnia, & sexta ætate venit conditor hominem reparare quem sexto die creauerat. Sed & denarium sexagenarius numerus comprehendit, qui in decalogo consecratur, & vt suprà ostendimus, perficitur. quo etiam & sexagenarius numerus esse perfectus hoc modo monstratur. Partire sexagenarium per denarium, & inuenies eundem sexagenarium numerum per denarium esse perfectum, sicut senarium per vnitatem. Nam vnum, duo, & tres sex faciunt, qui est perfectus numerus in partibus suis: ita & sexagenarius quandam perfectionem habet si partitur per denarium numerum. Semel enim decem, & bis decem, & ter decem

ex substantia patris, æqualis & consubstantialis genitus non factus est filius, & ex patre simul ac filio, coæqualis ac consubstantialis æqualiter procedit Spiritus sanctus, qui cum patre & filio æqualiter adoratur, quia æqualiter est Deus, totus patris & totus filij Spiritus, quia vnus naturaliter Spiritus est & patris & filij. Proinde totus de patre procedit & totus de filio, totus in patre manet, & totus in filio. quia sic manet vt procedat, sic procedit vt maneat. Et hinc naturaliter hanc habet cum patre & filio vnitatis plenitudinem, & plenitudinis vnitatem, vt totum patrem habeat totumque filium, ipseque totus habeatur à patre, totus habeatur à filio. qui etiam à patre & filio æqualiter datur, immo & à seipso datur. ipseque donum Dei & paraclitus id est consolator dicitur, quia reuera, dum dona sacramentorum distribuit, consolationem animæ præbet. per quem diffunditur in cordibus nostris Dei caritas, per quam nos tota inhabitat Trinitas.

De Incarnatione quoque Domini nostri Iesu Christi, vna ex eadem & in eadem sancta Trinitate persona, fideliter sentiat. Deum videlicet, & eum verum & perfectum ante omnia sæcula, & sine vilo initio credens, & verum ac perfectum hominem in fine sæculorum, in duabus & ex duabus naturis atque substantiis in vna persona consistere: vt qui per diuinitatis suæ potentiam nos creauerat ad perfruendam vitæ beatitudinem perennis, ipse per fragilitatem humanitatis nostræ nos restauraret ad recipiendam quam perdidimus vitam. Qui iuxta Symboli veritatem conceptus de Spiritu sancto, natus ex Maria Virgine, ancilla ipsius hominis per diuinitatem, & matre Verbi per carnem. nam vtrumque illam & ancillam & matrem esse Domini veritas Euangelij, eiusdem & Elisabeth voce demonstrat: nec alterius ancillam, alterius matrem, quia non prius in utero virginis caro concepta est, & postmodum diuinitas venit in carnem: sed mox Verbum ante sæcula vnigenitus æqualis patri venit in uterum, mox Verbum, seruata propriæ veritate naturæ, factum est caro, & perfectus homo idem in veritate carnis & animæ rationalis, operante Spiritu sancto, inuestigabili miraculo natus est per uterum Virginis filius Dei, factus filius hominis vnus Christus. Qui mortuus est sola carne propter peccata nostra, & resurrexit sola carne, quia peccatum non fecit, nec dolus inuentus est in ore eius, vt à peccati morte quocumque modo contracta anima resurgeret. Ascendit quoque in cælum, & sedet ad dexteram patris, id est, in gloria paternæ maiestatis. inde venturus iudicare viuos & mortuos. Ad cuius aduentum omnes homines resurgent cum corporibus suis, & reddent de factis propriis rationem. Et qui gratia Dei, & subsequente eandem gratiam libero arbitrio, in fide recta & operibus bonis perseuerauerint, præsciti & prædestinati à Deo in gloriam, ibunt in vitam æternam electis, id est de massa perditionis totius humani ge-

& discite à me quia mitis sum & humilis corde, & inuenietis requiem ani-
 mabus vestris. Et hoc reclinatorium fecit aureum, quia requiem
 nobis æternam diuinæ suæ visionis gloria coruscantem præparauit.
 Hinc etenim dicitur, *Qui autem diligit me diligetur à patre meo, & ego*
diligam eum & manifestabo ei meipsum. Vel certè fecit reclinatorium in
 ferculo fidelibus aureum, quia omnes resurgemus, non autem om-
 nes immutabimur, quoniam Christus passus pro omnibus adquisi-
 uit omnibus resurrectionem, fidelibus autem incorruptionis & ani-
 mæ & corporis gloriam, de quibus dicitur, *Resurgent in resurrectione* Luc. 14. 14.
iustorum, cum omnes sine vlla dubitatione resurgent. Ascensum au-
 tem huius feruli Idida, hoc est dilectus filius patris in quo ei bene
 complacuit, fecit purpureum. vera enim purpura maritimorum con-
 chyliorum sanguine tingitur. quia viuus & copiosæ redemptionis
 sanguis agni immaculati & incontaminati Iesu Christi, de Spiritu
 sancto, id est operatione Spiritus sancti, ex virgineo sanguine se-
 mentiuæ naturæ, videlicet ex immaculata Virginis carne, sine vlla
 carnali concupiscentia, & absque vlllo virili attractu, singulariter con-
 cepti, & clauso virginali vtero, ac virginalibus integris inconuulsis
 atque intemeratis mirabiliter nati, lauit nos à peccatis nostris. Qui
 sanguis, videlicet ipsius agni tollentis peccata mundi, de conchyliis ma-
 rinis ferro elicitur, quia per seriem stirpis hominum peccatorum, quasi
 marinis fluctibus oppressorum, sicut genealogia Euangelij monstrat, Matth. 1.
 de Abraham & David stirpe processit, & incisione ferri, clauorum
 videlicet & lanceæ, sacramenta redemptionis nostræ de ipso sacratis-
 simo corpore, in quo erat Deus mundum reconcilians sibi, & in
 quo inhabitat omnis plenitudo diuinitatis corporaliter, nobis ema-
 nauerunt, quibus idem rex ac dominus noster, qui dilexit nos, &
 lauit nos à peccatis nostris in ipso sanguine suo, non solum quan-
 do sanguinem suum dedit in cruce pro nobis, vel quando quisque no-
 strum in mysterium sacrosanctæ passionis illius baptismi aquis ablu-
 tus est, verum etiam quotidie tollit peccata mundi, lauatque nos à
 peccatis nostris quotidianis in sanguine suo, cum eiusdem beatæ pas-
 sionis ad altare memoria replicatur, cum panis & vini creatura in sacra-
 mentum carnis & sanguinis eius ineffabili Spiritus sanctificatione trans-
 fertur, sicque corpus & sanguis illius, non infidelium manibus ad
 perniciem suam funditur & occiditur, sed fidelium ore suam sumi-
 tur in salutem. & non nisi purpureus ad hoc ferculum inuenitur
 ascensus, quia nullus Ecclesiam nisi sacramentis Dominicæ passio-
 nis imbutus ingreditur. Vnde ipse ait, *Nisi quis renatus fuerit ex aqua* Ioan. 3. 5.
& Spiritu, non intrabit in regnum celorum. & *Nisi manducaueritis carnem* Ioan. 6. 54.
hominis & biberitis eius sanguinem, non habebitis vitam in vobis. qui man- & 55.
ducat carnem meam & bibit sanguinem meum, habebit vitam æternam, & ego
resuscitabo eum in nouissimo die. Ferculi verò ascensus purpureus ideo ver-
 sibus triginta describitur, quia iuxta Apostolum, *Quicumque baptiza-* Rom. 6. 3.

sexaginta fiunt. nec non & quinquagenarium complectitur senarius numerum, quo Iubileus annus, remissio scilicet peccatorum, & ad patriæ æternæ hereditatem reuersio, & requies sempiterna exprimitur. Supereminet quoque conjugalem ordinem duplicatione suâ, laboriosam vidualem continentiam impressione digiti demonstrando, quoniam quæ seminavit in lacrymis in gaudio metet. In se triginta continens, qui numerus blando indicis & pollicis osculo depingit & coniugem, fructum fidei per bona opera, ut terra optima, de suscepto diuini verbi semine proferens: sicut centenarius numerus de læua translatus in dexteram, eisdem digitis, sed non eadem manu, quibus in læua manu nuptæ significantur & viduæ, circulum faciens exprimit virginitatis coronam. Sed & fructum tricesimum verbum profert quod fidem sanctæ Trinitatis ædificat, sexagesimum quod operis perfectionem docet, centesimum quod ad dexteram regni vitam prædicat sempiternam. Necesse est igitur, ut qui vult vitam, & cupit videre dies bonos, per sex huius sæculi dies vel ætates in quibus licet operari, ad sabbatum, id est ad requiem septimi diei siue ætatis, quando non licebit operari, fide recta & iustis operibus, decalogi mandata complendo, absque admixtione prauis operibus festinare procuret, quatinus de corpore exiens, in septima die vel ætate, siue in quinquagenarij quiete numeri requiescat, donec sempiternitatem centenariam in octaua die vel ætate cum incorruptione corporum consequatur. Vnde & reclinatorium huius feruli aureum octonarius versuum numerus cantat. quoniam qui in præsentī vita, id est in istis sex diebus vel ætatibus quibus operari licet, cultro illius petrae quæ est Christus ad instar octauæ diei quam designat diei octauæ circumcisio, quæ antiquis loco dabatur baptismatis, eius videlicet fide, spe, & caritate, non solum in baptismo, sed & in omni prorsus actione deuota, se purificare curauerit, & in septima sabbati feliciter requiescat, & in octaua glorificatus resurget. Quæ & ipsa cotidiana nostra circumcisio, id est continua cordis mundatio, semper octauæ diei sacramentum celebrare non desistit, quia nos in exemplum Dominicæ resurrectionis, quæ octaua die, id est post septimam sabbati facta est, sanctificare consuevit, ut quomodo resurrexit Christus à mortuis per gloriam patris, ita & nos in nouitate vitæ ambulemus. Et hæc est octaua resurrectionis nostræ plenariæ dies sine vlllo temporis sine beata, quando vera omnimodæ circumcisionis gloria coruscante, non ultra corpus quod corrumpitur adgrauat animam, nõ ultra terrena inhabitatio deprimit sensum multa cogitantem, sed corpus iam incorruptibile lætificat animam, & subleuat cælestis inhabitatio totum hominem visioni sui conditoris inhaerentem, quando renouabitur sicut aquilæ iuuentus nostra. Quod reclinatorium nobis Salomon noster fecit, cum spem perpetuæ

Matt. II. 29 tuæ quietis fidelibus promisit. *Tollite, inquit, iugum meum super vos,*

qui Deum videre, & ad gloriam beatæ resurrectionis pertinere concupiscit, per sex dies debet agere bona quæ nouit. Sex quoque sunt Euangelicæ lapideæ hydriæ, fortia scilicet sanctorum præcordia, fide & dilectione Dei ac proximi, & meraca atque purissima absque aliqua mixtura hæreticæ prauitatis scripturæ sacræ scientia repleta. quia quisquis saluari cupit, non solum necesse est ut de fide sanctæ Trinitatis atque incarnationis Dominicæ fideliter sentiat, verum & in omnibus Ecclesiasticis dogmatibus ab omni peste hæretica & schismatis præcisione immunem se suosque auditores summopere custodire, & à peccatorum sorde ablueri, & diuinæ cognitionis puro fonte potare procuret. & illi omnes præcipue, quorum perfectio vitæ & fidei ad exemplum rectè credendi ac viuendi aliis proposita esse dinoscitur.

Præfatio denique ferculi, dilectissimum alloquens principem, idem ferculum exponendo viginti & quatuor versibus scribitur, quia fide recta & operibus bonis meritoque vitæ & scientiæ doctrina plenum dilectione Dei & proximi, in omni pia deuotione & actione, de gratia & arbitrio libero rectè sentientem, sicut ad vnumquemque fidelem dicit Dominus per Prophetam, *Ex me fructus tuus inuentus est*, id est donum gratiæ meæ præuenientis qua bene agis ex me est, & subsequenti arbitrio tuo fructus tuus inuentus est. Sicque monstratur à Domino, quia quod bonum volumus, cogitamus, loquimur & agimus, & Dei est per præuenientem gratiam, & nostrum est per liberi arbitrij subsequentem obedientiam. Vnde & remunerabimur, & misericordias Domini in æternum cantabimus, inobedientes autem merito damnabuntur. Et hinc regem scriptor in isto sæculo bene viuere, & in æternum cum Christo regnare desiderat. Ea propter & in eadem præfatione denarius geminatur, qui per quatuor sancti Euangelij libros completur. quia & sine fide impossibile est placere Deo, & fides sine operibus mortua est in semetipsa. Sed & in ea dualis numerus duplicatur. quia scientia sine caritate inflat, caritas autem cum scientia sana ædificat. & intellectus est bonus omnibus facientibus eum, & dilectione Dei prælata, cui nulla numeri mensura imponitur, de qua ex toto corde, & ex omni mente, & ex omnibus viribus nostris præcipitur, dilectio proximi in duobus præceptis subdiuiditur, cum dicitur, quod tibi fieri non vis, alij ne feceris, & quæ vultis ut faciant vobis homines, & vos eadem facite illis.

Completio siquidem summam versuum proferens octo versibus agitur, & sub ferculi reclinatorio, quod resurrectionis octauam diem demonstrat, ponitur. quia sicut sunt duæ mortes, corporis scilicet peregrationem ab eo animæ, & animæ per admissionem in se peccati: ita & duæ sunt resurrectiones, animæ videlicet, quando indulgentiæ viuificatio per dignos pœnitentiæ fructus gratia Dei adquiri-

ti sumus in Christo Iesu, baptizato videlicet tricesimo ætatis suæ anno, *in morte ipsius baptizati sumus*. In quo tricesimo numero decalogi denarius triplicatur, quia perfectio fidei atque bonorum operum baptismatis sanctificatione perficitur. In quo impletur omnis iustitia, quia in eo est sanguinis Christi redemptio, sancti Spiritus sanctificatio, & aquæ baptismatis perfecta mundatio.

In hoc autem ferculo Salomon verè quidem pacificus, qui pacificavit per sanguinem crucis suæ ea quæ in cælo sunt, & ea quæ in terra, & soluens medium parietem, fecit vtraque vnum, duos condens in seipso, media caritate constravit propter filias Hierusalem: ea ipsa videlicet caritate qua pro nobis passus est. maiorem enim hac caritatem nemo habet, quàm ut animam suam ponat quis pro amicis suis, & sicut Apostolus ait, *Commendat autem Deus suam caritatem in nobis, quoniam cum adhuc peccatores essemus, Christus pro impiis mortuus est*. Siquidem hanc mediam Ecclesiæ suæ strati instar paravit, ubi fideles animæ molliter quiescerent, quia totam eam intrinsecus supernorum amore replevit. & hoc est quod addidit, *Propter filias Hierusalem*, id est, propter animas cælestium desiderio flagrantibus. Quanto enim maiorem Deus caritatem suam pro nobis patiundo commendavit, tanto plures ad se redamandum ac pro se patiendum accendit. Ipsa autem caritas, quin immò misericordia nostra, cui dicit Psalmista, *Deus meus misericordia mea*, scilicet agnus qui tollit peccata mundi, & lauit nos à peccatis nostris in sanguine suo, in cruce duobus versibus eundem agnum, atque in eodem agno in vna eadèmq; littera concinentibus pingitur. quæ etiam crux quatuor versibus vnius mensuræ, & in eisdem litteris in capite vel in fine congruentibus, per quatuor mundi partes promissionis filios, & æternæ hereditatis Christo coheredes, id est electos & prædestinatos ad vitam in gremio redemptionis Christi, qui est passus pro omnibus, complectitur omnia gyro: prædicans scilicet mundo quæ sit ipsius crucis mensura, longitudo videlicet & latitudo, sublimitas & profundum in dilectione Dei & proximi. Qui duo & quatuor versus coniuncti senarium complent numerum. quia sexto die homo conditus, sexto item die crucis est mysterio reparatus. Qui senarius numerus apud sæculi sapientes idcirco dicitur esse perfectus, quia suo ordine numeratus perficitur, ut cum vnus, duo, tres dicuntur, senarius numerus impletur: vel quia in tribus partibus diuiditur, id est sexta, tertia, & dimidia. videlicet in vno duobus & tribus. Ab Ecclesiasticis autem doctoribus ideo perfectus dicitur numerus, quia sexto die perfecit Deus omnia opera sua, & sex sunt huius sæculi ætates notissimis temporum distinctæ articulis, in quibus, quasi in sex diebus quibus licet operari, pro Deo laboribus insistere, & pro adipiscenda requie sempiterna necesse est operari. & post dies sex gloriam sui regni quam spondit discipulis Saluator ostendit. quia

& significantia quadragenarij numeri, in effusione diluuij, & in Iacob planctu, in exercitatione quoque filiorum Israel in deserto, atque in prædicatione Ionæ, & aliis multis ostensionibus causa perfectionis in scriptura positi, aliud etiam pernecessarium innuit. quia Moyses morem circumcisionis diuinitus imperatum, & quadringentis & sex annis obseruatum, per quadraginta annos in eremo intermisit, quem Iosue cultris petrinis perfecit, quia petra erat Christus, & lex per Moysen data est, gratia & veritas per Iesum Christum facta est. Idem quoque Moyses vt legem, quam Dei populo traderet, acciperet secundo diebus quadraginta ieiunauit, Helias in deserto quadraginta diebus abstinuit, ipse auctor hominum ad homines veniens in quadraginta diebus nullum omnino cibum sumpsit. Cur ergo in abstinentia quadragenarius numerus custoditur, nisi quia virtus decalogi per libros quatuor sancti Euangelij custoditur? Et qui per carnalia desideria decalogi mandata contempsimus, dignum est vt eandem carnem quater decies affligamus. & vt per decalogi mandatorum custodiam, ac per Deo dignam abstinentiam, ad æternam vitam, quæ centenario numero designatur, quadriga Evangelica & cardinalibus quatuor virtutibus perferamur, necesse est vt quadragenarius numerus per decalogi denarium multiplicetur, & sic ad quadringentesimum numerum efferatur. Quadraginta enim decies ducti quadringentos efficiunt, quia ad æternam vitam, quæ centenario numero & hoc quater ducto figuratur, electi omnes, non solum de incorruptione animæ simul & corporis, verum & de visione diuinæ maiestatis, cum gloria mediatoris Dei & hominum clarificatæ humanitatis, sine fine reuersi ad id quod conditi fuerant, vt reuera in vero Iubileo quinquagesimo videlicet anno gaudebunt. Vnde quia sancta Ecclesia in quibusdam suis membris adhuc pro æterna requie laborat in terris, in quibusdam verò omni finito labore cum Christo iam regnat in cælis, in memoriam vtriusque vitæ patres nostri constituerunt gemina hæc congrua religioni solemnia, quadregesimam videlicet imminente Pascha afflictionis, & ab ipso Dominicæ resurrectionis die quinquagesimam, in qua cōtinuè psallitur Alleluia, quod Euangelista Ioannes ab Angelis se audisse cantari perhibet, & venerabilis pater Tobias, ex visione Angelica intelligens qualis sit supernorum ciuium gloria & supernæ Hierusalem claritas, dixit, *per vicos eius Alleluia cantabitur*, quamuis in Ecclesia nunquam à diuina laude cessetur. Et quoniam huius quinquagesimæ celebratione fidelibus perfectio quietis innuitur, & denario numero summa perfectionis exprimitur, quinquagenario decies ducto ad quingentesimum peruenitur, aperte monstratur quia nequaquam sola nos abstinentia carnis in cibo & potu ad æterna gaudia reparat, nisi adiunctis bonis aliis dignam Deo abstinentiam cum fide recta deuotio mentis ostendat. Illud quippe ieiunium Deus adprobat,

tur, & corporis, quando in aduentu Domini omnes homines resur-
gent cum corporibus suis, & reddituri sunt de factis propriis ratio-
nem. & beatus qui habuerit partem in resurrectione prima, quo-
niam non lædetur à morte secunda, & accipiet binas stolas, immor-
talitatem scilicet & incorruptionem corporis simul & animæ. Sed
significancia istius resurrectionis prima ordine rectè illi supponitur
quæ præcellentior est dignitate: sicut & scriptura de compunctionis
Iudic. 1. 15. genere dicit, *Dedit illi pater suus*, quin Caleb Axæ filiæ, *inriguum su-
perius & inriguum inferius*. cum electi prius plangat de inferiori inri-
guo anima, ut non ducatur ad supplicium, postea verò de superiori
inriguo, quia differtur à regno. Summa autem ferculi versuum he-
roici & elegiaci carminis, quam secum completio designauit, qua-
dringentis quadraginta & sex versibus constat, & vnus decies ductus
denarium perficit. De quo quia sufficienter supra iam diximus, hoc
iterum replicare vitamus. Denarius etenim quater ductus in quadra-
genarium surgit. quia tunc decalogi mandata perficimus, cum profectò
quatuor libros sancti Euangelij custodimus. quos humiliter conserua-
mus, si unde & quò & qualiter cecidimus incessanter aspicimus. A regio-
ne siquidem nostra, id est à paradiso, in hanc conuallem lacrymarum
superbiendo, inobediendo, visibilia sequendo, cibum vetitum gustan-
do discessimus, sed ad eam necesse est ut flendo, obediendo, visibilia
contemnendo, atque appetitum carnis refrænando redeamus. Et quia
ab ipsius paradisi gaudiis per cibum cecidimus, ad hæc in quantum
possumus per abstinentiam resurgamus. Quæ abstinentia totum vi-
tæ nostræ tempus in continentia à malis operibus, & in exercitatio-
ne virtutum esse debere designans, per quadraginta dierum nume-
rum custoditur, quia sicut filij Israel, in quorum locum successimus,
per quadraginta annos transito mari rubro in cremi vastitate cala-
mitosè antequàm ad promissionis terram venirent versati sunt, ita
& nos in exilij huius ærumnis dignas inobedientiæ pœnas luimus,
antequàm ad paradisi gaudia redeamus. In qua probatione post sa-
crum baptisma prius longis virtutum exercendi agonibus, ac dein-
de perpetuis supernæ beatitudinis sumus donandi muneribus, & ac-
cepta Dei lege, id est audito verbo diuino, de prisca nostra conuer-
satione egredi, ac solitudinem vitæ spiritualis constat debere nos in-
gredi, ut vita nouæ conuersationis quotidie castigati, si terram re-
promissionis intrare volumus, quasi quotidiano Iordanis baptisma-
te lacrymis saluberrimæ compunctionis ab omni vitiorum subri-
pientium contagione purgemur, iuxta eum qui dixit, *Lauabo per sin-
gulas noctes lectum meum, lacrymis stratum meum rigabo*. Vnde rectè Ior-
danis riuus iudicij interpretatur, quia nimirum electi, quo sollici-
tius suam conscientiam diiudicando examinant, eo largiores ex in-
timo cordis fonte lacrymas fundunt. ut quia minùs perfectos se esse
deprehendunt, sordes suæ fragilitatis vndis pœnitentiæ diluant. Sed

EXPLAN. IN FERCVLVM SALOMONIS. 771

duodecim solidetur, reliquis decem & octo firmetur vsque ad perfecta
liniamenta omnium membrorum. Et hinc iam reliquo tempore vsque
ad tempus partus magnitudine augmentatur. Sex autem & nouem &
& duodecim & decem & octo quadraginta quinque faciunt. quibus
si vnum adiecerimus, id est ipsum diem quo discretum per membra
corpus clementum sumere incipit, tot nimirum dies in ædificatione
corporis Domini, quot in fabrica templi annos inuenimus. De quo
templo dicenti, *Soluite templum hoc & in tribus diebus excitabo illud*, Ioan. 2. 19.
responderunt Iudæi, quadraginta & sex annis ædificatum est templum hoc,
& tu tribus diebus excitabis illud? Et quia templum illud manu factum
sacrofanctam Domini carnem, quam ex Virgine sumpsit, vt ex hoc
loco discimus, figurabat. quia æquè corpus eius, quod est Ecclesia,
quia vniuscuiusque fidelium corpus animamque designabat, mun-
demus quotidie per omne tempus vitæ nostræ templa corporum cor-
diūmque nostrorum, vt spiritus Dei habitare dignetur in nobis, &
iuxta quod Apostolus admonet, *abiectis operibus tenebrarum, indua-* Rom. 13. 12
mus nos arma lucis, sicut in die honestè ambulemus, non in comeffationibus
& ebrietatibus, non in cubilibus & impudiciis, non in contentione & amu-
latione: sed induamus nos Dominum Iesum Christum, qui cum patre &
Spiritu sancto viuit & regnat Deus per omnia sæcula sæculorum,
Amen.

*Hæc vt vobis nulla desit Karle care gratia
Versuum mensura pandit, atque ærarum quantitas.
Regis nec non mensa diues cognomento ferculum,
Prompsit vobis sana Princeps per doctorum fercula.
Qua plano sermone dicta strinxi lege carminum,
Et prosa diserta iunxi diuersis vt calleas
Supra quadam nempe de his explanavi largiū,
Vt transcurrens quippe quadam computavi strictiū.
Et si dignum stricta ducis explicari pleniū.
Adsum votis fortè nobis si donantur otia
Prendat rex quæ Præsul offert, & demonstret moribus
Sensu verbo hæc in actu cunctis regno subditis.
Longa felix viuat isto Karlus vita in sæculo,
Viuat clarus semper almo sanctorum in consortio.*

FINIS.

Joel 1.4.
& 2.15.

Matt. 6.2.

Psal. 36.24.

quod ad eius oculos manus eleemosynarum leuat, dicente Prophe-
ta, *sanctificate ieiunium*. Ieiunium namque sanctificare, est adiunctis
bonis aliis dignam Deo abstinentiam ut diximus carnis ostendere,
quia in cassum caro atteritur, si à pravis voluptatibus animus non
refrænatur, & redemptori nostro vnum sine altero placere nequa-
quam potest, si aut is qui bona agit adhuc luxuriæ inquinamenta
non deserit, aut is qui castitate præminet, necdum se per bona opera
exercet. & qui bona aliqua pro mundi honestate inchoat, nequaquam
in eius intentione debet permanere, nec per bona opera præsentis
mundi gloriam quærere, sed totam spem in redemptoris sui aduen-
tu constituat. Sunt namque plerique continentes, qui corpus per
abstinentiam affligunt, sed de ipsa sua abstinentia humanos fauores
expetunt, doctrinæ inseruiunt, indigentibus multa largiuntur. Sed fa-
tua profectò sunt virgines, quia solam laudis transitoria retributio-
nem quærunt, quia dicente Domino, laborum suorum damnabilem
mercedem recipiunt. Sed & bona etiam cum simplici intentione
facta tunc Deo sunt placita, si fuerint sine pravi operis admixtio-
ne oblata. sicut scriptum est, *Declina à malo & fac bonum*. Prius est
enim declinare à malo, & tunc ut proficiat agere bonum: prius de
præteritis dignè pœnitere peccatis, & tunc ut profint bonis insudare
operibus. Sed pœnitentiam agere dignè non possumus, nisi modum
quoque eiusdem pœnitentiæ cognoscamus. Pœnitentiam quippe agere
est, & perpetrata mala plangere, & plangenda non perpetrare. Nam qui
ficalia deplorat, ut tamen alia committat, adhuc pœnitentiam agere
aut ignorat aut dissimulat. Quid enim prodest si peccata quis luxuriæ
defleat, & tamen adhuc avaritiæ æstibus anhelet? aut quid prodest si
iræ culpas iam lugeat, & tamen adhuc inuidiæ facibus tabescat?
Necesse est etiam, ut qui se inlicita meminit commisisse, à quibus-
dam etiam licitis studeat abstinere: quatenus per hoc conditori suo
satisfaciat, ut qui commisit prohibita, sibi metipsi abscidere debeat
etiam concessa, & se reprehendat in minimis, quem meminit deli-
quisse in maximis. & sic verè pœnitentiam agimus, si ea quæ com-
misimus perfectè deploremus: & illos nimirum emendatior vita san-
ctificat, quos per pœnitentiam abluens afflictio fletuum mundat. Et
quia de quadringentorum versuum numero diximus, restat ut ratio-
nem de commemorato quadraginta sex versuum numero complea-
mus. Hic etenim annorum numerus perfectionem Dominici corpo-
ris, cuius sanguine redempti sumus, cuius carne pascimur, & cruore
potamur, cuius passionis sacrosanctis mysteriis, & in anima & incor-
pore, à peccatis etiam & ab ipsis corruptionibus, quæ ob peccata
contigerunt, saluabimur aptissimè congruit. Tradunt enim natura-
lium rerum scriptores, formam corporis humani tot dierum spatio
perfici. quia videlicet primis sex à conceptione diebus lactis habeat
similitudinem, sequentibus novem conuertatur in sanguinem, deinde


I N D E X.

A



A Borsus fictitius Tetbergæ. 626. 631
 Acardus Episcopus. 325
 Adam primi & secundi gratia. 143. qualem liberi arbitrij libertatem habiturus
 Adam si non peccasset. 145
 Ado Episcopus. 325
 Aduentius Metensis Episcopus in conuentu Aquensi de Tetbergæ. 574. 583. in coronatione Caroli calui in regno Lotarij. 741. 744. Binæ ad illum Hincmari. 584. 585
 Adulter est. qui rea vxore inuenta, concubinæ commercio vitur ante legalem definitionem. 645
 Adulteram si flagitij pœniteat. 655
 Adulterium dicitur fidei coniugalis violatio. 652
 Aeneas notarius sacri palatij, pōst Parisiorum Episcopus. 21. eius ordinatio. 26. 118
 Africanæ Synodi. 132. 133
 Africani Prædestinatiani. 7. 99
 Africanorum Episcoporum Synodica. 10
 Agathonis Papæ epistola vnus deitatis Trinitatem asserens. 449
 Agemberti & Northildis coniugum iudicium ab Episcopis ad laicos remissum. 594
 Aiulfus Archiepiscopus. 325
 Aius Aurelianensis Episcopus. 322
 Albericus Episcopus. 325
 Alcuinus vir religiosus & doctus. a. iij. b. vir venerandus. 507. in abbreviatiōe Augustini in Ioannem. 35. in Genesim ad Sigulfum. 212. in Ecclesiastem. 53. 67. De Trinitate ad Carolum magnum. 473. 490. 507. 508. 539
 Aldricus Archiepiscopus. 325
 Alodes de facultatibus Ecclesiæ comparati. 717. 736
 Altaris pallæ. 711. indumēta. 716. tabula. 732
 Altiuillaris monasterium. ē iij. 450. 553. abbas Halduinus. 21
 Amalricus Turonensis Archiepiscopus. 322
 Ambrosij sententiæ, fidei & Ecclesiæ & omnium virtutum firmissimæ columnæ. 170. libri de Sacramentis. 114. 246. 309. 606. 608. versus de ternarij numeri excellentia. 501. 760. hymni. 528. 548
 Amphilocheus de vita S. Basilij. 658
 Angeli cur non redempti. 212. 213. duo vnicuique homini adhistunt. 185
 Angelos natura corporales, error quorundam. 232
 Animam hominis non esse in corpore quid

dam dicunt. 232
 Annalis historia Ludouici Pij. 325
 Ansegaudus Abrincatinæ vrbis Episc. 323
 Antichristus. 212. 215. 216. 220. 398. 401. 402. homo erit. 217
 Antonini Pij lex de repudiis. 674
 Apostolicus, Papa. 686
 Aqua die Dominico benedicenda. 711
 Aquæ calidæ vel frigidæ iudicium. 603. 604. &c. frigidæ. 609. 610. 611
 Aquense palatium. 568. 574. Aquisgrani conuentus in causa Tetbergæ. 583. Aquensis eiusdem conuentus libelli ab Hincmaro refutati. 568. 570. 573. Tomus. 575
 Arator trinam potestatem in Deo dicit. 415. 466. quo sensu. 502. trinam fidem. 499. 500
 Arausica Synodus, cui beatus Cæsarius ex delegatione sedis Apostolicæ præfedit, & capitula ab Apostolica sede directæ protulit. 48. 134. pleraque capitula ex Prosperi sententiis desumpsit. 135. 142
 Archidiaconis in parochiarum visitatione quæ potissimum curanda, & quæ cauenda. 738. 739. 740. 741
 Arioli. 655
 Arnulfus Tullensis Episcopus in coronatione Caroli calui in regno Lotarij. 744
 Aruspices. 655
 Athanasij Symbolum. 309. 437. 452. 469. 540. Sermo de fide, cuius initium est *Qui cumque vult saluus esse*, presbyteris discendus. 710. libri octo contra Arrianos. 423. de propriis personis & de vnito nomine Trinitatis. 418. liber primus, de Trinitate. 424. 481. 492. 497. 502. 505. liber secundus. 482. 492. quartus. 477. sextus. 480. 488. septimus. 445. octauus. 507. decimus. 497. 507
 Artiniacum palatium. 594
 Arto Virdunensis Episcopus in Concilio Aquensi. 575. in coronatione Caroli in regno Lotarij. 744
 Auctor libri de tenenda veritate scripturæ. 132. 212
 Augustinus Prædestinarianam hæresim non ignorauit. 11. eam refellit in libro de Prædest. sanctorum & aliis. 233. 307. priores suos libros posterioribus correxit. 99. trinam deitatem non sensit. 453 (454 prædestinatos ad interitum interdum dixit. 22. 35. postea emendauit. 86. vasa iræ & gloriæ quomodo exponat. 36. 37. dissentit ab Hilario & Hieronymo. 23
 Augustini postrema opera & obitus. 5. liber falsatus à Gothescalco. 450. 451. 452. ob-



INDEX.

614. 676. Confessio libellaris. 326. 377.
Sibi confessis an patrocina debeant Epi-
scopi. 676. 677
Confluentes. 691
Confratrum quomodo celebranda. 715
Coniugia qualiter ineunda. 586. qualiter se-
parari valeant. 588. 589. &c. confes-
sionis secretæ libello separari nequeunt.
624. 625. 676. coniugij dissoluedi diffi-
ciliior est ratio, quàm Episcopatus abro-
gandi. 579. 580. viri & femina lex ea-
dem. 579. 669. 674. ad continentiam trans-
ire coniuges, nisi ex mutuo consensu, non
possunt. 681. 682. maleficia in legiti-
mo coniugio fieri cur Deus permittat.
662. Licitum in coniugio quo pacto fiat il-
licitum, & contra. 669. 670
Crispio Episcopus. 325
Crucis Christi euacuatio. 300
Cynici philosophi. 629. Cynica hæresis. 724
Cyprianus doctor mirificus, martyr magni-
ficus. 163. dissensit à Stephano Papa. 23.
Eius liber de mortalitate. 63. 72. de la-
p-
sis. 72. de zelo & liuore. 72. Exhortatio
martyrij. 73
Cyrillus in epistola Synodica ad Nestorium.
273. ad Eulogium presbyterum. 109. ad
monachos. 273

D

DAMNATIS non examen iudicij, sed
solum sententiæ remedium præstadium.
18
Decani presbyterorum. 714. cibum benedi-
cunt. 714. quibus de rebus inquirere per
singulas Ecclesias, & ad Episcopum re-
ferre debeant. 716. Decaniarum presby-
teri Kalendis mensium conueniunt. 731.
Decanus in locum defuncti vel inutilis
quomodo eligendus. 741
Decima vnde aluntur matricularij. 717.
734
Defunctorum dies annius, saria, tricesima
tertia, septima. 713
Deus omnipotens. 67. 152. 153. 389. 390.
occulti iudicij diuina dispensatio. 84. 87.
&c. 94. 111. 112. 115. 117. Dei bonitas
nostra vult esse merita, quæ sunt ipsius do-
na. 139. præscientia in Deo rectissime di-
citur. 107. 108. Deus vult omnes saluos
fieri. 149. 150. 152. 153. 379. &c. 390.
praua Gothescalci interpretatio. 150. 386.
Malè arguunt Prædestinatiani, mutabilem
Dei fore voluntatem, si damnet quos an-
te sæcula non prædestinarat ad mortem.
373. 374
Deum saluos omnes velle docent Dionysius.
161. Cyprianus. 163. Hilarius. 154. Atha-
nasia. 170. Ambrosius. 170. Chrysosto-
mus. 174. Theophilus. 182. Hieronymus.
182. Cyrillus. 185. Augustinus. 186. Pro-
sper. 191. Cælestinus. 197. Leo. 197. Felix
Papa. 198. Beda. 201. Cassiodorus. 203

Tomus I.

Deitas vna est. 408. & seqq. 449. 450. 453.
refellitur Gothescalus, qui trinā dicebat.
413. cur trina dici non possit. 418. 419.
422. &c. In Deo lux vna, non trina. 511.
513. 514. pax vna. 513
Dionysius Areopagita. 163
Disputandum non est de rebus definitis. 433.
434. 435
Doctores interdum dissident vtrunque ca-
tholici. 23
Doctorem testimonia ad se rapiunt Prædesti-
natiani. 289. 290
Dodo Andegauensis Episcopus. 323
Dodo abbas S. Sabini. 323
Donatistæ apud se tantum Ecclesiam esse glo-
riati. 289
Donatus Grammaticus. 478
Drogo Archiepiscopus. 325
Dusij daemones Gallis dicti. 662

E

EBO Gratianopolitanus Episcopus. à ij.
quis fuerit. à ij. Flori sermonem falsauit.
è b. 28. auctor Capitulorum Valentinae
Synodi. à ij. 319. taxatur eius ordinatio.
318. 319. & quod in Synodo Valentina
iactantius nominatur. à ij b
Ebo Remensis Archiepiscopus superioris a-
uunculus. à ij. 323. 668. 740. libellus con-
fessionis eius & depositio. 324. 325. 326.
579. depositus restitutionem à Sergio Pa-
pa non obtinuit. 326
Ecclesia vna veteris & noui Testamenti, fides
ac spes eadem. 392. &c. licet disparia sint
sacramenta. 395. 396. Ecclesiae lex vna,
tamen per plures principes & Episcopos
regatur. 684. Ecclesiae communiõ per
Christi tunicam significata. 354. 355
Ecclesiae matrices seu principales, & Capellæ
his subditæ. 716. 740. vacantes in quibus
vacantes incardinantur. 733. pro Ecclesiis
viduatis exenia patronis non danda. 737.
Ecclesiae debentur prædia de Ecclesiasticis
facultatibus emptæ. 717
Edulfus rex Anglorum. 730
Egil abbas in conuentu Aquis. 574
Electi qui, & vnde dicantur. 46. 48. 54. 93.
100. 365. &c. electorum paucitas. 99. ele-
ctorum certus numerus. 371. electi ad tem-
pus. 366. 368
Electio saluandorum & saluatorum. 45. præ-
destinatio ipsa est electio. 45
Epilogus totius libri. 353. & seqq.
Episcopi quales ordinandi. 318. 319. &c.
quomodo erga reges gerere se debeant.
677. 678. &c. vice beati Petri fungun-
tur. 738. eorum iudicia per quos retractan-
da. 685. &c. coniugum iudicium ad laicos
remittunt. 594
Episcopus libellari confessione remouendus,
& in eius loco alius ordinandus. 316. ad
Synodum venire debet, vt aut discat, aut

Ecccc ij

INDEX.

creatores à Celestino perstricti. a ij. 10.
& à Prospero. 11. 12. 13. 14. liber Hypo-
gnosticon. 9. 60. 86. 124. 262
Augustini benignitas in aduersariorum scri-
ptis. a iij. labor & modestia in Conciliis A-
fricanis. ibid. b
Augustodunensis Episcopus. a iij b

B

BALTFRIDVS Baiocensis Episcopus. 323
Baptismi gratia remittuntur peccata et-
iam sequentia. 306. triplex mersio, vnum
baptisma. 492. 493. &c. scrutiniū & ordo,
fons lapideus, aut vas. 711. cum aqua di-
lutiij comparatio. 237. Baptismi perceptio
& fructus. 226. 227. &c. 238. 239. 308. 309.
&c. Baptismo redemptos perire posse con-
tra Gothescalcum. 315. 316. baptismum ab
iis qui prædestinati ad vitam non sunt,
peccatum originale non auferre, prædesti-
natorum error. 314. 369
Bartolomæus Episcopus restitutionem à Ser-
gio Papa non impetrat. 323
Barradus Episcopus. 325
Baudo abbas Orbacis. 21. 323
Beda chronicum. 5. 23. 24. 215. collectio
de libris sancti Augustini super Apostolum.
10
Bernardus abbas Floriaci. 323
Benedictus quos hymnos probavit. 436. de
monachis indisciplinatis quid sentiat. 443.
444. 554
Boëtij & Symmachi consulatus. 24. liber de
consolatione philosophiæ. 211. ad Ioan-
nem Diaconum, postea Papam. 460. 519.
De Trinitate ad Symmachum. 460. 474.
479. Contra Nestorium & Eutychem.
521
Bonoilus. 27. Synodalis conuentus apud
Bonoilum. 6
Bonus Episcopus. 325
Bosonis vxor. 676. 680. 691. 692
Bretdingus Matiscensium Episcopus. 323
Brionensis tumultus. 6

C

CELESTINVS prædestinianos aucto-
ritate Apostolica redarguit atque com-
pressit. 14. 234. 432. Synodum contra
illos in Gallia conuocari iussit. 15. 234.
Eius ad Gallos epistola cum capitulis. 133
Cæsarius Arelatensis Episcopus, Hilarij in
ordine suo successor. 142. Synodo Arau-
sicanæ ex delegatione sedis Apostolicæ
præfedit. 48. 134. 142
Caminata per cœmeteria ne fiant. 731
Capellam domi habere sine Episcopi licen-
tia fas non est. 740. Capellæ extra Eccle-
siam principalem seu matricem. 716. 740.
Vacantes sine consultu Episcopi obtineri
non possint. 715. ab Ecclesiis suis ad alias

non transferenda. 740. Capellæ parochiæ
sue omnes decipias Episcopus habeat.
740

Capitula quatuor veterum Prædestinatorum
62. 63. quatuor Gothescalci. 20. 25. qua-
tuor his opposita, ab Hincmaro ad
Synodo Carisiaca. a ij. quæ fuerint. 6 iij
b. 65. in Synodo Valentina explosa sunt.
a ij. 65. & ab Hincmaro singillatim de-
fensa. primum cap. xvi. 66. &c. secundum
cap. xxi. 118. &c. tertium cap. xxiv. 149.
&c. quartum cap. xxvii. 217. &c. capi-
tula Synodi Valentiniæ integra. 6 iij

Capitula Lingonensia eadem cum Valentiniis,
1. 2. Horum compositor passim reprehен-
ditur. 27. 28. 29. 47. 48. 50. 51. 56. 131.
132. 141. 211. 317. &c.

Capitula quatuor Prudentij. 118. alia eius-
dem septuaginta octo. 231. 232. Decem &
nouem Ioannis Scotti. a iij b. 231. 232
Capitula alia in Synodo Tullensi prolata,
2. Capitula sedecim Hincmaro à Lugdu-
nensibus imputata. a ij

Capreolus Carthagenensis Episcopus. 11
Carisiacum palatium. 21. 747
Carolus magnus Imp. a iij b. 611
Carolicæ coronatio in regno Lotharij. 745.
Hincmari ad illum epistola. 1
Cassianus taxatur à Gothescalco. 118
Catechumenorum exorcismi & orationes. 79
Characteres magici. 616
Chresimon, nota. 414
Christianus Episcopus. 325

Christus, in quantum homo, prædestinatus.
55. 81. ad infernos descendens quos li-
berarit. 216. 218. per Christum saluari om-
nes iusti tum noui tum veteris testamen-
ti. 234. 235. &c. 240. 241. 245. 392. pro
omnibus passus est, etiam pro impiis. 219.
220. &c. 299. 391. 392. non pro omni-
bus passum dixerunt Prudentius & Gothe-
scalci. 248. quibus argumentis Prædesti-
nariani id probare contendunt. 392. pro
omnibus passum docent Dionysius. 248.
Cyprianus. 249. Hilarius. 249. Athanasius.
251. Gregorius Naz. 251. Basilii. 252
Ambrosius. 253. Chrysostomus. 259. Hie-
ronymus. 263. Augustinus. 264. Prosper.
269. Cyrillus. 273. Leo. 274. Grego-
rius. 280. Beda. 282. Cassiodorus. 283.
Et si pro omnibus passus est, non omnes
tamen eius passionem sunt redempti. 284.
285. 293. 296. 404. 405. &c. eius passio
quibus non profit. 247

Circumcisio contra originale peccatum. 239.
248

Clodouei regis baptismus. 744
Compendium palatium. 747
Compotus presbytero necessarius. 712
Concubina quomodo vxor fieri possit. 670.
&c.

Confessio & absolutio peccatorum. 570.
571. confessio non publicanda. 572. 573.

INDEX.

destinationem censuerit. 34. 35. 113. quo
sensu plurali numero prædestinationes po-
fuit. 115
Gregorius iunior ad Denualdum. 600
Guntharius Coloniensis Archiepiscopus, sum-
mus Capellanus Lotarij regis. 574. Tet-
bergæ secretam confessionem excipit. 569.
in Concilio Aquisgranensi. 575
Guntarius Archidiaconus Hincmari. 21
Guntbertus Ebrocensis Episcopus. 325

H

HÆRESVM utilitas ad scrutandas scri-
pturas & dogmata. 420. hæresi semel
damnata, contra eam non amplius dispu-
tandum. 329. 435. damnati censentur qui
eam renouant. 330. 334. de iis qui hæ-
resi communicant. 332. 333
Hæretici contra conscientiam suam agunt.
154. 155. sunt Antichristi. 216. hæreticos
non saluat baptismatis aqua, sed mergit.
237. hæreticorum non omnia fugienda.
109. 110. 359. quid de prauè sentientibus
leges decernant Ecclesiasticæ. 340
Hæretici resipiscentes qualiter recipiantur.
341. libellorum in recipiendis exempla.
342. 343. qua conditione recipi debeant.
343. de his qui postea ad prauos sensus de-
uoluuntur. 344. quod resipiscentes etiam
in pristinis gradibus suscipiantur. 345
Halduinus abbas Altiullaris. 21
Heirardus Lexouienfis Episcopus. 323
Henricus abbas Corbeienfis. 323
Heriboldus Episcopus Autisiodorensis. 6 b.
27
Herimannus Niuernenfis Episcopus. 323
Hetti Archiepiscopus Treuitensis. 325
Hieronymi laus eximia. 182. dissentit ab Au-
gustino. 23. Hieronymo adscriptus liber
de induratione Pharaonis. 10
Hierusalem, gloriosa olim ciuitas, priuile-
gium perdidit. 150
Hilarius Episcopus Pictaunorum. 23. 113. an-
tiquus & venerabilis pater. 498. doctor
catholicus, qui propter excellentiam Ro-
manorum Lucifer appellatur. 164. fides di-
xit plurali numero. 458
Hilarius Episcopus Arelatenfis admirator se-
cutorque doctrinæ S. Augustini. 34
Hilarius monachus Syracusanus. 9
Hilarius Arel. in epistola ad Augustinum. 8.
22. 105
Hildebrannus Sagensis Episcopus. 322
Hildegarius Episcopus Meldensis. 450. 468.
583
Hildemannus Episcopus. 325
Hildi Episcopus. 325
Hilduinus Episcopus Auenionensis. 575
Hilmeradus Ambianensis Episc. 322
Hincmarus monachus S. Dionysij, paræcia
Parisiaca, ordinatus Episcopus in Synodo
Beluacensi. 327. de eiusdem ordinatione,

ex Synodo Sueffionensi. 322. 323. Caroli
caluum coronat in regno Lotharij. 741.
Ludouicum balbum regem. 747. Iuditham
reginam Anglorum. 750. Hermintrudem
Caroli vxorem. 752. pro circuitione paro-
chia nihil exigebat. 737. in Tetbergæ re-
pudium negat se consensisse. 568. 583.
584. 585. ternam deitatem in Ecclesia
cantari vetuit. 4. de libero arbitrio quid
sentiat. 145. Capitula quatuor Carisiaci
edit contra Gothescalcum. 65. 353. eadem
defendit & confirmat contra obtretrato-
res. 65. & seqq.

Hincmarus tribus libris respondit Synodo
Valentinæ. 4. 492. iteratò respondit hoc
opere. 4. Quod deitas trina dici non de-
beat. 413. de repudio Tetbergæ. 537. Sy-
nodica capitula. 710. Ferculi Salomonis
expositio. 756. Scheda ad Gothescal-
cum morti proximum. 553. Epistola ad
Carolus regem in priore responsione. 511.
altera in posteriore. 1. Epistolæ duæ ad
Aduentum Episcopum. 584. 585
Prosperum & Hilarium Episcopos vocat. 8.
Hypomnesticon librum tribuit Augustino.
8. Errat de Prospero, & Chronici eius ter-
mino. 24

Hincmarus Episcopus Laudunensis. 583.
584. 745

Homo rectus, & sine peccato, & cum libero
arbitrio conditus. 67. voluit Deus, vt in iu-
stitia permaneret, sed libero arbitrio cecidit.
67. 68. homo lapsus factus est massa
perditionis totius generis humani. 69. ex
hac massa elegit Deus quos per gratiam
prædestinauit ad vitam. 69

Honorius Papa. 446

Horoscopi. 655

Hospitum cura & peregrinorum. 712

Hubertus Meldensis Episcopus. 322

Hucbertus frater Tetbergæ. 575. 693

Hucbertus. 680. 681

Hydromantij. 655

Hyginus in hæreseon catalogo Prædestina-
tianos posuit cum libello ab eis compo-
sito. 6. Prædestinatianorum libellus apud
Hyginum. 30

Hymnus *Te Deum laudamus* ab Ambrosio &
Augustino in eius baptismo conditus. 225

Hymni *Sanctorum meritis*, in quo trina dei-
tas, auctor incertus. 413. 416. 436. quos
Hymnos probaret S. Benedictus. 436

Hypomnesticon liber an Augustini. 9. 10. tri-
buit illi Gothescalcus. 118. & Hincmarus
ipse passim. 8

I

IBAS Episcopus. 511.

Idololatria mater hæreseos. 418

Ignis gehennæ non succenditur. 76. 77

Immo Nouiomagensium Episcopus. 21. 322

Incantatores. 655

Ecccc iij

Tomus I.

INDEX.

doceat. a iij
 Erardus Episcopus. 325
 Erchanradus Episcopus. 325
 Erloinus Constantiæ vrbs Episcopus. 323
 Ermbertus Episcopus. 325
 Erpoinus Siluanectensium Episcopus. 21. 322
 Eulogiæ diebus Dominicis & festis benedicendæ. 711. 712. 715. eulogiæ ab Archidiaconis non exigendæ pro chrismate. 339
 Excommunicatio hoc agit in Ecclesia, quod agebat in lege veteri, vel in republica legibus nunc agit interfectio. 642
 Exenium à publicè peccantibus. 713. 739. pro sepultura. 713. 731. pro matriculæ loco. 735. pro Ecclesiis viduatis. 737
 Exorcismi catechumenorum. 711. exorcismi & benedictiones salis & aquæ. 711

F

Favo Episcopus. 325
 Fausti epistola ad Lucidum presbyterum. 16. male sensit de vltima poenitentia. 307. eius opuscula apocrypha. 307
 Felix Orgellitanæ ciuitatis Episcopus Hilarij librum falsat. ē. Synodus contra eius hæresim. a iijb. ē.
 Feminarum frequentatio clericis interdicta. 717. 718. 735
 Ferculum Salomonis, Hincmari opusculum. 755. 756
 Fides vna, non numero, sed genere. 498. quæ per dilectionem operatur sola saluat credentes. 226. 227. 228. 229. 499
 Fides terna Sedulio. 498. plurali numero vnde dicta Hilario. 498
 Fides in rebus etiam corporalibus magnum bonum. 654. 655
 Flori diaconi Lugdunensis sermo. ē. 27. integer. ē b. falsatus ab Ebone. ē b. 27. falsato vsus compilator capitulorum Synodi Valentini. 27. 28. 29. 45. 47. 49. 119
 Fodrum ad caballos. 738
 Folcoinus Morinensium Episcopus. 21
 Formatici. 739
 Franca femina. 691
 Franco Tungrensis Episcopus in conuentu Aquensi. 573. 575. in coronatione Caroli regis in regno Lotarij. 745
 Freulfus Episcopus. 325
 Frisingæ. 739
 Frontinianistæ hæretici. 633
 Frotarius Episcopus. 325
 Fulco Ebonis Remensis successor designatus. 325
 Fulgentius perstringitur. 22. 29. fautorem hunc suum aiebant Prædestinatiani. 60. Prædestinationem Dei non tantum in bono dici docuit, sed etiam in malo. 59. prædestinatos ad interitum reprobos dicebat. 22. 24. 31. 32
 Fundanius rhetor Carthaginensis. 267

G

GAUZLENVS Cancellarius. 747
 Gelasius in catalogo seu canone de libris authenticis. a iij. 22. 23
 Geldoniæ seu confratriæ. 715
 Gennadius Massiliensis presbyter valde doctus. 6. Augustini librum de hæresibus superpleuit. 6. taxatur à Gothescalco. 118
 Gernobrius Turonensium prouinciæ Episcopus. 118
 Godelsadus Cabilonensis Episcopus. 323
 Godolricus Episcopus. 325
 Gothescalcus Orbacensis pseudomonachus. 414. 552. Arrij filius. 418. Arrio pat. 468. alter Simon magus. 433. nouorum prædestinatorum primicerius, & scholæ dyscolæ caput. 21. 150. signifer & præuius huius prauæ doctrinæ resuscitator. 25. 101. 211. modernus Prædestinatus. 118. Testimonia doctorum detruncat, & ad suos sensus inflectit. 25. Augustini librum falsat. 96. 450. 451. & edictum Constantini Imperatoris in sexta Synodo. 450. Chrysostomum reprehendit. 118
 Gennadium taxat, & Cassianum. 118. cum pugnat. 476. Augustinus noster dicitur solitus. 530
 Geminam dicit prædestinationem. 110. 335. quod Christus non pro omnibus sit passus. 211. 248. 305. negat perire quemquam qui Christi redemptus sit sanguine. 299. 300. 315. trinam deitatem dicendam docet. 414. 438. 468. 470. personæ cuius suam tribuit deitatem. 476
 Gothescalci liber ad Rabanum. 25. 118. 149. 211. 224. 226. chartula professionis suæ ad Rabanum. 26. ad quendam complicem suum. 226. pitacium ad quendam monachum. 304. 305. Scheda, quod trina sit deitas. 415. versus ad Ratramnum. 553. tria dolia sibi parari petit. 433
 Gothescalcus damnatus in Synodo Moguntina. 20. iterum in Synodo Carisiaca, vbi honore presbyterali abiectus, virgis cæsus, & ergastulo reclusus est in Altouillari monasterio. ē iij. 21. Hincmari scheda ad Gothescalcum morti proximum. 552. 553
 Gothicum prouerbum, Capra lufca hortum videt, sepe nufquam. 501
 Graeci tres substantias dicunt pro tribus subsistentiis, id est personis. 46
 Gratia & liberum arbitrium. 120. & sequ. 156. 204. 285. quid Ecclesia catholica teneat. 374. &c.
 Gratia non adimit liberum arbitrium, sed liberat. 127. 133
 Gratia & prædestinatio quid differant. 356
 Gratia prima & secunda. 46. Gratia primi Adam & secundi discrimen. 142. 143
 Gregorius primæ & sanctæ sedis Romanæ ornatus præcipuus. 106. diffidet interdum ab Hieronymo & Augustino. 23. de vasis iræ & misericordiæ. 30. an geminam præ-

INDEX.

Matricula. 734. matricularij. 741
 Matricularij debiles & pauperes. 717. 734
 Mercurius inuentor præstigiatorum in denariis. 656
 Metis coronatur Carolus caluus in regno Lotharij. 743
 Missarum solemnia. 711. 712. Missæ fiant in altari consecrato, vel in tabula consecrata. 731. 732. in domo ne fiant sine Episcopi licentia. 740
 Modoinus Episcopus. 325
 Moguntina Synodus. 20
 Montis-Falconis monasterium. 732
 Morbertus Episcopus. 325

N

NATVRA & gratia. 130. 131
 Necestuosus. 717
 Necromantici. 655
 Nestorij hæresis. 5. Ephesi damnata. 14
 Nestorius Constantinopolitanus falsator. 6
 Nicænum Concilium mysticum. 443. 718
 Nielsa villa. 3. 231. 317
 Northildis & Agemberti coniugum discidium & iudicium. 194. 195
 Notho Archiepiscopus. 325
 Nortmannorum infestatio. 3. Christiani non erant. 691. 692
 Numerus duplex. 503
 Nutriti presbyterorum, clerici. 737

O

OBELVS & chresimon notæ oppositæ. 414
 Oblatæ quæ à populo offeruntur. 711
 Oblationes in confratriis. 715
 Obstrigilli præstigiatores. 656. qui de denariis iocantur. *ibid.*
 Odelardus Archidiaconus Hincmari. 738
 Odelingus abbas in conuentu Aquensi. 574
 Odo abbas Corbeix. 323. Episcopus Bello-uacensis. 745
 Omnes Deus vult saluos fieri, sine exceptione. 150. 151. 152
 Omnipotens. 152. 153
 Opera bona non negligenda. 103. Mala nostra solum nostra sunt, bona nostra & Dei sunt & nostra. 126
 Orbacis monasterium. 6. 11. 20. 414. abbas Bauo. 21
 Orbis terræ regiones XI. prouinciæ CXIII. 287
 Ordo baptizandi. 711. reconciliandi. 711. vngendi infirmos. 711. ordo & preces in exequiis atque agendis defunctorum. 711
 Origenis vesania de redemptione demonum. 213. 214
 Originale peccatum negant Prædestinatiani iis remitti qui non sunt prædestinati ad vitam. 30
 Otgarius Archiepiscopus. 325

P

PARATÆ. 738
 Pardulus Laudunensium Episcopus. 21. 322
 Parochiæ rusticanæ. 732. Archidiaconis commissæ. 738
 Passio Christi pro omnibus, licet ea non omnes redempti. 284. 285. quid generaliter omnibus contulerit, etiam impiis. 397. 398
 Pasti & comessationes confratriarum. 715
 Patrocinia Ecclesiastica & protectiones quatenus fieri debeant. 676. 677. &c.
 Patropassiani Sabelliani. 415. 416
 Pauli locus de vasis in honorem & in contumeliam. 29. 30. &c. 36. 163
 Paulinus Aquileiensis contra Felicem. 473. venerandæ memoriæ. a. iij. b
 Paulini ad Faustum epistola. 307
 Peccata non puniuntur quæ commissurus erat homo si videret. 63. 64
 Pelagius Papa quo sensu trinam vnitatem dixerit. 454
 Periurium cauendum. 595. 596
 Perseuerantia non est in hominis potestate, sed Dei. 74
 Personæ in Trinitate quomodo intelligendæ contra Gothescalcum. 518. 519. & seqq.
 Personarum acceptor non est Deus. 92
 Petro adhibita est Pauli societas, & ambo Ecclesiam Romanam consecrauerunt. 151
 Petri Itinerarium. 617
 Petrus Episcopus Aretinus. 450
 Pharaonis induratio. 38. 39. 43. 44. 80
 Pœnitentiam omnis peccatoris Deus acceptat. 97. 153. 173. 178. qui agere fugit, in perditionem se demergit. 97. 98
 Pœnitentia publicis peccatoribus agenda, & quæ de his curanda sint presbyteris. 730
 731. quæ pœnitentia Episcopali iudicio decerni soleat grauissimis fornicationibus. 640. 641. Pœnitentibus feria quinta ante Pascha Romæ fit remissio. 666. Pœnitentes pro munere aliquo ad reconciliationem non adducendi. 740. Post pœnitentiam relapsi, ad Episcopum deferendi. 740
 Pontificalia gesta. 326
 Prædestinatiana hæresis quando orta. 5. in hæresum catalogo posita à Gennadio & Hygino. 6. in Africa & in Gallia cœpit. 7. Augustino innotuit, etsi nomen illi quod postea accepit non indidit. 15. ab Episcopis Galliæ damnata in Synodo. 15
 Prædestinatarum veterum quæ placita, & quid in his varient moderni. 62. 63. 64. 65. 103. Prædestinatiani noui, diuersi ordinis & habitus, nec ad decimum numerum peruenerunt. 288. in tribus tantum prouinciis. 289. refelluntur circa saluandos & non saluandos. 205. 206. &c. de perceptione baptismi quid sentiant. 304.
 Eeeee iij

INDEX.

Infernales pœnæ quid secundum Scottigenam. 232
 Ioannes Episcopus. 325
 Ioannes Chrysostomus os aureum dignissime appellatus. 174. cuius testimonii sedes Apostolica & S. Augustinus multoties utuntur. 74. 174. 222. à Gothescalco reprehensus. 75
 Ioannes diaconus Romanus, postea Episcopus, persecutione Theodorici martyr. 460
 Ioannes Scottigena capitulorum XIX. auctor. 231. 232
 Ionas Episcopus. 325. Aurelianensis Episcopus, in Synodo Sueffonica. 323. apud Theodonis villam pro omnibus subscripsit. 324. 326
 Isaac diaconus Parduli, post Lingonensis Episcopus. 21
 Isidorus Hispalensis Episcopus, vir doctus & legentibus in multis proficiuus. 33. ex reliquiis Gallorum. 33. geminam dixit prædestinationem. 33. regulas ex Ticonio excerptit. 233
 Iudæ exemplum. 95. 96. 158. &c. 365. 366.
 Iudas an particeps cœnæ Dominicæ. 245.
 246. 292. Iudæ scelus qui non caueant. 561.
 647. 734. 735
 Iudicum partes quæ. 563. iudicare de abditis non licet. 573. iudicium quo pacto ordinandum. 620. 621. 622. iudicia Episcoporum per quos retractentur. 686
 Iudicium examinationis. 599. per iuramentum seu sacramentum. 600. 601. 602. per aquam calidam aut frigidam. 603. in iudicio fraus operatione diaboli. 617
 Iuramenti purgatio. 600. 601. 602. sacramenti purgatio. 619. Iuramentum incautum negligere licet, ne in grauius crimen incurratur. 651

L

LANDRANVS Archiepiscopus. 325
 Launus Equolefinæ ciuit. Episcopus. 323
 Leo Papa vir religiosissimus atque doctissimus, & facundia honestissimæ eloquentiæ valdè profusus. 196. maximo rugitu de urbe Roma intonat. 722
 Leucorum ciuitas. 353
 Libellorum satisfactionis hæreticorum exempla. 342. 343. Libellus confessionis Tetbergæ ab Hincmaro examinatur. 575. 577
 Libellus conuentus Aquensis. 568. Libellus alter eiusdem conuentus. 573
 Liberatus Archidiaconus Carthaginensis, eiusque Breuiarium. 288
 Liberi arbitrij creatus homo, libero arbitrio cecidit. 67. liberum arbitrium homo non in totum perdidit sed infirmauit. 119. libertatem arbitrij in primo homine perdidimus. 119. 120. per Christum recepimus. 119. 120. Liberum arbitrium habemus ad bonum, præuentum & adiutum gratia, ad

malum, desertum gratia. 120. 121. liberi arbitrij, & vulnerati semiuui comparatio. 127. 128. cum oue perditâ. 137. 204
 Liberum habemus arbitrium, quia gratia liberatum, & gratia de corrupto sanatum. 120. 122. &c.
 Liberi arbitrij in Adam & nostri discrimen. 143. 144
 Liberi arbitrij nostri plena sanitas, in spe nunc, post in re futura. 144
 Liberum arbitrium in homine nihil esse dixerunt veteres Prædestinatiani. 118. & tale in hominibus plasari à Deo, quale est dæmonum. 63. 118
 Ligaturæ atque remedia, quæ medicorum quoque disciplina condemnat. 618. ligaturæ execrabilium remediorum. 656
 Lotharius Imp. à ij. & iij. b. 3
 Lotharius rex Tetbergam vxorem accusat in conuentu Aquensi. 568. Lotharij & vxoris discidium. 644. 666. &c. 683. 685.
 Lotharius Bosonis vxorem retinet. 691
 Lucidi presbyteri Prædestinatianam hæresim eiurantis epistola seu libellus ad Synodum Arelatensem. 17. 34
 Ludouicus Pius Imp. à Stephano Papa Remis coronatus, à Clodoueo rege ortus per S. Arnulfum. 744. Northildis ad eum proclamatio de Agemberto marito. 596.
 597
 Ludouici Balbi regis coronatio. 747
 Lugdunensis scriptoris, qui contra Hincmarum de tenenda veritate scripturæ librum edidit, acerba reprehensio. 132
 Lupus Catalaunensium Episcopus. 21. 322
 Lupus Abbas Ferrariensis. 323

M

MACARIUS Antiochenus in sexta Synodo conuictus falsasse testimonia Catholicorum. 6. 29. 413. ob eam rem depositus. 448
 Magi qui vulgò malefici. 655
 Magicæ artes ab Angelis malis. 655. variillarum genera. 655. 656
 Mala fama per iusiurandum purganda. 722
 723
 Malefici inuestigandi & puniendi. 663. 664. 665
 Maleficiorum inter coniuges varia genera & exempla. 653. 654. Maleficio liberata puella per S. Basilium. 658. 659. 660. &c.
 Malum in scriptura non solum peccatum, sed & peccantis supplicium. 56. 57
 Manus habens bunnaria duodecim. 716.
 mansi ingenuiles & seruiles. 716
 Mariæ Virginis conceptio & partus. 631
 Maria peccatrix, de qua septem eiecta dæmonia. 656. 657
 Massa perditionis. 69. in massa perditionis relictâ. 70. &c. 86. 87. 93. 285. 362. 363.
 370

INDEX.

- Ragenarius Ambianensium Episcopus. 21. 325
 Ragnoardus Archiepiscopus. 325
 Ratbertus abbas Corbeia. 21
 Ratoldus Episcopus. 325
 Ratramnus monachus Corbeiensis deitatem trinam dici oportere contendit. 413. 438.
 Hilarij & Augustini testimonia detruncat. 413. Ratramni libelli duo, quod reprobi prædestinentur ad mortem. 26. Liber ad Hildegarium Meldensem Episcopum, quod trina sit deitas. 413. 450
 Regulæ septem à Lugdunensibus prolatae exploduntur. 233
 Remensis & Treuirensis Ecclesia sorores. 743. Remense monasterium, ubi requiescit Sanctus Remigius. à iij. Remensis Ecclesiæ archium. 6
 Remigius Archiepiscopus Lugdunensis. 1. 2. 320
 Reprobis pœna constituta. 71. 73. 75. 89. pœna perituris prædestinata. 89. non ad pœnam prædestinati, sed in massa vel in iniquitatibus suis iusto iudicio relictæ. 79
 Rex peccans increpationi & iudicio subiacer. 694. 695. 696. Episcoporum erga reges, & regum erga Episcopos. 697. 698. &c. Regis promissio quando coronatur. 747. Coronæ impositio. 748. sceptri traditio. 749
 Rigboldus Remorum Chorepiscopus. 21. 323
 Rodoaldus Archidiaconus Remensis. 21
 Roma orbis caput. 287. 724. Romana Ecclesia prima in toto orbe omnium Ecclesiarum mater & magistra. 150. 154. 370. apex Ecclesiarum. à iij b. principatum omnium ciuitatum meruit non per homines, sed per Christum. 151. glorificata est magni Petri principis Apostolorum præsentia. 150. Apostolica sedes superexaltata Petri confessione, & Pauli ornata prædicatione. 511. Romana Ecclesia de rebus fidei consulenda. 562. pijs & catholicis debet sufficere quod Romana Ecclesia docet. 152. Romanæ Ecclesiæ auctoritas sequenda. 24. 561. Synodus contra Felicem ad Romanam Ecclesiam velut ad apicem Ecclesiarum transmissa. à iij b.
 Rothadus Sueffonicæ ciuit. Episcopus. 21. 322. 325
 Rotomagensis Episcopium. 3. 131
- S
- SABELLIANA hæresis. 415. 417. 484. 510. 533
 Sabelliani patropassiani. 415. 416. 504
 Sacramentum altaris non verum corpus & sanguinem Domini esse, sed tantum memoriam, qui docerent. 232
 Saluos Deus vult omnes fieri. 149. 150. 152. 153. cur non omnes saluentur. 153. 154.
- &c. 189
 Saponarias villa. 2
 Saul & Iudas. 365. 368
 Scripturarum sensus quomodo querendus. 302. Locorum, quibus abuti solent Gothescalcani, explanatio. 29. 42. 43. 365
 Sedulius poeta. 417. 498. 502. 505
 Sepulcra non violanda. 731. Sepulturæ causa nihil exigendum. 713. 731. hereditario iure non arroganda, sed arbitrio sacerdotis. 731
 Simoniacum est pœnitentem ad reconciliationem pro munere aliquo adducere. 740. Clericos pro munere aliquo ad ordinationem introducere. 740. 741
 Sifagutus Episcopus. 325
 Sodomitica peccata. 627. 628. 629. 630. 631
 Sophronius Hierosolymitanus, de vna deitate. 449. 504
 Sortilegi, qui per sanctorum sortes diuinationis scientiam profitentur. 655
 Superuentæ in lanificiis feminarum. 656
 Synodus Africana. à ij. 132. 133. pseudosynodus Ariminensis. 428. Synodus Arausiana. à ij. 48. 134. Beluacensis. 327. in Carisiaco palatio. 21. Gallicana, id est Arelatensis. 343. Moguntina. 20. Nicæna mystica. 443. 718. Palæstina. 141. 142. Remensis Hincmari. 732. apud Saponarias. 2. apud Leucorum ciuitatem. 353. Sueffionensis quinque prouinciarum. 323. 452. apud Theodonis villam. 325. Valentina prior. 326. 622. Valentina posterior. 3. 65
 Synodi sex generales. 499. Quinta sub Iustiano. 428. Sexta sub iuniore Constantino. 446
- T
- TABULA de marmore, vel nigra petra, aut delitio, ad Missam celebrandam. 732
 Tabula, mensa. 714
 Teotgaudus Archiepiscopus. Treuirensis. 574. 575
 Testes in iudicio adhibendi. 640. 641. 721
 Tetberga vxor Lotharij regis, de stupro accusata vicario eius incocto exeunte absoluitur. 568. 614. 615. iterum à rege delata per secretam confessionem scelus agnoscit in conuentu Aquensi. 568. 569. à regis consortio remouenda iudicatur. 574. publicæ pœnitentiæ addicenda decernitur. 577. 578. Quod per secretam confessionem iudicari non potuerit. 579. 580. 624. 625. nec concipere tali modo potuisse, nec virginem post abortum manere. 626. & seqq. accersendum esse qui vim intulit. 633. 634. &c.
 Teudericus Camaracensium Episcopus. 21. 322. 325
 Teutbertus Episcopus. 325


INDEX.

ad interitum prædestinati reprobos docent. 357. damnari aliquos secundum quod præsciti erant futuri. 307. 357. patrum testimonia ad se trahunt. 289. Prædestinatiani noui in veteribus prædamnati. 18. 329. Prædestinatiani Africani. 99. Prædestinatio sanctorum quid sit. 47. 99. 100. 361. & seqq. vna est. 77. 110. 111. semper in bono est. 62. 117. prædestinatio ad malum exploditur. 59. Prædestinatione Dei nemo perit. 73. 102. prædestinatio aut ad donum pertinet gratiæ qua liberantur electi, aut ad retributionem iustitiæ qua puniuntur iniusti. 49. 62. 69. 70. 86. non est sine præscientia. 69. 70. 71. Prædestinatio & præscientia. 69. 81. 107. 108. 109. 356. 357. prædestinationis & gratiæ discrimen. 356. Prædestinationem omnia, siue ad bonum siue ad malum, in hominibus operari dixerunt veteres Prædestinatiani. 118. Prædestinatio gemina Isidoro. 53. indifferenter interdum dicta Augustino. 22. 35. gemina Gothescalci prædestinatio refellitur. 106. quo sensu dici queat. 110. 111. 113. 359. 360. prædestinationes plurali numero apud Gregorium quomodo intelligendæ. 115. Prædestinatorum numerus. 101. 102. an certus. 106. 107. prædestinatos à non prædestinatis discernere non valemus. 101. 421. nec de nobis præsumere. 105. Prædestinatus homo non est, nec ad peccati, nec ad mortis malum. 37. 58. prædestinati non sunt homines ad pœnam. 76. 79. Prædestinatos à Deo reprobos ad interitum dici non debet, sed pœnam reprobis prædestinatam. 22. 54. 55. 56. 83. 86. 96. 366. 367. Præscientia in Deo propriè non est, rectissime tamen dicitur. 106. 107. præscientia Dei sine prædestinatione esse potest. 372. præscientia Dei nemo perit. 357. reprobi præsciti non prædestinati, qui saluantur præsciti & prædestinati. 372. Præstigiatores, obstrigilli. 656. Presbyteri in qua villa, aut cuius Sancti sint honore prætitulati. 716. presbyteri parochiarum, canonici in monasteriis simul esse non possunt. 732. 733. Feminarum illicitum accessum caueant. 718. 795. quomodo inquirendus & puniendus sit, vel purgandus. 718. &c. De crimine confessi vel conuicti deponendi. 724. & seqq. alodes de facultatibus Ecclesiæ ne comparent. 717. 736. sacra ministeria ne dent ad wadium. 713. tabernas ne adeant. 718. facultates Ecclesiæ ne dissipent. 717. curam gerant hospitum & peregrinorum. 712. 737. Presbyteri quæ præcipuè discere debeant. 710. 712. nullum in Ecclesia sine Episcopi consensu sepeliant. 313. pro sepultura ni-

hil exigant, sed congruam cuique prouideant. 713. 731. à pœnitentibus vel publice peccantibus, quo eis faueant, munera ne accipiant. 713. curent ut publici peccatores pœnitentiam agant. 730. 731. quomodo in conuiuiis defunctorum gere se debeant. 713. 714. quid cauendum quando per calendas inter se conueniunt. 714. communionem per se & non per quemlibet tradat, nec cuiquam der laico ad deferendum infirmis. 716. Presbytero defuncto nemo illius Ecclesiæ obtineat sine consensu Episcopi. 715. Presbyteri de Ecclesiis ad Ecclesias translati. 733. vacantibus Ecclesiis incardinati. 733. Principes Deum super se, qui illos iudicabit, cogitare debent. 638. 639. ad Episcopos referre, quæ ad fidem spectant. 1. Priscianus. 466. Prosper vir eruditissimus atque religiosissimus. 191. Legatus Romanæ Ecclesiæ, fidelis interpret Augustini. 22. 24. ex delegatione sedis Apostolicæ objectionibus respondit. 249. 432. 442. trinam maiestatem in Deo quomodo dixit. 465. 466. 502. alias vnam. 467. Prosperi liber promissionum & prædictionum. 501. De vocatione gentium. 55. 57. 58. 140. 191. 269. De prouidentia. 381. Chronicum. 5. 24. Prouerbum antiquum. 415. Gothicum. 503. Prouinciæ Italiæ xvii. Galliarum xvi. Africa sex, Hispaniæ septem, Illyrici xix. Thraciæ sex, Asiæ xii. Orientis x. Ponti octo, Egypti sex, Britanniarum quinque. 288. Prudentius Episcopus Tricassinus in Synodo Sueffonica. 322. prædestinari ad mortem dixit. 43. quod Deus non velit omnes saluari. 149. quod Christus non pro omnibus sit passus. 211. 248. Capitulis Synodi Carisiacæ subscripsit, postea aliter scripsit. 119. 204. Prudentij epistola ad Wenilonem de ordinatione Aneæ Episcopi. 6. 118. 149. 211. Recapitulatio capitulum lxxvii. 231. Libellus ad quosdam fratres, ante epistolam scriptus. 291. refellitur. 292. Prudentius poëta. 411. trinam potestatem in Deo dixit. 466. 502. nomen triplex. 466. trinum specimen. 466. Pyxis, ubi congruè possit recondi sacra oblatio ad viaticum infirmis. 655. Pythonissa ventriloquæ. 655.

R

RABANI Moguntini epistola ad Hincmarum de Gothescalco. 20. Gothescalci ad Rabanum liber. 25. 118. 149. chartula professionis ad eundem. 26. Raganarius Episcopus. 325.




INDEX.

Teutboldus Lingonicæ ciuit. Episcopus 21.	323	Tritheia, seu trinæ deitatis larratores. 505
Teutgandus Episcopus.	325	Tritheoriam malè exponit Gothescalcus tri-
Teutmundus Episcopus.	325	nam deitatem. 474. 475
Theodoricus rex Arrianus.	460	Tullense territorium.
Theodorus Episcopus in quinta Synodo de-	448	
positus, vt falsator.	448	
Theodorus Archiepiscopus ad Anglos mis-	323	
sus.	323	
Theodosiana lex.	323	
Theodulfus orthodoxus & insignis poëta.	602	
Theophilus Alexandrinus.	182. 213. 214	
Ticonij regulæ.	233	
Timotheana hæresis.	6	
Translationes ab Ecclesiis ad Ecclesias.	733	
Trinitas quasi triunitas. 471. Trinitatis vna		
essentia, & vna substantia, tres personæ		
470. 471. Arrius tres deitates in Trinitate		
dogmatizauit 468. vna trium persona-		
rum diuinitas, non suâ cuique 485. 489.		
&c. vna voluntas, vna gloria. vna opera		
tio, vna maiestas. 500. 501. 502. vna		
Trinitati debetur adoratio, gloria, gra-		
tiarum actio, & non separata. 332. 335. &c.		
Trinitatis vnitas explicata. 453. 454. &c. v-		
que ad 465. 479. 480. &c. 505. 527. &		
segg. vsque 541. &c.		
Trini & terni discrimen.	503. 504. 506	
Trina deitas an pluralis numeri. 478. 479.		
Trina vel trinitas numerum habet.	419	
Trinam vnitatem, sicut & ternam deitatem		
dici non placuit.	455	
Trina maiestas, potestas, pietas, in Deo qui		
dicant 466. 500. trinum specimen. 466.		
trinum nomen.	500	
		V
		V A S A ira & misericordiæ. 18. 92. 363.
		386
		Vermeria palatium. 511
		Victorinus Rhetor ad Candidum Arrianum.
		474
		Vita. Cæsarum, liber. 693
		Vocationis diuinæ dispensatio. 87. 88
		Voluntate sua cadit qui cadit, & voluntate
		Dei stat qui stat. 131
		Vrficinus Damasi hostis. 416
		Walocharius Episcopus. 325
		Wenilo cum Ragenario patre suo in Synodo
		Carissaca. 21. Rotomagensis Archiepisco-
		pus. 568. 575. 583
		Wenilo Sennenfium Archiepiscopus. 21. 322
		Wiladus Episcopus. 325
		Witaus Camaracensium Chorepiscopus. 21
		Wlfinus Episcopus. 325
		Wormatiense placitum Ludouici Pij. 590
		X
		X E N I V M. 734. pro quo exenium supral
		Y
		Y R M I N E R I D V S Beluacensium Episco-
		pus. 21. 322

FINIS.





01/02 1679R



